

bus, quæ scripta fuerunt, exemplaribus prologus ex A 437, 438 et 439, de verbo ad verbum transtulit in Pannormia additus fuit, qui proinde in Victorino antiquissimo exemplo, non in fronte, sed in fine Decreti velut addititius describitur.

9. Præcipuus fons ex quo Ivo canopes derivavit, fuit collectio Isidoriana. Usus est etiam aliquando Reginonis compilatione, ex qua inter cætera, exemplaria litterarum formatarum ab eo relata lib. 1, n.

Decretum part. vi, c. 433, 434 et 435. Pleraque vero ex Burchardo sumpsit. Alia non pauca et ipse inseruit, uti sunt ex. gr. quæ parte secunda Decreti describuntur adversus Berengarii errores, et quæ part. xvi referuntur ex Jure Romano et ex Capitularibus regum Francorum.

DIVI IVONIS PROLOGUS

IN DECRETUM A SE CONCINNATUM, ET PARTIBUS SEU LIBRIS SEPTEM AC DECEM
DIGESTUM.

I Excerptiones ecclesiasticarum regularum partim ex epistolis Romanorum pontificum, partim ex Gestis conciliorum catholicorum episcoporum, partim ex tractatibus orthodoxorum Patrum, partim ex institutionibus catholicorum regum, nonnullo labore in unum corpus [opus] adunare curavi : ut qui scripta illa, ex quibus ista excerpta sunt ad manum habere non poterit, hinc saltem accipiat quod ad commodum causæ suæ valere perspexerit. A fundamento itaque Christianæ religionis, id est fide inchoantes, sic ea quæ ad sacramenta ecclesiastica, sic ea quæ ad instruendos [instituendos] vel corrigendos mores, sic ea quæ ad quæque negotia discutienda vel definienda pertinent, sub generalibus titulis distincta congegimus, ut non sit quærenti necesse totum volumen evolvere, sed tantum titulum generalem suæ quæstioni congruentem notare et ei subjecta capitula sine interpolatione transcurrere. In quo prudentem lectorem præmonere congruum duximus ut, si forte quæ legerit, non ad plenum intellexerit, vel sibi invicem adversari existimaverit, non statim reprehendat ; sed quid secundum rigorem, quid secundum moderationem, quid secundum iudicium, quid secundum misericordiam dicatur, diligenter attendat : quæ inter se dissentire non sentiebat, qui dicebat : *Misericordiam et iudicium cantabo tibi, Domine (Psal. c)* ; et alibi : *Universæ viæ Domini, misericordia et veritas (Psal. xxiv)*. Habet enim omnis ecclesiastica disciplina principaliter hanc intentionem, vel omnem ædificationem adversus scientiam Christi se erigentem destruere : vel ædificationem Dei, fidei veritate, et morum honestate constantem construere ; vel eandem si contaminata fuerit, penitentia remediis emundare. Hujus ædificationis magistra est charitas, quæ saluti proximorum consulens, id præcipit aliis fieri quod sibi quisque vult ab aliis impendi. Quicumque ergo ecclesiasticus doctor ecclesiasticas regulas ita interpretatur aut moderatur, ut ad regnum charitatis cuncta quæ docuerit vel exposuerit, referat, nec peccat, nec errat : cum saluti proximorum consulens, ad finem sacris institutionibus debitum pervenire intendat. Unde dicit beatus Augustinus de disciplina ecclesiastica tractans : « Habe charitatem, et fac quidquid vis. Si corripis, corripe cum charitate. Si parcis, parce cum charitate. » Sed in his adhibenda est summa diligentia, et mundandus oculus cordis, quatenus in puniendo, vel parcendo, sanandis moribus charitas sincera subveniat, et nemo ibi venalium medicorum more, quod suum est quærat et prophetiam illam reprehensionem incurrat : *Mortificabant animas quæ non moriebantur, et vivificabant animas quæ non vivebant (Ezech. xiii)*. Sicut enim ratio corporalis medicinæ vel depellere morbos, vel curare vulnera salutem servare, vel augere intendit ; nec medicus contrarius sibi videtur esse, cum pro qualitate vel quantitate ægritudinis, vel ægrotantis, nunc mordentia, nunc mollientia ægrotanti medicamina apponit ; et nunc ferro secat, cui fomento subvenire non poterat, et e converso ei nunc subvenit fomento, quem ferro secare non audebat ; ita spirituales medici, doctores videlicet sanctæ Ecclesiæ, nec a se, nec inter se dissentiunt, cum illicita prohibent, necessaria jubent, summa suadent, venialia indulgent : cum secundum duritiam cordis delinquentium pro correctione eorum, vel cautela cæterorum severas penitentia leges imponunt ; vel cum secundum devotionem dolentium et resurgere volentium, considerata fragilitate vasis quod portant indulgentiæ malagma superponunt. Nam, qui indulgent, majoribus morbis amovendis provident ; et qui illicita prohibent, a morte deterrent : qui vero necessaria jubent, salutem cupiunt conservare ; qui autem suadent, salutem student augere. Hoc attendens diligens lector intelliget unam faciem esse eloquiorum sacrorum, cum distincte considerabit, quid sit admonitio, quid sit præceptum, quid prohibitio, quid remissio ; et hæc nec se invicem impugnare, nec a seipsis distare, sed omnibus sanitatis remedium pro sua moderatione dispensare. Sed hæc singula quid ponderis habeant, quibusve conveniant, quæ sint remissibilia, quæ irremissibilia, et

quando, vel quibus de causis sint remittenda, paulo A
lätius est distinguendum.

Et prima quidem admonitio pœnam non intentat, si quis post eam non eat, sed præmium sibi acquiescentibus pollicetur. Unde Dominus dicit in 2 Evangelio : *Si vis esse perfectus, vade, vende omnia quæ habes, et da pauperibus, et habebis thesaurum in cælo* (Matth. xix). Ecce lectio ista evangelica in voluntate hominis perfectionem ponens non cogit, non minas intentat; sicut nec illa quæ spadones laudans, qui se castraverunt propter regnum celorum, subinfert : *Qui potest capere, capiat* (ibid.). Attamen cum ad perfectionem voto se quis astrinxerit, vel gradum, quem nullus absque continentia virtute ascendere debet, ascenderit, jam sit necessarium et pœnale, si non teneatur, quod ante hanc ascensionem fuerat B
voluntarium. Unde et Dominus dicit : *Nemo mittens manum suam ad aratrum, et retro aspiciens, aptus est regno Dei* (Luc. ix). Poterat enim ante Ascensionem esse inferior, non tamen deterior; post Ascensionem vero inferior est, et deterior. Hæc de admonitione.

Indulgentia vero (quantum nobis videtur) quia meliora non eligit, remedium quidem habet, non præmium; sed ab hoc si quis declinaverit, meretur exitiale iudicium. Verbi gratia : Scimus, sicut ab Apostolo didicimus, humano generi propter vitandam fornicationem indultum esse conjugium (I Cor. vii). cuius violator meretur æternum (eodem Apostolo testante) supplicium. Dicit enim : *Fornicatores et adulteros iudicabit Deus* (Hebr. xiii). Et hic gradus, sicut de admonitione diximus, nullum cogit, nisi eum qui se ei primitus alligaverit. Voluntarius enim est, non necessarius. Alioquin transgressor esset, quicumque uxorem non duceret. Postquam vero se alligaverit, audiat Apostolum dicentem : *Alligatus es uxori? noti querere solutionem* (I Cor. vii). Idem quoque Apostolus cum de nuptiis loqueretur, non dixit, mulier si nupserit, præmium meretur; sed tantum dixit, non peccat, si nubat (ibid.). Ita quoque si quis aliquem ad quotidiana jejunia invitet, rem quidem remuneratione dignam acquiescenti et perseveranti suadet; sed qui non acquieverit, non sit seipso melior : sed licet maneat faciente inferior, non sit tamen seipso pejor. Sed si a voto ceciderit [exciderit], sit seipso inferior et C
pejor. Si vero intra metas sobrietatis et mensæ frugalis se cohibuerit, summorum præmia non assequitur; sed si ad comessationes et ebrietates prolapsus fuerit, rem reprehensione et confusione dignam fecisse perhibetur. Isti itaque duo status, unus superior, alter inferior, qui ante votum sunt voluntarii, post votum vero necessarii habent modos et institutiones suas, quæ observatæ, sicut jam dictum est, aliis remedium, aliis acquirunt præmium, non observatæ vero æternum merentur supplicium. In his itaque ante susceptionem est delibendum, post susceptionem vero perseverandum.

His ita breviter præhæcatis, de præceptione et

prohibitione aliqua nobis dicenda sunt. Præceptiones itaque et prohibitiones, aliæ sunt mobiles, aliæ immobiles. Præceptiones immobiles sunt, quas lex æterna sanxit : quæ observatæ salutem conferunt; non observatæ, eandem auferunt : Qualia sunt : *Diliges Dominum Deum tuum ex toto corde tuo, et proximum tuum sicut teipsum; et honora patrem tuum et matrem tuam* (Deut. vi; Levit. xix; Exod. xx); et si qua sunt his similia. Mobiles vero sunt, quas lex æterna non sanxit, sed posteriorum diligentia ratione utilitatis invenit non ad salutem principaliter obtinendam, sed ad eam tutius munendam : Quale est illud Apostoli : *Hæreticum hominem post primam et secundam correptionem devota* (Tit. iii) : non quod eorum colloquium per se saluti obsesset; sed quod frequentatum ex obliquo quorundam simplicitatem corrumpere posset. Et multa reperies in canonicis institutionibus in hunc modum. Similiter immobiles prohibitiones sunt, quæ adversus vitia loquuntur; qualia sunt : *Non occides; Non mæchaberis* (Exod. xx); et cætera. Hæc sunt illa minima præcepta, de quibus Dominus dicit : *Quia qui ea solverit, et sic docuerit, in regno celorum minimus erit* (Matth. v). Qui vero observaverit, non statim regno Dei dignus erit, quia inchoantia sunt hæc, non perficientia. Sunt alia interdicta, in quibus si interdicta non fuissent, nec mors operaretur, nec salus periclitaretur. Sed ad hoc ea sanctorum Patrum auctoritas reverenda ita decrevit, ut et præsentibus non obsesset, et compe-
scendis majoribus malis vel cavendis, charitas sincera provideret : quale est illud : Clericus post actam de crimine dampnali [dampnabili] pœnitentiam, clericus non maneat, vel ad clericatum non accedat. Quod, ut ait beatus Augustinus (Dist. 50, c. ut constituentur), dictum est rigore disciplinæ, non desperatione indulgentiæ. Alioquin contra claves Ecclesiæ disputaretur, de quibus dictum est : *Quæ solveritis in terra, soluta erunt et in cælo* (Matth. xvi). Sed, ne forsitan spe honoris ecclesiastici animus intumescens superbe ageret pœnitentiam, severissime placuit ut post actam pœnitentiam nemo fiat clericus, vel maneat clericus. Quæ posteriorum non est supervacua putanda diligentia; qui ubi salutis nihil detrahebatur, humilitati aliquid addiderunt, quo salus tutius muniretur, experti credo aliquorum fictas pœnitentias, per affectatas honorum potentias. Cogunt enim multas inveniri medicinas multorum experimenta morborum. Tale est et illud in Evangelio : *Sit sermo vester, est, est, non, non, quod autem amplius est, a malo est* (Matth. vi), non jurantis, sed jurare cogentis. Non quod malum sit in contractibus humanis ex necessitate jurare; sed quod longius sit a perjurio, qui nunquam jurat, quam ille qui qualicumque occasione jurat. Nam et de Domino dicitur : *Juravit Dominus* (Psal. cxv). Et Apostolus dicit : *Omnis controversiæ eorum finis est juramentum* (Hebr. vi). Et idem Apostolus jurans ita dicit : *Est veritas Christi in me* (I Cor. xi). Et

alibi : *Quotidie morior per vestram gratiam, fratres* (I Cor. xv). In his igitur, in quibus observatis salus acquiritur vel in quibus neglectis mors indubitata consequitur, nulla est admittenda dispensatio; sed ita sunt omnia mandata, vel interdicta servanda, sicut sunt æterna lege sancita. In his vero quæ propter rigorem disciplinæ, vel muniendam salutem, posteriorum sanxit diligentia, si honesta vel utilis sequatur compensatio, potest præcedere auctoritate præsentium diligenter deliberata dispensatio. Multa enim talia in evangelicâ historia, in Actibus apostolorum, in Gestis conciliorum et contigisse legimus, et postmodum apostolicorum virorum auctoritate roborata cognovimus. Assumamus itaque primum exemplum de Evangelio. Dominus quippe mittens discipulos ad prædicandum, interdixit eis et peram et sacculum (Luc. x). Et quia vita Domini Jesu in terris disciplina est morum, instante tempore passionis suæ et peram reddit et sacculum (Luc. xxii): in seipso primo dans exemplum, quod in hujusmodi traditionibus necessitati temporis sit cedendum. Similiter Paulus, cum per Corinthios se transiturum promisisset in Macedoniam (Act. xx), et præsensisset hoc eis minime profuturum, **3** mutavit dispositionem suam, non tamen sententiam. Unde se ita excusat dicens : *Cum ergo hoc voluissem, nunquid levitate usus sum? aut quod cogito, secundum carnem cogito ut sit apud me, est, et non? (II Cor. i.)* Non enim sententiam suam se mutasse intelligebat, qui in veniendo ad eos, et non veniendo, salutem eorum quærebat. Unde et in sequentibus dicit : *Ego autem testem Deum invoco in animam meam, quod parcens vobis ultra non veni Corinthum.* Secundum carnem quoque dispositionem suam se mutasse non putabat, quoniam qui secundum carnem cogitat, tunc non implet quod disponit, quando personis majoribus defert, aut certe lucris, aut apparatus vincitur. Spirituâlis autem tunc dispositum non implet, quando consultius aliquid pro salute eorum quibus prodesse vult, providet. Per apostolos etiam communi sententia Hierosolymis confirmatum est, et per Paulum et Barnabam fratribus per Asiam destinatum, ne quisquam ad fidem veniens, circumcisioni legis haberetur obnoxius (Act. xv). Ipse etiam Apostolus ad Galatas scribens (Galat. v), ita dicit : *Si circumcidamini, Christus vobis nihil proderit (Galat. ii).* Et idem Paulus cum Petro restitisset in faciem (Act. xvi), quod simulationi quorundam Judæorum consensusset, qui circumcisionem saluti putabant esse necessariam, tamen necessitati temporis cedens, Timotheum Lystris circumcidit, ut scandalum Judæorum ibi commorantium devitaret, ostendens actu quod alibi de se testatur : *Factus sum Judæis tanquam Judæus, ut Judæos lucrifacere (I Cor. ix).* Quod dixisse intelligendum est, non astu mentientis, sed affectu compatiens : cuique ita cupiens subvenire, quemadmodum sibi subveniri voluisset, si ita affectus esset. Multa quoque principes Ecclesiarum pro

A tenore canonum districtius judicant, multa pro temporum necessitate tolerant, multa pro personarum utilitate, vel strage populorum vitanda dispensant. Multa etiam a sanctis Patribus imminuta Scripturarum testimoniis comprobantur. Sicut sanctæ Romanæ Ecclesiæ sanctus pontifex Leo neophytos ad summum sacerdotium permisit ascendere, quos Paulus publica prædicatione ab eodem officio studuit remove (I Tim. iii). Sicut etiam Arianos, postquam conversi fuerunt, legimus in suis officiis fuisse susceptos. Inde etiam prætaxatus papa Leo de stabilitate non mutandorum, et discretione temperandorum, ita scribit Rustico episcopo Narbonensi : « Sicut quædam sunt, quæ nulla ratione possunt convelli, ita multa sunt quæ aut pro necessitate temporum, aut pro consideratione ætatum oportet temperari : illa semper consideratione servata, ut in his quæ dubia fuerint, aut obscura, id noverimus sequendum, quod nec præceptis evangelicis contrarium, nec decretis sanctorum Patrum invenitur adversum. » Unde et Augustinus in epistola ad Bonifacium : « In hujusmodi causis ubi per graves disensionum scissuras non hujus aut illius hominis est periculum, sed populorum strages jacent, detrahendum est aliquid severitati, ut majoribus malis sanandis, charitas sincera subveniat. » Idem in eadem adversus hæreticos : « Si, inquit, oportet, ut nos extra Ecclesiam fuisse poeniteat, ut salvi esse possimus, quomodo post istam poenitentiam apud vos clerici, vel etiam episcopi, permanemus? Hoc non fieret, quoniam revera (quod fatendum est) fieri non deberet, nisi pacis ipsius compassione sanaretur. » Sed sibi hoc dicant, et multo maxime humiliter doceant, qui in tanta morte præcisionis jacent, ut isto quodam vulnere matris Catholicæ reviviscant. Cum enim præciso ramo inseritur, sit aliud vulnus in arbore, quo possit recipi ut vivat, qui sine vita radicis peribat. Sed cum receptus recipienti coaluerit, et vigor consequitur et fructus; si autem non coaluerit, ille quidem arefcit, sed vita arboris permanebit. Est enim et tale inserendi genus, ut nullo præciso ramo qui intus est, ille qui foris est inseratur : non tamen nullo, sed vel levissimo arboris vulnere. Ita ergo et isti cum ad radicem catholicam veniunt, nec eis quamvis post erroris sui poenitentiam honor clericatus aut episcopatus aufertur, si quidem aliquid tanquam in cortice arboris matris, contra integritatem severitatis. Verumtamen quia neque qui plantat, est aliquid, neque qui rigat, ad Dei misericordiam precibus fuis, coalescente insitorum pace ramorum, charitas cooperit multitudinem peccatorum. De hac eadem dispensatione corripiendorum et temperandorum dicit idem Augustinus in secundo libro contra epistolam Parmeniani, « Cum quisque fratrum et Christianorum intus in Ecclesiæ societate constitutorum in aliquo tali peccato fuerit deprehensus, ut anathemate dignus habeatur, fiat hoc ubi periculum schismatis nullum est. » Infra idem : « Quando cujusquam crimina notum est

et omnibus execrabilis apparet ut vel nullos prorsus, vel non tales habeat defensores, per quos possit schisma contingere, non dormiat severitas disciplinae. » Infra : « Neque enim potest esse salubris a multis correctio, nisi cum ille corripitur, qui non habet sociam, multitudinem. Cum vero idem morbus plurimos occupaverit, nihil aliud bonis restat, quam dolor et gemitus ut per illud signum quod Ezechielii sancto revelatur, illæsi evadere ab illorum vastatione mereantur. » Infra : « Revera cum contagio peccandi multitudinem inavaserit, divinæ disciplinae severa misericordia necessaria est nam consilia separationis et inania sunt et perniciose, atque sacrilega, quia et impia et superba fiunt et plus perturbant infirmos bonos, quam corrigant animosos malos. » Infra : Turba autem iniquorum, cum facultas est populorum promendi sermonem, generali objurgatione ferienda est, et maxime si occasionem atque opportunitatem præbuerit aliquod flagellum desuper Domini, quo eos appareat pro suis meritis vapulare. » Item in epistola ad Marcellinum : « Solco audire, in potestate esse iudicis mollire sententiam, et mitius vindicare, quam leges. » Inde Innocentius Rufo et Eusebio et cæteris episcopis Macedonibus : « Nostræ lex est Ecclesiæ, venientibus ab hæreticis, qui tamen illic baptizati sunt, per manus impositionem laicam tantum tribuere communionem, nec ex his aliquem in clericatus honorem vel exiguum subrogare. Pervideat ergo dilectio vestra hactenus talia transisse; et advertite quod utique ut dicitis, necessitas imperavit, in pace jam Ecclesias constitutas non præsumere. Sed, ut sæpe accidit, quoties a populis aut a turba peccatur, quia in omnes propter multitudinem non potest vindicari, inultum solet transire. » Idem eisdem : « Sacerdotum summa deliberatio hæc fuit, ut quos Bonosus ordinaverat, ne cum eodem remanerent, & ac fieret non mediocre scandalum, ordinati reciperentur. Vicinus, ut opinor, ambigua. » Jam ergo quod pro remedio ac necessitate temporis statutum est, constat primitus non fuisse: ac fuisse regulas veteres, quas ab apostolis, aut ab apostolicis [viris] traditas Ecclesia Romana custodit, custodiendasque mandat his qui eam audire consueverunt. Sed necessitas temporis id fieri magno opere postulabat. Ergo quod necessitas pro remedio reperit, cessante necessitate, debet utique cessare pariter quod urgebat. Quia alius est ordo legitimus, alia usurpatio, quam ad præsens fieri tempus impellit. Sed hoc canones apud Niceam constituti de Novatianis fieri permiserunt (Conc. Nic. can. 8). Prius ille canon a Patribus institutus ponendus est, ut possimus advertere, vel quid vel qualiter ab eisdem sensum sit, vel præceptum. « De his, inquit, qui nominant seipso Catharos, id est, mundos, et aliquando veniunt ad catholicam Ecclesiam, placuit sanctæ et magnæ synodo ut, accepta manus impositione, sic maneat in clero. » Simili dispensatione beatus papa Gregorius a Nestoriana hæresi revertentes in suis gradibus recipi jubet, ita scribens ad

A episcopos in Hibernia catholicæ Ecclesiæ : « Igitur veritatem nativitatis Christi quicumque a perverso errore Nestorii revertuntur, coram sancta fraternitatis vestræ congregatione fateantur, eundem Nestorium cum omnibus suis sequacibus ac reliquas hæreses anathematizantes. Venerandas quoque synodos, quas universalis Ecclesia recipit, se recipere et venerari promittant; et absque ulla dubitatione sanctitas vestra eos, servatis eis propriis ordinibus, in suo cœtu recipiat : ut dum et per sollicitudinem occulta mentis eorum discutitis, atque eos per scientiam veram recta quæ tenere debeant docetis et per mansuetudinem nullam eis contrarietatem vel difficultatem de propriis suis ordinibus facitis, eos ab antiqui hostis ore rapiatis. » Habemus simile quid ex epistola Cyrilli missa Maximo diacono Antiocheno : « Didici a diligendo mihi Paulo mouacho, quia recusat pietas tua usque hodie communionem reverendissimi episcopi Joannis amplecti, pro eo quod quidam in Antiochena Ecclesia male adhuc cum Nestorio vel sentiant, vel jam senserint quidem, sed forsitan respuerint. Probet igitur tua modestia utrum aliquando colligi nude ac irreverenter cum Nestorio sentiant, et invicem colloquantur, licet aliquando cauteriatam habuerint conscientiam: colligantur autem [melius, nunc, quia in Græco *vov*], nec acta pœnitentia super iis in quibus subrepti sunt, quamvis confiteri fortasse revereantur excessum. » Infra : « Ut autem non æstimemur amare contentionem, amplectamur episcopi reverendissimi Joannis communionem, indulgentes ei, et causa dispensationis, ejus negotium non subtilius vel districtius, sive vehementius erga se recognoscentis agatur. Dispensationis enim gratia, sicut dixi, eget negotium multum. » Ejusdem ad Gennadium presbyterum et Archimandritam : « Dispensationes (1, q. 7, c. Dispensationes) rerum nonnunquam cogunt parum quid a debito quosdam foras exire, ut majus aliquid lucrifaciant. Sicut enim ii qui mare navigant tempestate urgente, navique periclitante, anxii quædam exonerant, ut cætera salva permaneant; ita et nos cum non habemus salvandorum omnium negotiorum penitus certitudinem, despiciamus ex his quædam, ne cunctorum patiamur dispendia. » Et infra : « Et hoc scribo cognoscens quod pietas tua tristetur in sanctissimum et Dei cultorem fratrem et comministrum nostrum Proculum episcopum, eo quod admiserit Heliensium Egumini, quem quidem Ecclesiæ leges Palestinæ præpositum non noverunt. » Et infra : « Igitur ne refugiat pietas tua sanctissimi et Deo amicissimi Proculi episcopi communionem. Una enim fuit cura mihi et sanctitatis ejus, et dispensationis modus nulli sapientium displicuit. » Eadem discretionis moderatione Romani pontifices, qui translationes episcoporum, quæ districtè apostolicis et canonicis sanctionibus prohibita ante fuerant, majori Ecclesiæ utilitati consulentes fieri permisérunt. Alii etiam quosdam episcopos a prædecessoribus suis depositos, propter honestatem personarum

et necessitatem populorum in suis officiis reconciliaverunt : quorum nomina inferius adnotata reperientur. Quidam quoque Romani pontifices decreverunt, ne filii presbyterorum assumerentur ad presbyteratum ; non quod personarum acceptio apud Deum alicujus sit momenti, vel natura, quæ omnium par est genitrix, ab aliquo possit reprehendi ; vel filii pro iniquitate parentum condemnari, dicente Propheta : *Filius non portabit iniquitatem patris* (*Ezech. xviii*) ; et Apostolo : *Si Deus justificat, quis est qui condemnet ?* (*Rom. viii.*) Et beato Augustino : « Undecunque nascantur homines, si vitia parentum non sequantur, honesti et salvi erunt ; » sed ad reprimendam quorundam presbyterorum incontinentiam, vel tutius muniendam aliorum continentiam. Sed quia ex iis quasdam personas, non tantum religiosas, sed etiam Ecclesiæ Dei necessaria esse cognoverunt, decretum temperaverunt, et ita genitos, quorum conversatio in monasteriis vel religiosis Ecclesiis probata fuerit, non solum ad presbyteratum, sed etiam ad summum sacerdotium promoveri permiserunt. Et ut de nostris temporibus taceamus, sicut legitur in gestis Romanorum pontificum, Felix tertius, natione Romanus, ex patre Felice presbytero fuit a temporibus Odoacri regis usque ad tempora Theodorici regis. Item Agapitus natione Romanus, ex patre Gordiano presbytero summus pontifex fuit. Gelasius, natione Afer, ex patre Valerio episcopo sedit annos III, menses VIII, dies XVIII. Silverius natione Campanus, ex patre Ormida Romano episcopo, sedit annum I, menses V, dies XXI. Deusdedit natione Romanus ex patre Stephano subdiacono, sedit annos III, dies XXIII. Theodorus natione Græcus, ex patre Theodoro episcopo, sedit annos VI, menses V, dies XXIV. Quia vero episcoporum plurimi ex aliis civitatibus ad alias propter necessitatem seu utilitatem temporum sunt transmutati, ex subjectis manifestum est. Perigenes in Petris est ordinatus episcopus ; sed quoniam cives ejus civitatis eum suscipere noluerunt, Romanæ civitatis episcopus jussit eum inthronizari in Corintho metropoli, defuncto ejus episcopo ; eique, donec advixit, Ecclesiæ præfuit. Dosidum Seleuciæ episcopus Alexander Antiochenus episcopus in Tharsum Ciliciæ transmutavit. Reverentius ab Archis Phœnicæ in Tyrum transmutatus est. Joannes de Gordolinia, mutatus est in Prochonixum, et ei præsedet Ecclesiæ. Palladius ab Helinopoli, mutatus est in Asponam. Alexander ab alia Helinopoli, in **5** Adrianopolim mutatus est. Gregorius Nazianzenus prius civitatis Cappadociæ fuit episcopus, quæ Sasima dicitur ; deinde a beato Basilio et aliorum episcoporum consensu, in Nazianzo constitutus est. Melenus, prius Sebastie Ecclesiæ præfuit, et postea Antiochiæ præsul est constitutus. Theusebius ab Apamia Asiæ transfertur in Eudoxiopolim, quæ dudum Salabria vocabatur. Polycarpus de urbe Antapristena Mysiæ in Nicopolim Thraciæ mutatus est. Hierophilus de Trapezopoli Phrygiæ, transmutatus

A est in Platinopolim Thraciæ. Optimus ab Agadarnia Phrygiæ, in Antiochiam Pisisidæ transmutatus est. Sistuanus a Philiopoli Thraciæ mutatus est in Troadam. Plurimos etiam episcopos depositos a sede apostolica restitutos exempla subjecta declarant. Joannes Chrysostomus a duabus synodis orthodoxorum episcoporum fuit dijudicatus, sed iterum fuit restitutus. Marcellus episcopus Anchiæ Galatiæ depositus fuit, sed postmodum proprium recepit episcopatum. Asclepius dijudicatus est a synodo, Ecclesiam suam postea recepit. Lucianus episcopus Adrianopolites, damnatus a papa Julio, recepit Ecclesiam sui episcopatus. Cyrillus Hierosolymitanus episcopus depositus fuit, postea reconciliatus est Ecclesiæ suæ. Simili modo et Polyeronium ejusdem Hierosolymitanæ Ecclesiæ pontificem Sixtus papa damnavit, et iterum ipse eum reconciliavit. Innocentius papa Photium damnavit episcopum, sed ipse postea eum in proprium restituit locum Ecclesiæ suæ. Misenum episcopum a Felice papa damnatum, Gelasius papa successor illius et communicavit, et Ecclesiæ suæ restituit. Leontius dum esset presbyter, depositus fuit ; sed postea in Antiochia patriarcha exstitit. Gregorius vero quartus papa, Theodosium quem Eugenius ejus antecessor presbyterii honore privaverat, sanctæ Ecclesiæ Signinæ consecravit episcopum. Ybas quoque episcopus dijudicatus fuit, sed sancta synodus canonicè suam illi restituit Ecclesiam. Rhotadum vero episcopum sanctæ Suessionis Ecclesiæ a synodo, cui Carolus interfuit rex, condemnatum, et Sofrenum Placentinum episcopum merito reprobatum, Nicolaus papa ambos reconciliavit. Sic Johannes papa VIII Photium Neophytum, a papa Nicolao depositum, Augustorum interventu Basili, Leonis, Alexandri, in patriarchatu Constantinopolitano restituit, scribens prædictis Augustis in hæc verba : « Scripsistis nobis, dilectissimi filii, ut apostolica et compassionis viscera aperientes, omnes qui in Ecclesia quæ apud vos est correptionibus subjacent, recipiamus, pacique et unanimi studentes, ipsum dominum Photium archiepiscopum communicantem nobis, in summam sacerdotum dignitatem et honorem patriarchatus restituamus, ne diutius Ecclesia Dei in schismate et scandalo conturbata permaneat. Nos ergo petitionem vestram, ut justam et Deo placentem amplexi et opportunum tempus quod diu desideravimus, nos invenisse gavisi, misimus apocrisiarios nostros voluntatem vestram implere : quamvis pietas vestra antequam advenirent, ipsum virum præoccupaverit violenter restituere. Quod tamen et nos libenter recipimus. Et quamvis hoc faciendi potestatem habentes, non tamen ex potestate nostra eum restituere volumus, sed ex apostolicis decretis et paternis constitutionibus testimonia proferimus, non leges Ecclesiæ antiquitus datas solventes ; sed in quibus gratiarum diligentia inconvertibiliter observata, Ecclesiæ corpus evellit ac dissipat, ad utilitatem ejus omnia reducere cupientes. Synodus

et in Nicæna secundo capitulo dicit, quoniam frequenter sive ex necessitate, sive alio quolibet modo transgredi contingit homines ecclesiasticos canones. Et papa Gelasius dicit, quoniam ubi necessitas non est, inconvertibilia maneant sanctorum Patrum decreta. Et sanctissimus papa Leo in eodem spiritali præcepit dicens : Ubi necessitas non est, nullo modo violentur sanctorum Patrum statuta. Ubi vero necessitas fuerit, ad utilitatem Ecclesiæ qui potestatem habet, ea dispenset. Ex necessitate enim fit mutatio legis. Et Felix papa : Contempleri oportet, quod ubi occurrit necessitas, sæpe constitutiones Patrum transgredimur. Et Carthaginensis synodus xxxv capitulo dicit : Præcipimus ut clerici rursus in Ecclesiam recipiantur, quamvis primum in synodo depositi fuerint. Synodus etiam synodum solvit propter unitatem et pacem Ecclesiæ. Et Innocentius papa quinto capitulo dicit : Qui promoti sunt a Bonoso hæretico, recipiantur iterum, ne scandala in Ecclesia pullulent. Non solum autem pro hæresi depositis apostolica sedes hæc paci ecclesiasticæ studens, adiutorii manum porrexit ; sed et orthodoxis sacerdotibus et patriarchis ad eam confugientibus, sicut et nunc Photio fecit, usitata miseratione subvenit. Nostis enim quod magnum Athanasium Alexandrinum episcopum, et Cyrillum, et Polycronium Hierosolymitanos, et Joannem, quæ charitas vestra Chrysostomum vocat, et Flavianum, a synodo depositos apostolica sedes in pristinum honorem restituit. Si igitur qui a Donatistis et Bonoso ordinati, et a liminibus orthodoxæ Ecclesiæ a synodo plenaria sequestrati, ab alia synodo recipiuntur, et in catalogo sacerdotum habentur, ne Ecclesia diminutionem vel divisionem patiantur ; quanto magis orthodoxæ fidei viros, et immaculatæ vitæ non oportet contemnere, sed ad pristinum honorem revocare? Sicut enim apostolica sedes hæc, semel accipiens claves regni cælorum, a primo et magno pontifice Jesu per principem apostolorum Petrum, dicente ad eum : *Tibi dabo claves regni cælorum; et quodcumque ligaveris super terram, erit ligatum et in cælis; et quodcumque solveris super terram, erit solutum et in cælis*: (Matth. xviii); habet potestatem universaliter ligandi et solvendi, et secundum Jeremiam, evelendi et plantandi (Jer. i). Et propter hoc et nos ejusdem potestate principis apostolorum Petri utentes, cum omni Ecclesia nostra mandamus vobis, et sanctissimis fratribus nostris patriarchis Alexandriæ, Antiochiæ, et Hierosolymorum, et cæteris episcopis, et omni plenitudini Constantinopolitanæ Ecclesiæ, secundum petitionem vestram Photium patriarcham fratrem et consacerdotem nostrum nos in communionem recipere. Item : « Recipite eum sine excusatione; nullus excuset pro synodis contra eum peractis, nullus sanctorum prædecessorum meorum Nicolai et Adriani sententias contra eum causetur. De ipso enim subreptum est illis, nullus contra eum subscriptiones vestras occasionem schismatis habeat : omnia enim ut infecta et irrita facimus, et

quæcumque sunt contra eum in manibus principis apostolorum ponimus ; et per eum in humeris Jesu Christi agni Dei, qui tollit peccata mundi (Joan. i). » Item : « Et hoc confirmare vos volumus, ut post mortem Photii fratris nostri, nullus ex dignitate mundana ad pontificalem honorem ascendat ; sed ex presbyteris cardinalibus ejusdem Ecclesiæ, vel ex diaconibus, aut ex aliis sacerdotibus, qui sub Ecclesia Constantinopolitana consistunt. » Item : « Et quoniam nos pro pace Ecclesiæ solliciti, Photium fratrem nostrum ꝑ recipimus, sicut et Adrianus papa Tharsium, nullus computet canonicum usum. Privilegia enim paucorum communem legem non faciunt. Si quis vero tale quid amodo facere præsumpserit, sine veniâ erit. » Ita quoque cum esset antiquis regulis præfinitum, ut nullus qui esset in clero, extranearum consortium haberet mulierum ; sed earum tantum quæ omnem suspicionem excluderent, beatus papa Gregorius hunc rigorem ita modificavit clericis Anglorum, ut si qui essent extra sacros ordines constituti, qui se continere non possent, uxores sortirentur, et stipendia sua foris acciperent, intelligens leviolem esse casum, si ruentes conjugali vinculo exciperentur, quam si vago concubitu interminatæ libidinis voragine absorberentur. Sic aliæ dispensationes salubri deliberatione admixtæ, cessante necessitate, debent et ipsæ cessare ; nec est pro lege habendum quod aut utilitas suasit, aut necessitas imperavit. Unde legitur in epistola beati papæ Leonis ad episcopos Africæ : « Superest, fratres, ut concorditer salubres suscipiatis hortatus ; et nihil per contentionem agentes, sed ad omne studium devotionis unanimis divinis et apostolicis constitutionibus pareatis : et in nullo patiamini providentissima canonum decreta violari. Quæ enim hactenus certarum remisimus consideratione causarum, antiquis deinceps custodienda sunt regulis, ne quod ad tempus pia lenitate concessimus, justa post ultione plectamus. Nec tantum hoc in ecclesiasticis observandum est regulis, sed etiam in ipsis legibus. De venerandis legibus legitur Romanis. Quodcumque imperator per epistolam constituit, vel cognoscens decrevit, vel edicto præcepit, legem esse constat. Hæ sunt, quæ constitutiones appellantur. Plane ex his quædam sunt quæ personales appellantur, quæ nec ad exemplum trahuntur, quoniam nec hoc princeps vult. Nam quod alicui ob merita indulset, vel si cui pœnam irrogavit, vel si cui sine exemplum subvenit, personam non transgreditur. Possemus de hujusmodi plurimas rationes, plurima exempla colligere, sed prudenti lectori, et ei qui novit de paucis plurima intelligere, debent prædicta sufficere. Quod tamen jam monuimus, iterum monemus, ut si quis quod legerit de sanctionibus sive dispensationibus ecclesiasticis, ad charitatem, quæ est plenitudo legis, referat, non errabit, non peccabit ; et quando aliqua probabili ratione a summo rigore declinabit, charitas excusabit ; si tamen nihil contra Evangelium, nihil

contra apostolos usurpaverit. Si quæ vero sententiæ a pontifices in assertione decretorum suorum frequenter interponunt. Nam, si hoc leges sæculi continent, quanto magis divinæ? Hæc hactenus. Deinceps singularum partium titulos totius voluminis intentionem continentes breviter perstringemus, ut hinc prudens lector advertat, quid in unaquaque parte sibi necessarium quærere debeat.

DIVI IVONIS

CARNOTENSIS EPISCOPI

DECRETI PARS PRIMA

De fide et sacramento fidei, id est baptismo, et ministerio baptizandorum et baptizatorum consignandorum et consignatorum; et de observatione singulorum. Et quid conferat baptismum, quid confirmatio.

7 CAP. 1.—*Quædam in Scripturis sanctis sic esse posita, ut scirentur et crederentur; quædam sic jussa, ut observarentur; quædam prohibita, ne fierent. De speculo Augustini.*

Quis ignorat in Scripturis sanctis, id est legitimis, prophetis, evangelicis et apostolicis, auctoritate canonica præditis, quædam sic esse posita, ut tantum scirentur et crederentur: ut est, quod in principio fecit Deus cælum et terram (Gen. 1). Et quod, in principio erat verbum (Joan. 1); et quæcunque facta divina vel humana tantummodo cognoscenda narrantur. Quædam vero sic esse jussa, ut observarentur, prohibita ne fierent. Ut est: *Honora patrem et matrem*; et: *Non mæchaberis* (Exod. xx; Ephes. vi). Horum autem quæ jubendo et vetando scripta sunt, alia sunt sacramentorum velata mysteriis: quæ multa Veteris Testamenti populo illi faciendi mandata sunt; neque a populo Christiano nunc fiunt, sed tantummodo intelligenda requiruntur atque tractantur: sicut est Sabbatum ad visibilem vacationem, sicut est azyma in pane sine fermento, pascha in ovis occisione; sic tot genera sacrificiorum ciborumque vetandorum, et neomeniæ, et annuæ solemnitates, quas observant nuncusque Judæi: et illæ justificationes, quæ non ad opera justitiæ proprie pertinent, sed aliquid significare intelliguntur. Quis enim Christianus septimo anno cogitur servum reddere libertati, et si discedere ille noluerit, ejus auriculam subula pertundere ad postem, et cætera hujusmodi? Alia vero etiam nunc faciendi sunt, si faciendi præcepta sunt; nec faciendi, si prohibita, qualia sunt illa, quæ dixi: *Honora patrem et matrem*; et: *Non mæchaberis*. De his igitur quæ ita sunt posita in litteris sacris, vel jubendo, vel vetando, vel sinendo, ut etiam nunc, id est tempore Novi Testamenti ad vitam plam exer-

cendam moresque pertineant, hoc opus quod in manus sumpsit, componere aggressus sum: ut quantum me Deus adjuvat, omnia talia de canonicis libris colligam, atque, ut facile inspicere possint, in unum tanquam speculum congeram. Oportuit enim sic ea poni ab auctoribus nostris, quemadmodum posita sunt: ut præcepta narrationibus vel disputationibus propriis figurata, et figuratis propria miscerentur, dum rerum gestarum ordo servatur, aut responderetur adversis; aut qui docendi sunt instruuntur, aut occultorum inventiendi quodammodo reavertantur hi qui prompta et aperta fastidiunt.

CAP. 2.—*Quæ esse propria divinæ Trinitatis senserunt catholici tractatores. August., l. 1. De Trin. c. 4.*

(De consecrat. dist. 3, c. Omnes quos.) Omnes quos legere potui, qui ante me scripserunt de Trinitate, quæ Deus est, divinorum librorum veterum, et novorum catholici tractatores hoc intenderunt secundum Scripturas docere, quod Pater, et Filius et Spiritus sanctus, unius ejusdemque substantiæ inseparabili æqualitate divinam insinuant unitatem. Ideoque non sint tres dii, sed unus Deus. Quamvis Pater Filium genuerit et ideo Filius non sit qui Pater est; Filiusque a Patre sit genitus, et ideo Pater non sit qui Filius est; Spiritusque sanctus nec Pater sit nec Filius, sed tantummodo Patris et Filii Spiritus et Patri et Filio etiam ipse coæqualis, et ad Trinitatis pertinens unitatem. Non tamen eandem Trinitatem natam de virgine Maria, et sub Pontio Pilato crucifixam et sepultam, et tertia die resurrexisse, et in cælum ascendisse, sed tantummodo filium. Nec eandem Trinitatem descendisse in specie columbæ super Jesum baptizatum (Matth. iii), aut die Pentecostes post Ascensionem

Domini sonitu facto de cœlo, quasi ferretur flatus A
vehemens, et linguis divisis velut ignis sedisse super
unumquemque eorum **S** sed tantummodo Spiritum
sanctum (Act. ii). Nec eandem Trinitatem dixisse
de cœlo: *Tu es Filius meus* (Marc. i), sive cum
baptizatus est a Joanne (Matth. iii), sive in monte
quando cum illo erant tres discipuli (Matth. xvii),
aut quando sonuit vox dicens: *Et clarificavi, et
iterum clarificabo* (Joan. xii); sed tantummodo
Patris vocem fuisse ad Filium factam. Quamvis
Pater et Filius et Spiritus sanctus sicut inseparabiles
sunt; ita inseparabiliter opœrentur. Nam, quo
intellectu homo Deum capit, qui ipsum intellectum
suum, quo eum vult capere, nondum capit? Si
autem hunc jam capit, attendat diligenter, nihil in
eo esse in sua natura melius, et videat utrum ibi
videat ulla lineamenta formarum, nitores colorum,
spatiosam granditatem, partium distantiam, molis
distensionem, aliquas per locorum intervalla motio-
nes, vel aliquid hujusmodi. Nihil istorum invenimus
certe in eo, quo in natura nostra nihil melius inve-
nimus, id est in nostro intellectu, quo sapientiam
capimus, quanto capaces sumus. Quod ergo non
invenimus in meliore nostro, non debemus in illo
querere quod longe melius est meliore nostro. Ut
sic intelligamus Deum, si possumus quantum possu-
mus sine qualitate bonum, sine quantitate magnum,
sine indigentia creatorem, sine situ præsentem,
sine habita omnia continentem, sine loco ubique
totum, sine tempore sempiternum, sine ulla sui
mutatione mutabilia facientem, nihilque patientem.
Quisquis Deum ita cogitat, et nondum potest omni-
modo invenire quid sit, pie tamen cavet quantum
potest aliquid de eo sentire quod non sit. Est tamen
sine dubitatione substantia, vel si melius hoc appel-
latur, essentia quam Græci οὐσία vocant.

Cap. 3. — *Symbolum Ephesini concilii ducentorum
episcoporum.*

Credimus in unum Deum, Patrem, omnipotentem,
omnium visibilium et invisibilium Conditorum, et
in unum Dominum Jesum Christum Filium Dei,
natum de Patre, unigenitum, hoc est de substantia
Patris: Deum ex Deo, lumen ex lumine, Deum
verum ex Deo vero, natum, non factum, ὁμοούσιον
Patri, hoc est, unius cum Patre substantiæ, per
quem omnia facta sunt in cœlo et in terra: qui
propter nos homines, et propter nostram salutem
descendit, et incarnatus est, et homo factus passus
est, et resurgens tertia die, ascendit in cœlos: inde
venturus est judicare vivos et mortuos. Et in Spiri-
tum sanctum. Eos autem qui dicunt, erat tempus
quando non erat; et antequam nasceretur non erat;
et quia ex nullis existentibus factus est, aut ex alia
substantia vel essentia esse dicunt, aut τρεπτόν,
hoc est convertibilem, seu commutabilem Dei
Filium: anathematizat catholica et apostolica Eccle-
sia. Sequentes itaque omnium per omnia sanctorum
Patrum confessiones, quas loquente in eis sancto
Spiritu protulerunt, et intentioni, quæ est in eorum

intellectibus, æquis vestigiis inhærentes; atque iter
ambulantes regium, profitemur quod ipsum unige-
nitum Dei Verbum, natum ex ipsa Patris essentia,
de Deo vero Deus verus; lumen de lumine, per
quem omnia facta sunt, sive in cœlis, sive in terra,
salutis nostræ causa descendens ad exinanitionem
sese dignatus est inclinare. Natus autem et homo
factus, id est carnem de Virgine sancta suscipiens,
eamque propriam faciens, nativitatem nostram ex
vulva sustinuit homo de muliere procedens, non
quod erat abjiciens. Nam licet factus sit in assump-
tione carnis et sanguinis; tamen servavit quod
erat. Deus scilicet natura et veritate persistens. Nec
carnem itaque dicimus in naturam Deitatis esse
conversam, nec in substantiam carnis ineffabilem
Dei Verbi essentiam commutatam. Inconvertibilis
enim est incommutabilis, idemque ipse juxta Scri-
pturas jugiter permanens. Visus est autem et par-
vulus, positus adhuc in cunabulis. Et in sinibus
Genitricis virginis constitutus universam creaturam
replebat, ut Deus genitori suo indivisus existens.
Quod divinum est enim, sine quantitate et sine
mole cognoscitur, nec ullis terminis continetur.
Unitum ergo carni verbum Dei, secundum substan-
tiam constitentes, unum adoramus Filium et Domi-
num Jesum Christum, non seorsum ponentes et
determinantes hominem et Deum, velut invicem
sibi dignitatis et auctoritatis unitate conjunctum.
Hoc enim novitas vocis est, et aliud nihil. Nec
item Christum specialiter nominantes Deum Verbum
quod ex Deo est; nec alterum similiter Christum
qui specialiter de muliere natus est, sed unum
solummodo Christum Dei Patris. Verbum cum pro-
pria carne cognoscimus. Tunc enim juxta nos
unctus est, quamvis Spiritum ipse dignis contulerit;
et non ad mensuram, sicut beatus evangelista Joannes
asseruit (Joan. iii). Sed nec illud dicimus, quod
Dei verbum, velut in homine communi, qui de
sancta Virgine natus est, habitaverit, ne Deum homo
Christus habitorem possidere credatur. Quamvis
enim Verbum habitaverit in nobis, et dictum sit in
Christo habitare omnem plenitudinem Deitatis cor-
poraliter (Coloss. ii): tamen intelligimus Verbum
quod caro factum est, non sicut in sanctis habitare
dicitur; nec talem in ipso habitationem factam
definire tentabimus. Sed unitus juxta naturam, nec
in carnem penitus commutatus, talem sibi fecit
habitationem, qualem et anima hominis habere
creditur ad proprium corpus. Unus igitur est
Christus Filius et Dominus, non velut conjunctionem
quamlibet in unitatem dignitatis et auctoritatis
hominis habens ad Deum. Non enim potest unire
naturas sola dignitatis æqualitas. Denique Petrus
et Joannes æqualis sunt ad alterutrum dignitatis,
propter quod et apostoli et sancti, discipuli esse
monstrantur. Verumtamen uterque non unus est.
Nec juxta collationem vel connexionem, modum
conjunctionis advertimus. Hoc enim ad unitatem
non sufficit naturalem, nec secundum participationis

effectum ; sicut nos etiam adherentes Deo, unus cum eo spiritus sumus (*I Cor. vi*), imo potius conjunctionis nomen evitamus, tanquam non existens idoneum quod significet unitatis arcanum. Sed neque Deum aut Dominum Christi, verbum Dei Patris asserimus, ne iterum manifestius in duos dividamus unum Christum Filium et Dominum, et in crimen sacrilegii decidamus, Deum illi seipsum facientes et Dominum. Unitus quippe, sicut superius diximus, Deus Verbum carni secundum subsistentiam, Deus quidem est omnium et dominator universitatis : verumtamen nec servus est sibi ipse nec dominus ; quia ineptum est, vel potius impium hoc sentire vel dicere. Quamvis enim Deum suum Patrem dixerit, cum Deus sit etiam ipse naturam et de illius essentia, tamen nullatenus ignoramus quod manens Deus homo quoque factus sit, qui sub Deo juxta debitam legem naturæ humanitatis existeret. Ipse vero sibi quomodo vel Deus poterit esse, vel Dominus ? Ergo sicut homo quantum decenter exinanitionis mensuræ congruit, sub Deo se nobiscum esse asseruit. Hoc etiam modo sub lege factus est, quamvis ipse prorauigaverit legem, et legislator ut Deus exstiterit. Cavemus de Christo dicere : Propter assumptionem veneror assumptum, et propter invisibilem aïoro visibilem. Horrendum vero super hoc etiam illud dicere : Is qui susceptus est cum eo qui suscepit connumeratur Deus. Qui enim hoc dicit, dividit iterum in duos Christos cum qui unus est, hominem seorsum in parte, et Deum similiter in parte constituens. Evidenter enim denegat unitatem, secundum quam non alter cum altero coadoratur, aut connumeratur Deus, sed unus intelligitur Christus Jēsus Filius Dei unigenitus, una servitute cum propria carne venerandus. Confitemur etiam quod idem ipse qui ex Deo Patre natus est, Filius unigenitus Deus, licet juxta naturam suam expers omnis passionis exstiterit, pro nobis tamen secundum Scripturas carne passus sit. Et erat in crucifixo corpore, propriæ carnis impassibiliter ad se referens passiones. Gratia enim Dei pro omnibus gustavit mortem (*Hebr. ii*), tradens proprium corpus, quamvis naturaliter ipse vita sit et resurrectio mortuorum. Nam ut mortem ineffabili potentia proculcasset, ac prius in sua carne primogenitus ex mortuis (*Coloss. i*) fieret, et primitiæ dormientium (*I Cor. xv*), viamque faceret humanæ naturæ ad incorruptionis recursum : gratia Dei, sicut supradictum est, pro omnibus gustavit mortem, et tertia die resurgens exspoliavit infernum. Idcirco quamvis dicatur quod per hominem facta sit resurrectio mortuorum, tamen intelligimus hominem factum Verbum quod ex Deo est ; et per ipsum mortis imperium fuisse destructum. Veniet autem temporibus prænitentis, sicut est unus Filius, et Dominus in gloria Patris, ut judicet orbem terrarum in æquitate (*Psal. xcvi*), sicut Scriptura testatur. Necessario igitur et hoc adjicimus. Annuntiantes enim secundum carnem mortem unigeniti Filii Dei, id est

A Jesu Christi et resurrectionem ejus, et in oculis ascensionem pariter consistentes, incruentam celebramus in ecclesiis sacrificii servitutem. Sic etiam ad mysticas benedictiones accedimus, et sanctificamur participes sancti corporis et pretiosi sanguinis Christi omnium nostrorum redemptoris effecti ; non ut communem carnem percipientes, quod absit ! nec ut viri sanctificati et Verbo conjuncti secundum dignitatis unitatem, aut sicut divinam possidentis habitationem ; sed vere vivificatricem, et ipsius verbi propriam factam. Vita enim naturaliter ut Deus existens, quia proprie carni unitus est, vivificatricem eam esse professus est. Et ideo quamvis dicat ad nos : Amen, amen dico vobis, nisi manducaveritis carnem Filii hominis, et biberitis ejus sanguinem (*Joann. vi*) ; non tamen eam ut hominis unius ex nobis existimare debemus. Quomodo enim juxta naturam suam vivificatrix esse caro hominis poterit ? Sed ut vere propriam ejus factam, qui propter nos Filius hominis est factus et vocatus. Eas autem voces, quas Salvator noster in Evangeliiis protulit, non in duabus subsistentiis, aut personis omnino partimur. Non est enim duplex, unus Christus et solus, quamvis ex duabus diversisque rebus ad unitatem cognoscitur individuam convenisse. Sicut homo quoque ex anima constans et corpore, non duplex potius, sed unus est ex utroque. Humanas ergo et divinas insuper voces ab uno Christo dictas animadvertentes, recte sentimus. Cum enim hæc duo dignissime loquitur de seipso. Qui me videt, videt et Patrem (*Joan. xiv*) ; et : Ego et Pater unum sumus (*Joan. x*) : divinam ejus intelligimus ineffabilemque naturam, secundum quam unum est cum Patre suo, propter unam, eandemque substantiam, imago et character splendorque ejus gloriæ existens. Cum vero humanæ naturæ mensuram nullatenus ignorans, Judæos alloquitur : Nunc me queritis occidere hominem, qui veritatem vobis locutus sum (*Joan. viii*) : item non minus eum qui in similitudinem et æqualitatem Patris est, Deum verum etiam in mensuris humanitatis ejus agnoscimus. Si enim necessario creditur, quod natura Deus existens factus sit caro, imo potius homo animatus anima rationali : quæ causa est, ut in ejus vocibus quilibet erubescat, si eas homine dignas effatus est ? Quod si sermones homini congruentes abjicit, juxta nos hominem fieri quid cœgit ? Cum vero se propter nos ad exinanitionem spontaneam misericorditer inclinaverit, quam ob causam dignos exinanitione sermones effugeret ? Uni igitur personæ cuncta ejus in Evangelio ascribimus, uni hypostasi seu substantiæ Verbi scilicet incarnati, quia unus est Dominus Jēsus Christus (*I Cor. viii*), ut scriptum est. Appellatum vero ab Apostolo penitentem confessionis nostræ (*Hebr. ii*) tanquam sacrificantem Deo et Patri Dei nostræ confessionem, quæ a nobis ipsis per ipsum Deo et Patri incessanter offertur : iterum cum dicimus, qui ex Deo secundum naturam Filius est unigenitus, nec hominē

præter eam alteri, sacerdotii nomen et officium deputamus. Factus est enim mediator Dei et hominum (I Tim. ii), et reconciliator ad pacem, semetipsum Deo et Patri pro nobis offerens in odorem suavitatis (Ephes. v). Ideoque dicebat: *Sacrificium et oblationem noluiti, holocausta pro peccato non tibi placuerunt, corpus autem perfecisti mihi. Tunc dixi: Ecce venio. In capite libri scriptum est de me, ut faciam Deus voluntatem tuam (Psal. xxxix).* Obtulit enim proprium corpus non pro se, sed pro nobis, in odorem suavitatis. Nam qua pro se oblatione vel sacrificio indigeret, ab omni peccato liber ut Deus existens: Quod si omnes peccaverunt et egent gratia Dei (Rom. v), secundum hoc quod sumus admutabilitatis excessum proniores effecti, peccatis ægrotavit humana natura, ipse vero non ita; ideoque nos gloria ejus eguimus: cur erit ultra jam dubium quod Agnus verus pro nobis sit immolatus? Qui dicit autem, quia seipsum tam pro se quam pro nobis obtulerit (Isai. liii), nullatenus impietatis crimen effugiet, cum nihil prorsus iste deliquerit, nec ullum fecerit omnino peccatum. Qua igitur eguerat oblatione; nullo suo exstante facinore, pro quo si esset, satis admodum convenienter offerret. De spiritu quoque cum dicit: *Ille me clarificabit (Joan. xvi)*, hoc rectissime sentientes, unum Christum et filium, non vel alterius egeant gloria, confitemur a Spiritu sancto gloriam consecutum; quia Spiritus ejus nec melior, nec superior ipso est. Sed quia humana opera faciens, ad demonstrationem suæ Deitatis virtute proprii Spiritus utebatur, ab ipso glorificari dicitur, quod virtus sua vel disciplina quælibet unumquemque clarificet. Quamvis enim in sua sit substantia Spiritus ejus, et intelligatur in persona proprietas juxta id quod Spiritus est, et non Filius, attamen **I** alienus non est ab illo. Nam Spiritus appellatus est veritatis (Joan. xiv), et veritas Christus est. Unde et ab isto similiter, sicut ex Deo Patre procedit. Denique hic ipse Spiritus etiam per sanctorum manus apostolorum miracula gloriosa perliciens, Dominum glorificavit Jesum Christum, postquam ascendit in cælum. Nam creditus est Christus natura Deus existens, per suum Spiritum virtutes efficiens. Ideoque dicebat: *De meo accipiet, et annuntiabit vobis (Joan. xvi).* Nequaquam vero participatione alterius, idem Spiritus sapiens aut potens dicitur, quia per omnia perfectus est, et nullo prorsus indigens bono. Nam paternæ virtutis et sapientie, id est Filii, Spiritus creditur: et ideo ipsa re et subsistentia virtus et sapientia comprobatur. Igitur quia Deum carni unitum juxta subsistentiam sancta virgo corporaliter peperit, idcirco eam Dei Genitricem esse profitemur. Non quod Verbi natura existendi principium de carne sortita sit: *Erat enim in principio Verbum, et Verbum erat apud Deum, et Deus erat Verbum (Joan. i)*, et ipse est conditor sæculorum, Patri coæternus, et universitatis creator. Sed quod, ut superius dixi-

mus, juxta subsistentiam sibi met ipsam humanam naturam, nativitate sustinuerit ex ipsa vulva corporea. Non quod eguerit necessario ea propter suam naturam nativitate quæ est in extremis sæculi facta temporibus, sed ut ipsas benediceret substantiæ nostræ primitias: et dum Deum carni unitum mulier edidisset, illa quæ adversus omne genus humanum maledictio fuerat prolata desineret, nec jam morti nostra corpora destinaret. Illud quoque quod dictum est: *In tristitia paries filios (Gen. iii)*, ipse dissolvens, verum esse monstraret quod propheta voce prædixerat: *Absorpta est mors in victoria (I Cor. xv).* Et iterum: *Abstulit Deus omnem lacrymam ab omni facie (Apoc. vii).* Propter hanc enim causam dicimus eum dispensatorie, et ipsis **B** benedixisse tunc nuptiis, cum in Cana Galilææ cum sanctis vocatus apostolis adesse dignatus est (Joan. ii). Hæc sapere sumus edocti a sanctis apostolis et evangelistis, et ab omni *Scriptura divinitus inspirata (II Tim. iii)*, nec non et a beatis Patrum confessionibus veritate subnixis. Illis omnibus etiam religionem tuam concordare, et præter aliquem dolum consentire jam convenit. Quæ vero religioni tuæ anathematizare necesse est, huic epistolæ nostræ subjecta sunt.

I. Si quis non confitetur Deum esse veraciter Emmanuel, et propter hoc ipsam Dei Genitricem sanctam virginem (peperit enim secundum carnem, carnem factum Dei Verbum, secundum quod scriptum est: *Et Verbum caro factum est (Joan. i)* anathema sit.

II. Si quis non confitetur carni, secundum substantiam unitum Dei Patris Verbum, unum quoque esse Christum cum propria carne, et eundem ipsum sine dubio Deum simul et hominem, anathema sit.

III. Si quis in uno Christo dividit subsistentias post unionem, sola societate contingens ea, quæ secundum dignitatem est, vel etiam auctoritatem aut potestatem, et non magis conventu, qui per unitatem factus est naturalem, anathema sit.

IV. Si quis in duabus personis vel subsistentiis dividat eas voces, quæ tam in Evangelicis, quam Apostolicis litteris continentur; vel etiam eas, quæ de Christo a sanctis dicuntur, vel ab ipso Christo de seipso; et aliquas quidem ex his tanquam homini; qui præter Dei Verbum specialiter intelligatur, applicandas crediderit; aliquas vero tanquam Deo dignas; soli Verbo Dei Patris deputaverit, anathema sit.

V. Si quis audeat dicere Christum hominem *θεόσωρον* id est, Deiferum, et non potius Deum esse veraciter dixerit, tanquam unicum Filium per naturam, secundum quod *Verbum caro factum est*, et participavit nobis similiter carne et sanguine, anathema sit.

VI. Si quis Deum vel Dominum esse Christi Dei Patris Verbum, et non magis eundem ipsum confitetur Deum et hominem simul, propterea quod

Verbum caro factum est, secundum Scripturas, anathema sit.

VII. Si quis tanquam hominem Jesum, operante Deo Verbo, dicit adjutum, et unigeniti dignitatem, tanquam alteri præter ipsum existenti, tribuit, anathema sit.

VIII. Si quis audet dicere assumptum hominem coadorari cum Beo Verbo oportere, et connuncupari Deum tanquam alterum cum altero, (adjectio enim unius syllabæ *con*, hoc cogit intelligi) et non magis una reverentia veneratur Emmanuelem, unamque ei glorificationem dependit, juxta quod *Verbum caro factum sit, anathema sit.*

IX. Si quis unum Dominum Jesum Christum glorificatum dicit a Spiritu sancto, tanquam ab aliena virtute, qua per eum uteretur, et ab eo acceperit efficaciam contra immundos spiritus, et per eum implese divina signa, et non magis proprium ejus esse Spiritum dicit, sicut et Patrem, per quem signa operatus est, anathema sit.

X. Pontificem et apostolum confessionis nostræ factum esse Christum (*Ephes. v.*), divina Scriptura commemorat. *Obtulit enim semetipsum pro nobis Deo Patri in odorem suavitatis.* Si quis ergo pontificem et apostolum nostrum alium dixerit esse factum, præterquam ipsum Deum Dei Verbum, quando factum est caro, et secundum nos homo, sed quasi alterum præter ipsum specialiter hominem ex muliere; et si quis dicit, quia propter se obtulit seipsum in oblationem, et non magis pro nobis solis (non enim indiguit oblatione qui peccatum nescivit) anathema sit.

XI. Si quis non constitetur carnem Domini vivificatricem esse, tanquam propriam ipsius Verbi Dei Patris, sed quousque alterius cujuscumque, præter ipsum, conjuncti eidem secundum dignitatem, aut secundum quod solam divinam habitationem habuerit, et non potius, ut diximus, vivificatricem esse, quia facta est propria Verbo Dei, cui omnia vivificare possibile est, anathema sit.

XII. Si quis non constitetur Dei Verbum carne passum esse, et carne crucifixum, et mortem carne gustasse, factumque primogenitum ex mortuis, secundum quod est et vita et vivificator, ut Deus, anathema sit.

CAP. 4. — *Augustinus in libro De fide ad Petrum Diaconum. Unus Deus.*

Firmissime tene, et nullatenus dubites, Patrem et Filium et Spiritum sanctum, unum esse naturaliter Deum, in cujus nomine baptizati sumus: cum enim aliud nomen sit Pater, aliud Filius aliud Spiritus sanctus: hoc est utique unum naturæ nomen horum trium quod dicitur Deus, qui dicit in Deuteronomio: *Videte, videte, quoniam ego sum Deus, et non est alius præter me (Deut. xxxii);* et de quo **II** dicitur: *Audi Israel, Dominus Deus tuus: Deus unus est (Deut. vi);* et: *Dominum Deum tuum adorabis, et illi soli servies (Math. iv).*

CAP. 5. — *Dominus.*

Firmissime tene, et nullatenus dubites Patrem et

Filium et Spiritum sanctum, id est sanctam Trinitatem, esse solum naturaliter verum Deum Dominum; quia cum tres deos nobis colere non liceat, nisi unum solum verum Deum: tamen sicut Pater verus Deus dicitur, testante Apostolo, qui ait: *Conversi estis ad Deum a simulacris, servite Deo vivo, et vero, et expectare Filium ejus de caelis, quem suscitavit a mortis Jesum (I Thess. i);* ita quoque Filium verum Deum Joannes commendat apostolus, dicens: *Scimus quia Filius Dei venit et dedit nobis intellectum ut cognoscamus verum Deum (I Joan. v);* et scimus in vero Filio ejus Jesu Christo, hic est verus Deus, et vita æterna. Qui utique quoniam verus Deus est, etiam veritas est, sicut ipse nos edocet, dicens: *Ego sum via, veritas et vita (Joan. xiv).* De Spiritu quoque sancto Joannes apostolus ait: *Quis Spiritus est veritas (ibid.)* Et utique non potest naturaliter verus Deus non esse, qui veritas est. Quem etiam Deum Paulus apostolus constituitur, dicens: *Membra vestra templum sunt Spiritus sancti, qui in vobis est, quem habetis a Deo, et non estis vestri. Empti enim estis pretio magno; glorificate et portate Deum in corpore vestro (I Cor. vi).*

CAP. 6. — *Sempiternus.*

Firmissime tene, et nullatenus dubites Patrem et Filium et Spiritum sanctum, id est sanctam Trinitatem unum verum Deum sine initio sempiternum esse, propter quod scriptum est: *In principio erat Verbum, et Deus erat Verbum. Hoc erat in principio apud Deum (Joan. i).* Hæc denuo sempiternitas intimatur in psalmo, ubi dicitur: *Deus autem rex noster ante sæcula (Psal. lxxiii).* Et alio loco: *Sempiterna quoque ejus virtus et divinitas (Rom. i).*

CAP. 7. — *Incommutabilis.*

Firmissime tene, et nullatenus dubites sanctam Trinitatem, solum verum Deum; sicut æternum, ita solum naturaliter incommutabilem esse. Hoc enim significat, cum dicit famulo suo Moysi: *Ego sum qui sum (Exod. iii).* Huic in psalmo dicitur: *In principio, Domine, terram fundasti, et opera manuum tuarum sunt caeli. Ipsi peribunt, tu autem permanes, et omnia sicut vestimentum veterascent. Et sicut opertorium mutabis eos, et mutabuntur; tu autem idem ipse es (Psal. ci).*

CAP. 8. — *Omnium creator.*

Firmissime tene, et nullatenus dubites sanctam Trinitatem solum verum Deum, rerum omnium esse visibilem et invisibilem Creatorem. De quo in psalmis dicitur: *Beatus, cujus Deus Jacob adjutor ejus, spes ejus in Domino Deo ipsius, qui fecit caelum et terram, mare, et omnia quæ in eis sunt (Psal. cxliii).* De quo etiam Apostolus dicit: *Quoniam ex ipso, et per ipsum, et in ipso sunt omnia, ipsi gloria in sæcula sæculorum (Rom. xi).*

CAP. 9. — *Tres personæ.*

Firmissime tene, et nullatenus dubites Patris, et Filii, et Spiritus sancti, unam quidem esse naturam, tres vere esse personas. Patremque solum esse, qui dixit: *Hic est Filius meus dilectus, in quo mihi complacui (Math. xvii);* et Filium solum esse, super-

quam illa vox solius Patris sonuit, quando in Jordane secundum hominem baptizatus est, et hunc esse unigenitum, qui carnem solus accepit, et Spiritum sanctum Patris et Filii, solum esse qui in specie columbæ super Christum baptizatum, et ascendentem de aqua, descendit (*Matth. III*): et quinquagesimo die post resurrectionem Christi fideles in uno loco positos, in linguarum ignearum visione adveniens replevit (*Act. I*). Illam vero vocem, quam solus locutus est Deus Pater; et illam carnem, qua solus homo factus est, unigenitus Deus; et illam columbam, in cujus specie Spiritus sanctus super Christum descendit; illasque linguas igneas, in quarum visione fideles uno loco constitutos replevit, opera esse totius Trinitatis, id est, unius Dei, qui fecit omnia in cælis et in terra, visibilia et invisibilia.

CAP. 10. — *Filius solius Patris, Spiritus amborum.*

Firmissime tene, et nullatenus dubites solum Deum Filium, id est unam ex Trinitate personam, solius Dei Patris esse Filium Spiritum vero sanctum, ipsum quoque unam ex Trinitate personam, non solius Patris, sed simul et Patris et Filii esse Spiritum. Ostendens enim Deus Filium solum esse de Patre genitum, ait: *Sic enim Deus dilexit mundum, ut Filium suum unigenitum daret* (*Joan. III*); et paulo post: *Qui autem non credit, jam judicatus est, quia non credit in nomine unigeniti Filii Dei* (*ibid.*). Spiritum vero sanctum et Patris et Filii esse Spiritum Apostolus docet, qui ait: *Vos autem non estis in carne, sed in spiritu, si tamen Spiritus Dei habitat in vobis* (*Rom. VIII*). Et sequitur: *Si quis autem spiritum Christi non habet, hic non est ejus* (*ibid.*).

CAP. 11. — *Semper procedens ab utroque.*

Firmissime tene, et nullatenus dubites eundem Spiritum sanctum qui Patris et Filii unus Spiritus est, de Patre et Filio procedere. Dicit enim Filius: *Cum venerit Spiritus veritatis, qui a Patre procedit* (*Joan. XV*), ubi suum Spiritum esse docuit, quia ipse est veritas. De Filio quoque procedere Spiritum sanctum, prophetica atque apostolica nobis doctrina commendat. Isaias enim dicit de Filio: *Percutiet terram virga oris sui, et Spiritu labiorum suorum interficiet impium* (*Isai. XI*). De quo et Apostolus ait: *Quem interficiet Dominus Jesus spiritu oris sui* (*I Thess. II*). Quem etiam ipse unigenitus Dei Filius spiritum oris sui esse significans, post resurrectionem suam insufflans in discipulos, ait: *Accipite Spiritum sanctum* (*Joan. XX*). De ore vero Domini Jesu ait Joannes in Apocalypsi: *Quia gladius utraque parte acutus* (*Apoc. I*) procedebat. Ipse vero Spiritus oris ejus, ipse est gladius qui de ore ejus procedit.

CAP. 12. — *Deus immensus virtute non mole.*

Firmissime tene, et nullatenus dubites Trinitatem Deum, immensam esse, virtute non mole, et omnem creaturam spiritualem atque corporalem virtute ejus et præsentia contineri. Dicit enim Deus Pater: *Cælum et terram ego impleo* (*Jer. XXIII*). Dicitur ergo de sapientia Dei, qui Filius ejus est: *Quia attingit a fine usque ad finem fortiter, et disponit omnia sua-*

riter (*Sap. VIII*). De Spiritu quoque sancto legimus: *Quia Spiritus Domini replevit orbem terrarum* (*Sap. I*). Et David propheta dicit: **12** *Quo ibo a Spiritu tuo, et quo a facie tua fugiam? Si ascendero in cælum, tu illies; et si descendero in infernum, ades* (*Psal. CXXXI*).

CAP. 13. — *Solus Filius incarnatus.*

Firmissime tene, et nullatenus dubites unam ex Trinitate personam, id est Deum Filium, qui de natura Dei Patris solus natus est; et unius ejusdemque naturæ cum Patre est, ipsum in Spiritu, in plenitudine temporis secundum susceptionem fornicæ servilis (*Gal. IV*): voluntarie, in virgine conceptum; et de virgine natum; Verbum carnem factum; ipsumque esse, qui essentialiter natus est de Patre, et essentialiter conceptus natusque est de Virgine; ipsumque unum esse, et unius naturæ cum Patre, et unius naturæ cum Virgine, qui ait de Deo Patre: *Ante sæcula fundavit me, et ante omnes colles genuit me* (*Prov. VIII*). De quo etiam dixit Apostolus: *Quia cum venit plenitudo temporis, misit Deus Filium suum, natum ex muliere, factum sub lege* (*Galat. IV*).

CAP. 14. — *Verus Deus, verus homo.*

Firmissime tene, et nullatenus dubites Jesum Christum Filium Dei sicut de Deo Patre, plenum perfectumque Dominum; sic de Maria Virgine, plenum perfectumque hominem genitum, id est Verbum Dominum, habentem scilicet sine peccato veram nostri generis carnem, et animam rationabilem. Quod ipse Dei Filius evidenter ostendit, dicens de carne sua: *Palpate, et videte, quia spiritus carnis et ossa non habet, sicut me videtis habere* (*Luc. XXIV*). Animam quoque se habere, his verbis ostendit: *Propterea me Pater diligit, quia ego pono animam meam, et iterum sumam eam* (*Joan. X*). Intellectum quoque animæ se habere ostendit in eo quod dicit: *Discite a me quia mitis sum et humilis corde* (*Matth. XI*). Et de ipso Deus per prophetam dicit: *Ecce intelliget puer meus, et exaltabitur, et elevabitur, et sublimis erit valde* (*Isai. LII*). Nam et beatus Petrus secundum sancti David prophetiam in Christo carnem atque animam constituit. De ipso enim loquens beatus Petrus ait: *Propheta igitur cum esset, et sciret quia jurejurando jurasset illi Deus, de fructu lumbi ejus sedere super sedem ejus* (*Act. II*), providens locutus est de resurrectione Christi, quia neque derelicta est anima ejus in inferno, neque caro ejus vidit corruptionem (*Psal. XV*).

CAP. 15. — *Unum Verbum fecit omnia tempora, dedit legem factus sub lege.*

Firmissime tene, et nullatenus dubites unum atque ipsum esse Deum verum Verbum, qui cum Patre Deo et Spiritu sancto Deo fecit omnia tempora, et in monte Sina legem dedit Moysi ordinatam per angelos (*Exod. XX*), et ipsum Verbum Deum carnem factum, qui veniente plenitudine temporis missus a Patre et Spiritu sancto, solus factus est ex muliere quam fecit, solus factus est sub lege quam dedit (*Galat. IV*).

CAP. 16. — *Unus inconfusus et inseparabilis.*

Firmissime tene, et nullatenus dubites Dei Verbi quod caro factum est, duas naturas inconfusibiliter atque inseparabiliter permanere: unam veram divinam quam habet communem cum Patre, secundum quam dicit: *Ego et Pater unum sumus* (Joan. x); et: *Qui videt me, videt et Patrem* (Joan. xiv); et: *Ego in Patre, et Pater in me est* (ibid.), secundum quam eum Apostolus dixit, splendorem gloriæ et figuram substantiæ Dei (Hebr. i): alteram veram humanam, secundum quam ipse Deus incarnatus dicit: *Pater major me est* (Joan. xiv).

CAP. 17. — *Una persona.*

Firmissime tene, et nullatenus dubites Deum Verbum carnem factum, unam habere divinitatis suæ carnisque personam. Deus enim verbum plenam naturam humanam ita sibi veraciter unire dignatus est; et, permanente divinitate sua, ita Verbum caro factum est, ut quamvis naturaliter non hoc sit Verbum quod caro, quia duarum naturarum veritas manet in Christo. secundum unam tamen personam idem Verbum caro ab ipso fieret maternæ conceptionis initio. Deus enim Verbum, non accepit personam hominis, sed naturam; et in æternam personam divinitatis, accepit temporalem substantiam carnis. Unus est ergo Christus Verbum caro factum; qui et ex patribus secundum carnem, et super omnia Deus benedictus in sæcula unus est Jesus. Cui et Pater dicit: *Ex utero aucte luciferum genui te* (Psal. ix). Ubi significatur ante omne tempus sine initio æterna nativitas. De quo et evangelista dicit: *Quia vocatum est nomen ejus Jesus quod dictum est ab angelo priusquam in utero conciperetur* (Luc. ii).

CAP. 18. — *Verbum conceptum.*

Firmissime tene, et nullatenus dubites non carnem Christi sine divinitate conceptam in utero Virginis, priusquam susciperetur a verbo; sed ipsum Verbum Deum sua carnis acceptione conceptum, ipsamque carnem Verbi Dei incarnatione conceptam.

CAP. 19. — *Dei Verbum carnem factum, se pro nobis obtulisse sacrificium.*

Firmissime tene, et nullatenus dubites, ipsum unigenitum Deum Verbum carnem factum se pro nobis obtulisse sacrificium, et hostiam Deo in odorem suavitatis (Ephes. v); cui cum Patre et Spiritu sancto, a patriarchis et prophetis, et sacerdotibus tempore Veteris Testamenti animalia sacrificabantur; et cui nunc, id est tempore Novi Testamenti cum Patre et Spiritu sancto, cum quibus illi est una divinitas, sacrificium et panis et vini in fide et charitate sancta catholica Ecclesia per universum orbem terræ offerre non cessat. In illis enim carnalibus victimis significatio fuit carnis Christi, quam pro peccatis nostris ipse sine peccato fuerat oblaturus, et sanguinis quem erat effusus in remissionem peccatorum nostrorum. In isto autem sacrificio gratiarum actio atque commemoratio est carnis Christi, quam pro nobis obtulit, et sangui-

nis, quem pro nobis idem Deus effudit. De quo beatus Paulus dicit in Actibus apostolorum: *Attendite vobis, et universo gregi, in quo vos Spiritus sanctus posuit episcopos regere Ecclesiam Dei, quam acquisivit sanguine suo* (Act. xx). In illis ergo sacrificiis quid nobis esset donandum, figurate significabatur; in hoc sacrificio quid nobis jam donatum sit, evidenter ostenditur. In illis sacrificiis prænuntiabatur Filius Dei, pro impiis occidendus, in hoc autem pro impiis annuntiatur occisus. Testante Apostolo, quia Christus, dum adhuc essemus infirmi secundum tempus, pro impiis mortuus est (Rom. v). Et, quia cum inimici essemus, reconciliati sumus Deo, per mortem filii ejus (ibid.).

13 CAP. 20. — *Verbum semper habet veram carnem.*
 Firmissime tene, et nullatenus dubites Verbum carnem factum, eandem humanam carnem semper veram habere, qua de Virgine Verbum Deus natus est, qua crucifixus et mortuus est, qua resurrexit, et in cælum ascendit, et in dextera Dei sedet, in qua etiam venturus est judicare vivos et mortuos. Propter quod ab angelis apostoli audiverunt: *Sic veniet, quemadmodum vidistis eum euntem in cælum* (Act. i). Et beatus Joannes ait: *Ecce veniet cum nubibus, et videbit eum omnis oculus, et qui eum crucifixerunt, et videbit eum omnis tribus terræ* (Apoc. i).

CAP. 21. — *Ad cuncta creatura bona.*

Firmissime tene, et nullatenus dubites Trinitatem Deum, id est Patrem, et Filium, et Spiritum sanctum esse naturaliter summum atque incommutabile bonum, et ab ipso creatas esse omnes naturas. Bonas quidem, quia a summo bono factæ sunt; sed mutabiles, quia de nihilo factæ sunt. Nullamque esse malam naturam, quia omnis natura, in quantum natura est, bona est. Sed quia in ea bonum et minus et augeri potest, in tantum maledicuntur, in quantum bonum ejus minuitur. Malum enim nihil aliud est, nisi privatio boni. Unde constat geminum esse creaturæ rationalis malum, id est unum, quo voluntarie ipsa deficit a summo bono creatore suo; alterum quo invita puniatur ignis æterni supplicio. Illud passura juste, quia hoc admisit injuste. Et quæ ordinem in se non servavit divinæ institutionis, ordinem non effugiet divinæ ultionis.

CAP. 22. — *Nihil præter Deum ejusdem esse naturæ.*

Firmissime tene, et nullatenus dubites neque angelos, neque quamlibet aliam creaturam ejusdem naturæ esse, cujus est secundum naturalem divinitatem suam, summa Trinitas, qui est unus naturaliter Deus, Pater, et Filius, et Spiritus sanctus. Neque enim unius naturæ esse poterant, ille qui fecit, et ea quæ fecit.

CAP. 23. — *De immutabili et mutabili.*

Firmissime tene, et nullatenus dubites omnem creaturam naturaliter mutabilem a Deo incommutabili factam; nec tamen posse jam quamlibet angelorum sanctorum creaturam in deterius commutari, quia sic acceperunt æternam beatitudinem, qua Deo stabiliter perfruuntur, ut ea carere non possint. Sed

hoc ipsum quod ab illo statu beatitudinis, in quo sunt beati, mutari in deterius nullatenus possunt, non eis naturaliter insitum; sed postquam creati sunt, gratiæ divinæ largitate collatum. Si enim angeli naturaliter incommutabiles fierent, nunquam de eorum consortio diabolus et ejus angeli cecidissent.

CAP. 24. — De differentia rationalis et irrationalis.

Firmissime tene, et nullatenus dubites, in omni creatura, quam spiritualem atque corpoream summa Trinitas fecit, solos spiritus angelicos et humanos intelligendi facultatem divinitus accepisse. Cæteros vero spiritus brutorum animalium rationalem intelligentiam non accepisse, et ob hoc omnino habere non posse. Propter quod dicitur hominibus: *Nolite fieri sicut equus et mulus, quibus non est intellectus* (Psal. xxxi). Et ideo nec animas pecorum in homines, nec animas hominum in pecora posse aliquando transire.

CAP. 25. — De libero arbitrio.]

Firmissime tene, et nullatenus dubites primos homines, id est Adam et mulierem ejus, bonos et rectos, et sine peccato creatos esse cum libero arbitrio, quo possent si vellent, Deo semper humili et bona voluntate servire atque obedire: quo arbitrio etiam possent si vellent, propria voluntate peccare; eosque non necessitate, sed propria voluntate peccasse; illoque peccato sic in deterius mutatam humanam naturam, ut non solum in ipsis primis hominibus per peccatum mors obtineret regnum, sed etiam in omnes homines transiret peccatum (Rom. v), mortisque dominium.

CAP. 26. — De originali peccato, ejusque remedio.

Firmissime tene, et nullatenus dubites omnem hominem qui per concubitum viri et mulieris concipitur, cum originali peccato nasci, impietati subditum, mortisque subjectum, et ob hoc natura iræ filium nasci, de quo dicit Apostolus: *Eramus enim et nos natura filii iræ, sicut et cæteri* (Ephes. ii). A qua ira nullus liberatur, nisi fide mediatoris Dei et hominum, hominis Jesu Christi, qui sine peccato conceptus sine peccato natus, sine peccato mortuus, peccatum pro nobis factum est, id est sacrificium factus est pro peccatis nostris. In Veteri quippe Testamento peccata dicebantur sacrificia, quæ pro peccatis offerebantur. In quibus omnibus fuit significatio Christi, quia ipse est agnus Dei, qui tollit peccata mundi (Joan. i).

CAP. 27. — De baptismo.

(De cons., dist. 4, c. Firmissime.) Firmissime tene, et nullatenus dubites non solum homines jam ratione utentes, verum etiam parvulos, qui sive in utero matrum vivere incipiunt, et ibi moriuntur; sive jam de matribus nati, sine sacramento sancti baptismatis, quod datur in nomine Patris et Filii et Spiritus sancti, de hoc sæculo transeunt, ignis æterni supplicio sempiterno puniendos: quia, etsi peccatum propriæ actionis nullum habuerunt, originalis tamen

A peccati damnationem carnali conceptione et natiuitate traxerunt.

CAP. 28. — De judicio.

Firmissime tene, et nullatenus dubites ideo Christum ad judicandos vivos mortuosque venturum, ut homines quos hic dono gratiæ suæ gratis justificat per fidem, et eisdem justificatis in fide et charitate sanctæ matris Ecclesiæ usque in finem perseverantiam donat, in suo adventu resuscitet, glorificet, et secundum promissionem suam æquales sanctis angelis faciat, et ad eum statum perducat, in quo perfecte, quantum unicuique donat, boni sunt; et ab ipsa perfectione mutari deinceps non possunt; ubi diversa erit sanctorum gloria, sed una erit omnium vita æterna. Diabolum vero et angelos ejus in ignem æternum a Christo esse mittendos; ubi nunquam carebunt pœna, quam eis præparavit divina justitia. Cum ipso diabolo impios et iniquos homines, de quibus Scriptura dicit: *Imitantur autem eum qui sunt ex parte illius* (Sap. ii), pro eo quod eum in malis operibus imitati sunt, et ante finem præsentis vitæ congruam pœnitentiam non egerunt, resumptis corporibus supplicio æternæ combustionis arduos.

CAP. 29. — Ante finem præsentis vitæ pœnitentiam agendam.

Firmissime tene, et nullatenus dubites omnibus hominibus, et bonis et malis resurrectionem carnis in adventu Domini futuram esse communem: retributionem vero justitiæ Dei esse bonis malisque dissimilem, secundum quod Apostolus ait: *Quia omnes resurgemus, sed non omnes immutabimur* (I Cor. xv). Mutabuntur autem justi, qui ibant in vitam æternam. Quod Apostolus ostendit dicens: *Et mortui resurgent incorrupti, et nos immutabimur* (ibid.). Et ostendens quæ erit ipsa immutatio, adjecit: *Oportet enim corruptibile hoc induere incorruptionem, et mortale hoc induere immortalitatem* (ibid.). In eorum corporibus fiet, quod ipse Apostolus ait: *Seminatur in corruptione, surget in incorruptione. Seminatur in ignobilitate, surget in gloria. Seminatur in infirmitate, surget in virtute. Seminatur corpus animale, surget corpus spirituale* (ibid.). Quod propterea dixit, non quia ipsum corpus spiritus erit, sed quia vivificante Spiritu immortale atque incorruptibile permanebit. Sic autem tunc dicitur spirituale corpus, cum non spiritus sit; sed permaneat corpus, sicut nunc animale dicitur, cum tamen inveniatur anima non esse, sed corpus.

CAP. 30. — De martyrio, et pœnitentia, et baptismo.

Firmissime tene, et nullatenus dubites exceptis illis qui pro nomine Christi suo sanguine baptizantur, nullum accepturum vitam æternam, qui non hic a malis suis fuerit per pœnitentiam fidemque conversus. Et per sacramentum fidei et pœnitentiæ, id est per baptismum liberatus. Et majoribus quidem necessarium est, et pœnitentiam de malis suis agere, et fidem catholicam secundum regulam veritatis tenere, et sacramentum baptismatis accipere. Parvulis vero qui nec propria voluntate credere, nec pos-

nitentiam pro peccato quod originaliter trahunt, A Imo, sicut intra Ecclesiam recte credentibus per agere possunt, sacramentum fidei, quod est sanctum baptismum, quandiu rationis ætas eorum capax esse non potest, sufficere ad salutem.

CAP. 31. — *De gratia pœnitentiæ.*

Firmissime tene, et nullatenus dubites neminem hic hominum posse pœnitentiam agere, nisi quem Deus illuminaverit, et gratuita miseratione converterit. Apostolus enim dicit : *Ne forte det Deus illis pœnitentiam ad cognoscendam veritatem, et respiscant a diaboli laqueis (II Tim. 11).*

CAP. 32. — *De gratia obedientiæ.*

Firmissime tene, et nullatenus dubites posse quidem hominem quem nec ignorantia litterarum, nec aliqua prohibet imbecillitas, vel adversitas, verba sancta legis et Evangelii sive legere, sive ex ore cuiusquam prædicatoris audire; sed divinis mandatis obedire neminem posse, nisi quem Deus gratia sua prævenit; ut quod audit corpore etiam corde percipiat, et accepta divinitus bona voluntate atque virtute, mandata Dei facere et velit et possit. *Neque enim qui plantat est aliquid, neque qui rigat, sed qui incrementum dat Deus (I Cor. 11); quia etiam operatur in nobis et velle, et perficere pro bona voluntate (Philip. 11).*

CAP. 33. — *Deum incommutabiliter omnia nosse.*

Firmissime tene, et nullatenus dubites Deo incommutabili non solum præterita, sed etiam futura omnia incommutabiliter esse notissimâ, cui dicitur : *Qui occultorum es cognitor, qui scis omnia antequam fiant (Dan. xiii).*

CAP. 34. — *De scientia.*

Firmissime tene, et nullatenus dubites Trinitatem Deum incommutabilem, rerum omnium atque operum tam suorum quam humanorum certissimum cognitorem; et ante omnia sæcula scire quibus esset per fidem gratiam largiturus, sine qua nemo potuit ab initio mundi, usque in finem a reatu peccati tam originalis quam actualis absolvi. *Quos enim Deus præscit, et prædestinavit conformes fieri imaginis Filii ejus (Rom. viii).*

CAP. 35. — *De prædestinatione.*

Firmissime tene, et nullatenus dubites omnes, quos vasa misericordiæ gratuita bonitate Deus fecit, ante constitutionem mundi in adoptionem filiorum Dei prædestinatos a Deo; neque perire posse aliquem eorum quos Deus prædestinavit ad regnum cœlorum; nec quemquam eorum quos Deus non prædestinavit ad vitam ulla posse ratione salvari. Prædestinatio enim illa gratuita donationis est præparatio, qua nos Apostolus ait : *prædestinatos in adoptionem filiorum Dei per Jesum Christum in ipsum (Ephes. 1).*

CAP. 36. — *Extra Ecclesiam non prodesse baptismum.*

Firmissime tene, et nullatenus dubites sacramentum baptismatis, non solum intra Ecclesiam catholicam, sed etiam apud hæreticos qui in nomine Patris et Filii et Spiritus sancti baptizant, esse posse; sed extra Ecclesiam catholicam prodesse non posse.

Imo, sicut intra Ecclesiam recte credentibus per sacramentum baptismi conferri salutem; sic extra Ecclesiam baptizatis, si ad Ecclesiam non redierint, eodem baptismate cumulati perniciem. Tantum enim valet ecclesiasticæ societatis unitas ad salutem, ut baptismum non salvetur, cui non ibi datur, ubi oportuit ut detur. Inesse tamen homini baptismum etiam extra Ecclesiam baptizato, sed ad iudicium inesse separato. Sed quia manifestum est ubicunque datum fuerit hoc baptismum semel esse dandum, ideo etsi ab hæreticis in nomine Patris et Filii et Spiritus sancti fuerit datum, venerabiliter agnoscendum, et ob hoc nullatenus iterandum. Salvator enim ait : *Qui semel lotus est, non indiget nisi ut pedes lavet (Joan. xiii).*

CAP. 37. — *De eodem.*

Firmissime tene, et nullatenus dubites omnem extra Ecclesiam catholicam baptizatum participem fieri non posse vitæ æternæ, si ante finem vitæ hujus catholicæ non fuerit redditus atque incorporatus Ecclesiæ. Quia si habeam, inquit Apostolus, omnem fidem, et noverim omnia sacramenta, *charitatem autem non habeam, nihil sum (I Cor. xiii).* Nam in diebus diluvii, neminem legimus extra arcam potuisse salvari (Gen. vii).

CAP. 38. — *De hæreticis et schismaticis.*

Firmissime tene, et nullatenus dubites non solum omnes paganos, sed et omnes Judæos, hæreticos atque schismaticos, qui extra Ecclesiam catholicam finiunt vitam, in ignem æternum ituros, qui paratus est diabolo et angelis ejus.

CAP. 39. — *De eodem.*

Firmissime tene, et nullatenus dubites quemlibet hæreticum sive schismaticum, in nomine Patris et Filii et Spiritus sancti baptizatum, si Ecclesiæ catholicæ non fuerit aggregatus, quantascunque eleemosynas fecerit, etsi pro Christi nomine etiam sanguinem fuderit, nullatenus posse salvari. Omni enim homini, qui Ecclesiæ non tenet unitatem, neque baptismus, neque eleemosyna quamlibet copiosa, neque mors pro nomine Christi suscepta proficere poterit ad salutem, quando in eo vel hæretica vel schismatica pravitas perseverat, quæ ducit ad mortem.

CAP. 40. — *De catholicis criminosis.*

Firmissime tene, et nullatenus dubites non omnes qui intra Ecclesiam catholicam baptizantur, accepturos esse vitam æternam, sed eos qui percepto baptismate recte vivunt, id est qui se abstinerunt a vitis et concupiscentiis carnis. Regnum enim cœlorum sicut infideles hæretici atque schismatici non habebunt; sic catholici criminosis possidere non poterunt.

CAP. 41. — *De necessitate remissionis.*

Firmissime tene, et nullatenus dubites etiam justos atque sanctos homines, exceptis his qui baptizati parvuli mortui sunt, sine peccato hic neminem vivere posse; semperque omni homini esse necessarium, et peccata sua usque in finem vitæ presentis

elemosynis ditare, et remissionem humiliter a Deo ac veraciter postulare.

CAP. 42. — *De ascis et nuptiis.*

Firmissime tene, et nullatenus dubites omnem creaturam Dei bonam esse, et nihil rejiciendum quod cum gratiarum actione percipitur (1 Tim. iv). Et Dei servos qui a carnibus aut vino se abstinere, non tanquam immunda, quia a Deo facta sunt, respuere, sed a fortiori cibo et potu pro sola castigatione corporis abstinere. Nuptias quoque divinitus institutas et benedictas. Et melius quidem esse, si quisquam sine conjugio sit, ut liberius atque plenius cogitet, quæ sunt Dei, quomodo placeat Deo. Tamen illis qui continentiam non voverunt, nullum esse peccatum, si vel mulier nubat, vel vir uxorem ducat (1 Cor. vii). Nec solas primas nuptias a Deo institutas, sed etiam secundas et tertias pro eorum qui se continere non possunt, infirmitate concessas. Verum qui sive conjugati, sive a conjugio liberi continentiam Deo voverunt, admodum esse damnabiles, si vel illi conjugale opus voluerint appetere, quo se non accessuros, vel illi repetere a quo se recessuros; illi libera, hi communi professi sunt voluntate.

CAP. 43. — *De baptismo.*

Firmissime tene, et nullatenus dubites aream Dei esse catholicam Ecclesiam, et inter eam usque in finem sæculi frumento mistas paleas contineri: hoc est, bonos ac malos sub sacramentorum communicatione misceri, et in omni professione, sive monachorum, clericorum, sive laicorum esse bonos, esse simul malos. Nec pro malis bonos deserendos, sed pro bonis malos, in quantum fides exigit et charitatis ratio, tolerandos; id est, si vel in Ecclesia nullius perfidie semen aspergunt, vel fratres ad aliquod malum mortifera imitatione non ducunt. Nec posse aliquem intra Ecclesiam catholicam recte credentem, beneque viventem alieno unquam maculari peccato, si cujusquam peccatis nec consensionem præbeat, nec favorem. Utiliterque malos a bonis intra Ecclesiam tolerari, si hoc cum eis bene vivendo, et bene manendo agatur; ut et videntes et audientes quæ bona sunt, mala sua respuant, et judicandos se a Deo pro suis malis operibus scientes respiscant. Atque ita preventi dono gratiæ de suis iniquitatibus confundantur, et ad bonam vitam per Dei misericordiam convertantur. Bonos vero a malis intra Ecclesiam duntaxat catholicam constitutos, non debere nisi operum dissimilitudine separari; ut cum quibus divina communicant sacramenta, non habeant mala opera, quibus illi sunt criminosi, communia. In fine vero sæculi bonos a malis etiam corpore separandos, quando veniet Christus habens ventilabrum in manu sua, et permundabit aream suam, et congregabit triticum suum in horreum; paleas autem comburet igni inexstinguibili (Matth. iii), quando per judicium justum segregabit justos ab injustis, bonos a malis, rectos a perversis; bonos constituet a dextris, malos a sinistris. Et ejus ore

A justi æternique judicii sempiterna atque incommutabili prolata sententia, iniqui omnes ibunt in combustionem æternam; justi autem in vitam æternam: inique semper arsurus cum diabolo; justi autem regnaturi cum Christo.

CAP. 44. — *Capitula veræ fidei firmissime tenenda.*

Hæc interim quadraginta capitula ad regulam veræ fidei firmissime pertinentia fideliter crede, fortiter tene, veraciter patienterque defende. Et si quem contraria his dogmatizare cognoveris, tanquam pestem fuge et tanquam hæreticum abjice. Ita enim ista quæ posuimus fidei catholice congruunt, ut si quis non solum omnibus, sed etiam singulis voluerit contraire, in eo quod singulis horum contumaciter repugnat, et his contraria docere non dubitat, hæreticus et fidei Christianæ inimicus, atque ex omnibus catholicis anathematizandus appareat.

CAP. 45. — *Leo universis episcopis per Siciliam ad baptismum (epist. 4).*

Proprie in morte crucifixi, et in resurrectione ex mortuis potentia baptismatis novam creaturam condidit ex vetere, ut in renascentibus et mors Christi operetur et vita, dicente Apostolo: *An ignoratis quia quicumque baptizati sumus in Christo Jesu, in morte ipsius baptizati sumus? Consepulti enim sumus cum illo per baptismum in morte, ut quomodo surrexit Christus a mortuis per gloriam Patris, ita et nos in novitate vitæ ambulemus. Si enim complantati facti sumus similitudini mortis ejus, simul et resurrectionis erimus (Rom. vi).* Et cætera quæ latius magister gentium ad commendandum sacramentum baptismatis disputavit, ut appareret ex hujus doctrine spiritu regenerandis filiis hominum, et in Dei Filio adoptandis, illum diem, et illud tempus electum, in quo per similitudinem formamque mysterii ea quæ geruntur in membris iis quæ in ipso sunt capite gesta, congruerent, dum in baptismatis regula, et mors intervenit interfectione peccati, et sepulturam triduanam imitatur trina demersio, et ab aquis elevato resurgenti instar est de sepulcro. Ipsa igitur operis qualitas docet celebrandæ generaliter gratiæ diem legitimum eum esse, in quo orta est et virtus muneris, et species actionis. Ad cujus rei confirmationem plurimum valet, quod ipse Dominus Jesus Christus posteaquam resurrexit a mortuis, discipulis suis, in quibus omnes Ecclesiarum præsules docebantur, et formam et potestatem tradidit baptizandi, dicens: *Euntes docete omnes gentes, baptizantes eos in nomine Patris et Filii et Spiritus sancti (Matth. xxviii).* De quo utique eos etiam ante passionem potuisset instruere, nisi proprie voluisset intelligi regenerationis gratiam ex sua resurrectione cœpisse. Additur sane huic observantiæ etiam Pen-tecostes ex adventu sancti Spiritus sacra solemnitas, quæ de paschalis festi pendet articulo. Et cum ad alios dies alia festa pertineant, hæc semper ad eum diem, qui in resurrectione Domini est, in-

signis occurrit, porrigens quodammodo auxiliantis gratiæ manum, et eos quos a die Paschæ, aut molestia infirmitatis aut longinquitas itineris, aut navigationis difficultas interclusit, invitans ut quibuslibet necessitatibus impediti, desiderii sui effectum dono sancti Spiritus consequantur.

CAP. 46. — *Idem de eodem, ead. epist. 4.*

Hoc autem nos non ex nostra persuasione defendere, sed ex apostolica auctoritate servare, satis idoneo probamus exemplo, sequentes beatum apostolum Petrum, qui in ipso die, quo omnem credentium numerum promissus sancti Spiritus replevit adventus, trium millium populum sua prædicatione conversum lavacro baptismatis consecravit. Quod sancta Scriptura, quæ apostolorum Actus continet, fideli historia docet dicens : *His auditis compuncti sunt corde, et dixerunt ad Petrum et reliquos apostolos : Quid faciemus, viri fratres ? Petrus autem ad illos : Penitentiam, inquit, agite, et baptizetur unusquisque vestrum, in nomine Domini nostri Jesu Christi, in remissionem peccatorum vestrorum, et accipietis donum sancti Spiritus (Act. II).*

CAP. 47. — *Idem non esse celebrandum baptismum in Epiphania. Leo universis episcopis per Siciliam (epist. 4, cap. 6).*

(*De cons., dist. 4, c. Si quis autem.*) Si quis autem Epiphaniæ festivitatem, quæ in suo ordine debito honore veneranda est, ob hoc existimat privilegium habere baptismatis, quia hoc quidam putant, quod in eadem die Dominus ad baptismum sancti Joannis accesserit, sciat illius baptismi aliam gratiam, aliam fuisse rationem, nec ad eandem pertinuisse virtutem, qua per Spiritum sanctum renascuntur, de quibus dicitur : *Qui non ex sanguinibus, neque ex voluntate carnis, neque ex voluntate viri, sed ex Deo nati sunt (Joan. 1).* Dominus enim nullius indigens remissione peccati, nec quærens remedium renascendi, sic voluit baptizari quomodo et voluit circumcidi, hostiamque pro se emundationis offerri. Ut qui factus fuerat *ex muliere*, sicut Apostolus ait, fieret et *sub lege (Galat. IV)*, quam non venerat solvere, sed implere (*Matth. V*), et implendo finire, sicut beatus Apostolus prædicat, dicens : *Finis autem legis Christus, ad justitiam omni credenti (Rom. X).* Baptismi autem sui in se condidit sacramentum, quia in omnibus primatum tenens, se docuit esse principium. Et tunc regenerationis potentiam sanxit, quando de latere ipsius profluxerunt sanguis redemptionis et aqua baptismatis.

CAP. 48. — *Idem Leo primus Leoni episcopo Raven-nati, epist. 58, c. 1. De his qui utrum baptizati sunt nescitur.*

(*De cons., dist. 4, c. Cum itaque.*) Cum itaque baptismi sui nihil recordetur qui regenerationis est cupidus, nec alter attestari de eo possit qui sciat consecratum, nihil est in quo peccatum possit ob-reperere, cum in hac parte conscientia suæ nec ille reus sit qui consecratur, nec ille qui consecrat : æquum quidem inexpressibile esse facinus, quoties

A juxta hæreticorum dogma, contra sanctorum Patrum instituta, cogitur aliquis lavacrum quod regenerandis semel tributum est, bis subire, Apostolica reclamante sententia, qui nobis unam prædicat in Trinitate Deitatem unam in fide confessionem, unum in baptismo sacramentum (*Ephes. IV*). Sed in hoc nihil simile formidatur, quoniam non potest in iterationis crimen venire, quod factum esse omnino nescitur. Atque ideo quoties persona talis inciderit, sollicita primum examinatione discutite, et longo tempore, nisi forte supremus finis immineat, indagate, utrum nemo penitus sit, qui testimonio suo juvare possit ignorantiam nescientis. Et cum constiterit hunc qui baptismatis indiget sacramento, sola inaniter suspicione prohiberi, accedat intrepidus ad consequendam gratiam, cujus in se nullum scit esse vestigium. Nec vereamur huic januam salutis aperire, quam nunquam docetur ingressus.

CAP. 49. — *Gregorius in Moralibus, lib. IV, cap. 2. Quod apud veteres idem fides, virtus sacrificii, mysterium circumcisionis, quod apud nos baptisma, valebat.*

(*De cons., dist. 4, c. Quod autem.*) Quod apud nos valet aqua baptismatis, hoc egit apud veteres, vel pro parvulis sola fides, vel pro majoribus virtus sacrificii, vel pro his, qui ex Abrahæ stirpe prodierant, mysterium circumcisionis.

CAP. 50. — *De eodem. August. ad Valerium contra Julianum, De nuptiis et concup. I. II, c. 11.*

C Ex quo instituta est circumcisio in populo Dei, quod erat tunc signaculum justitiæ fidei, ad significationem purgationis, valebat et parvulis originalis veterisque peccati, sicut et baptismus ex illo valere coepit, ad innovationem hominis, ex quo institutus est.

CAP. 51. — *Bracarense concilium I, cap. 23.*

Placuit ut nullus eum baptizandi ordinem prætermittat quem et antea tenuit metropolitana Bracarensis ecclesia, et pro amputanda aliquorum dubietate profuturus episcopus, scriptum sibi et directum a sede beatissimi Petri apostoli suscipit.

CAP. 52. — *De eadem re. Victor papa Theophilo episcopo, cap. 1. Quod gentiles ad fidem venientes a quocunque, quacunque hora, in quocunque flumine baptizandi sunt.*

Si necesse fuerit, aut mortis periculum ingruerit, gentiles ad fidem venientes, quocunque loco vel momento ubicunque venerit, sive in flumine, sive in mari, sive in fontibus, tantum Christianæ confessionis credulitate clarificata baptizentur. Ipsum quoque quod in baptismo polliciti sunt, summopere est attendendum, ne infideles sed fideles inveniantur. Ipsi vero qui infidelitatis nota asperguntur, infames efficiuntur, atque inter fideles minime reputantur.

CAP. 53. — *Augustinus de 70 hæresibus.*

Ilectiani [Selestiani] hæretici negant esse visibi-

lem paradisum, et baptismum in aqua non accipiunt.

CAP. 54. — *Haymo super primam epistolam ad Romanos.*

Fortassis quæret aliquis quare in aqua solummodo, et non aliquando in vino baptismus consecratur. Cui respondit beatus Ambrosius: « Idcirco uniformiter hoc fieri in aqua, ut intelligatur quod, sicut aqua sordes corporis, aut vestimenti abluit, ita illud baptisma animæ maculas sordesque vitiorum emundando abstergit. »

CAP. 55. — *Gregorius Fortunato episcopo Neapolis (Secundino Taurominitano episcopo).*

(**GRATIANUS**, 18, q. 2, c. *Pridem, hoc caput Gelasio attribuit.*) Pridem præcepimus ut de monasterio Sancti Andreæ, quod est super Mascalas, baptisterium propter monachorum insolentias debuisset auferri atque in eodem loco, quo fontes sunt, altaria fundari. Cujus rei perfectio hactenus est protracta. Admonemus itaque fraternitatem tuam ut nullam jam moram post susceptas præsentis litteras nostras inferas; sed, repleto loco ipsorum fontium, altare ad sacra celebranda mystica, illic sine aliqua dilatione fundetur.

CAP. 56. — *Gelasius Sabino episcopo.*

Nec enim numerus baptizandis juste creditur imponendus, cum quanti forte petierint, vel ad regenerationem festinauerint, non sint pro alterius voluntate pellendi. Et ideo volumus constitutionem modis omnibus refutantes, volumus ut unusquisque aut in vicina sibi ecclesia, aut in electa, pro suæ mentis baptizetur arbitrio.

CAP. 57. — *Ex libro Pontificali.*

Marcellus 25 titulos in urbe Roma constituit, quasi diocæces propter baptismum, et penitentiam multorum.

CAP. 58. — *Siricius papa Himerio Tarraconensi episcopo, cap. 11.*

(*De cons., dist. 4, c. Non ratione.*) Non ratione auctoritatis alicujus, sed sola temeritate præsumitur, ut passim et libere natalitio Christi, seu apparitione, nec non apostolorum seu martyrum festiuitatibus, innumeræ, ut asscriis, plebes baptismi mysterium consequantur: cum hoc sibi privilegium apud nos, et apud omnes Ecclesias, Dominicum Pascha specialiter cum sancta Pentecoste defendat. Item: Infantibus qui necdum loqui possunt per ætatem, vel his qui sunt in qualibet necessitate, si opus fuerit, sacri baptismatis unda, omni volumus celeritate succurri.

CAP. 59. — *Leo papa episcopis per Siciliam, epist. 4, cap. 6.*

(*De cons., dist. 4, c. Duo tempora, etc. Non potest.*) Evidenter agnoscitur in baptizandis electis, qui secundum apostolicam regulam et exorcismis scrutandi, et jejuniis sanctificandi, et frequentibus prædicationibus imbuendi, duo tantum tempora, id est Pascha et Pentecosten esse seruanda.

CAP. 60. — *Gerundense concilium cap. 4.*

(*De cons., dist. 4, c. De catechumenis.*) De catechumenis baptizandis id decretum est, ut in Paschæ solemnitate vel Pentecostes ad baptizandum veniant. Cæteris solemnitatibus infirmi tantummodo debeant baptizari.

CAP. 61. — *Gregorius Fantino defensori.*

Si Judæis baptizandis longum vel triste videtur solemnitatem sustinere paschalem; et eos nunc ad baptisma festinare cognoscis ne, quod absit! longa dilatio retro possit eorum animos revocare, cum fratre nostro episcopo loci illius loquere, ut penitentia ac abstinencia 40 diebus indicta, aut die Dominico, aut si celeberrima festiuitas fortassis occurrerit, eos omnipotentis Dei misericordia protegente baptizet.

CAP. 62. — *Gregorius respondens Augustino (epist. 51).*

(*Dist. 5, parte prima, c. Baptizari.*) Baptizari, vel enixam ipsam mulierem, vel hoc quod genuerit, si mortis periculo urgetur, vel ipsam hora eadem qua gignit, vel hoc quod gignitur eadem hora qua natum est, nullo modo prohibetur.

CAP. 63. — *Gregorius clero et plebi Tarenis.*

(*De cons., dist. 4, c. Venerabilis.*) Generalis [Venerabilis] baptismi sacramentum, nisi in festiuitate Paschali et Pentecostes tradere non præsumat episcopus, exceptis ægritudine laborantibus, quibus mortis urgente periculo, talibus oportet, ne in æternum pereant, remediis subveniri.

CAP. 64. — *Gelasius episcopis per Lucaniam, Brutios et Siciliam, cap. 9.)*

(*De cons., dist. 4, c. In necessitate.*) Laicis Christianis baptizare plerumque conceditur.

CAP. 65. — *Concilium Carthaginense IV, cap. 100.*

Mulier baptizare non præsumat.

CAP. 66. — *Isidorus de officiis, lib. 11, cap. 34.*

Illud quod nec privatis, nec clericis [adde sine gradu] baptizare liceat, nisi tantum sacerdotibus in Evangelio legimus apostolis tantum permissum (*Joan. xx*).

CAP. 67. — *Ibidem.*

Item: Constat baptisma solis sacerdotibus traditum [adde esse], ejusque ministerium nec ipsis diaconibus explere est licitum absque episcopo vel presbytero, nisi his procul absentibus ultima languoris cogat necessitudo [necessitas]: quod et laicis fidelibus plerumque permittitur, ne quisquam sine remedio salutari de sæculo evocetur.

CAP. 68. — *Rabanus de institutione clericorum, lib. 1, cap. 7.*

Apostoli septem diacones propter sacramentum ejusdem numeri ordinauerunt ad ministerium, et ad officium altaris, qui leguntur etiam et prædicasse et baptizasse non paucos.

CAP. 69. — *Quod acolythus non baptizet.*

Ex libro Pontificali. Bonifacius tertius constituit, ut Lateranus acolythus non baptizet, sed diaconus et subdiaconus sequentes.

CAP. 70. — *Ambrosius super I Epist. ad Corinthios, A*
cap. 1.

Majus est evangelizare quam baptizare, ideo Apostolus non se missum baptizare dicit, sed evangelizare, quia in episcopo omnium ordinationum dignitas est. Caput est enim cæterorum membrorum. Per quod et illos humiliat, quibus Corinthii multum dabant, propterea quod ab illis fuerant baptizati, ut ex eo scirent non magnum esse baptizare, quia non omnis qui baptizat idoneus est et evangelizare. Verba enim solemnissima sunt, quæ dicuntur in baptismo. Denique Petrus apostolus credentem Cornelium cum suis jussit baptizari, nec dignatus est ministris astantibus hoc opus facere. Si enim defuisset, ipse hoc ageret necessitate compulsus.

CAP. 71. — *Leo nonus in synodo habita Remis,*
cap. 4.

Ne quis pro sepultura vel baptismo, seu pro eucharistia, aut infirmorum visitatione quidquam exigat.

CAP. 72. — *Gelasius episcopus per Campaniam et Brutios constituitis.*

Baptizandis consignandisque fidelibus pretia nulla præstantur aliqui; nec illationibus quibuslibet impositis, exagitare cupiant renascentes.

CAP. 73. — *Toletanum concilium XI, cap. 8.*

(1, q. 1, c. *Quidquid*.) Quicumque in ecclesiastico ordine constituitur, aut pro baptizandis, consignandisque fidelibus, aut pro collatione chrismatis, aut promotionibus graduum pretia quælibet vel præmia nisi voluntarie oblata, pro hujusmodi ambitione susceperit; equidem si, sciente loci episcopo, tale quidquam a subditis perpetratur, idem episcopus duobus mensibus excommunicationi subjaceat, pro eo quod et scita mala contexit, et correctionem necessariam non adhibuit. Si autem eorum quispiam eodem nesciente quodcumque pro supradictis capitulis accipiendum sibi esse crediderit, si presbyter trium mensium excommunicatione plectatur. Si diaconus, quatuor; subdiaconus vero vel clericus his cupiditatibus serviens, et competenti pœna, et debita excommunicatione plectendus est.

CAP. 74. — *Bracarense concilium II, cap. 7.*

Si qui infantes suos ad baptismum offerunt, suscipiantur a clericis.

CAP. 75. — *Ibidem, cap. 1.*

(10 q. 1, c. *Placuit omnibus episcopis*.) Per singulas Ecclesias episcopi, et per dioceses ambulantes, primum discutiant clericos, quomodo ordinem baptismi vel missarum teneant, et qualiter quæcumque officia in Ecclesia peragunt, et si rectum quid invenerint, Deo gratias agant. Si autem minime, docere debent ignaros, et hoc modis omnibus præcipere, sicut antiqui canones jubent, ut (*De consecr., dist. 4, c. Ante 20 dies*) ante 20 dies baptismi ad purgationem exorcismi catechumeni currant, in quibus 20 diebus omnino symbolum, quod est: Credo in Deum Patrem omnipotentem, specialiter doceatur.

CAP. 76. — *Augustinus de pœnitentia c. 2.*

(L. II, c. 2. *Gra. De consec. dist. 4, c. Omnis qui*.)

Omnis qui jam suæ voluntatis arbiter constitutus est, cum accedit ad sacramentum fidelium, nisi eum pœniteat vitæ veteris, novam non potest inchoare. Ab hac pœnitentia cum baptizantur soli parvuli immunes sunt: nondum enim uti possunt libero arbitrio.

CAP. 77. — *Augustinus ad Seleutianam [Solestianum],* *evist. c. 8.*

(*De cons., dist. 4, c. Agunt*.) Agunt homines ante baptismum pœnitentiam de prioribus peccatis; ita tamen ut etiam baptizentur sicut scriptum est in Actibus apostolorum, loquente Petro ad Judæos accedente: *Agite pœnitentiam et baptizetur unusquisque vestrum in nomine Domini Jesu Christi (Act. II).*

CAP. 78. — *Rabanus de institutione clericorum lib. I,*
cap. 27.

(*De consec., dist. 4, c. Primum*.) Primum interrogetur paganus, si abrenuntiet diabolo et omnibus damnosis ejus operibus atque fallacis cunctis, ut primum respuat errorem, sic appropinquet ad veritatem, possitque, juxta Apostolum, deponere veterem hominem secundum veterem conversationem (*Ephes. IV*), qui corrumpitur secundum desideria erroris, *abnegans impietatem et sæcularia desideria (Tit. II).*

CAP. 79. — *Ambrosius De sacramentis l. I, c. 11.*

Quando te interrogavit levita, abrenuntias diabolo et omnibus operibus ejus, quid respondisti? *Abrenuntio*. Abrenuntias sæculo, et omnibus voluptatibus ejus, quid respondisti? *Abrenuntio*. Memor esto sermonis, et nunquam tibi excidat tuæ series cautionis.

CAP. 80. — *Gregorius I, homilia 29, de eod*

In die baptismatis omnibus nos actibus antiqui hostis, atque omnibus pompis abrenuntiare promissimus. Itaque unusquisque vestrum ad considerationem suam mentis oculos reducat: consideret si servet post baptismum, quod ante baptismum spondit.

CAP. 81. — *Rabanus, de inst. cler.*

Post abrenuntiationem apostolicæ fidei, ostenditur ei Symbolum, et exquiritur ab eo si credat in Deum Patrem omnipotentem, et in Jesum Christum Filium ejus unicum Dominum nostrum, et in Spiritum sanctum unum Deum in Trinitate et unitate; si confiteatur unam esse sanctam Ecclesiam catholicam, et si credat remissionem peccatorum et vitam æternam. Hæc ergo omnia si se vere profertur credere, jam incipit per fidem induere novum hominem qui secundum Deum creatus est, in justitia et sanctitate veritatis (*Ephes. IV*), quo tamen plene imbuatur, quando per baptismi lavacrum regeneratur.

CAP. 82. — *Cap. 25, lib. I.*

Ante baptismum catechizandi debet hominem prævenire officium [*al. in hominem pervenire officium*], ut fidei primum catechumenus accipiat rudimentum.

CAP. 87.

(C. *Ante baptismum de cons.*, dist. 4. Item : Prius ipse Jesus cæci nati oculos luto, ex sputo facto superlinivit, et sic ad aquas Siloe misit (*Joan. ix*), quia prius debet baptizandus fide incarnationis Christi instrui, et sic ad baptismum jam credulus admitti, ut sciat cujus gratiæ in eo est particeps, et cui jam debitor fiat deinceps.

CAP. 84. — *Cap. 26.*

Baptizandis traditur salutare Symbolum, quasi commonitorium fidei, et sanctæ confessionis indicium, quo instructi agnoscant quales jam ad gratiam Christi exhibere se debeant.

CAP. 85. — *Beda super Esdram, lib. II.*

Pulchre in Ecclesia his salubris mos doctrina Patrum inolevit, ut his qui catechizantur, quatuor Evangeliorum sacramentum explanetur, ac recitentur exordia.

CAP. 86.

Item novæ vitæ auditoribus Symbolum fidei tradimus, quod per duodecim apostolos ordinatum est, et totidem sententiis comprehensum.

CAP. 87. — *Nicolaus papa Joanni archiepiscopo Ravennæ.*

(*De cons.*, dist. 4, c. *Catechismi*.) Catechismi baptizandorum a sacerdotibus uniuscujusque Ecclesiæ possunt fieri, sicut in sancta hac Romana (cui Deo auctore ministerium famulatus nostri exhibemus) Ecclesia, solemniter fieri comprobatur.

CAP. 88. — *Isidorus de officiis, lib. II, cap. 9.*

Competentibus salutare Symbolum traditur quasi commonitorium fidei et sanctæ confessionis indicium, quo instructi agnoscant, quales jam ad gratiam Christi exhibere se debeant.

CAP. 89. — *Augustinus de Symbolo, lib. I, cap. 1.*

Accipite regulam fidei, quod Symbolum dicitur; et cum acceperitis, in corde scribite et quotidie dicite apud vos : Antequam dormiatis, antequam proceletis, Symbolo vestro vos munite.

CAP. 90. — *Rabanus de institutione clericorum, lib. I, cap. 27.*

(*De cons.*, dist. 4, c. *Postquam*.) Postquam se baptizandus per confessionem veræ fidei in alterius commendaverit dominium, et per abrenuntiationem a prioris possessoris se alienaverit servitio, exsufflatur ab eo sæva potestas, ut per pium sacerdotis ministerium Spiritui sancto cedat fugiens spiritus malignus.

CAP. 91. — *Beda super Regum lib. IV.*

Recti ordinis est, ut doctores veritatis prius ab auditorum præcordiis omnem spiritum immundum exsufflando, et catechizando abigant; et sic eos qui fuerant castra dæmonum, sed facti jam possessio spiritualis Israel, societati sortis sanctorum mysticis salutaribus imbuendo aggregent.

CAP. 92. — *Augustinus contra Julianum, lib. IV.*

(*Aug.*, de ecclesiis. *dog.*, cap. 31.) Exsufflantur parvuli in exorcismo, priusquam baptizentur.

A

CAP. 93. — *Lib. IV.*

Ab eis qui renascuntur in Christo, princeps mundi mittitur foras, quod mysteria significant, quando parvuli baptizandi exorcizantur et exsufflantur.

CAP. 94. — *Augustinus de Symbolo, lib. I, cap. 1.*

(*De cons.*, dist. 4, c. *Sicut nostis*.) Sicut nostis, parvuli et exsufflantur et exorcizantur ut pellatur ab eis diaboli potestas inimica, quæ deceptit hominem, ut possideret homines. Non ergo creatura Dei in infantibus exorcizatur aut exsufflantur, sed ille sub quo sunt qui sub peccato nascuntur.

CAP. 95. — *Rabanus de instit. clericorum, lib. I, cap. 28.*

(*De cons.*, dist. 4, c. *Postea*.) Postea signatur baptizandus signaculo sanctæ crucis, tam in fronte quam in corde, ut ipse apostata diabolus in vase suo pristino suæ interemptionis cognoscens signum, jam sibi deinceps sciat illud esse alienum.

CAP. 96. — *Augustinus de Symbolo, lib. II, cap. 1.*

Nondum adhuc per sacrum baptismum renati estis, sed per crucis signum in utero sanctæ matris Ecclesiæ jam concepti estis.

CAP. 97. — *Rabanus, ibidem.*

Exin jam dicuntur super eum orationes, ut fiat catechumenus.

CAP. 98. — *August. de Symbolo, lib. IV, cap. 1.*

Omnia sacramenta quæ acta sunt et aguntur in vobis per ministerium servorum Dei exorcismis, orationibus, canticis spiritualibus, insufflationibus, cilicio, inclinatione cervicium, humilitate pedum, pavor ipse omni securitate appetendus. Hæc omnia, ut dixi, escæ sunt quæ nos reficiunt in utero, ut renatos ex baptismo hilares vos mater exhibeat Christo.

CAP. 99. — *Rabanus, ibid.*

Tunc datur baptizando sal benedictum in os, ut per sal typicum sapientiæ sale conditus, fetore careat iniquitatis, et nec a vermibus peccatorum ultra putrefiat, sed magis illæsus servetur ad majorem gratiam percipiendam.

CAP. 100. — *Beda super Regum [Esdram], lib. II, cap. 9.*

(*Lib. I, c. 27, De cons.*, dist. 4, c. *Sal cælestis*.) Sal cælestis sapientiæ quo initiantur catechumeni, in cunctis operum nostrorum sacrificiis offerre jubemur.

CAP. 101. — *Isidorus de officiis, lib. II, cap. 19.*

Sales in ministerio catechumenis dandos a Patribus ideo est institutum, ut eorum gustu condimentum sapientiæ percipiant, neque desipiant a saporibus Christi, nec sint fatui, ut retro respiciant sicut uxor Loth (*Gen. xix*).

CAP. 102. — *Rabanus, ibid.*

(*De cons.*, dist. 4, c. *Dehinc*.) Dehinc horum exorcizatur diabolus, ut suam nequitiam cognoscens, et justum super se Dei judicium timens recedat ab homine, nec jam contendat eum arte sua subvertere, ne baptismum consequatur, sed magis

honorem Deo creatori suo exhibens reddat opus Deo A
factori suo.

CAP. 103.—*Gregorius, homilia 29 (super evangelia).*

(*De cons., dist. 4, c. Sacerdotes.*) Sacerdotes, cum per exorcismi gratiam manum credentibus imponunt, et habitare malignos spiritus in eorum mente contradicunt, quid aliud faciunt nisi dæmonia eiciunt?

CAP. 104.—*Rabanus, ibid.*

(*De cons., dist. 4, c. Postea.*) Postea tanguntur ei nares et aures cum saliva, et dicitur ei verbum evangelicum, quod Jesus quando surdum et mutum sanavit, tangens cum spato linguam ejus, et mittens digitos in aurículas ejus, dixit: *Effeta*, quod est *adaperire* (*Marc. vii*). Hoc enim sacramentum hic agitur, ut per salivam typicam, et sacerdotis tactum sapientia, et virtus divina salutem ejusdem catechumeni operetur; ut aperiantur ei nares ad accipiendum odorem notitiæ Dei, ut aperiantur illi aures ad audiendum mandata Dei, sensuque intimo cordis reponendum.

CAP. 105.—*Beda in libro primo, homilia 19 (homilia in Domin. xii post. Trinit.).*

Mos increbuit Ecclesiæ, ut sacerdotes illius his quos percipiendis baptismi sacramentis præparant, prius inter cætera consecrationis exordia, de saliva oris sui nares tangant et aures, dicentes: *Effeta*. Per salivam quidem oris sui gustum, quo initiandi sunt, supernæ sapientiæ designantes; per tactum vero narium, ut abjectis delectationibus nexiis, solum Christi semper amplectantur odorem.

CAP. 106.—*Ambrosius de sacramentis, lib. 1, cap. 1.*

Quid egimus in Sabbato? Nempè apertionem, quia mysteria celebrata sunt apertionis, quando tibi aures sacerdos tetigit et nares. Quod significavit in Evangelio Dominus noster Jesus Christus, cum ei oblatuisset surdus et mutus, tetigitque aures et os ejus (*Marc. vii*). Aures, quia surdus erat. Os, quia mutus erat, et ait: *Effeta*, Hebraicum verbum, quod Latine dicitur, *adaperire*. Ideo igitur tibi sacerdos tetigit aures, ut aperirentur aures tuæ ad sermonem, et ad eloquium sacerdotis. Item: Propter gloriam muneris et operis non os tangit episcopus, sed nares, ut bonum odorem accipias pietatis æternæ.

CAP. 107.—*Nicænum concilium, cap. 14.*

De catechumenis lapsis sancto et magno concilio placuit, ut tribus annis sint inter audientes; post hæc autem cum catechumenis forent.

CAP. 108.—*Pro catechumenis Rabanus, ibid.*

(*De cons., dist. 4, c. Deinde.*) Deinde a sacerdote inungitur, ut sacrum baptismum cum fide accepta custodiatur. Ungitur illius tunc pectus de oleo sanctificato, cum invocatione sanctæ Trinitatis mens ejus confortetur. Ungitur et inter scapulas de eodem oleo, ut undique muniatur, et ad bona opera facienda per Dei gratiam roboretur.

CAP. 109.—*Ambrosius de sacramentis, lib. 1, cap. 2.*

(*Lib. 1, c. 2, De cons., dist. 4, c. Venisti.*) Venisti

ad fontem, ingressus es, considera quos videris; quid locutus sis, repete diligenter. Occurrit tibi levita; occurrit tibi presbyter: unctus es quasi athleta Christi, ut ad baptismum catechumenus accedas.

CAP. 110.—*Rabanus, eod. l., c. 28.*

Consecratur fons, et ad ipsum baptismum catechumenus accedit.

CAP. 111.—*Ambrosius de sacramentis, tract. 2, cap. 5.*

(*De cons., dist. 4, c. Venit.*) Venit sacerdos ad fontem, dicit precem, invocat Patris nomen, præsentiam Filii et Spiritus sancti; utitur verbis cælestibus, quæ Christi sunt, quod baptizetur in nomine Patris et Filii et Spiritus sancti.

CAP. 112.—*Capitularium, lib. vi, cap. 77.*

In Sabbato sancto Paschæ vel Pentecostes, si quis velit aquam consecratam ad aspersionem in domo sua recipere, ante chrismatis infusionem accipiat.

CAP. 113.—*Augustinus de Symbolo, lib. 1, cap. 1.*

(*Lib. II, c. 1.*) Hac nocte circa nos actum est quod cæteris noctibus actum non est, ut ex locis secretis singuli produceremini in conspectu totius Ecclesiæ. Ibi quæ cervicæ humiliata, quæ male fuerat ante exaltata, in humilitate pedum cilicio substrato in vobis celebraretur examen, atque ex vobis extirparetur diabolus superbus, dum super nos invocatus est humiliter [humilis] altissimus Christus.

CAP. 114.—*Stephanus V Stiliano archiepiscopo.*

C Nunquid non omnia charismata sacerdotalis ministerii, crucis figura perficiuntur? Nunquid ne baptismatis unda nisi cruce sanctificata peccata relaxat? Et ut cætera prætereamus, sine crucis signaculo quis sacerdotii gradus ascendit.

CAP. 115.—*Augustinus de unico baptismo, lib. vi (contra Donatistas.)*

(*De cons., dist. 4, c. Si non sanctificatur.*) Si non sanctificatur aqua, cum aliqua erroris verba per imperitiam preator effundit, multi non solum mali, sed etiam boni fratres in ipsa ecclesia non sanctificant aquam. Multorum enim preces emendantur quotidie, si doctoribus fuerint recitatæ, et multa in eis reperuntur contra catholicam fidem. Nunquid si manifestetur aliquos baptizatos, cum illæ preces dictæ super aquam fuissent, jubebuntur de novo baptizari? Quid ita? Quia plerumque precis vitium superat precantis affectus, et quia certa illa verba evangelica, sine quibus non potest baptismus consecrari, tantum valent, ut per illa sic evacuentur, quæcunque in prece vitiosa contra regulam fidei dicuntur, quemadmodum dæmonium nomine Christi excluditur. Nam, utique hæreticus si afferat precem vitiosam, nec bonum habeat charitatis affectum, quo possit illa imperitia superari, et ideo similis est ei quicumque in ipsa catholica invidus et malevolus quales illic arguit Cyprianus. Afferat etiam, ut fieri solet, aliquam precem, in qua loquatur contra regulam fidei; multi quippe irruunt in preces, non solum

ab imperitis loquacibus, sed etiam ab hæreticis A compositas, et per ignorantæ simplicitatem non eas valentes discernere utuntur eis, arbitantes quod bonæ sint, nec tamen quod in eis perversum est, evacuat illa quæ ibi recta sunt, sed ab eis potius evacuatur.

CAP. 116.—*Lib. III.*

(*Cap. 10. De cons., dist. 4, c. Non est aqua.*) Non est aqua profana et adultera, super quam Dei nomen invocatur, etiamsi a profanis et adulteris invoceatur, quia nec ipsa creatura, nec ipsum nomen adulterum est.

CAP. 117.—*Lib. v.*

(*Cap. 19.*) Quomodo aquam mundat, et sanctificat homicida? quomodo oleum benedicunt tenebræ? Si autem sacramentis adest et verbis suis, per quoslibet administrantur, et sacramenta Dei ubique recta sunt, et mali homines, quibus nihil prosunt, ubique perversi sunt.

CAP. 118.—*Augustinus contra Julianum, lib. IV.*

Recole quemadmodum in Ecclesia Christi baptismatis mysteria celebrentur, et invenies, quod abrenuntient et parvuli per ora gestantium, sicut per ora gestantium credunt. Item :

CAP. 119.

Quisquis negat parvulos credere per ora gestantium, neget eos et accipere baptismum, quia in manibus gestantium reluctantur.

CAP. 120.—*Augustinus de libero arbitrio, lib. III, cap. 28.*

(*De cons., dist. 4, c. Illud perscrutari.*) Illud C perscrutari homines solent, sacramentum baptismi Christi quid parvulis prosit, cum, eo accepto, plerumque moriantur, priusquam ex eo quidquam cognoscere potuerint. Qua in re, satis pie recteque creditur potuisse parvulo eorum fidem, a quibus consecrandus offertur. Et hoc Ecclesiæ commendat saluberrima auctoritas, ut ex eo quisque commendat, quid sibi prosit fides sua, quando in aliorum quoque beneficio, qui propriam nondum habent potestatem, commoda sit.

CAP. 121. — *Augustinus de penitentia medicina, cap. 11.*

Parvulis ad consecrationem remissionemque originalis peccati prodest eorum fides a quibus offeruntur, ut quasunque maculas delictorum per alios ex quibus nati sunt, contraxerunt, aliorum etiam interrogatione purgentur.

CAP. 122. — *Augustinus super Joannem, tract. 80.*

Verbum fidei tantum valet in Ecclesia Dei, ut per ipsum credentem, offerentem, benedicentem, ungentem, etiam tantillum mundet infantem, quamvis nondum valentem corde credere ad justitiam, et ore confiteri ad salutem (*Rom. 1*).

CAP. 123. — *Isidorus de officiis, lib. II, cap. 28.*

(*De consecr., dist. 4, c. Egrotantes.*) Egrotantes si pro se respondere non possunt, cum voluntatis eorum testimonium sui dixerint, baptizentur. Similiter et de penitentibus agendum.

CAP. 124. — *Augustinus de baptismo unico.*

(*Contra Donat. l. IV, c. 24, de cons., dist. 4, c. Cum pro parvulis.*) Si pro eo qui respondere potest in baptismo alius respondeat, non itidem valet. Ex qua regula illud in Evangelio dictum est quod omnes, cum legitur, naturaliter movet : *Ætatem habet, ipse pro se loquatur* (*Joan. 1x*).

CAP. 125. — *Augustinus de adulterinis conjugiiis ad Pollentium, lib. I, cap. 28, tomo VI operum.*

Ego non solum alios catechumenos, verum etiam ipsos, qui viventium conjugiiis copulati retinent adulterina consortia, cum salvos corpore in his permanentes non admittamus ad baptismum; tamen si desperati, et intra se penitentes jacuerint, nec pro se respondere potuerint, baptizandos esse puto, ut B etiam hoc peccatum cum cæteris lavacro regenerationis abluatur. Quis enim novit utrum fortassis adulterinæ carnis illecebra usque ad baptismum staterant detineri? Si autem ab illa desperatione recreati potuerint vivere, aut facient quod staterant, aut edocti obtemperabunt, aut de contemptoribus fiet, quod fieri etiam de baptizatis talibus solet. Quæ autem baptismatis, eadem et reconciliationis est causa, si forte penitentem est finiendæ vitæ periculum præoccupaverit. Nec enim ipsos ex hac vita sine arrha suæ pacis exire velle debet mater Ecclesia.

CAP. 126. — *Ambrosius de sacramentis, tract. 2, cap. 7.*

Interrogatus es : Credis in Deum Patrem omnipotentem? Dixisti : *Credo*; et mersisti, hoc est sepultus es. Iterum interrogatus es : Credis et in Deum nostrum Jesum Christum, et in crucem ejus? Dixisti : *Credo*; et mersisti. Ideo et Christo es conspultus. Qui enim Christo conspeltur, cum Christo resurgit (*Rom. vi*). Tertio, interrogatus es : Credis et in Spiritum sanctum? *Credo*; et tertio mersisti, ut multiplicem lapsum superioris ætatis absolveret trina confessio.

CAP. 127. — *Gregorius III papæ Bonifacio (epistola 3).*

Quosdam baptizatos absque interrogatione Symboli, ab adulteris et indignis presbyteris fassus es. In his tua dilectio teneat antiquum morem Ecclesiæ; quia quisquis in nomine Patris, et Filii, et Spiritus sancti baptizatus est (*Matth. xxviii*), eum rebaptizari minime licet. Non enim in nomine baptizantis, sed in nomine Trinitatis hujus gratiæ donum percepit.

CAP. 128. — *Canones apostolorum, capitulo 5.*

(*De consec. dist. 4, c. Si quis.*) Si quis presbyter trinam mersionem unius mysterii non celebret, sed semel mergat in baptismate quod dare jubetur in Domini mortem, deponatur. Non dixit Dominus : In morte mea baptizate; sed : *Euntes, docete omnes gentes, baptizantes eos in nomine Patris, et Filii, et Spiritus sancti* (*Matth. xxviii*).

CAP. 129. — *Toletanum concilium IV, cap. 5.*

(*De cons., dist. 1, c. Propter.*) Propter vitandum

schismaticis scandalum, vel hæretici dogmatis usum, A
simplicem tenemus baptismi mersionem.

CAP. 130. — *Gregorius Leandro episcopo (lib. 1, c. 41).*

(*De consec. dist., 4, c. De trina.*) De trina mersione baptismatis nihil responderi verius potest, quam ipsi sensistis, quia in una fide nihil odicit sanctæ Ecclesiæ consuetudo diversa. Nos autem quod tertio mergimus, triduanæ sepulturæ sacramenta signamus, ut dum tertio ab aquis infans educitur, resurrectionis triduanæ temporis exprimat. Quod si quis forte, etiam pro summæ Trinitatis veneratione æstimet fieri, neque hoc aliquid obsistit baptizandum semel in aquis mergere. Quia dum tribus subsistentiis una substantia est, reprehensibile esse, nullatenus potest infantem in baptisate, vel ter, vel semel mergere, quando et in tribus mersionibus personarum Trinitas, et in una potest divinitatis singularitas designari.

CAP. 131. — *Rabanus super Epist. ad Ephes. lib. 11.*

Eodem modo in Patrem et Filium et Spiritum sanctum baptizamus, et ter mergimus, ut Trinitatis unum appareat sacramentum. *Item*: Licet ter baptizemus propter mysterium Trinitatis, tamen unum baptismum reputatur.

CAP. 132. — *Antissiodorensis concilium, cap. 25.*

(*De cons., dist. 4, c. Non licet.*) Non licet abbati, nec monachis de baptismo suscipere filios, nec commatres habere.

CAP. 133. — *Capitularium, lib. VII, cap. 494.*

Monachi sibi compatres commatresve non faciant, nec osculentur feminas.

CAP. 134. — *Augustinus Dominica prima post Pascha, qui sic incipit: Hodiernus dies.*

(*De cons., dist. 4, c. Vos ante omnia.*) Vos ante omnia tam viros quam femineas, qui filios in baptismo suscepistis monco, ut vos cognoscatis fidei iussos apud Deum exstitisse, pro illis quos visi estis de sacro fonte suscipere, ideo semper eos admonete, ut castitatem custodiant, justitiam diligant, charitatem teneant, hoc omnibus faciant quod sibi fieri volunt, auguria non servant, et ad arbores, et ad fontes vota non reddant, incantatores, aut caragios, sacrilegia, phylacteria, velut diaboli venena fugiant, nec furtum faciant, nec falsum testimonium dicant. Ante omnia Symbolum et orationem Dominicam et vos ipsi tenete, et illis quos excepistis ostendite.

CAP. 135. — *Nicolaus ad consulta Burgarorum.*

Ita diligere debet homo eum, qui se suscepit ex sacro fonte, sicut patrem. *Item*: Est inter patres et filios spirituales gratuita et sancta communio, quæ non est dicenda consanguinitas, sed potius habenda spiritualis proximitas. Unde inter eos non arbitramur fieri [alias esse] posse quodlibet conjugale connubium, quandoquidem nec inter eos qui natura, et eos qui in adoptione filii sunt venerandæ Romanæ leges matrimonium contrahi permittunt. *Item*: Si inter eos contrahitur matrimonium quos

A adoptio jungit; quanto potius a carnali oportet inter se contubernio cessare, quos per cœlestis sacramentum regeneratio sancti Spiritus junxit. Longe igitur congruentius filius patris mei vel frater meus appellatur is quem gratia divina, quam quem humana voluntas, ut filius vel frater meus esset, elegit, prudentiusque ab alterna corporis commistione secedimus.

CAP. 136. — *Idem Salemonio episcopo.*

Nosse desideras utrum mulier quæ viri filium ex alia filia genitum de sacro fonte levaverit, postmodum possit cum eodem viro copulari? Quos ideo jungi posse decernimus, quia secundum sacros canones nisi amorum consensu nullius religionis obtentu debet conjux dimittere conjugem. Pertinet autem ad ingens uxoris exitium, quæ habens odio virum vel infirmitatem ejus non considerans, quasi causa pietatis operatur impietatem: maxime cum præcipiat Apostolus: *Nolite, inquit, fraudare invicem, nisi ex consensu ad tempus ut vacetis orationi (I Cor. vii).* Et iterum: *Revertimini in idipsum, ne tentet vos Satanas propter incontinentiam vestram (ibid.).* Ergo, si non ex consensu utriusque conjugis hoc esse factum probatur, non fraudentur invicem, sed revertantur in idipsum, præsertim cum dicat Apostolus: *Uxor sui corporis potestatem non habet, sed vir; sic vir potestatem non habet sui corporis, sed mulier (ibid.).*

CAP. 137. — *Idem Salamoni Constantiensi episcopo.*

C Sciscitatur a nobis sanctitas vestra, si aliquis homo duas spirituales commatres habere valeat, unam post alteram. In quo fraternitas tua meminisse debet scriptum esse: *Erant duo in carne una (Gen. ii).* Itaque, cum constet quia vir et uxor una caro per connubium efficiuntur, restat nimirum virum compatrem constitui illi mulieri cui in matrimonio assumpta uxor commater esse videbatur: et ideo licet virum illi femine non posse jungi in copula quæ commater erat ejus, cum qua idem una fuerat caro effectus.

CAP. 138. — *Idem Carolo archiepiscopo et ejus suffraganeis.*

Si quis cum commatre spirituali fuerit fornicatus, anathematis ut scilicet percutitur ictibus [jaculis]. Similiter autem et illum percutere promulgamus, qui cum ea quam de sacro fonte baptismatis suscepit, aut cum illa, quam ante episcopum tenuerit cum sacro chrismate fuerit uncta, fornicationis perpetraverit scelus; legitimam tamen si habuerit uxorem, non dimittit.

CAP. 139. — *Ex decretis Gregorii junioris.*

Si quis spirituales commatrem in conjugium duxerit, anathema sit.

CAP. 140. — *Rabanus eodem libro, cap. 28.*

(*De cons., dist. 4, c. Postquam.*) Postquam ascenderit baptizatus de fonte, statim signetur in cerebro a presbytero cum sacro chrismate, sequente simul et oratione, ut Christi regni particeps fiat, et a Christo Christianus possit vocari.

CAP. 141. — *Ambrosius de sacramentis, tractat. 2, A* deo, nescitis utrum Christiano, an pagano, multos
cap. 7.

(*De cons., dist. 4, c. Emergisti.*) Emergisti, venisti ad sacerdotem; quid tibi dixit? *Deus*, inquit, *Pater* *et Spiritus*, *concessitque tibi peccata tua, ipse te ungit in vitam eternam.* Vide ubi unctus es, in vitam, inquit, *eternam.*

CAP. 142. — *Tractat. 3 ejusdem, cap. 1.*

(*Ambr. de iis qui mysteriis initiantur, cap. 6; de* *cois., dist. 4, c. Accipis.*) Accipis mysterium, hoc est unguentum super caput. Quare super caput? Quia sensus sapientis in capite ejus. Sequitur spirituale signaculum, quod post fontem superest, quo perfectio fiat, quando ad invocationem sacerdotis Spiritus sanctus infunditur.

CAP. 143. — *Rabanus eodem libro, cap. 29.*

(*De cons. dist. 4, c. Post baptismum.*) Post baptismum traditur Christiano vestis candida, quæ significat innocentiam et puritatem Christianam, quam post ablutas veteres maculas, studio sanctæ conversationis immaculatam servare debet, ad præsentandum ante tribunal Christi. Cuncti vero renati albis induuntur vestibus, ad mysterium resurrectionis Ecclesiæ. *Item*: Utuntur baptizati albis vestibus, ut quorum primæ nativitatæ faciem vetusti erroris pannus fuscaverat, habitus secundæ generationis gloriæ præferat indumentum. Tegitur enim post sacram unctionem caput ejus mystico velamine, ut intelligat se diademate regni, et sacerdotali dignitate potiri.

CAP. 144. — *Ambrosius de mysteriis initiandis, cap. 7.*

Accepisti post baptismum vestimenta candida, ut esset indicium quod exueris involuercum peccatorum, et indueris innocentie casta velamina.

CAP. 145. — *Sanctus August. in octavis Paschæ, qui sic incipit.*

Paschalis festivitas hodierna festivitate concluditur, et ideo hodie neophytorum habitus commutatur; ita tamen, ut eandem qui de habitu deponitur, semper in corde teneatur.

CAP. 146. — *Gregorius III Bonifacio.*

(*De cons., dist. 4, c. Parvulos.*) Parvulos qui a parentibus subtracti sunt, et non baptizati sint non ignoratur, ut hos baptizare debeas, secundum Patrum traditionem, si non fuerit qui testificetur, ratio poscit.

CAP. 147. — *Carthaginense concilium, capitulo 6.*

(*De cons., dist. 4, c. Placuit.*) Placuit de infantibus quoties non inveniuntur certissimi testes, qui eos baptizatos esse sine dubitatione testentur, neque ipsi sunt per ætatem idonei de traditis sibi sacramentis respondere, absque ullo scrupulo eos esse baptizandos. Similiter et de ecclesiis, quoties super earum hæsitator consecratione, agendum est, id est ut sine trepidatione consecrentur.

CAP. 148. — *Nicolans ad consulta Bulgarorum, cap. 104.*

(*De cons., dist. 4, c. A quodam Ju-*

deo, nescitis utrum Christiano, an pagano, multos in patria vestra baptizatos asseritis, et quid inde sit consulitis agendum. Illi profecto, si in nomine sanctæ Trinitatis, vel tantum in nomine Christi, sicut in Actibus apostolorum legimus, baptizati sunt (*Act. II, 10*), unum quippe, idemque est, ut sanctus exponit Ambrosius, constat non esse denuo baptizandos.

CAP. 149. — *Gregorius III Bonifacio, epistola 4*

Illi qui baptizati sunt per diversitatem, et declinationem linguarum gentilitatis, tamen quia in nomine Trinitatis baptizati sunt, oportet eos per manus impositionem, et sacri chrismatis unctionem confirmari.

CAP. 150. — *Idem Bonifacio.*

De illo falso episcopo, quem dixisti quod adulterati clerici et homicidæ filius in adulterio natus, et absque disciplina nutritus esset, et cætera mala horribilia, quæ per singula enarrasti, ac per hoc sui similes sacerdotes consecravit, de hoc meminit tua reverenda fraternitas, quia tribus jam vicibus scripsimus, ut nullus homicida, nullus adulter, nullus fornicator sacrum ministerium debeat attrahere. De baptizatis vero ab illo seu ecclesiis consecratis, quod requirit tua fraternitas, scito ecclesias, quas in nomine sanctæ Trinitatis consecravit, et parvulos similiter quos baptizavit, qualiscunque sit qui sacerdotio fungebatur, non esse denuo eas per alium consecrandas, aut hos parvulos baptizandos.

CAP. 151. — *Anastasius papa II Anastasio.*

(*In dec., c. 7, c. Sanctæ Ecclesiæ catholicæ, dist. 19, part. prima.*) Sacratissimum serenitatis tuæ pectus agnoscat, quod nullum de his vel quos baptizavit Acatius, vel quos sacerdotes vel levitas secundum canones ordinavit, ulla ex nomine Acatii portio læsionis attingat, quod forsitan per iniquum tradita sacramenti gratia minus firma videatur. Nam et baptismus, quod procul sit ab ecclesia, sive ab adultero, vel a fure fuerit datum, ad percipientem munus pervenit illibatam.

CAP. 152. — *Concilium IV Carthaginense, cap. 41.*

(*De cons., dist. 4, c. Non liceat.*) Non liceat fieri rebaptizationes, reordinationes, vel translationes episcoporum.

CAP. 153. — *Gregorius Quirino episcopo in Hibernia, lib. IX, epist. 64.*

(*De cons., dist. 4, c. Ab antiqua.*) Antiqua Patrum institutione didicimus, ut qui apud hæresim in Trinitatis nomine baptizantur, cum ad sanctam Ecclesiam redeunt, aut unctione chrismatis, aut manus impositione, aut sola professione fidei, ad sinum matris Ecclesiæ revocentur. Unde Arianos per manus impositionem occidens, per unctionem vero sancti chrismatis, ad ingressum sanctæ catholicæ Ecclesiæ oriens reformat; Monophysitas [Monothelitas] vero et alios ex sola vera confessione recipit, quia sanctum baptismus, quod sunt apud hæreticos consecuti, tunc in eis vires emundationis accipit, cum vel illi per manus impositionem Spiritum sau-

ctum acceperint; vel isti per confessionem veræ fidei sanctæ et universalis Ecclesiæ visceribus fuerint uniti. (*De cons., dist. 4, c. Hi vero.*) Hi vero hæretici qui in Trinitatis nomine baptizantur, sicut sunt Bonosiaci et Cataphrygæ, quia et illi Christum Dominum non credunt, et isti Spiritum sanctum per-verso sensu esse quemdam pravum hominem Montanum credunt, quorum similes multi sunt alii, cum ad sanctam Ecclesiam veniunt baptizantur, quia baptismus non fuit, quod in errore positi, in sanctæ Trinitatis nomine minime perceperunt, nec potest ipsum baptismum dici iteratum, quod, sicut dictum est, in Trinitatis nomine non erat datum.

CAP. 154. — *Augustinus de verbis Domini, tractat. 9.*

Ille non est dicendus esse in Ecclesia, id est ad societatem spiritus pertinere, qui ovibus Christi corporali tantum commistione ficto corde miscetur. Spiritus enim disciplinæ effugiet fictum (*Sap. 1*). Quapropter quotquot in schismaticis vel hæreticis congregationibus, vel potius segregationibus baptizantur, quamvis non sint renati Spiritu, tanquam Ismaeli similes, qui secundum carnem natus est Abrahamæ, non sicut Isaac, qui secundum spiritum, quia per repromissionem (*Gen. 21*); tamen cum ad catholicam veniunt, et societati spiritus aggregantur, quem foris procul dubio non habebant, non eis repetitur lavacrum carnis. Non enim defuit etiam foris positus ista forma pietatis, sed abfuit eis, quæ nisi intus non potest dari unitas spiritus, in vinculo pacis.

CAP. 155. — *Tractatu ejusdem 63.*

Hæretici et schismatici de fidei Dominicis peculia sibi fecerunt, et greges non Christi, sed suos contra Christum pascere voluerunt. Plane in ipsis damnationibus [dominationibus] suis, titulum illius posuerunt. Ut prædæ illorum defenderentur quasi per titulum potentis. Quid facit Christus, quando tales convertuntur, qui foris ab Ecclesia titulum ejus baptismatis acceperunt? Ejicit prædatorem, et titulum non deponit. Sed possidet domum, quia invenit ibi titulum quid opus est, ut mutet nomen suum?

CAP. 156. — *Augustinus super Joannem part. 1, tract. 5.*

(*De cons., dist. 4, c. Baptismus.*) Baptismus talis est, qualis est ille, in cujus potestatem datur; non qualis ille est per cujus ministerium datur.

CAP. 157. — *Item in eodem.*

Quid noverat Joannes Baptista? Dominum. Quid non noverat? Potestatem baptismi Domini in nullo hominem a Domino transituram, sed ministerium plane transiturum. Potestatem a Domino in neminem, sed ministerium in bonos et in malos. Non exhorreat columba ministerium malorum; respiciat Domini potestatem. Quid tibi facit minister malus, ubi bonus est Dominus? Quid te impedit malitiosus præco, si benevolus est judex?

CAP. 158. — *Item, in eodem tractatu.*

Neque qui plantat est aliquid, neque qui rigat, sed qui incrementum dat Deus (11 Cor. 3). Qui, vero superbus fuerit minister, cum diabolo computatur, sed non contaminatur donum Christi. Quod per illum fluit, purum est; quod per illum transit liquidum, venit ad fertilem terram. Puta quia iste lapideus est, quia ex aqua fructum ferre non potest, sed per lapideum canalem transit aqua ad areolas, in canali lapideo nihil generat, sed hortus fructus plurimos affert. *Item in eodem.* Ego dico, et nos dicimus omnes, quia justos oportet esse, per quos baptizatur, quia justus oportet esse tanti judicis ministros. Sint ministri justi si volunt. Si autem noluerint esse justus qui in cathedra Moysi sedent, securum me fecit magister meus, de quo spiritus ejus dicit: *Hic est qui baptizat (Matth. xv).*

CAP. 159. — *Item in eodem.*

(*De cons., dist. 4, c. Cum baptismus.*) Quos baptizavit Judas, Christus baptizavit. Si ergo quos baptizavit ebriosus, quos baptizavit homicida, quos baptizavit adulter, si baptismus Christi erat, Christus baptizavit. Non timeo adulterum, non ebriosum, non homicidam, quia columbam attendo, per quam mihi dicitur: *Hic est qui baptizat (Joan. 1).* *Item.* Homicida dedit baptismum Christi, quod sacramentum tam sanctum est, ut nec homicida ministrante polluat.

CAP. 160. — *Item, tract. 6.*

(*De cons., dist. 4, c. Cum baptizat.*) Dum baptizat malus ex aliqua vel ignorantia ecclesiæ vel tolerantia; aut enim ignorantur mali aut toleratur palea, quousque in ultimo ventiletur arca. Illud quod datum est, unum est, nec impar propter impares ministros, sed par et æquale propter hunc qui baptizat. (*Augustinus de ecclesiasticis regulis, cap. 52.*) Hi qui apud illos hæreticos baptizati sunt, qui in sanctæ Trinitatis confessione baptizantur et veniunt ad catholicam, recipiantur quidem ut baptizati, ne sanctæ Trinitatis invocatio vel confessio annulletur. Sed doceantur integre et instruantur quo sensu sanctæ Trinitatis mysterium in Ecclesia teneatur; et si consentiunt credere, vel acquiescunt confiteri, purgati fidei integritate, firmentur manus impositione. Si vero parvuli sunt et hebetes qui doctrinam non capiant, respondeant pro illis qui eos offerunt juxta morem baptizandi, et sic per manus impositionem chrismate communiti, cum eucharistiæ mysteriis admittantur. *Solutio Augustini ad questionem Orosii (l. 11, quæst. 65 in dialogo).* (*De cons., dist. 4, c. Baptismus.*) Quamvis unum baptismus sit hæreticorum, eorum scilicet qui in nomine Patris, et Filii, et Spiritus sancti baptizant, et Ecclesiæ catholice; tamen quia foris ecclesiam baptizantur, non sumunt baptismum ad salutem, sed ad perniciem; habentes nimirum formam sacramenti, virtutem autem ejus abnegantes. Et ideo eos Ecclesia non rebaptizat, quia in nomine Trinitatis baptizati sunt. ipsa est profecto forma sacramenti. Ideo dum re-

versi fuerint, accipient virtutem Spiritus sancti, quam hi qui foris ecclesiam baptizantur, nondum habent. *Augustinus contra Cresconium grammaticum, lib. xi.* Hoc est verum, hoc sanum, hoc catholicum, quod Christus mundet accipientium conscientias, sive per bonos ministros baptismi sui, sive per malos. *Item, cap. 2.* Si quaeris quomodo baptizent quos damnavit Ecclesia, respondeo sic eos baptizare quomodo baptizant, quos damnavit Deus, antequam de illis quidquam judicaret Ecclesia. *Lib. iii, cap. 6. (De cons., dist. 4, c. Si inter.)* Si inter bonos ministros, cum sit alius alio melior, non est melior baptismus, qui per meliorem datur: nullo modo est malus, qui etiam per malum datur, quando idem baptismus datur; et ideo per ministros dispares Dei manus aequale est, quia non illorum, sed ejus est.

CAP. 161. — *Pelagius PP. Gaudentio episcopo.*

De haereticis, ex quibus per Paulinum filium tuum virum clarissimum nos consulendos esse duxisti: ut si quidam ex iis reverti volunt ad catholicam fidem, utrum baptizandi sint, an tantummodo reconciliandi, haec tuam volumus fraternitatem custodire, quae circa Sirmiae et Simgidunae aliaque vicina loca (ubi istius haeresis homines multi sunt) novimus custodiri, ut quia in nomine solummodo Christi, una etiam mensione se asserunt baptizari. Evangelicum vero praecipuum (ipso Deo Domino et Salvatore nostro Jesu Christo tradente) nos admonet in nomine Trinitatis, trina etiam mensione baptismum unicuique tribuere, dicente Domino nostro discipulis suis: *Ite, baptizate omnes gentes in nomine Patris, et Filii, et Spiritus sancti (Matth. xviii).* Si revera hi de praefatis haereticis, qui in locis dilectioni tuae destinatis vicinis commorari dicuntur, solummodo se in nomine Domini baptizatos fuisse forsitan contentur, sine cujusdam dubitationis ambiguo exs ad catholicam fidem venientes, sanctae Trinitatis nomine baptizabis. Sin vero apud dilectionem tuam eorum qui converti volunt, manifesta confessione claruerit, quod in Trinitatis nomine fuerint baptizati, sola conciliationis gratia impensa, catholicae reconciliare fidei maturabis, ut tali dispositione servata nihil aliter quam quod evangelica jubet auctoritas, temeritatis cujusdam spiritu videatur effectum.

CAP. 162. — *Augustinus de baptismo contra Donatistas lib. ii, cap. 53.*

(*De cons., dist. 4, c. Solet etiam quaeri.*) Solet etiam quaeri utrum approbandum sit baptismus, quod ab eo qui non accepit, accipitur: si forte hoc curiositate aliqua didicit (quomodo dandum [quemadmodum] sit, et utrum nihil intersit, quo animo accipiat ille, cui datur cum simulatione, an sine simulatione. Si cum simulatione, utrum fallens, sicut in Ecclesia, vel in ea quae putatur Ecclesia, an jocans sicut in mimo. Et quid sit sceleratius in Ecclesia fallaciter accipere, an in haeresi vel schismate sine fallacia, id est animo non simulato. Et utrum in haeresi fallaciter, an in mimo cum fide, si quisquam inter

agendum repentina pietate moventur. Quanquam talem, si etiam illi conferamus, qui in ipsa catholica fallaciter accipit, mirum si dubitatur quis cui preferendus sit. Quid enim prosit animus veraciter dantis fallaciter accipienti, non video. Sed arbitremur aliquem etiam fallaciter dantem: cum et tradens et accipiens, fallaciter agant in ipsa unitate catholica, utrum hoc magis baptismus sit acceptandum, an illud quod in mimo datur: si quis existat fideliter, subito commotus accipiens, an quantum ad ipsos quidem homines attinet plurimum distat inter credentem in mimo et in Ecclesia irridentem, ad ipsius autem sacramenti integritatem nihil intersit. Si enim nihil interest ad integritatem sacramenti in ipsa catholica, utrum id aliqui fallaciter an veraciter agant: cum tamen hoc idem utrique agant, cur extra intersit non video, quando ille qui accipit, non simulatione palliatus, sed religione mutatus est. An plus valent ad confirmandum sacramentum veraces inter quos agitur, quam ad frustrandum illi fallaces a quibus agitur, et in quibus agitur. Et tamen si postea probatur, nemo repetit, sed aut excommunicando punitur illa simulatio, aut poenitendo sanatur. Sed nobis tutum est in ea non progredi aliqua temeritate sententiae, quae nullo in catholico regionali concilio coepta, nullo plenario terminata sunt. Id autem fiducia securae [sit cura] vocis asserere, quod in gubernatione Domini nostri Jesu Christi universalis Ecclesiae consensione roboratum est. Verumtamen si quis me forte in illo concilio constitutum, ubi talium rerum quaestio versaretur, non procedentibus talibus, quorum sententias sequi mallet, urgeret ut dicerem, quid ipse sentirem, si eo modo affectus essem, quo eram, cum ea dictarem, nequaquam dubitarem habere baptismum eos qui ubicunque et a quibuscunque illud verbis evangelicis consecratum sine sua simulatione et cum aliqua fide accipissent; quanquam eis ad salutem spiritualem non prodesset, si charitate caruissent, qua catholicae insererentur Ecclesiae. *Si enim, inquit, habeam fidem, ut montes transferam, charitatem autem non habeam, nihil sum (I Cor. xiii).* Sicut jam praeteritis majorum statutis, non dubito etiam illos habere baptismum, qui, quamvis id fallaciter accipiant in Ecclesia, tamen ubi accipiunt vel ubi esse putatur Ecclesia ab eis in quorum societate id accipitur, de quibus dictum est: *Ex nobis exierunt (I Joan. ii).* Ubi autem neque societas ulla esset ita credentium, neque ille qui ibi acciperet, ita crederet, sed totum ludicre et mimice et joculariter ageretur, utrum approbandus esset baptismus qui sic daretur, divinum iudicium per alicujus revelationis oraculum concordati oratione gemitibus implorandum esse censerem ita sane ut post me dicturos sententias, si quid jam exploratum et cognitum afferrent, humiliter expectarem. *Ib. i, cap. 1. (De cons. dist. 4, c. Ostenditur.)* Ostenditur illos impie facere, qui rebaptizare conantur orbis unitatem, et nos recte fa-

ore, qui Dei sacramenta improbare nec in ipso A schismate audemus. In quo enim nobis consentiunt, in eo etiam nobiscum sunt. In eo autem a nobis recesserunt, in quo a nobis dissentiunt. *Item ibidem.* Sacramentum baptismi est, quod habet qui baptizatur; et sacramentum dandi baptismi est, quod habet qui ordinatur. Sicut enim baptizatus si ab unitate recesserit, sacramentum baptismi non amittit; sic etiam ordinatus, si ab unitate recesserit, sacramentum dandi baptismi non amittit. Nulli etiam sacramento injuria facienda est: si discedit a malis, utrumque discedit, si permanet in malis, utrumque permanet. Si ergo acceptatur baptismus, quem non potuit amittere qui ab unitate discesserat; sic acceptandus est baptismus, quem dedit ille qui sacramentum dandi, cum discederet, non amiserat. B *Item cap. 12 ejusd. libri.* Si ad baptismum fictus accessit, dimissa sunt ei peccata, an non dimissa? Eligant quod volunt, utrumlibet elegerint, sufficet nobis. Si dimissa dixerint, quomodo ergo Spiritus sanctus disciplinæ effugit fictum (*Sap. 1*), si in isto ficto remissionem operatus est peccatorum? Si dixerint non esse dimissa, quæro, si postea fictionem suam corde concussa et vero dolore fateretur, de novo baptizandus judicaretur. Quod si dementissimum est dicere, fateantur vero baptismi Christi baptizari posse hominem, et tamen cor ejus in malitia vel sacrilegio perseverans peccatorum absolutionem non sincere fieri, atque ita intelligant in communionibus ab Ecclesia separatim posse hominem baptizari, ubi Christi baptismus eadem sacramenti C celebratione datur et sumitur: qui tamen tunc prosit ad remissionem peccatorum, cum quisque reconciliatus unitati sacrilegio dissensionis exiit, quo ejus peccata tenebantur, et dimitti non sinebantur.

CAP. 163. — *Item ibidem.*

(*De cons., dist. 4, c. Quomodo exaudit Deus, et P. Lom. l. iv, d. 4, c. Qui vero.*) Nam impeditur baptismi gratia, quominus omnia peccata dimittat, etiam si odium fraternum in ejus cui dimittuntur, animo perseverat. Solvitur enim hesternus dies, et quidquid superest, solvitur etiam ipsa hora momentumque ante baptismum et in baptismi. Deinceps autem continuo reus esse incipit, non solum consequentium, sed etiam præteritorum dierum, horarum, momentorum, redeuntibus omnibus quæ dimissa sunt. *Item cap. 13 ejusd. lib.* Illa quæ schismatici vel hæretici non aliter habent, non aliter agunt, quam vera Ecclesia, cum ad nos veniunt non emendamus, sed potius approbamus. In quibus enim non dissentiant a nobis, in eis non disjunguntur a nobis. Sed tamen quia nihil eis prosunt, quoad schismatici vel hæretici sunt; propter alia, in quibus a veritate dissentiant, et propter ipsum separationis immanissimum scelus, sive permanserint in eis peccata, sive continuo dimissa redierint, ut ad salutem pacis atque charitatis veniant adhortamur.

CAP. 164. — *Lib. III, cap. 10:*

(*De consecr., dist. 4, c. Non est aqua. Aug. lib. III, contra epistolam Parmeniani cap. 11.*) Baptismus vero Christi verbis evangelicis consecratus, et per adulteros, et in adulteris sanctus est, quamvis illi sint impudici et immundi, quia et ipsa ejus sanctitas pollui non potest, et sacramento suo divina virtus assistit, sive ad salutem bene utentium, sive ad perniciem male utentium. *Item (1 q. 1, c. Quod quidam. Ibid. Aug.)*. Catholica vero propterea non debet iterare baptismum, qui apud hæreticos datus est, ne judicare videatur ipsorum esse quod Christi est, aut eos non habere, quod intus cum acciperent amittere utique foras exeundo non possent. *Item (De cons. dist., 4, c. Non autem)*: Non autem sicut hæresis hæreticorum est, sicut error ipsorum est, sicut sacrilegium dissensionis ipsorum est, sic etiam baptismus qui Christi est, debet dici ipsorum. *Item (cap. 13 ejusdem libri August.)* Nos hæreticorum esse baptismum dicimus verbis Evangelicis consecratum, commoti factis eorum etiam quæ Dei sunt, eis tribuere volumus quasi ea contaminare poterint, aut propterea sua facere quæ Dei sunt, quia ipsi Dei esse noluerunt.

CAP. 165. — *Lib. IV De baptismo, cap. 4.*

Sicut urgeri videor cum mihi dicitur: Ergo hæreticus dimittit peccata? sic et ego urgeo cum dico, Ergo qui cœlestia mandata non servat, avarus, raptor, fenerator, invidus, verbis sæculo non factis renuntians, dimittit peccata? Si per vim sacramenti Dei, sicut ille, ita et ille. Si per meritum suum, nec ille, nec ille. Illud enim sacramentum et in malis hominibus Christi esse cognoscitur. *Item (eod. cap.)*: Si in hæresi baptizatus in nomine sanctæ Trinitatis, non sit tamen templum Dei, si ab hæresi non recesserit, quomodo neque in avaritia, in eodem nomine baptizatus ait templum Dei, si ab avaritia non recedat, quæ est idolorum servitus (*Ephes. v*). *Item (capite 5 ejusdem lib.)*: Sed si possunt (ut dixi) amborum peccata, æqualiter appendantur, ignorantis blasphemia et scientis idololatria, et eadem sententia judicentur, ille qui Christum quærendo in verisimilem sermonem falsitatis incurrit; et ille qui sciens Christo resistit per Apostolum. D *Quoniam, omnis fornicator, aut immundus, aut avarus, quod est idolorum servitus, non habet hæreditatem in regno Christi et Dei (Ephes. v)*. Cur in illo baptismus et evangelica verba improbantur, in isto autem approbantur, cum ab illius columbæ membris uterque inveniatur alienus? *Item, c. 11.*

(*De cons., dist. 4, c. Nullus autem*). Perfidus autem et blasphemus, si in perfidia et blasphemia permanserit, nec extra Ecclesiam, nec intra Ecclesiam remissionem accipit peccatorum. Aut si propter vim sacramenti ad punctum temporis accipit, et foris et intus eadem vis operatur, sicut vis nominis Christi expulsionem dæmoniorum etiam foris operabatur. *Item, c. 15 (De cons., dist. 4, c. Satis ostendimus)*. Satis ostendimus ad baptismum, qui ver-

his Evangelicis consecratur, non pertinere cujusquam vel dantis vel accipientis errorem, sive de Patre, sive de Filio, sive de Spiritu sancto aliter sentiat, quam doctrina cœlestis insinuat. *Item*, c. xvi. Constituimus ergo duos aliquos isto modo: Unum eorum verbi gratia id sentire de Christo quod Photinus opinatus est, et in ejus hæresi baptizari extra Ecclesiæ catholicæ communionem; alium vero hoc idem sentire, sed in catholica baptizari, existimantem ipsam esse catholicam fidem. Istum nondum hæreticum dico, nisi manifestata sibi doctrina catholicæ fidei resistere maluerit et illud quod tenebat elegerit. Quod antequam fiat, manifestum est illum qui foris baptizatus est esse pejorem. Itaque in hoc sola falsa opinio, in illo autem etiam ipsa divisio corrigenda est, sed in neutro ipsorum sacramenti veritas repetenda.

CAP. 166. — *Item*, c. 17.

Potest nobis et hæreticis baptisma esse commune, cum quibus potest et Evangelium esse commune, quamvis a fide nostra error distet illorum, sive aliud de Patre, vel de Filio, vel de Spiritu sancto sentiant quam veritas habet, sive ab unitate præcisi non colligant cum Christo, sed spargant (*Matth.* xii).

CAP. 167. — *Lib.* v, cap. 13.

(*De cons.*, dist. 4, c. Cum tantum.) Cum tantum valet baptismus per hominem contemptibilem, quantum per apostolum datus, ita nec illius, nec illius, sed Christi, esse cognoscitur. *Item* (cap. 14, lib. v contra Donatistas.) Invenimus dictum ab Apostolo, et gloriam meam. (*I Thes.* ii), quamvis utique in Domino, et ministerium meum, et prudentiam meam, et evangelium meum (*Rom.* ii), quamvis utique a Domino impertitum atque donatum, Baptismum autem meum, nemo eorum dixit omnino. Neque enim omnium æqualis est gloria, nec ministrant omnes æqualiter, nec æquali prudentia sunt omnes præditi, et in evangelizando alius alio melius operatur. Et ideo dici potest alius alio doctior, et ipsa doctrina spirituali [salutari], alius autem alio majus minusve baptizatus dici non potest, sive ab inferiore, sive a majore baptizetur. *Item* (*Aug.* lib. v, *De baptismo contra Donatistas*, c. 15): Si jus baptizandi non habuit qui baptizat, tamen Christi est quod dedit, et ille Christi est qui accipit. Multa enim contra jus dantur, nec tamen ideo vel nulla, vel non data dicuntur. *Item* (cap. 18 ejusdem): Cum ergo et intus sint mortui, neque latentes, nam non de illis tanta diceret Cyprianus, qui vel non pertineant ad illam vivam columbam, vel nondum pertineant, et foris sint mortui, qui manifestius ad eam vel non pertineant, vel nondum pertineant, verumque sit non posse ab eo vivificari alterum qui ipse non vivit; manifestum est eos qui intus a talibus baptizantur, si vera conversione cordis accedunt, ab eo vivificari, cujus est baptismus. *Item* (Cap. 20 ejusdem.) Illud autem quale est, ut ideo putetur hæreticus non habere baptismum, quia non habet Ecclesiam? Et utique cum baptizatur,

A etiam de sancta Ecclesia interrogatur. Quasi vero ille qui intus non factis, sed verbis sæculo renuntiat, non hoc in baptismo interrogetur. Sicut ergo Lujus falsa responsio non efficit ut baptismus non sit quem percipit, et sicut ille si postea quod falsaciter responderat, veraciter impleat, non et baptismus repetitur, sed vita corrigitur; sic et ille si postea veniat ad Ecclesiam, de qua interrogatus falsum responderat, quia eam se habere, dum non haberet, putabat, ipsa, quam non habebat, eidatur, non quod acceperat, iteratur. Cur autem ad verba que procedunt ex ore homicidæ possit Deus tamen oleam sanctificare, et in altari quod hæretici posuerunt non possit, nescio.

CAP. 168. — *Lib.* vi, cap. 5.

D In homine justo et in homine injusto semper sanctum est baptisma, quod neque alicujus æquitate augetur, neque alicujus iniquitate minuitur.

CAP. 169. — *Zacharias Bonifacio episcopo.*

(*De cons.* dist. 4, c. In synodo.) In synodo Anglorum decretum et iudicium firmissime præceptum et diligenter demonstratum esse dinoscitur, ut quicumque sine invocatione Trinitatis mersus fuisset, quod sacramentum regenerationis non haberet; quod omnino verum est, quia si mersus in fonte baptismatis quis fuerit sine invocatione Trinitatis, perfectus Christianus non est, nisi in nomine Patris, et Filii, et Spiritus sancti fuerit baptizatus. De presbyteris scripsisti qui tauros vel hircos diis paganorum immolabant, manducantes sacrificia mortuorum, habentes et pollutum ministerium, ipsique adulteri esse inventi sunt postea, et defuncti. Modo vero incognitum est, utrum baptizantes Trinitatem dixissent, an non, et timent illi qui vivi sunt quod in tali ministerio non sunt baptizati: quibus respondens, jussisti omnes baptizare. Hoc quoque observari in supradicta synodo sacerdotes voluerunt: ut qui vel unam de Trinitate personam in baptismo non nominaret, illud baptisma verum esse non posset, quod pro certo verum est, quia qui unum ex sancta Trinitate confessus non fuerit nomen, perfectus Christianus esse non potest. Qui enim confitetur Patrem et Filium, si confessus non fuerit et Spiritum sanctum, nec Patrem habet nec Filium. Et qui confessus fuerit Patrem et Spiritum sanctum, et Filium non fuerit confessus, nec Patrem habet nec Spiritum sanctum, sed vacuus est a divina gratia. Interea scripsit reverenda fraternitas tua reperisse te quemdam presbyterum genere Scotum, nomine Sampson, errantem a via veritatis, dicentem et affirmantem, quod sine mystica invocatione, aut lavacro regenerationis posset fieri catholicus Christianus per episcopalis manus impositionem. Hic autem qui hoc dicit, vacuus est Spiritu sancto, et alienus gratia Christi atque a consortio sacerdotali abjiciendus. Quis enim nisi baptizetur juxta præceptum Domini (*Matth.* xxviii), in nomine Patris, et Filii, et Spiritus sancti, et sic per manus impositionem consecratur, potest esse catholicus? Hanc

nequissimum virum talia prædicantem ab Ecclesia Dei sancta condemnatum expelle; in illos autem qui ab hæreticis baptizati sunt, hoc sine dubio juxta prædecessoris nostri beatæ memoriæ Gregorii papæ, et sacrorum canonum, traditum tibi mandatum implere non omittas, ne in æternum percant, sed potius evangelica consecratione salventur.

CAP. 170. — *Augustinus, De baptismo unico, lib. 1, c. 2.*

(24, q. 1, c. Si quem forte extrema coegerit necessitas, ubi catholicum, per quem accipiat, non invenerit, et in animo pace catholica constituta per aliquem extra unitatem catholicam positum acceperit, quod erat in ipsa catholica unitate percepturus, si statim etiam de hac vita migraverit, non eum nisi catholicum deputamus. Si autem fuerit a corporali morte liberatus, cum se catholice congregationi etiam corporali præsentia reddiderit, undenunquam corde discesserat, non solum non improbamus quod fecit, sed etiam securissime verissimeque laudamus; quia præsentem Deum cordi suo unitate ibi servabat, et sine sancti baptismi sacramento (quod ubicunque invenit, non hominum, sed Dei esse cognovit), noluit ex hac vita migrare. Si quis autem, cum possit in ipsa catholica accipere, aliqua mentis perversitate eligit in schismate baptizari, etiamsi postea venerit ad catholicam, quia certus est ibi prodesse sacramentum, quod alibi accipi potest, prodesse non potest, procul dubio perversus et iniquus est, et tanto perniciosior, quanto scientior.

CAP. 171. — *Epistola Augustini 23 ad Bonifacium.*

(*De cons., dist. 4, c. Non illud.*) Non illud te moveat, quod quidam non ea fide ad baptismum percipiendum parvulos ferunt, ut gratia spirituali ad vitam regenerentur æternam, sed eos putant hoc remedio temporalem retinere vel recipere sanitatem. Non enim propterea illi non regenerantur, quia non ab istis hac intentione offeruntur.

CAP. 172. — *Epistola Augustini 205 ad Maximinum.*

(*De cons., dist. 4, c. Rebaptizare.*) Rebaptizare hæreticum hominem qui hæc sanctitatis signa perceperit quæ Christiana tradidit disciplina, omnino peccatum est. Rebaptizare autem catholicum, immanissimum scelus est.

CAP. 173. — *Bedu, in libro Homiliarum, homilia 36, in caput III Joannis.*

(*De cons., dis. 4, c. Sive hæreticus.*) Sive hæreticus, sive schismaticus, sive facinorosus quisque in confessione sanctæ Trinitatis baptizet, non valet ille qui baptizatus est a bonis catholicis rebaptizari, ne confessio vel invocatio tanti nominis videatur annullari.

CAP. 174. — *Haymo, super primam Epistolam ad Corinthios.*

In tantum retinuit sibi Christus potestatem baptizandi, ut sicut dimittuntur ei peccata omnia, qui a sancto et innocente viro tingitur in aqua, ita illi

A qui a peccatore et scelerato, tantum, ut in nomine sanctæ Trinitatis illud fiat. Meritum enim vitæ baptizantis sive agentis nec prodest, nec obest in hac parte illi qui baptizatur.

CAP. 175. — *Capitulorum libri v, capitulo 6.*

Si quis baptizatus fuerit a presbytero non baptizato, et sancta Trinitas in ipso baptismo invocata fuit, baptizatus est, sicut Sergius papa dixit, impositione vero manus indiget.

CAP. 176. — *Augustinus, super primam Epist. ad Corinthios.*

Scimus Spiritum sanctum sine manus impositione datum a Deo, et non baptizatum consecutum remissionem peccatorum. Nunquid non Cornelius invisibiliter baptizatus est, quando donum baptismaticum consecutus est.

CAP. 177. — *Augustinus, De unico baptismo, lib. IV, c. 22.*

(*De consec., dist. 4, c. Baptismi.*) Baptismi vicem aliquando implere passionem, de latrone illo, cui non baptizato dictum est, *Hodie tecum eris in paradiso*, beatus Cyprianus non leve documentum assumit. Quod etiam atque etiam considerans invenio non tantum passionem pro nomine Christi id quod ex baptismo deerat posse supplere, sed etiam fidem, conversionemque cordis, si forte ad celebrandum mysterium baptismi, in angustiis temporum, succurri non potest. Neque enim latro ille pro nomine Christi crucifixus est, sed pro meritis facinorum suorum, nec quia credidit, passus est, sed dum patitur, credit. Quantum itaque valeat etiam sine visibili baptismi sacramento quod ait Apostolus, *Corde creditur ad justitiam, ore autem confessio fit ad salutem* (Rom. x), in illo latrone declaratum est. Sed tunc impletur invisibiliter, cum mysterium baptismi non contemptus religionis, sed articulus necessitatis excludit. (*Cap. 23 ejusdem lib.*) Et sicut in illo latrone quod de baptismi sacramento defuerat complevit Omnipotentis benignitas, quia non superbia, vel contemptu, sed necessitate defuerat; sic infantibus qui baptizati moriuntur eadem gratia Omnipotentis explere credenda est, quod non ex impia voluntate, sed ex ætatis indigentia, nec corde credere ad justitiam possunt, nec ore confiteri ad salutem. Ideo cum pro eis oratur, ut impleatur erga eos celebratio sacramenti, valet utique ad eorum celebrationem, quia ipsi respondere non possunt. Alienum quippe opus est, cum credit per alterum, sicut alienum opus fuit, cum peccavit in altero.

CAP. 178. — *Item Augustinus, eodem c. 23.*

Si autem in latrone, per [quia] necessitatem corporaliter baptismus defuit, perfecta salus est, quia per pietatem spiritualiter adfuit, sic et cum ipse præsto est, si per necessitatem desit, quod latroni adfuit, perficitur salus, quod traditum tenet universitas Ecclesiæ, cum parvuli infantes baptizantur, qui certe nondum possunt credere ad justitiam et ore confiteri ad salutem, quod latro potuit: quin etiam

stendo, et vagiando cum in eis mysterium celebratur, ipsis mysticis vocibus obstrepunt, et nullus Christianorum dixerit eos inaniter baptizari. *Item.* Quibus omnibus rebus ostenditur aliud esse sacramentum baptismi, aliud conversionem cordis, sed salutem hominis ex utroque compleri; nec si unum horum defuerit, ideo putare debemus consequens esse ut et alterum desit, quia et illud sine isto potest esse ut in infante, et illud sine illo potuit esse, ut in latrone, complemente Deo, sive in illo, sive in isto, quod non voluntate defuisset. Cum vero ex voluntate alterum horum defuerit, reatu hominem involvi, et baptismus quidem potest inesse, ubi conversio cordis defuerit. Conversio autem cordis potest quidem inesse, non percepto baptismo, sed contempto baptismo non potest. Neque ullo modo dicenda est conversio cordis ad Deum, cum Dei sacramentum contemnitur.

CAP. 179. — *Gregorius Landulpho principi Scaleritano.*

Licet ex devotionis studio non dubitamus procedere, quod nobilitas tua Judæos ad Christianum cultum disponit adducere, tamen quia id inordinato videris studio agere, necessarium duximus admonendo tibi litteras nostras dirigere. Dominus enim noster Jesus Christus nullum legitur ad sui servitium violenter coegisse, sed humili exhortatione reservata unicuique proprii arbitrii libertate, quoscunque ad vitam prædestinavit æternam non vindicando, sed proprium sanguinem fundendo ab errore revocasse. *Item.* Beatus Gregorius ne eadem gens ad fidem violentia traheretur, in quadam sua epistola contradicit.

CAP. 180. — *Virgilio et Theodoro episcopo [episcopis] Massiliæ (lib. 1 registri epistolarum, cap. 45).*

Plurimi Judaicæ religionis viri in hac provincia commorantes, ac subinde ad Massiliæ partes pro diversis negotiis ambulantes, ad vestram produxerunt notitiam multos consistentium in illis partibus Judæorum, vi magis quam prædicatione ad fontem baptismatis perductos. Nam intentionem quidem hujusmodi, et laude dignam censeo, et de Domini nostri dilectione descendere profiteor. Sed in hac eadem intentione [hanc eamd. intent.] nisi competens Scripturæ sacræ comitetur effectus, timeo ne aut mercedis opus exinde non proveniat, aut juxta aliquid animorum quædam dispendia (quod absit!) consequantur. Dum enim quispiam ad baptismatis fontem non prædicationis suavitate, sed necessitate pervenerit, ad pristinam superstitionem remeans, inde deterius moritur, unde renatus esse videbatur.

CAP. 181. — *Nicolaus papa ad consulta Bulgarorum, cap. 41.*

De his qui Christianitatis bonum suscipere volunt, et idolis immolant, vel genua curvant, nihil aliud possumus scribere vobis, nisi ut ad fidem rectam monitis, et hortationibus, et ratio-

ne, eos potius quam vi quod vane sapiunt convincatis.

CAP. 182. — *Item.*

Nulla cum his, qui non credunt, idolaque adorant, miscenda communicatio est. Porro illis ut credant, violentia nulla inferenda est; nam omne quod ex voto non est, bonum esse non potest. *Capitulum secundo.* Non esse inferendam pagano violentiam, ut Christianus fiat, supra docuimus.

CAP. 183. — *In Vita beati Gregorii, lib. iv, cap. 42.*

Quemadmodum Judæos baptizari violenter Gregorius denegabat, ita Christianos eis quoquo modo subijci nullatenus permittebat.

CAP. 184. — *Augustinus contra Julianum, lib. vi, cap. 5.*

(*De cons., dist. 4, c. Si ad matris.*) Si ad matris corpus in quod in ea concipitur pertineret, ita ut ejus pars deputaretur, non baptizaretur infans cujus mater baptizata est, aliquo mortis urgente periculo, cum eum gestaret in utero. Nunc vero cum etiam ipse baptizaretur, non utique bis baptizatus haberetur. Non utique ad maternum corpus cum esset in utero, pertinebat. *Item.* (*Ejusdem lib. cap. 6.*) Si quidquid est in homine quando baptizatur et sanctificatur baptizari et sanctificari putandum est. Dicturus es et ipsa in illo baptizari et sanctificari quæ in intestinis et vesica per digestionem corporis digeruntur. Dicturus es baptizari et sanctificari hominem in matris utero constitutum, si ad hoc sacramentum accipiendum necessitas cogat gravidam, et ideo baptizari jam qui nascitur non debere. Postremo dicturus es baptizari et sanctificari febres, quando baptizantur ægroti.

CAP. 185. — *Isidorus, sententiarum lib. 1, cap. 18 [22]; l. 1 De summo bono, c. 25.*

(*De cons., dist. 4, c. Qui in maternis.*) Qui in maternis uteris sunt, ideo cum matre baptizari non possunt, quia natus adhuc secundum Adam non est, secundum Christum non potest renasci; neque enim dici regeneratio in eum potest, quem generatio non præcessit. Qui scelerate vivunt in Ecclesia, et communicare non desinunt, putantes se tali communione mundari, discant nihil ad emundationem proficere sibi.

D CAP. 186. — *Gregorius respondens Augustino, c. 10.*

(*De cons., dist. 4, c. Si quæ mulier.*) Mulier prægnans cur non debeat baptizari ignoro, cum ante omnipotentis Dei oculos non sit culpa aliqua fecunditas carnis.

CAP. 187. — *Aug., Bonifacio, epist. 23.*

(*De cons., dist. 4, c. Nihil est.*) Nihil est aliud credere quam fidem habere; ac per hoc cum respondetur credere parvulus, qui fidelis nondum habet affectum, respondetur fidem habere propter fidelis sacramentum, et convertere se ad Deum propter conversionis sacramentum, quia et ipsa responsio ad celebrationem pertinet sacramenti. *Item.* Parvulum etsi nondum fides illa quæ in credentium voluntate consistit, jam tamen ipse fidei sacra-

mentum fidelem facit, sicut credere respondetur; ita etenim fideles vocantur, non rem ipsam mente abnuendo, sed ipsius rei sacramentum percipiendo.

CAP. 188. — *Augustinus, ad Renatum, De anima, l. II, c. 12.*

Mysterium credulitatis in parvulis per eorum responsionem a quibus gestantur impletur.

CAP. 189. — *Augustinus, de Symbolo, libro II, cap. 4.*

Vos professi estis renuntiare diabolo, pompis et angelis ejus. Videte, dilectissimi, quia hanc professionem vestram in curiam profertis angelicam, nomina profitentium in libro excipiuntur vitæ, non a quolibet homine, sed a superiore cœlitus potestate.

CAP. 190. — *Ambrosius super Lucam, libro decimo (cap. 88).*

Si catechumenum quis vel hæreticus, vel schismaticus, tanquam de utero vel animæ vel Ecclesiæ parturientis excusserit, levius punitur; si fidelem, gravior.

CAP. 191. — *Augustinus in libro ad Fortunatum.*

(*De cons., dist. 4, c. Sanctum est.*) Sanctum est baptismum per seipsum quod datum est in nomine Patris, et Filii, et Spiritus sancti; ita ut in eodem sacramento sit etiam auctoritas traditionis per Dominum nostrum ad apostolos, per illos autem in episcopos et alios sacerdotes, vel etiam laicos Christianos ab eadem origine ac stirpe venientes. (*De cons., dist. 4, c. In necessitate.*) Namque in necessitate cum episcopi, aut presbyteri, aut quilibet ministrorum non inveniuntur, et urget periculum ejus qui petit, ne sine isto sacramento hanc vitam finiat, etiam laico dare solere, sacramentum quod acceperunt, solemus audire. Nam, cum illa historia narratur, omnes qui audiunt prope ad lacrymas movet. Cum in navi quadam fidelis nullus esset, præter unum penitentem, cœpit imminere naufragium. Erat ibi quidam salutis suæ non immemor, et sacramenti vehementissimus flagitator, nec erat aliquis qui dare posset, nisi penitens ille: acceperat enim de peccato de quo agebat penitentiam. Amiserat de senioribus sanctitatem, sed non amiserat sacramentum. Nam, si hoc amittunt peccantes cum reconciliantur post penitentiam, quare non iterum baptizantur? Dedit ergo quod acceperat et, ne periculose vitam finiret non reconciliatus, petit ab ipso quem baptizaverat ut eum reconciliaret. Et factum est; evaserunt naufragium. Cognitum habes quod fecerant, nemo existit eorum, qui non pium animum ita crederet, ut consilii eorum in illo periculo Dominum crederet abfuisse. Motus enim animus religiosus et simplex ab homine exegit sacramentum, a Deo impetrat sanctitatem. Quod si forte hoc quod narraui qui naufragio imminente periclitabantur, non vult aliquis credere: non enim hoc Scripturarum divinarum auctoritas, sed incerto auctore fama commendat, non repugnabo, sed interrogo si tale aliquid contingat, quid futurum est? Non enim potest quod isquam dicere, relinquendum illum esse, qui

A morte imminente baptizari desiderat, quem oaptizatum a penitente quisquis non credit contigisse, oportet ut credat, posse contingere.

CAP. 192. — *Augustinus de animæ origine, ad Victorium lib. I (cap. 9).*

Latro quamvis poterit divino judicio inter eos deputari, qui martyrii confessione purgantur; tamen etiam utrum non fuerit baptizatus ignoras. Nam, ut omittam quod creditur, aqua simul cum sanguine exsiliante de latere Domini juxta confixus potuisse perfundi, atque hujusmodi sanctissimo baptismate dilui. Quid si in carcere fuerat baptizatus? quod et postea persecutionis tempore nonnulli clanculo impetrare potuerunt. Quid si antequam teneretur? neque enim propterea illi publicæ leges parcere poterant, quantum attinet ad corporis mortem, quoniam divinitus remissionem acceperat peccatorum.

CAP. 193. — *Augustinus homilia ad Neophytos; quæ sic incipit: Omnis quidem de his sermo.*

Recordetur ergo unusquisque vestrum singulas mysteriorum species, quas per nostrum, donante Domino, estis ministerium consecuti; et ea quæ tunc suppliciter ac fideliter suscepistis, nunc intelligite prudenter, ut melius possitis intellectu servare. In primis certe aures vestras oleo benedictionis oblinimus. Sed ob quam causam secundum ecclesiasticam traditionem ab omnibus catholicis Christi sacerdotibus fiat agnoscite. Introitus fidei et totius sanctæ doctrinæ ad animum per aures admittitur, et de auditu intellectus exoritur. Neque enim potest aliquis fidei sacramenta cognoscere, nisi audiat prædicantem. *Item.* Ergo adhibita auribus unctio sancta significat, ut omnes extra disciplinam sermones, quasi doctrinæ Christi obloquentes adversentur ac fugiant; sed ad sola Dei verba audienda convertant, quia illito illo oleo, auditum suum Christi eloquiis consecraverunt. *Item.* Vos autem postquam vestræ aures oleo benedicto sunt illitæ, designati estis in numero auditorum sapientium, ut recte retinentes Dei verba, id est quæ auditis implentes, in die iudicii audiatibus vobis Christum dicentem: *Venite, benedicti Patris, mei, suscipite paratum vobis regnum a constitutione mundi (Matth. xxv).* Illud autem non otiose, nec absque certa ratione mysterii factum putetis, quod nares quoque vestras oleo benedictionis unximus. Quod idcirco fieri intelligitur, ut ii qui ad baptismum veniunt, admoneantur tanti mysterii sacramentum usque ad mortem inviolatum atque integrum custodire ut, quandiu spiritum vitæ hujus naribus suis attrahunt, a Christi Domini nostri cultura et servitio non recedant. *Item.* Sed adhuc subtilior intellectus in narium unctione signatur. Illius enim olei odor, quod in Christi nomine et virtute benedictum est, ad odoratum vos provocat spiritualem, ut non corporis sed mentis sensibus Christum inæstimabili suavitate sentire possitis, et delectati notitia odoris ejus ipsius vestigia subsequentes dicere valeatis illud quod ad Deum credentium chorus lo-

quitur : *Post te in odorem unguentorum tuorum currimus (Cant. 1).*

CAP. 194. — *Homilia 3.*

(*De cons. dist. 4, c. Prima igitur.*) Prima ergo et secunda prædicatione de iis tantum locuti sumus, quæ vobis priusquam ad fontem sanctum veniretis, juxta catholicæ regulæ instituta tradidimus, et quid significaret unctio, quæ diversis corporis nostri adhibita partibus diversum intellectum designat, prout Dominus donare dignatus est interpretati sumus, cum ostenderemus vos per oleum sanctificationis ad auditum plenæ fidei præparatos, et bonum Christi odorem vocatos ex toto corde ad abrenuntiandam diabolo esse commonitos. Nunc vero de interioribus jam mysteriis locuturi sumus, quæ in ipso sancto fonte celebrata sunt. Emissa enim certissima cautione, qua vos abrenunciare omnibus pompis, et operibus ejus, et omni fornicationi diabolicæ spondistis descendentes in fontem, fontem sacrum, fontem redemptionis, fontem sanctificatum virtute cœlesti. *Item.* In hoc ergo fonte antequam vos toto corpore tingeremus, interrogavimus : *Credis in Deum Patrem omnipotentem?* Respondistis : *Credo.* Rursum interrogavimus : *Credis et in Jesum Christum Filium ejus, qui natus est de Spiritu sancto ex Maria virgine?* Respondistis singuli : *Credo.* Iterum interrogavimus, et in Spiritum sanctum? Respondistis similiter : *Credo.* Hoc autem fecimus secundum Domini nostri Jesu Christi Salvatoris imperium. Qui cum ad Patrem in cœlos ascenderet, discipulis suis, id est apostolis mandavit, dicens : *Euntes, baptizate omnes gentes in nomine Patris, et Filii, et Spiritus sancti (Matth. xxviii).* *Item.* Quod autem interrogavimus : *Credis sanctam Ecclesiam et remissionem peccatorum, et carnis resurrectionem, non eo modo interrogavimus : ut quomodo in Deum creditur; sic et in Ecclesiam sanctam et catholicam.* Propterea sancta et catholica est, quia recte credit in Deum. Non ergo diximus, ut in Ecclesiam, quasi in Deum crederetis; sed intelligite vos dicere, et dixisse ut in Ecclesia et sancta et catholica conversantes in Deum crederetis; crederetis etiam resurrectionem carnis quæ futura est. *Item.* (*De consecr., dist. 4, c. Postquam.*) Postquam vos credere promissistis, tertio capita vestra in sacro fonte demersimus. Qui ordo baptismatis duplici mysterii significatione celebratur. Recte enim tertio mersi estis, qui accepistis baptismum in nomine Trinitatis. Recte tertio mersi estis, qui accepistis baptismum in nomine Jesu Christi (*Rom. vi*), qui tertia die resurrexit a mortuis. Ita enim tertio repetita demersio typum Dominicæ exprimit sepulturæ, per quam Christo consepulti estis in baptismo, et cum Christo resurrexistis in fide, ut peccatis abluti in sanctitate virtutum, Christum imitando vivatis.

CAP. 195. — *Homilia.*

Hucusque de mysteriis locuti sumus quæ per sacramentum in ipso baptismo celebrantur. Nunc vero de his acturi sumus quæ jam de baptizatis

A sancta institutione complentur. Impleto enim baptismo, caput vestrum chrismate, id est oleo sanctificationis infundimus : per quod ostenditur baptismatis regalem et sacerdotalem conferri a domino dignitatem. Nam in Veteri Testamento hi qui eligebantur in sacerdotio, vel in regno, sancto ungebantur oleo; et unctio capitis alii regnandi in populum Dei, alii sacrificia offerendi Deo, accipiebant a domino potestatem. *Item.* Completis autem omnibus sacramentis, etiam mandatum vobis et exemplo et sermone tradimus. Lavimus enim singulorum pedes, ad imitationem vos nostram, imo ipsius Domini et Salvatoris nostri provocantes, ut quemadmodum nos vestros pedes lavimus, ita etiam vos pedes fratrum et hospitem lavare debeatis.

CAP. 196. — *Anastasio Episcopo.*

Gabriel mittitur ad Mariam, non transitorie virginem, sed ad virginem desponsatam viro (*Luc. 11*); ut sponsæ ostenderet Mariam vere hominem fuisse, et partus meminit Scriptura, et dicit : *Involvit puerum (ibid.), et beata sunt ubera quæ suxit (Luc. 11), et oblatum est sacrificium, quoniam aperuit qui natus est vulvam.* Hæc autem omnia parturientis virginis erant indicia.

CAP. 197. — *Ut præter Pascha et Pentecosten, nisi morte periclitantibus baptisma non fiat. Ex epistola Leonis papæ, cap. 11.*

Unde quia manifestissime patet baptizandis in ecclesia electis, hæc duo tempora, id est Pascha et Pentecosten esse legitima : dilectionem vestram monemus ut nullos alios dies huic observationi miscatis, quia etsi sunt alia quæque festa quibus in honore Dei multa reverentia debeatur, principalis tamen et maximi sacramenti custodienda nobis est mystica et rationabilis exemplatio : non interdicta licentia, qua in baptismo tribuendo, quolibet tempore periclitantibus subvenitur; ita enim ab his duabus festivitibus connexis sibimet atque cognatis incolumium, et pacis securitate degentium libera vota differimus, ut in mortis periculo, in obsidionis discrimine, aut persecutionis angustia, in timore naufragii, nullo tempore hoc veræ salutis singulare præsidium cuiquam denegemus.

CAP. 198. — *Quo tempore baptisma celebrandum sit. Ex decretis Victoris papæ, fratribus per Alexandriam constitutis (epist. 1 ad Theophilum).*

(*De cons., dist. 3, c. Celebritatem.*) In Paschali vero tempore et Pentecostes baptisma celebrandum est catholicum : sed si necesse fuerit aut mortis periculum ingruerit, gentiles ad fidem venientes quocunque loco vel momento, ubicunque venerit, sive in flumine, sive in mari, sive in fontibus, tantum Christianæ confessionis credulitate clarificata baptizentur. Ipsum quoque quod in baptismo polliciti sunt, summopere attendendum est ne infideles, sed fideles inveniantur. Ipsi vero qui infidelitatis nota asperguntur infames efficiuntur, atque inter fideles minime reputantur.

CAP. 199. — *De duobus temporibus baptismatis. Ex decretis Gelasii papæ X (epistola 1 ad episcopos Lucaniæ et Brutios, etc.*

(*De cons., dist. 4, c. Baptizandi.*) Baptizandi sibi quispiam passim quocunque tempore nullam eredit inesse fiduciam, præter paschalis festi et Pentecostes venerabile sacramentum, excepto duntaxat gravissimi languoris incursu, in quo verendum ne morbi crescente periculo sine remedio salutari fortassis ægrotans exitio præventus excedat.

CAP. 200. — *De eodem. Ex decretis Siricii papæ, cap. 2 (epist. ad Himerium Terraconeum episcopum).*

(*De cons., dist. 4, c. Non ratione auctoritatis.*) Sequitur de diversis baptizandorum prout cuique libitum fuerit improbabilis et emendanda confusio, quæ a nostris consacerdotibus quod commoti dicimus, non ratione auctoritatis ullius, sed sola temeritate præsumitur, ut passim ac libere nataliis Christi seu apparitionis, nec non apostolorum seu martyrum festivitibus innumeræ, ut asseris, plebes baptismi mysterium consequantur, cum hoc privilegium sibi apud nos et apud omnes Ecclesias, Dominicum specialiter Pascha cum sua Pentecoste defendat.

CAP. 201. — *De eodem. Ex concil. apud Compendium, cap. 4.*

Ut extra statuta tempora canonum, id est in Pascha et Pentecoste, baptisma non celebretur; quia sancti canones hoc modis omnibus, nisi aliquod periculum institerit fieri prohibent, in tantum ut etiam eos qui alio tempore baptizant, a gradibus ecclesiasticis absterneant, nec ad clerum admittantur.

CAP. 202. — *Item de eodem. Ex concilio Wormatiensi, cap. 9.*

Socrasanti baptismi sacramentum non nisi in paschali festivitate et Pentecoste unusquisque fidelium noverit esse præbendum, excepto quod his qui, mortis periculo urgente, ne in æternum pereant talibus oportet remediis subvenire.

CAP. 203. — *Ut viginti dies ante baptismum ad purgationem exorcismi catechumeni veniant. Ex concilio Brucarensi, cap. 4.*

(*De cons., dist. 4, c. Ante dies 20.*) Hoc omnibus modis præcipimus, et antiqui canones jubent, ut ante baptismum 20 dies ad purgationem exorcismi catechumeni veniant, et in illis 20 diebus juxta canonicum præceptum et erudiantur et consecrentur.

CAP. 204. — *Quod omnes ad baptismum venientes quinta feria majoris hebdomadæ, fidem episcopo vel presbytero reddere debeant. Ex concilio Laodicensi, cap. 46.*

Quod oporteat eos qui ad baptismum veniunt, fidem discere, et quinta feria septimanæ majoris, episcopo vel presbyteris reddere.

CAP. 205. — *Ut omnes baptizandi prius sint exorcizandi. Ex decretis Cælestini papæ. Galliarum episcopis missis, cap. 12.*

Illud etiam quod circa baptizandos in universo mundo sancta Ecclesia uniformiter agit, non otioso contemplamur intuitu: cum sive parvuli, sive juve-

nes ad regenerationis veniant sacramentum, non prius fontem vitæ adeant, quam exorcismis et exsufflationibus clericorum spiritus ab eis immunus abigatur, ut tunc vere appareat quomodo princeps hujus mundi mittatur foras.

CAP. 206. — *Ut baptizandi nomine dato a carne et vino absterneant. Ex concilio Carthaginensi IV, cap. 75.*

(*De cons., dist. 4, c. Baptizandi.*) Baptizandi nomen suum dent sub abstinentia vini et carni, ac manus impositione crebro examinent baptismum.

CAP. 207. — *Quod neophyti a lautioribus cibis ad aliquod tempus et a conjugibus absterneant. Ex eodem concilio, cap. 76.*

(*De cons., dist. 5, c. Neophyti.*) Neophyti aliquandiu a lautioribus epulis et spectaculis et conjugibus absterneant.

CAP. 208. — *Ut omnis presbyter vas baptismale habeat. Ex concilio Meldensi, cap. 7.*

(*De cons., dist. 4, c. Omnis presbyter.*) Omnis presbyter qui fontem lapideum habere nequiverit, vas conveniens ad hoc solummodo baptizandi officium habeat, quod extra ecclesiam non deportetur. Similiter ad corporale lavandum, et ad pallas altaris propria habeantur vasa, in quibus nihil aliud fiat.

CAP. 209. — *Ut nullus presbyter nisi in civitatibus baptizare debeat, excepta causa infirmitatis. Ex concilio eod., cap. 48.*

Nemo presbyterorum baptizare præsumat, nisi in civitatibus atque temporibus constitutis, nisi causa ægritudinis, aut certæ necessitatis et in illis locis quæ auctoritatem et privilegia debita retineant.

CAP. 210. — *Qualiter ei qui fidelis existere voluerit, baptismum sit tribuendum. Ex decretis Clementis papæ, cunctis fidelibus missis epistola 3.*

Si quis ergo fidelis existere voluerit et desiderat baptizari, ut exutus prioribus malis, de reliquo pro bonis actibus hæres bonorum cœlestium fiat, accedat ad sacerdotem suum, et ipsi det nomen suum, atque ab eo audiat mysteria regni cœlorum. Jejuniis frequentibus operam impendat, ac semetipsum in omnibus probet, ut tres menses jam consummandi, in die festo possit baptizari. Baptizetur unusquisque in aquis perennibus nomine triuæ beatitudinis invocato super se, perunctus primo oleo per orationem sanctificato, ut ita demum per hæc consecratus percipere possit locum cum sanctis.

CAP. 211. — *De martyribus qui sine baptismo martyrium susceperunt. Ex dictis Augustini episcopi. (De ecclesiast. dog., cap. 74.)*

(*De const., dist. 4, c. Catechumenum.*) Catechumenum quamvis in bonis operibus defunctum, vitam habere non credimus, excepto duntaxat, nisi martyrii sacramentum compleat. Baptizatus confitetur fidem suam coram sacerdote, et interrogatus respondet. Hoc idem martyr coram persecutore suo facit, qui et confitetur fidem, et interrogatus respondet. Ille post confessionem aspergitur aqua; hic vero aspergitur sanguine, vel tingitur igne. Ille manus impositione pontificis accipit Spiritum san-

ctum; hic habitaculum efficitur Spiritus sancti, A dum non est ipse qui loquitur, sed Spiritus sanctus qui in illo loquitur. Ille communicat eucharistiæ in commemoratione mortis Domini; hic ipsi Christo commoritur. Ille confitetur se mundi actibus renuntiare; hic ipse renuntiat et vitæ. Illi omnia peccata remittuntur; isti extinguuntur.

CAP. 212. — *Quod catechumenis sacramentum in Pascha non liceat dari. Ex concilio Carthaginensi, cap. 5.*

Item placuit ut per solemnissimos paschales dies sacramentum catechumenis non detur, nisi solitum sal, quia fideles per illos dies sacramentum non mutant, nec catechumenis oportet mutari.

CAP. 213. — *De catechumenis a baptisterio removendis. Ex concilio Arausicano 1, cap. 13.*

Ad baptisterium catechumeni nunquam admittendi sunt, nisi prius baptizentur.

CAP. 214. — *De catechumenis segregandis et informandis. Ex eodem concilio, cap. 14.*

A fidelium benedictione catechumeni etiam inter domesticos ordines, in quantum caveri potest, segregandi sunt, informandique sunt, ut se signandos vel benedicendos semotim offerant.

CAP. 215. — *De catechumenis peccantibus. Ex concilio Neocæsariensi, cap. 5.*

Catechumenus, si ingrediatur ad ecclesiam, in ordine eorum qui verbo instruntur, assistat. Hic deprehensus peccans, siquidem genu flectit, audiat, ut non delinquat ulterius. Si vero et audiens peccaverit, expellatur.

CAP. 216. — *De his qui nuper sunt baptizati, quod promoveri non debeant. Ex concilio Laodicensi cap. 3.*

De his qui nuper sunt illuminati baptismate, quod eos in sacerdotali non conveniat ordine promoveri.

CAP. 217. — *De presbyteris, si in Trinitate juxta præceptum Domini non baptizaverit. Ex canone apostolorum, 49.*

Si quis episcopus aut presbyter juxta præceptum Domini non baptizaverit in nomine Patris et Filii et Spiritus sancti, sed in tribus sine initio principii, aut in tribus filiis, aut in tribus paracletis, abjiciatur.

CAP. 218. — *Quod in baptismo et in confirmatione, si necesse fuerit, unus patrinus possit esse. Ex decretis Hygini PP., cap. 10*

(*De cons., dist. 4, c. In catechismo.*) In catechismo et baptismo, et in confirmatione unus patrinus potest fieri, si necessitas cogit, non est tamen consuetudo Romana; sed per singulos singuli suscipiunt.

CAP. 219. — *Ut unus patrinus vel patria ad suscipiendum infantem accedat. Ex decretis Leonis PP. apud sanctum Medardum.*

(*De cons., dist. 4, c. Non plures.*) Ut non plures ad suscipiendum de baptismo infantem accedant quam unus, sive vir, sive mulier. In Confirmationibus quoque id ipsum fiat.

CAP. 220. — *Ut ille qui non est confirmatus, ad baptismum nullum recipiat. Ex concilio Mogontiensi, cap. 2.*

(*De cons., dist. 4, c. In baptismo.*) In baptismo

vel in chrismate non potest alium suscipere in filio- lun, qui non est ipse baptizatus, vel confirmatus.

CAP. 221. — *Ut nullus fiat patrinus, nisi recte credit. Ex concilio Parisiensi.*

Ut nemo a sacro fonte aliquem suscipiat, nisi orationem Dominicam, et Symbolum juxta linguam suam, et intellectum teneat, et coram presbytero decantet, et ut intelligant omnes pactum, quod cum Deo pepigerunt.

CAP. 222. — *Ut presbyteri a patrinis requirant, si Symbolum sapiant. Ex concilio Wormatiensi, cap. 1.*

Caveant presbyteri ut neque viri neque femine de sacro fonte filios vel filias suscipiant, nisi memoriter Symbolum et orationem Dominicam tenuerint.

CAP. 223. — *De Symbolo octo dies ante Pascha publice in omnibus ecclesiis recitando. Ex concilio Agathensi, cap. 12 (cap. 13).*

(*De cons., dist. 4, c. Symbolum.*) Symbolum etiam placuit ab omnibus ecclesiis una die, id est, octavo die ante Dominicam resurrectionis publice in ecclesia competentibus tradi [*al. prædicari*].

CAP. 224. — *De gentilibus infirmis, si baptismum desiderant. Item ex eodem, cap. 3.*

Gentiles si in Trinitate desideraverint sibi manum imponi, si fuerint ex aliqua parte honestæ vitæ, placuit eis manum imponi, et fieri Christianos.

CAP. 225. — *De gravida baptizanda. Ex concilio Neocæsariensi, cap. 6.*

(*De cons., dist. 4, c. Si qua mulier.*) Gravidam baptizari oportet quando voluerit. Nilil enim in hoc quæ parit nascenti comunicat, propterea quod uniuscujusque propositum in confessione declaratur.

CAP. 226. — *De parvulis infirmis baptizandis. Ex concilio Gerundensi, cap. 5.*

De parvulis vero qui nuper materno utero editi sunt, placuit constitui: ut si infirmi (ut assolent) fuerint, et lac maternum non appetunt, etiam eadem die qua nati sunt, si allati fuerint, baptizentur.

CAP. 227. — *De illis qui in ægitudine baptizantur. Ex concilio Neocæsariensi, cap. 12.*

Si quis ergo in ægitudine fuerit baptizatus, presbyter ordinari non debet. Non enim fides illius est voluntaria, sed ex necessitate descendit, nisi forte postea ipsius studium et fides probari videatur, aut hominum paucitas cogat.

CAP. 228. — *De illis qui parvulos recentes negant esse baptizandos. Ex concilio Africano, cap. 76.*

(*De cons., dist. 4, c. Placuit.*) Item placuit, ut quicumque parvulos recentes ab uteris matrum baptizandos negat, aut dicit in remissionem peccatorum eos non baptizari, sed et nihil ex Adam trahere originalis peccati, quod lavacro regenerationis expietur: unde fit consequens, ut in eis forma baptismatis in remissionem peccatorum, non vera, sed falsa intelligatur, anathema sit. Quoniam aliter intelligendum non est, quod ait Apostolus: *Per anum hominem peccatum intravit in mundum, et per pec-*

catum mors, et ita in omnes homines pertransiit in quo omnes peccaverunt (Rom. v), nisi quemadmodum Ecclesia catholica ubique diffusa semper intellexit. Propter hanc enim regulam fidei etiam parvuli, qui nihil peccatorum in seipsis adhuc committere potuerunt: ideo in remissionem peccatorum veraciter baptizantur, ut in eis regeneratione mundetur quod generatione traxerunt.

CAP. 229. — *De infirmis baptizatis, ex concilio Laodicensi, cap. 72.*

(*Cap. 47.*) Quod oporteat eos qui in ægritudine percipiunt baptismum, postquam convalescerint fidem discere et scire, cujus muneris participes facti sunt.

CAP. 230. — *De illis ægrotantibus qui baptismum desiderant, et post obmutescunt. Ex concilio Africano, cap. 12.*

Ut ægrotantes si pro se respondere non possunt, cum voluntati eorum testimonium respondeat, qui si ex periculo proprio esse dixerint, baptizentur: et ut scenicis et histrionibus cæterisque hujusmodi personis reconciliatio non negetur.

CAP. 231. — *De mortuis non baptizandis. Ex concilio Carthaginensi III, cap. 6.*

Cavendum est etiam ne mortuos baptizari posse, fratrum infirmitas credat, quibus nec eucharistiam dari animadvertat.

CAP. 232. — *De subito obmutescente, si testes haberit, baptizando. Ex concilio Arausicano, cap. 9.*

(*27, q. 6, c. Qui recedant.*) Subito obmutescens C prout statutum est, baptizari et pœnitentiam accipere potest, si voluntatis præteritæ testimonium aliorum verbis habet, aut præsentis in suo nutu.

CAP. 233. — *De his qui apud hæreticos baptizantur in nomine sanctæ Trinitatis. Ex concilio Rothomagensi, cap. 5.*

Baptisma unum est in Ecclesia catholica, cujus nos membra effecti sumus, ubi una fides est, ubi in nomine Patris et Filii, et Spiritus sancti datur. Et ideo qui apud illos hæreticos baptizati sunt, qui in sanctæ Trinitatis confessione baptizant, et veniunt ad nos, recipiantur quidem quasi baptizati, ac sanctæ Trinitatis invocatio et confessio annullentur; sed doceantur integre, et instruantur sensu sanctæ Trinitatis et mysterio, quod in sancta Ecclesia tenetur. Et si consentiunt credere, vel acquiescunt confiteri purgatæ fidei integritatem, manus impositione firmentur. Si vero parvuli sunt hebetes, qui doctrinam non capiant, respondeant pro illis qui eos offerunt juxta morem baptizandi, et ita interrogentur ut sciant quid respondere debeant, et sic manus impositionem accipiant.

CAP. 234. — *De eadem re. Ex concilio Wormatiensi, cap. 5.*

Quicumque baptizatus fuerit ab hæreticis in nomine Patris, et Filii, et Spiritus sancti, nullo modo rebaptizari debet, sed per solam manus impositionem purgandus est.

CAP. 235. — *Ut baptismus in Trinitate susceptus non iteretur. Ex concilio Carthaginensi. I, cap. 1.*

Ut baptismum in Trinitate susceptum non iteretur. Ergo, si vobis placet, consideremus primitus titulum de rebaptizatis, et sanctitatem vestram postulo, ut mentis vestræ intuitum placide, producatum ad descendantem in aquam, et interrogatum in Trinitate secundum Evangelii fidem, et apostolorum doctrinam, et confessum bonam conscientiam in Deum de resurrectione Jesu Christi, an liceat iterum interrogari in eadem fide, et in aquam iterum tingi. Universi episcopi dixerunt: Absit, absit, illicitam sancimus esse rebaptizationem, et satis esse alienam a sincera fide, et a catholica disciplina!

CAP. 236. — *De illis qui nesciunt qua fide baptizati sunt. Ex decretis Leonis papæ, episcopis per Siciliam constitutis missis, cap. 29. (Epist. ad Rusticum, cap. 15.)*

(*De cons., dist. 4, c. Hi de quibus.*) Hi autem de quibus scripsisti qui se baptizatos sciunt, sed cujus fidei fuerint qui eos baptizaverunt se nescire profitentur, quoniam quolibet modo formam baptismatis acceperunt, rebaptizandi non sunt; sed, per manus impositionem virtutem Spiritus sancti accipientes, quam ab hæreticis accipere non potuerunt, catholicis copulandi sunt.

CAP. 237. — *De presbytero qui grammaticam ignorabat, et tamen in Trinitate baptizabat. Epistola Zachariæ ad Bonifacium Magontensem archiepiscopum.*

(*De cons. dist. 4, c. Retulerunt.*) Virgilius et Sedulius, religiosi viri apud Bajoariorum provinciam degentes, suis apud nos litteris usi sunt, per quas intimaverunt, quod tua reverenda fraternitas injungeret Christianos rebaptizare. Quod audientes nimis sumus conturbati et in admirationem quamdam incidimus si haberetur ut dictum est. Retulerunt quippe quod fuerit in eadem provincia sacerdos, qui Latinam linguam ignorabat penitus et dum baptizaret nesciens Latino eloquio infringere linguam, diceret: Baptizo te in nomine patriæ, et filia et spiritu sancta, ac per hoc tua reverenda fraternitas consideravit rebaptizare. Scias, sanctissime D frater, si ille qui baptizavit nos introducens errorem aut hæresim; sed pro sola ignorantia Romanæ locutionis infringendo linguam, ut supra fati sumus, baptizans dixisset, non possumus consentire ut denuo baptizentur (quia quod bene compertum habet fraternitas tua) quicumque baptizatus fuerit ab hæreticis in nomine Patris, et Filii, et Spiritus sancti, nullo modo rebaptizari debet, sed per solam manus impositionem purgari debet. Nam, sanctissime frater, si ita est ut nobis relatum est; non amplius a te illud prædicetur, nec aliquid hujusmodi, sed ut sancti Patres docent et prædicant, tua fraternitas studeat servare.

CAP. 238. — *De illis qui aliquam habent dubitationem baptismatis ut rebaptizentur. Ex decretis Leo-*

nis papæ ad Rusticum Narbonensem episcopum, A
cap. 28 (epist. 90, cap. 15).

(*De cons., dist. 4, c. Si nulla.*) Si nulla exstant indicia inter propinquos et familiares, nulla inter clericos aut vicinos quibus, hi de quibus quæritur baptizati fuisse doceantur, agendum est ut renascantur ne manifeste pereant, in quibus quod non ostenditur gestum, ratio non sinit iteratum. Qui autem possunt meminisse quod ad Ecclesiam veniebant cum parentibus suis, possunt recordari an quod parentibus eorum dabatur, acceperint. Sed si hoc etiam ab ipsa memoria alienum est, conferendum eis videtur quod collatum esse nescitur, quia non temeritas intervenit præsumptionis, ubi est diligentia pietatis.

CAP. 239. *Quid agendum sit de infantibus de quibus non inveniuntur certissimi testes utrum baptizati sint.* Ex concilio Africano, cap. 39 (concil. Carthag. v, cap. 6).

(*De cons., dist. 4, c. Placuit.*) Item placuit de infantibus quoties non inveniuntur certissimi testes, qui eos baptizatos esse sine dubitatione testentur, neque ipsi sunt per ætatem de traditis sibi sacramentis idonei respondere, absque ullo scrupulo esse baptizandos, ne ista trepidatio eos faciat sacramentorum purgatione privari. Hinc enim legati vestrorum [Maurorum], fratres nostros consuluerunt, qui tales multos a barbaris redimunt.

CAP. 240. — *De presbyteris per quorum negligentiam sine baptismo aliquis mortuus fuerit.* Ex decretis Xisti papæ, cap. 5.

Perpendant presbyteri, quanti discriminis sit animas innocentium per eorum negligentiam perire, januasque paradisi innocentibus claudi. Et ideo presbyteri summa diligentia caveant, ne animas pro quibus sanguis Christi effusus est, per suam incuriam a cœlesti beatitudine separent. Et si, quod absit! evenerit, gravi pœnitentiæ luctui diebus vitæ suæ se submittat per cujus evenerit neglectum.

CAP. 241. — *Ut nullus presbyter cuiquam infirmo in propria provincia vel alicubi baptismum denegare præsumat.* Ex decretis Martiani papæ, cap. 3.

Quicumque presbyter in provincia propria, aut in alia, vel ubicunque inventus fuerit, commendatum sibi infirmum baptizare noluerit, vel in profectioe itineris de aliqua excusatione, et sic sine baptismo moritur, deponatur.

CAP. 212. — *De his qui ad iterandum baptismum vel metu coacti vel errore traducti sunt.* Ex decretis Leonis papæ ad Nicetam episcopum Aquileiensem. cap. 47.

His vero de quibus similiter dilectio tua nos credit consulendos, qui ad iterandum baptismum vel metu coacti vel errore traducti sunt, et nunc se contra catholicæ fidei sacramentum egisse cognoscunt, ea est custodienda moderatio, qua in societatem nostram, non nisi per pœnitentiæ remedium et per impositionem episcopalis manus communionis recipiant unitatem. Temporis autem pœnitudinis habita moderatione tuo custodienda iudicio prout conversorum animos inspexeris esse devotos, pariter-

que etiam habens senilis ætatis intuitum, et periculorum quorumcunque autem ægritudinum dispiciantur necessitates. In quibus si quis ita graviter urgeatur, ut dum adhuc pœnitet de salute ipsius desperetur, oportet ei per sacerdotalem sollicitudinem communi gratia subvenire.

CAP. 243. — *Non esse negandum baptismum parvo ægroto, etiam de alterius parochia allato.* Ex decretis Eugenii papæ, cap. 6.

Si parvus ægrotans ad quemlibet presbyterum baptismi gratia de cujuslibet parochia allatus fuerit, ei baptismi sacramentum nullo modo denegetur. Si quis hoc munus petenti concedere detrectaverit, noverit se ille qui eum non baptizaverit, pro ejus anima rationem redditurum, et apud synodum acerrime corrigendum.

CAP. 244. — *Non esse iterandam confirmationem.* Ex concilio Taruconensi, cap. 6.

(*De cons., dist. 5, c. Dictum est.*) Dictum est nobis quod quidam de plebe bis vel ter aut eo amplius ab episcopis confirmantur. Unde nobis visum est eandem confirmationem, sicut nec baptismum iterari minime debere; quia bis vel amplius baptizatos aut confirmatos non sæculo, sed soli Deo sub habitu regulari vel clericali religiosissime famulari decretum est.

CAP. 245. — *Quod ignoranter rebaptizati absque magna necessitate ordinari non possunt.* Ex pœnitent. Theodo. cap. 14.

(*De cons., dist. 4, c. Qui bis.*) Qui bis ignoranter baptizati sunt non indigent pro eo pœnitere, nisi quod secundum canones ordinari non possunt, nisi magna aliqua necessitas cogat. Qui autem non ignari baptizati sunt, quasi iterum Christum crucifixerunt, per annos septem pœniteant quarta feria et sexta, et tres quadragesimas pœniteant. Si pro vitio aliquo fuerit fecerint, similiter. Si pro munditia putaverint, tribus annis similiter pœniteant.

CAP. 246. — *De parvulorum animabus qui sine baptismo moriuntur.* Ex epistola Gregorii papæ ad Secundinum servum Dei inclusum.

(*In registro, lib. vii, epist. 53.*) In extremo vero epistolæ requisisti quid eis respondendum sit qui dilectionem tuam de parvulorum animabus requirunt, qui sine gratia baptismatis moriuntur, dicentes si corpus originali culpa tenetur, unde anima quæ a Deo datur rea erit, quæ adhuc in actuali delicto non consentit corpori. Sed de hac re dulcissima fraternitas sciat, quia de origine animæ inter sanctos Patres requisitio non parva versata est. Sed utrum ab Adam descenderit, an recte singulis detur incertum, remansit, eamque in hac vita insolubilem fassi sunt esse quæstionem. Gravis est enim quæstio nec valet ab homine comprehendi, quia si de eadem substantia anima cum carne nascitur, cur etiam non cum carne moritur? Si vero cum carne quæ ab Adam prolata est obligata peccato, peccatis tenetur. Sed, cum hoc sit, incertum non est, quia nisi sacra baptismatis gratia fuerit, renatus homo, omnis anima originalis peccati est vinculis obstri-

cta. Hinc enim scriptum est: Non est mundus in A conspectu ejus, nec unius diei infans super terram (*Job xiv, juxta LXX interp.*). Hinc David ait: *In iniquitatibus conceptus sum, et in delictis peperit me mater mea (Psal. 1)*. Hinc ipsa Veritas dicit: *Nisi quis renatus fuerit ex aqua et Spiritu, non intrabit in regnum cælorum (Joan. iii)*: Hinc Paulus apostolus ait: *Sicut in Adam omnes moriuntur, ita et in Christo omnes vivificabuntur (I Cor. xv)*. Cur ergo infans qui nihil peccavit in conspectu Dei omnipotentis, esse mundus non valet? Cur Psalmista ex legitimo conjugio prolatus in iniquitate conceptus est? Cur hæc? nisi quia quis aqua baptismatis mundatus non fuerit, mundus non est. Cur in Adam omnis homo moritur, si originalis peccati vinculis non tenetur. Sed quia genus humanum in parente primo velut in radice patrum ariditatem erexit in ramis, et inde omnis homo cum peccatis nascitur, unde primus homo permanere voluit in peccato. De his autem subtilius ac latius loqui debueram: sed dum et curarum cumulus premit, et earum portitor ut laxaretur importunus exstitit, unde multa debui, pauca locutus sum.

CAP. 247. — *De energumenis baptizandis. Ex concilio Arausicano, cap. 13 (cap. 14).*

Energumeni jam baptizati de purgatione sua curantes, si se sollicitudini clericorum tradunt, monitisque obtemperans, omnimodis communicent, sacramenti ipsius virtute, vel muniendi ab incursu dæmonis, quo infestantur, vel purgandi quorum jam ostenditur vita purgatio.

CAP. 248. — *De eodem. Ex eodem capite 22 (cap. 15).*

In energumenis catechumenis, in quantum vel necessitas exegerit vel opportunitas permiserit de baptismo consulendum.

CAP. 249. — *Quod rebaptizatis non sit communicandum. Ex concilio Herdensi, cap. 44.*

Cur rebaptizatis fideles religiosi participant?

CAP. 250. — *De presbytero qui recte baptizatum denuo baptizaverit, et non recte baptizatum ab hæreticis non baptizaverit. Ex concilio Lugdunensi, cap. 47.*

Episcopus autem vel presbyter si eum qui secundum veritatem habuerit baptismum, denuo baptizaverit, aut si pollutum ab impiis et non recte baptizatum non baptizaverit, deponatur, tanquam deridens crucem et mortem Domini, nec sacerdotes veros a falsis sacerdotibus vere discernens.

CAP. 251. — *Ut non ordinatus temere baptizare non præsumat. Ex decretis Hormisdæ papæ, cap. 4.*

Si quis baptizat, aut aliquod divinum per temeritatem exercuerit non ordinatus, abjiciatur ab ecclesia et nunquam ordinetur.

CAP. 252. — *Quod diaconi officium presbyterorum non usurpent. Ex decretis Gelasii papæ, cap. 6.*

(*Part. 1, dist. 93, diaconos p. prima.*) Diaconos quoque propriam constituimus observare mensuram, nec ultra tenorem paternis canonibus deputatum, quidpiam attentare permittimus, nihilque

eorum suo ministerio penitus applicare quæ primis ordinibus proprie decrevit antiquitas, absque episcopo et presbytero baptizare non audeant, nisi prædictis fortassis officiis longius constitutis necessitas extrema compellat, quod et laicis Christianis facere plerumque conceditur.

CAP. 253. — *Ut presbyteri populum admoneant, ut suos infantulos ad confirmationem episcopo præsentent. Ex concilio Wormatiensi, cap. 2.*

Annuntient presbyteri populis, ut quam citius potuerint suos infantulos ad confirmandum suo episcopo præsentari faciant. Quod si neglexerint, et presbyter et populus canonicis disciplinis subjaceant.

CAP. 254. — *Ut omnes perfectæ ætatis jejuni ad confirmationem veniant. Ex concilio Aurelianensi, cap. 6 (cap. 3).*

(*De cons., dist. 5, c. Ut jejuni.*) Ut jejuni ad confirmationem veniant perfectæ ætatis, ut moneantur confessiones facere prius, ut mundi donum sancti Spiritus valeant accipere, et quia nunquam erit Christianus, nisi in confirmatione episcopali fuerit chrismatus.

CAP. 255. — *De sacramento baptismatis et confirmationis utrum majus sit, Melchides papa Hispanorum episcopis, cap. 6.*

(*De cons., dist. 4, c. De his.*) De his vero super quibus rogatis vos informari, id est, utrum majus sit sacramentum manus impositionis episcoporum, aut baptismus, scitote utrumque magnum esse sacramentum, et sicut unum a majoribus est, id est summis pontificibus, quod a minoribus perfici non potest; ita et majori veneratione venerandum et tenendum est. Sed ita conjuncta sunt hæc duo sacramenta, ut ab invicem nisi morte præveniente nullatenus possint segregari, et unum sine altero rite perfici non potest.

CAP. 256. — *Ut omnes Christiani ad confirmationem veniant. Ex concilio Wormatiensi cap. 3.*

Ad prædicationem et ad confirmationem episcopi, omnes devote conveniant, eique fideliter ministrent et obediant.

CAP. 257. — *Item de manus impositione. Eusebius papa fratribus per Campaniam et Tusciam constitutis, cap. 22 (epist. 3).*

(*De cons., dist. 5, c. Manus.*) Manus quoque impositionis sacramentum magna veneratione tenendum est quod ab aliis perfici non potest, nisi a summis sacerdotibus, nec tempore apostolorum ab aliis quam ab ipsis apostolis legitur aut scitur peractum esse, nec ab aliis quam qui eorum locum tenent, unquam perfici potest aut fieri debet. Nam, si aliter præsumptum fuerit, irritum habeatur et vacuum, nec inter ecclesiastica unquam reputabitur sacramenta.

CAP. 258. — *Item de confirmatione. Ex concilio Mogontiensi, cap. 3.*

Præcipimus ut ad accipiendum per manus impositionem pontificis, Spiritus sancti donum sollicite et devote omnes concurrant, et episcopo quæ necessaria sunt fideliter ministrent, eique in omnibus et per omnia obediant.

CAP. 259. — *Quod omnes fideles, accepto baptismate, A* *chrisma caeleste accipere debeant. Ex concilio Laodicensi, cap. 48.*

Quod oporteat eos qui baptizantur post lavacrum caeleste chrisma percipere, et regni Christi participes inveniri.

CAP. 260. — *Ut omnes renati fonte baptismatis, do-* *rum Spiritus sancti, per manus impositionem accipere debeant. Ex epistola Antheri papæ, cap. 15. (Ex epistola 2 Urbani primi papæ.)*

(*De cons., dist. 5, c. Omnes fideles.*) Omnes fideles per manus impositionem episcoporum, post baptismum accipere debent Spiritum sanctum, ut pleni Christiani inveniantur. De Spiritu accipimus, ut spirituales efficiamur, quia *animalis homo non percipitur sunt Spiritus sancti Dei (1 Cor. 11)*, quia cum Spiritus sanctus infunditur, cor fidele ad prudentiam et constantiam dilatatur. De Spiritu sancto accipimus, ut sapiamus, inter bonum et malum discernere, justa diligere, injusta respuere, ut invidiæ ac superbiæ repugnemus, ut luxuriæ ac diversis illecebris et fœdis indignisque cupiditatibus resistamus. De Spiritu sancto accipimus, ut amore æternæ gloriæ et ardore succensi, erigere a terrenis mentem ad superna et divina valeamus.

CAP. 261. — *Ut episcopi nonnisi jejuni confirmationem faciant. Ex concilio Meldensi, cap. 3.*

(*De cons., dist. 5, c. Ut episcopi.*) Ut episcopi nonnisi jejuni per impositionem manuum Spiritum sanctum tradant, exceptis infirmis et morte periclitantibus. Sicut autem duobus temporibus Pascha videlicet et Pentecoste a jejuniis celebrari debet **C** baptismus; ita etiam traditionem Spiritus sancti a jejuniis pontificibus convenit celebrari.

CAP. 262. — *Quod episcopis liceat, si necesse sit, in campo confirmare. Ex concilio Remensi, cap. 10.*

Episcopo liceat in campo, si necesse, confirmare.

CAP. 263. — *Quod a solis episcopis baptizati sint consignandi. Ex decretis Innoc. papæ missis, c. 3.*

De consignandis vero infantibus manifestum est non ab alio quam ab episcopo fieri licere. Nam presbyteri, licet sint secundi sacerdotes, pontificatus tamen apicem non habent. Hoc autem solis pontificibus debetur ut vel consentiant, vel Paracletum Spiritum sanctum tradant. Non solum consuetudo ecclesiastica monstrat, verum illa lectio Actuum apostolorum quæ asserit Petrum et Joannem esse **D** directos (*Act. viii*), quod jam baptizatis tradant Spiritum sanctum (*De consec., dist. 4, c. Presbyteris.*) Nam presbyteris seu extra episcopum, seu præsentem episcopo, cum baptizant, chrisma baptizatos unguere liceat; sed quod ab episcopo consecratum, non tamen frontem ex eodem oleo signare, quod solis debetur episcopis cum tradunt Paracletum.

CAP. 264. — *Ut presbyteri baptizatos in frontibus chrisma non debeant signare. Ex registro Gregorii ad Januarium episcopum Caralitanum, cap. 90 (lib. III, cap. 9).*

(*De consec., dist. 4, c. Presbyteri.*) Presbyter

(63) Ad marginem codicis regii vetustissima littera scribitur: *Hic dubitatur.*

baptizatos infantem signare in frontibus non præsumant sancto chrisma, sed presbyteri baptizatos tangant in pectore, ut episcopi postmodum confirmet in fronte.

CAP. 265. — *De presbyteris qui de baptismate pretium quærunt. Ex epistola Gelasii PP. cap. 5 (cap. 7).*

(1 q. 1, c. *Baptizandis.*) Baptizandis consignandisque fidelibus pretia nulla præfigant, nec alligationibus quibuslibet impositis exagitare cupiant renascentes, quomodo quod gratis accepimus gratis dare mandamur. Et ideo nihil a prædictis prorsus exigere moliantur, quo vel paupertate agente deterriti, vel indignatione revocati redemptionis suæ causas adire despiciant certum habentes quod qui prohibita deprehensi fuerint admisisse, vel commissa sponte non correxerint, periculum subituri proprii sunt honoris.

CAP. 266. — *De presbyteris qui de veteri chrisma baptizare præsumunt. Ex concilio Lugdunensi, cap. 3.*

(*De cons., dist. 4, c. Si quis de alio.*) Si quis ab alio chrisma quam de illo novo quod proprii episcopi largitione vel confessione accepit, baptizare, non præoccupante morte, tentaverit, pro temeritatis ausu ipse in se suæ damnationis protulisse sententiam manifestatur.

CAP. 267. — *Quod presbyter in sua plebe sine chrisma non debeat ire. Ex concilio Vasensi, cap. 5.*

Nullum presbyterorum in plebe sibi commissa sine chrisma unquam debere progredi, quia inter nos placuit semel in baptismate, quacunquē necessitate faciente, qui non chrisma fuerit, in confirmatione sacerdotis perficiatur.

CAP. 268. — *De presbytero qui se deprehenderit non esse baptizatum. Ex concilio apud Compendium, cap. 5.*

(63) Si quis presbyter ordinatus deprehenderit se non baptizatum esse, baptizetur et ordinetur iterum, et omnes quos prius baptizavit.

CAPUT 269. — *De presbyteris quomodo in Cœna Domini de chrisma, de oleo sanctificato, de oleo infirmorum, facere debeant. Ex Meldensi concilio, cap. 1.*

Presbyter in Cœna Domini ampullas tres secum deferat, unam ad chrisma, alteram ad oleum ad catechumenos inungendos, tertiam ad infirmos juxta sententiam apostolicam, ut quando *quis infirmatur, inducat presbyteros Ecclesiæ (Jac. v)*, etc.

CAP. 270. — *De eodem. Ex concilio apud Valentias, cap. 2.*

(*De cons., dist. 4, c. Presbyteri.*) Presbyteri qui diocesanæ ecclesiæ regunt non a quibuslibet episcopis, sed a suo, nec per juniorem clericum, sed per seipsum, aut per illum qui ejusdem ordinis sit, ante Paschæ solemnitatem chrisma petant

CAP. 271. — *Item de eodem. Ex Meldensi concilio, cap. 5.*

Nemo episcoporum vel quilibet ministrorum eccle-

siasticus propter sacrum chrisma aliquid muneri accipiat denarium, vel quælibet munuscula, quæ per ministros episcoporum a presbyteris inordinabiliter exiguntur.

CAP. 272. — *Item de eodem. Ex concilio Vasensi, cap. 10.*

Per singula territoria presbyteri vel ministri ab episcopis, non prout libitum fuerit a vicinioribus, sed a suis propriis per annos singulos petant chrisma, appropinquante solemnitate paschali, nec per quemquam alium quam per seipos aut per vicarios ejusdem ordinis, quia inhonoratum est inferioribus summa committi. Optimum est autem ut ipse accipiat qui in tradendo usus est

CAP. 273. — *De presbyteris qui pro accipiendo chrismate ad civitates venire solent. Ex concilio Meldensi, cap. 6.*

De presbyteris qui accipiendi chrismatis gratia ad civitates in Cœna Domini venire soliti sunt, sancitum est ut de his qui longe positi sunt de octo vel decem millibus, unus ab archidiacono eligatur, qui acceptum chrisma sibi et sociis diligenter perferat. Hi vero qui non longius a civitate quam quatuor aut quinque millibus habitant, more solito ad accipiendum chrisma per se veniant. Discendi vero gratia alio non quadragesimali tempore ad civitatem convocentur, propter plebes sibi commissas.

CAP. 274. — *De chrismate quod semper sub sera esse debeat. Ex concilio Turonensi, cap. 3.*

Præterea et illud omnimodis observandum est ut sacrum chrisma et oleum consecratum semper sub sera sit, ne illud unde Christo incorporamur, et unde omnes fideles sanctificantur, unde reges et sacerdotes inunguntur, aliquis infidelis aut immundus tangat, aut aliquis perditus ad Dei iudicium subvertendum subripiat, quod experimento didicimus.

CAP. 275. — *De Judæis quomodo examinari debeant ante baptisma. Ex concilio Agathensi, cap. 35.*

(*De cons. dist. 4, c. Judæi*). Judæi (quorum perfidia frequenter ad vomitum redit), si ad leges catholicas venire voluerint, septem menses inter catechumenos ecclesiæ limen introeant, et si pura fide venire noscuntur, tunc demum baptismatis gratiam mereantur. Quod si casu aliquod periculum infirmitatis intra scriptum tempus incurrerint, et desperati fuerint, baptizentur.

CAP. 276. — *De Judæis, quod nullus eis vim ad credendum inferre debeat. Ex concilio Toletano v, cap. 8 (conc. Tol. iv, c. 5).*

(*Dist. 45, c. De Judæis*). De Judæis autem hæc præcepit sancta synodus nemini deinceps vim credendi inferri: Cui enim vult Deus miseretur, et quem vult indurat (Rom. ix). Non enim inviti tales salvandi sunt, sed volentes, ut integræ sit forma salutis. Sicut homo propria voluntate arbitrii serpeni obediens perit; sic, vocante se gratia Dei, propriæ mentis conversione homo quisque salvatur credendo. Ergo non vi, sed libera arbitrii facultate, ut convertantur qui salvandi sunt, non potius

impellendi. Qui autem jam pridem ad Christianitatem coacti sunt, sicut factum est temporibus religiosissimi principis Sisenandi, quia jam constat eos sacramentis divinis associatos, et baptismi gratiam suscepisse, et chrismate unctos esse, et corporis et sanguinis Domini exstitisse participes, oportet ut fidem etiam quam vi vel necessitate susceperunt tenere cogantur, ne nomen Domini blasphemetur, fidesque quam susceperunt vilis et contemptibilis habeatur.

CAP. 277. — *Ut Judæorum filii baptizati ab eorum consortio separari debeant. Ex eodem concilio v, cap. 40 (eod. conc. iv, c. 59).*

(28 q. 1, c. Judæorum.) Judæorum filios vel filias baptizatos, ne parentum ultra involvantur erroribus, ab eorum consortio separari decernimus, tradique aut monasteriis, aut Christianis viris, aut mulieribus Dominum timentibus, ut sub eorum cura et conversatione cultum fidei discant, atque in melius constituti, tam in moribus quam in fide proficiant.

CAP. 278. — *Ut nulla communio sit Hebræis ad fidem Christianam translatis, cum aliis nondum baptizatis. Ex eodem conc. v, cap. 62 (conc. Tolet. iv, cap. 61).*

(28 q. 1, c. Sæpe malorum.) Sæpe malorum consortia etiam bonos corrumpunt, quanto magis eos qui ad vitia proni sunt? Nulla igitur communio ultra sit Hebræis ad fidem Christianam translatis cum his qui adhuc in veteri ritu consistunt, ne forte eorum participatione subvertantur. Quicumque igitur amodo ex his qui baptizati sunt, infidelium consortia non vitaverit, et hi Christianis donentur, et illi publicis sedibus deputentur.

CAP. 279. — *De Judæis qui apostataverint. Ex eod. conc. v, cap. 69 (conc. Tolet. iv, c. 58).*

(*De consec. dist. 4, c. Plerique*.) Plerique qui ex Judæis dudum ad Christianam fidem promoti sunt, nunc blasphemantes Christum, non solum Judaicos ritus perpetrasse noscuntur, sed etiam abominandas circumcisiones exercere. De quibus consultum piissimi ac religiosissimi domini nostri Sisenandi regis, hoc sanctum decrevit concilium, ut hujusmodi transgressores pontificali auctoritate correcti, ad cultum Christiani dogmatis revocentur, ut quos voluntas propria non emendat, animadversio sacerdotalis coerceat. Eos autem quos circumciderunt, si filii eorum sunt, a parentibus separentur; si servi, pro injuria corporis sui, libertati tradantur.

CAP. 280. — *De Judæorum servis. Ex eodem, cap. 9.*

(*Dist. 54, c. Etsi*.) Item ut si Judæorum servi necdum conversi, ad Christi gratiam convolverint, libertati donentur.

CAP. 281. — *De Judæorum mancipiis qui ad baptismum confugiunt. Ex concilio apud Avernas, cap. 80.*

Licet, prioribus canonibus jam fuerit definitum, ut de mancipiis paganis quæ apud Judæos sunt, si ad ecclesiam confugerint, et baptismum petierint, etiam ad quoscunque Christianos confugerint,

taxato et oblato a fidelibus justo pretio ab eorum domino liberentur. Ideo statuimus hæc ut tam justa constitutio ab omnibus Catholicis conservetur

CAP. 282. — *Item de mancipiis Judæorum aut Christianis aut ad fidem Christianam venire desiderantibus. Ex concilio Matisconensi, cap. 16.*

(*Dist. 54, c. Præsenti.*) Præsenti concilio, Deo auctore, sancimus, ut nullum Christianum mancipium Judæo deinceps serviat, sed datis pro quolibet bono manci, pio XII solidis ipsum mancipium quicumque seu ad ingenuitatem, seu ad servitium licentiam habeat redimendi; et si Christianus fieri desiderat, et non permittitur, similiter faciat, quia nefas est quem Christus Dominus sanguinis sui effusione redemit, blasphemum Christianæ religionis in vinculis tenere. Quod si acquiescere his quæ statuimus quicumque Judæus noluerit, quandiu ad pecuniam statutam venire distulerit, liceat mancipium ipsum cum Christianis ubicunque voluerit habitare.

CAP. 283. — *De illis qui ad fidem Christianam de hæresi venire desiderant. Ex concilio Arelatensi, cap. 9.*

Si ad ecclesiam aliquis de hæresi venerit, interrogent eum de Symbolo, et si viderint eum in Patre et Filio et Spiritu sancto esse baptizatum, manus ei imponatur tantum ut accipiat Spiritum sanctum.

CAP. 284. — *De Judæis si mancipium circumciderint. Ex concilio apud Theodonis villam habito, cap. 4.*

Si quis Judæorum Christianum mancipium, vel cujuslibet sectæ alterius emerit, et circumciderit, a Judæi ipsius potestate sublatus, in libertate permaneat.

CAP. 285. — *Quid sanctus Gregorius de Judæis præcipiat. Ex registro Gregorii ad Joannem Terracinensem episcopum (l. 1, ep. 24).*

Joseph præsentium lator, Judæus, insinuavit nobis de loco quodam quo ad celebrandas festivitates suas Judæi in Terracinensi castro consistentes convenire consueverant, quod tua eos fraternitas expulisset, et in alium locum pro colendis similiter festivitatis suis, te quoque noscente et consentiente, migraverint, et nunc de eodem loco etiam expulisse denuo conqueruntur. Quod si ita est, volumus ut tua fraternitas ab hujusmodi se querela suspendat, et loco quem, sicut prædiximus, cum tua conscientia quo congregentur adepti sunt eos, sicut mos fuit, liceat convenire. Hos enim qui a Christiana religione discordant, mansuetudine, benignitate, admonendo, suadendo, ad unitatem fidei necesse est congregare, ne quos dulcedo prædicationis, et præventus futuri judicis terror ad credendum invitare poterat, minis et terroribus repellantur. Oportet ergo ut ad audiendum de te Verbum Dei benigne convenient, quam auctoritate quæ supra modum extenditur, expavescant.

CAP. 286. — *De illis qui pro periculo mortis a diaconibus baptizati fuerint. Ex concilio Turonensi, cap. 3.*

Si quis diaconus regens plebem sine episcopo vel presbytero aliquos pro mortis occurso baptizaverit, episcopus eos per benedictionem et confirmationem perficere debet, sub fide, qua quisque credendo poterit esse justus.

CAP. 287. — *De his qui cogunt presbyteros denarios pro balsamo dare. Ex concilio Cabilonensi, cap. (II, cap. 16).*

Quidam fratres dixerunt consuetudinis antiquæ fuisse in eorum ecclesiis, ut pro balsamo emendo ad chrisma faciendum, sive pro luminaribus ecclesiæ concinnandis, binos vel quaternos denarios presbyteri darent (1 q. 1, c. Statuimus). Unde omnes uno consensu statuimus, ut sicut pro dedicandis basilicis, et dandis ordinibus nihil accipiendum est, ita etiam pro balsamo sive pro luminaribus emendis, nihil presbyteri chrisma accepturi dent. Episcopi itaque ecclesiasticis facultatibus balsamum emant, et luminaria singuli in ecclesiis suis.

CAP. 288. — *De chrismati panno. Ex concilio apud Belvacum, cap. 8.*

(*De cons. dist. 4, c. Si quis.*) Si quis voluerit chrismati pannum iterum linire, et super alium baptizatum mittere, non est absurdum.

CAP. 289. — *Quod catechumeni cum baptizatis manducare non debeant. Ex concilio Magontinensi, cap. 5.*

Catechumeni manducare non debent cum baptizatis, neque eis osculum dare, quanto magis gentiles?

CAP. 290. — *De scrutinio faciendo. Ex concilio Romano, cap. 15.*

De scrutinio faciendo decrevimus, ut episcopus et ubi conventus est populi et cleri, et possibilitas permittit ibi celebretur.

CAP. 291. — *De baptisterio. Ex concilio Mogontinensi, cap. 9.*

Baptisterii et catechumenorum ventilata est ratio, ut sacerdotes plenius intelligant, qualiter cum dignis ordinibus efficiant Christianum.

CAP. 292. — *Quod bigamus vocetur qui ante baptismum uxorem unam et post baptismum aliam habuerit. Ex decreto Innocentii papæ, cap. 2 (epist. Inn. 22, ad episcopos Macedoniæ).*

(*Dist. 26, c. Deinde opponitur.*) Deinde ponitur non dici digamum oportere eum, qui catechumenus habuerit atque amiserit uxorem, si post baptismum aliam sortitus est, quia illud conjugium per baptismi sacramentum cum cæteris criminibus sit ablutum. Quod cum de una utique dicitur, certe si tres habuerit in veteri positus homine uxores, erit ea quæ post baptismum quarta est, sic interpretantibus, prima. Virginis æque nomen accipiet, quæ quarto ducta est loco. Quis, oro, istud non videat contra Apostoli esse præceptum, qui ait, *unius uxoris virum oportere fieri sacerdotem? (1 Tim. III.)*

Sed objicitur, quod in baptismo totum quidquid in veteri homine gestum est sit solutum. Dicite mihi (cum pace vestra loquar) crimina tantum in baptismo dimittuntur, an et illa quæ secundum Domini præcepta ac Domini instituta complentur? Uxorem ducere crimen est, an non est crimen? Si crimen est, ergo auctor erit in culpa, qui ut crimina committerentur, in paradiso cum ipse eos jungeret, benedixit (*Gen. ii*). Si vero non est crimen, quia quod Deus junxit (*Matth. xix*), nefas sit crimen appellari, et Salomon addidit; etenim a Deo præparatur viro uxor (*Prov. xix*): quomodo creditur inter crimina esse dimissum, quod Deo auctore legitur consummatum? Quid de filiis talium percensetur? Nunquid non erunt admittendi in hæreditatis consortium, qui ex ea suscepti sunt, quæ ante baptismum fuit uxor? eruntque appellandi, vel naturales, vel spiritui, quia non est legitimum matrimonium, nisi illud, ut vobis videtur, quod post baptismum assumitur? Ipse Dominus cum interrogaretur a Judæis, si liceret *dimittere uxorem* (*Matth. xix*), atque exponeret fieri non debere, addidit: *Quod vero Deus conjunxit, homo non separet* (*ibid.*). Ac ne de his locutus esse credatur quæ post baptismum sortiantur, meminerit hoc vere et a Judæis interrogatum esse, et Judæis esse responsum. Quæro vero, et sollicitus quæro, si una eademque sit uxor ejus qui ante catechumenus, postea fidelis sit, filiosque ex ea cum esset catechumenus suscepit, ac postea alios cum fidelis, utrum sint fratres appellandi, an non. Habebunt postea defuncto patre cum cæteris hæreditatis heriscundæ consortium, quibus filiorum nomen regeneratio spiritualis creditur abstulisse. Quod cum ita sentire atque judicare absurdum est, quæ ratio est, hoc malum defendi, et vacua magis opinione jactari, quam aliqua auctoritate roborari? cum non possit inter peccata deputari, quod lex præcepit et Deus conjunxit. Nunquid si quis catechumenus virtutibus studuerit, humilitatem secutus fuerit, patientiam tenuerit, eleemosynas fecerit, morti destinatus qualibet ratione eripuerit, castitatem servaverit, quæro si hæc (cum factus fuerit fidelis) amittit, quia per baptismum totum quod vetus homo gesserit putatur auferri? Aspiciamus gentilem hominem Cornelium orationibus et eleemosynis Petrum ipsum revelatione vidisse (*Act. x*). Nunquid per baptismum hæc illi ablata sunt, propter quæ ei baptisma concessum esse videtur? Si ita creditur, mihi credite non modicum erratur; quia quidquid bene gestum fuerit, et secundum præcepta legalia custoditum, non potest facientibus deperire. Nuptiarum ergo copula quia Dei mandato perficitur, non potest dici peccatum, et quod peccatum non est, inter peccata omnino credi non debet dimissum.

CAP. 295.— *De episcopis et presbyteris et diaconibus rebaptizatis. Ex decretis Felicis papæ III, cap. 1 (epist. 3).*

Communis dolor et generalis est gemitus, quod

A intra Africam rebaptizatos etiam episcopos vel presbyteros, diaconosque cognovimus; quæ res sine dubio ad vestræ quoque pervenit notitiam sanctitatis, qualiter in Africanis regionibus astutia diaboli sævierit in populum Christianum, atque in id multiplici deceptione proruperit, ut non modo vulgus incautum, sed etiam ipsos in mortis profunda demerserit sacerdotes, ut nullus orbis non ingemuerit, nulla terra nesciverit. Unde in grandi mœrore positi, dissimulare non possumus pereuntium, atque nobis exigendarum discrimen animarum. Quapropter competens adhibenda est talibus medela vulneribus, ne curandi immatura facilitas, mortifera captis peste nihil prosit: sed segnius tracta perniciēs reatu non legitime curationis involvat sauciatos pariter et medentes. In primis itaque venientis ad nos et remedium postulantibus, sollicitè discutienda est professio et persona decepti, ut medela possit congruens exhiberi, et qui satisfactorius Deo per penitentiam rebaptizatum se legitime doluerit, utrum ad hoc facinus concurrerit, an impulsus accesserit requiratur, sciens quod se decipiat ipse qui fallit, nihilque per nostram facilitatem tribunalis excelsi iudicio derogari cui illa sunt rata, quæ pia, quæ vera, quæ justa sunt; et aliter necessitas, aliter tractanda est ratio voluntatis: deterior est autem causa illius, qui forte pretio sollicitatus est ut periret. Nihil intentatum enim reliquit inimicus, cui ne de sua liceat gaudere captura, succurrendum est irretitis, et conterendus est venantis laqueus, ut infucatum sine dolo lamentantibus lapsum tam justitiæ moderatione, quam compunctione pietatis ad aulam quam reliquerant, sit ingressus. Nec pudeat forsitan aut pigeat, in dictis jejuniorum gemituumque temporibus obedire, aut aliis observantiæ salubrioris obtemperare præceptis, quia humilibus datur gratia, non superbis (*I Petr. v*). Sit ergo ruinæ suæ dolore prostratus, quisquis in Christo fieri quærit electus; et per dispensationis nostræ ministerium quod vestram sequi convenit charitatem, nec alicui fas est vel velle, vel posse transcendere causam ejus, qui contra apostolicam doctrinam, iterationem infaustam baptismatis dedit; vel ejus qui aliquibus argumentis excusandum callide proprium putaverit esse consensum; sacerdotali vigore et humanitate tractemus, ut ejus fides, quæ nisi una, nulla est, adjutorio Domini iudicis, ad salutem sine nostræ properationis offensione, reparetur; quia, cum peccatoris a nobis satisfactio protrahitur, non præter nostram laudem atque lætitiā mens ejus ad veniam purgator invenitur, et ideo memineritis hanc super his nos habere sententiam, ut servata discretionē peccantium non eadem cuncti qui lapsi sunt lance sententur: quod majori castigatione est exigendum; nostra cui in Domino commissa fuerit disciplina. (*De cons., dist. 4, c. Eos quos.*) Ut ergo ab ecclesiæ summis inchoemus, eos quos episcopos, vel presbyteros, aut diaconos fuisse constiterit, et seu optantes forsitan, seu coactos lavacri illius

unici salutarisque claruerit fecisse jacturam, et Christum, quem non solum dono regenerationis, verum etiam gratia percepti honoris inducant, exuisse: cum constet neminem ad secundam tinctionem venire posse, nisi se palam Christianum negaverit, et professus fuerit esse paganum, quod cum generaliter in omnibus sit execrandum, multo magis in episcopis, presbyteris et diaconibus auditu saltem, dictuque probatur horrendum. Sed quia idem Dominus atque Salvator clementissimus est, et neminem vult perire, usque ad exitus sui diem in poenitentia (si resipiscant) jacere conveniet; nec orationi non modo fidelium, sed nec catechumenorum quidem omnimodis interesse. Quibus communio laica in morte reddenda est. Quam rem diligentius explorare vel facere, probatissimi sacerdotis cura debet. De monachis autem et clericis, et puellis Dei aut sæcularibus servari præcipimus hunc tenorem, quem Nicæna synodus circa eos qui lapsi sunt, vel fuerint servandum esse constituit, ut scilicet qui nulla necessitate, nullius rei timore atque periculo, se hæreticis ut rebaptizentur impie dederunt, si tamen eos ex corde poeniteat, tribus annis inter audientes sint, septem vero annis subjaceant inter poenitentes manibus sacerdotum, duobus etiam annis oblationes omnibus modis non sinantur offerre, sed tantummodo a popularibus [sæcularibus] in oratione socientur; nec confundatur Deo colla submittere, qui eum non timuit abnegare. Quod si utpote mortales inter metas præscripti temporis cæperit vitæ finis urgere, subveniendum est imploranti, et seu ab episcopo qui poenitentiam dederit, seu ab alio qui tamen datam esse probaverit, aut similiter presbytero, viaticum abeunti de sæculo non negetur. Pueris autem quibus quod adhuc in veste sunt a puritate vocabulum est, seu clericis, seu laicis, aut etiam similibus puellis, quibus ignorantia suffragatur ætatis, aliquandiu sub manus impositione detentis, reddenda communio est, nec eorum expectanda poenitentia, quos excipit a coercitione censura. Quod est a nobis provide constitutum, ne hi quibus in terreni labe contagii plus minusve restat ad vitam, dum adhuc in poenitentia sunt, poenitentiam committant. Quod si ante præfinitum tempus poenitentia desperatus a medicis ob evidentia mortis indicia, recepta quisquam communionis gratia convalescit, servemus in eo quod Nicæni canones ordinaverunt, ut habeatur inter illos qui oratione sola communicant, donec impleatur spatium temporis eidem præstitutum. Nec catechumenos nostros qui sub tali confessione baptizati sunt præterimus; quia non est causa dissimilis, sicut iidem sancti canones ordinarunt, ejus qui quolibet modo Christum, quem semel confessus est abjuravit. Tribus annis inter audientes sint, et postea cum catechumenis permittantur orare, per manus impositionem, communionis catholicæ gratiam recepturi, exceptis tantummodo episcopis, presbyteris et diaconibus, quos solo mortis suæ tempore reconciliandos esse, jam

A diximus: cæteros, id est sive clericos, sive laicos, vel monachos sexus utriusque personas, quos violentia et periculo coactos iterationem baptismatis subisse constiterit, vel qui aliquo modo [commento] hujus se facinoris piaculis dixerint non teneri, in poenitentia per triennium durare decernimus, et per manus impositionem ad societatem recipi sacramenti, illo per omnia custodito, ne ex his unquam (1 q. 7, c. *Qui in qualibet ætate*) qui in qualibet ætate alibi quam in ecclesia catholica baptizati aut rebaptizati sunt, ad ecclesiasticam militiam prorsus permittantur accedere. Quibus satis esse non del et quod in Catholicorum numero sunt recepti: quomodo de suo ordine et communione videbitur ferre judicium, quisquis hæc violaverit antistitum; vel B qui non removerit eum, quem ex his ad ministerium clericale obrepisse cognoverit. Curandum vero maxime, et omni cautela est providendum, ne quis fratrum coepiscoporumque nostrorum, aut etiam presbyterorum in alterius civitate, vel diocesi poenitentem, vel sub manu positum sacerdotis, aut eum qui reconciliatum se esse dixerit, sine episcopi, vel presbyteri testimonio et litteris, aut in parochia presbyter, aut episcopus in civitate suscipiat. Quod aliqua simulatione neglectum, culpam tangit etiam clericorum, qui in locis in quibus hoc minus curatum fuerit, commorantur. His itaque rite dispositis, et ad ecclesiarum nostrarum notitiam nostra deliberatione perlatis parere vos convenit. Quibus licet ad animarum reparationem nihil deesse videatur, tamen si cui aliquid novi et quod præterire nos potuit, revelatum fuerit, secundum beatum Paulum apostolum tacente priore (1 Cor. xiv) fideliter insinuet, quia *Spiritus ubi vult spirat* (Joan. viii), maxime cum ejus causa tractatur; nec nos pigebit audire, et si qua sunt omissa non arroganter abnuere, sed rationabiliter ordinare. Data est Iduum Martiarum die, Dinanuo, et Sibidio iv coss.

CAP. 294.— *De eo qui per ignorantiam ordinatur antequam baptizetur. Ex dictis Isidori episcopi.*

(1, q. 1, c. *Si quis per ignorantiam; vide ib. adnotationem.*) Si quis per ignorantiam ordinatur antequam baptizetur, debent ab eo baptizati rebaptizari, et ipse non ordinetur, sed (Item De cons., dist. 4, c. *Romanus.*) Romanus pontifex non hominem judicat qui baptizat, sed Spiritum Dei subministrare gratiam credit baptismi, licet paganus sit qui baptizat.

CAP. 295.— *De illis qui gratiam sancti Spiritus vendere conantur. Ex concilio Triburensi, cap. 22 cui interfuit Arnulphus rex.*

(1, q. 1, c. *Dictum est.*) Dictum est solere in quibusdam locis pro perceptione chrismatismis nummos dari, pro baptismo quoque et communione, hoc Simoniacæ hæresis semen est detestata sancta synodus, et anathematizavit, et, ut de cætero nec pro ordinatione, nec pro chrismate, vel baptismo, vel pro balsamo, nec pro sepultura vel communione quidquam exigatur, sed gratis dona Christi gratuita dispensatione donentur.

CAP. 296. — *A quibus manus impositio perfici debeat. Urbanus papa omnibus Christianis, cap. 7.*

Omnes fideles per manus impositionem episcoporum, Spiritum sanctum post baptismum accipere debent, ut pleni Christiani inveniantur.

CAP. 297. — *De eodem, Eusebius papa episcopis per Campaniam et Tusciam, cap. 9, epistola 5.*

De cons., dist. 5, c. Manus.) Manus impositionis sacramentum magna auctoritate tenendum est, quod ab aliis perfici non potest, nisi a summis sacerdotibus: nec tempore apostolorum ab aliis quam ab ipsis apostolis legitur ac scitur peractum esse; nec ab aliis, sicut jam dictum est, quam ab ipsis qui eorum locum tenent, unquam perfici potest, aut fieri debet. Nam si aliter præsumptum fuerit, irritum habeatur ac vacuum, nec inter ecclesiastica unquam reputabitur sacramenta.

CAP. 298. — *Item de eodem. Beda super Actus apostolorum.*

(In cap. 8.) Philippus qui Samariæ Evangelium prædicabat, unus de septem diaconibus fuit. Si enim apostolus esset, ipse utique manum imponere potuisset, ut acciperent Spiritum sanctum. Hoc enim solis pontificibus debetur. Nam presbyteris sive extra episcopum, seu præsentem episcopum, cum chrismate baptizatos ungere licet, sed quod ab episcopo fuerit consecratum; non tamen frontes ex eodem oleo signare, quod solis episcopis debetur, cum tradunt Spiritum sanctum paracletum baptizatis.

CAP. 299. — *De eodem Isidorus Etymologiarum lib. vii, cap. 20.*

Presbyteri licet sint sacerdotes, tamen pontificatus apicem non habent; quia nec chrismate frontem signant, nec Spiritum sanctum dant: quod solis episcopis deberi lectio Actus apostolorum indicat.

CAP. 300. — *Item de eodem: Rabanus, De institut. cleric., lib. 1, cap. 30.*

(De cons. 5, c. Novissime.) Novissime a summo sacerdote per impositionem manus Paracletus traditur baptizatis, ut roborentur per Spiritum sanctum ad prædicandum aliis, idem donum, quod ipsi in baptismo consecuti sunt per gratiam, vitæ donati æternæ. Signatur enim cum chrismate baptizatus per sacerdotem in capitis summitate; per pontificem vero in fronte, ut in priori unctione significetur super ipsum Spiritus sancti descensio, ad habitationem Deo consecrandam. In secunda quoque ut ejusdem Spiritus sancti septiformis gratia, cum omni plenitudine sanctitatis, et scientiæ, et virtutis venire in hominem declaretur.

CAP. 301. — *Quid liceat episcopo alterius ecclesiam ingresso. Haimo super Deuteronomium.*

Ingressus episcopus alicujus ecclesiam, potest ibi aliquos corrigere, vel etiam confirmare, totam autem plebem non licet ei disponere.

CAP. 302. — *Ab uxore sua separari debere eum qui filiastrum suum, vel filiastram suam ante episcopum ad confirmationem tenuerit. Capitularium libro v, cap. 7.*

Si quis filiastrum vel filiastram suam ante episcopum ad confirmationem tenuerit, ab uxore sua separetur, et alteram non accipiat.

CAP. 303. — *Non licet confirmatum denuo confirmari Gregorius II Bonifacio*

Homini qui a pontifice confirmatus fuerit, denuo talis rei iterato prohibenda est.

CAP. 304. — *Utrum separandum sit ab uxore sua qui filiastrum suum, vel filiastram suam coram episcopo ad confirmationem inscienter tenuerit. Nicolaus papa Rudolpho Biturensi episcopo.*

(30, q. 1, c. De his qui.) De his qui filiastrum suum ad confirmationem coram episcopo tenent, id est qui filios uxoris suæ de priori marito dum chrismantur ab episcopis super se sustinent, si inscienter, ut asserit, sit, licet sit peccatum, tamen non usque ad separationem conjugii puniendum est. Lugeant tamen et digna poenitentia hoc diluentes Domino dicant: Delicta ignorantiae nostræ ne memineras.

CAP. 305. — *Utrum separari debeant ab uxoribus suis, qui filios suos ex lavacro sancto suscipiunt. Ex decreto Desiderii papæ, Deusdedit Gordiano episcopo.*

(30, q. 1, c. Pervenit ad nos.) Deusdedit sanctæ Romanæ Ecclesiæ et apostolicæ sedis episcopus Gordiano Hispalensis Ecclesiæ coepiscopo et fratri charissimo. Pervenit ad nos, diaconus sanctitatis vestræ epistolam deferens, quod quidam viri et mulieres præterito Sabbato paschali die præ magno populorum incurso nescientes filios suos suscepissent ex lavacro sancto. Cupis ergo scire si pro tali ratione accidenti debeant viri ac mulieres ad proprium usum redire, an non. Nos vero ex hac re inæsti, inquisivimus priorum dicta. Invenimus autem in archivis hujus apostolicæ sedis jam talia contigisse in Ecclesia Hisauriæ, Ephesiorum, simulque Hierosolymæ, aliarum etiam Ecclesiarum episcopis, et earum civitatum, ab hac apostolica sede scire volentibus, utrum viri ac mulieres redirent ad proprium torum. Beatæ memoriæ sanctissimi Patres Julius, Innocentius, et Cælestinus cum episcoporum plurimorum et sacerdotum consensu in ecclesia beati apostolorum principis, prohibentes talia perscripserunt et confirmaverunt, ut nullo modo conjugio se reciperent mulieres ac viri quicumque aliqua ratione susceperint natos suos, sed separarent se, ne, suadente diabolo, tale vitium inolescat per mundum. Scitis quia quomodo sunt septem dona Spiritus sancti: ita sunt septem dona baptismi. A primo ergo pabulo salis sacramenti et ingressu Ecclesiæ, usque ad confirmationem per chrisma, hoc est a primo usque ad septimum, nullus Christianus suam commatrem in conjugium suscipere debet, et qui præsumperit, tandiu anathematis vinculo religetur, donec poenitentiam digne egerit.

CAP. 306. — *Item de eodem Joannes Anselmo Le-mozinæ Ecclesiæ episcopo.*

Ad limina beatorum Petri et Pauli apostolorum principum, hic præsens homo nomine Stephanus orationis causa veniens, nostro præsulatui suggerendo innotuit: quod filium suum in extremo vitæ positum, nec baptismatis unda lotum, absentia scilicet sacerdotum necessitate cogente baptizasset, eumque propriis manibus retinendo suscepisset. Atque pro hujus rei negotio notitiæ tuæ patefacto reverentia tua quasi zelo rectitudinis flagrans præfatum hominem a sua judicaverit conjuge separandum, quod fieri nullatenus debet, dicente Scriptura: a Deo junctam esse viro uxorem et quod Deus junxit, homo non separet (*Matth.* xix). Unde et Dominus in Evangelio ait: Nemo dimittere potest uxorem suam, nisi causa fornicationis (*ibid.*) Quapropter et nos tantæ auctoritatis jussione præcipue freti, dicimus omittendum esse et inculpabile judicandum, quod necessitas intulit. Nam baptizandi hoc opus etiam laicis fidelibus juxta canonicam sanctionem, si necesse fuerit facere libere conceditur. Unde si supradictus genitor filium suum corpore morientem aspiciens, ne animam morte perpetua pereuntem dimitteret, sæcri unda baptismatis lavit, et eum de potestate auctoris mortis et tenebrarum eripuit, et in regnum Christi jam regeneratum indubitanter misit, bene fecisse laudatur: et ideo suam uxorem sibi jam olim optime sociatam, impune quandiu vixerint judicamus manere conjunctam: neque ob hoc contra præfatas auctoritates divinas aliquatenus separari debuisset.

CAP. 307. — *Non licere aliquem filiamstram patris sui in matrimonium ducere, et si duxerit separari debere. Zacharias papa Theodoro Ticinensi episcopo.*

Zacharias episcopus servus servorum Dei, reverendissimo et sanctissimo fratri Theodoro episcopo Ecclesiæ Ticinensi. (30, q. 3, c. *Pytadium.*) Pytadium nobis tua reverenda fraternitas obtulit, per quod nos sciscitari curasti, si liceat filium, cujus pater alterius filiam ex sacro fonte susceptam, id est spiritualem ejusdem patris filiam (quod dici crudele est), in matrimonio accipere, quod apud te enormiter asseruisti contigisse. Sed bene tua sancta fraternitas compertum habet, quod Dominus Moysi præcepit dicens: *Turpitudinem patris tui ne reveles: et turpitudinem matris tuæ non revelabis: turpitudinem sororis tuæ non revelabis, turpitudinem enim tuæ est (Lev. xviii).* Turpitudinem enim non revelare dicitur, dum a propria consanguinitate præcipitur abstinere: multo magis a spirituali patris nostri filia omni occasione, aut argumento seposito sub nimia distractione nos cavere convenit, ne iram divini examinis incidat, si quis tali facinori mistus minime restrinxerit frena luxuriæ. Unde et omnes omnino cavendi sunt a talis sceleris commistione, ne in æternum pereant. Sed eos qui hujus perniciosæ

temeritatis animæ suæ salutem despicientes impio se miscuerunt matrimonio, per omnia tua fraternitas studeat separare, et poenitiæ digne submittere, quatenus ab æterna eruti damnatione animas eorum lucretis præstante Domino. De filiis autem qui ex eis nati esse probantur retulisti si liceat eos conjugio copulari. Sed hi cur prohibeantur a conjugio, aut pro hujusmodi poenitentiam agere compellantur, dum ex hoc absque damnatione esse perhibentur: quia non pater pro filio, neque filius pro patre sustinebit tormenta, dicente Domino per prophetam: *Anima patris mea est, et animæ filii mea est, anima quæ peccaverit ipsa morietur (Ezech. xviii).* Sed et, frater charissime, de his dixisse sufficiat. Cave autem ne aliter agere subjectis concedas, ne a recto B tramite inveniariis deviare.

CAP. 308. — *Quod in baptismo non aqua mundat, sed verbum. Augustinus super Joannem (tract. 80) homilia xxvi.*

Dominus dixit discipulis suis: *Jam vos mundi estis, propter verbum quod locutus sum vobis (Joan. xvii).* Quare non ait mundi estis propter baptismum quo abluti estis, sed ait propter quod locutus sum vobis, nisi quia et in aqua verbum mundat?

CAP. 309. — *Apostolos baptizatos fuisse. Augustinus in epistola ad Seleucium (ep. 308)*

(*De cons. dist. 4, c. Quando.*) Quando ab Hierosolymis exiit Dominus Jesus, cum discipulis suis in Judæam terram, et ibi morabatur cum eis, baptizabat non per seipsum, sed per discipulos suos, quos intelligimus jam fuisse baptizatos, sive baptismo Joannis sicut nonnulli arbitratur: sive (quod magis credibile est) baptismo Christi. Item respondit Dominus Petro: *Qui lotus est, non indiget nisi ut pedes lavet, sed est mundus totus (Joan. xiii).* Unde intelligitur quod jam fuerit baptizatus Petrus.

CAP. 310. — *De eodem Augustinus ad Vincentium victorem (lib. iii De anima et ejus origine, cap. 9).*

(*De cons., dist. 4, c. Si eos.*) Si eos de quibus scriptum non est utrum fuerint baptizati sine baptismo de hac vita recessisse contendimus, ipsis calumniamur apostolis: qui præter Paulum apostolum, quando baptizati fuerint ignoramus. Sed ipsos baptizatos esse per hoc nobis innotescere potuit, quod beato Petro Dominus ait: *Qui lotus est, non indiget nisi ut pedes lavet (Joan. xiii).* D

CAP. 311. — *Divites baptizatos non privari regno Dei. Augustinus ad Paulinum Nolanum episcopum de Pelagio (epist. 106).*

Confiteatur Pelagius divites baptizatos, etiamsi divitiis suis non careant, et sint tales, quales ad Timotheum scribit Apostolus dicens: Præcipe divitibus hujus sæculi non superbe sapere, neque sperare in incerto divitiarum, sed in Domino vivo, qui præstat nobis omnia abundanter ad fruendum: ut sint divites in operibus bonis, facile tribuant, communicent, thesaurizent sibi fundamentum bonum in futuro, ut apprehendant vitam æternam (*I Tim. vi*), nec eos regno Dei posse privari.

DECRETI PARS SECUNDA

De sacramento corporis et sanguinis Domini et de perceptione et observatione; de missa et aliorum sacramentorum sanctitate.

CAP. 1. — *Quod panis et calix non qualibet, sed certa consecratione fit corpus Christi. Augustinus in libro De catechizandis rudibus, cap. 1 (l. xx contra Faustum, c. 13).*

(*Grat. De consecr. dist. 2, cap. Panis et calix.*)

Panis et calix, non qualibet sed certa consecratione, mysticus fit nobis, non nascitur. Proinde quod non ita fit nobis, quamvis sit panis et calix, alimentum est refectionis, non sacramentum religionis, nisi quod benedicimus gratiasque agimus Domino, in omni ejus munere, non tantum spiritali, verum etiam corporali. *Item ex sermone de sacramentis. (De cons. dist. 2, c. Quia passus est.)* Quia passus est pro nobis commendavit nobis in isto sacramento sanguinem suum et corpus, quod etiam fecit nosmetipsos. Nam et nos corpus ipsius facti sumus, et per misericordiam ipsius, quod accepimus nos sumus. Recordamini, et vos non fuistis, et creati estis, ad aream Dominicam comportati estis, laboribus boum, id est annuntiantium Evangelium triturati estis. Quando catechumeni deferebamini, in horreo servabamini, nomina vestra dedistis, cœpistis molli jejuniis et exorcismis: postea ad aquam venistis, et conspersi estis, et panis Dominicus facti estis. Ecce quod accepistis. Quomodo ergo unum videtis esse quod factum est, sic et vos unum estote diligentes vos, tenendo unam fidem, unam spem, individuum charitatem. Hæretici quando hoc accipiunt, testimonium contra se accipiunt: quia illi quærunt divisionem, cum panis iste indicet unitatem. Sic et vinum in multis racemis fuit, et modo unum est. Unum est in sua nativitate, calix post pressuram circularis; et vos post illa jejunia post labores, post humilitatem et contritionem, jam in nomine Christi nunquam ad calicem venistis, et ibi vos estis, in mensa, et in calice nobiscum vos estis, simul enim hoc sumimus, simul bibimus, quia simul vivimus. *Item in sermone De infantibus. (Ibidem, Gratianus.)* Ita Dominus noster Jesus Christus nos significavit, nos ad se pertinere voluit. Mysterium pacis et unitatis nostræ in mensa sua consecravit. Qui accipit mysterium unitatis, et non tenet vinculum pacis, non mysterium accipit pro se, sed testimonium contra se. (*Petr. Lom. lib. iv, dist. 9, § a.*) Nulli est ambigendum aliquatenus, unumquemque fidelium corporis sanguinisque Domini tunc esse participem, quando in baptisate membrum efficitur Christi, nec alienari ab illius panis, calicisque consortio, etiamsi antequam panem illum comedat calicemque bibat, de hoc sæculo migraverit, in

unitate corporis Christi constitutus. Sacramenti quippe illius participatione ac beneficio non privatur, quando in se hoc quod illud sacramentum significat, invenitur. *Item ex libro De civitate Dei x, (cap. 20).* In forma servi maluit Dominus esse sacrificium quam sumere; ne vel hac occasione quisquam existimaret cuilibet sacrificandum esse creaturæ, per hoc et sacerdos est ipse offerens, ipse et oblatio. Cujus rei sacramentum quotidianum voluit Ecclesiæ esse sacrificium, quæ cum capitis ipsius sit corpus, seipsam per ipsum discit offerre.

CAP. 2. — *Quod manna a patribus sumptum non liberavit a morte, sed qui figurabatur in manna: in sermone De utilitate agendæ pœnitentiæ.*

Manna de cœlo, inquit, aperte ab ipso Domino exponitur. *Patres vestri, inquit, mannam manducaverunt in deserto et mortui sunt (Joan. vi; Exod. xvi; Num. 11).* Quando enim viverent, figura prænutiare vitam posset, vita esse non posset. *Manducaverunt, inquit, manna et mortui sunt, id est, manna quod manducaverunt, non eos potuit de morte liberare, non quia manna ipsum mors illis fuit, sed quia a morte eos non liberavit. Ille autem a morte eos liberaturus erat, qui per manna figurabatur. Breviter ergo dixerim, quicumque in manna Christum intellexerunt, eundem quem nos cibum spirituales manducaverunt.*

CAP. 3. — *Quamvis res visibiles sacramentorum corrumpantur, non tamen id quod per eas agitur, corrumpi posse. In libro De unico baptismo.*

An vero, inquit, solis, vel etiam lucernæ lux cum per cœnosa diffunditur, nihil inde sordidum attrahit, et baptismus Christi potest cujusquam sceleribus inquinari? Si enim ad res ipsas visibiles quibus ipsa sacramenta tractantur animum conferamus, quis nesciat eas esse corruptibiles? Si autem ad id quod per eas agitur, quis non videat non posse corrumpi? quamvis homines per quos agitur, pro suis moribus vel præmia percipiant vel pœnas luant.

CAP. 4. — *Non mentiri eum qui dicit Christum impassibilem et immortalem quotidie in sacramento immolari, et quomodo intelligendum sit sacramentum corporis Christi, corpus Christi esse. In epistola Augustini ad Bonifacium episcopum (epistola 23).*

(*De cons. dist. 4, c. Quæris, sub finem.*) Ecce facio, inquit post multa, quantum possum. Dominus adjuvet, ut quod postulas possim. Nempe sæpe ita loquimur, ut Pascha appropinquante dicamus crastinam vel perendinam Domini esse passionem,

cum ille ante multos annos passus sit, nec omnino nisi semel illa passio facta sit. Nempe ipso die Dominico dicimus, Dominus hodie surrexit, cum ex quo resurrexit tot anni transierint. Cur nemo tam ineptus est, ut nos ita loquentes arguat esse mentitos? nisi quia dies istos secundum illorum quibus hæc gesta sunt similitudinem nuncupamus, ut dicatur ipse est dies, qui non est ipse, sed revolutione temporis similis ei, ut dicatur illo die fieri propter sacramenti celebrationem, quod non illo die, sed olim factum est. Nonne semel immolatus est Christus in semetipso, et tamen in sacramento non solum per omnes paschæ solemnitates, sed omni die populo immolatur, nec utique mentitur, qui interrogatus eum respondet immolari. Si enim sacramenta quamdam similitudinem earum rerum quarum sacramenta sunt, non haberent, omnino sacramenta non essent. Ex hac autem similitudine plerumque jam sacramenta ipsarum rerum nomina accipiunt. Sic ergo secundum quemdam modum sacramentum corporis Christi corpus Christi est, sacramentum sanguinis Christi sanguis Christi est, ita sacramentum fidei fides est. *In libro De penitentiae remedio (cap. 7).* Hæc, inquit, altare quod nunc in Ecclesia est in terra positum, terrenis oculis expositum, ad mysteriorum divinorum signacula celebranda, ad hoc multi etiam scelerati possint accedere, cum Deus commendat in hoc tempore patientiam suam, ut in futuro exerat severitatem suam. (*De cons., dist. 2, c. Ut quid paras, et P. Lomb., lib. iv, dist. 9, § a.*) Ut quid paras, inquit beatus Augustinus in expositione Evangelistæ (*Tract. 26 in Joannem*), dentes et ventrem: credere in eum, hoc est manducare panem vivum, qui credit in eum, manducat eum. Invisibiliter saginatur, quia invisibiliter renascitur. Infans intus est, novus est infans, ubi novellatur, ibi satiatur. Non enim buccella Domini (*Joan. xiii*) venenum fuit Judæ, quam cum accepit, inimicus in eum intravit, non quia malum accepit, sed quia bonum malus male accepit. Videte ergo fratres panem cælestem, spiritualiter manducate, innocentiam ad altare apportate: peccata et si sunt quotidiana, non sint mortifera. Antequam ad altare accedatis attendite quid dicatis: *Dimitte nobis debita nostra, sicut et nos dimittimus debitoribus nostris (Matth. vi).* Dimittas, dimittetur tibi. Securus accede; panis est non venenum. *Hic panis est, qui descendit de cælo (Joan. vi).* Hunc panem significat manna, hunc panem significat altare Domini. Sacramenta illa fuerunt, in signis diversa sunt, in re quæ significatur paria sunt. *Omnes, inquit, eandem escam spiritualem manducaverunt, spirituales utique eandem.* Nam corporalem aliam, quia illi manna, nos aliud, spirituale vero eandem quam nos, adjungit. *Et omnes eundem potum spiritualem biberunt:* aliud illi, aliud nos, sed specie visibili, quod tamen hoc idem est virtute spirituali. Quomodo enim eandem potum? *Bibebant, inquit, de spiritu qui consequente eos petra petra au-*

tem erat Christus (Num. ix; Exod. xiii, xiv, xvi, xvii; Num. xx; I Cor. x); idem potus, idem panis. Petra Christus in signo, verus Christus in carne et verbo. *Hic est ergo panis de cælo descendens (Joan. vi),* ut si quis ex ipso manducaverit non moriatur, quod pertinet ad virtutem sacramenti, non quod pertinet ad visibile sacramentum: qui manducat intus, non foris; qui manducat corde, non qui premit dente. *Qui manducat carnem meam, et bibit sanguinem meum, habet vitam æternam (ibid.).* Hanc ergo non habet qui istum panem non manducat, nec istum sanguinem bibit. Nam temporalem vitam sine illo homines habere possunt. *Qui ergo ejus non manducat carnem, nec bibit ejus sanguinem, non habet in se vitam: et qui manducat ejus carnem, et bibit ejus sanguinem, habet vitam æternam (ibid.).* Ad utrumque autem respondet, quod dixit æternam. Hunc ergo cibum et potum societatem vult intelligi corporis et membrorum suorum, quod est Ecclesia sancta. Hujus rei sacramentum, id est unitatis, corporis Christi et sanguinis, alicubi quotidie alicubi certis intervallis dierum, in Dominicâ mensa præparatur, et de mensa Dominica sumitur: aliquibus ad vitam, aliquibus ad exitium. Res vero ipsa cujus sacramentum, omni homini ad vitam, nulli homini ad exitium, quicumque participes ejus fuerint. *In symbolo Ephesini concilii (ex epistola conc. Ephesini ad Nestorium).* Necessario, inquit, et hoc adjicimus, annuntiantes enim secundum carnem mortem unigeniti Filii Dei, et resurrectionem, incruentam celebremus sacri officii servitutem. Sic enim ad mysticas benedictiones accedimus, et sanctificamur, participes sancti corporis et pretiosi sanguinis Christi, omnium nostrum redemptoris effecti, non ut communem carnem percipientes, quod absit! nec viri sanctificati, et verbo conjuncti, secundum dignitatis unitatem, aut sicut divinam possidentis habitationem, sed vere vivificatricem, et ipsius verbi propriam factam. Vita enim naturaliter ut Deus existens, qua propriæ carni unitus, et vivificatricem professus est, et ideo quamvis dicat: *Nisi manducaveritis carnem Filii hominis (Joan. vi, 54),* non tamen ut hominis cujusquam existimare debemus. Quomodo enim juxta naturam suam vivificatrix esse poterit caro hominis? Sed ut vere ejus propriam factam, qui propter nos filius hominis factus est, et vocatus. (*Aug. in Enchiridio. cap. 65; Grat. de penit., dist. 1, cap. In actione; P. Lomb. l. iv, dist. 20, § c.*) In actione penitentiae ubi tale commissum est, ut is qui commisit a Christi etiam corpore separetur: non tam consideranda est mensura temporis, quam doloris. Cor enim contritum et humiliatum non despicit Deus (*Psal. l.*) *Hilarius in libro de Trinitate.* Eos inquit qui inter Patrem et Filium voluntatis ingerunt unitatem, nec interrogo utrumne per naturæ veritatem hodie Christus in nobis sit an per concordiam voluntatis. Si enim vere Verbum caro factum est (*Joan. 1*), et vere Verbum carnem cibò

Dominico sumimus : quomodo non naturaliter in nobis manere existimandus est : qui et naturam carnis nostræ, jam inseparabilem sibi homo natus assumpsit, et naturam carnis nostræ ad naturam æternitatis, sub sacramento nobis communicandæ carnis admisit? Ita enim omnes unum sumus : quia et in Christo Pater est, et Christus in nobis, unum in his esse nos faciunt. Si vere ergo carnem corporis nostri Christus assumpsit : et vere homo ille qui ex Maria natus fuit, Christus est, nosque vere sub mysterio carnis corporis sumimus, et per hoc unum sumus, quia Pater in eo est, et ille in nobis : quomodo voluntatis unitas asseritur, cum naturalis per sacramentum proprietas, perfectæ sacramentum sit unitatis? Non est humano aut sæculi sensu in Dei rebus agendum, neque per violentiam, atque imprudentem prædicationem ecclesiarum doctorum, sanitati alienæ, atque impiæ intelligentiæ, extorquenda perversitas est. Quæ scripta sunt legamus, quæ legimus intelligamus : et tunc perfecte fidei officio fungemur. De naturali enim in nobis Christi veritate quæ dicimus, nisi ab eo didicimus, stulte atque impie dicemus. Ipse enim ait : *Caro mea vere est esca, et sanguis meus vere est potus Qui edit carnem meam, et bibit sanguinem meum, in me manet, et ego in eo (Joan. vi).* De veritate carnis et sanguinis, non est relictus ambigendi locus. Nunc enim ipsius Domini professione, et fide nostra, vere caro est, et vere sanguis est, et hæc accepta atque hausta id efficiunt, ut nos in Christo, et Christus in nobis sit. Anne hæc veritas non est? Contingat plane his verum non esse, qui Christum Jesum verum Deum esse negant. Est ergo in nobis ipse per carnem, et sumus in eo, dum secundum hoc quod nos sumus, in Deo est. Hæc ergo vitæ nostræ causa est, quod in nobis carnalibus manentem, per carnem Christum habemus, victuris nobis per eum, ea conditione qua vivit ipse per Patrem. Si ergo nos naturaliter secundum carnem per eum vivimus, id est naturam carnis suæ adepti, quomodo non naturaliter secundum spiritum in se Patrem habeat, cum vivat ipse per Patrem? *Eusebius Emisenus. Ex sermone de corpore et sanguine Domini. (De cons., dist. 2, c. Quia corpus, et lib. iv Sententiarum. dist. 8, §. b.)* Quia corpus assumptum ablaturus erat ab oculis et illaturus sideribus, necessarium erat ut die cœnæ sacramentum nobis corporis et sanguinis consecraret : ut coleretur jugiter per mysterium, quod semel offerebatur in pretium, ut quia quotidiana et indefessa currebat pro hominum salute redemptionis, perpetua esset redemptionis oblatio, et perennis victima illa viveret in memoria, et semper præsens esset in gratia. Vere unica et perfecta hostia fide æstimanda, non specie, neque exteriori censenda visu, sed interiori affectu. Unde cœlestis confirmat auctoritas : quia *caro mea vere est cibus, et sanguis meus vere est potus. Recedat ergo omne infidelitatis ambiguum : quando quidem qui actor est muneris, ipse etiam testis est veritatis. Nam et*

A invisibilis sacerdos visibiles creaturas in substantiam corporis et sanguinis sui, verbo suo secreta potestate convertit, ita dicens : *Accipite et comedite; Hoc est corpus meum : et sanctificatione repetita : Accipite et bibite ; hic est sanguis meus. Ergo ad notum præcipiens Domini, repente ex nihilo substituerunt excelsa cœlorum, profunda fluctuum, vasta terrarum (Gen. 1). Pari potentia in spiritualibus sacramentis ubi præcipit virtus, servit effectus. Quantitatæque, et quam celebrandæ beneficia vis divinæ benedictionis operetur : et quomodo tibi notum et impossibile esse non debeat, quod in Christi substantiam terrena et mortalia convertuntur, teipsum qui in Christo es regeneratus interroga. Dudum alienus a vita, peregrinus a misericordia, a salutis via, intrinsecus mortuus, exulabas : subito initiatus Christi legibus, et salutaribus mysteriis innovatus, in corpore Ecclesiæ non videndo, sed credendo transisti : et de fidei perditionis adoptivus Dei fieri occulta puritate meruisti. In mensura visibili permanens, major factus es te ipso invisibiliter, sine quantitatis augmento. Cum idem atque ipse esses, multo aliter fidei processibus exististi. In exteriori nihil additum est, et totum in interiore mutatum est : ac sic homo Christi filius effectus, et Christus in hominis mente formatus est. Sicut ergo sine corporali sensu præterita vilitate deposita, subito novam in Jutus es dignitatem : et sicut hoc quod Deus læsa vitæ curavit, infecta diluit, maculata detergit; non oculis tuis, sed sensibus tuis sunt credita : ita et edm reverendum altare cibus spiritualibus satiandus ascendis, sacrum Dei tui corpus, et sanguinem fide respice, honora, mirare, mente continge, cordis manu suscipe, et maxime totum haustu interioris hominis assume.*

CAP. 5. — *Panem quem Dominus fregit, et dedit discipulis suis, esse corpus Domini salvatoris : et calicem quem porrexit eis, esse sanguinem ejus, et quomodo intelligi debeat caro et sanguis Christi. Hieronymus ad Edibiam.*

(Quæst. 2.) Nos autem audiamus panem, quem fregit Dominus, deditque discipulis suis (Matth. xxvi), esse corpus Domini salvatoris, ipso dicente ad eos : *Accipite et comedite, Hoc est corpus meum, et calicem illum esse, de quo loentus est iterum : Bibite ex hoc omnes : hic est enim sanguis meus novi testamenti, qui pro multis effundetur in remissionem peccatorum (Marc. xiv).* Hic est calix de quo in Propheta legimus, *Calicem salutaris accipiam, et nomen Domini invocabo (Psal. cxv).* Et alibi : *Et calix meus inebrians, quam præclarus est (Psal. cxii).* Si ergo patris qui de cœlo descendit corpus Domini est, et vinum quod discipulis dedit, sanguis est illius Novi Testamenti, qui effusus est in remissionem peccatorum, Judaicas fabulas repellamus, et ascendamus cum Domino cœnaculam magnum stratum atque mundatum, et accipiamus ab eo sursum calicem Novi Testamenti, ibique cum eo Pascha celebrantes, inebriemur vino sobrietatis. *Non enim est regnum Dei*

*voca et potus : sed iustitia, et gaudium, et pax in Spiritu sancto (Rom. xiv). Nec Moyses dedit nobis panem verum, sed Dominus Jesus ipse conviva, et convivium est : ipse comedens, et qui comeditur. Illius bibimus sanguinem, et sine ipso potare non possumus ? et quotidie in sacrificiis ejus de germine vitis veræ, et vineæ Sorech, quæ interpretatur electa, rubentia musta calcamus, et novum ex his vinum bibimus in regno Patris : non in vetustate litteræ, sed in novitate spiritus (Rom. vii), canentes canticum novum, quod nemo potest canere, nisi in regno Ecclesiæ, quod est regnum patris (Apoc. xiv). Item in Epistolam ad Ephesios. (De cons., dist. 2, c. Dupliciter, et P. Lom. lib. iv, dist. 8, c.) Dupliciter, inquit, intelligitur caro Christi, et sanguis in Ecclesia, vel spiritualis illa atque divina; de qua ipse ait : **C** *Caro mea vere est cibus, et sanguis meus vere est potus : et nisi manducaveritis carnem meam, et sanguinem meum biberitis, non habebitis vitam æternam, vel caro quæ crucifixa est, et sanguis qui militis effusus est lancea. Item in Isaiam, in cap. LXVI. Secundum tropologiam possumus dicere, omnes voluptatum amatores magis quam Dei sanctificari in hortis et liminibus, quia mysteria veritatis non valent introire : et comedunt cibos pietatis, dum non sunt sancti et corpore et spiritu, nec comedunt carnem Jesu, nec bibunt sanguinem ejus, de quo ipse loquitur : Qui manducat carnem meam et bibit sanguinem meum, habet vitam æternam (Joan. vi). Et enim pascha nostrum immolatum est Christus (I Corinth. v), qui non foris sed in domo una et intus comeditur. Item in quadam homilia super Leviticum cap. xiii. His ex auctoritate Evangelica atque apostolica comprobatis, vide quomodo unusquisque vel mundus, vel immundus, possit ostendi. Omnis homo habet in se aliquem cibum, quem accedenti ad se proximo suo præbeat. Non enim fieri potest ut, cum accesserimus adinvicem nos homines, et consequerimus sermonem, non aliquem ex interrogatione vel ex responsione, velut ex aliquo gustu, aut capiamus, aut præbeamus cibum : et siquidem quem bonæ mentis gustu capimus, mundum sumimus cibum, si vero immundus est quem contingimus, immundum. Unde Apostolus de talibus dicit : **D** *Cum hujusmodi nec cibum sumere (I Cor. v).* Et ut tibi evidentius hæc pateant, de majori sumamus exemplum, ut inde ad inferiora veniamus. Dominus ait : *Nisi manducaveritis carnem meam, et sanguinem meum biberitis, non habebitis vitam : Caro enim mea vere est cibus, et sanguis meus vere est potus (Joan. vi), quia omne opus ejus sanctum est, et omnis sermo ejus verus. Carnibus enim, et sanguine agni tanquam cibo mundo et potu, potatur et reficitur omne hominum genus. Secundo locum post illius carnem mundus cibus est Petrus et Paulus, et omnes apostoli. Tertio discipuli eorum, et sic unusquisque pro meritum puritate proximo mundus sit cibus. Hoc qui audire nescit, avertit forsitan auditum secundum eos qui dicebant : Quis potest eum audire ? Sed si***

filiis estis Ecclesiæ, si evangelicis imbuti mysteriis, si Verbum caro factum (Joan. i) habitat in vobis, agnoscite quæ dicimus quia Domini sunt, ne qui ignorat ignoretur: Agnoscite quia figuræ sunt, quæ in divinis voluminibus scriptæ sunt : ideo tanquam spirituales, et non carnales (I Corinth. xiv), intelligite quæ dicuntur. Si enim tanquam carnalia ista suscipitis, lædunt vos, non alunt. Est enim et, in Evangelii littera quæ occidat (II Corinth. iii). Non solum in Veteri Testamento littera occidens deprehenditur, est et in Novo Testamento littera quæ occidat eum, qui non spiritualiter advertit. Si enim secundum litteram sequaris hoc ipsum quod scriptum est : *Nisi manducaveritis carnem meam, et biberitis meum sanguinem : occidit hæc littera. Vis et tibi aliam proferri de Evangelio litteram quæ occidit ? Qui non habet gladium, inquit, vendat tunicam suam, et emat gladium (Luc. xxii). Ecce hæc littera evangelium est; sed occidit. Si vero eam spiritualiter intelligas, non occidit, sed spiritus vivificans est in ea : et ideo sive in lege, sive in evangeliiis, quæ dicuntur spiritualiter suscipe, spiritualiter judica. Ut ergo diximus, omnis homo aliquem habet in se cibum, ex quo qui sumpserit siquidem bonus est, et de bono thesauro profert bonum, mundum cibum præbet proximo suo. Potest enim quis innocens et rectus corde, mundi videri animal, et præbere audienti se mundum cibum, tanquam ovis, quæ est animal mundum, similiter et in cæteris. Et ideo omnis homo cum loquitur proximo suo, sive prodest ei ex sermonibus, sive nocet, mundum ei aut immundum efficitur animal, ex quibus vel mundum utendum est, vel immundis præcipitur abstinendum: Si secundum hunc intellectum dicamus summum Deum leges hominibus promulgasse; digna videbitur humana majestate legislatio. Si verb assideamus litteræ, et secundum quod vel Judæis; vel vulgo dicitur, accipiamus quæ scripta sunt, erubescit condideri Deum tales leges dedisse. Videbuntur enim magis elegantes leges hominum, verbi gratia, Romanorum, Atheniensium, Lacedæmoniorum.*

CAP. 6. — *Quod in lege fuerit umbra, in Evangelio veritas; et quod devoto animo, et cum timore ad communionem sit accedendum. Ambrosius in libro De officiis, cap. 14.*

D Illa igitur sunt nobis expetenda; in quibus veritas est. Hic umbra, hic imago est, illic veritas; umbra in lege, imago in Evangelio, veritas in cælestibus. Ante agnus offerebatur, offerebatur vitulus; nunc offertur Christus, sed quasi homo offertur: quasi recipiens passionem et offert se ipse quasi sacerdos, ut peccata nostra dimittat, hic in imagine, ibi in veritate. Ibi apud Patrem quasi advocatus pro nobis intervenit. *Item in epistolam ad Corinthios: (Ii I ad Corinth. cap. 59.) Devoto animo, et cum timore accedendum ad communionem docet, ut sciant omnes se reverentiam debere ei, ad cujus corpus sumendum accedunt. Hoc enim debent apud se judicare, quia Dominus est cujus in ministerio sanguinem*

potant. *Item in Epistolam ad Hebræos. (In v cap. A* *put.)* Sed in ista carne ac sanguine nil cruentum, nil corruptibile mens humana concipiat : sed vivificatricem substantiam, atque salvatricem in pane et vino, per quæ si digne sumuntur, nobis est remissio peccatorum collata. *Item in eandem. (In x cap.)* Una est Ecclesiæ hostia, illi autem multæ sunt. Propter hoc enim nec fortes erant, quia multæ. Quid autem opus erat multis, dic mihi, una sufficiente? Proinde quod multæ offerebantur, ostendit eos nunquam purgari, sicut medicamentum forte, et valens, et efficax, cunctam repellit valetudinem. Si ergo semel impositum totum operatum fuerit, ostendit virtutem, ut non ulterius apponatur. Si vero semper apponitur, manifestum indicium est, minus illud prævaluisse medicamentum, virtus quippe illius est, ut semel apponatur et non frequenter, sicut etiam hic. Si enim ab omnibus essent liberati peccatis, nequaquam per singulos dies offerret quis sacrificia. Proinde peccati commemoratio fuit, non absolutio, quia quotidie eisdem purgantur hostiis, etiam ipsi sacerdotes, et populus pariter. *(De cons., dist. 2, c. In Christ.; P. Lom. l. iv Sent., dist. 12, § 9.)* In Christo econtrario semel oblata est hostia ad salutem sempiternam potens. Quid ergo nos? Nonne per singulos dies offerimus? Offerimus, sed ad recordationem mortis ejus, et una est hostia, non multæ. Quomodo una et non multæ? Quia semel oblatus est Christus. Hoc autem sacrificium exemplum est illius, idipsum semper idipsum, proinde unum hoc est sacrificium; alioquin, quoniam in multis locis offertur, multi sunt Christi? Nequaquam, sed unus ubique est Christus, et hic plenus existens, et illic plenus. Sicut enim quod ubique offertur, unum corpus est, et non multa corpora : ita et unum sacrificium. Pontifex autem ille est, qui hostiam obtulit nos mundantem. Ipsam vero offerimus etiam nunc, quæ tunc oblata consumi non potest. Quod nos facimus, in commemorationem fit ejus quod factum est : *Hoc enim facite*, ait, *in meam commemorationem (Luc. xxi)*, non aliud sacrificium, sed ipsum semper offerimus, magis autem sacrificii recordationem operamur. Unde etiam beatus Augustinus in decimo libro De civitate Dei eisdem verbis pene inquit : *Dona ejus in nobis, nosque ipsos vovemus et reddimus, et beneficiorum ejus solemnitatibus, festis et diebus statutis dicamus, sacramusque memoriam, ne volumine temporum ingrata subrepat oblivio.* Unde etiam in Psalmo LXXX fratribus ait : *Ecce innovavit nos Christus, donavit omnia peccata, cum non obliviscimur munus Salvatoris. Nonne Christus quotidie immolatur? et semel pro peccatis immolatus est. Cum credimus, ecce cogitatio. Ex ipsius reliquiis cogitationis quotidie nobis sic immolatur, quasi quotidie nos innovet, quia prima gratia sua nos innovavit.*

CAP. 7. — Quod Christum lapidat, qui audire non potest. Ego et Pater unum sumus : sicut Judæi hoc audientes tulerunt lapides, ut lapidarent eum. Et

quod Divinitas in suæ veritatis claritate videri non potest. Ambrosius in II De Spiritu sancto (cap. 18).

Judæi audientes : Ego et Pater unum sumus, tulerunt lapides, ut lapidarent eum (Joan. x). Qui hoc audire non potest Judæus est : qui hoc audire non potest lapidat Christum omni caute asperioribus perfidiæ suæ saxis, et si mihi creditis, vulnerat Christum. Nam etsi ille vulnus jam sentire non possit, nunc enim secundum carnem jam non novimus Christum (II Cor. v), tamen Arianorum impietate lapidatur, qui Ecclesiæ pietate litatur. De hac litatione sanctus Joannes in Epistola : *Et misit, inquit, Filium suum litatorem pro peccatis nostris (I Joan. iv).* *Item in sermone de Abel et Cain.* Denique Spiritus sanctus in specie columbæ visus est (Math. iii), quia videri Divinitas in suæ veritatis claritate non poterat. Noli igitur, et tu secundum naturam interpretari, quod præter naturam divinitatis est. Nam et si credas, a Christo carnem fuisse susceptam, et offeras transfiguratum corpus altari-bus, non distinguas tamen naturam Verbi et corporis, et tibi dicitur : Si recte offeras, recte autem non divides, peccasti. *Item in libro De mysteriis initiationis (cap. 9).* Vera autem caro Christi, quæ crucifixa, quæ sepulta est, vere illius carnis sacramentum verum est. *Item in eodem. (De cons., dist. 2, c. Ante benedictionem.)* Ante benedictionem alia species nominatur, post benedictionem corpus significatur. *Item. (De sacramentis lib. iv, c. 5.)* In illo sacramento Christus est. *Item.* Qui manducaverit hoc corpus, fiet ei remissio peccatorum. *Item.* Non est esca ista corporalis. *Item.* Non est iste panis qui in corpus vadit. *Item.* Esca ista vitæ æternæ substantiam subministrat. *Item.* Talibus Ecclesiam pascit, quibus animæ firmatur substantia. *Item. (De myster. initiand., c. 9.)* Denique cor nostrum esca ista confirmat, et vinum hoc lætificat cor. *Item. (De sacram. l, iv, c. 5.)* Vidisti sacramenta super altare posita, et ipsam miratus es creaturam, creatura tamen solemnisset nota. *Item. (Lib. iv De sacram., cap. 4.)* Si tanta vis est in sermone Christi, ut inciperent esse quæ non erant, quanto magis operatorius est, ut sint quæ erant, et in aliud commutentur. *Item. (cap. 5.)* Sicut similitudinem mortis bibisti ; ita similitudinem pretiosi sanguinis bibis. *Item. (Lib. iv, De sacram. cap. 2.)* Fac nobis hanc oblationem acceptabilem, quod est figura corporis et sanguinis Domini. *Item. (Lib. iv, cap. 6.)* Figura corporis, altare est. *Item.* Ne horror cruoris esset, ideo in similitudinem accipis sacramentum. *Item.* Offerimus tibi immaculatam hostiam, rationabilem hostiam, incruentam hostiam, hunc panem sanctum. *Item. (Lib. iv, cap. 5.)* Non erat corpus Christi ante consecrationem, sed post consecrationem dico tibi, quia jam corpus est. *Item.* Præveni in maturitate. Plures filios habuit Abraham, nullum alium ablacavit, in hoc solo dicitur fecisse epulum magnum, et bene magnum, quia tempus erat ejus, quem semper epulantur corda sanctorum. *In libro De Trinitate*

Gratianum. (Item *Ambr. l. 11 De Spiritu sancto, cap. 7.*) Absit ut se quisque tali impletate maculet, ut dicat frequenter creari Spiritum sanctum, aut unquam creari! Cur enim creari videatur frequenter non intelligo, et pisi eum mori credam frequenter, et frequenter recreari. Item in *epistolam ad Corinthios (cap. 58).* (De consecr., dist. 4, c. Quia morte.) Quia morte Domini liberati sumus. Hujus rei memores, in edendo et potando carnem et sanguinem Domini quæ pro nobis oblata sunt, significamus. Item in eodem cap. Beneficii divini sanguis testis est, in cujus typum nos calicem mysticum ad tuitionem corporis et animæ percipimus. *Dominica quinta post Theophaniam.* (De cons., dist. 2, c. Singuli; P. Lomb. lib. iv, d. 12, § e.) Singuli accipiunt Christum Dominum, et in singulis portionibus totus est, nec per singulas minuitur, sed integrum se præbet in singulis. *Beatus Hilarius.* (De cons., dist. 2, c. Corpus Christi.) Corpus Domini Christi quod sumitur de altari, figura est, dum panis et vinum extra videtur; veritas autem, dum corpus et sanguis Christi in veritate interioris creditur. *Ambrosius, De sacramentis.* (De mysteriis initiandis, cap. 8.) Non igitur humani sed divini est muneris sacramentum quod accipis, ab eo prolatum, qui benedixit fidei patrem Abraham illum, cujus gratiam et gesta miraris. Probatum est antiquiora esse Ecclesiæ sacramenta, nunc cognosce potiora. Revera mirabile quod manna Deus pluerit patribus, et quotidiano cœli pascebantur alimento. Unde dictum est: *Panem angelorum manducavit homo (Psal. lxxvii; Exod. xvi; Num. x);* sed tamen panem illum qui manducaverunt, omnes in deserto mortui sunt (*Joan. vi*). Ista autem esca quam accipis, iste panis vivus, qui de cœlo descendit (*ibid.*), vitæ æternæ subministrat substantiam: et quicumque hunc manducaverit, non morietur in æternum, et corpus est Christi. Considera nunc utrum præstantior sit panis angelorum, an caro Christi, quæ utique corpus est vitæ. Manna illud de cœlo, hoc supra cœlum (*Exod. xvi*). Illud cœli, hoc Domini cœlorum. Illud corruptioni obnoxium, si in diem alterum servaretur; hoc alienum ab omni corruptione. Quod quicumque religiose gustaverit, corruptionem sentire non poterit. Illis aqua de petra fluxit (*Exod. xvii*); tibi sanguis ex Christo. Illos ad horam satiavit aqua; te sanguis diluit in æternum. Judæus bibit et sitiit; tu cum biberis sitiire non poteris: et illud in umbra; hoc in veritate. Si illud quod miraris umbra est, quantum istud est, cujus et umbra miraris? Audi quia umbra est, quæ apud veteres facta est. *Bibebant, inquit, de consequente petra, petra autem erat Christus (1 Cor. x).* Sed non in pluribus beneplacitum est Deo: nam prostrati sunt in deserto. Hæc autem in figura facta sunt nostri. Cognovisti præstantiora. Potior est lux quam umbra, veritas quam figura; corpus auctoris, quam manna de cœlo. Forte dicas, aliud video, quomodo tu mihi asseris quod corpus Christi accipiam? Et hæc nobis adhuc superest, ut probemus. Quantis igitur

utimur exemplis ut probemus hoc non esse quod natura formavit, sed quod benedictio consecravit, majoremque vim esse benedictionis, quam naturæ; quia benedictione etiam ipsa natura mutatur. Virgam tenebat Moyses, projecit eam et facta est serpens. Rursus apprehendit caudam serpentis, et in virgæ naturam revertitur (*Exod. vii*). Vides prophetica gratia bis mutatam esse naturam, et serpentis, et virgæ? Currebant Ægypti flumina puro aquarum meatu, subito de fontium venis sanguis cœpit erumpere: non erat potus in fluviis. Rursus ad prophetæ preces cruor cessavit fluminum, aquarum natura remeavit. Circumclusus erat undique populus Hebræorum, hinc Ægyptiis vallatus, inde mari conclusus. Virgam levavit Moyses, separavit se aqua, et in murorum specie congelavit, atque inter undas via pedestris apparuit. Jordanis retrorsum conversus, contra naturam in sui fontis convertitur exordium. Nonne claret naturam vel maritimorum fluctuum, vel fluvialis cursus esse mutatam? Sitiēbat populus patrum, tetigit Moyses petram, et aqua de petra fluxit. Nunquid non præter naturam operata est gratia, ut aquam vomeret quam non habebat natura? Mara fluvius erat amarissimus, ut sitiens populus bibere non posset (*Exod. xv*). Misit Moyses lignum in aquam, et amaritudinem suam aquarum natura deposuit, quam infusa subito gratia temperavit. Sub Eliseo sancto propheta, uui ex filiis prophetarum excussum est ferrum de securi, et statim mersum est (*IV Reg. vi*): rogavit Eliseum qui amiserat ferrum, et misit Eliseus lignum in aquam, et ferrum natavit. Utique et hoc præter naturam factum agnoscimus: gravior est enim ferri species, quam aquarum liquor. Advertimus igitur majorem esse gratiam quam naturam; et adhuc prophetice benedictionis gratias numeramus (*IV Reg. i*). (*Lib. iv Senten., dis. 10, § d.*) Quod si tantum valuit humana benedictio, ut naturam verteret, quid dicimus de ipsa consideratione divina, ubi verba ipsa Domini Salvatoris operantur? Nam sacramentum istud quod accipis, Christi sermone conficitur. Quod si tantum valuit sermo Eliæ, ut ignem de cœlo depromeret, non valebit Christi sermo, ut species mutet elementorum? De totius mundi operibus legistis: *Quia ipse dixit et facta sunt; ipse mandavit et creata sunt (Psal. cxlviii).* Sermo igitur Christi qui potuit ex nihilo facere quod non erat, non potest ea quæ sunt in id mutare quod non erant? Non enim minus est novas res dare, quam mutare naturas. Sed quid argumentis utimur? Suis utamur exemplis, Incarnationisque novitate astruamus mysterii veritatem. Nunquid naturæ usus præcessit cum Dominus Jesus de Maria nasceretur? Si ordinem quærimus, viro mista femina generare consuevit. Liquet igitur quod præter ordinem naturæ virgo generavit, et hoc quod conficimus, corpus ex virgine est. Quid hic quæris naturæ ordinem in Christi corpore, cum præter naturam sit ipse Dominus partus de virgine? Vera utique caro Christi, quæ crucifixa

est, quæ sepulta est, vere carnis illius sacramentum est. Ipse clamat Dominus Jesus : *Hoc est corpus meum*. Ante benedictionem verborum caelestium alia species nominatur, post consecrationem corpus significatur. Ipse dicit sanguinem suum. Ante consecrationem aliud dicitur; post consecrationem sanguis nuncupatur. Tu dicis : Amen, hoc est, *verum est*. Quod sermo sonat, affectus sentiat. *Item*. (Amb. lib. vi De sacramen. cap. 1.) Sicut verus est Deus, Dei Filius, Dominus noster Jesus Christus non quemadmodum homines per gratiam, sed quasi Filius ex substantia Patris, ita vera caro Christi, sicut ipse dixit, quam accipimus, et sanguis, quo potamur. Sed fortasse dicas, quod dixerunt tunc temporis discipuli Christi audientes dicentem : *Nisi quis manducaverit carnem meam, et biberit sanguinem meum, non manebit in me, nec habebit vitam æternam* (Joan. vi), forte dicas? (De cons., dist. 2.) Quomodo vera caro, quomodo verus sanguis, qui similitudinem non video carnis, non video sanguinis veritatem? Primo omnium dixi tibi de sermone Christi, qui operatur ut possit mutare, et convertere genera et instituta naturæ. Deinde ubi non tulerunt sermonem Christi discipuli ejus, sed audientes quod carnem suam daret manducare, et sanguinem suum daret bibendum, recedebant: solus tunc Petrus dixit : *Verba vitæ æternæ habes, et ego quomodo a te recedam?* (Joan. vi.) (Lib. iv Senten., dist. 12, § e.) Ne igitur plures hoc dicerent, et ne veluti quidam esset cruoris horror, sed maneret gratia redemptionis, ideo in similitudinem quidem accipis sacramentum, sed veræ naturæ gloriam [gratiam] virtutemque consequeris, *Ego sum, inquit, panis qui de cælo descendit* (Joan. vi).

CAP. 8. — *Hierusalem captivam ab hujus sæculi Babylonia debere liberari, et signacula rerum divinarum esse visibilia, sed res ipsas invisibiles in eis honorari, et plurima in hunc modum. Augustinus de catechizandis rudibus*

(Cap. 11.) Nonnunquam etiam, cum recte omnia vere dicantur, aut non intellectum aliquid, aut contra opinionem, aut consuetudinem veteris erroris ipsa novitate asperum offendit et perturbat audientem. Quod si apparuerit et sanabilem se præbet auctoritatum rationumque copia, sine ulla dilatione sanandus est. Si autem occulta offensio est, Dei medicina opitulari potest. At si resiliit et curari recusaverit, consoletur nos Dominus illo exemplo, qui offensio hominibus ex verbo suo, et tanquam durum refugientibus, etiam his qui remanserant ait : *Nunquid et vos vultis abire?* (Joan. vi.) Satis enim fixum et immobile decet corde retineri, Hierusalem captivam ab hujus sæculi Babylonia decursis temporibus liberari: nullumque esse ex illa perituum, quia qui perierit non ex illa erat. *Item*. De sacramento quod accepit, cum bene ei commendatum fuerit, signacula quidem rerum divinarum esse visibilia: sed res ipsas invisibiles in eis honorari, nec sic habendam esse illam speciem benedictione sanctificatam, quemadmodum habetur in usu quolibet: di-

scendum etiam quid significet, et sermo quem audivit quid in illo condatur, cujus illa res similitudinem gerit: deinde monendus est ex hac occasione, ut si quid etiam in Scripturis audiat, quod carnaliter sonet, etiamsi non intelligat, credat tamen spirituale aliquid significari, quod ad sanctos mores, futuramque vitam pertineat. Hoc autem ita breviter discat, ut quidquid audierit ex libris canonicis, quod ad dilectionem æternitatis et sanctitatis, et ad dilectionem proximi referri non possit, figurate dictum vel gestum credat, atque ita conetur intelligere, ut ad illam geminam referat dilectionem. *Item De catechizandis rudibus, cap. 9*. De sacramento autem sufficit prudentioribus audivere, quid res illa significet, cum tardioribus autem, aliquanto pluribus verbis, et similitudinibus agendum est, ne contemnant quod vident. *Item contra Faustum, lib. xix, cap. 16*. Quid enim sunt aliud quæque sacramenta corporalia, nisi quædam quasi verba visibilia, sacrosancta quidem, verum tamen mutabilia et temporalia. *Item in libro decimo De civitate Dei (cap. 19)*. Qui autem putant hæc visibilia sacrificia diis alienis congruere, illi vero tanquam invisibili invisibilia, et majora majori, meliorique meliora, qualia sunt puræ mentis, bonæque voluntatis officia: profecto nesciunt hæc ita signa esse illorum, sicut verba sonantia signa sunt rerum. Quocirca sicut orantes atque laudantes, ad eum dirigimus significantes voces, cui res ipsas in corde quas significamus, offerimus: ita sacrificantes, non alteri sacrificium visibile offerendum esse noverimus, quam illi cujus in cordibus nostris invisibile sacrificium nos ipsi esse debemus. *Item in libro decimo De civitate Dei. (Cap. 5 De cons., dist. 2, c. Sacrificium, et lib. iv Sent. dist. 1, § 1.)* Sacrificium visibile, invisibile sacrificii sacramentum, id est sacrum signum est. *Et alibi*: Sacramentum invisibilis gratiæ visibilis forma. *Item libro secundo De doctrina christiana*. Signum est res præter speciem, quam ingerit sensibus aliud aliquid ex se faciens in cognitionem venire. *Ibidem libro tertio*. Christiana libertas eos, quos invenit sub signis utilibus, tanquam prope inventos, interpretatis signis quibus subditi erant, elevatos ad eas res quarum illa signa sunt, liberavit. Ex his factæ sunt Ecclesiæ sanctorum Israelitarum. Quos autem invenit sub signis inutilibus, non solum servilem in operationem sub talibus signis, sed etiam ipsa signa frustravit, removitque omnia, ut a corruptione multitudinis simulatorum deorum (quam sæpe ac propria Scriptura fornicationem vocat), ad unius Dei cultum gentes converterentur: nec sub ipsis jam signis utilibus servituri, sed excitaturæ potius animum in eorum intelligentiâ spirituali. Sub signa enim servit, qui operatur, aut veneratur aliquam rem nesciens quid significet. Qui vero operatur aliquod signum divinitus institutum, cujus vim significationemque intelligit, non veneratur quod videtur et transit, sed illud potius, quo talia cuncta referenda sunt. Talis autem homo et spiritualis, et liber est tem-

pore servitatis, quo carnalibus animis, nondum oportet signa illa revelari, quorum jugo edomandi sunt. Tales spirituales erant patriarchæ ac prophætæ omnesque in populo Israel, per quos nobis ipsa Scripturarum solatia et auxilia ministravit. Hoc vero tempore postea quam resurrectio Domini nostri, manifestissimum indicium nostræ libertatis illuxit, nec eorûm quidem signorum quæ jam intelligimus, operatione gravi onerati sumus, sed quedam pauca pro multis eademque facta facillima, et intellectu augustissima, et observatione castissima, ipse Dominus et apostolica tradidit disciplinâ. Sicut est baptismi sacramentum, et celebratio corporis et sanguinis Domini, quæ unusquisque cum perceperit, quo referantur imbutus agnoscit, ut ea non carnali servitute, sed spirituali potius libertate voveretur. Et paulo inferius (cap. 15, 16). Servabitur, inquit, in locutionibus figuratis regula hujusmodi, ut tandiu versetur diligenti ratione quod legitur, donec ad regnum charitatis interpretatio perducat. Si autem hoc jam proprie sonat, nulla putetur figurata locutio. Si præceptiva locutio est, aut flagitium aut facinus vetans: aut utilitatem aut beneficentiam jubens, non est figurata. Si autem flagitium, aut facinus videtur jubere, aut utilitatem aut beneficentiam vetare, figurata est. *Nisi manducaveritis*, inquit, *carnem Filii hominis, et sanguinem ejus biberitis, non habebitis vitam in vobis* (Joan. vi): facinus videtur aut flagitium jubere. Figura ergo est, præcipiens passioni Domini esse communicandum, et suaviter atque utiliter recondendum in memoria, quod pro nobis caro ejus crucifixa est, et vulnerata. At Scriptura: *Si esurierit inimicus tuus, ciba illum: si sitit, potum da illi* (Prov. xxv; Rom. xii). Illic nullo dubitante beneficentiam præcipit. Sed quod sequitur: *Hoc enim faciens carbones ignis congeres super caput ejus* (ibid.): malevolentiae facinus putes juberi. Ne igitur dubitaveris figurate dictum: et cum possit dupliciter interpretari, uno modo ad nocendum, altero ad præstandum, ad beneficentiam charitas te potius revocet, ut intelligas carbones ignis, esse urentes poenitentiae gemitus, quibus superbia sanatur ejus qui dolet se inimicum fuisse hominis, a quo miserie ejus subvenitur. Item eam ait Dominus: *Qui amat animam suam perdet eam* (Joan. xii): non utilitatem vetare putandum est, qua debet quisque conservare animam suam, sed figurate dictum: perdat, id est, perimat atque amittat ejus usum quem nunc habet, perversum scilicet atque præposterum, quo inclinatur temporalibus ut æterna non querat. Scriptum est: *Da misericordiam, et ne suscipias peccatorem* (Eccli. xii). Posterior pars hujus sententiæ videtur vetare beneficentiam. Ait enim: *Ne suscipias peccatorem*. Intelligas peccatorem figurate dictum, pro peccato, ut peccatum ejus non suscipias. Item in psal. iii, tractans de Juda traditore Domini. Eum, inquit, adhibuit ad convivium, in quo corporis et sanguinis figuram discipulis commendavit et tradidit. Item in

A præf. 2 in psal. xxi. (De cons., dist. 2, c. Semel lib. iv Sent. dist. 12, § g.) *Semel Christus mortuus est justus pro injustis* (I Petr. iii); et certum habemus, et spe immobili retinemus, quia *Christus resurgens ex mortuis jam non moritur, mors illi ultra non dominabitur* (Rom. vi). Verba ista Apostoli sunt, tamen ne obliviscamur quod semel factum est, in memoria nostra omni anno sit. Quoties pascha celebratur, nunquid toties Christus occiditur? Sed tamen anniversaria recordatio representat quod olim factum est, et sic nos facit moveri, tanquam videamus præsentem Dominum in cruce. Item in expos. priori Psal. xxi. *Vota mea reddam. Sacramenta corporis et sanguinis Domini mei reddam. Edent pauperes et saturabuntur*. Edent contemptores sæculi, et mutabuntur, et laudabunt Dominum, qui requirunt eum. Laus Domini eructatio saturitatis ejus, vivent corda eorum in sæculum sæculi, nam cibus ille est cordis. In expositione Psalmi lxxviii et xcvi. (De cons., dist. 2, c. Prima, et lib. iv Sentent. dist. 10, § a.) Prima, inquit, hæresis in discipulis Christi, velut a durtia sermonis ejus facta est. Cum enim diceret: *Nisi quis manducaverit carnem meam, et biberit sanguinem meum, non habebit vitam æternam* (Joan. vi): illi non intelligentes, dixerunt ad invicem: *Durus est hic sermo, quis potest eum audire?* (ibid.) Dicentes quia durus est hic sermo, separaverunt se ab illo, remansit cum duodecim; discipulis illis, instruxit eos qui remanserant. *Spiritus est*, inquit, *qui vivificat, caro nihil prodest. Verba quæ locutus sum vobis, spiritus et vita sunt* (ibid.), id est spiritualiter intelligenda sunt. Intellexisti spiritualiter? Spiritus et vita sunt: intellexisti carnaliter? etiam sic illa Spiritus et vita sunt, sed tibi non sunt. Spiritualiter intelligite quæ locutus sum. (Eod. c. et De cons. dist. 2, c. Non hoc.) Non hoc corpus quod videtis manducaturi estis, et bibaturi illum sanguinem, quem fusuri sunt qui me crucifigent. Sacramentum aliquod vobis commendavi, spiritualiter intellectum vivificabit vos, caro autem non prodest quidquam. Sed quomodo illi intellexerunt. Carnem quippe sic intellexerunt, quomodo in cadavere venditur, aut in macello dilaniatur. Augustinus tract. 27 in Joannem. *Sciens autem Jesus ait* (ibid.): *Hoc vos scandalizat, quia dixi vobis, de vobis carnem meam manducare, et sanguinem meum potare? Si ergo videritis Filium hominis ascendentem ubi prius erat. Quid est hoc? Hinc solvit quod illos moverat, hinc aperuit unde fuerant scandalizati. Hinc plane, si intelligerent. Illi autem putabant erogaturum corpus suum, ille dixit se ascensurum in cælum, utique integrum. Cum videritis filium hominis ascendentem ubi erat prius, certe vel tunc videbitis, quia non eo modo, quo putatis, erogat corpus suum, vel tunc intelligetis, quia gratia ejus non consumitur morsibus. Item tractatu 50 in Joannem. (L. iv Sentent. dist. 10, § a.) Dum finiatur sæculum sursum est Dominus, sed tamen hic etiam nobiscum est veritas Dominus. Corpus enim in quo re-*

surrexit, uno loco esse oportet, veritas autem ejus A ubique diffusa est. *Item tractatu 12 in Joannem.* Quia tetigit hominem, confessus est Deum, et Dominus consolans nos, qui in cælo jam Christum sedentem manibus contrectare non possumus, sed fide contingere, ait illi : *Quia vidisti me, Thoma, credidisti; beati qui non viderunt et crediderunt (Joan. xx).* *Item in sermone quodam de verbis Evangelii (64).* Invitat Dominus servos, præparavit seipsum cibum. Quis au leat manducare Dominum suum? Et tamen ait: Qui manducat me, vivit propter me. Quando Christus manducatur, vita manducatur, nec occiditur ut manducetur, sed mortuos vivificat quando manducatur, quia resurrexit occisus: nec quando manducatur, partes de illo facimus, et quidem in sacramento sic fit. Norunt fideles, quemadmodum manducent carnem Christi, unusquisque partem suam accipit, per partes manducatur, et manet integer totus. Per partes manducatur in sacramento, manet integer totus in cælo, manet integer totus in corde tuo. *Item.* Quod videtis in altari panis est et calix, quod etiam oculi vestri vobis renuntiant: quod autem fides postulat instruenda, panis est corpus, calix est sanguis. Breviter quidem hoc dictum est, quod fidei forsitan sufficere debeat, sed fides instructionem desiderat. Dicit enim Propheta: Nisi credideritis, non intelligetis (*Isa. vi*). Potestis ergo dicere mihi: Præcepisti ut credamus, expone ut intelligamus. Potest enim animo cujuspiam cogitatio talis oboriri. Dominus Jesus Christus novimus unde accepit carnem, de Virgine scilicet Maria: infans lactatus est, nutritus est, crevit, ad juvenilem ætatem perductus est, ligno suspensus est, interfectus, de ligno depositus, sepultus est, tertia die resurrexit, quo die voluit ascendit in cælum. Illuc levavit corpus suum, unde venturus est judicare vivos et mortuos, ibi est modo sedens ad dexteram Patris. Quomodo ergo panis est corpus ejus et calix, vel quod habet calix, quomodo est sanguis ejus? Ista, fratres, ideo dicuntur sacramenta, quia in eis aliud videtur, et aliud intelligitur. Quod videtur speciem habet corporalem, quod intelligitur fructum habet spiritualement. *Item lib. viii. De baptismo contra Donatistas, cap. 50.* Inducit autem B. Cyprianum sic dicentem: Nam quando Dominus vocat (*Joan. vi*) corpus suum panem, de multorum granorum adunatione congestum, populum nostrum quem portabat de gentibus indicat adunatum: et quando sanguinem suum vinum appellat, de botris atque acinis plurimis expressum, atque in unum coactum, gregem item nostrum significat commistione adunate multitudinis copulatum. *Item.* In præsentem per ildem, in præsentem per signum, in præsentem per baptismatis sacramentum, in præsentem per altaris cibum et potum. *Item in eodem Evangelio.* De his sermo erat, inquit, cum hoc Apostolus diceret, qui Domini corpus velut alium quemlibet cibum indiscrete negligenterque sumebant (*I Cor. xi*), et quid

dixerit corpus Domini in sequentibus manifestans, intelligendum est, inquit, quod eis jam omnibus distribuatur sacramentum corporis et sanguinis sui. *Et alibi:* Videte fide manente signa variata. Ibi petra Christus, nobis Christus quod in altari Dei ponitur. Et illi pro magno sacramento ejusdem Christi biberunt aquam fluentem de petra, nos quid bibamus norunt fideles. Si speciem visibilem attendas, aliud est: si intelligibilem significationem, eundem potum spiritualement biberunt. *Item in sermone de verbis Evangelii Tract. 26 in Joannem. (De cons., dist. 2, c. Quid est; lib. iv Sentent. dist. 9, § a.)* Quid est Christum manducare? Non est hoc solum in sacramento corpus ejus accipere. Multi enim indigne accipiunt, de quibus ait Apostolus: *Qui manducat et bibit calicem Domini indigne, judicium sibi manducat et bibit.* Sed quomodo manducandus est Christus? Quomodo ipse dicit: *Qui manducat carnem meam, et bibit sanguinem meum, in me manet, et ego in eo (Joan. vi).* Si in me manet et ego in eo, tunc bibi: qui autem in me non manet, nec ego in illo, et si accipit sacramentum, acquirit magnum tormentum. *Item ex tractatu Evangelii secundum Joannem (sentent. 339).* Talis erat Judas, et tamen cum sanctis apostolis undecim intrabat, et exibat, ad ipsam cœnam Dominicam pariter accessit. Conversari cum illis potuit, eos inquinare non potuit. De uno pane accepit et Judas, accepit et Petrus, et tamen quæ pars fidei cum infidei? Petrus enim accepit ad vitam, et Judas accepit ad mortem. *Item in libro Sententiarum Prosperi.* Escam vitæ accepit, æternitatis poculum bibit, qui in Christo manducet, cujus Christus inhabitator est. Nam qui discordat a Christo, nec carnem Christi manducat, nec sanguinem bibit, etiamsi tantæ rei sacramentum ad judicium suæ præsumptionis quotidie indifferenter accipiat.

CAP. 9. — *Sicut in sermone Domini, ea quæ non erant esse cœperunt, sic operatione ejus, ea quæ sunt in aliud commutari: præterea sacrificium Ecclesiæ duobus confici, duobus constare, id est visibili elementorum specie, et invisibili Domini nostri Jesu Christi carne et sanguine. Lanfrancus. (De sacramento corp. cap. 3 cum sequentibus.)*

Si tanta vis est in sermone Domini, ut inciperent esse quæ non erant, quanto magis operatorius est, ut sint quæ erant, et in aliud commutentur? Esse quidem quæ erant, testatur secundum visibilem speciem: commutari vero secundum interiorem essentiam, in naturam illarum rerum quæ ante non erant. (*De cons., dist. 2, c. Hoc est quod dicimus, et lib. iv Sententiarum dist. 10, § b.*) Hoc est quod dicimus, quod modis omnibus approbare contendimus, sacrificium Ecclesiæ duobus confici, duobus constare, visibili elementorum specie, et invisibili Domini nostri Jesu Christi carne et sanguine, sacramento et re sacramenti, id est corpore Christi: sicut Christi persona constat et conficitur Deo et homine, cum

(64) Hujus sermonis Aug. initium est: *Veritas quæ est Christus.*

ipſe Chriſtus verus ſit Deus, et verus homo? quia omnīs res illarum rerum naturam et veritatem in ſe continet ex quibus conficitur. Conficitur autem ſacrificium Eccleſiæ duobus, ſacramento et re ſacramenti, id eſt corpore Chriſti. Eſt igitur ſacramentum, et res ſacramenti, id eſt corpus Chriſti. *Chriſtus enim reſurgens a mortuis jam non moritur, mors illi ultra non dominabitur* (Rom. vi, 9). Sed ſicut dicit Andreas apoſtolus: Cum vere carnes ejus in terris ſint comestæ, et vere ſanguis ejus ſit bibitus, ipſe tamen uſque in tempora reſtitutionis omnium, in cœleſtibus ad dexteram Patris, integer perſeverat et vivus. Si quæris modum quo id fieri poſſit, breviter ad præſens reſpondeo: *Mysterium fidei credi ſalubriter poſteſt, veſtigari utiliter non poſteſt: Qui manducat carnem meam, et bibit ſanguinem meum, in me manet, et ego in eo* (Joan. vi): nec quando manducamus, partes de illo facimus. Abſit enim ut ſic intelligamus Chriſtum manducare, quemadmodum illi intellexerunt, qui, cum audirent Dominum dicentem: *Niſi manducaveritis carnem Filii hominis, et biberitis ejus ſanguinem, non habebitis vitam in vobis*: continuo reſponderunt: *Durus eſt hic ſermo, quis poſteſt eum audire?* (ibid.) Putaverunt namque, ſicut beatus Auguſtinus dicit in multis locis, quod in terris degentem Dominum in fruſta eſſent concisuri, et ſic carnes ejus, aut elixas in lebetibus, aut aſſas in verubus eſſent comesturi: aut ſi hoc nollent, non poſſent ejus eſſe diſcipuli, propterea elegerunt abire, et jam amplius cum eo non ire. Procul avertat Deus ab Eccleſia ſua talem ſententiam! Sic nempe in terris immolatum Chriſtum manducamus et bibimus, ut in cœleſtibus ad dexteram Patris integer ſemper exiſtat et vivus. (*De conſ., diſt. 2, c. Dum frangitur*). Dum frangitur hoſtia dum ſanguis de calice in ora fidelium funditur: quid aliud quam Dominici corporis in cruce immolatio ejusque ſanguinis de latere effuſio designatur? (*De conſt. diſt. 2, c. Nos aut., et lib. iv Sentent. diſt. 10, § d*) Nos autem in ſpecie panis et vini quam videmus, res inviſibiles, id eſt Chriſti carnem et ſanguinem honoramus, nec ſimiliter pendimus has duas ſpecies, quemadmodum ante conſecrationem pendebamus: cum fideliter fateamur ante conſecrationem panem eſſe et vinum, quod natura formavit, poſt conſecrationem vero carnem Chriſti, et ſanguinem eſſe, quod benedictio conſecravit. Sacramentum ergo corporis Chriſti quantum ad id ſpectat, quod in cruce immolatus eſt, ipſe Dominus Jeſus Chriſtus. Caro ejus eſt, quam forma panis opertam accipimus in ſacramento, et ſanguis ejus quem ſub vini ſpecie ac ſapore potamus: caro videlicet carnis, et ſanguis ſacramentum eſt ſanguinis. Carne et ſanguine utroque inviſibili, intelligibih, ſpirituale ſignificatur corpus viſibile Domini noſtri et palpabile, plenum omnium gratia virtutum, et divina majeſtate. Quorum alterum dum frangitur, et in populi ſalutem dividitur, alterum vero effuſum de calice ab ore fidelium ſunitur, mors ejus in cru-

ce, et ſanguinis ejus de latere emanatio figuratur. Utrumque beatus Gregorius (*lib. iv Dialogorum cap. 58*) ſolenter attendit, et enucleate in quarto libro Dialogorum exponit dicens: *Ejus quippe caro ibi ſumitur, ejus ſanguis non jam in manus infidelium, ſed in ora fidelium funditur. Pensandum ergo eſt quale hoc ſacrificium ſit, quod pro abſolutione noſtra mortem unigeniti Filii Dei, ſemper imitatur. Imitatur dixit, non operatur, quia reſurgens ex mortuis jam non moritur, mors illi ultra non dominabitur* (Rom. vi). Caro ergo et ſanguis, quibus ad impetrandam pro peccatis noſtris miſericordiam quotidie alimur, Chriſti corpus et ſanguis vocantur, non ſolum quia eſſentialiter id ſunt, qualitatibus multum discrepantes, verum etiam eo locutionis modo, quo res ſignificans ſignificatæ rei vocabulo ſolet nuncupari. Nec juſte quicquam movebitur, ſi eadem caro, idemque ſanguis ſui ipſorum ſacramenta exiſtant, ſecundum aliud atque aliud accepta, cum ipſe Dominus Jeſus poſt reſurrectionem ſuam ſui ipſius diverſa temporum ratione, typum gesserit, et figuram. Apparens enim duobus diſcipulis locutusque eis quantum ſatis eſſe judicavit, dum finxit ſe longius ire, ſicut beatus Auguſtinus dicit, ſignificavit ſe poſt paucos dies in cœlum aſcensurum. Quod iter longe remotum eſt a communi hominum vita, quæ ipsis eſt duobus diſcipulis evidentiffime figurata. Chriſtus ergo Chriſti eſt ſacramentum longius videlicet ire ſe fingens longius ſuo tempore aſcendentis in cœlum (*Luc. xxiv*): idem ejusdem, nec tamen uſquequaque ejusdem. Verus namque Deus, et verus homo, et fingens et aſcendens. Verumtamen aliud eſt ſigmentum terreni itineris, aliud in cœlum aſcendentis veritas. Nec aliquis ita deſipuerit, ut propterea abnegare præſumat fingentem ſe longius ire, eſſe verum Chriſtum, quia ſigmento longioris itineris ſignificavit verum Chriſtum aſcensurum in cœlum. Porro ſacramentum fidei in ipſa ad Bonifacium epiſtola beatus Auguſtinus baptiſmum vocat (*ad Bonifacium epiſt. 25*). Verus autem baptiſmus conſtat non tam ablutione corporis quam fide cordis: quemadmodum apoſtolica doctrina tradit dicens: *Fide mundans corda eorum*. Et alibi: *Salvos facit baptiſma, non carnis deſiſtio ſordium, ſed conſcientiæ bonæ interrogatio ad Deum, alterum tamen ſignificatur per alterum. Nam per ablutionem qua corpori extrinſecus adhibetur, purgatio animæ exprimitur, quam fides interior operatur, vocaturque fides baptiſmus, ſecundum eam locutionis figuram, qua myſterium ejus rei, cujus myſterium eſt, cenſeri nomine conſuevit. Hujus rei cauſa eſt ſimilitudo, quam in ſacramento et in re ſacramenti reperiri ſemper necesse eſt, ſicut in baptiſmo et in fide; utrumque enim lavat, purgat, purificat, illud carnem, iſtud mentem. Sicut ergo cœleſtis panis, qui vere Chriſti caro eſt, ſuo modo vocatur corpus Chriſti, cum revera ſit ſacramentum corporis Chriſti, illius videlicet quod viſibile, palpabile, mortale, in cruce poſitum eſt vocaturque*

ipsa carnis immolatio, quæ sacerdotis manibus fit, Christi passio, mors, crucifixio, non rei veritate, sed significanti mysterio, sic sacramentum fidei quod baptismum intelligit, fides est. (*De const., dist. 2, c. Semel et lib. iv Sentent. dist. 12, § g.*) Semel immolatus est Christus in semetipso, et tamen quotidie immolatur in sacramento, quod ita intelligendum est, quia manifestatione sui corporis in distinctione membrorum suorum omnium, verus Deus et verus homo, semel tantum in cruce pependit, offerens Patri seipsum hostiam vivam, passibilem, mortalem, vivorum et mortuorum redemptionis efficacem, eorum scilicet quos altitudo divini consilii redimendos iudicavit, prædestinavit, vocavit modis atque temporibus, quibus id fieri congruebat. Quoniam modo panis efficiatur caro, vinumque convertatur in sanguinem, utriusque essentialiter mutata natura, vel utrum in secessum vadant more ciborum communium, *justus qui ex fide vivit (Habacuc. ii)*, scrutari argumentis, et concipere ratione non quærit. Mavult enim cœlestibus mysteriis nunc fidem adhibere, ut ad fidei præmia valeat quandoque pervenire, quam in his quæ comprehendere non possunt, supervacue laborare, sciens scriptum; *Altiore te ne quæsieris, et fortiora te ne scrutatus fueris, sed quæ præcepit tibi Deus, illa cogita semper, et in pluribus operibus ejus ne fueris curiosus (Ecclj. iii)*. Si credimus vero salubriterque manducari in terris a digne percipientibus dominum Jesum Christum, ut certissime teneamus existere illum in cœlestibus incorruptum. Ineptis enim, si dicas propterea Sareptanam viduam non potuisse comedere oleum, quo plenus erat lychnus suus, quia sacra testante historia lychnus olei imminutus non est, cum eadem Scriptura dicat: *Abiit et fecit juxta verbum Helix, et comedit ipse et illa, et domus ejus (III Reg. xvii)*. Non dissimili gravaris recordia, si idcirco moliaris astruere, non posse ab Ecclesia sumi carnem et sanguinem Redemptoris, quia Apostolus dicit: *Christus resurgens ex mortuis jam non moritur, mors illi ultra non dominabitur (Rom. vi)*. Corporali quidem ore manducamus et bibimus, quoties de altari Domini, ipsum Dominicum corpus per manum sacerdotis accipimus, Spirituali vero ore cordis spiritualiter comeditur et hauritur, quando suaviter et utiliter, sicut beatus Augustinus dicit, in memoria reconditur, quod unigenitus Filius Dei pro salute mundi carnem accepit, in cruce pependit, resurrexit, apparuit, ascendit. *Ego sum, inquit, panis vivus qui de cœlo descendi (Joan. vi)*: sed caro non descendit de cœlo, hoc est carnem assumpsit in terris ex Virgine. Quomodo ergo panis descendit de cœlo, et panis vivus? Quia idem Dominus noster Jesus Christus consors est divinitatis et corporis: et tu qui accipis carnem divinæ illius substantiæ, in illo participaris alimento. *Ambrosius epist. 62. lib. viii ad Irenæum, Quæris a me cur Dominus Deus pluerit manna populo patrum, et nunc non pluat. Si cognoscis, pluit, et quotidie pluit manna de cœlo servientibus sibi.*

A Et corporeum illud manna hodie plerisque in locis invenitur: sed nunc non est tanti res miraculi quia venit quod perfectum est, perfectum autem panis de cœlo, corpus ex Virgine, de quo satis Evangelium te docet quanto præstantiora hæc superioribus. *Item in homilia undecima psalmi xxxiii*: Accesserunt Judæi ut Christum crucifigerent, nos ad eum accedamus, ut corpus et sanguinem ejus accipiamus. Illi de crucifixo tenebrati sunt, nos manducando crucifixum et bibendo illuminamur. *Et post pauca*: Vere magnus Deus, et magna misericordia ejus, vere quæ nobis dedit manducare corpus suum, in quo tanta peressus est, et sanguinem suum bibere. *Item in homilia psalmi lxxv*: Modo homicidis donatus est susus sanguis innocentis, et ipsum sanguinem quem per insaniam fuderunt, per gratiam biberunt. *Item in homilia psalmi xxviii*. Suscepit Christus de terra terram, quia caro de terra est, de carne Mariæ virginis carnem accepit, et quia in ipsa carne hic ambulavit, et ipsam carnem ad manducandum ad salutem dedit, nemo autem illam carnem manducat, nisi prius adoraverit. *Item in eadem (De cons., dist. 2, c. Non hoc corpus.)* Non hoc corpus quod videtis manducaturi estis, et bibituri illum sanguinem quem susuri sunt qui me crucifigent, ipsum quidem et non ipsum, ipsum invisibiliter, non ipsum visibiliter. *Unde subditur*: Et si necesse est illud visibiliter celebrari, necesse est tamen invisibiliter intelligi. *In sermone ad neophytos*. Hoc accipite in pane, quod pependit in cruce; et hoc accipite in calice, quod effusus est de Christi latere. Erit enim illi mors non vita, qui æstimaverit mendacem vitam. *Leo papa in sermone de jejunio septimi mensis*. Hæc confessionem dilectissimi toto corde promentes, inopia hæreticorum commenta respuite, ut jejunia vestra et eleemosynæ nulla cogitatione erroris polluantur. Tunc etenim sacrificii munda est oblatio, et misericordie sancta largitio, quando si qui ista dependunt, quod operantur intelligunt. Nam dicente Domino, *Nisi manducaveritis carnem Filii hominis, et biberitis ejus sanguinem, non habebitis vitam in vobis (Joan. vi)*, sic sacræ missæ communicare debetis, ut nihil prorsus de veritate corporis Christi et sanguinis ambigatis, hoc enim ore sumitur quod fide creditur, et frustra ab illis Amen dicitur, a quibus contra id quod accipitur disputatur. *Item in epistola Anatholio episcopo missa, (Leo I, epistola 40, 1, q. 1, in Ecclesia Dei.)* Aliter enim in Ecclesia Dei quæ corpus est Christi, nec rata sunt sacerdotia, nec vera sacrificia, nisi in nostræ proprietate naturæ verus nos Pontifex reconciliet, verus immaculati agni sanguis emundet. Qui licet in Patris dextera constitutus, in eadem tamen carne quam assumpsit ex Virgine, sacramentum propitiationis exsequitur. *Item in sermone De passione Domini (Leo, serm. 11)*. Fefellit ergo illum malignitas sua, intulit supplicium Filio Dei, quod cunctis filiis hominum remedium verteretur, fudit sanguinem justum, qui reconciliando mundo et præmium esset et poculum. *Sanctus Gregorius in homi-*

lia paschali. (Hom. 22 in Evangelia.) Quidnam sit sanguis agni, non jam audiendo, sed bibendo didicistis. Qui sanguis super utrumque postem ponitur (Exod. xii), quando non solum ore corporis, sed etiam ore cordis hauritur (LANFRANCTUS). Dicit aliquis : Quod tu asseris verum corpus Christi, in sacris litteris appellatur species, similitudo, figura, signum, mysterium, sacramentum. Hæc autem vocabula ad aliquid sunt. Nulla vero quæ ad aliquid sunt possunt esse id quod sunt ea, ad quæ referuntur : non est ergo corpus Christi. Verum his vocabulis in nullo præscribitur fidei, quæ credimus, et veritati quam defendimus (De cons., dist. 2, c. Species, lib. iv Sent., dist. 9, § c). Species namque et similitudo illarum rerum vocabula sunt, quæ ante fuerunt panis et vini. Unde in fine cujusdam Missæ, oratur et dicitur : Perficiant in nobis, Domine, quæsumus, tua sacramenta quod continent, ut quod nunc specie gerimus, rerum veritate capiamus. Postulat quippe sacerdos ut corpus Christi, quod sub specie panis ac vini nunc geritur, manifesta visione sicuti revera est, quandoque capiatur. De qua visione Dominus in Evangelio secundum Joannem ait (cap. xiv) : *Qui diligit me, diligetur a Patre meo, et ego diligam eum, et manifestabo ei meipsum.* Quamvis non improbabilius quidem exponant hoc loco, carnis et sanguinis veritatem, ipsam eorumdem efficientiam, id est peccatorum remissionem. Illis namque modis omnibus vera caro et sanguis existit, qui digne percipiunt. Unde sanctus Gregorius in quarto Dialogorum libro (cap. 59) : Tunc vera pro nobis Deo hostia erit, cum nosmetipsos hostiam serimus. Est quidem etiam peccatoribus, et indigne percipientibus vera Christi caro, verusque sanguis, sed essentia non salubri efficientia. Hujus rei testis beatus Augustinus in quinto libro De baptismo (cap. 8), dicens : Sicut enim Judas (De cons., dist. 2, c. Sicut Judas, et lib. iv Sent., dist. 9, § b) cui buccellam tradidit Dominus, non malum accipiendo, sed male accipiendo, locum in se diabolo præbuit, sic indigne quisque sumens Dominicum sacramentum non efficit, ut quia ipse malus est, ipsum malum sit, aut quia non ad salutem accipit, nihil acceperit. Corpus etenim Domini erat nihilominus his quibus dicebat Apostolus : *Qui man' ucat et bibit indigne, judicium sibi manducat et bibit* (I Corinth. xi). Invenitur etiam species, similitudo, et figura pro veritate. Unde Apostolus ad Corinthios : *Per fidei ambulamus, et non per speciem* (II Corinth. v). Ambrosius in libro De sacramentis : Speciem autem et pro veritate intelligendam invenimus, et de Christo, specie inventus ut homo, et de Patre Deo, neque speciem ejus vidistis. Apostolus ad Philippenses : *In similitudinem hominum factus, et habitu inventus ut homo* (Philip. ii). Idem ad Hebræos : *Qui cum sit splendor gloriæ et figura substantiæ ejus* (Hebr. i). Porro hæc nomina Dominicæ passionis designativa sunt, si tamen sacramentum sacrum signum accipimus. Unde beatus Gregorius in quarto Dialogorum libro (cap. 58) : Hæc

namque singularis hostia, ab interitu æterno animam salvat, quæ illam nobis mortem Unigeniti reparat, per sacramentum. Et post aliqua (*idem*, cap. 59) : Qui passionis Dominicæ mysteria celebramus, debemus imitari quod colimus. Quod vero panis dicitur consueto sacræ Scripturæ more id fit, quæ res quaslibet vocat nominibus illarum rerum, ex quibus seu quæ esse putantur, et non sunt, seu quibus similes aliquo modo existunt. Unde beatus Hieronymus in secundo Explanationum libro super Osee (in cap. v) : Postquam reversa fuerit terra in terram suam. Et superbo homini a sapiente dicitur : *Quid superbis terra et civis?* (Eccli. x.) Et Abraham tres viros vidisse legitur, cum essent angeli (Gen. xviii). Et beatus Hieronymus in supradicto Explanationum libro Osee (*ibid*). Quasi tinea efficitur et putredo, non quod Deus tinea sit aut putredo, sed sustentibus pœnas, hæc universa videantur. Et in Evangelio secundum Matthæum : *Si ergo cum sitis mali, nostis bona data dare filiis vestris* (Matth. vii). De qua sententia beatus Augustinus in secundo libro De sermone in monte sic disputat : Quomodo mali dant bona? Sed malos vocat mundi amatores. Bona vero quæ dant, secundum sensum eorum, bona dicenda sunt : qui hæc pro bonis habent. Adhuc instat aliquis et dicit : Ambrosius De sacramentis dicit (lib. iv, cap. 4). Sicut similitudine mortis sumpsisti, ita similitudinem pretiosi sanguinis bibis. Unde infert et dicit non esse verum sanguinem in sacramento, cum non sit vera mors in baptismo. Sed fallitur. Neque enim similitudinis adverbia, identitatem semper significant, aut æqualitatem. In Evangelio namque Salvator ait : *Estote misericordes, sicut et Pater vester misericors est* (Luc. vi). Non tamen eadem sive æqualis Deo et hominibus potest inesse misericordia. Et in Evangelio secundum Joannem : *Ego, inquit, charitatem quam dedisti mihi dedi eis, ut sint unum sicut et nos* (Joan. xvii). Et alibi : *Dilexisti eos, sicut me dilexisti* (*ibid.*). Unde beatus Augustinus in expositione ejusdem Evangelii ait (tract. 110) : Neque enim semper æqualitatem significat, qui dicit sicut illud, ita et illud. Sed aliquando tantum quia est illud, est et illud : aut quia est illud, ut sit et illud. Est adhuc aliud, quod objicitur. Si panis in veram Christi carnem convertitur, aut panis sustollitur in cælum, ut illic in Christi carnem transferatur, aut Christi caro ad terram defertur, ut hic in eam panis commutetur, aut neo panis sustollitur, nec caro defertur. Non est igitur vera caro in quam panis convertitur. Hoc colligitur secundum humanam sapientiam, et non secundum divinam. Humana autem sapientiæ opera divina perquiri prohibet Apostolus ad Romanos, dicens : *Non plus sapere quam oportet sapere, sed sapere ad sobrietatem* (Rom. xii). Et ad Corinthios : *Sermo meus, et prædicatio mea non in persuasibilibus humanæ sapientiæ verbis, sed in ostensione spiritus et virtutis, ut fides vestra non sit in sapientiâ hominum, sed in virtute Dei* (I Cor. i). Et ad Colossenses : *Videte ne*

quis vos decipiat per philosophiam, et inanem fallaciam, secundum traditionem hominum, secundum elementa mundi (Colos. 1). Et beatus Gregorius homilia in octavis Paschæ (lib. Quadraginta homiliarum, homilia 26). Sciendum, inquit, nobis est, quod divina operatio, si ratione comprehenditur, non est admirabilis, nec fides habet meritum, cui humana ratio præbet experimentum. Faciendum est quod legislator agi oportere ostendit, dicens: *Ne transgrediaris terminos antiquos, quos posuerunt patres tui* (Prov. xxii). Et beatus Augustinus in primo libro *De sermone Domini in monte*. Quod vero aut obscurum aut absurdum illic sonat, non inde concitet contradictionem certamina, sed oret ut intelligat. Et in libro *de Trinitate* (cap. 10). Mihi autem, ait, utile est, ut meminerim virium mearum, fratresque meos admooneam, ut meminerint suarum, ne ultra quam tutum est humana progrediatur infirmitas. Et in libro *contra Felicianum hæreticum*. (Aug. lib. *De unitate Trinitatis ad Optatum contra Felicianum Arianum*, cap. 2.) Scripturarum auctoritate contentus, simplicitati potius obedire studeo, quam tumori. Et paulo post. Quam rationem afferre potes, si partum prædicas virginis? si redditos oculos non negas cæcis? si sepultos ostendas rediisse a mortuis? Si ergo horum et incomprehensibilis est ratio, et veritas prompta, facilius in negotiis fidei testimoniis creditur, quam ratione investigatur. His præmissis, videamus nunc quid consequitur errorem illorum, qui credunt panem et vinum Dominicæ mensæ inter sacrandum, quantum ad substantiam immobilia permanere. Quod si ita est, præstantiora et diviniore fuerunt sacramenta Judæorum, sacramentis Christianorum, Quis enim nesciat manna quod de cælo pluebat Dominus, seu animatas sensibilesque creaturas, quas populus ille consecrare consueverat, parva buccella panis, modicoque vini præstantiores exstitisse? Rursus quis non intelligat divinius fuisse futura prænuntiare, quam narrare præterita? cum illud non possit nisi Spiritu Dei plenus, hoc autem faciat etiam idiota, vel quilibet imperitus. Sed absit hoc a fidelium corde et Christiana intelligentia! Christi namque miles Ambrosius, illa inferiora, hæc potiora, et digniora esse in libro *De mysteriis* confirmat, dicens (cap. 8): Summo studio comprobare volumus, quia antiquiora sunt sacramenta Ecclesiæ quam Synagogæ et præstantiora quam manna. Et iterum in *quarto De sacramentis* (cap. 5). Accipe quæ dico, diviniore esse sacramenta Christianorum, quam Judæorum. Ergo falsa sunt quæ proponis. Amplius autem si verum est quod isti de corpore et sanguine Domini credunt et astruunt, falsum est quod ab Ecclesia ubique gentium de eadem re creditur et astruitur. Omnes enim qui Christianos se esse et dici lætantur, veram Christi carnem, verumque ejus sanguinem utraque sumpta de virgine, in hoc sacramento percipere lætantur. Interroga omnes qui Latinæ linguæ nostrarumve litterarum notitiam perciperunt. Interroga Græcos et Armenos, seu cujuslibet

nationis quoscunque Christianos, uno ore hanc se fidem habere testantur. Porro si universalis Ecclesiæ fides falsa exstitit, aut nunquam fuit catholica Ecclesia, aut periit. Nihil namque efficacius ad interitum animarum, quam perniciosus error. Si autem non fuisset aut periisset catholicus nemo consentiret: alioquin non est quod Abrahæ promisit Veritas: *In semine tuo benedicentur omnes gentes* (Gen. xxii). Item: *Postula a me, et dabo tibi gentes hæreditatem tuam: et possessionem tuam terminos terræ* (Psal. 11). Item: *Remiscentur et convertentur ad Dominum universi fines terræ* (Psal. cxi). Et alibi: *Quos redemit de manu inimici, et de regionibus congregavit eos, a solis ortu et occasu, ab aquilone et mari* (Psal. cvi). Item beatus Augustinus in prima expositionis psalmodiarum parte: Ecclesia magna, quid est, fratres? nunquid exigua pars orbis terrarum? Ecclesia magna totus orbis est. Item in eadem (Psal. xxxix): *Annuntiavi justitiam tuam in Ecclesia magna. Quam magna? Toto orbe terrarum. Quam magna? In omnibus gentibus. Cur in omnibus gentibus? Quia in omnem terram exiit sonus eorum* (Psal. cxviii). Item in tertia ejusdem operis parte. Corpus Christi constat ex multis credentibus in toto orbe terrarum. Item in eodem. Tabernaculum Domini est ipsa Ecclesia in toto orbe terrarum diffusa. Et alibi: *Corpus Christi jam totus mundus est. Corpus Christi ab oriente in occidentem consonat. Item in libro De agone Christiano* (cap. 29). Nec eos audiamus qui sanctam Ecclesiam, quæ una catholica est, negant per orbem terrarum esse diffusam. Et Dominus in Evangelio: *Ager est hic mundus* (Matth. xiii). Et paulo post: *Simile est regnum cælorum sægenæ missæ in mare, et ex omni genere piscium congregant* (ibid.). Adversus tam præclara Spiritus sancti testimonia, objiciunt isti tales: Prædicatum est Evangelium in omnibus gentibus, creditur mundus, facta est Ecclesia, crevit, fructificavit, sed imperitia male intelligentium peribit. Hanc sacrilegam vanitatem evertit Evangelica veritas, et prophetarum non violanda auctoritas. Pollicetur enim Dominus Ecclesiæ suæ dicens: *Ecce ego vobiscum sum omnibus diebus usque ad consummationem sæculi* (Matth. xxviii). Augustinus in secunda parte expositionis psalmodiarum (in psal. lxxiv). *Spes omnium finium terræ*. Non unius anguli, non Pannoniæ, aut Judææ, aut Africæ, non orientis aut occidentis, sed omnium finium terræ. Item in eadem (in psal. lxxi). Hæc prophetia propter eos promissa est, qui putant religionem nominis Christiani usque ad certum tempus in hoc mundo victuram, et postea non futuram. Permanebit autem cum sole, id est quandiu sol oritur et occidit. Falsum est igitur quod ab istis de corpore Christi creditur et astruitur. Ergo vera caro ejus est quam accipimus, et verus sanguis quem potamus.

CAP. 10. — *Professio Berengarii quomodo consentiat sanctæ Romanæ Ecclesiæ de corpore et sanguine Domini. Berengarius.*

(De cons., dist. 2, c. Ego Berengarius.) Ego Be.

rengarius indignus Ecclesiae Sancti Mauricii Andegavensis diaconus, cognoscens veram, catholicam et apostolicam fidem, anathematizo omnem haeresim; praecipue eam de qua hactenus infamatus sum, quae astruere conatur, panem et vinum quae in altari ponuntur, post consecrationem solummodo sacramentum, et non verum corpus et sanguinem Domini nostri Jesu Christi esse, nec posse sensualiter; nisi in solo sacramento manibus sacerdotum tractari, vel frangi, aut fidelium dentibus atteri. Consentio autem sanctae Romanae et apostolicae sedi, et ore et corde profiteor, de sacramentis Dominicae mensae eam fidem tenere, quam Dominus et venerabilis papa Nicolaus, et haec sancta synodus auctoritate evangelica et apostolica, tenendam tradidit, mihi quae firmavit, scilicet panem et vinum quae in altari ponuntur, post consecrationem non solum sacramentum, sed etiam verum corpus et sanguinem Domini nostri Jesu Christi esse, et sensualiter non solum sacramento, sed in veritate manibus sacerdotum tractari, frangi, et fidelium dentibus atteri, jurans per sanctam et omniunionem Trinitatem, et per haec sacrosancta Christi Evangelia. Eos vero qui contra hanc fidem venerint, cum dogmatibus et sectatoribus suis aeterno anathemate dignos esse pronuntio. Quod si ego ipse aliquando aliquid contra hoc sentire ac praedicare praesumpsero, canonum severitati subjaceam. Lecto et perlecto sponte subscripsi. Hanc confessionem suae fidei de corpore et sanguine Domini a Berengario Romae coram centum viginti episcopis factam, misit papa Nicolaus per urbes Italiae, Galliae, et Germaniae, et ad quaecunque loca fama pravitatis ejus antea pervenire potuit, ut Ecclesiae quae prius doluerant de adverso atque perverso, postea gauderent de reverso atque converso. *Item in homilia psalmi XLV, ad Judaeos loquens (Aug. in expos. psal. XLV):* En illius nomine quem occidistis baptizamini, et dimittuntur vobis peccata vestra, modicum vel postea cognovistis, securi jam bibite sanguinem quem fudistis. Videtur sanctus ille panis quo corpus Domini consecratur, et visibiliter ore percipitur: sed virtus Verbi Dei vel divinitas qua anima percipientis sanctificatur, videri non potest. Elementum panis videtur, sed verissime corpus Christi est? Inde Paulus apostolus: Panis quem frangimus nonne corpus Domini est, et calix cui benedicimus, nonne sanguis Domini est? (*I Cor. x.*) Nos perendie accipimus visibilem cibum, sed aliud est sacramentum, aliud virtus sacramenti (*Aug., tract. 26 et 27 in Joan. c. 16*). Quam multi de altari accipiunt et moriuntur, et accipiendo indigne moriuntur. Ipsa Veritas dicit: *Qui manducat carnem meam et bibit sanguinem meum, in me manet et ego in eo (Joan. vi)*. Signum quia manducat et bibit, hoc est, si manet et manetur, si habitat et inhabitatur, si haeret ut non deseratur. Verba Christi si spiritualiter intelligantur, spiritus et vita sunt: si vero carnaliter accipiuntur, sunt quidem in seipsis spiritus et vita, sed illis non sunt qui carnaliter intel-

ligunt, et ex fide non venerantur. Nam sicut spiritus hominis, id est anima, non vivificat, nisi ea membra quae unitate corporis continentur, recisa vero membra non vivificat; sic nisi eos qui in corpore Christi, hoc est in unitate consistunt Ecclesiae. Scientum est enim, valdeque timendum, quod quicumque fuerit superbus minister cum zabulo computatur, sed non contaminatur donum Christi. (*Lib. iv Sent., dist. 11, § 2, h; Aug. serm. 28, ad fratres in eremo.*) Quod per illum fluit purum, quod per illum transit liquidum, venit ad fertilem terram. Spiritualis vero virtus sacramenti ita est, quae ab illuminandis pura excipitur, et si per immundos transeat, tamen non inquinatur.

B CAP. 11. — *Quod omne crimen sacrificiis Deo oblati expiatur. Ex decreto Julii papae, episcopis per Aegyptum missis.*

(*De cons., dist. 4, c. Cum omne crimen. Concilii Bracar. III, cap. 1.*) Cum omne crimen atque peccatum oblati Deo sacrificiis deleatur, quid de caetero pro delictorum expiatione Domino dabitur, quando in ipsa sacrificii oblatione erratur? Audivimus enim quosdam schismatica ambitione detentos, contra divinos ordines et apostolicas institutiones fac pro vino in divinis sacrificiis dedicare, alios quoque intinctam Eucharistiam populis pro complemento communionis porrigere, quosdam etiam expressum vinum in sacramento Domini calicis offerre: alios vero pannum lineum musio intinctum per totum annum reservare, et in tempore sacrificii aqua partem ejus lavare, et sic offerre. Quod quomodo sit Evangelicae atque apostolicae doctrinae contrarium, et consuetudini ecclesiasticae adversum, non difficile ab ipso fonte veritatis probabitur, a quo ordinata ipsa sacramentorum mysteria processerunt. Cum enim magister veritatis verum salutis nostrae sacrificium suis commendaret discipulis, nulli lac, sed panem tantum et calicem sub hoc sacramento cognoscimus dedisse. Legitur enim in evangelica veritate: *Accipit Jesus panem et calicem, et benedicens, dedit discipulis suis (Matth. xxvi; I Corinth. xi)*. Cesset ergo lac sacrificando offerri, quia manifestum et evidens exemplum evangelicae veritatis illuxit, quod praeter panem et vinum aliud offerri non liceat. Illud vero quod pro complemento communionis intinctam tradunt Eucharistiam populis, nec hoc prolatum ex Evangelio testimonium receperunt, ubi apostolis corpus suum et sanguinem commendavit. Seorsum enim panis, et seorsum calicis commendatio memoratur. Nami intinctum panem (*Joan. xiii*) aliis Christum praebuisse non legimus, excepto illi tantum discipulo, quem intincta buccella magistri proditorum ostenderet, non quae sacramenti hujus institutionem signaret. Nam quod de expresso botro, id est de uvarum granis populus communicat, valde est omnino confusum, sed si necesse fuerit botrus in calice comprimatur: et aqua misceatur, quia calix Dominicus juxta canonum praecipua vino et aqua permistus debet offerri: quia videmus in aqua

populum intelligi, in vino vero ostendi sanguinem Christi: Ergo cum in calice vino aqua miscetur, Christo populus adunatur, et credentium plebs ei in quem credidit copulatur, et jungitur. Quæ copulatio et conjunctio aquæ et vini sic miscetur in calice Domini, ut mistio illa non possit separari. Nam si vinum tantum quis offerat, sanguis Christi esse incipit sine nobis, si vero aqua sit sola, plebs incipit esse sine Christo. Ergo botrus solus offertur, in quo vini efficientia tantum demonstratur, salutis nostræ sacramentum negligitur, quod aqua significatur. Non enim potest calix Domini esse aqua sola, aut vinum solum, nisi utrumque misceatur. Et ideo quia jam ex hoc plurima et multiplex majorum inanavit sententia, deinceps omnis talis error atque præsumptio cessare debet, ne perversorum inordinata compago, statutum veritatis enervet. Et ideo nulli deinceps licitum erit aliud in divinis sacrificiis offerre, nisi juxta antiquorum sententiam conciliorum panem tantum, et calicem vino et aqua permistum. De cetero aliter quam præceptum est faciens tandiu a sacrificando cessabit, quandiu legitima poenitentiae satisfactione correptus, ad gradus sui officium redeat, quod amisit

CAP. 12. — *Quod in Eucharistia, nec pura aqua, nec purum vinum, offerri debeat. Ex concilio Wormatiensi, cap. 2.*

(*Concil. Wormat., cap. 4.*) In Eucharistia non debet pura aqua offerri, ut quidam sobrietatis causam falluntur, sed vinum cum aqua mistum, quia et vinum fuit in redemptionis nostræ mysterio cum dicit: *Non bibam de genimine vitis (Matth. xxvi)*, et aqua mistum quod post cœnam dabat. Sed de latere ejus aqua cum sanguine egressa, vinum de vera carnis ejus vita cum aqua expressum, ostendit. Cum igitur veritas verum salutis nostræ sacrificium suis commendaret discipulis, panem tantum, et calicem sub hoc sacramento præbuisse cognoscimus. Ideoque præter panem, et vinum cum aqua mistum, aliud non debet offerri (65). Calix enim Dominicus vino et aqua commistus debet offerri, quia videmus in aqua populum intelligi, in vino vero ostendi sanguinem Christi. Ergo quando in calice vinum et aqua miscetur, Christus populusque adunatur: et credentium plebs ei in quem credidit, copulatur et jungitur. Quæ copulatio et conjunctio aquæ et vini sic miscetur in calice Domini, ut commixto illa non possit separari; nam si vinum tantum, quis offerat, sanguis Christi incipit esse sine nobis; si vero aqua sit sola, plebs esse incipit sine Christo. Non potest calix Domini esse aqua sola, aut vinum solum, nisi utrumque sibi misceatur.

CAP. 13. — *De eodem. Ex concilio Carthaginensi III, cap. 23.*

(*De cons., dist. 2, c. Ut in sacramentis.*) Ut in sacramentis corporis et sanguinis Domini nihil amplius offeratur, quam quod ipse Dominus dicit,

(65) Idem habetur supra, cap. 11.

hoc est, panis et vinum aqua mistum, nec amplius in primitiis offeratur Deo, vino et frumento.

CAP. 14. — *Item de eodem. Ex concilio Africano III, cap. 4.*

(*De consecr., dist. 2, c. Ut in sacramentis.*) Ut in sacramentis corporis et sanguinis Domini nihil amplius offeratur, quam quod ipse Dominus tradidit, hoc est, panis et vinum aqua mistum. Primitiæ vero ceu mel, et lac quod uno die solemnissimo infantum mysterio solet offerri, quamvis in altari offerantur, suam tamen habeant propriam benedictionem: ut a sacramento Dominici corporis et sanguinis distinguantur, nec amplius in primitiis offeratur, quam de uvis et frumentis:

CAP. 15. — *De Passione Domini in consecratione corporis miscenda. Ex decretis Alexandri papæ, c. 5.*

(*De cons., dist. 2, c. In sacramentorum.*) In Sacramentorum quoque oblationibus quæ in Missarum solemnibus Domino offeruntur, passio Domini miscenda est, ut ubi corpus ejus et sanguis conficitur, passio celebretur (*Luc: xxii*): ita ut repulsis opinionibus superstitionum, panis tantum et vinum aqua mistum in sacrificio offerantur. Non debet, ut a Patribus accepimus, et ipsa ratio docet, in calice Domini, aut vinum solum, aut aqua sola offerri, sed utrumque permistum, quia utrumque ex latere ejus in sua passione profufluxisse legitur. Ipsa vero Veritas nos instruit calicem et panem in sacramento offerre, quando ait: *Accipit Jesus panem, et benedixit, deditque discipulis suis, dicens: Accipite et manducate, Hoc est corpus meum, quod pro vobis tradetur. Similiter postquam cœnavit, accepit calicem, deditque discipulis suis dicens: Accipite, et bibite ex eo omnes; quia hic est calix sanguinis mei qui pro vobis effundetur in remissionem peccatorum (Matth. xxvi; I Corinth. vi)*. Crimina enim atque peccata, oblatis his Domino sacrificiis delentur: idcirco, et passio ejus in his commemoranda est: qua redempti stimus, et sæpius recitanda, atque hæc Domino offerenda. Talibus hostiis delectabitur, et placabitur Dominus, et peccata dimittet indulgentia [ingentia]. (*De cons., dist. 2, c. Nihil in sacrificiis.*) Nihil enim in sacrificiis majus esse potest, quam corpus et sanguis Christi, nec ulla oblatio hac potior est, sed omnes præcellit, quæ pura conscientia Domino offerenda est, et pura mente consummanda est. Et sicut potior est cæteris, ita potius excoli et venerari debet.

CAP. 16. — *Quæ species ad altare non ad sacrificium, sed ad benedictionem simplicem offerantur. Ex canone apostolorum, cap. 4.*

Offerre non licet aliquid ad altare præter novas spicas, et uvas, et oleum ad luminaria, et fabas, et thymiamata ad incensum, tempore quo sacra celebratur oblatio.

CAP. 17. — *De eodem. Ex decreto Melchiadis papæ, cap. 1.* CAP. 22. — *De eadem re. Ex concilio Aurelianens., cap. 4.*

Hæ species quas non licet offerre super altare, juxta c. institutionem apostolorum, eorumque successorum, ad domum sacerdotum deferantur, et a sacerdotibus benedicantur, et simplici benedictione benedicta, demum a populo sumantur. Fabæ tantum et uvæ, spicæ novæ, oleum, et odora menta ad incensum, et cætera quæ apostoli constituerunt, super altare offerantur.

CAP. 18. — *Nihil in sacrificio præter quæ Dominus statuit, offerendum. Ex canone Apostolorum, cap. 3.*

Si quis episcopus aut presbyter præter ordinationem Domini alia quædam in sacrificio offerat super altare, id est mel aut lac, aut pro vino siceram, aut confecta quædam, aut volatilia, aut animalia aliqua, aut legumina, contra constitutionem faciens, deponatur.

CAP. 19. — *Ut presbyteri vas mundum habeant, ubi corpus Dominicum diligentia recondatur. Ex concilio Turonico, cap. 4.*

Omnis presbyter habeat pyxidem, aut vas tanto sacramento dignum, ubi corpus Domini cum diligentia recondatur, ad viaticum recedentibus de sacro: Quæ tantum sacra oblatio intincta debet esse in sanguine Christi, ut veraciter presbyter possit dicere infirmo: Corpus, et sanguis Domini nostri Jesu Christi proficiat tibi in remissionem peccatorum, et vitam æternam. Semperque sit super altare obscurata, propter mures et nefarios homines, et de septimo in septimum mutetur semper, id est a presbytero illa sumatur, et alia quæ eadem die consecrata est in loco ejus subrogetur, ne forte diutius observata, mucida, quod absit! fiat.

CAP. 20. — *Ut presbyter semper Eucharistiam propter infirmos habeat paratam. Ex concilio Wormatiensi, cap. 5.*

(*De cons., dist. 2, c. Presbyter.*) Presbyter semper Eucharistiam habeat paratam, ut quando quis infirmatus fuerit, aut parvulus infirmus fuerit, statim eum communicet, ne sine communione moriatur.

CAP. 21. — *Tanta in altari holocausta offerenda, quanto populo sufficere possint, et quod remanserit, cum timore, et tremore, magna diligentia clericorum, sumendum. Ex epistola Clementis papæ (epist. II ad Jacob., fratrem Domini.)*

(*De cons., dist. 2, c. Tribus gradibus.*) Tanta in altari holocausta offerantur, quanta populo sufficere debeant. Quod remanserit, in crastinum non reservetur, sed cum timore, et tremore, clericorum diligentia consumatur. Qui autem residua corporis Domini, quæ in sacrario reflecta sunt sumunt, non statim ad communes cibos sumendos convenient, ne putent sanctæ portioni commiscere cibum, qui per aquaticulos digestus in secessum emittitur. Si ergo mane Dominica portio editur, usque ad sextam jejuncti ministri qui eam sumpserunt, et si tertia vel quarta hora acceptint, jejunct usque ad vesperam. Sic secreta sanctificatione æterna custodienda sunt sacramenta.

Illud etiam annexendum videtur, ut oblata quæ in altari offeruntur, de Sabbato in Sabbatum semper innoventur; quia panes propositionis, qui super mensam Domini ponebantur a Sabbato in Sabbatum semper mutabantur, ne diu servati mucidi fiant, et ut quidam sæviunt [sentiant], igni concrementur. Quod si aliquis diabolo instigante hoc facere præsumpserit, anathema sit.

CAP. 25. — *Ut præsentem et præcipiente presbytero, diaconus populum communicet. Ex concilio Carthaginensi IV, cap. 58.*

(*Distinct. 93, c. Diaconi.*) Ut diaconus præsentem presbytero eucharistiam corporis Christi, populo, si necessitas cogit, jussus erogat.

CAP. 24. — *Quod discretio magna esse debeat in perceptione corporis et sanguinis Domini. Ex epistola Clementis papæ (Epist. II ad Jacob., fratrem Domini).*

In perceptione corporis et sanguinis Domini magna discretio adhibenda est. Cavendum est enim ne, si nimium in longum differatur, ad perniciem animæ pertineat, dicente Domino: *Nisi manducaveritis carnem Filii hominis, et biberitis ejus sanguinem, non habebitis vitam in vobis* (Joan. vi). Si vero indiscrete accipiatur, timendum est illud quod ait Apostolus: *Qui manducat et bibit corpus et sanguinem Domini indigne, judicium sibi manducat et bibit* (I Cor. xi). Juxta ejusdem vero Apostoli vocem: *Probet seipsum homo, et sic de pane illo edat, et de calice bibat* (ibid.): ut videlicet abstinens aliquantisper diebus ab operibus carnis, et purificans corpus animæque suam, præparet se ad percipiendum tantum sacramentum, exemplo David, qui nisi confessus fuisset se abstinuisse ab opere conjugali ab heri, et nudius tertius, nequaquam panes propositionum a sacerdote accepisset (I Reg. xxi).

CAP. 25. — *De quotidiana perceptione corporis et sanguinis Domini. Ex dictis Augustini (lib. De eccles. dogm., c. 55).*

(*De cons., dist. 2, c. Quotidie.*) Quotidie eucharistiæ communionem accipere nec laudo, nec vituperō, omnibus tamen diebus Dominicis communicandum hortor. (Lib. IV Sententiarum, dist. 12, § h.) Si tamen mens in affectu peccandi est, gravari magis dico eucharistiæ perceptione, quam purificari. Et ideo quamvis quis peccato mordeatur, peccandi tamen de cætero non habeat voluntatem, communicaturus satisfaciat lacrymis et orationibus, et confidens de Domini misericordia cæcedat ad eucharistiam intrepidus et securus. Sed hoc de illo dico, quem mortalia peccata non gravant.

CAP. 26. — *De eadem re. Ex dictis ejusdem (Aug. epist. 118 eccl., dist. 2) Ad Januarium.*

Dixerit quispiam non quotidie accipiendam eucharistiam, alius affirmet quotidie. Faciat unusquisque quod secundum fidem suam pie credit esse faciendum. Neque enim litigaverunt inter se, aut quisquam se alteri præposuit Zachæus et ille centurio, cum alter eorum quædens in domo sua susceperit Dominum (Luc. xix); alter dixerit: Domine, non

tingere, vel corpus Domini quilibet accipere valeat, A
vel si sacerdos sit, sacra mysteria celebrare?

CAP. 52. — *Responsio Gregorii papæ de eadem re.*

Hunc quidem, testamentum veteris legis, sicut superiori capitulo jam diximus, pollutum dicit, et nisi lotum aqua etiam usque ad vesperam, intrare ecclesiam non concedit. Quod tamen aliter populus spiritualis intelligens, sub eodem intellectu accipiet, quem præfati sumus: quia quasi per somnium illuditur, qui tentatus immunditia vanis imaginibus in cogitatione inquinatur. Sed lavandus est aqua, ut culpas cogitationis lacrymis abluat, et nisi prius tentationes recesserint, reum se quasi usque ad vesperam cognoscat. Sed est in eadem illusione necessaria valde discretio, qua subtiliter pensari debeat, ex qua re accidat menti dormientis. Nam aliquando ex crapula, aliquando ex naturæ superfluitate, vel infirmitate, aliquando ex cogitatione contingit. Et quidem cum ex naturæ superfluitate, vel infirmitate evenerit, omnino hæc illusio timenda non est, quia hanc animus nesciens pertulisse magis dolendus est quam fecisse. Cum vero ultra modum appetitus gulæ in sumendis alimentis rapitur, atque idcirco humorum receptacula gravantur, habet exinde animus aliquem reatum, non tamen usque ad prohibitionem percipiendi corporis Christi, vel missarum solemnia celebrandi. Et cum fortasse aut festus dies exigit exhiberi mysterium, pro eo quod sacerdos alius in loco eodem dæst, ipse si necessitas compulit, mutatis vestibus cantet. Nam si adsunt alii qui implere ministerium valeant, illusio per crapulam facta a perceptione sacri mysterii prohiberi non debet, sed ab immolatione sacri mysterii abstinere, ut arbitror, humiliter debet; si tamen dormientis mentem turpitudine non concusserit. Nam sunt quibus ita plerumque illusio nascitur ut eorum animus etiam in somno corporis positus, turpibus imaginibus [imaginatio-nibus] non fœdetur. Qua in re ostenditur mens rea non tuo, vel suo iudicio libera, cum se etsi dormienti corpore nihil meminuit vidisse, tamen in vigiliis corporis meminit in ingluviem cecidisse. Si vero ex turpi cogitatione vigilantis oritur illusio dormientis, patet animo suus reatus. Videt enim a qua radice inquinatio illa processerit qui quod cogitavit sciens, hoc pertulit nesciens; propter talem pollutionem sacro mysterio eo die abstinere oportet. (*Ead. dist., c. Sed pensandum est.*) Sed pensandum est, ipsa cogitatio utrum in suggestionem, an delectationem, vel quod majus est peccati consensu acciderit. Tribus enim modis impletur omne peccatum, videlicet suggestionem, delectationem, consensu. Suggestio quippe fit per diabolum, delectatio per carnem, consensu per spiritum, quia cum primam culpam serpens suggestit, Eva velut caro delectata est, Adam velut spiritus consensit. Et necessaria est magna discretio, ut, inter suggestionem, delectationem atque consensum, iudex sui animus præsideat. Cum enim malignus spiritus peccatum suggererit in mente, si nulla peccati delectatio sequatur peccatum omnino

perpetratum non est. Cum vero delectari caro cœperit, tunc peccatum incipit nasci. Si autem etiam ad consensum ex deliberatione descendit, tunc peccatum cognoscitur perfectum. In suggestionem ergo peccati initium [semen], in delectationem fit nutrimentum, in consensu perfectio. Et sæpe contingit ut hoc quod malignus spiritus seminat in cogitatione, caro in delectationem trahat, nec tamen animus eidem delectationi consentiat, et cum caro delectari sine animo nequeat, ipse tamen animus carnis voluptatibus reluctans in delectatione carnali aliquomodo ligatur invitans, ut ei ex ratione contradicat nec consentiat; et tamen delectatione ligatus sit, sed ligatum se vehementer ingemiscat. Unde et ille cœlestis exercitus præcipuus miles gemit dicens: **B** *Video aliam legem in membris meis repugnantem legi mentis meæ, et captivum me ducentem in lege peccati, quæ est in membris meis* (Rom. vii). Si autem captivus erat, minime pugnabat: quapropter et captivus erat et captivus non erat, et pugnabat [repugnabat]. Igitur legi mentis ejus, lex quæ in membris est repugnabat. Si autem pugnabat, captivus non erat. Itaque est homo (ut ita dixerim) et captivus et liber; liber, ex justitia quam diligit; captivus, ex delectatione quam portat invitans.

CAP. 53. — *De presbyteris villanis ne in civitate offerre audeant. Ex concilio Neocæsariensi, cap. 15.*

Presbyteri ruris in ecclesia civitatis, episcopo præsentibus vel presbyteris urbis ipsius, offerre non possunt, nec panem sanctificatum dare calicemque porrigere. Si vero absentes hi fuerint, et ad dandam orationem vocentur, soli dare debebunt.

CAP. 54. — *De eadem re. Ex decretis Soteris papæ, cap. 54.*

Presbyteri qui conregionales non sunt, in ecclesiis præsentibus episcopis, vel presbyteris civitatis, offerre non poterunt, nec panem dare in oratione, aut calicem bibere. Quod si absentes sunt civitatis sacerdotes, et fuerint invitati in orationem, soli possunt dare.

CAP. 55. — *De illo qui per ebrietatem eucharistiam evomuerit. Ex Pœnitentiâ Bedæ presbyteri.*

(*De const. dist. 2, c. Si per ebrietatem.*) Si quis per ebrietatem, vel voracitatem, eucharistiam evomuerit, quadraginta dies pœniteat, si laicus; clerici vel monachi, seu diaconi et presbyteri, septuaginta; episcopi, nonaginta. Si pro infirmitatis causa evomuerint, septem dies pœniteant.

CAP. 56. — *De hoc, si aliquid de calice sacri sanguinis stillaverit. Ex decretis Pii papæ, cap. 3*

(*De cons. dist. 2, c. Si per negligentiam.*) Si vero per negligentiam de calice Domini aliquid stillaverit in terram, lingua lambetur, et tabula radetur. Si non fuerit tabula, ut non conculetur locus, corradetur, et igne consumetur, et cinis intra altare condatur, et sacerdos quadraginta dies pœniteat. Si super altare stillaverit calix, sorbeat minister stillam, et tres dies pœniteat. Si super linteum altaris, et ad aliud stilla pervenerit, quatuor dies pœniteat; si usque ad tertium, novem dies pœniteat; si usque

ad quartum, viginti dies pœniteat; et linteamina quæ tetegerit stilla, tribus vicibus minister abluat, calice supposito, et aqua ablutionis sumatur, et juxta altare recondatur.

CAP. 57. — *De illo qui vomuerit sacrificium, et a canibus consumitur. Ex Pœnitent. Theodori.*

(*De cons. dist. 2, c. Qui non bene.*) Qui evomuerit sacrificium, et a canibus consumitur, annum unum pœniteat; sin autem, quadraginta dies pœniteat. Si in die quando communicaverit sacrificium evomuerit, si ante mediam noctem, tres superpositiones faciat, si post mediam noctem, duas; si post matutinam, unam.

CAP. 58. — *De eodem. Ex Pœnitentia Romano.*

Si vero sacrificium evomuerit, quadraginta dies pœniteat. Si in ignem project, centum psalmos cantet. Si vero canes lambuerint talem vomitum, centum dies qui evomuit, pœniteat.

CAP. 59. — *De eucharistia inveterata. Ex III concilio Arelatensi, cap. 5.*

Omne sacrificium sordida vetustate perditum, igne comburendum est, et cinis juxta altare sepe-liendus.

CAP. 60. — *De illis qui non bene custodiunt corpus et sanguinem Domini. Ex eodem, cap. 6.*

Qui non bene custodierit sacrificium, et mus vel aliquod aliud animal comederit illud, quadraginta dies pœniteat. Qui autem perdidit illud in ecclesia, aut pars ejus ceciderit et inventa non fuerit, triginta dies pœniteat. Perfundens aliquid super altare de calice, quando offertur, sex dies pœniteat, aut si abundantius, septem dies pœniteat. Qui autem perfundit dum solemnitas missæ celebratur, quadraginta dies pœniteat. Si vero celebrata missa, presbyter neglexerit accipere sacrificium, similiter quadraginta dies pœniteat. Et qui accipit sacrificium postius nocturno tempore, septem dies pœniteat. Diaconus si obliviscens orationem [oblationem] offerre, donec offeratur linteamen, quando recitantur nomina pausantium, similiter pœniteat. Qui negligentiam erga sacrificium fecerit, ut in eo vermis consumptus sit, et ad nihilum devenerit, tres quadragesimas cum pane et aqua pœniteat. Si integrum inventum fuerit, in eo vermis comburatur: et cinis sub altare recondatur: et qui neglexerit, quaternis diebus suam negligentiam solvat. Si cum amissione saporis decoloratur sacrificium, viginti dies expleantur jejuniis, conglutinatum vero septem dies qui merserit, pœniteat.

CAP. 61. — *De eadem re. Ex Pœnitentia Romano.*

Si ceciderit sacrificium de manibus offerentis terrenus ut non conculcetur, omne quodcumque inventum fuerit in loco in quo ceciderit comburatur, et cinis, ut supra, abscondatur, et cui acciderit medium annum pœniteat: si vero sacrificium inventum fuerit, locus scopis mundetur, et stramen, ut supra, igni detur, et cinis, ut supra, recondatur, et sacerdos viginti dies pœniteat.

CAP. 62. — *De muliere quæ peperit, ut communicet si voluerit. Ex concilio Carthaginensi.*

Mulier enixa, si voluerit, communionem percipiat.

CAP. 63. — *Qui passionem Domini in precatione sacerdotum miscuerint. Ex pontificum decretis.*

Alexander passionem Domini miscuit in precatione sacerdotum, quando missæ celebrantur. Sircius constituit, ut nullus presbyter missas celebraret per omnem hebdomadam, nisi consecratum episcopi loci designati susciperet declaratum, quod nominatur fermentum. Leo primus constituit, ut intra actionem sacrificii diceretur: Sanctum sacrificium, et cast.

CAP. 64. — *De custodibus sacramentorum. Clemens in secunda ad Jacobum epistola.*

(*De cons., dist. 2, c. Tribus.*) Tribus gradibus commissa sunt sacramenta divinarum secretorum, id est presbytero, diacono, et ministro, qui cum timore et tremore clericorum reliquias corporis Domini debent custodire fragmentorum.

CAP. 65. — *Sindonem sacram non esse vendendam. Item in eadem epist.*

(17 q. 4, c. Si forte.) Si forte quispiam presbyter sive diaconus sacrarii sindonem vel velum subtracta venderit, Judæi Scariotis similis æstimabitur.

CAP. 66. — *Quid faciendum sit de vestibus altaris inveteratis. Ibidem.*

(*De cons., dist. 1, c. Altaris palla.*) Altaris palla, cathedra, candelabrum, et velum si fuerint vetustate consumpta, incendio dentur.

CAP. 67. — *Quod Deo perfecte sacrificantes, testes secum habere debent dum sacrificant: episcopus vero plures quam alii. Anacletus papa tertius a Petro in primo decretali suo.*

Deo perfecte sacrificantes, quando Domino sacrificant, non soli hoc agere debent, sed testes secum adhibeant, ut Domino perfecte in locis Deo sacratis, sacrificare probentur. Ait namque auctoritas legis divinæ: *Vide ne offeras holocausta tua in omni loco quem videris, sed in loco quem elegerit Dominus Deus tuus (Deut. xii).* (*De cons., dist. 2, c. Episcopus Deo sacrificans.*) Episcopus Deo sacrificans testes (ut præfixum est) secum habeat, et plures quam alius sacerdos. Sicut enim majoris honoris gradu fruitur, sic majoris testimoniis incremento [incrementatione] indiget. In solemnioribus vero diebus, aut quatuor, aut quinque, aut tres diaconos, qui ejus oculi dicuntur, et subdiaconos, atque reliquos ministros secum habeat, qui sacris induti vestimentis a fronte et a tergo, et presbyteri e regione dextra lævaque contrito corde, et humiliato spiritu, ac prono stent vultu, custodientes eum a malis hominibus, et consensum ejus præbeant sacrificio. Peracta autem consecratione omnes communicent, qui noluerint ecclesiasticis carere liminibus.

CAP. 68. — *Quod aqua cum vino misceri debeat in calice. Ex epistola 1 decretali Alexandri primi.*

Non debet, ut a Patribus accepimus, et ipsa ratio docet, in calice Domini, aut vinum solum, aut aqua sola offerri, sed utrumque permistum, quia utrum-

que ex latere ejus in sua passione profluxisse legitur. *Item.* (De cons., dist. 2, c. Nihil in sacrificiis.) Nihil enim in sacrificiis majus esse potest quam corpus et sanguis Christi. Nec ulla oblatio hac potior est, sed hæc omnes præcellit. Quæ pura conscientia Domino offerenda est, et pura mente sumenda, atque ab omnibus veneranda, et sicut potior est cæteris, ita potius excoli et venerari debet. (De const., dist. 3, c. Aquam sale.) Aquam sale conspersam populis benedicimus: ut ea cuncti aspersi sanctificentur, ac purificentur, quod et omnibus sacerdotibus faciendum esse mandamus. Nam si cinis vitulæ aspersus populum sanctificabat (Hebr. ix) atque mundabat: multo magis aqua sale aspersa, divinisque precibus sacrata, populum sanctificat atque mundat. Et si sale asperso per Eliseum prophetam sterilitas aquæ sanata est (II Reg. iv): quanto magis divinis precibus sacratus sterilitatem aufert humanarum rerum, et coinquinos sanctificat: atque purgat, et cætera bona multiplicat, et insidias diaboli avertit et a phantasmatis versutiis homines defendit?

CAP. 69. — *Sacerdotes suis precibus peccata populi delere atque consumere. Ex secunda ejusdem decretali.*

(4, q. 1, c. Ipsi sacerdotes.) Ipsi sacerdotes pro populo interpellant, et peccata populi comedunt (Ose. iv), quia suis precibus ea delent, atque consumunt: qui quanto digniores fuerint, tanto facilius in necessitatibus pro quibus clamant, exaudiuntur.

CAP. 70. — *Sacra vasa non ab aliis quam a consecratis Domino hominibus esse tractanda. Sixtus a Petro papa vi in primo decretorum suorum: Omnibus in Christo dilectis fratribus.*

(De const., dist. 1, c. In sancta hac apost.) A nobis et reliquis episcopis, cæterisque Domini sacerdotibus statutum est, ut sacra vasa non ab aliis quam a sacratis Dominoque dicatis contrectentur hominibus. Indignum enim valde est, ut sacra Domini vasa, quæcunque sint, humanis usibus serviant, et ab aliis quam a Domino famulantibus eique dicatis tractentur viris, ne pro talibus præsumptionibus iratus Dominus plagam imponat populo suo.

CAP. 71. — *Nullis aliis temporibus, nisi in Nativitate Domini, missam nocte celebrandam. Telesphorus septimus a Petro in decretali sua epistola.*

(De consecr., dist. 1, c. Nocte sancta.) Nocte vero sancta Nativitatis Domini salvatoris missas celebrent, et hymnum angelicum in eis solemniter decantent: quoniam et eadem nocte ab angelo enuntiatus est pastoribus (Luc. ii). *Et infra. Et subito facta est cum angelo multitudo militiæ cælestis laudantium Deum et dicentium: Gloria in altissimis Deo, et in terra pax hominibus bonæ voluntatis (ibid.).* Reliquis vero temporibus missarum celebrationes ante horam diei tertiam minime sunt celebrandæ, quia in eadem hora et Dominus crucifixus est (Luc. xv), et Spiritus sanctus super apostolos legitur descendisse (Act. ii).

A CAP. 72. — *Sacratas Deo feminas, vel monachas, sacra vasa vel pallus altaris non debere continere. Soterus papa undecimus a Petro, in secunda decretali sua epist.*

(23 dist., c. Sacratas. Et infra, p. 3, c. 26.) Sacratas Deo feminas, vel monachas, sacra vasa vel sacratas pallas penes vos contingere, et incensum circa altaria deferre, perlatum est ad apostolicam sedem. Quæ omnia reprehensione et vituperatione plena esse, nulli recte sapientium dubium est. Quapropter hujus sanctæ sedis auctoritate hæc omnia vobis resecare funditus, quanto citius poteritis, censemus.

CAP. 73. — *Singulis annis in cæna Domini chrisma conficiendum esse. Fabianus papa xviii a Petro in secundo suo decreto.*

B (De consecr., dist. 3, c. Litteris vestris.) Litteris vestris inter cætera insertum invenimus, quosdam regionis vestræ episcopos a vestro nostroque ordine discrepare, et non per singulos annos in cæna Domini chrisma conficere. *Infra.* Errant vero qui talia excogitant, et mente vesana potius quam recta sentientes, hæc audent. *Item.* Sicut ipsius diei solemnitas per singulos annos celebranda est, ita ipsius sancti chrisma confectio per singulos annos est agenda, et de anno in annum renovanda, et fidelibus tractanda: quia novum sacramentum est per singulos annos in jam dicta die innovandum, et vetus in sanctis ecclesiis cremandum. Ita a sanctis apostolis et successoribus eorum accepimus, vobisque tenenda mandamus.

C CAP. 74. — *Vestimenta ecclesiastica quibus Domino serritur sacra debere esse et honesta. Stephanus papa xxii a Petro, in decimo decreto suo (Ep. 1, c. 5).*

(De cons., dist. 1, c. Vestimenta.) Vestimenta ecclesiastica quibus Domino ministratur, et sacra debent esse et honesta: quibus in aliis usibus non debet frui, quam ecclesiasticis et Deo dignis officiis. Quæ nec ab aliis debent contingi aut ferri, nisi a sacratis hominibus, ne utio quæ Balthasar percussit (Dan. v), super hæc transgredientes, et talia præsumentes veniat divina, et corruere eos faciat ad imum.

CAP. 75. — *Quod non solum episcopis sed etiam presbyteris liceat infirmos oleo sancto inungere. Innocentius primus in prima sua decretali epist., cap. 7.*

(Dist. 95, c. Illud superfluum.) Illud superfluum videmus adjectum, ut de episcopo ambigatur, quod presbyteris licere non dubium est. Nam idcirco presbyteris dictum est, quia episcopi occupationibus aliis impediti ad omnes languidos ire non possunt. Cæterum si episcopus aut potest aut dignum ducit aliquem a se visitandum, et benedicere et tangere chrisma sine cunctatione potest, cujus est ipsum chrisma conficere. Nam penitentibus istud infundi non potest, quia genus est sacramenti. Nam quibus reliqua sacramenta negantur, quomodo unum genus putatur posse concedi?

CAP. 76. — *Missam nunquam nisi pro magna necessi-*

tate in locis non sacratis cantandam. Felix IV A
papa omnibus episcopis (ep. 1).

(*De cons., dist. 1, c. Sicut non alii.*) Satius est missam non cantare aut non audire, quam in his locis ubi fieri non oportet, nisi (ut sæpe dictum est) pro summa contingat necessitate, quando necessitas legem non habet. Unde scriptum est: *Vide ne offeras holocausta tua in omni loco quem videris, sed in loco quem elegerit Dominus Deus tuus (Deut. xii).*

CAP. 77. — *De ordine præfationum secundum Romanam Ecclesiam. Pelagius II papa, epist. 4.*

Pelagius II, Romanæ Ecclesiæ et apostolicæ sedis episcopus, universis Galliarum atque Germaniarum episcopis. Cum in Dei nomine in Romana Ecclesia synodum episcoporum sive cæterorum consacerdotum Dei fidelium congregatam habuissemus, et de ecclesiasticis statutis, ut sunt ab apostolis et a sanctis Patribus tradita, diligentius tractarem: supervenire litteræ vestræ, et ut magis essent auctoritativæ, etiam vivæ voces processerunt rogantes, ut ordinem præfationum quem sancta Romana Ecclesia hactenus haberet, nostris litteris vobis mandarem. Tunc de vestra voluntate, et studio tam bono multum gavisus sumus, sacrum ordinem Romanum, sacraque constituta nostrorum antecessorum solerter relegentes (*De cons., dist. 1, c. Invenimus has; sed titulo Gelasii*), invenimus has novem præfationes in sacro catalogo tantummodo receptas [recipiendas], quas longa retro vetustas in Romana Ecclesia hactenus servavit; id est unam in albis Paschalibus, aliam de Ascensione Domini, tertiam de Pentecoste, quartam de natali Domini, quintam de apparitione Domini, sextam de apostolis, septimam de sancta Trinitate, octavam de sancta cruce, nonam de jejunio in quadagesima tantum dicendam. Has præfationes tenet et custodit sancta Romana Ecclesia, has tenendas vobis mandamus.

CAP. 78. — *Epistola Gregorii ad Januarium episcopum de messe cujusdam exarata (Lib. vii Registri, indictione 2, epist. 1).*

(*Dist. 66, c. Tanta.*) Tanta autem nequitia ad aures meas de tua senectute pervenit, ut eam nisi adhuc humanitus pensarem, fixa jam maledictione ferirem. Dictum quippe mihi est, quod Dominico die, priusquam missarum solemnia celebrares, ad exarandam messem latoris præsentium perrexisti, et post exarationem ejus, missarum solemnia celebrasti. Post solemnia etiam terminos possessionis illius eradicare minime timuisti. Quod factum quæ pœna debuit insequi, omnes qui audiunt sciunt. *Item infra.* Et quidem pœnæ sententia in te fuerat jaculanda, sed quia simplicitatem tuam cum senectute novimus, interim tacemus. Eos vero, quorum consilio hæc egisti, in duobus mensibus excommunicatos esse decernimus, ita ut si quid eis intra duorum mensium spatium humanitus evenerit, benedictione viatici non priventur. Deinceps autem ab eorum consiliis cautus existe, te quoque sollicite custodi, ne si eis in malo discipulus fueris, quibus

magister in bono esse debuisti, nec simplicitati tuæ ulterius, nec senectuti parcamus.

CAP. 79. — *Quod diaconi non debeant servire modulationi vocis. (Item lib. iv Regist., cap. 88, sive epist. 44.)*

(*Dist. 92, c. In sancta.*) In hac sancta Romana Ecclesia cui divina dispensatio præesse me voluit, dudum consuetudo est valde reprehensibilis exorta, ut quidam ad sacrum altaris ministerium cantatores eligantur, et in diaconatus ordine constituti, modulationi vocis inserviant, quos ad prædicationis officium, et eleemosynarum studium vacare congruebat. Unde fit plerumque ut ad sacrum ministerium, dum vox blanda quæritur, quæri congrua vita negligatur, et cantor minister Domini [Deum], moribus stimulet, cum populum vocibus delectat. Qua de re præsentis decreto constituo ut in sede hac sacri altaris ministri cantare non debeant, solumque Evangelicæ lectionis officium inter missarum solemnia exsolvant. Psalmos vero ac reliquas lectiones conseo per subdiaconos, vel, si necessitas exigit, per minores ordines exhiberi. Si quis autem contra hoc decretum meum venire tentaverit, anathema sit.

CAP. 80. — *Quod potior usus Ecclesiæ sit tenendus. Gregorius Augustino (Anglorum episc., cap. 3).*

(*Dist. 12, c. Novit.*) Novit fraternitas tua Romanæ Ecclesiæ consuetudinem, in qua se meminit esse nutritam. Sed mihi placet, ut sive in Romana, sive in Gallicana, seu in qualibet Ecclesia aliquid invenisti, quod plus omnipotenti Deo possit placere, sollicite eligas, et in Anglorum Ecclesia quæ adhuc in fide nova est, institutione præcipuas, quæ de multis Ecclesiis colligere poteris infundas. Non enim pro locis res, sed pro rebus loca amanda sunt. Ex singulis ergo quibusque Ecclesiis quæ pia, quæ religiosa, quæ recta sunt elige, et hæc quasi in fasciculum collecta apud Anglorum mentes in consuetudinem depone.

CAP. 81. — *De numero missarum. Alexander papa.*

Sufficit sacerdoti missam unam in die una celebrare, quia Christus semel passus est, et totum mundum redemit. Non modica res est unam missam facere, et valde felix est qui unam digne celebrare potest. Quidam tamen pro defunctis unam faciunt, et alteram de die, si necesse sit. Nam quicunque pro pecuniis, aut adulationibus sæcularium, una die præsumunt plures facere missas, non existimo evadere condemnationem.

CAP. 82. — *De non abjiciendis a populo presbyteris conjugatis. Responsio Nicolai I papæ ad consulta Bulgarorum ad fidem conversorum, cap. 70.*

(*Dist. 28, c. Consulendum.*) Consulendum decernitis utrum presbyterum habentem uxorem debeat sustentare, et honorare, an a vobis projicere. In quo respondemus quoniam, licet ipsi sint valde reprehensibiles, vos tamen Deum convenit imitari, qui solem suum (ut Evangelium testatur) ortri facit super bonos et malos, et pluit super justos et injustos

(*Matth. v.*) Dejicere vero cum a vobis ideo non debetis, quoniam nec Judam Dominus, cum esset mendax discipulus, de numero apostolorum dejecit. Verum de presbyteris, vobis qui haeci estis, nec judicandum est, nec de vita illorum quidquam investigandum, sed episcoporum judicio quidquid id sit reservandum est.

CAP. 83. — *Quod polluti sacerdotes non polluant divina sacramenta. Item titulo II, cap. 5.*

Sciscitantibus vobis si a sacerdote qui sive deprehensus est in adulterio, sive de hac sola fama respersus est, debeatis communionem suscipere necne, respondemus: Non potest aliquis quantumcumque pollutus sit, sacramenta divina polluere, quæ purgatoria cunctarum contagionum existunt. Nec potest solis radius per cloacas et latrinas transiens, aliquid exinde contaminationis attrahere. Proinde qualiscunque sit sacerdos, quæ sancta sunt coquinari non possunt. Idcirco ab eo, usquequo episcoporum judicio reprobat, communio percipienda est, quoniam mali bona ministrando se tantummodo lædunt; et circa fax accensa sibi quidem detrimentum præstat, aliis vero lumen in tenebris subministrat, et unde aliis commodum exhibet, inde sibi dispendium præbet. Sumite ergo ab omni sacerdote intrepide Christi mysteria, quoniam omnia in fide purgantur. Fides est enim quæ vincit hunc mundum (*I Joan. v.*) Et quia non dantis meritum, sed accipientis fit, dicente beato Hieronymo: Ad credendum in omni anima baptismus est perfectus, et in omni sacerdote corpus est perfectum. Qui rursus sacræ Scripturæ concordans ait: *Priusquam audias, ne judicaveris quemquam* (*Eccli. xi.*), atque ante probationem accusationis illatæ neminem a tua communione suspendas, quia non statim qui accusatur reus est, qui convincitur criminis.

CAP. 84. — *De Simoniacis. Ex decretis Paschalis [Pascasii] papæ, cap. 18.*

Fraternæ mortis incurrit crimen, quisquis potest et fratrem a morte minime defendit. Nos quoque qui excellentiæ vestræ summum crimen audivimus, summam reatus poenam incurrimus si tacemus, Domino terribiliter attestante, quia profecto sanguinem fundit qui impietatem iniquorum tacendo dissimulat. Audivimus enim (quod valde miramur) quod sacri apud vos ordines pecuniis distrahuntur [*al.*, detrahuntur, forte, distribuuntur]. Dum quicumque tale aliquid attentaverint, omnino hæretici probentur, Spiritu sancto per Gregorium intimante, quia quisquis per pecunias ordinatur, ad hoc ut fiat hæreticus, promovetur. (*Greg., lib. iv, in Regist., cap. 99.*) Et ut hujus nostræ paginulæ non præsumptionis, sed timoris causam fuisse monstremus, beatus idem prosequitur: Quisquis contra Simoniacam et Neophytorum hæresim pro officii sui loco vehementer non arserit, cum eo senon dubitet habiturum portionem, qui prius commisit hoc periculosum flagitium [piaculare flagitium]. Quibus in verbis cum hæreticus ex Simoniacam et Neophytorum hæresi

expressatur, quod æterna morte dignissimum crimen sit, apertissime declaratur, divino oraculo per Augustinum protestante ac dicente: Firmissime tene et nullatenus dubites omnem hæreticum et schismaticum quamvis multas eleemosynas faciat, vel etiam pro Christo sanguinem fundat, cum diabolo et angelis ejus æterni ignis incendio mancipandum, nisi ante finem hujus vitæ, catholicæ Ecclesiæ fuerit incorporatus et redintegratus. (*Aug., lib. De fide ad Petrum, cap. 39.*) Hinc est quod Dominus vendentes et ementes de templo eiecit (*Matth. xxi.*) Dathan et Abiron ambientes terra deglutivit (*Núm. xvi.*) Simonemque tentantem Petrus damnavit (*Act. viii.*), omnes in eo Simoniacos ecclesiasticis jaculis perpetuo anathemate condemnavit. Et turpe nimium est, ut plenissimo vigore jam confirmata Ecclesia tan ferali inimico succumbat, de quo in primordiis sue infantie tanta virtute triumphabat. Si quis autem objecerit non consecrationes emi, sed res ipsas quæ ex consecratione proveniunt, penitus desipere præbatur. Nam cum corporalis Ecclesia, aut episcopus, aut abbas, tale aliquid sine rebus corporalibus et exterioribus in nullo proficiat, sicut nec anima sine corpore corporaliter vivit, quisquis horum alterum vendit, sine quæ nec alterum haberi provenit, neutrum vendere non derelinquit. Quam tamen objectionem sacer penitus canon exterminat, cum procuratorem vel defensorem Ecclesiæ, vel regulæ subiectum, adeo per pecunias ordinari prohibeat, ut mediatores quoque hujus sceleris anathematis macrone incidat. Quid plura? Si anathematizati, et excommunicati, et ut vere hæretici, Simoniaci et Neophyti, numero sunt fidelium Ecclesiæ separati, quis non videat, quod hujusmodi sacerdotum vel clericorum missæ, et orationes Dominum super populum ad iracundiam provocent, quem placari talibus credunt? Scriptum est enim: *Omne quod non est ex fide peccatum est* (*Rom. xiv.*), et veri sacrificii locus non est extra Ecclesiam catholicam. Unde et dicitur: *Hæreticum hominem post primam et secundam correctionem devota* (*Tit. iii.*). Quomodo ergo tales episcopos et abbates, vel reliquos clericos devitamus, si eorum missas audimus, cum quibus si vel simul oramus, excommunicationem subimus? Quos quidem sacerdotes esse, saltem credere, omnino errare est, cum Simon dicat Petrus: *Pecunia tua tecum sit in perditionem, quia existimasti donum Dei pecuniis possidere* (*Act. viii.*) Ubi cum dicitur existimasti, patet quod non pro eo quod fecerit, sed facere se posse crediderit condemnatur, cum tamen minus sit existimare quam credere, cum quidem hæreticum qualemcumque esse sit certa et indubitata damnatio. Quid valet Arianos, Sabellianos, Photinianos, impiosque Manichæos urbe pepulisse, si Simoniacam et Neophytorum hæresis, quæ ut beatus Gregorius dicit, ante omnes in sancta Ecclesia diabolica fraude subrepsit, quasi primam et maximam castitatem Ecclesiæ non solum corporali, sed animi pollutione contaminet? Igitur in Deum et propter Deum, ve-

stram excellentiam, et omnes fideles Christi rogamus et obtestamur, si habere in Christo partem cupitis, summopere instate, ut tam sæva pestis, quæ innumeros jam populos usquequaque sæviendo æterna morte damnavit, vestra auctoritate et exemplo penitus destruat. Ut ulterius (quod absit!) in Spiritu sancto peccare, neque hic neque in futuro sæculo remittatur (*Matth. xii*).

CAP. 85. — *Quod hostia intincta non sit porrigenda. Ex decretis Julii papæ.*

(*Eadem habentur supra, c. 41.*) Illud quod pro complemento communionis quidam intinctam trahunt eucharistiam populis, non hoc prolatum Evangelio testimonium repererunt, ubi apostolis corpus et sanguinem suum Dominus commendavit. Seorsum enim panis, et seorsum calicis commendatio commemoratur. Nam intinctum panem aliis præbuisse Christum non legimus, excepto illo tantum discipulo quem intincta buccella Magistri proditorem ostenderet (*Joan. xiii*), non quod hujus sacramenti institutionem signaret.

CAP. 86. — *Quibus non sunt dandæ reliquæ. Item ex 2 epistola Clementis papæ.*

(*De cons., dist. 2, c. Tribus.*) Præcipimus ne unquam extero Ecclesie, sive laico, de fragmentis oblationum Domini ad mensam ponatur. Unde scis tu qui passim sacrarii panes indignis impendis, unde nosti, si a mulieribus mundi sunt? Hinc et David ab Abimelech sacerdote interrogatus, cum panes sibi ad comedendum posceret, si mundus esset a muliere, cum se mundum a triduo prosteretur panes propositionis manducavit (*I Reg. xxi*).

CAP. 87. — *Non plus quam unam missam faciendam in die. Leo Dioscoro Alexandrino episcopo.*

Necesse est autem ut quædam populi pars sua devotione privetur, si unius tantum missæ servato more sacrificium offerre non possunt, nisi prima diei parte convenerint. Studiose ergo fraternitatem tuam familiariter almonemus, ut quod nostræ consuetudini, ex forma paternæ traditionis incedit, tua quoque cura non negligat, ut per omnia nobis fide et actibus congruamus. Propter quod, remeante filio nostro Possidonio presbytero, hanc ad dilectionem tuam epistolam dedimus perferendam, qui nostris professionibus atque actionibus frequenter interfuit, et toties ad nos missus, quid in omnibus apostolicæ sedis auctoritas teneret agnovit.

CAP. 88. — *Non esse committenda mysteria vexatis dæmone vel passione. Gelasius papa ejus nominis primus, cap. 21.*

(*Dist. 33, c. Usque adeo.*) Usque adeo sane comperimus illicita quæque prorumpere, ut dæmonibus aliisque passionibus irretitis mysteria sacrosancta tractare tribuatur. Quibus si in hoc opere positus aliquid propriæ necessitatis occurrerit, quis de sua ac fidelium salute confidat, ubi ministros ipsos curationis humanæ tanta perspexerit calamitate vexari? Atque ideo necessario removendi sunt, ne quibuslibet (pro quibus Christus mortuus est) scanda-

lum generetur infirmis. Postremo si corpore sauciati fortassis, aut debilem nequaquam sancta contingere lex divina permittit, quanto magis doni cælestis dispensatores esse non convenit, quod est deterius, mente percussos?

CAP. 89. — *Non esse sumendum corpus Domini sine calice. Gelasius Majorico et Joanni episcopis.*

(*De cons., dist. 2, c. Comperimus.*) Comperimus autem quod quidam in eadem regione sumpta tantum corporis sacri portione, a calice sacri cruoris abstineant. Qui præcul dubio, quoniam nescio qua superstitione docentur obstringi, aut integra sacramenta percipiant, aut ab integris arceantur, quia divisio unius ejusdem mysterii, sine grandi sacre regio non potest provenire.

CAP. 90. — *Nulli reprobo sacerdoti ad divini sacramenti mysteria accedendum esse. Gelasius Helpidio episcopo.*

(*1, q. 1, c. Sacrosancta.*) Sacrosancta religio quæ catholicam tenet [continet] disciplinam, tantam sibi reverentiam vindicat ut ad eam quilibet nisi sibi pura conscientia non audeat pervenire. Nam quomodo ad divini mysterii consecrationem cælestis Spiritus invocatus adveniet, si sacerdos, et qui eum adesse deprecatur, criminosis plenus actionibus reprobetur?

CAP. 91. — *Omnia figura crucis Christi sanctificari. Stephanus papa Stilianus, Anastasio, Eusebio, Joanni, Paulo, episcopis, etc.*

Nunquid non omnia charismata sacerdotalis ministerii crucis figura perficiuntur? Nunquidne baptismatis unda nisi cruce sanctificata peccata relaxat? Et, ut cætera prætereamus, sine crucis signaculo quis sacerdotii gradus ascendit?

CAP. 92. — *Nihil pro communicandis fidelibus exigendum esse. Ex sexta synodo Constantinopolitana III, cap. 25.*

(*1, q. 1, c. Nullus episcopus.*) Nullus episcopus, aut presbyter, aut diaconus, qui sacram dispensat communionem, a percipiente gratiam communionis aliquid pretium exigat. Neque enim venditur gratia, neque pro pretio gratiam Spiritus sancti damus; sed dignis munere sine defraudatione participamus [participare concedimus]. Si quis vero eorum qui connumerantur in clero exegerit ab eo cui sacram communionem dispensat, aliquid pretium, deponatur, sicut imitator Simoniacæ fraudis.

CAP. 93. — *Sacramenta Christi Ecclesie semper veneranda esse, quamvis a malis ministris administrantur. Augustinus de unico baptismo (contra Donat. lib. IV, cap. 4.)*

Aliud est non habere aliquid, aliud non jure habere, vel illicite usurpare. Non ideo itaque non sunt sacramenta Christi, et Ecclesie, quia eis illicite utuntur, non hæretici solum, sed etiam omnes iniqui et impii; sed tamen illi corrigendi aut puniendi, illa vero agnoscenda et veneranda sunt.

CAP. 94. — *Ibidem.*

Sicut autem urgeri videor cum mihi dicitur: Ergo hæreticus dimittit peccata; sic et ego urgeo, cum dico: Ergo qui cælestia mandata non servat, avarus,

raptor, fenerator, invidiosus, verbis sæculo non factis renuntians, dimittit peccata. Si per vim sacramenti Dei, sicut ille, ita et ille : si per meritum suum, nec ille, nec ille. Illud enim sacramentum et in malis hominibus Christi esse cognoscitur. *Item (ibidem).* Sic in hæresi baptizatus in nomine sanctæ Trinitatis, non fit tamen templum Dei si ab hæresi non recesserit, quomodo neque in avaritia in eodem nomine baptizatus fit templum Dei, si ab avaritia non recedat, quæ est idolorum servitus? *Item. (Cap. 5, ejusd. lib. dist. 8, c. Frustra. Vide parte 4, c. 235.) Frustra quidam qui ratione vincuntur, consuetudinem nobis obijciunt, quasi consuetudo sit major veritate, aut non id sit in spiritualibus sequendum, quod in melius fuerit a sancto Spiritu revelatum. Hoc plane verum est, quia si ratio et veritas consuetudini suffragatur, nihil oportet firmius retineri. Forte in populo Dei stat juxta te avarus, raptor, inhians rebus alienis, quem nosti talem, et fidelis est, vel potius fidelis vocatur, non eum potes de ecclesia pelere. Non habes aliquem aditum, castigando, et corripiendo corrigere. Accessurus est tecum ad altare, noli timere, unusquisque proprium onus portabit (Galat. vi). *Item. (Aug. lib. De unico baptismo contra Petilianum cap. 17.)* Quomodo, inquit, ferrem quem novi malum? Nonne melius ipsum ferres, quam te foras efferres? Ecce quomodo ferres, attenderes Apostolum dicentem : *Unusquisque proprium onus portabit*, liberaret te ista sententia. Non enim cum illo communicares avaritiam, sed communicares cum illo Christi mensam. Et quid tibi obesset si cum illo communicares Christi mensam? apostolus dicit : *Qui enim manducat et bibit indigne, judicium sibi manducat et bibit (I Cor. xi) : sibi, non tibi. (Aug. De verbis apostol. serm. 68.)* Sane si iudex es, si iudicandi potestatem accepisti, ecclesiastica regula si apud te accusatur, si veris documentis testibusque convincitur, coerce, corripe, excommunica, degrada. (11, q. 3, c. Omnis Christianus.) Omnis Christianus, dilectissimi, qui a sacerdotibus excommunicatur, Satanæ tradi dicitur (I Cor. v). Quomodo? Scilicet quia extra Ecclesiam est diabolus, sicut in Ecclesia Christus; ac per hoc quasi diabolo tradi dicitur, qui ab ecclesiastica communione removetur. Unde illos quos tunc Apostolus Satanæ esse traditos prædicat, excommunicatos a se esse demonstrat.*

CAP. 95. — *Non esse communicandum hypocritis et seductoribus populi. Bonifacius martyr Zachariæ papæ.*

(11, q. 3, c. Antecessor.) Antecessor enim prædecessoris vestri venerandæ memoriæ Gregorius, dum me indignum ordinavit, et ad prædicandum verbum Dei Germanicis gentibus misit, fidei sacramento me constrinxit ut canonicis et justis episcopis et presbyteris in verbo facto et consensu astipulator et adjutor fierem : hoc autem cum divina gratia implere studui; falsos autem sacerdotes hypocritas et seductores populorum, vel corrigerem ad viam salutis, vel declinarem et abstinere a communione

A ipsorum, quod ex parte servavi, et ex parte custodire et implere non potui, sed spiritualiter implevi sacramentum, quia in consensum, et in consilium illorum non venit anima mea, corporaliter autem ab eis omnino abstinere non potui. Dum venissem ad principem Francorum, cogente Ecclesiarum necessitate, non tales ibi reperi quales volui, sed tamen in sancta communione corporis Christi illis non communicavi.

CAP. 96. — *Nulli esse detrimentum conversari cum seductoribus et pseudopresbyteris corpore, si non consenserit voluntate. Zacharias papa Bonifacio martyri.*

(11, q. 2, c. Quod prædecessor.) Quod prædecessor noster beatæ memoriæ Gregorius hujus sedis apostolicæ præsul, dum ad prædicandum verbum Evangelii tuam misisset fraternitatem in Germaniæ partibus et gentibus illis paganis, verbo pollicitationis illam voluit ante esse munitam, ita ut orthodoxos episcopos, presbyteros vel quoscunque reperire potuisses in verbo exhortationis perfectos, amplius confirmares, et eis communicares, quod et factum est : si quos vero seductores episcopos, aut pseudopresbyteros, vel quosque alios a recto fidei tramite deviantes reperisses, nulla tibi cum eis esset communio, quod te solo Deo solante [solatiante] usque ad præsens spiritualiter servasse confessus es. Vel si omnino propter principalem, et humanum favorem gentis Francorum, dum ad eos accessisses, corporaliter abstinere non valuisti, cogente necessitate Ecclesiarum Dei, et tamen in eorum consilio et consensu communionis anima tua non est coinquinata. Itaque propter hoc, quod cum eis conversatus es, non consentiens iniquitati eorum, nullum tibi est detrimentum coram Deo.

CAP. 97. — *Sacramentum quod offertur ab impiis, sibi obesse, non his pro quibus offertur. Augustinus, libro II contra epistolam Parmeniani, cap. 5.*

(1, q. 1, c. Per Isaiam.) Per Isaiam Dominus dicit : *Facinorosus qui sacrificat mihi vitulum, quasi qui canem occidat; et qui ponit similaginem, quasi qui sanguinem porcinum; et qui offert thus, quasi qui benedicat idolo (Isa. LXVI). Post pauca : Quilibet ubilibet offert sacrificium tale, corde, vel factis, hæc non audire mereatur, perniciem sibi infert, non illis bonis qui accipiunt ab eis sacramenta eadem, qui secundum prophetam Ezechielem gemunt et moerent peccata et iniquitates (Ezech. iv), quæ fiunt in medio eorum, quamvis se non inde corporaliter separant. *Ibidem, cap. 6.* Sacrificia impiorum, eis ipsis oberunt, qui offerunt impie. Nam unum atque idem est sacrificium propter nomen Domini quod invocatur, et semper sanctum est, et tale cuique sit, quali corde ad accipiendum accesserit, *Qui enim manducat et bibit indigne, judicium sibi manducat et bibit (I Cor. xi).* Non ait aliis, sed sibi. *Et infra. (Cap. 10 ejusd. libri.)* Hoc pene in omnibus talibus quæstionibus intelligendum admonemus; quia scilicet omnia sacramenta cum obsint indigne tractantibus,*

presunt tamen per eos digne sumentibus. *Ac infra.* A (Cap. 11. *ejusd.*) Spiritus sanctus in Ecclesiæ præposito vel ministro sic inest, ut si fictus non est, operetur per eum Spiritus sanctus, et ad ejus mercedem in salutem sempiternam, et eorum regenerationem vel ædificationem, qui per eum sive consecrantur, sive evangelizantur. Si autem fictus est, quoniam verissime scriptum est : *Spiritus sanctus disciplinæ fugiet fictum* (Sap. 1); deest quidem saluti ejus, ut auferat se a cogitationibus quæ sunt sine intellectu : ministerium tamen ejus non deserit, quo per eum salutem operatur aliorum. (Cap. 13 *ejusd.*) *Infra.* (1, q. 1, c. *Quod quidam.*) Utrumque sacramentum est, et quadam consecratione utrumque homini datur, illud cum baptizatur, illud cum ordinatur : ideoque in catholica utrumque non licet iterari. Nam si B quando ex ipsa parte venientes etiam præpositi, pro bono pacis, correcto schismatis errore suscepti sunt; et si visum est esse, ut eadem officia gererent quæ gerebant, non sunt rursus ordinandi : sed, sicut baptismus in eis, ita ordinatio mansit integra; quia in præcisione fuerat vitium, quod unitatis pace correctum est, non in sacramentis, quæ ubicunque sunt, ipsa vera sunt. Et cum expedire Ecclesiæ judicatur, ut præpositi eorum venientes ad catholicam societatem honores suos ibi non administrent, non eis tamen ipsa ordinationis sacramenta detrahuntur; sed manent super eos, ideoque non eis in populo manus imponitur, ne non homini, sed ipsi sacramento fiat injuria. *Infra.* (Paulo post in eodem c.) De his qui ab Ecclesiæ catholicæ unitate separati sunt, nulla jam quæstio est, quin et habeant et dare possint, et quin pernicioso habeant, pernicioseque tradant extra vinculum pacis. *Et infra.* (Post aliquot versus.) Neutri sacramento injuria facienda est. *Infra.* Sicut non recte habet qui ab unitate discedit, sed tamen habet, et ideo redeunt non redditur; sic etiam non recte dat, qui ab unitate discedit, sed tamen dat, et ideo quod ab eo accepit venienti ad unitatem non iteratur. *Infra.* Sicut redeunt non redditur, quod et foris habebat; sic venienti non repetendum est, quod foris acceperat. Unde consequenter intelligitur, perversitatem hominum esse corrigendam, sanctitatem autem sacramentorum in nullo perverso esse violandam. Constat enim eam in perversis hominibus et sceleratis, sive in eis qui intus sunt, sive in eis qui foris, impollutam atque inviolabilem permanere : sed in bonis permanent ad præmium, in malis permanent ad iudicium. *Infra.* (Cap. 19 *ejusdem.*) Quodo. Catholici non clarificant Dominum qui sacramenta ejus tam debita veneratione prosequuntur, ut ea si etiam ab indignis tractata fuerint, illis sua perversitate damnatis, illa intemerata sanctitate permanere demonstrantur. (Aug. contra epistolam Parmeniani lib. III, c. 2, 25.) *Infra.* (Q. 4, c. *Cum quisque.*) Cum quisque fratrum, id est Christianorum in Ecclesiæ societate constitutorum, in aliquo tali peccato fuerit deprehensus, ut anathemate dignus habeatur, fiat hoc, ubi periculum schismatis nullum

est, atque id cum ea dilectione de qua ipse (Paulus) alibi præcipit dicens, ut *inimicum eum non existimetis, sed corripite ut fratrem* (II Thess. III). *Infra.* (Eodem cap.) Quando ita cujusquam crimen notum est omnibus, et omnibus execrabile apparet, ut vel nullos prorsus vel non tales habeat defensores, per quos possit schisma contingere, non dormiat severitas disciplinæ.

CAP. 98. — *Aliorum immunditiam mundis obesse non posse.* Augustinus contra Petilianum in dialogo (lib. II contra litteras Petiliani, cap. 30).

(1, q. 1, c. *Dominus.*) Dominus declaravit in uno cœtu hominum eadem sacramenta sumentium, aliquorum immunditiam mundis obesse non posse. Item Petilianus dixit : Aut si quisquam carmina sacerdotis memorialiter teneat, nunquid inde sacerdos est, quod ore sacrilego carmen publicat sacerdotis ?

CAP. 99. — *De eodem. Responsio Augustini.*

Ita istud dicis, quasi modo quæramus, quis sit verus sacerdos, et non quid sit verum baptisma. Ut enim quisque sit verus sacerdos, oportet ut non solo sacramento, sed justitia quoque induatur, sicut scriptum est : *Sacerdotes tui induantur justitiam* (Psal. CXXXI). Qui autem solo sacramento sacerdos est, sicut fuit pontifex Caïphas persecutor unius et verissimi Sacerdotis, quamvis ipse non sit verax, quod dat tamen verum est, si non det suum, sed Dei. *Item paulo post.* Si ergo Apostolus, nescio cuius alienigenæ testimonium, quia verum comperit, etiam ipse attestatus est; cur nos apud quemlibet invenerimus quod Christi est, et verum est, etiam si ille apud quem invenitur, perversus et fallax est, non discernimus vitium quod homo habet, et veritatem, quam non suam, sed Dei habet : et dicimus : Sacramentum hoc verum est; sicut ille ait : Testimonium hoc verum est : nunquid ideo dicimus etiam, ipse homo verax est, quia dicimus, Sacramentum hoc verum est? *Item eodem cap.* Vos autem necesse est, ut semper erretis quandiu propter hominum vitia, Dei sacramenta violatis, aut nos propter Dei sacramenta, quæ in vobis violare nolumus, etiam vestri schismatis sacrilegium assumere putatis. *Item.* (Aug. c. 35 *ejusd. libri.*) Baptismi ergo puritas, a puritate vel immunditia conscientiæ sive dantis, sive accipientis omnino distincta est. *Item.* (Cap. 47 *ejusdem.*) Memento sacramentis Dei nihil obesse mores malorum hominum, quo illa vel omnino non sint, vel minus sancta sint. *Item.* (Cap. 48 *ejusdem.*) Si non habebat Saul sacramenti sanctitatem, quid in eo David venerabatur? Si autem habebat innocentiam, quare innocentem persequabatur? Nam eum propter sacrosanctam unctionem et honoravit vivum, et vindicavit occisum : et quia vel panniculum ex ejus veste præscidit, percusso corde trepidavit. Ecce Saul non habebat innocentiam, et tamen habebat sanctitatem non vitæ suæ (nam hæc sine innocentia esse non potest), sed sacramenti Dei, quod et in malis hominibus sanctum est. *Item.* (Cap. 49 *ejusdem.* 23, q. 5, c. *Tu dixisti.*) Tu dixisti, laqueo traditor

perit, haecum talibus dereliquit. Hoc ad nos omnino non pertinet; neque enim veneramur nomine martyrum eos qui sibi collum ligaverunt. *Item.* (*Aug. cap. 52, lib. 11 contra litteras Petitioni.*) Nos dicimus tale cuique fieri sacrificium, qualis accedit, ut offerat, et qualis accedit ut sumat, et eos de sacrificiis talium manducare, qui ad illam tales accedunt quales et illi sunt. Itaque si offerat Deo malus, et accipiat inde bonus, tale cuique est, qualis quisque fuerit, quia et illud scriptum est: *Omnia manda mundis* (*Tit. 1*). Per hanc sententiam veridicam et catholicam etiam vos optati sacrificio non estis polluti, si facta ejus displicebant vobis. Nam utique panis illius panis luctus erat, sub cujus iniquitatibus Africa tota lugebat, sed panem luctus omnibus vobis communem esse, omnium vestrum malum schismatis facit. *Item.* (*Cap. 54 ejusdem lib.*) Gratias Deo, quia tandem confessus es, posse valere invocatum nomen Christi ad aliorum salutem, etiamsi a peccatoribus invocetur. Hinc ergo intelligite cum Christi nomen invocatur, non obesse aliorum salutis aliena peccata.

CAP. 100. — *Quanta sit dignitas ordinis sacerdotalis. In libro questionum Veteris Testamenti, cap. 11.*

(*1, q. 1, c. Dictum est.*) Dictum est a Domino in Numeris ad Moysen et Aaron (*Nam. vi*): Vos ponite nomen meum super filios Israel, ego Dominus benedicam eos, ut gratiam traditio per ministerium ordinati transfundat hominibus, nec voluntas sacerdotis obesse aut prodesse possit, sed meritum benedictionem poscentis. Quanta autem dignitas sit ordinis sacerdotalis, hinc advertamus. Dictum est autem de nequissimo Caipha interfectore Salvatoris inter cetera (*Joan. vi*): Hoc autem a semetipso non dixit, sed cum esset princeps sacerdotum anni illius, prophetavit. Per quod ostenditur Spiritum sanctum gratiarum, non personam sequi digni aut indigni, sed ordinem traditionis: ut quamvis aliquis boni meriti sit, non possit tamen benedicere, nisi fuerit ordinatus, ut officium ministerii exhibeat. Dei autem est effectum tribuere benedictionis.

CAP. 101. — *Quod separatus ab Ecclesia quamvis laudabiliter vivat, vitam habere non possit. Item in epistola concilii ad Donatistas.*

Quisquis a catholica Ecclesia fuerit separatus, quantumlibet laudabiliter vivere se aestimet, hoc solo scelere quod a Christianitate disjunctus est, non habebit vitam, sed ira Dei manet super eum. Quisquis autem in hac Ecclesia bene vixerit, nihil ei praedjudicant peccata aliena: quia unusquisque in ea proprium onus portabit, sicut Apostolus ait (*Galat. vi*). Ergo communio malorum non maculat quemquam participatione sacramentorum, sed consensio factorum. Nam si in malis factis non eis quisque consentiat, portat malus causam suam et personam suam, nec praedjudicat alteri, quem in confessione mali operis socium non habet criminis.

A CAP. 102. — *Quod duobus modis non maculant mali cohabitantes, si non consentiat, et si redarguat. Idem De verb. Dom. serm. 18.*

A malis corde semper disjungimini ad tempus, caute corpore copulamini. (*Paulo post.*) Duobus modis non te maculat malus, si non consentias et si redarguas, hoc est non communicare, non consentire. Communicatur quippe, quando factio ejus consortium voluntatis, vel approbationis adjungitur. (*Post aliquot versus*). Neque ergo consentientes sitis malis, ut approbetis: neque negligentes, ut non arguatis: neque superbientes, ut insolenter [insultanter] arguatis.

CAP. 103. — *Quomodo intelligendum sit, Exite de medio eorum, et immundum ne tetigeritis. Ibidem.*

B *Recedite, exite inde, et immundum ne tetigeritis* (*Isa. l.ii*), sed cum tactu cordis, non corporis. Quid enim est tangere immundum, nisi consentire peccatis? Quid est exire inde, nisi facere quod pertinet ad correctionem illorum, quantum pro uniuscujusque gradu atque persona salva pace fieri potest? Displicuit tibi quod quisquam peccaverit, non tetigisti immundum: redarguisti, corripuisti, monuisti, adhibuisti etiam (si res exigit) congruam et quam unitatem non violet, disciplinam, existi inde. Clamavit ista Moyses, clamavit Isaias, clamavit Jeremias, clamavit Ezechiel. Videamus si dimiserint populum Dei, et se ad gentes alias transtulerint. Quam multa et quam vehementer Jeremias increpavit in peccatores et sceleratos populi. Inter eos tamen erat, unum cum illis templum intrabat, eadem sacramenta celebrabat, in eadem sceleratorum hominum congregatione vivebat: sed clamando exibat inde. Hoc est ergo exire inde, hoc est immundum non tangere, et voluntate non consentire, et ore non parcere.

CAP. 104. — *Quid sit dicere verbum contra Spiritum sanctum. Item in sermone De verbis Domini.*

(*Serm. 11, sub finem.*) Ita dicitur verbum contra Spiritum sanctum, cum ex dispersione ad congregationem nunquam venit, quæ ad remittenda peccata accepit Spiritum sanctum. Ad quam congregationem etiamsi per malum clericum, sed tamen catholicum, ministrum reprobum et fictum, aliquis accesserit corde non ficto, in ipso Spiritu sancto accepit remissionem peccatorum: qui spiritus in Ecclesia hac etiam in isto tempore, quo velut area cum palca trituratur, sic operatur ut nullius veram confessionem aspernetur, nullius simulatione fallatur, atque ita reprobos fugiat, ut etiam per eorum ministerium probos colligat.

CAP. 105. — *Dona Dei pervenire ad eos qui cum fide accipiunt, etiamsi talis sit per quem accipiunt qualis Judas fuit. Augustinus in expositione Psalmi x.*

(*1, q. 1, c. Christus.*) Christus quid fecit vobis, qui traditorem suum tanta patientia pertulit, ut ei primum Eucharistiam confectam manibus suis, et ore suo commendatam, sicut cæteris apostolis traderet (*Matth. xxvi; Joan. xiv*). Quid vobis fecit Christus, qui eundem traditorem suum quem diabolum

nominavit, qui ante traditionem Domini nec loculis Dominicis fidem potuit exhibere (*Joan. vi*), cum cæteris discipulis ad prædicandum regnum celorum misit (*Joan. xii et xiii*), nisi ut monstraret dona Dei pervenire ad eos, qui cum fide accipiunt, etiamsi talis sit per quem accipiunt, qualis Judas fuit?

CAP. 106. — *Non minus ream esse eum qui Verbum Dei negligenter audierit, quam eum qui corpus Christi ad terram sua negligentia cadere permiserit. Item August., lib. quinquaginta Homiliarum, hom. 26.*

(1, q. 1, c. *Interrogo.*) Interrogo vos, fratres et sorores, dicite mihi quid vobis plus esse videtur corpus Christi, an verbum Christi? Si vultis verum respondere, hoc dicere debetis, quod non sit minus verbum Dei, quam corpus Christi. Et ideo quanta sollicitudine observamus, quando nobis corpus Christi ministratur, ut nihil ex ipso de manibus nostris in terram cadat: tanta sollicitudine observamus, ne verbum Dei, quod nobis erogatur, dum aliud aut cogitamus aut loquimur, de corde nostro deperat, quia non minus reus erit, qui verbum Dei negligenter audierit, quam ille qui corpus Christi sua negligentia in terram cadere permiserit.

CAP. 107. — *Non posse rite offerri, nisi per sacerdotem justum et sanctum. Idem.*

(1, q. 1, c. *Neque potest rite.*) Neque enim id potest rite offerri, nisi per sacerdotem justum et sanctum, nec nisi ab eis accipiatur quod offertur pro quibus offertur, atque id sine vitio sit, ut pro vitiosis mundanis possit offerri. Hoc certe omnes cupiunt, qui pro se offerri sacrificium Deo volunt.

CAP. 108. — *Quod Deus odit et a se projicit festivitates hæreticorum. Hieronymus in Amos prophetam.*

(*In c. v Amos. 21, q. 1, c. Odi.*) Odi et projeci festivitates vestras, et non capiam odorem cæturæ vestrorum. Quod si obtuleritis mihi holocaustomata et munera vestra, non accipiam, et vota pinguium vestrorum non respiciam. Odit autem Deus, et non solum odit, sed projicit festivitates eorum, qui non celebrant festivitates Dei, sed suas. Et post pauca. Odit Deus sacrificia hæreticorum, et a se projicit, et quotiescunque sub nomine Dei fuerint congregati, detestatur fetorem eorum, et claudit nares suas. Odisse autem, et non odorari, et projicere, humana loquitur similitudine, ut nos affectum Dei nostris sermonibus agnoscamus. Et si holocausta obtulerent ut videantur jejunare, dare eleemosynas, pudicitiam polliceri, quæ holocausta sunt vera, non ea suscepit Dominus. Non sacrificiorum magnitudinem, sed offerentium merita causasque diducit. Unde et vidua quæ in carbonam duo minuta miserat, omnibus a Salvatore præfertur (*Luc. xxi*), quia Dominus non ea quæ offeruntur, sed, voluntatem respicit offerentium.

CAP. 109. — *Quod apud Deum non sententia sacerdotum, sed vita reorum quæritur. Item super Matthæum, cap. 16.*

Quæcunque ligaveritis super terram, et cætera.

A Istum locum episcopi et presbyteri non intelligentes, aliquid sibi de Phariseorum assumunt supercilio, ut vel damnent innocentes, vel solvere se noxios arbitrentur, cum apud Dominum non sententia sacerdotum, sed reorum vita quæretur.

CAP. 110. — *Quod sacerdotes sine macula accedere debent ad sacrificium. Item in Sophoniam, cap. 3.*

(1, q. 1, c. *Sacerdotes.*) Sacerdotes qui Eucharistiæ serviunt, et sanguinem Domini populis ejus dividunt, impie agunt in legem Christi, putantes Eucharistiæ imprecantis facere verba, non vitam: et necessariam esse tantum solemnem orationem, et non sacerdotum merita, de quibus dicitur (*Lev. xxi*): Et sacerdos in quacunque fuerit macula, non accedet offerre oblationes Domino.

B CAP. 111. — *De Pascha et Quadragesima, quonodo celebranda sint. Beatus Augustinus in libro Responsionum ad Januarium.*

(*Epistol. num. 119, cap. 15.*) In Scripturis quidem

veteribus ad agendum Pascha non est præceptum tempus, nisi ex mense novorum luna decima quarta usque ad vigesimam primam. Ex Evangelio tamen quia manifestum est quo etiam die Dominus crucifixus sit, et in sepultura fuerit, et resurrexit, adjuncta est etiam ipsorum dierum observatio per Patrum concilia, et orbi universo Christiano persuasum, eo modo Pascha celebrari oportere. Quadragesima jejuniorum habet auctoritatem et in veteribus libris ex jejuniis Moysi et Eliæ (*Reg. xix; Exod. x*), et ex Evangelio, quia totidem diebus Dominus jejunavit, demonstrans Evangelium non dis-

C sentire a lege et prophetis (*Matth. iv*). In persona quippe Moysi lex, in persona Eliæ prophetæ accipiuntur. Inter quos in monte gloriosus apparuit Dominus, ut evidentius emineret, quod de illo dicit Apostolus: Testimonium habens a lege et prophetis. In qua ergo parte anni congruentius observatio Quadragesimæ constitueretur, nisi confinis atque contigua Dominicæ passioni? quia in ea significatur hæc vita laboriosa, cui opus est hac continentia, ut ab ipsius mundi amicitia jejunetur, quæ utique fallaciter blandiri, et illecebrarum succos circumspargere, atque jacere non cessat.

CAP. 112. — *Quod homo jejunos sumere debet corpus Domini. Item Aug., epistol. 118, ad Januarium.*

(*De cons. dist. 1, c. Liquido, et P. Lomb. lib. iv, dist. 8, § c.*) Liquido apparet quando primo acceperunt discipuli corpus et sanguinem Domini, non eos accepisse jejunos. Nunquid tamen propterea calumniandum est universæ Ecclesiæ, quod a jejunis semper accipitur? Ex hoc enim placuit Spiritui sancto, ut in honorem tanti sacramenti prius in os Christiani Dominicum corpus intraret, quam cæteri cibi. Nam ideo per universum orbem mos iste servatur. Neque enim quia post cibos dedit Dominus. propterea pransi aut cœnati fratres ad illud sacramentum accipiendum convenire debent, aut sicut faciebant quos Apostolus arguit, et emendat, mensis suis ista miscere. Namque Salvator quo vehementius commendaret mysterii illius altitudinem,

ultimum hoc voluit infligere cordibus, et memoriæ A
discipulorum, a quibus ad passionem digressurus
erat. Et ideo non præcepit quo deinceps ordine su-
meretur, ut apostolis per quos Ecclesias dispositu-
rus erat, servaret hunc locum. Nam si hoc ille mo-
nuisset, ut post cibos alios semper acciperetur,
credo quod eum morem nemo variasset [mutasset].
Cum vero ait Apostolus de hoc sacramento loquens
(*I Corinth. xi*): Propter quod, fratres, cum convenitis
ad manducandum, invicem expectate : si quis esurit,
domi manducet, ut non ad iudicium conveniatis :
statim subtexit : *Cætera autem, cum venero, ordi-*
nabo. Unde intelligi datur, quia multum erat, ut in
epistola totum illis agendi ordinem insinuaret, quem
universa per orbem servat Ecclesia, ab ipso ordina-
tam esse, quod nulla horarum diversitate variatur
[morum varietate mutatur].

CAP. 113.—*Quod omnibus pro quibus fiunt non pro-*
sunt oblationes, et obsecrationes, sed his tantum
quibus dum vivunt, comparantur ut prosint. Item
ex libro pro Defunctis secundo

(*August., lib. De cura pro mort. agend., cap. 18.*)

Non æstimemus ad mortuos pro quibus curam gerimus
pervenire, nisi quod pro eis sive altaris, sive
orationum, sive elemosynarum sacrificiis solemniter
supplicamus : quamvis non pro quibus fiunt omni-
bus prosint, sed his tantum pro quibus dum vi-
vunt, comparatur, ut prosint. Sed quia non discer-
nimus qui sint, oportet ea pro regeneratis omnibus
facere, ut nullus eorum prætermittatur, ad quos hæc
beneficia possint et debeant pervenire. Melius enim
semper erunt ista his quibus nec obsunt, nec pro-
sunt, quam eis deerunt quibus prosunt : diligentius
tamen facit hoc quisque pro necessariis suis, quod
pro illo fiat similiter a suis. Corpori autem humano
quidquid impenditur non est præsidium salutis, sed
humanitatis officium, secundum affectum quo nemo
unquam carnem suam odio habuit. Unde oportet,
ut quam potest pro carne proximi curam gerat, cum
ille inde recesserit qui gerebat : et si hæc facient
qui carnis resurrectionem non credunt, quanto magis
debent facere qui credunt? ut corpori mortuo,
sed tamen resurrecturo, et in æternitate mansuro
impensum huiusmodi officium sit etiam quodam-
modo ejusdem fidei testimonium. Quod vero quisque
apud memorias martyrum sepelitur, hoc tantum
nihil videtur prodesse defuncto, ut commendans
eum etiam martyrum patrocinio, affectus pro illo
supplicationis augeatur.

CAP. 114.—*Toties communicandum esse presbytero,*
quoties missam in una die celebraverit. Ex concilio
Toletano XII, cap. 5.

(*De cons., dist. 2, c. Relatum est.*) Relatum est
nobis quosdam ex sacerdotibus non tot vicibus com-
munionis sanctæ gratiam sumere, quot sacrificia
una die videntur offerre, sed in una die si plurima
per se Deo offerant sacrificia, in omnibus se obla-
tionibus a communione suspendunt, et in sola tan-
tum extremi sacrificii oblatione, communionis san-

ctæ gratiam sumunt : quasi non sit toties illi vero
et singulari sacrificio participandum, quoties cor-
poris et sanguinis Domini nostri Jesu Christi immo-
lato facta constiterit. Nam ecce ait Apostolus :
Nonne qui edunt hostias participes sunt altaris?
(*I Cor. x.*) Certum est quod hi qui sacrificantes
non edunt, rei sunt Dominici sacramenti. Quicumque
ergo sacerdotum deinceps divino altario sacrificium
oblaturus accesserit, et se a communione suspen-
derit, ab ipsa qua se indecenter privavit gratia com-
munionis, anno uno repulsum se noverit. Nam quale
illud erit sacrificium, cujus nec ipse sacrificans par-
ticeps esse cognoscitur? Ergo modis omnibus tenen-
dum, ut quotiescunque sacrificans corpus et san-
guinem Domini nostri Jesu Christi in altari immolat,
toties perceptionis corporis et sanguinis Christi par-
ticipem se præbeat.

CAP. 115.—*Nihil pro balsamo exigendum esse,*
cap. 4.

Placuit ut parum balsami quod benedictum pro
baptismi sacramento per ecclesias datur, quia a sin-
gulis tremisses pro ipso exigi solent, nihil ulterius
exigatur, ne forte quod pro salute animarum per
invocationem sancti Spiritus consecratur, sicut
Simon Magus Jonum Dei pecunia voluit emere
(*Act. viii*), ita nos venundantes damnabiliter venun-
demur.

CAP. 116.—*Timendum esse, ne sicut in Heli,*
propter vitia sacerdotum, sanctuarium Dei desti-
tuatur. Idem in Epistola ad hominem qui se dicit
pœnitentem in sæculo conversantem.

Heli sacerdos sanctus fuit, sed habuit filios qui,
ut in Hebræorum voluminibus legimus (*I Reg. iv*),
fornicabantur cum mulieribus in tabernaculo Dei, et
in similitudinem tui impudenter sibi Dei ministe-
rium vindicabant. Unde et locus tabernaculi ipso
subversus est, et propter vitia sacerdotum, Dei
sanctuarium destitutum est, quanquam et ipse Heli
dum est nimium lenis in filios, offendit Deum : tan-
tamque habeat potestatem te episcopi tui justitia
liberare, ut timendum sit ne propter te de solio suo
corruens, pereat insanabilis. Oza levites arcam Do-
mini, quam portare ipse debuerat, quasi ruentem
sustentare voluit, et percussus est (*II Reg. vi*). Quid
de te futurum putas, qui stantem arcam Domini
præcipitare conatus es? Quanto episcopus qui te
ordinavit probabilis est, tanto tu amplius detestan-
dus, quod talem hominem feceristi. Solemus mala
nostra scire novissimi, ac liberorum, ac conjugum
vitia, vicinis canentibus ignorare. Noverat te omnis
Italia, universi ante altare Christi stare ingemiscen-
bant, nec tu tam callidus eras, ut prudenter tua vitia
celares, sic æstuabas, sic sudantem te, et lascivien-
tem huc atque illuc rapiebat voluptas, ut quasi
quosdam triumphos, palmamque vitorum, de exple-
tis libidinibus sublevaras.

CAP. 117.—*Ut nullus presbyter absque sacerdotibus*
vestimentis missam celebret. Ex concilio Remensi,
cap. 4.

(*Burchardus, lib. II, cap. 50.*) Ut nullus presbyter

absque amictu, alba et stola, et fanone, et casula, ullatenus præsumat missam celebrare, et hæc sacra vestimenta mundissima sint, et in nitido loco infra ecclesiam collocentur : nec unquam presbyter his indutus extra ecclesiam exeat, quia hoc divina lex prohibet.

CAP. 118. — *Ut omnis presbyter in sua ecclesia Dominicis diebus aquam benedicat. Ex concilio Nannetensi, cap. 5.*

Omnibus diebus Dominicis quisque presbyter in sua ecclesia ante missarum solemniam aquam benedictam faciat in vase mundo, et tanto mysterio [ministerio] convenienti ; de aqua populus intrans ecclesiam aspergatur : et atrium ejusdem ecclesie cum crucibus circumeundo similiter aspergatur, et pro animabus ibidem quiescentibus oret. Et qui voluerit in vasculis suis accipiat ex ipsa aqua, et per mansiones, et agros, et vineas, super pecora quoque sua, atque super pabula eorum, nec non super cibos et potum suum, conspergat.

CAP. 119. — *Ut missæ peculiare in diebus solemnibus non fiant. Ex dictis Augustini.*

Et hoc attendendum est, ut missæ peculiare, quæ per dies solemnes a sacerdotibus fiunt, non ita in publico fiant, ut per eas populus a publicis missarum solemnibus, quæ hora tertia canonicè fiunt, abstrahatur : quia pessimus usus est apud quosdam in Dominicis diebus, sive in quibuslibet festivitibus mox missam celebrare, quamvis et si pro defunctis sit, cum audierit abscedat : et per totum diem a primo mane ebrietati et comessationi potius quam Deo deserviat. Admonendus est populus, ut ante publicum peractumque officium ad cibum non accedat, sed omnes publica ad sanctam matrem Ecclesiam missarum solemniam, et prædicationem audiri convenient. Et ut sacerdotes missas celebrent hora tertia, ut populus a publicis solemnibus non abstrahatur. Sed et sacerdotes qui in circuitu urbis sunt, aut in eadem urbe, et populus (ut prædiximus) in unum ad publicam missarum celebrationem conveniant : exceptis Deo sacris feminis, quibus mos est ad publicum non egredi, sed claustris monasterii [clausis monasteriis] contineri

CAP. 120. — *Ut omnes presbyteri in diebus festis admoneant populos quas preces fundere debeant. Ex concilio Aurelianensi, cap. 8.*

Oportet ut in diebus Dominicis vel festis post sermonem missarum intra solemniam habitum, plebem sacerdos admoneat, ut juxta apostolicam institutionem, omnes in commune pro diversis necessitatibus preces fundant ad Dominum, pro rege, et episcopis, et rectoribus Ecclesiarum, pro pace, pro peste, pro infirmis qui in ipsa parochia lecto decumbant, pro nuper defunctis, in quibus singulatim precibus orationem Dominicam sub silentio dicat. Sacerdos vero orationes ad hoc pertinentes per singulas admonitiones solemniter expleant. Post hæc sacra celebretur oblatio. Ait enim Apostolus : *Obsecro primum omnium fieri orationes, etc. (I Tim. ii.)*

CAP. 121. — *Ut presbyteri plebes admoneant, ut bubulcos atque porcarios in principalibus festis ad missam venire permittant. Ex concilio Rothomag. cap. 5.*

(*Burchardus, lib. ii, cap. 71.*) Admonere debent sacerdotes plebes subditas sibi, ut bubulcos, atque porcarios, et alios pastores vel aratores, qui in agris assidue commorantur, vel in silvis, et ideo more pecudum vivunt, in Dominicis et in aliis festis diebus saltem vel ad missam faciant vel permittant venire. Nam et hos Christus pretioso sanguine suo redemit. Quod si neglexerint, pro animabus eorum absque dubio rationem se reddituros scient. Siquidem Dominus veniens in hunc mundum non elegit honoratioribus atque nobilioribus quosque, sed piscatores atque idiotas sibi discipulos ascivit, ut ostenderet in facto quod ipse verbis in Evangelio affirmat dicens : Quod hominibus est altum, abominabile est apud Deum (*Luc. xvi*). Et salva altiori intelligentia, nativitas nostri Redemptoris primo omnium pastoribus ab angelo nuntiatur (*Luc. ii*).

CAP. 122. — *De alterius presbyteri parochiano. Ex concilio Nannetensi, cap. 19.*

(*16, q. 1, c. Cunctis fidelibus.*) Ut Dominicis vel festis diebus presbyteri antequam missas celebrent plebem interrogent, si alterius parochianus in ecclesia sit qui, proprio contempto presbytero, ibi velit missam audire. Quem si invenerint, statim ab ecclesia ejiciant, et ad suam parochiam redire compellatur. Similiter interrogent si aliqui discordantes sint, qui inter se litem implacabilem habeant : et si inventi fuerint statim reconcilientur. Quod si noluerint pacem suscipere, ab ecclesia ejiciantur usquequo ad charitatem redeant. Non enim possumus in unum vel oblatam ad altare offerre, nisi prius fratri reconcillemur. His ita peractis, sacerdotes missarum solemniam rite peragant.

CAP. 123. — *De ordinatis et reliquis fidelibus, quod sine licentia sui episcopi nihil agere debeant. Ex Epist. Clementis papæ cunctis fidelibus missa.*

Quapropter cunctis fidelibus et summopere omnibus presbyteris et diaconibus ac reliquis clericis attendendum est ut nihil absque licentia proprii episcopi agant. Non utique missas sine jussu ejus quisquam presbyterorum in sua parochia agat, non baptizet, nec quidquam quod ad episcopum pertinet absque ejus permisso faciat. Similiter et reliqui populi, majores scilicet et minores, per ejus licentiam quidquid agendum est agant, nec sine ejus permisso a sua parochia abscedant, vel in ea adventantes morari præsumant. Animæ eorum ei creditæ sunt, ideo omnia ejus consilio agere debent, et eo inconsulto nihil. Quicumque obediunt ei, Deo obediunt : quicumque autem ei non obediunt, indubitanter rei et reprobi existunt.

CAP. 124. — *De sacerdotibus, si missarum tempore aliquis eventus agritudinis accesserit. Ex concilio Toletano vii, cap. 2.*

(*7, q. 1, c. Nihil contra.*) Nihil contra ordinem statutum [ordinis statum] temeritatis ausu præsu-

matur, nec illa quæ summa veneratione consentur vel A minimo præsumptionis tactu [actu] solvantur, cum ad hoc tantum fieri iussa sunt, nec interrupta noscuntur, nec languoris præventu, robore salutis natura privetur. Non solum ergo fragilitati consulitur humanæ, sed etiam sacris ministeriorum Dei provideatur habere sollicitudinem. Censemus ergo convenire, ut cum a sacerdotibus missarum tempore sancta mysteria consecrantur, si ægritudinis accidat quilibet eventus, quo ceptum nequeat consecrationis expleri mysterium, sit liberum episcopo vel presbytero ut alter expleat consecrationem officii cepti. Non enim aliud ad supplementum initiatis mysteriis competit, quam aut incipientis aut consequentis complenda benedictione sacerdotis : quæ nec perfecta videri possunt, nisi perfectionis ordine compleantur. Cum enim omnes simus unum in Christo, nihil contrarium diversitas format, ubi efficaciam prosperitatis unitas fidei repræsentat. Quod etiam consultum cuncti ordinis clerici indictum vel indultum est [individuum esse] sibi non ambigant : sed ut permissum est præcedentibus statim alii pro complemento succedant. Nec tamen quod naturæ languoris causa consulitur, in præsumptionis perniciem convertatur. Nullus post cibum potumque sive quodlibet minimum sumptum missas facere, nullusque absque patentis proventus molestiæ minister vel sacerdos cum coeperit, imperfecta officia præsumat omnino relinquere. Si quis hæc temerare præsumperit, excommunicationis sententiam sustinebit.

CAP. 125. — *De presbyteris qui dæmonibus variisque passionibus vexantur, quod illis sacra tractare non liceat. Ex decretis Pii papæ, cap. 5.*

(*Dist. 33, c. Communiter.*) Beæ siquidem majorum regulis diffinitum est, ut dæmoniis aliisque passionibus irretitis ministeria sacra tractare non liceat. Cui præcepto, consulto rationis adhibito, id communiter diffinimus, ut nullus de his qui aut in terra arrepti a dæmonibus eliduntur, aut quolibet modo vexationis incursum eliduntur, vel sacris audeant ministrare altaribus, vel indiscusse se divinis ingerant sacramentis : exceptis illis qui corporum incommoditatibus dediti, sine hujusmodi passionibus in terram probantur elisi, qui tamen et ipsi tandiu crunt ab officio suo, et ordine et loco suspensi, quousque unius anni spatio per discretionem episcopi inveniantur ab incursum dæmonum alieni [liberati].

CAP. 126. — *De eadem re. Ex decretis Soteris papæ, cap. 8.*

(*De cons., dist. 1, c. Ut illud.*) Ut illud divini oraculi momentis singuli præcaveant quo scribitur : *Væ soli, quia cum ceciderit non habet sublevantem (Eccle. iv).* Summopere verendum est nobis et cavendum, ne horis illis atque temporibus quibus Deo psallitur, vel sacrificatur, unicuique divinis singulariter officiis insistenti, pernicioza passio, vel corporis quælibet valetudo occurrat, quæ aut corpus

subito subruat, aut mentem alienatione vel terrore confundat. Pro hujusmodi ergo casibus præcaveantes necessarium duximus instruere, ut ubi temporis vel loci sive cleri copia suffragatur, habeat quisquis ille canens Deo atque sacrificans post se vicini solaminis adiutorem, ut si aliquo casu ille qui officia impleturus accedit, turbatus fuerit, vel ad terram elisus, a tergo semper habeat, qui ejus vicem exsequatur intrepidus, et officium inceptum adimpleat.

CAP. 127. — *De presbyteris, ne soli missam celebrent. Ex eodem, cap. 10.*

(*De cons., dist. 1, c. Hoc quoque.*) Hoc quoque statutum est, ut nullus presbyterorum missarum solemniam celebrare præsumat, nisi duobus præsentibus, sibi que respondentibus, ipse tertius habeatur, quia cum pluraliter dicitur ab eo : *Dominus vobiscum, et illud, in secretis : Orate pro me; apertissime convenit, ut et ipsius respondeatur salutatori.*

CAP. 128. — *De illis qui conjugati presbyteri oblationem præverint. Ex concilio Agathensi.*

Si quis discernit presbyterum conjugatum, tanquam occasione nuptiarum quod offerre non debeat, et ab ejus oblatione ideo se abstinat, anathema sit.

CAP. 129. — *Ut presbyteri communicent quotiescumque missas celebraverint. Ex concilio Rothomagensi cap. 2.*

Dictum est nobis quod quidam presbyteri celebrata missa detrectantes ipsi sumere divina mysteria quæ consecraverunt, calicem Domini mulierculis quæ ad missas offerunt, tradunt, vel quibusdam laicis qui judicare corpus Domini nesciunt, id est discernere inter cibum spiritualem atque carnalem. Quod quantum sit omni ecclesiasticæ religioni contrarium, pietas fidelium novit. Unde omnibus presbyteris interdiximus, ut nullus in posterum hoc facere præsumat, sed ipse cum reverentia sumat, et diacono, aut subdiacono ministris altaris colligenda tradat. Illud enim attendat, ut eos propria manu communicet. Nulli autem laico aut femine eucharistiam in manibus ponat, sed tantum in os ejus cum his verbis ponat : *Corpus Domini et sanguis prosit tibi ad remissionem peccatorum, et ad vitam æternam.* Si quis hæc transgressus fuerit, quia Deum omnipotentem contempsit, et quantum in ipso est inhonorat, ab altari removeatur.

CAP. 130. — *De eadem re. Ex concilio Aurelianensi, cap. 10.*

Auditum est aliquos presbyteros missam celebrare et non communicare omnino, quod in canonicis apostolorum interdictum esse legitur; vel quomodo recte dicere possunt si non communicaverint : *Sumpsimus, Domine, sacramenta, etc. Ibidem, cap. 11.* Si quis episcopus, aut presbyter, aut diaconus, vel quilibet ex sacerdotali catalogo, facta oblatione non communicaverit, aut causam dicat, et si rationalis fuerit veniam consequatur, aut si non

dixerit communione privetur, tanquam qui populo A causa læsionis exsiterit. CAP. 136. — *De eadem re. Ex decretis Gelasii papæ ejus nominis primi, cap. 28.*

CAP. 131. — *Ut calix, et patena ex auro vel argento aut saltem ex stanno fiat, ex ære vero vel aurichalco nunquam. Ex concilio Remensi, cap. 6.*

(Burchardus, lib. III, cap. 96, de cons. dist. 4, c. Ut calix.) Ut calix Domini cum patena, si non ex auro, omnino ex argento fiat. Nec causentur presbyteri, avaritia suadente, de paupertate vel impossibilitate, cum quarta pars ex omnibus quæ ad ecclesiam pertinent in fabricis ipsius ecclesiæ sit impendenda. Admonendus est etiam populus, ut aliquid in donariis Domini offerat, sicut ille antiquus populus sub Moyse in tabernaculo Domini fecisse legitur. Si quis autem tam pauper est, saltem stanneum calicem habeat, de ære autem, aut aurichalco non fiat calix, quia ob vini virtutem æruginem pariterque vomitum provocat. Nullus autem in ligno, aut in vitreo calice præsumat cantare.

CAP. 132. — *De Observanda mensa Christi. Ex eodem, cap. 5.*

Observandum est ut mensa Christi, id est altare ubi corpus Dominicum consecratur, ubi sanguis ejus hauritur, ubi sanctorum reliquiæ reconduntur, ubi preces et vota populi in conspectu Dei a sacerdote offeruntur, cum omni veneratione honoretur: et mundissimis linteis et palliis diligentissime cooperiatur, nihilque super eo ponatur, nisi capsæ cum sanctorum reliquiis, et quatuor evangelia. Expleta missa calix cum patena et sacramentorum liber, cum vestibus sacerdotalibus, in mundo loco sub sera recondantur.

CAP. 133. — *Ut corporale ex purissimo linteo sit, et unius materiei. Ex eodem, cap. 3.*

Corporale super quod sacra oblatio immolatur, ex mundissimo linteo sit: nec in eo alterius generis materia pretiosior aut vilior misceatur, et nunquam super altare maneat, nisi in tempore missæ, sed aut in sacrario cum libro ponatur, aut cum calice et patena in mundissimo loco recondatur, vel quando abluitur a sacerdote, diacono vel subdiacono, primo in ecclesia in loco et vase ad hoc præparato abluitur, eo quod ex Dominico corpore et sanguine infectum sit. Post hæc a lavandario in mundo loco ponatur.

CAP. 134. — *Ut sacrificium altaris non in serico vel tincto panno celebretur. Ex epistola Eusebii papæ, cap. 51.*

(De cons., dist. 4, c. Consulto.) Illic inter cætera prædicta consulto omnium statuimus ut sacrificium altaris non in serico panno, aut intincto, quisquam celebrare præsumat, sed in puro linteo ab episcopo consecrato, terræno scilicet lino procreato atque contexto, sicut corpus Domini nostri Jesu Christi in sindone lineæ munda sepultum fuit.

CAP. 135. — *Ut mulieres ad altare non accedant, et de officiis virorum se non intromittant. Ex concilio Laodicensi, cap. 44.*

Quod non oportet mulieres ingredi ad altare, et ea contingere quæ virorum officiis deputata sunt.

Nihilominus impatienter audivimus, tantum divinarum rerum subisse despectum, ut feminae sacris altaribus ministrare serantur, cunctaque non nisi virorum famulatu deputata, sexui cui non competit, exhiberi.

CAP. 137. — *Ut laici juxta altare non sedeant. Ex concilio Mogonti., cap. 13.*

Ut laici secus altare quo sancta mysteria celebrantur inter clericos tam ad vigiliis, quam ad missam, stare vel sedere penitus non præsumant, sed pars illa quæ cancellis ab altari dividitur, tantum psallentibus pateat clericis. Ad adorandum vero et communicandum laicis et feminis, sicut mos est, pateant sancta sanctorum.

CAP. 138. — *De illis sacerdotibus qui in ecclesia dum evangelia leguntur, sedere præsumunt. Ex epistola Anastasii primi papæ episcopis Germaniæ ac Burgundiæ directa, cap. 1.*

Anastasius episcopus cunctis Germanicis et Burgundiæ regionis episcopis in Domino salutem. Exegit dilectio vestra, charissimi, ut ex auctoritate sedis apostolicæ vestris deberemus consultis respondere. Et quamvis non prolixè, sed succinctè hoc agere propter quasdam alias occupationes festinarem, denuo tamen si necesse fuerit, ob has et alias necessitates quasi ad caput, mittere charitative non dubitatis, quia vestras preces et nunc, et tunc acceptabiles habemus. Significatis enim quosdam sacerdotes in ecclesia quando Evangelia leguntur sedere, et Salvatoris Domini verba non stantes, sed sedentes audire: et hoc ex majorum traditione se accepisse narratur. Quod nullatenus deinceps fieri sinatis apostolica auctoritate mandamus; sed dum sancta Evangelia in ecclesia recitantur, sacerdotes et cæteri omnes non sedentes, sed venerabiliter in conspectu Evangelii stantes, Dominica verba intente audiant, et fideliter adorent.

CAP. 139. — *Ut nullus calicem vel patenam vel vestimenta sacerdotalia in vadimonio tabernario præstare præsumat. Ex concilio Remensi, cap. 11.*

(Burch. lib. III, cap. 104.) Ut nullus presbyter præsumat calicem vel patenam, vel pallium altaris, vel vestimentum sacerdotale, aut librum ecclesiasticum tabernario vel negotiatori, aut cuilibet laico vel feminae, in vadimonio dare, nisi justissima necessitate urgente; quia tanta est sanctitas sacri ministerii, ut, salva altioris mysterii intelligentia, etiam Dominus per prophetam prohibuerit, ne cum sanctis vestimentis sacerdos procedat ad populum, sed illa intra sancta dimittat a colloquio divino rediens. Et cui in tabernaculo ad bibendum a sacris canonibus ingredi prohibetur, sanctificata sacro mysterio nec ad contingendum immundis, quanto minus in vadimonium exhibere debet? Sicut Stephanus sanctus papa et martyr sanctum Hilarium in suis decretis docuit.

CAP. 140. — *Ex concilio Aurelianensi, cap. 9.*

Nullus sacerdos seu laicus calicem aut patenam

aut quælibet vasa sacra, et divino cultui mancipata ad alios suos usus retorquere præsumat. Nam quicumque de calice sacro aliquid aliud bibit præter Christi sanguinem qui in sacramento accipitur, et patenam ad aliud officium habet quam ad altaris ministerium, deterrendus est exemplo Balthasar, qui dum vasa Domini in usus communes assumpsit, vitam pariter cum regno amisit.

CAP. 141. — *Quod licitum sit episcopis cum consilio cleri de thesauro ecclesiæ, suæ familiæ in necessitate subvenire. Ex concilio Aurelianensi, cap. 5.*

Licitum sit episcopis, præsentibus presbyteris et diaconibus, de thesauro ecclesiæ, familiæ et pauperibus ejusdem ecclesiæ secundum canoni-

cam institutionem juxta quod indiguerint erogare.

CAP. 142. — *De coopertorio altaris, nullum corpus dum ad tumulum defertur tegendum esse. Ex concilio Aurelianensi, cap. 30.*

De opertorio Dominici corporis vel altaris, nunquam corpus dum ad tumulum evehitur, obtegatur, et sacro velamine dum corpora honorantur, altaria polluantur.

CAP. 143. — *Ne ad nuptiarum ornatum ministeria divina præstentur. Ex eodem, cap. 8.*

(*De cons., dist. 1, c. Ad nuptiarum.*) Nec ad nuptiarum ornatum ministeria divina præstentur, ne [ut] dum improborum tactu vel pompa sæcularis luxuriæ polluantur, ad officia sacri ministerii [mysterii] videantur indigna.

DECRETI PARS TERTIA

De Ecclesia, et de rebus ecclesiasticis, et earumdem reverentia et observatione.

CAP. 1. — *Ecclesiæ statum similem navi magnæ, quæ, per mare undosum, diversis e locis et regionibus viros portat, ad unam potentis regni urbem properantes. Clemens Petri successor apostoli ad Jacobum fratrem Domini Hierosolymitanum videlicet episcopum (epist. 1).*

Similis est omnis Ecclesiæ status navi magnæ, quæ, per pelagus undosum, diversis e locis et regionibus viros portat, ad unam potentis regni urbem properare cupientes. Sit ergo navis hujus Dominus ipse omnipotens, gubernator vero sit Christus. Tunc deinde proretæ officium episcopus impleat, presbyteri nautarum, diaconi dispensatorum locum teneant, hi qui catechizant nautologis conferantur, epibatis autem totius fraternitatis multitudo sit similis. Ipsum quoque mare hic mundus habeatur, ventorum vero varietates et turbinum, diversis tentationibus conferantur: persecutiones, tribulationes, sive pericula, fluctibus exæquentur. Terreni vero spiritus, qui vel de torrentibus, vel de convallibus spirant, pseudo-prophetarum, et seductorum, seu pravæ doctrinæ verba docentur. Promontoria vero et loca confragosa, hi qui in potestatibus sæculi sunt iudices, et pericula minantur et mortes. Bitalassa vero loca quæ duplicibus undæ fallacis æstibus verberantur, dubiis mente, et de promissionum veritate nutantibus conferantur. Hypocritæ vero et dolosi, pyratibus similes habeantur. Jam vero rapidus vortex, et tartarea Charybdis, et saxis illisa naufragia, ac mortiferæ submersiones, quid aliud æstimanda sunt quam peccata? Restat igitur ut hæc navis cursu prospero, tuta possit portum desideratæ urbis intrare, et ita Deo preces effundere ut navigantes mereantur audiri.

CAP. 2. — *Ut Ecclesia domusque Dei a populis honoretur, canibus autem pervia non sit. Ex concilio Remensi, cap. 2.*

Ut Ecclesia domusque Dei a populis juxta dignitatem honoretur, canibus autem pervia non sit. Sæcularia judicia, negotia, vel vaniloquia, in ea non exerceantur, quia domus Dei, domus orationis debet esse, non spelunca latronum (*Matth. XXI*), vel placita mulierum; nec inde exeant, donec complectatur benedictio.

CAP. 3. — *Quid sit Ecclesia. Ex decretis Julii papæ, cap. 5.*

(*Isidorus, tib. 1 De ecclesiast. off., cap. 1.*) Ecclesia, Græcum nomen est, quod in Latinum vertitur convocatio, propterea quod omnes ad se vocet. Catholica, id est universalis, ideo dicitur, quia per universum mundum est constituta, vel quoniam catholica, hoc est generalis, in eadem doctrina est, ad instructionem.

CAP. 4. — *Quare apostoli in Judæa prædia ad extruendas ecclesias non colligerint. Ex decretis Melchiodis papæ, capite 8. De primitiva Ecclesia.*

(*12, q. 1, c. Futuram Ecclesiam.*) Nemo qui Scripturas divinas legit, ignorat quod in principio nascentis Ecclesiæ discipuli in unum congregati sunt cum multitudine credentium, quibus erat cor unum et anima una; quique vendentes prædia et possessiones suas, afferbant pretia, et dividebant singulis, prout cuique opus erat (*Act. IV*). Futuram namque Ecclesiam in gentibus apostoli prævidebant, maximeque quia Dominus illis prædixerat: *Euntes in mundum universum, prædicate Evangelium (Marc. XVI)*; vel quia expellendos a Judæa noverant se, et in gentibus dispergendos, Ecclesiamque congregandam ex

rudi populo, idcirco prœdia in Judæa minime sunt adepti, sed pretia tantummodo ad fovendos egenos. At vero cum inter turbines, et adversa mundi succresceret Ecclesia, adeo usque pervenit ut non solum gentes, sed etiam Romani principes, qui pene totius orbis monarchiam tenebant, ad fidem Christi et baptismi sacramenta concurrerent.

CAP. 5. — *Quod sacerdotes et cæteri fideles agros quos vendere solebant, decreverunt plus utilitatis conferre, si Ecclesiis traditi, de annuis redditibus fideles pascere, quam si venderentur. Ex decretis Urbani papæ, cap. 2.*

(12. q. 1, c. *Videntes.*) Videntes autem sacerdotes, et Levitæ, atque reliqui fideles plus utilitatis posse afferre, si hæreditates et agros quos vendebant, Ecclesiis quibus præsidebant episcopi, traderent, eo quod ex sumptibus eorum, tam præsentibus quam futuris temporibus plura et elegantiora possent ministrare fidelibus communem vitam ducentibus, quam ex pretio ipsorum, coeperunt prædia et agros quos vendere solebant, matricibus ecclesiis tradere, et ex sumptibus eorum vivere.

CAP. 6. — *Quo tempore viri religiosi se ipsos Domino consecrarint, ædificantes basilicas in suis fundis. Ex decretis Melchias papæ, cap. 12.*

Ab illo tempore, et deinceps viri religiosi non solum possessiones et prædia quæ possederant, sed etiam semetipsos Domino consecrarunt, ædificantes basilicas in suis fundis in honore sanctorum martyrum, ac per civitates monasteria, in quibus cœtus Domino servientium conveniret. Denique reges, et præsides, ac magistratus non solum adjacentia tribuere, sed etiam ipsi propria largiti sunt per universa regna terrarum, unde alerentur egentes, qui nihil in mundo possidebant, ecclesiæque fabricarentur atque restaurarentur, Deoque et Ecclesiæ ejus rite famulantibus, servisque illius supplementa, ut absque necessitate essent, tribuerentur.

CAP. 7. — *Quod Constantinus primus imperatorum fidem Christianam patenter adeptus, fabricandi ecclesias omnibus potestatem dederit. Ex eodem, cap. 10.*

Ex quibus vir religiosissimus Constantinus primus fidem veritatis patenter adeptus, licentiam dedit per universum orbem in suo degentes imperio, non solum fieri Christianos, sed etiam fabricandas ecclesias, et prædia tribuenda constituit. Denique idem præfatus princeps donaria immensa et fabricam templi primæ sedis beati Petri principis apostolorum instituit, adeo ut sedem imperialem cui quique Romani principes præsidebant, relinqueret, et beato Petro suisque successoribus profutura concederet.

CAP. 8. — *Ut nullus ecclesiam ædificet, nisi ei episcopus locum designaverit, et ipse dotem paratam habeat. Ex concilio Aurelianensi, cap. 3.*

(*De cons., dist. 1, c. Nemo ecclesiam.*) Nemo ecclesiam ædificet antequam civitatis episcopus veniat, et ibidem crucem figat publice, et atrium designet; et ante præfinit qui ædificare vult, quod ad luminaria et ad custodiam, et stipendia custodum sufficiat, et ostensa donatione, sic domum ædificet Et

PATROL. CLXI.

postquam consecrata fuerit, atrium ejusdem ecclesiæ sancta aqua conspergat.

CAP. 9. — *De illo qui in suo prædio ecclesiam ædificare desiderat. Ex concilio Wormatiensi, cap. 6.*

Quicumque voluerit in sua proprietate ecclesiam ædificare, et consensum et voluntatem episcopi habebit, in cujus parochia fuerit, licitum sit. Verumtamen omnino prævidendum est episcopo, ut aliæ ecclesiæ antiquiores, propter novas, suam justitiam aut decimam non perdant, sed semper ad antiquiores ecclesias persolvatur.

CAP. 10. — *Quod omnes basilicæ constructæ in potestate ejus episcopi esse debeant, in cujus territorio sunt. Ex concilio Aurelianensi 1, cap. 19.*

(6. q. 7, c. *Omnes basilicæ.*) Omnes basilicæ, quæ per diversa loca constructæ sunt, vel quotidie construuntur, placuit secundum priscorum canonum regulam, ut in ejus episcopi potestate, in cujus territorio positæ sunt, consistant.

CAP. 11. — *De ecclesiis et altaribus, ubi aliqua dubitatio de consecratione est, ut consecrentur. Ex eodem concil. cap. 45.*

(*De cons., dist. 1, c. Ecclesiæ.*) Ut ecclesiæ vel altaria, quæ ambigua sunt et de consecratione dubitatur, consecrentur, et superflua altaria destruantur.

CAP. 12. — *Ut ecclesiæ antiquitus constructæ, nec decimis nec aliquibus possessionibus priventur, ut novis tribuantur. Ex concilio Meldensi, cap. 46.*

Ut ecclesiæ antiquitus constructæ, nec decimis, nec ulla possessione priventur, ita ut novis oratoriis tribuantur.

CAP. 13. — *Quod denuo consecranda est ecclesia, si altare fuerit motum. Ex decretis Higinii papæ, cap. 4.*

(*De cons., dist. 1, c. Si motum.*) Si motum fuerit altare, denuo consecretur ecclesia; si parietes mutantur et non altare, salibus tantum exorcizentur.

CAP. 14. — *Quod ecclesia denuo consecranda sit si homicidio vel adulterio fuerit polluta. Ex decretis ejusdem, cap. 6.*

(*De cons., dist. 1, c. Si homicidio.*) Si homicidio vel adulterio ecclesia fuerit violata, diligentissime expurgetur, et denuo consecretur.

CAP. 15. — *Quod ecclesiam ubi paganus est sepultus non liceat consecrari, nisi eo ejecto. Ex concilio Aurelianensi, cap. 7.*

(*De cons., dist. 1, c. Ecclesiam.*) Ut ecclesiam ubi paganus est sepultus non liceat consecrari, neque missas in ea celebrari, sed jactari foras et mundari oportet.

CAP. 16. — *Ut in ecclesia in qua cadavera mortuorum sepeliuntur, altare non liceat consecrari: sed si prius consecratum fuit, missas in eo celebrari liceat. Ex concilio eodem, cap. 6.*

In Ecclesia in qua cadavera mortuorum sepeliuntur, sanctificare altare non liceat. Si autem consecratum prius fuit, missas licet celebrare in ea.

CAP. 17. — *Ut loca semel Deo dicata perpetuo sic permaneat. Ex concilio Chalcedonensi, cap. 23.*

(19. q. 3, c. *Quæ semel.*) Ut loca quæ semel Deo dicata sunt, aut monasteria fuerunt, mancant per-

petuo sic, nec possint ultra fieri sæcularia habitacula.

CAP. 18. — *Ne monasteria fiant clericorum habitacula. Ex decretis Gregorii papæ missis ad Joannem Ravennensem episcopum (lib. iv, in registro epistola 1).*

(18, q. 2, c. *Pervenit.*) Pervenit ad me quod in Ecclesiis fraternitatis tuæ, aliqua loca monasteriis consecrata, nunc habitacula clericorum facta sunt: dumque hi qui sunt in Ecclesiis, fingunt se religiose vivere, monasteriis præponi appetunt, et per eorum vulam monasteria destruuntur.

16, q. 1, c. *Nemo.*) Nemo etenim potest ecclesiasticis obsequiis deservire, et in monachica regula ordinate persistere, ut ipse distractionem monasterii teneat, qui quotidie in ministerio ecclesiastico cogitur permanere. Proinde fraternitas tua hoc, quolibet in loco factum sit, emendare festinet: quia ego nullo modo patior ut loca sacra per clericorum ambitum destruantur.

CAP. 19. — *Ut loca dudum consecrata, et postea fœdata, reformentur. Ex concilio Aquisgrani habito, cap. 6.*

Placuit, ut loca jam dudum consecrata, et nunc spurcitiis fœdata, juxta possibilitatem in antiquum statum reformentur.

CAP. 20. — *Ut nullus aliud altare erigere præsumat, nisi quod ab episcopo consecratum est. Ex decretis Hormisdæ papæ, cap. 10.*

(*De cons., dist. 1, c. Ut nullus.*) Ut nullus presbyter in Ecclesia consecrata aliud altare erigat, nisi quod ab episcopo loci, vel ejus missa sanctificatum est: ut sit discretio inter sacrum et non sacrum. Nec dedicationem fingat nisi sit: quod si fecerit, si clericus est degradetur; si laicus, anathematizetur.

CAP. 21. — *Ut pavementum domorum energumeni verrant. Ex concilio Carth. iv, cap. 111.*

Pavementum domorum Dei energumeni verrant.

CAP. 22. — *Ut monasteria semel dedicata, et res eis collatæ, perpetuo sic permaneant. Ex concilio Chalcedonensi, cap. 24.*

Quæ semel dedicata sunt monasteria consilio episcoporum qui civitates tenent, manere sic placuit perpetuo monasteria: et res quæ ad ea pertinent, monasteriis reservari debere, nec posse ea ultra fieri sæcularia habitacula. Qui vero hæc fieri permiserint, canonum sententiis subjacebunt.

CAP. 23. — *Dotem ecclesiæ ad ordinationem et potestatem episcopi pertinere. Ex concilio Wormatiensi, cap. 5.*

Multi contra canonum constituta sic ecclesias quas ædificaverunt postulant consecrari, ut dotem quam ecclesiæ contulerint, censeant ad episcopi ordinationem non pertinere. Quod factum, et præteritum displicet, et in futuro prohibetur: sed omnia secundum consuetudinem antiquam ad episcopi ordinationem et potestatem pertineant.

CAP. 24. — *Quod solemnitates dedicationum ecclesiarum singulis annis octo diebus sunt celebrandæ. Ex decretis Felicis papæ (iv, epist. 1).*

(*De cons., dist. 1, c. Solemnitates.*) Solemnitates

A vero dedicationum ecclesiarum et sacerdotum per singulos annos solemniter sunt celebrandæ, ipso Domino exemplum dante: qui ad festa dedicationis templi omnibus id faciendum dans formam, cum reliquis populis eamdem festivitatem celebraturus venit, sicut scriptum est: *Facta sunt encænica Hierosolymis, et hiems erat, et ambulabat Jesus in templo in porticu Salomonis (Joan. x).* Quod autem octo dierum sint encænica celebranda, in libro Regum peracta dedicatione templi reperietis (*III Reg. viii, II Paral. vii*). De ecclesiarum vero consecratione quoties dubitatur, et nec certa scriptura, nec certi testes existunt, a quibus consecratio sciatur, absque ulla dubitatione scitote eas esse sacrandas, nec talis trepidatio iterationem incurrit; quia non monstratur esse iteratum, quod nescitur esse factum.

CAP. 25. — *De fabrica cujuslibet ecclesiæ si diruta fuerit instauranda, et si consecrationis solemnitas debeat iterari ubi sanctuaria non fuerint. Entero fratri Vigilius papa, cap. 4.*

De fabrica cujuslibet ecclesiæ si diruta fuerit, instauranda, et si in eo loco consecrationis solemnitas debeat iterari, in qua sanctuaria non fuerint, nihil judicamus officere, si per eam minime aqua exorcizata jactetur: quia consecrationem cujuslibet ecclesiæ, in qua Spiritus sancti ara non ponitur, celebritatem tantum scimus esse missarum. Et ideo si qua sanctorum basilica a fundamentis etiam fuerit innovata, sine aliqua dubitatione, cum in ea missarum celebrata fuerit solemnitas, totius sanctificationis consecrationis implebitur. Si vero sanctuaria quæ habebat ablata sunt, rursus eorum repositione, et missarum solemnitate reverentiam sanctificationis accipiet.

CAP. 26. — *Ut ecclesiæ destructæ non majores reædificentur, quam ex rebus ad eas pertinentibus instaurari possunt. Ex decretis Higinii papæ, cap. 5.*

Ut ecclesiæ destructæ ubi aut plures quam necesse sit, aut majoris magnitudinis quam ut ex rebus ad eas pertinentibus restaurari possint, episcopi providentia modus inveniatur, qualiter consistere possint.

CAP. 27. — *Quomodo terminandum sit, si contentio de terminatione duarum matricum ecclesiarum orta fuerit. Ex concilio apud Aquisgranum, cap. 5.*

Plures baptismales ecclesiæ una terminatione esse non possunt, sed una tantummodo cum subditis capellis, et si contentio fuerit de terminatione duarum matricum, plebes utrarumque discernatur.

CAP. 28. — *Quod nulli regum vel cuiquam hominum liceat proprium monasterium cuiquam nisi alii ecclesiæ tradere: vel cum aliquo, nisi cum alia ecclesia commutare, vel pro aliquo commodo vendere. Ex decretis Silverii papæ, cap. 1.*

Nemini regum aut cuiquam hominum proprium liceat monasterium tradere, nisi ad aliud monasterium: vel commutare nisi cum alio monasterio, vel quocunque commodo vendere. Hoc etiam divina et apostolica atque canonica sub anathematis pœna sanxit auctoritas. Quod si factum fuerit non vale-

bit, sed ipsum monasterium in pristinum reformetur statum.

CAP. 29. — *Quod non liceat episcopo vel abbati rem unius ecclesiæ alteri tradere, quamvis ambæ in potestate ejus sunt. Ex conc. Lugdunensi, cap. 5.*

Non liceat episcopo vel abbati terram ecclesiæ vertere ad aliam, quamvis ambæ sint in ejus potestate. Tamen si commutare voluerint terras earum, cum consensu ambarum fiat.

CAP. 30. — *Quod altaria non sint chrismate unguenda, nisi lapidea, et quod ordinem metropolitano- rum comprovinciales observare debent. Ex concilio Hipponensi, cap. 10.*

(*De cons., dist. 1, c. Altaria, et primo.*) Altaria si non sint lapidea, chrismatis unguine non consecrentur. Ad celebranda autem divina officia, ordinem quem metropolitani tenent, comprovinciales eorum observare debent.

CAP. 31. — *Quod non debet monasterium de loco in locum transferri sine consilio episcopi vel fratrum. Ex decretis Bonifacii papæ, cap. 5.*

Si quis vult monasterium suum ad meliorandum in alium locum ponere, fiat cum consilio episcopi et fratrum suorum : et dimittat presbyterum in priori loco ad ministeria ecclesiæ.

CAP. 32. — *Quod omnes basilicæ cum missa debent consecrari. Ex decretis Evaristi papæ, cap. 4.*

(*De cons., dist. 1, c. Omnes basilicæ.*) Omnes basilicæ cum missa debent semper consecrari.

CAP. 33. — *Ut nullum episcopus nec gentilem, nec hæreticum, nec Judæum prohibeat ingredi ecclesiam, quando verbum Dei annuntiatur populo. Ex concilio apud Valentiam, cap. 16. (Conc. Carth. iv, cap. 14.)*

(*De cons., dist. (?) c. Episcopus.*) Ut nullum episcopus prohibeat ingredi ecclesiam et audire verbum Dei, sive gentilem, sive hæreticum, sive Judæum usque ad missam catechumenorum.

CAP. 34. — *Quod populus qui ad celebrandam missam convenerit non nisi ea finita et benedictione accepta discedere debet. Ex conc. Arelatensi, cap. 1.*

Item cum ad celebrandam missam in Dei nomine convenit populus, non ante discedat quam missæ solemnitas compleatur, et ubi episcopus defuerit, benedictionem accipiat sacerdotis.

CAP. 35. — *Quod tecta Ecclesiæ restaurare debent qui ecclesiasticum habent beneficium. Ex concilio Mayontiensi, cap. 42.*

Quicumque beneficium ecclesiasticum habent, ad tecta ecclesiæ restauranda, vel ipsas ecclesias emendas omnino adjuvent, et numisma [nonam] et decimam reddant.

CAP. 36. — *Quomodo administrandæ sint ecclesiæ inter barbaros constitutæ. Ex concilio Constanti- nopolitano 1, cap. 4.*

Ecclesias autem Dei in barbaris gentibus constitutas, gubernari et administrari oportet secundum consuetudinem quæ est a patribus observata.

CAP. 37. — *De ecclesiis Arianorum quod a Catholicis catholice consecrandæ sunt. Ex decretis Joannis papæ I episcopis Italiæ missis.*

Ecclesias vero Arianorum, ubicunque inveneritis, catholicas eas divinis precibus et operibus absque

ulla mora consecrate : quia et nos quando fuimus Constantinopoli, tam pro religione catholica, quam et pro regis Theoderici causa negotii suadente atque hortante Arianosque exstirpante piissimo atque Christianissimo Justino orthodoxo imperatore, quas- cunque illis in partibus eorum ecclesias reperire potuimus, catholicas eas, Domino opem ferente, consecravimus.

CAP. 38. — *Quid agendum sit de diœcesana ecclesia si destituta fuerit. Ex concilio Tarraconensi, cap. 8.*

Multorum casu experientia magistrante reperimus, nonnullas diœcesanas ecclesias destitutas. (10, q. c. *Decrevimus.*) Pro qua re id constitutio decre- vimus, ut antiquæ consuetudinis ordo servetur, et annis singulis ab episcopo diœceses visitentur : et si qua forte basilica reperta fuerit destituta, ordina- tione ipsius reparetur, quia tertia pars ex omnibus per antiquam traditionem, ut accipiatur ab episcopis, ex principibus novimus statutum.

CAP. 39. — *De translatione Minturnensis ecclesiæ ad Formianam ecclesiam. Ex registro Gregorii ad Bucandam episcopum Formiensem.*

Et temporalis nos perurget necessitas, et imminutio exigit personarum, ut destitutis ecclesiis salubri ac provida debeamus dispositione succurrere. Et ideo quoniam ecclesiam Minturnensem funditus tam cleri quam plebis destitutam desolatione cognovimus, tuamque pro ea petitionem, quatenus Formianæ ecclesiæ, in qua corpus beati Erasmi martyris requiescit, cuique fraternitas tua prasidet, adjungi debeat, et pium esse ac justissimum prævidentes, necessarium duximus consulentes tam desolationi loci illius, quam tuæ ecclesiæ paupertati, redditus supradictæ ecclesiæ Minturnensis, vel quidquid ei antiquo, modernoque jure vel privilegio potuit potestative qualibet ratione competere, ad tuæ ecclesiæ potestatem hac præcepti nostri auctoritate concedimus, ut a præsentis tempore, sicuti ex propria quippe ecclesia, debeas cogitare, eique competentia tua disponere, quatenus deinceps quod perire nunc usque potuit, pauperum ecclesiæ utilitatibus clerique proficiat.

CAP. 40. — *Picturas in ecclesia non esse adorandas, sed quod adorandum est, mentibus fidelium per eas ad memoriam revocandum. Ex concilio Eliberitano, cap. 56.*

(*De cons., dist. 4, c. Placuit.*) Placuit picturas in ecclesiis fieri non debere, ne quod colitur et adoratur, in parietibus depingatur.

CAP. 41. — *De eodem. Ex epist. Gregorii papæ Secundo sermo Dei recluso.*

Aliud est picturam adorare, aliud per picturæ historiam quid sit adorandum addiscere. Nam quod legentibus scripturam, hoc idiotis patet picturam cernentibus, quia in ipsa ignorantes vident quod sequi debeant, in ipsa legunt qui litteras nesciunt : unde et præcipue gentibus pro lectione pictura est. Quod magnopere tu qui inter gentes habitas attendere debueras, ne dum recto zelo incaute succenderis, ferocibus animis scandalum generares. Frangi ergo non debuit, quod non ad adorandum in

ecclesiis, sed instruendas solummodo mentes A
nescientium fuit collocatum. Et quia in locis
venerabilibus sanctorum depingi historias non sine
ratione vetustas admisit, si zelum discretionem con-
disset, sine dubio et ea quæ intendebas salubriter
obtinere, et collectum gregem non dispergere, sed
potius poteras congregare, ut pastoris intemperatum
excelleret nomen, non culpa dispersoris incurberet.

CAP. 42.— *Ut non pro debito, episcopus de consecratione atiquod munus requirat. Ex concilio Wormatiensi, cap. 3.*

Placuit, ut quoties ab aliquo fidelium ad consecrandas ecclesias episcopus invitatur, non quasi ex debito munus aliquod a fundatore requirat: sed si ipse quidem aliquid ex suo voto obtulerit, non respuatur. Attamen unusquisque episcopus meminerit, ut non prius dedicet ecclesiam, nisi antea dotem basilicæ, et obsequium ipsius per donationem chartulæ confirmatum accipiat. Nam non levis est temeritas ista, si sine luminaribus vel sine substantiali sustentatione eorum qui ibidem servituri sunt, quasi domus privata consecratur ecclesia.

CAP. 43.— *Quod non licet consecrari ecclesiam ubi cadavera infidelium mortuorum sepulta fuerint, nisi eis ejectis et parietibus rasis. Ex concilio Agrippinensi, cap. 3.*

Ecclesiam in qua mortuorum cadavera infidelium sepeliuntur, sanctificare non licet. Sed si apta videtur ad consecrandum, inde evulsis corporibus, et rasis parietibus et lignis ejus loci, reædificetur. Si hæc consecrata prius fuit, missas in ea celebrare licet: si tamen fideles fuerint, qui in ea sunt sepulti.

CAP. 44.— *Ad quos usus verti debeant ligna dedicatæ ecclesiæ. Ex decretis Higinii papæ, cap. 3.*

(*De cons., dist. 1, c. Ligna.*) Ligna dedicatæ non debent ad aliud opus jungi, nisi ad aliam ecclesiam, vel igni comburenda, vel ad profectum in monasterium fratribus; in laicorum vero opera non debent admitti.

CAP. 45.— *Quid episcopo agendum sit si plures hæredes de una contenderint ecclesia. Ex conc. Triburiensi, c. 20.*

(*16, q. 7, c. Plures.*) Si plures hæredes contenderint de communi ecclesia, auferri jubeat episcopus reliquias sacras et ecclesiam claudi, donec communi consensu et consilio episcopi statuatur inde presbyterum, et unde vivat.

Item Gregorius papa in decretis, cap. 5.

(*16, q. 7, c. Considerandum est.*) De ecclesiis quæ inter cohæredes sunt divisæ considerandum est, quatenus si secundum providentiam et admonitionem episcopi ipsi cohæredes eas voluerint tenere, et honorare faciant. Sin autem hoc contradixerint, in episcopi potestate maneat, utrum eas ita consistere permittat, aut reliquias inde auferre velit.

CAP. 46.— *De eadem re. Ex concilio Mediomatricensi, cap. 11.*

Perlatum est ad sanctam synodum, quod inter hæredes Ecclesiæ in rebus propriis constitutæ divi-

dantur, et tanta per eandem divisionem similtas oriatur, ut de uno altari quatuor partes fiant, et singulæ partes singulos habeant presbyteros. Quod sine discordia et similtate nullo modo fieri potest. Unde nobis visum est, quod hujuscemodi ecclesiæ inter hæredes dividi non debeant, et si in contentionem venerint, et similtates inter eos surrexerint, per quas sacerdos suo ibi officio canonicè fungi non possit, præcipiatur ab episcopo civitatis, ut nullo modo ibi missarum solemnias celebrentur, donec illi ad concordiam redeant, et pari voto atque consilio ecclesia illa sacerdotem canonicè habeat qui libere ibi ministerium suum peragere possit.

CAP. 47.— *Bonum esse parochianas ecclesias more Romanæ Ecclesiæ ordinari et custodiri. Ex epist. 2 Dionysii ad Severum episcopum.*

De ecclesiis ergo parochianis, unde apostolicam sedem consulere voluisti, qualiter sint custodiendæ per Cordubensem provinciam, ac providendæ sacerdotibus, nihil tuæ charitatis melius nobis videtur intimare, quam ut sequaris quod nos in Romana Ecclesia nuper egisse cognoscitur. Ecclesias vero singulas singulis presbyteris dedimus, et unicuique jus proprium habere statuimus: ita videlicet ut nullus alterius parochiæ terminos aut jus invadat, sed unusquisque suis terminis sit contentus, et taliter ecclesiam et plebem sibi commissam custodiat, ut ante tribunal æterni judicis ex omnibus sibi commissis rationem reddat, ut non iudicium, sed gloriam pro suis actibus accipiat. Hanc quoque normam, charissime, te et omnes episcopos sequi convenit, et quod tibi scilicet omnibus quibuscunque potueris notum facias, ut non specialis, sed generalis fiat ista præceptio.

CAP. 48.— *Ut unusquisque presbyter una ecclesia sit contentus. Ex concilio Remensi, cap. 3.*

Unusquisque presbyter ecclesia una ad quam ordinatus est contentus sit, et nullus in duabus ecclesiis ministrare præsumat.

CAP. 49.— *Ut una ecclesia inter plures presbyteros non dividatur. Ex eodem concilio, cap. 9.*

(*21, q. 2, c. Sicut in unaquaque.*) Sicut in unaquaque ecclesia presbyter debet esse, ita ipsa quæ sponsa vel uxor ejus dicitur, non potest dividi inter plures presbyteros, sed unum tantummodo habebit sacerdotem qui eam caste et sinceriter regat. Unde interdiximus, ut nullus præsumat ecclesiam inter duos vel plures dividere, quia Ecclesia Christi uxor et sponsa esse debet, non scortum, sicut Calixtus papa testatur (*epist. 2, c. 3*).

CAP. 50.— *Item ut unusquisque presbyter una sit ecclesia contentus. Ex eodem concilio, cap. 10.*

Statutum est unaquaque ecclesia suum presbyterum habeat, ubi id fieri facultas providente episcopo permiserit.

CAP. 51.— *Item de eadem re. Ex concilio Nannetensi, cap. 8.*

Sicut enim episcopus non plus habere potest quam unam civitatem, et vir unam uxorem: ita presbyter unam tantum ecclesiam. Itaque nullus presbyter

habere præsumat duas ecclesias, si de statu suo A
gaudere desiderat.

CAP. 52.— *Quod nullus presbyter relicta sua ecclesia ad potio- rem aspirare debet. Ex concilio Meldensi, cap. 10.*

(7, q. 1, c. Si quis.) Si quis de ordine sacerdotali, contemptu minoris ecclesiæ, ambitiose et improbe ad potio- rem aspiraverit, canonica erga eum definitio conservetur, id est ut utraque careat.

CAP. 53.— *Quod sicut vivente viro uxor ejus alteri nubere non permittitur, sic vivente presbytero ecclesia sibi commissa ab altero judicari aut disponi non conceditur. Ex decretis Calixti papæ, cap. 4.*

(Ib., c. Sicut alterius.) Sicut alterius uxor nec a alterari ab altero, nec judicari aut disponi, nisi a proprio viro eo vivente permittitur; sic nec uxor episcopi vel presbyteri (quod ejus ecclesia vel parochia indubitanter intelligitur) eo vivente ab altero B dijudicari vel disponi, aut ejus concubitu perfrui permittitur. Unde ait Apostolus: *Alligata est uxor legi, quandiu vir ejus vivit: eo defuncto soluta est a lege viri* (I Cor. VII). Similiter et ecclesia, quæ uxor sacerdotis dicitur, eo vivente ei alligata est: eo defuncto nubat in Domino, id est regulariter. Si enim eo vivente alteri nupsêrit, adultera judicabitur.

CAP. 54.— *De ecclesiis vel sanctis noviter inventis. Ex concilio Agrippinensi, cap. 5.*

De ecclesiis seu sanctis noviter inventis, sine auctoritate inventoris, nisi episcopo probante, in ejus territorio minime venerentur, salva etiam de hoc et de omnibus ecclesiis canonica auctoritate.

CAP. 55.— *Quod presbyter de dotali manso nullum servitium facere debet, nisi ecclesiasticum. Ex concilio Wormat. cap. 50.*

(23, q. 8, c. Mansus.) Sancitum est, ut unicuique ecclesiæ unus mansus integer absque ullo servitio attribuat, et presbyteri in eis constituti non de decimis, neque de oblationibus fidelium, non de domibus, neque de atriis, vel de hortis juxta ecclesiam positis, neque de præscripto manso aliquod servitium faciant, præter ecclesiasticum. Et si quid amplius habuerint, inde senioribus suis debitum servitium impendant.

CAP. 56.— *Ut nullus mortalium de dotali manso, vel mancipiis, vel decimis, vel oblationibus fidelium, vel de redditibus qui ecclesiis collati fuerint, quemquam presbyterorum aliquem censum persolvere cogat. Ex concilio Meldensi, cap. 8.*

Juxta synodalia præcepta decrevimus, ut nullus mortalium de agro ecclesiastico et manso, et mancipiis, vel si quilibet pro loco sepulturæ aliquid largitus fuerit Ecclesiæ, neque de decimis et oblationibus fidelium quemquam presbyterorum aliquem censum persolvere cogat, nec quisquam cujuslibet ordinis aut dignitatis sit, exinde quidquam subtrahat, et redditionem quamcunque exigat temporalem. Quod si fecerit, communionem usque ad satisfactionem privetur.

CAP. 57.— *Ut nulla memoria martyrum probabiliter accipiatur, nisi ubi corpus aut reliquæ certæ sunt, aut ubi origo alicujus habitationis vel possessionis,*

vel passionis fidelissima origine traditur. Ex concilio Africano, cap. 50.

(De consec., dist. 1, c. Placuit.) Item placuit ut altaria quæ passim per agros, et per vias tanquam memoriæ martyrum constituuntur, in quibus nullum corpus aut reliquæ martyris conditæ probantur, ab episcopis qui locis eisdem præsunt, si fieri potest, evertantur. Si autem hoc per tumultus populares non sinitur, plebes tantum admoneantur, ne illa loca frequentent, ut qui recte sapiunt, nulla ibi superstitione devincti teneantur. Et omnino nulla memoria martyrum probabiliter accipiatur, nisi aut ubi corpus aut reliquæ certæ sunt, aut origo alicujus habitationis, vel possessionis, vel passionis fidelissima origine traditur. Nam quæ per somnia, et per inanes quasi revelationes quorumlibet hominum ubicunque constituuntur altaria, omnino reprobentur.

CAP. 58.— *Ut martyrum dignitatem nullus profanus infamet. Ex concilio Carthaginensi 1, cap. 2.*

[Martyrum dignitatem nemo profanus infamet, neque ad passiva corpora, quæ sepulturæ tantum propter misericordiam ecclesiasticam commendari mandatum est, redigat, ut aut insania præcipitatos, aut aliquo tali pacto aut alia ratione peccati discretos [disjunctos], non ratione vel tempore competenti, quo martyria celebrantur, martyrum nomine appellet. At si quis ad injuriam martyrum, claritati eorum adjungat infamiam, placet eos, si laici sunt, ad pœnitentiam redigi; si autem clerici, post commotionem et post cognitionem, honore privari.

CAP. 59.— *Ut missarum solemnia non ubique, sed in locis ab episcopo consecratis, vel ubi ipse permiserit, fiant. Ex concilio Triburiensi, cap. 4.*

(De cons., dist. 1, c. Missarum et c. Concedimus.) Missarum solemnia non ubicunque, sed in locis ab episcopo consecratis, vel ubi ipse permiserit, celebranda esse censemus. Concedimus etiam, ut sicubi (quod nostris peccatis exigentibus per plurimum est factum) a Northmannis, et Flavis [Sclavis], et a Bulgaris, et a malis Christianis seu alio qualicumque modo ecclesiæ fuerint incensæ et combustæ, in capellis cum tabula consecrata, missas interim celebrare permittimus, donec ipsæ ecclesiæ restaurari queant. In itinere vero positis, si ecclesia defuerit, ut sub dio, seu in tentoriis; item si tabula consecrata altaris, cæteraque sacra ministeria ad id officium pertinentia affuerint, missarum solemnia celebrare concedimus, aliter omnino interdiciamus.

CAP. 60.— *Missam nisi ex magna necessitate, non nisi in sacro loco esse celebrandam. Ex decretis Felicis papæ IV omnibus episcopis directis (IV, epist. 1, c. 4).*

(De cons., dist. 1, c. Consecrationem; c. Tabernaculum.) Scripta sanctitatis vestræ, quæ ad sedem apostolicam misistis super quibusdam consultis, quasi ad caput, ut inde reciperetis responsa, unde omnis Ecclesia totius religionis sumpsit exordium, gratanter suscepi, et breviter vobis respondere curavi. De ecclesiarum enim consecratione, et

Le missarum celebrationibus, non alicubi quam in sacratis Domino locis absque magna necessitate fieri debere; liquet omnibus, quibus sunt nota Novi et Veteris Testamenti præcepta. Tabernaculum vero Moysen Domino præcipiente fecisse, et sacrasse cum mensa, et altari ejus, et cæteris vasis et utensilibus, ad divinum cultum explendum legimus; et non solum divinis precibus ea sacrasse, sed etiam sancti olei unctione Domino jubente perlinisse novimus (*Num. vii*). Qualiter autem hæc facta sunt, et quomodo ipsa sacra non alii quam sacerdotes unctione delibuti, Dominoque cum vestibus sanctis sacrati et Levitæ tractabant, ferebant, erigebant et deponebant, in ipsis institutionibus quæ jubente Domino per Moysen conscriptæ sunt, in lege Domini reperitur (*Lev. viii*). Qualiter ergo regum piissimus David amplificaverit cultum Dei, et templum Domini ædificare voluit (*II Reg. vii*), sed propter multum sanguinem quem effuderat prohibitus est, et ipse collegerat expensas (*I Par. xii*); Salomon quoque, filius ejus, i ipsum quod ipse facere optaverat, jubente et auxiliante Domino perfecit, et templum cum altari et reliquis ad divinum cultum peragendum, consecravit, in libro Regum legitur (*III Reg. per. totum*).

CAP. 61. — *De eadem re. Ex epistola Felicis papæ quarti diversis episcopis missa.*

(*Ibidem.*) Judæi ergo loca in quibus sacrificabant Domino divinis habebant supplicationibus consecrata, nec in aliis quam Deo dicatis locis munera Domino offerebant. Si enim Judæi qui umbræ legis deserviebant, hoc faciebant, multo magis quibus veritas patefacta est, et gratia et veritas per Jesum Christum data est (*Joan. i*), templa Domino ædificare, et prout melius possumus ornare, eaque divinis precibus, et sanctis unctionibus suis cum altaribus et vasis, vestibus quoque et reliquis ad divinum cultum explendum utensilibus devote et solemniter sacrare, et non in aliis locis quam Deo sacratis ab episcopis, et non a chorepiscopis, qui sæpe prohibiti sunt, nisi, ut prædictum est, summa exigente necessitate, missas celebrare nec sacrificia Domino offerre debemus. (*De cons., dist. 1, c. Sicut non alii.*) Et hoc cum summa necessitas agere compulerit, non in domibus, quia in sacris canonibus sacrificia in domibus offerri prohibita sunt, sed in tabernaculis, divinis precibus a pontificibus dedicatis, et in mensis Domino sacratis, et sacra unctione a pontificibus delibutis, pro summa, ut præfixum est, necessitate, et non pro libitu cujusquam et pigritia agatur. Sanctius [Satius] est enim missam non cantare aut non audire quam in his locis ubi fieri non oportet, nisi ut sæpe dictum est, pro summa contingat necessitate, quoniam necessitas legem non habet. Unde scriptum est: *Vide ne offeras holocausta tua in omni loco quem videris, sed in omni loco quem elegerit Dominus Deus tuus (Deut. xii)*. Et in Exodo legitur: *Vos vidistis quia de celo locutus sum vobis. Non facietis deos argenteos, neque deos aureos facietis vobis. Altare de terra facietis mihi, et offeretis*

A super illud holocausta et pacifica vestra, oves vestras et boves in omni loco in quo fuerit memoria nominis mei (Exod. xx). Et sicut non alii quam Domino sacrati sacerdotes debent missas cantare, nec sacrificia super altare offerre; sic nec in aliis quam in præfatis Domino sacratis locis missas cantare, aut sacrificia offerre licet [licebit]. Sic autem legitur in concilio Laodicensi capitulo vigesimo sexto. Quod si hi qui non sunt ab episcopis ordinati, tam in ecclesiis quam in domibus exorcizare non possunt, multo magis majoris gradus ministeria, nisi ab eis qui ad eos gradus sunt sacrati, quibus fungi debent, vel officia agi vel sacrificia offerri non licet. Quod autem, ut paulo superius prælibatum est: oblationes in domibus offerri non debent; in eodem concilio capitulo 58, prohibitum habetur ita. (*dist. 69, Non oportet.*) Non oportet in domibus oblationes celebrari ab episcopis vel presbyteris.

CAP. 62. — *Item de eadem re. Ex decretis Clementis papæ (epist. 3), cap. 32.*

(*De cons., dist. 1, c. Hic ergo, id est.*) Hic ergo, hoc est, in præsentī vita positos, oportet vos agnoscere voluntatem et præceptum Dei, ubi agendi et sacrificandi sit locus, quoniam in aliis locis sacrificare, et missas celebrare non licet, nisi in his quibus proprius episcopus jusserit, aut ab episcopo regulariter ordinato, tenente videlicet civitatem, consecrati fuerint [consecratus fuerit]. Aliter enim non sunt hæc agenda, nec rite celebranda, docente Novo et Veteri Testamento. Hæc apostoli a Domino acceperunt, et nobis tradiderunt; hæc nos docemus, vobisque et omnibus absque reprehensione tenere, et docere, quibus agendum est, mandamus.

CAP. 63. — *Item de eodem. Ex concilio Laodicensi, cap. 58.*

Quod non oportet in domibus oblationes celebrari ab episcopis, vel presbyteris.

CAP. 64. — *Item de eodem. Ex concilio Aurelianensi, cap. 4.*

Audivimus quod quidam laici in domibus propriis præcipiant presbyteris suis missas celebrare, ut inter canum discursus, et scortorum greges sanctitatis mysteria polluantur magis quam consecrentur. Quapropter præcipimus, ut nullus presbyter extra ecclesiam præsumat missam cantare, nisi forte itineris necessitas exposcat in tentorio, aut sub dio [divo] in loco nitido, et longe ab omni immunditia remoto, missas permittimus celebrare, et hæc nullatenus sine tabula consecrata.

CAP. 65. — *Quod ante horam diei tertiam missæ non sint celebrandæ. Ex epistola Telesphori papæ, cap. 6.*

Missarum celebrationes ante horam diei tertiam minime sunt celebrandæ; quia eadem hora et Dominus crucifixus est, et super apostolos sanctus Spiritus descendisse legitur, excepta nocte Nativitatis.

CAP. 66. — *Quod singulis diebus missas in memoriam fidelium defunctorum liceat celebrare. Ex concilio Cabilonensi, cap. 39.*

(*De cons., dist. 1, c. Visum præterea nobis.*) Visum præterea nobis est ut in omnibus missarum solemnium

tabus pro defunctorum spiritibus loco competenti Dominus deprecetur. Sicut enim nulla dies excipitur, qua non pro viventibus, et pro quibuslibet necessitatibus deprecetur, ita nimirum nulla dies excipi debet quin pro animabus fidelium preces Domino in missarum solemnibus fundantur. Antiquitus igitur hunc morem sancta tenet Ecclesia, ut missarum solemnibus et aliis precibus, Domino spiritus quiescentium commendentur, dicente beato Augustino (1. *De cura pro mortuis agenda*, c. 4) : Non sunt prætermittendæ supplicationes pro spiritibus mortuorum, quas faciendas pro omnibus in Christiana et catholica societate laudamus. Defunctis etiam tantis hominibus, eorum sub generali commemoratione suscepit Ecclesia memoriam, ut quibus ad ista desunt parentes aut filii, aut quicumque cognati vel amici, ab una eis exhibeatur pia matre communi.

CAP. 67. — *Quod missa mortuorum pro omnibus Christianis sit cantanda. Ex dictis Dionysii Areopagite.*

Dionysius Areopagita dicit, blasphemias Deo facere, qui missas offert pro malo homine. *Augustinus dicit*, pro omnibus Christianis esse faciendum quia vel eis proficit, aut offerentibus proderit.

CAP. 68. — *Ut sicut missarum institutiones in metropoli, sic in omnibus comprovincialibus ecclesiis fiant. Ex concilio Gerundensi, cap. primo.*

(*De cons., dist. 2, c. Institutiones.*) Ut institutiones missarum, sicut in metropolitana ecclesia fiunt, ita in Dei nomine in omnibus comprovincialibus ecclesiis, tam ipsius missæ ordo, quam psallendi vel ministrandi consuetudo servetur.

CAP. 69. — *Ut preces et præfationes quæ in concilio probatæ non fuerint, non celebrentur. Ex concilio Africano, cap. 64. (Sub Bonifacio I, et Cælestino I, c. 70.)*

Placuit etiam hoc, ut preces quæ probatæ fuerint in concilio sive præfationes, sive commendationes, seu manus impositiones ab omnibus celebrentur, nec aliæ omnino contra fidem proferantur, sed quæcumque cum prudentioribus fuerint collatæ [collectæ] dicantur.

CAP. 70. — *Ut nullus presbyter solus missam audeat celebrare. Ex concilio Nannetensi, cap. 30.*

(17, q. 4, c. *Definitiv.*) Definitivum sanctum concilium, ut nullus presbyter solus præsumat missam celebrare [cantare]. Cui enim dicit : *Dominus vobiscum, Sursum corda*, aut *Gratias agamus Domino Deo nostro*, cum nullus sit qui respondeat; aut, in canone, *Et omnium circumstantium*, cum nemo adsit. Aut quem invitat ad orationem, cum dicit *Oremus*, cum nullus sit qui secum oret? Aut ergo ista penitus reticenda sunt, et non solum non erit perfectum sacrificium, verum etiam incurret (quisquis ille est) illam terribilem sententiam : Si quis tulerit de hoc, tollat Deus partem ejus de libro vitæ, aut si hæc muris et parietibus insupraverit, ridiculosum erit. Quapropter illa periculosa superstitio, maxime a monasteriis monachorum exterminanda est. Provideant autem prælati ut presbyteri in cœnobiis et in aliis ecclesiis cooperatores habeant in celebratione mis-

sarum. Si quis hæc transgressus fuerit, ab officio suspendatur.

CAP. 71. — *Ut in ecclesia nil aliud agatur, nisi ad quod facta est. Ex dictis sancti Benedicti (cap. 52 suæ regulæ).*

(*Dist. 42, c. Oratorium.*) Oratorium hoc sit quod dicitur, nec ibi quidquam aliud geratur aut condatur quam quod ministeriis convenit.

CAP. 72. — *De eadem re. Ex dictis sancti Augustini.*

In oratorio præter orandi psallendique Deo cultum, penitus nihil agatur, ut nomini huic et opera jugiter impensa concordent.

CAP. 73. — *Item de eadem re. Ex concilio Laodicensi, cap. 28.*

(*Dist. 42, c. Non oportet.*) Quod non oporteat in domiciliis divinis, id est in ecclesiis, agapes fieri, et intra domum Domini comedere, et accubitus sternere.

CAP. 74. — *Ut nullus in ecclesia tabernas constituat. Ex concilio Carthaginensi, cap. 28.*

Ut nulli episcopi vel clerici in ecclesia conveniatur, nisi forte transeuntes hospitii necessitate illic reticiantur : populi etiam ab hujusmodi conviviis, quantum fieri potest, prohibeantur.

CAP. 75. — *De eodem. Ex concilio Turonensi,*

Perlatum est ad sanctam synodum, quod quidam presbyteri in ecclesiis sibi commissis tabernas (quod nefas est) constituunt, ibique per caupones vinum vendant, aut vendere permittant : et ubi tantummodo orationes et verbum divinum, Deique laus debuerat resonare, ibi comessationes et ebrietates fiunt, ibi risus, et plausus, et verba turpia, ibi rixæ et contentiones resultent. Quod quam sit Deo contrarium, Dominus Jesus demonstrat : qui cum venisset in templum, vendentes et ementes, et numularios sedentes, facto funiculo, omnes ejecit de templo (*Joan. 11*). Si enim ea quæ licite vendi videbantur in templo, et ad hoc emebantur, ut in eodem templo offerrentur Domini, ipse foras ejecit : quid putas de tam pestifera præsumptione et Dei contemptu fiet? Et si non solum sacerdotibus, sed etiam omnibus clericis præcipitur ne tabernas ingrediantur : quis audire potest, ut ecclesiæ Dei tabernæ fiant? Itaque interdicit per omnia synodus, ne hoc in posterum ullatenus fiat. Quod si factum fuerit, presbyter deponatur, laici communione privati ab ecclesia quam debonestaverunt, expellantur. *De eadem re ex eodem concilio, cap. 3.* Si enim domus Dei domus orationis (*Matth. XXI*) vocatur, hoc debet esse quod dicitur, nec ibi aliud debet geri aut recondi. Ubi enim corpus Domini consecratur, ubi angelorum præsentia non dubitatur adesse, ubi sanctorum reliquiæ reconditæ venerantur, nec quidquam inhonestum appareat, quod oculos ad oraculum venientium offendant, ne quid videatur ibi quod ad lucrum temporale pertineat, sed omnia sancta, omnia munda, et tantummodo ad ecclesiasticum ministerium pertinentia.

- CAP. 76.** — *Quod unicuique fidelium licet oratorium in domo sua habere, missas autem ibi non licet celebrare. Ex concilio Aure., cap. 3.*
(*De cons., dist. 1, c. Unicuique.*) Unicuique fidelium in domo sua oratorium licet habere, et ibi orare, missas autem ibi celebrare non licet.
- CAP. 77.** — *Canticum luxuriosum circa ecclesias et atria omnino prohibendum est. Ex concilio Maguntensi 1, cap. 48.*
Canticum turpe atque luxuriosum circa ecclesias, atque in atriis ecclesiarum omnino contradicimus, quod ubique vitandum est.
- CAP. 78.** — *Sanctorum reliquias in oratoriis villaribus sine præsentia clerici parochiani, non esse ponendas. Ex concilio Epaunensi, cap. 25.*
Sanctorum reliquiarum in oratoriis villaribus non ponantur, nisi forsitan clericum cujusque parochiæ vicinum esse contingat, qui sacris pignoribus [cineribus] psallendi frequentia famuletur.
- CAP. 79.** — *Sedes episcoporum ad securiora loca propter diversas necessitates posse transferri. Ex registro Gregorii papæ, ad Joannem Bellitranensem episcopum (l. II, epist. 11).*
(17, q. 1, c. Temporis.) Temporum qualitas ad monent episcopum sedes antiquitus certis civitatibus constitutas, ad alia, quæ securiora putamus ejusdem dioceseos loca transponere, quo et habitatores securius degere, et barbaricum possit periculum facilius declinari. Propterea te Joannem fratrem coepiscopumque nostrum Bellitranensis civitatis, sedemque tuam, in loco qui appellatur Renati ad sanctum Andream apostolum præcipimus exinde transmigrare; quatenus, et ab hostilitatis incursu liberior existere valeas; et illic consuetudinem solemnium festorum disponas.
- CAP. 80.** — *Tribus de causis loca sanctorum transmutanda esse. Divus Augustinus.*
(*De cons., dist. 1, c. Tribus ex causis.*) Tribus causis loca sanctorum transmutanda sunt. Primo cum necessitas persecutorum loca eorum gravaverit. Secundo cum difficultas locorum fuerit. Tertio cum malorum societate gravantur.
- CAP. 81.** — *Quod in translatione martyrum honor cum eis transmigrat. D. Hieronymus.*
Notandum cum transferuntur aliqui de martyribus, cum his honor commigrat; aliis vero transmutatis honor in locis eorum esse non cessat.
- CAP. 82.** — *Quod sanguis martyrum consecrat locum, non locus sanguinem. Ex dictis Augustini.*
Sanguis martyrum consecrat locum, non locus sanguinem. Si aliquis dixit: Mea est ecclesia, dices illi quod in Cantico legitur: *Una est columba mea, et unus dilectus meus (Cant. vi)*, et dices illi: Apertum est, filium occidi in sinu matris et nutricis suæ; tamen scias nutricem tantum pollutam esse pro hac pollutione consecratam, filium autem mortuum esse.
- CAP. 83.** — *Unde dicta sit basilica. Isidorus.*
Basileon Græcorum rex erat. Hinc etenim basilica, regalis, quia in primis temporibus reges tantum sepeliebantur in ea. Ideo nomen sortita est. Nam illis temporibus cæteri homines sive igne combusti, sive acervo lapidum sepulti sunt.
- CAP. 84.** — *De illis qui domum Dei contemptibilem faciunt. Ex concilio Gangrensi, cap. 5.*
(*Dist. 30, c. Si quis docet.*) Si quis docet domum Dei contemptibilem esse, et conventus qui in ea celebrantur, anathema sit.
- CAP. 85.** — *Quid faciendum sit episcopo qui ecclesiam per sæculares potestates obtinuerit. Ex canone apostolorum, cap. 31.*
(16, q. 7, *Si quis episcopus.*) Si quis episcopus sæcularibus potestatibus usus, ecclesiam per ipsas obtineat, deponatur et segregetur, omnesque qui illi communicant.
- CAP. 86.** — *Quid agendum sit de presbytero, qui alium presbyterum de ecclesia ad quam legitime ordinatus est, per pecuniam abstulerit. Ex concilio Maguntensi secundo, cap. 3.*
Quicumque presbyter per pretium ecclesiam fuerit adeptus, quando contra ecclesiasticæ regulæ disciplinam agere dignoscitur, et qui alium presbyterum legitime ad ecclesiam ordinatum per pecuniam expulerit, eamque sibi taliter vindicaverit, omnimodis deponatur.
- CAP. 87.** — *Ut laici presbyteros de ecclesiis non ejiciant. Ex eodem conc., cap. 29.*
Ut laici presbyteros non ejiciant de ecclesiis, neque constituent sine consensu episcoporum suorum.
- CAP. 88.** — *Ut nulli absque consensu episcopi liceat presbytero ecclesiam dare vel auferre. Ex concilio Cabilonensi II, cap. 42.*
(16, q. 7, c. *Inventum est.*) Inventum est quod multi arbitrii sui temeritate, et (quod est gravius) ducti cupiditate, presbyteris quibuslibet, absque consensu episcoporum suorum ecclesias dant, vel auferunt. Unde oportet ut canonica regula servata, nullus absque consensu episcopi cuilibet presbytero ecclesiam det. Quam si juste adeptus fuerit, hanc non nisi culpa gravi, et coram episcopo canonica severitate amittat.
- CAP. 89.** — *Ut nullus a presbytero propter commendationem ecclesiæ munus aliquod exigat. Ex concilio Maguntensi II, cap. 30.*
Ut nullus omnino munera exigat a presbyteris propter commendationem ecclesiæ.
- CAP. 90.** — *Quod deponendus est presbyter qui alicui vel clerico vel laico pro investitura ecclesiæ aliquid dederit. Ex conc. Rothomag., cap. 5.*
Sanctum est atque omnibus modis prohibitum, ut si quis presbyter inventus fuerit alicui clerico aut laico munera dare aut dedisse, aut aliquam [aliam] pecuniam tribuere, ut alterius presbyteri ecclesiam vacantem pretio redimat: pro hac cupiditate seu rapina, seu præsumptione, turpis lucri gratia, dejiciatur a clero, et alicui existat a regula.
- CAP. 91.** — *Ut presbyteri per parochias feminas admoneant ut ad altaria linteamina præparent. Ex concilio Remensi, cap. 4.*
Ut presbyteri per plebes suas feminas, prædicent ut linteamina in altaria præparent.

CAP. 92. — *Ut episcopi prævideant quem honorem presbyteri pro ecclesiis dominis suis debeant. Ex concilio Arelatensi, cap. 3.*

Ut episcopi prævideant, quem honorem presbyteri pro ecclesiis dominis suis debeant.

CAP. 93. — *Ut nullus presbyter ad introitum ecclesie pretia donet. Ex concilio Aurelianensi, cap. 10.*

Ut nullus presbyter ad introitum ecclesie xenia donet.

CAP. 94. — *Quod prædia quæ presbyter emerit ecclesie esse debent, ad quam nihil habens accessit. Ex concilio Remensi, cap. 6.*

Investigandum est, si nihil patrimonii habens presbyter quando proventus est ad ordinem ecclesiasticum, postea emerit prædia, cujus juris sint, quoniam ecclesie ad quam de nihil habenti promotus est, esse debent, juxta canonicam auctoritatem.

CAP. 95. — *De eadem re. Ex concilio Agathensi, cap. 54.*

(12, q. 4, c. Presbyter.) Presbyter cum diocesim tenet, de his quæ emerit ad ecclesie nomen scripturam faciat, ut ab ejus quam tenet ecclesie ordinatione non discedat.

CAP. 96. — *Ut episcopi, presbyteri, diaconi, vel quicumque clerici prædia, quæ comparaverint, postquam ad aliquam ecclesiam titulati sunt, ecclesie relinquere debeant; de his autem quæ jure hæreditario, vel aliquorum largitione habuerint ad voluntatem suam disponant. Ex conc. Carthag. III, cap. 49.*

(12, q. 3, c. Placuit.) Placuit ut episcopi, presbyteri, diaconi, vel quicumque clerici qui nihil habentes ordinantur, et tempore episcopatus vel clericatus sui, agros vel quæcunque prædia sui nominis comparant tanquam rerum Dominicarum invasionis crimine teneantur obnoxii, nisi ad ecclesiam ad quam titulati sunt, eadem ipsa contulerint. Si autem ipsis propria liberalitate alicujus, vel successione cognitionis, aliquid evenerit, faciant inde quod velint. *De eadem re. Ex eodem cap. 48.* Ut unusquisque presbyter res quas post diem consecrationis acquisierit, propriæ ecclesie relinquat. *De eadem re. Ex conc. Toletano.* Cæterum presbyter, si post ordinationem aliquid acquisierit, illud observandum est quod in canonibus de consecratis et nihil habentibus constitutum est. *Ex conc. Remensi, cap. 10.* Inquirendum est si aliquis presbyterorum de redditibus ecclesie vel oblationibus ac votis fidelium alio nomine res comparaverit, et ibi structuram fecerit, vel quæ ad ecclesiam pertinent ibidem collocaverit, et mulierum frequentationem inibi fieri permiserit, vel (quod turpius est) tales mulieres ibidem habuerit, quæ lanificium suum exerceant, et curam domus agant, et in eadem presbyter frequenter veniens manserit, et contra decreta canonum hoc malum agat, quia sicut nec suo, ita nec alieno nomine presbyter fœnus exercere debet, multo minus fraudem facere de facultatibus ecclesiasticis, quando hoc sacrilegium est, et pars criminis [par crimen]

A Judæ sit, qui sacras oblationes asportabat et furabatur.

CAP. 97. — *Parochias unicuique ecclesie pristina dispositione deputatas, perpetua firmitate inconcussas permanere debere. Gelas. Max. et Eus. episcopis.*

(16, q. 3, c. Licet regulis.) Licet regulis contineatur antiquis, parochias unicuique ecclesie pristina dispositione deputatas, nulla posse ratione convelli, ne per consuetudinem pessimam exempli mali temeritate crescente ubique universalis confusio nasceretur: tamen etiam decretis nostris ante non multum temporis destinatis, omnia jussimus quæ taliter fuerant invasa restitui. Sed quia temeritas pervadentium, legem sibi putat posse generari: si scelere suo pertinaciam retentionis adjungat, ea quæ inter fratrem et coepiscopum nostrum Constantium Camiscanæ ecclesie sacerdotem, et directos ab Anconitano pontifice decrevimus, per vos impleri cupimus. Tunc formam in cæteris cognitionibus, quæ sit sequenda perscripsimus. Nulla igitur præsumptione statum parochiarum, qui perpetuæ ætatis firmitate duravit, patimur immutari, quia neque negligentia pontificis, neque temporalis objectio, quæ per incuriam forte generatur, nec ignavia faciente consensus, nec subripiente supplicatione præcepto divellere potest semel diocesim constitutam, ex qua semper ad generationem atque consignationem plebs devota convenit.

C CAP. 98. — *De compositione sacrilegii, et quot modis sacrilegium fieri possit. Joannes octavus in libro Gothicæ legis.*

Joannes episcopus servus servorum Dei omnibus episcopis, comitibus, vicecomitibus, centenariis, iudicibus catholicis, in Hispania et Gothia, et provinciis degentibus, omnique populo occidentali catholico, salutem et apostolicam benedictionem. Noveritis, dilectissimi filii, quia nos pro statu sanctæ Dei Ecclesie jussimus congregari synodale concilium, apud urbem Treceas, ubi sedentibus nobis in corona, venit ante præsentiam nostram filius noster Sineboldus sanctæ primæ sedis Narbonensis episcopus, cum suis suffraganeis episcopis, et detulit nobis librum Gothicæ legis, ubi nihil habebatur de sacrilegiis, et in eisdem legibus scriptum, ut causæ, quas illæ leges non habent, non audirentur a iudicibus illius patriæ, atque ita jus sanctæ Ecclesie suffocabatur ab incolis Gallie, et Hispanie provinciis. Unde nostra serenitas cum præscriptis episcopis inspectis legibus Romanis ubi habebatur de sacrilegiis, invenimus ibi a Justiniano imperatore legem compositionis sacrilegii constitutam, scilicet in quinque libras auri optimi. Sed nos leniorem legem præcepimus esse tenendam, quæ a Carolo est constituta pio principe, de compositione sacrilegii, videlicet in triginta libras argenti examinati: id est, sexcentorum solidorum summam argenti purissimi; ideoque quisquis inventus fuerit reus sacrilegii, istam leniorem compositionem emendet ipsis episcopis vel ab

habitus sive personis, ad quos querimonia sacrilegii A
 juste pertinuerit, et si ipse reus sacrilegii facere
 noluerit, tandiu excommunicationi subiaceat, us-
 quequo prædictam compositionem sexcentorum so-
 lidorum persolvat. Et si in hac obstinatione mortuus
 fuerit, corpus ejus cum psalmis et hymnis non dele-
 ratur ad sepulturam; et præcipimus, ut in fine co-
 dicis legis mundanæ scribatur hæc lex. *Huc usque*
lex papæ. Sacrilegium enim committitur, si quis
 infregerit ecclesiam, vel triginta ecclesiasticos pas-
 sus qui in circuitu ecclesiæ fuerint: vel in domibus
 quæ infra prædictos passus fuerint, aliquid inde di-
 ripiendo vel auferendo, seu qui injuriam vel abla-
 tionem rerum intulerit, clericis arma non ferentibus
 vel monachis, sive Deo devotis hominibus, eccle-
 siasticis personis. Non enim capellæ quæ infra am-
 bitum murorum castellorum sunt, mittuntur, vel
 ponuntur in hac observatione. Similiter etiam sac-
 rilegium committitur auferendo sacrum de sacro,
 vel non sacrum de sacro, sive sacrum de non sacro.
 Non sacrum vero de non sacro, quia non potest
 computari in crimine sacrilegii, secundum mun-
 danarum legum censuram debet emendari, vel se-
 cundum morem patriæ.

CAP. 99. — *De duobus episcopis altercantibus de pa-
 rochia cujusdam basilicæ, et quod tricennalis
 quæta possessio omnem objectionem excludat.*

(16, q. 3, c. *Inter memoratos.*) Inter memoratos
 fratres nostros Fulgentium Astigitanum et Hono-
 rium Cordubensem episcopum discursio agitata est C
 propter parochiam basilicæ cujusdam, quam horum
 alter Celtasensem asseruit. Et quia inter utrasque
 partes hæctenus limitis actio vindicata est, cujus
 quamvis vetusta retentione nullum juris præjudi-
 cium afferret: ideoque ne in dubium ultra inter eos
 nostra devocaretur sententia, prolatis canonibus,
 synodalia decreta perfecta sunt: quorum auctoritas
 præmonet ita oportere inhiberi cupiditatem, ut ne
 quis terminos usurpet alienos. Ob hoc placuit inter
 alternas partes inspectionis viros mittendos, ita ut
 diocæsis possidentis (si tamen basilicam, veri signi
 limes provisus monstraverit) ecclesiæ cujus est jus
 retentionis, sit æternum dominium. Quod et si limes
 legitimus eandem basilicam non concludit, et tamen
 longi temporis probatur objecta præscriptio, appel-
 latio præsentis episcopi non valebit, quia illi tricen-
 nalis objectio sitentium imponit. Hoc etiam et sæ-
 cularium principum edicta præcipiunt et præsulum
 Romanorum decrevit auctoritas. Si vero infra metas
 tricennalis temporis extra alios terminos basilicæ
 injusta retentio reperitur, repetentis episcopi juri
 sine mora restituitur.

CAP. 100. — *Quid immunitatis nomine comprehen-
 datur, et quæ sit infractæ immunitatis compositio.
 Ex libro Capitulorum.*

Pervenit ad nos quod a quibusdam temeratoribus
 dicatur non plus immunitatis nomine complecti,
 quam claustra monasterii: cætera vero quamvis ad
 easdem ecclesias vel monasteria pertinent, extra

immunitatem esse. Propter hoc volumus atque de-
 cernimus, ut omnes intelligant non solum claustra
 monasterii vel Ecclesiæ, atque castitia ecclesiarum
 sub immunitatis defensione, consistere, verum etiam
 domus, et villas, et septa villarum, et piscatoria ma-
 nufacta: et quidquid fossis aut sepibus, vel etiam
 alio clausurarum genere nomine præcingitur, eodem
 immunitatis nomine contineri. Et quidquid infra
 hujusmodi munimenta ad jus earundem ecclesiarum
 vel monasteriorum pertinentia, a quolibet homine
 nocendi, vel damnum inferendi causa, spontanea
 voluntate committitur, in hoc facto immunitas fracta
 judicatur. Quod vero in agros, et campos, et silvas,
 quæ sine laborationibus sunt, et nullo modo mun-
 itione cinguntur, casu (sicut fieri solet) a quibuslibet
 hominibus aliquod damnum factum fuerit, quamvis
 idem ager, aut campus, vel silva ad ecclesiam vel
 monasterium præceptum immunitatis habentem per-
 tineat, non tamen in hoc immunitas fracta judica-
 tur: et ideo non sexcentorum solidorum composi-
 tione, sed secundum legem quæ in eodem loco te-
 netur is multandus est, qui scandalum vel damnum
 in tali loco fecisse convictus fuerit.

CAP. 101. — *Nullum pretium pro loco sepulture ali-
 quo modo exigendum esse. Gregorius Januarii epi-
 scopo Sardinie (lib. vii Registri, epist. 55).*

(13, q. 2, c. *Quæta.*) Prave nimis et procul est a
 sacerdotis officio, pretium de terra concessa putre-
 dini quærere, et de alieno velle facere luctu com-
 pendium. Hoc autem vitium, et nos postquam Deo
 auctore ad episcopatus honorem accessimus, de eccle-
 sia nostra omnino vetuimus: et pravam de novo
 consuetudinem nequaquam usurpari permisimus,
 memores quia dum Abraham a filiis Ephron, hoc
 est a filiis Seor, sepulcrum pretio ad humandum
 corpus conjugis postularet, pretium accipere renuit,
 ne commodum videretur de cadavere consecutus
 (Gen. xxiii). Si ergo tantæ considerationis paganus
 vir fuit, quanto magis nos qui sacerdotes dicimur,
 hoc facere non debemus? unde ne hoc avaritiæ vi-
 tium, vel in alienis denuo tentari præsumatur, ad-
 moneo. Sed si quando aliquem in ecclesia vestra
 sepeliri conceditis, si quidem parentes ipsius, vel
 proximi, vel hæredes pro luminaribus sponte quid
 offerre voluerint, accipere non vetamus. Peti vero,
 aut aliquid exigi omnino prohibemus: ne quod
 valde irreligiosum est, aut venalis (quod absit) Ec-
 clesia dicatur, aut vos de humanis videamini mor-
 tibus gratulari, si ex eorum cadaveribus studeatis
 quolibet modo compendium quærere.

CAP. 102. — *Ne laici presbyteros ab ecclesiis ad quas
 denominati sunt, expellere audeant. Carolo regi Leo
 tertius.*

Contra sanctorum Patrum censuras videtur exi-
 stere, si sæcularis homo vel laicus, presbyteros ab
 ecclesiis in quibus tempore ordinationis eorum de-
 nominati, vel introducti fuerunt, nitatur expellere.

CAP. 103. — *Quod non liceat presbyteris, contempto*

episcopo, se ab ecclesiis suis segregare, et alias privatim vivere. Ex concilio Antiocheno, cap. 5.

Si quis presbyter aut diaconus, contempto episcopo seipsum ab ecclesia segregaverit, et privatim apud se collectis populis altare erigere ausus fuerit; et nihilominus episcopo suo exhortante, et semel, et iterum revocante inobediens exstiterit, hic modis omnibus deponendus est, nec aliquando consequi curationem aut proprium honorem recipere speret. Quod si etiam perseveraverit perturbans cunctam Ecclesiam, per potestatem quæ foris est, tanquam seditiosum corripi oportet.

CAP. 104. — *De confinibus cæmeteriorum, id est quot passus habere debeant. Nicolaus papa, omnibus episcopis.*

(17, q. 4, c. *Sicut antiquitus.*) De confinibus cæmeteriorum sicut antiquitus a sanctis Patribus statutum est, statuimus: ita ut major ecclesia per circuitum sexaginta passus habeat: capellæ vero vel minores ecclesiæ triginta. Qui autem confinium eorum infringere tentaverit, aut personam hominis vel bona ejus inde abstraxerit, nisi publicus latro fuerit, quousque emendet, et quod rapuerat reddat, excommunicetur.

CAP. 105. — *Non oportere subdiaconos sacrarium ingredi et contingere vasa Dominica, cap. 21.*

Quoniam non oportet subdiaconos licentiam habere in secretarium sive sacrarium quod Græci diaconion vocant, ingredi, et contingere vasa Dominica.

CAP. 106. — *Quod oporteat parochias rusticanas infra terminum ejus episcopi permanere, qui eas per triginta annos gubernavit. Ex concilio Chalcedonensi, cap. 16.*

(16, q. 3, c. *Per singulas.*) Per singulas ecclesias rusticanas parochias sive possessiones manere immobiles apud eos qui eas retinent episcopos, decrevimus: et maxime, qui eas sine violentia jam per triginta annos tenentes gubernaverunt. Si vero intra triginta annos facta fuerit, aut flat de his altercatio, licere eis qui se dixerint læsos, propter eas movere apud synodum provinciæ certamen. Si quis vero se putat a proprio metropolitano gravari, apud primatem diocæseos, vel apud Constantinopolitanæ civitatis sedem, agat judicium, sicut dictum est. Si vero quælibet civitas per auctoritatem imperialem renovata est, aut si renovetur in posterum civilibus et publicis ordinationibus etiam ecclesiarum parochianarum, sequatur ordinatio.

CAP. 107. — *De his qui ad ecclesiam pro reatibus suis confugiunt, quod non sunt abstrahendi, nec de ecclesia vel de ecclesiasticis officinis, vel de atrio, vel de domo episcopi, vel a claustro: nec alicui re-consignari debent, nisi accepta securitate de morte et debilitate.*

(*Conc. Aurelian. 1, cap. 3, 17, q. 4, c. Id constitutum.*) In synodo Aurelianensi prima sub Clodoveo rege in qua sederunt episcopi viginti quatuor de his qui ad ecclesiam pro reatibus suis fugiunt, id constitutum est observandum, quod antiqui canones decreverunt, et lex Romana constituit: ut ab ecclesiæ atrii, vel a domo episcopi, vel a claustro, quia hæc pro immunitate habentur, eos abstrahere om-

nino non liceat, sed nec alteri consignare, nisi ad evangelia datis sacramentis de morte, et debilitate, et omni pœnarum genere sint securi: ita ut ei cui reus fuerit criminosus consignatus, de satisfactione conveniat. Quod si quis sacramenta sua convictus fuerit violasse, reus perjurii, non solum a communione ecclesiæ, vel omnium clericorum, verum etiam a catholicorum convivio separetur. Quod si is cui reus est, noluerit sibi intentione faciente componi, et ipse reus de ecclesia actus timore discesserit, ab ecclesiæ clericis non requiratur.

CAP. 108. — *De raptore qui cum rapta ad ecclesiam confugerit. Ex eodem, cap. 4.*

(36, q. 1, c. *De raptoribus.*) De raptoribus autem seminarum id constituendum esse censuimus, ut si ad ecclesiam raptor cum rapta confugerit, et feminam ipsam violentiam pertulisse constiterit, statim liberetur de potestate raptoris, et parentibus reddatur: et raptor, mortis vel pœnarum impunitate concessa, liberam habeat eundi facultatem. Si vero parentes mulieris ecclesiasticis viris obedire noluerint, excommunicentur.

CAP. 109. — *De servo qui pro qualibet culpa a domino suo ad ecclesiam confugerit. Ex eodem, cap. 5.*

(17, q. 4, c. *Id constituimus.*) Servus qui ad ecclesiam confugerit pro qualibet culpa, si a domino pro commissa culpa ecclesiasticum sacramentum susceperit, statim ad servitium domini sui redire cogatur. Et postquam dato sacramento domino suo fuerit consignatus, si aliquid pro eadem culpa qui accusatur probatus fuerit pertulisse, pro contemptu Ecclesiæ, et prævaricatione [privatione] fidei, a communione, vel convivio catholicorum, sicut superius comprehensus est, extraneus habeatur. Si vero servus pro culpa sua ab ecclesia defensatus sacramentum domini sui clericis exigentibus de impunitate perceperit, exire nolentem a domino liceat occupari.

CAP. 110. — *De eadem re. Ex concilio Chalcedon., cap. 5.*

Similiter in Maticensi synodo decretum est, ut hi qui fugiunt suos inimicos, aut in ecclesiam, aut in atrium ecclesiæ, aut in domum episcopi, aut in claustrum regularium, non inde abstrahantur, nisi prius supra sacra securitate accepta a persecutoribus, de morte, de debilitate, et omni pœnarum genere sint securi: etiam si servi sint illorum qui persequuntur eos, ita ut ei cui rei criminosi fuerint, de satisfactione conveniat. Quod si is qui super sacra prius juraverat, convictus fuerit sacramentum violasse, reus perjurii a communione privetur quousque satisfaciatur.

CAP. 111. — *Item de eodem. Ex concilio apud Theodonis villam, cap. 11*

(17, q. 4, c. *Reum ad ecclesiam.*) Servum confugientem ad ecclesiam, seu in atrium ecclesiæ, aut in officinas regularium fratrum, vel in curtem, aut in domum episcopi, quia hæc in antiquis canonibus pro immunitate tenentur, nemo abstrahere audeat, neque inde donare ad pœnam vel ad mortem, ut

honor Dei et sanctorum ejus præ omnibus conservetur : sed rectores ecclesiarum pacem et vitam, et membra ejus cum juramento obtinere studeant, tamen legitime componat quicquid inique fecerat, et si insecutor magistris Ecclesiæ obedire noluerit canonice constringatur.

CAP. 112. — *Item de eadem re. Ex concilio Arausico. cap. 5.*

Eos qui ad ecclesiam confugerint tradi non debere, sed loci reverentia, et intercessione defendi. Si quis autem clericorum mancipia, pro suis mancipiis ad ecclesiam confugientibus, crediderit occupare : per omnes ecclesias districtissima damnatione feriatur.

CAP. 113 — *De immunitate ecclesiæ. Ex concilio Triburiensi, cap. 6.*

(17, q. 4, c. Si quis in atrio.) Si quis in ecclesiæ atrio pugnam committit, aut homicidium facit, quicquid pro immunitate violata emendandum est, altario solvatur, cujuscunque fuerit ecclesia illa.

CAP. 114. — *De fugientibus ad ecclesiam. Ex concilio Mediomatricis, cap. 2.*

(17, q. 4, c. Si quis contumax.) Siquis contumax vel superbus timorem cleri, vel reverentiam ecclesiarum non habuerit, et fugientem servum suum, vel quem persecutus fuerit, de atrio ecclesiæ, vel de porticibus quolibet modo ecclesiæ adhærentibus, per vim abstraxerit : pro immunitate pccc solidos episcopo componat : et ipse publica pœnitentia juxta judicium episcopi multetur, ut sit honor Dei et reverentia sanctorum, et Ecclesia Dei semper invicta permaneat.

CAP. 115. — *Quod serri fugientes dominos suos ad ecclesiam, intercessionem debent querere, non latebras. Gelasius [Gregorius] Bonifacio episcopo.*

(17, q. 4, c. Metuentes.) Metuentes famuli dominos, si ad ecclesiæ septa confugerint, intercessionem debent querere, non latebras : ne hæc ipsa præsumptio tarditatis temeritatem augeat renitendi. Filius enim noster vir spectabilis Petrus queritur servum suum in ecclesia Sancti Clementis diutius commorari, cui cum deputasset sacramenta præstari, illum egredi nulla ratione voluisse. Et ideo directos supradicti hominis de præsentis cum eo quem elegerit, esse mittendos, qui cum de impunitate ejus sacramenta præbuerint, eum statim facies ad dominum suum modis omnibus remeare : aut si in hac pertinacia forte perstiterit, post sacramentum sibi præstitum, reddatur invitus.

CAP. 116. — *De eodem. Idem Petro subdiacono Campaniæ.*

Mancipia si qua in monasterium Sancti Severini, vel in aliam ecclesiam de civitate refugerint, mox ut ad notitiam tuam pervenerit, nullo modo ea illic inamorari permittas : sed intra civitatem in ecclesiam revocentur, et si justam contra dominos suos querelam habuerint, congrua ordinatione de ecclesia exire necesse est : si vero venialem culpam commiserint, dominis suis, accepto de venia sacramento, sine mora reddantur.

A CAP. 117. — *Ut nullus clericorum servum vel discipulum suum ab ecclesia extrahere audeat, vel flagellare præsumat. Ex Ilerdensi concilio, cap. 8.*

(17, q. 4, c. Nullus clericorum.) Nullus clericorum servum aut discipulum suum ad ecclesiam fugientem, extrahere audeat, vel flagellare præsumat : quod si fecerit, donec digne pœniteat, a loco cui honorem non dedit, segregetur.

CAP. 118. — *Ne quis mancipia clericorum pro suis ad ecclesiam profugis occupare audeat. Ex concilio Arausicano, cap. 6.*

Si quis mancipia clericorum pro suis mancipiis ad ecclesiam confugientibus crediderit occupanda, districtissima damnatione per omnes ecclesias feriatur. Ex Codicum libro vi, cap. 1, titulo 4. Quicumque fugitivum servum in domo vel in agro, inscio domino ejus, susceperit, cum compari alio, vel viginti solidis reddat.

B CAP. 119. — *Ut episcopi eos indignos accessu ecclesiæ judicent, qui eos violaverint. Gelasius Epiphonio episcopo.*

Ad episcopos cæteros direximus jussionem ut eos qui ecclesias violasse perhibentur, accessu earum judicent esse non dignos.

CAP. 120. — *De eadem re. Gelasius Victori Constantino, Martirio, Felicissimo, Sereno et Timotheo episcopis.*

(17, q. 4, c. Frater et coepiscopus.) Frater et coepiscopus noster Epiphanius sua nobis relatione suggestit, Benenatum et Maurum Beneventanæ municipis civitatis, in contumeliam religionis acerba nimis et plectibili contumacia prosluisse : qui confugientem ad ecclesiæ septa curialem suum, ne illic quidem tutum, aut de injuria securum esse siverunt, ausi irruptione temerariæ mentis admittere, quod nec potestatibus quidem vel principibus unquam licuit perpetrare, ut hominem in sanctuariis constitutum, captata sacerdotis absentia, reluctantem reclamantemque violenter abstraherent ; quos quantum nobis sua suggestione patefecit, merito indignos esse sacra cœmmunionem judicavit. Et si reverenti facinoris constat admissum, nostra etiam auctoritas in hac parte consentit. Nec enim ad supplicandum jure debet admitti, ubi admittere sacrilegium non dubitavit. Nullus etenim intra limina tantæ venerationi deputata utrumque sibi licere existimet, pro suæ voluntatis arbitrio, ut et humilitatem sibi vindicet et furorem. Et ideo, fratres charissimi, supra dictos, si manifesta reos facit questio, ab omnibus parochiarum vestrarum ecclesiis nostræ præceptionis auctoritate prohibete : ut non solum hi, qui in injuriam sanctorum locorum prosluisse probabuntur, merito consequantur pro facti sui qualitate vindictam, verum etiam cæteri a tali præsumptione ultionis istius timore revocentur.

CAP. 121. — *Item de eadem re. Ex concilio Toletano, cap. 12 (Tolet. xii cap. 10).*

(17, q. 4, c. Definiuit.) Pro his qui quolibet metu vel terrore ecclesiam appetunt, consentiente pariter

et jubente Domino nostro Ervigio rege, hoc sanctum concilium definiuit: ut nullus audeat confugientes ad ecclesiam residentes inde abstrahere, aut quodcumque nocibilitatis vel damni seu spoliationis residentibus in loco sancto, inferre: sed esse potius his ipsis qui ecclesiam petunt per omnia licitum in triginta passus ab ecclesiae januis progredi, in quibus triginta passibus uniuscujusque ecclesiae in toto circuitu reverentia defendantur [defendatur], sic tamen ut hi qui confugiunt ad eam in extraneis, vel longe separatis ab ecclesiae domibus, nullo modo abscedant, sed in hoc triginta passuum numero, absque domorum extraneorum receptaculo progredientes, aditum obtinebunt, ut ad inquisitionis naturae usum debitis exeant locis, et nullo teneantur eventu necessitudinis qui se Dominicis defendendos commiserint claustris. Si quis autem hoc decretum violare tentaverit, ecclesiasticæ excommunicationi subiaceat, et severitatis regiae feriatur sententia. Ipsos tamen qui ad ecclesiam confugium fecerunt, si juxta priscorum canonum instituta, hi qui eos repetunt sacramenta reddiderint, et sacerdos ecclesiae ipsius ab ecclesiae non abstraxerit foribus, aut fuga talium si evenerit, sacerdoti querenda est, aut damnorum sententia secundum electionem principis hujusmodi sacerdotibus irroganda.

CAP. 122. — *Interdictio communionis facta in Bonifacium episcopum, nisi cito ecclesiae restituat quem inde rapuit. Beati Augustini ad Bonifacium epistola (ep. 187).*

(17, q. 4, c. *Mirror.*) Dilectissimo et spectabili viro filio Bonifacio Augustinus episcopus. *Mirror* quomodo tam subito fidei murum aries ruperit inimici. Novi enim qua religione semper sis Ecclesiam Dei veneratus. Quo instigante facinore [facere ausus es?] hominem de Ecclesia rapuisti? Tuus si de tuo amico forte praesumeret, fugitivus, posset procul dubio intercessoris causa veniam promereri. Ergo si amicus intenditur, cur Deus offenditur? Sed si de potestate praesumitur, Nabuchodonosor regem intende qui causa superbiae in bovem est ex homine commutatus (*Daniel. iv*). Non ut confundam te haec scribo, sed ut filium meum charissimum moneo. Ecclesiae igitur illa sum revoca, quem ut irreligiosissimus rapuisti. Oblatio vero domus tuae a clericis ne suscipiatur interdixi [indixi]. Communionemque tibi interdico, donec peracta pro ausibus vel errore a me definita tibi met poenitentia, et tempore condonato pro hoc facto, corde contrito et humiliato dignum offeras sacrificium Deo.

CAP. 123. — *Quod reus ad ecclesiam fugiens accepta securitate mortis et debilitatis, quae inique gessit, legitime componere debeat. Ex libro capitulorum (l. v, c. 90).*

(17, q. 4, c. *Reum ad ecclesiam.*) Reum ad ecclesiam fugientem nemo abstrahere audeat, neque inde donare ad poenam vel ad mortem, ut honor ecclesiarum conservetur: sed rectores pacem ei et vitam et membra obtinere studeant; tamen legitime componat quod inique fecit.

CAP. 124. — *Qui monasterium infringunt, et inde aliquid subtrahunt, sublato nonies componere debeant, et immunitatem tripliciter. Ex decretis Joannis papae, cap. 10.*

Ut hi qui monasteria, et loca Deo sacrata et ecclesias infringunt et deposita vel alia quaelibet exinde abstrahunt, damnum nonies componant, et immunitatem tripliciter, et velut sacrilegi canonicae sententiae subjunguntur.

CAP. 125. — *De his qui domum Dei contemptibilem ducunt. Ex Moguntiensi concilio, cap. 7.*

(*Dist. 30, c. Communione.*) Quisquis fastu superbiae elatus domum Dei ducit contemptibilem, et possessiones Deo sacratas, atque in honorem Dei sub regiae immunitatis defensione constitutas, inhoneste tractaverit, vel infringere praesumpserit, aut incendia vel vastationes ausu temerario perpetraverit, quasi invasor et violator ecclesiae Dei, quae est domus Dei vivi, a communione omnium fidelium abscidatur.

CAP. 126. — *De excommunicatione eorum. Ex concilio Arausicano.*

(11, q. 3, c. *Canonica instituta.*) Canonica instituta et sanctorum Patrum exempla sequentes, ecclesiarum Dei violatores, auctoritate Dei et judicio sancti Spiritus, a gremio sanctae matris Ecclesiae, et a consortio totius Christianitatis eliminamus quousque resipiscant, et ecclesiae satisfaciant.

CAP. 127. — *De poenitentia eorum qui ecclesias incendunt. Ex decretis Julii papae.*

(17, q. 4, c. *Si quis.*) Si quis ecclesiam igno comburit, quindecim annos poeniteat, et eam sedule restituat, et pretium suum pauperibus distribuat.

CAP. 128. — *De ministris altaris. Ex Laodicensi concilio, cap. 21.*

(*Dist. 42, c. Non oportet.*) Non oportet ministros altaris vel quoslibet clericos ad agapen vocatos partes tollere, propter injuriam quae ex hac occasione ecclesiastico ordini poterit deputari.

CAP. 129. — *Quod presbyteri parochiani dum ordinantur, libellum officialem a sacerdote suo accipere debeant. Ex Toletano concilio IV, cap. 26.*

(*Dist. 38, c. Quando presbyteri.*) Quando presbyteri in parochiis ordinantur, libellum officialem a sacerdote suo accipiant, ut ad ecclesias sibi deputatas instructi succedant, ne per ignorantiam etiam in ipsis divinis sacramentis offendant: ut quando ad litanias, vel ad concilium venerint, rationem suo episcopo reddant, qualiter susceptum officium celebrent vel baptizent.

CAP. 130. — *Presbyteros aut diaconos quando per parochias constituuntur, professionem episcopo suo facere oportere. Ex concilio Toletano IV, cap. 26.*

(*Dist. 28, c. Quando presbyteri.*) Quando presbyteri aut diaconi per parochias constituuntur, oportet eos professionem episcopo suo facere, ut casti et pure vivant sub Dei timore, ut dum eos tali professione obligaverit, sanctam disciplinam retineant.

CAP. 131. — *Ut quicumque episcopus diaecesim alterius per triginta annos sine aliqua interpellatione*

possederit, eam teneat. Ex concilio Toletano IV, A quam ad rectitudinis fortitudinem pertinet. Si enim, juxta apostoli sententiam, episcopi non debent esse dominatores in clero, sed forma facti gregis ex animo (*I Petr. v*); multo minus isti hoc agere debent, sed contenti sint regularibus disciplinis, et teneant propriam mensuram, et quod eis ab episcopis injungitur, hoc per parochiam exercere student, nihil per cupiditatem et avaritiam præsumentes.

cap. 33.
(16, q. 3, c. *Quicumque*.) Quicumque episcopus alterius episcopi diœcesim annos triginta sine aliqua interpellatione possederit, eam teneat; quia secundum jus legis ejus videtur esse diœcesis, et admitenda non est contra eum actio repossendi, sed hoc intra unam parochiam, extra vero nullo modo, ne dum diœcesis defenditur, provinciarum termini confundantur.

CAP. 132. — De exactione ecclesiarum Galatiæ provinciarum. Ex Toletano concilio, cap. 4.

Non amplius quam duos solidos unusquisque episcoporum privatæ provinciæ, per singulas diœceses, vel singulas ecclesias, juxta synodum Bracarensem annua illatione sibi expectet inferri: monasteriorum tamen basilicis ab hac solutionis expansione sejunctis. Cum vero episcopus diœcesim visitat, nulli præ multitudine onerosus existat, nec unquam quinquagenarium numerum evectiois excedat, aut amplius quam una die per unamquamque remorandi licentiam habeat. Quicumque vero pontificum eorumdem aliter quam decernimus agendum præsumpserit, correctioni procul dubio canonum subjacebit, tanquam constitutionum synodaliū transgressor, et priscorum Patrum edicti corruptor.

CAP. 133. — Ne dum parochias suas peragranti episcopi, tyrannidem exercent, sed cum charitate stipendia exigant. Ex Cabilonensi concilio II, cap. 24.

(10, q. 3, c. *Cavendum est*.) Cavendum sane est, ne cum episcopi parochias suas peragranti, quamdam non solum erga subditos, sed erga socios tyrannidem exercent: nec (quod absit) non cum charitate, sed cum quadam jactantiæ temeritate: nec cum gratiarum actione, sed cum quadam judiciaria invectione stipendia ab eis exigant. Observandum etiam modis omnibus est, ut si quando eis peragranti parochiæ necessitas incumbit, in confirmandis hominibus, in inquirendis rebus emendatione dignis, in prædicatione verbi Dei, in lucris animarum potius, quam deprædandis et spoliandis hominibus et scandalizandis fratribus, operam dent; et si quando eis ad peragendum ministerium suum a fratribus aut a subditis aliquid accipiendum est, hoc summopere observare debent, ne quem scandalizent aut gravent. Tanta ergo in hac re discretio tenenda est, ut et verbi Dei prædicator ubi sumptus proprii desunt, a fratribus accipiat; et iidem fratres illius potentia non graventur, exemplo apostoli Pauli qui ne quem gravaret, arte et manibus victum quærebat (*II Thess. III*).

CAP. 134. — Quod archidiaconi super presbyteros parochianos nullam dominationem tyrannicam exercere debent. Ibidem, cap. 15.

(*Dist. 94, c. Dictum est*.) Dictum est etiam quod in plerisque locis archidiaconi super presbyteros parochianos quamdam exercent dominationem, et ab eis exigant censum: quod magis ad tyrannidem

perpetuam ad rectitudinis fortitudinem pertinet. Si enim, juxta apostoli sententiam, episcopi non debent esse dominatores in clero, sed forma facti gregis ex animo (*I Petr. v*); multo minus isti hoc agere debent, sed contenti sint regularibus disciplinis, et teneant propriam mensuram, et quod eis ab episcopis injungitur, hoc per parochiam exercere student, nihil per cupiditatem et avaritiam præsumentes.

CAP. 135. — Quod jurejurando in contentione obtinere debet, qui possessor rei inventus fuerit. Gelusius Justo episcopo.

(16, q. 3, c. *Dilectio*.) Dilectio tua quæsitâ omnium fideliter rerum veritate, si de spatiis quibus memoratur orta contentio, definitio dudum certa processit, intemerata servetur: alioquin si nihil unquam constiterit terminatum, nunc de perscriptione temporum, si qua pars dissidet [fidit], præbeat sacramentum; ut tamen quæ hactenus possessisse perhibetur, jusjurandum sinatur offerre.

CAP. 136. — De episcopis Siciliae, quid de parochianis suis exigere debeant. Pelagius Cresconio illustri.

(10, q. 3, c. *Illud te modis*.) Illud te modis omnibus volumus custodire, ne quis episcoporum Siciliae de parochiis ad se pertinentibus nomine cathedratici, amplius quam duos solidos præsumat accipere, neque compellere presbyteros aut clerum parochiarum suarum supra vires suas eis convivia præparare.

CAP. 137. — Ut clericus qui ab episcopo suo pergratur, querimoniam ad metropolitanum deferat. Ex Toletano concilio III, cap. 20.

(10, q. 3, c. *Quia cognovimus*.) Quia cognovimus episcopos per parochias suas non sacerdotaliter, sed crudeliter desævire, et dum scriptum sit: Forma estote gregi, non ut dominantes in clero (*I Petr. v*), exactiones diœcesi suæ vel damna infligant; ideoque censemus, excepto, quod veterum constitutiones a parochiis habere jubent episcopos, ut alia quæ illis huc usque præsumpta sunt, denegentur: hoc est, neque in angariis presbyteri aut diacones, neque in aliquibus fatigentur indictionibus, ne videamur in Ecclesia Dei exactores potius quam Dei pontifices nominari. Hi vero clerici tam locales quam diœcesani, qui se ab episcopo gravari cognoverint, querelas suas ad metropolitanum deferre non differant, et metropolitanus non moretur ejusmodi præsumptiones coercere.

CAP. 138. — Ut non liceat iudicibus clericos vel servos ecclesiæ in suis angariis occupare, cap. 21.

(12, q. 2, c. *Ecclesiarum*.) Ecclesiarum servos, et episcoporum omnium vel clericorum a iudicibus vel actoribus publicis in diversis angariis fatigari dolemus: propter quod omne consilium a pietate gloriosissimi Domini nostri Jesu poposcit, ut tales deinceps ausus inhibeat, sed servi supradictorum officiorum in eorum usibus vel ecclesiæ laborent. Si qui vero iudicum aut actorum, clericum aut servum clericum vel ecclesiæ, in publicis ac privatis negotiis occupare voluerit, a communione ecclesia-

ctica cui impedimentum facit, efficiatur extraneus.

CAP. 139. — *Vitam communem inter omnes Christianos vigere debere, maxime inter eos qui in sorte Domini electi sunt: et quod fideles primo pretium, deinde prædia sua ad sustentationem communiter viventium contulerint. Urbanus in primo decretali suo omnibus Christianis.*

(12, q. 1, c. Scimus vos.) Scimus vos non ignorare, quia hactenus vita communis inter honos Christianos viguit, et adhuc Dei gratia viget, et maxime inter eos qui in sorte Domini electi sunt, id est clericos, sicut in Actibus apostolorum legitur: *Multitudinis autem credentium erat cor unum, et anima una, nec quisquam eorum quæ possidebat aliquid suum esse dicebat, sed erant illis omnia communia. Et virtute magna reddebant Apostoli testimonium resurrectionis Jesu Christi Domini nostri; et gratia magna erat in omnibus illis; neque enim quisquam egens erat inter illos; quotquot enim possessores agrorum aut domorum erant, vendentes afferebant pretia eorum quæ vendebant, et ponebant ante pedes apostolorum. Dividebatur autem singulis, prout cuique opus erat. Joseph autem qui cognominatus est Barsabas ab apostolis (quod est interpretatum filius consolationis) levites, Cyprius genere, cum haberet agrum, vendidit illum, et attulit pretium, et posuit ante pedes apostolorum (Act. iv), etc. Videntes autem summi sacerdotes atque levitæ, et reliqui fideles plus utilitatis posse afferre, si hæreditates et agros quos vendebant, ecclesiis quibus præsidebant episcopi traderent, eo quod de sumptibus eorum, tam præsentibus quam futuris temporibus plura et elegantiora possent ministrare fidelibus communem vitam ducentibus, quam ex pretio eorum, cœperunt prædia et agros quos vendere solebant, matricibus ecclesiis tradere, et ex sumptibus eorum vivere. Ipsæ vero res in ditione singularum parochiarum episcoporum, qui locum tenent apostolorum, erant, et sunt usque adhuc, et futuris semper debent esse temporibus. E quibus episcopi et fideles dispensatores eorum, omnibus communem vitam degere volentibus, ministrare cuncta necessaria debent, prout melius potuerint, ut nemo in eis egens inveniatur. Ipsæ enim res, fidelium oblationes appellatur, quia Domino offeruntur. Non ergo debent in aliis usibus quam ecclesiasticis, et prædictorum Christianorum fratrum vel indigentium converti; quia vota sunt fidelium, et pretia peccatorum, atque ad prædictum opus explendum Domino traditæ. Si quis autem (quod absit) secus egerit, videat ne damnationem Ananiæ et Saphiræ percipiat (Act. v), et reus sacrilegii efficiatur, sicut illi fecerunt, qui prædictarum rerum pretia fraudaverunt. Memoratis augmentationibus ac cultibus in tantum Ecclesiæ quibus episcopi præsent, Domino adminiculante creverunt, et tantis maxima pars earum abundat rebus, ut nullus sit in eis communem vitam degens, indigus, sed omnia necessaria ab episcopo suisque ministris percipit: ideo ut si aliquis exstiterit modernis aut*

A futuris temporibus, qui hoc avellere nitatur, jam dicta damnatione feriat.

CAP. 140. — *Qui res ecclesiarum et oblationes fidelium abstulerit, in patrem Dominum, et matrem Ecclesiam peccat, et ideo a liminibus sanctæ matris Ecclesiæ pellendus est. Lucius I papa in primo decreto suo, omnibus episcopis tam Gallis, quam Hispanis.*

(6, q. 1, c. Sapiens non est.) Sapiens non est omnis qui nocet. Res quoque ecclesiarum nostrarum et oblationes fidelium, quas significasti a quibusdam irruentibus vexari, nobisque et ecclesiis nostris auferri, indubitanter maximum est peccatum, testante Scriptura quæ ait (12, q. 2, c. Qui abstulerit): *Qui abstulerit aliquid patri vel matri, et dicit hoc non esse peccatum, homicidæ particeps est (Prov. xxviii)* B Pater ergo noster sine dubio Deus est, qui nos creavit, et mater nostra Ecclesia, quæ nos in baptismo spiritualiter generavit. Hæc fieri prophetæ, hæc apostoli, hæc successores eorum, et omnium catholicorum patrum vetant decreta, et tales præsumptiones sacrilegia esse dijudicant. (17, q. 4, c. Omnes raptores.) Quorum nos sequentes exempla, omnes tales præsumptores, et Ecclesiæ raptores, atque suarum facultatum alienatores, una vobiscum a liminibus sanctæ matris ecclesiæ anathematizatos, apostolica auctoritate pellimus, et damnamus, atque sacrilegos esse judicamus. Et non solum eos, sed omnes consentientes eis: quia non solum qui faciunt, rei judicantur, sed etiam qui facientibus consentiunt (Rom. 1). Par enim ræna et agentes, et consentientes comprehendit.

CAP. 141. — *Pro necessitate temporum diligenti consideratione temperanda esse decreta Patrum. Ex generalibus decretis Gelasii papæ, cap. 1 (ep. 1).*

(1, q. 7, c. Necessaria rerum.) Necessaria rerum dispositione [dispensatione] constringimur, sic canonum paternorum decreta librare, et retro præsumptorumque nostrorum præcepta metiri: ut quæ præsentium necessitas temporum restaurandis ecclesiis relaxanda deposcit, adhibita consideratione diligenti, quantum potest fieri temperemus.

CAP. 142. — *Ut cum nulla magna necessitas urget, instituta Patrum inconvulsa permaneant. Idem cap. 2.*

D (Dist. 55, c. Priscis.) Priscis igitur pro sua reverentia manentibus institutis quæ, ubi nulla vel rerum vel temporum perurget angustia, regulariter convenit custodiri: eatenus ecclesiis quæ vel cunctis sunt privatæ ministris, vel sufficientibus usque adeo despoliatæ servitiis, ut plebibus ad se pertinentibus divina munera supplere non valeant, tam instituendi quam promovendi clericali obsequii, sic spatia dispensanda concedimus.

CAP. 143. — *De examinando eo qui ad clericale munus accedit. Idem cap. 3.*

(Dist. 77, c. Si quis de.) Ut si quis etiam de religioso proposito, et disciplinis monasterialibus eruditus, ad clericale munus accedit, in primis ejus

vita præteritis acta temporibus inquiratur, si nullo gravi facinore probatur infectus, si secundam fortasse non habuerit uxorem, nec a marito relictam [rejectam] sortitus ostenditur.

CAP. 144. — *Jure sibi vindicari, quidquid tricennali lege concluditur. Idem.*

(*Idem habetur infra c. 147.*) Gelasius Romanæ Ecclesiæ episcopus fratribus qui in Sicilia sunt constituti. Illud etiam annecti placuit, ut si (quod absit) facultates Ecclesiæ nec non et dioceses ab aliquibus possidentur episcopis, jure sibi vindicent, quod tricennalis lex concludit. Quia et filiorum nostrorum principum ita emanavit auctoritas, ut ultra triginta annos nulli liceat pro eo appellare, quos legum tempus exclusit.

CAP. 145. — *Captivos redimendos de rebus ecclesiasticis. Gregorius Demetrio [Demetriano] et Valeriano clericis Firmianis (lib. VII registri, epist. 14).*

(12, q. 2, c. *Sacrorum.*) Sacrorum canonum instituta, et legalis permittit auctoritas, licite res ecclesiasticas in redemptionem captivorum impendi. Et ideo quia edocti a vobis sumus, annos fere decem et octo virum reverendissimum, quemdam Fabium episcopum Ecclesiæ Firmianæ pro redemptione vestra, ac patris vestri Passivi fratris et coepiscopi nostri, tunc vero clerici, nec non matris vestræ libras argenti undecim eadem ecclesia hostibus impendisse, atque vos ex hoc quamdam habere formidinem, ne hoc quod datum est a vobis quolibet tempore repetatur. Hujus præcepti auctoritate suspicionem vestram prævidimus auferendam, constituentes nullam vos exinde, hæredesque vestros quolibet tempore repetitionis molestiam sustinere, nec a quocumque vobis aliquam objici quæstionem.

CAP. 146. — *De non repetenda possessione per quadraginta annos ab alio possessa. Gregorius Petro subdiacono.*

(16, q. 4, c. *Volumus accedentem.*) Si monasterium sancti Theodori, fines de quibus causatio mota est, inconcussis quadraginta annis, possedisse repereris, nullam deinceps, etiamsi quid Romanæ Ecclesiæ competere potuit, patiaris sustinere calumniam, sed quietem eorum modis omnibus procura.

CAP. 147. — *Episcopus facultatem ecclesiarum administrare debere, viduis, pupillis, pauperibus et clericorum stipendia distribuere: sibi vero nihil inde vindicare, nisi quod ad proprios usus tricennaria lege pertinet. (Gelasius, ep. 2 ad Siculos, c. 1.)*

Gelasius Romanæ Ecclesiæ episcopus, dilectissimis et in Christo unanimi charitate connexis fratribus episcopis qui in Sicilia sunt constituti. (16, q. 3, cap. *Præsulum.*) Quomodo præsulum nostrorum auctoritas emanavit, ut facultates ecclesiæ episcopi ad regendum habeant potestatem: ita tamen ut viduarum, pupillorum, atque pauperum, nec non et clericorum stipendia distribuere debeant, hoc eis statuimus dari, quod hactenus decretum est. Reli-

quum sibi episcopi vindicent, ut sicut antea diximus peregrinorum atque captivorum largitores esse possint. Illud quoque adnecti placuit, ut si (quod absit) facultates ecclesiæ et dioceses ab aliquibus possideantur episcopis, jure sibi vindicent, quod tricennaria lex concludit, quia et filiorum nostrorum principum ita emanavit auctoritas, ut ultra triginta annos nulli liceat pro eo appellare, quod legem tempus exclusit.

CAP. 148. — *Nulla obstaculo ante tribunal Christi muniri, qui substantiam ad usus pauperum derelictam contra fas dispergit: et quod anathemate feriatur, quicumque res ecclesiæ confiscare, vel competere, vel periculosa, aut sæva infestatione pervadere præsumperit. De vi. syn Symmachi papæ.*

Nec aliquo se ante tribunal Christi obstaculo muniat, qui a religiosis animabus ad substantiam pauperum derelicta, contra fas sine aliqua pietatis consideratione dispergit. (19, q. 1, c. *In canonibus.*) Similiter et hoc ad omnium ecclesiarum notitiam vestra cunctorum exhortatione, et iudicio, censemus pervenire, et ab omnibus firmiter teneri, quia episcoporum res ecclesiæ esse non dubitantur, si in eorum facultatibus simili fuerit crudelitate grassatum, pervasores rerum memoratarum, prædicta canonum districtione feriantur: ut qui moribus propriis ac nulla conscientie castigatione corriguntur, saltem ecclesiasticæ, et canonicæ vindictæ perfodiuntur aculeis. Generaliter vero quicumque res ecclesiasticas confiscare, aut competere, aut pervadere periculosa aut sæva infestatione præsumperit, nisi se citissime per ecclesiæ de qua agitur, satisfactionem correxerit, perpetuo anathemate feriatur. Similiter et hi qui res Ecclesiæ jussu vel largitione principum, vel quorundam potentum, aut quadam invasione, aut tyrannica potestate retinuerint, et filiis vel hæredibus suis, ut a quibusdam jam factum audivimus, quasi hæreditarias reliquerint, nisi cito res Dei admoniti a pontifice, agnita veritate reddiderint, perpetuo anathemate feriantur. Iniquum enim esse censemus, ut potius custodes chartarum, quam defensores rerum creditarum, ut præceptum est, judicemur.

D CAP. 149. — *De pervasoribus rerum alienarum. Joannes papa Zachariæ archiepiscopo.*

(12, q. 2, c. *In antiquis.*) Est etiam in antiquis Ecclesiæ statutis decretum, ut qui aliena invadit, non exeat impunitus, sed cum multiplicatione omnia restituat. Unde et in Evangelio scriptum est: *Quod si aliquid defraudavi, reddo quadruplum (Luc. XIX).* Et in legibus sæculi cautum habetur: Qui rem subripit alienam illi cujus res direpta est, in undecuplum quæ sublata sunt restituat. Et in lege divina legitur: *Maledictus omnis qui transfert terminos proximi sui, et dicit omnis populus: Amen (Deut. XXVII).* Talia ergo non præsumantur absque ultione, nec exercentur absque sua damnatione.

CAP. 150. — *De his qui ecclesiastica privilegia calcare contendunt. Gelasius Majorico, Sereno et Joanni episcopis.*

(12, q. 2, c. *Qui et humanis.*) Qui et humanis legibus in civili damnatione calcatis, et reverentia religionis abjecta, vel ecclesiastica privilegia calcare contendunt, vel ubilibet in pauperum prosilire dispendium, nec hujusmodi saltem commoniti convictique nequitiam sopire consentiunt, atque illata sacris rebus detrimenta sarcire, omnino divini muneris sunt participatione privandi, ut hujus perceptione careant, quod sacras leges habuere despectui

CAP. 151. — *Quod episcopo nullo commento liceat res ecclesiæ alienare et quod privilegia omni ratione integra convenit servari. Gelasius Justino archidiacono, et Fausto defensori.*

(12, q. 2, c. *Vulteranæ.*) Volatoranæ [Wulteranæ] Ecclesiæ actus vel patrimonium, quod hactenus comperimus destitutum, vel post damnationem Eucharisti quo fuerat depravante dispersum, curæ vestræ decrevimus esse delegandum, ut diligentia, qua vos pro ecclesiæ utilitatibus existimamus esse vigilantes, prædia culturæ restituatis antiquæ: revocetis si qua sunt vendita aut donata mancipia, possessiones etiam quæ ab Eumatio et Oppilione episcopis vel cæteris quovis jure videritis teneri (quia contra constituta synodi, ab episcopo prædia alienari nullo potuerunt commento), nihilominus revocentur. Sit emptoribus ad eum recursus, qui præsumpsit aliquid de Ecclesiæ rebus illicita venditione distrahere: ita ut pensiones annuas ad pontificem deferatis, cui privilegia sua integra convenit omni ratione servari, ut ejus dispensatione portiones proveuiant consuetæ: ita ut portionem quartam quæ ad eos pertinet, sua pontifex ordinatione distribuatur, prout cujusque locum meritumque cognoscit. Pariter etiam ex fidelium oblatione faciendam, ut quartam clericis eroget, pro consideratione suæ electionis, antistes: fabricarum etiam portio episcopo sciente et disponente, vestra crogatione pendatur, quatenus nihil penitus in detrimentum alicujus rei patiamini generari. Si quod vero in Ecclesiæ vestræ damnum, aut in his quæ sunt præceptionis nostræ prohibita, pontificem vestrum videritis admittere, mox nostris auribus relatione signate, ut quid fieri debeat censeamus. Decimas justo ordine non tantum nobis, sed majoribus visum est, plebibusque tantum ubi sacrosancta dantur baptismata, deberi.

CAP. 152. — *De rebus quæ semel Deo consecratæ et contributæ sunt, quod nullorum principum concessione invadendæ et diripiendæ sunt. Nicolaus Adoni. Viennensi archiepiscopo.*

(12, q. 2, c. *De rebus.*) De rebus quæ semel Deo contributæ atque dicatæ sunt, et postea sub occasione concessionis principum, a quibusdam invaduntur atque diripiuntur: sancimus, ut prius consulto principe ad resecaudum præsumptivam factio-

nem, et cognoscendum, utrum illius sit concessio, an invasoris præsumptio. Quod si principis inordinata fuerit largitio, ipse sit princeps pro emendatione redarguendus.

CAP. 153. — *De rebus Ecclesiæ sine consultu Metropolitanæ episcopi non alienandis. Ex Carthaginensi concilio v, cap. 8.*

(17, q. 4, c. *Nullus.*) Placuit etiam, ut rem Ecclesiæ nemo vendat. Quod si aliqua necessitas cogit, hanc insinuandam esse primati ecclesiæ, ut cum statuto numero episcoporum utrum faciendum sit, arbitretur. Quod si tanta urget necessitas ecclesiæ, ut non possit ante consulere; saltem post factum curiositatem habeat, et vicinis episcopis hoc ante indicare, et ad concilium referre has ecclesiæ necessitates. Quod si non fecerit, reus concilii venditor teneatur.

CAP. 154. — *De manumissis, et per testamentum ecclesiæ commendatis. Ex Arausico concilio 1, cap. 7.*

(*Dist. 87, c. Eos qui.*) In ecclesia manumissos, et per testamentum ecclesiæ commendatos, si quis in servitutem, vel obsequium, vel ad colonariam conditionem imprimere tentaverit, animadversione ecclesiastica coercerbitur.

CAP. 155. — *Quod hi qui oblationes defunctorum retinent, et ecclesiis reddere morantur, quasi necatores egentium Dei judicio deputantur. Ex Vusensi concilio 1, cap. 4.*

(13, q. 2, c. *Qui oblationes.*) Qui oblationes defunctorum retinent, et ecclesiis tradere demorantur, ut inideles, sunt ab ecclesia abjiciendi; quia usque ad exinanitionem fidei pervenire certum est hanc pietatis divinæ exacerbationem, quia et fideles de corpore recedentes votorum plenitudine, et pauperes consolatu alimonix, et necessaria sustentatione fraudantur: hi enim tales quasi egentium necatores judicio Dei digni habiti sunt. Unde et quidam patrum hoc scriptis suis inseruit, congruente sententia qua ait: Amico quidpiam rapere furtum est, ecclesiam fraudare sacrilegium. (*Hieron. ep. ad Nepotianum.*)

CAP. 156. — *De clericis qui documenta quibus possessio ecclesiæ firmatur, aut suppressere, aut negare, aut adversariis tradere præsumperint. Ex Agathensi concilio, cap. 26.*

(12, q. 2, c. *Si quis.*) Si quis de clericis documenta quibus ecclesiæ possessio firmatur, aut suppressere, aut negare, aut adversariis fortasse tradere damnabili et punienda obstinatione præsumperit, quidquid per absentiam documentorum damni ecclesiæ illatum est, de propriis facultatibus reddat, et communionem privetur. Hi etiam qui in damno ecclesiæ impie sollicitati a traditoribus aliquid susceperint, superiori sententia teneantur.

CAP. 157. — *Ut de monachis nullus monasterium novum nisi permittente episcopo fundare præsumat. Ibidem, cap. 27.*

(18, q. (?), c. *De monachis.*) Ut de monachis monasterium novum, nisi episcopo aut permittente aut probante nullus incipere aut fundare præsumat. (16, q.

4, c. *Monachi vagantes.*) Monachi etiam vagantes, ad officium clericatus, nisi eis testimonium abbas suus dederit, nec in civitatibus nec in parochiis ordinantur. (20, q. 4, c. *Monachum.*) Monachum, nisi abbatis sui aut permissu, aut voluntate, ad alterum monasterium commigrantem, nullus abbas suscipere aut retinere præsumat; sed ubicunque fuerit abbati suo auctoritate canonum revocetur. Si enim necesse fuerit clericum de monachis ordinari, cum consensu et voluntate abbatis præsumat episcopus.

CAP. 158. — *Ut monasteria puellarum longius a monasterio monachorum collocentur. Ibidem, cap. 28.*

(18, q. 2, c. *Monasteria.*) Monasteria puellarum longius a monasterio monachorum, aut propter insidias diaboli, aut propter oblocutiones hominum collocentur.

CAP. 159. — *Ut libertos legitime factos ecclesia si necesse fuerit tueatur. Ibidem, cap. 29.*

(Dist. 87, c. *Libertos.*) Libertos a dominis suis legitime factos ecclesia si necessitas exegerit tueatur. Quod si quis ante audientiam pervadere aut expoliare præsumpserit, ab ecclesia repellatur.

CAP. 160. — *Ut episcopus licentiam habeat distrahendi terrulas, et vineolas exiguas, ecclesie minus utiles. Ibidem, cap. 45.*

(12, q. 1, c. *Terrulas.*) Terrulas aut vineolas exiguas ecclesie minus utiles, aut longe positas parvas, episcopus sine concilio fratrum (si necessitas fuerit) distrahendi habeat potestatem.

CAP. 161. — *Presbyteri aut diaconi non audeant res ecclesie sibi creditas commutare, vel vendere, si autem fecerint honore suo depositi, de proprio illud restituant. Ibidem, cap. 49.*

(12, q. 2, c. *Diaconi.*) Diaconi vel presbyteri in parochia constituti, de rebus ecclesie sibi creditis, nihil audeant commutare, vel vendere, quia res Deo sacrata esse noscuntur. Similiter et sacerdotes nihil de rebus ecclesie sibi commissæ, ut superius comprehensum est, alienare præsumant. Quod si fecerint cuncti in concilio, et ab honore depositi, de suo proprio aliud tantum restituant quantum visi sunt præsumpsisse. (12, q. 2, c. *Si quis qualibet.*) Sane si quis pro qualibet conditione de rebus ecclesie aliquid alienare præsumpserit, si de suo proprio tantum ecclesie contulerit, quantum visus est abstulisse, tunc demum istud stare licebit, libertos tamen quos sacerdotes vel diaconi de ecclesia sibi commissa se facere voluerint, actus ecclesie persequi iubemus. Quod si facere contempserint, placuit eos ad proprium reverti servitium.

CAP. 162. — *Quidquid presbyteri de possessione parochiarum distraxerint, et in comparante et in vendente irritum habendum. Ibidem, cap. 53.*

(12, q. 2, c. *Quidquid parochiarum.*) Quidquid parochiarum presbyter de ecclesiastici juris possessione dixtraxerit, inane habeatur et vacuum, venditione comparantis et actione vendentis.

CAP. 163. — *De venditionibus quas abbates facere præsumunt. Ibidem, cap. 56.*

(17, q. 4, c. *In venditionibus.*) De venditionibus

quas abbates facere præsumunt, hæc forma servetur, ut quidquid sine episcopi notitia venditum fuerit, ad potestatem episcopi revocetur. Mancipia vero monachis donata, ab abbate non liceat manumitti. Injustum enim putamus, ut monachis quotidianum rurale opus facientibus, servi eorum libertatis dono [otio] potiantur.

CAP. 164. — *Unum abbatem duobus monasteriis non præficiendum, cap. 57.*

(21, q. 1, c. *Unum.*) Unum abbatem duobus monasteriis interdiximus præsidere.

CAP. 165. — *Cellulas novas monachorum, sine notitia episcopi non instituendas. Ibidem, cap. 58.*

(18, q. 2, c. *Cellulas.*) Cellulas novas aut congregatiunculas monachorum absque episcopi notitia, prohibemus institui.

CAP. 166. — *Ut clerici res ecclesiarum diuturna possessione juri proprio non subscribant. Ibidem, cap. 59.*

(16, q. 3, c. *Clerici quilibet.*) Clerici quilibet quantacunque diuturnitate temporis, Ecclesie [al., de Eccl.] remuneratione aliqua possederint, in jus proprium præscriptione temporis non vocentur [revoc.], dummodo pateat ecclesie rem fuisse; ne videantur etiam episcopi administrationes prolixas, aut precatorias cum ordinati sunt facere debuisse, aut diu retentas facultates, in jus proprietatis sue posse transcribere.

CAP. 167. — *Ut liceat episcopo redditus ecclesie sue, qui eam non multum gravent, ad usum regulariter viventium, peregrinorum, et egenorum assignare. Ex Toletano tertio concilio, cap. 3.*

(12, q. 2, c. *Sine exceptione.*) Hæc sancta synodus nulli episcoporum licentiam tribuit res alienare ecclesie, quoniam et antiquioribus canonibus hoc prohibetur. Si quid vero quod utilitatem non gravet ecclesie, pro suffragio monachorum, vel ecclesiis ad parochiam suam pertinentium dederint, firmum maneat. Peregrinorum, vel clericorum, et egenorum necessitati, salvo jure ecclesie, præstare, permittuntur pro tempore, quæ potuerint.

CAP. 168. — *Ut episcopis liceat unam de parochianis ecclesiis in monasterium dedicare. Ex concilio Toletano III, cap. 4.*

(12, q. 2, c. *Si episcopus.*) Si episcopus unam de parochianis ecclesiis suis in monasterium dedicare voluerit, ut in ea monachorum regulariter congregatio vivat, hoc de consensu concilii sui habeat licentiam faciendi. Qui etiam, si de rebus ecclesie pro eorum substantia aliquid quod detrimentum ecclesie non exhibeat, eidem loco donaverit, sit stabile: rei enim bonæ statuendæ sanctum concilium dat consensum.

CAP. 169. — *Ut presbyteri, vel quibuscunque res ecclesie commissæ sunt, quæcunque tempore sue administrationis emerint, ecclesie per chartam as signare debeant. E Toletano concilio IX, cap. 4.*

(12, q. 4, c. *Sacerdotes.*) Sacerdotes, vel quicunque illi sunt, quibus ecclesiasticarum rerum cura commissa est, quæcunque administrationis sue tempore emerint, si de rebus propriis vel vile vel parum ha-

buerint, ad ecclesiae nomen cui praesunt, chartarum conficere instrumenta procurent. Non enim convenit ut ecclesia, quae suscepit externum, efficiat in alieno divitem, et in suo retineat fraudatorem.

CAP. 170. — *Si episcopus monasterium facere, vel parochianam ecclesiam ditare voluerit, licere ei quadragessimam partem de rebus ecclesiae, vel centesimam ibidem conferre. Ex concilio Tolet. cap. 5.*

(12, q. 2, c. Bonae rei.) Bonae rei dare consultum et praesentis habetur vitae subsidium, et aeternae remunerationis exspectare cernitur praemium. Quisquis itaque episcoporum in parochia sua monasterium construere forte voluerit, et hoc rebus ecclesiae cui praesidet ditaverit, non amplius ibidem quam quadragessimam partem dare debet, ut hac temperantiae aequitate servata, et cui tribuit competens subsidium conferat: et cui tollit damna gravia non infligat. Ad ecclesiam vero quae monasticis non informabitur regulis, aut quam suis magnificare voluerit scripturis, non amplius quam centesimam partem census ecclesiae cui praesidet ibidem conferre licebit; ea tamen cautela servata, ut unam tantummodo quae placuerit ex his duabus remunerationem assumat.

CAP. 171. — *Ut episcopus de ea parte quae sibi de parochianis ecclesiis debetur, tertiam partem vel eidem ecclesiae vel altari si placet, conferre possit. Ex eod. conc., cap. 6.*

(12, q. 3, c. Episcopus si partem.) Cum praeteritis sanctionibus notissimum habeatur, quae de rebus parochialium ecclesiarum pars episcopo conferatur, opportune tamen duximus decernendum, ut si episcopus tertiam, quam de rebus eisdem sanctione pariter sibi debitam novit, aut ipsi ecclesiae cuius res esse patebit, aut alteri ecclesiae quam elegit conferre decreverit, et licitum maneat, et irrevocabile robur ejus sententia ferat.

CAP. 172. — *Ut episcopus qui res ecclesiae vendiderit, et eas de suo restituat, et iudicio episcoporum tanquam furti aut latrocinii reus a suo honore privetur. Ex concilio Martini papae, cap. 14*

(10, q. 2, c. Si quis episcopus.) Si quis episcopus nulla ecclesiasticae rationis necessitate compulsus, in suo clero, aut forte ubi presbyter non est, de rebus ecclesiasticis aliquid praesumpserit vendere, res ipsas ecclesiae propriae restaurare cogatur, et in iudicio episcoporum dejiciatur auditus, et tanquam furti aut latrocinii reus suo privetur honore.

CAP. 173. — *Quid agendum sit de presbyteris, si inventi fuerint de ministeriis ecclesiae aliquid venundasse. Ex eodem, cap. 17.*

(10, q. 2, c. Si quis presbyter.) Si quis presbyter, aut diaconus inventus fuerit aliquid de ministeriis ecclesiae venundasse, quia sacrilegium commisit, placuit eum in ordinatione ecclesiastica non haberi. In iudicio tamen episcopi dimitendus est, si dignus in suo recipi debeat gradu, quia multoties hoc ipsum quod de sacrosancto altario contaminatum est, in episcopi potestate dimissum est.

CAP. 174. — *De dotibus et decimis ecclesiae. Ex Hispanensi concilio.*

Ut unicuique ecclesiae mansus integer absque ullo

A servitio attribuatur. Omnes primitias et decimas tam de pecoribus quam de frugibus, dives simul et pauper ecclesiis suis recte offerant. Dicit enim Dominus per prophetam: *Apportate omnem decimam in horreo meo, ut cibus sit servientibus in domo mea (Malach. III).* Omnis rusticus et artifex quisque de negotio justam decimationem faciat. Sicut enim Dominus omnia dedit, ita de omnibus decimam exigit; ut de fructibus agri, ita de nutrimento omni; ut de apibus, ita de melle; ut de agnis, ita de vellere et caseis; ut de porcellis, ita de capris, de bubus et equis; ut de minoribus, ita de majoribus exigimus et caeteris. Si quis autem haec omnia non decimaverit, praedo Dei est, et fur, et latro, et maledicta quae intulit Dominus Cain non recte dividendi congeruntur. De his vero omnibus nullus sit qui de sacerdotibus requirat censum, vel aliquod servitium praeter ecclesiasticum.

CAP. 175. — *De censu a presbytero non dando. Ex Parisiensi concilio.*

Ut secundum canonicam auctoritatem et constitutionem domini imperatoris Ludovici, de agro ecclesiastico et manso, de mancipiis quae ipse suis capitulis constituit, vel si quilibet pro loco sepulturae aliquid largitus fuerit ecclesiae, neque de decimis et oblationibus fidelium cuiquam presbytero aliquem censum persolvere cogat, nec quisquam cujuslibet ordinis vel dignitatis, exinde quidquam subtrahat, aut redhibitionem quamcunque exigat temporalem. Quod si fecerit, communione usque ad satisfactionem privetur, et regia potestate dare cogatur.

CAP. 176. — *Culpam esse thesaurum ecclesiae redemptioni captivorum praepondere. Gregorius ad dominum [Bonum] episcopum Messanensem (lib. VI, epist. 55).*

(12, q. 2, c. Sicut omnino.) Sicut omnino grave est frustra ecclesiastica ministeria venundare; sic iterum est culpa, imminente hujusmodi necessitate, res maxime desolatae ecclesiae, captivis suis praepondere, et in eorum redemptione cessare.

CAP. 177. — *Ut nullus ejus donum suscipiat, qui exhaeredito filio haereditatem facere vult ecclesiam. August. In sermone secundo De vita clericorum (ad fratres in eremo).*

(17, q. 4, c. Quicumque.) Quicumque vult exhaeredito filio haereditatem facere ecclesiam, quaerat alterum qui suscipiat, non Augustinum; imo, Deo propitio, neminem inveniat. Quam laudabile factum sancti et venerandi episcopi Aurelii Carthaginensis? quomodo implevit omnium qui sciunt os laudibus Dei? Quidam enim cum filios non haberet neque speraret, res suas omnes retento sibi usufructu donavit ecclesiae. Nati sunt illi filii, et reddidit episcopus nec opinanti, quae illi donaverat. In potestate habebat episcopus non reddere, sed jure fori, non jure poli.

CAP. 178. — *Ibidem, de eadem re.*

(13, q. 2, c. Si quis irasc.) Si quis irascitur filio suo, et moriens exhaeredit eum, si viveret non eum placarem? non ei filium reconciliare deberem? Quomodo ergo cum filio suo volo ut habeat pacem, cuius

appeto hæreditatem? Sed plane si faciat, quod sæpe appetatus sum. Unum filium habet. putet Christum alterum; duos habet, putet Christum tertium; decem habet, Christum undecimum faciat, et suscipio.

CAP. 179. — *Res terrenas a nullo recte possideri, nisi vel jure divino, vel humano. Idem in epistola ad Vincentium (epist. 48).*

(23, q. 7, c. *Quicumque.*) Quicumque vos ex occasione legis hujus imperialis, non dilectione corrigendi, sed inimicandi odio persequitur, displicet nobis. Et, quamvis res quæcunque terrena non recte a quoquam possideri possit, nisi vel jure divino (quocuncta justorum sunt) vel jure humano (quod in potestate est regum terræ), ideoque res falso appelletis vestras, quas nec juste possidetis, et secundum leges terrenorum regum amittere jussi estis; frustra que dicatis, nos in eis congregandis laboravimus, cum scriptum legatis: Labores impiorum justid edent (*Sap. x*): sed tamen quisquis ex occasione hujus legis quam reges terræ Christo servientes ad emendandam impietatem vestram promulgaverunt, res vestras cupide appetit, displicet nobis. Quisquis denique ipsas res pauperum vel basilicas congregationum, quas sub nomine ecclesiæ tenebatis (quæ omnino non debentur, nisi ei ecclesiæ, quæ vera Christi Ecclesia est), non per justitiam, sed per avaritiam tenet, displicet nobis. Quisquis pro aliquo flagitio vel facinore projectum a nobis ita suscipit, sicut suscipiuntur qui (excepto errore quo a nobis separamini) sine crimine apud vos vixerunt, displicet nobis. Sed nec facile ista monstratis, et si monstretis nonnullos toleramus, quos corrigere vel punire non possumus; neque propter paleam, relinquimus aream Domini; neque propter pisces malos, rumpimus retia Domini; neque propter hædos in vine segregandos deserimus gregem Domini; neque propter vasa facta in contumeliam migramus a domo Domini.

CAP. 180. — *Quod ecclesia aurum habeat, non ut servet, sed ut erogat, et in necessitatibus subveniat. Ambrosius in libro De officiis, libro II, cap. 28.*

(12, q. 2, c. *Aurum ecclesia habet.*) Aurum ecclesia habet, non ut servet, sed ut erogat et subveniat in necessitatibus. Quid opus est custodire, quod nihil adjuvat? An ignoramus quantum auri atque argenti de templo Domini Assyrii sustulerunt? Nonne melius conflatur sacerdos propter alimoniam pauperum, si alia subsidia desint, quam sacrilegus contaminat atque asportat hostis? Nonne dicturus est Dominus: Cur passus es tot inopes fame mori? Et certe habebas aurum, unde ministrasses alimoniam. Cur tot captivi deducti in commercium, nec redempti, ab hoste occisi sunt? Melius fuerat ut vasa viventium servares, quam metallorum, his non posset responsum referri. Quid enim diceres? Timui, ne templo Dei ornatus deesset. Responderet: Aurum sacramenta non quærunt, neque auro placent, quæ auro non emuntur. Ornatus sacrorum, redemptio captivorum est. Et vere illa sunt vasa pretiosa quæ redimunt animas a morte. Ille verus thesaurus

est Domini, qui operatur, quod sanguis ejus operatus est. *Et post pauca.* In his tribus generibus vasa ecclesiæ, etiam initiata confringere, conflare, vendere licet. Opus est ut de ecclesia mystici poculi forma non excat, nec ad usus nefarios sacri calicis ministerium transferatur. Ideo primum intra ecclesiam quæsitæ sunt vasa, quæ initiata non essent, deinde comminuta, postremo conflata, per minutas erogationes dispensata egentibus, captivorum quæque pretiis profecerunt. Quod si desunt nova, et quæ nequaquam initiata videantur, in hujusmodi quos supra dixi usus, omnia arbitror pie posse converti.

CAP. 181. — *De privilegiis ecclesiarum. Ex Tullensi concilio.*

Sunt forte tales, qui privilegia de locis Deo dicatis sanctorum manibus confirmata parvipendentes, sibi quia volunt, non quia possunt excommunicationes usurpatoribus rerum, et facultatum ecclesiasticarum a sanctis Domini intentatas alleviant, dicentes se pro hoc illata damnatione, id est anathematis vinculo non teneri. De quibus sanctus Gregorius in epistola ad Theotistam patriciam dicit: « Ipsi, inquit, sibi testes sunt, quia Christiani non sunt, qui ligamenta Ecclesiæ vanis se æstimant conatibus solvere, ac per hoc nec absolutionem sanctæ Ecclesiæ quam præstat fidelibus, veram putant, si ligaturas ejus valere non æstimant. » Contra quos diutius disputandum non est; quia per omnia despiciendi et anathematizandi sunt, et unde se fallere veritatem credunt, inde in peccatis suis veraciter ligantur.

CAP. 182. — *De rerum ecclesiasticarum invasoribus. Sententia Symmachi papæ (In synodo Romana VI).*

(12, q. 2, c. *Indigne.*) Indigne ad altare Domini properare permittitur, qui res ecclesiasticas audeat invadere, aut injuste possidere, aut iniqua seu injusta defensione in eis perdurat. Debet tamen esse provisio, ut vinciam admonitio præcedat, et res usurpatas injuste qui abstulit, aut injuste ablatas retinet, æquitate patrocinante legibus restituat. Quod si neglexerit, et necessitas compulerit, demum prædonem sacerdotalis districtio maturata percussat. Valde enim iniquum est et ingens sacrilegium, ut quæcunque vel pro remedio peccatorum, vel salute animarum suarum unusquisque venerabili ecclesiæ contulerit, aut certe reliquerit, ab his quibus maxime servari convenit, id est Christianis et Deum timentibus hominibus, in aliud transferri vel converti. Propterea qui hæc non præviderit, et aliter quam scriptum est, prædia ecclesiis tradita petierit, vel acceperit, aut possederit, nisi se cito correxerit, quo iratus Deus animas percutit, anathemate feriatur, sitque accipienti, et danti, et possidenti anathema; et institutæ pœnæ contubernium assiduum, nec aliquo se ante tribunal Christi obstaculo muniat, qui a religiosis animabus ad substantiam pauperum derelicta dispergit.

CAP. 183. — *Quid agendum sit de aconomo, qui res*

ecclesie vel ipse alienaverit, vel respiciens alienantem episcopum non prohibuerit. Constitutio septima, cap. 1. (Justinianus imperator novella constitutione 7.)

Nullus sub Romana ditione constitutam ecclesiam vel xenodochium, vel ptochotrophium, vel nosocomium, vel orphanotrophium, vel gerontocomium, vel brephotrophium, vel monasterium tam monachorum, quam sanctimonialium archimandritam habens vel archimandritissam, infestare audeat. Ergo his omnibus non liceat alienare rem immobilem, sive domum, sive agrum, sive hortum, sive rusticum mancipium, vel panes civiles, neque creditoribus specialis hypotheticæ titulo obligare. Alienationis autem verbum continet venditionem, donationem, permutationem, emphyteuseos perpetuum contractum, sed omnes omnino sacerdotes hujusmodi alienatione abstineant; pœnas timentes quas Leonina constitutio minatur, id est ut is quidem qui comparavit rem loci venerabilis reddat ei cujus et aut fuerat, scilicet cum fructibus aliisque emolumentis, quæ in medio tempore facta sunt: œconomus autem ecclesie præstare omne lucrum quod ex hujusmodi prohibita alienatione senserit; vel si ecclesiam damno affecerit, ita ut in posterum œconomus non sit, non solum autem ipse, sed successores ejus teneantur, sive ipse œconomus alienaverit, sive respiciens alienantem episcopum non prohibuerit, et multo magis consenserit; tabellionem autem qui talia interdicta instrumenta conscripsit, perpetuo exsilio tradi oportet.

CAP. 184. — *Quod principi per commutationem cum ecclesia contrahere liceat, cap. 2*

(Justinianus, *ibidem.*) Si princeps voluerit rem immobilem sancto loco præstare, et accipere ab eo aliam rem immobilem, et eo modo permutationem contrahere, liceat hoc facere.

CAP. 185. — *Ut is, qui immobilem rem ecclesie comparavit, vel ab aliquo accepit, cum omnibus emolumentis ejus, quæ in medio tempore facta sunt, eam restituat: sed et aliud tantum, quantum accepit pœna nomine venerabili loco componat, et quod nulli liceat nisi principi cum ecclesia commutare, et si creditor rem immobilem ecclesie ad corporalem accepit detentionem, primo quidem sortem quam dedit cum usuris amittat, deinde ipsam rem cum suis emolumentis venerabili loco restituat, cap. 5.*

(Justinianus, *ibidem.*) Si quis contra saluberrima jura præsentis constitutionis rem immobilem loci venerabilis comparaverit, primum quidem rei æstimationem amittat, et rem quam illicite emerit, restituat cum omnibus emolumentis ejus, quæ in medio tempore facta sunt, et omnia lucro ecclesie, vel alterius loci venerabilis eedant, et nullam habeat ipse contra ecclesias actionem, sed tantum adversus œconomos, vel alias venditorum personas ex empto judicium moveat. Nam venditorum patrimonialia emptori subjecta esse æquum est, etiamsi venditio contra præsentem legem rei immobilis ad venerabilem locum pertinentis contracta sit. Alioquin si donatio facta fuerit, tunc is qui liberalitatem inter-

dictam accepit, non solum ipsam rem cum fructibus suis et causis venerabili loco constituat, sed etiam aliud quantum accepit pœna nomine præstet sanctissimo loco, cujus res donata fuerit ab his, qui res ejus administrant. Sin autem titulo permutationis rem loci venerabilis capiat aliquis, tunc et rem quam accepit reddat, et quam ipse dedit amittat: actione scilicet adversus personas et patrimonialia eorum conservanda, quæ cum eo contraxerunt, excepto videlicet principe, cui secundum præfatam superius divisionem, permutationem facere rerum immobilium cum sacrosanctis locis permissum est. Sin autem pignus creditor ad corporalem detentionem accepit, et res immobilis sit quæ pertinet ad ecclesiam, vel ad alia venerabilia loca, veluti domus, vel pratium, vel ager, vel hortus, vel panes civiles, vel mancipia rusticana: nam ea quoque veluti membra immobilium rerum sunt. Si quis horum aliquid pignoris nomine corporaliter accepit, prius quidem neque sortem quam dedit, neque usuras quas forte stipulatus est exigat; deinde etiam ipsam rem cum suis emolumentis venerabili loco restituat. Sed et in hoc casu adversus œconomum, vel alios administratores venerabilium locorum actionibus creditoribus competentibus, omnia enim quæ diximus, etiam in mulierum monasteriis vel asceticiis obtinere oportet.

CAP. 186. — *Ut mutuum pecuniam venerabilis locus capiat, si qua necessaria et inexcusabilis causa imminet, cap. 6.*

C (Justinianus, *ibidem.*) Si qua necessaria causa et inexcusabilis imminet, ut mutuum pecuniam capiat venerabilis locus, liceat œconomis etiam res immobiles obligare pignoris jure, tamen ut corporaliter creditoribus non tradantur.

CAP. 187. — *Qua pœna coercendus sit, qui sancta vasa, vel sacra dona, contra legem vel pigneraverit; vel distraxerit, vel conflaverit, vel quocunque modo alienaverit, cap. 8.*

(Justinianus, *eadem nov. const. 7.*) Eisdem pœnis coerceri oportet etiam illum, qui sancta vasa, sive sacra dona contra legem vel pigneraverit, vel distraxerit, vel conflaverit, vel quocunque modo alienaverit, excepta videlicet captivorum redemptione.

CAP. 188. — *Quod nulli liceat per pragmaticam sanctionem aliquid capere de ecclesiis, aliisque venerabilibus locis, sive res sint mobiles vel immobiles, cap. 9.*

D (Justin., *eadem nov. const. 7.*) Nulli liceat per pragmaticam sanctionem aliquid capere, quæ sacrosanctis ecclesiis, aliisque venerabilibus locis competunt, scilicet et si immobiles sint, vel mobiles quidem, sed alienari non possunt. Sin autem quæstor magnificus tale descriptum dictaverit, vel cæteri magistratus intimatione pragmaticæ formæ receperit, unusquisque quinquaginta librarum auri pœna multetur. Sin autem religiosi episcopi tales pragmaticas sanctiones contempserint, sine periculo contempsisse cognoscant: nam, si receperint eas, etiam episcopatus honorem amissuros se non dubi-

tent. Nemini liceat in posterum cujusquam monasterii venditionem impiam vel donationem, vel permutationem contrahere, ubi et altare collocatum est, et sacræ missæ factæ et monachica conversatio. Sin autem aliquid tale fuerit admissum, et quod factum est pro infecto habeatur, et is qui accepit pretium amitat: et qui distraxerit, et rem et pretium reddat sacrosanctæ ecclesiæ, et venerabilibus monasteriis, quorum cura erat, ut alienatum contra leges monasterium rursus in pristinum statum reducerent. Nulli autem licentia sit nec titulo pignorum, nec hypothecarum sacrosanctum obligare monasterium. Nam et si tale aliquid admissum fuerit, refutari oportet, ut iterum in sanctissimo monasterio sacræ procedant missæ.

CAP. 189. — *Si venerabilis locus cum alio venerabili loco permutationem rerum immobilium facere voluerit, liceat, deliberato prius utriusque loci commodo, cap. 10.*

Si venerabilis locus cum alio venerabili loco, rerum immobilium permutationem facere voluerit; si ecclesia cum ecclesia, vel ptochium cum ptochio, vel ecclesia cum ptochio vel monasterio, vel ut simpliciter dixerim: Si venerabilis locus cum alio venerabili loco, rerum immobilium permutationem facere maluerit, hocque fieri prosit utrique loco; liceat primatibus ejus permutare, decreto tamen prius celebrando apud locorum metropolitanos disceptatione procedente, ut ipsi deliberent an ambabus partibus prosit rerum immobilium permutatio.

CAP. 190. — *Quod non liceat ei qui ecclesiam ædificat, quos ipse voluerit clericos in ea disponere, sed quos episcopus dignos judicaverit. Constitutio 49, cap. 2.*

(Justinianus imperator, nov. sua constitut. 57.)

Si quis ecclesiam ædificaverit, aut clericis annuam ex substantia sua dederit, non liceat ei quos voluerit clericos in eadem ecclesia facere; sed si voluerit, quosdam sibi consecrari, offerat eos beatissimo patriarchæ; et ille si viderit eos dignos, consecret; et si non probaverit, arbitrio suo rejiciat.

CAP. 191. — *Quod non liceat ei qui oratorium in domo sua habet, missas in eo sine jussu episcopi celebrare. Constitutio 50, cap. 1.*

(Justin. imp., novella constit. 58.) Si quis in domo sua oratorium habuerit, non audeat in eo facere sacras missas, nisi clericos catholicæ fidei habuerit, qui ei deputentur ex jussu religiosissimi episcopi civitatis, vel beatissimi patriarchæ. Si quis autem adversus ea fecerit, domus ipsius fisci juri-bus addicatur.

CAP. 192. — *Ut nullus ecclesiam vel oratorium ædificare audeat, nisi prius allocutus episcopum, expensam præfinit, quæ ad luminaria, et custodiam oratorii, et alimoniam eorum qui ibi servituri sunt, sufficiat. Constitutio, cap. 1.*

(Justin. imper., nov. sua constitut. 67.) Nullus audeat ædificare ecclesiam vel oratorium antequam civitatis episcopus veniat, et vota faciens sanctissimam crucem infixerit publice in eodem loco procedens, et rem omnibus manifestam faciens: unus-

quisque ante ædificationem loquatur episcopo, et præfinit modum quod ad luminaria sacro ministerio apta, et custodiam oratorii, et alimonias eorum quæ ibi observant, sufficiat: et si hæc sufficientia visa fuerint, faciat prius donationem eorum, et postea domum ædificet. Sin autem quæ ab eo præfinita sunt non sufficiunt ad custodiendum oratorium, æquum est vetera oratoria quæ forte ruinam minantur reparare, cum arbitrio religiosissimi civitatis episcopi.

CAP. 193. — *Quod quidquid divini juris et sacrum est, in nullius sit bonis. Libro II, titulo primo.*

(Justin. imperator, lib. II Institutionum, De rerum divis. et acquir. car. dom.) Nullius autem sunt res sacræ, et religiosæ, et sanctæ. Quod enim divini juris est, id nullius in bonis est. Sacra enim sunt, quæ rite, et per pontifices Deo consecrata sunt, veluti aedes sacræ et dona, quæ rite ad ministerium Dei consecrata sunt: quæ etiam per nostram constitutionem alienari et obligari prohibemus, excepta causa redemptionis captivorum. Item. Sanctæ quoque res, veluti murus et portæ quodammodo divini juris sunt, et ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint.

CAP. 194. — *De jure divino, et jure humano. Aug. tract. 6 in primo cap. Joannis.*

(Dist. 8, c. Quo jure.) Quo jure defendis villas ecclesiæ? divino, an humano? Respondeant: Divinum jus in Scripturis habemus, humanum in legibus regum. Unde quisque possidet quod possidet? nonne jure humano? Nam jure divino: *Domini est terra, et plenitudo ejus (Psal. xxiii)*. Pauperes et divites Dominus de uno limo fecit (*Gen. II*), et pauperes et divites una terra supportat. Jure ergo humano dicitur, hæc villa mea est, hæc domus mea est, hic servus meus est. Jura ergo humana, jura imperatorum. Quare! Quia ipsa jura humana per imperatores, et reges sæculi Deus distribuit generi humano. *Post aliquot versus.* Tolle jura imperatorum, et quis audet dicere: Mea est villa illa, meus est iste servus, aut domus hæc mea est? Si autem ut teneantur ista ab hominibus regum jura fecerunt, vultis recitemus leges, ut gaudeatis? *Ac rursus.* Legantur leges, ubi manifeste præceperunt imperatores, eos qui propter Ecclesiæ catholicæ communionem usurpant sibi nomen Christianum, nec volunt in pace colere pacis auctorem, ut nihil nomine Ecclesiæ audeant possidere. Sed dicitis, quid nobis et imperatori? Sed (ut jam dixi) de jure humano agitur, et tamen Apostolus voluit serviri legibus, voluit honorari reges, et dixit regem reveremini (*I Petr. II*). Dicere noli, quid mihi et regi? Quid tibi ergo et possessioni? Per jura regum possidentur possessiones. Dixisti: Quid mihi et regi? Noli dicere possessiones tuas, quia ad ipsa jura renuntiasti humana, quibus possessiones possidentur.

CAP. 195. — *Ut cuncta quæ Deo offeruntur consecrata habeantur. Ex Aurelianiensi concilio, cap. 7.*

Omnia quæ Deo offeruntur consecrata habeantur, in vineis, terris, silvis, utensilibus, vestimentis, pecoribus et reliquis possessionibus, et quæ ecclesiis, sine dubio Christo, qui sponsus est earum, offeruntur.

CAP. 196. — *Ut decima nullo modo negligatur. Ex concilio Rothomagensi, cap. 3.*

(16, q. 7, c. *Omnes decimæ.*) Omnes decimæ terræ sive de frugibus, sive de pomis arborum Domini sunt, et illi sanctificantur. Boves, et oves, et capræ quæ sub pastoris virga transeunt, quidquid decimum venerit, sanctificabitur Domino. Non eligetur neque bonum neque malum, nec altero commutabitur. Si quis mutaverit, et quod mutat, et quod mutatum est, sanctificabitur Domino, et non redimetur. Sed quia multi inveniuntur decimas dare nolentes, statuimus ut secundum Domini nostri præceptum admoneantur semel, et secundo, et tertio, si non emendaverint, anathematis vinculis constringantur, usque ad satisfactionem et emendationem congruam.

CAP. 197. — *De eodem. Ex concilio Moguntiensi, cap. 58.*

(16, q. 2, c. *Admonemus.*) Admonemus atque præcipimus ut decimas Deo omnino dare non negligatur, quas Deus ipse dari constituit, quia timendum est ut quisquis Deo debitum suum abstrahit, ne forte Deus per peccatum suum auferat ei necessaria sua.

CAP. 198. — *Quod episcopi et abbates decimas de agris, et vineis quæ ad usum suum vel fratrum stipendium habent, ad parochianas ecclesias persolvere debeant. Ex conc. Cabillonensi II, cap. 19.*

(16, q. 1, c. *Questi sunt.*) Questi sunt præterea quidam sancti quod essent aliqui episcopi et abbates, qui decimas non sinerent dari ad ecclesias ubi illorum coloni missam audiunt. Proinde decrevit sacer iste conventus ut episcopi et abbates de agris et de vineis, quæ ad suum vel fratrum stipendium habent, decimas ad ecclesias deferri faciant. Familiæ vero ibidem decimas suas ferant, ubi infantes eorum baptizantur, et ubi per totum anni circulum missas audiunt.

CAP. 199. — *Decimas Deo et sacerdotibus dandas, et exemplo patrum Abraham, et Jacob, et auctoritate veteris et novæ legis, et multimoda ratione. Ex concilio Moguntiensi, cap. 8.*

(16, q. 7, c. *Decimas.*) Decimas Deo et sacerdotibus Dei dandas Abraham factis Jacob promissis insinuat. Deinde lex statuit, et omnes doctores sancti commemorant. Et profecto dignum erat ut Israelitæ decimas pecorum et frugum omnium et pecuniarum Domino darent, qui eos liberaverat a decem plagis quibus percussit Ægyptios, et in novissima plaga primogenita cunctorum disperdidit, gratiamque suis præstitit, ut impetratis pecuniis spoliarent Ægyptum. De quibus decimis, Augustinus doctor venerabilis dicit: Decimæ ex debito requiruntur. Quid si diceret Deus: Nempe meus est

homo, mea est terra quam colis, mea sunt semina quæ spargis, mea animalia quæ fatigas, meus est solis calor; et cum omnia mea sint, tu qui minus accommodas, solam decimam vix merebaris, sed reservo tibi novem, da mihi decimam. Si non dederis mihi decimam auferam novem. Si dederis mihi decimam, multiplicabo novem. Cum itaque Judaicus populus præceptum decimarum tanta diligentia observaret, ut de quibusque minimis rebus, ruta et cimino, ut ipse Dominus testatur decimas daret, cur non majori studio plebs evangelica eandem impleat jussionem, et cui major est numerus sacerdotum, et sincerior cultus sacramentorum? Ideo ergo dandæ sunt, ut hac devotione Dominus placatus, largius præstet quæ necessaria sunt, sicut superius ostendimus. Et ut sacerdotes ac ministri ecclesiæ cura et sollicitudine necessitatum corporaliū, sine quibus hæc vita transigi non potest, relevati, liberiores fiant ad meditationem divinæ legis, et doctrinæ administrationem, atque spiritualis servitii voluntarium expletionem. Et ut munus populi in quotidiana oblatione Domino immoletur, nec non statuta canonica in sustentationem pauperum, et restaurationem ecclesiarum proficiant. Quatuor enim partes juxta canones debent fieri de fidelium oblationibus ut una sit episcopi, altera clericorum, tertia pauperum, quarta restorationi ecclesiarum servetur.

CAP. 200. — *Item de decimis. Ex concilio Mediomatricis, cap. 3. (Maguntien. conc., cap. 3.)*

(16, q. 7, c. *Decimas.*) Decimas quas populus dare non vult, nisi quolibet munere, ab eo redimantur, ab episcopis prohibendum est ne fiat.

CAP. 201. — *Quod partes de decimis fieri debeant, et quota pars ad usum pertineat episcopi. Ex Agrippinensi conc., cap. 6.*

Item quod decima quæ a fidelibus datur, Dei census nuncupanda est, et Deo ex integro reddenda. Cujus tertia pars secundum canonem Toletanum, episcoporum esse debet. Nos vero hac potestate uti nolumus, sed tantum singulis annis quartam partem juxta usum Romanorum pontificum, et observantiam sanctæ Romanæ ecclesiæ de eadem habere volumus. Quod si quis contentiosus inde repertus fuerit, sive clericus sive ille laicus sit, communionem privabitur, et synodali censura judicabitur.

CAP. 202. — *Quod ea quæ ad ecclesiam offeruntur in terris, vineis, mancipiis, pecuniis, ad dispositionem episcopi pertineant; quæ vero ad altare offeruntur, duæ partes clericorum sint, tertia pars episcopis fideliter deferatur. Ex Toletano concilio. (Aurelianense I, c. 17.)*

(10, q. 1, c. *De his.*) De his quæ ad ecclesiam a parochianis offeruntur, in terris, in vineis, mancipiis, pecuniis, antiquorum canonum instituta servantur, ut omnia in episcopi potestate consistant. De his autem quæ altaribus offeruntur, tertia pars fideliter episcopis deferatur, duæ clericis; decimæ autem secundum quosdam singulis annis tertia pars,

aut in tertio tota. Sed tamen nos sequentes Romanos, singulis annis quartam partem, aut in quarto totam episcopi recipiant.

CAP. 203. — *Quod partes, tam de redditibus, quam de oblationibus fidelium in unaquaque ecclesia faciendæ sint, et inter quos dividendæ. Gelasius ejus nominis primus in epist. ad episc. per Lucuniam et Brutiam, cap. 29.*

(12, q. 2, c. Quatuor.) Quatuor autem tam de redditibus, quam de oblationibus fidelium, prout cujuslibet ecclesiæ facultas admittit (sicut dudum est rationaliter decretum) convenit fieri portiones. Quarum una sit pontificis, altera clericorum, tertia pauperum, quarta fabricis est applicanda. De quibus sicut sacerdotis intererit, integram ministris ecclesiæ memoratam dependere quantitatem: sic clericus ultra delegatam sibi summam, nihil insolenter noverit expetendum. Ea vero quæ ecclesiasticis restaurandis ædificiis attributa sunt, huic operi veraciter prærogata locorum doceat instauratio manifesta sanctorum; quia nefas est si, sacris ædibus destitutis, in lucrum suum præsul impendia his designata convertat. Ipsam nihilominus ascriptam pauperibus portionem, quamvis divinis orationibus se dispensasse monstraturus esse videatur; tamen juxta hoc quod scriptum est: *Ut videant opera vestra bona, et glorificent Patrem vestrum qui in cælis est (Matth. v)*, oportet etiam præsentem justificationem prædicari, et bonæ famæ præconiis non taceri.

CAP. 204. — *De eadem re. Ex concilio Nannetensi, cap. 6.*

Instruendi sunt presbyteri pariterque admonendi, quatenus noverint decimas et oblationes, quas a fidelibus accipiunt, pauperum et hospitem et peregrinorum stipendia, et non quasi suis, sed quasi commendatis uti: de quibus omnibus sciant se rationem posituros in conspectu Dei, et nisi eas fideliter pauperibus, et his quibus jussi sunt administraverint, damna passuros. Qualiter vero dispensari debeant, canones sancti instituunt, scilicet ut quatuor partes inde fiant, una ad fabricam ecclesiæ relevandam, altera pauperibus distribuenda, tertia presbyteris sive clericis exhibenda, quarta episcopo reservanda, ut quidquid exinde jusserit, prudenti consilio fiat.

CAP. 205. — *Ut terminari debeant contentiones inter Christianos ortæ. Ex decretis Marcellini papæ, cap. 3.*

Quæcunque ergo contentiones inter Christianos ortæ fuerint, ad ecclesiam deferantur, et ab ecclesiasticis viris terminentur; et si obedire noluerint, quousque obediant a liminibus sanctæ ecclesiæ excludantur.

CAP. 206. — *De his qui oblationes parentum, aut testamenta, vel quod ipsi donaverint ecclesiæ, retinere aut auferre conantur. Ex concilio Agathensi, cap. 4.*

(15, q. 2, c. Clerici vel sæculares.) Clerici etiam vel sæculares qui oblationes parentum, aut donatas, aut testamentis relictas retinere perstiterint, aut id

quod ipsi donaverint ecclesiis vel monasteriis crediderint auferendum, sicut synodus sancta constituit, velut necatores pauperum quousque reddant, ab ecclesiis excludantur.

CAP. 207. — *Quod Deum hæredem facere debemus. Sanctus Isidorus.*

Augustinus dicit in libro *De hæredibus*: « Noli sub imagine pietatis augere pecuniam, dicens: Filiis meis servo has res. Quare non potius servas illi, qui te ex nihilo fecit, qui te pascit, et filios reservat? Nonne melius Creatori tuo thesaurizabis quam filiis? » Ac rursum: « Qua fronte hæreditatem a Christo quæris, cum Christum tua hæreditate fraudaveris, » qui dixit: *Thesaurizate vobis thesauros in cælo (Matth. vi)*.

B CAP. 208. — *De his qui oblationes defunctorum, aut negant, aut difficulter reddant. Ex Valentino concilio, cap. 4.*

Qui oblationes defunctorum aut negant ecclesiis, aut cum difficultate reddunt, tanquam egentium necatores excommunicentur. *De eadem re. Ex decretis Urbani papæ, cap. 4.* Ipsæ enim res fidelium oblationes appellantur, quia Deo offeruntur; non ergo debent in alios usus quam ecclesiasticos et prædictorum Christianorum fratrum vel indigentium converti; quia vota sunt fidelium et pretia peccatorum, atque ad prædictum opus explendum Deo tradita: si quis autem, quod absit! secus egerit, videat ne damnationem Ananiæ et Saphiræ percipiat, et reus sacrilegii efficiatur, sicut illi fecerunt qui pretia prædictarum rerum fraudabant, de quibus ita prædictis legit in apostolorum Actibus (Act. v).

CAP. 209. — *Ne quis oblationes ecclesiæ, extra ecclesiam dare vel accipere præsumat. Ex Gangrensi concilio, cap. 7.*

Si quis oblationes ecclesiæ extra ecclesiam accipere vel dare voluerit, præter conscientiam episcopi, vel ejus cui hujusmodi officia commissa sunt, nec cum ejus voluerit agere consilio, anathema sit.

CAP. 210. — *De ead. re. Ex eod. cap. 8.*

Si quis dederit vel acceperit oblata, præter episcopum vel eum qui constitutus est ab eo ad dispensandam misericordiam pauperibus, et qui dat et qui accipit, anathema sit.

D CAP. 211. — *Ut omnes ecclesiæ cum dotibus suis, et decimis, et omnibus rebus suis, in potestate episcopi consistant. Ex Cabillonensi concilio, cap. 1.*

In sancto Cabillonensi concilio decretum est ut omnes ecclesiæ cum dotibus suis, et decimis, et omnibus rebus suis in episcopi proprii potestate consistant, atque ad ordinationem suam semper pertineant.

CAP. 212. — *Quod tricennalis possessio firma sit. Ex Toletano concilio, iv, cap. 34.*

(16, q. 3, c. Sicut diæcesim.) Sicut diæcesim alienam tricennalis possessio tollit, ita territorii possessio conventum non amittit. Ideoque basilicæ quæ novæ conditæ fuerint, ad eum procul dubio

episcopum pertinebunt, cujus conventus esse constitit.

CAP. 213. — *Ut nullus in ecclesia sepeliatur, nisi pie et juste vivendo, talem sibi defuncto locum acquisierit : et ut nullus in ecclesia antiquitus sepultus, nisi sit paganus inde ejiciatur, sed tumuli apparentes ad modum pavimenti demergantur. Ex Meldensi concilio, cap. 9.*

Antiquus in his regionibus in ecclesia sepeliendorum mortuorum usus fuit, et plerumque loca divino cultui mancipata, et ad offerendas Deo hostias præparata, cœmeteria sive polyandria facta sunt. Unde volumus ut ab hac re deinceps absteatur, et nemo in ecclesia sepeliatur, nisi forte talis sit persona aut sacerdotis, aut cujuslibet justis hominis, qui per vitæ meritum talem vivendo defuncto locum acquisivit. Corpora quæ in ecclesiis antiquitus sepulta sunt, nequaquam projiciantur nisi sint paganorum; sed tumuli qui apparent profundius in terra mittantur, et pavimento desuper facto, nullo tumulorum vestigio apparente, ecclesiæ reverentia conservetur. Ubi vero tanta est multitudo cadaverum, ut hæc facere difficile sit, locus ille pro cœmeterio habeatur, ablato inde altari, et in alio loco constituto, ubi religiose et pure Deo sacrificium offerri valeat.

CAP. 214. — *Quod sepultos in ecclesia, si peccata dimissa non sunt, sacra loca non liberant, sed culpa temeritatis accusat. Augustinus.*

Quibus peccata dimissa non sunt, a sacris locis post mortem adjuvari non possunt; quia quos peccata graviora deprimunt, si in sacris locis sepelire se faciunt, restat ut de sua præsumptione judicentur, quatenus eos sacra loca non liberent, sed culpa temeritatis accuset.

CAP. 215. — *Quod pro loco sepulturæ nihil exigendum sit, sed si quid proximi et amici defuncti pro redemptione animæ dare voluerint, cum charitate accipiendum. Ex Triburiensi concilio, cap. 16.*

(13, q. 2, c. In ecclesiastico.) In ecclesiastico libro namque scriptum est : *Mortuo non prohibeas gratiam (Eccli. vii), sciens quia omnes moriemur (Eccli. viii).* Item omnia quæ de terra orta sunt, in terram convertentur (Eccl. iii). Quid terra, terram vendis? Memento quod terra es, et in terram ibis, et quoniam tibi mors futura est, appropriat et non tardat. Recordare quia hominis non est terra, sed ut Psalmista commemorat : *Domini est terra et plenitudo ejus (Psal. xxiii).* Si terram vendis, invasione alienæ rei reus teneberis. Gratis accepisti a Deo, gratis da pro eo. Quare interdictum sit omnibus omnino Christianis terram mortuis vendere, et debitam sepulturam denegare, nisi forte proximi et amici defuncti propter nomen et redemptionem animæ viri, gratis aliquid dare velint.

CAP. 216. — *Quod prodest sepeliri in ecclesia, cum gravia peccata non deprimunt, alioqui potius ad majorem cumulum damnationis, quam absolutionem fieri. Greg. quarto lib. Dialogorum, cap. 50.*

Cum [quos] graviora peccata non deprimunt, hoc

A prodest mortuis si in ecclesiis sepeliantur, quod eorum proximi quoties ad eadem sacra loca veniunt, suorumque sepulturam aspiciunt, recorderentur, et pro eis Domino preces fundant. Nam quos peccata gravia deprimunt, non ad absolutionem potius, quam ad damnationis cumulum majorem, eorum corpora in ecclesiis ponuntur. Quod melius ostendimus, si ea quæ diebus nostris gesta sunt breviter enarremus. Vir namque vitæ venerabilis, Felix Portuensis episcopus, in Sabinensi provincia ortus atque nutritus est. Qui quamdam sanctimonialem feminam in loco eodem fuisse testatur, quæ carnis quidem continentiam habuit, sed linguæ proccacitatem atque stultiloquium non declinavit. Hæc igitur defuncta, atque in ecclesia sepulta est. Nocte autem eadem ejusdem ecclesiæ custos per revelationem vidit, quia deducta ante sacrum altare per medium secabatur, et pars una illius igni cremabatur, pars autem altera intacta remansit. Cumque hoc surgens mane fratribus narraret, et locum vellet ostendere in quo fuerat igne consumpta, ipsa flammæ combustio ita ante altare apparuit in marmoribus, ac si illic eadem femina corporeo fuisset igne concremata. Ex qua re aperte datur intelligi, quia quibus peccata dimissa non fuerint, ad vitandum judicium sacris locis non valent post mortem adjuvari.

CAP. 217. — *De eadem re. Ibid., cap. 52.*

Joannes quoque vir magnificus in hac urbe locum præfectorum servans, cujus veritatis atque gravitatis sit novimus : qui mihi testatus est Valerianum patricium in civitate quæ Brixia dicitur fuisse defunctum. Cui ejusdem civitatis episcopus accepto pretio locum in ecclesia præbuit, in quo sepeliri debuisset. Qui videlicet Valerianus usque ad ætatem decrepitam levis ac lubricus exstitit, modumque suis pravitatibus ponere contempsit. Eadem vero nocte qua sepultus est, beatus Fautinus martyr, in cujus ecclesia corpus ejus fuit humatum, custodi suo apparuit dicens : *Vade et dic episcopo, projiciat hinc fetentes carnes quas hic posuit; quia si non fecerit, ipse die tricesimo morietur. Quam visionem custos episcopo timuit confiteri, et rursus admonitus declinavit. Die autem tricesimo ejusdem civitatis episcopus, cum vespertina hora sanus et incolumis ad lectum redisset, subita et inopinata morte defunctus est.*

CAP. 218. — *De eadem re. Ibidem, cap. 53.*

Adest quoque in præsentis sæculo senex venerabilis, vel pater Venantius Lunensis episcopus, et magnificus Liberius vir nobilissimus atque veracissimus, qui se scire, suosque homines interfuisse testatur ei rei quam narrat in Genuensi urbe contigisse. (*Istud commemoratur in cons., Triburi., cap. 17.*) Ibi namque (ut dicunt) Valentinus nomine, Mediolanensis Ecclesiæ defensor, defunctus est : vir valde lubricus et cunctis levitatibus occupatus, cujus corpus in ecclesia beati martyris Syri sepultum est. Nocte autem media, in eadem ecclesia factæ

sunt voces, ac si aliqui violenter ex ea repellerentur ac traherentur foras. Ad quas nimirum voces currebant custodes, et videntur duos quosdam teterrimos spiritus, qui ejusdem Valentini pedes quadam ligatura strinxerant, et eum ab ecclesia clamantem ac nimium vociferantem foras trahebant. Qui videlicet territi ad sua strata sunt reversi. Mane autem facto aperuerunt sepulcrum in quo idem Valentinus positus erat, ejusque corpus non invenerunt. Cumque intra ecclesiam quærent ubi projectum esset, invenerunt eum in sepulcro alio positum ligatis adhuc pedibus, sicut de ecclesia fuit abstractum. Ex qua re, Petre, collige, quia hi quos peccata deprimunt gravia, si in sacro loco sepeliri se faciunt, restat etiam ut de sua præsumptione judicentur, quatenus eos sacra loca non liberent, sed etiam culpa temeritatis accuset.

CAP. 219. — *Ibidem, de eadem re, cap. 54.*

Nam quid quoque in hac urbe contigerit, tinctorum qui hic habitant multitudo testatur : quod cum quidam artis eorum primus defunctus fuisset, intra ecclesiam beati Jannarii martyris, juxta portam sancti Laurentii a conjugē sua sepultus est. Sequenti autem nocte, ex sepultura eadem, audiente custode, ejus spiritus cœpit clamare : Ardeo, ardeo. Cum vero has diu voces emitteret, custos hoc ejus nuntiavit conjugi. Uxor vero illius eos qui diligenter inspicerent, ejusdem artis viros transmisit ad ecclesiam, volens agnoscere qualiter ejus corpus esset in sepulcro, de quo talia clamarent. Qui aperientes sepulcrum vestimenta quidem intacta reppererunt (quæ nunc usque in eadem ecclesia pro ejusdem causæ testimonio servantur) : corpus vero illius omnino non invenerunt, ac si in eodem sepulcro positum minime fuisset. Ex qua re colligendum est, qua ultione anima ejus damnata sit, cujus et caro est ab ecclesia projecta. Quid igitur sepultis sacra loca prosunt, quando hi qui indigni sunt, ab eisdem sacris locis divinitus projiciuntur?

CAP. 220. — *Ut corpora defunctorum in ecclesia non sepeliantur, sed si necesse sit, deforis circa murum. Ex Bracarensi concilio I, cap. 36.*

Item placuit ut corpora defunctorum nullomodo intra basilicam sepeliantur, sed si necesse est deforis circa murum basilicæ sepeliantur. Nam si firmissimum hoc privilegium usque nunc retinent Gallicæ civitates [manet civitatēs], ut nullo modo intra ambitum murorum civitatum cujuslibet defuncti corpus sit humatum, quanto magis venerabilium martyrum debet reverentia obtineri!

CAP. 221. — *De eadem re. Ex Meldensi concilio, cap. 10.*

Ut nemo quemlibet mortuum in ecclesia, quasi hæreditario jure, nisi quem episcopus aut presbyter pro qualitate conversationis et vitæ dignum duxerit, sepelire præsumat; nec quisquam ossa cujuslibet mortui de sepulcro suo ejicere, aut sepulturam cujusquam temerario ausu quoquo modo violare, sed

A unumquemque in loculo sibi a Deo parato atque concesso, adventum sui judicis præstolari concedat.

CAP. 222. — *Nihil pro sepeliendis corporibus exigendum. Ex Nannetensi concilio, cap. 11 (conc. Vassen., cap. 5).*

(13, q. 2, c. Præcipiendum.) Præcipiendum secundum canonem auctoritatem, ut de sepulcris, et hominibus sepeliendis nihil muneris exigant, nisi forte qui sepelitur, vivens jusserit ecclesiæ in cujus atrio sepelitur, de suis rebus aliquid tribuere, aut etiam post mortem illius quibus commissum est, cujus eleemosynam facere, de rebus illius aliud exigatur, sive ab illis qui locis et vicis præsent. Prohibendum est etiam secundum majorum instituta, ut in ecclesia nullatenus sepeliantur, sed in atrio, aut in porticu, aut in exedris ecclesiæ, intra ecclesiam vero, aut prope altare ubi corpus et sanguis Domini conficitur, nullatenus habeant licentiam sepeliendi.

CAP. 223. — *Quod conveniens sit, uxorem cum viro suo eodem sepulcro sepeliri. Hieronymus (66).*

(12, q. 2, c. Ebron.) Ebron dicitur esse civitas trium virorum, quia in ea sepulti sunt tres patriarchæ in spelunca duplici, cum tribus uxoribus suis, id est Abraham et Sara, Isaac et Rebecca, Jacob et Lia, præter ipsum Adam et Evam uxorem ejus. Tobias dicit ad filium suum : *Cum acceperit Deus animam meam, corpus meum sepelies, et honorem habebis matri tuæ omnibus diebus, et cum ipsa compleverit tempus, sepelies eam juxta me (Tob. iv)* in uno sepulcro.

CAP. 224. — *De eadem re. Idem.*

Quos conjungit unum conjugium, jungat unum sepulcrum; quia una caro est; et : *Quod Deus conjunxit, homo non separet (Matth. xix).*

CAP. 225. — *Item de ead. re. Augustinus.*

(13, q. 2, c. Unaquæque.) Unaquæque mulier sequatur virum suum, sive in vita, sive in morte.

CAP. 226. — *Ut sepultura non separet eos quorum mens una fuit in Domino. Gregorius, cap. 34, lib. II Dialogorum.*

Soror sancti Benedicti sepulta est in sepulcro, quod ipse sibi paraverat, ut quorum mens una semper fuit in Domino, eorum quoque corpora sepultura non separaret. Ita in primo connubio conjuncti, quia una et eadem caro est, in uno sepulcro sepeliantur

CAP. 227. — *Ut non valeant precariæ vel commutationes viduarum ecclesiarum. Ex concilio Belvacensi præsentē Ludovico, cap. 10.*

Ut precariæ et communicationes, tempore viduarum ecclesiarum factæ ab his, qui loca episcoporum occupaverant, rescindantur, et cum auctoritate ecclesiastica vel civili, si faciendæ sunt, fiant.

CAP. 228. — *De eadem re. Ex concilio eodem, cap. 11.*

(10, q. 2, c. Precariæ a nemine.) Precariæ a nemine de rebus ecclesiasticis fieri præsumantur, nisi quantum de qualitate convenienti dat ex proprio,

(66) In quæst. Hebr. in Genes. et de locis Hebraicis.

duplum accipiatur ex rebus ecclesiæ, in suo tantum qui dederunt nomine, si res proprias et ecclesiasticas usu fructuario tenere voluerint. Si autem res proprias ad præsens dimisit, ex rebus ecclesiasticis triplum fructuario usu in suo tantum quis nomine sumat, quia sic eas quemque tractare oportet, ut alienarum dispensatorem convenit, non propriarum largitorem.

CAP. 229. — *Idem de eadem re. Ex eodem concilio, cap. 12.*

A nulla potestate quis cogatur facere precariam de rebus Deo et sanctis ejus dicitis, cum ratio et usus obtineat neminem, cui non vult contra utilitatem et rationem præstitum de proprio facere beneficium.

CAP. 250. — *De eadem re. Ex eodem concilio, cap. 15.*

(10, q. 2, c. *Precariæ.*) Ut precariæ de quinquennio in quinquennium secundum antiquam consuetudinem et auctoritatem renoventur.

CAP. 251. — *De donatione vel venditione vel commutatione rei ecclesiasticæ. Ex concilio Carth. IV, cap. 52.*

(12, q. 2, c. *Sine exceptione.*) Irrita erit episcoporum donatio, vel venditio, vel commutatio rei ecclesiasticæ absque collaudatione, et subscriptione clericorum.

CAP. 252. — *De commutationibus ecclesiasticarum rerum. Ex Belvacensi concilio.*

(*Extra de rerum permut., c. Ut commutationes.*)

Ut commutationes rerum ecclesiasticarum valde caveantur, et subtilissime, si aliquo modo fieri debent, inspiciantur. Quæ autem inconsulte factæ sunt, juxta decretum canonicum Hilarii papæ, quas illicite decessor episcopus amiserit, vel ab aliis illicite commissæ sunt, ab eo qui successor est, emendantur.

CAP. 253. — *De eadem re. Ex Maticensi concilio, cap. 4.*

A sancta synodo decretum est, et imperialis auctoritas denuntiat, ne commutationes rerum vel mancipiorum ecclesiasticorum quælibet persona sine licentia et consensu religionis, præsumat facere.

CAP. 254. — *De commutatione ecclesiasticorum mancipiorum. Ex concilio apud Carisiacum [al. Silvanectum], cap. 2.*

Ne mancipia ecclesiastica quisquam nisi ad libertatem commutet, ut videlicet mancipia quæ pro ecclesiastico homine dabuntur, in ecclesiæ servitute permaneant, et ecclesiasticus homo qui commutatur, perpetua libertate fruatur. Quod enim semel Domino consecratum est, ad humanos usus jam transferri non potest. Ait enim lex: *Si quis mutaverit, et quod mutatum est sanctificabitur Domino (Levit. XVIII).*

CAP. 255. — *De eodem. Ex eodem concilio, cap. 3.*

(2, q. 2, c. *Injustum.*) Injustum videtur et impium, ut mancipia quæ fideles viri seu feminæ pro remedio animæ suæ Deo et sanctis ejus consecrarunt, cujuscunque muneris mancipio vel commutationis

A commercio, iterum in sæcularium servitutem redigantur, cum auctoritas canonica servos fugitivos tantummodo distrahi permittat? et ideo omnes rectores ecclesiarum summopere caveant ne unius eleemosyna alterius peccatum fiat, et absurdum est ut ex ecclesiastica dignitate servus decedens humanæ obnoxius sit servituti.

CAP. 256. — *De regularibus præceptis super precariis ecclesiasticis non admittendis. Ex concilio apud sanctum Medardum, cap. 11.*

Præcepta regalia super precariis ecclesiasticis fieri nec ratio sinit, nec auctoritas quolibet modo permittit, quoniam præcepta in jure ecclesiastico firmare indignum judicatur: necesse est ut majestas regia non nisi ab ecclesiastico rectore petatur, id est ut custos ecclesiæ solertissime caveat ne sui ordinis et ecclesiasticæ commutationis forte immemor, contra auctoritatem præceptum regium pro quacunque assentatione fieri petat. Quod et si fecerit non audiatur. Si autem et obtinuerit, regali restrictione, episcopali judicio idem rescindatur, et petitor injustus pro principis injusta suggestionem digne corripiatur.

CAP. 257. — *De episcopo qui mancipium ecclesiæ manumitti desiderat. Ex concilio Toletano IV, cap. 67.*

(12, q. 2, c. *Episcopus qui.*) Episcopus qui mancipium juris ecclesiæ non retento ecclesiastico patrocinio manumitti desiderat, duos meriti ejusdem et peculii, coram concilio ecclesiæ cui præeminet, per commutationem subscribentibus sacerdotibus offerat, ut rata et justa inveniatur definitio commutantis. Tunc enim liberam manumissionem sine patrocinio condere poterit, quando eum quem libertati tradere disponit, jam juri proprio acquisivit. Hujusmodi autem liberto adversus ecclesiam cujus juris exstitit, accusandi vel testificandi denegetur licentia. Quod si præsumperit, placet ut stante commutatione in servitutem propriam ecclesiæ revocetur.

CAP. 258. — *Ut sacerdotibus qui res suas ecclesiæ relinquunt, aut aliqua prædia vel familias ecclesiæ conquirunt, liceat aliquos si placet de familia ejusdem ecclesiæ manumittere. Ex eodem conc. cap. 68.*

Consensus totius concilii definit ut sacerdotibus qui aut res suas ecclesiæ relinquunt, aut nihil habentes aliqua tamen prædia aut familias ecclesiis suis conquirunt, liceat aliquos de familiis ejusdem ecclesiæ manumittere, juxta rei collatæ modum quem antiqui canones decreverunt, ita ut cum peculio et posteritate sua si ingenui sunt, sub patrocinio ecclesiæ maneat, utilitates injunctas sibi juxta quod potuerint, prosequentes.

CAP. 259. — *Ut presbyteri rem ecclesiæ vendere non præsumant. Ex Carthaginensi concilio V, cap. 4.*

(12, q. 2, c. *Placuit.*) Item placuit ut presbyteri non vendant rem ecclesiæ ubi sunt constituti nescientibus episcopis suis, quomodo et episcopis non liceat vendere prædia ecclesiæ ignorante concilio vel presbyteris suis. Non habenti ergo necessitatem, nec

episcopo liceat rem matris ecclesiæ ignorante concilio vel presbyteris, suis titulis usurpare.

CAP. 240. — *De eadem re. Ex Bracarensi concilio 1, cap. 17.*

(*Dist. 50, c. Si quis presbyt.*) Si quis presbyter aut diaconus inventus fuerit de ministeriis ecclesiæ, ignorante concilio, aliquid vendidisse, quia sacrilegium commisit, placuit eum in ordinatione ecclesiæ non haberi; in iudicio tamen episcopi dimittendum sive dignus in suo recipi gradu.

CAP. 241. — *Quid agendum sit de episcopo qui res ecclesiæ vendiderit. Ex eodem concilio, cap. 31.*

(*2, q. 3, c. Placuit.*) Quicumque presbyter de iure tituli sui quolibet modo aurum, argentum vel gemmas, vestes quoque si sunt, vel si accesserint aliqua mobilia ad ornamenta aliquid in perpetuum alienare tentaverit donator, alienator ac venditor, honoris sui amissione multetur.

CAP. 242. — *De eadem re. Ex eod. concilio, cap. 14.*

(*10, q. 2, c. Si quis.*) Si quis episcopus nulla ecclesiasticæ rationis necessitate compulsus, in suo clero, aut ubi forte non est presbyter, de rebus ecclesiasticis aliquid præsumperit vendere, res ipsas ecclesiæ propriæ restaurare cogatur, et in iudicio episcoporum dejiciatur auditus, atque furti et latrocinii reus, suo privetur honore.

CAP. 243. — *Quod quantitas rei ecclesiasticæ sicut remedium veniæ tribuit conferenti, ita damnum rite præparat fraudatori. Ex Tolet. conc. cap. 35.*

Omnia itaque rei ecclesiasticæ quantitas, sicut remedium veniæ tribuit conferenti, ita damnum rite præparat fraudatori. Et ideo nullus sacerdotum vel ministrorum ex rebus ecclesiæ, quæ in quibuscunque locis a fidelibus largiuntur, aliquid auferat, et juri suo aut cathedræ propriæ unitati connectat. Verum ut hujus rei soliditas potior habeatur, propinquus ejus qui construxerunt vel ditaverunt ecclesiam, licitum sit hanc bonæ intentionis habere solertiam, ut si sacerdotem vel ministrum aliquid ex rebus collatis præviderint defraudare, aut commotionis honesta conventionne compescant, aut talia episcopo aut judici corrigenda denuntient. Quod si talia episcopus agere tentat, metropolitano ejus hæc insinuare ne differant. Ipsi tamen hæredibus in eisdem rebus non liceat quasi juris proprii potestatem præferre, non rapinam, non fraudem inferre, vel ingerere, non violentiam quancunque præsumere. Si quis hæc monita temerare præsumperit, et male rapta cum confusione restituat, et excommunicationis annuæ sententiam sustinebit.

CAP. 244. — *De libertis qui ab ecclesiæ patrocinio discesserunt. Ex conc. Tol. iv, cap. 70.*

(*12, q. 2, c. Liberti.*) Liberti ecclesiæ qui a patrocinio ejus discedentes quibuslibet personis adhæserunt, si admoniti redire contempserint, manumissionum irrita sit; quia per inobedienciæ contemptum ingrati actione tenentur.

CAP. 245. — *De libertis ecclesiæ. Ibidem. cap. 69.*

(*12, q. 2, c. Liberti.*) Liberti ecclesiæ, quia nunquam moriturorum matrona, a patrocinio ejusdem

nunquam discedant, nec posteritas quidem eorum, sicut priores canones decreverunt. Et ne forte libertas eorum in futura prole non pateat, ipsaque posteritas naturali ingenuitate obnitens sese ab ecclesiæ sanctæ patrocinio non subtrahat, necesse est ut tam iidem liberti, quam ab eis progeniti professionem episcopo suo faciant, per quam se et familia ecclesiæ liberos esse fatentur ejusque patrocinium non relinquunt, sed juxta virtutem suam obsequium ei vel obedientiam præbeant.

CAP. 246. — *De libertis qui a quibuscunque manumissi sunt. Ex eod. conc., cap. 71.*

(*Dist. 87, c. Liberti.*) Liberti a quibuscunque manumissi sunt, atque ecclesiæ patrocinio commendati existunt, sicut regulæ antiquorum Patrum constituerunt, sacerdotali defensione a cujuslibet insolentia protegantur, sive in statu libertatis eorum, seu in peculio quod habere noscuntur.

CAP. 247. — *De manumissis in ecclesia. Ex Arausico concilio 1, cap. 7.*

In ecclesia manumissos, vel per testamentum ecclesiæ commendatos, si quis in servitutem, vel in obsequium, vel ad colonariam conditionem imprimere [revocare] tentaverit, animadversione ecclesiastica coercetur.

CAP. 248. — *De fugitivis ecclesiasticis servis. Ex Toletano concilio.*

Fugitivos etiam servos ecclesiasticos, domos suas aut familias deserentes, qui etiam si revocati fuerint, teneri non possint simili ratione, ab episcopo si voluerit, aut si illi ita meruerint, distrahantur.

CAP. 249. — *De episcopis qui nihil ecclesiæ suæ conferunt, et ex familia ecclesiæ liberos facere præsumunt. Ex eod. concilio.*

Episcopi qui nihil ex proprio suo ecclesiæ Christi conferunt, liberos ex familiis ecclesiæ, ad condemnationem suam facere non præsumant. Impium est enim, ut qui res suas ecclesiæ Christi non contulerit, damnum ecclesiæ inferat. Tales igitur libertos successor episcopi absque aliqua oppositione ad jus ecclesiæ revocabit.

CAP. 250. — *Quid in ecclesia legi debeat. Ex Aurelianensi conc., cap. 3.*

Nihil aliud in ecclesia legatur, aut cantetur, nisi quæ auctoritatis divinæ sunt, et Patrum orthodoxorum sanxit auctoritas. Nec falsa angelorum nomina colant, sed ea tantum quæ prophetica, et evangelica docet Scriptura, id est Michael, Gabriel, Raphael.

CAP. 251. — *Excommunicandos esse eos qui libros famosos in ecclesia legunt. Ex conc. Elibertin., cap. 52.*

Si qui inventi fuerint libros famosos et ignotos in ecclesia legere vel cantare, excommunicentur.

CAP. 252. — *De mulieribus quæ clam concipiunt. Ex Maticensi conc., cap. 6.*

In hoc sancto concilio decretum est ut unusquisque presbyter in sua plebe publice annuntiet, ut si aliqua femina clanculo corrupta conceperit, nequam filium aut filiam suam interficiat; sed quocunque prævalet ingenio ante januas ecclesiæ partem deportari ibique poni faciat, ut coram sacerdote in

crastinum delatus ab aliquo fidei suscipiatur, et enutriatur, et tali ex causa homicidii reatum, et quod majus est parricidium evadat. Nam, qui filium aut filiam interficit, parricida omnino destinetur.

CAP. 253. — *De infantibus in adulterio natis, et ad ecclesiam expositis. Ex Arelatensi II conc., cap. 32.*

Si expositus ante ecclesiam, cujuscunque fuerit miseratione collectus, contestationis ponat epistolam: ut si is qui collectus est intra decem dies quaesitus, agnitus non fuerit, securus habeat qui colligit. Sane qui post praedictum tempus calumniator exstiterit, ut homicida ecclesiastica districtione damnabitur, sicut Patrum sanxit auctoritas.

CAP. 254. — *De eadem re. Ex Vasensi concilio, cap. 9.*

De expositis quia collata ab omnibus querela processit, eos non jam misericordiae sed canibus exponi, quos colligere calumniarum metu, quamvis inflexa praecipis misericordiae mens humana detrectet, id observandum est, ut secundum statuta fidelissimorum Augustorum, piissimorumque principum quisquis expositum colligit, ecclesiam contestetur, contestationem colligat. Nihilominus de altario Dominico die minister annuntiet, ut ecclesia sciat expositum esse collectum, ut intra dies decem, ab expositionis die expositum recipiat. Si quis se probaverit agnovisse, collectori pro ipsorum decem dierum misericordia prout maluerit ad praesens tribuat, aut in perpetuum cum Dei gratia, si voluerit possideat. Si quis expositorum hoc ordine collectorum repetitor, vel calumniator exstiterit, homicida habendus est.

CAP. 255. — *Si sacerdotes oblationes fidelium, ab ecclesia auferunt, et in suos usus convertunt. Ex concilio Toletano (Tol. IV), cap. 32.*

Avaritia radix est cunctorum malorum (I Tim. VI), cujus sitis etiam sacerdotum mentes obtinet. Multi enim fidelium in amore Christi et martyrum, in parochiis episcoporum basilicas construunt, oblationes conscribunt; sacerdotes haec auferunt, atque in usus suos convertunt. Inde est quod cultores sacerorum deficiunt, dum stipendia perdunt, inde basilicarum labentium ruinae non reparantur, quia avaritia sacerdotali omnia auferuntur. (16, q. 1, c. Constitutum est.) Pro qua re constitutum est a praesenti concilio episcopos ita dioeceses suas regere, ut nihil ex earum jure praesumant auferre, sed juxta priorum conciliorum auctoritatem tam de oblationibus quam de decimis, et de tributis ac frugibus tertiam consequantur. Quod si amplius quidpiam ab eis praesumptum fuerit, per concilium restaurentur, appellantis ipsis conditoribus, aut certe propinquis eorum, si jam illi a saeculo discesserunt. (10, q. 1, c. Noverint.) Noverint autem conditores basilicarum in rebus quas eisdem basilicis conferunt, nullam potestatem habere, sed juxta canonum instituta, sicut ecclesiam, ita dotem ejus ad ordinationem episcopi pertinere.

CAP. 256. — *De quodam a daemone vexato. Greg. papa, cap. 16, lib. II Dialog.*

Ex eodem quoque tempore quidam Aquinensis Ecclesiae clericus daemone vexabatur, qui a venerabili viro Constantio ejusdem Ecclesiae antistite per multa fuit martyrum loca transmissus, ut sanari potuisset. Sed sancti Dei martyres noluerunt ei sanitatis donum tribuere, ut quanta esset in Benedicto gratia demonstrarent. Ductus itaque est ad omnipotentis Dei famulum Benedictum, qui Jesu Christo Domino preces fudit, et antiqum hostem de obsesso homine protinus expulit cui sanato praecipit, dicens. Vade, et posthac carnem ne comedas, et ad sacrum ordinem nunquam accedere praesumas. Quacunquē autem die sacrum ordinem temerare praesumpseris, statim juri diaboli iterum mancipaberis. Discessit itaque clericus sanus, ac sicut terrere solet animum poena recens, ea quae vir Dei praecipit interim custodivit. Cum ergo post annos plurimos omnes priores illius de hac luce migrassent, et minores suos sibimet superponi in sacris ordinibus cererent, verba viri Dei quasi ex longo tempore oblitus proposuit, atque ad sacrum ordinem accessit. Quem mox is qui reliquit diabolus tenuit, eumque vexare quousque animam ejus excuteret, non cessavit.

CAP. 257. — *De rebus ecclesiae quae mortuo episcopo a presbyteris venditae fuerint. Ex Ancyrano conc., cap. 14.*

De his quae pertinent ad ecclesiam, quae cum non adesset episcopus, presbyteri vendiderunt, placuit rescisso contractu ad jura ecclesiastica revocari. In judicio autem erit episcopi, si constitutum pretium debeat recipi, nec ne, quia saepe contingit rerum distractarum reilitus ampliore summa quam accepto pretio reddi.

CAP. 258. — *De eo qui spernit oblatam presbyteri qui uxorem habuerit. Ex Gangrensi concilio, cap. 4.*

Quicumque discernit a presbytero qui uxorem habuerit, quia non oporteat eo ministrante de oblatione percipere, anathema sit.

CAP. 259. — *Quod non permittantur ecclesiastici ad haereticorum caemeteria accedere. Ex Laodicensi concilio, cap. 9.*

Quod non permittantur ecclesiastici ad caemeteria haereticorum vel ad ea quae ab eis appellantur martyria, orationis causa vel salvationis accedere; sed hujusmodi si fideles fuerint, certo tempore communionem privari, poenitentes autem et confitentes se deliquisse, convenit suscipi.

CAP. 260. — *Quod non oporteat ab haereticis eulogias accipere. Ex eod. cap. 32.*

(1, q. 1, c. Non oportet.) Quod non oportet ab haereticis eulogias accipere, quae sunt maledictiones potius quam benedictiones.

CAP. 261. — *Quod nullus Christianus ad pseudomartyres ire debeat. Ex eodem concilio, cap. 34.*

Quod omnem Christianum non oporteat deserere martyres Christi, et ire ad pseudomartyres, id est haereticorum, et ipsos quos constat haereticos existisse: hi namque alienati sunt a Domino. Sint ergo anathema, qui ad tales accesserint.

CAP. 262. — *Quod non oporteat plebeios psalmos in A ecclesia cantare. Ibid., cap. 59.*

Quod non oporteat plebeios psalmos in ecclesia cantare, nec libros præter canonem legi, sed sola sacra volumina Novi Testamenti, vel Veteris.

CAP. 263. — *De illis, qui conventus qui ad confessiones martyrum fiunt, abominantur. Ex Antiocheno concilio, cap. 20.*

Si quis superbæ usus affectu, conventus abominatur qui ad confessiones martyrum celebrantur, et ministeria quæ in eis fiunt simul cum eorum memoriis execratur, anathema sit.

Ut energumenis in domo Dei sedentibus victus ab exorcistis administratur. Ex concilio Carthag. IV. cap. 92.

Energumenis in domo Dei sedentibus, victus quotidianus per exorcistas opportuno tempore ministratur.

CAP. 264. — *Ut sacra vasa non ab aliis quam a sacris viris tractentur. Ex decretis Sixti papæ.*

Cognoscat sapientia vestra, fratres charissimi, quia in hac sacra apostolica sede a nobis et reliquis episcopis, cæterisque Domini sacerdotibus staturum est, ut sacra vasa, non ab aliis, quam a sacris, Dominoque dicatis tractentur hominibus. Indignum enim valde est, ut sacra Domini vasa, quæcunque sunt, humanis usibus serviant, ut non ab aliis quam a Domino servientibus, eique dicatis tractentur viris, ne pro talibus præsumptionibus iratus Dominus plagam imponat populo suo, et hi qui etiam non peccaverunt, mala patiantur, aut pereant, quia perit justus sæpissime pro impiis. Attendite ne talia in ecclesiis vestris permittatis deinceps fieri, ne grex pretiosissimo sanguine Christi redemptus, in præcipitium, quod absit, ruat.

CAP. 265. — *De sacris feminis, quæ sacra vasa et pallas altaris tractare præsumpserint. Ex epistola Soteris papæ.*

(*Dist. 23, c. (?) Idem supra, c. 72.*) Sacras Deo feminas vel monachas sacra vasa, vel sacras [sacras] pallas penes vos contingere, et incensum ponere, et circa altaria deferre, perlatum est ad apostolicam sedem. Quæ omnia reprehensione, et vituperatione plena esse nulli recte sapientium dubium est. Quapropter per hujus sanctæ sedis auctoritatem hæc omnia vobis rescere, funditus quantocitius poteritis censemus et ne pestis hæc latius divulgetur per omnes provincias, abstergi citissime mandamus.

CAP. 266. — *Quid faciendum sit de vasis sacris, de pallis altaris, et de velis ecclesiæ, si vetustate consumpta fuerint. Ex epist. Clementis vappæ (epist. 20).*

(*De cons., dist. 1, c. Altaris palla.*) De vasis sacris quid gerendum, quidve inde faciendum sit: altaris palla, cathedra, candelabrum et velum, si fuerint vetustate consumpta, incendio dentur; quoniam non licet ea quæ in sanctuario fuerint, male tractari, sed incendio universa tradantur; cineres quoque eorum in baptisterium inferantur, ubi nullus transitus habeatur, aut in pariete aut in fossis pavimentorum jactentur, ne ab introcuntium pedi-

bus inquinentur. Pallas vero et velum quæ in sanctuario sordidata fuerint, diaconi cum humilibus ministri intra sanctuarium lavent, non ejicientes foras a sanctuario velamina Dominicæ mensæ, ne forte pulvis Domini corporis male decidat sindone foris delata, et erit hoc operanti peccatum. Ideo in sacrario ministris præcipimus cum diligentia custodire. Pallæ vero in alia pelvi laventur, vela in alia.

CAP. 267. — *Quod in oblatione corporis et sanguinis Domini incensum poni debeat. Ex Rothomagensi concilio, cap. 2.*

Ut tempore quo Evangelium legitur, finitoque offeritorio, super oblatione incensum in mortem videlicet Redemptoris nostri ponatur decrevimus.

CAP. 268. — *Ut quoties basilicam ad quam itur, præsentia novæ plebis impleverit, toties sacrificium subsequens offeratur. Ex epist. Leonis ad Dioscorum Alexandrinum, cap. 2.*

Ut autem in omnibus observantia nostra concordet, illud quoque volumus custodiri ut cum solemnium festivitas conventum populi numerosioris indixerit, et ad eandem multitudo fidelium convenierit, quam recipere basilica una non possit, sacrificium indubitanter iteretur, ne his tantum admissis ad hanc devotionem qui prius advenerint, videantur hi scilicet qui postmodum confluerint, non recepti, cum plenum pietatis atque orationis opus sit, ut quoties basilicam aliquam iterum præsentia novæ plebis impleverit, toties sacrificium subsequens offeratur. Necessè est autem ut quædam populi pars sua devotione privetur, si unius tantum missæ more servato, sacrificium offerri non possit, nisi prima parte diei conveniant.

CAP. 269. — *Ut nullus presbyter titulum super titulum usurpare præsumat. Ex Nannetensi concilio.*

Ut si quilibet presbyterorum defunctus fuerit, vicinus presbyter apud seniore[m] sæcularem, nulla precatone vel aliquo xenio ecclesiam illam obtineat; quia titulus per se constans ante constituit: sed neque capellam, sine consultu episcopi: quod si fecerit definitam sententiam sibi prolatam suscipiat, sicuti de episcopo canonica decrevit auctoritas, ut si per ambitionem majorem civitatem appetierit, et illam perdat quam tenuit, et illam nequaquam obtineat, quam usurpare tentavit.

CAP. 270. — *Quid faciendum sit de altaribus in quibus sanctæ reliquiæ non inveniuntur. Ex Africano conc., cap. 1.*

Altaria in quibus sacra corpora, vel reliquiæ martyrum non esse probantur, ab ejusdem loci episcopo destruantur.

In altari quo missam episcopus celebravit, nulli presbytero die illo celebrandum. Ex concilio Urbico.

Ne in altari quo missam episcopus cantavit, presbyter eo die missam celebrare præsumat.

CAP. 271. — *Ut episcopus vel presbyter postquam missam incæperit et orationem dixerit, nisi passio aliqua interveniat, antequam ministerium adimpleat ab altario Dei nullo modo discedat. Zacharias papa, cap. 9.*

Ut episcopus aut presbyter, dum ingressus fuerit

ad missarum solemniam celebranda, nisi passio aliqua intervenerit, nullo modo audeat data oratione discedere, ut ab alio episcopo aut a presbytero supplicentur missarum solemniam, sed qui initium sumpsit, suppleat usque ad finem, quia scriptum est: *Qui perseveraverit usque in finem, hic salvus erit* (Matth. x). Si quis vero præsumperit præter quod posuimus agere, a sacro corpore et sanguine Domini nostri Jesu Christi sit suspensus.

CAP. 272. — *Ut nullus episcopus vel presbyter ad celebranda missarum solemniam cum baculo ire, aut velato capite altari Dei assistere præsumat. Ex decretis ejusdem, cap. 13.*

(De cons., dist. 1, c. Nullus.) Ut nullus episcopus, presbyter, aut diaconus ad celebranda missarum solemniam præsumat cum baculo introire, aut velato capite altari Dei assistere, quoniam et Apostolus prohibet viros velato capite orare in ecclesia (I Cor. xi), et si temere præsumperit, excommunicetur.

CAP. 273. — *Ne corpora sanctorum transferantur de loco ad locum. Ex concilio i Maguntensi, cap. 51.*

Deinceps vero corpora sanctorum de loco ad locum nullus transferre præsumat, sine consilio principis vel episcoporum sanctæque synodi licentia.

CAP. 274. — *Quos mortuos in ecclesia sepelire liceat. Ex eodem, cap. 52.*

Nullus mortuus infra ecclesiam sepeliatur, nisi episcopi aut abbates aut digni presbyteri, vel fideles laici.

CAP. 275. — *Quod omnes fideles in ecclesia nihil agere debeant nisi orare. Ex iii Turonensi concilio, cap. 38.*

Sacerdotes debent fideles admonere, ut quando ad ecclesiam conveniunt, sine strepitu ac tumultu eam ingrediantur: in qua etiam quandiu orationis causa morantur, nequaquam inter se proferant inanes confabulationes, sed tempore quo missarum solemniam celebrantur, non solum ab otiosis et inutilibus verbis, verum etiam a perniciosis cogitationibus funditus abstinendum est.

CAP. 276. — *Quod divina clementia fixis in terra genibus exoranda sit, nisi in majoribus solemnitatibus. Ex eodem cap. 37.*

Sciendum est quod exceptis diebus Dominicis, et illis solemnitatibus, quibus sancta et universalis ecclesia ob recordationem Dominicæ Resurrectionis solet stando orare, fixis in terra genibus suppliciter clementiam nobis profuturam nostrorumque criminum indulgentiam deprecandum est. Cujus rei in Evangelio ipse Dominus nobis dedit exemplum (Matth. xxvi). Sed Stephanum martyrem (Act. vii), et apostolum Paulum eadem fecisse, liber Actuum apostolorum testis est (Act. xx). Ex quibus intelligi datur, oportere Christianum humiliter ad terram prosterni, ne forte illi dicatur: *Quid superbis, terra et cinis* (Eccl. x).

CAP. 277. — *Quod non liceat mortuis osculum dare. Ex conc. Agathensi, cap. 2.*

Non liceat mortuis osculum dare, nec palliis que

A sacrificiis super altare ponuntur, corpora eorum involvere, vel super feretrum ponere.

CAP. 278. — *Ubi fideles sepeliri debeant. Ex conc. Triburiensi, cap. 15.*

Restat propter instantem, quæ nunc maxima occurrit, necessitatem, ubicunque facultas rerum et opportunitas temporum suppetat, sepulturam morientium apud ecclesiam ubi episcopi sedes est, celebrari. Si autem propter itineris longinquitatem aut adjacentem alicujus inopportunitatis difficultatem impossibile videatur, expectet eum terra sepulturæ suæ, quo canonicorum aut monachorum sive sanctimonialium congregatio sancta communiter degat, ut eorum orationibus judici suo commendatus occurrat, et remissionem delictorum, quam meritis non obtinet, illorum intercessionibus percipiat. Quod si et hoc ineptum et difficile æstimetur ubi decimam persolvebat vivus, sepeliatur mortuus.

CAP. 279. — *Ut sacerdotes ad tempus orationi vacent, antequam sacrificent. Ex decretis Innocentii papæ, cap. 36.*

Paulus ad Corinthios scribit dicens: *Abstinete vos ad tempus, ut vacetis orationi* (I Cor. vi). Et si hoc laicis præcipit, multo magis sacerdotes, quibus et orandi et sacrificandi iuge sacrificium est, semper debent ab hujusmodi consortio abstinere. Qui contaminatus fuerit carnali concupiscentia, quo pudore, vel sacrificare forsitan usurpabit, aut qua conscientia, quove merito exaudiri se credit, cum dictum sit: *Omnia munda mundis, coinquinatis autem et infidelibus nihil mundum* (Tit. i).

CAP. 280. — *De ecclesiis monachorum. Ex concilio Confluentiæ habito, cui interfuit Henricus et Carolus reges, cap. 6.*

Hocque statutum est, quatenus ecclesiæ quorumcunque monachorum, in singulis parochiis suorum episcoporum, ut decet divinitus subdantur regimini, eisque debita obsequia in exercendis ecclesiasticæ curæ negotiis sollicitè exhibeant, ipsi procul dubio monachi episcopis suis in omnibus obediunt.

CAP. 281. — *De laicis qui proprias ecclesias habent. Ex eod. conc., cap. 5.*

Si laici capellas proprias habuerint, a ratione et auctoritate alienum habeatur, ut ipsi decimas accipiant, et inde canes aut genitarias suas pascant; sed potius presbyteri ecclesiarum eas accipiant, et inde restaurationem exhibeant, et pro sancta ecclesia ac pro statu regni Dei misericordiam studiose implorent.

CAP. 282. — *De vasculis quibus sacra mysteria conficiuntur. Ex Triburiensi conc. cap. 18, cui interfuit rex Arnulphus.*

(De cons., dist. 1, c. Vasa in quibus.) Vasa quibus sacrosancta conficiuntur mysteria calices sunt et patenæ. De quibus Bonifacius martyr et episcopus interrogatus, si liceret in vasculis ligneis sacramenta conficere, respondit: Quondam sacerdotes aurei ligneis calicibus utebantur, nunc e contrario lignei sacerdotes aureis utuntur calicibus. Zepherinus sextus

decimus Romanus episcopus patenis vitreis missas celebrari constituit. Tunc deinde Urbanus octavus decimus papa omnia ministeria sacra fecit argentea. In hoc enim, sicut in reliquis cultibus, magis ac magis per incrementum temporum decus succrevit ecclesiarum. Nostris enim temporibus qui servi patrisfamilias sumus, ne decus matris Ecclesie imminuatur, sed magis cumuletur, et amplificetur statuimus ut deinceps nullus sacerdos sacrum mysterium corporis et sanguinis Domini nostri Jesu Christi in ligneis vasculis ullo modo conficere presumat, ne unde placari debet, inde irascatur Deus.

CAP. 283. — *De ecclesia a pluribus hæredibus possessa. Ex eod. conc., cap. 32.*

Quæcunque ecclesia a compluribus cohæredibus sit possessa, concordii unanimitate undique procuratur, ne propter aliquas disceptationes servitium Dei minuatur, et cura populi irreligiose agatur. Si vero contingat pro ea comparticipes dissidere, et sub nullo presbytero eam procurare, et propterea jurgia, et contentiones, tam inter ipsos, quam in-

ter clericos incipiant frequentare; quia juxta Apostolum, *servos Dei non oportet litigare (II Tim. II)*. Episcopus tollat inde reliquias, et sub magna cura honorifice collocet eas, atque ejusdem ecclesie claudat ostia, et sub sigillo consignet ea, et sacrum mysterium nullus celebret in ea, antequam concordii unanimitate, unum omnes eligant presbyterum, qui idoneus sit sacrosanctum locum procurare, et populo Dei utiliter præesse.

CAP. 284. — *Ut hi qui suæ proprietatis loca alicubi dare voluerint, cognoscant decimam nusquam se tradere posse. Ex concilio apud Confluentiam, cap. 8.*

Si quis vero laicus vel clericus, seu utriusque sexus persona proprietatis suæ loca, vel res alicubi donare delegaverit, decimationum proventum priori ecclesie legitime signatum, inde abstrahere nullam habeat potestatem. Quod si facere tentaverit, talis traditio irrita prorsus ducatur, et ipse ad emendationem ecclesiastica coerceatur censura.

DECRETI PARS QUARTA

De observandis festivitatis et jejuniis legitimis. De Scripturis canonicis. et consuetudinibus, et celebratione concilii.

CAP. 1. — *Quomodo intelligendum sit quod Apostolus ait: « Dies observatis et menses, et tempora, et annos, timeo ne sine causa laboraverim in vobis. » Ambrosius, in expositione Epistolæ ad Galatas, in cap. IV*

Dies observatis, et menses, et tempora, et annos (Galat. IV). Dies ergo observant, qui dicunt, ut puta, crastino proficiscendum non est, post crastinum enim non debet aliquid inchoari, et sic solent magis decipi. Hi autem colunt menses, qui eursus perscrutantur lunæ dicentes, ut puta, septima luna instrumenta confici non debent; nona iterum luna, ut puta emptum servum domum duci non oportet: et per hæc facilius solent adversa provenire. Tempora vero sic observant cum dicunt: Hodie veris initium est, festivitas est; post cras Vulcanalia sunt. Posterum est, domum egredi non licet. Annos sic colunt cum dicunt, Kalendis Januariis novus est annus quasi non quotidie anni impleantur. Sed ut Jani illius memoriam recolant bifrontis, hac superstitione utuntur, quæ longe debet esse a servis Dei. Si enim Deus ex toto corde diligitur, ipso propitio nulla debet esse formido, neque suspicio harum rerum. Prospere enim potest cedere, quidquid simpliciter sub Dei devotione fit.

CAP. 2. — *Quod Pascha et Quadragesima a veteri lege trahunt auctoritatem, et quomodo Pascha nunc celebrandum. Beatus Augustinus in libro resp. ad Januarium (lib. II, c. 15).*

In Scripturis quidem veteribus ad agendum Pa-

schæ non est præceptum tempus, nisi ex mense novorum, luna 14 usque ad vigesimam primam (*Exod. XII*). Ex Evangelio tamen quia manifestum est, quo etiam die Dominus crucifixus sit, et in sepultura fuerit, et resurrexerit (*Joan. XIX*), adjuncta est etiam ipsorum dierum observatio, per Patrum concilia, et orbi universo Christiano persuasum, eo modo Pascha celebrari oportere. Quadragesima jejuniorum habet auctoritatem, et in veteribus libris ex jejunio Moysi et Eliæ, et ex Evangelio, quia totidem diebus Dominus jejunavit (*Matth. IV*), demonstrans Evangelium non dissentire a lege et prophetis. In persona quippe Moysi lex (*Exod. XXXIV*), in persona Eliæ propheta accipiuntur (*III Reg. XIX*), inter quos in monte gloriosus apparuit (*Matth. XVII*), ut evidentius emineret, quod de illo dicit Apostolus, testimonium habens a lege et prophetis (*Act. XXII*). In qua ergo parte anni congruentius observatio Quadragesimæ constitueretur, nisi confinis atque contigua Dominicæ passioni? Quia in ea significatur hæc vita laboriosa, cui opus est continentia, ut ab ipsius mundi amicitia jejunetur, quæ utique fallaciter blandiri, et illecebrarum fucos circumspargere atque jacere non cessat.

CAP. 3. — *Quod Pascha Dominica die celebrandum sit. Pius nonus (Pius I) a Petro papa omnibus ecclesiis in primo Decretalium suorum*

(*De consec., dist. 3, c. Nosse vos vol.*) Nosse vos volumus, quod Pascha Domini die Dominico an-

nus temporarius sit celebrandum. Istitis ergo temporibus, Hermes doctor fidei et scripturæ effulsit inter nos: licet nos eodem prædicto die celebraremus, et quidam inde dubitarent, ad corroborandas tamen animas eorum eidem Hermæ angelus Domini in habitu pastoris apparuit, et præcepit ei ut Pascha die Dominico ab omnibus celebraretur tempore suo. Unde et vos apostolica auctoritate instruimus omnes eadem die servare debere, quia et nos eadem servamus; nec debetis a capite quoquomodo dissi-

A conventus, oratorium in agro habere voluerit, reliquis festivitibus, ut ibi missas teneat propter fatigationem familiæ, juxta ordinem permittimus. Pascha vero, Natalem Domini, Epiphaniam Domini, Ascensionem, Pentecosten, et Nativitatem sancti Joannis Baptistæ, et si qui maximi dies in festivitibus habent ut, non nisi in civitatibus, aut in parochiis teneant. Clerici vero si qui in his festivitibus, quas supra diximus, in oratoriis; (nisi jubente aut permittente episcopo) facere aut tenere voluerint, a communione pellantur.

CAP. 4. — *De eodem. Victor XIII a Petro papa Thèophilo episcopo et fratribus Alexandria positis, in primo decretali suo.*

(*De cons. dist. 3, c. Celebritatem.*) Celebritatem sanctæ Paschæ die Dominico agi debere, et prædecessores nostri jam statuerunt, et vos illud eadem die celebrare solemniter mandamus; quia non decet ut membra a capite discrepent; nec contra gerant.

CAP. 5. — *De solemnitate Inventionis sanctæ crucis. Eusebius papa, cap. 4. (epist. 3.)*

(*De cons., dist. 3, c. Crucis.*) Crucis Domini nostri Jesu Christi, quæ nuper nobis gubernacula sanctæ Romanæ Ecclesiæ tenentibus, quinto Nonas Maii inventa est, in prædicto Kalendarum die. Inventionis festum vobis solemniter celebrare mandamus.

CAP. 6. — *De non prohibendo opere in Sabbato. Gregor., gratia Dei episcopus, dilectissimis suis civibus Romæ, lib. XI registri epist. 3.*

(*De cons., dist. 3, c. Pervenit.*) Pervenit ad me quosdam perversi spiritus homines prava inter vos aliqua et sanctæ fidei contraria seminasse, ita ut die Sabbati aliquid operari prohiberent. Quos quid aliud nisi Antichristi prædicatores dixerimus, qui veniens diem Sabbatum atque Dominicum ab omni faciet opere custodiri? Quia enim mori se et resurgere simulat, haberi vult in veneratione Dominicum diem. Et quia populum judaizare compellet, ut exteriorum ritum legis revocet, et sibi Judæorum perfidiam subdat, coli vult Sabbatum. Aliud quoque ad me perlatum est, vobis a perversis hominibus esse prædicatum, ut Dominicorum die nullus debeat lavari. Et quidem si pro luxu animi, et pro voluptate quis lavari appetit, hoc fieri nec reliquo quolibet die concedimus. Si autem pro necessitate corporis, hoc nec Dominico die prohibemus.

CAP. 7. — *De his qui in Dominico die studiose jejunant. Ex concilio Carthaginensi IV, cap. 64.*

(26, q. 7, c. Sacerdos.) Qui Dominico die studiose jejunat, non credatur Catholicus.

CAP. 8. — *De his qui ecclesia prætermissa ad spectacula pergunt. Ibidem, cap. 88.*

(*De cons., dist. 1, c. Qui die solemni.*) Qui die solemni, prætermissis ecclesiæ conventu ad spectacula vadit, excommunicetur.

CAP. 9. — *Ut solemnitates majores in civitatibus celebrentur. Ex concilio Agathensi, cap. 21.*

(*De cons., dist. 1, c. Si quis.*) Si quis etiam extra parochias in quibus legitimus est ordinariusque

CAP. 10. — *De laicis qui solemnitatibus majoribus ad civitatem non occurrunt. Ex eodem concilio, cap. 62.*

Ut cives qui superiorum solemnitatum; id est Paschæ, aut Natalis Domini vel Pentecostes festivitibus, cum episcopis interesse neglexerint, in quibus civitatibus positos se accipiendæ communionis, vel benedictionis desiderio noverint: qui hoc facere neglexerint, triennio a communione priventur ecclesiæ.

CAP. 11. — *Ut litanie ante Ascensionem Domini celebrentur. Ex concilio Aurelianensi I, cap. 29.*

(*De cons., dist. 3, c. Rogationes.*) Rogationes, id est litanias, ante Ascensionem Domini placuit celebrari, ita ut post missam triduanam jejuniis in Dominicæ Ascensionis solemnitate solvantur. per quod triduum servi et ancillæ ab opere relaxentur, quo magis plebs universa conveniat, quo triduo omnes abstineant, et quadragesimalibus cibis tantur.

CAP. 12. — *Ut nullus civium festivitates majores in villa celebret. Ex eodem cap. 27.*

(*De cons., dist. 3, c. Nulli civium.*) Ut nulli civium Paschæ, Natalis Domini, vel Quinquagesimæ solemnitatem in villa liceat celebrare, nisi quem infirmitas probatur tenuisse. Irreligiosa consuetudo est quam vulgus per sanctorum solemnitates agere consuevit. Populi qui debent officia divina attendere, saltationibus turpibus invigilant, cantica non solum mala canentes, sed et religiosorum officii perstreptentes. Hæc etenim ut ab omni Hispania depellantur, sacerdotum et iudicum a concilio sancto curæ committitur.

CAP. 13. — *De Dominica die. Ex statutis Patrum*

Die autem Dominica nihil aliud agendum est, nisi Deo vacandum: nulla operatio in die illa sancta comperiat, nisi tantum hymnis, et psalmis; et canticis spiritualibus dies illa transeat.

CAP. 14. — *Ut presbyteri plebibus annuntians dies qui feriandi sunt. Ex Lugdunensi concilio, cap. 5.*

(*De cons., dist. 3, c. pronuntiandum.*) Pronuntiandum est, ut sciant tempore feriandi per annum, id est omnem Dominicam a vespera usque ad vesperam; ne judaismo capiantur. Feriandi vero per annum isti sunt dies: Natale Domini, sancti Stephani, sancti Joannis evangelistæ, Innocentium, sancti Silvestri, Octavæ Domini et Theophania, Purificatio sanctæ Mariæ, sanctum Pascha cum totâ hebdomada; Rogationes tribus diebus, Ascensio Domini, sancti dies Pentecostes, sancti Joannis Baptistæ, duodecimi

apostolorum, maxime sanctorum Petri et Pauli, qui mundum sua prædicatione illuminaverunt, sancti Laurentii, Assumptio sanctæ Mariæ, Nativitas ejusdem, Dedicatio basilicæ sancti archangeli Michaelis, Dedicatio cujuscunque oratorii, et omnium sanctorum, et sancti Martini et illæ festivitates, quas singuli episcopi in suis episcopatibus cum populo collaudaverint, quæ vicinis tamen circummorantibus indicendæ sunt, non generaliter omnibus. Reliquæ vero festivitates per annum non sunt cogendæ ad feriandum, nec prohibendæ. Indictum vero jejunium quando fuerit denuntiatum, ab omnibus observetur.

CAP. 15. — *Ut presbyteri cum festivitates annuntiant etiam jejuniorum et vigiliarum non obliviscantur. Ex concilio apud Compendium, cap. 1.*

Item presbyteri cum festivitates sacræ populo annuntiant, etiam jejunium vigiliarum ubi esse debeat, eos omnimodo servare moneant.

CAP. 16. — *De observatione Dominicæ diei, et quod mercatus nec placitum in ea sit tenendum. Ex concilio Magunt. 1, c. 37.*

Omnēs dies Dominicos a vespera in vesperam omniveneratione et observatione decrevimus observare, et ab illicito opere abstinere, et ut mercatus minime in eis sit, nec placitum ubi aliquis ad mortem vel pœnam judicetur, nec sacramenta jurentur, nisi pro pace faciendæ.

CAP. 17. — *Item de eadem re. Ex concilio apud sanctum Medardum præsentem Carolo imperatore, cap. 5.*

Statuimus quoque, secundum quod in lege Dominus mandavit, ut opera servilia diebus Dominicis non agantur, sicut genitor meus in suis synodalibus edictis mandavit, quod nec viri ruralia exercent, nec in vinea colenda, nec in campis arando, vel metendo, vel fenum secando, vel sepem ponendo, vel in silvis stirpando, vel arbores cædere, vel in petris laborare, nec ad placita convenient, nec mercatus fiat, nec venationes exercentur.

CAP. 18. — *Ut in diebus Dominicis, et in diebus Pentecostes stantes oremus. Ex Niceno concilio 1, cap. 20.*

(*De cons., dist. 3, c. Quoniam sunt.*) Quoniam sunt in die Dominica quidam ad orationem genua flectentes, et in diebus Pentecostes, propterea est utique constitutum a sancta synodo, quoniam consona et conveniens per omnes ecclesias custodienda consuetudo est, ut stantes ad orationem Domino vota reddamus.

CAP. 19. — *Ut uno die et tempore Pascha ubique celebretur. Ex Arelatensi concilio 1, cap. 1.*

(*De cons., dist. 3, c. De observ.*) De observatione Paschæ Domini, ut uno die et tempore per omnem orbem, observetur, et juxta consuetudinem litteras ad omnes tu dirigas.

CAP. 20. — *Quæ opera Dominica die liceat fieri. Ex concilio apud Compendium, cap. 6.*

Tria carraria opera licet fieri in Dominica die, id est hostilicidia, carra, victualia, vel angaria, et si

A forte necesse sit, corpus cujuslibet duci ad sepulcrum.

CAP. 21. — *Item de observatione Dominicæ diei. Ex eod. conc. cap. 7.*

Feminae opera textilia non faciant in die Dominico, non capulent vestimenta, vestitus non consuunt, nec lanam carpant: non licet lium battere, aut vestimenta lavare nec verveces tondere, ut omnibus modis honor et requies die Dominica persolvatur, sed ad missarum solemniam ubique conveniant, et laudent Dominum pro omnibus bonis quæ nobis in illa die conferre dignatus est.

CAP. 22. — *Item. Ex eodem concilio, cap. 8.*

Ut nullus episcoporum vel presbyterorum, vel clericorum die Dominica propositum cujuscunque B causæ negotium audeat vindicare, nisi hoc tantum, ut Deo statuta solemnia peragantur.

CAP. 23. — *Nihil interesse quantum ciborum vel potus homo sumat, sed considerandum esse qua aviditate sumat, qua etiam facilitate, et serenitate animi ut si necesse sit his careat, Augustinus ex libro questionum evangelicarum.*

Quod Dominus dicit in Evangelio: *Justificata est sapientia ab omnibus filiis suis (Matth. xi)*, ostendit filios sapientiæ intelligere nec in abstinendo, nec in manducando esse justitiam, sed in æquanimitate tolerandi inopiam, et temperantiam: per abundantiam non se corrumpendi atque opportune sumendi, vel non sumendi ea quorum non usus, sed concupiscentia reprehendenda est. Non enim interest omnino quid alimentorum sumas, ut succurras necessitati corporis, dummodo congruas in generibus alimentorum his cum quibus tibi vivendum est, neque quantum stamas multum interest, cum videamus aliorum stomachum citius saturari, et eos tamen illi ipsi parvo quo satiantur ardentem et intolerabiliter, et omnino turpiter inhiare; alios autem plusculo quidem satiari, sed tolerabiliter inopiam perpeti, et vel ante horam positas epulas, si id in tempore aut opus sit, aut necesse sit cum tranquillitate aspicere, neque tangere. Magis ergo interest, non quid, vel quantum alimentorum pro congruentia hominum atque personæ suæ et pro suæ valetudinis necessitate quis capiat, sed quanta facilitate et serenitate animi careat, cum his vel oportet vel etiam necesse est carere, ut illud in animo Christiani compleatur quod Apostolus dicit: *Scio et minus habere, scio et abundare, ubique et in omnibus imbutus sum et satiari et esurire, et abundare, et penuriam pati. Omnia possum in eo qui me confortat (Philip. iv).*

CAP. 24. — *Ut unusquisque cibo et potu non superstitione, sed temperanter utatur, et metas consuetudinis bonorum inter quos conversatur, non excedat. Ex libro de doctrina Christiana, lib. III, cap. 12.*

Quisquis autem rebus prætereuntibus rectius utitur, quam sese habent mores eorum cum quibus vivit, aut temperans, aut superstitiosus est. Quisquis vero sic eis utitur, ut metas consuetudinis bonorum inter quos versatur excedat, aut aliquid significat,

aut flagitiosus est. In omnibus enim talibus non usus rerum, sed libido utentis in culpa est. (*Post pauca.*) Quid ergo locis et temporibus personisque conveniat diligenter attendendum est, ne temere flagitia reprehendamus. Fieri enim potest ut sine aliquo vitio cupidinis vel voracitatis pretiosissimo cibo sapiens utatur, insipiens autem foedissima gulæ flamma in vilissimum inardescat, et sanius quisque maluerit more Domini pisce vesci (*Luc. xxiv*), quam lenticula more Essu nepotis Abraham (*Gen. xxv*), aut hordeo more jumentorum. Non enim propterea continentiores nobis sunt pleræque bestiae quod vilioribus aluntur escis. Nam in omnibus hujusmodi rebus, non ex earum rerum natura quibus utimur, sed ex causa utendi et modo appetendi, vel probandum est vel improbandum, quod facimus.

CAP. 25. — *Ut clerici septem hebdomadas ante Pascha a carne, et aliis deliciis abstineant. Telesphorus VII, a Petro, in primo decreto suo omnibus episcopus.*

(*Dist. 4, c. Statuimus.*) Cognoscite a nobis, et eunctis episcopis in hac sancta et apostolica sede congregatis statutum esse; ut septem hebdomadas plenas ante sanctum Pascha omnes clerici in sorte Domini vocati a carne jejunent; quia sicut discreta debet esse vita clericorum a laicorum e conversatione, ita et in jejunio fieri debet discretio. Has ergo septem hebdomadas omnes clerici a carne, et deliciis jejunent, et hymanis, et vigiliis atque orationibus Domino inhærere die noctuque studeant.

CAP. 26. — *De jejunio Quatuor Temporum. Calixtus papa et martyr XV, a Petro Benedicto fratri suo et coepiscopo salutem.*

(*Dist. 76, c. Jejunium.*) Jejunium quod ter in anno apud nos celebrari didicisti, convenientius nunc per Quatuor Tempora fieri decernimus: ut sicut annus per quatuor volvitur tempora, sic et nos quaternum solemne agamus jejunium, per quatuor anni tempora.

CAP. 27. — *Dominica die non esse jejunandum. Melchisedes papa XXVIII, a Petro, in primo decreto suo episcopis Hispaniarum (cap. 3).*

(*De cons., dist. 3, c. Jejunium Dominicæ.*) Jejunium Dominicæ diei, et quintæ feriæ nemo debet celebrare, ut inter jejunium Christianorum et gentilium, et veraciter creditum et infidelium atque hæreticorum vera et non falsa discretio habeatur.

CAP. 28. — *Quod rite omni Sabbato jejunetur. Innocentius I, Decentio Eugubino episcopo, cap. 4.*

(*De cons., dist. 3, c. Sabbato.*) Sabbato vero jejunandum esse ratio evidentissima demonstrat. Nam si diem Dominicum, ob venerabilem resurrectionem Domini nostri Jesu Christi, non solum in Pascha celebramus, verum etiam per singulos circulos hebdomadarum, ipsius diei imaginem frequentamus, ac sicut sexta feria propter passionem Domini jejunamus, Sabbatum prætermittere non debemus, quia inter tristitiam, et letitiam temporis illius valetur inclusum. Nam utique constat apostolos biduo isto et in mœrore fuisse, et propter metum Judæorum se occuluisse (*Noan. xx*). Quod utique non dubium

est in tantum eos jejunasse biduo memorato, ut traditio Ecclesiæ habeat, isto biduo sacramenta penitus non celebrari. Quæ utique forma per singulas tenenda est hebdomadas, propter id quod commemoratio illius diei semper est celebranda. Quod si putant semel atque uno Sabbato jejunandum, ergo et Dominica et sexta feria semel in Pascha erit utique celebrandum.

CAP. 29. — *De Quadragesima. Gregorius Augustino Anglorum episcopo.*

(*Dist. 4, c. Denique sacerdotes.*) Denique sacerdotes, et diaconi, et reliqui omnes quos dignitas ecclesiastici gradus exornat, a Quinquagesima propositum jejunandi suscipiant, quo et aliquid ad pensum sanctæ institutionis adjiciant, et eorum qui in laicali ordine consistunt observantiam, sicut loco ita et religione præcellant. De ipsa vero Dominica die hæsitamus quidnam dicendum sit, cum omnes laici et sæculares illa die plus solito cæteris diebus accuratius cibos carniū appetant, et nisi nova quadam aviditate usque ad medias noctes se ingurgient, non aliter se hujus sancti temporis observationem suscipere putant. Quod utique non rationi sed voluptati, imo cuidam cæcitati mentis ascribendum est. Unde nec a tali consuetudine averti possunt, et ideo cum venia suo ingenio relinquendi sunt, ne forte peiores existant, si à tali consuetudine prohibeantur, ut enim ait Salomon: *Qui multum emungit, elicit sanguinem (Prov. xxx).* Et post pauca. Par autem est, ut qui his diebus a carnibus animalium abstinemus, ab omnibus quoque quæ sementivam carnis trahunt originem, jejunemus, a lacte videlicet, caseo et ovis. Et post pauca. Cæterum piscium esus ita Christiano relinquitur, ut hic ei infirmitatis solatium, non luxuriæ pariat incendium. Dumque a carne abstinet, nequaquam sibi sumptuosiora marinarum belluarum convivia paret. Vinum vero ita bibere permittimur, ut ebrietatem per omnia fugiamus. Alioquin restat, ut omnia quæ corpori libent similiter faciamus.

CAP. 30. — *De his qui carnem manducantes damnant. Ex Gangrensi concilio, cap. 2.*

(*Dist. 30, c. Si quis carnem.*) Si quis carnem manducantem ex fide cum religione præter sanguinem, et idolis immolatum, et suffocatum, crediderit condemnandum, tanquam spem non habentem, quod eas manducat, anathema sit.

CAP. 31. — *De temporibus juniorum. Ex Eliberitano concilio, cap. 23.*

Jejunia seu abstinencias per singulos menses placuit celebrari, exceptis diebus duorum mensium, Julio et Augusto, et hoc ob eorundem infirmitatem.

CAP. 52. — *Jejunia, quarta et sexta feria nisi ex magna necessitate non esse solvenda. Ex dictis sancti Apollonii (apud Palladium in ejus Vita).*

(*De cons., dist. 3, Jejunia sane.*) Jejunia vero legitima, id est quarta et sexta feria, non sunt solvenda, nisi grandis aliqua necessitas fuerit, quia quarta feria Judas de traditione Domini cogitavit,

et sexta feria crucifixus est Salvator. Videbitur ergo qui in his diebus sine aliqua necessitate solverit statuta jejuniis, vel cum tradente tradere Salvatorem, vel cum crucifigentibus crucifigere.

CAP. 35. — *De custodiendo jejunio. Ex concilio apud Salegonstath habito, cap. 2.*

De incerto autem jejunio Quatuor Temporum, hanc certitudinem statuimus, ut si Kalendis Martii in quarta feria sive antea evenerit, eadem hebdomada celebretur. Sin autem Kalendæ Martii in sexta feria, aut in quinta fuerint, aut in Sabbato distendantur, in sequentem hebdomadam jejunium differatur. Simili quoque modo si Kalendæ Junii in quarta feria aut antea evenerint, in subsequente hebdomada celebretur jejunium. Et si in quinta, aut sexta feria, vel Sabbato contigerit, jejunium in tertiam hebdomadam reservetur. Et hoc sciendum est quod si quando jejunium mensis Junii in vigilia Pentecostes secundum prædictam regulam evenerit, non ibi celebrandum erit; sed in ipsa hebdomada solemniter Pentecostes, quia vigiliam similiter et jejunium celebrare non convenit; et tunc propter solemnitatem Spiritus sancti diacones dalmaticis induantur, et *Alleluia* cantetur, et *Flectamus genua* non dicatur. Eodem modo de Septembris jejunio constitutum est ut, si Kalendæ Septembris in quarta feria evenerint aut antea, jejunium in tertia hebdomada celebretur; et si in quinta, aut in sexta feria, aut Sabbato contigerit, in quarta hebdomada jejunandum erit. In Decembri vero illud observandum erit, ut proximo Sabbato ante vigiliam Natalis Domini celebretur jejunium, quia si vigilia in Sabbato evenerit, simul vigiliam et jejunium celebrare non convenit.

CAP. 34. — *De observatione Quadragesimæ. Ex epistola Gregorii pape, lib. quadragesima homilia, homil. 16.*

(*De cons., dist. 5, c. Quadragesima.*) Quadragesima summa observatione est observanda, ut jejunium in ea præter dies Dominicos qui de abstinentia subtracti sunt, nisi quem infirmitas impederit, nullatenus solvatur, quia ipsi dies decimæ sunt anni. A prima igitur Dominica Quadragesimæ, usque in Pascha Domini sex hebdomadæ computantur: quarum videlicet dies quadraginta duo. Ex quibus dum sex Dominici dies subtrahuntur abstinentiæ, non plus in abstinentia quam triginta et sex dies remanent. Verbi gratia: Si per trecentos sexaginta quinque dies annus dietur, et nos per triginta sex dies affligimur, quasi anni decimas Deo damus; et ut sacer numerus quadraginta dierum adimpleatur, quem Salvator noster suo sacro jejunio consecravit, quatuor dies prioris hebdomadæ ad supplementum quadraginta dierum tolluntur, id est quarta feria, quæ caput jejunii subnotatur, quinta feria sequens et sexta, et Sabbatum. Nisi quatuor istos dies superioribus triginta et sex adjunxerimus, quadraginta dies in abstinentia non habemus. Jubemur etiam ab omnipotente Deo omnium bonorum nostrorum deci-

mas dare. Quapropter ut omnis decima a nobis Deo rite persolvatur, tollamus decimam anni, et in ea peccata nostra confitendo, corrigendo nos, jejunando, vigilando, orando, eleemosynas dando abstergamus, et carnem nostram decimemus, ut ad sanctum Pascha securi pervenire possimus.

CAP. 35. — *De Quatuor Temporum jejunio. Ex Magunt. concilio 1, cap. 34.*

Constituimus ut Quatuor Tempora anni ab omnibus hominibus cum jejunio observentur, id est in Martio hebdomada prima, in Junio secunda, in Septembri tertia, in Decembri quarta, quæ fuerit plena ante vigiliam Natalis Domini; id est quarta, et sexta feria, et Sabbato, veniant omnes ad ecclesiam hora nona, cum litaniiis ad missarum solemnia.

CAP. 36. — *Quo tempore ad missam pronuntiandum sit « Flectamus genua. » Ex Aurelianensi concilio, cap. 13.*

(*Dist. 30, c. Placuit, et c. Si quis presbyter.*) Ut presbyteri plebibus annuntient, quod in Quadragesima, et in jejunio Quatuor Temporum tantummodo ad missarum solemnia genua flectere debeant. In Dominicis contra diebus, vel cæteris festis a vespera usque ad vesperam non flectant genua, sed stantes incurvati orent: nec quisquam uno genu solo tenus impresso, orare præsumat (sicut Judæi irridentes Dominum in passione ejus fecisse leguntur), sed utraque genua in terram ponat. Ait enim Apostolus: *Flecto genua mea ad Patrem Domini nostri Jesu Christi (Ephes. III).*

CAP. 37. — *De illis qui indictum contempserint jejunium. Ex concilio Maguntensi, cap. 35.*

Si quis indictum jejunium superbiendo contempserit, et observare cum cæteris Christianis noluerit, in Gangrensi concilio præcipitur, ut anathematizetur.

CAP. 38. — *De eadem re. Ex concilio Gangrensi, cap. 19.*

(*Dist. 30, c. Si quis.*) Si quis eorum quæ continentur student, absque necessitate corporea, tradita in commune jejunio, et ab ecclesia constituta, superbiendo dissolvit, stimulo suæ cogitationis impulsus, anathema sit.

CAP. 39. — *De litania majore quomodo celebranda sit. Ex concilio Magunt., cap. 33.*

Placuit nobis ut litania major observanda sit a cunctis Christianis uno die, septimo Calendarum Maii, sicut in Romana Ecclesia constitutum reperimus, et sicut sancti Patres nostri instituerunt, non equitando, non pretiosis vestibus induti, sed cinere aspersi et cilicio induti, nisi infirmitas impederit.

CAP. 40. — *De jejunio rogationum. Ex Aurelianensi concilio, cap. 6.*

(*Eadem Burchard. lib. XIII, c. 7.*) Cum exigentibus peccatis Galliarum populi luporum rabie acriter interimerentur, nec illius flagelli aliquod remedium invenire possent, congregati traduntur Galliarum episcopi apud Viennam urbem, atque in commune statuerunt ut triduanum jejunium facerent. Curaque

Dominus pestem misericorditer abstulisset, hi dies in consuetudinem annuæ celebritatis venerunt, ut per Galliarum provincias ante Ascensionis Domini diem celebrarentur. Agamus et nos hos dies cum summa reverentia et devotione, cum abstinentia carnis et humilitate mentis et cordis, ut non solum visibilium luporum rabiem evadamus, sed ut invisibilium, id est spirituum immundorum tentamenta vincere valeamus. Nullus autem his diebus vestimentis pretiosis induatur, quia in sacco et cinere lugere debemus. Prohibeantur ebrietates et comestiones, quæ sunt in vulgari plebe. Nemo ibi equitare præsumat, sed discalceatis pedibus omnes incedant. Nequisquam mulierculæ choros ducant, sed omnes in commune *Kyrie eleison* decantent, et cum contritione cordis Dei misericordiam exorent pro peccatis, pro pace, pro peste, pro conservatione frugum, et pro cæteris necessitatibus: dies enim sunt abstinentiæ, non lætitiæ.

CAP. 41.— *Ut in Cæna Domini, et in reliquis quadragesimæ diebus jejunium non solvatur. Ex Laodicensi concilio, cap. 50.*

Quod non oporteat in Quadragesima in ultima septimana quintæ feriæ jejunium solvere, totamque Quadragesimam sine veneratione transire, magisque omnem districto venerari jejunio.

CAP. 42.— *Ut in Sabbato sancto, jejunium ante noctis initium non solvatur. Ex Arausico concilio, cap. 2.*

(*Idem habetur l. vii capitularis regum, c. 328.*) Ut in Sabbato sancto, hoc est in vigilia Paschæ, jejunium ante noctis initium, nisi a parvulis aut infirmis non solvatur. Parasceve, et Sabbatum ad illos quadraginta dies respiciunt, nec divina mysteria his duobus diebus celebrentur. In canonibus quippe jubetur, biduo isto, id est Parasceve et Sabbato, sacramenta penitus non celebrari.

CAP. 43.— *Quod non oporteat in Quadragesima natalitia sanctorum celebrari. Ex Laodicensi concilio, cap. 51.*

(33, q. 4, c. *Non licet.*) Quod non oportet in Quadragesima natalitia martyrum celebrari, sed eorum sancta commemoratio in diebus Sabbatorum et Dominicorum fieri conveniat.

CAP. 44.— *Quod in diebus jejunii eleemosyna sit facienda. Ex Cabiltonensi concilio, cap. 5.*

Diebus vero jejunii eleemosyna facienda est, et cibus sive potum quo quisque uti debuit, si jejunaverit, pauperibus eroget, quia jejunare, et cibos prandii ad cœnam reservare, non mercedis sed ciborum est incrementum.

CAP. 45.— *Ut in Quadragesima tempus prandii observetur. Ex eodem concilio Cabiltonensi, cap. 5.*

(*De cons., dist. 1, c. Solent.*) Solent plures qui se jejunare putant in Quadragesima mox ut signum audierint, ad horam nonam manducare. Qui nullatenus jejunare credendi sunt, si ante manducaverint, quam vespertinum celebretur officium. Concurrendum est enim ad missam, et auditis missarum solemnibus et vespertinis officiis, largitis eleemosynis ad cibum accedendum est. Si vero aliquis ne-

cessitate constrictus fuerit, ut ad missam venire non valeat æstimata vespertina hora, completa oratione sua, jejunium solvat.

CAP. 46.— *Quod in diebus jejuniorum nulla jurgia esse debeant. Ex concilio Liberii papæ, cap. 4.*

In his jejuniorum diebus nullæ lites, nullæ contentiones esse debent, sed in Dei laudibus, et opere necessario persistendum. Arguit eos qui contentiones et lites Quadragesimæ tempore faciunt, et qui debita a debitoribus exigunt Dominus per prophetam dicens: *Ecce in die jejunii vestri inveniuntur voluntates vestræ, et omnes debitores vestros repetitis. Ecce ad lites et contentiones jejunatis, et percussit pugno impie (Isai. LVIII).*

CAP. 47.— *Ut in sacris Quadragesimæ diebus conjugati a conjugio se absteineant. Ex eodem, cap. 5.*

Abstinentum est enim sacratissimis Quadragesimæ diebus a conjugibus, et caste et pie vivendo in sanctificato corde et corpore isti dies transigantur, et sic perveniatur ad diem sanctum Paschæ; quia pene nihil valet jejunium, quod conjugali opere polluitur, et quod orationes, vigiliæ et eleemosynæ non commendant.

CAP. 48.— *Ut clerici qui a carnibus abstinent, non eas quasi abominabiles reputent. Ex Ancyrano concilio, cap. 13.*

Si qui in clero sunt presbyteri aut diaconi, et a carnibus abstinent, placuit eas quidem contingere, et ita si voluerint abstinere. Quod si in tantum eas abominantur, ut nec olera, quæ cum eis coquantur existiment comedenda, tanquam non consentientes regulæ, ab ordine cessare debent.

CAP. 49.— *Ut jejunia a sacerdotibus constituta non facile solvantur. Ex decretis Eusebii papæ, cap. 3.*

(*De cons., dist. 5, c. Jejunia.*) Ut in Ecclesia a sacerdotibus jejunia constituta, sine necessitate rationabili non solvantur.

CAP. 50.— *De hoc, si evenerit pestilentia vel inæqualitas aeris. Ibidem, cap. 2 (ex decreto Liberii papæ).*

Si evenerit fames, aut pestilentia, aut inæqualitas aeris, vel alia qualiscunque tribulatio, statim jejunii et eleemosynis, et obsecrationibus misericordia Domini deprecetur.

CAP. 51.— *Ut nullus in die Dominico pro abstinentia jejunet. Ex Gangrensi concilio, cap. 13.*

(*Dist. 30, c. Si quis tanquam.*) Si quis propter continentiam quæ putatur, aut propter contumaciam in die Dominica jejunat, anathema sit.

CAP. 52.— *De eadem re. Ex Turonico concilio, cap. 57.*

(*Dist. 30, c. Si quis presbyter.*) Si quis propter publicam pœnitentiã a sacerdote acceptam, aut pro aliqua necessitate die Dominica velut pro quadam religione jejunaverit, sicut Manichæi, anathema sit.

CAP. 53.— *Ut placita sæcularia in diebus Dominicis et aliis præcipuis festivitibus non fiant. Ex concilio apud Erphora habito iussu Henrici regis, cap. 2.*

(15, q. 4, cap. *Placita.*) Placita sæcularia Dominicis diebus, vel aliis præcipuis festis, seu etiam in

his diebus in quibus legitima jejunia celebrantur, secundum canonicam constitutionem minime fieri decrevimus. Ius super sancta synodus decrevit, ut nulla judiciaria potestas licentiam habeat qua auctoritate Christianos ad placitum bannire in supradictis diebus, id est septem dies ante Natale Domini usque in octavas Epiphaniæ, et a Quinquagesima usque in octavam Paschæ, et septem dies ante natalem sancti Joannis Baptistæ, quatenus eundi ad ecclesiam, orationibusque vacandi liberius habeatur facultas.

CAP. 54.— *Quod jejunia a sacerdotibus constituta, absque ciborum luxuria observari debeant. August. sermone 65.*

(De cons., dist. 5, c. Non dico.) Non dico hebdomadas, non duplicata, non multiplicata jejunia, sed saltem singulos dies absque ciborum luxuria transigamus.

CAP. 55.— *et quotidianum jejunium non sit sine aliqua refectioe. Ex dictis Pimenii eremitæ. Leguntur hac in epist. Hieron. ad Eustochium de custodia virginitatis.*

(De cons., dist. 5, c. Sint tibi quotidiana.) Sint tibi quotidiana jejunia et refectio satietatem fugiens. Nihil [quid] enim prodest tibi biduo vel triduo transmissio vacuum portare ventrem, si pariter obruatur? si compensantur saturitate jejunia? Illico mens repleta torpescit, et irrigata terra corporis hujus spinas et carduos germinat.

CAP. 56.— *De eadem re. Hieronym. ad Nepotia. De vita clericorum*

Sint tibi jejunia pura, continuata, et moderata, id est quotidie esurire, et quotidie prandere.

CAP. 57.— *Quod jejunium curet vulnera relinquentis. Ex eodem loco.*

Noli, inquit Apostolus, adhuc aquam bibere, sed modico vino utere propter infirmitates tuas (I Tim. v): curat enim vulnera delinquentis, curatosque sanctificat jejunium.

CAP. 58.— *De quodam Alcibiade, qui sibi grave jejunium jugum imposuerat, et admonitus est a Domino, quod non recte faceret. Eusebius ecclesiasticæ historiæ libro v, cap. 5.*

Alcibiades quidam erat ex numero eorum, qui pro Christo vincti [sunt] tenebantur. Hic vitam satis arduam et austeram gerebat, nihil ciborum volens accipere, sed tantum pane et sale cum aqua utebatur. Cum vitæ hunc rigorem vellet etiam in carcere positus obtinere, Attalo cuidam servo Dei revelatum est, quia non recte faceret Alcibiades creaturis Dei, et vellet aliis formam scandali derelinquere. Quibus cognitis Alcibiades, cœpit omnia cum gratiarum actione percipere, quia quæ illi revelabat spiritus ut doceret, huic ut sequeretur idem spiritus persuadebat.

CAP. 59.— *Ne aliquis sibi sub obtentu religionis sine jussu episcopi sui vel presbyteri jejunium imponat. Ex concilio apud Erphord, cui interfuit Henricus rex.*

Ut nemo nisi consentiente episcopo proprio, aut ejus misso, jejunia sub obtentu religionis sibi im-

ponat, unum præ aliis diem excipiendo, omnino interdiciamus, quod et factum displicet, et in futurum fieri prohibemus, quia plus causa ariolandi esse dignoscitur, quam supplementum catholicæ legis.

CAP. 60.— *Ut nullus Christianus dum sancta loca pro reverentia petierit, alicujus publicæ potestatis banno ibidem constringatur. Ex eodem concilio.*

Præcipimus namque ut nullus Christianus pro reverentia ecclesiam petendo, alicujus publicæ potestatis banno ibidem constringatur: ne forte dum ad ecclesiam causa orationis properat, per bannum impediatur pro salute animæ suæ Domini misericordiam minus devote postulare.

CAP. 61.— *De ordine librorum Veteris Testamenti (Geladius vava in concilio Romæ habito cum 70 episcopis.*

Genesis, lib. 1.

Exodi, lib. 1.

Leviticus, lib. 1, etc.

Numeri,

Douteronomii,

Jesu nave,

Judicum,

Regum, 4.

Ruth,

Paralipomenon 2.

Psalmorum, 150.

Salomonis 5

Job,

Tobiæ,

Esdræ,

Esther,

Judith,

Machabæorum.

De ordine prophetarum.

Isaiæ,

Jeremiæ, cum Cinoth, id est lamentationibus suis,

Ezechielis,

Danielis.

Osee,

Joel,

Amos,

Abdiæ,

Jonæ,

Michææ

Naum,

Habacuc,

Sophonæ,

Aggæi,

Zachariæ,

Malachiæ.

CAP. 62.— *De ordine librorum Novi Testamenti quos sancta Romana Ecclesia tenet; et universalis Ecclesia observat.*

Evangeliorum libri quatuor

Secundum Matthæum,

Secundum Marcum,

Secundum Lucam,

Secundum Joannem,
Actus apostolorum.

Epistolæ Pauli numero quatuordecim.

Ad Romanos,
Ad Corinthios, 2.
Ad Galatas,
Ad Ephesios,
Ad Philippenses,
Ad Colossenses
Ad Thessalonicenses, 2.
Ad Timothæum, 2.
Ad Titum,
Ad Philemonem,
Ad Hebræos,
Apocalypsis Joannis.

Ordo septem Epistolarum canonicarum.

Petri apostoli Epistolæ, 2.
Jacobi apostoli Epistola, 1.
Joannis apostoli Epistolæ, 3.
Judæ Zelotis Epistola, 1.

CAP. 63. — Quando et quo tempore libri Veteris No-
tique Testamenti legendi sint.

(*Dist., 15, c. Sancta.*) In Septuagesima ponunt hepta [penta] chum, usque in quindecim dies ante Pascha. Quinta decima die ante Pascha ponunt Jeremiam usque in Cœnam Domini. In Cœna Domini legunt tres lectiones de lamentatione Jeremiæ: *Quo modo sedet sola civitas (Thren. 1)*, etc.; et tres de tractatu sancti Augustini in Psalmum LIV: *Exaudi, Deus, orationem meam, et ne despereris*; et tres de Apostolo, ubi ait ad Corinthios: *Convenientibus vobis in unum (I Cor. xi)*. Secunda lectio sic incipit: *Similiter et calicem postquam cœnavit (ibid.)* Tertia: *De spiritualibus autem, nolimus vos ignorare, fratres (I Cor. x)*. In Parasceve, tres lectiones de lamentationibus Jeremiæ (*Thren. II*); et tres de tractatu sancti Augustini in psalmum LXIII: *Exaudi, Deus, orationem meam, cum deprecor*; et tres de Apostolo, ubi ait in Epistola ad Hebræos: *Festinemus ingredi in illam requiem (Hebr. IV)*, etc. Secunda: *Omnis namque pontifex (Hebr. v)*. Tertia: *De quo grandis nobis sermo est (ibid.)*. In Sabbato sancto tres lectiones de lamentatione Jeremiæ (*Thren. III*), et tres de tractatu S. August. in eundem psalmum LXIII; et tres de Apostolo ubi ait, in Epist. ad Hebr.: *Christus assistens pontifex (Hebr. IX)*, etc. Secunda lectio ubi ait: *Testamentum enim (ibid.)*, etc. Tertia: *Umbram enim habens, lex futurorum bonorum (Hebr. X)*. In Pascha Domini homilias ad ipsum diem pertinentes. Infra hebdomadam, homilias. In octava Paschæ ponunt Actus apostolorum, et Epistolas canonicas, et Apocalypsin, usque in octavas Pentecostes. In octava Pentecostes ponunt lib. Regum et Paralipomenon, usque in Kalendas Augusti. In Dominica prima Augusti ponunt Salomonem, usque in Kalendas Septembris; ex tunc ponunt Job, Tobiam, Judith, Esther, Esdram, usque in Kalendas Octobris. In Dominica prima mensis Octobris, ponunt Machabæorum libros usque in Kalendas Novembris. In

A Dominica prima mensis Novembris ponunt Ezechiel, Daniel, et minores prophetas usque in Kalendas Decembris. In Dominica prima mensis Decembris ponunt Isaiam prophetam, usque in Nativitatem Domini. In vigilia natalis Domini, legunt primum de Isaiâ tres lectiones. Prima lectio: *Primo tempore alleviata est, et cætera*. Secunda: *Consolamini*. Tertia: *Consurge, consurge*. Deinde leguntur sermones vel homiliæ ad ipsum diem pertinentes. In natali S. Stephani, homilia de ipso die. In natali sancti Joannis similiter. In natali Innocentium similiter. In natali sancti Silvestri similiter. In octava Domini, homilia de ipso die. In Dominica prima post Nativitatem Domini, ponunt epistolas Pauli usque in Septuagesimam. In Epiphania lectiones tres de Isaiâ. Prima lectio sic incipit: *Omnes sitiientes*. Secunda: *Surge, illuminare*. Tertia: *Gaudens gaudebo*; deinde leguntur sermones vel homiliæ ad ipsum diem pertinentes.

CAP. 64. — De libris authenticis quos recipit Ecclesia præter illos qui in canone sunt. Ex decretis Gelasii papæ de libris authenticis, et apocryphis.

(*Dist. 15, cap. Sancta Romana.*) Sancta Romana Ecclesia post illas Veteris vel Novi Testamenti quas regulariter suscipimus, etiam has suscipi non prohibet Scripturas. Sanctam synodum Nicænam 318 Patrum, mediante maximo Constantino Augusto, in qua Arius hæreticus damnatus est. Sanctam synodum Constantinopolitanam, mediante Theodosio seniore Augusto, in qua Macedonius hæreticus debita damnationem excepit. Sanctam synodum Ephesinam, in qua Nestorius damnatus est consensu beatissimi papæ Cœlestini, mediante Cyrillo Alexandrinæ civitatis episcopo, et Arcadio episcopo ab Italia destinato. Sanctam synodum Chalcedonensem, mediante Martiano Augusto et Anatolio Constantinopolitano episcopo, in qua Nestoriana et Eutychiana hæresis, simul cum Dioscoro ejusque complicibus damnata sunt. Sed et si qua sunt concilia a sanctis Patribus hactenus instituta, præter istorum quatuor auctoritatem, et custodienda et recipienda decrevimus.

Jam nunc subjiciendum de opusculis sanctorum Patrum, quæ in Ecclesia catholica recipiuntur.

Opuscula beati Cypriani martyris, et Carthaginensis episcopi.

Item, opuscula beati Gregorii Nazianzeni episcopi.

Item, opuscula beati Athanasii Alexandrini episcopi.

Item, opuscula beati Basilii Cappadoceni episcopi.

Item, opuscula beati Joannis Constantinopolitani episcopi.

Item, opuscula Theophili Alexandrini episcopi

Item, opuscula beati Cyrilli Alexandrini episcopi.

Item, opuscula beati Hilarii Pictaviensis episcopi.

Item, opuscula beati Ambrosii Mediolanensis episcopi.

Item, opuscula beati Augustini Hipponensis episcopi.

Item, opuscula beati Hieronymi presbyteri.

Item, opuscula beati Prosperi, viri religiosissimi.

Item, epistola Leonis papæ ad Flavianum Constantinopolitanum episcopum destinata : cuius textum quispiam si usque ad unum iota disputaverit, et non eam in omnibus venerabiliter receperit, anathema sit.

Item, opuscula atque tractatus omnium Patrum orthodoxorum qui in nullo a sanctæ Romanæ Ecclesiæ consortio deviarunt, nec ab ejus fidei prædicatione [fide vel præd.] sejuncti sunt; sed ipsius communionis per gratiam Dei usque ad ultimum diem vitæ suæ fuere participes, legendos decernimus.

Item, decretales epistolas quas beatissimi papæ diversis temporibus ab urbe Romana pro diversorum Patrum consolatione [consultatione] dederunt, venerabiliter suscipiendas.

Item, Gesta sanctorum martyrum quæ multiplicibus tormentorum cruciatibus, et mirabilibus confessionum triumphis irradiant. Quis ita [ista] esse Catholicorum dubitet, et majora eps in agonibus fuisse perpassos, nec suis viribus, sed Dei gratia et adjutorio universa tolerasse? Sed ideo secundum antiquam consuetudinem singulari cautela in sancta Romana Ecclesia non leguntur, quia et eorum qui scripsera nomina penitus ignorantur, et ab infidelibus aut dictis [idiotis] superflua, aut minus apta quam rei ordo fuerit, scripta esse putantur, sicut cujusdam Cyrici [Quirici] et Julitæ, sicut Georgii aliorumque hujusmodi passiones, quæ ab hæreticis perhibentur conscriptæ : propter quod, ut dictum est, ne vel levis subsannandi oriretur occasio, in sancta Romana Ecclesia non leguntur. Nos tamen cum prædicta Ecclesia omnes martyres, et eorum gloriosos agones, qui Deo magis quam hominibus noti sunt, omni devotione veneramus. Item, Vitas Patrum, Pauli, Antonii, Hilarionis et omnium Eremitarum, quas tamen vir beatissimus scripsit Hieronymus, cum omni honore suscipimus. Item, Actus beati Silvestri apostolicæ sedis præsulis, licet ejus qui scripsit nomen ignoremus, a multis tamen in urbe Romana Catholicis legi cognovimus, et pro antiquo usu multæ hoc imitantur Ecclesiæ. Item, scriptura de inventione crucis Dominicæ, et alia scriptura de inventionem capitis beati Joannis Baptistæ novellæ quidem revelationes sunt, et nonnulli eas Catholicis legunt. Sed cum hæc ad Catholicorum manus adveniant, beati apostoli Pauli sententia præcedat : *Omnia probate, quod bonum est tenete* (1 Thess. v). Item, Rufinus vir religiosus plurimos ecclesiastici operis edidit libros, nonnullas autem scripturas interpretatus est. Sed quoniam beatus Hieronymus in aliquibus eum de arbitrii libertate notavit, illa sentimus, quæ prædictum beatum Hieronymum sentire

A cognoscimus, et non solum de Rufino, sed etiam de universis quos vir sapius memoratus zelo Dei et fidei religione reprehendit. Item, Origenis nonnulla opuscula quæ vir beatissimus Hieronymus non repudiavit, legenda suscipimus. Reliqua autem omnia cum auctore suo dicimus esse reſtenda. Item, Chronica Eusebii Cæsariensis, atque ejusdem Historiæ ecclesiasticæ libros, quamvis in primo narrationis suæ libro tepuerit, et post in laudibus atque excusatione Origenis schismatici unum conscripserit librum. Propter rerum tamen singularem notitiam, qui ad instructionem pertinent, usquequaque non dicimus reſtendos. Item, Orosium virum eruditissimum celebramus, quia valde nobis necessariam adversus paganorum calumnias ordinavit historiam, mira brevitate contexuit. Item venerabilis viri Sedulii Paschale opus, quod heroicis descripsit versibus, insigni laude proferimus. Item, Juvenci nihilominus laboriosum opus non spernimus, sed miramur. Cæterum quæ ab hæreticis conscripta vel prædicta sunt, nullatenus recipit catholica et apostolica Ecclesia Romana. E quibus pauca quæ ad memoriam venerunt, et a Catholicis vitanda sunt, credimus esse subdenda.

CAP. 65. — *De notitia librorum apocryphorum, qui a sanctis Patribus damnati sunt æterna damnatione.*

(Dist. 15, cap. Sancta.) In primis Ariminensium synodum a Constantio Cæsare Constantini filio congregatam, mediante Tauro præfecto ex tunc et nunc et usque in æternum constat esse damnatam. Item, itinerarium nomine Petri apostoli, quod appellatur sancti Clementis, libri octo [decem] apocryphum. Actus nomine Andreæ apostoli, apocryphi. Actus nomine Thomæ apostoli, apocryphi. Actus autem nomine Petri apostoli, apocryphi. Actus nomine Philippi apostoli, apocryphi. Evangelium nomine Thaddæi, apocryphum. Evangelium nomine Barnabæ, apocryphum. Evangelium Thomæ apostoli quo Manichæi utuntur, apocryphum. Evangelium nomine Bartholomæi apostoli, apocryphum. Evangelium nomine Andreæ apostoli, apocryphum. Evangelia quæ falsavit Lucianus, apocrypha. Evangelia quæ falsavit Ysius [Esitius vel Hesychius], apocrypha. Liber de infantia Salvatoris, apocryphus. Liber de nativitate Salvatoris, et de sancta Maria, et de obstetrice Salvatoris, apocryphus. Liber, qui appellatur Pastoris, apocryphus. Libri omnes quos fecit Leutius discipulus diaboli, apocryphi. Liber, qui appellatur fundamentum, apocryphus. Liber, qui appellatur thesaurus, apocryphus. Liber, qui appellatur de filiabus Adæ vel Genesis, apocryphus. Centimetrum de Christo virgilianis compaginatum versibus, apocryphum. Liber, qui appellatur Actus Theclæ et Pauli apostoli, apocryphus. Liber, qui appellatur Nepotis, apocryphus. Liber proverbiorum ab hæreticis conscriptus, et sancti Sixti nomine signatus, apocryphus. Revelatio quæ appellatur Pauli apocrypha. Revelatio quæ appellatur Thomæ apo-

stoli, apocrypha. Revelatio, quæ appellatur Stephani, apocrypha. Liber, qui vocatur transitus [trans, id est assumptio] S. Mariæ, apocryphus. Liber, qui appellatur pœnitentia Adæ, apocryphus. Liber Diogeniæ [Ogiæ], nomine Gigantis, qui post diluvium cum dracone ab hæreticis pugnasse perhibetur, apocryphus. Liber, qui appellatur Testamentum Job, apocryphus. Liber, qui appellatur pœnitentia Origenis, apocryphus. Liber, qui appellatur pœnitentia sancti Cypriani, apocryphus. Liber, qui appellatur pœnitentia Jannis et Mambre, apocryphus. Liber, qui appellatur sortes apostolorum, apocryphus. Liber Lusam, apocryphus. Liber canonum apostolorum, apocryphus. Liber Physiologus ab hæreticis conscriptus, et beati Ambrosii nomine præsignatus, apocryphus. Historia Eusebii Pamphili, apocrypha. Opuscula Tertulliani sive Africani, apocrypha. Opuscula Postumiani et Galli, apocrypha. Opuscula Montani, Priscillæ et Maximillæ, apocrypha. Omnia opuscula Fausti Manichæi, apocrypha. Opuscula alterius Clementis Alexandrini, apocrypha. Opuscula Cassiani presbyteri Galliarum, apocrypha. Opuscula Victorini Pictaviensis, apocrypha. Opuscula Fausti Regiensis Galliarum, apocrypha. Opuscula Frumenti, apocrypha. Epistola Jesu ad Abagarum regem, apocrypha, Passio Cirici et Julitæ, apocrypha. Passio Georgii, apocrypha. Scripta quæ appellantur Salomonis contradictio, apocrypha. Phylacteria omnia, quæ non ab angelo, ut illi confingunt, sed magis a demone conscripta sunt, apocrypha. Hæc omnia et his similia quæ Simon Magus, Nicolaus, Cerinthus, Marcion, Basilides, Ebion, Paulus etiam Samosatenus, Photinus et Bonosus, et qui simili errore defecerunt, Montanus quoque cum suis obscenissimis sequacibus, Apollinaris, Valentinus sive Manichæus, Faustus, Sabellius, Arius, Macedonius, Eonimus, Novatus, Sabbatius, Calistus, Donatus, Eustathius, Joyinianus, Pelagius, Julianus et Laurentius [Celanensis], Coelestinus, Maximianus, Priscilianus ab Hispania, Lampedius, Dioscorus, Eutyches, Petrus et alius Petrus, e quibus unus Alexandriam, alius Antiochiam maculavit. Acacius Constantinopolitanus cum suis consortibus, nec non et omnes hæreses, quas ipsi eorumque discipuli, sive schismatici docuerunt, vel conscripserunt, quorum nomina minime retinemus, non solum repudiata, verum etiam ab omni Romana Ecclesia eliminata, atque cum suis auctoribus auctorumque sequacibus, sub anathematis indissolubili vinculo in æternum confitemur esse damnata.

CAP. 66.—*Consuetudinem servandam esse, quæ non est contra fidem catholicam. Ex epistola Pii papæ I (decret. 7).*

(Dist. 11, c. *Consuetudinem.*) Petistis enim per Hilarium chartularium nostrum a beatæ memoriæ decessore nostro, ut omnes vobis retro temporum consuetudines servarentur, quas beati Petri apostolorum principis ordinatione intus hactenus vetustas longa servavit. Et nos quidem juxta scriam relatio-

nis nostræ consuetudinem laudamus, quæ tamen fidem catholicam nihil usurpare dignoscitur.

CAP. 67.—*Ut ecclesiastica statuta ab apostolis et apostolicis magistris Ecclesiæ tradita, integra serventur, et nullus secundum quod sibi visum fuerit, sed secundum antiquam traditionem ea teneat. Ex decretis Innocentii papæ I, epist. 1.*

Innocentius Decentio episcopo Eugubino salutem. Si instituta ecclesiastica, ut sunt a beatis apostolis tradita, integra vellent servare Domini sacerdotes, nulla diversitas, nulla varietas in ipsis ordinibus et consecrationibus haberetur. Sed dum unusquisque non quod traditum est, sed quod ipsi visum fuerit, hoc æstimat esse tenendum, inde diversa in diversis locis vel ecclesiis aut teneri aut celebrari videntur, ac sit scandalum populis, qui dum nesciunt traditiones antiquas humana præsumptione corruptas, putant sibi aut ecclesiis non convenire, aut ab apostolis vel ab apostolicis viris contrarietatem inductam. (Dist. 11, c. *Quis enim nesciat.*) Quis enim nesciat aut non advertat, id quod a principe apostolorum Petro Romanæ Ecclesiæ traditum est, ac nunc usque custoditur, ab omnibus debere servari, nec superinduci, aut introduci aliquid, quod aut auctoritatem non habeat, aut aliunde accipere videatur exemplum? præsertim cum sit manifestum in omnem Italiam, Gallias, Africam atque Siciliam, insulasque interjacentes nullum instituisse ecclesias, nisi eos quos venerabilis apostolus Petrus aut ejus successores constituerunt sacerdotes? aut legant si in his provinciis alius apostolorum invenitur aut legitur docuisse? Quod si non legunt quia nusquam inveniunt, oportet eos sequi quæ Ecclesia Romana custodit, a qua eos principium accepisse non dubium est, ne dum peregrinis assertionibus student, caput institutionum videantur omittere. Sæpe dilectionem tuam ad urbem venisse, ac nobiscum in ecclesiam convenisse, et quem morem vel in consecrandis mysteriis, vel in cæteris agentis arcanis teneat cognovisse non dubium est. Quod sufficere arbitraretur ad informationem Ecclesiæ tuæ, vel reformationem, si quod prædecessores tui minus aliquid aut aliter tenuerint satis certum haberem, nisi de aliquibus consulendos nos esse duxisses. Quibus idcirco respondimus, non quod te aliqua

D ignorare credamus, sed ut majori auctoritate vel tuos instituas, vel eos qui a Romanæ Ecclesiæ institutionibus errant, aut commoneas, aut indicare non differas, ut scire valeamus, qui sint qui aut novitates inducunt, aut alterius Ecclesiæ quam Romanæ existimant consuetudinem esse servandam.

CAP. 68.—*Quod consuetudines ecclesiasticæ pro lege sint tenendæ. Augustinus epist. 86 ad Casulanum presbyterum.*

(Dist. 11, c. *In his rebus.*) In his enim rebus, de quibus nihil certi statuit Scripturæ divina, mos populi Dei, et instituta majorum pro lege tenenda sunt: et sicut prævaricatores legum divinarum, ita contemptores consuetudinum ecclesiasticarum coercendi sunt.

CAP. 69. — *tem de observandis constitutionibus ecclesiasticis. Basilii lib. De Spiritu sancto, cap. 27.*

(Dist. 11, c. *Ecclesiasticarum.*) Ecclesiasticarum institutionum quasdam Scripturis, quasdam vero apostolica traditione per successiones in mysterio, traditas recepimus; quædam vero consuetudine roborata approbavit usus, quibus par ritus, et idem utrisque pietatis debetur affectus, unde quis vel aliquantulum sacrarum expertus Scripturarum hæsitaverit? Si enim attentaverimus consuetudines Ecclesiæ, non per scripturas a Patribus traditas nihil æstimare, quantum religio detrimenti latura sit, dispicientibus liquido constabit. Quæ enim, ut inde ordiamur, scriptura salutiferæ crucis signaculo fideles docuit insigniri? Quæ vel trifariam digesta super calicem et panem prolixæ orationis, vel etiam consecrationis verba commendavit? Nam non modo quod in Evangelio continetur, vel ab Apostolo insertum est, in secretis dicimus, sed et alia perplura adjicimus, magnam quasi vim commendantiæ mysteriis. Quæ orientem versus nos orare litterarum formæ docuit? Benedicemus fontem baptismatis oleo unctionis: huc accedit quod ter immergimus, quos baptizamus, oleo unguimus, verbis abrenuntiare Satanæ et angelis ejus informamus. Unde hæc, et alia in hunc modum non pauca, nisi tacita ac mystica traditione a Patribus ecclesiastico more reverentiori diligentia sunt in ministeriis observata silentio, quam publicata scripto?

CAP. 70. — *Ad quos recurrendum, cum sacræ Scripturæ auctoritas non occurrit. Ex decretis Innocentii papæ, cap. 18.*

(Dist. 20, c. *De quibus.*) De quibus causis [cum] nulla solvendi ligandique auctoritas in libris Veteris Testamenti, quatuor Evangeliorum, cum scriptis totis apostolorum appareat, ad divina recurre scripta Græca. Si nec in illis, ad catholicæ Ecclesiæ historias catholicas a doctoribus catholicis scriptas manum mitte. Si nec in illis, canones apostolicæ sedis intueri. Si nec in illis, sanctorum exempla perspicaciter recordare. Quod si his omnibus inspectis, hujus quæstionis qualitas non lucide investigatur, seniores provincie congrega, et eos interroga. Facilius namque invenitur, quod a pluribus senioribus quæritur. Verus etiam repromissor Dominus ait: *Si duo ex vobis, vel tres conveniunt super terram in nomine meo, de omni re quamcumque petierint, fiet illis a Patre meo (Matth. XVIII).*

CAP. 71. — *Quæ in canone inveniuntur firmiter tenenda, quæ vero in aliorum scriptis reperiuntur, diligenter esse consideranda. Augustinus in prologo lib. III de Trinitate.*

(Dist. 9, c. *Noli meis.*) Noli meis litteris, quasi Scripturis canonicis deservire, sed in illis, et quod non credebas, cum inveneris incunctanter crede. In istis autem quod certum non habebas nisi certum intellexeris, noli firme tenere.

CAP. 72. — *Quorum Patrum scripta magis sint authentica. Leo quartus episcopus Britannicæ.*

(Dist. 20, c. *De libellis.*) De libellis et commenta-

riis aliorum non convenit aliquos judicare, et sanctorum conciliorum canones relinquere, vel decretalium regulas, id est, quæ habentur apud nos simul cum canone, in illis quibus in omnibus ecclesiasticis utimur judiciis, id est apostolorum, Nicænorum, Ancyranorum, Neocæsariensium, Gangrensi-um, Antiochensium, Carthaginensium, Africanensium, Laodicensium, Chalcedonensium, Sardien-sium, et cum illis regulæ Romanorum pontificum, Silvestri, Siricii, Innocentii, Zosimi, Cælestini, Leo-nis, Gelasii, Hilarii, Symmachi, Simplicii, Hormisdæ et Gregorii junioris. Isti omnino sunt et per quos judicantur episcopi, et per quos episcopi simul et clerici judicantur. Nam, si tale emerit vel contigerit invisitatum negotium, quod minime possit per istos finire, tunc si illorum, quorum meministis, dicta Hieronymi, Augustini, Isidori, vel cæterorum similiter sanctorum doctorum similium reperta fuerint, magnanimiter sunt retinenda ac promulganda, vel ad apostolicam sedem referatur de talibus. Quam ob causam luculentius et magna voce pronuntiare non timeo, quia qui illa quæ diximus sanctorum Patrum statuta, quæ apud nos canones prætitulantur, sive sit episcopus, sive clericus, sive laicus, non indifferenter receperit, ipse convincitur nec catholicam et apostolicam fidem, nec sancta vera Christi Evangelia quatuor utiliter et efficaciter, et ad effectum [profectum] suum retinere vel credere.

CAP. 73. — *Augustinus dicit multa esse in opusculis suis, quæ culpari possunt. August. ad Vincentium Victorium, lib. II (L. IV De anima et ejus origine, cap. 1.*

(Dist. 9, c. *Negare.*) Negare non possum nec de-beo, sicut in ipsis moribus, ita multa esse in tam multis opusculis meis, quæ possunt justo iudicio, et nulla temeritate culpari

CAP. 74. — *Scriptores canonicarum Scripturarum, et si non intelligantur, non tamen eos errasse credendum esse; alii vero scriptores si auctoritate vel ratione probaverint, quæ dicunt notanda esse. Augustinus, epist. 19 ad Hieronymum.*

(Dist. 9, c. *Ego solis.*) Ego solis eis scriptorum qui jam canonici appellantur, didici hunc timorem honoremque deferre, ut nullum eorum scribendo errasse aliquid firmissime credam. Aut si in eis aliquid offendero, quod videatur contrarium veritati, nihil aliud quam in endosum codicem esse, vel non esse assecutum interpretem quod dictum est, vel me minime intellexisse non ambigam. Alios autem ita lego, ut quantalibet sanctitate doctrinaque polleant, non ideo verum putem, quia ipsi ita senserunt, sed quia mihi vel per illos auctores canonicos, vel probabiles rationes, quod a vero non abhorreat, persuadere potuerunt.

CAP. 75. — *Quod ea quæ privilegiis universalis Ecclesiæ contraria probantur, nulla ratione subsistant. Gelasius De vinculo anathematis.*

Ne forte, quod solent, hoc dicant. Quod si synodus Chalcedonensis admittitur, omnia constare debeant quæ illic videntur esse deprompta. Aut enim ex toto admitti oportere, aut si ex parte repudia-

bilis est, firmam ex toto constare non posse cognoscant : igitur, quoniam illud secundum Scripturas sanctas traditionemque majorum, secundum canones regulasque Ecclesiæ pro fidei communione, et veritate catholica et apostolica, pro qua hanc fieri sedes apostolica delegavit, factamque firmavit, a tota Ecclesia indubitanter admitti; alia autem quæ per incompetentem præsumptionem illic prolata sunt, vel potius ventlata, quæ sedes apostolica gerenda delegavit [forte deneg.], mox a vicariis sedis apostolicæ contradicta manifestum est, quæ sedes apostolica etiam petente Martino principe nullatenus approbavit. Quæ præsul Ecclesiæ Constantinopolitanæ tunc Anatolius, neq̄ se præsumpsisse professus est, et in apostolicæ sedis antiatitit non negavit posita potestate. Quæ ideo, sicut dictum est, sedes apostolica non recipit, quia quæ privilegiis universalis Ecclesiæ contraria probantur, nulla ratione subsistunt [sustinet]. Quid enim, quia in libris sanctis quos utique veneramur et sequimur, quoniam quorundam illic et profanitates esse feruntur, et scelera gesta narrantur, et ideo nobis pariter aut veneranda sunt aut sequenda, quia in illis sanctis libris et venerabilibus continentur?

CAP. 76. — *Constantinopolitanam synodum eam quæ contra Photium facta est non esse recipiendam. Joannes VIII patriarchæ Photino.*

Illam quæ contra Photium facta est Constantinopoli synodum irritam facimus et omnino delevimus, tum propter alia, tum quoniam Adrianus papa non subscripsit in ea.

CAP. 77. — *De eodem. Joannes papa avocrisariis suis.*

Dicetis quod illas synodos quæ contra Photium sub Adriano papa Romæ vel Constantinopoli sunt factæ, cassamus et de numero sanctarum synodorum delemus.

CAP. 78. — *Quo tempore sexta synodus facta sit. In prologo historiæ Anastasii bibliothecarii Romanæ Ecclesiæ.*

Frustra garriunt quidam dicentes post quatuor annos fuisse factas sextæ synodi capitulares, quæ diffamatæ sunt, formas. Item, ex ipsa chronica adnotatione patenter apparet, quod collectio a sancta universali sexta synodo usque ad deditas formas anni viginti et septem sint.

CAP. 79. — *Sergium papam propter quædam capitula extra ritum ecclesiasticum annexa, non subscripsisse synodo, quam Justinianus imperator in Regia urbe callegerat. Ex libro Pontificali.*

Sergii papæ temporibus Justinianus imperator, concilium in urbe Regia fieri jussit, in quo et legati sedis apostolicæ convenerunt, et decepti subscripserunt. Compellebat autem et ipsum subscribere, sed nullatenus acquievit pro eo quod quædam capitula extra ritum ecclesiasticum fuerant in eis annexa. Quæ quasi synodaliciter definita, et in septima synodo conscripta, ac a tribus patriarchis, id est Constantinopolitano, Alexandrino et Antiocheno, vel cæteris præsulibus qui in tempore convenerant

A subscripta, manu imperiali confirmata, missis in locello quod cribro [crebro; *alias, scebro*] carnaliter vocatur, in hac Romana urbe ad confirmandum, vel in superiori loco subscribendum, Sergio pontifici, utpote capiti omnium sacerdotum direxit: qui beatissimus pontifex, ut dictum est, penitus eidem Justiniano Augusto non acquievit, nec eosdem tonos suscipere aut lectioni pandere passus est: porro eos ut invalidos respuit et rejecit, eligens ante mori quam novitatum erroribus consentiret. *Item.* Sub Joanne VII pro tomis quos antea sub domino Sergio apostolicæ sedis pontifice Romano Justinianus Augustus direxerat, in quibus capitula diversa Romanæ Ecclesiæ contraria scripta, duos metropolitans episcopos demandavit, dirigens per eos et sacram, per quam denominatum pontificem conjuravit ac adhortatus est, ut apostolicæ Ecclesiæ concilium congregaret, et quæ ei visa essent stabiliret, et quæque adversa tenuenda cassaret.

CAP. 80. — *Quod Sardicense concilium Arianorum fuerit. Augustinus contra Cresconium grammaticum libro tertio.*

Disce quod nescis, Sardicense concilium Arianorum fuit. *Item libro quarto.* Sardicense concilium Arianorum fuit.

CAP. 81. — *Historiam Sozomeni ab apostolica sede recusari. Fulgentius Alexandrino et Anastasio Antiocheno episcopis.*

In historia Sozomeni de quodam Eudoxio, qui Constantinopolitanæ Ecclesiæ episcopatum arripuisse dicitur, aliqua narrantur. Sed ipsam quoque historiam sedes apostolica suscipere recusat, quando multa mentitur, et Theodorum inconsuete nimium laudat, atque usque ad diem obitus sui magnum doctorem Ecclesiæ perhibet. Restat ergo ut si quis illam historiam recipit, synodo quæ piæ memoriæ Justiniani temporibus de tribus capitulis facta est, contradicat. Qui vero huic contradicere non valet, illam historiam necesse est ut repellat.

CAP. 82. — *Scripta Eusebii de temporum historia suscipienda. Augustinus de doctrina Christianorum libro II, cap. 39.*

Quod Eusebius fecit de temporum historia, propter divinorum librorum quæstiones quæ usum ejus flagitant, suscipimus.

CAP. 83. — *De quodam rege Edissenæ civitatis. Responsiones Adriani papæ contra objectiones quorundam ad Agarum, cap. 18.*

Prædecessor noster sanctæ recordationis dominus Stephanus papa quondam sanctissimus, in supradicto concilio præsidens, inter plurima veridica testimonia per semetipsum asserens docuit ita. Sed nec illud est prætereundum, quod relatione fidelium de partibus orientis advenientium sæpe agnovimus: in quibus licet Evangelium sileat, tamen nequaquam in omnibus incredibile fidei meritum, et hoc affirmante ipso Evangelio: *Multa quidem ei alia signa fecit Jesus, quæ non scripta sunt in libro hoc (Joan. xx).* Denique fertur ab asserentibus,

quod Redemptor numani generis appropinquante et instituta, et vitæ eorum, sed et regula sancti Patris nostri Basilii, quid aliud sunt, nisi bene viventium et obedientium monachorum, instrumenta virtutum?

quod passionis cuidam regi Edessenzæ civitatis desideranti corporaliter eum cernere, et ut persecutiones Judæorum aufugiens ad illum convolaret, et auditas miraculorum opinionones et sanitatum curationes illi et populo suo impertiret, respondisse: « Quod si faciem meam corporaliter cernere cupis, en tibi vultus mei speciem transformatam in linteo dirigo, per quam et desiderii tui fervorem refrigeres, et quod de me audivisti, impossibile nequaquam fieri existimes. Postquam tamen complevero ea quæ de me scripta sunt, dirigam tibi unum ex discipulis meis, qui tibi et populo tuo sanitates impertiat, et ad sublimitatem fidei vos perducatur. »

CAP. 84. — *Soli ei libros hæreticorum legere concedendum esse, qui in Deo et in fide firmatus decipi nequit. Beda super parabolas Salomonis libro 1.*

Soli ei conceditur hæreticorum libros legere, qui a Deo solidatus est in fide catholica, ut verborum dulcedine vel astutia nequeat ab ea segregari.

CAP. 85. — *Quod subtilitatem legentium turbat, qui eos a sæcularibus litteris legendis omnimodis prohibendos esse æstimat. Beda super Regum lib. II (cap. 1x).*

(*Dist. 37, c. Turbat acumen.*) Turbat acumen legentium et deficere cogit, qui eos a legendis sæcularibus litteris omnimodis æstimat prohibendos, quibus ubilibet inventa utilia quasi sua sumere licet. Alioquin nec Moyses et Daniel sapientia vel litteris Ægyptiorum, Chaldæorumque se paterentur erudiri quorum tamen superstitiones simul et delicias adhorrebant: nec ipse magister gentium aliquot versus poetarum suis vel dictis indidisset, vel scriptis.

CAP. 86. — *Legibus imperatorum non in omnibus controversiis ecclesiasticis utendum esse. Nicolaus papa in concilio apud Convincinum (ep. 52, ad episcopos synodi Silvanectensis).*

(*Dist. 10, c. Lege imperat.*) Lege imperatorum non in omnibus ecclesiasticis controversiis utendum est, præsertim cum inveniuntur evangelicæ [ecclesiasticæ] ac canonicæ sanctioni aliquoties obviare. Lex imperatorum non est supra legem Dei, sed subtus.

CAP. 87. — *Cypriani opuscula, Athanasii, Hilarii firma et in nullo convulsa. Hieronymus ad Latam de institutione filie.*

Cypriani opuscula semper in manu teneat (filia tua), Athanasii epistolas, et Hilarii libros inoffenso decurrat pede. Illorum tractatibus, illorum delectetur ingeniis, in quorum libris pietas fidei non vacillat. Cæteros sic legat, ut magis iudicet, quam sequatur.

CAP. 88. — *Libros catholicorum Patrum qui sanctorum vitam describunt non rejiciendos. Ex regula sancti Benedicti, cap. 75.*

Quis liber sanctorum catholicorum Patrum hoc non resonat, ut recto cursu perveniamus ad Creatorem nostrum? nec non et collationes Patrum

et instituta, et vitæ eorum, sed et regula sancti Patris nostri Basilii, quid aliud sunt, nisi bene viventium et obedientium monachorum, instrumenta virtutum?

CAP. 89. — *Quod Hieronymus, et Gennadius ecclesiasticos scriptores in uno volumine comprehenderint. Isidorus Etymologiarum lib. vi, cap. 7.*

Hieronymus atque Gennadius ecclesiasticos scriptores toto orbe quærentes ordine persecuti sunt, eorumque studia in uno voluminis indiculo comprehenderunt.

CAP. 90. — *De vilitate voluminum Dionysii Areopagite. Beda super Actus apostolorum.*

Dionysius Areopagita episcopus ordinatus Corinthiorum, rexit Ecclesiam gloriose, multaque ad utilitatem Ecclesiæ pertinentia, quæ hactenus manent, ingenii sui volumina reliquit: cognomen a loco cui præerat accipiens, Arcopagus.

CAP. 91. — *De discretione Regulæ sancti Benedicti. Gregorius Dialogorum libro II, cap. 36.*

Benedictus scripsit monachorum regulam, discretione præcipuam, sermone luculentam.

CAP. 92. — *Actio secunda Chalcedonensis concilii.*

Gloriosi iudices dixerunt: Dominus noster imperator secundum canonicas Epistolas, et constitutiones sanctorum Patrum, Gregorii, Basilii, Hilarii, Athanasii, Ambrosii et Cyrilli credit, et nullo modo ab eorum fide recedit.

CAP. 93. — *Actio tertia.*

Gloriosi principes dixerunt: Piissimus imperator juxta constitutionem sanctorum trecentorum decem et octo Patrum, et confirmationem centum quinquaginta Patrum, et expositiones sanctorum Gregorii, Basilii, Hilarii, Athanasii, Ambrosii et Cyrilli credit, et ab eorum fide nullo modo recedit.

CAP. 94. — *De libris Gelasii. Ex libro Pontificali.*

Gelasius fecit libros quinque adversus Nestorium et Eutychen, fecit et tractatus in modum Ambrosii. Item, libros duos adversus Arium; fecit autem et sacramentorum præfationes, et orationes cauto sermone, et epistolas fidei eliminato sermone multas.

CAP. 95. — *De libris Clementis, ibidem.*

Clemens fecit duas epistolas quæ catholicæ nominantur.

CAP. 96. — *De synodico libello Gregorii. Beda in Historia Anglorum, libro II, cap. 1.*

Libellum synodicum episcopis Italiæ de necessariis Ecclesiæ causis utilissimum Gregorius composuit.

CAP. 97. — *De quadraginta homiliis Gregorii. Gregorius episcopus in prologo quadraginta homiliarum.*

Gregorius episcopus, servus servorum Dei, Secundino coepiscopo. Inter sacra missarum solemnina, ex his quæ diebus certis in ecclesia hac legi ex more solent, sancti Evangelii lectiones exposuit quadraginta; et quarumdam quidem dictata expositio assistenti plebi est recitata per notarium,

quarumquam vero explanationem coram populo ipse locutus sum, atque ita, ut loquebar, excepta est.

CAP. 98. — *De dispositione earumdem. Ibidem.*

Easdem homilias eo quo dictæ sunt ordine in duobus codicibus ponere curavi, et priores quidem viginti quæ dictæ sunt, et posteriores totidem.

CAP. 99. — *Gesta quintæ synodi, die tertia.*

Sequitur per omnia sanctos Patres et doctores Ecclesiæ Athanasium, Hilarium, Basilium, Gregorium theologum, et Gregorium Nyssenum, Ambrosium, Augustinum, Theophilum, Joannem Constantinopolitanum, Cyrillum Leonem. Procalum: et suscipimus omnia quæ de recta fide, et condemnatione hæreticorum exposuerunt, suscipimus autem et alios sanctos et orthodoxos Patres, qui in sancta Dei Ecclesia rectam fidem irreprehensibiliter usque in finem vitæ suæ prædicaverunt.

CAP. 100. — *De confirmatione libelli Ennodii. Synodus e. Symmachi papæ.*

Synodus dixit: Ea quæ in libello quem Ennodius nostra auctoritate conscripsit, sicut in nostra præsentia relecta sunt, ut propriis manibus roborentur, rogamus, atque ut in perpetuum conserventur, sicut prædictum est, vestra apostolica auctoritate firmantur. Symmachus respondit: Fiat.

CAP. 101. — *Quid idem Ennodius sentiat de auctoritate Romani pontificis. Nicolaus papa I Michaeli Augusto (ep. 2 vel 8).*

Sicut magnus Christi confessor Ennodius Ticinensis episcopus qui ab Hormisda apostolicæ memoriæ Constantinopolim missus, innumeras miseras a Græcorum vesania pro fide Christi et statu Ecclesiæ non semel pertulit, ex propheta de his meminit: *Nunquid gloriabitur securis contra eum qui secat in ea, aut exaltabitur serra contra eum qui trahit eam?* (Isai. x.)

CAP. 102. — *Item de eodem. Joannes VIII, Berrario [Bercari] abbati.*

Absit a piis mentibus quid de Romani culminis pontifice sinistrum sentire, cum beato Ennodio confessore Ticinensis urbis antistite scribente doceamur quia Deus omnipotens aut claros ad tanta fastigia erigit, aut certe quos elegit illustrat.

CAP. 105. — *De commentario Rheticii Augustodunensis episcopi, in Canticum canticorum. Hieronymus in epist. ad Florentium, quæ incipit: In ea mihi parte.*

Ob hoc et ego obsecro, et tu ut petas plurimum quæso, ut tibi beati Rheticii Augustodunensis episcopi commentarium ad describendum largiatur, in quo Canticum canticorum sublimi ore disseruit.

CAP. 104. — *De Joanne Scoto, quod in quibusdam bene non senserit. Nicolaus Carolo regi majori.*

Relatum est apostolatui nostro quod opus beati Dionysii Areopagitæ quod de divinis nominibus vel cælestibus ordinibus Græco descripsit eloquio, quidam vir Joannes, genere Scotus, nuper in Latinum transtulerit. Quod juxta morem nobis mitti, et no-

stro debuit iudicio approbari, præsertim cum idem Joannes, licet multæ scientiæ esse prædicetur, olim non sane sapere in quibusdam frequenti rumore diceretur. Itaque quod hactenus omissum est, vestra industria suppleat, et nobis præfatum opus sine ulla cunctatione mittat, quatenus, dum a nostri apostolatus iudicio fuerit approbatum, ab omnibus incunctanter nostra auctoritate acceptius habeatur.

CAP. 105. — *De canonibus apostolorum quid in eis recipiendum sit, quid non. Leo IX, contra evistolam Nicetæ abbatibus de monasterio studii.*

(Dist. 16, cap. Clementis.) Clementis librum, id est Itinerarium Petri apostoli, et canones apostolorum numerarunt sancti Patres inter apocrypha, exceptis capitulis quinquaginta, quæ decreverunt regulis orthodoxis adjungenda.

CAP. 106. — *Item de eodem. Sexta synodus, cap. 2. (Constan. in Trullo, c. 2.)*

(Dist. 16, c. Placuit.) Placuit huic sanctæ synodo ut amolo confirmata et rata sint canonum apostolorum 85 capitula.

CAP. 107. — *Canones apostolorum aliis conciliis præponendos. Ex præfatione Isidori in opus canonum.*

(Ead. dist. eod. c.) Isidorus mercator [peccator], servus Christi, conservo suo, et parenti fidei, in Domino salutem. Propter eorum auctoritatem cæteris conciliis præposuimus canones qui dicuntur apostolorum, licet a quibusdam apocryphi dicantur, quoniam populares [plures] eos recipiunt, et sancti Patres eorum sententias synodali auctoritate roboraverunt, et inter canonicas posuerunt constitutiones. Item. Primus ordo, ut prædictum est, de celebrando concilio insertus habetur, et postmodum canonum apostolorum ac primorum apostolicorum (id est, a sancto Clemente usque ad sanctum Silvestrum) decretorum atque diversorum conciliorum brevium interpolatur sequens ordinem suum. Item de eodem Zepherinus papa episcopis per Siciliam constitutis. (Dist. 16, c. Sexaginta.) Sexaginta apostoli sententias præfixerunt cum aliis quamplurimis episcopis, et servandas censuerunt.

CAP. 108. — *De 70 capitulis Nicæni concilii. Athanasius Alexandrinus Marco papæ.*

(Dist. 16, c. Septuaginta.) Septuaginta Nicæni concilii capitula quæ de præfata synodo, jubente domino meo Alexandro, decreto omnium episcoporum attuli, quia sunt igne combusta, optamus, ut a sedis sanctæ Ecclesiæ vestræ auctoritate, percipere per præsentem legatos mereamur. Item. Præsentibus nobis, 80 in memorata synodo capitula tractata sunt, scilicet 40 a Græcis, Græca edita lingua, et 40 a Latinis, similiter Latina edita lingua. Sed visum est 318 episcopis, Spiritu sancto repletis in prædicto concilio congregatis, et maxime jam dicto Alexandro, et apostolicæ sedis apocrisariis, ut decem capitula adunarentur aliis, atque congruis locis insererentur, et ad formam 70 discipulorum, vel totius orbis terræ linguarum septuaginta tanti et tam excellentis concilii fierent capitula, quæ omnem Christianorum informarent orbem.

CAP. 109. — *Item de eodem. Marcus papa Athanasio, et omnibus Ægyptiorum episcopis.*

De capitulorum verorum Nicæni concilii exemplaribus, cui vos interfuisse litteris vestræ fraternitatis significastis, a nostris, qui una vobiscum interfuerunt diligentioribus requisivimus collocationibus, qui ita, ut vestræ testatæ sunt litteræ, omnem nobis ordinem exposuerunt, et epistolam vestram per omnia veram esse testati sunt, non ut nos vestra ex parte aliquid sinistrum arbitraremur, sed quod nos et vos, illosque absque ulla in posterum titubatione unum sentire optaremus, et sancta Romana Ecclesia quæ semper immaculata mansit, et domino providente, et beato Petro opem ferente in futuro manebit, sine ulla hæreticorum insultatione, firma et immobilis omni tempore persisteret. His ita peractis, diligenter inquirentes in sancto nostræ et apostolicæ sedis servitio [scrinio], eadem quæ sanctæ recordationis prædecessori meo Silvestro sunt directa, septuaginta, sicut significastis, capitula illæsa invenimus.

CAP. 110. — *Item de eodem epistola Isidori in capite canonum.*

Plura quam illa viginti capitula, quæ apud nos habentur Nicænæ synodi reperimus et in decretis Julii papæ 70 ejusdem synodi esse debere legimus.

CAP. 111. — *Item de eodem. Julius papa Eusebio, Tegneo [Theogonio], Theodoro, et Berlutho; etc.*

Sequuntur hæc ex prædicto concilio Nicæno capitula. Iâ est, 18, 19, 21, 25, 26, 27, 28, 50, 40, 41, 45, 47, 49, 51, 52, 53, 54, 55, 56, 58, 59, 60, 61, 62, 65, 66.

CAP. 112. — *Quod nullum concitum vel præferre vel comparare se audeat Nicæno concilio. Leo Anatolio episcopo (ep. 51).*

Nulla sibi met de multiplicatione synodalia congregationis concilia blandiantur, neque trecentis illis octodecim episcopis quantumlibet copiosior numerus sacerdotum vel comparare se vel præferre audeat, cum tanto divinitus privilegio Nicæna sit synodus consecrata, ut sive per pauciores sive per plures ecclesiastica judicia celebrentur, omni penitus auctoritate sit vacuum, quicquid ab illorum fuerit constitutione divisum [diversum].

CAP. 113. — *Item de auctoritate Nicæni concilii.*

(*Post pauca.*) Sancti illi et venerabiles Patres, qui in urbe Nicæna sacrilego Ario, cum sua impietate damnato, mansuras usque in finem sæculi leges ecclesiasticorum canonum condiderunt, et apud nos in toto orbe terrarum, in suis constitutionibus vivunt, et si quid usquam aliter quam statuerunt præsumitur, sine cunctatione cassatur.

CAP. 114. — *Item de auctoritate Nicæni, et Chalcedonensis concilii. Nicolaus papa Michaeli imperatori.*

Nos non numerosum tantum sanctorum episcoporum collegium Nicæni vel Chalcedonensis conciliorum, cæterorumque sanctorum Patrum synodicas constitutiones sequimur, sed illorum liberales ve-

neramur, justas et divinitas sententias, et non tantum pro suorum multitudine observantur a nobis.

CAP. 115. — *De auctoritate quatuor conciliorum. Novellarum constitutione 115, cap. 1.*

Quatuor sanctorum conciliorum canones pro legibus habeantur.

CAP. 116. — *Quæ sint quatuor concilia. Gregorius clero et plebi Ravennæ, epist. 2, lib. v.*

Veneramur sanctam Nicænam synodum, in qua Arius; Constantinopolitanam, in qua Macedonius; Ephesinam primam; in qua Nestorius; et sanctam Chalcedonensem synodum, in qua idem Nestorius, Dioscorus atque Eutyches damnati sunt. Si quis autem contra harum quatuor synodorum fidem, et contra sanctæ memoriæ Leonis papæ tomum atque definitionem aliquid unquam loqui præsumit, anathema sit.

CAP. 117. — *Item de eodem, et de quinto concilio. Gregorius, epistol. 24, lib. 1, Joanni episcopo Constantinopolitano, Eulogio Alexandrino, Gregorio Antiocheno, Joanni Hierosolymitano, et Anastasio patriarchæ Antiocheno a paribus.*

(*Dist. 15, c. Sicut sancti.*) Sicut sancti Evangelii quatuor libros, sic quatuor concilia suscipere et venerari me fateor. Nicænum scilicet, in quo perversum Arii dogma destruitur, Constantinopolitanum quoque in quo Eunomii et Macedonii error convincitur, Ephesinum etiam primum, in quo Nestorii impietas judicatur, Chalcedonense vero, in quo Eutychis Dioscorique pravitas reprobatur, tota devotioe complector, integerrima approbatione custodio, quis in his, velut in quadrato lapide, sanctæ fidei structura consurgit, et cujuslibet vitæ atque actionis norma consistit. Quisquis soliditatem eorum non tenet, etiamsi lapis esse cernitur; tamen extra ædificium jacet. Quintum quoque concilium veneror, in quò epistola, quæ hæc dicitur, erroris plena reprobat. Theodorus personam mediatoris Dei et hominum in duabus substantiis [subsistentiis] separans, ad impietatis perfidiam cecidisse convincitur; scripta quoque Theodore, per quæ B. Cyrilli fides reprehenditur, ausu dementiæ prolata refutantur. Cunctas vero quas præfata veneranda concilia respuunt personas respuo; quas venerantur amplector, quia dum universali sunt consensu constituta, se et non illa destruit quisquis præsumit aut solvere quos religant, aut ligare quos solvunt. Quisquis ergo aliud sapit, anathema sit.

CAP. 118. — *Item de auctoritate quatuor conciliorum; et quinti. Gregorius Secundino servo Dei incluso.*

Quoties in quatuor præcipuis sedibus antistes ordinantur, synodales sibi epistolas vicissim mittant, in quibus se sanctam Chalcedonensem synodum, cum aliis generalibus synodis custodire fateantur, sicut et nos alversamur, et anathemate claudendos ducimus, si qui de fide ejusdem synodi aliquid imminuere, vel aliquid in ea addere præsumunt. Nam synodus quæ post eam generaliter facta est, idcirco a nobis recipitur, quia ejusdem synodi

in omnibus sequens tenorem, illius auctoritatem custodit.

CAP. 119. — *Item de auctoritate quinti concilii. Beda de temporibus.*

Synodus Aquileiæ facta, ob imperitiam fidei, quintum universale concilium suscipere distulit, donec salutaribus beati papæ Sergii monitis instructa, et ipsa huic cum cæteris Christi Ecclesiis annuere consentit.

CAP. 120. — *De auctoritate sextæ synodi. Leo II Constantino Augusto.*

Legatos hujus apostolicæ sedis, matris nostræ Romanæ Ecclesiæ, servos pietatis vestræ Theodorum et Georgium presbyteros, et Joannem diaconum, et Constantinum subdiaconum regionarium, cum aliis quæ a beatæ memoriæ prædecessore nostro Agathone papa ex præcepto serenitatis vestræ transmissa sunt, et divinas litteras vestras, et gesta sanctæ synodi cum gaudio multo exultantes in Domino suscepimus. Cognovimus quando sancta et universalis synodus, quæ per gratiam Dei ex imperiali vestro præcepto nuper Constantinopoli congregata est, eadem quæ universalis synodus quæ in hac apostolica sede convenit, cui et humilitas nostra præfuit, sapuit et definivit de fide catholica. *Item.* Quoniam sicut dictum est, sancta sexta synodus rectæ fidei definitionem perfecte prædicavit, quam et apostolica sedes beati Petri cui, quamvis indigni, deservimus, reverenter suscepit, propterea et nos, per nostram constitutionem; adoranda hæc et apostolica sedes ea quæ in illa sunt constituta comprobant et auctoritate beati Petri confirmant. Propterea sicut recipimus et firmiter prædicamus quinque sanctas et universales synodos, id est Nicænam, Constantinopolitanam, Ephesinam primam, Chalcedonensem, itemque Constantinopolitanam, quas omnes Ecclesia Christi confirmat et sequitur, sic et hanc quæ nuper Constantinopoli sub serenitate vestra facta est, sicut eas sequentem et interpretantem simili veneratione suscipimus, et digne eis connumerari præcipimus.

CAP. 121. — *Actio quarta sextæ synodi. Petrus Nicomedie episcopus dixit.*

(*Dist. 16, cap. Habeo librum.*) Habeo librum continentem canones sanctæ synodi sextæ. Patriarcha dixit: Quidam per ignorantiam scandalizantur pro canonibus istis dicentes: Nunquid sexta synodus canones fecit? Sciatis ergo quoniam sancta synodus sexta sub Constantino congregata est, contra eos qui dicebant unam operationem et voluntatem in Christo. In qua sancti Patres illos ut hæreticos anathematizaverunt, et orthodoxam fidem explanaverunt, et soluta synodus est Constantini decimo quarto anno. Post quatuor vero aut quinque annos iidem sancti Patres congregati sunt, sub Justiniano filio Constantini, et prædictos canones promulgaverunt, ut nullus de eis dubitet. Qui enim sub Constantino in synodo fuerunt, iidem ipsi sub Justiniano istis canonibus subscripserunt. Oportebat enim ut

synodus universalis canones ecclesiasticos promulgaret. *Actio 6, tomo I, contra falsam 7 synodum.* Septima synodus, quomodo dicitur. quæ non concordat præcedentibus sex universalibus synodis? Omne quod septimum ponitur consequens debet habere cum rebus prænumeratis. Si vero in nullo rebus prænumeratis participat, nec eis connumerari potest. *Item.* Sancta sexta synodus, et universalis, post promulgatam ab ea definitionem contra Monothelitas, Constantino imperatore qui congregaverat eam, non multo post defuncto, et Justiniano filio ejus regnante pro eo, eadem sancta synodus divinitus inspirata, iterum Constantinopoli quarto aut quinto anno congregata est, et canones numero centum duos ad correctionem Ecclesiæ promulgavit.

CAP. 122. — *Item de auctoritate sextæ synodi. Adrianus papa Tarasio patriarchæ. Actio secunda synodi VII.*

(*Dist. 16, cap. Sextam syn.*) Sanctam sextam synodum recipio cum omnibus canonibus suis in quibus dicitur: In quibusdam picturis sanctarum imaginum agnus præcursoris digito ostensus depingitur, qui in typum gratiæ assumptus verum nobis per legem Moysi præmonstrat Agnum Jesum Christum Dominum nostrum. Antiquis igitur figuris et umbris ad veritatis præfigurationem Ecclesiæ sanctæ traditis valedicentes, gratiam et veritatem præferimus, et sicut plenitudinem legis recipimus. Verum igitur Agnum, qui Dominum nostrum Jesum Christum, secundum humanam imaginem effigiat, amodo pro veteri agno, in imaginibus depingi jubemus.

CAP. 123. — *Item de eodem. Epistola septimæ synodi ad Justinianum filium Constantini.*

(*Dist. 16, c. Quoniam.*) — Quoniam sanctæ et universales synodi quinta sub Justiniano Augusto, sexta sub Constantino Patre tuo Augusto de mysterio fidei plenissime disputantes canones non fecerunt, sicut quatuor cæteræ universales synodi, propterea nos convenientes in hanc imperialem urbem, canones scripsimus.

CAP. 124. — *Item de confirmatione sextæ synodi. Ex libro Pontificali.*

Philippus hæreticus ad imperialem promotus est arcem, cujus et sanctam cum pravi dogmatis execratione suscepit sedem, apostolicæ sedis concilia respuit, hujus rei causa zelo fidei accensus omnis cætus Romanæ urbis imaginem, quam Græci *pan* vocant, sex continentem sanctas et universales synodos, in ecclesia Beati Petri crexit. *Item.* Leo Junior suscepit sanctam sextam synodum, quæ per Dei providentiam nuper regia in urbe celebrata est, Græco eloquio scriptam, exsequente ac præside piissimo ac clementissimo magno principe Constantino.

CAP. 125. — *Item de eodem. Beda de temporibus, cap. 65.*

(*Dist. 16, c. Sexta.*) — Sexta synodus universalis Constantinopoli celebrata est, et Græco sermone

conscripta, temporibus papæ Agathonis, exsequente ac residente piissimo principe Constantino intra palatium sum, simulque legatis apostolicæ sedis, et episcopis centum quinquaginta residentibus. Prima enim universalis synodus in Nicæna congregata est contra Arium, trecentorum et octodecim Patrum, temporibus Julii papæ sub Constantino principe. Secunda, in Constantinopoli; centum quinquaginta Patrum, contra Macedonium, et Eudoxium, temporibus Damasi papæ et Gratiani principis, quando Nectarius ejusdem urbis episcopus est ordinatus. Tertia, in Epheso, ducentorum Patrum contra Nestorium Augustæ urbis episcopum sub Theodosio magno principe, et papa Cœlestino. Quarta, in Chalcedone, sexcentorum et triginta Patrum sub Leone papa, temporibus Martiani principis, contra Eutychem nefandissimorum præsulum monachorum. Quinta in Constantinopoli temporibus Vigilii papæ, sub Justiniano principe, contra Theodorum, et omnes hæreticos. Sexta de qua in præfati diximus. *Item*. Constantinus imperator fecit picturas in porticu Sancti Petri, quæ acta sex sanctarum synodorum universalium continerent. Nam et hujusmodi picturas cum haberentur in urbe regia, Philippus jusserat auferri, statuitque populus Romanus ne hæretici imperatoris nomen in chartas aut figuram solidi susciperent. Unde nec ejus et liges in ecclesia introducta est, nec nomen ad missarum solemniam prolatum.

CAP. 126. — *Responsiones Adriani papæ contra objectiones quorundam, ad Carolum, cap. 55.*

Sancta sexta synodus fideliter per canones orthodoxe statuens, ita constituit dicens: In quibusdam venerabilium imaginum picturis, agnus digito præcursoris monstratus designatur qui in signum relictus est gratiæ. *Et post pauca*. Secundum humanam figuram, et in imaginibus, et in nunc pro veteri agno retulari decernimus.

CAP. 127. — *De receptione septimæ synodi, cap. 60.*

Superius exaravimus septem divina dogmata synodi irreprehensibilia existentia, sicut præcipuorum sanctorum Patrum mirifice demonstrant opuscula. Nam si quis prædictæ synodi symbolo discrepare se dixerit, discrepare videtur sanctarum sex synodorum symbolo.

CAP. 128. — *De eodem. Item cap. 50.*

Ipsam septimam synodum suscipimus. Nam si eam minime recepissemus, ad suum pristinum vomitum erroris fuissent Græci reversi, qui pro tot millibus animarum Christianorum interitu habemus reddere rationem.

CAP. 129. — *De laude Theophani in prologo Historiæ Anastasii bibliothecarii Romanæ Ecclesiæ.*

Sufficere arbitror ad præconium Theophani chronographi, quod a sede approbatus sit apostolica, quando scilicet vicarii ejus una cum trecentis quinquaginta Patribus in Nicæna urbe secundo convenientes universalem synodum celebrarunt. Si qui-

dem et laus ejus in eodem septimo concilio sancto reperitur.

CAP. 130. — *De secunda Nicæna synodo inter universales octava*

Constantinus cum Irene matre regnavit annos decem, mensibus duobus, diebus duobus. Horum anno nono facta est synodus Nicæna secunda trecentorum quinquaginta sanctorum Patrum.

CAP. 131. — *Item de eodem.*

Anno imperii Irenes et Constantini octavo; exiit Tharasius archiepiscopus sanctissimus Constantinopoleos; in Nicænam civitatem, et celebrata est sancta octava universalis synodus:

CAP. 132. — *De octo universalibus conciliis: Ex libro diurno professio Romani pontificis.*

(*Dist. 16, c. Sancta.*) Sancta VIII universalis concilia, id est I Nicænum, II Constantinopolitanum, III Ephesinum, IV Chalcedonense. Item, V Constantinopolitanum et VI. Item Nicænum VII. Octavum quoque Constantinopolitanum; usque ad unum apicem immutilata servare, et pari honore et veneratione digna habere, et quæ prædicarunt et statuerunt omnimodis sequi et prædicare, quæque condemnaverunt ore et corde condemnare profiteor.

CAP. 133. — *De commendatione Donati et Eugeni episcoporum. Joannes VIII, Neopolitanus. Salernitis et Amalfitanis [Melfitanis].*

Quia fidelibus, et mysterium Christianitatis scientibus loqui nos credimus; per sacrarum Scripturarum testimonia longius tendere devitantes, dilectioni vestræ Donatum venerabilem episcopum, cuius laus est in sancta synodo octava, et Eugenium religiosum presbyterum, dilectos fideles, et consiliarios nostros ecce dirigimus.

CAP. 134. — *Quæ concilia et quorum sanctorum Patrum opuscula sint authentica. Sexta synodus cap. 2*

(*Dist. 16, c. Quoniam sanctæ.*) Confirmamus sanctorum Patrum canones et synodos, id est Nicænanam, Ancyranam, Neocæsariensem; Gangrensem, Antiochensem, Laodicensem, Constantinopolitanam, Ephesinam primam, Chalcedonensem, Sardicensem; Carthaginensem, Constantinopolitanam sub Nectario. Et opuscula Theodosii [Theophili], qui fuit Alexandriæ archiepiscopus; quin etiam Dionysii archiepiscopi Alexandrinorum Megalopolis, Petri Alexandriæ archiepiscopi et martyris, Gregorii thaumaturgi Neocæsariensis episcopi, Athanasii Alexandriæ archiepiscopi, Basilii Casareæ Cappadociæ episcopi, Gregorii Nysseni episcopi, Gregorii theologi, Amphiloehi Biconensis [Iconii] episcopi, Timothei Alexandrini archiepiscopi, Cyrilli ejusdem Alexandriæ archiepiscopi, Germani Constantinopolitani episcopi, Cypriani Carthaginensis episcopi, et synodum ejus.

CAP. 135. — *De auctoritate Sardicensis concilii. Nicolaus Photio*

(*Dist. 16, c. Quod dicitis.*) Quod dicitis neque Sardicense concilium neque decretalia vos habere pontificum sanctorum, vel recipere, non facile nobis

facultas credendi tribuitur: maxime cum Sardicense concilium quod penes vos in regionibus vestris actum est, et omnis Ecclesia recipit, qua ratione convenerit ut hæc sancta Constantinopolitana Ecclesia abjiceret et, ut dignum est, non retineret?

CAP. 136. — *De auctoritate synodi apud Suessionis civitatem celebratæ. Benedictus papa III Hincmaro archiepiscopo (epist. 4).*

Synodi textum in momentis ventilantes intuitu, quam apud Suessionis civitatem tua beatitudo statuit celebrare, cum episcopis tuæ dioceseos et archiepiscopis Welenone Senonensi, et Amalrico Turonensi aliisque episcopis, ea quæ ad profectum sanctæ Ecclesiæ noscuntur piis auctoritatibus statuta sanctaque reperimus. *Item.* Diffinitiones fraternitatis tuæ, et cæterorum episcoporum quas in præsentī synodo, apostolicis canonicisque auctoritatibus, propriis digitis roborasti, ratas eadem apostolica in omnibus fore promulgamus auctoritate, semperque manere statuimus, ut inde quæstio nullis aliquando temporibus oriatur. *Item.* Et ne quilibet contra eadem statuta canonica et decreta Romanorum pontificum, manus pertinaciter inferre præsumat, cum anathematis interpositione nostra apostolica, et beati Petri apostolorum principis auctoritate prohibemus.

CAP. 137. — *Item de eodem. Nicolaus papa Hincmaro archiepiscopo. In Adventice ad epistolas Nicolai I, (epist. 6.)*

Synodum illam, quæ a te et venerabilibus episcopis et archiepiscopis in urbe Suessionis anno Incarnationis Dominicæ 853, indictione prima, quinto Kalendarum Maii fuerat celebrata, et a prædecessore nostro beatæ memoriæ Benedicto papa est confirmata, sicut idem sanctæ recordationis pontifex illam confirmavit, ita et nos eam confirmatam, et irrefragabilem perpetuoque mansuram, apostolica auctoritate decernimus, salvo tamen Romanæ sedis in omnibus jussu atque iudicio.

CAP. 138. — *Quod priora concilia per posteriora sæpe emendantur. Augustinus, De unico baptismo, lib. 11 (cap. 5).*

Concilia posteriora prioribus apud posteros præponuntur, et universum partibus semper optimo jure præponitur. *Item.* Ipsa concilia quæ per singulas regiones vel provincias fiunt, plenariorum conciliorum auctoritati, quæ fiunt ex universo orbe Christiano, sine ullis ambagibus cedunt; ipsaque plenaria sæpe priora a posterioribus emendantur, cum aliquo experimento rerum aperitur quod clausum erat, et cognoscitur quod latebat, sine ullo typo sacrilegæ superbiæ.

CAP. 139. — *De auctoritate Mainardi episcopi et Joannis archiepiscopi. Alexander II episcopis et regi Dalmatarum.*

Notificamus omnia capitula quæ per confratres nostros venerabiles, Mainardum scilicet collateralem episcopum nostrum, et Joannem, archipræsulem nostrum, in Spoleto aliisque civitatibus sunt statuta, eadem in Romana synodo seriatur ea referente, a beatæ memoriæ prædecessore nostro

Nicolao, apostolica auctoritatē fœderata, et sub anathematis interpositione roborata.

CAP. 140. — *De morte Petri apostoli. Ex oratione Ambrosii contra Auxentium de tradendis basilicis.*

Petrus, victo Simone, cum præcepta Dei populo seminarēt, doceretque castimoniam, excitavit animos gentilium, quibus eum quærentibus Christianæ animæ deprecatae sunt ut paulisper cederet; et quamvis esset cupidus passionis, tamen deprecatione populi precantis inflexus est. Rogabatur enim ut ad instruendum et confirmandum populum se reservaret. Quid multa? Nocte muros egredi cœpit, et videns sibi in porta Christum occurrere urbemque ingredi ait: « Domine, quo venis? » Respondit Christus: « Venio iterum Romam crucifigi. » Intellexit Petrus ad suam crucem divinum pertinere responsum. Christum enim non oportuerat iterum crucifigi, qui caruem passionis suscepta morte exuerat. *Quod enim mortuus est, semel mortuus est; quod autem vivit, vivit Deo (Rom. vi).* Intellexit ergo Petrus quod iterum Christus crucifigendus esset in servulo, sponteque remeavit. Interrogantibusque Christianis, responsum reddidit, statimque correptus per crucem suam honorificavit Dominum Jesum

CAP. 141. — *Ut vitæ Patrum sine probabilibus auctoritatibus scriptæ minime legantur. Responsio Adriani papæ ad objectiones quorundam ad Carolum imperatorem, cap. 17.*

Vitæ Patrum sine probabilibus auctoribus minime in ecclesia leguntur. Nam ab orthodoxis titulatæ, et suscipiuntur et leguntur. Magis enim passionem sanctorum martyrum sacri canones censent, ut liceat eas etiam in ecclesia legi, cum anniversarii dies eorum celebrantur.

CAP. 142. — *Quomodo Origenes et alii hæretici sunt legendi. Hieronymus ad Tranquillinum.*

Ex parte ego sic Origenem propter eruditionem interdum legendum arbitror, quomodo Tertullianum, et Novatum, Arnobium et Apollinarem, et nonnullos ecclesiasticos scriptores Græcos pariter et Latinos. ut bona eorum eligamus, vitemusque contraria.

CAP. 143. — *De auctoritate ecclesiasticæ historiæ Cassiodorus in prologo tripartitæ historiæ.*

Historiam ecclesiasticam quæ a cunctis Christianis valde necessaria comprobatur, a tribus Græcis auctoribus mirabiliter constat esse conscriptam, uno scilicet Theodoro venerabili episcopo, et duobus disertissimis viris Sozomeno et Socrate, quos nos per Epiphanium scholasticum Latino condentes eloquio, necessarium duximus eorum dicta deflorata, in unius styli tractu Domino juvante perducere, et de tribus auctoribus unam facere editionem. *Item.* Legat intrepidus qui, Domino juvante, ad hæc opuscula venerit, multum utilitatis et notitiæ lucraturus, si quæ posita sunt per hos duodecim libros, memoriæ suæ sollicita mente crediderit.

CAP. 144. — *Quot epistolas Gregorius reliquerit. In Vita beati Gregorii papæ, libro quarto, cap. 71.*

Epistolarum tot libros in scrinio reliquit Gregorius, quot annos in episcopatu vixit. Unde decimum tertium librum epistolarum indictionis septimæ imperfectum reliquit, quoniam ad indictionis terminum non pervenit.

CAP. 145. — *De libro quem Hermes scripsit. Ex libro Pontificali.*

Sub Pii papæ episcopatu, Hermes librum scripsit, in quo mandatum continetur quod ei præcepit angelus Domini, cum venit ad eum in habitu pastoris, et præcepit ei ut pascha Domini die Dominico celebraretur.

CAP. 146. — *De pœnitentiâ Theodori. Beda de temporibus.*

Theodorus archiepiscopus, et Adrianus adas vir æque doctissimus, a Vitaliano papa missi Britanniam, plurimas Ecclesias Anglorum doctrinæ ecclesiasticæ fruge fecundarunt. E quibus Theodorus peccantium judicia, quantis scilicet annis pro unoquoque peccato quis pœnitere debeat mirabiliter scripsit.

CAP. 147. — *De reprobatione synodi, in qua imagines sanctorum, et picturæ in ecclesiis damnatæ sunt. Leo nonus Michaeli patriarchæ.*

Recordamini illius nefandæ synodi, quam voluerunt vocari septimam nostri hæresiarchæ, quorum conspiratione ipsius Domini nostri Jesu Christi, et sanctorum reverendæ imagines aut flammis traditæ sunt, aut aquis submersæ, picturæ vero de parietibus basilicarum deletæ. Quibus quamvis restiterit Romanorum pontificum auctoritas, præ cunctis tamen sanctissimi papæ Nicolai ubivis prædicanda libertas, qui per legatos suos tam pro sacris imaginibus, quam pro depositione beati antistitis Ignatii, et substitutione Photii neophyti, ecclesiæ Sanctæ Sophiæ clausit, donec sanctæ sedis acquiesceret decretis.

CAP. 148. — *Item de eodem. Actio 9 Chalcedonensis concilii.*

Apocrisarii papæ dixerunt: Synodus non debet vocari, in qua tot nefanda facta sunt, propter quod videtur superfluum gesta ejus relegere. Si enim et ab apostolico papa omnia ejus evacuata sunt, manifestum est quod et beatissimus papa in communione receperit, et principatum Antiochenæ Ecclesiæ habere dignum duxerit. *Item.* Stephanus episcopus Ephesi dixit: Illa quæ in Ephesina synodo prima acta sunt, irrita fiant. Præterea quæ contra dominum Antiochenum episcopum facta sunt, pro eo quod ordinatio Maximi, qui pro eo in Antiochena Ecclesia episcopus factus est, a sanctissimo papa Leone, et ab universali synodo recepta sunt.

CAP. 149. — *De sepultura Joannis evangelistæ. Augustinus, super Joannem, partis secundæ tractatu 124.*

Creditur Joannes evangelista vivus dormire sub

(67) Habet hoc August. contra Adimantum Manichei discipulum, cap. 17, quanquam non iisdem omnino verbis.

terra, quem tradunt, quod etiam in quibusdam scripturis, quamvis apocryphis, reperitur, quando sibi sepulcrum jussit fieri, incolumem fuisse præsentem, eoque effosso et diligentissime præparato, ibi se tanquam in lectulum collocasse, statimque esse defunctum.

CAP. 150. — *Quod plus martyres cum corpore jam surrexerint. Ex sermone sancti Ambrosii in natali martyrum, qui sic incivil: « Dignum et congruum. »*

Si martyres nondum liberati sunt ab inferis, liberati a peccatis. Hæc enim prima est resurrectio peccatorum evasisse tenebras, lucem possidere Justitiæ. (*Hæc ibi non reperuntur.*) Verumtamen etiam fortasse plurimi ex eisdem beatis martyribus cum Domino resurrectionem corporaliter vel consequuntur, vel fuerunt consecuti. Nam, sicut legimus prima resurrectionis festivitate, suscitante se Domino, multa sanctorum corpora suscitasse, vixisse, et introisse in sanctam civitatem (*Matth. xxvii*), cur non quotiescunque resurrectionis ejus festivitas celebratur, toties credimus resurgere etiam sanctos? Ubi enim votorum jugis est solemnitas, gratia jugis est et donorum. Sed fortasse quis dicat: Sepulcra clausa sunt, monumenta constructa sunt, quemadmodum inde prodire poterint? Ut taceamus, quia omnia possible sunt Deo, et quod clausis tumuli penetralibus possit spirituale corpus prodire, ut hæc omnia prætermittam, Joannis tamen apostoli habemus exemplum, quem tumulus susceptum claudere potuit, custodire non potuit. Nam depositum corpus perdidit, non assumpsit. Hoc enim clausis tumuli foribus gratia resurrectionis ablatum est, ut constaret sepultura, nec inveniretur sepultus. Denique cum sacerdotes honorandi causa corpus inquirerent, reserato aditu, tumulus non potuit reddere quem suscepit.

CAP. 151. — *De non recipienda Vita Thomæ apostoli et aliorum. Augustinus contra Faustum, libro 11, cap. 2.*

(67) Legunt scripturas apocryphas (Manichæi) nescio quibus sutoribus fabularum, sub apostolorum nomine scriptas, quæ suorum scriptorum temporibus in auctoritate sanctæ Ecclesiæ recipi mererentur, si sancti homines et justis et doctis qui tunc in vita erant, et examinare talia poterant, eos vera locutos esse cognoscerent (67*). Ibi tamen legunt apostolum Thomam, cum esset in quodam nuptiarum convivio peregrinus, et prorsus incognitus, a quodam ministro palma percussus, imprecatum fuisse homini continuam sævamque vindictam. Nam, dum egressus fuisset ad fontem, ut inde aquam convivantibus ministraret, eum leo rugiens interemit, manumque ejus, qua caput apostoli levi ictu percusserat, a corpore evulsam, secundum vocem ejusdem apostoli id optantis atque imprecantis,

(67*) Rursum in sermone Domini in monte, lib. 1, cap. 38.

canis intulit mensis, in quibus discumbebat apostolus. *Item cap. 4 (68).* Quod beata Maria patrem habuerit ex tribu Levi, sacerdotem cuendam nomine Joachim, canonicum non est.

CAP. 152. — *De libro qui est de transitu beatæ Mariæ apocrypho. Hieronymus ad Paulam et Eustochium.*

Si forte venerit illud apocryphum in manibus vestris de transitu beatæ Mariæ, dubia pro certis non recipiatis, quod multi Latinorum pietatis amore, studio legendi charius amplectuntur, præsertim ex his cum nihil aliud experiri potest pro certo, nisi quod hodie beata Virgo migravit a corpore. *Item.* Multi nostrorum dubitant utrum assumpta fuerit simul cum corpore, an obierit relicto corpore. Qualiter autem migraverit a corpore, aut a quibus personis sanctissimum corpus ejus ablatum fuerit, vel ubi transpositum, utrumve resurrexerit, nescitur, quamvis nonnulli astruere velint eam jam resuscitatam et beata jam cum Christo immortalitate vestiri. Quod et de beato Joanne evangelista ejus ministro (cui virgini a Christo virgo commissa est) plurimi asseverant, quia in sepulcro ejus (ut fertur) nonnisi manna invenitur, quod et scaturire cernitur. Verumtamen quid horum verius censeatur, ambiguum est. Melius tamen Deo totum, cui nihil impossibile est, committimus, quam aliud temere diffinire velimus auctoritate nostra, quod non probamus sicut et de his quos cum Domino, teste Evangelio, resurrexisse credimus (*Matth. xvii*). Sed utrum redierint in terræ pulverem, certum non habemus, nisi quod legimus, quia multa corpora sanctorum qui dormierant surrexerunt, et venerunt in sanctam civitatem Hierusalem, et apparuerunt multis. De quibus profecto nonnulli doctorum senserunt etiam, et in suis reliquerunt scriptis, quod jam in illis perpetua sit completa resurrectio. Fatentur enim quod veri Christi testes non essent, nisi et vera esset eorum resurrectio.

CAP. 153. — *Quod episcopi prohibere debent, ne libri apocryphi vel in publico vel in privato legantur. Leo Turibio episcopo.*

Curandum est et sacerdotali diligentia providendum, ut falsatos codices, et a vera et sincera veritate discordes in nullo usu lectionis habeantur. Apocryphæ autem scripturæ, quæ sub nominibus apostolorum, multarum habent seminarium falsitatum, non solum interdiciendæ sunt, sed etiam penitus auferendæ, et ignibus concremandæ. *Item.* Si quis episcoporum apocrypha haberi per domos non prohibuerit, vel sub canonicorum nomine eos codices in ecclesia permiserit legi, qui Priscilliani adulterina sunt emendatione corrupti, hæreticum se noverit judicandum, quoniam qui alios ab errore non revocat, seipsum errare demonstrat.

CAP. 154. — *Quod excommunicandi sunt qui libros falsos legunt. Ex epistola Adriani papæ tradita Ingelranno, cap. 62 (conc. Eliber. cap. 52).*

{5, q. 1, cap. Si qui inventi. Si qui inventi fuerint libros falsos legere, excommunicentur.

CAP. 155. — *Quam caute aliquando libri apocryphi legendi sint. Hieronymus ad Lætam, de institutione filia.*

Caveat omnia apocrypha: et si quando ea, non ad dogmatum veritatem, sed ad signorum reverentiam legere voluerit, sciat non eorum esse quorum titulis prænotantur, multaque in his admista vitiosa, et grandis esse prudentiæ aurum in luto quærere.

CAP. 156. — *Ne aliquis in alterius famam scripturam vel verba confingat, nisi probare velit. Adrianus ad Ingelranno, cap. 49.*

Qui in alterius famam in publico scripturam, aut verba contumeliosa confinxerit, et repertus, scripta non probaverit, flagelletur: et qui ea prius invenerit, rumpat, si non vult auctoris causam incurere.

CAP. 157. — *Item de eodem. Capitulum libro vii, cap. 200.*

Hi qui in alterius blasphemiam cantica composuerint, vel qui cantaverint ea, extra ordinem judicentur. Nam lex exsulari jubet eos qui libellos famosos excogitant aut proponunt. Notatur infamia quicumque, dum appellat judicem, convitium dixerit. Non tantum is qui maledictum aut convitium dixerit, famosus efficitur, sed et is cujus consilio factum esse patuerit.

CAP. 158. — *De anathematizandis eis qui libros catholicos falsaverunt. Actio 15 sextæ synodi.*

Præcipimus illos qui falsaverunt libros catholicos anathemati subijci, et cum hæreticis anathematizari: et sermonem qui dicitur in me ad Vigilium, et libellos qui dicuntur Vigili ad Justinianum et Theodoram, ut hereticorum adinventiones abjicimus.

CAP. 159. — *De damnando concilio quod factum est adversus sacras imagines. Actio 2 septimæ synodi, Adrianus papa Tharasio patriarcha.*

Sanctitas vestra piis et triuophatoribus imperatoribus suggerat, quatenus falsum concilium illud quod factum est sine apostolica sede inordinabiliter, contra constitutionem venerabilium Patrum, adversus sacras imagines, anathematizetur coram apocriariis nostris.

CAP. 160. — *Ut episcopus gentilium libros non legat. Ex Carthaginensi concilio iv, cap. 16.*

(*Dist. 37, cap. Episcopus.*) Episcopus gentilium libros non legat; hæreticorum autem pro necessitate et tempore.

CAP. 161. — *Item, de eodem. Gregorius, lib. ix registri, epist. 48, ad Desiderium episcopum Gallia.*

(*Dist. 86, C. cum multa.*) Pervenit ad nos, quod sine verecundia memorare non possumus, fraternitatem tuam grammaticam quibusdam expouere.

Quam rem ita moleste suscepimus, ac sumus vehementius aspernati, ut ea quæ prius dicta fuerant, in gemitum et tristitiam verteremus, quia se in uno ore cum Jovis laudibus laudes Christi non capiunt. Et quam grave nefandumque sit episcopum canere quod nec laico religioso conveniat, ipse considera.

CAP. 162. — *Quod auctores pueris, non presbyteris,*

(68) Id habetur c. 23 lib. contra Faustum Manichæum.

sunt legendi. Hieronymus Damaso. De vrodiao filio, A
tomo III, epist. 146.

(Dist. 37, cap. Sacerdotes.) Sacerdotes Dei, omnis
Evangelii et prophetis, videmus comœdias legere,
amatoria bucolicorum versuum verba cantare, tenere
Virgilium in manibus, et id quod in pueris necessi-
tatis est, crimen in se facere voluptatis.

CAP. 163. — *Item de eodem. Hieronymus ad Eusto-
chium De virginitate.*

Quis consensus Christi cum Belial? Quid facit
cum psalterio Horatii? Cum Evangelio Maro? Cum
Apostolo Cicero?

CAP. 164. — *De eodem. Rabanus De pressuris eccle-
siasticis, parte secunda.*

(Dist. 37, cap. Legimus.) Legimus de beato Hier-
onymo, quoniam cum librum legeret Ciceronis, ab B
angelo est correptus, eo quod Christianus vir paga-
norum intenderet figmentis

CAP. 165. — *De eodem. In Vita Gregorii, lib. III, cap. 34.*

Omnes omnino pontifices a lectione librorum gen-
tilium Gregorius inhibebat.

CAP. 166. — *Item de Eodem. Hier. Super epistolam
ad Ephesios, lib. III, in cap. VI.*

(Dist. 37, c. Legant episc.) Educate, ait Aposto-
lus, filios in disciplina et correctione Domini (Ephes.
VI). Legant episcopi atque presbyteri, qui filios suos
secularibus litteris erudiunt et faciunt comœdias
legere, et mimorum turpia scripta cantare, de eccle-
siasticis forte sumptibus eruditos, et quod in corti-
nam pro peccato virgo vel vidua, vel quilibet pauper
totam substantiam suam effundens obtulerat, hoc in C
Kalendarum strenam, et Saturnalium sportulam et
Minervale munus grammaticus et orator, aut in
sumptus domesticos, aut in templi stipes, aut in sor-
dida scorta convertit.

CAP. 167. — *Quare Christiani figmenta poetarum
prohibeantur legere. Isidorus, Sententiarum libro
III, cap. 13.*

(Dist. 37, c. Ideo prohibetur.) Ideo prohibetur
Christianus legere figmenta poetarum, quia per
oblectamenta inanum fabularum mentem incitant
ad incentiva libidinum. Non enim solum thura offe-
rendo dæmonibus immolatur, sed etiam eorum dicta
libentius audiendo. *Item.* Cavendi sunt libri gen-
tilium, et propter amorem sacrarum Scripturarum
vitandi. Simplicioribus litteris non est præponendus D
succus grammaticæ artis. Meliores enim sunt com-
munes litteræ, et simpliciores ad solam utilitatem
legendium pertinentes. Illæ vero nequiores sunt, quæ
ingerunt hominibus perniciosam mentis elationem.
Meliores sunt grammatici quam hæretici. Hæretici
enim haustum lethiferi succi hominibus persua-
dendo propinant. (Dist. 37, c. Si quis artem.) Gram-
maticorum autem doctrina potest etiam proficere ad
vitam, dum fuerit in meliores usus assumpta.

CAP. 168. — *Quid sit lex honesta. Isidorus, Etymo-
logiarum lib. V, cap. 20.*

(Dist. 4, c. Erit autem lex.) Erit lex honesta, justa,
possibilis, secundum naturam, secundum consue-
tudinem patriæ, loco temporique conveniens, neces-

saria, utilis, manifesta quoque ne aliquid per obscu-
ritatem in cautione contineat, nullo privato com-
modo, sed pro communi civium utilitate con-
scripta.

CAP. 169. — *Quod leges temporales postquam insti-
tutæ sunt, servandæ sint. August. De vera religione,
cap. 31.*

(Dist. 4, c. In istis.) In istis temporalibus legibus,
quanquam de his homines judicent, cum eas insti-
tuunt, tamen cum fuerint institutæ et firmatæ, non
licebit iudici de ipsis judicare, sed secundum ipsas.

CAP. 170. — *De libro constitutionum Theodosii. Isi-
dorus, Etymologiarum libro V, cap. 1.*

(Dist. 7, c. Fuerunt autem hi.) Theodosius minor
Augustus ad similitudinem Gregoriani et Hermoge-
niani, codicem factum institutionum, a Constantini
temporibus sub proprio cujusque imperatoris titulo
disposuit, quem a suo nomine Theodosianum vo-
cavit.

CAP. 171. — *De libro quem appellant codicem Ju-
stiniani, et de libro Pandectarum, et de eo quem ap-
pellant codicem Novellarum. Ex historia Longo-
bardorum, libro V, cap. 25.*

Justinianus Augustus leges Romanorum, quarum
prolixitas nimia erat et inutilis dissonantia, mira-
bili brevitate correxerat. Nam omnes constitutiones
principum, quæ utique multis in voluminibus habe-
bantur, intra duodecim libros coarctavit, idemque
volumen codicem Justiniani appellari præcepit. Rur-
sus singulorum magistratum sive iudicum leges,
quæ usque ad duo millia pene libros erant extensæ,
intra quinquaginta librorum numerum redegit, eum-
que codicem Digestorum sive Pandectarum voca-
bulo nuncupavit. Quatuor etiam Institutionum li-
bros in quibus breviter universarum legum textus
comprehenditur noviter composuit. Novas quoque
leges quas ipse statuerat in unum volumen redactas,
codicem Novellarum appellari sancivit.

CAP. 172. — *Item de libro Justiniani, quem vocant
Novellas constitutiones. Ex historia Anastasii bi-
bliothecarii Romanæ Ecclesiæ.*

Removit Justinianus Augustus contrarias leges,
faciens singularem codicem, et vocans eum Novel-
las constitutiones, in quibus non permittit princi-
pem, in quibus præest, tenere possessionem, aut
ædificare domum, aut hæreditari extraneam perso-
nam, nisi quis sibi cognitus cognatus existat.

CAP. 173. — *Quod constet esse legem quidquid impe-
rator per epistolam constituit, vel cognoscens
decrevit, vel edicto præcepit. Instit. libro I, titulo 2.*

Quodcumque imperator per epistolam constituit,
vel cognoscens decrevit, vel edicto præcepit, legem
esse constat. Hæc sunt quæ constitutiones appel-
lantur. Plane ex his sunt quædam personales, quæ
non ad exemplum trahuntur, quod non hoc princeps
vult; nam quod alicui ob merita indulset, vel si cui
pœnam irrogavit, vel si cui sine exemplo subvenit,
personam non transgreditur.

CAP. 174. — *De capitulis a Carolo legibus insertis.
Præfatio libri quinti capitulorum.*

Præcedentes quatuor libelli nonnulla gloriosiora

Caroli atque Ludovici imperatorum continent ea-
pitula. *Item.* Illa quæ postmodum a fidelibus sanctæ
Dei Ecclesiæ et Pippini et Caroli atque Ludovici di-
dicimus, in jam dictis libellis minime inserta esse, pro
Dei omnipotentis amore, et Sanctæ Dei Ecclesiæ ac
servorum ejus, atque totius populi utilitate fideliter
investigare curavimus, et in tribus subsequentibus
libellis distincte cum suis coadunare, ac Ludovico,
Lothario, atque Carolo nobilissimis regibus, filiis
videlicet Ludovici imperatoris piissimi, habenda, et
omnibus Christianorum fidelibus tradenda, scribere
non distulimus. *Item.* His itaque peractis, est in
fronte primi libelli posita Zachariæ papæ epistola
omnibus episcopis ac reliquis ecclesiastici ordinis
gradibus, et cunctis ducibus atque comitibus, omni-
bus Deum timentibus per Gallias et Francorum pro-
vincias constitutis directa, sicut in ea continetur.
Quam sequuntur synodales conventus quos sanctæ
Romanæ Ecclesiæ et apostolicæ sedis legatus Boni-
facius Moguntiensis archiepiscopus, vice supradicti
Zachariæ papæ, una cum Carolo magno Francorum
duce, canonice tenuit, ut agnoscant omnes hæc præ-
dictorum principum capitula maxime apostolica
auctoritate fore firmata.

CAP. 175. — *De lege Anglorum ab Edelberto rege
edita. Beda in Historia Anglorum, libro II, cap. 5.*

Inter cætera bona quæ genti suæ consulendo con-
ferebat rex Edelbertus, etiam decreta illi judiciorum,
juxta exempla Romanorum, cum consilio sapientium
constituit, quæ conscripta Anglorum sermone hæc-
tenus habentur, et observantur ab ea.

CAP. 176. — *De capitulis a Lothario Augusto legibus
additis. Leo papa IV, Lothario Augusto.*

(*Dist. 10, c. De capitulis.*) De capitulis vel præceptis
imperialibus vestris, nostrorumque etiam pontificum
prædecessorum, irrefragabiliter custodiendis et
conservandis quanto valuius et valemus propitio
Christo, et nunc et in ævum conservaturos, modis
omnibus profitemur. Et si fortasse quilibet vobis
aliter dixerit vel dicturus fuerit, sciatis cum pro
certo mendacem.

CAP. 177. — *Leges Christianorum regum ab Ecclesiis
recipiendus. Hincmarus Remensis episcopus in causa
Lotharii regis et uxoris suæ.*

Sunt diversæ ut gentes, ita et earum leges, quas
si Christiani sunt, in suis ordinibus quæ justa sunt
decernentes, Ecclesia sua non rejicit.

CAP. 178. — *Quod faciendum est quidquid Deus ju-
bet, etsi sit contra morem aut pactum quorumlibet.
Augustinus, Confessionum lib. III, cap. 8.*

(*Dist. 8, cap. Quæ contra.*) Quæ contra mores ho-
minum sunt flagitia, pro morum diversitate sunt
vitanda, ut pactum inter se, gentis aut civitatis con-
suetudine, vel lege firmatum, nulla civis aut pere-
grini libidine violetur. Turpis enim omnis pars est
universo suo non congruens. Cum autem Deus ali-
quid contra morem aut pactum quorumlibet jubet,
et si nunquam ibi factum est, tamen faciendum est;
et si omisum, instaurandum est; et si statutum
non erat, instituendum est. Si enim regi licet in ci-

vitare, cui regnat, jubere aliquid quod neque ante
ipsum quisquam, nec ipse unquam jusserat, et si
non est contra societatem civitatis ejus, obtempera-
tur ei, imo contra societatem sit, si ei non obtempe-
raretur (generale quippe pactum est societatis hu-
manæ obtemperare regibus suis), quanto magis Deo
regnatori universæ creaturæ suæ, ad ea quæ jusserit
sine dubitatione servandum est? Sicut enim in po-
testatibus societatis humanæ major potestas minori
ad obediendum præponitur, ita Deus omnibus.

CAP. 179. — *Quod leges principum, et regulas vel
admonitiones Patrum nulli liceat contemnere. Ge-
lasius Rufino et Aprilli episcopis.*

(*Dist. 10, c. Quis autem.*) Quis aut leges principum,
aut Patrum regulas aut admonitiones modernas dic-
cat debere contemni, nisi qui impunitum sibi tan-
tum æstimet transire commissum?

CAP. 180. — *Item de eodem, Theodorico regi.*

Certum est, magnificentiam vestram leges Roma-
norum principum, quas in negotiis hominum custo-
diendas esse præcepit, multo magis circa reverentiam
beati Petri apostoli pro suæ felicitatis augmento
velle servari.

CAP. 181. — *Quod imperiali censura castigandi sint
qui leges contemnunt. Leo quartus Lothario Au-
gusto.*

Habetis de hoc apud Deum retributionem non
modicam, si antiquæ legis dogmata minime obser-
vantes, vestra imperiali censura pro viribus casti-
gatis, atque corrigitis. *Item.* (*Dist. 11, cap. Vestram.*)
Vestram flagitamus elementiam, ut sicut hactenus
Romana lex viguit, absque universis procellis, et
pro nullius persona hominis reminiscitur esse cor-
rupta, ita nunc suum robur propriumque vigorem
obtineat.

CAP. 182. — *Item de eodem, Widoni comiti.*

Valde indignum est, futuris gentibus etiam con-
trarium tam gloriosam legem, quam multi retro cu-
stodierunt imperatores, nunc suam vim perdere, ac
injuste damnari.

CAP. 183. — *Licere ecclesiasticis viris pro defensione
sua leges terrenas assumere. August., cap. 58 lib. II
contra litteras Petilianii.*

(*Dist. 10, c. Si in adjutor.*) Si in adjutorium ve-
strum, et terreni imperii leges assumendas putatis,
non reprehendimus. Fecit hoc Paulus, cum adver-
sus injuriosos Romanum civem se esse testa-
tur (*Act. xxii*).

CAP. 184. — *Legibus imperatorum obediendum esse.
August. Bonifacio (epist. 50).*

Quicumque autem legibus imperatorum, quæ pro
Dei veritate feruntur, obtemperare non vult, acqui-
rit grande supplicium. (*Dist. 9, c. Imperatores.*)
Quicumque ergo legibus imperatorum quæ contra
veritatem Dei feruntur obtemperare non vult, acqui-
rit grande præmium.

CAP. 185. — *Quod communionem privari possunt qui
legibus contradicunt. Gelasius Majorico (Joanni),
Sereno et Bertuso.*

(*12, q. 2, c. Qui et divinis.*) Qui et humanis legibus
in civili damnatione conculcatis, et reverentia reli-

gionis abjecta, vel ecclesiastica privilegia calcare A
contendunt, vel ubilibet in pauperum prosilire dis-
pendium, nec hujusmodi saltem commoniti convi-
ctique nequitiam sopire consentiunt, atque illata
sacris rebus detrimenta sarcire, merito divini mu-
neris sunt participatione privandi, ut hujus percep-
tione careant, quod sacrilegis ausibus habuere
despectui.

CAP. 186. — *Item de servandis legibus. Leo quartus
Colorado archiepiscopo et Bertuso.*

(25, q. 1, cap. Ideo permittente.) Ideo permittente
Deo pastores hominum sumus effecti, ut quod Pa-
tres nostri sive in sanctis canonibus, sive in mun-
danis legibus affixere, excedere minime debeamus.
Contra eorum quippe saluberrima agimus instituta,
si quæ ipsi divino statuerunt consilio, intacta non
servamus. B

CAP. 187. — *Quod ecclesiastica jura legibus imperia-
libus non possunt dissolvi. Nicolaus papa episcopus
in concilio apud Convecinum congregatis (ep. 52).*

(Dist. 10, c. Lege Imper.) Imperiali iudicio non
possunt ecclesiastica jura dissolvi. Non quod Impe-
ratorum leges, quibus sæpe Ecclesia contra (circa)
hæreticos utitur, sæpe contra tyrannos, atque contra
pravos quosque defenditur, dicamus penitus renuen-
das; sed eas quidem evangelicis, apostolicis atque
canonicis decretis, quibus postponendæ sunt, nullum
posse inferre præjudicium asseramus.

CAP. 188. — *Quod Christiani imperatores pro æterna
vita pontificibus indigent; pontifices vero pro cursu
temporalium rerum legibus imperatorum utuntur.
Cyprianus Juliano. (Nicolaus papa II id habet in
ep. ad Michaellem imperat.)* C

(Dist. 10, cap. Quoniam.) Quoniam idem media-
tor Dei et hominum homo Christus Jesus, sic actibus
propriis et dignitatibus distinctis, officia potestatis
utriusque discrevit propria volens medicinali humi-
litate hominum corda sursum efferrî, non humana
superbia rursus in inferno demergi, ut etiam Chri-
stiani imperatores pro æterna vita pontificibus indi-
gerent, et pontifices, pro cursu temporalium tan-
tummodò rerum, imperialibus legibus uterentur,
quatenus spiritualis actio carnalibus distaret incur-
sibus, et ideo militans Deo minime se sæcularibus
negotiis implicaret, ac vicissim ne ille rebus divinis
præsideret videretur, qui esset sæcularibus negotiis
implicatus.

CAP. 189. — *Quod nulla persona privilegio utatur, ad
fugiendos præsentis legis laqueos. Novellarum con-
stitutionum lib. IX, cap. 5.*

Nulla persona privilegio aliquo utatur ad fugien-
dos præsentis legis laqueos, quamvis ecclesia sit vel
xenion, vel oratorium, vel quivis alius locus qui
pietatis causa colitur: id est, ejusdem juris est, sive
fiscus, sive patrimonium, sive aliquis quivis divinus
titulus pulsetur; et multo magis si potentis hominis
persona in iudicium fuerit evocata, quamvis privi-
legium ex sacro oraculo prætendat.

CAP. 190. — *Quod convenit regem legibus divinis
subjacere. Gelasius ad imperatorem Anastasium.*

Si quantum ad ordinem publicæ pertinet disci-

plinæ, cognoscentes imperium tibi superna disposi-
tione collatum, legibus tuis ipsi quoque parent reli-
gionis antistites, ne vel in rebus humanis exclusæ
videantur obviare sententiæ, quo ore te decet, et
convenit eis obedire affectu, qui prorogandis vene-
rabilibus sunt attributa mysteriis?

CAP. 191. — *Quod illa in legibus prævaent, quæ
concordant cum ratione iuris et legum. Pelagius
Joanni comiti.*

Dicenti sacras jussiones se habere præ manibus,
respondimus, scire illum oportere quod ipse ele-
mentissimus princeps generalibus legibus constitue-
rit, illa sacra uniuscujusque desiderio concessa præ-
valere, et effectui mancipari, quæ cum juris et
legum ratione concordant. Ea vero quæ subre-
ptione, vel falsis precibus forsitan impetrantur,
nullum supplicantibus ferre remedium.

CAP. 192. — *Omnes lites secundum leges breviari.
Novellarum constitutionum libro VII, cap. 73.*

Omnes lites secundum leges et constitutiones
breviantur; quamvis jussio nostra vel pragmatica
sanctio contrarium statuerit.

CAP. 193. — *Secundum generales leges singulas cau-
sas finire debere. Constitutio [101-105], cap. 1.*

Nemo iudicum sive in pecuniaria, sive crimi-
nali causa pragmaticam nostram timeat sanctionem,
vel aliud cujusvis generis rescriptum, sive divinas
jussiones, sive referendariorum depositiones, aut
illustris magistratus præcepta: nam secundum ge-
nerales leges finiri singulas causas jubemus, et præ-
dictas ambitiones nullum sibi locum in iudiciis vin-
dicare.

CAP. 194. — *Quod diuturni mores consensu utentium
approbati, legem imitantur. Institutionum lib. 1,
titulo 2.*

Ex non scripto jus venit quod usus probavit.
Nam diuturni mores consensu utentium appro-
bati legem imitantur. Item. Ea quæ sibi quæque ci-
vitas constituit sæpe mutari solent, vel tacito con-
sensu principis [populi], vel alia postea lege data.

CAP. 195. — *Quod ea quæ univèrsa custodit Eccle-
sia, et si non inveniantur scripta, vel ab aposto-
lis vel ab apostolicis viris credantur tradita.
Augustinus, De baptismo contra Donatistas, lib. II
(cap. 7).*

Multi non inveniuntur in litteris apostolorum,
D neque in conciliis posterorum, et tamen quia per
universam custodiuntur Ecclesiam, non nisi ab ipsis
tradita et commendata credimus

CAP. 196. — *Nova non esse præsumenda, nisi
aliqua auctoritas faveat. Leo IV iudici Sar-
dinæ.*

Nec mos, nec noviter introducta consuetudo no-
stræ Ecclesiæ, prædecessoribusque nostris fuit, con-
tra sanctorum canonum nova vel inusitata præsu-
mere. Quamobrem nos devotius volentes vestras
petitiones suscipere, si in his nos sanctorum Pa-
trum censura juvaret. Sed ideo quia synodica paginæ
in hoc favore non videntur, nos tantam novitatem
præsumere non possumus et ab illo rectissimè
tramite deviare

CAP. 197. — *Quod canonice tradita nulla novitate sunt commutanda. Ex libro Pontificum qui dicitur Diurnus.*

Nihil de traditione quam a probatissimis prædecessoribus meis traditam et servatam reperi, diminueri vel mutare, aut aliquam novitatem admittere, sed ferventer ut eorum vere discipulus et sequipeda toto mentis meæ conamine quæ tradita canonice comperio, observare ac venerari profiteor.

C.P. 198. — *De eodem. Actio 7 contra falsam synodum.*

Omnes traditiones ecclesiasticas sive in scripto, sive sine scripto inviolabiliter custodimus. *Item.* Si quis omnem traditionem ecclesiasticam vel scriptam vel non scriptam violat, anathema sit.

CAP. 199. — *Ut ea quæ usus antiquitatis statuit, intemperata serventur. Gregorius Laurentio magistro militum, lib. VII registri, epist. 70.*

Omnino contristamur cur in Theodori defensionem veritas non permovet, ut et libere quid esset ratio disceratis, et reservari quod longa sibi consuetudo jure vindicat, faceretis, quia grave nimis est contra veterem usum sacerdotis sibi quidpiam arripere. *Item.* Omnia quæ usus antiquitatis statuit, in omnibus intemerata serventur.

CAP. 200. — *De eodem. Isidorus, Etymologiarum lib. V, cap. 3.*

(*Dist. 1, c. Mos est.*) Mos est vetustate prona consuetudo, sive lex non scripta, *Item.* (*Ibid., c. Consuetudo autem.*) Consuetudo autem est jus quoddam moribus institutum, quod pro lege suscipitur, cum deficit lex, nec differt utrum scriptura an ratione consistat.

CAP. 201. — *Item de eodem. Codicum lib. VIII, cap. 52, titulo 1.*

(*Dist. 12, c. Consuetudo.*) Consuetudo præcedens, et ratio quæ consuetudinem suasit, tenenda est, et quidquid contra longam consuetudinem fiet, ad sollicitudinem suam revocabit præses provinciæ.

CAP. 202. — *Quod consuetudo non adeo valet, ut rationem vincat, vel legem. Titulo secundo.*

(*Dist. 11, c. Consuetudinis.*) Consuetudinis ususque longævi non vilis auctoritas est, verum non usque adeo sui valitura momento, ut aut rationem vincat, aut legem.

CAP. 205. — *Malas consuetudines citissime esse evellendas. Nicolaus papa Igaro Remensi archiepiscopo.*

Dist. 8, c. Mala consuet.) Mala consuetudo, quæ non minus quam perniciosas corruptela vitanda est, quæ nisi citius radicitus evellatur, in privilegiorum jus ab impiis assumitur, et incipiunt prævaricationes, et variæ præsumptiones celerrime non compressæ, pro legibus venerari et privilegiorum more perpetuum celebrari.

CAP. 204. — *Bonam consuetudinem, et si videatur obviare rationi non facile mutandam. Greg., epist. 75, lib. I registri, universis episcopis Numidiæ.*

(*Dist. 12, cap. Nos.*) Nos consuetudinem, quæ contra fidem catholicam nihil usurpare dignoscitur,

immutam permanere concedimus, sive de primatibus constituendis (custodiendis) cæterisque capitulis, exceptis his qui ex Donatistis ad episcopatum perveniunt, quos provehi ad primatus dignitatem, etiam cum ordo eos ad locum eundem deferat, modis omnibus prohibemus. Sufficiat autem illis commissæ sibi plebis curam gerere, non autem etiam illos antistites, quos catholica fides in Ecclesiæ sinu et docuit et genuit, ad obtinendi culmen primatus anteire.

CAP. 205. — *Ut communionem privetur qui statuta Romanorum pontificum infregit. Idem, epist. 7, lib. II, Joanni Lariseo episcopo.*

Si contra hæc quæ statuimus, quolibet tempore, qualibet occasione vel subreptione venire tentaveris, sacra scias te communionem privatum, nec eam te (excepto ultimo vitæ tuæ tempore) nisi cum concessa Romani pontificis decernimus jussione recipere.

CAP. 206. — *Omnia quæ nec conciliis episcoporum statuta sunt, nec consuetudine universæ Ecclesiæ roborata, sed diversorum locorum diversis moribus irrationabiliter sunt variata, reseccanda esse. Augustinus ad inquisitiones Januarii, epist. 109, cap. 19 (lib. I, c. 19).*

(*Dist. 12, cap. Omnia talia.*) Omnia talia quæ neque sanctarum Scripturarum auctoritatibus continentur, nec de conciliis episcoporum statuta inveniuntur, nec consuetudine universæ Ecclesiæ roborata sunt, sed diversorum locorum, diversis moribus innumerabiliter variantur, ita ut vix aut omnino nunquam inveniri possint causæ, quas in eis instituendis homines secuti sunt, ubi facultas tribuitur, sine ulla dubitatione reseccanda existimo. Quamvis enim neque hoc inveniri possit, quomodo contra fidem sint, ipsam tamen religionem quam paucissimis et manifestissimis celebrationum sacramentis misericordia Dei esse voluit liberam, quam servilibus oneribus premunt, ut tolerabilior sit conditio Judæorum, qui etiam si tempus libertatis non cognoverunt, legalibus tamen sacramentis non humanis præsumptionibus subjiciuntur.

CAP. 207. — *Quod usus auctoritati cedere debet. Isidorus, in Synonymis, lib. II.*

(*Dist. 11, cap. Usus.*) Usus auctoritati cedat, pravum usum lex et ratio vincat.

CAP. 208. — *De eodem. Augustinus, cap. 6 lib. III De baptismo contra Donatistas.*

(*Dist. 8, c. Veritate.*) Veritate manifestata, cedat consuetudo veritati. Plane respondeo (inquit August.). Quis dubitet veritati manifestatæ debere consuetudinem cedere. *Item.* (*Ibid., c. 8.*) Nemo consuetudinem rationi et veritati præponat, quia consuetudinem ratio et veritas semper excludit.

CAP. 209. — *Quod multa ab apostolis creduntur tradita, quæ non sunt scripta Item lib. V.*

Consuetudo illa quæ opponeretur Cypriano, ab apostolorum traditione exordium sumpsisse credenda est, sicut sunt multa quæ universa tenet Ecclesia, et ob hoc ab apostolis præcepta bene creduntur, quanquam scripta non reperiantur.

CAP. 210. — *Quod non facile incipiendum, quod nec auctoritas principis, nec usus Ecclesiae suadet. Leo quartus Lothario Augusto.*

Mandastis ut privilegium et pallium Alteo episcopo praeberemus. Unde poscimus ut vestra super hoc magnitudo non indignetur, quoniam quod ab ipso sanctissimo papa Gregorio usque ad haec tempora nostra factum minime recordamur, facere non potuimus, neque praefixos Patrum terminos immutare. *Item.* Quod justa et sedula nos imitari consuetudo non praecipit, ita ab hoc veluti a magno nos praecipitio custodire oportet.

CAP. 211. — *Quod nulla consuetudine poterit impediri quidquid auctoritas apostolica sanxerit. Nicolaus I, epist. ad Michaellem imperatorem.*

(*Dist. 11, c. Consequens est.*) Consequens est ut quod ab huius sedis rectoribus plena auctoritate sancitur, nullius consuetudinis praepediente occasione, proprias tantum sequendo voluntates, removeatur, sed firmius atque inconcusse teneatur. *Item.* De consuetudinibus quas nobis opponere visi estis, scribentes, per diversas Ecclesias diversas esse consuetudines, si illis canonica non obsistit auctoritas, pro qua eis obviare debemus, nil iudicamus, vel eis resistimus.

CAP. 212. — *Item de eodem. Igaro Remensi archiepiscopo.*

(*Dist. 12, c. Ridiculum.*) Ridiculum est, et satis abominabile dedecus, ut traditiones quas antiquitus a patribus suscepimus, infringi patiamur.

CAP. 213. — *Usus qui veritati contrarius est, abolendum esse. Gregorius VII, Wimundo Aversano episcopo (Aug. c. 5 et 6 lib. III De baptismo).*

(*Dist. 8, c. Si consuetudinem.*) Si consuetudinem fortassis opponas, advertendum fuerit quod Dominus dixit: *Ego sum veritas et vita (Joan. XIV).* Non ait: *Ego sum consuetudo, sed, veritas.* Et certe, ut beati Cypriani utamur sententia, quaelibet consuetudo quantumvis vetusta, quantumvis vulgata, veritati est omnino postponenda, et usus qui veritati est contrarius abolendus.

CAP. 214. — *Magistros qui liberales artes doceant per singulas ecclesias esse constituendos. Synodus Eugenii papae, tempore Ludovici.*

(*Dist. 37, c. De quibusdam.*) De quibusdam locis ad nos refertur, non magistros, neque curam inveniri pro studio litterarum. Idcirco universis episcopis, subjectisque plebibus, et aliis locis, in quibus necessitas occurrerit, omnino cura et diligentia adhibeatur, ut magistri et doctores constituantur, qui studia litterarum, liberaliumque artium habentes dogmata, doceant, quia in his maxime divina manifestantur atque declarantur mandata.

CAP. 215. — *Ad sacras Scripturas nulla admittenda mendacia. Augustinus epist. 9, quae est ad Hieronymum.*

(*Dist. 9, c. Si ad Scripturas.*) Si ad Scripturas sanctas admissa fuerint, vel officiosa mendacia, quid in eis remanebit auctoritatis? quae tandem de Scripturis illis sententia proferetur, cuius pondere contentiosae falsitatis obteretur improbitas?

CAP. 216. — *De eodem, epistola, 8.*

Mihi videtur exitiosissime credi aliquod in sacris libris esse mendacium, id est eos homines, per quos nobis illa Scriptura ministrata est, atque comscripta, aliquid in suis libris fuisse mentitos. Alia quaestio est utrum scriptorem sanctarum Scripturarum mentiri oportuerit; imo non alia vero, sed nulla quaestio est. Admisso enim semel in tantum auctoritatis fastigium officioso aliquo mendacio, nulla istorum librorum particula remanebit, quae non ut unicuique videbitur, vel ad mores difficilis, vel ad fidem incredibilis, eadem perniciosissima ad mentientis auctoris consilium, officiumque referatur.

CAP. 217. — *De cura pro mortuis habenda. Aug., lib. De cura pro mortuis, c. 6.*

Legimus in ecclesiastica Historia, quam Graece scripsit Eusebius, et in Latinam linguam vertit Rufinus, martyrum corpora in Gallia canibus exposita, canumque reliquias, atque ossa mortuorum usque ad extremam consumptionem ignibus concremata, eosdemque cineres fluvio Rhodano, ne quid ad memoriam qualemcunque relinqueretur, inspersos

CAP. 218. — *Evangelium quod dicitur juxta Hebraeos non esse apocryphum sed ecclesiasticum. Beda super Lucam, lib. 1, cap. 1*

Evangelium quod dicitur juxta Hebraeos, non inter apocryphas, sed inter ecclesiasticas numerandum historias: nam et ipsi sacrae Scripturae interprete Hieronymo pleraque ex eo testimonia usurpare, et ipsum in Latinum Graecumque visum est transferre sermonem.

CAP. 219. — *Canonum contemptores excommunicandos esse. Urbanus II, Gerardo Tervanensi episcopo.*

Canonum contemptores excommunicandi sunt et damnandi, quandoquidem a sacris altaris mysteriis est removendus, qui sacris non vult obedire canonibus.

CAP. 220. — *Quod excommunicandus est qui Apocalypsim non receperit. Ex Toletano concilio IV, cap. 17.*

Si quis Apocalypsim deinceps non receperit, aut a Pascha usque ad Pentecosten tempore missarum in ecclesia non praedicaverit, excommunicationis sententiam habebit. *Et cap. 18.* Qui ne provehantur ad sacerdotium, et regulis canonum, necessario credimus esse inserendum.

CAP. 221. — *Actio octava sextae synodi.*

Theophanius presbyter et abbas obtulit duas schedas, unam sancti Athanasii Alexandrini episcopi, et alteram sancti Augustini Hipponensis episcopi.

CAP. 222. — *Item de eodem. De libro v contra Julianum Pelagianistam.*

Sancta synodus dixit: Splendide, et vere Theophanius venerabilis presbyter prosecutus est in schedis sanctorum et mirabilium Patrum, etc. *Item* Rursum relecta est de eodem codicillo alia schedae sancti Ambrosii Mediolanensis episcopi.

CAP. 223. — *Diversas pro loco et tempore in una fide*

consuetudines non obesse: Leo IX Michaeli imperatori Constantinopolitano.

(Dist. 12, c. Scit sancta.) Scit sancta Romana Ecclesia quia nihil obsunt salutis credentium diversæ pro loco et tempore consuetudines, quando una fides per dilectionem operans uni Deo commendat omnes. CAP. 224. — *Quod mater Christi omnem typhum carnalis nobilitatis exclusit. Augustinus, De catechizandis rudibus, cap. 22.*

Natus est (Christus) de matre quæ quamvis a viro intacta conceperit, semperque intacta permanserit, virgo concipiens, virgo pariens, virgo moriens, tamen fabro desponsata erat, omnem typhum carnalis nobilitatis exstinxit.

CAP. 225. — *Quod duo tantum libri Esdræ recipiuntur, Responsio Adriani papæ contra objectiones quorundam, cap. 23 (cap. 7).*

In libro sancti Ambrosii secundo de Spiritu sancto, inter cætera Esdras nos docuit dicens in tertio libro (68^a). Similiter nec in nostris codicibus qui ex Hebraica veritate translati sunt, susceptus est tertius liber Esdræ, nisi tantummodo duo.

CAP. 226. — *Quod inconversa vivit antiquitas, cui sanctorum Patrum auctoritas suffragatur. Zosimus papa episcopus Narbonensis provincie.*

(25, q. 1, c. Contra statuta.) Contra statuta Patrum condere aliquid, vel mutare nec hujus quidem sedis potest auctoritas. Apud nos enim inconversis radicibus vivit antiquitas, cui decreta Patrum sanxere reverentiam.

CAP. 227. — *Sanctam Scripturam canonicam tam Veteris quam Novi Testamenti, certis suis terminis contineri, ita ut omnino de ea dubitari non possit; episcoporum vero litteras aliorum episcoporum auctoritate reprehendi licere. Augustinus, cap. 3 lib. II De baptismo contra Donatistas.*

(Dist. 9, c. Quis nesciat.) Quis nesciat sanctam Scripturam canonicam tam Veteris quam Novi Testamenti certis suis terminis contineri, cumque omnibus posterioribus episcoporum litteris ita præponi, ut de illa omnino dubitari et disceptari non possit utrum verum vel utrum rectum sit quicquid in ea scriptum constiterit esse? Episcoporum autem litteras, quæ post confirmatum canonem vel scriptæ sunt vel scribuntur, et per sermonem forte sapientiosem cujuslibet in ea re peritioris, et per aliorum episcoporum graviosem auctoritatem doctioremque prudentiam, et per concilia licere reprehendi, si quid in eis forte a veritate deviatum est?

CAP. 228. *De auctoritate libri Sapientie. Augustinus ad Prosperum et Hilarium, De vita sanctorum (De prædest. sanctorum, c. 14).*

Non debuit repudiari sententia libri Sapientie, qui meruit in Ecclesia Christi de gradu lectorum Ecclesie Christi tam longa annositate recitari, et ab omnibus Christianis, ab episcopis usque ad extremos laicos fideles, poenitentes, catechumenos cum veneratione divina auctoritatis audiri. Item. Qui sententiis tractatorum instrui volunt, oportet ut li-

brum istum Sapientie ubi legitur: *Raptus est ne malitia mutaret intellectum illius (Sap. IV)*, omnibus tractoribus anteponant, quoniam sic [sibi] eum anteposuerunt etiam temporibus proximis apostolorum egregii tractatores, qui cum testem adhibentes, nihil se adhibere nisi divinum testimonium crediderunt. Item. Liber Sapientie qui tanta numerositate annorum legi meruit in Ecclesia Christi, nullam pati debet injuriam, quoniam resistit eis qui pro meritis hominum falluntur.

CAP. 229. — *Quod in dialectica non placuit Deo salvare populum suum. Responsio Adriani papæ contra objectiones quorundam ad Carolum, cap. 49*

(Dist. 37, c. Omnem vim.) Omnem vim inventorum [venenorum] suorum in dialectica disputantes ponunt [disputatione constituunt] hæretici, quæ philosophorum sententia diffinitur, non astruendi vim habere, sed studium destruendi. Sed non in dialectica placuit Deo salvum facere populum suum; regnum enim Dei in simplicitate fidei est non in contentione sermonis.

CAP. 230. — *Quod contra leges accipitur, per leges dissolvitur. Joannes VIII Ludovico imperatori.*

(Dist. 40, cap. Vides.) Vides, fili charissime, quia quod contra leges accipitur, per leges dissolvi meretur.

CAP. 231. — *Quod non licet imperatori contra leges divinas aliquid agere. Sexta synodus (69) Symmachii papæ.*

(Dist. 40, cap. Non licet.) Non licet imperatori, vel cuiquam pietatem custodienti, aliquid contra mandata divina præsumere, nec quidquam quod evangelicis, propheticis, apostolicisque regulis obviat, agere.

CAP. 232. — *Quot sint capitula Nicæni concilii. Stephanus Lugthobio Moymuntino episcopo.*

(Dist. 16, c. Viginti.) Capitula Nicæni concilii testimonio Athanasii, LXX in figuram septuaginta discipulorum scripta non dubitamus. E quibus viginti tantum in Ecclesia sancta Romana habentur, sed quo neglectu reliqua defecerint ambiguum est: arbitrantur enim plurimi ea Antiocheno inserta concilio.

CAP. 233. — *De re obscurissima non esse disputandum sine auctoritate divinarum Scripturarum. Augustinus in libro De baptismo parvulorum contra Donatistas.*

Ubi enim de re obscurissima disputatur, non adjuvantibus divinarum Scripturarum certis clarisque documentis, cohibere se debet humana præsumptio, nihil faciens in alteram partem declinando.

CAP. 234. — *Ut, manifestata veritate, consuetudo cedat. Ibidem, lib. III, cap. 5.*

(Dist. 8, c. Qui contempta.) Qui, contempta veritate, præsumit consuetudinem sequi, aut circa fratres invidus est, et malignus, quibus veritas revelatur; aut circa Deum ingratus est, inspiratione cujus Ecclesia ejus instruitur. Item c. 6. Nam Do-

(68^a) Vide etiam in lib. De Tobia, cap. 20, et in libello De bono mortis, c. 40; producit testimonium ex IV lib. Esdræ.

(69) In 6 Synodo Romana tempore Theodorici regis.

minus in Evangelio: *Ego sum*, inquit, *veritas* (*Joan.* XIV). Non dixit: *Ego*: *sum* consuetudo. Itaque veritate manifestata cedat consuetudo veritati. *Item c. 7.* Revelatione igitur facta veritatis cedat error veritati, quia et Petrus qui prius circumcidebat cessit Paulo veritatem prædicanti (*Galat.* II). *Item c. 9.* Igitur cum Christus veritas sit, magis veritatem quam consuetudinem sequi debemus, quia consuetudinem ratio et veritas semper excludit.

CAP. 235. — *De eodem. Augustinus, cap. 4 lib. IV De baptismo (cap. 5).*

(*Dist. 8, c. Frustra.*) Frustra, inquit, quidam qui ratione vincuntur, consuetudinem nobis obijciunt, quasi consuetudo major sit veritate, aut non id sit in spiritualibus sequendum, quod in melius fuerit a Spiritu sancto revelatum. Hoc plane verum est, quia ratio et veritas consuetudini præponenda est; sed cum consuetudini veritas suffragatur, nihil firmiter oportet retinere.

CAP. 236. — *Quod scripturæ episcoporum ab auctoritate canonis distinguendæ sunt. Augustinus, epistola 48 ad Vincentium.*

(*Dist. 9, cap. Noli frater.*) Habent etiam Scripturæ canonicæ hunc arguendi morem, ut tanquam omnibus dicatur, et ad quosdam verba perveniant. *Item, idi.* Noli, frater, contra divina tam multa, tam clara, tam indubitata testimonia, colligere velle calumnias ex episcoporum scriptis, sive nostrorum sicut Hilarii; sive, antequam pars Donati separaretur, ipsius unitatis, sicut Cypriani et Agrippini: primo, quia hoc genus litterarum ab auctoritate canonis distinguendum est. Non enim sic leguntur, tanquam ita ex eis testimonium proferatur, ut contra sentire non liceat, sicubi forte aliter sapuerint quam veritas postulat. In eo quippe numero sumus, ut non dedignemur etiam nobis dictum ab Apostolo accipere (*Philip.* III). Et si quid aliter sapitis, id quoque Deus vobis revelavit.

CAP. 237. — *Item de eodem. Epist. ad Fortunatianum episcopum Sircensem.*

(*Dist. 9, c. Neque quorumlibet.*) Neque quorumlibet disputationes, quamvis catholicorum et laudatorum hominum, velut Scripturas canonicas habere debemus, ut nobis non liceat salva honorificentia quæ illis debetur hominibus, aliquid in eorum scriptis improbare atque respuere, si forte invenerimus quod aliter scuserint quam veritas habet, divino adjutorio, vel ab aliis intellecta, vel a nobis. Talis ego sum in scriptis aliorum quales volo esse intellectores meorum.

CAP. 238. — *Apostolicas sanctiones a Deo firmatas esse. Agatho papa omnibus episcopis.*

Sic omnes apostolicæ sedis sanctiones accipiendæ sunt, tanquam ipsius divini Petri voce firmatæ sint.

CAP. 239. — *Quod particularis synodus ad generalem synodum judicandam congregari non possit. Pelagius Valeriano patricio inter cætera.*

(*Dist. 17, c. Nec licuit.*) Sic nec licuit aliquem [forte, aliquando], nec licebit particularem synodum ad judicandum, generalem synodum congregari.

A Sed quoties aliqua de universali synodo aliquibus dubitatio nascitur, ad recipiendam de hoc quod non intelligitur rationem, aut sponte hi qui salutem animæ suæ desiderant ad apostolicas sedes pro recipienda [percipienda] ratione convenient, aut si forte sicut de talibus dictum est: *Peccator, cum venerit in profundum malorum, contemnit* (*Prov.* XVIII), ita obstinati et contumaces exstiterint, ut doceri non velint, eos ab eisdem apostolicis sedibus aut attrahi ad salutem quoquomodo necesse est, aut ne aliorum perditio esse possint, secundum canones per sæculares comprimi [opprimi] potestates.

CAP. 240. — *Non esse congregandam synodum episcoporum absque auctoritate Romanæ sedis. Marcellus papa xxviii a Petro in secundo decretali suo.*

B (*Dist. 17, cap. Synodum.*) Synodum episcoporum absque hujus sanctæ sedis auctoritate, quanquam quosdam episcopos possitis congregare, non potestis regulariter facere, neque illum episcopum qui hanc appellaverit sedem apostolicam damnare, antequam hinc sententia definitiva procedat. Nam, si sæculares in publicis judiciis libellis utuntur appellatoriis, quanto magis sacerdotibus hæc eadem agere licet qui super illos sunt? De quibus dictum est: *Ego, dixi, Dii estis, et filii excelsi omnes* (*Psal.* LXXXI). Ego ideo nullus episcopus, nisi in legitima synodo, suo tempore apostolica aut regulari auctoritate convocata, super quibuslibet pulsatus criminibus audiatur vel judicetur, ne innocens damnetur, aut perdat communionem.

C CAP. 241. — *Ut bina provincialia episcoporum concilia per annum celebrentur Leo papa I, epist. 82.*

(*Dist. 18, c. De conciliis.*) De conciliis autem episcopalibus, non aliud indicimus, quam sancti Patres salubriter ordinaverunt, ut scilicet bini conventus per singulos annos habeantur, in quibus de omnibus querelis quæ inter diversos Ecclesiæ ordines nasci assolent judicetur: ac si forte inter ipsos qui præsent, de majoribus peccatis, quod absit! causa nascitur, quæ provinciali nequeat examine diffiniri, fraternitatem tuam de totius negotii qualitate: metropolitanus curabit instruere, ut si coram positis Patribus nec tuo fuerit res sopita iudicio, ad nostram quidquid illud est cognitionem transferatur.

CAP. 242. — *Non esse rata concilia sine auctoritate apostolica. In quinta synodo Symmachi papæ.*

D (*Dist. 17, cap. Concilia.*) Concilia sacerdotum ecclesiasticis legibus quotannis decreta per provincias quia præsentiam papæ non habent, valetudinem perdidit. Legite insanissimi, aliquando, illis præter apostolici apicis sanctionem, aliquid constitutum, et non de majoribus negotiis ad consultationem si quid occurrit, præfatæ sedis arbitrio fuisse servatum.

CAP. 243. — *Item bis in anno celebranda esse episcoporum concilia. Ex concilio Chalcedonensi, actione decima quinta, cap. 19.*

(*Dist. 8, cap. Pervenit ad nostras.*) Pervenit ad nostras aures, quod in provinciis constituta episcoporum concilia minime celebrentur, et ex hoc pro-

batur, quod multæ, quæ correctione opus habeant, A ecclesiasticæ res negligantur. Statuit igitur hæc ancta synodus secundum Patrum regulas bis in anno in unum convenire per singulas provincias episcopos, ubi singula quæ emergerint corrigantur. Qui vero noluerint convenire episcopi, constituti in suis civitatibus, et hoc maxime cum sui corporis sanitate consistentes, etiam omnibus aliis urgentibus, et inexcusabilibus negotiis liberi sunt, licere eos fraternæ charitatis admonitionibus corripi.

CAP. 244. — *Ut in ecclesiis Hispaniæ semel in anno propter paupertatem concilia fiant. Ex concilio Toletano III, cap. 18.*

Præcipit hæc sancta et universalis synodus ut, stante priorum auctoritate canonum, quæ bis in anno præcipit congregari concilia, consulta itineris B longitudine et paupertate ecclesiarum Hispaniæ, semel in anno in locum quem metropolitanus elegerit, episcopi congregentur: iudices vero locorum, vel actores fiscalium patrimoniorum, ex decreto gloriosissimi Domini nostri simul cum sacerdotali concilio, aut vernali [autumnali] tempore, aut die Kalendarum Novembrium, in unum conveniant, ut discant quam pie et juste cum populis agere debeant, ne in angustiis, aut in operationibus superfluis sive privatum onerent, sive fiscalem gravent. Sint enim perspectores [prosp.] episcopi, secundum regiam admonitionem, qualiter iudices cum populis agant, ita ut ipsos præmonitos corrigant, aut insolentias eorum auribus principum innotescant. Quod si correptos emendare nequiverint, et ab ecclesia et a communione suspendant. A sacerdote vero et senioribus C deliberetur quid per provincias in suo detrimento præstare debeant iudices, si ad concilium non venerint; concilium autem non solvatur nisi prius locum elegerint, quo succedenti tempore iterum ad concilium veniatur, ut jam non necesse habeat metropolitanus episcopus pro congregando concilio litteras destinare, si in priori concilio tempus omnibus denuntiatur et locus.

CAP. 245. — *Quam reverenter et composite sacerdotes Domini in iudiciis præsidere debent. Ex concilio Toletano XI, cap. 1.*

(5, q. 4, c. In loco benedictionis.) In loco benedictionis considerentes Domini sacerdotes, nullis debent aut indiscretis vocibus perstrepere, aut quibuslibet tumultibus perturbari, nullis etiam vanis fabulis vel risibus agi, et, quod est deterius, obstinatis disceptationibus tumultuosas voces effundere. Si quis enim, ut Apostolus ait, putat se religiosum esse, non refrenans linguam suam, sed seducens cor suum, hujus vana est religio (Jac. 1). Cultum enim suum justitia perdit, quando silentia iudicii obstrepentium turba confundit, dicente propheta: *Erit cultus justitiæ silentium* (Isa. LVIII). Debet ergo quidquid aut consentientium consultationibus agitur, aut accusantium parte proponitur, sic mitissima verborum

A relatione proferri, ut nec contentiosus vocibus sensus audientium turbent, nec iudicium vigorem de tumultu enervent. Quicunque ergo in conventu concilii hæc quæ præmissa sunt violanda crediderit, et contra hæc interdicta, aut tumultu, aut contumeliis vel risibus concilium perturbaverit, juxta divinæ legis edictum quo præcipitur: *Ejice derisorem et exhibit cum eo jurgium* (Prov. XXI), cum omni dedecore de confessione abstractus a communi cœta secedat, et trium dierum excommunicationis sententiam perferat.

CAP. 246. — *Inciuit ordo qualiter ab episcopo synodus agatur.*

(70) Hora diei prima ante solis ortum ejiciantur omnes ab ecclesia, obseratisque foribus cunctis, ad unam januam, per quam sacerdotes ingredi oportet, ostiarii stabunt, et convenientes cardinales, sacerdotes pariter cum episcopo introibunt, et secundum ordinis sui tempus residebunt. Post hos ingrediantur et diaconi qui, corona facta in conspectu episcopi et sacerdotum, stent. Deinde forenses ingrediantur presbyteri, in ordine suo, procul ab aliis stantes, et ut jussi fuerint residentes. Ingreddiantur quoque subdiaconi quos ad recitandum vel excipiendum congruus ordo requirit, obseratisque januis sedentes in diuturno silentio episcopi videlicet et sacerdotes, atque cor totum habentes ad Dominum, dicturus est archidiaconus: *Orate*; et tunc agatur litania. Statimque omnes incurventur tam episcopi quam presbyteri orantes diutius, tacite cum stetibus atque gemitibus. Tunc surgens episcopus cunctis adhuc incurvatis, hanc orationem palam fundat ad Dominum.

CAP. 247. — *Oratio ab episcopo in synodo dicenda.*

Adsumus, Domine; sancte Spiritus, adsumus, peccati quidem humanitate detenti, sed in nomine tuo spiritualiter aggregati. Veni ad nos, esto nobiscum, et dignare illabi cordibus nostris. Doce nos quid agamus, quo gradiamur, et ostende quid efficere debeamus ut, te auxiliante, tibi in omnibus placere valeamus. Esto salus, et suggestor, et effector iudiciorum nostrorum qui solus cum Deo Patre et ejus Filio nomen possides gloriosum. Non nos patiaris perturbatores esse justitiæ, qui summam diligis æquitatem, ut in sinistrum nos non ignorantia D trahat, non favor inflectat, non acceptio muneris vel personæ corrumpat, sed junge nos tibi efficaciter solius gratiæ tuæ dono, ut simus in te unum, et in nullo deviemus a vero, qualiter in nomine tuo collecti sic in cunctis teneamus cum moderatione pietatis justitiam, ut hic a te in nullo dissentiat sententia nostra, et in futuro pro bene gestis consequamur præmia sempiterna.

CAP. 248. — *Quod Evangelium in synodo dicendum, et quæ capitula sint recitanda.*

Qua oratione finita, ab omnibus respondeatur: Amen. Rursumque dicat archidiaconus: *Erigite vos.*

(70) Desumpta ex concilio Salegonstadiensis. Vide Isidorum præfatione in collectionem canonum, et in principio conciliorum.

Confestim omnes surgant, et ab archidiacono legatur Evangelium : *Designavit Dominus Jesus (Luc. x)*, etc. Quo perlecto, cum timore et disciplina tam episcopus quam ceteri [presbyteri] sedeant. Diaconus dalmatica indutus codicem canonum in medium proferens, capitula Nicæni concilii perlegat, ubi de fide catholica plenius tractatur, qualiter omnes Christianicæ unum Deum in Trinitate, et Trinitatem in unitate fiducialiter venerari, corde credere, ore confiteri, et incessanter excolere debeant : ubi satis aperte depromitur quomodo Pater et Filius et Spiritus sanctus veraciter unus sit Deus. Deinde legatur liber officiorum, ut scire valeant quo ordine in ecclesia cuncta peragantur officia. Post hæc autem perquirantur presbyteri qualiter energumenos exorcizare, qualiter scrutinia et aurium apertiones facere, vel eosdem baptizare debeant. Quibus expletis, taliter cunctos clericos alloquatur episcopus.

CAP. 249. — Admonitio episcopi.

Precibus itaque Deo præmissis, fraternitatem vestram, dilectissimi filii, cum pia exhortatione admono. et per divinum nomen obtestor, ut ea quæ nobis de Deo, et sacris ordinibus, vel sanctis moribus dicta fuerint, cum omni pietate suscipiatis, et cum summa reverentia perficere studeatis, quatenus, superna auxiliante gratia, ea quæ ad salutem nostram et Christiani populi nobis commissi pertinere videbuntur, diligenter et provide omnia tractemus, ne oves Domini nostri Jesu Christi nobis commissæ, licet indigne, ob nostram pereant negligentiam, pro quibus in die iudicii rationem reddituri sumus. Deinde simili vos obtestatione conjuro vel obsecro, ut nullus vestrum in iudicando, fratrem suum aut personam accipiat, ut [aut] quolibet favore vel munere pulsatus, a justo iudicio scienter avertatur aut discedat, sed cum tota pietate fraternæ dilectionis, et cum Dei timore libenter nobiscum adhibeatis studium, quatenus per doctrinam et sacram admonitionem peccata, errores et pravitates filiorum nostrorum, quæ ante nos vel tempore nostro, instigante diabolo in civitate ista vel parochiis nostris perpetrata fuerint, Dei auxiliante misericordia, ad correctionis emendationem et bonorum executionem perducere valeamus, et in extremo iudicii die non de negligentibus et culpis a Domino sicut pigri et mali servi iudicemur, sed de benefactis ac recte dispositis præmium æternæ beatitudinis recipere mereamur. Per Dominum, etc.

CAP. 250. — De examinatione fidei et aliarum virtutum.

Quibus taliter narratis, perscrutandi et inquirendi sunt cardinales, sacerdotes et levitæ, nec non et reliqui, videlicet de credulitate Trinitatis, et unitatis, id est de dilectione Dei et proximi; secundo de humilitate et castitate; tertio de jejuniis et oratione; quarto de cleemosynarum largitate; quinto de officiis ecclesiasticis simul et omnibus cavendis vitiis et virtutibus adipiscendis.

CAP. 251. — Finis concilii primæ diei.

His itaque prima die synodali iudicio deliberatis, surgens archidiaconus dicat : In nomine Domini nostri Jesu Christi eamus in pacem. Tunc dicat episcopus benedictionem.

CAP. 252. — Benedictio episcopi.

Qui dispersos Israel congregat, ipse vos hic et ubique custodiat. Amen. Et non solum vos custodiat, sed ovium suarum idoneos custodes efficiat. Amen. Ut cum summo pastore Christo de gregum suorum pastione gaudeatis in cælo. Amen. Quod ipse præstare dignetur, qui nos ante constitutionem mundi prædestinatos, et ante finem sæculi iustificatos præscivit, per infinita sæcula sæculorum. Amen.

CAP. 253. — Actio secundæ diei. Secunda vero die ingressis, simulque, ut supradictum est, omnibus incurvatis, hæc dicenda est ab episcopo oratio.

Nostrorum tibi, Domine, curvantes genua cordium, quæsumus, ut bonum quod a nobis a te requiritur, exsequamur, scilicet ut prompta tecum sollicitudine gradientes, discretionis arduæ subtile iudicium faciamus, ac misericordiam diligentes, clareamus studiis tibi placitæ actionis. Tunc ab omnibus respondeatur : Amen. Surgentibusque illis legatur Evangelium : *Vos estis sal terræ (Matth. v)*; vel : *Estote misericordes (Luc. vi)*. Post hæc per ordinem, sicut prius, in suis resideant sedibus, quos deinde alloquatur episcopus. Quibus verbis secunda die peractis, perquirantur quæ in synodo necessaria sunt, ac diligentij cura pertractentur. Hora autem sexta vel nona expleta, iterum pronuntiet archidiaconus : In nomine Domini nostri Jesu Christi eamus in pacem.

CAP. 254. — Benedictio episcopi.

Dominus mentis et linguæ corporalis et spiritualis det vobis incrementa gratiæ sacerdotalis. Amen. Atque vobis ad dexteram constitutis participium regni tribuat cælestis. Amen. Quod ipse præstare dignetur qui nos ante, etc.

CAP. 255. — Actio tertiæ diei. Tertia deinde die omnibus, sicut supradictum est, expletis, ecclesiam ingressis, hanc item orationem ipsis incurvatis dicat episcopus.

Ad te, Domine, interim clamosis vocibus proclamantes, unanimiter postulamus, ut respectu gratiæ tuæ solidati, præcones virtutis efficiamur intrepidi, tuumque valeamus verbum cum omni fiducia loqui. Et respondeatur ab omnibus : Amen. Et surgentibus cunctis iterum legatur Evangelium : *Ego sum pastor bonus (Joun. xi)*. Post hæc per ordinem resideant in sedibus suis, quos iterum alloquatur episcopus. Illis taliter prælibatis, cætera quæ in synodo sunt necessaria pertractentur. Quibus omnibus expletis, hanc orationem super cunctos clericos dicat episcopus,

CAP. 256. — Oratio.

Nulla est, Domine, humanæ conscientiæ virtus, quæ inoffense possit tuæ voluntatis iudicia expedire. Et ideo quia *imperfectum nostrum viderunt oculi tui (Psal. cxxxviii)*, perfectioni deputa, quæ perfecto æquitatis sine a te concludere præoptamus. Te ita-

que in nostris principiis occursum exoravimus, te quoque in hoc fine iudiciorum nostrorum excessibus adesse precamur, scilicet ut ignorantiae parcas, errori indulgeas, perfectis votis perfectam operis efficaciam largiaris. Et quia conscientia remordente tabescimus, ne aut ignorantia traxerit nos in errorem, aut præceps forsitan voluntas impulerit iustitiam declinare. Ob hoc te poscimus, te rogamus, ut si quid offensionis in hac synodali celebritate attraximus, condonare ac remissibile facere digneris, ut qui soluturi sumus aggregatam synodum, a cunctis primum absolvamur nostrorum nexibus delictorum, qualiter et transgressores veniam, et contentes tibi consequamur remunerationem sempiternam. Amen.

CAP. 257. — *Huic orationi oratio paterna adiungatur, cunctis interim incurvatis. Benedictio episcopi et finis concilii.*

Omnipotentis Dei Filius, qui est initium et finis complementum vobis tribuat charitatis. Amen. Et qui vos ad expiationem huius fecit pervenire synodi, absolutos vos faciat ab omni contagione delicti. Amen. Ut ab omni reatu liberiores effecti, absoluti etiam per donum sancti Spiritus, felici reditu vestrarum sedium cubilia repetatis illæsi. Amen. Quod ipse, etc. Quibus omnibus expletis, archidiaconus dicat: In nomine Domini nostri Jesu Christi eamus cum pace. Tunc omnes pariter surgant, et ad propria redeant cum pace.

DECRETI PARS QUINTA

De primatu Romanæ Ecclesiæ, et de jure primatum, et metropolitanorum, atque episcoporum; et de ordinatione eorum; et de sublimitate episcopali.

CAP. 1. — *Unde cœperit ordo sacerdotalis. Anacletus in secundo decretali suo (epist. 2. ad episc. Italiæ).*

(*Dist. 21, c. In Novo Testamento.*) In Novo Testamento, post Christum Dominum, a Petro sacerdotalis cœpit ordo, quia ipsi primo pontificatus in Ecclesia Christi datus est, dicente Domino ad eum: *Tu es, inquit, Petrus, et super hanc petram ædificabo Ecclesiam meam, et portæ inferi non prævalent adversus eam, et tibi dabo claves regni caelorum (Matth. xvi).* Illic ergo ligandi solvendique potestatem primus accepit a Domino, primusque ad fidem populum virtute suæ prædicationis adduxit. Cæteri vero apostoli cum eodem pari consortio honorem et potestatem acceperunt. Ipsumque principem eorum esse voluerunt; qui etiam, jubente Domino, in toto orbe terrarum dispersi Evangelium prædicaverunt (*Matth. xxviii*). Ipsi quoque decedentibus, in loco eorum surrexerunt episcopi, quorum ordinatio prætaxato fieri debet ordine et modo. Quos qui recipit et verba eorum, Dominum recipit; qui autem spernit eos, eum a quo missi sunt, et cujus funguntur legatione, spernit, et ipse indubitanter spernitur a Domino (*Luc. x*). Videntes autem ipsi apostoli messem esse multam, et operarios paucos, rogaverunt dominum mittere, ut mitteret operarios in messem suam (*ibid.*). Unde electi ab eis sunt septuaginta discipuli, quorum typum gerunt presbyteri, atque in eorum loco sunt constituti in Ecclesia. De quorum ordinatione et reliquorum ministrorum, supra dixisse sufficiat.

CAP. 2. — *Quæ sit prima sedes. Anacletus in tertio decretali suo (epist. 3 ad omnes episcopos).*

(*Dist. 22, c. Sacrosancta.*) Prima sedes est celesti beneficio Romana Ecclesia, quam, ut memoratum

B est, beatissimi Petrus et Paulus suo martyrio consecrarunt. Secunda autem sedes apud Alexandriam, quæ beati Petri nomine a Marco ejus discipulo atque evangelista consecrata est, quia ipse et in Ægypto primum verbum veritatis directus a Petro, prædicavit, et gloriosum suscepit martyrium; cui successit venerabilis Abilius [Anianus et post hunc Abilius]. Tertia vero sedes apud Antiochiam ejusdem beati Petri apostoli habetur honorabilis, quia illie priusquam veniret Romam habitavit (*Act. xi*), et Ignatium episcopum constituit, et illic primum nomen Christianorum novellæ gentis exortum est.

CAP. 3. — *De appellatione. Omnibus in Christo dilectis fratribus. Sixtus a Petro sextus in primo decretali suo (epist. 2, c. 2).*

(*2, q. 6, c. Si quis vestrum.*) Si quis vestrum pulsatus fuerit in aliqua adversitate, licenter hanc sanctam apostolicam appellet sedem, et ad eam quasi ad caput suffugium habeat, ne innocens damnetur, aut Ecclesia sua detrimentum patiat. Si autem necesse ei evenerit, eamque minime appellare voluerit, et vocatus tamen ab hac sede fuerit, non renuat venire, sed confestim ut ei nuntiatum fuerit, venire festinet, et causas pro quibus vocatus est prædenter disponat, atque si necesse aliquid corrigere fuerit, cum his quos hic primum invenerit, corrigat. Ad ecclesiam tamen suam non prius revertatur, quam hinc litteris apostolicis vel formatis pleniter instructus atque purgatus sit, si fuerit unde. Et postquam domum reversus fuerit, cognoscant vicini sui qualiter hic suam aliorumque causam finierit, quatenus eam absque aliqua ambiguitate nuntiare et prædicare omnibus possit. Ab hac enim sancta sede, a sanctis apostolis tueri, defendi et liberari episcopi jussi sunt, ut sicut eorum dispo-

sitione, ordinante Domino, primitus sunt constituti; A hic hujus sanctæ sedis, cujus dispositioni eorum causas et judicia servaverunt, protectione, futuris temporibus sint ab omnibus adversitatibus [perversitatibus] semper liberi. Unde culpantur hi qui aliter circa fratres egerint, quam hujus sedis rectoribus placere cognoverint. His taliter consideratis, atque cum reliquis episcopis decretis tanquam omnium curam gerentes, propter sedis propriæ apicem decernimus, ut nemo pontificum aliquem suis rebus exspoliatum episcopum, aut a sede pulsum excommunicare aut judicare præsumat, quia non est privilegium quo exspoliari possit jam nudatus. Si quis autem aliter præsumpserit agere, sciat censuram hujus sedis cum omnibus membris suis sibi non desse venturam.

CAP. 4. — *Item de eodem, et quod non licet diffiniri causam accusati episcopi inconsulto Romano pontifice. Victor papa XIII a Petro in primo decretali suo (ep. 1, c. 3).*

(3, q. 6, c. *Accusatus.*) Placuit ut accusatus vel judicatus a comprovincialibus in aliqua causa episcopus licenter appellet et adeat apostolicæ sedis pontificem, qui aut per se, aut per vicarios suos ejus retractari negotium procuret. Et dum iterato iudicio pontifex causam suam agit, nullus alius in ejus loco ponatur, aut ordinetur episcopus; quoniam quanquam comprovincialibus episcopis accusati causam pontificis scrutari liceat, non tamen diffinire inconsulto Romano pontifice permissum est. Et alibi in statutis apostolicis legitur (2, q. 6, c. *Si quis putat.*): Si quis putaverit se a proprio metropolitano gravari, apud patriarcham, vel primatem diocesis, aut penes universales apostolicæ Ecclesiæ iudicetur selem. Nihil aliud est, fratres, talis præsumptio, nisi apostolorum suorumque successorumque terminos transgredi, eorumque decreta violare.

CAP. 5. — *Quod sacerdotalis dignitas excellit imperialem. Gregorius Nazianzenus de ipsis imperatoribus loquitur (in oratione ad cives Nazianzenos).*

(*Dist. 10, cap. Suscipitane.*) Suscipitane libertatem verbi? Libenter accipitis quod lex Christi sacerdotali vos subiecit potestati, atque istis tribunalibus subdidit? Dedit enim et nobis potestatem, cedit et principatum multo perfectiorem principatibus vestris. Aut nunquid justum vobis videtur, si cedat spiritus carni? si a terrenis cœlestia superentur? si divinis preferantur humana?

CAP. 6. — *Quod Petro Dominus inter discipulos primatum contulit, ut sic ad Ecclesiam diffunderetur. Beatissimus Leo papa I universis Viennensis provinciæ episcopis (ep. 87).*

(*Dist. 19, c. Ita Dominus.*) Ita Dominus noster Jesus Christus humani generis Salvator instituit ut veritas, quæ antea legis et prophetarum præconio continebatur, per apostolicam tubam in salutem universitatis exiret, sicut scriptum est: *In omnem terram exiit sonus eorum, et in fines orbes terræ verba eorum (Psal. xviii).* Sed hujus muneris sacramentum ita Dominus ad omnium apostolorum offi-

cium pertinere voluit, et in beatissimo Petro apostolorum omnium summo principaliter collocaret, ut ab ipso quasi quodam capite dona sua velut in corpus omne diffunderet, ut exsortem se ministerii [mysterii] intelligeret esse divini, qui ausus fuisset a Petri soliditate discedere. Hunc enim in consortium individuae unitatis assumptum, id quod ipse erat voluit nominare dicendo: *Tu es Petrus, et super hanc petram ædificabo ecclesiam meam (Matth. xvi)*, ut æterni templi ædificatio mirabili munere gratiæ Dei in Petri soliditate consisteret. Hanc Ecclesiam suam firmitate corroborans, ut illam nec humana temeritas posset appetere, nec portæ inferi contra illam prævalerent. Verum hanc petri istius sacratissimam firmitatem Domino, ut diximus,

B ædificante constructam, nimis impia vult præsumptione violare, quisquis ejus potestatem tentat infringere, favendo cupiditatibus suis, et id quod accipit a veteribus, non sequendo.

CAP. 7. — *Quod imperatori non sit obediendum, si aliquid præcepit contra Deum. Augustinus in psalmos (Psal. cxxiv, ad versiculum: Quoniam non ac-relinquet virgam).*

(11, q. 3, c. *Imperatores.*) Julianus existit infidelis imperator, nonne existit apostata, iniquus idololatra? Milites Christiani servierunt imperatori infideli. Ubi veniebat ad causam Christi non agnoscebant, nisi illum qui in celo erat. Quando volebat ut idola colerent, ut thurificarent, præponebant illi Deum. Quando autem dicebat: *Producite aciem*, ite contra illam gentem, statim obtemperabant. Distinguebant Dominum æternum a domino temporali, et tamen subditi erant propter Dominum æternum etiam domino temporali.

CAP. 8. — *Non posse quemquam superiorem ab his qui inferioris dignitatis, vel ordinis sunt judiciariis submitti diffinitionibus. Nicolaus dilecto filio Michaeli a Deo dilecto semper Augusto (ep. 2, vol. 8).*

(*Dist. 21, c. Nunc autem.*) Nunc autem divina inspiratione non nos pigebit, nec nobis impossibile erit ostendere vobis, si tamen audire velitis, non posse quemquam rite ab his qui inferioris dignitatis vel ordinis sunt, judicialibus submitti diffinitionibus. Si quidem tempore Diocletiani et Maximiani Augustorum, Marcellinus episcopus urbis Romæ, qui D postea insignis martyr effectus est, adeo compulsus est a paganis, ut templum eorum ingressus grana thuris super prunas imponeret. Cujus rei gratia collecto numerosorum episcoporum concilio, et inquisitione facta, hoc se idem pontifex egisse confessus est, nullus tamen eorum proferre sententiam [in eum] ausus est, dum ei sæpissimè omnes perhiberent: *« Tuo ore judica causam tuam, non nostro iudicio. Noli, aiunt, audiri in nostro iudicio, sed collige in sinu tuo causam tuam. » Et rursus: « Quoniam ex te (inquiunt) justificaberis, aut ex ore tuo condemnaberis (Matth. xii). » Et iterum dicunt: « Prima sedes non iudicabitur a quoquam. » Item in eadem. Sed et cum quidam tempore quodam, contra Sixtum papam tentassent quædam mali [non*

boni] rumoris obijcere, et in consilio, cui et Valentinianus Augustus intererat, dictum fuisset non licere adversus pontificem dare sententiam, surrexit idem protinus imperator, et in arbitrio præfati pontificis tribuit judicare judicium suum. Etenim nullus pontificum minorum vel inferiorum urbium subactus iudiciis invenitur. *Item in eadem. (Dist. 21, c. In tantum.)* In tantum autem hanc præsumptionem sancti Patres apud Chalcedonem detestati sunt, ut Dioscorum Alexandrinum antistitem inter cætera idcirco potissimum sine ulla restitutione damnaverint; quia ponens in cælum os suum et lingua ejus transeunte super terram (*Psal. LXXII*), excommunicationem in sanctum papam Leonem dictavit: ita ut in sententia contra ipsum prolata hoc videantur memorare præcipue dicentes, quoniam secundus excessus [secundis excessibus] priorem iniquitate valde transcendit. Præsumpsit enim excommunicationem dictare adversus sanctissimum et beatissimum archiepiscopum magnæ Romæ Leonem. Nunquid inquisitionem legimus fuisse factam, utrum juste an injuste, Dioscorus ipsa excommunicationem dictasset? Non plane, sed absque omni controversia hoc in eo multati [ulti] sunt, quia cum esset inferior, potiore quibuslibet conatus est læssere injuriis [contumeliis], teste Anatolio Constantinopolitano præsule qui dicit: Propter fidem non est damnatus Dioscorus, sed quia excommunicationem fecit domino archiepiscopo Leoni.

CAP. 9. — *Romanam sedem de tota Ecclesia judicare, ipsam vero ad nullius commere judicium. Gelasius I Fausto magistro fungenti legationis officio Constantinopoli (epist. 4).*

(9, q. 3, c. *Ipsi sunt canones.*) Nobis opponunt canones, dum nesciunt quid loquantur. Contra quos hoc ipso venire se produunt, quod primæ sedi sana rectaque suadenti parere diffugiunt. Ipsi sunt canones, qui appellationes totius Ecclesiæ ad hujus sedis examen voluere deferri; ab ipsa vero nusquam prorsus appellari debere sanxerunt, ac per hoc illam de tota Ecclesia judicare, ipsam ad nullius commere judicium, nec de ejus unquam præceperunt iudicio judicari, sententiamque illius constituerunt oportere dissolvi, cujus potius sequenda decreta mandaverunt. In hac ipsa causa, Timotheus Alexandrinus et Petrus Antiochenus, Petrus, Paulus, Joannes et cæteri non solum unus, sed plures utique nomen sacerdotii præferentes, solæ sedis apostolicæ sunt auctoritate dejecti. *Post pauca. (Dist. 22, c. Qua traditione.)* Qua traditione majorum, apostolicam sedem in iudicium vocant? An secundæ sedis antistites, et tertiz, cæterique bene conscii sibi sacerdotes depelli debuerunt, et qui religionis existit inimicus, depelli non debuit? Viderint ergo si alios habent canones, quibus suas ineptias exsequantur. Cæterum isti qui ecclesiastici, qui legitimi celebrantur, sedem apostolicam ad iudicium vocare non possunt. Et Constantinopolitanæ episcopus civitatis, quæ utique per canones inter sedes nullum nomen acce-

pit, in communionem recidens perfidorum, non debuit submoveri?

CAP. 10. — *De eodem, in quinta synodo Symmachi papæ (in libro Ennodii de 4 et 5 synodis Romanis).*

(9, q. 3, c. *Aliorum.*) Aliorum forte hominum causas Deus voluit per omnes terminare, sed sedes istius præsulum suo sine quæstione reservavit arbitrio. Voluit beati Petri apostoli successores cælo tantum debere innocentiam, et subtilissimi discussoris indagini inviolatam exhibere conscientiam.

CAP. 11. — *Quod vicarii Romanæ sedis non habeant plenitudinem apostolicæ potestatis. Gregorius IV Galliæ, Europæ, Germaniæ episcopis.*

B Romana Ecclesia vices suas ita aliis impertivit Ecclesiis, ut in partem sint vocatæ sollicitudinis, non in plenitudinem potestatis. Proinde dilectio vestra, quorum devotione gaudemus, jungat curam suam dispositionibus nostris. *Et post plura.* Nec pigeat forte, aut pudeat nostris obedire mandatis, aut apostolicæ sedis obsecundare præceptis, quia humilibus datur gratia, non superbis (*Jac. IV*). (*Dist. 19, cap. Nulli fas est.*) Nam nulli fas est, vel velle, vel posse [velleve posse] transgredi apostolicæ sedis præcepta, nec nostræ dispositionis ministerium, quod vestram oportet sequi charitatem. Sit ergo ruinæ suæ dolore prostratus, quisquis apostolicis voluerit contraire decretis, nec locum deinceps inter sacerdotes habeat, sed extorris sit a sancto ministerio; nec de ejus iudicio postea quisquam curam habeat, quoniam jam damnatus a sancta et apostolica sede, hac auctoritate pro sua inobedientia atque præsumptione, a quoquam esse non dubitatur; quia majoris excommunicationis dejectione est exigendus cui sanctæ Ecclesiæ fuerit commissa disciplina. qui non solum præfatæ sanctæ Ecclesiæ jussionibus parere debuit, sed etiam alios ne præterirent, insinuare. Sitque alienus a divinis et pontificalibus officiis, qui noluit præceptis obtemperare apostolicis.

CAP. 12. — *Non esse convocandam generalem synodum sine præcepto papæ. Pelagius II papa episcopis Constantinopoli congregatis.*

D Relatum est enim ad apostolicam sedem, Joannem Constantinopolitanum episcopum universalem se scribere, vosque ex hac præsumptione ad synodum convocasse generalem: cum generales synodos convocandi auctoritas apostolicæ beati Petri apostoli sedi singulari privilegio sit tradita, et nulla unquam synodus rata, quæ apostolica auctoritate non fuerit fulta. Quapropter quidquid in prædicto vestro conventiculo, (quia synodus taliter præsumpta esse non potuit) statuistis, ex auctoritate sancti Petri apostolorum principis, et Domini Salvatoris voce, qua beato Petro potestatem ligandi et solvendi ipse salvator dedit (*Matth. XVI*), quæ etiam potestas in successoribus ejus indubitanter transivit, præcepto omnia quæ ibi statuistis vana et cassata esse; ita ut deinceps nunquam appareant, nec ventilentur [sed mutantur]. *Post pauca.* Quapropter charitas vestra

neminem unquam suis in epistolis universalem A nominet, ne sibi debitum subtrahat, cum alteri honorem offert indelictum.

CAP. 13. — *Quod solo Romano pontifici liceat de qualibet Ecclesia, si voluerit, clericum ordinare. Stephanus Walberto patriarchæ.*

Miramur prudentiam tuam Cumensi Ecclesiæ denegare consecrare pastorem, cum te jam ad hoc provocatum noveris apostolica exhortatione. Sic enim in ejus electione quod [forte, quid] tibi displicuit sacris canonibus interdictum, apologeticis litteris tuis respondere nobis debueras. Nunc vero iterato tibi scribimus, nolentes alicujus Ecclesiæ privilegium infringere, licet apostolica prærogativa possimus de qualibet Ecclesia clericum ordinare, Desine jam cuiuspiam zelo electum a clero et expe- B titum a populo Lintwardum [Litwardum] Cumensi Ecclesiæ antistitem protelare; quia si protelaveris, et eum consecrare toties monitus non maturaveris, cum ad nos venerit, procul dubio consecratus abibit, quia licet apostolica auctoritate id facere valeamus, tuo tamen incitatur exemplo, qui transgressis terminis tibi commissis, in Ecclesia Salonensi episcoporum ordinare ad indecentiam apostolicæ sedis præsumpsisti, quod quantæ prævaricationis sit ipse perpende.

CAP. 14. — *Quod electio et consecratio Romani pontificis juste et canonice fieri debeat. Leo IV Lothario et Ludovico Augustis.*

(Dist. 63, cap. Inter nos.) Inter nos et vos pacti serie statutum est et confirmatum quod electio et consecratio futuri Romani pontificis non nisi juste et canonice fieri debeat. C

CAP. 15. — *In potestate papæ esse injuste damnatos vel excommunicatos restituere. Anastasius patriarcha Felici papæ (inter epist. Felicis I, ep. 1).*

(9, q. 3, e. Fuit semper.) Fuit semper vestræ apostolicæ sedi licentia injuste damnatos vel excommunicatos potestative sua auctoritate restituere, et sua eis omnia reddere, et illos qui eos condemnaverunt aut excommunicaverunt, apostolico punire privilegio, sicut etiam nostris et anterioribus cognovimus actum temporibus. Item (9, q. 3, c. Antiquis.) Antiquis regulis censitum [sancitum] est, ut quidquid quamvis in remotis aut in longinquo positis provinciis, super episcoporum querelis aut accusationibus ageretur, non prius tractandum vel accipiendum esset, quam ad notitiam almæ sedis vestræ esset deductum, ut hujus auctoritate juxta quod fuisset pronuntiatio infirmaretur aut firmaretur.

CAP. 16. — *Quod in electione Romani pontificis legati imperatoris non sunt expectandi. Gregorius II.*

(Dist. 63, c. Adrianus.) Cum Adrianus secundus ad Romanum pontificatum ab ecclesia Dei Genitricis dominæ nostræ, quæ dicitur ad Præsepe, trahe- retur ad Lateranense patriarchium, certatim a clero et proceribus et plebe deportatus est. Quod audientes missi Ludovici imperatoris moleste tulerunt et indignati, scilicet quod dum præsentibus essent, non invitati fuerunt, nec optatæ a se futuri præsulis ele-

ctioni interesse meruerunt. Qui accepta ratione, quod non causa contemptus Augusti, sed futuri temporis prospectu omissum hoc fuerit, ne videlicet legatos principum in electionem Romanorum pontificum [præsulum] expectandi mos per hujusmodi fomitem inolesceret, omnem indignationem medullitus sedaverunt, et ad salutandum electum etiam ipsi humiliter accesserunt.

CAP. 17. — *Quod semper minor a majore benedictionem petere debeat. Nicolaus papa, Michaeli imperatori (epist. 2, vel 8).*

(Dist. 21, c. Denique.) Denique si in Epistola ad Hebræos legimus quod minor a majore benedicatur (Hebr. vii), restat profecto ut, exigente ratione, etiam maledicatur. Si quidem prænoscentes hæc periculosa tempora illi qui ante nos fuerunt, providam in Ecclesiis tradiderunt consuetudinem, hodieque in Romana Ecclesia, quæ magistra est omnium Ecclesiarum imprætermisere servatur, ita ut nullus sacerdos majore suo non innuente consacerdote cuiuslibet rei benedicere nitatur; sed [si] et anterior stans ad pronuntiandam aliquam lectionem, benedictionem quidem postulat, sed ei quilibet inferior non audet benedicere. Cur hoc? Nunquid benedicere peccatum est? Absit! De maledicis enim, non de benedicis dicit Apostolus, quia regnum Dei non possidebunt (I Cor. vi). Sed per hoc innuitur quantæ censuræ freno inferiores quique ad suos judicandos præpositos coercendi sunt, si hi nec etiam benedicendi jus nullum penitus obtineant.

CAP. 18. — *Non esse attendendum quales sacerdotes sint, sed quid de Domino loquantur. Nicolaus papa Michaeli imperatori (ibid.).*

(1, q. 1, c. Non quales.) Non quales sacerdotes Domini, sed quid de Domino loquantur, est vobis magno providendum, nec in vicariis beati Petri apostoli vobis est attendendum qui sint, sed quid pro correctione ecclesiarum, quid pro salute vestra sotagant. Nec enim illos inferiores dicetis Scribis et Phariseis sedentibus super cathedram Moysi, de quibus Dominus præcepit dicens: *Quæcunque tixerint vobis facite, secundum opera vero eorum nolite facere (Matth. xxiii).* Ergo, imperator, considera si illos dixit audiendos, qui super cathedram Moysi sedebant, quanto potius qui super cathedram Petri resident esse existimas obaudiendos? D

CAP. 19. — *Quod apostolicæ sedis iudicium a nemine sit retractandum. Item Nicolaus eidem.*

(9, q. 3, c. Patet.) Patet profecto sedis apostolicæ (cujus auctoritate major non est) iudicium a nemine fore retractandum, neque cuiquam de ejus liceat judicare iudicio, juxta quod Bonifacius papa Ruffo et cæteris episcopis per Thessaliam constitutus scribens: « Nemo, ait, unquam apostolico culmini (de cujus iudicio non licet retractare) manus obvias audacter intulit, nemo in hoc rebellis exstitit, nisi qui de se voluit iudicari. » Et beatus papa Gelasius: « Nec de ejus (id est Romanæ Ecclesiæ) canones unquam præceperunt judicare iudicio, nec sententiam illius constituerunt overtere dissolvi, cujus potius

sequenda decreta mandaverunt. Ergo de iudicio Romani præsulis non retractando, quia nec mos exigit quod diximus comprobato, non negamus eisdem sedis sententiam posse in melius commutari: cum aut subreptum aliquid fuerit, aut ipsa pro consideratione ætatis, et temporum seu gravium necessitatum dispensatione quiddam ordinare decrevit; quoniam et egregium Paulum apostolum quædam fecisse dispensatorie legimus, quæ postea reprobasse legitur. Quod tamen observandum est, quando illa Romana videlicet Ecclesia, discretissima consideratione fieri delegerit, non quando ipsa quæ bene sunt definita retractare renuerit [voluerit].

CAP. 20. — *Quod « Gloria in excelsis, » ab episcopis in Cœna Domini dicendum sit. Idem Radulpho Bithuricensi archiepiscopo (ep. 19, c. 7).*

(*De cons., dist. 1, c. Porro « Gloria. »*) Porro *Gloria in excelsis Deo*, ab episcopis in Cœna Domini inter missarum solemniam more nostro dicenda est. Pallio vero apostolico eadem die uti illis solis est licitum, quibus est ab apostolica sede permittitur.

CAP. 21. — *De primatu Romanæ Ecclesiæ. Leo IV Carolo regi.*

(16, q. 6, c. *Si fortassis.*) Si fortasse (quod non credimus) apud vos inutiles iudicamur, Ecclesia tamen, cui permittente Domino præsidemus, non inutilis; sed caput principiumque omnium merito simul ab omnibus vocatur.

CAP. 22. — *Quod in præsentia legatorum imperatoris Leo papa causam suam examinari voluerit. Idem Nicolaus imperatori.*

(2, q. 7, c. *Nos si incompetenter.*) Nos si incompetenter aliquid egimus, et in subditis justæ legis gravitatem non conservavimus, vestro ac missorum vestrorum cuncta volumus emendare iudicio; quoniam si nos qui aliena debemus corrigere peccata committimus, certe non veritatis discipuli, sed, quod dolentes dicimus, erimus præ cæteris erroris magistri. Inde magnitudinis vestræ magnopere clementiam imploramus, ut tales ad hæc quæ diximus perquirenda, missos in his partibus dirigatis, qui Deum per omnia timeant, et cuncta, quemadmodum si vestra præsens fuisset imperialis gloria, diligenter exquirant; et non tantum hæc sola, quæ superius diximus, querimus, ut ex amussim exagitent, sed sive minora, sive etiam majora illis sint de nobis indicata negotia, ita eorum cuncta legitimo terminentur examine, quatenus in posterum nihil sit quod ex his indiscussum vel indefinitum remaneat.

CAP. 23. — *Quod nulli mortalium præsumendum est Romanum pontificem etiam graviter delinquentem redarguere. Ex Gestis Bonifacii martyris legati Romanæ Ecclesiæ.*

(*Dist. 40, c. Si papa.*) Si papa suæ et fraternæ salutis negligens, deprehenditur inutilis et remissus in operibus suis, et insuper a bono taciturnus, quod magis officit sibi et omnibus, nihilominus innume-

PATROL. CLXI.

rabiles populos catervatim secum ducit, primo mancipio gehennæ cum ipso, plagis multis in æternum vapulatueros. Hujus culpas istic redarguere præsumit mortalium nullus, quia cunctos iudicaturus ipse a nemine est iudicandus, nisi deprehendatur a fide devius, pro cuius perpetuo statu universitas fidelium tanto instantius orat, quanto suam salutem post Deum, ex illius incolunitate animadvertunt propensius pendere.

CAP. 24. — *Apostolatus principatum omnibus præferendum. Augustinus, cap. 1 lib. II De unico baptism. contra Donatistas.*

(2, q. 7, c. *Puto quod sine.*) Puto quod sine ulla sui contumelia Cyprianus episcopus Petro apostolo comparatur, quantum attinet ad martyrii coronam. Cæterum magis vereri debeo, ne in Petrum contumeliosus existam. Quis enim nescit illum apostolatus principatu cuilibet episcopatu præferendum. Sed etiamsi distat cathedrarum gratia, una tamen est martyrii gloria. *Ibidem paulo inferius.* Cum Petrus a Paulo posteriore corrigatur [corrigitur], et pacis atque unitatis vinculo custodito ad martyrium promovetur, quanto facilius et fortius quod per universæ Ecclesiæ statuta firmatum est, vel unius episcopi auctoritati, vel unius provinciæ concilio præferendum est.

CAP. 25. — *Nullum se a societate Petri segregare debere. Beda super Matthæum (homil. de festo Apost. Petri et Pauli).*

(24, q. 1, c. *Quicumque ab unitate.*) Quicumque ab unitate fidei vel societatis Petri apostoli quolibet modo semetipsos segregant, tales nec vinculis peccatorum absolvi nec januam possunt cælestis regni ingredi.

CAP. 26. — *Præfatio Nicæni concilii de primatu Romanæ sedis.*

Beatissimo Silvestro in urbe Roma apostolicæ sedis antistite. Augusto Constantino et Licinio Cæsare, consulatu Paulini et Juliani virorum clarissimorum, anno ab Alexandro millesimo trigesimo sexto [306], mense Junio XIII Kalendas Julii propter insurgentes hæreses fides catholica exposita est apud Nicænam Bithyniæ, quam sancta et reverendissima Romana complectitur et veneratur Ecclesia, quippe quam trecenti decem et octo Patres medianibus Victore atque Vincentio religiosissimis Romanæ sedis presbyteris, inspirante Deo, ad obstruenda [destruenda] Arii venena protulerunt. (*Vide etiam Anacleti, ep. 3.*) Nam et nonnullæ regulæ subnexæ sunt, quas memorata suscipiens confirmavit Ecclesia. (*Dist. 22, c. Sacrosancta.*) Sciendum est sane ab omnibus Catholicis quoniam sancta Romana Ecclesia nullis synodis decretis prælata est, sed evangelica voce Domini et Salvatoris nostri primatum obtinuit, ubi dixit beato Petro apostolo: *Tu es Petrus, et super hanc petram ædificabo Ecclesiam meam, et portæ inferi non prævalebunt adversus eam; et tibi dabo claves regni cælorum; et quæcunque ligaveris super terram, erunt ligata et in cælo, et quæcunque*

solveris super terram, erunt soluta et in cælo (Matth. xvi). Adhibita est etiam societas in eadem urbe Romana beatissimi apostoli Pauli, vasis electionis, qui uno die unoque tempore gloriosa morte cum Petro, sub principe Nerone agonizans coronatus est, et ambo pariter sanctam ecclesiam Romanam Christo Domino consecraverunt; aliisque omnibus urbibus in universo mundo eam sua præsentia atque venerando triumpho prætulere. Et licet pro omnibus assidua apud Deum sanctorum omnium fundatur oratio, his tamen verbis Paulus beatissimus Romanis proprio chirographo pollicetur dicens: *Testis enim mihi est Deus, cui servo in spiritu meo in Evangelio Filii ejus, quod sine intermissione memoriam vestri facio semper in orationibus meis (Rom. 1).* Prima ergo sedes est cælesti beneficio Romanæ Ecclesiæ, quam beatissimi apostoli Petrus atque Paulus suo martyrio dedicaverunt. Secunda autem sedes apud Alexandriam, beati Petri nomine a Marco ejus discipulo atque evangelista consecrata est: quia ipse et in Ægypto primum verbum veritatis directus a Petro prædicavit, et gloriosum suscepit martyrium, cui venerabilis successit Abilius [Anianus, et post hunc Abilius]. Tertia vero sedes apud Antiochiam, ejusdem beati Petri apostoli habetur honorabilis, quia illic priusquam Romam veniret, habitavit, et Iguatium episcopum constituit, et illic primum nomen Christianorum novæ gentis exortum est. Nam et Hierosolymitanus episcopus pro tanti loci reverentia, ab omnibus habetur honorabilis, maxime quoniam illic primus beatissimus Jacobus, qui dicebatur justus, qui etiam secundum carnem frater Domini nuncupatus est, a Petro, Jacobo et Joanne apostolis episcopus est ordinatus. Itaque secundum antiquorum Patrum definitionem, sedes prima in Hierosolymis esse minime dicitur, ne forte ab infidelibus aut idiotis sedes Domini nostri Jesu Christi, quæ in cælo est, in terra esse putaretur. Est enim sedes ejus cælum, terra autem scabellum pedum ejus (Isai. lvi), quoniam ipse est per quem omnia facta sunt, et sine quo factum est nihil (Joan. 1), quoniam ex ipso et per ipsum, et in ipso sunt omnia, ipsi gloria in sæcula sæculorum (Rom. xi). Apud Ephesum vero beatissimus Joannes apostolus et evangelista multo tempore post Domini resurrectionem et ascensionem in cælo [Domini nostri Jesu Christi commoratus est, ibique etiam] Evangelium divina inspiratione conscripsit, atque requievit, et ob hoc episcopus Ephesinus pro tanti apostoli et evangelistæ memoria cæteris episcopis metropolitanis in synodis honorabiliorem obtinet sedem [locum].

CAP. 27. — *Quod legati Romani pontificis in causis episcoporum examinandis, funguntur auctoritate ejus a quo missi sunt. Ex concilio Sardicensi 1, cap. 7.*

(2, q. 6, c. Si quis episcopus.) Osius episcopus dixit: Et hoc placuit, ut si episcopus accusatus fuerit, et omnes judicaverint episcopi congregati regionis illius, et de gradu suo dejecerint eum, si appel-

averit qui dejectus videtur [est], et confugerit ad beatissimum Romanæ Ecclesiæ episcopum, et voluerit se audiri, si justum putaverit ut renovetur examen, scribere his episcopis dignetur Romanus episcopus qui in finitima et propinqua [altera], vel qui in altera provincia sunt, ut ipsi diligenter omnia requirant, et juxta veritatis fidem definiant. Quod si is qui rogat causam suam iterum audiri, deprecatione sua monuerit episcopum Romanum, ut de latere suo presbyteros mittat, erit in potestate ipsius quid velit et quid æstimet. Et si decreverit mittendos esse, qui præsentem cum episcopis judicent, habeant etiam potestatem [auctoritatem] personæ illius, a quo destinati sunt, quod erit in ejus arbitrio. Si vero crediderit sufficere episcopos provinciales, ut negotio terminum imponant, faciet quod sapientissimo concilio suo judicaverit.

CAP. 28. — *Item quod legatus vice ejus fungitur a quo missus est. Ex concilio Carthaginensi vi cap. 3.*

Aurelius episcopus dixit: Proferatur commonitorium quod fratres et sacerdotes nostri Actis nuper allegaverunt, et cætera quæ acta sunt, vel quæ agenda sunt subsequantur. Daniel notarius recitavit commonitorium. Fratri Faustino, et filiis Philippo et Asello presbyteris, Zosimus episcopus: Vobis commissa negotia non latent. Vos ita, ut nostra, imo quia nostra ibi in vobis præsentia est, cuncta peragite, maxime cum et hoc nostrum possitis habere mandatum, et verba canonum quæ in pleniorum firmitatem huic commonitorio inscripsimus. Ita enim dixerunt dilectissimi fratres in concilio Nicæno, cum de episcoporum appellatione decernerent.

CAP. 29. — *Quod episcoporum sententiæ apostolica auctoritate roborari debeant. Ex concilio eodem, c. 5.*

Faustinus episcopus, legatus Ecclesiæ Romanæ dixit: Nec vestra sanctitas præjudicat Ecclesiæ Romanæ, sive de hoc capitulo, sive de aliis; quia dicere dignatus est frater noster et coepiscopus Alipius, dubios esse canones. Sed hæc ipsa ad sanctum ac beatissimum papam nostrum scribere dignemini, ut et ipse integros canones inquirens, cum vestra sanctitate de omnibus constitutis tractare possit. Sufficit autem ut et ipse beatissimus episcopus urbis Romæ, sicuti vestra sanctitas apud se tractat, ita et ipse inquiret, ne contentio inter Ecclesias nasci videatur, sed magis charitate fraterna deliberare possitis, ipso rescribente, quid melius observari debeat. Aurelius episcopus dixit: Præter ista quæ præmisimus [prompsimus: alias promissimus] actis, necesse est ut etiam nostræ parvitatibus [paternitatibus] litteris sancto fratri et consacerdoti nostro Bonifacio, singula quæ tractamus plenissime intimemus. Ergo si omnibus placet prosecutio nostra, ore omnium condiscamus. Universum concilium dixit: Placet.

CAP. 30. — *Quod dubia ad sedem Romanam perferenda sint. Item, cap. 8.*

Faustinus episcopus legatus Ecclesie Romanae dixit: Adhuc secundum professionem sanctitatis vestrae, tam sancti Alipii, quam etiam fratris nostri Jocuandi, aliqua firmari credo, aliqua vero firmari debeant, cum jam in dubium ipsi canones venerint. Ergo placet et nobis, et beatitudini vestrae ad sanctum et venerabilem Ecclesie Romanae Bonifacium episcopum vestra dignetur scribere sanctitas, ut et ipse quod sanctus Augustinus statuere dignatus est, deliberare possit, utrum et hoc constituendum sit, an reticendum, hoc est de appellationibus inferioris gradus. Si ergo adhuc in dubium venit de hoc capitulo, justum est ut beatissimae Romanae sedis episcopus informari debeat, si tamen in approbatis canonibus hoc inveniri possit.

CAP. 31. — *Quod Romanae sedis decreta tanquam regulae canonum admittenda sunt. Alexander II Philippo regi Francorum.*

Ignorant miseri quod hujus sanctae sedis decreta, ita pia fide a filiis matris Ecclesiae accipienda sint et veneranda, ut tanquam regulae canonum ab eisdem absque ullo scrupulo admittantur.

CAP. 32. — *De eodem. Hilarius papa Victorino, et ceteris episcopis.*

Christianorum principum lege decretum est, ut quidquid pro Ecclesiis eorumque rectoribus pro quiete omnium Domini sacerdotum, atque ipsius observantia disciplinae in auferendis confusionibus apostolicae sedis antistes suo pronuntiasset examine, veneranter accipi, tenaciterque reservari.

CAP. 33. — *Ut qui in decreta Romanorum pontificum commiserit, veniam sibi deinceps noverit negari. Nicolaus archiepiscopus per Gallias.*

(*Dist. 19, c. Si Romanorum pontificum.*) Si Romanorum pontificum [Romani pontificis] decreto ceterorum opuscula tractatorum approbantur vel reprobantur, ita ut quod sedes apostolica probavit, hodie teneatur acceptum, et quod illa repulit inefficax habeatur; quanto potius quae ipsa pro catholica fide, pro sanis dogmatibus, pro variis et multifariis Ecclesiae necessitatibus, et fidelium moribus diverso tempore scripsit, omni debentur honore praeferrī, et ab omnibus prorsus in quibuslibet opportunitatibus dispensatione vel discretione magistra, reverenter assumi; quanquam quidam vestrum scripserint, haud illa decreta praeceptorum pontificum in toto canonum codicis corpore descripta, cum ipsi ubi suae intentioni haec suffragari conspiciunt, vel indifferenter utantur, et solum nunc ad imminutionem sedis apostolicae potestatis, et ad suorum augmentum privilegiorum, minus accepta esse prohibeant. *Item, ibidem.* Si ideo non esse decretales sanctorum pontificum admittendas dicunt, quia in codice canonum non habentur ascriptae, ergo nec Gregorii sancti, nec ullius alterius qui ante ipsum fuit, vel post ipsum est aliquod institutum vel scriptum recipiendum est, ed quod in codice canonum non habetur ascriptum. Ergo doctrinas eorum et

sanctiones quae ab omni lingua venerantur, quia in codice canonum non habentur ascriptae, de codicibus suis eradant. Ut quid vel membranas occupant, postquam non habentur acceptae? Scilicet cur multum immoremur, cum nec ipsas divinas Scripturas Novi et Veteris Testamenti jam recipimus, si istos dixerimus non audiendos? Etenim neutrum horum in codice ecclesiasticorum canonum habetur insertum. Sed responsuri sunt isti, qui non ad obediendum potius, quam ad resistendum semper sunt parati, aientes: Quod inter canones inveniatur capitulum sancti papae Innocentii, cujus auctoritate doceatur a nobis utrumque Testamentum esse recipiendum, quanquam in ipsis paternis canonibus nullum eorum ex toto contineatur insertum. Quibus ad haec referendum est, quoniam si Vetus Novumque Testamentum recipienda sunt, non quod codici canonum ex toto habeantur annexa, sed quod de his recipiendum sancti Patris [papae] Innocentii prolata videatur esse sententia (*Innoc. pap. I, epist. 3 ad Exuperium c. ult.*), restat nimirum quod decretales epistolae Romanorum pontificum sunt recipiendae, etsi non sint canonum codici compaginatae; quoniam inter ipsos canones unum beati Leonis capitulum constat esse permixtum (*Leo pap. I, epist. 1, c. 5*), quo ita omnia decretalia constituta sedis apostolicae custodiri mandantur, ut si quis in illa commiserit, noverit sibi veniam denegari. Ait enim capitulo quinto suorum decretalium: Ne quid vero sit quod praetermissum forte a nobis credatur, omnia decreta constituta tam beatae recordationis Innocentii, quam omnium decessorum nostrorum, quae de ecclesiasticis ordinibus, et canonum promulgata sunt disciplinis, ita a vestra dilectione custodiri mandamus, ut si quis in illa commiserit, veniam sibi deinceps noverit denegari. Dicendo vero omnia decreta constituta, nullum praetermisit quod non mandaverit esse custodiendum: et rursus, asserendo omnium decessorum nostrorum, nullum Romanorum pontificum qui ante se fuerunt exceptit, cujus ita non praeeperit decreta constituta ab omnibus custodiri, ut si quis in illa commiserit, veniam sibi deinceps noverit denegari. Itaque nihil interest utrum sint omnia necne decreta, seu apostolica constituta inter canones conciliorum immixta, cum omnia in uno corpore compaginari non possint, et illa eis intersint quae firmitatem his quae desunt, et vigorem suum assignent, praesertim cum synodalia gesta, inter quae ipsi canones constituti sunt, in codice canonum non habeantur, sed a nobis omni cultu debito venerentur. Consonat autem huic beatissimo papae Leoni et facundissimus in decretis suis papa Gelasius (*I, cum 70 episcopis statuit*) ita inquires: «Decretales epistolas quas beatissimi papae diversis temporibus, ab urbe Roma, pro diversorum Patrum consultatione dederunt, constituimus venerabiliter suscipiendas.» In quo notandum quia non dixit: «Decretales epistolas quae inter canones habentur, nec tantum quas moderni

pontifices ediderunt; sed quas beatissimi papæ diversis temporibus, ab urbe Roma dederunt. Dictis autem diversis temporibus, et illa tempora vir sanctus comprehendit, quæ crebrescentibus paganorum persecutionibus, ad sedem apostolicam deferri causas episcoporum difficillime permittebant. His ita divina favente gratia prælatis, ostendimus nullam differentiam esse inter illa decreta, quæ in codice canonum habentur sedis apostolicæ præsulum, et ea quæ præ multitudine vix per singula voluminum corpora reperiuntur: cum omnia omniumque suorum recessorum decretalia constituta, atque decretales epistolas, quas beatissimi papæ diversis temporibus ab urbe Roma dederunt, venerabiliter fore suscipiendas, et custodiendas, eximios præsules scilicet Leonem et Gelasium mandasse præbavimus.

CAP. 34. — *Quod nulli liceat vel addere aliquid vel demere de decretis pontificum. Adrianus papa synodo apud Treacas.*

Si sedis apostolicæ præsul, vel ipsius decreta de-
testationi vel abdicationi habentur, si nullius nostrum [vestrum] vel nomen vel institutum firmum, aut stabile permanere valebit; quin potius et dogmatibus, quæ de sancta et indivisa Trinitate a præsulibus sedis apostolicæ promulgantur, nonnulla fieri possunt detrimenta, si præcedentium quorumque et maxime primæ sedis pontificum statuta, vel ulli (quod dici nefas est, quin et ipso auditu prorsus horrendum) a consequentibus quibusque, imo et inferioribus, additioni cuidam vel damnationi subjiciantur, vel impie temeritatis ausu saltem soli de-
rogationi prolatantur.

CAP. 35. — *Quod qui decreta Romanorum pontificum violaverit anathema sit. Ex concilio Leonis papæ IV, episcoporum 72, cap. 5.*

Si quis dogmata, sanctiones, interdicta vel decreta pro catholica fide, pro ecclesiastica disciplina, pro correctione fidelium, pro emendatione sceleratorum, vel interdictione imminentium, vel futurorum malorum a sedis apostolicæ præsule salubriter promulgata contempserit, anathema sit.

CAP. 36. — *Quod scelus idololatriæ incurrit, qui sedi apostolicæ obedire noluerit. Ex decretis Gregorii papæ VII.*

Qui apostolicæ sedis saluberrimo præcepto obedire noluerit, idololatriæ peccatum incurrit, teste Samuele (*I Reg. xv*), et beato Gregorio astruente (*in Job, l. xxxv, c. 10*). Peccatum enim ariolandi est non obedire, et scelus idololatriæ nolle acquiescere. Peccatum igitur paganitatis incurrit quisquis, dum Christianum se asserit, sedi apostolicæ obedire contemnit.

CAP. 37. — *Constitutiones contra canones et decreta pontificum, nullius momenti esse. Hilarius papa synodo præsidens ait (in synodo Romana, c. 1).*

(25, q. 1, c. *Nulli fas sit*.) Nulli fas sit sine status sui periculo, vel divinas constitutiones, vel apostolicæ sedis decreta temerare.

CAP. 38. — *De eodem. Epistola Adriani papæ tradita Inghelranno Mediomatrice urbis episcopo, cap. 38.*

(*Dist. 10, cap. Constitutiones ubi ad Felicem papam refertur.*) Constitutiones contra canones et decreta præsulum Romanorum, vel bonos mores, nullius sint momenti.

CAP. 39. — *Quod alienus sit a divinis et pontificalibus officiis, qui præceptis noluerit obedire apostolicis. Hormisda papa dixit.*

Nemo mihi aliena contra canones, contra auctoritatem sedis apostolicæ, vel contra trecentorum decem et octo Patrum objiciat, quia quidquid contra illorum definitionem, in quibus Spiritum sanctum locutum fuisse credimus, dictum fuerit, recipere non solum temerarium, sed etiam periculosum esse non dubito.

CAP. 40. — *Quod beati Petri sedes caput est omnium Ecclesiarum, et omnes decretis ejus assentire debent. Adrianus papa ex actione secunda septimæ synodi.*

Sanctitas vestra piis et triumphatoribus imperatoribus suggerat, quatenus falsum concilium illud quod factum est sine apostolica sede inordinabiliter contra constitutionem venerabilium Patrum adversus sacras imagines, anathematizetur coram apocrisiariis nostris. *Item.* Beati Petri sedes per universum orbem principatum tenens refulget, et caput omnium Ecclesiarum Dei existit. Unde ipse beatus apostolus Petrus ex præcepto Domini pascens Ecclesiam nihil defectit (*Joan. xxi*), sed tenuit semper et tenet principatum, per quem si adheret sanctitas vestra apostolico throno, qui est caput omnium Ecclesiarum Dei, ejusque sacrum et orthodoxum ordinem incorruptibiliter et inviolabiliter servare studet, sicut orthodoxa et Deicola existens, hæc primum sacrificium omnipotenti Deo offerat, et vice mea ante piissimorum vestigia imperatorum prociat, et terribile judicium Dei in conspectu eorum proponat, quatenus venerabiles iconas in antiquum statum restitui præcipiant, observantes traditiones hujus sacrosanctæ Romanæ Ecclesiæ. *Item.* Apocrisiarii papæ dixerunt: Dicat nobis sanctissimus Tharasius patriarcha, si consentit litteris sanctissimi papæ. Tharasius patriarcha dixit: Paulus apostolus, quem lux circumfudit de celo (*Act. ix*), qui genuit nos per Evangelium suum, cum Romanis scriberet; dixit de fide illorum: *Fides vestra annuntietur in universo mundo (Rom. 1)*. Tale testimonium sequi necessarium est et contradicere non est consilium. Quid ergo Adrianus Roma senioris antistes, cum sit eorum particeps, quibus Apostolus testimonium perhibet, piis imperatoribus et nostræ mediocritati scripsit? Confessi sumus, et confitemur, et confitebimur, et sentimus, et corrobora-
mus litteras suas. *Item.* Apocrisiarii papæ dixerunt: Dicat nobis sancta synodus, si recipiat litteras sanctissimi papæ. Sancta synodus dixit: Sequimur, et recipimus, et consentimus. Joannes intercessor orientalium dioceseon dixit: Nunc gaudium ma-

gnum factum est, in lectione sanctarum litterarum sanctissimi papæ Adriani, ad serenissimos imperatores nostros, et ad beatissimum patriarcham Tharasium. *Item.* Constantinus episcopus Cypri dixit: Omnibus modis epistolæ Adriani papæ, quæ missa est ad nos et nostros imperatores et illi quæ missa est ad patriarcham Tharasium consentio, et ita confiteor, et cum fide hac ante tribunal Christi assistam.

CAP. 41. — *De damnatione septimæ synodi, quia sine Romana auctoritate acta est. Actione sexta tomo primo, contra falsam synodum septimam.*

Quomodo magna et universalis est synodus, quam nec receperunt, neque consonaverunt cæterarum Ecclesiarum antistites, sed et anathemati tradiderunt? Non habuit cooperatorem Romanum pontificem, aut sacerdotes qui cum eo sunt, neque per canonicam epistolam sicut lex est in synodis; sed neque consentientes habuit orientales patriarchas, id est Alexandrinum, Antiochenum, Hierosolymitanum et archiepiscopos qui cum eis sunt.

CAP. 42. — *Quod apostolica sedes a via apostolicæ prædicationis non deviaverit, nec hæreticorum novitatibus deciderit. Ex actione quarta sextæ synodi.*

Agatho papa Constantino, Heraclio, Tiberio Augustis. Apostolica Ecclesia hæc per gratiam Omnipotentis, a via apostolicæ traditionis nullatenus deviasse ostenditur, neque hæreticorum novitatibus adversata decidit, sed sicut a principio Christianæ fidei accepit a dominis et principibus suis, sine mutatione usque in finem manebit, juxta Domini et Salvatoris nostri divinam promissionem, dicentis: *Simon, Simon, ecce Satanas expetivit vos ut cribraret sicut triticum, ego autem rogavi pro te, ut non deficiat fides tua (Luc. xxii).* Intelligat ergo serenitas vestra, quoniam Dominus, qui fidem Petri non defecturam promisit ipsum fratres confirmaturum prædixit. Quod apostolicos sacerdotes parvitas meæ prædecessores confidenter semper fecisse omnibus notum est, quos et humilitas mea quamvis inæqualis et minima propter assumptum ex divina virtute ministerium sequi desiderat.

CAP. 43. — *Quod litteris Romani pontificis concilia auctorizentur. Ex actione secundæ synodi Ephesinæ.*

Cyrillus episcopus Alexandriae dixit: Suscepta epistola sanctissimi et per omnia beatissimi sanctæ sedis et apostolicæ Ecclesiæ Romanorum episcopi Cælestini, cum competenti honore relegatur sancto concilio. Siricius notarius sanctæ catholicæ urbis Romæ Latine legit. *Item.* Omnes reverendissimi episcopi petierunt interpretari epistolam et legi. Philippus presbyter apostolicæ sedis legatus dixit: Satisfactum est consuetudini, ut litteræ Apostolicæ sedis in primis Latine legerentur, nunc vero similiter quoniam vestra expetit beatitudo, ut etiam Græce legantur, necessarium est desiderio vestræ satisfieri sanctitatis, quam agere curavimus, ut Latina locutio Græce transferatur.

CAP. 44. — *Quod sicut cardine totum regitur ostium, ita a Petro et successoribus ejus totius Ecclesiæ disponitur emolumentum. Leo IX Michaeli patriarchæ Constantinopolitano (epist. 1, c. 10).*

A sede principis apostolorum Petri, Romana videlicet Ecclesia, tam per eundem Petrum, quam per successores suos, reprobata et convicta atque expugnata sunt omnium hæreticorum commenta, et fratrum corda in fide Petri, quæ haecenus nec defecit, nec usque in finem deficiet, sunt confirmata. *Item.* Romanæ Ecclesiæ facitis præjudicium, de quo nec vobis, nec cuilibet mortalium licet facere iudicium: beatissimo et apostolico pontifice Silvestro divinitus decernente, spiritualique ejus filio Constantino religiosissimo Augusto, cum universa synodo Nicæna approbante ac subscribente, ut summa sedes a nemine iudicetur, inviolabiliter et inconcusse sibi conservato illo privilegio, quod idem princeps quarto baptismatis sui die devotus contulit pontifici Romano scilicet, ut in toto orbe terrarum sacerdotes ita hunc caput habeant, sicut omnes iudices [iudicem] regem. Quam sanctorum Patrum reverendam omni mundo sententiam, sicut veraciter divina inspiratione, non humana æstimatione promulgatam, amplexæ reliquæ universales synodi, id est Constantinopolitana prima, consensu pii Augusti et religiosi majoris Theodosii; Ephesina prior, sub juniore Theodosio filio Arcadii; Chalcedonensis, sub imperio divæ memoriæ Martiani; secunda Constantinopolitana, in præsentia Augusti Justiniani; item tertia Constantinopolitana, rogatu et consensu junioris Constantini, unanimi voluntate concordique verbo et scripto confirmavere sanctam Romanam et apostolicam sedem post Dominum Jesum caput esse omnium ecclesiarum Dei, et hoc debere credi, confiteri et scribi ab omnibus veneratoribus Nicæni concilii. Cujus statutorum usque ad unum iota contemptoribus, districtum anathema cautum est a quinque præfatis et cunctis sanctorum Patrum synodis subsequentibus. *Item.* Dolemus quia præjudicium faciendo summæ sedi, de qua nec iudicium facere licet cuiquam hominum, anathema accepistis ab universis Patribus sanctorum omnium conciliorum. *Item.* Apicem cælestis dignitatis in beato Petro et in ejus vicariis prudentissimus terrenæ monarchiæ princeps Constantinus intima consideratione reveritus, cunctos usque in finem sæculi successores eidem apostolo, in Romana sede pontifices per beatum Silvestrum, non solum imperiali potestate et dignitate, verum etiam insulis et ministris adornavit imperialibus, valde indignum fore arbitratus, terreno imperio subdi, quos divina majestas præfecit cælesti. *Item.* Recordamini illius nefandæ synodi, quam voluerunt vocari septimam vestri hæresiarchæ, quorum conspiratione ipsius Domini nostri Jesu Christi, et sanctorum reverendæ imagines aut flammis traditæ sunt, aut aquis submersæ, picturæ vero ex parietibus basilicarum deletæ. Quibus quamvis semper restiterit Romanorum pontificum auctoritas, præ cunctis tamen sanctis-

simi papæ Nicolai ubivis prædicanda libertas, qui per legatos suos, tam pro sacris imaginibus, quam pro depositione beati antistitis Ignatii, et substitutione Photii neophyti ecclesiam Sanctæ Sophiæ clausit, donec sedis apostolicæ acquiesceret decretis. *Item.* Cum nullo divino vel humano privilegio honorabilior seu clarior aliis Ecclesiis Constantinopolitana existat ecclesia, et Antiochena atque Alexandrina ob reverentiam principis apostolorum inter alias retentent dignitatis jura; tamen pia mater, Romana scilicet Ecclesia, nolens dilectam filiam dote honorificentie ex toto carere, per beatos prædecessores nostros in aliquot synodis curavit decernere, ut salva principalium et apostolicarum sædium antiqua dignitate, Constantinopolitanus antistes honoraretur sicut civitates regię, quamvis Justinianus religiosus Augustus legibus humanis voluisset astruere, ut post Romanum papam sedeat Constantinopolitanæ præsul Ecclesiæ. *Item.* Scit sancta Romana Ecclesia, quia nihil obsunt saluti credentium diversæ pro loco et tempore consuetudines, quando una fides per dilectionem operans uni Deo commendet omnes. *Item.* Absit, ut religiosi principes et orthodoxi atque Christianissima et Deo devota civitas vos in errore vestro audiendos putent, quos potius ad unitatis bonum potestatis cogere debent. *Item.* Romanæ Ecclesiæ sedes per Petrum super petram ædificata, nec hactenus deficiet in sæcula, Christo Domino rogante pro ea, sicut ipse testatur: *Ego pro te rogavi, Petre, ut non deficiat fides tua, et tu aliquando conversus confirma fratres tuos (Luc. xxii).* Quo dicto demonstravit fidem fratrum vario defectu periclitandam, sed inconcussa et indeficiente fide Petri, velut firmæ anchoræ subsidio regendam, et in fundamento universalis Ecclesiæ confirmandam. Quod nemo negat, nisi qui evidenter hæc ipsa veritatis verba impugnat; quia sicut cardine totum regitur ostium, ita et a Petro et successoribus ejus totius Ecclesiæ disponitur emolumentum; et sicut cardo immobilis permanens ducit ostium, sic Petrus et successores ejus liberum de omni Ecclesia habent iudicium; cum nemo eorum debeat movere statum. Unde clerici ejus dicuntur cardinales, cardini utique illi, quo cætera moventur, vicinius adhærentes. *Item.* Quicumque sacerdotes, etsi dispares sunt merito, pares sunt tamen officio. Non potest denegari merito quod debetur officio. Alioquin non staret sacerdotium, si majus aut minus fieret, seu variaretur secundum humanorum varietatem meritorum. Quare de re, fratres, utinam non ad iudicium nostrum dicamus. Tales profecto sumus, qualis Petrus, et non sumus qualis Petrus, quia et idem sumus officio, et non idem merito; et quotiescunque lac et lanam, stipendium scilicet et honorificentiam ab ovis Dei exigimus, nulla meriti nostri ibi fit commemoratio, sed officio nostro debita recompensatio quæritur, ac sic meritum Petri non habentes, officium autem Petri exsequentes officio nostro debitos repossimus

honores. *Item.* Beatissimus prædecessor noster Gregorius dixit: Nemo nos propter nos in loco Petri despiciat, quia ex cathedra ejus, cui auctore Deo qualescunque præsidemus, debita sibi jura nostrum officium reclamant. Frequenter enim solet evenire quod dicimus, ut persona potens despectum suum habeat. Cumque per eum suis vel extraneis aliqua mandat, non despicitur persona servi missi, quia in corde servatur reverentia Domini mittentis, *Item.* Quisquis Romanæ Ecclesiæ auctoritatem, vel privilegia evacuare, seu imminuere nititur, non hic unius Ecclesiæ, sed totius Christianitatis submersionem et interitum machinatur.

CAP. 45. — *Quod Romana Ecclesia inter omnes primum locum obtinet, Alexandrina vero et Antiochena secundum.* Nicolus vava I Michaeli Augusto (epist. 2, vel 8).

Non ergo dicatis non eguisse vos in causa pietatis Romanæ Ecclesiæ, quæ collecta concilia sua auctoritate firmat, sua moderatione custodit. Unde quædam eorum quia consensum Romani pontificis non habuerunt, validitatem perdidit. *Item,* paulo post. Alexandrinam ecclesiam suam fecerunt sancti apostoli Petrus et Paulus, per beatum scilicet Marcum unius horum filium et discipulum. Hæreditas quippe filii in postestate parentis existit, et gloria discipuli ad magistrum sine cunctatione refertur. Fecerat autem beatissimus Petrus præsentia corporali et Ecclesiam Antiochenam jam suam, quæ sicut beatus papa dicit Innocentius (epist. 21), urbis Romæ sedi non cederet, nisi quod illa in transitu meruit, ista suscepit quæ [quin] beatum Petrum apud se consummatum gauderet. Per has igitur præcipuas Ecclesias omnium Ecclesiarum sollicitudo beatorum principum apostolorum Petri et Pauli procul dubio moderamen exspectat. Pro quibus Patribus nos divinitus incremento gratiæ ministrato nati sumus filii, et constituti (licet indigni, licet eis longe meritis impares) principes super omnem terram, et super universam Ecclesiam. *Item,* post multa. Porro ne dicatis nos præter Ecclesiæ legem Ignatium vel Photium Romam venire sanxisse, scitote nos antiqui Patris, et prædecessoris nostri Julii in hoc esse secutos exemplum; qui, juxta quod in epistola sua reperitur, his qui convenerant Antiochiæ hoc præcepisse dignoscitur, et Theodoretus historiographus his hoc ipsum verbis ostendit (Ecclesiasticæ suæ, historiæ, lib. 11, c. 3. Tripartitæ autem II. lib. iv, c. 6): Verum, inquit, Eusebius ejusque consortes, calumnias in Athanasium factas, Julio Romano pontifici destinaverunt. Qui ecclesiasticam sequens legem, etiam ipsos Romam venire præcepit, et venerabilem Athanasium ad iudicium regulariter evocavit. Ille continuo vocatione facta [evocatione suscepta] venit. Quod si ad hoc dicitis: Ille quidem vocavit, sed ipsi venire contempserunt; audite sequentia, et videbitis utrum in laudem aut vituperium ista sit illis reputata contentio [forte, contemptio]. Subjunxit enim idem historio-

graphus, dicens : Calumniarum vero sarcinatores Romam quidem profecti non sunt, scientes facile posse suam capi mendaciam. Ne ergo dicatis nos præter Ecclesiæ legem præfatos Romam venire sanxisse, quoniam sicut ab historiographo ecce audistis, beatus Julius et accusatum et accusatores Romam venire præcepit, et venerabilem Athanasium ad iudicium regulariter evocavit. Sed ille, qui bonam conscientiam gerebat, nihil reluctans venit; illi vero qui malam, contempserunt, scientes procul dubio, sicut ibi legitur, facile suam capi posse mendaciam.

CAP. 46. — *Quod sicut Petro concessum est a Domino ut aliis apostolis præemineret, ita ejus sedi. Ex decretis Melchiadis papæ, cap. 2, Hispaniæ episcopis directis.*

Atque hoc privilegium Dominus beato clavigero Petro sua vice solummodo commisit (*Matth. xvi*), quod ejus justæ prerogativum successit sedi futuris hæreditandum atque tenendum temporibus, quoniam et inter beatissimos apostolos fuit quædam discretio potestatis. Et licet cunctorum par electio foret, beato tamen Petro concessum est ut aliis præemineret, et eorum quæ ad querelam venirent, causas et interrogationes prudenter disponeret. Quod Dei ordinatione taliter ordinatum esse credimus, ne omnes posterius eorum cuncta sibi vindicarent, sed semper cause majores, sicut sunt episcoporum, et potiorum curæ negotiorum, ad unam beati Petri principis apostolorum sedem confluerent, ut inde suscipiant finem iudiciorum, unde acceperunt initium institutionum, ne quandoque a suo discreparent capite.

CAP. 47. — *De potestate et discretione doctorum. In prima epistola Clementis papæ, verba Petri de Clemente.*

Trado ipsi Clementi a Domino traditam mihi potestatem ligandi et solvendi, ut de omnibus quibuscunque decreverit in terris, hoc decretum sit in cælis. Ligabit enim quod oportet ligari, et solvet quod oportet [expedit] solvi, tanquam qui ad liquidum Ecclesiæ regulam noverit. Ipsum ergo audite, scientes quia quicumque contristaverit doctorem veritatis, peccat in Christum, et Patrem omnium exacerbat Deum.

CAP. 48. — *Quod apud Dominum non sententia sacerdotum, sed vita requiratur. Hieronymus lib. III, in XVI cap. Matthæi.*

Quæcunque ligaveritis super terram, etc. Istum locum episcopi et presbyteri non intelligentes, aliqui sibi de Phariseorum assumunt supercilio, ut vel damnent innocentes, vel solvere se noxios arbitrentur cum apud Dominum non sententia sacerdotum, sed reorum vita queratur.

CAP. 49. — *Exemplum constituti Constantini imperatoris de insignibus imperialibus Ecclesiæ concessis.*

(*Dist. 96, c. Constantinus.*) Ex testamento constituti nostri concedimus ipsis sanctis apostolis dominis meis beatissimis Petro et Paulo, et per eos

etiam beato Silvestro patri nostro, summo pontifici et universali urbis Romæ papæ, et omnibus ejus successoribus pontificibus, qui usque in finem mundi in sede beati Petri erunt sessuri, atque de præsentibus contradimus palatium imperii nostri Lateranense, quod omnibus in toto orbe terrarum præfertur, atque præcellit palatiis. Deinde diadema, videlicet coronam capitis nostri, simulque phrygium, nec non et superhumeralia, videlicet lorum quo imperiale circumdari assolet collum, verum etiam chlamydem purpuream atque tunicam coccineam, et omnia imperialia indumenta : sed et dignitatem imperialium præidentium, eorum conferentes etiam, et imperialia [*Gratianus sic habet imperialium præidentium equitum, conferentes etiam imperialia, etc.*] sceptrum, simulque cuncta signa, atque banda et diversa ornamenta imperialia, et omnem processionem imperialis culminis, et gloriam potestatis nostræ. Viris etiam reverendissimis clericis, in diversis ordinibus eidem sacrosanctæ Romanæ Ecclesiæ servientibus, illud cum men singularis potentia et præcellentia habere sancimus, cujus amplissimus noster senatus videtur gloria adornari, id est, patricios atque consules effici, nec non et cæteris dignitatibus imperialibus eos promulgamus decorari, et sicut imperialis exstat decorata militia, ita et clericorum sanctæ Romanæ Ecclesiæ ornari decernimus. *Et paulo post.* Ipse beatissimus papa super coronam clericatus quam gerit, ad gloriam beati Petri omnino ipsa ex auro non est passus uti corona. Phrygium vero candido nitore splendidum, resurrectionem Dominicam designans, ejus sacratissimo vertici manibus nostris imposuimus, et tenentes frenum equi ipsius, pro reverentia beati Petri, stratoris officium illi exhibuimus, statuentes eodem phrygio omnes ejus successores singulariter uti in processionibus, ad imitationem imperii nostri. Unde ut non pontificalis apex vilescat, sed magis amplius quam terreni imperii dignitas gloriæ potentia [gloria et potentia] decoretur, ecce tam palatium nostrum (ut prælatum est) quam Romæ urbis et omnes Italiæ seu occidentalium regionum provincias, loca et civitates sæpe fatis beatissimo pontifici Patri nostro Silvestro universali papæ contradentes, atque relinquentes ei, vel successoribus suis pontificum potestati, et ditioni firma imperialis censura [Successorum ipsius pontificum potestati et ditioni firma imperiali censura. *Isidorus in conciliis ms.*], per hanc nostram divalem sacram et pragmaticum constitutum, decernimus disponendum, atque juri sanctæ Ecclesiæ Romanæ concedimus permanendum [permanurum]. Unde congruum perspeximus nostrum imperium et regni potestatem orientalibus transferri ac transmutari regionibus, et in Byzantii provincia, in loco optimo [Byzantiæ provinciæ optimo, etc.] nomini nostro civitatem ædificari, et nostrum illic constitui imperium, quoniam ubi principatus sacerdotum, et Christianæ religionis caput ab impe-

ratore cælesti constitutum est, justum non est, ut a illic terrenus imperator habeat potestatem.

CAP. 50. — *De eo si quis ab apostolico falsam detulerit epistolam. Ex capitulis Caroli Magni imperatoris (conc. Tribur., cap. 3).*

(Dist. 19, c. *In memoriam.*) In memoriam beati Petri apostoli honoremus sanctam Romanam et apostolicam sedem, ut quæ nobis sacerdotalis mater est dignitatis, esse debeat magistra ecclesiasticæ rationis. Quare servanda est cum mansuetudine humanitas, et licet vix ferendum ab illa sancta sede imponatur jugum, feramus et pia devotione toleremus. Si vero (quod non decet) quilibet sive sit presbyter, sive diaconus aliquam perturbationem machinando, et nostro ministerio insidiando, redarguatur falsam ab apostolica sede detulisse epistolam, vel aliud quod inde non venerit; salva fide, et integra circa apostolicum humilitate, penes episcopum sit potestas, utrum eum in carcerem aut in aliam detrudat custodiam, usquequo per epistolam aut per idoneos suæ partis legatos apostolicam interpellat sublimitatem, ut potissimum sua sancta legatione dignetur decernere, quid de talibus justo ordine lex romana statuatur definire, ut et is corrigatur, et cæteris modus imponatur.

CAP. 51. — *Pactum constitutionis imperatoris Ludovici primi cum Romanis pontificibus.*

(Dist. 65, c. *Ego Ludovicus.*) Ego Ludovicus imperator Augustus, statuo et concedo per hoc pactum confirmationis nostræ tibi beato Petro principi apostolorum, et per te vicario tuo domino Paschali summo pontifici, et successoribus ejus in perpetuum, sicut a prædecessoribus vestris usque nunc in vestra potestate, et ditione tenuistis et disposuistis civitatem Romanam, cum ducatu suo, et suburbanis atque viculis omnibus, et territoriis ejus, montanis et maritimis littoribus et portibus, seu cunctis civitatibus, castellis, oppidis ac viculis [villis legit Gratianus] in Tusciæ partibus. *Item.* Quando divina vocatione hujus sacratissimæ sedis pontifex de hoc mundo migraverit, nullus ex regno nostro aut Francus, aut Longobardus, aut de quolibet gente homo sub nostra potestate constitutus, licentiam habeat contra Romam aut publice aut privatim veniendi, vel electionem faciendi, nullusque in civitatibus vel territoriis ad Ecclesiæ beati Petri apostoli potestatem pertinentibus aliquid malum propter hoc facere præsumat; sed liceat Romanis cum omni veneratione, et sine quolibet perturbatione, honorificam suo pontifici exhibere sepulturam, et eum quem divina inspiratione, et beati Petri intercessione omnes Romani uno consilio atque concordia, sine aliqua promissione ad pontificatus ordinem elegerint, sine quolibet ambiguitate vel contradictione more canonico consecrare. Et jam consecratus fuerit, legati ad nos, vel ad successores nostros reges Francorum dirigantur, qui inter nos et illum amicitiam, et charitatem ac pacem socient.

CAP. 52. — *Constitutum primi Henrici, et primi Ottonis cum Romanis pont.*

(Dist. 63, cap. *Constitutum.*) Ut nullus missorum nostrorum, cujuscunque impeditionis argumentum componere, in electione Romani pontificis audeat, omnino prohibemus. *Item, Ibidem.* In electione Romanorum pontificum neque liber neque servus ad hoc venire præsumat, ut illis Romanis quos ad hanc electionem, per constitutionem sanctorum Patrum antiqua admisit consuetudo, aliquid faciat impedimentum. Quod si quis contra hanc nostram constitutionem præsumpserit, exsilio tradatur.

CAP. 53. — *In quibus civitatibus sint primates vel patriarchæ. Anacletus papa in secundo decretali suo.*

(Dist. 99, cap. *Provincia.*) Provinciæ autem multo ante Christi adventum tempore divisæ sunt maxima ex parte, et postea ab apostolis et beato Clemente prædecessore nostro ipsa divisio est renovata. Et in capite provinciarum [renovata est in capite provinciarum, etc.], ubi dudum primates leges erant sæculi, ac prima judiciaria potestas, ad quos qui per reliquas commorabantur, quando eis necesse erat, qui ad aulam imperatorum vel regum confugere non poterant, vel quibus permissum non erat, confugiebant pro oppressionibus vel iniustitiis suis, ipsosque appellabant quotiescunque opus erat, sicut in lege eorum præceptum [scriptum] erat. Ipsis quoque in civitatibus vel locis nostris patriarchas, vel primates qui unam formam tenent, licet diversa sint nomina, leges divinæ et ecclesiasticæ poni, et esse jusserunt, ad quos episcopi (si necesse fuerit) confugerent, eosque appellarent: et ipsi primatum nomine fruerentur, et non alii. Reliquæ vero metropolitanæ civitates quæ minores judices habebant (licet majores comitibus [comitatibus] essent) haberent metropolitanos suos, qui prædictis juste obedirent primatibus, sicut et in legibus sæculi ordinatum erat, qui non primatum, sed aut metropolitanorum aut archiepiscoporum nomine fruerentur. Et licet singulæ metropoles civitates, suas provincias habeant, et suos metropolitanos habere debeant episcopos, sicut prius metropolitanos habebant judices sæculares, primates tamen ut præfixum est, et tunc et nunc habere jussæ sunt, ad quos post sedem apostolicam summa negotia conveniant, ut ibidem quibus necesse fuerit reventur, et juste restituantur, et hi qui injuste opprimuntur juste reformentur atque fulciantur, episcoporumque causæ et summorum negotiorum judicia, salva apostolicæ sedis auctoritate, justissime terminentur.

CAP. 54. — *Qui sint primates. Anicetus (Anicetus) papa episcopis Galliæ.*

(Dist. 99, cap. *Nulli archiepiscopi.*) Nulli archiepiscopi primates vocentur, nisi illi qui primas tenent civitates, quarum episcopos apostoli, et successores apostolorum, regulariter patriarchas et primates esse constituerunt, nisi aliqua gens deinceps

ad fidem convertatur, cui necesse sit, propter eorum multitudinem primatem constitui. Reliqui vero qui alias metropolitanas sedes adepti sunt, non primates, sed metropolitani nominentur. (9, q. 3, c. Si autem aliquis.) Si autem aliquis metropolitanorum inflatus fuerit, et sine omnium provincialium præsencia vel consilio episcoporum aut eorum, aut alias causas nisi eas tantum, quæ ad propriam suam pertinent parochiam agere aut eos gravare voluerit, ab omnibus districte corrigatur, ne talia deinceps præsumere audeat. Si vero incorrigibilis eisque inobediens apparuerit, ad hanc apostolicam sedem, cui omnium episcoporum judicia terminare præcepta sunt, ejus contumacia referatur, ut vindicta de eo fiat, ut cæteri timorem habeant. Si autem propter nimiam longinquitatem, aut temporis incommoditatem, vel itineris asperitatem grave ad hanc apostolicam sedem ejus causam deferre fuerit, tunc ad ejus primatem causa deferatur, et penes ipsum hujus sanctæ sedis auctoritate judicetur. Similiter, si aliquis episcoporum proprium metropolitanum suspectum habuerit, apud primatem dioceseos, aut apud hanc apostolicam sedem audiatur.

CAP. 55. — *Quod inimici accusatores esse non possunt.* Nicolaus papa Michaeli Augusto (epist. 2, vel. 8).

Placuit sanctæ synodo episcoporum qui Constantinopolim concurrerunt, ne sine discussione admittantur accusatores, nec omnibus præcipiatur accusationes facere, contra dispensatores Ecclesiarum. Veniamus ad sanctam Chalcedonensem synodum, et quid nobis de Athanasio Perrenorum referat episcopo audiamus. Is enim antistes tertio evocatus ad synodum, quia non occurrit, a patriarcha suo canonicè condemnatus exstiterat. Sed solum, quia cum vocaretur ad synodum, quod inimicus esset ipse qui iudicabat, clamavit a sancta Chalcedonensi synodo ad causas illatas sibi examinandus reservatur et, nisi denno convinceretur, recipere ecclesiam propriam iudicatur. Quod si Athanasius a patriarcha suo depositus, quia de inimicitia ejus conquestus est, iterato ad iudicium renovandum dirigitur, et nisi manifesta sibi officiant crimina, suæ reddi Ecclesiæ præcipitur: quanto magis Ignatius, qui non a patriarcha, sed ipse potius existens patriarcha, minime debuit Ecclesia propria inimicis et suspectis iudicibus decernentibus exspoliari? Quod quamvis factum sit, multo magis quam Athanasius, inimicorum soluto iudicio, sua debuerat ab Ecclesia recipi. Veniat et facundissimus noster papa Gelasius, hæreticorum expugnator fortissimus, et quod de Constantinopolitanis episcopis, more solito tunc ægrotantibus dixit, etiam nobis nunc edisserat. Quæro, inquit, ab his, iudicium quod prætendunt, ubi possit agitari? an apud ipsos, ut iidem inimici testes sint et iudices? Sed tali iudicio nec humana debent committi negotia. Quod si iudicio, ubi iidem sunt inimici qui iudices, nec humana debent con-

A mitti negotia [iudicia]; quanto minus divina, id est ecclesiastica? Qui sapiens est intelligat. Et revera hinc Justinianus imperator piis [pius] legibus suis promulgasse dignoscitur, dicens: Liceat ei qui suspectum iudicem habet [putat], antequam lis inchoetur, eum recusare, ut ad alium recurratur. Nam quodammodo naturale est suspectorum iudicum insidias declinare et inimicorum iudicium velle fugere. Hinc sanctus Joannes os aureum concilii contra se congregati renuit intrare collegium. (Joannes Chrysostom. *epist.* 19, c. 2.)

CAP. 56. — *De jure primatum.* Nicolaus Radulpho Bituricensi archiepiscopo.

(9, q. 3, c. Conquestus.) Conquestus est apostolati nostro frater Sigebodus archiepiscopus Narbonensis, quod clericos suos eo invito ad iudicium tuum venire compellas, et de rebus ad Ecclesiam suam pertinentibus, eo inconsulto, quasi jure patriarchatus tui disponas, cum hoc neque antiquitas (cui Patres sanxere reverentiam) habeat, et auctoritas sanctorum canonum penitus interdicat, nisi forte pro causis quas apud se terminare non possunt, ad te quasi ad patriarcham suum provocaverint, vel si episcopus suus decesserit, res Ecclesiæ suæ iudicio tuo dispensari voluerint. Primates enim vel patriarchas nihil privilegii habere præ cæteris episcopis, nisi quantum sacri canones concedunt, et prisca consuetudo illis antiquitus contulit, definiimus; ita ut secundum Nicænas regulas sua privilegia serventur Ecclesiis, præterquam si apostolica sedes aliquam Ecclesiam, vel rectorem ipsius quolibet speciali privilegio decreverit honorare.

CAP. 57. — *Quod papa primæ sedis episcopus vocandus est.* Ex conc. Africano, cap. 5 (conc. Carth. III, cap. 26).

(Dist. 99, cap. Primæ sedis.) Ut primæ sedis episcopus non appelletur princeps sacerdotum, aut summus sacerdos, aut aliquid hujusmodi, sed tantum primæ sedis episcopus.

CAP. 58. — *Quod bipertitus sit ordo sacerdotum.* Ex *epist. Anacleti papæ tertii, missa omnibus episcopis et cæteris sacerdotibus* (cap. 1).

Sacerdotum, fratres, ordo bipertitus est, et sicut Dominus illum constituit, a nullo debet perturbari. Scitis autem apostolos a Domino esse electos et constitutos, et postea per diversas provincias ad prædicandum dispersos. Cum vero messis cœpit crescere, videns paucos esse operarios, ad eorum adiumentum septuaginta eligi præcepit discipulos (*Luc. x*). Episcopi vero apostolorum, presbyteri quoque septuaginta discipulorum locum tenent (*Dist. 8, cap. Episcopi non in*). Episcopi autem non in castellis aut in modicis civitatibus debent constitui, sed presbyteri per castella, et per modicas civitates atque villas debent ab episcopis ordinari et poni, singuli tamen per singulos titulos suos. Amplius quam isti duo ordines sacerdotum, nec nobis a Deo collati sunt, nec apostoli docuerunt.

CAP. 59. — *Ut non laici, nec neophyti, nec bigami, nec viduarum mariti, sed irreprehensibiles ordinem-*

tar episcopi. Ex decretis Leonis papæ I (ep. 82, A c. 3).

In civitatibus, quarum pastores obierint, de substituendis episcopis hæc forma servetur, ut is qui ordinandus est, etiam si bonæ vitæ testimonio fulciatur, non laicus, non neophytus, nec secundæ conjugis s' t maritus, sed aut qui unam quidem habeat vel habuerit, et quam sibi virginem copulaverit. Sacerdotum enim tam excellens est electio, ut hæc quæ in aliis membris Ecclesiæ non vocantur ad culpam, in illis tamen habeantur illicita.

CAP. 60. — *Ut dum episcopus eligitur, si contradictores habuerit, quinque episcopi ad examinandos eos conveniant. Ex concilio Africano, cap. 17 (et in conc. Carth. III, c. 40).*

Sed et illud est statuendum, ut quando ad eligendum episcopum convenerimus, si qua contradictio fuerit oborta (quia talia facta sunt apud nos) non præsumant ad purgandum eum qui ordinandus est, tres episcopi, sed postulentur ad numerum supra dictorum (si haberi possint) unus vel duo in eadem plebe cui ordinandus est, et discutiantur [duo vel tres: et in eadem plebe, cui ordinandus est, discutiantur, etc.] primo personæ contradicentium; postremo etiam illa quæ obijciuntur pertractentur. Et cum purgatus fuerit, sub conspectu publico ita demum ordinetur. Si hoc cum vestræ sanctitatis animo concordat, roboretur vestræ dignitatis responsione. Ab universis episcopis dictum est: Satis placet.

CAP. 61. — *Ut nemo episcopus ordinetur nolente clero et populo. Ex decretis Cælestini papæ, cap. 18 (epist. 2 ad episc. Galliæ, cap. 5).*

(Dist. 64, cap. Nullus.) Nullus invitis detur episcopus; cleri, plebis et ordinis consensus et desiderium requiratur. Tunc alter de altera eligatur Ecclesia, si de civitatis ipsius clericis, cui est episcopus ordinandus, nullus dignus (quod evenire non credimus) poterit inveniri. Primum enim illi reprobandi sunt, ut aliqui de Ecclesiis alienis merito præferantur. Habeat ergo unusquisque suæ fructum militiæ in Ecclesia, in qua suam per omnia officia peregit ætatem. In aliena stipendia alius minime obrepit, nec alii debitam, alter sibi audeat vindicare mercedem. Sit facultas clericis renitendi, si se viderint prægravari, et quos sibi ingeri ex transverso cognoverint, non timeant refutare: qui etsi non debitum episcopatus præmium, vel liberum de eo, qui eos rectorus est, debent habere iudicium.

CAP. 62. — *Quod prius examinari debeant qui episcopi sunt ordinandi. Ex concilio Carthaginensi IV, cap. 1.*

(Dist. 25, cap. Qui episcopus.) Qui episcopus ordinandus est, ante examinetur si natura prudens est, si docilis [docibilis], si moribus temperatus, si vita castus, si sobrius, si semper sui negotii cavens, si humilis, si affabilis, si misericors, si litteratus, si in lege Domini instructus, si in Scripturarum sensibus cautus, si in dogmatibus ecclesiasticis exercitatus. Et ante omnia fidei documenta verbis simpli-

cibus asserat, id est Patrem et Filium et Spiritum sanctum unum esse Deum confirmans, totamque in Trinitate Deitatem coessentialem, et consubstantiallem, et coæternam, et coomnipotentem prædicans, singulamque in Trinitate personam [si singulas quasque in Trinitate personas] plenum Deum, et totas tres personas unum Deum, si incarnationem divinam, non in Patre neque in Spiritu sancto factam, sed in Filio tantum credat, ut qui erat in divinitate Dei Patris Filius, ipse fieret in homine hominis matris filius, Deus verus ex Patre, homo verus ex matre, carnem ex matris visceribus habens, et animam humanam rationabilem, simul in eo utramque naturam, id est hominis et Dei: una persona, unus filius, unus Christus, unus Dominus creator omnium [creaturarum], quæ sunt, et auctor, et rector, et Deus cum Patre et Spiritu sancto: qui passus sit vera [sit pro salute nostra vera, etc.] carnis passione, mortuus vera corporis sui morte, resurrexit vera carnis suæ resurrectione, et vera animæ resumptione, in qua veniet iudicare vivos et mortuos. Quærendum est etiam ab eo, si Novi et Veteris Testamenti, id est legis, et prophetarum, et apostolorum unum eundemque credat auctorem Deum; si diabolus non per conditionem, sed per arbitrium suum factus sit malus. Quærendum etiam ab eo, si credat hujus quam gestamus, et non alterius carnis resurrectionem; si credat iudicium futurum, et recepturos singulos pro his quæ in carne [hac carne] gesserunt, vel penas vel præmia; si nuptias improbet; si secunda matrimonia non condemnet; si carniū perceptionem non culpet, si pœnitentibus reconciliatis communicet; si in baptismo omnia peccata, id est tam illud originale contractum, quam illa quæ voluntarie admissa sunt, dimittantur; si extra Ecclesiam catholicam nullus salvetur. Cum in omnibus his examinatus, pleniterque instructus repertus fuerit, tunc ordinetur episcopus.

CAP. 63. — *Ut episcopi diligentissime probentur priusquam ordinentur. Ex conc. Aurelianensi, cap. 7 [12].*

Ut episcopi, iudicio metropolitanorum, et eorum episcoporum, qui circumcirca sunt, provehantur ad ecclesiasticam potestatem, ii videlicet, qui plurimo tempore probantur tam verbo fidei quam rectæ conversationis exemplo.

CAP. 64. — *Quod populo non liceat sacerdotum electiones per se facere. Ex concilio Bracar. cap. 1.*

(Dist. 65, c. Non licet.) Non licet populo electionem facere per se eorum qui ad sacerdotium provehantur [promoventur], sed in iudicio episcoporum esse debet, ut ipsi eum qui ordinandus est probent, si in sermone, et fide, et spirituali vita edoctus sit.

CAP. 65. — *Quod non habeantur episcopi, quos nec clerus, nec populus elegerit, nec comprovinciales episcopi consecrarint. Leo Rustico Narbonensi episcopo, epistola 90.*

(Dist. 62, c. Nulla ratio.) Nulla ratio sinit, ut in-

ter episcopos habeantur qui nec a clericis sunt electi, nec a plebibus expetiti, nec a comprovincialibus episcopis cum metropolitani iudicio consecrati. Unde, cum sæpe quæstio de male accepto honore nascatur, quis ambigat nequaquam istis esse tribuendum quod non docetur fuisse collatum? (1, q. 1, c. *Si qui clerici*.) Si qui autem clerici ab istis pseudoepiscopis in eis Ecclesiis ordinati sunt, quæ ad proprios episcopos pertinebant, et ordinatio eorum cum consensu et iudicio præsidium facta est, potest rata haberi, ita ut in ipsis Ecclesiis perseverent, aliter autem vana habenda est consecratio, quia nec loco fundata est, nec auctoritate munita.

CAP. 66. — *Quod nullus ordinandus est episcopus nisi ex conventionem. Ex Aurelianensi concilio, cap. 2.*

Nullus ordinandus est episcopus, nisi convocatis clericis et parœcianis, et in unum consentientibus.

CAP. 67. — *Quod canes magis, quam principes nominentur, qui assumpto regimine superbiunt. Origenes.*

Quidam assumpta Ecclesia et rebus divinis, elevantur, et cunctos fastu superbiæ parvipendunt, hi canes magis, quam principes nominantur.

CAP. 68. — *Item de superbientibus episcopis. Ex dictis Gregorii et Pauli apostoli.*

Humilis debet episcopus esse, gradum enim mansuetudinis accepit, non superbiæ, Paulus dicit: Debet huiusmodi hominem mansuetum esse, non elatum, non superbum (Tit. 1).

CAP. 69. — *Quod ordinationes episcoporum apostolica auctoritate a cunctis comprovincialibus fieri debeant. Ex epistola secunda Anacleti papæ scripta episcopis Italiæ.*

(Dist. 64, c. *Ordinationes*.) Ordinationes episcoporum auctoritate apostolica ab omnibus qui in eadem fuerint provincia, sunt celebrandæ. Qui simul convenientes scrutinium diligenter agant, jejuniisque convenientibus precibus celebrent, et manus cum sanctis Evangelii quæ prædicaturi sunt imponentes, Dominica die hora tertia orantes, sacraque unctione exemplo prophetarum et regum, capita eorum (more apostolorum et Mosis) ungentes, quia omnis sanctificatio constat in Spiritu sancto, cujus virtus invisibilis sancto est chrismati permista, hoc ritu solemnem celebrent ordinationem. Quod si omnes simul convenire minime potuerint, assensum tamen suis precibus et scriptis præbeant, ut ab ipsa ordinatione animo non desint. Porro et Hierosolymitanorum primus archiepiscopus, beatus Jacobus, qui justus dicebatur, et secundum carnem Domini nuncupatus est frater a Petro, Jacobo et Joanne apostolis est ordinatus, successoribus videlicet formam dantes eorum, ut minus quam a tribus episcopis, reliquisque omnibus assensum præbentibus, nullatenus ordinaretur, et cum communi voto ordinatio celebrètur.

CAP. 70. — *Ne laicus fiat episcopus ante 30 annos, vel ante anni conversionem. Ex concilio Arelaten- si III, sub finem cap. 1.*

Episcopatus vero vel presbyterii honorem nullus

A laicus ante anni conversionem, vel ante triginta annos accipiat.

CAP. 71. — *De laicis non temere faciendos episcopos. Ex concilio Sardicensi, cap. 13.*

(Dist. 61, c. *Osius episcopus*.) Osius episcopus dixit: Et hoc necessarium arbitror ut diligentissime tractetis, si forte aut dives, aut scholasticus de foro, aut ex administratione episcopus fuerit postulatus, ut non prius ordinetur, nisi ante lectoris munere, et officio diaconi aut presbyteri fuerit perfunctus, et ita per singulos gradus (si dignus fuerit) ascendat ad culmen episcopatus. Potest enim per has promotiones, quæ habebunt ubique prolixum tempus, probari qua fide sit, qua modestia, qua gravitate et veracundia. Et si dignus fuerit probatus, divino sacerdotio illustretur; quia conveniens non est, nec ratio vel disciplina patitur, ut temere et leviter ordinetur, aut episcopus, aut presbyter, aut diaconus, qui neophytus est, maxime cum et magister gentium beatus Apostolus, ne hoc fieret denuntiasset et prohibuisse videatur (1 Tim. 11); sed hi quorum per longum tempus, examinata sit vita, et merita fuerint comprobata.

CAP. 72. — *Quod per gradus ecclesiasticos ad episcopatus debeat officium perveniri. Ex decretis Cælestini papæ Galliarum episcopis missis (epist. 9 ad epist. Galliæ, cap. 3).*

(Dist. 59, c. *Ordinatos*.) Ordinatos vero quosdam, fratres charissimi, episcopos qui nullis ecclesiasticis ordinibus ad tantæ dignitatis fastigium fuerint instituti, contra Patrum decreta, hujus usurpatione, qui se hæc recognoscit fecisse, didicimus: cum ad episcopatum his gradibus, quibus frequentissime cautum est, debeat perveniri, ut minoribus initiati officiis ad majora firmentur. Debet enim ante esse discipulus, quisquis doctor esse desiderat, ut possit docere quod didicit. Omnis vitæ institutio, hac ad id quo tendit, se ratione confirmat. Qui minime literis operam dederit, præceptor esse non potest literarum. Qui non per singula stipendia creverit, ad meritum stipendii ordinem non potest pervenire. Solum sacerdotium inter ista, rogo, vilius est, quod facilius tribuitur, cum difficilius impleatur. *Item de eodem. Ex Beneventana synodo Urbani papæ, capitulo primo. (Dist. 60, c. Nullus in episcopatum.)*

Nullus in episcopatum eligatur, nisi in sacris ordinibus religiose vivens inventus est. Sacros autem ordines dicimus diaconatus et presbyteratus: hos siquidem solos primitiva legitur Ecclesia habuisse; super his solis præceptum apostoli habemus (1 Tim. 11). Subdiacones vero, quia et ipsi altaribus ministrant, opportunitate exigente concedimus, sed rarissime, si tamen spectatæ sint religionis et scientiæ, quod ipsum sine Rom. pontificum vel metropolitani licentia non fiat.

CAP. 73. — *Ut laicam communionem non accipiat qui per ambitionem episcopatum acceperit. Ex concilio Sardicensi, cap. 2.*

Osius episcopus dixit: etiam si talis aliquis existerit temerarius, ut fortassis talem excusationem

afferens, asseveret quia litteras populi acceperit, cum manifestum sit potius potuisse plures præmio et mercede corrumpi eorum, qui sinceram fidem non nabant, ut clamarent in Ecclesia, et ipsum petere viderentur episcopum, omnino has fraudes damnandas esse arbitror, ita ut ne laicam in fine communionem talis accipiat. Si vobis omnibus placet, statuete. Synodus respondit: Placet.

CAP. 74. — *Quod episcopus esse non possit qui nesciente metropolitano consecratus fuerit. Ex concilio Arelatensi. II, cap. 6.*

Illud autem ante omnia claret, quod eum qui sine conscientia metropolitani constitutus fuerit episcopus, juxta magnam synodum esse episcopum non debere.

CAP. 75. — *Ne episcopi per Simoniacam heresim regiminis locum obtineant. Ex Meldensi concilio, cap. 43.*

(1, q. 1, c. Cavendum.) Cavendum, et summopere est præcavendum, ac per virtutem sanguinis Christi interdicendum episcopis, et regibus, et omnibus sublimioribus potestatibus atque cunctis fautoribus et electoribus quorumcunque, atque censoribus seu ordinatoribus in gradu ecclesiastico, ut nemo per Simoniacam hæresim regiminis locum obtineat, quacunque fauione, calliditate, promissione, seu commoditate, aut donatione per se, aut per submissam personam, cum Spiritus sanctus inter cætera documenta per os dicat Gregorii (*epist. 110 lib. VII*): Cur non videtur, cur non perpenditur, quia benedictio illi in maledictionem convertitur qui ad hoc ut fiat hæreticus ordinatur? Item. Quisquis contra hanc Simoniacam et neophytorum hæresim vehementer pro officii sui consideratione non arserit, cum Simone mago se non dubitet habere portionem, qui primus commisit hoc piaculare flagitium. Et alibi (*epist. 51, seu c. 95, l. IV*): Quisquis hoc pretio studet accipere, non esse sacerdos, sed dici tantummodo inaniter concupiscit. Et alibi (*epist. 9*): Dolens, inquit, dico, gemens denuntio, quia sacerdotium quod apud vos intus cecidit, foris diu stare non potuit.

CAP. 76. — *De his qui pretio sacram mercati sunt dignitatem. Ex epistola Gelasii papæ (ep. 9, c. 26).*

(1, q. 1, c. Quos constituerit.) Quos constituerit indignos meritis, sacram mercatos esse pretio dignitatem (*Act. VIII*), convictos oportet arceri, quia dantem pariter et accipientem damnatio Simonis, quam sacra lectio testatur, involvit.

CAP. 77. — *De eadem re. Ex epistola Hormisdæ papæ (cap. 25, c. 2).*

Hoc itaque ad priora conjungimus, ne benedictio per impositionem manus, quæ a Deo esse creditur, pretio comparetur, quia Simon Magus Spiritum sanctum volens pretio mercari apostoli Petri fuit detestatione percussus.

CAP. 78. — *Item de eadem re. Ex canone Avostolorum, cap. 30 [29].*

Si quis episcopus aut presbyter, aut abbas [diaconus] per pecuniam hanc obtinuerit dignitatem, deficiatur ipse et ordinator ejus, et a communione

sancta modis omnibus abscedatur, et sit anathema, sicut Simon Magus a Petro.

CAP. 79. — *Erga Simoniacos nullam misericordiam servandam. Nicolaus junior synodos præsidens in Constantinopolitana ecclesia dixit.*

(1, q. 1, c. Erga Simoniacos.) Erga Simoniacos nullam misericordiam in dignitate servanda habendam esse decernimus, sed juxta canonum sanctiones, et sanctorum Patrum decreta eos omnino damnamus, ac deponendos eos apostolica auctoritate sancimus. Item. De cætera, si quis in posterum ab eo quem Simoniacum esse non dubitat, se consecrari permiserit, et consecrator et consecratus non disparem damnationis sententiam subeat, sed et uterque depositus pœnitentiam agat, et privatus a propria dignitate persistat.

CAP. 80. — *Quod si Romanus pontifex Simoniacus, et sine consensu cardinalium intrusus fuerit, ab eis excommunicandus, et humano etiam judicio a sede pellendus sit. Ibid, cap. 2.*

Si quis pecunia aut gratia humana, aut populari seu militari tumultu, sine concordi et canonica electione et benedictione cardinalium, episcoporum ac deinde sequentium ordinum religiosorum, apostolicæ sedi fuerit inthronizatus, non papa vel apostolicus, sed apostaticus habeatur: liceat que cardinalibus, episcopis cum religiosis et Deum timentibus clericis et laicis invasorem, etiam cum anathemate et humano auxilio et studio a sede apostolica repellere, et quem dignum judicaverint præponere. Quod si hoc intra urbem perficere nequiverint, nostra auctoritate extra urbem congregati in loco quo eis placuerit, eligant quem digniorem et utiliorem apostolicæ sedi perspexerint, concessa ei auctoritate regendi et disponendi res ad utilitatem sanctæ Romanæ Ecclesiæ, secundum quod ei melius videbitur, juxta qualitatem temporis, quasi jam omnino inthronizatus sit.

CAP. 81. — *Qualiter judicandi sint qui Simoniaci ordines acceperint. Ex decretis Gregorii papæ VII, cap. 11.*

(1, q. 1, c. Ordinationes.) Ordinationes quæ interveniunt pretio vel precibus, vel obsequio ea intentione impenso alicui personæ, vel quæ non communi consensu cleri et populi secundum canonicas sanctiones fiunt, et ab his ad quos consecratio pertinet, non comprobantur, falsas esse dijudicamus; quoniam qui taliter ordinantur, non per ostium intrant, id est per Christum, sed ut ipsa Veritas testatur, fures sunt et latrones (*Joan. X*).

CAP. 82. — *Quod ordinatores Simoniacorum simul cum ipsis damnandi sunt. Ex Toletano conc. VI, cap. 4.*

Quicumque Simonis imitator, Simoniacæ quoque hæresis exstiterit sectator, ut ecclesiasticorum ordinum gradus non dignitate morum obtineat, sed munerum impensione concupiscat, et per oblata munera capiat, quibus hanc nec rationis ordo, nec dignitas morum ulla commendat: talis inventus, sacerdotum apices ordinum nullo modo adipisci permittatur; sed et si adeptus fuerit, communione priva-

tas cum ordinibus suis propriorum honorum a missione damnetur.

CAP. 85. — *Ut qui Simoniace a Simoniacis munera acceperint, si clerici fuerint honoris amissione multentur, si laici anathemate damnentur. Ex Tolet. concilio VIII, cap. 3.*

(1, q. 1, c. Reperiuntur.) Quicumque propter accipiendam sacerdotii dignitatem quodlibet præmium fuerit detectus obtulisse, ex eodem tempore se noverit anathematis opprobrio condemnatum, atque a participatione Christi corporis et sanguinis alienum, ex quo illum constat execrabile Christo perpetrasse flagitium. Quod si aliquis extiterit qui accuset, ille qui hunc ordinem munerum fuerit datione lucratus, et suscepti honoris gradu fruetur; et in monasterio sub perenni penitentia religetur; illi vero qui pro causa hac munerum acceptores extiterint, si clerici fuerint, honoris amissione multentur, si vero laici, anathemate perpetuo condemnentur.

CAP. 84. — *Quid episcopus vovere debeat ordines accipiturus. Ex Tolet. concilio IX, cap. 10.*

Unusquisque qui ad ecclesiasticos gradus est accessurus, non ante honoris consecrationem accipiat, quam placiti sui inodatione promittat, ut fidem catholicam sinceri cordis devotione custodiens, iuste et pie vivere debeat, et in nullis operibus suis canonicis regulis contradicat, atque ut debitum per omnia honorem atque obsequii reverentiam præmittenti sibi unicuique dependat.

CAP. 85. — *Ut nullus pro gradu sacerdotii conferendo, nec antea, nec post munus sine periculo exigat. Ex Bracaren. concilio III, cap. 7.*

(1, q. 1, c. Qui per pecuniam.) Quicumque pro conferendo cuiquam sacerdotii gradu, aut munus quodcumque, aut promissiones muneris antequam ordinetur acceperit, vel etiam postquam ordinatus fuerit, in aliquo se pro hoc ipso præsumperit munerari, sive ille qui dederit, sive qui acceperit, iuxta sententiam Chalcedonensis concilii gradus sui periculum sustinebit (cap. 2).

CAP. 86. — *Quod Simonia alia ab obsequio, alia a manu, alia a lingua sit. Gregorius in codice quadraginta homiliarum., hom. 4.*

(1, q. 1, c. Sunt nonnulli.) Columbas vendere, est impositionem manus, qua Spiritus sanctus datur, non ad vitæ meritum, sed ad præmium dare. Sed sunt nonnulli, qui quidem nummorum præmia ex ordinatione non accipiunt, sed tamen sacros ordines pro humana gratia largiuntur, atque de largitate eadem laudis solummodo retributionem quærunt. Hi nimirum quod gratis acceptum est, gratis non tribuunt (Matth. x), quia de impenso officio sanctitatis, nummum favoris expetunt. Unde bene enim virum justum describeret propheta, ait: *Qui excutit manus suas ab omni munere (Isa. xxxiii): Neque enim dicit: Qui excutit manus suas a munere; sed adjunxit, ab omni.* Quia aliud est munus ab obsequio, aliud munus a manu, aliud munus a lingua. Munus quippe ab obsequio est subjectio indebite impensa; munus a manu, pecunia; munus a lingua, favor. Qui ergo sacros ordines tribuit,

tunc ab omni munere manus excutit, quando in divinis rebus non solum nullam pecuniam, sed etiam humanam gratiam non requirit.

CAP. 87. — *Quod columbas vendunt, qui manus impositionem ad pretium distribuunt. Ibidem homilia.*

Nonnullos vestrum cum præmiis ordinationes facere cognovimus, spiritualem gratiam vendere, et de alienis iniquitatibus cum peccati damno temporalia lucra cumulare. Cur ergo ad memoriam vestram non redit, quod vox Dominica præcipiens dicit: *Gratis accepistis, gratis date? (Matth. x.)* Cur non ante mentis oculos revocatis quod templum Redemptor noster ingressus, cathedras vendentium columbas evertit, et nummulariorum effudit aes? (Matth. xxi.) Qui namque sunt in templo Dei hodie, qui columbas vendunt (Joan. ii), nisi qui in Ecclesia pretium de impositione manus accipiunt, per quam videlicet impositionem Spiritus sanctus cælitus datur? Columba igitur venditur, quia manus impositio, per quam Spiritus sanctus accipitur, ad pretium datur. Sed Redemptor noster cathedras vendentium columbas evertit, quia talium negotiatorum sacerdotium destruit. Hinc est enim quod sacri canones Simoniacam hæresim damnant, et eos a sacerdotio privari præcipiunt, qui de largiendis ordinibus pretium quærunt. Cathedra ergo vendentium columbas evertitur, quando hi qui spiritualem gratiam vendunt, vel ante humanos, vel ante Dei oculos sacerdotii privantur.

CAP. 88. — *De eadem re. Homilia 39.*

(1, q. 3, c. Vendentes.) Vendentes et ementes de templo eliminat Christus, quia vel eos qui pro munere impositionem manuum tribuunt, vel eos qui donum Dei emere nituntur, damnat. *Item, ibidem* In templo vendentes sunt, qui hoc quod quibusdam jure competit, ad præmium largiuntur. Justitiam enim vendere est, hanc pro præmii acceptione servare. Ementes vero in templo sunt, qui dum hoc quod justum est proximo persolvere nolunt, dumque rem jure debitam facere contemnunt, dato patronis pretio [præmio] emunt peccatum.

CAP. 89. — *De episcopo Simoniace ordinato. Gregorius Maximino [Maximo] præsumptori Ecclesie Salonitanæ (lib. v regist., epist. 3).*

Pervenit ad nos, quod per Simoniacam hæresim fueris ordinatus, sed et alia de te multa hic dicta sunt, de quibus unum quam maxime fuit, propter quod necesse habuimus, summopere per scripta nostra prohibere, ne missarum solemnitas celebrare debuisses.

CAP. 90. — *Ut dignus vita et moribus ad sacros ordines eligatur Gregorius Brunichildæ reginæ Francorum (lib. VII regist., epist. 5).*

Christianitatis vestræ sollicitudo diligenter invigilet, ut nullum qui sub vestro regno est, ad sacrum ordinem ex datione pecuniæ, vel quarumlibet patrocinio personarum, seu proximitatis jure patiatur accedere, sed ille ad episcopatus vel alterius sacri

ordinis officium eligatur, quem dignum vita et mores ostenderint

CAP. 91. — *Ut nullus sacros ordines emat, nec aliquis ex laico habitu ad regimen Ecclesiæ perveniat. Gregorius Syagrio, Betherio, Virgilio, et Desiderio episcopis aparibus (lib. vii regist., epist. 3).*

Fraternitatem vestram (auctore Deo) volumus synodum congregare, atque in ea reverendissimo fratre nostro Aregio [Syagrio] coepiscopo, et dilectissimo filio nostro Cyriaco abbate mediantibus, omnia quæ sanctis canonibus (sicut prædiximus) sunt adversa, districtè sub anathematis interpositione damnentur, id est ut nullus pro adipiscendis ordinibus ecclesiasticis dare aliquod commodum præsumat, vel pro datis accipere; neque ex laico habitu quisquam repente audeat ad locum sacri regiminis pervenire; neque ut aliæ mulieres cum sacerdotibus habitent, nisi quæ sacris canonibus sunt permixtæ.

CAP. 92. — *De Simoniacæ pravitate extirpanda. Gregorius Theodorico regi Francorum (lib. ix registri, epist. 53).*

Iterata vos pro vestra mercede adhortatione pulsamus, ut congregari synodum iubeatis, et sicut dudum scripsimus, corporalia in sacerdotibus vitia, et Simoniacæ hæreseos pravitatem, episcoporum omnium definitione damnari, atque a vestri regni amputari finibus faciatis.

CAP. 93. — *De eodem. Gregorius Brunichildæ reginæ Francorum (lib. ix registri, epist. 57).*

Synodum congregari præcipite, et peccatum Simoniacæ hæreseos de regno vestro inter alia quæ supra scripsimus, definitione concilii studiosius prohibete.

CAP. 94. — *Item de eodem. Gregorius Clothario regi Francorum (lib. ix regist., epist. 55).*

Quia Simoniaca hæresis prima in Ecclesia surgens apostolorum est auctoritate damnata, petimus ut pro mercede vestra synodum congregari faciatis, quatenus omnium sacerdotum definitione compressa et radicitus amputata, nullas illic vires de cætero in periculum animarum inveniat, nec ulterius sub qualibet occasione permittatur exurgere.

CAP. 95. — *Quod episcopus Simoniacæ ordinatus aurum dedit, et animam perdidit; ordinans autem pecuniam accepit, lepram dedit. Ambrosius in pastoralis suo (lib. De dignit. sacerdotali, cap. 5).*

(1, q. 4, c. Cum ordinaretur.) Quod dedit episcopus cum ordinaretur aurum fuit; et quod perdidit, anima fuit. Cum alium ordinaret, quod accepit, pecunia fuit; quod dedit, lepra fuit. Hæc sunt mercimonia iniquorum in perniciem eorum. Interrogo tamen fratrem et coepiscopum nostrum, quia et ego episcopus sum, et cum episcopo loquor. Dic ergo mihi paulisper, frater episcopo, cum dares pecuniam, quid accepisti? Gratiam episcopalem accepi. Ergo interrogo te. Hæc gratia cui tali vocabulo nuncupatur? Respondit: Cur, inquis? Ut reor, quod

A gratis datur, ideo gratia vocatur. Ergo si gratis gratia datur, et auro non æstimatur, a te cur gratia pecuniis comparatur? Respondit: Non, inquit, mihi daretur, si pecunia non emeretur; nec episcopus fuissem ordinatus, si pecunias non dedissem. Ergo, ut apparet ex responsionibus tuis, gratiam cum ordinareris non accepisti, quia gratuito eam non meruisti. Et ideo, frater, si gratiam non accepisti, quomodo episcopus effici potuisti? Nam et ad discipulos suos Dominus ait: *Gratis accepistis, gratis date (Matth. x)*. Cur ergo gratuitam gratiam æstimasti te pretio possidere? Nam, ut video, aurum dans perdidisti, et sanctam gratiam non acquisisti.

B CAP. 96. — *De eodem. Ambrosius officiorum libro primo (de dignitate sacerdotali, cap. 5).*

Si percunctari fideliter velis Simoniacos, quis eos fecerit sacerdotes, respondebunt mox et dicent: Ab archiepiscopo sum nuper episcopus ordinatus, centumque ei solidos dedi, ut episcopalem gratiam consequi meruissem. Quos si minime dedissem episcopus hodie non essem. Unde melius volui, mi domine, aurum de sacello minuere [invchere], quam tantum [totum] sacerdotium perdere. Aurum dedi, et episcopatum comparavi; quos tamen solidos, si vixero, recepturum me illico iterum non diffido. Ordino presbyterum, consecro diaconum, et aurum accipio. Nam et de aliis nihilominus ordinibus pecuniæ quæstum flagitare confido. Ecce et aurum quod dedi, in meo sacello recepi, et episcopatum gratis accepi. Nempe hoc est quod doleo, quia archiepiscopus carnaliter episcopum fecit: nam propter pecunias spiritualiter leprosum ordinavit. *Pecunia, inquit, tua tecum sit in perditionem (Act. viii)*, quia donum Spiritus sancti gratiæ pretio comparasti, et commercium miserabile in animarum exitium peregisti. Et nescii homines, et indocti inordinationibus eorum clamant, et dicunt: Dignus est, justus est, conscientia misera, indignus, injustus est dicit [Dignus es, et justus es, et conscientia misera. Indignus es, et injustus es, dicit, etc.]. Pronuntiat enim episcopus hic [hujusmodi] ad populum, dicens: Pax vobis. Oculis quidem carnalibus videtur magnus episcopus, et divinis obtutibus inspicitur magnus leprosus.

C CAP. 97. — *Item de eodem. Beda in libro homiliarum 70 (ad cap. 2 Joannis).*

(1, q. 3, c. Non solum.) Non solum venditores sunt columbarum, et domum Dei faciunt domum negotiationis, qui sacros ordines largiendo pretium pecuniæ, vel laudis, vel etiam honoris inquirunt, verum hi quoque qui gradum vel gratiam in Ecclesia spirituales, quam Domino largiente percipere, non simplici intentione, sed cujuslibet humane causa retributionis exercent, contra illud apostoli Petri, qui loquitur, quasi sermones Dei: *Qui ministrat, tanquam ex virtute quam administrat Deus, ut in omnibus honorificetur Deus per Jesum Christum (I Petr. iv)*. Quiunque ergo tales sunt, si nolunt

veniente Domino de Ecclesia auferri, auferant ista de suis actibus, ne faciant domum Dei domum negotiationis.

CAP. 98. — *Quibus in locis episcopi, quibus presbyteri esse debeant. Anacletus in tertio decretali suo omnibus episcopis (supra c. 58).*

Episcopi apostolorum, presbyteri vero 72 discipulorum locum tenent. Episcopi autem non in castellis, neque in modicis civitatibus debent constitui, sed presbyteri per castella et modicas civitates atque villas debent ab episcopis ordinari et poni, singuli tamen per singulos titulos suos. Et episcopus non ab uno, sed a pluribus debet episcopis ordinari et, ut dictum est, non ad modicam civitatem, ne vilescat nomen episcopi, sed ad honorabilem urbem titulandus et denominandus est. Presbyter vero ad qualemcumque locum ecclesie in eo constitutæ est præficiendus.

CAP. 99. — *Irritam esse sententiam archiepiscopi sine assensu coepiscoporum. Iliginus papa a Petro apostolo octavus in 1 decretali suo. omnibus episcopis (cap. 2).*

(9, q. 3, c. Salvo.) Salvo in omnibus Romanæ Ecclesie privilegio, nullus metropolitanus absque cæterorum omnium comprovincialium episcoporum instantia aliquorum audiat causas eorum, quia irritæ erunt aliter actæ quam in conspectu eorum omnium ventilatæ, et ipse, si fecerit, coerceatur a fratribus. (Cap. 2.) (2, q. 7, c. Criminationes.) Criminationes majorum natu per alios non fiant, nisi per ipsos qui crimina intendunt, si tamen ipsi digni et irreprehensibiles apparuerint, et actis publicis docuerint omni se suspicione carere et inimicitia, atque irreprehensibilem fidem ac conversationem ducere.

CAP. 100. — *Ut nullus metropolitanus alterius diocæsani parochianum præsumat excommunicare, vel aliquid de eo agere sine concilio vel iudicio episcopi sui. Calixtus papa a Petro xv, Benedicto fratri et coepiscopo (epist. 2 episc. Gallie, c. 3).*

(9, q. 3, c. Nullus primas.) Nullus primas vel metropolitanus diocæsani ecclesiam vel parochiam, vel aliquem de ejus parochia præsumat excommunicare, vel iudicare, aliquidve agere absque ejus concilio vel iudicio, sed hoc observet, quod ab apostolis ac Patribus, et prædecessoribus nostris est statutum et a nobis confirmatum.

CAP. 101. — *Irritum esse quod facit archiepiscopus de alterius parochia sine ejus voluntate. Idem, ibidem.*

Si quis vero metropolitanus episcopus, nisi quod ad suam solummodo propriam pertinet parochiam, sine consensu [concilio] et voluntate omnium comprovincialium episcoporum, extra aliquid agere tentaverit, gradus sui periculo subiacet, et quod egerit irritum habeatur, et vacuum; sed si quid [quidquid] de comprovincialium causis episcoporum, eorumque ecclesiarum et clericorum atque sæcularium necessitatibus agere aut disponere necesse fuerit, hoc cum omnium consensu comprovincialium agatur pontificum, non aliquo dominationis fastu,

sed humillima et concordati administratione, sic Dominus ait: *Non veni ministrari, sed ministrare (Matth. xx).* Et alibi: *Qui major est vestrum, erit minister vester (Matth. xxiii),* et reliqua. Similiter et ipsi comprovinciales episcopi cum ejus consilio (nisi quantum ad proprias pertinet parochias) agant juxta sanctorum constituta Patrum, ut uno animo, uno ore concorditer sancta glorificetur Trinitas in sæcula. Nullus primas, nullus metropolitanus, nullusque reliquorum episcoporum alterius adeat civitatem, aut ad possessionem accedat, quæ ad eum non pertinet, et alterius episcopi parochiam super cujusquam [ejus] dispositione, nisi vocatus ab eo cujus juris esse dignoscitur, ut quidquam ibi disponat vel ordinet, aut iudicet, si sui gradus honore potiri voluerit. Sin aliter præsumpserit damnabitur, et non solum ille, sed et cooperantes, et consentientes illi, quia sicut ordinatio, ita ejus [eis] et iudicatio, et aliarum rerum dispositio, prohibetur. Nam qui ordinare non poterit, quomodo iudicabit? Nullatenus procul dubio iudicabit, aut iudicare poterit. Quoniam sicut alterius uxor nec adulterari ab aliquo, vel iudicari, aut disponi nisi a proprio viro eo vivente permittitur, sicut nec uxor episcopi (quæ ejus Ecclesia vel parochia indubitanter intelligitur) eo vivente, absque ejus iudicio et voluntate, alteri iudicari [iudicio et voluntate alterius iudicari, etc.] vel disponi, aut ejus concubitu frui, id est, ordinatione ullatenus conceditur.

CAP. 102. — *Quod nullus nisi per gradus ecclesiasticos ad summum sacerdotium pervenire debeat. Zosimus episcopus urbis Romæ Hesychio episcopo Salonitano, cap. 1 (ep. 1, c. 4).*

(Dist. 36 et 59, c. Qui ecclesiast.) Hoc autem specialiter, et sub prædecessoribus ostris, et nuper a nobis interdictum constat litteris ad Gallias, Hispaniasque transmissis, in quibus regionibus familiarior est ista præsumptio, quamvis nec Africa super hac [hoc] admonitione nostra habeatur aliena, ne quis penitus contra Patrum præcepta, quia ecclesiasticis disciplinis per ordinem non fuisset imbutus, et temporum approbatione divinis stipendiis eruditus, nequaquam ad summum Ecclesie sacerdotium, aspirare præsumeret, et non solum in eo ambitio inefficax haberetur, verum etiam ordinatores ejus carerent eo ordine, quem contra præcepta Patrum crediderant præsumendum.

CAP. 103. — *Ut si quis episcopus majorem sedem ambierit, et suam perdat, et illam non obtineat. Leo Anastasio Thessalonicensi episcopo (epist. 84, cap. 2).*

Si quis episcopus civitatis suæ mediocritate despecta, administrationem loci celebrioris ambierit, et ad majorem se plebem quacunque ratione [occasione] transtulerit, a cathedra quidem pellatur aliena, sed carebit et propria, ut nec illis præsideat, quos per avaritiam concupivit, nec illis quos per superbiam sprexit. Suis ergo terminis quisque contentus sit, nec supra mensuram juris sui affectet augeri.

CAP. 104. — *Ut nullus episcopus sibi eligat successorem. Hilarius papa synodo præsidentis dixit, cap. 5 (in concilio Romano).*

Præterea, fratres, nova et inaudita (sicut ad nos missis de Hispaniis epistolis sub certa relatione pervenit) in quibusdam locis perversitatum semina subinde nascuntur. Denique nonnulli episcopatum, qui nonnisi meritis præcedentibus datur, non divinum munus, sed hæreditarium putant esse compendium, et credunt sicut res caducas atque mortales, ita sacerdotium vel legatorio aut testamentario jure posse dimitti. Nam plerique sacerdotes in mortis confinio constituti, locum suum feruntur alios designatis nominibus subrogare, scilicet ut non legitima exspectetur electio, sed defuncti gratificatio pro populi habeatur assensu. Quod quam grave sit existimatis [æstimate]. Atque ideo, si placet, etiam hæc licentiam generaliter Ecclesiis auferamus.

CAP. 105. — *Quod non sit principatus per amicum vel seditionem occupandus, et quod non sit episcopo manus imponenda, nisi diligenter examinato. Leo papa universis episcopis per Africam constitutis (epist. 87, cap. 1).*

Necessarium fuit ut dolorem cordis nostri, quo pro Dominicorum gregum periculis æstuemus, datis nunc ad vos litteris promeremus, mirantes tantum apud vos, per occasionem temporis impacati, aut ambientium præsumptionem, aut tumultum valuisse popularem, ut indignis quibusque, et longe extra sacerdotale meritum constitutis, pastorale fastigium et gubernatio Ecclesiæ crederetur. Non est hoc consulere populo, sed nocere; nec præstare regimen, sed augere discrimen. Integritas enim præsidium salutis est subditorum; et ubi est incolumitas obedientiæ, ibi sana est forma doctrinæ. Principatus autem quem aut seditio extorsit, aut ambitus occupavit, etiamsi moribus atque actibus non offendit, ipso tamen initio sui est perniciosus exemplo, et difficile est ut bono peragantur exitu quæ malo sunt inchoata principio. Quod si in quibuslibet Ecclesiæ gradibus providenter scienterque curandum est ut in domo Domini nihil sit inordinatum, nihilque præposterum, quanto magis elaborandum est ut, in electione ejus qui supra omnes gradus constituitur, non erretur? Nam totius familie Domini status et ordo nutabit, si quod requiritur in corpore, non invenitur in capite. Ubi est illa beati Pauli apostoli per Spiritum Dei emissa præceptio, qua in persona Timothei omnium sacerdotum Christi numerus eruditur, et inde [proinde] unicuique nostrum dicitur: *Manus cito nemini imposueris, neque communicaveris peccatis alienis (I Tim. v).* Quid est cito manus imponere, nisi ante ætatem maturitatis, ante tempus examinis, ante meritum laboris, ante experientiam disciplinæ, sacerdotalem honorem tribuere non probatis? Et quid est communicare peccatis alienis, nisi talem effici ordinantem, qualis ille est, qui non meruit ordinari? Sicut enim boni operis sibi comparat fructum qui rectum tenet [sectatur] in eligendo sacer-

dotum judicium, ita gravi semetipsum afficit damno qui ad suæ dignitatis collegium subleuat indignum. Non enim in cujusquam persona prætermittendum est quod institutis generalibus continetur, nec putandus est honor ille legitimus qui fuerit contra divinæ præcepta legis collatus. (Paulo post) Merito Patrum beatorum venerabiles sanctiones, cum de sacerdotum electione loquerentur, eos demum idoneos sacris administrationibus censuerunt, quorum omnis ætas a puerilibus exordiis, usque ad perfectiores annos, per disciplinæ ecclesiasticæ stipendia cucurrisset, ut unicuique testimonium prior vita perhiberet. Nec potest de ejus profectione dubitari, cui pro laboribus multis, pro moribus castis, pro actibus strenuis celsioris loci præmium debetur. Si enim ad honores mundi sine suffragio temporis, sine merito laboris indignum est pervenire, et notari ambitus solent, quos probitatis documenta non adjuvant, quam diligens, et quam prudens habenda est dispensatio divinorum munerum, et cælestium dignitatum, ne in aliquo apostolica et canonica decreta violentur, et his Ecclesia Domini regenda credatur, qui legitimarum institutionum nescii, et totius humilitatis ignari, non ab infimis sumere incrementum, sed a summis volunt accipere [habere] principium, cum valde iniquum sit, et absurdum, ut imperiti magistris, novi antiquis, et rudes præferantur emeritis!

CAP. 106. — *De in ordinandis episcopis sanctorum Patrum statuta negligantur. De superiori epistola ad episcopos Africæ (cap. 2)*

Superest, fratres, ut concorditer [concordi obedientia] salubres suscipiatis hortatus, et nihil per contentionem agentes, sed ad omne studium devotionis unanimes, divinis et apostolicis constitutionibus pareatis, et in nullo patiamini providentissima canonum decreta violari. Quæ enim certarum remissimus consideratione causarum, antiquis deinceps custodienda sunt regulis, ne quod ad tempus pia lenitate concessimus, justa post ultione plectamus, in eos specialius et propensius commovendi, qui in episcopis ordinandis sanctorum Patrum statuta neglexerint, et quos refutare debuerint, consecrarint.

CAP. 107. — *Quod qui indignos ordinant, jus debeant amittere consecrandi, ibidem (eodem cap.).*

Unde episcopi qui talem consecraverint sacerdotem, qualem esse non liceat, etiam si aliquomodo damnum proprii honoris evaserint, ordinationis tamen jus ulterius non habebunt, nec unquam ei sacramento intererunt, quod neglecto divino iudicio, immerito præstiterunt. Illud sane quod ad sacerdotalem pertinet dignitatem, inter omnia volumus canonum statuta servari, ut non quibuslibet locis, neque quibuscunque castellis, et ubi ante non fuerunt episcopi consecratorum, cum ubi minores sunt plebes, minoresque conventus, presbyterorum cura sufficiat. Episcopalia autem gubernacula nonnisi majoribus populis, et frequentioribus civitatibus

oporteat præsilere, ne quod sanctorum Patrum A
divinitus inspirata decreta veterant, viculis, et
possessionibus, vel obscuris et solitariis municipiis
tribuat sacerdotale fastigium.

CAP. 108. — *De Simoniaca hæresi eradicanda, et de
episcopo alterius gratia non faciendo. Gregorius
universis episcopis per Helladum provinciam con-
stituitis (lib. iv regist., epistola 56).*

(1, q. 1, c. *Quibusdam*.) Quibusdam narrantibus
agnovi quod in illis partibus nullus ad sacrum or-
dinem sine commodi datione perveniat. Quod si ita
est, fletus dico, gemens denuntio, quia cum sacerdo-
talis ordo intus cecidit, foris quoque diu stare non
poterit. Scimus quippe ex Evangelio, quid Re-
demptor noster per semetipsum fecerit, quia ingres-
sus templum, cathedras vendentium columbas
evertit (*Matth. xxi*). Columbas enim vendere est, de
Spiritu sancto quem Deus omnipotens consubstan-
tialem per impositionem manuum hominibus tribuit,
commodum temporale percipere. Ex quo (ut prædixi)
malo jam innuitur, quia qui in templo Dei columbas
vendere præsumperunt, eorum Deo iudice cathedræ
cecidissent. Qui videlicet error in subditis propaga-
tur cum augmento, nam ipse quoque cum ad sacrum
ordinem præmiis perducatur jam in ipsa proventus
sui radice vitiat, paratior est aliis venundare,
quod emit. Et ubi est quod scriptum est: *Gratis ac-
cepistis, gratis date?* (*Matth. x*) Et cum prima con-
tra sanctam Ecclesiam Simoniaca hæresis sit exorta,
cur non perpenditur, cur non videtur, quia eum
quem pretio quis ordinar, provehendo agit, ut hæ-
reticus fiat? Ideoque hortamur ut vestrum nullus
denuo hoc fieri patiatur. Sed neque gratia alicujus,
neque supplicatione aliquos ad sacros ordines aude-
at promovere, nisi eum quem vitæ et actionis
qualitas ad hoc dignum esse monstraverit; nam, si
aliter factum genuo senserimus, districta et canonica
illud noverit ultione compesci.

CAP. 109. — *Si nihil accipiatur pro ordinatione vel
pallio vel chartis, cujus supra.*

Antiquam Patrum regulam sequens, nihil unquam
de ordinationibus accipiendum esse constituo, ne-
que ex datione pallii, neque ex traditione chartarum,
neque ex ea, quam nova per ambitionem invenit si-
mulatio, appellatione pastelli. Quia enim ordinando
episcopo pontifex manum imponit, evangelicam vero
lectionem minister legit, confirmationis vero hujus
epistolam rotarius scribit, sicut episcopum non de-
bet manum suam imponit vendere, ita minister vel
notarius non debet in ordinatione ejus vocem suam,
vel calamum vendere. Pro ordinatione ergo, et pro
pallio, chartis atque pastello, eundem qui ordina-
ndus est, vel qui ordinatus est, aliqua dare prohibeo.
Ex quibus prædictis rebus, si quis aliquid commodi
appellatione exigere, vel petere forte præsumperit,
in districto omnipotentis Dei examine, reatu subja-
cebit. Is autem qui ordinatus fuerit, si non ex pla-
cito, neque exactus ac petitus, post acceptas chartas
et pallium, offerre aliquid cuilibet ex clero, gratiæ
tantummodo causa voluerit, hoc accipi nullo modo

PATROL. CLXI.

A prohibemus, quia ejus oblatio nullam culpæ macu-
lam gerit, quæ ex ambientis petitione non pro-
cessit.

CAP. 110. — *De eodem. Greg. Theodorico et Theod.:
berto regibus Francorum (lib. vii regist., epist. 116.)*

Qua de re ut magnum omnipotentis Deo munus
valeatis offerre, synodum congregari præcipite, in
qua sicut fratribus coepiscopis nostris mandavimus,
præsente dilectissimo filio nostro Cyriaco abbate,
sub anathematis debeat obligatione constitui, nullum
pro ecclesiastico ordine aliquid unquam dare, vel
aliquid accipere.

CAP. 111. — *Quod nullum opus Simoniaci valeat, et
quod iram Dei super populum potius provocat quam
placat. Ibidem paulo post initium.*

(1, q. 1, c. *Fertur Simoniaca*.) Fertur Simoniaca
hæresis (quæ prima contra Dei ecclesiam diabolica
supplantatione subrepsit, et in ipso ortu suo zelo apo-
stolicæ ultionis percussa, atque damnata est) in re-
gni vestri finibus dominari, cum in sacerdotio fides
sit eligenda cum vita. Si enim vita deest, fides mori-
tum non habet, beato Jacobo attestante, qui ait:
Fides sine operibus mortua est (Jac. ii). Quæ enim
opera esse valeant sacerdotis, qui honores tanti sa-
cramenti convincitur obtinere per præmium? *Et
post pauca*. Hinc igitur non solum in ordinatoris et
ordinati animam lethale vulnus infligitur, verum
etiam excellentiæ vestræ regnum vestrorum episco-
porum culpa (quorum magis intercessionibus juvari
debuerat) prægravatur. Si enim dignus is sacerdotio
C creditur, cui non actionis merita, sed præmiorum
copia suffragatur, restat ut nihil sibi in honores ec-
clesiasticos gravitas, nihil sibi defendat industria,
sed totum auri profanus amor obtineat, et dum vitia
honor remunerat, in locum ultoris is fortasse
qui fuerat ulciscendus adducitur, atque hinc sacer-
dotes non proficere, sed perire potius judicantur.
Vulnerato namque pastore, quis curandis ovibus
adhibeat medicinam? Aut quando populum orationis
clypeo tueatur, qui jaculis se hostium feriendum
exposuit? Aut qualem fructum producturus est, cui
gravi peste radix infecta est: Major ergo calamitas
metuenda est forte locis illis, ubi tales intercesso-
res adducuntur ad locum regiminis, qui iram Dei
provocant, quam per semetipsos populis placare de-
buerant.

CAP. 112. — *Item de Simoniacis. Gregorius Etherio
[Betherio], Siagrino, Virgilio et Desiderio, episcopis
Galliarum (lib. vii regist., epist. 110.)*

Dam non attenditur, quod divina voce dicitur
[præcipitur]. *Gratis accepistis, gratis date (Matth. x)*,
agitur ut crescat et geminata fiat in uno eodemque
delicti contagio, ementis scilicet et vendentis. Et
cum liqueat hanc hæresim ante omnes radice pesti-
fera subrepsisse, atque in ipsa sua origine aposto-
lica esse detestatione damnatam, cur non perpendi-
tur, cur non cavetur, quia illi benedictio in maledi-
ctionem convertitur, quia ad hoc ut fiat hæreticus
promovetur? *Item, ibidem*. Neque enim elemosyna
reputanda est, si pauperibus dispendere, quod ex

illicitis rebus accipitur, quia qui hac intentione male accipit, ut bene dispenset, gravatur potius, quam adjavetur.

CAP. 113. — *Non esse ordinandum episcopum sine consensu metropolitani. Innocentius Victricio Rothomagensi episcopo (epist. 2, c. 1.)*

Primum, ut extra conscientiam metropolitani episcopi, nullus audeat ordinare episcopum. Integrum enim est iudicium quod plurimorum sententiis confirmatur. Nec unus episcopum ordinare præsumat episcopum, ne furtivum præstitum beneficium videatur. Hoc enim et synodus Nicæna constituit atque desinivit.

CAP. 114. — *De eodem. Hilarius papa Ascanio, et aliis episcopis Tarraconensis provinciæ (cap. 4.)*

Hoc autem primum juxta eorundem regulas Patrum volumus custodiri, ut nullus præter notitiam atque consensum fratris nostri Ascanii aliquatenus consecratur antistes; quia hoc vetus ordo tenuit, hoc trecentorum decem et octo sanctorum Patrum desinivit auctoritas. Cui quisquis obvias tetenderit manus, eorum se consortio fatetur indignum, quorum præceptionibus resultarit.

CAP. 115. — *De Simoniacis cunctis ab ordine et dignitate removendis. Leo IV episcopis Britannicæ (ep. 2, c. 1.)*

(1, q. 7, c. *Requiritis de his.*); Requiritis de his qui turpissimo lucro columbas in templo Domini vendere non pertimescunt, et sui acta improba temeritate Simonis hæresi conjungentes: utrum possint in ordine pœnitentiam agere, aut tantummodo extra ordinem et sacerdotale fieri gradum. Quibus nos quidem convictis, et qui tam detestabile nefas (quod jam multis est damnatum conciliis) peregrisse noscuntur, nulla pœnitentia possumus subvenire, et tot spiritualibus Patribus obviare, sed in illorum Patrum me sententiâ convenire omnibus certum sit.

CAP. 116. — *Quomodo, aut quot testibus damnandus sit episcopus. Idem.*

(2, q. 4, c. *Nullam damnationem.*) Nullam damnationem episcoporum esse unquam censemus, nisi aut ante legitimum numerum episcoporum, qui sit per duodecim episcopos, aut certe probata sententiâ per 72 idoneos testes, qui tales sint, qui et accusare possint, et prius ad sacra Christi quatuor Evangelia sacramenta præsentent, quod nil falsum deponant, sicut nobis beatus Silvester tradidit et Romana sancta tenere videtur Ecclesia. Et si inter eos quos damnandos esse dixerint homines, fuerit episcopus qui suam causam in præsentia Romanæ sedis episcopi petierit audiri, nullus super illum finitivam præsumat dare sententiâ, sed omnino eum audire decernimus.

CAP. 117. — *Qualiter episcopi debeant ordinari. Ex conc. Nicæno, cap. 4.*

Episcopum oportet ab omnibus episcopis, si fieri potest, qui sunt in provincia ejus, ordinari. Si vero hoc difficile fuerit, vel aliqua urgente necessitate, vel itineris longitudine certe tres episcopi debent in

A unum esse congregari, ita ut etiam cæterorum qui absentes sunt, consensum litteris teneant, et ita facient ordinationem: potestas sane vel confirmatio pertinebit per singulas provincias ad metropolitani episcopum.

CAP. 118. — *Cui periculo subiaceat episcopus vel aliquis de clero per pecuniam ordinatus, vel ad aliquos honores promotus. Ex Chalcedonensi conc. cap. 2.*

(1, q. 1, c. 1. *Si quis episcopus.*) Si quis episcoporum accepta pecunia ordinationem fecerit, et sub pretium deluxerit impetribilem gratia, atque ordinaverit per pecuniam episcopum, sive chorepiscopum, sive presbyterum, sive diaconum, aut quemcunque alium qui connumeratur inter clericos, aut accepta pecunia ordinaverit œconomum, id est defensorem, sive paramonarium: quicumque hoc meditatus fuerit, si convictus fuerit, ipse quidem subeat gradus sui periculum, et qui sic ordinatus fuerit, nullum habeat ex hujusmodi mercimonio et creatione probr̄sa profectum, sed sit alienus et dignitatis et sollicitudinis ejus, quam per pecunias intravit; sed et ille qui tam turpibus et illicitis intercessor apparuit, siquidem clericus fuerit, de proprio gradu decedat; si vero laicus sive monachus fuerit, anathema sit.

CAP. 119. — *Quid agendum sit de episcopo, qui ecclesiam per sæcularum potestatem obtinuerit. Ex canone apostolorum, cap. 31.*

(18, q. 7, c. *Si quis episcopus.*) Si quis episcopus sæcularibus potestatibus usus Ecclesiam per ipsas obtineat, deponatur, et segregentur omnes qui illi communicant.

CAP. 120. — *De eodem. Septima synodus, cap. 3.*

(Dist. 63, cap. *Omnis electio.*) Omnis electio episcopi vel presbyteri, aut diaconi a principibus facta, irrita maneat, secundum regulam quæ dicit: Si quis episcopus sæcularibus potestatibus usus ecclesiam per ipsas obtineat, deponatur, et segregentur omnes qui illi communicant.

CAP. 121. — *De eo qui per pecuniam manus impositionem dedit vel accepit. Synodus septima, cap. 20.*

Omnis episcopus, vel presbyter, aut diaconus convictus quod per pecuniam manus impositionem dederit vel acceperit, a sacerdotio et gradu decedat. Fortassis autem dicunt aliqui, quia pœnitentiam agimus de peccato, et Deus ignoscit illud. Ita est, quia omnes agentes pœnitentiam Deus suscipit, et indulget per pœnitentiam peccata quæque patrata. *Item.* (1, q. 1, c. *Qui per pecunias.*) Qui per pecunias quemquam consecraverit, vel consecratus est, alienus est a sacerdotio.

CAP. 122. — *Nullum principum, vel potestatum laicorum, electioni episcoporum se inserere violentè debere, et si fecerint quid de eis agendum sit. Octava synodus cap. 11.*

Promotiones et consecrationes episcoporum concordans prioribus conciliis, clericorum electione ac decreto, et episcoporum collegio fieri hæc sancta et universalis synodus desinivit, et statuit atque jure promulgavit neminem laicorum principum vel potentium semet ingerere [inserere] electioni vel pro-

motiōni patriarchæ, vel metropolitani, aut cujuslibet episcopi, ne videlicet inordinata et incongrua hinc fiat contentio vel confusio, præsertim cum nullam in talibus potestatem, quemquam potestativorum, vel cæterorum laicorum habere conveniat. Sed silere et attendere sibi, usquequo regulariter a collegio Ecclesiæ suscipiat finem electio futuri pontificis. Si verbò quis laicorum ad concertandum et cooperandum invitatur ab Ecclesia, licet hujusmodi, cum reverentia, si forte voluerit, obtemperare se asciscendibus. Taliter enim dignum pastorem sibi regula iter ad suam Ecclesia salutem promovet. Quisquis autem sæcularium principum, vel potentum, vel alterius dignitatis laicus, adversus communem ac consonantem, atque canonicam electionem ecclesiastici ordinis agere tentaverit, anathema sit, donec obdiat et consentiat, quod Ecclesia de electione et ordinatione proprii præsulis se velle monstraverit.

CAP. 123. — *De eodem. Canones apud Parisios sub Ludovico rege.*

(*Conc. Parisiens. 1, c. 8.*) Quia in aliquibus consuetudo prisca negligitur, ac decreta canonum violantur, placuit juxta antiquam consuetudinem, ut decreta canonum serventur. Nullus civibus invitis ordinetur episcopus, nisi quem populi et clericorum electio plenissima quæsierit voluntate. Non principis imperio, neque per quamlibet conditionem, contra metropolis voluntatem vel episcoporum comprovincialium ingeratur. Quod si per ordinationem regiam honoris istius culmen pervadere aliquis nimia temeritate præsumpsit, a comprovincialibus loci ipsius episcopis recipi nullatenus mereatur, quem indebite ordinatum agnoscunt. Si quis de comprovincialibus recipere eum contra interdicta præsumpsit, sit a fratribus omnibus segregatus, et ab ipsorum omnium charitate semotus. Nam de ante actis ordinationibus pontificum ita convenit observari, ut metropolitanus [metropolis] cum suis comprovincialibus episcopis, vel quos vicinos episcopos eligere voluerit, in loco ubi convenerit, juxta antiqua statuta canonum, omnia communi consilio et sententia decernant [decernantur].

CAP. 124. — *Qualiter consecrentur episcopi. Ex quarto Carthaginiensi concilio, cap. 2.*

(*Dist. 23, c. Episcopus cum.*) Episcopus cum ordinatur, duo episcopi ponant et teneant Evangeliorum codicem super caput et super cervicem ejus, et uno super eum fundente benedictionem, reliqui omnes qui adsunt episcopi, manibus suis caput ejus tangant.

CAP. 125. — *De episcopo vel clero in alium locum non transferendo. Ex eodem concilio, cap. 27.*

(*7, q. 1, c. Episcopus de loca.*) Ut episcopus de loco ignobili ad nobilem perambitionem non transcat, nec quisquam inferioris ordinis clericus. Sane si id utilitas Ecclesiæ faciendum poposcerit, decreto pro eo clericorum et laicorum episcopis porrecto (per sententiam) in præsentia synodi transferatur, nihilominus alio in locum ejus episcopo subrogato.

A Inferioris vero gradus sacerdotes vel alii clerici concessionem suorum episcoporum possunt ad alias ecclesias transmigrare.

CAP. 126. — *Ne quidquam præmii pro divinis sacramentis accipiatur. Ex Toletano concilio XI, cap. 8.*

(*1, q. 1, c. Quidquid invisibilis.*) Quidquid invisibilis gratiæ collatione tribuitur, nunquam quæstus, vel quibuslibet præmiis venundari penitus debet, dicente Domino: *Quod gratis accepistis, gratis date* (*Matth. x*). Et ideo quicumque deinceps in ecclesiastico ordine constitutus, aut pro baptizandis consignandisque fidelibus, aut collatione chrisnatis, vel promotionibus graduum pretia quælibet, vel præmia, nisi voluntarie oblata, pro hujusmodi oblatione [ambitione] susceperit, equidem si, sciente B loci episcopo, tale quidquam a subditis perpetratur, idem episcopus duobus mensibus excommunicationi subjaceat, pro eo quod in scientia mala conticuit, et correctionem necessariam non adhibuit. Sin autem suorum quispiam eodem nesciente, quodeunque da supradictis capitulis accipiendum sibi esse crediderit, si presbyter est, trium mensium excommunicatione plectatur; si diaconus, duobus, subdiaconus vero vel clericus his cupiditatibus serviens, et competenti pœna et debita excommunicatione plectendus est.

CAP. 127. — *Qua sententia feriendi sint qui Simoniace ad episcopatum eliguntur, vel electi Simoniace ordinantur. Ex eodem conc. cap. 9.*

Multæ super hoc capitulo Patrum sententiæ manaverunt, scilicet ne impretablem sancti Spiritus gratiam donis vel muneribus quis æstimet comparandam. Sed (quod non sine gravi dolore dicendum est) quanto hæc frequenti decretorum est præceptio prohibita, tanto a nobis fraudibus cognoscitur iterata, dum hi qui tali pretio mercari nituntur gratiam, suæ ordinationis tempora præveniunt munere, aut post acceptum honorem, promissis suis conferunt apparitoribus turpis lucri mercedem. Et ideo ut horum et similium argumentorum deinceps amputetur occasio, hæc sancta synodus definit ut, cum quisque pontificale culmen ante Domini altare percepturus accesserit, et actione astringatur, quod pro conferenda sibi consecratione honoris, nulli personæ cujuslibet præmii collationem, vel aliquando dedisset, vel aliquando in futurum dare procuraret. Sicque aut mundus ab hoc contagio, prælationis consecrationem accipiat, aut publicato hoc scelere manifeste denudatus, coram Ecclesia ad honorem quem mercari voluit, non accedat. Illos tamen, quos deinceps post prælationem per præmium ordinatos fuisse patuerit, sub definitis pœnitentiæ legibus, ut vere Simoniacos ab Ecclesia separandos esse censemus, id est, ut duorum annorum spatio exsilio relegati, et digna satisfactione vel excommunicationis sententia coerciti, honoris gradum quem præmiis emerant, lacrymis conquirere et reparare intendant; ut si digna eos satisfactio pœnitentiæ tempore invenerit, non tantum communioni [commendaverit, præacto indictæ pœnitentiæ tempore,

non tantum, etc.] sed et loco et totius ordinis officiis, A si ante pondera quam solidentur accipiant, cuncta simul fabricam ad terram deponant.

CAP. 128. — *Ne episcopus per pecuniam aliquem ordinet. Ex II Bracarensi concilio, cap. 3.*

(1, q. 1, c. *Placuit ut de.*) Placuit ut de ordinatione clericorum episcopi munera nulla suscipiant, sed sicut scriptum est: Quod gratis Deo donante acceperint, gratis dent (*Matth. x.*) Non aliquo pretio gratia, et impositio manuum venundetur, quia antiqua definitio Patrum ita de ecclesiasticis ordinationibus statuit dicens: Anathema sit danti et accipienti, propterea quia multi aliquando multis sceleribus obruti, et sancto altari indigne ministrantes non ob testimonium bonorum actuum, sed profusione munerum obtinent. Oportet ergo non per gratiam munerum, sed per diligentem prius discussionem, deinde per multorum testimonium clericos ordinare.

CAP. 129. — *Non esse faciendum episcopum prœmio, vel personarum patrocinio. Gregorius Antonio subdiacono, registri lib. II, epist. 22, sive cap. 61.*

(8, q. 2, c. *Illud quidem.*) Illud quidem prae omnibus curae tibi sit ut, in hac electione, nec datio quibuscunque modis interveniat praeiorum, nec quarumlibet personarum patrocinia coualescant. Nam si quorundam patrocinio quisquam fuerit electus, voluntatibus eorum, cum fuerit ordinatus, obedire reverentia exigente compellitur, sicque fit ut et res illius minuatur ecclesiae, et ordo ecclesiasticus non servetur. Talem ergo te imminente [admonente], debent personam eligere, quae nullius incongruae voluntati deserviat, sed vita et moribus decorata tanto ordine digna valeat inveniri.

CAP. 130. — *Ut nullus privatum commodum, sed commune quaerat in electione episcopi. Idem ad clerum Mediolanensem (epist. 29, sive c. 68).*

(8, q. 2, c. *Dilectissimi.*) Dilectissimi filii, officii nostri censura communiti, suademus, ut in suscipiendi antistitis causa, nullus vestrum neglecta utilitate communi, suo lucro proficiat, ne si quisquam propria commoda appetit, frivola aestimatione fallatur, quia nec libero iudicio praefendam sibi personam examinat mens, quam cupiditas ligat. Pensantes ergo quae cunctis expediunt ei quem vobis divina gratia praetulerit, integerrimam semper in omnibus obedientiam praebete. Judicari namque a vobis ultra non debet semel praelatus, sed tanto nunc subtiliter iudicandus est, quanto postmodum iudicandus non est.

CAP. 131. — *Quid in primitiva Ecclesia, et quid nunc, neophytus vocetur. Idem Virgilio Arelatensi episcopo (lib. IV regist., epist. 50).*

(*Dist. 48, c. Sicut.*) Cum ad sacros ordines Paulus apostolus neophytum venire prohibeat (*I Tim. II*), sciendum nobis est quia, sicut tunc neophytus vocabatur qui adhuc noviter erat plantatus in fide, ita nunc inter neophytos deputamus, qui adhuc novus est in sancta conversatione. Scimus autem quod edificati parietes non prius tignorum pondus accipiant, nisi a novitatis suae humore siccentur; ne

CAP. 132. — *Quod inexpiabilis sit culpa venditi mysterii. Ambrosius (I. IV. In IV, c. Lucae, titulo. De confirmatione ejusdem, exemplo Elisaei et Naaman.)*

Accepisti pecuniam, et possidebis ex ea agrum, et vineas, et oliveta, et greges, et lepra Naaman applicabit (*IV Reg. v*) se in te [adhærebit tibi], et semini tuo usque in æternum. Vides quia facto auctoris successio damnatur hæredis. Inexpiabilis est enim venditi culpa mysterii, et gratiae vindicta cœlestis transit ad posteros (*Deuter. XXIII.*) Denique Moabitæ, et cæteri non intrabunt in Ecclesiam Dei usque in tertiam et quartam progeniem, tandiu videlicet (ut simplicius interpretemur) donec culpa auctorum multiplicis successio generationis aboleret. Sed cum illi, qui in Deum idololatriæ errore deliquerunt, in quartam generationem videantur esse multati, profecto durior videtur esse sententia, qua Giezi semen usque in æternum pro cupiditate habendi prophetica auctoritate damnatur, praesertim cum Dominus noster Jesus Christus per lavacri regenerationem omnibus remissionem dederit peccatorum, nisi ut vitiorum magis quam generis semen intelligas. Sicut enim qui filii promissionis sunt, existimantur in semen bonum, ita etiam qui filii erroris sunt, existimantur in semen malum. Nam et Judæi ex patre diabolo sunt (*Joan. VIII*), non utique carnis successione, sed criminis. Ergo omnes cupidi, omnes avari, Giezi lepram cum divitiis suis possident, et male quaesita mercede non tam patrimonium facultatum, quam thesaurum criminum congregarunt, æterno supplicio et brevi fructu.

CAP. 133. — *Quod solius nefas ambitus severissime damnatur. Gregorius ad Maximum [Maximianum] praesumptorem in Salona, cap. 20.*

(*Lib. III registri, epist. seu cap. 20.*) Licet cætera cujuspiam talia vitæ sint merita, ut nihil sit quod ex his sacerdotalibus valeat ordinationibus obviare, tamen solius nefas ambitus severissima canonum districtione damnatur.

CAP. 134. — *Quod non sit consecratio ab excommunicatis celebranda. Idem in eodem cap.*

Cognoscimus [Cognovimus] itaque quod, vel subrepta vel simulata piissimorum principum jussione, dum vita dignus non fueris, te ad sacerdotii ordinem cunctis venerabilem protulisse. Quod nos ideo sine ulla hæsitacione credimus, quia vitam ætatemque tuam non habemus incognitam, ac deinde quia serenissimi Domini imperatoris animum non ignoramus, quod se in causis sacerdotalibus miscere non solet, ne nostris in aliquo peccatis gravetur. Additur inauditum nefas, quod post interdictionem quoque nostram, quae sub excommunicatione tuâ ordinationumque te facta est, causis presbyteris, diaconibus cæteroque clero, manu militari dicentis ad medium deductus. Quam rem nos consecrationem dicere nullomodo possumus, quia ab excommunicatione est celebrata. Quia igitur sine ullius exempti

forma (b'asti talem tantamque sacerdotii dignitatem, ut usque dum Dominicis vel responsalis nostri cognoverimus apicibus, quod non subreptitia, sed vera fueris inssione ordinatus, nullatenus tu ordinatoresque tui attrectare quidquam præsumentis sacerdotalis officii, nec usque ad rescriptum nostrum, ad cultum vos sacri altaris accedere.

CAP. 135. — *Quod non oporteat ordinationes episcoporum diu differri. Ex Chalcedonensi concilio cap. 25.*

(*Dist. 75, cap. Quoniam quidam.*) Quoniam quidam metropolitanorum (quantum comperimus [sicut ad nos perlatum est]) negligunt commissis sibi greges, et ordinationem episcoporum facere differunt, placuit sanctæ synodo, intra tres menses ordinationes episcoporum celebrari, nisi forte necessitas inexcusabilis coegerit tempus dilationis extendi [protelari]. Quod si hoc minime fecerit, correctioni ecclesiasticæ subjacebit. Verumtamen relictis Ecclesiæ viduatæ penes œconomum ejusdem ecclesiæ integri reserventur.

CAP. 136. — *Ut archiepiscopus infra tres menses pallium suum ab apostolica sede accipiat, vel dignitate sua careat. Ex decretis Pelagii papæ, cap. 1.*

(*Dist. 100, c. Quoniam quidam.*) Quoniam quidam metropolitanorum fidem suam, secundum priscam consuetudinem, sanctæ sedi apostolicæ exponere detrectantes, usum pallii neque expetunt, neque percipiunt, ac per hoc episcoporum consecratio viduatæ Ecclesiis non sine periculo protelatur, placuit ut quisquis metropolitanus ultra tres menses consecrationis suæ ad fidem suam exponendam, palliumque suscipiendam, ad apostolicam sedem non miserit, commissa sibi careat dignitate, sitque licentia metropolitanis aliis, post secundam et tertiam commotionem, viduatæ Ecclesiis, cum consilio Romani pontificis ordinando episcopo subvenire. Si vero consecrandi episcopi negligentia provenierit, ut ultra tres menses Ecclesia viduata consistat, communionem privetur, quousque aut loco cedat, aut se consecrandum præbere non differat. Quod si ultra quinque menses per suam negligentiam retinuerit viduatam Ecclesiam, neque ibi, neque alieni consecrationis donum percipiat, imo metropolitani sui iudicio cedat.

CAP. 137. — *Quomodo quis debeat a vicinis provinciis episcopi ordinari. Ex concilio Sardicensi, cap. 5.*

(*Dist. 65, c. Si forte.*) Osius episcopus dixit: Si contigerit in una provincia, in qua plurimi fuerint episcopi cæteris necessariis rebus occupati, extra provinciam unum forte remanere episcopum, et populi convenerint, episcopi vicinæ provinciæ debent illum prius convenire episcopum, qui in ea provincia moratur, et ostendere quod populi petant sibi rectorem, et hoc justum esse, ut et ipsi veniant, et cum ipso ordinent episcopum. Quod si conventus litteris tacuerit et dissimulaverit, nihilque rescripserit satisfaciendum esse populis, veniant ex vicina provinciâ episcopi, et ordinent episcopum.

CAP. 138. — *Ut episcopus non consecratur sine tribus episcopis. Ex concilio Arelatensi II, cap. 5.*

Nullus episcopus sine metropolitani permisso, nec metropolitanus sine tribus episcopis comprovincialibus præsumat episcopum ordinare, ita ut alii comprovinciales episcopi admoneantur, ut se suo responso consensisse significant. Quod si inter partes aliqua fuerit dubitatio, majori numero metropolitanus in electione consentiat.

CAP. 139. — *De eodem, et ut archiepiscopus ab omnibus comprovincialibus ordinetur, si fieri potest. Ex epist. Aniceti papæ Ecclesiis Galliæ directæ.*

De ordinationibus episcoporum, super quibus nos consulere voluistis, olim aliis in scriptis prædecessoris nostri Anacleti (*epist. 2*) quædam jam decreta reperimus [*Volumen conciliorum sic habet: Olim in sancti prædecessoris nostri Anacleti ordinationibus quædam jam, etc.*]. Scimus enim beatissimum Jacobum, qui dicebatur justus, qui etiam secundum carnem frater Domini nuncupatus est, a Petro, Jacobo, et Joanne apostolis Hierosolymis episcopum esse ordinatum. Si autem non minus quam a tribus apostolis tantas vir fuit ordinatus, patet profecto eos formam, instituente Domino, tradidisse non minus quam a tribus episcopis, episcopum ordinari debere. Sed crescente numero episcoporum, nisi intervenerit necessitas, debent etiam plures augeri. Si autem archiepiscopus obierit, et alter ordinandus archiepiscopus fuerit, omnes ejusdem provinciæ episcopi ad sedem metropolitanam veniant, ut ab omnibus episcopis eligatur et ordinetur. Oportet autem ut ipse qui illis omnibus præesse debet, ab illis omnibus eligatur et ordinetur. Reliqui vero comprovinciales episcopi, si necesse fuerit, cæteris consentientibus a tribus, jussu archiepiscopi, consecrari possunt episcopis. Sed melius est, si ipse eum omnibus eum qui dignus est elegerit, et cuncti pariter consecraverint pontificem [pontifices]. Et licet istud, necessitate cogente, concessum sit, illud tamen quod de archiepiscopi consecratione prædictum est atque præceptum, ut omnes videlicet suffraganei eum ordinent, nullatenus immutari licet, quia qui illis præest, ab omnibus episcopis quibus præest, debet constitui. Sin aliter præsumptum fuerit, viribus carere non dubium est, quia irrita erit ejus secus acta ordinatio.

CAP. 140. — *De episcopo qui alium violentè ordinavit episcopum. Ex epistola Simplicii papæ missa Joanni Ravennati episcopo.*

Si quid esses intuitus a l normam ecclesiasticæ disciplinæ, vel si quid apud te sacerdotalis modestiæ teneretur, nunquam plectibiles perpetrarentur excessus. A quibus si nullo te paternarum regularum poteras continere præcepto, saltem sanctæ memoriæ prædecessoris tui fueras revocandus exemplo, qui cum faciendo presbyterum minus deliquisset, invitum, senserat tamen dignum pro tali usurpatione iudicium. Ubi ista didicisti quæ in fratrem, et coepiscopum nostrum Gregorium, non electione, sed invidia perpetrasti? Quem inexcusabili violentia per-

trahi ad te passus es atque vexa: i, ut ei honorem tantum non pro animi tranquillitate, sed pro amentia sicut dicendum est, irrogares. Neque enim talia fieri potuissent sanitate consilii. Nolumus exaggerare quod gestum est, ne cogamur iudicare quod dignum est. Nam privilegium meretur amittere, qui permissa sibi abutitur potestate

CAP. 141. — *De abjectione ejus quem duo præsumpserint ordinare episcopi. Ex concilio Aransico 1, cap. 21.*

(*Dist. 64, c. De abjectione.*) De abjectione ejus, quem duo præsumpserint ordinare episcopi, in nostris provinciis placuit de præsumptoribus, ut sicubi contigerit duos episcopos tertium consecrare, et ipse et auctores damnabuntur, quo cautius ea quæ sunt antiquitas statuta, serventur.

CAP. 142. — *De non ordinandis episcopis per vicos et modicas civitates. Ex concilio Sardicensi, cap. 6.*

Licentia vero danda non est ordinandi episcopum, aut in vico aliquo, aut in modica civitate, cui sufficit unus presbyter, quia non est necesse ibi fieri episcopum, ne vilescat nomen episcopi et auctoritas. Non debent ex alia provincia invitati facere episcopum, nisi aut in his civitatibus quæ episcopos habuerunt, aut si qua talis, aut tam populosa est civitas, quæ mereatur habere episcopum. Si omnibus placet? Synodus respondit: Placet.

CAP. 143 — *De eadem re. Leonis papæ (cap. 2, epist. 87 ad episc. Africanos.)*

Alud sane quod ad sacerdotalem pertinet dignitatem, inter omnia volumus canonum statuta servari, ut non in quibuslibet locis, neque quibuscumque castellis, et ubi antea non fuerunt episcopi consecrentur, cum ubi minores sunt plebes, minoresque conventus, presbyterorum cura sufficiat; episcopalia autem gubernacula, non nisi majoribus civitatibus oportet præsidere. Namque sanctorum Patrum divinitus inspirata decreta veterunt ne viculis et possessionibus vel obscuris, vel solitariis municipiis tribuatur sacerdotale fastigium, et honor cui debent excellentiora committi, ipse sui numerositate vilescat.

CAP. 144. — *De Wamba rege Hispanorum, qui contra canones in quadam villula episcopatum fecerat, quomodo aduullatum sit. Ex XII concilio Toletano, cap. 4.*

Majoribus institutis contraire, et sanctorum Patrum decreta convellere, quid aliud est quam vinculum societatis Christi abruptum, et usurpatæ præceptionis [præsumptionis] licentiâ, statum Ecclesiæ dissipare? Prosequente igitur venerabili et sanctissimo viro fratre nostro Stephano, Emeritensis sedis episcopo, res novellæ præsumptionis usurpatione sese intulit pertractanda, tanto communionis nostræ iudicio convellenda, quanto et pravitatis vestræ noscitur ausu perpetrata. Dixit enim violentia principali se impulsus fuisse, ut in monasterio villulæ, in qua venerabile corpus sanctissimi Pigmenii [Pievevii] confessoris debito quiescit honore, novam episcopalis honoris ordinationem efficeret. Et ideo

quia indiscreto et facillimo assensu, injustis Wamba principis jussionibus parens novam et injustam illic pontificalis sedis prælationem induxit, ubi canonica institutio id fieri omnimoda ratione refellit, prædictus idem vir prostratus humi, medicamine nostri præcepti, et sibi dari veniam petit, et quid potissimum fieri oporteat de persona ejus qui illic ordinatus fuerat, nostri oris sententia decerni poposcit. Sed quia veraciter, imo communiter noveramus prædictum principem consilio levitatis agentem, non solum præcepisse, ut in prædicta loco aliquis episcopus fieret, sed etiam ita eum obstinationibus defnisse, ut in suburbio Toletano in ecclesiâ Prætorienti sanctorum Petri et Pauli episcopum ordinaret, nec non et in alijs vicis vel villulis similiter faceret,

ideo pro tam insolenti hujusmodi extirpationis licentia, quidquid de hac re canonum instituta haberent, in medium proferri præcepimus. Tunc hæc ordine constituto [in ordine constituta] perfecta sunt. In primis ex Epistola Pauli, ubi Tito discipulo suo, ut episcopos per civitates constituere deberet præcepit (*Tit. 1*). Item ex concilio Nicæno titulo octavo [26, si ut fere fit, capita Sardicensis concilii addantur Nicæno], ubi inter cætera præcipitur, ut in civitate una non videantur duo episcopi esse. Item ex concilio Laodiceno titulo 7, ubi dicitur: Non oportet in vicis, et in viculis, vel in villulis episcopos ordinari, etc. (*Conc. Carth. II*). (16, q. 1, cap. Felix ep.) Item ex concilio Africæ secundo, titulo 5, ubi Felix episcopus Solensitanus [Selemseitanus, alias Selambinitanus] dixit: Etiam, si hoc placet sanctitati vestræ, insinuo, ut dioceses quæ nunquam episcopos habuerunt, non habeant, diocesis vero quæ aliquando habuerit, habeat proprium. Secundum hanc autem prosecutionem, sanctitatis vestræ est æstimare quæ fieri debeant. Genedius episcopus dixit: Si placet insinuatio fratris, et coepiscopi nostri Felicis ab omnibus confirmetur. Ab omnibus episcopis dictum est: Placet. (*Conc. Carth. III*; 16, q. 1, c. *Multis conciliis*.) Item ex concilio Africæ tertio, titulo 42, ubi dicitur ut non accipiat alterum episcopum plebs, quæ in diocesi semper subjacuit. Epigonius enim episcopus inter cætera sic dixit: Hoc dico, non debere rectorem accipere eam plebem quæ in diocesi semper subjacuit, nec unquam proprium episcopum habuit. Quapropter si universo sanctissimo cœtui placet, hoc quod præfatus [prosecutus] sum, confirmetur. Aurelius episcopus dixit: Fratris et consacerdotis nostri prosecutioni non obsisto, sed hoc me et fecisse et facturum esse profiteor. Item ex concilio Sardicensi, ubi inter cætera præcipitur: Licentia passim danda non est. Si enim subito aut vicus aliquis, aut modica civitas, cui satis est unus presbyter, voluerit sibi episcopum ordinari, ad hoc ut vilescat nomen episcopi, et auctoritas, non debent illi ex alia provincia invitati, facere episcopum in quibus locis antea non fuit. Item de sententia eorum qui hujusmodi ordinationes faciunt, vel de his qui contra hæc canonum in-

stituta ordinantur, ex concilio Tauritano titulo secundo, ubi dicit: Gestorum quoque seriem [serie] conscribi placuit ad perpetuam disciplinam, quæ circa Octavium, Ursionem, Remigium, ad Trefe [æc Triferium] episcopum synodus sancta decrevit, qui in usurpationem quamdam de ordinatione sacerdotum ad invidiam vocabantur, quod ita his videtur indultum ut de cætero hac auctoritate commoiti nihil usurpare consentur. Siquidem se ab hæc causa tali excusatione defenderint, qua dicerent prius se non esse conventos. Proinde iudicavit synodus sancta, ut si quis ex hoc fecerit contra instituta majorum, sciat is qui ordinatus fuerit sacerdotis se honore privandum, et ille qui ordinaverit auctoritatem se in ordinationibus, vel in conciliis minime retenturum. Non solum autem circa memoratum episcopum hæc sententia prævalebit, sed et circa omnes simili errore deceptos, qui ordinationes huiusmodi perpetrarunt. His ergo fortissimis regulis effectum pii opposentes in communi definitione elegimus, ut in loco villulæ supradictæ deluceps sedes episcopalis non maneat, neque illic episcopus ultra constituendus existat. Hic tamen Convildus qui contra majorum decreta illic videtur institutus fuisse episcopus, nulla canonum erit ad condemnationem sui sententia ulciscendus, quia non ambitione, sed principis impulsione constitit ordinatus. Ideo hoc illi remedium humanitatis concedimus, ut in sedem aliam decedentis cujuslibet episcopi traducatur [transferatur], et prædictus locus sub monastica deinceps institutione mansurus, non episcopali ultra privilegio fretus, sed sub abbatis regimine sicut hucusque fuit, erit modis omnibus mancipandus. Jam vero [de cætero] decreto generale ponentes [ponamus] edictum: Si quis contra canonum interdicta venire conatus fuerit, ut in locis illis episcopum eligat fieri, ubi episcopus nunquam fuit, anathema in conspectu Dei omnipotentis [anathema sit in conspectu Dei omnipotentis] incurrat. Et insuper tam ordinator quam ordinatus gradum sui honoris perdat, qui non solum antiquorum Patrum decreta, sed apostolica ausus est convellere instituta.

CAP. 145. — *Ut plebs quæ nunquam habuit episcopum, nisi ex consensu non habeat. Ex concilio Africano, cap. 61 (sub Bonifac. et Cælest., c. 65).*

Placuit et illud, ut plebes quæ nunquam habuerunt proprios episcopos, nisi ex concilio plenario uniuscujusque provinciæ et primati [primatus], atque consensu ejus ad cujus dioccesim eadem Ecclesia pertinebat, decretum fuerit, minime accipiant.

CAP. 146. — *Ut nequaquam in duos metropolitanos provincia dividatur. Ex Chalcedonensi conc., cap. 12*

Pervenit ad nos quod quidam præter ecclesiastica statuta facientes convolarunt ad potestates, et per pragmaticam formam in duo unam provinciam divisserunt, ita ut ex hoc facto duo metropolitani esse viderentur in una provincia. Statuit sancta synodus

de reliquo nihil ab episcopis tale tentari, aliequin qui hoc admissus fuerit, amissioni gradus proprii subiacebit. Quæcunque vero civitates litteris imperialibus metropolitani nominis honore subnixæ sunt, honore tantummodo perfruantur, et qui Ecclesiam ejus gubernat episcopus, salvis scilicet veræ metropoli privilegiis suis [Editio secunda sic habet: Privilegio metropolitani episcopi jure proprio reservato].

CAP. 147. — *De illis qui non sunt recepti ab his ad quos sunt ordinati. Ex Ancyrano concilio, c. 17.*

(Dist. 92, c. Si qui episcopi.) Si qui episcopi ordinati sunt, nec recepti ab illa parœcia in qua fuerant denominati, voluerintque alias occupare parœcias, et vim præsulibus earum inferre, seditiones adversus eos excitando, hos abjici placuit. Quod si voluerint in presbyterii ordine, ubi prius fuerant, ut presbyteri residere, non abjiciantur propria dignitate. Si autem seditiones commoverint ibidem constitutis episcopis, presbyterii quoque honor talibus auferatur, sicutque damnatione notabiles [nobiles].

CAP. 148. — *De episcopo qui Ecclesiam ad quam ordinatus est adire neglexerit. Ex conc. Antioch., cap. 17.*

(Dist. 92, c. Si quis.) Si quis episcopus per manus impositionem episcopatum acceperit, et sibi commissum ministerium subire neglexerit, nec acquieverit ire ad Ecclesiam sibi commissam, hunc oportet communionem privari, donec acceperit coactus officium, aut certe de eo aliquid integra decreverit ejusdem provinciæ synodus sacerdotum.

CAP. 149. — *De episcopo qui non susceperit officium sibi commissum. Ex concilio Arelatensi, c. 16.*

Si quis episcopus non susceperit officium sibi commissum, hic communionem privetur, quoadusque consentiat, obedientiæ se commendans. Si vero perrexerit, nec receptus fuerit, non pro malitia populi, ipse quidem maneat episcopus, clerici vero civitatis communionem priventur, quod in erudiendo inobedientes populos diligentes non fuerint [quod erudiendis inobedientes populis non fuerint].

CAP. 150. — *De episcopo vacante qui ecclesiam vacantem invaserit. Ex concilio Antiocheno, cap. 16.*

(Dist. 92, c. Si quis.) Si quis episcopus vacans in Ecclesiam non habentem episcopum subrigens populos, sine consilio integri ordinis irruerit, etiamsi populus quem seduxit desideret illum, alienum eum ab Ecclesia esse oportet. Integrum autem et perfectum concilium dicimus illud, cui metropolitanus episcopus interfuerit.

CAP. 151. — *De episcopo ordinato per contentionem populi. Ex concilio Aurelianensi, cap. 10 (cap. 10 lib. Martini Brach. ex synodis Græcorum).*

Si quis ordinatus episcopus, per contentionem populi, aut pro aliqua ratione, et non pro sua culpa in parœcia, quæ ei data fuerat, receptus non fuerit, hunc oportet honorem sacerdotii tantummodo contingere, ita ut de rebus Ecclesiæ, in quam venit, sibi nihil præsumat. Sustineat autem quidquid de eo sanctum concilium iudicaverit.

CAP. 152. *De his qui promoventur ad episcopatum et non recipiuntur. Ex Antiocheno conc., capi 18.*

(Dist. 92, c. Si quis episcop.) Si quis episcopus ordinatus ad parociam minime, cui electus est, accesserit, non suo vitio, sed quod eum aut populus vetet, aut propter aliam causam, non tamen ejus vitio perpetrata: hic et honoris sit et ministerii participans, dummodo nihil molestus Ecclesie rebus assistat, ubi ministrare cognoscitur; quem etiam observare conveniet quidquid synodus perfecta provincie judicando decreverit,

CAP. 153.—*Quod auctoritas generalium conciliorum congregandorum apostolicæ sedi privata potestate commissa sit. Isidorus cap. 8.*

Synodorum vero congregandarum auctoritas apostolicæ sedi privata commissa est potestate, nec ullam synodum generalem ratam esse legimus, quæ ejus non fuerit auctoritate congregata, vel fulta. Hæc auctoritas testatur canonica, hæc historia ecclesiastica roborat, hæc sancti Patres confirmant.

CAP. 154.—*De synodiis, quæ tempore sint habendæ. Ex concilio Antiocheno, cap. 20.*

(Dist. 18, cap. Propter ecclesiasticas causas.) Propter utilitates ecclesiasticas et absolutiones earum rerum quæ dubitationem controversiamque recipiunt, optime placuit ut per singulas quasque provincias, bis in anno episcoporum concilia celebrentur. Semel quidem, post tertiam septimanam festi paschalis, ita ut in quarta septimana quæ consequitur, id est medio temporis inter Pascha et Pentecosten conveniat synodus, metropolitano comprovinciales episcopos admonente. Secunda vero synodus fiat 11.ibus Octobris, id est quinto decimo die mensis Octobris, quem Hyperheretæum Græci nominant. In ipsis autem conciliis adsint presbyteri et diaconi, et omnes qui se læsos existimant, et synodi experiantur examen. Nullis licet celebrare apud se concilia, præter eos, quibus metropolitana jura videntur esse commissa.

CAP. 155.—*De synodo congreganda. Ex concilio Arvernensi, cap. 21 [46].*

Peractis omnibus quæ ad correctionem nostri ordinis in hoc concilio promulgata sunt, placuit definire, ut omni anno ad peragendum celebritatem concilii in metropolitana sede, tempore quo principis vel metropolitani electio definitur, devotis semper animorum studiis conferamus; nec quibuslibet requisitis occasionibus dissentiamus, sed in præparato die quo indictum fuerit, adunatis in metropolitana sede omnibus provincie pontificibus, concilium Deo præsule celebretur. Quisquis autem episcoporum (excepta inevitabili causa, vel necessitate) de peragendo se concilio absentaverit, per unius anni spatium erit communionem plectendus. Quod si deinceps absque celebratione concilii unius anni metas transierit, omnium in communionem pontificum ejusdem provincie sententiam obnoxius retinebit, id est ut si nulla se impediante principis potestate, vel infirmitate, aut inevitabili causa, sed solius proprie

voluntatis libitu, sese ad celebrandum concilium non collegerit,

CAP. 156.—*De archiepiscopo qui tempore pacis ultra biennium synodum annuntiare neglexerit. Ex concilio Meldensi, cap. 3.*

Quod si intra biennium divinitus temporum tranquillitate concessa, monentibus [admonitis] comprovincialibus, a metropolitano synodus indicta non fuerit, et metropolitanus ipse provocaciones tardaverit, anno integro missam facere non præsumat. Quod si et vocati et non corporali infirmitate detenti, adesse sua abusione despexerint, simili sententia, subjacebunt.

CAP. 157.—*De episcopis ad synodum vocatis, si venire contempnant. Ex concilio Laodicensi, cap. 40.*

(Dist. 18, c. Non oportet.) Quod non oporteat episcopos ad synodum vocatos omnino contemnere, sed protinus ire, et docere vel discere ea quæ ad correctionem Ecclesie vel reliquarum pertinent rerum. Seipsum vero accusabit, qui contempserit, nisi forte per ægritudinem ire non possit.

CAP. 158.—*Quales epistolæ a metropolitano sint dirigendæ. Ex concilio Tarraconensi, cap. 13.*

(Dist. 18, c. Si episcopus.) Epistolæ tales per fratres sunt a metropolitano dirigendæ, ut non solum de cathedralibus ecclesiis presbyteris, verum etiam de diocesanis ad concilium trahant, et aliquos de filiis Ecclesie sæcularium secum adducere studeant.

CAP. 159.—*Quibus ex causis episcopi ad synodum vocati abesse possint. Ex concilio Agathensi, cap. 35.*

Si metropolitanus episcopus ad comprovinciales episcopos epistolam direxerit, in quibus eos aut ad ordinationem alicujus fratris, aut ad synodum invitet, postpositis omnibus, excepta gravi infirmitate corporis, aut præceptione regia, ad constitutam diem adesse non differant. Quod si defuerint, sicut prisca canonum præcepit auctoritas, usque ad proximam synodum charitate fratrum, et Ecclesie communionem priventur.

CAP. 160.—*De episcopo qui in synodo adesse neglexerit. Ex conc. Spulensi, cap. 10 (cap. 49, conc. Arelaten. 1).*

(Dist. 18, c. Si quis autem.) Si quis autem episcoporum synodo adesse neglexerit, aut cœtum fratrum, antequam concilium dissolvatur crediderit deserendum, alienum se a fratrum communionem agnoscat, nec eum recipi liceat, nisi in sequenti synodo fuerit absolutus.

CAP. 161.—*De episcopis, qui per infirmitatem ad synodum venire non poterunt. Ex decretis Felicis papæ, capitulo 11.*

(5, q. 3, c. Si ægrotans.) Quod si ægrotans fuerit episcopus, aut aliqua eum gravis necessitas detinuerit, pro se legatum ad synodum mittat, suscepturus salva fidei veritate quidquid synodus statuerit.

CAP. 162.—*De episcopis ad synodum vocatis, et venire, vel missos suos mittere dedignantibus. De synodo ad Altheim habito, cap. 11.*

Placuit sanctæ synodo episcopos, qui vocati de

Saxonia ad sanctum concilium non venerunt, nec secundum canones sacros missos suos vel vicarios direxerunt, gravi increpatione objurgare, et pro culpa inobedientiæ increpare. Unde iterum eos fraterna charitate ad conductum concilium invitamus et vocamus. Quod si et hoc (quod non optamus) pronihilo duxerint, justamque rationem inobedientiæ suæ detrectaverint; apostolica auctoritate interdicit eis sanctus Petrus, et sancti Petri papæ missus, una cum sancta synodo missas celebrare, quoadusque Romam veniant, et coram papa [et] sancta Ecclesia dignam reddiderint rationem.

CAP. 163.— *Concilium universale non nisi necessitate faciendum. Ex concilio Africano, cap. 42 (cap. 62).*

Placuit ut non sit ultra fatigandis fratribus universalis necessitas, sed quoties exegerit causa communis, id est si totius Africæ undecunque ad hanc sedem de hac re data litteræ fuerint, congregandam esse synodum in ea provincia, ubi opportunitas persuaserit. Causæ autem quæ communes non sunt, in suis provinciis judicentur.

CAP. 164.— *Ut episcopi posteriores se prioribus suis non præferant. Ex epistola Lucii papæ occidentali-bus missa.*

Episcopi vero per singulas provincias observent, ne posteriores se prioribus suis præferant, nec eis inconstitulis, nisi quantum ad propriam pertinet parochiam, aliquid agant, sed omnes de communibus eorum causis consonam sententiam proferant et determinent, quoniam aliter actæ nullas vires habebunt, nec ecclesiasticæ reputabuntur.

CAP. 165.— *Ut episcopi sui ordinis tempus observent, alter alteri honorem præbens. Ex concilio Cabilonensi, cap. 6.*

(*Dist. 18, cap. Placuit.*) Item placuit ut conservato metropolitani episcopi primatu, cæteri episcoporum secundum suæ ordinationis tempus alius alii sedendi [sedenti] deferat locum, qui posteriori ordinati sunt prioribus se non audeant anteferre.

CAP. 166.— *Ut episcopi posterius ordinati prioribus suis anteferre se non audeant. Ex concilio Africano, cap. 53 (et conc. Milevit., cap. 13).*

Valentinianus episcopus dixit: Si permittit bonum patientiæ vestræ, prosequor ea quæ præterito tempore in Ecclesia Carthaginiensi gesta sunt, et subscriptionibus fratrum firmata claruerunt, etiam nos servaturos esse profiteor. Sed illic scimus in violatæ semper mansisse ecclesiasticam disciplinam, ita ut nullus fratrum prioribus suis se aliquando auderet antepone, sed officii charitatis id semper exhibitum est prioribus, quod ab insequentibus grantanter semper acciperetur.

CAP. 167.— *De rebus dubiis in conciliis episcoporum emergentibus. Ex epistola Bonifacii papæ ad episcopos Galliarum.*

(*G, q. 4, c. Si inter episcopos.*) Si inter episcopos ejusdem concilii dubitatio emergerit de ecclesiastico jure vel de aliis negotiis, primum metropolitanus eorum cum aliis quibusdam in concilio considerans rem videlicet dijudicet, et si non acquiescat utraque

A pars judicatis, tunc primas regionis inter ipsos audiatur, et quod ecclesiasticis canonibus et legibus nostris consentaneum sit, hoc definiat; et nulla pars calculo ejus contradicere valeat.

CAP. 168.— *Ut episcopi in synodo residentes quæ ad commendationem [emendationem] vitæ pertinent primum emendent. Ex concilio Avernensi, cap. 1.*

In primis placuit ut quoties secundum statuta Patrum sancta synodus congregatur, nullus episcoporum aliquam prius causam suggerere audeat, quam ea quæ ad emendationem vitæ, ad severitatem regulæ, ad animæ remedia, pertinent, fiant.

CAP. 169.— *De metropolitanano, si comprovincialem episcopum in sua causa audire distulerit. Ex decretis Alexandri papæ.*

Si metropolitanus a quocunque comprovinciali episcopo [bis] fuerit in causa propria appellatus, et eum audire distulerit, in proxima synodo negotii sui habebit licentiam exercendi, et quidquid propter justitiam a comprovincialibus suis fuerit statutum, debet custodiri.

CAP. 170.— *Ut episcopi justa judicia semper dijudicent. Ex conc. Remensi, cap. 19.*

Ut episcopi et iudices discernant judicia, quia sunt quædam judicanda modo, quædam Dei judicio reservanda. Scriptum est: *Nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium, et tunc laus erit unicuique a Deo (I Cor. iv).* Et illius memores sint: *In quo judicio judicaveritis, judicabimini et vos (Matth. vii).*

CAP. 171.— *Ut canonum statuta ab omnibus rite custodiantur, et nullus ex suo sensu judicare præsumat. Ex concilio Meldensi, cap. 11.*

Canonum statuta sine præjudiciis ab omnibus rite custodiantur, et nemo in actionibus vel in judiciis ecclesiasticis suo sensu, sed eorum auctoritate ducatur. In exponendis etiam vel prædicandis divinis Scripturis, sanctorum catholicorum Patrum et probatissimorum sensum quisque sequatur, in quorum scriptis, ut dicit beatus Hieronymus, fidei veritas non vacillat (*epist. ad Lætiam, de inst. filiarum*).

CAP. 172.— *De dissidentibus episcopis. Ex Carthaginiensi conc. iv, c. 25.*

(*Dist. 90 c. Dissidentes.*) Dissidentes episcopos, si non timor Dei, vel synodus reconciliet.

CAP. 173.— *Ut nullus episcopus plebes alienas usurpet. Ex concilio Carthaginiensi, cap. 19.*

Placuit ut a nullo episcopo usurpentur plebes alienæ, nec aliquis episcoporum supergrediatur in diocesim collegam suum.

CAP. 174.— *Ut nullus metropolitanus vel primas aliquid agat de clericis vel paræciis comprovincialium episcoporum, nec de causis eorum, sine eorum consilio omnium. Ex epistola Calixti papæ episcopis per Gallias constitutis missa.*

De cætero, fratres, salvo in omnibus Romanæ Ecclesiæ privilegio, nullus metropolitanus absque cæterorum omnium comprovincialium episcoporum instantia, aliquorum audiat causas, quia irritæ erunt aliter actæ quam in conspectu eorum omnium ventilatæ. Et si ipse fecerit, corceatur a fratribus.

CAP. 175. — *De diœcesi per triginta annos possessa.* A nisi forte cum concilio et voluntate regionis episcopi. Si quis autem tale aliquid facere tentaverit, irrita ejus sit ordinatio, et ipse coerceatur a synodo.

(16, q. 3, c. *Quicumque episcopus.*) Quicumque episcopus alterius episcopi diœcesim per triginta annos sine aliqua interpellatione possederit, quamvis [quia], secundum jus legis, ejus judicatur [videtur] esse diœcesis, admittenda non est contra eum actio repossendi, sed hoc intra unam parochiam [provinciam], extra vero nullo modo, ne dum diœcesis defenditur, provinciarum termini confundantur.

CAP. 176. — *Ut episcopi qui negligunt loca sua, a vicinis episcopis ut se corrigant, admoneantur.* Ex concilio Africano, cap. 75 (con. Afric. can. 88, et Milev. c. 24).

(16, q. 3, c. *Placuit.*) Item placuit ut quicumque episcopi negligunt loca ad suam cathedram pertinentia in catholicam unitatem lucrari, conveniantur a diligentibus Deum vicinis episcopis, ut id agere non morentur. Quod si intra sex menses a die conventionis non effecerint, qui potuerit ea lucrari, ad ipsum pertinent, et ita sane, ut si ille ad quem pertinuisse videbantur probare potuerit, magis illius electam negligentiam ab hæreticis, ut impune ibi sint, et diligentiam suam præventam, ut eo modo ejus cura sollicitior vetaretur, cum hoc iudices episcopi cognoverint, suæ cathedræ loca restituant. Sane si episcopi inter quos causa versatur diversarum sunt provinciarum, ille primus dijudicet in cujus provincia est locus de quo contenditur. Si autem ex communi placito vicinos iudices elegerint, aut unus eligatur aut tres, et si tres elegerint, aut omnium sententiam sequantur, aut duorum.

CAP. 177. — *De episcopis qui contendunt de parochiis.* Ex eodem cap. 71 (c. 87, et Milev. c. 21).

(16, q. 6, c. *Placuit.*) Placuit, ut quicumque episcopi plebes quas ad suam cathedram æstimant pertinere non ita repetunt, ut causas suas episcopis judicantibus agant, sed si alio renitente [retinente] irruerint, sive volentibus sine nolentibus plebibus, causæ suæ detrimentum patiantur. Et quicumque hoc jam fecerunt, si nondum est inter episcopos finita contentio, sed adhuc inde contendunt, inde ille discedat, quem constiterit prætermisissis iudiciis ecclesiasticis irruisse. Nec sibi quisquam blandiatur, si a primæ, ut retineat, litteras impetrarit. Sed sive habeat litteras, sive non habeat, conveniat eum qui tenet, et ejus litteras accipiat, ut eum appareat pacifice tenuisse Ecclesiam ad se pertinentem. Si autem ille aliquam quæstionem retulerit, per episcopos iudices causa finiatur, sive quos ipsi vicinos ex consensu delegerint.

CAP. 178. — *Ut in altera parochia clericus alterius diœcesis nullatenus ordinetur.* Ex concilio Antiocheno, cap. 22.

(9, q. 2, c. *Episcoporum non debere.*) Episcopus alienam civitatem, quæ non est illi subjecta, non adeat; nec ad possessionem accedat quæ ad eum non pertinet, nec ordinationem ibi facere præsumat,

CAP. 179. — *Ut nullo modo de una parœcia ad aliam episcopus transeat.* Ex eodem cap. 21.

(7, q. 1, c. *Episcopum de diœcesi.*) Episcopus ab alia parœcia nequaquam migret ad aliam, nec sponte sua prorsus insiliens, nec vi coactus a populis, nec ab episcopis necessitate compulsus. Maneat autem in Ecclesia quam primitus a Deo sortitus est, nec inde transmigret, secundum pristinum terminum de hac re constitutum.

CAP. 180. — *De præsumptione alienæ diœcesis.* Ex epistola Bonifacii papæ.

B Si quis episcopus non rogatus de alia provincia in aliam venerit, præsumptione irruens ad ordinationem et constitutionem clericorum, et ad ea quæ ad illum non pertinent importunus existat, vacua sint et inania omnia quæ ab eo fuerint constituta. Ipse autem increpatione digna excommunicetur, et abominetur a sancto concilio.

CAP. 181. — *Ut ab episcopis aliena parœcia minime pervadatur.* Ex canonibus apostolorum, titulo 14 (et Nicæni conc. cap. 15, et Antioch., cap. 21.)

Episcopo non licere alienam parœciam propria relicta pervadere, licet cogatur a plurimis, nisi forte quævis eum rationabilis causa compellat, tanquam qui possit ibidem constitutis plus lucri conferre, et in causa religionis aliquid profecto prospicere, et hoc non a semetipso pertinet, sed multorum episcoporum iudicio, et maxima supplicatione perficiat.

CAP. 182. — *De eadem re, et causa ejus.* Ex epistola II Evaristi papæ fratribus per Egyptum directa, cap. 4.

D Sacerdotes vero vice Christi legatione funguntur in Ecclesia, et sicut ei sua conjuncta est sponsa, id est, Ecclesia, sic episcopis junguntur Ecclesiæ, unicuique pro portione sua. Et sicut vir non debet uxorem suam negligere, sed diligere, et caste custodire, et amare atque prudenter regere, ita et episcopus debet Ecclesiam suam. Et velut uxor quæ sub manu est viri obedire debet viro suo, eumque amare et diligere, potius etiã Ecclesia episcopo suo in omnibus obedire, eumque amare et diligere ut animam suam debet, quia illud fit carnaliter, istud spiritualiter. Et sicut vir non debet adulterare uxorem suam, ita nec episcopus Ecclesiam suam, id est, ut illam dimittat ad quam consecratus est, absque inevitabili necessitate, et apostolica vel regulari immutatione, et alteri se ambitus causa conjungat. Et sicut uxori non licet dimittere virum suum, ut alteri (vivente eo) se matrimonio societ, et eum adulteret, licet fornicatus sit vir ejus, sed, juxta Apostolum, aut viro suo debet reconciliari, aut manere innupta (I Cor. vii), ita Ecclesiæ non licet dimittere virum [episcopum] suum, aut ab eo segregari, ut alterum eo vivente accipiat, sed aut ipsum habeat, aut innupta maneat, id est, ne alte-

rum episcopo suo vivente accipiat, ut fornicationis aut adulterii crimen incurrat. Nam si adulterata fuerit, id est, si se alteri episcopo junxerit, aut super se alterum episcopum addiderit, aut esse fecerit vel desideraverit, per acerrimam poenitentiam, aut suo reconcilietur episcopo, aut inupta permaneat.

CAP. 183. — *De licita mutatione episcoporum causa communis utilitatis. Ex epistola Anteri papæ episcopis per Beticam atque Toletanam provincias constitutis missa, cap. 14.*

(7, q. 1, c. Mutationes.) De mutatione ergo episcoporum, unde sanctam sedem apostolicam consulere voluistis, scitote etiam communi utilitate atque necessitate fieri licere, sed non libitu cujusquam aut dominatione. Petrus sanctus magister [noster] et princeps apostolorum de Antiochia, utilitatis causa, translatus est Romam, ut ibidem potius proficere posset. Eusebius quoque de quadam parva civitate apostolica auctoritate translatus est Alexandriam (71). Similiter Felix de civitate in qua ordinatus erat electione civium, propter doctrinam et bonam vitam quam habebat, communi episcoporum et reliquorum sacerdotum ac populorum consilio, translatus est Ephesum. Non enim transit de civitate ad civitatem, qui non suo libitu aut ambitu hoc facit, sed utilitate quadam, aut necessitate aliorum, hortatu et consilio potiorum; nec transfertur de minori civitate ad majorem, qui hoc non ambitu vel propriæ voluntate facit; sed aut vi propria sede pulsus, aut necessitate coactus, aut utilitate loci vel populi non superbe, sed humiliter, ab aliis translatus, et inthronizatus est, quia homo videt in facie, Deus autem in corde (I Reg. xvi). Et Dominus per Prophetam loquitur dicens: *Dominus scit cogitationes hominum, quoniam vanæ sunt (Psal. xciii)*. Non ergo mutat sedem, qui non mutat mentem. Non mutat civitatem, qui non sua sponte, sed consilio et electione aliorum mutat. Non ergo migrat de civitate ad civitatem, qui non avaritiæ causa sponte dimittit suam: sed (ut jam dictum est) aut pulsus a sua, aut necessitate coactus, vel electione vel exhortatione sacerdotum et populorum translatus est ad alteram civitatem. Nam sicut episcopi habent potestatem ordinare regulariter episcopos et reliquos sacerdotes, sic quoties utilitas aut necessitas exposcerit, supradioto modo et mutare, et inthronizare potestatem habent.

CAP. 184. — *Quod non licet episcopo relicta sua civitate ad aliam transire. Ex canone 6 apostolorum.*

(Dist. 28, c. Si quis docuerit.) Episcopus autem uxorem propriam nequaquam sub obtentu religionis abjiciat; si vero rejecerit, excommunicetur; sed si perseveraverit, dejiciatur.

CAP. 185. — *De eadem re. Ex concilio Sardicensi, cap. 1.*

Osius episcopus dixit: Non minus mala consuetudo, quam perniciose corruptela funditus eradi-

(71) Qua de re plura vide apud Socratem Historiæ ecclesiasticæ, lib. vii, cap. 36.

anda est, ne cui liceat episcopo de civitate sua ad aliam transire civitatem. Manifesta enim est causa, pro qua re hoc facere tentat, cum nullus in hac re inventus est episcopus qui de majori civitate ad minorem transiret. Unde apparet avaritiæ ardore eos inflammari, et ambitioni servire, ut dominationes agant. Si omnibus placet, hujusmodi perniciæ severius et austerius judicetur, ut nec laicam communionem habeat, qui talis est. Responderunt universi: Placet.

CAP. 186. — *Quod liceat episcopo, si in Ecclesia persecutionem sustinuerit, ad aliam confugere. Ex decretis Calixti papæ per Galliam episcopis missis.*

Si quis episcopus persecutus in sua fuerit Ecclesia, fugiendum est illi ad alteram, eique sociandum [solatiandum, alias associandum], dicente Domino: Si persecuti vos fuerint in una civitate, fugite in aliam (Matth. x). Si autem utilitatis causa fuerit mutandum, non per se hoc agat, sed fratribus invitantibus, et auctoritate hujus sanctæ sedis faciat, non ambitus causa, sed utilitatis.

CAP. 187. — *De episcopo qui principalem ecclesiæ suæ cathedram neglexerit. Ex concilio Rothomagensi, cap. 6.*

Ut non liceat episcopo principalem cathedram suæ parœciæ negligere, et aliam ecclesiam in sua diœcesi magis frequentare.

CAP. 188. — *De eadem re diligentius. Ex concilio Sardicensi, cap. 15.*

(72) Osius episcopus dixit quia nihil prætermitti oportet. Sunt quidam fratres et coepiscopi qui non in ea civitate resident, in qua videntur esse episcopi constituti, quo vel parvam rem illi habeant, alibi autem idonea prædia habere noscuntur, vel affectione proximorum, quibus indulgeant. Hactenus permitti eis oportet ut accedant ad possessiones suas, et disponant, vel ordinent fructum laboris sui, ut post quatuor dominicos dies, id est, post tres hebdomadas, si morari necesse est, in suis potius fundis morentur, aut si est proxima civitas in qua est presbyter, nisi ad ecclesiam videantur facere diem Dominicum, illuc accedant, ut neque res domesticæ per absentiam eorum detrimentum sustineant, et ut non frequenter veniendo ad civitatem in qua episcopus moratur, suspicionem jactantiæ et ambitionis evadant. Universi dixerunt placere sibi.

CAP. 189. — *Ut episcopus singulis annis parœciam suam circumeat. Ex concilio Spalensi, cap. 4.*

Ut singulis annis quisque episcopus parœciam suam circumeat, populumque confirmet ac doceat, et ea quæ vitanda sunt prohibeat, et ea quæ agenda sunt utiliter agere studeat.

CAP. 190. — *De episcopis qui raro aut nunquam per se plebes sibi commissas visitant. Ex concilio Meldensi, cap. 5.*

Ut episcopi, qui plebes sibi creditas aut raro aut nunquam per se ipsos visitant, juxta ordinem evangelicum, et apostolicum atque ecclesiasticum, cum

(72) Videndus est textus Græcus, cap. ib., quod interpres sententiam non sit assecutus.

Dominus Ezechiel dicat : *Speculatorem dedi te domui Israel, et audies ex ore meo verbum, et annunties eis ex me, etc. (Ezech. ii), a comprovincialibus episcopis acrius coercantur [corripiantur].*

CAP. 191. — *Ut episcopi presbyteros suos de ministeriis eorum diligenter discutiant. Ex concilio Bracarenensi, cap. 2 (conc. Brac. ii, cap. 1).*

(10, q. 1, c. *Placuit omnibus episcopis.*) Placuit nobis atque convenit ut episcopi per singulas ecclesias et dioceses euntes, primum discutiant clericos quomodo ordinem teneant baptismi, vel missarum, et qualiter quæque officia in ecclesia peragant, et si recte quidem invenerint, Deo gratias; si vero minime, docere debent ignaros.

CAP. 192. — *Ut episcopi cum paræciis paræcias suas circumveant. Ex concilio Toletano, cap. 5.*

Cum episcopus suam diocesim visitat, nulli præ multitudinem onerosus existat, nec unquam quinquagenarium numerum evectiois excedat, nec amplius quam una die per unamquamque basilicam remorandi licentiam habeat.

CAP. 193. — *Si episcopus paræciam suam visitare nequiverit, viros probabilis vitæ pro se mittat. Ex eodem, cap. 6.*

Quod si episcopus languore detentus, aut aliis occupationibus implicatus, visitationem dioceseos explere nequiverit, presbyteros probabilis vitæ, aut diaconos mittat, qui redditus basilicarum et reparationes, et ministrantium vitam inquirent.

CAP. 194. — *Qualem ministrum juxta se episcopus habere debeat. Ex concilio Meldensi, cap. 3.*

Ut quisquis [forte, quisque] episcopus talem juxta se pro viribus habere decertet, qui juxta sincerissimum et purissimum sensum catholicorum Patrum, fide et observatione mandatorum Dei, seû et prædicationis doctrina, presbyteros plebium assidue instruat, et informet, ne domus Dei vivi (quæ est ecclesia) sine lucerna verbi divini remaneat. Sed et eisdem talis existat, quem amor pecuniæ non vexet, aut reprobi mores et conversatio reprehensibilis contemptibilem reddat. Hinc est quod cum Moyses, querelam in conspectu Dei poneret, non se posse portare tantum onus quod ei fuerat impositum, audivit a Domino : *Congrega mihi septuaginta viros de senioribus Israel, quos tu nosti quod senes populi sint, ac magistri; et auferam de spiritu tuo, tradamque* D *eis ut sustentent tecum onus populi, et non tu solus graveris (Num. xi). Quid in Moysen nisi summum sacerdotium? quid in septuaginta viris, nisi presbyteros accipimus? Quod autem Dominus auferat de spiritu Moysi, traditque eis, patenter ostendit quia hi qui ab episcopo in conspectu Dei vocati sunt, ut secum onus populi sustentent, eadem velle et impertito sibi honore totis viribus cooperari debent. Hoc enim significat, quod non alium, sed ejusdem Moysi spiritum accipiant.*

CAP. 195. — *Ne episcopus laicum sibi ponat vicarium. Ex concilio Bracarenensi, cap. 9.*

Nova actione didicimus quosdam ex nostro collegio, contra mores ecclesiasticos, laicos habere in

rebus divinis constitutos œconomos. Proinde pariter tractantes, elegimus ut unusquisque nostrum, secundum Chalcedonensium Patrum decreta, œconomum ex proprio clero sibi constituat. Indecorum est namque laicum esse vicarium episcopi, et sæculares in ecclesia judicare. In uno enim eodemque officio non debet dispar esse professio. Quod etiam in lege divina prohibetur, dicente Moysse : *Non arabis in bove simul et asino (Deut. xxii), quod est, homines diversæ professionis officio uno non sociabis.* Unde oportet nos et divinis libris, et sanctorum Patrum obedire præceptis, constituentes ut hi qui administrationibus ecclesiæ pontificibus sociantur, discrepare non debeant nec professione, nec habitu, nec cohærere et conjungi possunt, quibus studia et vota diversa sunt. Si quis autem episcopus [post] ecclesiasticam rem ad laicalem procuracionem administrandam elegerit, aut sine testimonio œconomi gubernandam crediderit, verum et contemptor canonum et fraudator ecclesiasticarum rerum, non solum Christo de rebus pauperum judicabitur reus, sed etiam ex concilio manebit obnoxius.

CAP. 196. — *Ut in circuitione episcopi omnes qui sunt in paræcia matricum ecclesiarum, exceptis infirmis, ad synodum ejus venire debeant. Ex concilio Rothomagensi, cap. 11.*

Cum episcopus suam diocesim circuit, archidiaconus vel archipresbyter eum præire debet, uno aut duobus diebus ad [per] paræcias quas visitaturus est, et convocata plebe, annuntiare debet proprii pastoris adventum, et ut omnes exceptis infirmis ad ejus synodum die denominata imprætermissee occurrant, et omnimodis eæ auctoritate sanctorum canonum præcipere, et minaciter denuntiare debet, quod si quis absque gravi necessitate defuerit, procul dubio a communione Christiana sit repellendus. Deinde adscitis secum presbyteris qui in illo loco servitium debent exhibere episcopo, quidquid de minoribus et levioribus causis corrigere potest, emendare satagat, ut pontifex veniens nequaquam in facillioribus negotiis fatigetur, aut sibi immorari amplius necesse sit ibi, quam expensa sufficiat. Ait enim dominus ad Moysen de hujusmodi cooperatores : *Ut tecum, inquit, sustentent onus populi, et non tu solus graveris (Num. xi).* Et beatus Joannes Baptistæ adventum Domini præcurrit prædicando dicens : *Pœnitentiam agite, etc. (Math. iii);* et idem : *Parate viam Domini (ibid.).* Siquidem episcopus vicem Christi agere videtur, et ideo eum gaudio et timore, et summa reverentia, a plebibus sibi subjectis suscipiendus est, ut illis cum laude dicatur, quod Apostolus discipulis dicit : *Testimonium, inquit, vobis perhibeo, quod ita suscepistis me, sicut angelum Dei, sicut Dominum nostrum Jesum (Gal. iv).*

CAP. 197. — *Ut episcopi libros gentilium non legant. Ex conc. Carth. iv, cap. 16.*

(Dist. 37, c. *Episcopus gentilium*) Ut episcopi libros gentilium non legant, hæreticorum autem præ necessitate et tempore.

CAP. 198. — *Ut episcopi prout vulgus intelligere possit, secundum proprietatem communis linguæ illorum prædicationem temperent. Ex concilio Ramensi, cap. 41 (cap. 15).*

Ut episcopi sermones et homilias sanctorum Patrum, prout omnes intelligere possint, secundum proprietatem communis linguæ, prædicare studeant.

CAP. 199. — *Reprehensio episcopi in pulpito paganos libros exponentis. Ex registro Gregorii ad Desiderium episcopum, cap. 180 (Lib. ix, epist. 48).*

(Dist. 86, cap. Cum multa.) Cum multa nobis bona de vestris fuissent studis nuntiata, ita cordi nostro est nata lætitia, ut negare ea quæ sibi fraternitas vestra concedenda poposcerat minime pateremur. Sed post hæc venit ad nos, quod sine verecundia memorare non possumus, fraternitatem tuam grammaticam, et illa difficiliora quibusdam exponere. Quam rem ita moleste suscepimus, ac sumus vehementius aspernati, ut ea quæ prius dicta fuerant in gemitu et tristitia verteremus, quia in uno ore cum Jovis laudibus Christi laudes esse non possunt. Et quam grave nefandumque sit episcopos canere quod nec laico religioso conveniat, considera. Et quamvis dilectissimus filius noster Candidus presbyter postmodum veniens, hæc de re subtiliter requisitus, negaverit atque vos conatus fuerit excusare, de nostro tamen adhuc animo non recessit, quia quantum execrabile est hoc de sacerdote narrari, tanto utrum ita necne sit, districta et veraci oportet satisfactione cognosci. Unde, si fieri potest, hæc evidenter quæ ad nos perlata sunt inquirere satagemus, ut si falsa esse claruerit, neque nugis et sæcularibus litteris studere constiterit, et Deo nostro gratias agamus, qui cor vestrum maculari blasphemis nefandorum laudibus non permisit, et de concedendis quæ poscitis securi jam et sine aliqua dubitatione tractemus.

CAP. 200. — *Quantum discrimen immineat pastoribus qui veritatem Christi prædicare negligunt. Ex decretis Marci papæ episc. Ægypt. missis.*

Væ enim erit nobis, qui hujus ministerii onus susceptum habemus, si veritatem Salvatoris nostri Jesu Christi, quam apostoli prædicaverunt, prædicare neglexerimus. Væ erit nobis, si silentio veritatem oppresserimus, qui erogare nummularii jubemur, id est Christianos populos imbuere et docere. Quid la ipsius Christi futuro dioturi sumus examine, si sermonis ejus veritatem confundimur prædicare? Quid erit de nobis, cum de commissis nobis animabus, et de officio suscepto, rationem justus judex Christus Deus noster districtam exegerit?

CAP. 201. — *Quod episcopum sine intermissione oporteat Ecclesiam suam docere et amare. Ex decretis Evaristi papæ fratribus per Ægyptum missis.*

Episcopum vero oportet opportune atque sine intermissione Ecclesiam suam docere, eamque prudenter regere et amare, ut a vitiiis se absteineat, ut salutem consequi possit æternam: et illa cum tanta reverentia ejus doctrinam possit suscipere, eum-

A que et diligere, ut legatum Dei et præconem veritatis; quia, testante Veritate, Quodcumque ligaverit super terram, erit ligatum et in caelis; et quodcumque solverit super terram erit solutum et in caelis (Matth. xvi).

CAP. 202. — *De ignorantia omnibus maxime sacerdotibus vitanda. Ex concilio Toletano, cap. 3 (Tel. iv, c. 24).*

(Dist. 38, cap. Ignorantia mater.) Ignorantia mater cunctorum errorum, maxime in sacerdotibus Dei vitanda est, qui docendi officium in populi susceperunt. Sacerdotes enim legere sancta Scriptura admonet, Paulo apostolo dicente ad Timotheum: *Intende lectioni et exhortationi (I Tim. iv)*. Doctores enim semper se in his permanere sciant. Igitur sacerdotes Scripturas sanctas et canones meditentur, ut omne opus in prædicatione et doctrina consistat, atque ædificent cunctos tam fidei scientia, quam operum disciplina.

CAP. 203. — *Ut episcopus dissidentes concordare compellat. Ex concilio Carthaginiensi iv, cap. 26.*

(Dist. 90, c. Studendum est.) Studendum est episcopo ut dissidentes fratres, sive clericos, sive laicos, ad pacem magis quam ad judicium hortetur.

CAP. 204. — *Ut in die Dominico rerum dijudicationes non fiant ab episcopo. Ex concil. Spalensi, cap. 2.*

Ut nullus episcopus, vel infra positus, die Dominico causas judicare præsumat.

CAP. 205. — *De domestica et interiori conversatione episcoporum. Ex concilio Aurel. cap. 5.*

C Decrevit sancta synodus domesticam et interiorem episcopi conversationem totius reprehensionis atque suspicionis impenetrabilem fieri debere ut, juxta Apostolum, provideamus *bona non solum coram Deo, sed etiam coram omnibus hominibus (II Cor. viii)*. Oportet igitur ut in cubiculo episcopi et secretioribus quibuslibet obsequiis sinceræ opinionis sacerdotes et clerici assistant, qui vigilantem, orantem, sacra eloquia scrutantem episcopum suum jugiter attendant, ejusque sanctæ conversationis testes, imitatores et ad Dei gloriam prædicationis existant.

CAP. 206. — *Ut episcopus quasi hospes se continere debeat. Ex dictis Augustini*

D Episcopus quasi hospes fieri debet, et privatam domum non habeat, sed quasi hospes fieri debet, ut Christus ait: *Filius hominis non habet ubi caput suum reclinet (Luc. ix)*.

CAP. 207. — *Ut episcopi frequenter missas celebrent. Ex conc. Arausic., cap. 3*

Statuimus ut non tantum Dominicis diebus, et præcipuis festivitibus episcopi missas celebrent, sed, cum possibile fuerit, quotidiana quæque sacramenta [sacrificia] frequentent, nec fastidiant.

CAP. 208. — *Ne episcopus pretio corruptus alterius clericum ordinare præsumat. Ex concilio Nannetensi, c. 4.*

Omnibus ministris ecclesiasticæ dignitatis interdicitur, ut nullus, cujuscunque munere aut fœdere

corruptus, clericum alterius parœciæ latenter ac furtive ad ordinationem subintroducere præsumat. Quod si fecerit, juxta Chalcedonense decretum, is qui mediator exstitit, si clericus, proprio gradu decidat, si laicus aut monachus, anathematizetur.

CAP. 209. — *De eadem re. Ex concilio Parisiensi, cap. 22.*

Episcopus non constituat presbyteros aut diaconos alteri subjectos episcopo, nisi forte consilio et voluntate ipsius. Si quis autem tale aliquid agere tentaverit, irrita sit ejus ordinatio, et ipse coerceatur a synodo.

CAP. 210. — *Ut nullus episcopus in alterius episcopi parœciâ ad promotionem ministerii accedere præsumat. Ex concilio Antiocheno, cap. 13.*

(9, q. 2, c. Nullum episcopum.) Nullus episcopus ex alia provincia audeat ad aliam transgredi, et ad promotionem ministerii aliquos in Ecclesiis ordinare, licet consensum præbere videantur nonnulli, nisi litteris tam metropolitani, quam cæterorum episcoporum, qui cum eo sunt, rogatus adveniat, et sic ad actionem ordinationis accedat. Si vero, nullo vocante, inordinato more deproperet super aliquibus ordinationibus et ecclesiasticis negotiis, ad eum non pertinentibus, componendis, irrita quidem quæ ab eo geruntur existant, ipse vero incompositi motus sui et irrationabilis audaciæ subeat ultionem, ex hoc jam damnatus a sancto concilio.

CAP. 211. — *Ne episcopus alterius Ecclesiæ clericum audacter invadere audeat. Ex concilio Nicæno, cap. 17.*

Si quis episcopus clericum ad alium locum pertinentem audacter invadere et in sua Ecclesia ordinare tentaverit, non consentiente episcopo a quo discessit, ordinatio hujusmodi irrita comprobetur.

CAP. 212. — *De non præsumendis illicitis ordinationibus. Ex epistola Simplicii papæ missa Equitio, Florentino et Severo episcopis, cap. 1.*

Relatio nos vestræ dilectionis instruxit, et gestorum series plenius intimavit, Gaudentium Osimiensis Ecclesiæ sacerdotem, contra statuta canonum ac nostra præcepta, ordinationes illicitas perpetrasse, quarum illi totam penitus auferri præcipimus potestatem. Scripsimus enim ad Severum fratrem et coepiscopum nostrum, ut, si necesse fuerit, ipse in supradicta Ecclesia, consideratis Patrum regulis, hoc fungatur officio, quo ille abusus esse convictus est, ut hi qui illicite ab eodem sint profecti, ab ecclesiasticis ministeriis sint remoti.

CAP. 213. — *De depositione eorum qui ab episcopo suo solum manus impositionem, et ab alio presbytero reliquam ordinum benedictionem susceperunt. Ex concilio Carthaginensi, cap. 5.*

Ad cognitionem nostri examinis Gabrenensis diaconi relatu pervenit, de quibusdam [tribus] ipsius Ecclesiæ clericis, quod dum unus ad presbyterii, duo ad levitarum ministerium consecrarentur, episcopus eorum, oculorum dolore detentus, fertur manum suam super hos tantum posuisse, et presbyterum quemdam illis contra ecclesiasticum ordi-

nem benedictionem dedisse. Qui licet propter tantam præsumptionis audaciam poterat accusatus iudicio præsentî damnari, si adhuc in corpore positus, non fuisset mortis vocatione præventus. Sed quia ille examini divino relictus est, humano iudicio accusari non potest; his qui supersunt, et ab eo non consecrationis titulum, sed ignominiam potius elogium perceperunt, ne sibi licentiam talis usurpationis faciat, decrevimus ut gradu sacerdotis, vel levitici ordinis quem perverse adepti sunt, depositi, æquo iudicio abjiciantur. Tales enim merito iudicati sunt removendi, quia prave inventi sunt constituti.

CAP. 214. — *Ut non valeat sententia episcopi, nisi clericorum suorum præsentia firmetur. Ex eodem conc. cap. 23 (conc. Carth. IV, cap. 32).*

(12, q. 2, c. Sine exceptione.) Irrita erit sententia episcopi, nisi clericorum suorum præsentia confirmetur.

CAP. 215. — *Ut episcopus secundum redditus ecclesiarum numerum clericorum factat. Et concilio Spalensi, cap. 1.*

Ne passim episcopus multitudinem clericorum faciat, sed secundum meritum vel redditus ecclesiarum numerum moderetur.

CAP. 216. — *De episcopis peregrinis. Ex conc. Arelatensi, 1, cap. 20.*

De episcopis peregrinis qui in urbem solent venire, quos veraciter episcopos scimus esse, placuit eis locum dari ut offerant.

CAP. 217. — *Ut episcopi levitate vagantes, ad propria redire cogantur. Ex Registro Gregorii ad Synagium episcopum Augustodunensem, cap. 122. (Lib. VII, ep. 119, seu cap. 117.)*

Cum sacerdotis dignitas eminere videatur, ita quisquis ea ordinatus [ornatus] est, cunctis se imitandum debet ostendere, ut exemplo sui nulli nocere, sed vitam potius valeat componere subjectorum. Nam si actus dissentiant a nomine, quanto pontificatus ipse plus erigit, tanto magis abjicit [addicit]. Itaque Mennatem episcopum quemdam, qui illuc de diocesi nostræ ordinationis [diocesi Romanæ Ecclesiæ nostra ordinatione, etc.] profectus est, in tanta se levitate didicimus exhibere, ut et nobis de eo major sit verecundia, et illi episcopatus nomen non sit honori, sed oneri. Quod quia pudoris nobis est de eo illa cognoscere, quæ in aliarum provinciarum omnino reprehendimus sacerdotibus, fraternitas vestra eum illic immorari amplius non permittat, sed ad nos quantocius reverti compellat, ac magis inventa per omnia occasione transmittat, ut sub ea qua dignum est observantia refrenatus, sæculares mores ad sacerdotalem studeat convertere gravitatem. Nam satis noxium atque perniciosum est ut imitatione ipsius qui ædificari debuerant destruantur, in qua re non solum ille culpabilis, sed etiam qui non restiterit invenitur. Nam consentire videtur erranti, qui corrigenda, ut resecari debeant, non occurrit. Quia vero quidam Theodorus episcopus de diocesi reverendissimi fratris nostri Constantii Mediolanensis Ecclesiæ

episcopi, disciplinam (ut dicitur) evitans, illuc venisse firmatur, hortamur, ut et isto diligentius requirito, ad episcopum suum vestra fraternitas transmittat. Et quia sicut legitur, *Qui abjicit disciplinam, infelix est* (Sep. III), nulla eum illic excusatione patiamini retinere, quatenus ex his qui levitatis eorum vitio possunt decipi, liberentur, et de ipsis habere mercedem, ne hac stultitia pereant, valeatis.

CAP. 218. — *Quandiu episcopus in aliena civitate morari debeat. Ex concilio Sardicensi, cap. 14.*

Osius episcopus dixit: Et hoc quoque statuere debetis, ut ex alia civitate cum venerit episcopus ad aliam civitatem, et, ambitioni magis quam devotioni serviens, voluerit in alia civitate multo tempore residere, forte enim evenit episcopum loci non esse tam instructum neque tam doctum, is vero qui advenit incipiat contemnere eum, et frequenter facere sermonem, ut dehonestet et infirmet ejus personam, ita ut hac occasione non dubitet relinquere assignatam sibi Ecclesiam et transeat ad alienam... Diffinita igitur tempora, quia et non recipi episcopum inhumanum est, et si diutius resideat, perniciosum est. Hoc ergo ne fiat, providendum est. Memini autem superiori concilio fratres nostros constituisse, ut si quis laicus in ea in qua commoratur civitate, quatuor Dominicis dies, id est, per tres septimanas non celebrasset conventum, communionem privaretur. Si hæc circa laicos constituta sunt, multo magis episcopum nec licet, nec decet, si nulla sit tam gravis necessitas quæ detineat, ut amplius a supra dicto tempore absens sit ab Ecclesia sua. Universi dixerunt placere sibi.

CAP. 219. — *De suscipiendis episcopis qui persecutionem patiuntur. Ex eodem cap. 21.*

Osius episcopus dixit: Suggestente fratre et coepiscopo nostro Olympio, etiam hoc placuit, ut si aliquis vim perpressus est, et inique expulsus; pro disciplina et catholica confessione, vel pro defensione veritatis effugiens pericula, innocens et devotus ad aliam venerit civitatem, non prohibeatur immorari, quandiu redire possit, aut injuria ejus remedium acceperit, quia durum est eum qui persecutionem patitur non recipi, etiam et larga benevolentia, et humanitas ei est exhibenda. Omnis synodus dixit: Universa quæ constituta sunt, catholica Ecclesia universo orbe diffusa custodiat. Et subscripserunt omnes qui convenerant.

CAP. 220. — *De illis qui se dicunt episcopos esse. Conc. Remensi, cap. 45 (concil. Cabillonensi, cap. 43).*

Sunt in quibusdam locis Scoti, et alii erronei qui se dicunt episcopos esse, et multos negligentes absque licentia dominorum suorum sive magistrorum suorum presbyteros et diaconos ordinant. Quorum ordinationem, quia plerumque incidit hæresim [forte hæresis] et multis erroribus subjacet, modis omnibus irritam fieri debere, omnes uno consensu decrevimus.

CAP. 221. — *Qualiter peregrini episcopi suscipiendi*

sunt. Ex Registro Gregorii, universis episcopis per Illyricum dilectis, cap. 42 (l. 1, ep. 45.)

Jovinus excellentissimus vir, filius noster, per Illyricum scriptis suis nobis indicasse dignoscitur, a se, sacris apicibus destinatis, jussum fuisse episcopos, quos e propriis locis hostilis furor expulerat, ad eos episcopos qui nunc quoque in locis propriis degunt, pro sustentatione ac stipendiis presentis vitæ esse jungendos, et licet ad hæc fraternitatem vestram jussio principalis admoneat, habemus tamen majus horum mandatum æterni Principis, quo ad hæc terribilius peragenda compellimur, ut non dico fratres et coepiscopos nostros, sed etiam ipsos quos nobis contrarios patimur, cum opportunitas postulat, in conferendis subidiis necessitatum carnalium diligamus. Oportet ergo vos ad hanc rem et cælesti primitus Principi obedientes existere, et imperialibus etiam jussionibus consentire, quatenus fratres coepiscoposque nostros, quos et captivitatis et diversarum necessitatum angustiae comprimunt, debeatis consolandos conveniendosque vobiscum in ecclesiasticis sustentationibus libenter suscipere, non quidem ad communionem episcopalis throni et dignitatem, sed ut ab Ecclesia juxta possibilitatem sufficientia debeant alimenta percipere. Sic enim et proximum in Deo et Deum in proximo diligere comprobamur. Nullam quippe eis in vestris Ecclesiis auctoritatem tribuimus, sed tantum eos vestris solatiis continere summopere hortamur.

CAP. 222. — *Episcopus vel presbyteros ignotos ante probationem in ministerium non admittendos. Ex concilio Rothomagensi, cap. 23 [68].*

Statuimus secundum canonicam cautelam omnes undecunque supervenientes ignotos episcopos vel presbyteros, ante probationem synodalem in ecclesiasticum ministerium non admittere.

CAP. 223. — *Ut episcopus hostilitate compulsus, ad aliam vacantem transeat Ecclesiam. Ex registro Gregorii ad Angelum episcopum (lib. II, c. 25, ad Joannem Squilatinum episc.).*

(7, q. 1, c. Pastoralis officii.) Pastoralis officii cura nos admonet destitutis Ecclesiis proprios constituere sacerdotes, qui gregem Dominicum sollicitudine pastorali debeant gubernare. Propterea te Joannem ab hostibus captivatum Lisitanæ civitatis episcopum, in Squilatina Ecclesia cardinalem necesseduximus constituere sacerdotem, ut et susceptam semel animarum curam intuitu futuræ retributionis impleas, et licet a tua hoste imminente depulsus sis, alienam, quæ pastore vacat, Ecclesiam debes gubernare, ita tamen, ut si civitatem illam ab hostibus liberam effectam, Domino protegente, ad priorem statum contigerit revocari, in eam in qua prius ordinatus es Ecclesiam revertaris. Sin autem prædicta civitas continua captivitatis calamitate premittur, in hac in qua et a nobis incardinatus es Ecclesia debeas permanere.

CAP. 224. — *De episcopis, quod omnes homines jurs*

eis obedire debeant. Ex decretis Clementis papæ, A
cap. 15 (ep. 1, longe ante finem).

Omnes principes terræ, et cunctos homines episcopis obedire, et capita sua submittere, eorumque adjuutores existere Petrus præcipiebat, ut omnes pariter fideles et cooperatores legis Dei monstrarentur, ne de eis dicatur: *Confundentur et erubescunt omnes, qui pugnant adversum te, et erunt quasi non sint, et peribunt viri qui contradicunt tibi. Quæres eos et non invenies, viros rebelles tuos. Erunt quasi non sint, et veluti consumptio hominis bellantis adversum te.* (Isa. xli). (11, q. 3, c. Si autem vobis contraveniunt). Omnes ergo qui eis contraeunt, ita damnatos et infames usque ad satisfactionem monstrabat, et nisi converterentur, a liminibus ecclesiæ alienos esse præcipiebat.

CAP. 225. — Quod episcopi claves sint Ecclesiæ. Ex ejusdem decretis, cap. 37 (ibid., post medium).

Sanctam ergo Ecclesiam immaculatam omnes servare debere evangelizabat, cujus claves episcopos esse dicebat. Ipsi enim habent potestatem claudere cælum, et aperire portas ejus, quia claves cæli facti sunt. Admonebat autem eos neminem nocere debere, quia oculi Domini sunt, et qui eos tangit, quasi qui tangit pupillam oculi ejus (Zach. 11). Et quanta pœna dignus sit qui eos scandalizat, ipsum Dominum docuisse dicebat ubi ait: *Qui scandalizaverit unum de pusillis istis qui in me credunt, expedit ei ut suspendatur mola asinaria in collo ejus, et demergatur in profundum maris* (Matth. xviii).

CAP. 226. — Quod episcopos Dominus ad glorificandum se elegerit. Ex eodem, cap. 29 (ibid., longe ante finem).

Ad glorificandum se, et divina mandata seminanda et evangelizanda, episcopos Dominus elegit, et non ut prohibeantur aut perturbentur aiebat, quoniam qui eos lædit eum lædit cujus legatione funguntur. Prædicare eos assidue et mandata Domini sine intermissione annuntiare rogabat. Opera eorum bona coram hominibus demonstrare, et conscientiam bonam coram Deo habere insinuabat.

CAP. 227. — De episcopis quod se invicem diligere debeant. Ex eodem cap. 30 (ibid., post medium).

Episcopos ergo vice apostolorum regere, Dominum docuisse dicebat, et reliquorum discipulorum vicem tenere presbyteros debere insinuabat, et si quis aliquem ex his scandalizaret, gravissimam pœnam inferri debere prædicabat. Cunctos se invicem diligere et adjuvare debere, et neminem ab adjutorio fratris se subtrahere instruebat.

CAP. 228. — Nec episcopus alium episcopum conculcet. Ex concilio Arelatensi primo, cap. 17.

Ut nullus episcopus alium conculcet, eumque calumniare vel injuriare præsumat. Quod si fecerit gradus sui periculo subiacet.

CAP. 229. — De episcopis qui se a fratrum adjutorio subtraxerint. Ex decretis Alexandri papæ omnibus episcopis missis, cap. 22 (epist. 2).

Qui autem ex vestro collegio fugerit [fuerit], et ab auxilio vestro se subtraxerit, magis schismaticus

quam sacerdos esse probabitur. *Ecce, inquit Propheta, quam bonum et quam jucundum habitare fratres in unum* (Psal. cxxxii)! Illi vero non in unum habitant, qui a fratrum se solatio subtrahunt, et, quod deterius est, qui fratribus insidias ponunt, et laqueos præparant. *Item post pauca.* Nos ergo qui discipuli Domini et dici esse cupimus, portare crucem Domini et compati fratribus debemus, et non quascunque eis insidias aut foveas præparare, quia talionem recipiet [meretur], qui fratribus foveam parat. *Nolite errare, fratres, quia Deus non irridetur* (Gal. vi). Hujus rei gratia Dominus vobis commisit Ecclesiam suam, ut pro omnibus laboretis et cunctis oppressis opem ferre non negligatis. Unde et Dominus per prophetam loquitur, dicens: *Hæc dicit Dominus: Judicate mane judicium, et eruite ri oppressos de manu calumniantis, ne forte egrediatur, quasi ignis, indignatio mea et succendatur, et non sit qui exstinguat* (Jer. xxi). Vos ergo qui in summa specula a Domino constituti estis, attendere eos et opprimere oportet qui inter fratres seditiones et scandala excitant, ne simul cum eis pereatis.

CAP. 230. — De episcopis qui se canino dente corrosierint. Ex ejusdem ad eosdem, cap. 15 (eudem epistola, paulo ante).

Si vero (quod absit!) discordes fueritis, et canino dente vos derodere cœperitis, non solum eos non superabitis, sed et vobis ipsis nocebitis, atque ab eis superabimini, et nocenter forte peribitis.

CAP. 231. — De episcopis qui fratribus nocere desiderant. Ex decretis Bonifacii papæ.

Sicut omnis qui diligit fratrem suum, ex Deo est, ita omnis qui odit proximum suum ex diabolo est; dilectione enim sola discernitur quis ex quo genitus approbetur, dicente Joanne: *In hoc manifesti sunt filii Dei et filii diaboli. Omnis qui non facit justitiam et non diligit fratrem suum, non est ex Deo. Quoniam hæc est annuntiatio quam ab initio audistis: Ut diligamus alterutrum* (1 Joan. iii). Et post paululum: *Omnis qui odit fratrem suum homicida est. Et scitis quoniam omnis homicida non habet vitam æternam in se manentem* (ibid.). Ecce homicida esse probabiliter declaratur, qui a fraternâ societate dividitur. Nam et si manus non moveat ad occidendum, pro eo tamen quia munitus est [immitis, al., nititur] ad nocendum, jam a Deo homicida temetur. Vivit ille, et iste jam interfector convincitur. Cum his igitur præceptis beatus apostolus Paulus consona prædicatione concordat dicens: *Non occidat sol super iracundiam vestram* (Ephes. iv): et *Nolite locum dare diabolo* (Ibid.). Item. Relatæ nobis sunt quorundam sacerdotum personæ in tantam obstinationis efferbuisse discordiam, ut non solum illos ab ira occasus solis non revocet, sed ne annosa quidem transactio temporum, ad bonum charitatis inclinet; quippe in quorum cordibus idem sol justitiæ Christus occubuit, ut ad lumen charitatis [veritatis] redire vix possint. Horum igitur et similium discordantium fratrum oblationes, juxta antiquam cano-

nam definitionem, nullo modo recipiendas esse censuimus, personis tamen discordantium in speciali definitione præcipimus, ut antequam eos reconciliatio vera innectat, nullus eorum accedere ad altare Dei audeat, vel gratiam sanctæ communionis percipiat, sed geminato tempore per pœnitentiam compensabunt, quo discordiæ servierunt. Quod si unus eorum alio contemnebat, ad satisfactionem charitatis cucurrerit, ex eo tempore jam pacificus intra ecclesiam recipietur, ex quo ad concordiam festinasse convincitur, sententia tamen superiori servata, ut tempus quod in ira expendit, geminatum in pœnitentiæ satisfactione persolvat.

CAP. 232. — *Ut episcopi a solo Domino sint iudicandi. Ex decretis Clementis papæ, cap. 38.*

Episcopus autem a solo Domino iudicandos aut removendos, et non ab aliis esse dicebat, quia sui sunt, et non alterius. Et quis est qui alterius iudicet servum: Nam si ista non patiuntur homines, nec Deus cœlorum [deorum], et Dominus dominantium hæc ullatenus patitur. Unde et propheta sibi testes esse dicebat, per quos Dominus loquitur dicens: *Ecce excoxi te, sed non quasi argentum elegi te in camino paupertatis. Propter me faciam, ut non blasphemem, et gloriam meam alteri non dabo (Isai. XLVIII).*

CAP. 233. — *Nimis timendum esse et prævidendum, ne offendantur episcopi. Ex decretis Evaristi papæ fratribus per Ægyptum missis, cap. 6.*

Nimis timenda est, fratres, hæc sententia, et prævidendum est vobis, ne offendatis eos qui tantam a Domino habent potestatem, et ideo potius obediendi, diligendi, et non detrahendi vel lacerandi aut eijciendi sunt, sed portandi et amandi, ipso dicente Domino: *Qui vos audit, me audit, et qui vos spernit, me spernit (Luc. x).* Ideo hæc vobis, et omnibus fidelibus scribimus, fratres, ut ab his caveatis, et posteris vestris non malum, sed bonum exemplum relinquatis, quoniam injuria episcoporum ad Christum pertinet, cujus vice funguntur.

CAP. 234. — *Ne criminatio ovium contra episcopum suum recipiatur. Ex prima epistola Calixti papæ.*

Calixtus episcopus Ecclesiæ catholicæ urbis Romæ, Benedicto fratri et coepiscopo, salutem in Christo. Criminationes contra doctorem nemo suscipiat, quia non oportet filios patres reprehendere, nec servos dominos lacerare. Filii ergo doctorum sunt omnes quos instruunt, et sicut filii patres carnales, sic et hi patres debent diligere spirituales. Non enim bene vivunt qui non recte credunt, aut patres reprehendunt, vel detrahunt suis. Doctores ergo qui et Patres vocantur, magis portandi quam reprehendendi sunt, nisi in recta fide erraverint. Nullus ergo doctorum per scripta accusetur, nec nisi fideli et legitimo qui etiam irreprehensibilem vitam ac conversationem ducat, accusatori respondeat, quia indignum est ut doctor stulto et indocto atque reprehensibiliter viventi, respondeat, juxta stultitiam suam, dicente Scriptura: *Non respondeas stulto juxta stultitiam suam (Prov. xxvi).* Non bene

A vivit qui non recte credit. Nihil mali vult, qui fidelis est. Si quis fidelis est, videat ne falsa loquatur, ut cuiquam insidias ponat. Fidelis homo semper fideliter agit, et infidelis callide insidiatur, atque fideles et pie ac juste viventes perdere nititur, quia similis similem sibi querit. Infidelis vero homo mortuus est in corpore vivente, econtra sermones fidelis hominis vitam custodiunt auditorum. Doctorem enim catholicum, et præcipue Domini sacerdotem, sicut nullo errori implicari, ita nulla oportet machinatione aut cupiditate violari, dicente Scriptura sancta: *Post concupiscentias tuas ne eas, et a voluntate tua avertaris (Eccli. xviii).*

CAP. 235. — *Quod injustum iudicium jussu regis vel episcopi, vel alicujus potentis factum, irritum habeatur. Item idem (paulo post).*

Quidquid irreprehensibile est catholica defendit Ecclesia. Nulli imperatori, vel cuiquam pietatem custodienti licet aliquid contra mandata divina præsumere. Injustum ergo iudicium et definitio injusta, regio metu aut jussu, aut cujuscunque episcopi aut potentis, a iudiciis ordinata vel acta, non valeat. Homini religioso parum esse debet inimicitias aliorum non exercere vel augere, male loquendo, nisi etiam eas extinguere bene loquendo studuerit. Melior est in malis factis humilis confessio quam in bonis superba gloriatio.

CAP. 236. — *Ne aliquis alterius terminos usurpet, nec alterius paræcianum iudicet aut excommunicet. Item in secundo decretali suo.*

Nemo alterius terminos usurpet, nec alterius paræcianum iudicare aut excommunicare præsumat, quia talis dijudicatio aut excommunicatio vel damnatio nec rata erit, nec vires ullas habebit, quoniam nullus alterius iudicis nisi sui, sententia tenebitur aut damnabitur. Unde Dominus loquitur dicens: *Ne transgrediaris terminos antiquos quos posuerunt patres tui (Prov. xxii).*

CAP. 237. — *Qui non debeant recipi ad accusationem, et testimonium contra episcopos. Anacletus papa tertius a Petro, in primo decretali suo, omnibus episcopis.*

Beatus prædecessor noster Clemens, vir apostolicus, et Spiritu Dei plenus, una cum reliquis sanctis collegis suis statuit, dicens: Accusandi vel testificandi licentia denegetur his, qui Christianæ religionis et nominis dignitatem, et suæ legis vel sui propositi normam aut regulariter prohibita neglexerint. Transgressor enim sponte legis suæ, ejusque violatores apostatæ nominantur. Omnis enim apostata refutandus est ante reversionem suam, nec in accusationem recte agentium, aut testimonium recipiendus [suscipiendus]. Scimus autem multos ob id infestare doctores, ut eos perdant et propriæ voluntatis placita adimpleant, non propterea tamen doctores, in quantum vires succedunt, a recta æmulatione et bona intentione repperere debent, scientes quia *Beati qui persecutionem patiuntur propter justitiam (Math. v)*, Nihil est autem illo pastore miserius qui luporum laudibus gloriatur; quibus si pla-

cere voluerit atque ab his amari delegerit, erit hinc ovibus magna perniciēs. Nullus ergo pastorum placere lupis et gregibus ovium potest. Deo enim perfecte sacrificantes non debent vexari, sed portari, consolari atque ab omnibus venerari.

CAP. 238. — *De eodem expressius. Idem, in secundo decretali suo, episcopis Italiæ.*

(2, q. 7, c. *Accusatio.*) Accusatio eorum quoque, super qua nos consulere voluistis, non nisi ab idoneis et probatissimis viris, qui et suspicionibus et sceleribus careant, fieri debet, quia Dominus sacri sui corporis tractatores a vilibus et reprobis, ac non idoneis personis infamari noluit, nec calumniari, sed ipse proprio flagello peccantes sacerdotes a templo ejecit. Unde liquet quod summi sacerdotes, id est episcopi, a Deo sunt iudicandi, non ab humanis aut pravæ vitæ hominibus lacerandi, sed potius ab hominibus fidelibus portandi, ipso Domino exemplum dante, quando per seipsum, et non per alium vendentes et ementes ejecit de templo sacerdotes (*Matth. xi*). Nullus enim, ut reor, inter nos invenitur qui velit servum suum ab alio quam a se iudicari. Quod si præsumptum fuerit, aut multo indignatione ipse irascitur, aut potius vindictam quærit super eum. Unde et Dominus ait per prophetam: Qui vos tangit, tangit pupillam oculi mei (*Zach. ii*) *Et paulo post.* Si detractores quorumcunque graviter iudicantur, et in perditionis laqueum cadunt, multo magis laceratores et detractores atque accusatores famulorum Dei damnantur, et in barathrum, nisi se correxerint et per eorum satisfactionem condignam egerint pœnitentiam, indubitanter vadunt et vindicibus flammis exurunt. Hæc et alia periculosa considerantes apostoli statuerunt ne facile commoverentur, aut lacerarentur, vel accusarentur columnæ sanctæ Dei Ecclesiæ, quæ apostoli et successores eorum non immerito dicuntur. Sed si quis adversus eos vel Ecclesias eorum commotus fuerit aut causas habuerit, prius ad eos recurrat charitatis studio, aut familiari colloquio, ea sanent commoti quæ sananda sunt, et charitative emendent quæ juste emendanda cognoverint. Si autem aliqui eos prius quam hoc egerint lacerare, accusare, aut infestare præsumpserint, excommunicentur, et minime absolvantur antequam per satisfactionem, ut jam dictum est, condignam egerint pœnitentiam, quoniam injuria eorum ad Christum pertinet, cujus legatione funguntur. *Item.* Ejectionem quoque, ut supra memoratum est, summorum sacerdotum sibi Dominus reservavit; licet electionem eorum bonis sacerdotibus et spiritualibus populis concessisset.

CAP. 239. — *Quod accusatores et testes esse non possunt, qui ante hesternum diem, aut nudius tertius inimici fuerunt. Idem in tertio decretali suo.*

(3, q. 5, c. *Accusatores.*) Accusatores et testes esse non possunt, qui ante hesternum diem aut nudius tertius inimici fuerunt, ne irati nocere cupiant, vel lesi se ulcisci velint. Inoffensus ergo accusatorum et testium affectus quærendus est, et non su-

pectus. *Et paulo inferius.* Deteriores quippe sum qui præpositorum vitam moresque corrumpunt, his qui substantias aliorum prædiciaque corrumpunt. Sententia quippe Cham filii Noe damnantur, qui suorum præpositorum culpam produnt, ceu Cham qui verenda patris non operuit, sed deridenda monstravit (*Gen. ix*). Pastor Ecclesiæ si a fide exorbitaverit, erit a fidelibus corrigendus, sed pro reprobis moribus magis est tolerandus quam distringendus; quia rectores Ecclesiæ a Deo iudicandi sunt, sicut ait Propheta: *Deus stetit in Synagoga deorum, in medio autem deos dijudicat (Psal. lxxi).* *Item.* Tam sacerdotes quam reliqui fideles omnes summam debent habere curam de his qui pereunt, quatenus eorum redargutione aut corrigantur a peccatis, aut si incorrigibiles sunt [apparuerint], ab ecclesia separentur.

CAP. 240. — *Quod a plebe vel a vulgaribus hominibus non sit arguendus vel accusandus episcopus. Evaristus papa episcopis Africæ (epist. 2).*

(2, q. 7, c. *Non est a plebe.*) Non est itaque a plebe aut a vulgaribus hominibus arguendus vel accusandus episcopus, licet sit inordinatus; quia pro meritis subditorum disponitur vita rectorum. Unde, si qui sunt vituperatores aut accusatores episcoporum, vel reliquorum sacerdotum, non oportet eos a iudicibus Ecclesiæ audiri, antequam eorum discutatur æstimationis suspicio vel opinio, qua intentione, qua fide, qua temeritate, qua vita, qua conscientia, quove merito, si pro Deo, aut pro vana gloria, aut inimicitia vel odio, vel cupiditate ista præsumpserint. *Et paulo post.* (2, q. 7, c. *Deus omnipotens.*) Deus omnipotens ut nos a præcipitante sententiæ prolatione compesceret, cum omnia nuda et aperta sint oculis ejus, mala tamen Sodomorum noluit audita iudicare, priusquam manifeste agnosceret quæ dicebantur. Unde ipse ait: *Descendam et videbo utrum clamorem, qui venit ad me, opere compleverint, an non est ita, ut sciam (Gen. xviii).* Deus omnipotens cui nihil absconditum est, sed omnia ei manifesta sunt, etiam antequam fiant, non ob aliud hæc et alia multa quæ hic prolixitatem vitantes non inseruimus, per se inquirere dignatus est, nisi ut nobis exemplum daret, nec præcipites in discutiendis et iudicandis negotiis essemus.

D CAP. 241. — *De extorta confessione. Alexander papa quintus a Petro in primo decretali suo omnibus episcopis misso.*

Si sacerdotibus vel actoribus Ecclesiæ quædam scripturæ quocummodo per metum, aut fraudem, aut per vim extortæ fuerint, vel ut [velut] se liberare possent quocumque ab eis conscriptæ vel laboratæ fuerint ingenio, ad nullam eis præiudicium vel noxamentum valere censemus, neque ullam eis infamiam aut calumniam, aut a suis sequestrationem bonis unquam auctore Deo, et sanctis apostolis eorumque successoribus sustinere permittimus. *Paulo post.* Confessio enim in talibus non compulsæ, sed spontanea fieri debet: omnis enim confessio quæ fit ex necessitate, fides non est. Confessio ergo in

libus non extorqueri, sed debet sponte proferri [profliteri]: pessimum est enim de suspitione aut extorta confessione quemquam judicare, cum magis inspector cordis sit Dominus quam operis. *Paulo post.* Non potest autem humano condemnari examine, quem Dominus suo reservavit iudicio. Si omnia namque in hoc sæculo vindicata essent, locum divina iudicia non haberent. *Et paulo post.* Pejus malum non esse existimo, quam Christianos suis invidere sacerdotibus.

CAP. 242. — *Quo ordine ad eundem sint primates vel alii iudices. Idem.*

Si quis erga episcopum vel actores Ecclesie quamlibet querelam justam habere crediderit, non prius primates aut alios adeat iudices, quam ipsos a quibus se læsum existimat conveniat familiariter, non semel, sed sæpiissime ut ab eis aut justitiam suam accipiat, aut excusationem. Si autem secus egerit, ab ipsis et ab aliis communione privetur, tanquam apostolorum Patrumque aliorum contemptor.

CAP. 243. — *Quod nec oves pastorem suum reprehendere, nec plebs episcopum accusare, nec vulgus eum debeat arguere. Pius papa (I) IX a Petro omnibus Ecclesiis.*

(6, q. 1, c. *Oves pastorem.*) Oves pastorem suum non reprehendant, plebs episcopum non accuset, nec vulgus eum arguat, quia non est discipulus super magistrum (Matth. x). Episcopi a Deo sunt iudicandi, qui eos sibi oculos elegit. Nam a subditis aut a pravæ vitæ hominibus non sunt arguendi, aut accusandi, aut lacerandi. *Et in sequentibus.* Nemo bonum faciens alteri verbo aut facto nocere vult. Quanto minus in suspitionem debet venire fidelis homo, ut dicat aut faciat ea quæ pati non vult? Quia omnis suspicio est potius repellenda, quam approbanda vel recipienda. *Item idem in secundo decretali suo.* (17, q. 4, cap. *Sicut qui Ecclesiam.*) Sicut qui Ecclesiam Dei vastat, ejusque prædia et donaria exspoliât et invadit, fit sacrilegus; sic et ille qui ejus sacerdotes insequitur, sacrilegii reus existit, et sacrilegus iudicatur. Et sicut peccatum quod in Deum committitur gravius est quam quod in hominem, sic gravius est sacrilegium agere quam fornicari. *Paulo post.* (11, q. 1, c. *Si quis sacer.*) Si quis sacerdotum vel reliquorum clericorum suo episcopo inobediens fuerit, aut ei insidias paraverit, aut contumeliam aut calumniam, et convinci potuerit, mox curiæ tradatur, et recipiat quod inique gessit.

CAP. 244. — *De incertis iudiciis vitandis, et quod nec vera sint credenda, nisi certis iudiciis probata, et iudiciario ordine publicata. Victor papa fratribus Alexandriæ positus (ep. 1, c. 2).*

Audivimus apud vos vestrosque diversa iudicia fieri, et incerta iudicari. Incerta, charissimi, nullatenus iudicemus, quoadusque veniat Dominus qui latentia producet in lucem et illuminabit abscondita generarum, et manifestabit consilia cordium (I Cor. iv). Quia quamvis vera sint, non tamen credenda sunt,

nisi quæ manifestis iudiciis comprobantur, nisi quæ manifesto iudicio vincuntur, nisi quæ iudiciario ordine publicantur. *Item. Paulo post.* (*Hæc habentur supra c. 4.*) Placuit ut accusatus vel iudicatus a comprovincialibus in aliqua causa episcopus licenter appellet, et adeat apostolicæ sedis pontificem, qui aut per se aut per vicarios suos ejus retractari negotium procuret, et dum iterato iudicio pontifex causam suam agit, nullus alius in ejus loco ponatur aut ordinetur episcopus, quoniam quanquam comprovincialibus episcopis accusati causam pontificis scrutari liceat, non tamen definire inconsulto Romano pontifice permissum est. Et alibi in statutis legitur Apostolicis (*epist. 1 Clementis*): Si quis putaverit se a proprio metropolitano gravari apud patriarcham vel primatem dioceseos, aut penes universalis apostolicæ Ecclesie iudicetur sedem. Nihil aliud est, fratres, talis præsumptio, nisi apostolorum suorumque decessorum [successorum] terminos transgredi, eorumque decreta violari.

CAP. 245. — *Quomodo iudicandus sit episcopus, et quot testibus convincendus. Zephyrinus XIV a Petro, in primo decretali suo, omnibus episcopis per Siciliam.*

(2, q. 1, c. *Primates accusatum.*) Patriarchæ vel primates accusatum discutientes episcopum, non ante sententiam proferant finitivam quam apostolica auctoritate, aut eum se ipse confiteatur, aut per innocentes et regulariter examinatos vincantur testes. Qui minori non sint numero quam illi discipuli fuerunt, quos Dominus in adiumentum apostolorum eligere præcepit, id est 72. (3, q. 4, c. *Detractores.*) Detractores quoque qui divina auctoritate eradicandi sunt, et auctores [al., actores] inimicorum ab episcopali submovemus accusatione vel testimonio. Nec summorum quispiam minorum accusationibus impetatur aut dispereat, neque in re dubia certa iudicetur sententia, nec ullum iudicium nisi ordinabiliter habitum teneatur. (3, q. 9, c. *Absens vero.*) Absens vero nemo iudicetur, quia et divinæ et humanæ hoc prohibent leges. Accusatores autem eorum omni careant suspitione, quia columnas suas Dominus firmiter stare voluit, non a quibuslibet agitari. Nullum namque eorum sententia a suo iudice non dicta constringat, quia et leges sæculi id ipsum fieri præcipiunt. (5, q. 4, c. *Duodecim.*) Duodecim enim iudices quilibet episcopus accusatus si necesse fuerit eligat, a quibus ejus causa iuste iudicetur. Nec prius audiatur, aut excommunicetur vel iudicetur, quam ipsi per se eligantur, et regulariter vocato ad suorum primo conventum episcoporum, per eos ejus causa iuste audiatur et rationaliter discernatur. Finis vero ejus causæ ad sedem apostolicam deferatur, ut ibidem determinetur.

CAP. 246. — *Quod spoliati episcopi respondere non debeant, nisi res ablata prius eis restituantur. Idem in secundo decretali suo fratribus per Ægyptum.*

Nuntiatum est sedi apostolicæ per apocrisarios vestros, quosdam fratrum nostrorum episcoporum videlicet ab ecclesiis et sedibus propriis pelli, sua-

que eis auferri suppellectilia, et sic nudos et exspoliatos ad judicia vocari. Quod omni ratione caret: cum constituta apostolorum eorumque successorum, et præcepta imperatorum, ac constitutiones legum idipsum prohibeant, ac apostolicæ sedis auctoritas idipsum fieri vetet. Præceptum est ergo in antiquis statutis, episcopos ejectos, atque suis rebus exspoliatos ecclesias proprias recipere, et primo sua omnia eis reddi, et tum demum si quis eos juste accusare voluerit, æquo periculo facere, iudices esse decernentes, episcopos recta facientes [sapientes] et in ecclesia convenientes, ubi testes essent singulorum qui oppressi videbantur, nec prius eos respondere debere, quam omnia sua eis et ecclesiis eorum legibus integerrime restituantur.

CAP. 247. — *Injuste condemnatos oportere restitui. Sixtus papa xxiii a Petro, in secundo decretali suo fratribus per Hispaniam.*

(2, q. 3, c. *Fratres quos.*) Fratres quos timere terreno injuste damnastis, scitote a nobis juste esse restitutos. Quibus ex auctoritate sancti Petri, apostolica auctoritate omnia quæ eis ablata sunt integerrime reddi præcipimus, si non vultis et vos et principes vestri a collegio nostro et membris ecclesie separari. Justo enim iudicio Dei plerumque peccatoribus potestas, qua sanctos ipsius persequuntur, conceditur, ut qui Spiritu Dei juvantur et aguntur fiant per laborum exercitia clariores. Illi tamen qui hoc agunt nullatenus evadunt pœnam; quia, ut ait Dominus: *Vae illi per quem scandalum venit (Matth. xviii).* Item. Paulo post. Incerta non iudicemus quoadusque veniat Dominus, qui et illuminabit abscondita tenebrarum, et manifestabit consilia cordium (I Cor. iv). Et quamvis vera sint, non tamen credenda sunt, nisi quæ certis iudiciis comprobantur, nisi quæ manifesto iudicio convincuntur, nisi quæ iudiciario ordine publicantur. Nullus ergo humano potest condemnari examine, quem Deus suo iudicio reservavit. Hæc omnia summopere sunt præcavenda, ne præsumptos esse videamur. Et accusatio episcoporum non est facile recipienda, dicente Domino: *Non suscipias vocem mendacii (Exod. xxiii);* et Apostolus inquit: *Adversus presbyterum inscriptionem non esse recipiendam, absque duobus vel tribus idoneis testibus (I Tim. v).* Si hæc de presbyteris vel cæteris fidelibus sunt præcavenda, quanto magis de episcopis.

CAP. 248. — *Quod episcopus accusantium propositionibus non respondeat, nec ad concilium veniat, nisi res ablata prius restituantur, et quales esse debeant accusatores. Felix episcopus, episcopis Gallie in secundo decretali suo.*

(3, q. 2, c. *Si episcopus suis fuerit.*) Si suis fuerit episcopus aut Ecclesie rebus sibi commissæ exspoliatus aut, quod absit! quod alienum ab omnibus esse debet fidelibus! a sede propria ejectus, aut in detentione aliqua a suis ovibus fuerit sequestratus, tunc canonice ante in pristino statu restituatur, cum omni privilegio sui honoris, et sua omnia quæ insidiis inimicorum

A suorum ei ablata fuerunt, legibus redintegrentur, nec convocari nec iudicari poterit, nisi ipse pro sua necessitate minime tamen iudicandus, advenire sponte elegerit. Nullatenus ergo a quoquam cogatur antequam integerrime omnia, quæ per suggestiones inimicorum suorum amiserat, potestati ejus ab honorabili concilio legali ordine redintegrentur: Præsul vero cum omni honore statui pristino reddatur, et ipse dispositis ordinatisque libere ac secure diu suis rebus, tunc regulariter infra quatuor aut quinque, aut septem menses, juxta quod possibilitas ei fuerit, et non ante convocatus, ad tempus, in concilio legitimo, et canonico, veniat ad causam, et, si ita juste videtur, accusantium propositionibus respondeat. *Item.* Quod si ex utraque parte ad causam dicendam convenerint (quia unus absque altero audiri non debet) querendum est in iudicio cujus sint conversationis et fidei, atque suspicionis accusatores, aut quæ intentione hoc faciant, quia ad hoc admitti non debent, nisi bonæ conversationis et rectæ fidei viri, hi videlicet qui omni suspicione careant, et bonæ vitæ æstimatione clareant, neque infames existant. (3, q. 10, c. *Si accusatorum.*) Quod si accusatorum personæ in iudicio episcoporum culpabiles apparuerint, ad arguendum non admittantur, nisi proprias causas asserere, non tamen eriminales vel ecclesiasticas voluerint. (3, q. 7, c. *Infamis persona.*) Infamis enim persona, nec procurator potest esse, nec cognitor. (3, q. 9, c. *Absente adversario.*) Absente vero adversario non audiatur accusator, nec sententia absente parte alia a iudice dicta, ullam obtinebit firmitatem. (3, q. 9, c. *Absens per alium.*) Neque absens per alium accusare vel accusari poterit, nec affinis testis admittatur. Neminem ergo exhiberi de provincia ad provinciam, vel ad comitatum oportet, nisi ad relationem iudicis, ad quem fuerit appellatum, id est ut actor semper rei forum sequatur. (2, q. 6, c. *Si quis iudicem.*) Si quis autem iudicem adversum sibi senserit, vocem appellationis exhibeat, quam nulli oportet negari. (3, q. 6, c. *Peregrina.*) Peregrina vero iudicia generali actione prohibemus, quia indignum est ut ab externis iudicetur, qui comprovinciales et a se electos debet habere iudices.

CAP. 249. — *Quod episcopi ad concilium vocati non debeant venire, nisi tanto tempore super sederint, quanto tempore vel ecclesiis vel rebus suis spoliati sunt. Eusebius papa in secundo decretali suo, fratribus per Alexandriam et Ægyptum.*

(2, q. 2, c. *In scripturis.*) In scripturis vestris reperimus quosdam episcopos vestris in partibus a propriis ovibus accusatos, aliquos videlicet ex suspitione, et aliquos ex certa ratione, et idcirco quosdam suis esse rebus exspoliatos, quosdam vero a propria sede pulsos; quos sciatis nec ad synodum comprovincialem, nec ad generalem posse convocari, nec in aliquo iudicari, antequam cuncta quæ eis sublata sunt, legibus potestati eorum redintegrentur. (3, q. 2, c. *Prius ergo.*) Prius ergo oportet omnia illis legibus redintegrari, et ecclesias quæ sibi sub-

latæ sunt, eum omni privilegio suo restitui, et postmodum non sub angusti temporis spatio, sed tantum temporis spatium eis indulgeatur, quantum exspoliati vel pulsati esse videntur, antequam ad synodum convocentur, et ab omnibus quisque suæ provinciæ episcopis audiatur. Nam nec convocari ad causam, nec judicari potest exspoliatus, vel expulsus, quia non est privilegium quo exspoliari possit jam nudatus, unde et antiquitus decretum est omnes possessiones, et omnia sibi sublata, atque fructus cunctos, ante litem contestatam perceptor vel primas possessori restituat. *Item.* (12, q. 2, c. *In antiquis.*) Est in antiquis Ecclesiæ statutis decretum ut qui aliena invadit, non exeat impunitus, sed cum multiplicatione omnia restituat. Unde et in Evangelio scriptum est: Quod si aliquid defraudari, reddo quadruplum (Luc. xix). Et in legibus sæcularibus cautum habetur: Qui rem subripit alienam, illi cujus res direpta est in undecuplum quæ sublata sunt restituat.

CAP. 250. — *Episcopos ab oribus suis non reprehendendos, nisi in fide erraverint. Ex epist. Anacleti papæ scripta omnibus sacerdotibus Christi, cap. 1 (epist. 3).*

Doctor autem vel pastor Ecclesiæ, si a fide exorbitaverit, erit a fidelibus corrigendus; sed pro reprobis moribus magis est tolerandus quam distringendus, quia rectores Ecclesiarum a Domino sunt iudicandi, sicut ait Propheta: Deus stetit in synagoga eorum, in medio autem deos dijudicat (Psal. lxxxii). Unde oportet unumquemque fidelem, si viderit aut cognoverit plebes suas adversus pastorem suum tumescere, aut cleri [clerum, al., contra clericum] detractionibus vacare, hoc vitium pro viribus extirpare, prudenterque corrigere satagat, nec eis in quibuscunque negotiis misceri, si incorrigibiles apparuerint, antequam suo reconcilientur doctori, præsumat, quoniam tam sacerdotibus quam reliqui fideles omnes, summam debent habere curam, de his qui percunt, quatenus eorum redargutione aut corrigantur a peccatis, aut, si incorrigibiles apparuerint, ab Ecclesia separentur.

CAP. 251. — *De eadem re. Ex decretis Clementis papæ (epist. 1).*

Ipsi autem episcopi si exorbitaverint, ab istis non sunt reprehendendi vel arguendi, sed portandi, nisi in fide erraverint. Hi ergo super hos sunt, non illi super istos, quoniam major a minore non argui nec judicari potest. Nullus se extollat erga doctores ac magistros suos, quia discipulus super magistrum esse (Matth. x) non potest, nec debet; nullus velit dici sanctus antequam sit; sed prius sit, ut verius dicatur. Præcepta Domini doctorumque ac magistrorum facta quotidie adimplere, et in Christi nomine pro inimicis orare oportet.

CAP. 252. — *De eadem re. Ex epistola Eusebii papæ, cap. 20 (Anacletus, ep. 3, c. 5).*

Necesse enim est ut rectores a subditis timeantur, et ab ipsis corrigantur, ut humana formidine peccare metuant, qui divina iudicia non formi-

dant. (6, q. 1, c. *Detiores.*) Detiores quippe sunt qui doctorum vitam moresque corrumpunt his qui substantias aliorum prædique diripiunt. Ipsi quidem ea quæ extra nos, licet nostra sint, auferunt; nostri vero detractores, et morum nostrorum corruptores, sive qui adversum nos armantur, proprie nos ipsos decipiunt, et ideo juste infames sunt, et merito ab ecclesia extorres fiunt.

CAP. 253. — *Quod infames sunt qui prælatorum vitam corripiunt, et conversationi detrahunt. Ex decretis Cæli papæ, cap. 7 (Euseb. epist. 2, ad epis. Alexandriæ).*

Oves vero quæ pastori suo commissæ fuerint, eum nec reprehendere, nisi a recta fide exorbitaverit, debent, nec ullatenus accusare possunt, quia facta pastorum oris gladio ferienda non sunt, quanquam recte reprehendenda videantur.

CAP. 254. — *De non reprehendendis episcopis. Ex decretis Evaristi papæ omnibus per Ægyptum fratribus missis, cap. 18.*

(3, q. 2, c. *Audivimus.*) Audivimus enim quosdam a vobis infamatos et dilaceratos episcopos et a civitatibus propriis pulsos, (quia [qui] alibi episcopi constitui non possunt, nisi in civitatibus non minimis) et alios in eis ipsis viventibus constitutos. Ideo hæc vobis scribimus, ut sciatis hæc fieri non licere, sed proprios revocari, et integerrime restitui debere. Illos vero qui adulterina fœditate suas sponsas (quas et uxores eorum præfixo tenore esse intelligimus) tenent, ejici, ut adulteros atque infames fieri, eosque ab ecclesiasticis honoribus arceri jubemus. Si autem adversus eos aliquam querelam habueritis, his peractis inquirendum erit, et auctoritate hujus sanctæ sedis terminandum.

CAP. 255. — *De infamatis et dilaceratis episcopis, et a civitatibus propriis expulsis, sine Romana auctoritate. Ex decretis Stephani papæ omnibus episcopis, cap. 65 (ep. 2, c. 1).*

Nullus enim episcoporum, dum suis fuerit rebus exspoliatus, aut a sede propria pro qualibet occasione pulsus, debet accusari, aut a quoquam ei potest crimen objici, priusquam integerrime restauretur, et omnia, quæ ei ablata quocumque sunt ingenio, legibus redintegrentur, et ipse sedi propriæ et pristino statui regulariter reddatur, ita ut omnes possessiones, et cuncta sibi prædia injuste sublata, atque fructus omnes ante conceptam accusationem primates, et synodus episcopo de quo agitur, funditus restituant, quia hoc non solum ecclesiasticæ, sed etiam sæculi leges fieri prohibent. Neque aliquis eorum aut ecclesiarum actor [auctor] vel defensor ad aliquos prius accusari debet, quam ipse charitative bis aut ter ab eis, qui se læsos æstimant, vel eos pro aliquibus erratibus corripere cupiunt, conveniatur, ut ab eis aut familiarem emendationem, aut justam percipiat excusationem. Quod qui præsumpserit, liminibus arceatur Ecclesiæ, usque ad condignam satisfactionem.

CAP. 256. — *Ut episcopus non dijudicetur qui aut*

robis est spoliatus. Ex decretis Felicis papæ episcopis per Ægyptum missis, cap. 10.

(2, q. 2, c. Nullus episcop.) Nullus enim episcopus qui suis est rebus exspoliatus, aut a sede propria vi aut terrore pulsus, antequam omnia sibi ablata legibus restituantur, et ipse pacifice annum vel plus suis fruatur honoribus, sedique propria sit regulariter restitutus, juxta canonicam institutionem accusari, vocari, judicari, aut damnari potest.

CAP. 257. — *Ut episcopi criminati libere apostolicam sedem appellent, et quod non possunt sine Romano pontifice vel ejus vicario judicari. Ex decretis Julii papæ orientalibus episcopis missis, cap. 18. (Sixtus II, id habet, ep. 1.)*

(2, q. 6, c. Omnes episcopi.) Ut omnes episcopi qui in quibusdam gravioribus pulsantur vel criminantur causis, quoties necesse fuerit, libere apostolicam appellent sedem, atque ad eam, quasi ad matrem, confugiant, ut ab ea (sicut semper fuit) pio fulciantur, defendantur et liberentur. Cujus dispositioni omnes majores et ecclesiasticas causas, et episcoporum judicia, antiqua apostolorum eorumque successorum atque canonum auctoritas reservavit, quoniam culpantur episcopi qui aliter erga fratres egerint quam ejusdem sedis papæ fieri placuerit. Placuit ut accusatus vel judicatus a comprovincialibus in aliqua causa episcopus, licenter appellet et adeat apostolicæ sedis pontificem, qui aut per se aut per vicarios suos, ejus negotium retrahere procuret. Et dum iterato judicio pontifex suam causam agit, nullus alius in ejus loco subrogetur, ponatur aut ordinetur episcopus, quoniam quanquam comprovincialibus episcopis, accusati causam pontificis liceat scrutari, non tamen definire inconsulto Romano pontifice permissum est, cum beato Petro apostolo, non ab alio aliquo quam ab ipso dictum sit Domino: *Quodcumque ligaveris super terram erit ligatum et in cælis; et quodcumque solveris super terram, erit solutum et in cælis* (Matth. xvi). (2, q. 6, c. Si quis putaverit.) Si quis putaverit se a propria metropolitano gravari, apud primatem diocesanos aut penes apostolicæ universalis Ecclesiæ papam [sedem] judicetur. Accusationes quas leges sæculi non asciscunt, et nos unanimiter submovemus, ne fiat indistricta probatione impietas, cum recta sit judicii in lectione sententia. Si quis erga episcopum vel actores [auctores] Ecclesiæ se proprium habere crediderit negotium, non prius adeat iudices quam ad eos recurat charitatis studio, ut familiari colloquio moniti ea sanare debeant quæ in querimoniam deducuntur. Quod si aliter egerit communione privetur. Nemo pontificum deinceps aliquem episcopum suis exspoliatum rebus, aut a sede pulsum excommunicare præsumat, quia non est privilegium quo spoliari possit jam nudatus. Pari tenore decernimus non credi accusatori, qui absente adversario causam suggerit, ante utriusque partis discussionem, nec accusatores vel testes suscipi, qui non sunt idonei. Placuit, si

A accusatus vel damnatus episcopus appellaverit Romanum pontificem, id statuendum, quod ipse juste censuerit. Et omnes qui adversus Patres armantur infames esse censemus, neque eos qui cum inimicis morantur ad accusationem vel testimonium recipiendos. Placuit ut semper in accusationem clericorum primo persona, fides, vita et conversatio blasphemantium perscrutetur. Nam fides omnes actus hominis præcedere debet, quia dubius in fide infidelis est, nec eis omnino est credendum qui veritatis fidem ignorant, nec rectæ conversationis vitam ducunt, quoniam tales facile et indifferenter lacerant et criminantur recte et pie viventes. Ideo suspicio eorum discutienda est primo et corrigenda, neque accusationibus suspectis, vel de inimicorum domibus prodeuntibus credendum.

CAP. 258. — *Quod causa pulsati episcopi per episcopos iudices judicanda sit. Ex concilio Spalensi, cap. 8 (Spal. 1.)*

Si quis episcopus a quoquam impetitur, vel ille aliquam quæstionem retulerit, per episcopos iudices, causa judicetur [finiatur], sive quos eis primates dederint, sive quos ipsi vicinos ex consensu elegerint.

CAP. 259. — *Quod episcopus iudices non liceat quemquam provocare. Item ex eodem concilio, cap. 9.*

Judices autem episcopos, quos communi consensu elegerint, non liceat quemquam provocare. Et quisquis probatus fuerit pro contumacia nolle obtemperare iudicibus, cum hoc primæ sedis episcopo fuerit probatum, det litteras ut nullus ei communicet episcoporum donec obtemperet.

CAP. 260. — *Ut episcopi comprovinciales peregrina judicia non patiantur. Ex decretis Fabiani papæ Hilario episcopo missis, cap. 26 (epist. 5, c. 2.)*

(3, q. 6, c. Peregrina judicia.) Peregrina vero judicia salva in omnibus apostolica auctoritate generali sanctione prohibemus, quia indignum est ut ab exteris judicetur qui provinciales et a se lectos debet habere iudices, nisi fuerit appellatum. Unde oportet si aliquis episcoporum super certis accusetur criminibus, ut ab omnibus audiatur qui sunt in provincia, episcopis, quia non oportet accusatum, alibi quam in suo foro audiri.

CAP. 261. — *Ut episcopus criminatus, si iudicem suspectum habuerit, libere sedem apostolicam appellat. Ex decretis ejusdem, ad eundem episcopum.*

(2, q. 6, c. Liceat et c. Si quis.) Si quis vero episcopus iudicem suspectum habuerit, et viderit se gravari, libere sedem appellet apostolicam: appellantem autem non habeat afflictio ulla aut detentionis [deceptionis] injuriosæ custodia, sed liceat appellatori vitiatam causam, appellationis remedio sublevare; liceat etiam in causis criminalibus appellare, nec appellandi vox denegetur ei quem in supplicium sententia destinarit.

CAP. 262. — *A quot episcopis episcopus vel presbyter vel diaconus sint audiendi. Ex concilio Carthaginensi, cap. 12 (Carth. II sub Siricio, c. 10.)*

(15, q. 7, c. Felix episc.) Felix episcopus dixit (3, q. 8, c. Suggesto): Suggesto secundum statuta

veterum conciliorum, ut si quis episcopus (quod non optamus) in reatum aliquem incurrerit, et fuerit ei nimia necessitas, non posse plurimos congregare, ne in crimine maneat, a duodecim episcopis, et presbyter a septem episcopis, cum proprio suo episcopo audiatur, et diaconus a tribus.

CAP. 263. — *De episcopo, si comprovinciales in ejus examinatione disenserint. Ex concilio Antiocheno, cap. 14 (Ant. 1 sub Julio I).*

Si quis episcopus de certis criminibus dijudicatur, et contingat de eo comprovinciales episcopos dissidere, cum judicatus ab aliis innocens creditur, reus ab aliis aestimatur: propter hujus ambiguitatis absolutionem, sanctæ synodo placuit ut metropolitanus episcopus a vicina provincia iudices alios convocet qui controversiam tollant; et ut per eos simul et comprovinciales episcopos quod justum visum fuerit approbetur.

CAP. 264. — *Ut episcopis, vel alicui in ordinibusposito, nullus laicus crimen imponere [intendere] audeat. Ex decretis Silvestri papæ, cap. 1 (in epilogo conc. Rom. II sub Silvestro).*

(2, q. 7, c. Nullus laicus.) In consensu et subscriptione omnium constitutum est ut nullus laicus episcopo vel alicui in ordinibusposito, crimen aliquod possit inferre. Et ut presbyter non adversus episcopum, non diaconus adversus presbyterum, non subdiaconus adversus diaconum, non acolythus adversus subdiaconum, non exorcista adversus acolythum, nec lector adversus exorcistam, nec ostiarius adversus lectorem det accusationem aliquam. Et non damnetur præsul nisi in septuaginta duobus idoneis testibus.

CAP. 265. — *Quod episcopi accusatorum episcoporum iudices esse debeant. Ex decretis Dumasi papæ, cap. 3.*

Accusatorum episcoporum iudices esse decernimus episcopos sapientes juste et recte viventes.

CAP. 266. — *De legitima vocatione episcopi accusati. Ex epistola ejusdem ad Stephanum et ad concilium Africæ (ep. 4, c. 4).*

(5, q. 2, c. Vocatio ad synodum.) Vocatio ad synodum juxta decreta Patrum canonica, ejus qui impetitur, rationabilibus scriptis per spatium fieri debet congruum, atque canonicum; quia nisi canonicè vocatus fuerit et suo tempore et canonice ordinatione, licet ad conventum quacunque necessitate venerit, nisi sponte voluerit, nullatenus suis respondebit insidiatoribus, quoniam nec sæculi leges hoc permittunt fieri, quanto magis divinæ?

CAP. 267. — *Ut primates de accusato episcopo, non ante sententiam proferant damnationis, quam aut reum se ipse confiteatur, aut canonice per innocentes testes convincatur. Ex epistola Felicis papæ Paterno episcopo missa, cap. 4 (Felix I, epist. 1).*

(2, q. 1, c. Primates.) Primates quoque accusatum discutientes episcopum, non ante sententiam proferant damnationis, quam apostolica freti auctoritate, aut reum se ipse confiteatur, aut per innocentes et canonice examinatos testes regulariter convincatur: aliter censenus irritam esse et injustam episcoporum damnationem, et idcirco a synodo re-

tractandam, ita ut oppressis ab omnibus in cunctis subveniatur causis.

CAP. 268. — *Qualiter primas, et ubi sit faciendus. Ex registro Gregorii ad Gennadium patricium et exarchum Africæ (l. 1, ep. 73).*

Concilium vero catholicorum episcoporum admodum præcipitur, ut primatem non ex ordine loci postpositis vitæ meritis faciat, quoniam apud Dominum non gradus elegantior, sed vitæ melioris actio comprobatur. Ipse vero primas non passim sicut moris est, per villas, sed in una, iuxta eorum electionem, civitate resideat.

CAP. 269. — *Ut episcopi singularum gentium sciant quis inter eos sit primus. Ex epistola Anacleti papa omnibus episcopis (ep. 3, c. 3).*

(Dist. 22, c. Sacrosancta.) Beati etiam apostoli inter se statuerunt, ut episcopi singularum gentium quis eos primus esset, quatenus ad eum potior eorum sollicitudo pertineret. Nam inter beatos apostolos quædam fuit discretio. Et licet omnes essent apostoli, Petro tamen a Domino concessus est primatus. Et ipsi inter se voluerunt, ut reliquis omnibus præesset apostolis Cephas, id est, ut Petrus principatum teneret apostolatus, quia et eandem formam suis successoribus et reliquis episcopis tenendam tradiderunt. Et non solum hoc in Novo Testamento constitutum, sed etiam in Veteri Testamento fuit. Unde scriptum est: *Moses et Aarón in sacerdotibus ejus (Psal. xcviij)*, id est, primi inter eos fuerunt. Et quamvis ita sit ordinatum, nemo tamen quod suum est quærat, sed quod alterius, nudo ait beatus Paulus apostolus: *Unusquisque placeat proximo suo in bonum, ad edificationem (Rom. xv)*. Et sicut ipse Salvator suis ait apostolis: *Qui major est vestrum, erit minister vester (Matth. xx; Marc. x)*: et reliqua.

CAP. 270. — *Ut episcopus accusatus communionem non privetur, nisi statuta die venire noluerit. Ex concilio Carthaginensi, cap. 8 (Carth. III, c. 7).*

(4, q. 5, c. Quisquis primates.) Aurelius episcopus dixit: Quisquis episcoporum accusatur, ad primatem provinciæ ipsius causam deferat accusator, nec a communionem suspendatur, cui crimen intenditur, nisi ad causam suam dicendam, electorum iudicio, die statuta, litteris evocatus, minime occurrerit, hoc est infra spatium mensis ex ea die, qua eum litteras accessisse constiterit. Quod si aliquas veræ [veras] necessitatis causas probaverit, quibus eum occurrere non potuisse manifestum sit, causæ suæ dieendæ intra alterum mensem, integram habeat facultatem. Verum post mensem secundum [tandiu] non communicet, donec examinetur [purgetur]. Si autem ad concilium universale infra anni spatium occurrere noluerit, ut vel ibi causa ejus terminetur, ipse in se damnationis sententiam dixisse iudicetur. Tempore sane quo non communicat, nec in sua ecclesia vel parœcia communicet: accusator autem ejus, si nunquam diebus causæ dicendæ defuerit, a communionem non removeatur; si vero aliquando defuerit subtrahens se, restituito in communionem episcopo.

ipse removeatur a communione accusator; ita tamen, ut nec ipsi adimatur facultas causæ peragendæ, si se ad diem constitutum occurrere non voluisse, sed non potuisse probaverit. Illud vero placuit, ut cum agere cœperit in episcoporum iudicio, si fuerit accusatoris persona culpabilis, ad arguendum non admittatur, nisi proprias causas, non tamen ecclesiasticas, asserere voluerit.

CAP. 271. — *De Maximo episcopo variis criminibus infamato, et ad synodum sæpius vocato, qui venire et se excusare neglexerat. Ex secunda epist. Bonifacii papæ, ad episcopos Galliarum.*

Bonifacius episcopus, Patroclo, Remigio, Maximo, Hilario, Severo, Valerio, Juliano, Castorio, Leontio, Constantino, Joanni, Montano, Marino [Mauritio], et cæteris episcopis per Gallias, et per septem provincias constitutis. Valentiniæ nos clerici civitatis adierunt, proponentes libellum et crimina, quæ Maximum, teste tota provincia, asserunt commisisse. Delegata toties cognitione illum constituta semper subterfugisse iudicia, nec confisum conscientia festinasse, ut si esset innocens examinatis omnibus purgaretur, quæ toties decreta ex vestrarum [nostrarum] quoque chartarum instructione cognovimus. Qui e contrario probavit de se illa quæ dicta sunt, quia [cui] ad ea confutanda, cum essent innumera, a decessoribus meis provincialis est delegata cognitio. Conventus etiam dicitur evitasse, et adesse minime voluisse. Et nullus dubitat quod ita iudicium nocens subterfugit, quemadmodum ut absolvatur, qui est innocens, quærit. Sed astuta cavillatio eorum, qui versutis agendum credunt esse consiliis, nunquam innocentiam nomen accipiet. Constat enim de omnibus, quisquis se subterfugere iudicium dilationibus putat. Veniet tamen aliquando ille, qui talis perhibetur, in medium: nec prodest [proderit] illi toties lapsisse, toties subterfugisse, quem sui actus et commissa, quocumque fugerit, ea quæ obijciuntur illi, si vera sunt, crimina persequuntur. Debueram quidem jam dignam pro ejus accusatis in nostro iudicio actibus, qui cognitionem et decretum iudicium sæpe declinando credidit illudendum, dare sententiam. Quam ne aliquis præcoquam forsitan iudicaret, et sibi (qui absens est, licet sit quæsitus) a nobis reservatum esse nihil diceret, maluimus intercapedine temporis data, differri, cum hoc etiam ejus accusatores assererent, de cujus [quorum] intentionibus et moribus sit decretum [securum], Maximum tanto magis damnanda committere, quanto tardius se constituto iudicio præsentaret. Quem Manichæorum involutum caligine, arguunt turpi secta olim ita eum ne possit abluere, animum sordidasse: in probationem objectæ rei gesta synodalia profertentes, et commissis involutum undique flagitiis, nullum eum sanitatis habuisse respectum quem furore suo et insana temeritate ad sæcularium quoque iudicum tribunalia subditum quæstioni, quod in vili persona turpissimum est, obijciunt pervenisse, et homicidii damnatum asserunt, gestis prolatis in me-

diu. Et hunc talem post tanta taliaque commissa episcopatus adhuc sibi nomen in suis latibus vindicare, in propriæ civitatis infamiam nimis doloribus conqueruntur, et sanctum nomen vindicando sibi velle polluere. Ideoque, fratres charissimi, quia hic audiendus præsentare se noluit, ne convictus forsitan ab accusantibus se clericis, possit digna tandem aliquando, præsentatus episcopali iudicio, pronuntiationis congruæ ferri sententia (quanquam illi, cum hæc docta fuerint, sciamus hujus nominis esse jacturam, qui pudorem nunquam habuisse sacerdotii perhibetur, et locum suum ne modico quidem tempore custodisse) dilationem dedimus, et decrevimus, vestrum [vestram] debere intra provinciam esse iudicium, et congregari synodum ante diem Kalendarum Novembrium, ut si adesse voluerit, præsens si confidit, ad objecta respondeat: si adesse neglexerit, dilationem sententiæ de absentia non lucretur. Nam manifestum est eum confiteri de crimine, qui indulto et toties delegato iudicio purgandi se occasione non utitur. Nihil enim interest, utrum in præsentis examine omnia quæ dicta sunt comprobentur, cum ipsa quoque professione [pro confess.] procurata toties constet absentia. Nos autem per omnes provinciales litteras dirigemus, ne excusationem sibi ignorationis obtendat, ut ad provinciam venire cogatur, et illic se constituto præsentare iudicio. Quidquid autem vestra charitas de hæc causa duxerit decernendum, cum ad nos relatum fuerit, nostra (ut condecet) necesse est auctoritate firmetur.

CAP. 272. — *De episcopo criminato qui ad synodum vocatus, venire contempserit. De synodo apud Altheim [Alcheum] habita, cap. 10.*

Richuvinum episcopum, qui contra sanctorum canonum sanctiones Strazburgensem Ecclesiam invasit, quem ad sanctam synodum per litteras postras invitavimus, et venire contemnens nec vicarium suum misit, auctoritate sancti Petri ego Joannes vicarius apostolici, ex præcepto sanctæ synodi injungendo vocamus iterum et præcipimus quatenus ad concilium, id est, Moguntiam indictum a metropolitano suo episcopo ad præsentiam venerabilis Herigeri archiepiscopi et confratrum suorum veniat, suæ inobedientiæ et perversitatis ibidem justam rationem redditurus. Sin autem negligenter et hoc agere parvipenderit, absteat se a proprio gradu, donec Romam veniens coram domino papa et sancta Ecclesia reddat rationem.

CAP. 273. — *Qui sint primates, qui metropolitani. Ex cap. Nicæni concilii, quæ addita sunt a Felice papa.*

Primates illi et non alii sunt quam qui in Nicæna synodo sunt constituti. Reliqui vero qui metropoles tenent sedes, archiepiscopi vocantur et non primates, salva in omnibus apostolicæ sedis dignitate, quæ ei ab ipso Domino est concessa, et postea a sanctis Patribus roborata.

CAP. 274. — *Quod neganda sit accusatis criminandi licentia priusquam se crimine quo premuntur, excu-*

runt. Ex decretis Stephani papæ, omnibus episcopis missis, cap. 11 (Steph. 1, ep. 2, c. 7).

(3, q. 11, c. *Neganda est.*) Quod neganda est accusatis licentia criminandi, priusquam se crimino quo premuntur exuerint; quia non est credendum contra alios eorum confessioni, qui criminibus implicati sunt, nisi se prius probaverint innocentes, quoniam periculosa est, et admitti non debet rei adversam quemcunque professio. Familiars vero et sponte confessi atque sceleribus irretiti non debent admitti; nec hi qui hesternâ die, aut perendie [pridie], aut ante fuerunt inimici.

CAP. 275. — *De criminationibus adversus doctores non suscipiendis. Ex decretis Eusebii papæ, cap. 17.*

Et licet hæc possint generaliter dicta sufficere ut vel declinemus errata, vel custodiamus catholica, ab apostolis tamen eorumque successoribus novimus constitutum, criminationes adversus doctores non debere suscipi, nec peregrina iudicia fieri, nec quemquam alterius iudicis quam sui sententia debere constringi.

CAP. 276. — *De eadem re. Ex concilio Spalensi, cap. 3.*

Accusatores adversus doctorem nemo suscipiat, quia non potest humano condemnari examine, quem Dominus suo iudicio reservavit.

CAP. 277. — *Ut nemo accuset episcopum apud sæculares. Ex epistola Felicitis papæ ad Ægyptios missa, c. 1.*

Ut nemo episcopum penes sæculares arbitros accuset, sed apud summos primates.

CAP. 278. — *De eadem re. Ex epistola Bonifacii papæ ad episcopos Galliæ.*

(11, q. 1, c. *Nullus episcopus.*) Nullus episcopus neque pro civili, neque pro criminali causa apud quemvis iudicem sive civilem sive militarem producatur, vel exhibetur. Magistratus enim qui hoc jubere ausus fuerit, amissionis cinguli condemnatione plectetur.

CAP. 279. — *Ut non accusetur episcopus a criminosis. Ex epistola Felicitis papæ supradictis episcopis missa, cap. 18.*

Quoties episcopus super certis accusatur criminibus, si tales fuerint accusatores qui iuste et canonicè recipi debeant, synodo legitima in suo tempore congregata, ab omnibus canonicè audiatur qui sunt in provincia episcopis. Quod si legitimi non fuerint accusatores qui iuste et canonicè recipi debeant, non fatigetur episcopus, quia sacerdotes ad sacrificandum vacare debent, non ad litigandum, nec illi qui throni Dei vocantur, pravorum hominum insidiis turbari, sed libere Christo Domino famulari (Dan. vii).

CAP. 280. — *Ut nullus episcopus extra suam provinciam ad iudicium invitetur. Ex decretis Julii papæ, orientalibus episcopis missis, c. 18 (ep. 3, c. 17).*

Nullus episcopus extra suam provinciam ad iudicium devocetur, sed vocato eo canonicè in loco omnibus congruo, tempore synodali ab omnibus comprovincialibus episcopis audiatur, qui concordem super eum canonicamque proferre debent senten-

tiam. Quia si hoc minoribus tam de clericis quam de laicis concessum est, quanto magis de episcopis servari convenit? Nam si ipse metropolitanum aut iudices suspectos habuerit, aut infestos senserit, apud primatem diocæses, aut apud Romanæ sedis pontificem iudicetur.

CAP. 281. — *Infra quot dies appellandus est. Excerpta de legibus Theodosianis, quas interpretatur Paulus, cap. 35.*

(2, q. 6, c. *Propter superfluum.*) Propter superfluum appellatorum licentiam, ne in retractandis vel revocandis sententiis liberum habere arbitrium viderentur, et tempora appellationis, et pœnæ constitutæ sunt, ut quicumque apud iudicem qui causam ejus audivit, appellaverit, et ad alium iudicem provocare voluerit, infra [intra] quinque dies appellet, et in his ipsis quinque diebus, ad iudicem ad quem provocaverit, sine aliqua dissimulatione perveniat, et ipse dies quo accepit litteras, in his quinque diebus specialiter computetur. Quod si longius iter sit, exceptis his quinque diebus, spatium dierum quo iter agi possit, computetur.

CAP. 282. — *De accipiendis litteris appellationis, cap. 36.*

(2, q. 6, c. *Ab eo.*) Ab eo autem a quo appellatum est ad eum qui de appellatione cogniturus est, litteræ dimissoriæ dirigantur, quæ vulgo epistola appellatur, quarum postulatatio et acceptatio intra quintum diem ex officio faciendæ est. Ista jam superius sub titulo de cautionibus et pœnis appellationis interpretata est, qui intra tempora præstituta dimissorias non postulaverint, vel acciperint, vel reddiderint, rescriptione ab agendo submoveantur, et pœnam appellationis ferre cogantur.

CAP. 283. — *Quæ appellatio sit accipiendæ, quæ non, cap. 37.*

(2, q. 6, c. *Quicumque.*) Quicumque non confidentia justæ causæ, sed causa afferendæ moræ, ne contra eum sententia proferatur, appellaverit, vel si de facto suo confessus ne addicatur, appellare voluerit, hujusmodi appellationes non recipiantur.

CAP. 284. — *Quid agendum sit de possessione appellantis, cap. 38.*

(2, q. 6, c. *Quoties.*) Quoties post auditam causam iudicii possessor appellat, fructus possessionis de qua agitur, dum secundæ audientiæ eventus dubius est, merito sequestrantur. Nam, si petitor appellaverit, hoc ab eo non potest postulari, quia non potest sequestrari quod non habet. Si propter prædia urbana, vel mancipia appellatur, pensiones eorum, vel mercedes vecturarum [vecturæ] etiam si de navi agatur, deponi solent.

CAP. 285. — *Ut injuste appellans adversario sumptus quos sibi expenderit, quadrupliciter restituat, cap. 39.*

(2, q. 6, c. *Omnimodo.*) Omnimodo puniendum [probandum] est, ut quoties injusta appellatio pronuntiaur, sumptus quos dum sequeretur adversarius impendit, reddere cogatur non simplis, sed quadruplos.

CAP. 286. — *Quod ante inscriptionem nemo crimi-*

nosus inveniatur, de libro nono earumdem legum.

Ante inscriptionem nemo efficiatur criminosus. Nam, inscriptione per ordinem facta, tunc a iudice suscipiendus est reus, et custodiæ cum accusatore tradendus est: ea tamen ratione, ut tam accusati quam accusatoris dignitas æstimetur, et unumquemque ante discussionem ita iudex faciat custodiri, ut eorum natalis aut dignitas patiantur. Sane hi qui crimina sua in quæstione confessi sunt, de aliis si dicere voluerint a iudice non credantur; quia jure et legibus constitutum est, ut spontanea professione reus eum non faciat, neque illi de altero credatur, qui se criminosum esse confessus est.

CAP. 287. — *Quæ induciæ accusatis episcopis sint dandæ. Ex epist. decretali Damasi (ep. 4, c. 8).*

(3, q. 3, c. *Induciæ accusatis*.) Induciæ accusatis in criminalibus episcopis sex mensium, vel eo amplius concedendæ sunt; quoniam et laicis hoc permissum nullus sæcularibus disciplinis imbutus ignorat, quanto magis sacerdotibus, qui superiores eis esse non dubitantur?

CAP. 288. — *Quod de se confesso in alieno crimine non sit credendum. Dionysius Severo coepiscopo (epist. 2).*

(15, q. 3, c. *Nemini præterquam*.) Nemini de se confesso credi potest super crimen alienum, quoniam ejus omnisque rei professio periculosa est, et admitti non debet. Similiter alieni erroris socium, vel a sui voluntarie propositi tramite recedentem, aut sacris Patrum regulis et constitutionibus inobedientem, suscipere non possumus, nec debemus.

CAP. 289. — *De accusatoribus et testibus episcoporum qui sint recipiendi, qui non. Ex dec. Calixti papæ episcopis per Galliam constitutis, cap. 17 (ep. 2, c. 5).*

Omnes ergo qui in recta fide suspecti sunt, in accusatione sacerdotum et eorum super quorum fide non hæsitatur minime recipiantur, et in testimonio dubii habeantur. Infirmari ergo oportet eorum vocem de quorum fide dubitatur, nec eis omnimodo esse credendum qui rectam fidem ignorant. (2, q. 7, c. *Quærendum est; et in Carthag. IV, c. 96*.) Quærendum est ergo in iudicio cujus sit conversationis, ac fidei is qui accusat et is qui accusatur, quoniam hi qui non sunt rectæ fidei ac conversationis, quorum vita est accusabilis, non permittuntur eos accusare, quorum fides, vita et libertas noscitur, neque viles personæ in eorum recipiantur accusationem. (3, q. 8, c. *Accusatorum*.) Rimandæ sunt accusatorum enucleatim personæ, quæ sine scripto difficile, per scriptum autem nunquam recipiantur; quia per scripturam nullus accusare, vel accusari potest, sed propria voce, et præsentem eo quem accusare voluerit, suam quisque agat accusationem, nec absente eo quem accusare voluerit, quisquam accusator credatur. (3, q. 9, c. *Testes*.) Similiter testes per quamcunque scripturam testimonium non dicant, nec de aliis causis vel negotiis testimonium dicant, nisi de his quæ sub præsentia eorum actæ esse noscuntur. Accusatores vero consanguinei ad-

A versus eos testimonium non dicant, nec eorum familiares, vel de domibus eorum procedentes, sed si voluerint et invicem consenserint, inter se parentes tantum testificentur, et non in alios. Nec accusatores vel testes suspecti recipiantur, quia propinquitatis et familiaritatis ac dominationis affectio, veritatem impedire solet.

CAP. 290. — *De eadem re. Ex decretis Damasi papæ Stephano, et universis episcopis Africæ missis, cap. 17 [10] (ep. 4, c. 3).*

(2, q. 7, c. *Testes absque ulla*.) Accusatores autem episcoporum, et testes super quibus rogatus, absque ulla infamia, aut suspicione, vel manifesta macula, et vera fide pleniter instructi esse debent, et tales quales ad sacerdotium eligere jubet divina auctoritas, quoniam sacerdotes ut antiquorum tradit auctoritas, criminari non possunt, nec in eos testificari, qui ad eundem non debent, nec possunt provehi honorem.

CAP. 291. — *Quæ sint infames personæ. Ex epistola Stephani papæ ad Hilarium (ep. 1, c. 1).*

(6, q. 1, c. *Infames*.) Infames autem eas esse dicimus personas, quæ pro aliqua culpa notantur infamia, id est omnes qui Christianæ legis normam abjiciunt, et statuta ecclesiastica contemnunt. Similiter fures, sacrilegos et omnes capitalibus criminibus irretitos, sepulcrorum quoque violatores, et apostolorum atque successorum eorum atque sanctorum Patrum religiosa statuta libenter violantes, et omnes qui adversus patres armantur, qui in omni mundo infamia notantur, similiter et incestuosos, homicidas, perjuros, raptos, maleficos, veneficos, adulteros, de bellis publicis fugientes, et qui indigna sibi petunt loca tenere, aut facultates ecclesiæ abstrahunt injuste, et qui fratres calumniantur aut accusant et non probant, vel qui contra innocentes principum animos ad iracundiam provocant, et omnes anathematizatos, vel pro suis sceleribus ab ecclesia expulsos, et omnes quos ecclesiasticæ vel sæculi leges infames pronuntiant; hos vero non ad sacros ordines licet promovere, nec servos ante legitimum libertatem, nec pœnitentes, nec bigamos, nec eos qui curiæ deserviunt, vel qui non sunt integri corpore, aut sanam non habent mentem, vel intellectum, aut inobedientes sanctorum decretis existunt, aut furiosi manifestantur. Hi omnes nec ad sacros gradus debent provehi; nec isti, nec liberti, nec suspecti, neque rectam fidem, vel dignam conversationem non habentes summos possunt accusare sacerdotes.

CAP. 292. — *Quod absque auctoritate Romani pontificis nullus episcopus damnari possit. Ex decretis Felicis papæ episcopis per Galliam missis, cap. 9 (Felix I, epist. 2).*

Si quis episcopus ab illis accusatoribus qui recipiendi sunt fuerit accusatus, postquam ipse ab eis charitative conventus fuerit, ut ipsam causam emendat, et eam corrigere noluerit, non olim, sed tunc ad summos primates causa ejus canonice deferatur, qui in congruo loco infra ipsam provinciã

tempore congruo, id est, aut vernali [autumnali], aut æstivo, concilium regulariter convocare debent, ita ut ab omnibus ejusdem provinciæ episcopis inibi audiatur, quo et ipse regulariter convocatus, si eum, aut infirmitas, aut alia gravis necessitas non detinuerit, adesse debet, quia ultra provinciæ terminos accusandi ante licentia non est quam audientia rogetur. Quod, si quomodo præsumptum fuerit, statuerunt ut antequam proprius locus et sua omnia ei legibus redintegrentur, nullatenus a quocumque accusetur aut criminetur, et nisi sponte elegerit, cuiquam pro talibus respondeat. Sed postquam, ut præfixum est, restitutus fuerit, et sua omnia ei legibus redintegrata sunt, dispositis ordinatisque suis, magnum spatium tractandi causam ei concedatur, et postea si necesse fuerit, regulariter vocatus veniat ad causam, et si juste visum fuerit, accusantium propositionibus, sustentatione fratrum, respondeat. Nulla enim permittit ratio, dum ad tempus ejus bona, vel ecclesiæ res ab æmulis, aut a quibuscumque detinentur, ut aliquid illi objici debeat, nec quidquam potest ei quolibet modo majorum vel minorum objici, dum ecclesiis vel rebus aut potestatibus caret suis. *Item ex epistola Julii papæ orientalibus episcopis missa (ep. 1, c. 4).* Si quis ab hodierna die et deinceps episcopum præter hujus sanctæ sedis sententiam damnare aut propria pellere sede præsumperit, sciat se irrecoverabiliter esse damnatum, et proprio carere perpetim honore, eosque qui absque hujus sanctæ sedis sententia sunt damnati vel ejecti, hujus sanctæ sedis auctoritate scitote pristinam recipere communionem, et in propriis restitui sedibus, quoniam et prius a tempore scilicet apostolorum hæc sanctæ huic sedi concessa sunt, et postea in memorata Nicæna synodo, propter pravorum hominum infestationes, atque hæreticorum persecutiones et insidiantium molimina fratrum, sunt concorditer ab omnibus roborata, ut magis singuli provideant ne talia audeant perpetrare.

CAP. 293. — *Ut per scripta nullius accusatio suscipiatur eo absente qui accusatur. Ex epistola 2 Stephani papæ cunctis episcopis missa, cap. 4.*

(2, q. 8, c. *Per scripta.*) Per scripta enim nullius accusatio accusatoris, eo qui accusatur absente, suscipiatur, sed propria voce (si legitima et condigna accusatoris persona fuerit), præsentem videlicet eo quem accusare desiderat, quia nullus absens aut accusari potest aut accusare. Nullus tamen præfati ordinis vir aut accusari potest, aut respondere suis accusatoribus debet, priusquam regulariter a suo primatu vocatus sit, locumque defendendi aut inquirendi accipiat ad abluenda crimina.

CAP. 294. — *Ut difficiliore causæ ad apicem Romanæ sedis referantur, ut apostolico iudicio terminentur. Ex epistola Anaclei papæ omnibus episcopis missa.*

Si quæ vero causæ difficiliore inter vos ortæ fuerint, ad hujus sedis sanctæ apicem, quasi ad caput referentur, ut apostolico terminentur iudicio, quia sic

A Deum velle, et ab eo ita esse constitutum ante dictis terminis declaratur. Hæc vero apostolica sedes, cardo et caput facta est a Domino, et non ab alio constituta, et sicut cardine ostium regitur, sic hujus sanctæ sedis auctoritate omnes Ecclesiæ, Domino disponente, reguntur.

CAP. 295. — *Quod omnes episcopi possint appellare Romanam sedem in necessitatibus. Ex decretis Calixti papæ, Stephano Africæ missis.*

Quam omnes appellare si necesse fuerit, et ejus fulciri auxilio oportet. Nam (ut nostis) synodum sine ejus auctoritate fieri non est canonicum, nec episcopus nisi in canonica [legitima] synodo, et suo tempore apostolica vocatione congregata definite damnari potest, neque ulla unquam concilia rata leguntur, quæ non fulta fuerint apostolica auctoritate.

CAP. 296. — *De induciis criminorum episcoporum quales esse debeant. Ex epist. Felicis papæ fratribus per Ægyptum missa, c. 15 (Felix, ep. 2, 1, c. 20).*

(3, q. 3, c. *De induciis.*) De induciis vero episcoporum super quibus consulistis, diversas a Patribus regulas invenimus constitutas. Quidam enim ad repellenda imperitorum machinamenta, et suas præparandas responsiones, et testes confirmandos, et consilia episcoporum atque amicorum querenda, annum et sex menses mandaverunt concedi; quidam autem annum, in quo plurimum concordant; minus vero quam sex menses non reperi, quia et laicis hæc indulta sunt, quanto magis Domini sacerdotibus! Nam et a nostris antecessoribus atque reliquis sanctis Patribus, multoties inhibitum est ne quis Domini sacerdotes detractionibus, non ex radice charitatis prolatis, vexet. Quiescite, inquit, et nolite persequi eos qui Deo perfecte ministrant, quorum orationibus et terrena bella sedantur, et recedentium a Deo angelorum pelluntur incursum, quique omnes dæmones corruptores [ad. qui corrupti sunt] precum assiduitate, confundunt. Induciæ namque non sub angusto tempore, sed sub longo spatio concedendæ sunt, ut accusati se præparare, universosque communicatores in provinciis positos convenire, et testes præparare atque contra insidiatores se pleniter armare possint. (*ib. c. 21.*) Judices enim et accusatores tales esse debent, qui omni carcant suspicione, et ex charitatis radice suam desiderent promerere sententiam.

CAP. 297. — *Quid agendum sit de episcopo qui causam suam in synodo agere renuerit. Ex concilio Africæ, cap. 54 (sub Cælestino et Bonifacio).*

De Quodvultdeo etiam Centuriensi, quoniam adversarius illius cum se petisset introduci ad concilium nostrum, interrogatus utrum cum eo vellet apud episcopos experiri, primo promiserat et alia die respondit nec sibi non placere, atque discessit, placuit omnibus episcopis ut nullus eidem Quodvultdeo communicet, donec causa ejus qualem potuerit terminum sumat. Nam adimi ei episcopatus antequam causæ ejus exitus appareret, nulli Christiano videri jure potuit.

CAP. 296. — *Judicium episcopi qui pro crimine depositus ab officio, postea episcopium more prædonis intradit. Ex registro Gregorii ad Joannem episcopum primæ Justinianæ (lib. x registr., ep. 53).*

(Quando mala quæ poenitentiae fletu purganda sunt, augmentur excessibus, ita major est delinquentibus adhibenda correptio, ut et ipsi facinus suum poena saltem vindicante cognoscant, et alios ab illicitis ecclesiasticæ tuitionis timor iubeat. (2, q. 7, cap. Lator.) Dilectissimus itaque lator præsentium Nemesion ad nos veniens, indicavit (sicut et gestorum exemplaria, quæ hæc detulit, continebant) Paulum Declanæ [Declinæ, alias Dochevenæ] civitatis episcopum inter alia mala, in corporali crimine [corporale crimen] lapsus, a suis fuisse clericis accusatum: atque habita cognitione, ita (quod sine dolore dicere non possumus) claruisse, atque insuper postquam convictus est, etiam libellum illum in quo ea, de quibus accusatus fuerat, vera esse confessus est obtulisse. Qua de re sententia illum episcopali depositum, et se ejus loco cum fraternitatis vestræ consensu esse episcopum judicavimus ordinatum. Sed nunc eundem Paulum cum auxilio sæcularium judicium venientem episcopum more prædonis ingressum, ablatisque violenter rebus ecclesiæ ab eo se projectum, et ad summam injuriam, ac necem pene perductum cognovimus. Et quoniam tantæ nequitiae pravitas, nec dissimulanda, nec leviter arguenda est, fraternitas vestra hæc omnia diligenter curet addicere. Et si ita se (ut docti sumus) veritas habet, prædictum Paulum districta faciat executione [excusatione] compelli, ut quodcumque abstulit omni mora vel excusatione cessante restituat. Si vero nihil ecclesiæ, sed proprium se dixerit abstulisse, quamvis grave et iniquum fuit, ut non a vobis, vel a metropolitano ejus hoc petierit, sed ausu temerario manu præsumeret agere, veruntamen si quid proprium tulit, sub fraternitatis vestræ debet examinatione constare, si verum est. Sed et illud diligenter quaerendum est, si quid male de rebus dilapidavit ecclesiæ, ut ex eo quod nunc abstulit, hoc reformare, ac satisfacere modis omnibus compellatur. Si autem differre tentaverit, quousque omne quod dilapidavit, vel de substantia tulit ecclesiæ, restituat, in monasterium mittendus est, ut saltem coactus reddat quod male auferre non timuit. Quod si forte (quod non credimus) post depositionem suam inverecunda, ac insana mente [inverecunde ac mente perversa] aliquid de episcopatu loqui, atque rursum ad hoc per quaslibet personas aspirare præsumptive tentaverit [qualibet aspirare præsumptione tentaverit, etc.], fraternitatis vestræ se contra improbitatem ipsius omnimodo vigor accendat, atque Dominici corporis et sanguinis communionem privatum in monasterium eum usque ad diem obitus sui, ad agendam poenitentiam, curet retrudendum, quatenus perpetrati sceleris maculas dignis discat fletibus emendare, quas magis ad interitum animæ suæ nequiter augere desiderat. Supra scriptus autem dilectissimus frater noster Nemesion in suo loco et

episcopatus officio procul dubio reformetur, et ne denuo hac de re inquietudinem ac molestiam patiat, sollicitos vos esse necesse est, quia hoc non solum ad hujus munitionem, verum et aliorum constat emendationem proficere, ut pravorum hominum præsumptio nil de cætero contra sacrorum canonum statuta vel ecclesiasticam disciplinam, nullo modo audeat attentare.

CAP. 299. — *Cur sancti apostoli eorumque successores difficilem esse voluerint accusationem episcoporum [sacerdotum]. Ex decretis Fabiani papæ orientalibus fratribus missis, cap. 19 (ep. 2, c. 2).*

Talia cogitantes sancti apostoli eorumque successores Spiritu Dei repleti, homines malos prævidentes, et simplices considerantes, difficile aut nunquam voluerunt esse accusationem sacerdotum, ne a malis potuissent averti, aut submoveri, quia si hoc facile concederetur, sæcularibus et malis hominibus, aut nullus aut vix perpauca remaneret, quoniam semper fuit, et est, et (quod pejus est) nimis viget, ut mali bonos persequantur, et carnales spirituales infestent. Idcirco, ut prædictum est, statuerunt ne accusarentur, aut si aliter fieri non posset, perdifficilis fieret eorum accusatio, et a quibus, ut prædictum est, non præsumeretur, neque a propriis sedibus aut ecclesiis episcopi ejicerentur.

CAP. 300. — *De episcopo expulso, si ausus fuerit ingredi civitatem. Ex epistola Bonifacii papæ ad episcopos Galliarum (l. in decretis, c. 6).*

Si episcopus expulsus ausus fuerit ingredi civitatem qua expulsus est, vel exire de loco in quo degere jussus est, jubemus eum in monasterium in alia provincia constitutum tradi, ut qui in sacerdotio peccavit, degens in monasterio corrigatur.

CAP. 301. — *Ut episcopis, qui se viventibus successores eligere desiderant. Ex concilio Antiocheno, c. 23 (sub Julio).*

(R, q. 1, c. Episcopo non licere.) Episcopo non licet per se successorem sibi constituere, licet ad exitum vitæ perveniat. Quod si tale aliquid factum fuerit, irritum esse hujusmodi constitutum. Servetur autem jus ecclesiasticum, id continens oportere nos aliter fieri, nisi cum synodo et judicio episcoporum, qui post obitum quiescentis potestatem habent cum qui dignus extiterit, promovere.

CAP. 302. — *Ut episcopo vivente nullus superordinetur. Ex concilio Arvernensi, c. 13 (in fragmentis conc. Arver. II, sub Vigilio, capitulo 2).*

Ut nullus vivente episcopo alius superponatur, aut superordinetur episcopus, nisi forsitan in ejus loco, quem capitalis culpa dejecerit.

CAP. 303. — *Quod non liceat episcopo successorem eligere. Ex concilio Spalensi, c. 9 (Spal. I, in fragmentis, c. 8).*

Episcopo non licet ante finem vitæ alium in loco suo constituere successorem. Si quis autem usurpare tentaverit, constitutio illa irrita erit. Non ergo aliter fieri oportet, nisi cum consilio et judicio episcoporum, qui post exitum prædecessoris potestatem habent dignum eligere.

CAP. 304. — *Ut pro ægritudine episcopi nullus alius succedat. Ex Registro Gregorii papæ ad Anatolium*

Constantinopolitanum diaconum (lib. ix Regist., A CAP. 306. — De episcopo, qui per infirmitatem in
epist. 41). *hebetudinem mentis inciderit. Ex concilio Aurasic., c. 2.*

(7, q. 1, c. *Scriptis mihi.*) Scriptis mihi dilectio tua, reverendissimo [piissimum dominum nostrum reverentissimo, etc.] fratri meo Joanni primæ Justinianæ episcopo pro ægritudine capitis quam patitur, episcopum præcipere succedi, ne fortasse dum episcopi jura eadem civitas non habeat, quod absit! ab hoste depercat. Hæc quidem canones nusquam præcipiunt, ut pro ægritudine episcopi episcopus succedat et omnino injustum est ut, si molestia corporis irruit, honore suo privetur ægrotus. Sed suggerendum est ut, si quis [is qui est] in regimine ægrotat, dispensator illi talis requiratur qui possit ejus curam agere omnem, et locum illius in regimine Ecclesiæ ipso non disposito conservare, ut neque Deus omnipotens offendatur, neque civitas neglecta esse inveniat.

CAP. 305. — *Ut episcopo assidua infirmitate capitis laborante, et diu gravato alter subrogetur. Ex registro Gregorii, c. 259 (l. vii, indict. 2, c. 50).*

(7, q. 1, c. *Qualiter ordinati.*) Qualiter ordinati a nobis sacerdotibus corporali (quia notum est) impediendo molestia, Ariminensis Ecclesia pastorali hactenus ac sacerdotali sit regimine destituta, dudum fraternitas vestra cognovit. Quem dudum habitatorem loci illius permoti prætoribus, sæpius hortati sumus, ut si de eadem capitis, qua detinebatur, molestia melioratum se esse sentiret, ad suam, auxiliante Deo, reverteretur Ecclesiam. Qui datis induciis in hoc quadriennio expectatur. Quem dum vos clerici vel cives illic venientes, nos quoque precibus arguentes [urgentes], instantius hortaremur ut, si valeret, cum eis auxiliante Domino, remearet, datis scriptis nos supplicatione petiit ut, quia ad ejusdem Ecclesiæ regimen vel susceptum officium pro eadem qua detinetur molestia assurgere nullatenus possit, Ecclesiæ ipsi ordinare deberemus episcopum. Unde quia cunctarum Ecclesiarum injuncta nos sollicitudinis cura constringit, ne diutius gregi fidelium desit custodia pastoralis, illorum precibus, et hujus ex sæ impossibilitatis renuntiatione compulsus, jussus est a nobis eidem Ariminensi Ecclesiæ debere episcopum ordinari, et datis ex more præceptis clericum plebemque ejusdem Ecclesiæ non destitutum admittere, quatenus ad eligendum sibi antistitem concordii provisione concurrant. Hortamur ergo ut fraternitas vestra eum quem in uno consensu omnes elegerint (sicut et ipsi a nobis poposcisse noscuntur) ad se faciat evocari. Quem cauta ex omnibus examinatione discutite, et si ea in eo quæ in textu eptatici morte multata sunt, minime [heptateuchi continentur, minime, etc.] fuerint Domino opitulante reperta, atque fidelium personarum relatione, ejus quoque vobis vita placuerit, ad nos eum cum decreta pagina vestra [decreti vestri pagina], addita quoque testificationis epistola, destinata, quatenus ejusdem a nobis Ecclesiæ, disponente Domino consecratur antistes.

Ut si quis episcopus in infirmitatem aut aliquam hebetudinem sensus inciderit, aut officium oris amiserit, ea quæ episcopis operari conveniunt, presbyterum agere non permittat, sed episcopum qui vicinus est vocet, cui quæ in Ecclesia agenda fuerint, imponat.

CAP. 307. — *Item de episcopo qui propter dolorem capitis sæpe amentiam incurrit, quod alter ei subrogandus et ipse de rebus Ecclesiæ sit procurandus. Ex registro Gregorii ad Eleuterium [Etherium] episcopum (lib. ii Regist., ep. 7).*

(7, q. 1, c. *Quamvis triste.*) Quamvis triste sit nobis valde quod loquimur, atque fraterna nos compassio potius arguat [aggravat], quam aliquid de auditis definire permittat, suscepti tamen sollicitudo regiminis cor nostrum instanti pulsat aculeo, magna nos Ecclesiis cura prospicere, et ne qua earum possit utilitas deperire, quid fieri debeat, Deo auctore disponere. Pervenit ergo ad nos, quibusdam referentibus, quemdam episcopum ita passionem capitis incurrisse ut quod mente alienata agere soleat, gemitus et fletus audire sit. Ne ergo languente pastore, grex (quod absit!) insidiatoris laniandus dentibus exponatur, vel Ecclesiæ ipsius utilitates depereant, cauta nos necesse est provisione tractare. Et ideo quia viventem episcopum ab officio suo necessitas infirmitatis, non crimen abducit, alium loco ejus nisi [deest in origin. nisi] recusante eo nulla sinit ratio ordinari. Sed si intervalla ægritudinis habere est solitus, ipse data petitione, non se ulterius ad hoc ministerium intellectum habere, nec ad alia officia subvertente infirmitate, posse fateatur assurgere, alium suo loco expetatur ordinandum. Quo facto omnium solemniter electione alter qui dignus fuerit, episcopus ordinetur, sic tamen ut quousque eundem episcopum in hoc sæculo vita detinuerit, sumptus ei debiti de eadem Ecclesia ministrentur. Enimvero si nullo tempore ad sanæ mentis redit officium, persona fidelis ac vitæ probabilis est eligenda, quæ ad regimen Ecclesiæ idonea possit existere, atque de animarum utilitate cogitare, inquietos sub disciplinæ vinculo restringere, ecclesiasticarum rerum curam gerere, et maturum atque efficacem se in omnibus exhibere; qui etiam episcopo, qui nunc ægrotat, superstes, loco ejus debeat consecrari.

CAP. 308. — *Ut sacerdotes Domini, sicut vulgus facere solet, jurare non præsumant, nec compellantur. Ex decretis Cornelii papæ (epist. 2).*

(2, q. 4, c. *Sacramentum.*) Sacramentum hactenus ab episcopis et reliquis ordinibus exigi, nisi pro recta fide, minime cognovimus, nec sponte eos jurasse reperimus. Summopere ergo sanctus Jacobus apostolus prohibens sacramentum, loquitur dicens: *Ante omnia, fratres mei, nolite jurare neque per caelum, neque per terram, neque aliud quodcumque juramentum. Sit autem sermo vester: Est, est: Non, non, ut non sub judicium decidatis (Jac. v).*

CAP. 309. — *De episcopo sinistro rumore asperso, per sacramentum purgato et absoluto. Ex registro Gregorii papæ ad Justinum imperat. [prætorem apud Gratianum, presbyterum habet Gregorius] (lib. II, indict. X, ep. 23, 2).*

(Q. 5, c. *Habet hoc.*) Habet hoc proprium antiqui hostis invidia, ut quos in pravorum actuum perpe- tratione sibi resistentes [Deo sibi resistente] decipere non valet, opinionem eorum, falsa ad præsens simulando, dilaceret. Quoniam igitur quædam contra sacerdotale propositum de Leone fratre et coepiscopo nostro, sinister rumor asperserat, utrum vera essent, districta diutius fecimus inquisitione perquiri: et nullam in eo, de his quæ fuerant dicta, culpam invenimus. Sed, ne quid videretur omissum nostro potuisse [quod nostro potuisset] cordi dubium remanere, ad B. Petri sacratissimum corpus districta eum ex abundantia fecimus sacramenta præbere. Quibus præstistis magna sumus exultatione gavisi, quod hujusmodi innocentia [hujusmodi experimento innocentia, etc.] ejus evidenter enituit. Pro qua re gloria vestra prædictum virum cum omni charitate suscipiat, et reverentiam ei qualem sacerdoti decet, exhibeat, ne ulla remaneat [ne qua in cordibus remaneat] de his quem jam sunt purgata dubietas. Sed ita suprascripto vos episcopo devotissime oportet in omnibus adhærere, ut congrue decenterque Deum in ejus persona (cujus minister est) videamini honorare.

CAP. 310. — *Correptio episcopi qui concubinam habuerit. Ex registro Gregorii ad Andream episcopum Tarentinum (lib. II, Regist., indict. II epist. 44).*

Tribunal æterni judicis securus aspiciet, quisquis reatus sui conscius, digna eum modo poenitentia placare contendit. (*Dist. 33, c. Habuisse.*) Habuisse te siquidem concubinam manifesta veritate comperimus, de qua etiam contraria est quibusdam nata suspicio. Sed quia in rebus ambiguis absolutum non debet esse judicium, hoc tuæ conscientia eligimus committendum. Qua de re, si in sacro ordine constitutus, ejus te permistione recolis esse maculatum, sacerdotii honore deposito ad administrandum nullo modo præsumas accedere, sciturus in animæ tuæ periculo te ministrare, et Deo nostro te sine dubio reddere rationem, si hujusmodi sceleris conscius, in eo quo es ordine celans veritatem, permanere volueris. Unde iterum adhortamur, ut si te deceptum hostis antiqui calliditate cognoscis, competenti eum dum licet poenitentia superare festines, ne cum eo particeps (quod non optamus) in die iudicii deputeris. Si vero hujus reatus tibi conscius non es, in eo te necesse est quo es, ordine permanere. Præterea quoniam mulierem de matriculis contra ordinem sacerdotii cædi crudeliter fustibus deputasti, quam licet post octo menses exinde minime arbitremur fuisse defunctam, tamen quia ordinis tui habere noluit respectum, propterea duobus te mensibus ab administratione missarum statuimus abstinere, in quibus ab officio te suspensum flere convenit, quod fecisti. Nam valde dignum est ut, postquam

te ad vitæ istius tranquillam rectitudinem laudabili- lium sacerdotum exempla non provocant, saltem correctionis medicina compellat.

CAP. 311. — *De episcopo per sacramenta purgato et absoluto. Ex registro Gregorii ad Brunichildam reginam Francorum (lib. II Regist., ep. 8).*

(2, q. 5, c. *Mennam.*) Mennam vero reverendissimum fratrem coepiscopumque nostrum, postquam ea quæ de eo dicta fuerant requirentes, in nullo invenimus eum esse culpabilem, qui insuper ad sacratissimum corpus beati Petri apostoli sub jurejuran- do satisfaciens, ab his quæ objecta ejus opinioni fuerant se monstravit alienum; reverti illum purgatum absolutumque permisimus, quia sicut dignum erat, ut si in aliquo reus existeret, culpam in eo canonice puniremus, ita dignum non fuit, ut eum adjuvante innocentia, diutius retinere vel affligere in aliquo deberemus.

CAP. 312. — *Qualiter senex episcopus corripiendus sit, et mali consilarii ejus excommunicandi. Ex eodem registro ad Januarium episcopum Caralitimum (lib. VII Regist., indict. II, epist. 1).*

Prædicator omnipotentis Dei Paulus apostolus dicit: *Seniorem ne increpareris (I Tim. v).* Sed hæc ejus regula tunc in eo servanda est, cum culpa senioris exemplo suo non trahit ad interitum corda juniorum. Ubi autem senior juvenibus exemplum ad interitum præbet, ibi districta increpatione feriendus est. Nam scriptum est: *Laqueus juvenum omnes vos (Isai. XLII).* Et rursum propheta dicit: *Peccator centum annorum maledictus est (Isai. LXV).* Tanta autem nequitia ad aures meas de tua senectute pervenit, ut eam nisi adhuc humanitus pensarem, fixa jam maledictione feriremus. Dictum quippe mihi est, quod Dominico die priusquam missarum solemnium celebrares, ad exarandam messem latoris præsentium perrexisti, et post exarationem ejus missarum solemnium celebrasti; post missarum solemnium etiam terminos possessionis illius eradicare minime timuisti. Quod factum quæ poena debuit insequi, omnes qui audiunt sciunt. Dubii autem de tanta hac perversitate fueramus, sed filius noster Cyriacus abbas a nobis requisitus, dum esset choralis, id est regionarius, ita se cognovisse perhibuit. Et quia adhuc canis tuis parcimus, hortamur aliquando, *respicere senex (ἀπὸ τῆς Χωρᾶς)*, atque a tanta levitate morum et operum perversitate comperescere. Quanto enim morti vicinior efficeris, tanto fieri sollicitior atque timidior debes. Et quidem poenæ sententia in te fuerat jaculanda, sed quia simplicitatem tuam cum senectute novimus, interim taceamus. Eos vero quorum consiliis hæc egisti, in duobus mensibus excommunicatos esse decernimus, ita ut si quid eis intra duorum mensium spatium humanitas venerit, benedictione viatici non priventur. Deinceps autem ab eorum consiliis cautus existe. Te quoque sollicite custodi, ne si eis in malo discipulus fueris, quibus magister in bono esse debuisti, nec simplicitati tuæ ulterius, nec senectuti parcamus.

CAP. 313. — *De purgationis Leonis papæ III.*

(2, q. 4, c. *Auditum est.*) Auditum est, fratres charissimi, et divulgatum per multa loca qualiter homines mali adversus me insurrexerunt, et debilitare voluerunt, et posuerunt super me gravia crimina, propter quam causam iste clementissimus ac serenissimus dominus rex Carolus una cum sacerdotibus et optimatibus suis istam pervenit ad urbem. Quam ob rem ego [Leo] pontifex sanctæ Romanæ Ecclesiæ a nemine iudicatus, neque coactus, sed spontanea mea voluntate purifico me in conspectu vestro coram Deo, et angelis ejus, qui conscientiam meam novit, et beato Petro principe apostolorum, in cujus conspectu consistimus, quia istas criminosas et sceleratas res, quas illi mihi obijciunt, neque perpetravi, neque perpetrare jussi. B Testis est mihi Deus in cujus iudicium venturi sumus, et in cujus conspectu consistimus. Et hoc propter suspensiones malas tollendas mea spontanea voluntate facio, non quasi in canonibus inventum sit, aut quasi ego hanc consuetudinem, aut decretum in sancta Ecclesia successoribus meis, nec non et fratribus et coepiscopis nostris imponam, sed ut melius a vobis abscedatis rebelles cogitationes.

CAP. 314. — *Quod seipsum damnat quisquis ecclesiastico ordine excommunicatus fuerit, et communicare præsumperit. Ex Africano concilio, c. 29.*

(14, q. 3, c. *Placuit universo.*) Item placuit universo concilio, ut qui excommunicatus fuerit pro suo neglectu, sive episcopus quilibet, sive clericus, et tempore excommunicationis suæ ante audientiam communicare præsumperit, ipse in se damnationis iudicetur protulisse sententiam.

CAP. 315. — *De ordinatis si aliquis illorum percussor extiterit. Ex Toletano concilio, cap. 6.*

(23, q. 8, c. *His a quibus.*) His a quibus Domini sacramenta tractantur, iudicium sanguinis agitare non licet, et ideo magnopere talis excessus prohibendus est, ne indiscretæ præsumptionis motibus agitari, aut quod morte plectendum est sententia propria iudicare præsumant, aut truncationes quibuslibet personis aut per se inferant, aut inferendas præcipiant. Quod si quisquam horum immemor præceptorum, aut in Ecclesiæ suæ familiis, aut in quibuslibet personis tale aliquid perpetraverit, et concessi ordinis honore privetur et loco, et sub perpetuæ damnationis religetur ergastulo: cui tamen communicatio exeunti de hac vita, non est neganda propter Domini misericordiam.

CAP. 316. — *Ne episcopus sua manu aliquem cædat. Ex decretis Bonifacii papæ (id legitur post conc. Agath. ex Gratia).*

(Dist. 86, c. *Non liceat.*) Non liceat episcopo manibus suis aliquem cædere, hoc enim alienum a sacerdote esse debet.

CAP. 317. — *De episcopo qui seipsum et sibi commissos corrigere neglexerit. Gregorius (Augustin.).*

(2, q. 7, c. *Qui nec.*) Qui nec regiminis in se rationem habuit, nec sua delicta deterisit, nec

A crimen filiorum correxit, canis impudicus magis dicendus est quam episcopus.

CAP. 318. — *Quod bonus pastor subditos lavat a crimine. Hieronymus.*

Ut lixivium per cinerem humidum fluens lavat, et non lavatur; ita bona doctrina per malum doctorem animas credentium lavat sordibus peccatorum.

CAP. 319. — *Quod malum pastorem oves fugiunt. Ex dictis Augustini.*

Sicut fugiunt oves vocem pastoris, quem non cognoscunt, et deserta petunt, ita malos pastores ovilia.

CAP. 320. — *De eo qui nobilitatem Dei a se eiecit. Gregorius (hom. 9 in Ezech., lib. 1).*

(Dist. 40, c. *Adam.*) Adam primus homo pro peccato de paradiso eiecit, hoc est, qui nobilitatem Dei a se projecit nobilitate loci privetur

CAP. 321. — *Quod non sint omnes filii sanctorum qui tenent loca sanctorum. Ex dictis Hieronymi (epistola ad Heliodorum).*

(Dist. 40, c. *Non est facile.*) Non facile est stare in loco Petri et Pauli, et tenere cathedram regentium cum Christo, quia hinc dicitur, non sanctorum filii sunt, qui tenent loca sanctorum, sed qui exercent opera eorum.

CAP. 322. — *Quod nullus ex genere, vel ex loco gloriari debet. Gregorius.*

(Dist. 40, c. *Nos qui.*) Nos qui præsumus, non ex locorum nec generis dignitate, sed morum nobilitate innotescere debemus, nec urbium claritate, sed fidei puritate.

CAP. 323. — *De sacerdotibus qui ovibus suis mala præbent exempla. Augustinus.*

(Dist. 83, c. *Nemo quippe.*) Nemo quippe amplius in ecclesia nocet, quam qui perverse agens nomen vel ordinem sanctitatis et sacerdotii habet. Delinquentem hunc namque redarguere nullus præsumit, et in exemplum culpa vehementer extenditur, cum pro reverentia ordinis peccator honoratur.

CAP. 324. — *Ut tantum curam ecclesiasticarum rerum episcopi habeant. Ex canonibus apostolorum, cap. 39.*

Omnium negotiorum ecclesiasticorum curam gerat episcopus, et ea, velut Deo contemplante, dispenset, nec ei liceat ex his aliquid omnino contingere, aut parentibus propriis, quæ Dei sunt condonare. Quod si pauperes sunt, tanquam pauperibus subministret, nec eorum occasione ecclesiæ negotia deprædentur.

CAP. 325. — *Ne usu pallii metropolitanus præsumptive utatur. Ex decretis Honorii papæ, cap. 3.*

Quicumque metropolitanorum per plateas, vel in litanis uti pallio præsumperit, et non tantum in præcipuis festivitibus et ab apostolica sede indictis temporibus ad missarum solummodo solemniam careat illo honore, et ut beatus papa Gregorius ad Joannem Panormi episcopum ait, quia grave jugum atque vinculum cervicis, non pro ecclesiastica, sed pro quadam sæculari dignitate defendat, permissa qua abutitur careat dignitate, quia

jure privilegium meretur amittere, qui audacter A usurpat illicita.

CAP. 326. — *Quod episcopus de rebus ecclesie suae nisi prius commuet, testamentare non possit. Ex concilio Agathensi, cap. 6 (cap. 51).*

(12, q. 5, c. Si episcopus condito.) Si quis episcopus condito testamento aliquid de ecclesiastici juris proprietate legaverit, aliter non valebit, nisi tantum de juris proprii facultatibus suppleverit.

CAP. 327. — *Ne episcopus res ecclesie parentibus suis indiscrete tribuat. Ex Spalensi concilio, cap. 10.*

Ut episcopi in rebus ecclesie circa propinquos suos exponendam reprehensionem caveant, et ut discretionis modum teneant.

CAP. 328. — *De eadem re. Ex eodem concilio, cap. 5.*

Quoniam multi episcoporum amore propinquorum suorum, de rebus sibi commendatis, suo aut quolibet amicorum nomine, prælia et mancipia emunt, et ut propinquorum suorum jus cedant statuunt, et ob hoc jura ecclesiastica convelluntur, et ministerium sacerdotale fuscatur, imo a subditis detrahitur et contemnitur, placuit omnibus ut deinceps hoc genus avaritiæ caveatur, fixumque abhinc et perpetuo mansurum esse decrevimus, ut episcopus res sui juris, quas ante episcopatum aut certe in episcopatu hæreditaria successione acquisivit, secundum canonicam auctoritatem quidquid vult faciat, et cui vult conferat: postquam autem episcopus factus est, quascunque res de facultatibus ecclesie, aut suo aut alterius nomine qualibet conditione comparaverit, decrevimus ut non in propinquorum suorum, sed in ecclesie cui præest jura deveniant.

CAP. 329. — *Ne episcopus de rebus viduatæ Ecclesie quidquam alienare præsumat. Ex decretis Martini papæ, cap. 20.*

(10, q. 3, c. Si quis episcopus.) Si quis episcopus nulla ecclesiasticæ rationis necessitate compulsus, in suo clero, aut ubi forte non est presbyter, de rebus ecclesiasticis aliquid præsumperit vendere, res ipsas ecclesie restaurare cogatur, et in judicio episcoporum dejiciatur, et tanquam furti et latrocinii reus suo privetur honore.

CAP. 330. — *De sacerdotibus qui ad exsequias episcopi venire contemnunt. Ex concilio Toletano VIII, cap. 2 (Tolet. VII, cap. 3).*

Ea quæ competunt honestati, contigit sæpe quorundam desidia non impleri. Proinde quia notum est quæ dignitas in exsequiis morientis episcopi ex canonibus conservetur, traditione moris antiqui hoc tantum adjicimus, ut si quis sacerdotum secundum statuta Valentini concilii (cap. 4) ad humanda defuncti episcopi membra venire communitus, pigra voluntate distulerit, appellantis clericis obeuntis episcopi apud synodum, sive metropolitanum episcopum, tempore anni unius nec faciendi missam nec communicandi habeat omnimodo licentiam. Presbyteri autem sive cæteri clerici, quibus major honoris locus apud eandem

ecclesiam fuerit, cujus sacerdos obierit, si omni sollicitudine pro exsequiis jam mortui, aut continuo antistitis morituri, ad commovendum vicinum episcopum tardi inveniantur, aut per quamcunque molestiam animi id negligere videantur [comprobentur], totius anni spatio ad pœnitentiam monasteriis deputentur.

CAP. 331. — *Ut quod episcopo pro redemptione animarum datur, ecclesie relinquatur. Ex concilio Agathensi, cap. 6.*

(12, q. 5, c. Pontifices.) Pontificibus vero, quibus in summo sacerdotio constitutis ab extraneis duntaxat donatur aliquid, vel cum ecclesia [extraneis aliquid, aut cum ecclesia, etc.], aut sequestratim dimittitur aut donatur, quia hoc ille qui donat pro redemptione animæ suæ, non pro commodo sacerdotis probatur offerre, non quasi suum, sed quasi dimissum in facultates ecclesie computetur; quia justum est, ut sicut sacerdos habet, quod ecclesie dimissum est, ita et ecclesia habeat quod relinquatur a sacerdote.

CAP. 332. — *Ut nullus episcopus sine concilio aliorum episcoporum et principis, in hostem ire debeat. Capitulum Caroli imperatoris.*

Carolus Dei gratia rex Francorum, et devotus sanctæ Ecclesie defensor atque adjutor in omnibus apostolicæ sedis. Hortatu omnium fidelium nostrorum, maxime episcoporum ac reliquorum sacerdotum consulto, servis Dei omnibus per omnia armaturam portare vel pugnare, aut in exercitum, et in hostem pergere omnino prohibemus, nisi illis tantummodo qui propter divinum ministerium, missarum solemnias scilicet adimplenda, et sanctorum patrocina portanda allecti sunt, id est unum vel duos episcopos cum capellanis presbyteris, et uniusquisque princeps unum presbyterum secum habeat, qui peccata constituentibus, indicere possit pœnitentiam.

CAP. 333. — *De eodem. Item ejusdem.*

Secunda vice propter ampliorem observantiam apostolica auctoritate et multorum episcoporum admonitione instructi, sanctorum quoque canonum regulis edocti, consulto videlicet omnium nostrum nosmetipsos corrigentes, posterisque nostris exemplum dantes, volumus ut nullus sacerdos in hostem pergat, nisi duo vel tres episcopi tantum, electione cunctorum propter benedictionem, prædicationem populique reconciliationem, et cum illis electi sacerdotes, qui bene populis pœnitentiam dare, missas celebrare, et infirmorum curam gerere, sacrati- que olei cum sacris precibus unctionem impendere scient: et hoc maxime providere, ne sine viatico quis de sæculo recedat.

CAP. 334. — *Item de eadem re. Nicolaus ad Carolum imperatorem.*

(23, q. 8, c. Reprehensibile.) Reprehensibile valde esse constat, quod subintulisti, dicendo majorem partem omnium episcoporum die noctuque cura aliis fidelibus tuis contra piratas maritimos invigilare, ob idque episcopi impediuntur venire; **omni**

militibus [militum] Christi sit Christo servire : militibus vero sæculi sæculo [militēs vero sæculi ser-
viant sæculo], sicut scriptum est : *Nemo militans Deo, implicat se negotiis sæcularibus* (II Tim. II).
Quod si sæculi milites militiæ student, quid ad
episcopos, et milites Christi, nisi ut vacent oratio-
nibus ?

CAP. 335. — *De accusatis episcopis, qualiter ad concilium vocari debeant. Ex dec. Fel. P., cap. 3.*

(5, q. 2, c. Si primates.) Si primates accusatores episcoporum cum eis pacificari familiariter minime potuerint, tunc tempore legitimo eos ad synodum canonicè convocata, non infra angusta tempora, canonicè convocent, priusquam eis per scripta significent quod eis opponitur, ut ad responsionem præparati adveniant. Nam si aut vi, aut timore ejecti, aut suis rebus exspoliati fuerint, nec canonicè ad synodum vocari possunt, nec respondere æmulis debent, antequam canonicè restituantur, et sua omnia eis legaliter reddantur.

CAP. 336. — *Quod papa vivente, nulli alium eo inconsulto eligere liceat. Ex decretis Symmachi papæ, c. 3 (ex syn. Symm. pap.).*

Si quis presbyter, aut diaconus, aut clericus, papa incolumi et eo inconsulto, subscriptionem pro Romano pontificatu commendare, aut pitacia promittere, aut sacramentum præbere tentaverit, aut aliquod suffragium polliceri, vel de hac causa privatis conventiculis factis deliberare atque decernere, loci sui dignitate et communione privetur.

CAP. 337. — *De sessione episcopi. Ex concilio Carthaginiensi (Carth. IV, cap. 35).*

(Dist. 59, c. Episcopus in ecclesia.) In ecclesia in consessu presbyterorum episcopus sublimior se deat.

CAP. 338. — *De ordinatione episcopi. Ex dictis Theodoti archiepiscopi.*

In ordinatione episcopi, ipse qui ordinat missam celebrare debet, et qui ordinatur similiter.

CAP. 339. — *Quæ sacerdotes Domini declinare debeant. Ex conc. Turonensi, cap. 7.*

Quæcunque ad aurium et ad oculorum pertinent illecebras, unde vigor animi emolliiri posse credatur, ut de aliquibus generibus musicorum aliisque nonnullis rebus, omnes sacerdotes Domini se abstinere debent; quia per aurium oculorumque illecebras vitiorum turba ad animum ingredi solet: histrionum quoque turpium et obscenorum insolentias jocosum, ipsi animo effugere cæterisque sacerdotibus effugienda prædicare debent.

CAP. 340. — *Ne episcopi propter suam quietem a civitatibus suis diu absint. Ex concilio apud sanctum Medardum, præsentè Carolo imp., cap. 5.*

Providendum est ne episcopi propter suam quietem ad remotiora loca secedentes et suum ministerium negligentem, proprias deserant civitates, sed aut parochias suas cum officii efficacia circumeant, aut cum religione in suis civitatibus canonicè cum filiis degant. Presbyteros etiam sibi commissos doctrina, castitate et sobrietate, atque hospita-

litate secundum suum ministerium ordinari compellant.

CAP. 341. — *De episcopis, qui non visitatis parochiis pretium servitutis requirunt. Ex conc. apud Triburias habito, præsentè Arnulfo rege, cap. 26.*

(10, q. 1, c. Relata est.) Relata est coram sancta synodo querimonia plebium, eo quod sint quidam episcopi, nolentes ad prædicandum vel ad confirmandum suas per annum parochias circuire, qui tamen exigant ut maiones quibus in professione uti debuerant, alio pretio redimant qui parare debent: quæ duplex infamia et negligentia, et avaritia sanctæ synodo horrore fuit magno, et statuerunt ne quis ultra exerceat id cupiditatis ingenium, et ut sollicitiores sint episcopi de suis gregibus visitandis.

CAP. 342. — *De purgatione episcoporum. Ex concilio apud Altheim, præsentè Conrado rege, cap. 16.*

Statuimus propter Dei dilectionem, et proximi, et fidelium honorem catholicorum, et præcipue ob multitudinum scandala eruenda et funditus extirpanda, et perturbationes quæ noviter exortæ sunt et oriuntur, nec non ut omnes sciant, nos episcopos tales Dei misericordia nequaquam fuisse quales dicimur, exemplum S. Leonis papæ, qui super quatuor Evangelia jurans coram populo se purgavit, sequi et imitari, salva tamen auctoritate canonica.

CAP. 343. — *De eo qui ex monacho factus fuerit episcopus. Ex eodem comm., c. 36.*

(18, q. 1, c. Statutum est.) Statutum est rationabiliter secundum sanctos Patres a synodo est confirmatum, ut monachus, quem canonica electio a jugo regulari [regulæ] monasticæ professionis absolvit, et sacra ordinatio de monacho episcopum facit, velut legitimus hæres paternam sibi hæreditatem postea jure vindicandi potestatem habeat. Sed quidquid acquisierat, vel habere jussus fuerat monasterio relinquat, et abbatis sui qui fuerat, secundum regulam Sancti Benedicti, arbitrio. Postquam enim episcopus ordinatur, ad altare ad quod sanctificatur et titulatur secundum sanctos canones, quod acquirere poterit, restituat.

CAP. 344. — *De illo qui de aliqua hæresi infamatur, quod in sacro conventu formulam istius libelli recitare debeat. Ex epistola Cyrilli ad Joannem Antiochenum.*

Ego nomine N. hac scriptura quam manu mea perscripsi, profiteor, sequens sanctum iudicium Patrum Nicænæ synodi trecentorum decem et octo, vel Chalcedonensis synodi universale concilium, cujus definitionem sedes apostolica confirmavit, quod etiam beatissimi papæ Leonis epistola ad sanctæ memoriæ Flaviani Constantinopolitanæ urbis episcopum data, prædicatione lucidissimæ veritatis exposuit: confiteor unum eundemque Dominum nostrum Jesum Christum, unigenitum Dei Patris, perfectum, eundem in divinitate [deitate], eundem in humanitate, Deum verum et hominem verum, ipsum eundemque ex anima rationali et

carne, consubstantiali Patri secundum divinitatem, A quam convenit, cui non licuit habere, quem voluit. consubstantiali nobis secundum humanam rationem, in omnibus similem nobis absque peccato: ante sæcula quidem de Patre genitum secundum divinitatem, in novissimis vero diebus eundem propter nos, et propter nostram salutem de Virgine Maria natum, quæ eundem Deum peperit secundum humanitatem unum eundemque Christum, Filium Dei Dominum unigenitum in duabus naturis, inconfuse, inconvertibiliter, individue et inseparabiliter cognitum, nequaquam naturarum differentia sublata propter unionem, sed potius salva manente proprietate utriusque naturæ, in unam non in duas concurrisse personas, sed unum eundemque Filium unigenitum Deum verum Dominum Jesum Christum, sicut olim prophetæ de eo, vel ipse nos Christus per semetipsum Dominus erudit. Qui autem ita non sentiunt, cum Nestorio et Eutiche, vel eorum sectatoribus æterno anathemate dignos esse pronuntio.

CAP. 545. — *Quales debeant ad sacerdotii officium venire. Ex decretis Damasi papæ, cap. 8.*

Didicimus etiam licenter et libere inexplorata vitæ homines, quibus etiam fuerint numerosa coniugia, ad præfatas dignitates, prout cuique libuerit, aspirare: quod non tantum illis qui ad hæc immoderata ambitione perveniunt, quantum metropolitanis specialiter pontificibus imputamus, qui dum inhibitis ausibus non obsistunt, Dei nostri, quantum in se est, præcepta contemnunt. Et ut taceamus quod altius suspicamur, ubi illud est quod Deus C noster data per Moysen lege constituit, dicens: *Sacerdotes mei semel nubant (Levit. XXI).* Et alio loco: *Sacerdos uxorem virginem accipiat, non viduam, non repudiatam, non meretricem (I Tim. III).* Quod secutus Apostolus ex persecutore prædicator, unius uxoris virum, tam sacerdotem quam diaconum fieri debere mandavit.

CAP. 346. — *Ut metropolitani sua jura servant. Leo Anast. Thessalonic. episc., cap. 2 (epist. 84).*

(25, q. 2, c. *Igitur secundum.*) Igitur secundum sanctorum Patrum canones spiritu Dei conditos, et totius mundi reverentia consecratos, metropolitanos singularum provinciarum episcopos, quibus ex delegatione nostra fraternitatis tuæ cura prætenditur, jus traditæ sibi antiquitatis dignitatis intemcratum habere decernimus; ita ut a regulis præstitutis, nulla aut negligentia, aut præsumptione discedant.

CAP. 347. — *Ut nullus invitatus ordinetur episcopus. Ibidem, cap. 5.*

(Dist. 63, c. *Si forte.*) Cum ergo de summi sacerdotis electione tractabitur, ille modis omnibus præponatur, quem cleri plebisque consensus concorditer postularint, ita ut si in aliam fortasse personam partium se vota dividerint, metropolitani iudicio is alteri præferatur, qui majoribus et studiis juvatur et meritis tantum nullus invitatus et non petentibus ordinetur, ne plebs invita episcopum non optatum aut contemnat, aut oderit, et fiat minus religiosa

quam convenit, cui non licuit habere, quem voluit.

CAP. 348. — *Ut personam consecrandi episcopi primas quoque sua auctoritate confirmet. Ibidem, cap. 6.*

(Dist. 65, c. *De personæ.*) De persona igitur consecrandi episcopi, et de cleri plebisque consensu, metropolitanus episcopus ad fraternitatem tuam referat, quodque in provincia bene placuit scire te faciat, ut ordinationem rite celebrandam tua quoque firmet auctoritas, quæ rectis dispositionibus nihil moræ aut difficultatis debet afferre, ne gregibus Domini sui diu desit cura pastorum. Metropolitanus vero defuncto, cum in loco ejus alius fuerit subrogandus, provinciales episcopi ad civitatem metropolim convenire debent, ut omnium clericorum atque omnium civium voluntate discussa, ex presbyteris ejusdem ecclesiæ, vel ex diaconibus optimus eligatur. De cujus nomine ad tuam notitiam provinciales referant sacerdotes, impleturi vota poscentium, cum quod ipsis placuit, tibi quoque placuisse cognoverint. Sicut enim justas electiones nullis dilationibus volumus fatigari, ita nihil permittimus te ignorante præsumi.

CAP. 349. — *Quod primates et metropolitani, a Romana Ecclesia sint vocati in partem sollicitudinibus, non in plenitudinem potestatis. Greg.*

Dilectissimis fratribus universis episcopis per Galliam, Europam, Germaniam et per universas provincias constitutis, Gregorius servus servorum Dei. (2, q. 6, c. *Decreto.*) Decreto nostro mandamus, ut si aliquis (quod non optamus) suorum æmulorum Ædricum Cenomanicæ Ecclesiæ episcopum accusare damnabiliter attentaverit, liceat illi post auditionem primatum dioceseos (si necesse fuerit) nos appellare, et nostra auctoritate, aut ante nos, aut ante legatos nostros e latere missos juxta Patrum decreta suas exsequi [exercere] atque finire actiones, nullusque illum ante hæc iudicet aut damnare præsumat. (Supra, c. 41.) Sed si quid, quod absit! grave intolerandumque ei objectum fuerit, nostra erit expectanda censura, ut nihil prius de eo, qui ad sinum sanctæ Romanæ confugit Ecclesiæ, ejusque implorat auxilium, decernatur, quam ab ejus Ecclesiæ fuerit præceptum auctoritate, quæ vices suas ita aliis impertivit Ecclesiis ut in partem sint vocatæ sollicitudinibus, non in plenitudinem potestatis. Proinde dilectio vestra quorum devotione gaudemus, jungat curam suam dispositionibus nostris, et det operam ut non cujusquam præsumptione circa memoratum fratrem nostrum, vestra provisione vel successorum vestrorum, si ipse superstes fuerit, aliter quam hic insertum est, fiat ullo modo. Nam nulli fas est vel velle, vel posse transgredi apostolicæ sedis præcepta, nec nostræ dispositionis ministerium, quod vestram sequi oportet charitatem. Sit ergo ruinæ suæ dolore prostratus, quisquis apostolicis voluerit contraire mandatis [decretis], nec locum deinceps inter sacerdotes habeat, sed extorris a sancto fiat ministerio. Non de ejus iudicio quisquam postea

curam habeat; quoniam jam damnatus a sancta et apostolica Ecclesia, ac auctoritate, sua de inobedientia atque presumptione a quoquam esse non dubitatur; quia majoris excommunicationis dejectione est exigendus, cui sanctæ Ecclesiæ commissa fuerit disciplina, qui non solum prælatæ sanctæ Ecclesiæ jussionibus parere debuit, sed etiam aliis ne præterirent insinnare. Sitque alienus a divinis et pontificalibus officiis, qui noluit præceptis obtemperare apostolicis.

CAP. 350. — *Quod pro quiete contemplationis non est fugiendus locus regiminis. Idem ad Syriacum episcopum Constantinopolitanum (lib. vi regist., c. 169, ep. 5).*

(8, q. 1, c. *In scriptis.*) In scriptis autem vestris requiem vos magnopere quæsisse narratis. Sed per hoc ad pastoralementem sollicitudinem venisse congrue ostenditis, quia sicut locus regiminis desiderantibus negandus est, ita fugientibus offerendus, et sicut scriptum est: *Nec quisquam sumit sibi honorem, sed qui vocatur a Deo tanquam Aaron (Hebr. v).* Et rursum idem egregius prædicator dicit: *Si unus pro omnibus mortuus est, ergo omnes mortui sunt, et pro omnibus mortuus est Christus, ut qui vivunt jam non sibi vivant, sed ei [al. Deo], qui pro ipsis mortuus est et resurrexit (II Cor. v).* Et pastori sanctæ Ecclesiæ dicitur: *Simon Joannis, amas me? Pasce oves meas (Joan. xxi).* Ex quibus verbis colligitur, quia si is qui valet, omnipotentis Dei oves renuit pascere, ostendit Pastorem summum se minime amare. Si enim Unigenitus Patris pro explenda utilitate omnium, de secreto Patris egressus est ad publicum nostrum; nos quid dicturi sumus, si secretum præponimus utilitati proximorum? Quies itaque nobis et ex corde appetenda est, et tamen pro multorum lucro aliquando postponenda. Nam, sicut toto desiderio debemus occupationem fugere, ita, si desit qui prædicet, occupationis onus libenti necesse est animo subire.

CAP. 351. — *Ut episcopus pro propria injuria non excommunicet. Gregorius Januario episcopo Calaritano (lib. II regist., cap. 34).*

23, q. 4. *Inter querelas.*) Isidorus a fraternitate tua frustra se excommunicatum anathematizatumque conquestus est. Quod quamobrem factum fuerit, dum a clerico tuo qui præsens erat, voluissimus addiscere, pro nulla alia causa, nisi quod te injuria verat, factum cognovimus. Quæ res nos vehementer afflixit; quia si ita est, nil te ostendis de cælestibus cogitare, sed terrenam mentem te habere [te habere conversationem] significas, dum pro vindicta propriæ injuriæ (quod sacris regulis prohibetur) maledictionem anathematis invexisti. Unde de cætero esto circumspectus atque sollicitus, et talia cuiquam pro defensione injuriæ tuæ inferre denuo non præsumas.

CAP. 352. — *Episcopo infirmante, nisi de hac vita migraverit, alter non substituatur, ne commisi talenti pulchritudo deleatur. Nicolaus Alrino Jovanensi [Januensi] episcopo.*

(7, q. 1, c. *Pontifices qui.*) Pontifices, qui aliqua occupantur infirmitate vel ægritudine, abjiciendi non

sunt, nec alios in loco eorum consecrari oportet, nisi ex hac fuerint luce subtracti. Quod si de ministerio sibi concessa conqueruntur, quæ licita sunt sacerdotes expleant. In his vero quæ eis præsumere non licet, vicinorum usque ad recuperandam sanitatem episcoporum, auxilia subrogentur; et hoc cum cautelæ studio peragatur, ne per necessitatis occasionem presumptionis pullulet ambitio. Episcopi vero qui Dominici gregis susceperunt curam atque sollicitudinem, ab administratione eorum discedere non oportet, ut accepti talenti pulchritudo non deleatur, sed certamine eorum salubriter augeatur et triplicetur.

CAP. 353. — *Quod episcopus vel clericus nullo modo venationi debeat insistere. Idem ad eundem.*

(Dist. 34, c. *Quorumdam relatione.*) Quorumdam relatione fidelium auribus nostris intimatum est quod Lanfredus episcopus, qui et juvenis esse dicitur, venationi sit deditus. Quod vitium plurimos etiam de clericali catalogo genere duntaxat Germanos et Gallos irreverentes [reverentes] implicat. Verum iste si ita est, ut audivimus, merito juvenis dicitur, qui juvenilibus desideriis occupatus, nulla senum gravitate constringitur. *Item.* O miseram vitam hominum, et maxime sacerdotum! qui, dum lucrandis fidelibus debent insistere, venandis feris incumbunt, et quos capere oportet homines, capiunt aves et bestias; qui, dum mortibus student animantium, vitam suarum amittunt animarum. O infelicem vitam super omnem vitam! Nam, in quo magis quisque carnalis apparet, quam in tali vita? Venatorum enim vita nil præter carnes capit, in qua dum quisque permansit nunquam probatus est. Nam, ut beatus dixit Hieronymus, venatorem nunquam legimus sanctum. Væ hujusmodi præsulibus, qui, dum debent Petrum, Andream, Jacobum et Joannem, quibus a Domino dictum est: *Venite post me, faciam vos piscatores hominum (Math. iv; Marc. i)*, ad imitationem suam eligere, quorum et discipuli sunt, magis Nemrod et Ismaelem, atque Esau reprobos imitantur, qui hujusmodi adventionibus incubuisse referuntur (*Gen. x, xxi, xxv*). Nihilominus autem de hoc episcopo relatum est apostolatui nostro quod cum quadam filia sua immoderatam teneat familiaritatem, et ob id mala fama ei orta sit. Pro qua re a sanctitate sua cæterisque coepiscopis suis commonitus ac correptus est, sed nullatenus emendatus. Quæ res in hoc maxime displicet, et magis ac magis de se deteriorem reddi opinionem. In quo heatitudini tuæ et coepiscoporum suorum rationibus non obedit, et per inobedientiam in culpam protoplasti relabitur. Oportet ergo fraternitatem tuam, synodale cum episcopis et suffraganeis tuis convocare concilium, et hunc salutaribus eloquiis episcopum convenire, atque illi pastorali auctoritate præcipere quatenus et ab omnium bestiarum et vulturum venatione penitus alienus existat, atque immoderata filia suæ familiaritate semetipsum omnimodo coerceat. Quod si parere con-

tempserit, et tam pro venationis declinatione quam pro immoderata filiae suae vitanda conversatione, vobis admonentibus obedire distulerit, a vestro collegio excommunicatus abscedat. Quod si in hoc contumax adhuc apparuerit, a ministerio cessare debet.

CAP. 354. — *Quod omnis metropolitanus infra tres menses consecrationis suae pro pallio debet Romam mittere, vel ire. Joannes VIII, ex concilio III, apud Ravennam.*

Quisquis metropolitanus intra tres menses consecrationis suae, ad fidem suam exponendam, palliumque suscipiendum ab apostolica sede, nulla inevitabili necessitate imminente, non miserit, commissa sibi careat dignitate, ita ut tandiu episcopali illi sedi cedat, omnique consecrandi licentia careat, quandiu in exponenda fide, et in expetendo pallio prisicum morem contempserit.

CAP. 355. — *Qualiter honorandi sunt veri sacerdotes, cum Dominus fulsos honoraverit. Cyprianus Rogatiano (lib. III, cap. 9).*

(Dist. 93, c. Dominus noster.) Dominus noster Jesus Christus rex, et iudex, et sacerdos servavit honorem malis sacerdotibus usque ad suam passionem, in qua sacerdotem appellavit, quem sciebat esse sacrilegum, et cum alapam accepisset, et ei diceretur (Joan. XVIII): *Sic respondes pontifici?* nihil contumeliose locutus est in personam pontificis, sed magis innocentiam suam tuitus est, dicens: *Si male locutus sum, testimonium perhibe de malo (ibid.)*, ut nos ejus humilitatis haberemus exemplum, et docuit sacerdotes veros legitime et plene honorari, dum circa falsos sacerdotes ipse talis exstitit.

CAP. 356. — *Quod singulae Ecclesiae singulos debent habere praelatos. Hieronymus Rustico monacho.*

(7, q. 4, c. In apibus.) In apibus princeps unus est; grues unum sequuntur ordine litterato. Imperator unus, iudex unus provinciae. Roma, ut condita est, duos fratres simul reges habere non potuit, et parricidio dedicatur. In Rebeccae utero Esau et Jacob bella gesserunt (Gen. xxv). Singuli Ecclesiarum episcopi, singuli archiepiscopi, singuli archidiaconi, et omnis ordo ecclesiasticus suis rectoribus nititur.

CAP. 357. — *Ut in Treverensi urbe et Coloniensi nullus inconsulto Romano pontifice eligatur. Nicolaus Lothario regi.*

Porro quia relatum est nobis quod quicumque ad episcopatum in regno tuo promovendus est, non nisi faventem tibi permittas eligi, idcirco apostolica auctoritate sub divini iudicii obstatione injungimus tibi, ut in Treverensi urbe, et in Agrippina Colonia nullum eligi patiaris, antequam relatum super hoc nostro fiat apostolatui.

CAP. 358. — *De professione fidei. Pelagius Childeberto regi.*

(25, q. 4, c. Satagendum.) Satagendum est ut pro auferendo suspicionis scandalo obsequium confessionis nostrae regibus ministremus, quibus nos

etiam subditos esse Scripturae sanctae praecipiant. Veniens autem Rufinus vir magnificus excellentiae vestrae legatus, confidenter a nobis (ut decuit) postulavit, quatenus vobis aut beatae recordationis papae Leonis domum a nobis per omnia conservari significare debuissimus, aut propriis verbis nostrae confessionem fidei destinare; et primam quidem petitionis ejus partem quia facilius fuit, mox ut dixit, implevimus, neque in omnibus praesulis totum pro catholicae fidei assertionem conscriptum Deo propitio custodire, manus nostrae ad vos professione signavimus. Ut autem nullius deinceps (quod absit!) suspicionis resideret occasio, etiam illam aliam partem quam memoratus vir illustris Rufinus admonuit facere [at. facere maturavi], scilicet propriis verbis confessionem fidei quam tenemus, exponens [exposui].

CAP. 359. — *Quod post primum per electionem consecratum episcopum, secundus esse non possit. Cyprianus in epistola sua ad Romanos (l. IV, epist. 2, ad Antonianum).*

(7, q. 4, c. Factus est.) Factus est Cornelius episcopus de Dei et Christi ejus judicio, de clericorum omnium testimonio, de plebeio suffragio, de sacerdotum antiquorum et honorum virorum consensu, cum nemo episcopus inibi factus esset, cum gradus cathedrae vacaret. Quo occupato et omnium vestrum consensu firmato, quisquis jam episcopus fieri voluerit, omnimodis necesse est ut ecclesiasticam non habeat ordinationem, qui Ecclesiae non tenet per consensum, unitatem. Post primum secundus esse non potest. Quisquis enim post unum, qui per electionem consecratus est, esse voluerit, tam non secundus ille, sed nullus est.

CAP. 360. — *Quod Ecclesiae contradicit qui episcopo contradicit. Cyprianus ad Pappianum (l. IV, epist. 9, ad Florentium Pappianum).*

(7, q. 4, c. Scire debes.) Scire debes episcopum in Ecclesia esse, et Ecclesiam in episcopo, et si quis cum episcopo non sit, in Ecclesia non esse, et frustra sibi blandiri eos, qui pacem cum sacerdotibus Dei non habentes, obrepunt et latenter apud quosdam communicare se credunt, quando Ecclesia, quae catholica una est, scissa non sit, neque divisa.

D CAP. 361. — *De unitate Ecclesiae. Cyprianus.*

Petri unitatem qui non tenet, tenere se fidem credit? Qui cathedram Petri, super quam fundata est Ecclesia, deserit, in Ecclesia se esse confidit?

CAP. 362. — *Quid agendum sit de episcopo, vel quocumque clerico, qui post depositionem communicare praesumpserit. Ex concilio Antiocheno, cap. 4.*

(11, q. 4, c. Si quis episcopus.) Si quis episcopus a synodo fuerit depositus, vel presbyter, vel diaconus a proprio episcopo condemnatus, et praesumpserit sacerdotii seu sacri ministerii quidpiam, non ei amplius liceat, neque in alia synodo spem restitutionis habere, neque assertionis alicujus locum,

sed et communicantes ei abjici omnes ab ecclesia, et maxime si postquam cognoverunt sententiam adversus eum fuisse prolatam, ei contumaciter communicaverint.

CAP. 363. — *Ne episcopus in aliquem, etiam sibi confessum, dicat quod probare non possit. Ex concilio Carthaginensi vi, cap. 5.*

Item placuit, ut si quando episcopus dicit aliquem sibi soli proprium crimen fuisse confessum atque ille neget, non putet ad injuriam suam episcopus pertinere, quod illi soli non creditur, et si scrupulo propriæ conscientiæ se dicit neganti nolle communicare, quandiu excommunicato non communicaverit suus episcopus, eidem episcopo ab aliis non communicetur episcopis, ut magis caveat episcopus ne dicat in quemquam, quod aliis documentis convincere non potest.

CAP. 364. — *De eodem. Ex concilio Vasensi i, cap. 8.*

6, q. 2, c. *Si tantum episcopus.*) Quod si tantum episcopus alieni sceleris se conscius novit, quandiu probare non potest, nihil proferat, sed cum ipso ad compunctionem ejus secretis correptionibus elaboret. Qui, si correptus, pertinacior fuerit, et se communioni publicæ ingesserit, etiam si episcopus in redarguendo illo, quem reum judicat, probatione deficiat, indemnatus, fiet ab his qui nihil sciunt, secedere ad tempus pro persona majoris auctoritatis, jubeatur, illo, quandiu probari nihil potest in commune omnium præterquam ejus qui cum reum judicat, permanente.

CAP. 365. — *Qua ætate diaconi consecrandi sint. Ex eodem concilio, cap. 16 (conc. Agat.).*

(C. 16, Dist. 77, c. *Episcopus.*) Episcopus benedictionem diaconatus minoribus quam viginti et quinque annorum penitus non committat. Sane si conjugati juvenes consenserint ordinari, etiam uxorum voluntas ita requirenda est, ut sequestrato mansionis cubiculo, religione promissa, postea quam pariter conversi fuerint ordinentur.

CAP. 366. — *Ut episcopi, presbyteri et levitæ canes ad venandum et accipitres non habeant, ex concilio Agathensi, cap. 55.*

(Dist. 34, c. *Episcopum.*) Episcopis, presbyteris, diaconibus, canes ad venandum, aut accipitres habere non liceat. Quod si quis talium personarum in hac voluntate [voluptate] repertus [detectus al., detentus] fuerit: si episcopus est, tribus mensibus se a communione suspendat; presbyter, duobus mensibus se absteat; diaconus vero ab omni officio et communione cessabit.

CAP. 367. — *Quid agendum sit de episcopo vel cujuscunque ordinis clerico a gradibus suis injuste dejecto. Ex Toletano concilio (iv), cap. 28 (25).*

(11, q. 3, c. *Episcopus, presbyter.*) Episcopus, presbyter, aut diaconus, si a gradu suo injuste dejectus in sancta [secunda] synodo innocens reperiatur, non

A potest esse quod fuerat, nisi gradus amissos recipiat coram altario, de manu episcoporum. Si episcopus est, orarium, annulum et baculum; si presbyter, orarium et planetam [al. platenam]; si diaconus, orarium et albam, si subdiaconus, patenam et calicem; sic et reliqui gradus, eam reparationem sui accipiant, quam, cum ordinarentur, perceperant.

CAP. 368. — *Quod rectores Ecclesiarum magis sint expectandi et corrigendi quam statim judicandi. Gregorius universis episcopis per Galliam, Europam, Germaniam constitutis (1).*

(Dist. 45, c. *Licet plerumque.*) Licet plerumque accidant sacerdotibus quæ sunt reprehendenda, plus tamen erga corrigendos agat benevolentia quam severitas, plus exhortatio quam commotio, plus charitas quam potestas, cum nemo nostrum sine reprehensione aut sine peccato vivat. Nam si Dominus statim post trinam negationem (Matth. xxvi), beatum Petrum præceptorem nostrum apostolum judicasset, non tantum ex eo fructum, sicut fecit, recepisset. Expectandi ergo magis sunt atque corrigendi rectores Ecclesiæ quam statim absque nostro consulto judicandi, cum majora negotia et difficiliore causarum exitus sanctorum Patrum canones Spiritu Dei conditi, et totius mundi reverentia consecrati, jubeant sub nostræ sententiæ expectatione suspendere nostroque moderamine finiri. Unde necesse est hæc et alia quæque negotia ecclesiastica post multarum experimenta causarum, sollicitius perspicere, et diligentius præcaveri, quatenus per spiritum charitatis et pacis omnis materies scandalorum, et præsumptio invidorum, atque oppressio simplicium fratrum de ecclesiis Domini auferantur. Et sicut non vult quisquam fratrum se aliorum judicio prægravari, ita non audeat alii inferre quod sibi non vult fieri.

CAP. 369. — *Ut nullus episcopus cogatur ad sæculare judicium venire, et de pœna ejus qui episcopum ad judicium sæculare venire coegerit. De libro constitutionum, cap. 6.*

Nullus episcoporum cogatur ad judicium venire dicendi causa, sed judex apud episcopum mittat suos ministros, ut propositis sanctis Evangelii quod scit episcopus dicat secundum quod sacerdotibus honestum est. Ex eodem cap. 7. (11, q. 1, c. *Nullus episcopus, sed sub titulo Marcelli papæ.*) Nullus episcopus neque pro civili neque pro criminali causa apud quemvis judicem sive civilem, sive militarem producat, vel exhibeatur, nisi imperialis jussio processerit. Magistratus enim qui hoc jubere ausus fuerit, amissione cinguli et xx librarum auri condemnatione plectatur, ut istæ viginti libræ ecclesiæ addicantur, cujus episcopus produci vel exhiberi jussus est. Litis autem exsecutor post cinguli amissionem tormentis subjiciatur et in equuleo mittatur.

CAP. 370. — *Ne episcopus aleator, nec aliquis clericus, nec ludorum spectator fiat. Ibidem, cap. 9.*

Neque episcopus, neque presbyter, neque diaconus

(75) Pleraque horum leguntur epist., 81 Leonis pap. I, ad Anast. Thessal. episc., c. 1.

mus, neque subdiaconus, neque lector, neque alius A
cujuscunque religiosi consortii vel habitus consti-
tutus, tabolizare audeat, vel socius ludentium fieri,
vel spectator, vel in quocunque spectaculo spectandi
causa venire. Ac si quis contra hæc fecerit, per tres
annos a sacro ministerio prohibeatur.

CAP. 371. — *Ut nullus excommunicetur, antequam
causa excommunicationis ejus probetur. Ibid., c. 11.*

(2. q. 1, c. *Nemo episcopus.*) Nemo episcopus, ne-
mo presbyter excommunicet aliquem, antequam
causa probetur propter quam ecclesiastici canones
hoc fieri jubent. Si quis autem adversus eam ex-
communicaverit aliquem, ille qui excommunicatus
est, majoris sacerdotis auctoritate ad gratiam sanctæ
communione redeat; is autem qui non legitime
excommunicavit, in tantum absteineat tempus quan-
tum majori sacerdoti visum fuerit, ut quod injuste
fecit, ipse juste patiatur.

CAP. 372. — *Ut episcopus omni scientia legis divinæ
sit instructus. Synodi VII cap. 2.*

Quoniam psallentes reprimittimus Deo : *In justifi-
cationibus meditabor, non obliviscar sermones tuos*
(Psal. cxviii) : omnes quidem christianos observare
saluberrimum est, sed præcipue hos qui ecclesiasti-
cam consecuti fuerint dignitatem. Unde disfluimus,
omnem qui ad episcopatus provehendus est gradum,
modis omnibus psalterium nosse : ut ex hoc etiam
omnis clerus qui sub eo fuerit ita moveatur et im-
buatur. Inquiratur autem diligenter a metropolitano,
si in promptu habeat legem legere, scrutabiliter et
non transitorie, tam sacros canones et sanctum
Evangelium, quam divini apostoli librum, et omnem
divinam Scripturam; atque secundum mandata con-
versari, et docere populum sibi commissum : sub-
stantia enim summi sacerdotii nostri sunt eloquia
divinitus tradita, id est, vera divinarum Scriptura-
rum disciplina, quemadmodum magnus perhibet
Dionysius. Quod si disceptaverit, et ita libenter fa-
cere et docere minime sponderit, nullatenus conse-
cretur. Aitenim per prophetam Deus : *Tu scientiam repulisti, et ego repellam te, ne sacerdotio fungaris mihi*
(Ose. iv).

CAP. 373. — *Quod semel in anno concilia episcopo-
rum debeant celebrari, et non bis. Ibid., cap. 6.*

(Dist. 18, c. *Quoniam quidem.*) Quandoquidem re-
gula est quæ dicit bis in anno per singulas pro-
vincias oportere fieri per conventum episcoporum
regulares inquisitiones, propter fatigationem, et ut
opportune habeantur, ad iter agendum, hi qui con-
gregandi sunt, disfluierunt sextæ synodi sancti Pa-
tres, omni excusatione remota, modis omnibus se-
mel in anno fieri et depravata corrigi. Hunc cano-
nem et nos renovamus, et si quisquam princeps
inventus fuerit hoc prohibere, communione privetur.
Si quis vero metropolitanorum hoc neglexerit agere
absque necessitate, vel vi, seu aliqua rationabili
causa, occasione, canonicis pœnis subiaceat. Dum
autem synodus agitur super canonicis et evangelicis
negotiis, oportet congregatos episcopos in medita-

tionem et sollicitudine fieri custodiendorum divinarum
et vivificorum Domini mandatorum. *In custodiendis*
enim *illis retributio multa* (Psal. xviii); quia et *lu-
cerna mandatum; lex autem lux, et via vitæ argutio,
et disciplina est* (Prov. vi); et : *Mandatum Domini*
lucidum, illuminans oculos (Psal. xviii). Porro non
habeat metropolitani licentiam ex his, quæ defert
episcopus secum, sive jumentum, sive aliquam spe-
ciem expetendi. Quod si hoc egisse conjunctus fue-
rit, solvat quadruplum.

CAP. 374. — *De œconomis per singulas ecclesias con-
stituendis. Ibid., cap. 11.*

(9. q. 5, c. *Cum simus.*) Cum simus-debitores om-
nes sacras regulas custodire, eam quæ dixit in una
quaque ecclesia œconomus esse, modis omnibus in-
violabilem conservare debemus, et siquidem unus-
quisque metropolitani in sua ecclesia constituerit
œconomus, bene utique; siu autem ex auctoritate
propria Constantinopolcos episcopis licentia est
præponendi œconomos in ejus ecclesia, similiter et
metropolitani, si episcopi qui sub ipsis sunt non
satergerint œconomos statuere in suis ecclesiis.
Idipsum autem servandum est etiam in mona-
steriis.

CAP. 375. — *Ne episcopus vel abbas alicui principum,
vel parentibus suis fundum ecclesiæ largiatur. Ibid., cap. 12.*

Si quis episcopus vel abbas inventus fuerit, de
salaris episcopi, sive monasteriis transferre quid-
quam in principum manus, vel etiam aliquid per-
sonæ alicui conferre, irritum sit quod datum esse
constiterit, secundum canonem sanctorum aposto-
lorum qui dicit : *Omnia ecclesiasticarum rerum*
episcopus habeat sollicitudinem, ut dispenset eas tan-
quam Deo contemptante. Non ficere autem fraudare
ei quidquam ex illis, vel cognatis propriis donare
quæ Dei sunt. Quod si pauperes fuerint, ut paupe-
ribus largiatur, sed non sub horum occasione quæ
sunt ecclesiæ defraudentur. Quod si excusationem
prætenderint, damnum facere, et nihil ad profectum
agrum existere; nec sic principibus qui loca per
illa sunt, tribuatur ager ille vel locus, sed clericis
vel agricultoribus. Quod si caliditate usus fuerit,
et a colono vel clerico emerit princeps agrum, etiam
sic irrita sit venditio, et restituatur in episcopo vel
in monasterio, et episcopus vel abbas hoc faciens
abjiciatur, episcopus quidem ab episcopo, abbas
autem a monasterio, tanquam qui dispergit male,
quæ non collegit [colligit].

CAP. 376. — *Quod abbati in proprio tantum mona-
sterio lectorem liceat facere. Ibid., c. 14.*

(Dist. 69, cap. *Quoniam videmus.*) Quia ordo de-
bet in consecrationem custodiri, omnibus modis
liquet, et cum diligentia conservare sacerdotum [sa-
cerdotii] promotiones, Deo est prorsus acceptum.
Et quoniam videmus sine manus impositione, a par-
vula ætate quosdam tonsuram clerici accipientes,
nondumque, ab episcopo manus impositione præ-
cepta, super ambonem irregulariter in collecta le-
gentes, præcipimus anodo id minime fieri. Idipsum

quoque observandum est etiam inter monachos. Lectoris autem, manus impositione licentia est unicuique abbati in proprio monasterio solummodo faciendi, si duntaxat eidem abbati manus impositio facta noscatur ab episcopo, secundum morem præficiendorum abbatum, dum constet illum esse presbyterum. Simili modo secundum antiquam consuetudinem chorepiscopum præceptione episcopi oportet promovere lectores.

CAP. 377. — *Ut episcopi vel clerici fulgidis et claris vestibus non ornentur. Ibid., cap. 16.*

(21, q. 4, c. *Omnis jactantia.*) Omnis jactantia et ornatura corporalis aliena est a sacro ordine. Eos ergo episcopos vel clericos, qui se fulgidis et claris vestibus ornant, emendari oportet. Quod si in hoc permanserint epitimio tradantur; similiter et eos qui unguentis inunguntur. Quoniam vero radice amaritudinis exorta conterminatio facta est in Ecclesia catholica Christianos calumniantium hæresis [*κρίστιανὸς κατηγοροῦν ἀίρεσις*]: et hi qui hanc receperunt non solum imaginarias picturas [*τὰς εἰκονικὰς ζωγραφίας*] abominati sunt, sed etiam omnem reverentiam repulerunt, eos qui pie ac religiose vivunt offendentes, ac per hoc completur in eis quod scriptum est: *Abominatio est peccatori Dei cultus* (Prov. xv). Igitur si inventi fuerint deridentes eos qui vilibus et religiosis vestimentis amicti sunt, per epitimium [*δίσπικτιον*] corrigantur. Priscis enim temporibus omnis sacratus vir cum mediocri ac vili veste conversabatur. Omne quippe quod non propter necessitatem suam, sed propter venustatem accipitur, elationis habet calumniam, quemadmodum magnus ait Basilius. Sed neque ex sericis texturis vestem quis variatam induerat, neque apponebant variorum colorum ornamenta in summitatibus vestimentorum: audierant enim ex Deisona lingua: *Quia qui mollibus vestiuntur in domibus regum sunt* (Matth. xi).

CAP. 378. — *Nullam dignitatem sæcularem, sed nec imperialem, honori vel dignitati episcopali posse adæquari. Ex epist. Greg. ad Herimannum Metensem episc.*

(Dist. 96, c. *Quis dubitet.*) Quis dubitet sacerdotes Christi regum et principum, omniumque fidelium patres et magistros censi? Nonne miserabilis insanie esse cognoscitur, si filius patrem, discipulus magistrum sibi conetur subjugare, et iniquis obligationibus illum suæ potestati subijcere, a quo se credit non solum in terra, sed etiam in cælis ligari posse et solvi? Hæc, sicut beatus Gregorius in epistola ad Mauritium imperatorem directa commemorat, Constantinus magnus imperator, omnium regum et principum fere totius orbis dominus, evidenter intelligens, in saneta Nicæna sydono post omnes episcopos ultimus residens, nullam judicii sententiam supra eos dare præsumpsit; sed illos etiam dominos vocans, non suo debere subesse ju-

(74) Habetur hæc epistola Gelasii ad Anastasium Augustum tomo II Conc

DECRETI PARS SEXTA.

De clericorum conversatione, et ordinatione, et correctione, et causis.

CAP. 1.—Unde clericus dicatur. Ex epist. Hieronymi A
id Nepotianum.

(12, q. 1, c. Clericus; Isidorus, lib. II Off. eccl., c. 1.) Clericus, qui Christi servit Ecclesie, interpretetur primo vocabulum suum, et nominis diffinitione prolata nitatur esse quod dicitur. Si enim clericos Græce, Latine sors appellatur, propterea clerici vocantur, quia de sorte sunt Domini, vel quia ipse Dominus sors, id est pars, clericorum est. Et quia [al., qui autem] vel ipse pars Domini est, vel Domini partem habet, talem se exhibere debet ut ipse possideat Dominum, et ipse possideatur a Domino. Qui possidet Dominum, et cum Propheta dicit: *Pars mea Dominus* (Psal. xv, LXXII), nihil extra Dominum habere potest. Quod si quidpiam aliud habuerit præter Dominum, pars ejus non erit Dominus. Verbi gratia, si aurum, si argentum, si possessiones, si variam suppellectilem, cum istis partibus Dominus pars ejus fieri non dignatur. Si autem ego pars Domini sum, et funiculus hæreditatis ejus (Psal. civ), nec accipio partem inter cæteras tribus, sed quasi Levita et sacerdos vivo de decimis, et altari deserviens, altaris oblatione sustentor, habens victum et vestitum, his contentus ero, et nudam crucem nudus sequar. Obsecro itaque te, et repetens iterum iterumque monebo, ne officium clericatus genus antiquæ militiæ putes, id est, ne lucra sæculi in Christi quæras militia, ne plus habeas quam quando clericus esse coepisti, et dicatur tibi: Clericatus eorum non proderit eis.

CAP. 2.—Quod duo sint genera clericorum. Ex dictis beati Isidori de generibus clericorum.

(Eccl. offic., l. II, c. 3.) Duo sunt genera clericorum, unum ecclesiasticorum sub regimine episcopali degentium; alterum acephalorum, id est sine capite, quem sequantur ignorantium. Hos neque inter laicos sæcularium officiorum studia, neque inter clericos religio retentat divina, sed solutos atque oberrantes, sola turpis vita complectitur et vaga. Qui quidem nullum [quique dum nullum, etc.] metuentes, explendæ voluptatis suæ licentiam consecantur, quasi animalia bruta libertate ac desiderio suo feruntur, habentes signum religionis, non religionis officium, hippocentauris similes, neque equi, neque homines, mistumque (ut ait poeta) genus prolesque biformis (Virg., Æn. VI). Quorum quidem sordida atque infami numerositate satis superque nostra pars occidua polluitur [pollet].

CAP. 3.—Quod clericis præcipue convenit Deum diligere et proximum, et de conversatione et offi-

cio eorum. Epilogus et regula clericorum breviter collecta.

Legalibus interea institutis et evangelicis saluberrimis monemur præceptis ut Dominum nostrum totis præcordiis diligamus, et proximos tanquam nosipsos (Deut. VI; Levit. XIX; Matth. XXII; Marc. XII), et cætera. Si igitur ab omnibus fidelibus his salutaribus præceptis totis visibus est favendum, quanto magis ab his qui divinis cultibus mancipati sunt, et aliis exemplo virtutum condimentum esse debent! Profunde oportet ut primo omnium Dominum Deum diligant ex toto corde, ex tota anima, tota virtute, et proximos tanquam seipsos, et nosse quia in his duobus præceptis tota lex pendet et prophetæ. Non occidant, neque fratrem oderint, quia, ut ait Apostolus: *Qui fratrem suum odit, homicida est* (I Joan. III). Non adulterent, non faciant furtum, non concupiscant rem alienam, non falsum testimonium dicant, et quod sibi nolunt fieri, alteri non faciant. Non sint superbi, aut tumidi, non detractionibus assueti, non ebrietati servientes, non luxuria enervati, non iracundia turbidi, non quibuslibet aliis vitiis substrati, non vaniloqui, non invidi, non somnolenti, non pigri, non murratores, non susurrone, non violenti, non multum edaces. Fraudes et dolositates caveant, usuris nequaquam inserviant, non jurent, ne forto pejerent [perjurent], malum pro malo non reddant. Cum in se aliquid boni viderint, Deo; et malum cum viderint, sibi deputent. Discordiam fugiant, et quos noverint discordes [invenierint discordantes], ad charitatis concordiam revocent, et juxta Psalmistæ vocem, declinent a malo, et faciant bonum (Psal. XXXVI). Attendant et Apostolum prohibentem: *Non, inquit, in comessionibus et ebrietatibus, non in cubilibus et impudiciis, non in contentione et æmulatione, sed induimini Dominum Jesum Christum* (Rom. XIII). Animadvertant etiam quod ab his vitiis ab Apostolo prohibitis omnium vitiorum seges emergat, et quod horum morborum mater superbia sit. Oportet etiam ut animam corpusque suum ab omni inquinamento carnis et spiritus custodiant, ut, juxta Apostolum, *integer spiritus eorum, et anima et corpus sine querola in adventu Domini Jesu Christi servetur* (I Thess. V). Sobrie, et juste, et pie vivant. Sæcularia negotia prorsus abjiciant, quia, juxta eundem Apostolum: *Nemo militans Deo implicat se negotiis sæcularibus, ut ei placeat cui se probavit* (II Tim. II). Jejunium ament, hospites colligant, pauperes recreent, nudos vestiant, infirmos visitent, mortuos sepeliant, in tribulatione positos opem ferant, dolentem consolentur, amori

Christi nihil præponant, charitatem non derelin-
 q̄tant, pacem, si fieri potest, cum omnibus homi-
 nibus habeant. Diem iudicii timeant, vitam æternam
 spiritualiter concupiscant. Spem suam Deo commit-
 tant : proprio episcopo in omnibus secundum cano-
 nicam institutionem obtemperant, magistros suos
 non temere reprehendant. Postremo in doctrinis spiri-
 tualibus operam dent, lectionibus, psalmis, hym-
 nis, canticis spiritualibus, et cæterorum bonorum
 operum exercitiis jugiter incumbant. In dormitorio,
 nisi quem infirmitas detinuerit, omnes dormiant.
 In refectorio pariter reficiantur, quotidie ad colla-
 tionem veniant. Mox, ut signum datum fuerit, ad
 ecclesiam omnes festinate veniant, et horas cano-
 nicas non negligenter, sed cum omni religione pa-
 riter celebrent. Ecclesiam non pompaticè, sed rever-
 enter ingrediantur. In choro cum baculis non stent.
 Vahiloquis nequaquam insistant, sed cum omni
 devotione et veneratione divinæ servitutis opus
 peragant, scientes angelorum præsentiam semper
 illic adesse. E claustris non nisi per licentiam egre-
 diantur. Egressi irreprehensibiliter vivant, ut ab his
 q̄ si foris sunt bonum testimonium habeant, et reli-
 gionem ac propositum suum actibus illicitis nequa-
 quam maculent. Sed potius omnes quibus se con-
 junxerint, sale sapientiæ et bonorum operum exem-
 plis condiant. Contubernia seminarum nullatenus
 appetant, non vanis oculis, aut petulanti tumidoque
 gestu ac dissolutis renibus incedant. Non specu-
 lis, non pompis sæcularibus intersint, non alca,
 non quibuslibet venationibus inservant. Apostoli
 namque instructi documento, quo ait : *Non in veste
 pretiosa* (I Tim. 2), nequaquam pretiosis delectentur
 vestibus. Caveant summopere ne extra claustra
 moras faciant, nisi prout sibi a priore constitutum
 fuerit, et opportunitas temporis dictaverit. Intra
 claustra positi non otio vacent, sed aut divinis offi-
 ciis, aut propriis utilitatibus, aut certe magistrorum
 pareant jussionibus, ne otio torpentes ab Apo-
 stolo audiant : *Qui non vult operari, nec manducet*
 (II Thess. 3). Seniores spiritualiter juniores dili-
 gant ; juniores senioribus obsequium dignum exhi-
 beant. Doctiores minus doctis nequaquam se præ-
 ferant, sed magis eos cum charitate ædificent. Neque
 hi qui nobilitate generis, aut virtutum donis pollent,
 cæteris se tumide superextollant. Omnes in con-
 gregatione vicissim sibi charitatis officio serviant.
 Quibus etiam in refectorio comedentibus, et reli-
 giosissime silentium tenentibus, continuatim legatur
 lectio. Delinquentes zelo rectitudinis pariter arguant,
 et castigent. Pueros et adolescentes negligentes ver-
 borum disciplinis corrigant. Singuli secundum capa-
 citatem suam diversarum artium crudiantur disci-
 plinis, ut nullus in collegio canonico inutilis appa-
 reat, nec vota fidelium otiosus comedat. Tales quippe
 esse, imo taliter conversari decet omnes, qui divinis
 officiis se manciparunt. Quapropter studeant hæc
 breviter collecta sedula meditatione perlegere et
 memoriæ commendare, et adjuvante divina gratia,

A juxta vires adimplere, quo facilius et libentius majora
 a sanctis Patribus edita, exsequi valeant. Vocatione
 ergo qua vocati sunt, nec ad dexteram, nec ad si-
 nistram declinantes, ambulent, quatenus divinis
 jussionibus obtemperantes, ad Christum, in cujus
 sorte esse noscuntur, qui via, veritas et vita est
 (Joan. xiv), eo opitulante, pervenire mercantur.

CAP. 4.—*De tonsura clericorum. Isidorus in libro
 ecclesiasticorum officiorum (lib. 11, c. 4).*

B Tonsuræ ecclesiasticæ usus a Nazaræis (ni fallor)
 exortus est, qui prius crine servato, denuo post vitæ
 magnæ continentiam devotione completa [devotio-
 nem continentia completa, etc.], caput radebant,
 et capillos in igne sacrificii ponere jubebantur
 (Num. vi), scilicet ut perfectionem devotionis suæ
 Domino consecrarent. Hujus ergo exempli usus ab
 apostolis introductus est, ut hi qui in divinis culti-
 bus mancipati, Domino consecrantur, quasi Nazaræi,
 id est, sancti Dei crine preciso innoventur. Hoc
 quippe et Ezochieli prophete jubetur, dicente Do-
 mino : *Tu, fili hominis, sume tibi gladium acutum,
 et duces per caput tuum, et barbam* (Ezech. v). Vide-
 licet quia et ipse sacerdotali genere Deo in ministerio
 sanctificationis deserviebat. Hoc et Nazaræos illos
 Priscillam et Aquilam in Actibus apostolorum pri-
 mum fecisse legimus (Act. xviii). Paulum quoque
 apostolum, et quosdam discipulorum Christi, qui in
 hujusmodi cultu imitandi exstiterunt (Act. xxi). Est
 autem in clericis tonsura, signum quoddam, quod in
 corpore figuratur, sed in animo agitur, scilicet ut
 hoc signo in religione vitia recenseantur, et crimini-
 bus carnis nostræ quasi crinibus exuamur, atque
 inde innovatis sensibus, ut comis rudibus enitescamus,
 C *exspoliantes nos, juxta Apostolum, reterem
 hominem cum actibus suis, et induentes novum qui
 renovatur in agnitionem Dei* (Colos. iii). Quam renu-
 vationem in mente oportet fieri, sed in capite demon-
 strari, ubi ipsa mens noscitur habitare. Quod vero
 de tonso capite superius, inferius circuli corona
 relinquitur, sacerdotium regnumque Ecclesiæ in eis
 existimo figurari. Tiara enim apud veteres consti-
 tuebatur in capite sacerdotum. Hæc ex bysso con-
 secta rotunda erat, quasi sphaera media, et hoc
 significatur in parte capitis tonsa. Corona autem
 D latitudo aurea [aurei] est circuli, quæ regum capita
 cingit. Utrumque itaque signum exprimitur in capite
 clericorum, ut impleatur etiam quadam corporis
 similitudine, quod scriptum est, Petro apostolo per-
 docente : *Vos estis genus electum, regale sacerdotium*
 (I Petr. ii). Quæritur autem cur, sicut apud antiquos
 Nazaræos, non ante coma nutritur, et sic tondetur.
 Sed qui hæc exquirunt, advertant quid sit inter illud
 propheticum velamentum, et hanc Evangelii revela-
 tionem, de qua dicit Apostolus : *Cum transieris ad
 Christum, auferetur velamen* (II Cor. iii). Quod au-
 tem significabat velamen interpositum inter faciem
 Moysi, et aspectum populi Israel, hoc significabat
 illis temporibus etiam coma sanctorum. Nam et
 Apostolus comam pro velamento esse dicit. Proinde

jam non oportet, ut velentur crinibus eorum capita, A qui Domino consecrantur (I Cor. xi) : sed tantum ut revelentur, quia quod erat occultum in sacramento prophetiæ, jam in Evangelio declaratum est.

CAP. 5. — I. De ostiariis. Idem (lib. II, c. 14).

Ostarii sunt, qui in Veteri Testamento janitores templi vocabantur; qui præerant portis templi Hierusalem, quique ordinati, per vices suas omnia interiora templi vel exteriora custodiebant (I Par. ix; xxiii; xxxv). Hi denique inter sanctum et iniquum discernentes, eos tantum in ecclesia qui sunt fideles, recipiunt. Intrare enim templum nisi per eos non possumus [possunt]. Habent enim potestatem tam bonos recipiendi, quam rejiciendi indignos.

CAP. 6. — II. De lectoribus. Idem (lib. II, c. 11).

Lectorum ordo formam et initium a prophetis accepit. Sunt igitur lectores, qui verbum Dei prædicant, quibus dicitur : *Clama, ne cesses, quasi tuba exalta vocem tuam (Isa. LVIII)*. Isti quippe dum ordinantur, primum de eorum conversatione episcopus verbum facit ad populum, deinde coram plebe tradit eis codicem apicum divinatorum, ad Dei verbum annuntiandum. Qui autem ad hujusmodi provehitur gradum, iste erit doctrina et libris imbutus, sensuumque ac verborum scientia perornatus, ita ut distinctionibus sententiarum intelligat ubi finiatur junctura, ubi adhuc pendeat oratio, ubi sententia extrema claudatur. Sicque expeditus vim [al., usum] pronuntiationis tenebit, ut ad intellectum omnium mentes sensumque promoveat, discernendo genera pronuntiationum, atque exprimendo proprios sententiarum affectus, modo indicantis voce, modo dolentis [jubentis], modo increpantis, modo exhortantis, sive his similia, secundum genus propriæ pronuntiationis, in quo magis [maxime] illa ambigua sententiarum adhibenda cognitio est. Multa enim sunt in Scripturis, quæ nisi proprio modo pronuntientur, in contrariam recidunt sententiam : sicuti est : *Quis accusabit adversus electos Dei? Deus qui justificat? (Rom. VIII)*. Quod si quasi confirmative, non servato genere pronuntiationis suæ, dicatur, magna perversitas oritur. Sic ergo pronuntiantum est, ac si diceret : Deusne qui justificat? Subauditur [ut subaudiatur], non. Necesse est ergo in tantis rebus scientiæ ingenium, quo proprie singula convenienterque pronuntientur. Propterea et accentuum vim oportet lectorem scire, ut noverit in qua syllaba vox protendatur pronuntiantis. Plurimumque enim imperiti lectores in verborum accentibus errant, et solent irridere nos imperitiæ hi qui videntur habere notitiam, detrahentes et jurantes penitus nos nescire quod dicimus. Porro vox lectoris simplex erit, clara, ad omne pronuntiationis genus accommodata, plena virili succo, agrestem et subrasticum effugiens sonum, non humilis, nec adeo sublimis, non fracta vel tenera, nihilque femi-

(75) Non reperitur hoc caput in exemplaribus Isidori excusis; sed etymolog.

mem sonans, neque cum motu corporis, sed tantum cum gravitatis specie. Auribus enim et cordi consulere debet lector, non oculis, ne potius ex seipso eos spectatores magis, quam auditores faciat. Vetus opinio est, lectores pronuntiandi causa præcipuam curam vocis habuisse, ut exaudiri in tumultu possent. Unde et dudum lectores præcones vel proclamatores vocabantur.

CAP. 7. — III. De exorcistis. Idem (lib. II, c. 13).

In primo ordine et ministerio ecclesiæ esse exorcistas, secundum officia quæ in templo Salomonis erant disposita, quæque posterius sunt ab Esdra dispertita invenimus (I Esdr. II, III), eosque quos Esdras actores [auctores] memorat templi, eos nunc esse exorcistas in Ecclesia Dei. Fuerunt enim sub Esdra actores templi, servorum Salomonis filii qui actum templi totius sub cura sua haberent, aut sacris oblationibus [actionibus] deservirent. Et cum fuissent ex ordine et ministerio templi, louge fuerunt ab officio altaris Dei; quia nec psalmistis nec ostiariis, nec sacrorum servis, attingere licebat munera altaris, nisi tantummodo levitis. Quid ergo est? Nullam aliam curam habebat actores templi, nisi ad sarta tecta sarcienda [reficienda], ut quæcunque fuissent vexata in ædificatione templi, aut dilapsa, per eosdem actores de thesauris Dominicis reficerentur atque excolerentur. Ergo actores templi exorcistæ sunt in templo [populo] Dei. Quomodo enim actor prudens et bonus scit, quis sit Domini sui census, et omnis substantiæ modus, et redigit apud se totius possessionis instrumenta originalia, sic et exorcista redigit in sua diligentia totius regni Domini secreta, ut memoriæ mandet de Scripturarum sacramentis, unde exerceat, scilicet donum quod illi est a Spiritu sancto concessum, secundum Apostoli præconium. Exorcistas enim memorat Apostolus, cum dicit : *Nunquid omnes donationes habent sanationum (I Cor. XII)*. Ili enim cum ordinantur, sicut ait Canon (conc. Carth. IV), accipiant de manu episcopi libellum, in quo scripti sunt exorcismi, accipientes potestatem imponendi manus super energumenos, sive baptizatos sive catechumenos.

CAP. 8. — IV. De acolythis (75). Idem.

(L. VII, c. 12. Et in conc. Aquisgran.) Acolythi Græce, Latine ceroferarii dicuntur, a deportandis cereis, quando legendum est evangelium, aut sacrificium offerendum. Tunc enim accenduntur luminaria ab eis, et deportantur, non ad effugandas tenebras, dum sol eo tempore rutilet, sed ad signum lætitiæ demonstrandum, ut sub typo luminis corporalis, illa lux ostendatur, de qua in Evangelio legitur : *Erat lux vera, quæ illuminat omnem hominem venientem in hunc mundum (Joan. I)*.

CAP. 9. — V. De subdiaconibus. Idem (lib. II, c. 10).

Subdiaconi qui apud Græcos hypodiaconi vocati 1-

tur, in Esdra inveniuntur appellanturque ibi Nathanael (*I Esd. II, VII, VIII*), id est, in humilitate Domino servientes. Ex eorum ordine fuit ille Nathanael [Nathanei], qui in Evangelio Joannis divina prodictione commonitus (*Joan. I*), Salvatore meruit confiteri, quique etiam ad primum Divinitatis indicium fidelis enituit, protestante Domino ac dicente: *Ecce vere Israelita, in quo dolus non est (ibid.)*. Denique isti oblationes in templo Domini suscipiunt a populis. Isti obediunt officiis levitarum, isti quoque vasa corporis et sanguinis Christi diaconibus ad altaria Domini offerunt. De quibus quidem placuit Patribus, ut qui sacra mysteria contrectant, casti et continentes sint ab uxoribus, et ab omni carnali immunditia liberi, juxta quod illis propheta dicente jubetur: *Mundamini, qui fertis vasa Domini (Isa. LII)*. Hi igitur cum ordinantur, sicut sacerdotes et levitæ, manus impositionem non suscipiunt, sed patenam tantum et calicem de manu episcopi, et ab archidiacono scyphum aquæ cum aqua, manile [aquamanili] et manutergium accipiunt.

CAP. 10. — VI. De diaconis. *Ibidem (lib. II, c. 8)*.

Diaconorum ordo a tribu Levi accepit exordium. Præcepit enim Dominus Moysi ut, post ordinationem Aaron sacerdotis et filiorum ejus, Levi [rursus Levi, etc.] tribus in divini cultus ministerio ordinarentur, et consecrarentur Domino pro omnibus primogenitis, et servirent pro Israel coram Aaron et filiis ejus in tabernaculo Dei, excubantes in templo Dei die ac nocte, ipsique gestarent arcam et tabernaculum, et omnia vasa ejus, et in circuitu tabernaculi castra ipsi constituerent, et in promovendo tabernaculo ipsi deponerent, rursus ipsi componerent. A viginti quinque annis et supra, in tabernaculo illis servire mandatum est (*Num. I et III*). Quam regulam sancti Patres, et in Novo Testamento constituerunt in Evangelio autem primordia eorum, in Actibus apostolorum ita leguntur: *Convocantes autem duodecim apostoli multitudinem discipulorum dixerunt: Non placet nos relinquere verbum Dei, et ministrare mensis. Quid ergo est fratres? Considerate ex vobis viros boni testimonii septem, plenos spiritu sapientiæ [Spiritu sancto et sapientiæ], quos constituamus in hanc rem: nos vero erimus orationi et ministerio sermonis instantes. Et placuit hic sermo coram multitudine, et elegerunt statim Stephanum virum plenum fide et Spiritu sancto, Philippum et Prochorum, Nicanorem et Timonem, Parnenam et Nicolaum advenam Antiochensem. Hos statuerunt ante apostolos: et cum orassent, imposuerunt illis manus, verbumque Dei crescebat, et multiplicabatur numerus credentium (Act. VI)*. Ex hinc jam decreverunt apostoli, vel successores apostolorum, ut per omnes Ecclesias septem diacones, qui sublimiori gradu cæteris, proxime circa arcam Christi quasi columnæ altaris assisterent, et non sine aliquo septenarii numeri mysterio. Hi enim sunt, quos in Apocalypsi legimus, septem an-

geli tuba canentes. Hi sunt septem candelabra aurea; hi voces tonitruorum (*Apoc. VIII*). Ipsi enim clara voce in modum præconis, admonent cunctos, sive in orando, sive in flectendis genibus, sive in psallendo, sive lectiones audiendo. Ipsi etiam ut aures habeamus ad Dominum clamant, ipsi quoque evangelizant. Sine ipsis sacerdos nomen habet, officium non habet. Nam, sicut in sacerdote consecratio, ita in ministro sacramenti dispensatio est. Ille orare, hic prællere mandat. Ille oblata sanctificat, hic sanctificata dispensat. Ipsi etiam sacerdotibus propter præsumptionem non licet de mensa Domini tollere calicem, nisi eis traditus fuerit a diaconibus. Levitæ inferunt oblationes in altaria; Levitæ componunt mensam Domini; Levitæ operiunt arcam testamenti. Non enim omnes vident alta mysteriorum quæ operiuntur a Levitis, ne videant qui videre non debent, et sumant qui servare non possunt. Qui propterea altario albis induti assistunt, ut cœlestem vitam habeant, candidique ad hostias et immaculati accedant; mundi scilicet corpore et incorrupti pudore. Tales enim decet Dominum habere ministros qui nullo carnis corruptantur contagio, sed potius eminentia castitatis splendeant. Quales enim diaconi ordinantur Paulus apostolus plenissime scribit ad Timotheum (*I Tim. III*). Nam, cum præmisisset de sacerdotum electione, continuo subjunxit: Diaconi similiter irreprehensibiles, hoc est sine macula, sicut episcopi; *Pudici* utique, id est, a libidine continentes; *non bilingues*, scilicet ne conturbent habentes pacem; *non multo vino dediti*: quia ubi ebrietas, ibi libido dominatur et furor; *non turpe lucrum sectantes*, ne de cœlesti mysterio lucra terrena sectentur. Est quoque et turpis lucri appetitus, plus de præsentibus quam de futuris cogitare. Post hæc subjecit: *Hi autem probentur primum, et sic ministrent nullum crimen habentes*. Hi utique, sicut episcopi, ante ordinationem probari debent, si digni sint, et sic postea ministrare.

CAP. 11. — VII. De presbyteris. *Ibidem (lib. II, c. 7)*.

Presbyterorum ordo exordium sumpsit (ut dictum est) a filiis Aaron. Qui enim sacerdotes vocabantur in Veteri Testamento, hi sunt qui nunc appellantur presbyteri. Et qui nuncupabantur principes sacerdotum, nunc episcopi nominantur. Presbyteri autem interpretantur *seniores*, quia seniores ætate Græci presbyteros vocant. His enim, sicut episcopis, dispensatio mysteriorum Dei commissa est. Præsunt enim Ecclesiæ Christi, et in confectione divini corporis et sanguinis consortes cum episcopis sunt. Similiter et in doctrina populorum, et in officio prædicandi. Ad solam auctoritatem summi sacerdotii clericorum ordinatio et consecratio reservata est, ne a multis disciplina Ecclesiæ vindicata concordiam solveret, et scandala generaret. Nam Paulus apostolus eosdem presbyteros, ut vere sacerdotes sub nomine episcoporum ita asseverat, loquens ad Titum: *Hujus, inquit, rei gratia reliqui te Crete, ut ea quæ desunt corrigas, et constituas per civitates presbye-*

ros, quemadmodum ego tibi disposui. Si quis sine crimine est, unius uxoris vir, filios habens fideles, non in accusatione luxuriæ, aut non subditos. Oportet enim episcopum sine crimine esse (Tit. 1). Quæ sententia ostendit etiam presbyteros sub episcoporum nomine taxari. Unde ad Timotheum de ordinatione episcopi et diaconi scribens (I Tim. III), de presbyteris omnino tacuit, quia eos in episcoporum nomine comprehendit. Secundus enim primo [al. et pene] conjunctus gradus est, sicut et ad Philipenses, episcopis et diaconibus, scribit (Philip. 1), cum una civitas plures episcopos habere non possit. Et in Actibus apostolorum presbyteros Ecclesiæ; iturus Hierosolymam congregavit, quibus inter cætera, ait: Videte gregem, in quo vos Spiritus sanctus episcopos ordinavit (Act. XX). Unde etiam tales in Ecclesia presbyteros constituendos esse sicut episcopos et Apostolus ad Titum loquitur (Tit. 1), et canones ipsi testantur; presbyteros autem merito et sapientia dici, non ætate (Anacletus, Ep. 2, c. 2). Nam et Moysi præcipitur, ut eligat presbyteros (Num. XI). Unde in Proverbiis dicitur: Gloria senum canities (Prov. XX). Quæ est hæc canities? Haud dubium quin sapientia, de qua scriptum est: Canities hominum prudentia est (Sap. IV). Cumque nongentos et amplius annos ab Adam usque ad Abraham vixisse homines legerimus (Gen. V), nullus alius primus appellatus est presbyter, id est senior, nisi Abraham (Gen. XLIII), qui multo paucioribus annis vixisse convincitur. Non ergo propter decrepitam senectutem, sed propter sapientiam presbyteri nominantur. Quod si ita est, mirum [miror] cur insipientes constituuntur.

CAP. 12. — *Qualiter debeant ordinari presbyteri. Ex concilio Carthaginensi IV, cap. 3, cui interfuit Augustinus.*

(Dist. 23, cap. Presbyter.) Presbyter, cum ordinatur, episcopo eum benedicente et manu super caput ejus tenente, etiam omnes presbyteri qui præsentibus sunt, manus suas juxta manum episcopi super caput illius teneant.

CAP. 13. — *Qualiter ordinandi sint diaconi. Ibidem, cap. 4.*

(Dist. 23, cap. Diaconus.) Diaconus, cum ordinatur, solus episcopus qui eum benedicit, manu super caput illius ponat, quia non ad sacerdotium, sed ad ministerium consecratur.

CAP. 14. — *De ordinatione subdiaconorum. Ibidem, cap. 5.*

(Dist. 23, cap. Subdiaconus.) Subdiaconus, cum ordinatur (quia manus impositionem non accipit) patenam de manu episcopi accipiat vacuum et calicem vacuum. De manu vero archidiaconi accipiat urceolum cum aqua, manile et manutergium.

CAP. 15. — *De ordinatione acolythorum, cap. 6.*

(Dist. 23, c. Acolythus.) Acolythus, cum ordinatur, ab episcopo quidem doceatur qualiter in officio suo agere debeat; sed ab archidiacono accipiat cerofarium cum cerco, ut sciat se ad accendendam eccle-

sia luminaria mancipari. Accipiat et urceolum vacuum ad suggerendum vinum in eucharistiam sanguinis Christi.

CAP. 16. — *De ordinatione exorcistarum, cap. 7.*

(Dist. 23, c. Exorcista.) Exorcista, cum ordinatur, accipiat de manu episcopi libellum in quo scripti sunt exorcismi, dicente sibi episcopo: Accipe et commenda memoriæ, et habeto potestatem imponendi manus super energumenum, sive baptizatum, sive catechumenum.

CAP. 17. — *De ordinatione lectorum, cap. 8.*

(Dist. 23, c. Lector.) Lector, cum ordinatur, faciat de illo verbum episcopus ad plebem, indicans ejus fidem, ac vitam atque ingenium. Post hæc spectante plebe tradat ei codicem, de quo lecturus est, dicens: Accipe et esto relator verbi Dei, habiturus, si fideliter et utiliter impleveris officium, partem cum eis qui verbum Dei ministraverint.

CAP. 18. — *De ordinatione ostiariorum, cap. 9.*

(Dist. 23, c. Ostiarius.) Ostiarius, cum ordinatur, postquam ab archidiacono instructus fuerit qualiter in domo Dei debeat conversari, ad suggestionem archidiaconi tradit ei episcopus claves ecclesiæ de altario, dicens ei: Sic age, quasi redditurus Deo rationem pro his rebus, quæ istis clavibus recluduntur.

CAP. 19. — *Qualiter psalmista ordinetur, cap. 10.*

(Dist. 23, c. Psalmista.) Psalmista, id est cantor, potest absque scientia episcopi, sola jussione presbyteri officium suscipere cantandi, dicente sibi presbytero: Vide ut quod ore cantas, corde credas; et quod corde credis, operibus probes.

CAP. 20. — *Qualiter ecclesiastica officia ordinentur, et in omnibus gradibus quid ad quemque pertineat. Epistola Isidori Hispalensis episcopi ad Ludelredum Cordubensem episcopum directa.*

(Dist. 23, c. Perlectis.) Perlectis sanctitatis tuæ litteris gavisus sum quod optatam salutem tuam earum relatu cognovi. De his autem quæ in consequentibus insinuare eloqui tui sermo studuit, gratias ago Deo quod sollicitudinem officii pastoralis impendis, qualiterque ecclesiastica officia ordinentur perquiris. Et licet omnia prudentiæ tuæ sint cognita, tamen, quia affectu fraterno me consulis, ex parte qua valeo expediam, et de omnibus Ecclesiæ gradibus quid ad quemque pertineat eloquar. Ad ostiarium namque pertinent claves ecclesiæ, ut claudat et aperiat templum Dei, et omnia quæ sunt intus extraque custodiat, fideles recipiat, excommunicatos et infideles excipiat. Ad exorcistam pertinet exorcismos memoriter retinere, manusque super energumenos et catechumenos in exorcizando imponere. Ad acolythum pertinet præparatio luminarium in sacrario. Ipse cererum portat, ipse suggesta [al. vasa sug.] pro eucharistia, calicis [calices subdiaconis] præparat. Ad psalmistam pertinet officium canendi, dicere benedictiones, laudes, sacrificium [al. laudis sacrif.], responsoria, et quidquid pertinet ad cantandi peritiam. Ad lectorem pertinet lectiones pronuntiare, et ea quæ propheta vaticina-

verunt populis predicare. Ad subdiaconum pertinet calicem et patenam ad altare Christi deferre, et levitis tradere eisque ministrare; urceolum quoque cum aqua, manile et manutergium tenere, episcopoque presbytero, et levitis pro lavandis ante altare manibus aquam præbere. Ad diaconum pertinet assistere sacerdotibus, et ministrare in omnibus quæ aguntur in sacramentis Christi, in baptismo scilicet, in chrismate, in patena et calice; oblationes quoque inferre et disponere in altari, componere etiam mensam Domini atque vestire, crucem ferre, et predicare evangelium, et apostolum [forte epistolam]. Nam sicut lectoribus Vetus Testamentum, ita diaconibus Novum predicare præceptum est. Ad ipsum quoque pertinet officium precum et recitatio nominum. Ipse præmonet aures habere ad Dominum, ipse hortatur orare, ipse clamat, et pacem ipse annuntiat. Ad presbyterum pertinet sacramentum corporis et sanguinis Domini in altario Dei conficere, orationes dicere, et benedicere dona Dei. Ad episcopum pertinet basilicarum consecratio, unctio altaris et confectio chrismatum. Ipse prædicta officia et ordines ecclesiasticos distribuit, ipse sacras virgines benedicit. Et dum præcessit unusquisque in singulis, ipse tamen præordinator est in cunctis. Hi sunt ordines et ministeria clericorum, quæ tamen auctoritate pontificali in archidiaconi cura, et primicerii ac thesaurarii sollicitudine dividuntur. Archidiaconus enim imperat subdiaconis et levitis, ad quem pertinent ista ministeria, ordinatio vestiendi altaris a levitis, cura incensi, et sacrificii necessaria sollicitudo, quis Levitarum apostolum [Gratianus, epistolam] et evangelium legat, quis preces dicat seu responsorium in Dominicis diebus aut solemnitate decantet. Sollicitudo quoque parochiarum et ordinatio et jurgia ad ejus pertinent curam; pro reparandis diœcesanis basilicis, ipse suggerit sacerdoti. Ipse inquirat parochias cum jurisdictione episcopi, et ornamenta, vel res basilicarum vel parochiarum: gesta libertatum ecclesiasticarum episcopo idem refert. Collectam pecuniam de communione ipse accipit, et episcopo defert, et clericis partes proprias idem distribuit. Ab archidiacono nuntiantur episcopo excessus diaconorum. Ipse denuntiat sacerdoti in sacratio jejuniorum dies atque solemnitate, et ab ipso publice in ecclesia prædicantur [prædicatur]. Quando vero archidiaconus absens est, vicem ejus diaconus sequens adimplet. Archipresbyter se esse sub archidiacono, ejusque præceptis sicut episcopi sui obedire sciat, et quod specialiter ad ejus ministerium pertinet, super omnes presbyteros in ordine positos curam gerere, et assidue in Ecclesia stare, et quando episcopi sui absentia contigerit, ipse vice ejus missarum solemnia celebret, et collectas dicat, vel cui ipse injunxerit. Ad primicerium pertinent acolythi, exorcistæ, psalmistæ atque lectores, signum quoque dandum pro officio clericorum, pro vitæ honestate, et officium cantandi [officii meditandi], et peragendi sollicite le-

ctiones, benedictiones, psalmum, laudes, offertorium, et responsoria, quis clericorum dicere debeat; ordo quoque et modus psallendi in choro pro solemnitate et tempore, ordinatio quoque pro luminaribus deportandis. Si quid etiam necessarium est, pro reparatione basilicarum, quæ sunt in urbe, ipse denuntiet sacerdoti. Epistolas episcopi pro diebus jejuniorum parochianis per ostiarios ipse dirigat. Clericos quos delinquere cognoscit ipse distringat: quos vero emendare non valet, eorum excessus ad agnitionem episcopi deferat. Basilicarios ipse constituat, et matriculas ipse disponat. Quando autem primicerius absens est, ea quæ prædicta sunt ipse exquirat, qui ei aut lege est proximus, aut eruditione his explendis certus. Ad thesaurarium pertinet ostiarii basilicarum ordinatio, incensi præparatio, cura chrismatum conficiendi, cura baptisterii ordinandi, præparatio luminariorum in sacrificio et sacrificii [al. sacratio et sacrificiis].

CAP. 21.—*Qualiter ordinandi ab episcopo examinandi sint. Ex concilio Nannetensi, cap. 3 [cap. 6].*

(Dist. 24, c. Quando episcopus.) Episcopus quando ordinationes facere disponit, omnes qui ad sacrum ministerium accedere volunt, feria quarta ante ipsam ordinationem evocandi sunt, ad civitatem unam cum presbyteris [al. archipresb.] qui eos representare debent. Et tunc episcopus a latere suo eligere debet sacerdotes, et alios prudentes viros gnaros legis divinæ, et exercitatos in ecclesiasticis sanctionibus, qui ordinandorum vitam, genus, patriam, ætatem, institutionem, locum ubi educati sunt, si sint bene litterati, si in lege Domini instructi, diligenter investigent. Ante omnia si fidem catholicam firmiter teneant, et verbis simplicibus asserere queant. Ipsi autem, quibus hoc committitur, cavere debent, ne aut favoris gratia, aut cujuscunque muneris cupiditate illecti a vero deviant, ut in dignum et minus idoneum, ad sacros gradus suscipiendos episcopi manus applicent. Quod si fecerint, et ille qui indigne accesserit ab altari removelitur, et illi qui donum sancti Spiritus vendere conati sunt, coram Deo jam condemnati, ecclesiastica dignitate carebunt. Igitur per tres continuos dies examinentur, et sic Sabbato qui probati inventi sunt, episcopo represententur.

D CAP. 22.—*Quæ presbyteri necessario discere et scire debeant. Ex dictis Augustini.*

Quæ ipsis sacerdotibus necessaria sunt ad discendum, id est liber sacramentorum, lectionarius, baptisterium, computus, canon pœnitentialis, psalterium, homiliæ per circulum anni Dominicis diebus, et singulis festivitibus aptæ. Ex quibus omnibus si unum defuerit sacerdotis nomen in eo vix constabit, quia valde periculosa sunt minæ evangelicæ quibus dicitur: *Si cæcus cæco ducatum præstet, ambo in foveam cadunt (Matth. xv).*

CAP. 23.—*De ordinationibus presbyterorum ac diaconorum. Ex epistola 2 Zepherini papæ, fratribus per Ægyptum missa, cap. 10 [23].*

(Dist., 75, c. Ordinationes.) Ordinationes vero

presbyterorum, diaconorum [et levitarum], tempore congruo et multis coram positis [astantibus] solemniter agite, et probabiles ac doctos viros ad hoc constituite [ad hoc opus provehite], ut de illorum societate et adjumento plurimum gaudeatis.

CAP. 24. — *Quod ordinationes fieri non debeant, nisi in loco certo et religioso. Ex concilio Meldensi, cap. 6 [52].*

Si qui ordinari petunt, nullatenus ordinentur, nisi in loco certo et religioso, vel etiam in civitate, saltem uno anno immorentur, ut de vita et conversatione atque doctrina illorum, certitudo possit agnosci.

CAP. 25. — *Quod Abraham primus appellatus sit presbyter, et cur presbyter nominetur. Ex epistola Anacleti papae omnibus episcopis in Italia constituta, cap. 22, epist. 2, c. 2.*

(Dist. 84, c. Porro et Moysi.) Porro et Moysi praecipitur ut eligat presbyteros, id est seniores (Num. xii). Unde et in Proverbiis dicitur: Gloria senum canities (Prov. xx). Haec vero canities sapientiam designat, de qua scriptum est: Canities hominum prudentia est (Sap. iv). Cumque nongentos et amplius annos ab Adam usque ad Abraham vixisse homines legimus (Gen. v), nullus alius primus appellatus est presbyter, id est senior, nisi Abraham (Gen. xliii), qui multo paucioribus vixisse annis convincitur. Non ergo propter decrepitam senectutem, sed propter sapientiam presbyteri nominantur. Initium enim sacerdotii Aaron fuit (Exod. xxix), licet Melchisedech prior obtulit sacrificium Deo (Gen. xiv), et posthac [post hunc] Abraham, Isaac, et Jacob. Sed hi spontanea voluntate, non sacerdotali auctoritate ista fecerunt.

CAP. 26. — *Quod nulli ordinandi sint, nisi alicubi attituti sint. Ex concilio Chalcedonensi, cap. 6 (actione xv).*

(Dist. 70, c. Neminem.) Nullum absolute ordinari debere presbyterum, aut diaconum, nec quemlibet in gradu ecclesiastico, nisi specialiter Ecclesiae, civitatis, aut possessionis, aut martyrii, aut monasterii cui ordinandus est, pronuntietur. Qui vero absolute ordinentur, decrevit synodus irritam haberi hujusmodi manus impositionem, et nusquam posse ministrare ad ordinantis injuriam.

CAP. 27. — *Quod non oporteat ordinationes celebrari sub aspectu audientium. Ex concilio Laodicensi, c. 4.*

Quod non oporteat ordinationes sub audientium aspectu celebrari (76).

CAP. 28. — *Quod electione turbarum sacerdos promovendus non est. Ex eodem, c. 15.*

(Dist. 63, c. Non est permittendum.) Quod non sit permittendum turbis, electiones eorum facere, qui sunt ad sacerdotium provehendi.

CAP. 29. — *Quod episcopum vel presbyterum ante 30, et diaconos ante 25 annos ordinari non licet. Ex eodem c. 14 (conc. Agat., c. 17).*

(Dist. 77, c. Episcopus.) Episcopum vel presbyterum (76) De catechumenis sentit, quos audientes vocat,

rum, ante triginta annos, id est antequam ad viri perfectionem [perfecti aetatem] perveniat, et diaconos ante 25 nullus metropolitanorum ordinare praesumat, ne per aetatem (quod aliquoties evenit) aliquo errore detineantur [culpentur].

CAP. 30. — *De eadem re. Ex decretis Fabiani papae Orientalibus missis.*

(Dist. 78, c. Si quis.) Si quis triginta aetatis suae non impleverit annos, nullo modo presbyter ordinetur, etiamsi valde sit dignus; quia et ipse Dominus triginta annorum baptizatus est, et sic coepit docere (Luc. iii). Non oportet ergo eum qui ordinandus est, usque ad hanc aetatem legitimam consecrari.

CAP. 31. — *Quod ante viginti quinque annos diaconi non sint ordinandi. Ex Carthaginensi concilio, c. 20 (Carth. iii, c. 4).*

(Dist. 77, c. Placuit.) Placuit ut ante 25 annos aetatis nec diaconi ordinentur, nec virgines consecrentur, et ut lector populum non salutet.

CAP. 32. — *De eadem re. Ex concilio Toletano iv, c. 20.*

(Dist. 77, c. In veteri lege, num. 8.) In veteri lege ab anno 25 levitae in tabernaculo servire praecipuntur; cujus auctoritatem in canonibus sancti Patres secuti sunt. Nos et divinae legis, et conciliorum praeccepti immemores, infantes et pueros levitas facimus, ante legitimam aetatem, et ante experientiam vitae. Ideoque ne ulterius fiat a nobis, et divinae legis, et canonum admonemur sententis, sed 25 annorum diaconi ordinentur, ita ut secundum apostolicum praecceptum probentur primum, et sic ministrent nullum crimen habentes (I Tim. iii).

CAP. 33. — *De presbyteris sine examine provectis. Ex concilio Nicarno, c. 9.*

(Dist. 84, c. Si qui sine.) Si qui presbyteri sine examine sunt provecti, id est, cum discuterentur peccata sua confessi sunt, et homines contra canones commoti, manus confessis imponere tentaverunt, tales regula non admittit, quia quod irreprehensibile est, catholica defendit Ecclesia.

CAP. 34. — *De clericis qui medicorum incisione claudii efficiuntur. Ex concilio Hilerdensi, c. 20 (habetur in fragmentis hujus concilii).*

(Dist. 55, c. Si quis.) Si quis in infirmitate positus clericus, in medicorum incisione claudus efficitur, promoveri eum ad sacros ordines non denegamus.

CAP. 35. — *De illis qui invident fratrum profectionibus. Ex conc. Africano, c. 54 (conc. Carth., iv, c. 54).*

(Dist. 46, c. Clericus invidens.) Clericus invidens, fratrum profectionibus, donec in vitio est, non promoveatur.

CAP. 36. — *Ut seditioarii non ordinentur. Ex eodem, c. 67.*

(Dist. 46, c. Seditioarios.) Seditioarios nunquam ordinandos clericos decernimus, sicut nec usurarios, nec injuriarum suarum ultores.

CAP. 37. — *Quod illitteratus, et aliquo membro imminutus provehi non debeat. Ex epistola Gelasii papæ, c. 16 (epist. 9 universis episcopis per Lucaniam, cap. 18).*

Illitteratos quoque, aut in aliqua parte corporis imminutos nullus præsumat ad clerum provehere; quia nec litteris carens sacris esse potest aptus officii, et vitiosum nihil Deo prorsus offerri legalia præcepta sanxerunt (*Levit. XXI*). Similliter qui se ipsos abscondunt.

CAP. 38. — *De bonis illorum qui a propriis dominis libertate donantur. Ex concilio Toletano, c. 2.*

De rebus vero illorum vel peculiari, qui a dominis propriis libertate donantur, ut ad gradus ecclesiasticos promoveri debeant, statutum est, ut in potestate dominorum consistat, quidquid ante libertatem habuerunt, utrum illis concedere voluerint, ad sibi retinere.

CAP. 39. — *De filiis concubinarum. Ex concilio Aurelianensi, cap. 10 (Aurel. III, c. 9).*

De his qui ex concubinis filios habent, et uxores legitimas post habuerint, et defunctis uxoribus sibi concubinas publice sociant: id observandum censuimus, ut sicut eos qui jam clerici per ignorantiam ordinati sunt, non removemus, jam statuimus ne ulterius ordinentur.

CAP. 40. — *Ut dæmonibus similibusque passionibus irretiti sacra non tractent. Ex epistola Gelasii papæ, c. 21 (epist. universis episc. per Lucaniam, cap. 21).*

(*Dist. 33, c. Usque adeo.*) Usque adeo sane comperimus illicita quæque prorumpere, ut dæmonibus [dæmonialis] similibusque passionibus irretitis, mysteria sacrosancta tractanda tribuantur. *Et post pauca.* Si corpore sauciatum aut debilem nequaquam sancta contingere lex divina permisit (*Levit. XXI*), quanto magis doni cælestis dispensatores esse non convenit (quod est deterius) mente percussos.

CAP. 41. — *Ut nulli de servili conditione nisi prius liberi facti ordinentur. Ex concilio Triburiensi, cap. 5.*

(*Cap. 29, dist. 54, c. Nulli.*) Ut nulli de servili conditione ad sacros ordines promoveantur, nisi prius a dominis propriis legitimam libertatem consequantur. Cujus libertatis charta ante ordinationem in ambone publice legatur, et si nullus contradiderit, rite consecrabuntur. Porro servus non canonicè consecratus postquam de gradu deciderit, ejus conditionis sit, cujus fuerat ante gradum.

CAP. 42. — *Ut qui ab episcopis suis promoveri contempserint, nec cum illis remaneant ubi volunt. Ex concilio Carthaginensi.*

(*Cap. 31, dist. 74, c. Si qui.*) Si qui clerici ab episcopis suis promoveri contempserint, nec illic maneat, unde recedere noluerunt. *Ex eodem concilio, cap. 31. (Dist. 74, c. Placuit.)* Placuit ut quicumque clerici vel diaconi pro necessitatibus ecclesiasticarum rerum non obtemperaverint episcopis suis, volentibus eos ad honorem ampliorem in ecclesia sua promovere, nec illic ministrent in gradu suo, unde recedere noluerunt.

CAP. 43. — *De eadem re. Ex registro Gelasii papæ.*

Qui proficere noluerunt, suis reddantur inferioribus posteriores, ipsaque commoda presbyteri propensius quam diaconi consequantur, ut hac saltem ratione constricti et honorem quem fugiunt, appetere nitantur et quæstum.

CAP. 44. — *Quod presbyteri septuaginta discipulorum typum gerant. Anacletus papa in secundo decretali suo (ep. 2, c. 2).*

Electi ab apostolis sunt septuaginta duo discipuli (*Luc. x*), quorum typum gerunt presbyteri, atque in eorum loco sunt constituti in Ecclesia, de quorum ordinatione, et reliquorum ministrorum supra dixisse sufficit.

CAP. 45. — *Quod quanto digniores sunt sacerdotes, tanto facilius exaudiantur. Alexander in secundo decretali suo.*

(*1, q. 1, c. Ipsi sacerdotes.*) Ipsi sacerdotes pro populo interpellant et peccata populi comedunt, quia suis precibus ea delent atque consumunt. Qui quanto digniores fuerint, tanto facilius in necessitatibus pro quibus clamant exaudiantur.

CAP. 46. — *Ne clericus comam nutriat. Anicetus papa (Anicetus IV ep. Galliæ).*

(*Dist. 23, c. Prohibete.*) Prohibete, fratres, per universarum regionum vestrarum Ecclesias, ut clerici, juxta Apostolum (*I Cor. XI*), comam non nutriant, sed desuper caput in molum spheræ radant.

CAP. 47. — *Quales et qualiter ordinandi sint sacerdotes. Zephyrinus papa in primo decretali suo (vide supra, c. 25).*

Ordinationes vero presbyterorum et levitarum tempore congruè et multis coram astantibus solemniter agite, et probabiles ac doctos viros ad hoc opus provehite, ut de eorum societate et adjumento plurimum gaudeatis. Ponite indiesinenter corda vestra in virtute Dei, et enarrate hæc, et cætera divina verba in progenies alteras, *quoniam hic est Deus Deus noster in æternum, et ipse reget nos in sæcula (Psal. XLVII).*

CAP. 48. — *De lapsis et eorum reparatione. Calixtus papa Benedicto episcopo (exist. 2 ad omnes Galliarum episc., c. 5).*

Si quis lapsus quoquomodo fuerit, portemus eum, et fraterno corripiamus affectu, sicut ait beatus Apostolus: *Si præoccupatus fuerit homo in aliquo delicto, vos, qui spirituales estis, instruite hujusmodi in spiritu levitatis, considerans teipsum ne et tu tenteris. Alter alterius onera portate, et sic adimplebitis legem Christi (Galat. VI).* Porro sanctus David de criminibus mortiferis egit poenitentiam, et tamen in honore permansit. Beatus quoque Petrus amarissimas lacrymas fudit, quando Dominum negasse poenituit, sed tamen apostolus permansit. Et Dominus per prophetam peccantibus pollicetur dicens: *Peccator in quacunque die conversus ingemuerit, omnium iniquitatum illius non recordabor (Ezech. XVIII).* Errant enim qui putant sacerdotes post lapsum si condignam egerint poenitentiam Domino ministrare non posse, et suis honoribus

frui, si bonam deinceps vitam duxerint, et suam A sacerdotum condigne custodierint. Et ipsi qui hoc putant, non solum errant, sed etiam traditas Ecclesiae claves despiciere videntur, de quibus dictum est: *Quaecumque solveritis in terra erunt soluta et in caelo* (Matth. xviii). Alioquin haec sententia aut Domini non est, aut vera est. Nos vero indubitanter tam Domini sacerdotes, quam reliquos fideles post dignam satisfactionem posse redire ad honores credimus, testante Dominus per prophetam: *Nunquid qui cadit non adjiciat et resurgat, et qui aversus est non revertetur* (Jer. viii). Et alibi: *Nolo, inquit Dominus, mortem peccatoris, sed ut convertatur et vivat* (Ezech. xxxiii). Et propheta David poenitentiam agens dicit: *Redde mihi laetitiam salutaris tui, et spiritus principali confirma me* (Psal. l). Ipse namque post poenitentiam et alios docuit, et sacrificium Deo obtulit, dans exemplum doctoribus sanctae Ecclesiae si lapsi fuerint, et condignam poenitentiam Deo gesserint utrumque facere posse. Docuit enim quando dixit: *Docebo iniquos vias tuas, et impii ad te convertentur* (ibid.). Et sacrificium Deo pro se obtulit, dum dicebat: *Sacrificium Deo spiritus contribulatus* (ibid.).

CAP. 49. — Non prohibendam esse misericordiam. Idem (eadem epist. sub finem).

Sententiam, fratres, quae misericordiam vetat, non solum tenere, sed et audire refugite; quia potior est misericordia omnibus holocaustibus et sacrificiis (Ose. vi).

CAP. 50. — De clericis incontinentibus. Siricius papa Himerio Tarrac. episc. (epist. 1, c. 7.)

(Dist. 82, c. Plurimos sacerdotes.) Plurimos sacerdotes Christi atque levitas post longa consecrationis suae tempora, tam de conjugibus propriis, quam etiam de turpi coitu soboleam didicimus procreasse, et crimen suum hac praesumptione [praescriptione] defendere: quia in veteri lege sacerdotibus ac ministris generandi facultas legitur attributa (Levit. xx). Dicit mihi nunc quisquis ille est sectator libidinum, praceptorque vitiorum, si aestimat quod in lege Moysi passim sacris ordinibus a Deo nostro laxata sunt frena luxuriae, cur eos quibus commitebantur Sancta sanctorum praemonet dicens: *Sancti estote, quia ego sanctus sum, Dominus Deus vester* (Levit. xx). Cur etiam procul a domibus suis, anno vicis suae in templo habitare jussi sunt sacerdotes? (I Par. xxiv; Luc. 1.) Hae videlicet ratione, ne vel cum uxoribus possent carnale exercere commercium, ut conscientiae integritate fulgentes acceptabile Deo munus offerrent. Quibus expleto desertionis suae tempore, uxoris (al. uxorius) usus solius successionis causa fuerat relaxatus, quia non ex alia, nisi ex tribu Levi quisquam ad Dei ministerium praecipuus est admitti. Item. Paulo post: Quia aliquanti de quibus loquimur (ut tua sanctitas retulit) ignorantia lapsos se esse deflent, his hac conditione, misericordiam dicimus non negandam, ut sine ullo honoris augmento, in hoc quo detecti

[dejecti] sunt quandiu vixerint officio perseverent, si tamen post haec continententes se studuerint exhibere. Hi vero qui illiciti privilegii excusatione nituntur, et sibi asserunt veteri hoc lege concessum, noverint se ab omni ecclesiastico honore, quo indigne usi sunt, apostolicae sedis auctoritate dejectos, nec unquam posse veneranda atrectare mysteria, quibus se ipsi dum obscenis cupiditatibus inhiant, privaverunt. Et quia exempla praesentia cavere nos praemonent in futurum, si quilibet episcopos presbyter atque diaconus (quod non optamus) deinceps fuerit talis inventus, jam nunc sibi omnem per nos indulgentiae aditum intelligat obseratum; quia ferro necesse est abscondantur vulnera, quae fomentorum non senserint medicinam.

B CAP. 51. — Ut clericus qui secundam uxorem duxerit deponatur, cap. 11.

(Dist. 84, c. Quisquis clericus.) Quisquis sane clericus aut viduam aut certe secundam conjugem duxerit, omni ecclesiasticae dignitatis privilegio mox nudetur, laica tantum sibi communione concessa. Quam ita demum poterit possidere, si nihil postea propter quod hanc perdat, admittat.

CAP. 52. — Quae feminae cum clericis habitare possint, cap. 12.

(Dist. 81, c. Feminas.) Feminas vero alias non esse patimur in domibus clericorum, nisi eas tantum quas propter solas necessitudinum causas habitare cum eisdem synodus Nicæna permisit.

CAP. 53. — De monachorum promotione, cap. 13.

(16, q. 1, c. Monachos quoque.) Monachos quoque, quos tamen morum gravitas, et vitae ac fidei institutio sancta commendat, clericorum officiis aggregari et optamus et volumus.

CAP. 54. — Ne poenitens fiat clericus, cap. 14.

(Dist. 50, c. Illud quoque.) Illud quoque nos par fuit providere, ut sicut poenitentiam agere cuiquam non conceditur clericorum, ita et post poenitentiam ac reconciliationem, nulli unquam laico liceat honorem clericatus adipisci.

CAP. 55. — Ut si laicus viduam duxerit, clericus non fiat. Innocentius papa I Victorino [Victricio] episcopo (ep. 2, c. 5).

(Dist. 34, c. Si viduam licet.) Ut is qui viduam licet laicus uxorem duxerit, seu ante baptismum, sive post baptismum, non admittatur ad clerum, quia eodem vitio videtur exclusus. In baptismo enim crimina dimittuntur, non acceptae uxoris consortium relaxatur.

CAP. 56. — De eadem re, cap. 6.

Nec is qui secundam duxerit uxorem clericus fiat, quia scriptum est: *Unius uxoris virum* (I Tim. iii); et iterum: *Sacerdotes mei semel nubant*

CAP. 57. — De incontinentia sacerdotum vel levitarum. Ex epistola ejusdem ad Exuperium Tolosanum episcopum (ep. 3, c. 1).

(Dist. 82, c. Proposuisti.) Proposuisti quid de his observari debeat, quos in diaconii ministerio, aut in officio presbyterii positos, incontinentes esse et

fuisse generati filii prodiderunt. De his et divinarum A legum est disciplina, et beatæ recordationis viri, Siricii episcopi monita evidentia commearunt, ut incontinentes in officiis talibus positi, omni honore ecclesiastico privarentur, nec admitterentur ad tale ministerium, quod sola continentia oportet impleri.

CAP. 58. — *Quod si volens partem sibi corporis absciderit clericus esse non possit, nolens autem possit. Ex epist. ejusdem ad Felicem episc. Nucerinum (ep. 4, c. 1).*

Innocentius Felici episcopo Nucerino salutem. (Dist. 55, c. Qui partem.) Qui igitur partem cujuslibet digiti sibi ipsi volens abscidit, hunc ad clerum canones non admittunt. Cui vero casu aliquo contigit, dum aut operi rustico curam impendit, B aliquid faciens se non sponte percussit, hos canones præcipiunt et clericos fieri, et si in clero fuerint reperti, non abjici. In illis enim voluntas est iudicata, quæ sibi ausa fuit ferrum injicere, quod scilicet, et alii id facere dubitari non possit. In istis vero casus veniam meruit.

CAP. 59. — *Quod non admittantur ad clerum ab hæreticis ordinati. Item cujus supra (epist. 22, c. 3).*

Innocentius Rufo, et Eusebio; et cæteris episcopis Macedonibus. (1, q. 4, c. Ventum est.) Ventum est ad tertiam quæstionem, quæ pro sui difficultate longiorem exigit disputationem: cum nos dicamus ab hæreticis ordinatos vulneratum per illam manus impositionem habere caput. Ubi vulnus infixum est, medicina est adhibenda, qua possit recipere sanitatem. Quæ sanitas post vulnus consecuta est, sine cicatrice esse non poterit, atque ubi pœnitentiæ remedium necessarium est, illic ordinationis honorem locum habere nos posse decernimus. Nam si, ut legitur, quod tetigerit immundus, immundum erit (Levit. xv), quomodo ei tribuetur quod munditia ac puritas consuevit accipere? Sed econtra asseritur eum qui honorem amisit, honorem dare non posse, nec illum aliquid accepisse; quia nihil in dante erat, quod ille posset accipere. Acquiescimus, et verum est certe, quia quod non habuit dare non potuit. Damnationem utique, quam habuit per pravam manus impositionem, dedit. Et qui particeps factus est damnato, quomodo debeat honorem accipere, invenire non possum. At dicitur vera ac justa legitimi sacerdotis benedictio auferre omne vitium quod a vitioso fuerat injectum (Levit. iv).

CAP. 60. — *Quod in ordinationibus crimina non auferuntur, cap. 4.*

Ibidem continuo. Ergo si ita est, applicentur ad ordinationem sacrilegi, adulteri, atque omnium criminum rei, quia per benedictionem ordinationis crimina vel vitia putantur auferri: nullus sit pœnitentiæ locus, quia id potest præstare ordinatio, quod longa satisfactio præstare consuevit. Sed nostræ lex est Ecclesiæ venientibus ab hæreticis, qui tamen illic baptizati sunt, per manus impositionem laicam tantum tribuere communionem, nec

PATROL. CLXI.

ex his aliquem in clericatus honorem vel exiguum subrogare.

CAP. 61. — *Quod in ecclesia peccatum populi inultum solet præteriri, capitulo sexto.*

Pervideat ergo dilectio vestra hactenus talia transisse, et advertite quod utique, ut dicitis, necessitas imperavit, in pace jam ecclesias constitutas non posse præsumere. (1, q. 7, c. Quoties a populis.) Sed, ut sæpe accidit, quoties a populis aut a turba peccatur, quia in omnes propter multitudinem non potest vindicari, inultum solet transire. Priora ergo dico dimittenda Dei iudicio, et de reliquo maxima sollicitudine præcavendum.

CAP. 62. — *Ut quicumque contra formas canonum ordinati fuerint, cum ordinatoribus suis deponantur, cap. 3 (ep. 23, c. 3).*

Innocentius universis episcopis in Tolosana synodo constitutis. Si quis adversus formas canonum ad ecclesiasticum ordinem, vel ad ipsum sacerdotium venire tentaverit, una cum ordinatoribus suis, ipso in quo inventi fuerint ordine et honore priventur. Et quamvis dilectioni vestræ, fratres charissimi, regulæ Nicænæ sint cognitæ, secundum quas ordines faciendos esse per sententiam decernimus, tamen aliquam partem quæ de ordinationibus est provisâ, inserendam putavi: ut secundum eam ordinationes in posterum celebrandas esse sciamus, ne cui interpretandi aliter liberum arbitrium relinquatur. Ac primum quæ sunt prohibita digerantur.

CAP. 63. — *De Nicæno concilio in quo prædicta prohibentur. Idem (ibid., c. 4).*

Prohibendum est de curialibus aliquem ad ecclesiasticum ordinem venire posse; qui post baptismum vel coronati fuerunt, vel sacerdotium quod dicitur sustinuerint, et editiones publicas celebraverint. Nam et hoc de curialibus est cavendum, ne idem qui ex curialibus fuerint, aliquando a suis curiis (quod frequenter videmus accidere) reposcantur, quæ omnia rationabiliter prohibita, oportet modis omnibus custodiri.

CAP. 64. — *Ut nullus episcoporum servum alterius ad clericatus officium promovere præsumat. Leo papa omnibus episcopis per Campaniam et Picenum (Leo 1, epist. 1, cap. 1).*

(Dist. 54, c. Admittuntur passim.) Admittuntur passim ad ordinem sacrum, quibus nulla natalium, nulla morum dignitas suffragatur, et qui a dominis suis libertatem consequi minime potuerunt, ad fastigium sacerdotii (tanquam servilis vilitas hunc honorem jure capiat) provehuntur, et probari posse Deo creditur, qui Domino suo necdum probare se potuit. Duplex itaque in hac parte reatus est, quod est sacrum ministerium talis consortii vilitate polluitur, et dominorum quantum ad illicitæ usurpationis temeritatem pertinet, jura solvuntur. Ab his itaque, fratres charissimi, omnes vestræ provinciæ abstineant sacerdotes, et non tantum ab his, sed ab aliis etiam, qui aut originali [af. origini] aut alicui conditioni obligati sunt, volumus temperari nisi

15

forte eorum petitio aut voluntas accesserit, qui aliquid sibi in eos vindicant potestatis. Debet enim esse immunis ab aliis, qui divinæ militiæ fuerit aggregandus, ut a castris Dominicis, quibus nomen ejus ascribitur, nullis necessitatis vinculis abstrahatur.

CAP. 65. — *Quod usuras non solum clerici exigere non debeant, sed nec laici, cap. 2 [3].*

(14, q. 4, c. *Nec hoc.*) Nec hoc quoque prætereundum esse duximus, quosdam lucri turpis cupiditate captos usurariam exercere pecuniam, et fenore velle ditescere. Quod nos, ut non dicamus eos qui sunt in clericali officio constituti, sed et in laicos cadere qui Christianos se dici cupiunt, condolemus quod vindicari acriter in eos qui fuerint confutati, decernimus, ut omnis peccandi opportunitas adimatur.

CAP. 66. — *Ut clericus nec suo nec alieno nomine fenus exerceat, cap. 3 [4].*

(Dist. 46, c. *Sicut non suo.*) Illud etiam duximus præmonendum, ut sicut non suo, ita nec alieno nomine aliquis clericorum exercere fenus attentet. Indicens enim est crimen suum commodis alienis impendere. Fenus autem hoc solum aspicere et exercere debemus, ut quod hic misericorditer tribuimus, a Domino [ab eod.] qui multipliciter et in perpetuum mansura retribuit, recipere valeamus.

CAP. 67. — *Quomodo presbyteri vel diaconi in crimine lapsi reconciliari debeant. Leo Rustico Narbonensi episcopo, cap. 2 (epist. 92).*

(Dist. 50, c. *Alienum est.*) Alienum est a consuetudine ecclesiastica, ut qui in presbyterali honore aut diaconii fuerint gradu consecrati, ii pro crimine aliquo suo, per manus impositionem remedium accipiant pœnitendi: quod sine dubio ex apostolica traditione descendit, secundum quod scriptum est: Sacerdos si peccaverit, quis orabit pro illo? (*Levit. IV.*) Unde hujusmodi lapsis ad promerendam misericordiam Dei, privata est expectanda secessio [successio vel concessio], ubi si illis satisfactio fuerit digna, sit etiam fructuosa.

CAP. 68. — *Quod diaconibus eadem lex continentiae est quæ episcopis et presbyteris, cap. 3.*

(Dist. 31, c. *Lex continentiae.*) Lex continentiae eadem est altaris ministris quæ episcopis atque presbyteris. Qui cum essent laici sive lectores, licite et uxores ducere, et filios procreare potuerunt. Sed cum ad prædictos pervenerunt gradus, coepit eis non licere quod licuit. Unde ut de carnali fiat spirituale conjugium, oportet eos nec dimittere uxores, et quasi non habeant sic habere (*I Cor. VII.*) quo et salva sit charitas connubiorum, et cessent opera nuptiarum.

CAP. 69. — *Ut nullus alienum clericum sollicitet invito episcopo suo, cap. 9 (ep. 84).*

(19, q. 2, c. *Alienum clericum.*) Alienum clericum invito episcopo ipsius nemo suscipiat, nemo sollicitet, nisi forte explicato charitatis, id inter dantem et accipientem conveniat. Nam gravis injuriæ reus est, qui de fratris ecclesia, id quod est utilius aut

A pretiosius, audet vel allicere vel tenere. Itaque si intra provinciam res agitur, transfugam clericum ad ecclesiam suam metropolitanus redire compellat. Si autem longius recessit, sui præcepti auctoritate revocabitur, ut nec cupiditati, nec ambitioni occasio relinquatur.

CAP. 70. — *Quod mane Dominico continuato jejunio Sabbati possit fieri ordinatio. Epistola Leonis ad Dioscorum Alexandrinum episc. (ep. 84, c. 1).*

Leo Dioseoro episcopo Alexandrino. (*Dist. 75, c.*

Quod presbyteris.) Quod a patribus nostris propensiore cura novimus esse servatum, a vobis quoque volumus custodiri, ut non passim diebus omnibus sacerdotalis vel levitica ordinatio celebretur, sed post diem Sabbati ejusque noctis quæ in prima Sabbati lucescit, exordia consecrandi eligantur, in quibus his qui consecrandi sunt jejunis, et a jejunantibus sacra benedictio conferatur. Quod ejusdem observantiæ erit, si mane ipso Dominico die continuato Sabbati jejunio celebretur, a quo tempore præcedentis noctis initia non recedunt: quod ad diem Resurrectionis (sicut etiam in Pascha Domini declaratur) pertinere non dubium est.

CAP. 71. — *Ut in die Resurrectionis sacerdotalis et levitica fiat ordinatio. Ad eundem (ibidem).*

(Dist. 75, c. *Quod die.*) Quod die Dominico ordinationes sacerdotum celebrantur non tantum ex consuetudine, sed etiam ex apostolica novimus venire doctrina Scriptura manifestante, quod cum apostoli Paulum et Barnabam, ex Spiritus sancti præcepto ad Evangelium gentibus mitterent prædicandum, jejunantes et orantes imposuerunt eis manus (*Act. XIII*), ut intelligamus quanta et dantium et accipientium devotione curandum sit ne tantæ benedictionis sacramentum negligenter videatur impletum. Et ideo pie et laudabiliter apostolicis morem gesseris institutis, si hanc ordinandorum sacerdotum formam, per Ecclesias, quibus Dominus præesse te voluit, etiam ipse servaveris, ut his qui consecrandi sunt nunquam benedictio, nisi in die Resurrectionis Dominicæ tribuatur. Cui a vespere Sabbati initium constat ascribi, et tantis divinarum dispensationum mysteriis est consecrata ut quidquid est a Domino insignius constitutum, in hujus diei dignitate sit gestum. In hac mundus sumpsit exordium. In hac per resurrectionem Christi et mors interitum, et vita accepit principium.

CAP. 72. — *Quid plus habeant episcopi quam chorepiscopi vel presbyteri. Item ejusdem (epist. 88).*

Leo Romanæ Ecclesiæ et apostolicæ sedis episcopus universis Germaniarum atque Galliarum regionum episcopis. Quamvis cum episcopis plurima chorepiscopis ministeriorum communis sit dispensatio, quædam tamen auctoritate veteris legis, quædam novellis, et ecclesiasticis regulis sibi prohibita noverrit sicut presbyterorum et diaconorum, ac virginum consecratio, sicut constitutio altaris, ac benedictio, vel unctio. Siquidem nec erigere eis altaria, nec ecclesias vel altaria consecrare permittimus, nec per impositiones manuum fidelibus baptizandis, vel

conversis de hæresi Paracletum Spiritum sanctum A tradere, nec chrisma conficere, nec chrismate baptizatorum frontes signare, nec publice quidem in missa quemquam poenitentem reconciliare, nec formatas cuilibet epistolas mittere. Hæc etenim omnia illicita sunt chorepiscopis, qui ad exemplum et formam LXX discipulorum esse noscuntur, vel presbyteris, qui eandem gestant figuram, quoniam quamquam consecrationem habeant, pontificatus tamen apicem non habent. Quæ omnia solis debentur summis pontificibus auctoritate canonum præcipitur, ut per hoc et discretio graduum, et dignitatis fastigium summi pontificis demonstraretur. Sed neque coram episcopo licere presbyteris in baptisterium introire, nec præsentem antistitem infantem tingere, aut signare, nec poenitentem sine præceptione episcopi sui reconciliare, nec eo præsentem, nisi illo iubente, sacramentum corporis et sanguinis Christi conficere, nec eo coram posito populum docere vel benedicere, aut salutare, nec plebem utique exhortari.

CAP. 75. — *Quod priorem dignitatem amisit, qui quod non accepit usurpat. Ex decretis Silverii papæ (epist. 1, ad Verg. episcop.).*

(25, q. 2, c. Sic decet.) Sic decet fidem sanctorum Patrum in Ecclesia servari catholica, ut quod habuit amittat, qui improbabiliter temeritate quod non accepit, usurpaverit [assumpset it].

CAP. 74. — *Ordinationes non esse faciendas, nisi in jejuniis Quatuor Temporum. Ex decretis Gelasii papæ, c. 13 (epist. 9 ad episc. per Lucaniam, c. 13).*

(Dist. 75, c. Ordinationes.) Ordinationes etiam presbyterorum et diaconorum nisi certis temporibus et diebus exerceri non debent, id est quarti mensis jejuniis, septimi et decimi, sed etiam Quadragesimalis iniiitii, ac medianæ Quadragesimæ die Sabbati, jejunia circa vesperam noverint celebranda [hebdomadæ et Sabbati jejuniis circa vesperam, ipsas ordinationes noverint celebrandas] nec cujuslibet utilitatis causa seu presbyterum seu diaconum his præferre, qui ante ipsos fuerint ordinati.

CAP. 75. — *Ne illitteratus, vel membro imminutus ad clerum promoveatur. Ex eodem, c. 18.*

Illitteratos quoque et nonnulla parte corporis imminutos, sine ullo respectu ad ecclesiasticum didicimus venire servitium, quod simul antiqua traditio, et apostolicæ sedis vetus forma non recepit: quia nec litteris carens sacris esse potest aptus officiis, et vitiosum nihil Deo prorsus offerri legalia præcepta sanxerunt (Lev. XXI). Itaque de cætero modis omnibus hæc vitentur, nec quisquam talis suscipiatur in clerum.

CAP. 76. — *De ministris incontinentibus. Gregorius civibus Romæ.*

(Dist. 81, c. Oportet.) Oportet sacerdotes, ad quorum curam Dei populus commissus est, cum magna animi constantia vigilare super Dominicas oves, ut lupinis morsibus, id est, diaboli stimulis non lanientur. Neque enim hoc silere debeo (quod cum grandi animi tristitia dico) sacerdotes cum feminis habitare conspicio, quod nefarium est dicere et au-

dire, et contra sanctorum canonum sancita. Ubi enim talis fuerit commorantium cohabitatio, antiqui hostis stimuli non desunt. Ideoque admoendi sunt ut non antiqui hostis decipiantur fraude, quatenus, juxta Apostoli vocem: *Non vituperetur ministerium nostrum (II Cor. VI)*. Cavere enim nos oportet, fratres, ab illicitis, ut mundas valeamus ad Dominum levare manus (I Tim. II). Scriptum est enim: *Sancti estote quia ego sanctus sum (Lev. XX)*. Si quis vero præsumperit aliter agere, sacerdotii sui honore privetur. Unde omnino cavendum est, fratres, ne fallamus populum, et impleatur in nobis prophætæ dictum: *Sacerdotes mei contaminant sancta, et reprobant legem (Soph. III)*. Quos et alius propheta increpat dicens: *Vos, o sacerdotes qui fallitis nomen meum, et dixistis: In qua re fallimus nomen tuum? (Mat. I)*. Quibus responsum est: *Offerentes ad altare meum panes pollutos. Non mihi voluntas in vobis, dicit Dominus, et sacrificium non accipiam de manibus vestris, quia polluti estis (ibid.)*.

CAP. 77. — *De vitanda familiaritate mulierum. Idem in registro (lib. VII, indict. 2, ep. 39).*

(Dist. 84, c. Legitur. Possid. in Vita B. Aug.) Legitur quod B. Augustinus nec cum sorore sua habitare consenserit, dicens: « Quæ cum sorore mea sunt, sorores meæ non sunt. » Declit ergo viri cautela, magna nobis debet esse instructio.

CAP. 78. — *De non reparandis lapsis. Idem ad Januarium episcopum Caralitanum (lib. III, ep. 26).*

(Dist. 50, c. Pervenit.) Pervenit etiam ad nos, quosdam de sacris ordinibus lapsos, vel post poenitentiam, vel ante poenitentiam ad ministerii sui officium revocari; quod omnino prohibemus, et in hac re sacratissimi quoque canones contradicunt. Qui ergo post acceptam sacramentum ordinem lapsus in peccatum carnis fuerit, sacro ordine ita careat ut ad altaris ministerium ulterius non accedat.

CAP. 79. — *De eodem. Idem Constantino Mediolanensi episcopo (lib. IV, ep. 17).*

Jobinum [Jovinum] de portu Veneris quodam diaconum et abbatem suo decrevimus privandum officio, atque ut alter in loco ejus debeat ordinari scriptissimus. Similiter et tres subdiaconos, quos fraternitas vestra lapsos innotuit, a suo semper vacare, ac decernimus esse privatos officio, quibus nihil aliud nisi inter laicos sacra est præbenda communitio.

CAP. 80. — *Idem de eodem. Ad eundem (ibidem; principium est epistolæ).*

(Dist. 50, c. Si lapsis.) Si lapsis ad suum ordinem revertendi licentia concedatur, vigor canonicæ procul dubio frangitur disciplinæ, dum pro reversionis spe, prævæ actionis desideria quisque concipere non formidat. Et post pauca. Illud igitur præ omnibus studete, ut lapsos in sacrum ordinem nullius vobis supplicatio aliquo modo revocare suadeat, ne hujusmodi non statuta, sed temporariter dilatata credatur esse vindicta.

CAP. 81. — *Cum quibus feminis sacerdotes possint habitare. Idem Symmacho defensori (lib. v, ep. 50).*

(Dist. 81, c. Votum.) Volumus ut sacerdotes prohiberi debeant, ne cum mulieribus conversentur, excepta duntaxat matre vel sorore, vel uxore quæ caste regenda est.

CAP. 82. — *Non fieri debere reordinationes. Idem Joanni episcopo Ravennati (l. 11, indict. 10, ep. 32).*

Illud quod dicitis, ut ille qui ordinatus est iterum ordinetur, valde ridiculum est. (Dist. 68, cap. Sicut semel.) Sicut enim baptizatus semel iterum baptizari non debet, ita qui consecratus est semel, in eodem ordine non debet iterum consecrari. Sed si quis cum levi forsitan culpa ad sacerdotium venit, pro culpa indici poenitentia debet, et tamen ordo B servari.

CAP. 83. — *De presbytero qui post depositionem sacrificare præsumpsit. Idem Venantio Lunensi episcopo (lib. iv, ep. 5).*

(Dist. 50, c. Accedens.) Accedens ad Gorgoniam insulam fraternitas vestra discutiat, id quod ad nos de Saturnino presbytero [ex presbyt.] est perlatum. Pervenit namque ad nos quia, postquam pro crimine lapsus sui a sacerdotii ordine est dejectus, ad explendum presbyterii ministerium præsumpsit accedere, et omnipotenti Deo hostias immolare. Quod si ita factum fraternitas vestra repererit, eum sacri corporis et sanguinis Domini participatione privatum in poenitentiam redigat, ita ut usque ad diem C obitus sui in eadem excommunicatione permaneat, et viaticum tantummodo exitus sui tempore percipiat. Sin autem eum talem poenitentiam adere fraternitas tua cognoverit ut ei juste ad recipiendam communionem inter laicos, et ante exitum debeat misereri, hoc in tuæ fraternitatis ponimus potestate.

CAP. 84. — *Quod quæ fuit uxor legitima diaconi non possit nubere alteri. Idem Joanni episcopo Panormitano (lib. 11, ep. 62).*

Itaque pervenit ad nos Fantinum [Fotinum] defensorem ultionem exercere in Petrum latorem præsentium voluisse, pro eo quod (quantum dicitur) relictam cujusdam diaconi, tempore quo conductor fuerat, marito tradiderit. Sed quoniam iste conjugem diaconi asserit non fuisse, dicens nec illam virginem ad eum venisse, denique nec religiosam vestem mutasse, postquam ille in ordine sacro promotus est, adjiciens et priusquam ad diaconatum veniret, et postea, prava illam opinione vixisse: ideo fraternitatem tuam his hortamur affatibus, ut cum Dei (sicut decet) timore, causam hanc subtili omnino investigatione perquiras, et si in conjugio diaconi mulierem de qua agitur fuisse constiterit, et superscriptus lator memoratus defensori et rectori patrimonii [patrimonasterii] ad vindictam modis omnibus tradatur, et cum competenti emendatione hi qui male sociati sunt disjungantur. Si vero in ejus conjugio non fuerit, memoratum Fantinum, ex nostro mandato commonere te volumus, ut ei facere nihil

A præsumat, nec falsa illum accusatio apud eum in aliquo prægravet.

CAP. 85. — *Quomodo lapsi possint restitui. Idem ad Secundinum serrum Dei inclusum (lib. vii, ind. 2, ep. 54).*

(Dist. 50, c. Quia sanctitas tua.) Sanctitas tua hoc a nobis requisivit ut tibi rescriberem de sacerdotali officio post lapsum resurgendi, dum dicitis de hoc canones diversos te legisse, diversasque sententias, alias resurgendi, alias nequaquam. Nam nos generaliter a synodo Nicæna incipientes, hanc cum reliquis quatuor veneramus, quæ ipsam sequentes in cunctis sententiis unanimis concordant. Nos ergo præcedentes Patres sequimur, qui auctore Deo a sacra doctrina illorum non discordamus. A capite itaque incipientes usque in quartum altaris ministrum, hanc formam servandam cognoscimus, ut quem minorem major præcedit, sicut est major honore ita sit in erimine; et quem major sequitur culpa, major ei implicetur vindicta, et sic postea poenitentia credatur esse fructuosa. Quid enim prodest triticeum seminare, et fructum ejus non colligere? Aut domum construere, et non illic habitare? Post dignam enim satisfactionem credimus lapsum posse redire ad honorem, Propheta dicente: *Nunquid qui cadit non adjiciet ut resurgat? (Psal. xl.) Et qui aversus est, non reverletur? (Jer. viii.)* Idem peccatori ait: *In quacunque die conversus ingemueris tunc salvus eris (Ezech. xviii).* Unde Psalmista ait: *Cor mundum crea in me Deus, et spiritum rectum innova in visceribus meis. Ne proficias me a facie tua (Psal. l), etc.* Alienam quippe rex et propheta rapuisse se uxorem tremefactus expavit. Et Propheta indicante flagitium suum, et poenitentiam agens, addit: *Redde mihi lætitiā Salutaris tui (ibid.), etc.* Si enim ipse dignam Deo poenitentiam non fecisset, nequaquam aliis prædicaret? At enim: *Docedo iniquos vias tuas (ibid.).* Dum enim peccata sua perspexit per poenitentiam mundata, non dubitavit prædicando castigare [al. curare] aliena. Et sic sacrificium de semetipso offerre Deo studuit cum dixit: *Sacrificium Deo (ibid.), etc.* Ad hæc ista sufficerent, sed omnis sententia quo plus sacræ Scripturæ testimoniis confirmatur, facilius creditur. De hoc D enim propheta dicit: *Nolo mortem peccatoris, sed ne convertatur et vivat (Ezech. xviii).* De hoc, peccantibus dicitur: *Peccator, in quacunque die conversus ingemuerit, omnes iniquitates ejus in oblivione tradentur. Si enim Redemptor noster qui peccatores non perdere, sed justificare venit (Luc. ix), in oblivione delicta peccantium derelinquit: quis hominum condemnanda reservet, cum dicit Apostolus: Si Deus justificat, quis est qui condemnet? (Rom. viii.)* Ad fontem misericordiæ recurrentes evangelicam proferamus sententiam. *Gaudeo, inquit, super uno peccatore poenitentiam agente, magis quam super nonaginta novem justis qui non indigent poenitentia (Luc. xv): et ovem perditam nonaginta novem non errantibus relictis, in humero reportavit.*

ad ovile (*ibid.*). Si ovis errans post inventionem ad ovile humero reportatur, cur lapsus post poenitentiam ad ministerium non revocetur? Quid est ergo gravius aut carnale delictum admittere (sine quo pauci inveniuntur) aut Dei Filium jurejurando negare? In quo peccato [*al. verbo*] ipsum principem apostolorum beatum Petrum (ad cujus nunc corpus indigni sedemus) lapsum esse cognoscimus. Sed post negationem poenitentia secuta est, et post poenitentiam misericordia data est quia illum ab apostolatu non dejecit, quem ante seipsum negatum esse prædixit. Tibi hæc, fili charissime, dicta sufficiant, ut illum quem conspicias delicta fletu diluere, non dubites in conspectu divinitatis misericordiam consequi, quia nullum peccantem reversum despicit, qui peccatores suo sanguine redimere venit.

CAP. 86. — *Quid agendum sit de clericis incontinentibus. Idem Augustino episcopo (responsione ad secundam Augusti. interrogationem).*

(*Dist. 32, c. Si qui sunt clerici.*) Si qui sunt clerici extra sacros ordines constituti, qui se continere non possunt, sortiri uxores debent, et stipendia sua exterius accipere. Quia et de eisdem Patribus, de quibus præfati sumus, novimus scriptum, quod dividebatur singulis prout cuique opus erat (*Act. iv*). De eorum quoque [ergo] stipendio cogitandum atque providendum est, et sub ecclesiastica regula sunt tenendi, ut bonis moribus vivant, et cavendis psælmis invigilent, et ab omnibus illicitis et cor, et linguam, et corpus Deo auctore conservent.

CAP. 87. — *Ut incontinentes presbyter non ministret. Clemens in secunda epist.*

Ad Dominica autem ministeria tales eligantur, qui ante ordinationem conjuges suas noverint. Quod si post ordinationem ministro contigerit proprium invadere cubile uxoris, sacrarii non intret limina, nec sacrificii portitor fiat, nec altare contingat, nec ab offerentibus holocausti oblationem suscipiat, nec ad Dominici corporis portationem accedat; sed æquam tantum sacerdotum manibus porrigat, ostia [*al. nec aquam sacerdotibus porr. ad manus. Os.*] forinsecum claudat, minora gestet officia, urceum sane ad altare suggerat [*al. sive calicem ad altare non sufferat*].

CAP. 88. — *De non distrahendis a presbytero ecclesie ornamentis. Item ejusdem.*

(*17, q. 4, c. Si forte.*) Si forte quispiam presbyter sive diaconus sacrarii sindonem vel velum subtracta vendiderit, Judæ similis æstimabitur Iscariotis. Qui propter cupiditatem fecerit hoc opus, noverit se supradicti Judæ suscepturum poenam.

CAP. 89. — *De vitanda familiaritate feminarum. Idem ejusdem.*

(*Dist. 81, c. Clericus solus.*) Clericus vero solus ad femine tabernaculum non accedat, nec properet sine majoris natu jussione. Nec presbyter solus cum sola adjungatur, sed duobus adductis testibus visitet infirmam; nec solus cum sola femina fabulas misceat; nec archidiaconus, nec diaconus sub prætextu humilitatis vel officii frequenter domicilia ma-

tronarum, aut forte per clericos aut domesticos ejus matronæ mandent secreti aliquid. Si cognitum fuerit, et ille deponatur, et illa a liminibus arceatur ecclesie. Sed si forte aliqua intercessio fuerit, episcopo suggeratur. Et si talis est, ad quam debeat ire pro interventu, ipse pergat. Sin autem, de latere suo dirigat cum duobus aut tribus qui hoc debeant sanare.

CAP. 90. — *Nihil agendum clericis absque licentia episcopi sui. Item ejusdem (epist. 3).*

(*16, q. 1, c. Cunctis fidelibus.*) Cunctis fidelibus, et summopere omnibus presbyteris et diaconibus, ac reliquis clericis attendendum est, ut nihil absque episcopi proprii licentia agant. Non utique missas sine ejus jussu quisque presbyterorum in sua parocia agat, non baptizet, nec quidquam absque ejus permissu faciat. Similiter et reliqui populi majores scilicet et minores per ejus licentiam quidquid agendum est, agant; nec sine ejus permissu a sua parocia abscedant, vel in ea adventantes morari præsumant. Animæ enim eorum ei creditæ sunt, ideo omnia ejus consilio agere debent, et eo inconsulto nihil.

CAP. 91. — *Quomodo ad sacros ordines ascendendum sit. Siricius papa Himerio Tarraconensi episcopo (epist. 1, c. 9).*

(*Dist. 77, c. Quicumque itaque.*) Quicumque se ecclesie vovit obsequiis a sua infantia, ante pubertatis annos baptizari, et lectorum debet ministerio sociari. Qui ab accessu adolescentiæ usque ad trigessimum [*al., vigesimum*] ætatis annum, si probabiliter vixerit, una tantum et ea, quam virginem communi per sacerdotem benedictione percepit, uxore contentus, acolythus et subdiaconus esse debebit; posteaque ad diaconii gradum, si se ipse primitus continentia præeunte dignum probaverit, accedat. Ubi si ultra quinque annos laudabiliter ministrarit, congrue presbyteratum consequatur. Exinde post decennium episcopalem cathedram poterit adipisci, si tamen per hæc tempora integritas vitæ et fidei ejus fuerit approbata.

CAP. 92. — *Quomodo laicus sit provehendus. Idem (ibid., c. 10).*

Qui vero jam ætate grandævus sællopropositi conversatione provocatus, ex hæico ad sacram militiam pervenire festinat, desiderii sui fructum non aliter obtinebit, nisi eo quo baptizatur tempore, statim lectorum aut exorcistarum numero societetur, si tamen unam habuisse vel habere, et hanc virginem accepisse constet uxorem. Qui dum initiatus fuerit expleto biennio, per quinquennium aliud acolythus et subdiaconus fiat, et sic ad diaconatum, si per hæc tempora dignus judicatus fuerit, provehatur. Exinde jam accessu temporum presbyterio vel episcopatu, si eum plebis ac cleri evocaverit electio, non immerito societetur.

CAP. 93. — *Non sedendum quando legitur Evangelium. Anastasius papa cunctis Germanicis (Anast. I, epist. 1, c. 1).*

Significatis enim quosdam sacerdotes in ecclesia

quando legitur Evangelium sedere, et Domini et Salvatoris verba non stantes, sed sedentes audire, et hoc ex majorum traditione se accepisse narrant. (*De cons. dist. 1, c. Apostolica.*) Quod nullatenus fieri deinceps sinatis, apostolica auctoritate mandatum, sed dum sancta Evangelia in ecclesia recitantur, sacerdotes et ceteri [omnes praesentes] fideles non sedentes, sed venerabiliter curvi in conspectu Evangelii stantes, Dominica verba intente audiant, et fideliter adorent.

CAP. 94. — *De castitate sacerdotum et levitarum. Innocentius Victricio et Rothomagens. episcopo (epist. 2, c. 9).*

(*Dist. 31, c. Tenere debet.*) Praeterea quod dignum, quod pudicum, quod honestum est tenere Ecclesia omnino debet, ut sacerdotes et levitae cum uxoris suis non misceantur; quia ministerii quotidiani necessitatibus occupantur. Scriptum est enim: *Sancti estote, quoniam et ego sanctus sum Dominus Deus vestester (Levit. xx, xxi).* Nam priscae temporibus de templo Dei sacerdotes anno vicis suae non discedebant, sicut de Zacharia legimus, nec domum suam omnino tangebant, quibus utique propter sobolis successionem uxoris usus fuerat relaxatus (*Luc. 1*), quia et ex alia tribu et praeter ex semine Aaron, ad sacerdotium nullus fuerat praecipuus accedere (*Num. xviii*); quanto magis hi sacerdotes vel levitae pudicitiam ex die ordinationis suae servare debent, quibus vel sacerdotium vel ministerium sine successione est, nec praeterit dies, quae vel a sacrificiis divinis, aut a baptismatis officio vacant?

CAP. 95. — *Non repellendos omnes laicos a clericatu. Idem Exuperio Tolosano episcopo (epist. 4, c. 3, Felici Nucерiano episcopo).*

De laicis vero religio tua consuluit, quos canones ordinari prohibent. Certum est quidem hoc et regulas ecclesiasticas continere, sed non ita diffinitum est, ut de omnibus sit laicis constitutum. Neque enim clerici nasci et non fieri possunt. (*Dist. 51, c. Designata sunt.*) Sed designata sunt genera, de quibus ad clericatum pervenire non possunt, id est si quis fidelis militaverit, si quis fidelis causas egerit, hoc est postulaverit, si quis fidelis administraverit. De curialibus autem manifesta ratio est, quoniam et si inveniuntur hujusmodi viri, qui debeant clericis fieri, tamen quoniam saepius ad curiam repetuntur cavendum ab his est, propter tribulationem quae saepe de his ecclesiae provenit. Laici vero qui habentes uxores baptizati sunt, ac sic se instituerunt, ut opinio eorum in nullo vacillet, ut aut clericis juncti sint, aut monasteriis ex quo baptizati sunt adhaeserint, si non concubinam, non pellicem noverint, sed in omnibus operibus bonis vigilaverint, non prohibentur hujusmodi ad clericatus sortem [partem] assumi; ita sane ut in eis tempora a majoribus constituta servantur, ne cito quilibet lector cito acolythus, cito diaconus, cito sacerdos fiat.

A CAP. 96. — *De presbyteris filios generantibus. Idem Maximo et Severo episcopis (epist. 5).*

(*Dist. 81, c. Maximilianus.*) Eos presbyteros qui in presbyterio filios procrearunt jubebitis in medio collocari, discussisque objectionibus quae ipsi presbyteris impinguntur, si convicti fuerint, a sacerdotali removeantur officio, quia qui sancti non sunt, sancta tractare non possunt, atque alieni efficiantur a ministerio quod vivendo illicite polluerunt. Miramur autem haec eorum dissimulare episcopos, ut aut cohibere [al. convivere], aut nescire esse illicita, judicentur.

CAP. 97. — *De revertentibus ab haeresi. Idem Januario [al. Juliano] episcopo Aquileiensi [Leo I, ep. 1].*

B (1, q. 7, c. Saluberrimum.) Saluberrimum, et spiritualis medicinae utilitate plenissimum est, ut sive presbyteri, sive diaconi, vel subdiaconi, aut cujuslibet ordinis clerici, qui se correctos videri volunt, atque ad catholicam fidem quam pridem amiserant, rursus reverti ambiunt, prius errores suos et ipsos auctores erroris a se damnatos, sine ambiguitate fateantur; et sensibus pravis etiam peremptis, nulla sperandi supersit occasio, nec ullum membrum talium possit societate violari, cum per omnia illis professio propria coeperit obviare. Circa quos etiam illam canonum constitutionem praecipimus custodiri, ut in magno habeant beneficio, si adempta sibi omni spe promotionis, in quo inveniuntur ordine stabilitate perpetua maneant, si tamen iterata tinctione non fuerint maculati.

C CAP. 98. — *De castitate ministrorum. Item Anastasio episcopo Thessalio (ep. 84, c. 3 et 4).*

(*Dist. 32, c. Omnium sacerdotium.*) Sacerdotum enim tam excellens est electio, ut haec quae in aliis membris Ecclesiae non vocantur ad culpam, in illis tamen habeantur illicita. Nam cum extra clericorum ordinem constitutis, nuptiarum societati et procreationi filiorum studere sit liberum, ad exhibendum tamen perfectae continentiae puritatem, nec subdiaconibus quidem carnale connubium conceditur; ut et qui habent, sint tanquam non habentes, et qui non habent permaneant singulares. Quod si in hoc ordine, qui quartus est a capite, dignum est custodiri, quanto magis in primo vel secundo, tertio servandum est, ne aut levitico, aut presbyterali honore, aut episcopali excellentia quisquam idoneus aestimetur, qui se a voluptate luxuriae [uxoria] necdum refrenasse detegitur?

D CAP. 99. — *Ne diaconi baptizent sine episcopo vel presbytero. Gelasius universis episcopis per Lucaniam (epist. 9, c. 9).*

Diaconos quoque propriam constituimus mensuram, nec ultra tenorem patris canonibus deputatum quidpiam tentare permittimus, nihil eorum suo ministerio penitus applicare, quae prioribus ordinibus proprie decrevit antiquitas. Absque episcopo vel presbytero baptizare non praesumant, nisi praedictis fortassis officiis longius constitutis necessitas extrema compellat, quod et laicis Christianis sacere

plerumque conceditur. Hos non in presbyterio reside- A
re cum divina celebrantur, vel ecclesiasticus ce-
lebratur [al. habetur] quicumque tractatus, sacri-
que corporis prorogationem [al., prærog.], sub con-
spectu episcopi vel presbyteri, nisi his absentibus,
jus non habeant exercendi.

CAP. 100. — *De non recipiendis servis ad clerum. Idem
Gelasius (ibid., c. 16).*

(Dist. 54, c. Generalis.) Generalis etiam querelæ
vitanda præsumptio est, qua propemodum causan-
tur universi passim servos et originarios domino-
rum jura possessionemque fugientes, sub religiosæ
conversationis obtentu, vel ad monasteria sese con-
ferre, vel ad ecclesiasticum famulatum conniventibus
quoque præsulibus indifferenter admitti. Quæ
modis omnibus est amovenda perniciosa, ne per Chri-
stiani nominis institutum, aut aliena pervadi, aut
publica videatur disciplina subverti, præcipue cum
nec ipsam ministerii clericalis hac obligatione fuscari
conveniat dignitatem, cogaturque pro statu militan-
tium sibi, conditioque jurgari, aut videri (quod
absit) obnoxia. Quibus sollicita competenter inter-
dictione prohibitis, quisquis episcopus, presbyter,
vel diaconus, vel eorum qui monasteriis præesse
noscentur, hujusmodi personas apud se tenentes,
non restituendas patronis, aut deinceps vel eccle-
siasticæ servituti, vel religiosis congregationibus
putaverit applicandas, nisi voluntate forsitan domi-
norum subscriptionis testimonio primitus absolutas,
vel legitima transactione concessas, periculum se
honoris proprii non ambigant communionisque sub-
dituros, si super hac re cujusquam verax nos que-
rela pulsaverit. Magnis quippe studiis, secundum
beatum Apostolum, præcavendum est, ne fides et di-
sciplina Domini blasphemetur (Rom. 11; II Petr. 1).

CAP. 101. — *De baptizatis in ægritudine. Ex concilio
Neocæsariensi, cap. 12.*

(Dist. 57, c. Si quis in ægritudine.) Si quis in ægri-
tudine constitutus fuerit baptizatus, presbyter ordi-
nari non debet. Non enim fides illius voluntaria,
sed ex necessitate est, nisi forte postea ipsius stu-
dium et fides vrobabilis fuerit, aut hominum rari-
tas cogat.

CAP. 102. — *Ne presbyter diaconum aut presbyterum
ordinet. Ex concilio Spatensi II, c. 5.*

(Dist. 23, c. Quorumdam.) Quinto judicio ad agni-
tionem nostri examinis [nostriam Aniani] Gabrenais
diaconi relatu deductum est, de quibusdam ipsius
Ecclesiæ clericis, quorum dum unus ad presbyte-
rium, duo ad levitarum ministerium sacrarentur,
episcopus eorum, oculorum dolore detentus, fertur
super eos suam tantum posuisse, et presbyte-
ter quidam illis, contra ecclesiasticum ordinem, be-
nedictionem dedisse. Qui licet propter tantam præ-
sumptionis audaciam poterat accusatus judicio præ-
senti damnari, si adhuc in corpore positus, non
fuisset mortis vocatione præventus. Sed quia jam
ille examini divino relictus, humano judicio accu-
sari non potest, hi qui supersunt, et ab eo non con-

secrationis titulum, sed ignominie potius elogium
perceperunt, ne sibi licentiam talis ultra usurpatio
faciat, decrevimus ut a gradu sacerdotali vel levi-
tici ordinis, quem perverse adepti sunt depositi,
æquo judicio abjiciantur. Tales enim merito judicati
sunt removendi, quia prave inventi sunt constituti.

CAP. 103. — *Quod non debeant presbyteri ecclesias
consecrare vel altaria erigere. Ex eodem concilio,
cap. 7.*

Septimo examine relatum est nobis venerandissi-
mum quondam Agapium, Cordubensis urbis episco-
pum, frequenter presbyteros vel chorepiscopos (qui
tamen juxta canones unum sunt) destinasse, qui
absente pontifice altaria erigerent, basilicas conse-
crarent. Quod quidem non est mirum id præcepisse
vixum, ecclesiasticæ disciplinæ ignarum, et statim a
sæculari militia in sacerdotale ministerium delega-
tum. Ergo ne ultra talis a nobis licentia usurpetur
communi sententia statuendum oportuit, scientes
quia sicut presbytero vel chorepiscopo illicita conse-
cratio est altaris, ita et constitutio. In divinis enim
litteris præcipiente Domino, solus Moyses [Aarōn]
in tabernaculo Dei erexit altare, solus ipse unxit uti-
que (Exod. xl), quia summus sacerdos Dei erat,
sicut scriptum est de eo: *Moyses et Aaron in sacer-
dotibus ejus (Psal. xcvi).*

CAP. 104. — *De servis super interdictum dominorum
ordinatis. Gelasius Rufino et Aprili episcopis.*

(Dist. 54, c. Quis aut.) Quis enim aut leges prin-
cipum, aut Patrum regulas, aut admonitiones mo-
dernas dicat debere contemni, nisi qui impunitum
sibi tantum aestimet transire commissum? Actores
siquidem filie nostræ, illustris et magnificæ femine
Maximæ petitorii nobis insinuatione conquesti sunt
Sylvestrum atque Candidum originarios suos, contra
constitutiones quæ supradictæ sunt, etiam contra-
dictione præeunte, a Lucerino pontifice diaconos ordi-
natos. Et ideo, fratres charissimi, tantæ prævari-
cationis excessus noveritis sagacius inquirendos. Et
si constiterit querelam veritate fulciri, continuo qui
contradictione præeunte non legitime sunt creati, a
sacris officiis repellantur.

CAP. 105. — *De jurejurando possessoris. Gelasius Justo
episcopo.*

Dilectio tua, quæsita omnium fideliter rerum ve-
ritate, si de spatiis quibus memoratur orta conten-
tio, diffinitio dudum certa processit, intemperata
servetur. Alioquin, si nihil unquam constiterit ter-
minatum, nunc de præscriptione temporum, si qua
pars fidit, præbeat sacramentum, ut tamen quæ hac-
tenus possedisse probabitur. Jusjurandum sinatur
offerre.

CAP. 106. — *Ne invitus aliquis ordinetur. Gelasius
Victori episcopo.*

(Dist. 74, c. Consuluit.) Consuluit dilectio tua de
suorum promotione clericorum, perhibens quod
diaconi ad presbyterii gradum, quo Ecclesiam tuam
commemoras indigere, venire detrectant. Quapro-
pter quia invitos fieri ecclesiastica moderatio gra-
vitasque non patitur, ut ex nolentibus sint [al. fiant]

volentes, ordinatio illa potest proficere, quia scilicet si quos habes vel in acolytis, vel in subdiacorum maturioris ætatis, et quorum sit vita probabilis, hos, in presbyteratum studeas promovere.

CAP. 107. — *Quod sauciatus et debilitatus, in sacerdotio ordinem non amittat. Gelasius Palladio episcopo.*

(Dist. 55, cap. Præcepta canonica.) Præcepta canonum quibus ecclesiastica regitur disciplina, sicut ad sacerdotium debiles corpore non patiuntur venire, ita et si quis in eo actu fuerit constitutus, ac fuerit sauciatus, amittere non potest quod tempore suæ sinceritatis accepit. Stephanus siquidem presbyter petitorio nobis deservit oblato, quod haberet [habetur] in subditis, olim sibi ante plurimos annos collatam presbyterii dignitatem, quam revera immaculati corporis iudicio suscepit, sed nuper propter provinciæ vastitatem, quam Thuscæ præ omnibus [vastitatem Thuscæ, quam præ omnibus provinciis] barbarorum feritas diversa sectantium, et ambiguitas invexit animorum, cum imminentes gladiose evadere fugæ præsidia niteretur, acutis sudibus occurrentia sibi septa transiliens, inferiores [al. inter] partes corporis inseruisse [forte insecuisse] suggestit, quæ vix adhibita curatione biennio potuisset abstergi. Et ideo, frater charissime, supra dicto locum suum, dignitatemque restitue quatenus sacrosancta mysteria, sicut consuevit, exerceat. Neque enim convenit ob hoc auferri ante susceptum ordinem, in quo postmodum invaliditatem corporis casu probatur faciente collapsus.

CAP. 108. — *Ut qui a dominis suis manumissi sunt, post ordines ab hæredibus non repetantur. Gelasius Crispino et Sabino episcopis.*

(11, q. 1, c. Sylvester.) Sylvester et Faustianus Ecclesiæ Grumentinæ clerici lacrymosa nobis insinuatione conquesti sunt, libertatem sibi Domini sui benignitate concessam, hæredum ejus oppressione pulsari, sibi que in clericatus officio pene ab incunabulis servientibus, etiam manumissores vivente, in eodem actu nihilominus constitutis, divinis ministeriis impendere servitium non licere, cum (si petitionem veritas subsequatur) contra patris et auctoris sui factum venientibus, ut indignis hæreditas legibus auferatur, nec eis liceat hæreditatem capientibus contra auctoris sui prosilire iudicium. Et ideo, fratres charissimi, quoniam se etiam ab archidiacono prædictæ Ecclesiæ queruntur oppressos, qui per eorum absentiam moderatoris iudicium promisit eos esse secuturos, calcatis omnibus [rationibus] et quæ contra leges divinas et publicas pulsatis, forum suum putavit auferri, in vestro iudicio, quæso, ille qui [al., quisquis ille est qui] clericum lacessit adveniat, ut Ecclesiæ jura quæ vetusti principes assidua sanctione firmarunt, impetitis clericis non negentur.

CAP. 109. — *De eo qui nepotem suum tutandum suscepit, et paternis bonis privavit. Gelasius Fortunato episcopo.*

(Dist. 87, c. Irreligiosum.) Irreligiosum prorsus

A et execrabile iudicamus, si quisquam vel extraneos, in sua tuitione susceptos, non omni fide et tota animi sui educaverit sanctitate. Ac cum Olympius diaconus dilectionis tuæ, Felicis atque Olympii suggeratur avunculus, eosque parvulos tutelæ vice suscepit nutriendos, ultra latrocinium esse iudicamus, quod eos honisculis parentum (sicut asserunt) reliquit extorres, alia retinendo, alia contra leges et jura vendendo.

CAP. 110. — *Quod ad invocationem criminosi sacerdotis Spiritus sanctus non adventat. Idem Helpidio episcopo.*

(1, q. 1, c. Sacrosancta.) Sacrosancta religio, quæ catholicam continet disciplinam, tantam sibi reverentiam vindicat ut ad eam quilibet nisi pura conscientia non audeat pervenire. Nam quomodo ad divini mysterii consecrationem cœlestis Spiritus invocatus adveniet, si sacerdos et qui eum adesse deprecatur criminosis pleas actionibus reprobetur ?

CAP. 111. — *Ut qui caret oculo, sacerdotii officium adipisci non possit. Pelagius Rufino episcopo.*

(Dist. 55, c. Si evangelica.) Illi cui erutus oculus est, non possunt juxta canones sacerdotii jura concedi. Neque enim aliquid ei prodest, quod oculum invitum amisit, cum nec volens quisquam oculum amisisse credendus est. Nec sacratissimos canones aliquem casum in amissionem oculi, ei [hæc vox abest ab orig. et Grat.] qui ad sacerdotium adipiscendum non impediret, suis excepisse regulis invenimus, sed hoc tantum modo ad prohibitionem fecisse videmus Patribus, ut qui careret oculo, sacerdotii officium adipisci non possit. Sed nec illi ulla tenus quasi in compensationem injuriæ, sacratus ordo concedi poterit, qui ad tantam sacerdotem proprium potuit iracundiam provocare, ut et ille officium in quo erat amitteret, et iste proventus sui perderet facultatem.

CAP. 112. — *Ut qui episcopum necessarium habent, concorditer eligunt. Pelagius Tulliano episcopo Grumentino.*

(Dist. 63, c. Litteras charitatis.) Litteras charitatis tuæ suscepimus, quibus significas Latinum diaconum tuum ad episcopatum Ecclesiæ Marcellianensis a clero, et ab omnibus illic convenientibus postulari, de quo, jam ante hoc tempus, retinemus nobis a visitatore et quibusdam loci habitatoribus fuisse relatum. Sed nos credentes quia jam dimissoriam ipsius a tua charitate perceperint, scripsimus eum venire debere. Verum quia nunc consulis utrum nobis de persona ejus placeat, et a te debeat relaxari, ad nos nihil attinet, nisi ut qui sacerdotem necessarium habent, concorditer personam eligant, cui canones obviare non possint. Sed et nunc hoc dicimus, ut si eum omnes eligunt, et vis eum concedere, gratum nobis esse cognosce et si potest ante diem sanctum festinet occurrere, ut vel Sabbatho ipso nostis magnæ post baptismum, cum Dei gratia valeat ordinari. Alioquin necesse est eos usque ad quarti mensis jejunia sustinere.

CAP. 113.— *De eo qui uxorem duxit cum alio ante velatam. Pelagius Marcello episcopo Atoniensi.*

(*Dist. 34, c. Valentino.*) Valentino clerico, cui mulier cum alio ante velata non tamen ei nupta, sed virgo permanens, post mortem ejus, cum quo velata erat sponsa [sponso], conjugali est copula sociata, quia interim velamen accepit, nullum in promovendo generetur obstaculum, quia nihil est (quantum ad hunc articulum pertinet) quod ei de canonicis obviet institutis.

CAP. 114.— *Quod sacerdos homicida non potest in sacerdotio permanere. Joannes VIII. Cenomaco episcopo Venetiensi (Cenomantico Uticensi episcopo in fragmentis).*

(*Dist. 50, c. Miror minus.*) Miror minus doctam scientiam tuam sacerdotem putare post perpetratum homicidium posse in sacerdotio ministrare, imo (quod est pejus) nobis suadere velle ut ipsi tali præsumptioni præberemus assensum. Quis enim tam demens tamque perversi sensus tale quid æstimaret, vel post quantamcunque penitentiam concedendum cum omni [omnino] sit canonicæ disciplinæ contrarium? Debet ergo sacerdotio privatus lacrymarum fonte flagitium tam immane diluere, ut talibus saltem remediis curatus, salutis possit invenire suffragium.

CAP. 115.— *Idem, ad Ludovicum imperatorem, non consentiendum malis.*

(*Dist. 10, c. Vides.*) Vides, fili charissime, quia quod contra leges accipitur per leges dissolvi meretur. *Item.* (*Dist. 86, c. Facientis.*) Facientis procul dabo culpam habet, qui quod potest corrigere negligit emendare. Scriptum quippe est: Non solum qui faciunt, sed etiam qui consentiunt facientibus, participes judicantur (*Rom. 1*). Et libat Domino prospera, qui ab afflictis pellit adversa, Et negligere, cum possis deturbare perversos, nihil aliud est quam sovere, nec caret scrupulo consensionis occultæ, qui manifesto facinori desinit obviare. Et probat odisse se vitia, qui condemnat errantes nec relinquit sibi locum deviandi, qui non pepercerit excedenti. Et primus innocentiae gradus est, odisse nefanda. Et latum pandit delinquentibus aditum, qui jungit cum pravitate consensum, et nihil prodest alicui non puniri proprio, qui puniendus est alieno peccato.

CAP. 116.— *Ne quis misso papæ contradicat Greg. II universis episcopis (epist. 4).*

Si quis vero (quod non optamus) adversando Bonifacio misso nostro, præpedire conatus fuerit laborem, aut contrarius exstiterit ministerio sibi credito, successorumque ejus eundem laborem intrantium, ex divina sententia anathematis vinculo percellatur, ac perpetuæ damnationi subjaceat.

CAP. 117.— *De reordinandis presbyteris ab incognitis episcopis ordinatis. Gregorius III Bonifacio presbytero (epist. 5).*

(*Dist. 68, c. Presbyteri.*) Presbyteros quos ibidem reperisti, si incogniti fuerint viri illi a quibus sunt ordinati, et dubium est fuisse episcopos, an non, qui eos ordinarunt, si bonæ actionis et ca-

tholici viri sunt presbyteri ipsi, et in ministerio Christo omnique lege sancta edocti, a Patre vel episcopo suo [a. apti, ab episc. origin.] benedictionem presbyteratus suscipiant, et consecrentur, et sic ministerio sacro fungantur.

CAP. 118.— *De licita promotione ejus cui digitus ab hostibus abscissus est. Stephanus Roberto Metensi episcopo.*

(*Dist. 55, c. Lator præsentium.*) Lator præsentium, Flavinus scilicet clericus, ad sanctam sedem apostolicam veniens, detulit a te nobis directam epistolam, qua indagare studuisti cum a Northmannis nuperrime captum sinistræ manus digitum haberet abscissum, sciscitans si ob hoc ad ecclesiasticum ordinem valeat promoveri, an non. Quod et nos reperiens, quia solertia tua magis super hoc sollicita a sede apostolica doceri flagitat, normam justitiæ semper sequi exoptans, studium tuæ sanctitatis merito collaudamus, reverentiam tuam, scire volentes, quoniam si ita est quod a Northmannis digitum ipsum habeat abscissum, ad promovendum (si alias dignus fuerit) nil ei nocebit, eo quod quid de his, qui a dominis vel medicis, sive a paganis non sponte tale quid patiuntur, sacri censeant canones, dilectionem tuam latere non credimus, quos eis obviare debere, si ita est, minime reperimus, monentes religionem tuam, ut circa illum ita peragat, quatenus et mercedem pro eo magnam incurrat, et desiderium istius canonica ei auctoritate in aliis non obviant, Deo adjuvante perficiat,

CAP. 119.— *De subdiacono, qui uxorem duxit post ordines. Stephanus Adoni Viennensi archiepiscopo (inter fragmenta epist. Nicolai I).*

(*Dist. 32, c. De illo clerico.*) De illo clerico, Alvico nomine, quem per ordines ecclesiasticos, usque ad subdiaconatum vixisse dicitis, cur vestra auctoritate uxorem duxerit miramur, eo quod nulli unquam, exceptis illis quos ecclesiastica regula habere permittit uxorem, ducendi licentiam dederimus.

CAP. 120.— *Quod clericus si paganum occiderit promoveri non possit. Nicolaus Wilfredo Morinensis Ecclesiæ episcopo (in rescriptis Nicolai I collectis ex Gratiano, tit. 12).*

(*Dist. 50, c. Clericum.*) Clericum autem qui paganum occiderit non oportet ad gradum [honorem] majorem promoveri, qui carere debet etiam acquisito; homicida enim est. Nam cum discreti sint milites sæculi a militibus Ecclesiæ, non convenit militem Ecclesiæ sæculo militare, per quod ad effusionem sanguinis necesse sit pervenire. Denique sicut turpe ac perniciosum est laicum missas facere, sacramenta corporis et sanguinis Christi conficere, ita ridiculum est et inconveniens, clericum arma sustollere, et ad bella procedere, cum Paulus Apostolus dicat: *Nemo militans Deo implicat se negotiis sæcularibus (II Tim. 11)*. Ac si liquido versa vice dicat: *Nemo militans mundo implicat se negotiis spiritualibus.*

CAP. 121.— *Ne presbyteris et diaconis cum ordinantur manus chrismate inungantur. Idem Nicolaus Ra-*

dulpho Bituricensi archiepiscono (Nicol. I, ep. 19, A cap. 3).

(*Dist. 23, c. Præterea.*) Sciscitaris utrum solis presbyteris, an et diaconibus debeant, cum ordinantur, manus chrisomatis liquore perungi. Quod in sancta hac Romana, cui Deo auctore deservimus, Ecclesia neutris agitur. Sed et quia sit a novæ legis ministris actum, nusquam (nisi nos fallat oblivio) legimus. Ergo ad beati Innocentii papæ canonica decreta sanctitatem tuam transmittimus, et quæ tibi sint in consecrationibus, et ordinibus observanda, principia paginæ ad Decentium Eugubinum episcopum missæ, te assætum edocebunt.

CAP. 122.— *Quod nemo damnandus sit nisi sponte confessus, vel canonice convictus. Idem Salomoni Constantiensi episcopo.*

(*15, q. 5, c. Presbyter, vel diaconus.*) Presbyter, vel diaconus, quem asseris crimina nolle publice confiteri, sed velle cum sacramento defendere se, et tamen notum est episcopo esse scelus ab ipso perpetratum, non potest per aliquam pœnitentiam sacerdotali vel diaconali officio potiri. Sed mirandum, si ipse confessus non fuerit, quomodo notum possit esse episcopo scelus ab ipso perpetratum, nisi accusatore forte idoneo per testes idoneos approbante. Unde si examinante episcopo causam presbyteri vel diaconi, non fuerit per testium approbationem ille presbyter vel diaconus forte convictus, non est scelus episcopo legitime manifestatum, nisi presbyter vel diaconus sua sponte scelus ipsum confiteatur. Quod nisi fecerit, interim non videmus suo debere presbyterum vel diaconum officio privari. Sola ergo spontanea confessio, et canonicus numerus vel qualitas testium, decernentibus episcopis, et accusatore quod objecerat comprobante, clericum privat proprio gradu.

CAP. 123.— *Ne diaconus ante presbyterum sedeat. Canonum vi synodi c. 7.*

(*Dist. 93, c. Præcipimus.*) Præcipimus ne diaconus (quamvis in dignitate, hoc est in officio quolibet ecclesiastico sit) ante presbyterum sedeat, nisi cum vices habuerit proprii patriarchæ aut metropolitani pro aliquo capitulo. Tunc enim sicut illius locum tenens honorabitur. Si quis vero præsumpserit hoc tyrannice facere, a proprio gradu repulsus, ultimus omnium fiat in ordine suo.

CAP. 124.— *De irrecuperabiliter depositis, cap. 10 [cap. 21].*

Qui pro culpis suis irrecuperabiliter depositi sunt, et in locum laicorum redacti, si sponte sua convertantur ad Deum, peccato renuntiantes pro quo depositi sunt, et omnino se alienant ab eo, clericalem tonsuram non perdant. Si vero peccato adhæserint, quemadmodum laici comas dimittant, quia mundanam conversationem cœlesti vitæ præposuerunt.

CAP. 125.— *Ut servus nesciente domino suo non ordinetur. Ex concilio Aurelianensi, c. 5 (conc. Aur. 11, c. 10).*

(*Dist. 54, c. Si servus.*) Servus si, absente domino

aut nesciente, episcopo autem sciente quod servus sit, diaconus aut presbyter fuerit ordinatus, ipso in clericatus officio permanente, episcopus cum domino duplici satisfactione compenset. Si vero episcopus eum servum nescierit, qui testimonium perhibet, aut eum supplicaverint ordinari, simili retributione teneantur obnoxii.

CAP. 126.— *De his qui libertatem ita consequuntur ut nullum sibi domini obsequium retentent. Ex concilio Toletano, cap. 74 (conc. Tol. iv, c. 73).*

(*Dist. 54, c. Quicumque.*) Quicumque libertatem a dominis suis ita percipiunt ut nullum sibi in eis obsequium patronus retentent, isti, si sine crimine capitali sunt, ad clericatus ordinem libere suscipiantur, quia directa manumissione absoluti esse noscuntur. Qui vero retento obsequio manumissi sunt, pro eo quod adhuc patroni servitute tenentur obnoxii, nullatenus ad ecclesiasticum ordinem promovendi sunt, nequando voluerint eorum domini, fiant ex clericis servi.

CAP. 127.— *De servis ordinandis quomodo ingenui fieri debeant. Ex concilio Remensi, cap. 1.*

Auctoritas ecclesiastica patenter admonet, insuper et majestas regia canonicæ religioni assensum præbet, ut quemcumque ad sacros ordines ex familia propria promovere Ecclesia quæque delegaverit, in præsentia sacerdotum canonicorum, simul et nobilium laicorum, ejus cui subjectus est subscriptione vel manumissione, sub libertatis testamento, solemniter roboretur.

CAP. 128.— *De eodem. Ex concilio Toletano (in fragmentis conc. Tolet. 1).*

Dehinc autem suprascriptæ ingenuitatis chartæ non solum nomen illius qui has fieri rogat, sed etiam nomina sacerdotum et nobilium laicorum qui ibi fuerint, in ordine digesta, cum signis propria manu impressis continere. Nam sine horum astipulatione pagina auctoritate testium nudata pro nihilo deputatur. Oportet etiam ut locus, dies, annus, princeps, et indictiones in fine vel in margine adnotata habeantur in hunc modum. Actum in illa civitate, in domo Sancti Petri, Kalendis illis, anno Dominicæ Incarnationis illo, regnante illo rege, et præsidente in cathedra supradictæ civitatis episcopo illo vel in monasterio illo (*quatuor hæc verba non sunt in originali*), indictione illa, in Dei nomina feliciter. Amen. Ait enim Romana auctoritas: Quæcumque leges sine die et consule fuerint prolatae, non valeant.

CAP. 129.— *Item de eodem. Ex eodem concilio (ibidem).*

Instruendi sunt præterea laici ut sciant quod nullatenus alio loco manumittere proprios possunt servos, quos dominicis castris aggregari decreverunt, nisi in sacrosancta Ecclesia ordine supranotato. Quomodo enim clerici extra sanctam Ecclesiam libertatem consequi possunt, qui a lege mundana extranei sunt? Et quibus interdicatur ne ad sæculare judicium procedant, quomodo sæculari judicio a iugo servitutis absolvuntur? Sed fortasse dicat

aliquis : Clericus fieri non permittitur, nisi ante susceptum clericatus officium, ingenuitate potiat. Revera verum dicit : Et ideo quod infirmari vel vituperari potest, præcaveri debet.

CAP. 130. — *Item de eodem. Ex eodem concilio (ibidem).*

Non solum autem qui ad clericatus ordinem promovendi sunt in Ecclesia manumittendi sunt, verum etiam hi, quos quisque pro remedio animæ suæ emancipari vult, quia sic scriptum quippe est in pacto Francorum.

CAP. 131. — *Exemplar libertatis de proprio servo. Ex eodem concilio (ibidem).*

Qui debitum sibi nexum, atque competens relaxat servitium, præmium in futuro apud Dominum sibi provenire non dubitet. Quapropter ego, in Dei nomine, illum pro remedio animæ meæ, vel æterna retributione in ecclesia Sancti Petri, vel illius sancti, sub præsentia episcopi vel sacerdotum ibi consistentium, ac nobilium laicorum, ante cornu altaris istius ecclesiæ, absolvo servum meum illum, per hanc chartam absolutionis, et ingenuitatis, ab omni vinculo servitutis, ita ut ab hac die, et deinceps ingenuus sit, et ingenuus permaneat, tanquam si ab ingenuis parentibus fuisset natus, aut procreatus. Eam pergat partem quam maluerit, vel quam ei auctoritas canonica permittit, et sicut alii ingenui vitam ducat ingenuam. Nulli autem hæredum meorum, ac probæredum, nec cuiquam personæ alii quidquam debeat servitutis, vel libertatis obsequium, nisi soli Deo, cui omnia subjecta sunt, vel pro cuius amore ipsum devotus ad ejus servitium obtuli. Pecuniare vero suum quod Dominus ei dederit, vel deinceps, Deo auxiliante, assequi [al. laborare] potuerit, concessum in perpetuum habeat, ut inde faciat quidquid illi placuerit, secundum ecclesiasticas sanctiones. Si quis vero (quod futurum esse non credo) si ego ipse, aut aliquis de hæredibus meis, vel quolibet opposita persona, contra hanc ingenuitatis chartam venire tentaverit, aut eam quolibet modo infringere voluerit, in primis iram Dei incurrat, et a liminibus sanctæ ecclesiæ extraneus efficiatur : et insuper qui litem intulit [quadraginta [sexaginta] solidos persolvat, et quod repetit vindicare non valeat; sed præsens ingenuitas mea vel aliorum bonorum hominum manibus roborata, aut astipulatione subjuncta [al. subnixâ] omni temore maneat inconvulsa.

CAP. 132. — *De servorum ordinatione. Ex eodem concilio, cap. 32.*

(Dist. 54, c. De servorum.) De servorum ordinatione qui passim ad gradus ecclesiasticos in discrete promoventur, placuit omnibus cum sacris canonibus concordare debere: et statutum est ut nullus episcoporum deinceps, eos ad sacros ordines promovere præsumat, nisi prius a dominis propriis consecuti fuerint libertatem. Et si quilibet servus dominum suum fugiens aut latitans, aut adhibitis testibus

munere conductis vel corruptis, aut qualibet calliditate vel fraude ad gradus ecclesiasticos pervenerit, decretum est ut deponatur, et dominus ejus eum recipiat. Si vero avus aut pater ab alia patria in aliam migrans in eadem provincia filium genuerit, et ipse filius ibidem educatus ad gradus ecclesiasticos promotus fuerit, et utrum servus sit ignotum sit, et postea veniens dominus illius legibus eum acquisierit, sanctum est ut si dominus ei [ejus] libertatem dare voluerit, in gradu suo permaneat. Si vero eum catena servitutis a castris Dominicis abstrahere voluerit, gradum amittat; quia juxta sacros canones vilis persona manens, sacerdotii dignitate fungi non potest.

CAP. 133. — *De ecclesiarum servis. Ex eodem concilio, cap. 33 (ibidem).*

De ecclesiarum vero servis communi sententia est decretum, ut archiepiscopi per singulas provincias constituti nostram auctoritatem sequantur, Suffraganei autem illorum exemplar illius penes se habeant, et quandocumque de familia ecclesiæ utilis inventus aliquis ordinandus est, in ambone ipsa auctoritæ coram populo legatur, tecoram sacerdotibus et omni clero ante cornu altaris (sicut in nostra auctoritate continetur) remota qualibet calliditate, libertatem consequatur, et tunc demum ad gradus ecclesiasticos promoveatur.

CAP. 134. — *Ut pœnitentes vel bigami non promoveantur. Ex concilio Arelatensi III, cap. 3.*

(Dist. 55, c. Nullus pœnitentem.) Ut bigami vel pœnitentes, vel repudiatarum mariti, ad sacerdotium non promoveantur.

CAP. 135. — *De energumenis. Ex concilio Arausico, cap. 6 (Araus. I).*

Energumeni non solum assumendi non sunt ad ullum ordinem clericatus, sed etiam qui ordinati sunt, ab imposito officio repellendi sunt.

CAP. 136. — *Item ne pœnitentes ordinentur. Ex concilio Carthaginensi, cap. 77 (Cart. IV, c. 68).*

(Dist. 50, c. Ex pœnitentibus.) Ex pœnitentibus, quamvis sit bonus, clericus non ordinetur. Si per ignorantiam episcopi factum fuerit, deponatur a clero; quia se ordinationis tempore non prodidit fuisse in pœnitentia. Si autem sciens episcopus ordina-verit talem, etiam ab episcopatus sui, ordiandi duntaxat, potestate privetur.

CAP. 137. — *De actoribus et procuratoribus si ordinari debeant. Ex eodem concilio, cap. 9.*

Magnus episcopus Astuagensis dixit: Quid dilectioni vestræ videtur, procuratores et actores, etiam executores pupillorum, si debeant ordinari? Gratus episcopus dixit: Si post disposita universa et reddita ratiocinia, actus vitæ ipsorum fuerint comprobati in omnibus, debent et cum laude clericatus si postulatum fuerit, honore munerari. Si enim ante libertatem negotiorum vel officiorum ab aliquo sine consideratione fuerint ordinati, ecclesia infamatur. Universi dixerunt: Recte omnia statuit sanctitas tua, ideoque ita nostra est quoque sententia.

CAP. 138. — *Item de pœnitentibus. Ex Toletano concilio 1, cap. 2.*

(*Dist. 50, c. Placuit.*) Item placuit ut pœnitentes non admittantur ad clerum, nisi tantum, si necessitas aut usus exegerit inter ostiarios deputentur [et tunc deputentur]; vel inter lectores, ita ut Evangelia et Apostolum non legant, Si qui autem ante ordinati sunt, inter subdiaconos habeantur, ita ut manum non imponant, aut sacra contingant. Eum vero pœnitentem dicimus, qui post baptismum pro homicidio, aut pro diversis criminibus gravissimisque peccatis publicam pœnitentiam gerens, sub cilicio divino reconciliatus altario.

CAP. 139. — *Lajcus, si secundam uxorem duxerit, clericus non fiat. Ex concilio Aureliensi, cap. 8 (Aurel. III, cap. 9).*

Si quis de laicis post uxorem aliam cujuscunque conditionis cognoverit mulierem, in clerum nullatenus admittatur.

CAP. 140. — *Ut nullus alterius parœcianum retinere præsumat. Ex decretis Adriani papæ, cap. 15 (inter 80 canones contra falsos accusatores episcoporum).*

Nullus episcopus alterius parœcianum præsumat retinere aut ordinare absque ejus voluntate, vel judicare; quia sicut irrita erit ejus ordinatio, ita et judicium; quoniam censemus nullum alterius judicis, nisi sui sententia teneri. Nam qui eum ordinare non potuit, nec judicare ullatenus poterit.

CAP. 141. — *Ut ab alio episcopo ordinatus in clero non maneat. Ex concilio Maguntensi, cap. 4.*

Ordinatus clericus ab alio episcopo, non deprecante vel consentiente suo, in clero non maneat.

CAP. 142. — *De quodam episcopo, qui alterius episcopi clericum eo nolente ordinaverat. Ex concilio Africano, cap. 42 (Carth. III, c. 44).*

Epigonius episcopus dixit: In multis conciliis hoc statutum est, et nunc confirmandum est a vestra prudentia, fratres charissimi [beatissimi] ut clericum alienum nullus sibi præripiat episcopus, præter ejus arbitrium cujus fuerit clericus. Dico autem Julianum, qui ingratus est Dei beneficiis, per meam parvitatem in se collatis, ita temerarium et audacem exstitisse, ut eum qui a me baptizatus est, cum esset puer egentissimus mihi ab eodem commendatus, cumque multis annis a me aleretur, atque increceret, hunc (ut dixi) baptizatum esse in ecclesia mea, per manum parvitatæ meæ constat: idem in diœcesi Mapaliensi lector esse cœperat, imo annis ferme duobus legerat, nescio quo contemptu [al. humilitatis meæ] immanissimo idem Julianus eum arripuit: quem dicit quasi proprium civem sui loci Vazaritani me inconsulto usurpare. Nam et diaconem illum ordinavit. Hoc si liceat, pateat hæc licentia a vobis, beatissimi fratres, Sin minus, tam impudens cohibeatur ne se misceat communioni cujusquam. Numidius episcopus dixit: Si non postulata neque consulta tua dignatione, id videtur fecisse Julianus, judicamus omnes inique factum atque indignè. Quapropter idem Julianus si non correxerit errorem

A suum, et cum satisfactione eundem clericum quem fuit ausus ordinare, revocaverit tux plebi, contra statuta concilii faciens, contumaciæ suæ separatius a nobis excipiet judicium. Epigonius episcopus dixit: Ætate pater, et ipse promotione antiquissimus vir laudabilis frater et collega noster Victor, vult hanc petitionem generalem omnibus effici.

CAP. 143. — *Ne alienum clericum quis retineat. Ex concilio Carthaginensi, c. 20 (Carth. III, c. 2).*

(*Dist. 72, c. Clericum alienum.*) Ut clericum alienum non concedente proprio episcopo nemo audeat vel retinere, vel promovere in ecclesia sibi credita. Clericorum autem nomen etiam lectores, et psalmistæ et ostiarii retineant.

B CAP. 144. — *Ut nullus episcopus alienum clericum sine litteris episcopi sui suscipiat. Ex eodem concilio c. 6 (Carth. I, c. 5).*

(*Dist. 71, c. Privatus.*) Primatus episcopus Vegetilianus dixit: Suggesto sanctitati vestræ ut statuatis non licere clericum alienum ab aliquo suscipi sine litteris episcopi sui, neque apud se retinere, nec laicum usurpare sibi de plebe aliena, ut eum ordinet sine conscientia episcopi ejus, de cujus plebe est. Gratus episcopus dixit: Hæc observantia pacem custodit. Nam et memini in sanctissimo concilio Sardicensi statutum (c. 16, 18, 19), ut nemo alterius plebis hominem usurpet. Sed, si forte erit necessarius, petat a collega suo, et per consensum habeat.

C CAP. 145. — *De presbyteris et diaconibus qui sine litteris episcopi sui ambulant. Ex concilio Agathensi, c. 5 (cap. 52).*

Presbyter et diaconus, aut clericus si sine antistitis sui epistolis ambulant, communionem eis nullus impendat.

CAP. 146. — *De eodem. Ex concilio Laodicensi, c. 41.*

(*De cons., dist. 5, c. Non oportet.*) Quod non oportet sacerdotem vel clericum sine litteris proficisci canonicis.

CAP. 147. — *Ut unusquisque presbyter cum ordinatur, litteras ab ordinatore suo accipiat. Ex concilio Milevitano, c. 14.*

Deinde placuit ut quicumque deinceps ab episcopis ordinantur, litteras accipiant ab ordinantibus suis manu eorum subscriptas, continentes annum Domini et diem [consulem et diem], ut nulla altercatio de posterioribus vel anterioribus oriatur.

CAP. 148. — *Ut ordinatus in locis ad quæ ordinatus est, permaneat. Ex concilio Agathensi, c. 2.*

De his qui in quibusdam locis ordinati fuerint, ministri in ipsis locis perseverent.

CAP. 149. — *De presbytero, qui confessus fuerit ante ordinationem se peccasse. Ex concilio Cabilonensi, c. 25 (cap. 25, synod. Græca a Marti. episc. Brac. collectarum).*

(25, q. 8, c. Si quis presbyter.) Si quis presbyter ante ordinationem peccaverit, et post ordinationem peccata confessus fuerit quod ante erraverit, non offerat, sed tamen tantum pro religione non ea

presbyteri portet. Si autem non ipse confessus, sed ab alio publice convictus; nec hoc ipsum habeat, ut nomen presbyteri portet. Similiter et de diaconibus observandum est: ut si ipse confessus fuerit, ordinem subdiaconi retineat.

CAP. 150. — *De eadem re. Ex concilio Neocæsariensi, cap. 13 [cap. 9].*

(15, q. 8, c. Qui admisit.) Presbyter, si præoccupatus corporali peccato promoveatur, et confessus fuerit de se quod ante ordinationem deliquerit, oblata non consecret, manens in reliquis officiis propter studium bonum. Quod si de seipso confessus non fuerit, et argui manifeste nequiverit, potestatis suæ iudicio relinquatur.

CAP. 151. — *De ministeriis presbyterorum, et quid eis commissum sit. Ex dictis Augustini.*

Vos presbyteri nosse debetis, et semper meminisse, quia nos quibus regendarum animarum cura commissa est, pro his qui nostra negligentia pereunt, rationem reddituri sumus; pro his vero quos verbis et exemplis lucrati fuimus, præmium æternæ vitæ percipiemus. Nobis enim a Domino dictum est: *Vos estis sal terræ (Matth. v)*. Quod si populus fidelis cibus est Dei, ejusdem cibi condimentum nos sumus. Scitote vestrum gradum nostro gradui secundum, et pene conjunctum esse. Sicut enim episcopi apostolorum in Ecclesia, ita nimirum presbyteri cæterorum discipulorum Domini vicem tenent. Et illi tenent gradum summi pontificis Aaron, isti vero filiorum ejus. Unde oportet vos semper memores esse tantæ dignitatis, memores vestræ consecrationis, memores sacræ, quam in manibus suscepistis, unctionis, ut nec ab eadem dignitate degeneretis, nec vestram consecrationem irritam faciatis, nec manus sacro unguine delibutas peccando pollutatis, sed cordis et corporis munditiam conservantes plebibus exemplum bene vivendi præbentes, his quibus præstis ducatum ad cœlestia regna præbeatis.

CAP. 152. — *Ut singuli presbyteri singulos clericos habeant. Ex concilio Nannetensi, cap. 8.*

Ut quisque presbyter qui plebem regit, clericum habeat qui secum cantet, et Epistolam et lectionem legat, et qui scholam possit tenere: et admoneat suos parocianos, ut filios suos ad fidem discendam mittant ad ecclesiam, quos ipse cum omni castitate erudiat.

CAP. 153. — *De discutienda fide presbyterorum. Ex concilio Maticensi, cap. 3.*

Primo omnium discutienda est fides sacerdotum, qualiter credant, et alios credere doceant. Ibi exempla proponenda sunt, quatenus creatura Creator quantumcunque possit intelligi.

CAP. 154. — *Quomodo vel quid presbyteri sibi commissos docere debeant. Ex dictis Augustini.*

Hortamur vos paratos esse ad docendas plebes vestras. Qui Scripturas scit, prædicet Scripturas; qui vero nescit, saltem hoc quod notissimum habet plebibus dicat, ut declinent a malo et faciant bonum, acquirant pacem et sequantur eam. *Quia oculi Do-*

mini super justos, et aures ejus in preces eorum (Psal. xxxvi). Vultus autem Domini super facientes malum; ut perdat de terra memoriam eorum (Psal. xxxiii). Nullus ergo excusare se poterit, quod non habeat linguam unde aliquam possit edificare. Mox enim ut quemlibet errantem viderit, prout valet et potest, aut arguendo, vel obsecrando, vel increpando ab errore retrahat, et ad peragendum opus bonum hortetur.

CAP. 155. — *De eadem re. Ex concilio Rothomagensi, cap. 6.*

In primis prædicandum est omnibus generaliter, ut credant Patrem, et Filium, et Spiritum sanctum unum esse Deum omnipotentem, qui omnia fecit, et unam esse Deitatem et substantiam, et majestatem in tribus personis Patris, et Filii, et Spiritus sancti.

CAP. 156. — *Item de eadem re. Ex eodem concilio, cap. 2.*

Item prædicandum est quomodo Filius Dei incarnatus est de Spiritu sancto, ex Maria virgine, pro salute humani generis passus, sepultus, tertia die resurrexit, et in cœlum ascendit, in fine mundi venturus judicare omnes homines secundum opera propria: quomodo impii cum diabolo in ignem æternum mittentur, justii cum Christo in vita æterna erunt.

CAP. 157. — *Item de eodem, cap. 3.*

Item prædicandum est quod omnes homines in propria carne resurgent.

CAP. 158. — *Ut omnis presbyter parocianis suis Symbolum et orationem Dominicam insinuet. Ex concilio Remensi, cap. 8.*

Ut omnis presbyter omnibus parocianis suis Symbolum et orationem Dominicam, aut ipse per se insinuet, aut aliis insinuandum injungat: ut cum ad confessionem tempore quadragesimali veniunt, hæc ab unoquoque memoriter sibi decantari faciat, nec ante sanctam communionem alicui tradat, nisi hæc ex corde pronuntiare noverit. Siquidem sine horum scientia, nullus salvus esse poterit. In uno enim fides et credulitas Christiana continetur, in alio quid orare et petere a Deo debeamus exprimitur. Quod vero sine fide nemo possit esse salvus Dominus ostendit, cum dicit: *Qui crediderit et baptizatus fuerit, salvus erit (Matth. xvi)*. Nullus autem credere potest quod nescit, nec audivit. Ait enim Paulus: *Quomodo credent ei, quem non audierunt? (Rom. x.)* Nec sola sufficit fides in corde, nisi etiam verbis enuntietur, ut idem Apostolus testis est: *Corde enim, inquit, creditur ad justitiam, ore autem confessio fit ad salutem (ibid)*. Nullus autem de stoliditate sensus vel tenuitate ingenii causetur; quia hæc tam parva sunt, ut nemo tam hebes et barbarus sit qui hoc disceat et verbis communibus pronuntiare non possit; tam magna, ut qui horum scientiam pleniter capere potuerit, sufficere sibi credatur ad salutem perpetuam. Illud etiam observandum ut nullus suscipiat infantem in baptismo a sacro fonte, antequam idem Symbolum et orationem Dominicam co-

ram populo [presbytero] decantent. Et tunc presbyter omnibus patrinis annuntiet, quod debitores sint suis filiis cum ad intelligibilem aetatem venerint, hæc eadem insinuare.

CAP. 159. — *De eadem re. Ex concilio Cabilonensi, cap. 3.*

Jubendum est, ut oratio Dominica in qua omnia necessaria humanæ vitæ comprehenduntur, et Symbolum apostolorum in quo fides catholica ex integro comprehenditur, ab omnibus discatur, tam Latine quam barbarice, ut quod ore confitentur, corde credant.

CAP. 160. — *De prædicanda dilectione Dei et proximi. Ex eodem, cap. 5.*

Item prædicandum est de dilectione Dei et proximi, de fide, et sp̄e in Deo, de humilitate, patientia, castitate, benignitate, misericordia, de eleemosynis, de confessione ut fratribus ex corde remittatur, quia qui hæc et similia agunt, regnum Dei consequentur.

CAP. 161. — *De criminalibus peccatis. Ex eodem, cap. 5.*

Item prædicandum est, pro quibus criminibus homines cum diabolo deputantur, quæ Apostolus sic enumerat: *Fornicatio, immunditia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidia, homicidia, ebrietates, comessationes et his similia. Qui talia agunt, regnum Dei non consequentur (Galat. v).* Et ideo hæc omnia cum omni studio prohibeantur.

CAP. 162. — *Ut de auditorio nullus egrediatur sacerdote verbum faciente. Ex concilio Carthaginensi IV, cap. 24.*

(*De cons., dist. 1, c. Sacerdote.*) Sacerdote in ecclesia verbum faciente, qui egressus de auditorio fuerit sine gravi necessitate [*hæc tria verba desunt in orig.*], excommunicetur.

CAP. 163. — *De eadem re. Ex canonibus apostolorum, cap. 10.*

(*De cons., dist. 1, c. Omnes fideles.*) Omnes fideles qui conveniunt in solemnitatibus sacris ad ecclesiam, et Scripturas apostolorum et Evangelium audiunt, non autem perseverant in oratione usque dum missa peragatur, nec sanctam communionem percipiunt, velut inquietudines ecclesiæ commoventes, convenit communionem privari.

CAP. 164. — *Item de eodem. Ex canonibus apostolorum.*

Omnes Christiani qui ingrediuntur in ecclesiam Dei, et Scripturas sacras audiunt, neque communicant in oratione cum populo, sed pro quadam intemperantia se a perceptione sacræ communionis averunt, hi de ecclesia removeantur, donec per confessionem penitentiae fructus ostendant.

CAP. 165. — *De precibus post allocutionem. Ex concilio Laodicensi, cap. 19.*

Quod oporteat seorsum primum post allocutionem episcoporum vel presbyterorum orationes super catechumenos celebrari, et postquam catechu-

meni egressi fuerint, super eos qui sunt in penitentia preces fieri, his etiam accedentibus ad manum sacerdotis et discedentibus, tres orationes consummari fidelium, ita ut prima quidem sub silentio, secunda vero et tertia per exclamationes solitas expleantur. Et ita demum pacem sibi invicem dabunt. Et postea quam dederit episcopus presbyteris osculum pacis, tunc laici sibi tribuent, et ita sancta celebrabitur oblatio.

CAP. 166. — *Quæ admoneri debeant presbyteri. Ex concilio Aurelianensi, cap. 4.*

Ut sacerdotes admoneant populum, ut eleemosynam dent, et orationes faciant pro diversis plagis, quas assidue pro peccatis nostris patimur.

CAP. 167. — *Quomodo unusquisque orare debeat. Ex eodem, cap. 6.*

Item instruendus est populus, ut singulis diebus qui amplius non potest, saltem duabus vicibus oret, mane scilicet et vespere, dicens Symbolum et orationem Dominicam, sive: Qui plasmasti me misere mei, vel etiam: *Deus, propitius esto mihi peccatori (Luc. xviii)*, et Deo gratias agens pro quotidianæ vitæ comestibus, et quia se ad imaginem suam creare dignatus sit, et a pecudibus segregare. His ita peractis et solo Deo creatore suo adorato, sanctos invocet, ut pro se intercedere apud majestatem divinam dignentur. Hæc faciant, quibus basilicæ locus prope est, in basilica; qui vero in itinere, aut pro qualibet occasione in silvis, aut in agris ubicunque eos ipsa hora matutinalis vel vespertina invenerit, sic faciant, scientes Deum ubique presentem esse, dicente Psalmista in omni loco dominationes ejus (*Psal. cii*).

CAP. 168. — *De filiis quomodo parentibus obedire debeant. Ex concilio apud Avernas, cap. 6 [3].*

Admonendi sunt fideles sanctæ Ecclesiæ Dei, ut filii et filia parentibus suis obedientiam exhibeant, dicente Domino: *Fili, honorifica patrem tuum.* Nam, ut ipsi parentes erga filios suos ac filias modeste se agant, admonendi sunt, dicente Apostolo: *Et vos parentes, nolite ad iracundiam provocare filios vestros (Coloss. 3).* Nam et hoc dicendum est eis, ut si illi genitali affectu parcere velint injuriis filiorum, non hos impunitos Dominus sinit, nisi forte penitentia subiciantur. Sed tamen levius est filiis parentum qualibet flagella suscipere, quam Dei iram incur-rere.

CAP. 169. — *Ut ad salutationes sacerdotis in missa omnes respondeant. Ex concilio Aurelianensi.*

Item iudicandum est, ut ad salutationes sacerdotales congrue responsiones discantur, ubi non solum clerici et Deo dicati, sacerdoti responsiones offerant, sed omnis plebs consona voce devote respondere debet.

CAP. 170. — *Ne presbyter relicta ecclesia sua, per sancta loca discurrat. Ex dictis Augustini.*

Interdicendum est ut nullus ordinatus migret de sua parochia ad aliam nec in limina apostolorum causa orationis, suæ ecclesiæ cura derelicta, nec ad palatium causa interpellandi. Quod si fecerit, nihil

valet hujusmodi aut ordinatio vel demigratio. Et hoc omnibus denunciandum, ut qui causa orationis ad limina beatorum apostolorum pergere cupiunt, domi confiteantur peccata sua, et sic prolificentur, qui a proprio episcopo suo, aut a sacerdote ligandi aut solvendi sunt, non ab extraneo.

CAP. 171. — *Nihil agendum sine licentia episcopi. Ex epistola Clementis (epist. 1, ante finem).*

Nullum enim presbyterum in alicujus episcopi parocia aliquid agere debere, absque ejus permissa docebat. Cunctos presbyteros propriis episcopis in omnibus absque mora obediens, instituenti Domino, esse debere docebat. Nullum aliena concupiscere aut presumere quæ eorum erant, sed unumquemque suis sibi que commissis contentum esse docebat. Neminem etiam alicui aliquid facere, nisi quod sibi vult fieri, instruebat.

CAP. 172. — *Ne presbyteri relictis locis sibi commissis ad alia transeant. Ex concilio Arelatensi primo, cap. 2.*

De presbyteris aut diaconibus, qui solent dimittere loca sua, in quibus ordinati sunt, et ad alia loca se transferunt; placuit ut iisdem locis ministrent quibus præfixi sunt. Qui, si derelictis locis suis ad alium se locum transferre voluerint, deponantur.

CAP. 173. — *Quod non liceat clericum in duarum civitatum simul conscribi ecclesiis. Ex concilio Chalcedonensi, cap. 10, actione 15.*

(21, q. 1, c. Clericum duarum.) Non licere clericum in duarum civitatum conscribi simul ecclesiis, sed in qua ab initio ordinatus est ministret; nec ad aliam confugiat, quasi potioem, ob inanis gloriæ cupiditatem. Hoc autem facientes revocari debent ad suam ecclesiam, in qua primitus ordinati sunt, et ibi tantummodo ministrare.

CAP. 174. — *Ne quis ordinatus de civitate in civitatem transferatur. Ex concilio Nicano, cap. 15 (et Aquisgr., c. 43).*

(7, q. 1, c. Non oportet.) Propter multam perturbationem, seditionesque quæ fiunt, placuit consuetudinem omnimodis amputari, quæ præter regulam in quibusdam partibus videtur admissa; ita de civitate in civitatem non episcopus, non presbyter, non diaconus transferatur. Si quis autem post definitionem sancti et magni concilii tale quid agere tentaverit, et se hujusmodi negotio manciparit, hoc factum prorsus irritum ducatur, et restituatur Ecclesie cui fuerit, episcopus aut presbyter, aut diaconus ordinatus.

CAP. 175. — *De eadem re. Ex eodem concilio, cap. 17.*

Quicumque temere aut periculose neque timorem Domini præ oculis habentes, nec agnoscentes ecclesiasticam regulam discedunt ab Ecclesia commissa presbyteri aut diaconi, vel quicumque sub regula prorsus existunt, hi nequaquam debent in aliam Ecclesiam recipi, sed omnem necessitatem convenit illis imponi, ut ad suas parocias revertantur. Quod si non fecerint, oportet eos communionem privari.

CAP. 176. — *Ne presbyteri per diversa loca legati*

mittantur, dimissa cura animarum. Ex concilio Arelatensi, cap. 3.

Statutum est ut presbyteri, sicut hactenus factum est, indiscrete per diversa non mittantur loca, nec ab episcopis nec ab aliis prælatis, nec etiam a laicis, ne forte propter eorum absentiam et animarum pericula fiant, et ecclesiarum in quibus constituti sunt negligant officia.

CAP. 177. — *Quod presbyteri assidue legere debeant et orare. Ex dictis Augustini.*

Presbyteri, oportet vos assiduitatem habere legendi et instantiam orandi, quia vita viri justi lectione instruitur, oratione ornatur, et assiduitate lectionis munitur homo a peccato, juxta illum qui dicebat: *In corde meo abscondi eloquia tua ut non peccem tibi (Psal. cxviii).* Hæc sunt enim arma videlicet lectio et oratio, quibus diabolus expugnatur. Hæc sunt instrumenta quibus æterna beatitudo acquiritur; his armis vitia comprimuntur; his alimentis virtutes nutriuntur. Sed et si quando a lectione cessatur, debet manuum operatio subsequi, quia otiositas inimica est animæ. Et antiquus hostis quem a lectione sive ab oratione vacantem invenerit, facile ad vitia rapit. Per usum namque lectionis discetis qualiter et vos vivatis, et alios doceatis. Per usum orationis et vobis, et his quibus in charitate conjuncti estis, prodesse valebitis. Per manuum operationem et corporis macerationem, et vitiiis alimenta negabitis et vestris necessitatibus subvenietis, et habebitis unde necessitatem patientibus porrigatis (*Ephes. iv.*)

CAP. 178. — *Ut presbyteri sine orariis non vadant. Ex conc. Maguntensi (sub Leone III cap. 28).*

Presbyteri sine intermissione utantur orariis, propter differentiam sacerdotalis dignitatis.

CAP. 179. — *Ut clericus honesto artificio victum sibi quærat. Ex concilio Africano (conc. Carth. iv, cap. 51).*

(*Dist. 91, cap. Clericus.*) Clericus quilibet [quantumlibet] verbo Dei eruditus, artificio honesto victum quærat.

CAP. 180. — *De eadem re. Ex eodem, cap. 52.*

(*Dist. 91, c. Clericus victum.*) Clericus quilibet verbo Dei eruditus artificio vel agricultura, absque officii sui duntaxat detrimento, præparet sibi victum et vestimentum.

D CAP. 181. — *De presbyteris quid matutinali officio expleto agere debeant. Ex concilio Nannetensi, cap. 60.*

(*Dist. 91, c. Presbyter mane.*) Presbyter mane, matutinali officio expleto pensum servitutis suæ canendo primam, tertiam, sextam, nonamque persolvat; ita tamen ut postea horis competentibus, et signis designantibus, justa possibilitatem, aut a se, aut a scholaribus publice compleantur. Deinde peractis horis, infirmis visitatis, si voluerit ad opus rurale exeat jejunus, ut iterum necessitatibus peregrinorum et hospitem, sive diversorum committentium, infirmorum quoque atque defunctorum succurrere possit, usque ad statutam horam, pro qualitate temporis et opportunitate.

CAP. 182. — *De eadem re. Ex dictis sancti Benedicti A* feminas secum indiscrete habitare permittunt, et propter hoc malæ opinionis suspiciōe denotantur; ut si deinceps admoniti non se correxerint, velut contemptores sanctorum canonum, canonica invectione feriantur.

Propheta dicente: *Septies in die laudem dixi tibi* (Psal. cxviii), qui septenarius sacratus numerus a nobis sic implebitur, si matutino, primæ, tertiæ, sextæ, nonæ, [vesperæ, completorii]que tempore nostræ servitutis officia persolvamus, quia de his dixit Propheta: *Septies in die laudem dixi tibi*. Nam de nocturnis vigiliis idem ipse Propheta ait: *Media nocte surgebam ad confitendum tibi* (ibid.). Ergo his temporibus referamus laudes Creatori nostro super iudicia justitiæ suæ.

CAP. 183. — *Ut presbyteri super eos solliciti sint quorum bonis participantur. Ex dictis Augustini.*

Admonendi sunt presbyteri ut perpendant quia quidquid a fidelibus datur, redemptio peccatorum est. Et ideo non gloriantur talibus sumptibus uti, sed magis timeant quod in Veteri Testamento de sacerdotibus dictum est: Iniquitatem populi eos debere portare (Levit. x; Num. xviii). Et ideo cum magno timore super eos solliciti sint, quorum bonis [donis] participantur, quia magnum periculum est iudicem fieri vitæ alienæ, qui nescit tenere moderamina vitæ suæ.

CAP. 184. — *Ut presbyteri juxta ecclesiam hospitentur. Ex conc. Meldensi, cap. 5, (cap. 56).*

Ut presbyteri nullatenus ubicunque hospitari sinantur, aut aliquo modo ipsi præsumant, sed assidue omnes apud ecclesias suas esse studeant, propter sacra mysteria vel ministeria fidelibus exhibenda, nec etiam alibi habitare permittantur. Neque mulieres quamcunque habitationem [al. frequentationem] habeant in locis, in quibus presbyteri aliquem recursum habuerint. Quod si observare parvipenderit ita ut transgressores, et qui contra interdicta fecerint, judicentur.

CAP. 185. — *Ut presbyter si uxorem duxerit deponatur. Ex concilio Neocæsariensi, cap. 1.*

(Dist. 28, cap. Presbyter si uxorem, cap. 10.) Presbyter si uxorem acceperit ab ordine deponatur. Si vero fornicatus fuerit, aut adulterium perpetraverit, amplius pelli debet, et ad pœnitentiam redigi. Simili modo etiam diaconus, si eidem peccato succubuerit, ab ordine ministerii subtrahatur.

CAP. 186. — *De eadem re. Ex consilio Nicæno, cap. 5.*

(Dist. 32, c. Interdixit per omnia.) Interdixit per omnia magna synodus non episcopo, non presbytero, non diacono, nec alicui omnino qui in clero est licere subintroductam habere mulierem, nisi forte matrem, aut sororem, aut amitam, vel eas tantum personas quæ suspensiones effugiant.

CAP. 187. — *De eodem. Ex decretis Syrici papæ, cap. 12 (epist. 1).*

(Dist. 18, c. Feminas.) Feminas vero non aliàs esse patimur in domibus clericorum, nisi eas tantum quas propter solas necessitudinis causas habitare cum iisdem synodus Nicæna permisit.

CAP. 188. — *Item de eodem. Ex decretis Syrici papæ, cap. 2 [cap. 3].*

Statutum est ab episcopis de presbyteris, qui

feminas secum indiscrete habitare permittunt, et propter hoc malæ opinionis suspiciōe denotantur; ut si deinceps admoniti non se correxerint, velut contemptores sanctorum canonum, canonica invectione feriantur.

CAP. 189. — *Cum quibus mulieribus presbytero habitare liceat. Ex concilio Agathensi, cap. 4 [cap. 10].*

Id etiam ad custodiendam vitam et famam nostræ speciali ordinatione præcipimus, ut nullus clericorum extraneæ sit mulieri qualibet consolatione [al. collatione], aut familiaritate conjunctus; et non solum in domum illius extranea mulier non accedat, sed nec ipse frequentandi extraneam mulierem habeat potestatem, sed cum matre tantum, et sorore, et nepte, si habuerit, aut voluerit, liberam habeat vivendi potestatem: de quibus nominibus nefas est aliud quam natura constituit suspicari.

CAP. 190. — *Ut ancillæ a cellario fratrum removeantur. Ex conc. Remensi, cap. 4 (Agathens. 1).*

Ancillas vel libertas a cellario, vel a secreto ministerio, et ab eadem mansione in qua clericus manet, placuit removèri.

CAP. 191. — *Ut nullus clericorum cum extraneis feminis habeat familiaritatem. Ex concilio Turonico, cap. 6 (conc. Turon. 1, c. 3).*

Et quia diabolo nullum locum dare oportet (Ephes. iv), hoc præcipue custodiendum decernimus, ut nulli clericorum cum extraneis feminis habeant familiaritatem, nec ullum male loquendi vel sentiendi hominibus aditum tribuant, quia frequenter per hanc indecentem occasionem contingit ut diabolus qui insidiatur sicut leo in cubili suo de ruinis servorum Dei insultet. Si quis vero clericus post interdictum episcopi sui his inhærere præsumperit [illicitis familiaritatibus extranearum feminarum], a communione habeatur alienus.

CAP. 192. — *De eadem re. Ex concilio Nannetensi, cap. 10 [cap. 3].*

Inhibendum, et modis omnibus interminandum est ut nullus sacerdos eas personas feminarum (sicut et in canone insertum continetur) de quibus suspicio esse potest, in domo sua habeat; sed neque illas, quas canones concedunt, matrem, amitam, sororem, quia instigante diabolo etiam in illis scelus frequenter perpetratum reperitur, aut etiam in pedissequis illarum. Sed si quis de his habuerit talem necessitatem patientem, cui sit necessaria sustentatio presbyteri, habeat in vico aut in villa domum longe a presbyteri conversatione, et ibi eis subministret quæ necessaria sunt. Sed hoc secundum auctoritatem canonum modis omnibus prohibendum ut nulla femina ad altare præsumat accedere, aut presbytero ministrare, aut infra cancellos stare aut sedere.

CAP. 193. — *De incontinentibus clericis. Ex canonibus apostolorum, cap. 22.*

De presbyteris et diaconibus divinarum legum est disciplina, ut incontinentes in officiis talibus positi omni honore ecclesiastico priventur. et ad tale

ministerium non recipiantur, quod sola continentia oportet impleri.

CAP. 194. — *De eadem re. Ex eisdem.*

Præterea quod dignum et pudicum, et honestum eos tenere Ecclesia omnino debet, ut sacerdotes et levitæ cum mulieribus non cœant, quia ministerii quotidiani necessitatibus occupantur. Scriptum est : *Sancti estote, quoniam ego sanctus sum Dominus Deus vester (Lev. XI, XIX, XX).*

CAP. 195. — *De clericis usuram exigentibus. Ex concilio Nannetensi (cap. 195).*

(*Apost. can. 43, dist. 47, c. Episcopus.*) Episcopus, presbyter, aut diaconus usuras a debitoribus exigens, aut desinat, aut certe damnetur.

CAP. 196. — *De eadem re. Ex concilio Nicæno (cap. 17).*

(*Dist. 47, c. Quoniam multi.*) Quoniam multi sub regula constituti avaritiam et turpia lucra sectantur, oblitisci divinæ Scripturæ dicentis : *Qui pecuniam suam non dedit ad usuram (Psal. XIV) : mutuum dantes centesimas exigunt, iuste censuit sancta et magna synodus, ut si quis inventus fuerit post hanc diffinitionem usuras accipiens, aut ad inventionem aliqua, vel quolibet modo negotium transigens, aut hemiola, id est, sexcupla exigens, vel aliquid tale prorsus excogitans turpis lucris gratia (I Cor. V), dejiciatur a clero, et alienus existat a regula.*

CAP. 197. — *Item de eadem re. Ex concilio Terracoenensi, cap. 2 (sub Hormisda).*

(*14, q. 4, c. Canonum.*) Quicumque esse voluerit in clero, emendi vilius et vœnundandi carius studio non utatur. Quod certe si voluerit exercere, cohibeatur a clero.

CAP. 198. — *Item de eodem. Ex concilio Agatensi, cap. 1 (can. 3, c. 16).*

(*14, q. 4, c. Nullus.*) Item placuit, ut clericus si commodaverit pecuniam, pecuniam accipiat; si speciem, eandem speciem, quantum dederit accipiat.

CAP. 199. — *Ut presbyteri plebes sibi commissas ab usuris abstinere doceant. Ex concilio Aurelianensi [Arelatensi], cap. 36.*

Ut presbyteri a turpibus lucris et usuris non solum ipsi abstineant, verum etiam plebes sibi subditas abstinere instruant.

CAP. 200. — *Quid sit usura. Ex concilio Carthaginensi, cap. 13 (conc. Agat. cap. 16).*

(*14, q. 3, c. Usura est.*) Usura est ubi plus requiritur quam datur. Verbi gratia : si dederis solidos decem, et amplius requisieris, vel dederis frumenti modium unum, et super aliquid exegeris.

CAP. 201. — *De eadem re. Ex decretis Julii papæ usurariis missis, cap. 131.*

(*14, q. 4, c. Quicumque.*) Quicumque enim tempore messis vel vindemiæ, non necessitate, sed propter cupiditatem, comparat annonam vel vinum, verbi gratia, de duobus denariis comparat modium unum, et servat usque dum venundetur denariis quatuor aut sex, aut amplius, hoc turpe lucrum dicimus.

CAP. 202. — *Quod qualitas lucris, negotiantem aut*

excusat, aut arguit. Ex decretis Leonis papæ (Leo I, epist. 90, ad Rusticum episc.)

(*De cons. dist. 45, c. Qualitas.*) Qualitas lucris negotiantem aut excusat, aut arguit, quia est honestus quæstus et turpis. Verumtamen pœnitenti utilius est dispendia pati, quam periculis negationis astringi, quia difficile est, inter ementis vendentisque commercium, non intervenire peccatum.

CAP. 203. — *Ut nullus ecclesiastici ordinis, tabernas ingrediatur. Ex dictis Aug.*

Canonum statuta prohibent ut nullus ecclesiastici ordinis, sumendi cibi aut potus causa, nisi peregrinationis necessitate compulsus, tabernas ingrediatur [ingredi habeat]. Sed si aliquis hæc interdicta violaverit, ut sanctorum canonum contemptor, acerrimis corripiatur disciplinis.

CAP. 204. — *De eadem re. Ex concilio Carthaginensi, cap. 25 (conc. Cart. III, cap. 27).*

(*Dist. 44, c. Clerici edendi.*) Ut clerici edendi vel bibendi causa tabernas non ingrediantur, nisi peregrinationis necessitate compulsi.

CAP. 205. — *Item de eodem. Ex concilio Laodicensi, cap. 24.*

(*Dist. 44, c. Non oportet.*) Quod non oporteat sacro ministerio deditos a presbyteris usque ad diaconos, et reliquum ecclesiasticum ordinem, id est usque ad subdiaconos, lectores, cantores, exorcistas, ostiarios et ex numero continentium et monachorum, ingredi tabernas.

CAP. 206. — *Ut quibus licentia nubendi non est, nuptias deventent. Ex epistola Leonis papæ.*

Quibus licentia uxores ducendi non est, alienarum nuptiarum evitent convivia.

CAP. 207. — *Ut presbyter bigami nuptiis non intersit. Ex concilio Neocæsariensi, cap. 7.*

(*13, q. c. De his qui.*) Presbyterum in nuptiis bigami prandere non convenit, quia cum pœnitentia bigamus egeat, quis erit presbyter, qui propter convivium, talibus nuptiis possit præbere consensum?

CAP. 208. — *Ut presbyteri, et diaconi, et reliqui clerici nuptiarum evitent convivia. Ex dictis Augustini (conc. Veneti. I, c. 11, et Agat. c. 39).*

(*Dist. 34, c. Presbyteri.*) Presbyteri, diaconi, vel (subdiaconi, orig.) deinceps quibus ducendi uxores non est licitum, etiam alienarum nuptiarum evitent convivia, neque his cœtibus admisceantur ubi amatoria cantantur, et turpia carmina, aut obsceni motus corporum choris [al. choreis] et saltationibus efferuntur, ne auditus et obtutus sacris mysteriis [al. ministeriis] deputati, turpium spectaculorum atque verborum contagione polluantur.

CAP. 209. — *De eadem re. Ex decretis Martini papæ, cap. 1 (Bracar. cap. 60).*

Non liceat sacerdotibus vel clericis aliqua spectacula in nuptiis vel conviviis spectare, sed oportet antequam ingrediantur ipsa spectacula, surgere et redire [al. recedere] inde.

CAP. 210. — *Ut nullus clericus in aliena civitate suscipiatur sine commendatitiis litteris. Ex canonibus apostolorum, cap. 13.*

Ut si quis clericus vel laicus ad alteram properat civitatem, et suscipitur præter commendatitias litteras,

et qui susceperit, et qui susceptus est communione A
privetur.

CAP. 211. — *De eadem re. Ex concilio Antiocheno, cap. 7 (Ant. 1, sub Julio).*

(Dist. 71, c. Nullum absque.) Nullus peregrinorum sine pacificis, id est, commendatitiis suscipiatur epistolis.

CAP. 212. — *Item de eodem. Ex concilio Aurelianiensi, cap. 8.*

In concilio Antiocheno, similiter et in Chalcedonensi præcipitur ut fugitivi clerici et peregrini a nullo suscipiantur, nec ordinentur, nisi cum commendatitiis litteris, et sui episcopi vel abbatis licentia.

CAP. 213. — *Ut clerici in aliena civitate non maneant, nisi causas eorum episcopus cognoverit. Ex concilio Carthaginiensi, cap. 35 (Cart. III, c. 37).*

Ut clerici in aliena civitate non immorentur, nisi causas eorum justas episcopus loci, vel presbyteri locorum perviderint.

CAP. 214. — *Ne clerici vel monachi sine commendatitiis litteris vagentur. Ex concilio Carthaginiensi, cap. 36 (conc. Vane. 1, cap. 5).*

Clericis vel monachis sine litteris commendatitiis licentia non pateat evagandi.

CAP. 215. — *De eadem re. Ex concilio Neocæsariensi, cap. 7 (conc. Agath. cap. 38.)*

Clericis sine commendatitiis epistolis episcopi sui, licentia non pateat evagandi. In monachis quoque præsentis sententiæ forma servetur

CAP. 216. — *Ut pauperibus exsulantibus pacificis tantum litteris subveniatur. Ex concilio Chalcedonensi, cap. 41 (actione 15).*

Omnes pauperes et indigentes auxilio, cum profisciscuntur, sub probatione epistolis vel ecclesiasticis pacificis tantummodo commendari decrevimus, et non commendatitiis litteris, propter quod commendatitias litteras honoratioribus tantummodo præstari personis conveniat.

CAP. 217. — *Quando clerici formatis litteris uti debeant. Ex conc. Meldensi, cap. 2 (sub Sergio II, cap. 51).*

Quicumque cum senioribus suis de aliis provinciis in aliam provinciam [ad nostras parochias orig.] veniunt, sine formata ministrare non permittantur; quam et si attulerint, et ministrare idonei inventi fuerint, instruantur quam religiose atque studiose D
sacrum ministerium peragant, et in quibus locis illud agere debeant [non deb., orig].

CAP. 218. — *Ne clerici vel monachi possessiones conducant, aut negotiis sæcularibus se misceant. Ex concilio Chalcedonensi, cap. 3 (actione 15).*

(Dist. 86, c. Pervenit.) Pervenit ad sanctam synodum quod quidam qui in clero videntur electi, propter lucra turpia conductores alienarum possessionum fiant, et sæcularia negotia sub cura sua suscipiant, Dei quidem ministerium parvipendentes, sæcularium vero discurrentes domos, et propter avaritiam patrimoniorum sollicitudinem sumentes. Decretum itaque est nec clericum, nec monachum aut possessiones conducere, aut negotiis sæ-

cularibus se miscere, præter ecclesiasticarum rerum sollicitudinem.

CAP. 219. — *Ut nullus laicus presbyterum villicatione implicare præsumat. Ex concilio Meldensi cap. 6 (cap. 50).*

Item jubendum est ut nemo laicorum presbyteros Ecclesiarum suarum turpi villicationi, et, secundum Apostolum, sæculari et inhonesta negotiatione implicare (II Tim. II), nec secum aliorum contra auctoritatem præsumat ducere, quo ministerium sibi commissum cogantur negligere. Quod si contra interdicta præsumpserit, excommunicetur.

CAP. 220. — *De illis presbyteris qui contra statuta canonum villici fiunt. Ex eodem concilio, cav. 15 (capitulum. l. v, c. 173).*

Similiter de illis presbyteris qui contra statuta canonum villici fiunt, tabernas ingrediuntur, turpia lucra sectantur, et diversissimis modis usuris inserviunt : et aliorum domos inhoneste et impudice frequentant, et comessationibus et ebrietatibus deservire non erubescunt, et per diversos mercatus indiscrete discurrunt, observandum judicavimus ut abhinc districte severiterque coerceantur, ne per eorum illicitam et indecentem actionem, et ministerium sacerdotale vituperetur, et quibus debuorant esse in exemplum deveniant in scandalum [opprobrium orig.].

CAP. 221. — *Quod nec subdiaconis connubium carnale concedatur. Ex epistola Leonis papæ, cap. 33 (Leo I epist. 84, cap. 4).*

Nam, cum extra clericorum ordinem constitutis nuptiarum societati et procreationi filiorum studere sit liberum arbitrium [arbitr. non est in originali], ad exhibendam tamen perfectæ continentię puritatem, nec subdiaconis quidem connubium carnale conceditur, ut et qui habent sint tanquam non habentes, et qui non habent, permaneant singulares (I Cor. VII). Quod si in hoc ordine, qui quartus est a capite, dignum est custodiri, quanto magis in primo, aut secundo, vel tertio servandum est, ne aut levitico [levitico ministerio], aut presbyterali honore, aut episcopali excellentiæ quisquam idoneus æstimetur, qui se a voluptate uxoria necdum frenasse detegitur.

CAP. 222. — *De principibus qui solent illorum sacerdotes, ministeriales facere. Ex concilio Toletano v, cap. 30 (conc. Tol. IV, cap. 30).*

(25, q. 8, c. Sæpe principes.) Sæpe principes contra quoslibet majestatis obnoxios, sacerdotibus negotia sua committunt, et quia sacerdotes a Christo ad ministerium salutis electi sunt, ibi consentiant regibus fieri iudices, ubi jurejurando supplicii indulgentia promittitur, non ubi discriminis sententia preparatur. Si quis ergo sacerdotum contra hoc commune consultum discussor in alienis periculis exstiterit, sit reus effusi sanguinis apud Christum, et apud Ecclesiam perdat proprium gradum.

CAP. 223. — *De eo qui auribus principis suggestionem attulerit sine consensu episcopi. Ex concilio Carthaginiensi, cap. 7.*

Nicasius Evaristanus episcopus dixit : Credo

placere suggestorem abjici oportere, non solum a A
 communione, verum et ab honore cujus particeps
 videtur existere, qui venerandi principis auribus mo-
 lestiam tentaverit inferre, contra leges Ecclesiae. Si
 igitur contra principem necessaria causa deposcit,
 hoc agatur cum tractatu et consilio metropolitani,
 et ceterorum episcoporum qui in eadem provincia
 commorantur; qui etiam proficiscentem suis sequan-
 tur epistolis. (*Aliter omnino habetur hoc caput in ori-
 ginali concilii Carthag. 1, cap. 6; in ms. Victor. et
 apud Gratianum 21, q. 3, c. Credo, sic autem ibi :*)
 Nicasius episcopus Culusitanus dixit: Credo placere
 suggestionem meam sanctitati vestrae, et displicere
 vobis ut qui serviunt Deo, et annexi sunt clero, ac-
 cedant ad actus seu administrationem vel procura-
 tionem domorum. Gratus episcopus dixit: Et apo- B
 stolorum statuta sunt, qui dicunt: *nemo militans
 Deo, ingerit [implicat] se negotiis saecularibus (II
 Tim. 11)*, proinde aut clerici sint sine actionibus
 domorum, aut actores sine officio clericorum uni-
 versi dixerunt: Hoc observamus.

CAP. 224. — *De presbytero deposito, si ministerium
 praesumpserit. Ex concilio Toletano, cap. 6.*

(77) Si quis presbyter ab episcopo suo fuerit de-
 gradatus, aut ab officio pro certis criminibus suspen-
 sus, et ipse per contemptum, et superbiam aliquid
 de ministerio sibi interdicto agere praesumpserit, et
 postea ab episcopo suo correptus incepta praesump-
 tione perduraverit, hic omnimodis excommunicetur,
 et ab Ecclesia expellatur. Et quicumque cum eo
 communicaverit, similiter se sciat excommunicatum. C
 Similiter de clericis, laicis, et feminis excommuni-
 catis observandum est. Quod si aliquis ista omnia
 contempserit, et episcopus emendare non potuerit,
 regis iudicio exsilio damnetur.

CAP. 225. — *De presbytero damnato qui imperatoris
 auribus molestus exstiterit. Ex concilio Antiocheno,
 c. 12. (Ant. 1, sub Julio I).*

(21, q. 5, c. Si quis a proprio.) Si quis a proprio
 episcopo presbyter, aut diaconus, aut a synodo fuerit
 episcopus forte damnatus et imperialibus auribus
 molestus exstiterit, oportet ad majus episcoporum
 converti concilium, et quae putaverint habere justa
 plurimis episcopis suggerant, eorumque discussio-
 nes ac iudicia praestolentur. Si vero haec parvipen-
 dentes molesti fuerint imperatori, hos nulla venia D
 dignos esse, nec locum satisfactionis habere, nec
 spem futurae restitutionis penitus aperiri dijudi-
 camus.

CAP. 226. — *De presbytero qui pravis exemplis mala
 de se suspicari permiserit. Ex concilio Agathensi,
 cap. 4 (in fragmentis, cap. 3).*

Si quis presbyter vitae suae negligens pravis
 exemplis mala de se suspicari permiserit, et popu-
 lus ab episcopo juramento seu banno Christianita-
 tis constrictus, infamiam ejus patefecerit, et certi
 accusatores criminis ejus defuerint, admoneatur
 primo seorsum ab episcopo, deinde sub duobus vel

tribus testibus. Si non emendaverit, in conventu
 presbyterorum episcopus cum publica increpatione
 admoncat. Si vero neque sic se correxerit, ab offi-
 cio suspendatur, usque ad dignam satisfactionem,
 ne populus fidelium in eo scandalum patiat. (2 q.
 4, c. Si legitimi.) Si autem accusatores legitimi
 non fuerint, qui ejus crimina manifestis indiciiis
 probare contenderint, et ipse negaverit, tunc ipse
 cum septem sociis suis ejusdem ordinis, si valet, a
 crimine semetipsum expurget. Diaconus vero si
 eodem crimine accusatus fuerit, semetipsum cum
 tribus expurget.

CAP. 227. — *Quomodo controversia inter clericum et
 laicum exorta finiatur. Ex concilio Triburiensi.
 cap. 21.*

(2 q. 5, c. Si quis presbyter.) Si quis presbyter
 contra laicum, vel laicus contra presbyterum ali-
 quam habet querimoniam controversiam, episcopo
 praecipiente sine personarum acceptione finiatur.
 Laicus per juramentum, si necesse sit, se expurget.
 Presbyter vero vice juramenti per sanctam con-
 secrationem interrogetur; quia sacerdotes ex levi cau-
 sa jurare non debent. Manus enim per quam corpus
 et sanguis Christi conficitur, juramento polluetur?
 Absit. Cum Dominus in Evangelio discipulis suis
 (quorum vicem nos indigni in sancta gerimus Ec-
 clesia) dicat: *Nolite jurare omnino: sermo vester est,
 est, non non; quod autem his abundantius est, a malo
 est (Matth. v).*

CAP. 228. — *Ne clericus adversus clericum habens
 negotium, ad saecularia recurrat iudicia. Ex concilio
 Chalcedonensi, cap. 9 (actione 15).*

(1, q. 1, c. Si clericus.) Si quis clericus adversus
 clericum habet negotium, non deserat episcopum
 suum, et ad saecularia percurrat iudicia, sed prius
 actio ventiletur apud proprium episcopum; vel certe
 consilio ejusdem episcopi, apud quos utraeque par-
 tes voluerint, iudicium obtinebunt. Si quis autem
 praeter haec fecerit, canonicis correptionibus subja-
 cebit.

CAP. 229. — *De presbyteris qui a plebibus suis in-
 famantur, quomodo purgari debeant. Ex concilio
 Hilerdensi, cap. 10 (inter fragmenta).*

(2, q. 4, c. Presbyter si a plebe.) Si quis presbyter
 a plebe sibi commissa mala opinione informatus
 fuerit, et episcopus legitimis testibus approbare non
 potuerit, suspendatur [ab officio in conc.] presbyter
 usque ad dignam satisfactionem, ne populus fide-
 lium in eo scandalum patiat. Digna enim sat's-
 factio est, si eis a quibus reus creditur, post fac-
 tam [al. rectam] securitatem de imposito crimine,
 innocens esse manifestetur. Quod ita a nobis et a
 majoribus constitutum esse docetur. Sed sive se-
 cundum canones, sive ad arbitrium episcopi sibi
 collegas septem jungat, et juret in sacro coram
 posito Evangelio, quod cum sancta Trinitas, et
 Christus Filius Dei qui illum fecit et docuit quod
 Evangelium continet: et sancti quatuor evangelistae

(77) In codice Regio variat ordo, sed nos a Coloniensi non recessimus. Joann. Molin. variat etiam in
 ms. Victorino.

qui illud scripserunt, sic adjuvent quod ille præ-nominatam actionem ita non perpetrarit, sicut ei de illo oblatum est. Et in hac satisfactione purgatus, secure deinceps suum exercent ministerium. Quam satisfactionem nonnulli præcedentium Patrum sanctum papam Leonem in basilica sancti Petri apostoli, coram reverendissimo Cæsare Carolo, ac clero, et plebe ita fecisse commemorant, atque ita mox venerandum principem contra ejusdem sancti papæ adversarios, dignæ ultionis vindictam exercentes.

CAP. 250. — *Quod nullus ordinatus ab episcopo suo damnatus, ab aliquo defensari debeat. Ex concilio Africano, cap. 29 (sub Bonif. et Cælest.).*

(21, q. 5, c. Si quis cujuslibet.) Et illud petendum ut statuere dignentur, ut si quis cujuslibet honoris clericus *judicio episcopi quocunque crimine fuerit damnatus, non liceat eum, sive ab ecclesiis quibus præfuit, sive a quolibet homine defensari, interposita poena damni pecuniæ et honoris, quo nec ætatem nec sexum excusandum esse præcipiant.

CAP. 251. — *De presbytero a populo accusato. Ex epist. Gregorii papæ (Greg. 11, epist. 13, c. 3).*

(2, q. 4, c. Presbyter.) De presbytero vel quolibet [sacerdote] in clero a populo accusato, si certi non fuerint testes, qui crimini illato veritatem dicant, jusjurandum erit in medio, et illum testem proferat de innocentie suæ puritate, cui nuda et aperta sunt omnia; sicque maneat in proprio gradu.

CAP. 252. — *De clericis convictis et confessis, si intra annum causam suam finire contempserint. Ex concilio Africano, cap. 46 (et conc. Carth. v, cap. 12).*

(11, q. 3, c. Rursus.) Rursum constitutum est ut aliquoties clerici convicti et confessi in aliquo crimine, vel propter eorum quorum verecundie parcitur vel propter Ecclesie opprobrium, aut insolentem exultationem hæreticorum atque gentilium, si forte causæ suæ adesse voluerint, et innocentiam suam asserere, intra unum annum excommunicationis hoc faciant. Si vero intra annum causam suam purgare contempserint, nulla eorum vox postea penitus audiatur.

CAP. 253. — *Ut nullus ex ordinatis laico jurare presumat. Ex concilio Remensi, cap. 5.*

(22, q. 5, c. Nullus.) Ut nullus ex ecclesiastico ordine cuiquam laico quidquam supra sacrosancta Evangelia juret, sed simpliciter cum veritate et puritate dicat: Est est, non non. Sed, si est aliquid quod eis a laicis objiciatur ad episcopum in cujus territorio est, deferatur; et juxta id quod illi qui ejusdem sunt ordinis dijudicaverint, aut corrigatur aut expurgetur.

CAP. 254. — *De presbytero si in aliquo criminali peccato deprehensus fuerit. Ex canonibus apostolorum, cap. 25.*

(Dist. 81, c. Presbyter.) Presbyter [Episcopus presb. in orig.] aut diaconus qui in fornicatione, aut perjurio, aut in furto, aut homicidio captus

A est, deponatur, non tamen communione privetur. Dicit enim Scriptura: Non judicat [hoc verbum non est in orig. οὐκ ἐκδικίῃσι. Naum 1, secundum aliam litteram apud LXX interp.] Dominus bis in idipsum.

CAP. 255. — *De ordinatis, si aliquis illorum percussor extiterit. Ex concilio Agathensi, cap. 3.*

Si quis aliquo ecclesiastico gradu sacratus percussor extiterit, corripatur acerrime. Si non emendaverit, deponatur.

CAP. 256. — *De presbyteris qui, suo vitio degradantur. Ex conc. Mogontiensi, cap. 60.*

(Dist. 81, c. Dictum est.) Dictum est nobis presbyteros propter suam negligentiam canonice degradatos, et sæculariter gradu amisso vivere, et poenitentiae agendae bonum negligere. Unde statumus ut gradu amisso, agendae poenitentiae gratia in monasterio aut canonico aut regulari mittantur. Si vero quid horum fieri causa quolibet prohibuerit, ubicunque sint poenitentiam agere non desistant. Si autem amisso gradu sæculariter vivere voluerint, et poenitentiam agere neglexerint, ab Ecclesie communione separentur.

CAP. 257. — *Quomodo restituendi sint qui injuste degradantur. Ex eodem conc., cap. 28 (Tol. iv, cap. 27).*

(11, q. 5, c. Episcopus presbyter.) Episcopus, presbyter, aut diaconus, si a gradu suo injuste dejectus in secunda synodo innocens reperiatur, non potest esse quod fuerat, nisi gradus amissos recipiat coram altari de manu episcoporum. Si episcopus est, orarium, annulum, et baculum; si presbyter, orarium et planetam; si diaconus, orarium et albam; si subdiaconus, patenam et calicem. Sic et reliqui gradus in reparatione sui recipiant, quæ cum ordinarentur perceperant.

CAP. 258. — *De clericis qui proprium episcopum contempserint. Ex concilio Antiocheno, cap. 5 (sub Julio 1).*

Si quis presbyter aut diaconus episcopum proprium contemns se ab Ecclesia sequestraverit, et seorsum colligens altare constituerit, et commoventi episcopo non acquieverit, nec consentire vel obedire voluerit, semel et iterum convocatus hic damnetur omnino, nec ultra remedium consequatur, quia suam non potest recipere dignitatem. Quod si Ecclesiam conturbare et sollicitare persistat, tanquam seditiosus per potestates extricas opprimatur [castigetur].

CAP. 259. — *De presbytero, qui contra episcopum suum schisma fecerit. Ex concilio Carthaginensi, cap. 11 (alia versio, conc. Carth. 11, cap. 8).*

(11, q. 3, c. Si quis presbyter.) Ab universis episcopis dictum est: Si quis presbyter ab episcopo suo excommunicatus vel correptus fuerit, debet utique apud vicinos episcopos conqueri, ut ab ipsis ejus causa possit audiri, ac per ipsos suo episcopo reconciliari. Quod si non fecerit, sed superbia, quod absit! inflatus secernendum se ab episcopi sui communione duxerit; ac separatim, cum aliquibus schisma faciens, sacrificium Deo obtulerit, anathe-

ma habeatur et locum amittat. Si querimoniam justam adversus episcopum non habuerit, inquirendum erit.

CAP. 240. — *De illis qui aliquem ex ordinatis falso crimine appetierint. Ex eodem cap. 5 (Annectitur conc. Carth. III, capitulo 3).*

(2, q. 3 c. Si quis episcopum.) Si quis episcopum, aut presbyterum, vel diaconum falsis criminibus appetierit, et probare non potuerit, non nisi in fine dandam ei esse communionem.

CAP. 241. — *Ut nullus clericorum alium nisi scripto criminetur. Ex concilio Aurelianensi, cap. 10.*

Illud præterea omni ecclesiastico ordini omnino observandum est, ut nullatenus aliquis præsumat in concilio vel synodali conventu aliquem confratrum accusatione pulsare, nisi prius ipsum accusationis crimen et litigationis causas literis per ordinem comprehensas manu propria conscripserit [subscripserit], et episcopo vel sacræ synodo porrexerit, ut juste canonicè litigationum controversiæ finiantur. Non enim licet, ut auctoritas Romana testatur, nisi inscriptione celebrata reum quemquam fieri, nec ad iudicium exhiberi; quia, sicut convictum de crimine pœna constringit, ita et accusatorem, si non probaverit quod objicit.

CAP. 242. — *Ut nullus ex clero conductor privatorum fiat. Ex eodem cap. 14 (Carth. III, c. 15).*

(2, q. 3, c. Placuit ut.) Item placuit ut episcopi, presbyteri, diaconi, vel clerici non sint conductores aut procuratores privatorum, neque ullo turpi et inhonesto negotio victum quærant, quia respicere debent scriptum esse: *Nemo, militans Deo, implicat se negotiis sæcularibus* (II Tim. II).

CAP. 243. — *Ut clericus non habeatur qui intra civitatem manens ad quotidianum sacrificium non venerit. Ex concilio Toletano I, cap. 5.*

Presbyter, diaconus, vel subdiaconus, vel quilibet Ecclesiæ deputatus clericus, si intra civitatem fuerit, vel in loco in quo ecclesia est, aut in castello, aut in vico, vel in villa, si ad ecclesiam ad sacrificium quotidianum non venerit, clericus non habeatur, si castigatus non emendaverit.

CAP. 244. — *De eadem re. Ex concilio Venetico cap. 5 (Venet. I, c. 14).*

Clericus qui intra muros civitatis manet, qua die [et ea die] matutinis hymnis sine ægritudine defuerit, septem dies a communione habeatur extraneus, quia ministrum sacrarum eo tempore quo non potest ab officio suo ulla honesti necessitas occupare, fas non est a salubri cessare.

CAP. 245. — *Quod omnes sacerdotes doceri oporteat, ut cæteros instruant, et sibi proficiant. Ex epist. Anacleti papæ, cunctis fidelibus missa. cap. 10 (ep. 2, c. 1).*

Doceri ergo omnes oportet qui Domini sacerdotio funguntur, et ut cæteros instruant, et sibi proficiant. Scriptum enim est: *Qui docti fuerint fulgebunt quasi splendor firmamenti; et qui ad justitiam erudiunt multos, quasi stellæ in perpetuas æternitates* (Dan. XII); et alibi: *Populus autem sciens Do-*

minum suum obtinebit et faciet, et docti in populo docebunt multos (Dan. XI). Ipsa enim Veritas per se infert, et dicit: *Beatus est qui non fuerit scandalizatus in me* (Matth. XI; Luc. 7). Ille procul dubio scandalizatus est in Deum, qui recta [recte] non docet, et qui ejus scandalizat episcopum vel sacerdotem.

CAP. 246. — *Ut presbyteri singulis annis episcopo de ministerio suo rationem reddant. Ex concilio Mogontiensi a Richelpho [Riculfo] ejusdem sedis archiepiscopo habito, cap. 10.*

Unusquisque presbyter per singulos annos episcopo suo rationem ministerii sui reddat, tam de fide catholica, quam de baptismo atque omni ordine ministerii sui.

CAP. 247. — *Ut omnis presbyter sibi subditos fidem discere constringat. Ex concilio Gangrensi cap. 5 (Mogontiac. I, cap. 45).*

Symbolum, quod est signaculum fidei, et orationem Dominicam discere semper admoneant sacerdotes populum Christianum: volumusque ut disciplinam condignam habeant, qui hæc discere negligunt, sive in jejunio, sive in alia castigatione. Propterea dignum est, ut filios suos ducant ad scholam, sive ad monasterium, sive foras presbyteris, ut fidem catholicam recte discant, et orationem Dominicam, ut domi alios edocere valeant. Qui vero aliter non potuerint, vel in lingua sua hoc discant.

CAP. — 248. *Qualem professionem presbyteros aut diaconos episcopo suo facere oporteat. Ex concilio Toletano, cap. 27 (Toletan. IV, 6).*

(Dist. 28 c. Quando presbyt.) Quando presbyteri aut diaconi per parœcias constituuntur, oportet eos professionem episcopo suo facere, ut caste et pie vivant, sub Dei timore, ut, dum eos talis professio aŕigat, vitæ sanctæ disciplinam teneant.

CAP. 249. — *Ne monachi vel laici qualicumque scientia instructi prædicare audeant. Ex epistola Leonis papæ (epist. 63 ad Theodoretum).*

De his vero quæ in sæpe dicto concilio illicita contra venerandos Nicænos canones præsumptione tentata sunt, ad fratrem et coepiscopum nostrum Antiochenæ sedis præsulem scripsimus, (6, q. 1, c. adjicimus) adjicientes et illud, quod nobis propter improbitatem monachorum quorundam regionis [al. religionis] vestræ verbo mandastis per vicarios nostros, et hoc specialiter statuentes, ut præter Domini sacerdotes nullus audeat prædicare, seu monachus, sive ille sit laicus, qui cujuslibet scientiæ nomine gloriatur.

CAP. 250. — *Ut clerici ab episcopis suis canones discant. Ex concilio Aurelianensi, cap. 6 (conc. Aurel. IV, c. 6).*

Ut parœciani clerici a pontificibus suis necessaria sibi statuta canonum legenda percipiant, ne vel ipsi [ne rei ipsi, etc.] vel populi quæ pro salute eorum decreta sunt, excusent se postmodum ignorasse.

CAP. 251. — *Quod nulli sacerdotum liceat canones ignorare. Ex epistola Cælestini papæ, cap. 20 (Cælest. I, ep. 3, 1).*

(Dist. 38, cap. Nulli sacerdotum.) Cælestinus uni-

veris episcopis per Apuliam et Calabriam constitutis. Nulli sacerdoti liceat suos canones ignorare, nec quidquam facere, quod Patrum possit regulis obviare. Quæ enim a nobis res digne servabitur, si decretalium norma constitutorum pro aliquorum libitu licentia populis permissa frangatur?

CAP. 252. — *Ut presbyteri, quando ad collectam veniunt, minime se inebriare præsumant. Ex concilio Nannetensi, cap. 10.*

(*Dist. 44, cap. Nullus presbyterorum.*) Ut nullus presbyterorum quando ad anniversarium diem xxx. aut vii. vel iii. alicujus defuncti, aut quacunq[ue] vocatione ad collectam presbyteri convenerint, se inebriare nullatenus præsumat, nec precatus in amore sanctorum, vel ipsius animæ, bibere, aut alios ad bibendum cogere, vel se aliena precatione ingurgitare, nec plausus et risus inconditis et fabulas inanes ibi referre aut cantare præsumat, vel turpia joca, vel urso, vel tornatricibus ante se facere permittat [feri patiatur]. Nec larvas dæmonum ante se ferri consentiat, quia hoc diabolicum est, et a sacris canonibus prohibuitur.

CAP. 253. — *Quam religiose in convivio se presbyteri habere debeant. Ex eodem concilio, cap. 11.*

(*Dist. 44, cap. Quando veniunt.*) Quando autem convenerint presbyteri ad aliquod convivium, prior illorum versum ante mensam incipiat, et cibum benedicat, et tunc secundum ordinem sedeant, alter alteri honorem præbentes, et per vices cibum et potum benedicant, et aliquis de illorum clericis aliquid de sancta Scriptura legat. Et post refectionem similiter sanctum hymnum dicant, ad exemplum Domini, sicut in cœna fecisse legitur (*Matth. xxvi; Marc. xiv*); et sic contineant se omnes presbyteri maxime in talibus locis, ut non vituperetur ministerium illorum.

CAP. 254. — *De eadem re, Ex eodem, cap. 12.*

Summopere etiam quisque presbyter caveat, sicut de statu suo vult gaudere, ut non quacunq[ue] occasione patrem suum aut alium quemlibet ad iram et ad rixam, quantominus ad pugnam, vel ad eandem aliquo verbo irritet seu provocet, nec provocatus ad hæc quisquam prosiliat, quia in talibus comessationibus et potationibus semper se immiscet diabolus.

CAP. 255. — *Item de eadem re. Ex eodem cap. 13.*

(*Dist. 44, cap. Quando presbyteri.*) Quando presbyteri per Kalendas simul conveniunt post peractum divinum ministerium [mysterium] ad necessariam collationem, non quasi ad plenam refectionem, se quas ad prandium ibi ad tabulas resideant, ne per talia inhonesta convivia se invicem gravent, quia indecens est et onerosum. Sæpe etiam tarde ad ecclesiam redeuntes majus damnum de reprehensione conquirunt, (quod [et] de gravedine mutua contrahunt) quam lucrum ibi faciant. Nam de hujusmodi conventu Paulus Corinthios reprehendit, qui inconvenienter cœnam Dominicam manducare conveniebant (*I Cor. ii*). Sic et quid ad cœnam

A Dominicam, id est ad collationem verbi sub occasione conveniunt, et ex ingluviestate [veritate] ventris causa, conjunguntur, reprehensibiles coram Deo et hominibus habentur. Et ideo peractis omnibus, qui voluerint, panem cum charitate in domo fratris sui simul cum fratribus frangant, et singuli singulos bibere faciant, maxime ut ultra tertiam vicem poculum non contingant, et sic ad ecclesias redeant.

CAP. 256. — *Ne clerici nec religiosi laici ante horam tertiam convivia ineant. Ex concilio Carthaginensi, cap. 12.*

Non oportet clericos vel laicos religiosos ante sacram horam diei tertiam inire convivia, neque aliquando clericos nisi hymno dicto ecclesiæ panem sumere, et post cibum gratias auctori Deo referre.

CAP. 257. — *Ut presbyteri hospitales sint. Ex concilio Nannetensi, cap. 3.*

Ut curam hospitem, maxime pauperum atque debilium, orphanorum quoque atque peregrinorum habeat presbyter: hos quoque ad prandium suum quotidie juxta possibilitatem convocet, eisq[ue] hospitium tribuat.

CAP. 258. — *De eadem re. Ex eodem concilio cap. 5.*

Ut autem omnis rapinæ tollatur occasio, volumus ut presbyteri qui bonum exemplum charitatis omnibus ostendere debent, hospitales, existant juxta Dominicum et apostolicum præceptum, ut humanitatem præbeant iter facientibus, quia per hospitalitatem placuerunt quidam Deo angelis hospitio receptis (*Hebr. xiii*). Et Dominus in die judicii diciturus est electis: *Hospes eram et suscepistis me* (*Matth. xxv*). Et Job dicit: *Ostium meum semper viatori patuit* (*Job xxxi*)

CAP. 259. — *De eodem. Ex concilio apud Arvernas (adjungitur huic concilio).*

Placuit ut presbyteri suas plebes admoneant, ut ipsi hospitales sint, et nulli iter facienti mansionem denegent. Et ut omnis rapinæ occasio tollatur, nihil carius vendant transeuntibus nisi quantum [quanto] in mercato vendere possint. Quod si carius vendere voluerint, ad presbyterum transeuntes hoc referant, et illius jussu cum humanitate eis vendant.

CAP. 260. — *Ut cibus sacerdotum semper divina lectio misceatur. Ex concilio Africano, cap. 7 (conc. Tol. iii, cap. 7).*

(*Dist. 44, c. Pro reverentia.*) Pro reverentia Dei et sacerdotum, id universa sancta synodus statuit, ut quia solent crebro mensis otiosæ fabulæ interponi, in omni sacerdotali convivio lectio divinarum Scripturarum misceatur. Per hoc enim et animæ ædificantur ad bonum, et fabulæ [non necessariæ, orig.] recenseri prohibetur.

CAP. 261. — *De clericis inter epulas cantantibus. Ex concilio Carthaginensi, cap. 62.*

(*22, q. 1, cap. Clericum.*) Clerici inter epulas cantantes ab officio detrahendi sunt.

CAP. 262. — *De clericis scurrilibus. Ex eodem cap. 80 (ponitur post concilium Carth. 3, c. 4).*

(*Dist. 46, cap. Clericum.*) Si quis clericus aut

monachus scurrilia, jocularia, risumque moventia A
verba loquitur, acerrime corripiatur.

CAP. 263. — *De eadem re. Ex Carthag. cap. 60.*

Clericos scurriles et verbis turpibus jocundatores
ad officio detrahendos.

CAP. 264. — *Ut clericus fidejussor non sit. De eodem
cap. 70.*

(*Ex canon. apost., c. 20.*) Clericus fidejussionibus
inserviens abjiciatur.

CAP. 265. — *Ne clericus comam vel barbam nutriat.
Ex eodem cap. 44.*

Clericus nec comam nec barbam nutriat.

CAP. 266. — *Ne clericus per creaturam uret. Ex
eodem cap. 71.*

(22, q. 1, c. Clericūh.) Clericum per creaturam
jurantem acerrime objurgandum; si perstiterit in B
vitio, excommunicandum.

CAP. 267. — *De clericis adulatoribus. Ex eo-
dem cap. 56.*

(*Dist. 46, c. Clericus qui adulationihus.*) Clericus
qui adulationibus et proditionibus vacare deprehen-
ditur, degradetur ab officio.

CAP. 268. — *Ne quis ex clero sine consensu episcopi
ad imperatorem querimoniam deferat. Ex concilio
Antiocheno, cap. 11*

(23, q. 8, c. Si quis episcopus.) Si quis episcopus
aut presbyter, aut quilibet regulæ subjectus Eccle-
siæ, præter consilium et litteras episcoporum pro-
vinciæ et præcipue metropolitani, adierit imperato-
rem, hunc reprobari, et abjici oportere non solum
a communione, verum et ab honore cujus particeps
videtur existere: quia venerandi principis auribus
molestiam tentavit inferre contra leges Ecclesiæ. Si
igitur adire principem necessaria causa deposcit,
hoc agatur cum tractatu et consilio metropolitani et
cæterorum episcoporum qui in eadem provincia
commorantur, qui etiam proficiscentem suis prose-
quantur epistolis.

CAP. 269. — *Ut nullus ex clero se proclamet in synodo
nisi scriptis. Ex concilio apud sanctum Medardum,
cap. 8 (Suessione sub Leone IV, initio, cap. 269).*

Hincmarus archiepiscopus Remorum suis accu-
satoribus dixit: Quæ est vestra petitio, fratres? Mi-
sericordiam, inquit, petimus nobis a vestra pa-
ternitate impendi de ministracione ordinum eccle-
siasticorum, ad quos a domino Ebbone quondam
profecti, a vestra auctoritate suspensi sumus. Hinc-
marus archiepiscopus dixit: Habetis libellum recla-
mationis sive postulationis, sicut ecclesiastica se
habet traditio? Illi autem responderunt se præ ma-
nibus nullum habere libellum. Hincmarus archie-
piscopus dixit: Legum ecclesiasticarum consuetudo
et auctoritas talis est, in causis gestorum, semper
scripturam requirant, adeo ut qui ad sacrum fontem
accedit, suum dare nomen præcipiatur, et qui ad
summum sacerdotium provehitur, decreto manibus
omnium roborato eligitur. Ordinatus autem a suis
ordinatoribus litteras accipere jubetur. Qui etiam
ab ecclesiastica societate quolibet excessu discindi-
tur, libellari inscriptione recipitur aut dejicitur. Sed

qui accusatur, vel aut recipitur qui excommunica-
tur, seu reconciliatur, per scripturam accusari vel
reconciliari jubetur. Et sic in cæteris hujusmodi in
tantum scriptura deposcitur, ut sicut beatus Grego-
rius (*regist. l. II, epist. 54, in fine*) in communitario
ad Joannem defensorem ex Romanis legibus sumens
(*codic. lib. 7. tit. 44*) scribit: Sententia quæ sine
scriptura [scripto] profertur nec nomen sententiæ
habere non meretur. Quapropter fratres et filii,
oportet vos secundum ecclesiasticam auctoritatem
reclamationem vestram libelli serie allegare, eam-
que manibus vestris roboratam, synodo sacræ por-
rigere, ut convenienter et canonice vobis valeat re-
sponderi. Et tunc ipsi fratres libellum conscriben-
tes, eique sua nomina subscribentes, porrexerunt
Hincmaro archiepiscopo, qui tunc una cum Wenilone
Senonensi [Muclone Senensi] archiepiscopo, et
Amalrico [Almarico] Turonensi æque archiepiscopo,
sub præsentia gloriosi regis Caroli synodo præsi-
debat.

CAP. 270. — *Ne presbyteri relictis paræciis suis ad
alias migrent, nisi certis de causis. Ex concilio
Cabilonensi, cap. 44.*

Presbyter proprio loco dimisso ad alium migrans
nequaquam recipiatur, nisi suæ migrationis causam
dixerit, et se innocenter vixisse in parœcia in qua
ordinatus est sub testibus probaverit. Litteras etiam
plumbo impressa. Quibus cognitis, et talibus inven-
tis, quibus fides adhiberi possit, recipiatur.

CAP. 271. — *Ut accusatores clericorum si unum de
objectis probare non potuerint, ad cætera non ad-
mittantur. Ex concilio Africano. cap. 7. (conc.
Afric. 97, et Car. 7, cap. 3).*

(3, q. 10, cap. Placuit.) Item placuit ut quoties-
cunque clericis ab accusatoribus multa crimina ob-
jiciuntur, et unum ex ipsis de quo prius egerint pro-
bare non valuerint, ad cætera non admittantur.

CAP. 272. — *Quomodo episcopi, vel presbyteri de
objecto crimine se expurgare debeant. Ex concilio
Wormatiensi, cap. 8 (sub Adriano II, cap. 10).*

(2, q. 4, cap. Si episcopo.) Si episcopo aut pre-
sbytero causa criminalis, hoc est homicidium, adul-
terium, furtum et maleficium imputatum fuerit, pro
singulis missam tractare [celebrare] debet, et se-
cretam publice dicere, et communicare, et de singu-
lis sibi imputatis innocentem se ostendere. Quod si
non fecerit, quinquennio a liminibus ecclesiæ extra-
neus habeatur.

CAP. 273. — *Ut clerici alienis iudicibus non con-
stringantur. Ex decretis Adriani papæ, c. 38 (inter
canones 80 Adriani I ad Ingelramnum).*

In clericorum causa hujusmodi forma servetur,
ut nequaquam eos sententia non a suo iudice data
constringat.

CAP. 274. — *Ut verberibus publice castigatus in ex-
silium deputetur, qui alii crimen injuste inten-
derit quod non probaverit. Ex registro Gregorii ad
Anthemium subdiaconum Campaniæ, cap. 201 (lib.
IX, epist. 66).*

Cum fortius punienda sint crimina quæ inson-
tibus maxime sacratis ordinibus ingeruntur, quam

sitis culpabiles omnes qui in causa Joannis diaconi reseditis, attendite, ut Hilarium [Hilarum] criminatorem ipsius nulla ex diffinitione vestra pœna veniens castigaret. Nec illud ad excusationem vestram esse credatis idoneum, quod vobis quasi judicare volentibus solus frater et coepiscopus noster Paschasius dicitur distulisse. Nam, si zelus in vobis rectitudinis viginisset, facilius uni a multis rationaliter suaderi quam multi ab uno poterant sine causa differri. Quia ergo tantæ nequitiae malum sine digna non debet ultione transire, suprascriptum fratrem nostrum Paschasium volumus admoneri, ut eundem Hilarium prius subdiaconii, quo indignus fungitur, privet officio, atque verberibus publice castigatum, faciat in exsilium deportari, ut unius pœna multorum possit esse correctio.

CAP. 275. — *Ne ecclesiastici, sæculares potestates habere desiderent. Ex epistola Gregorii Secundino incluso directa.*

Certum namque est non vos ante exercitui decem præponere, nisi vobis labor ejus fidesque complaceret, et nisi eum antea vitæ virtus et sollicitudo aptum esse monstraret. Si vero non aliis nisi hujusmodi viris committitur gubernandus exercitus, qualis dux esse debeat animarum, ex istius bonæ rei comparatione colligitur. Sed verecundum nobis est dicere, et pudet, quia sacerdotes sibi ducatum arripiunt, qui exordium religiosæ militiæ non viderunt.

CAP. 276. — *Ut pœnam accusati suscipiat, qui non potest probare quod intepdit. Ex concilio Bracarenensi, c. 8 (conc. Brae. II, c. 8).*

(2, q. 5, c. Placuit.) Placuit ut, si quis aliquem clericorum in accusatione fornicationis impetit, secundum præceptum apostoli Pauli, duo vel tria testimonia requirantur ab illo (I Tim. v). Quod si non potuerit datis testimoniis approbare quod dixit, accusationem [al. excommunicationem. Origin.] accusati accusator accipiat.

CAP. 277. — *Ut sicut laici clericos in sua accusatione in sæcularibus non recipiunt, ita nec ipsi in eorum accusatione recipiant. Ex concilio Aurelianiensi, c. 5.*

Omnes episcopi in tertia sessione acclamaverunt: Sane dignum est ut sicut sacerdotes vel clericos in sua accusatione, vel sæcularibus judiciis laici non recipiunt, ita ipsi in sacerdotum vel clericorum accusationibus seu ecclesiasticis negotiis, nisi sponte collaudetur, non recipiantur. Quoniam inconveniens est ut hi qui hos respuunt, ab his recipiantur.

CAP. 278. — *Ut testimonium laici contra clericos nemo recipiat. Ex concilio Triburiensi, cap. 4.*

(11, q. 1, c. Testimonium.) Testimonium laici adversus clericum nemo suscipiat.

CAP. 279. — *De prædicatione presbyterorum. Ex eodem concilio, cui interfuit Arnulfus rex.*

Præcipimus vobis ut unusquisque vestrum super duas seu tres hebdomadas diebus Dominicis seu festivitibus sanctorum, populam sibi commissam, doctrinis salutiferis ex sacra Scriptura sumptis, in ecclesia sibi commissa, post evangelium perlectum,

A instruere studeat, et jubeat illis, ut nullus de ecclesia exeat antequam a presbytero sive a diacono ultima laus, id est *Benedicamus Domino*, aut *Ite missa est* pronuntietur.

CAP. 280. — *De ordinatis, quot testibus discuti debeant, si accusati fuerint. Ex concilio Carthaginiensi, c. 20 (con. Carth. III, c. 2).*

(15, q. 7, c. Si autem presbyteri.) Si qui presbyteri vel diaconi fuerint accusati, adjuncto sibi ex vicinis locis episcopus proprius legitimo numero collegarum, quos ab eodem accusati petierint, id est una secum in presbyteri nomine sex, in diaconi tribus, ipsorum causas discutiat, eadem dierum et dilationum, et a communique remotionum, et discussione personarum, inter accusatores et eos qui accusantur forma servata. Reliquorum autem clericorum causas etiam solus episcopus loci agnoscat et finiat.

CAP. 281. — *Suostantia defuncti sacerdotis cujus esse debeat. Ex concilio Triburiensi, cap. 23 cui interfuit Arnulfus rex.*

Sancto concilio allatum est quod quidam laici improbe agant contra presbyteros suos, ita ut demorientium presbyterorum substantia partes sibi vindicent, sicut de propriis servis. Interdicimus itaque canonica auctoritate, ne hoc ulterius fiat, sed, sicuti liberi facti sunt ad suscipiendum gradum et agendum divinum officium, ita nihil ab eis exigatur, præter divinum officium. De peculiari vero sacerdotum nihil sibi usurpent, sed totum dividatur in quatuor partes: una episcopo, alia altari, tertia pauperibus, quarta parentibus. Et si non sunt idonei parentes, episcopus eam recipiat, et in usum Ecclesiæ diligenter distribuatur. Et si quis contra hoc facere præsumperit, anathematizetur.

CAP. 282. — *De clericis qui sine testamento discesserunt. Ex eodem conc., c. 14.*

Si quicumque ex gradu ecclesiastico sine testamento et cognitione decesserit, hæreditas ejus ad Ecclesiam ubi servivit devolvatur. Similiter et de sanctimonialibus.

CAP. 283. — *De clericis qui laicalibus vestimentis induuntur. Ex eodem concilio, c. 27.*

Ut laicalibus vestimentis clerici non utantur, id est mantello vel coto, sive cappa, nec pretiosis et ineptis calciamentis, et aliis novitatum vanitatibus, sed religioso et decenti habitu induti incedant.

CAP. 284. — *De eadem re. Ex concilio Carthaginiensi, cap. 44 (con. Carth. IV, cap. 45).*

(Dist. 42, c. Clericus.) Clericus professionem suam etiam habitu et incessu probet, et ideo nec in vestibus, nec calciamentis decorem auzerat.

CAP. 285. — *De clericis qui otiose in nudis deambulant. Ex eodem concilio, cap. 48 (ibidem).*

Clericus qui pro commodo aliquo in nudis [qui non pro emendo aliquid in n. orig.], vel in foro deambulat, ab officio suo degradetur.

CAP. 286. — *Ut nullus ex clero arma militaria portet. Ex concilio Meldensi, cap. 18 (sub Sergio II, c. 37).*

(23, q. 8, c. *Quicumque*.) Quicumque ex clero esse A debent juxta regulam, licet et valde magna sit civitas. Idipsum autem et Actuum apostolorum liber insinuat (Act. vi).

CAP. 295. — *Item de eadem re. Ex concilio episcoporum qui in Ancyra et Cæsaræa convenerunt, cap. 9.*

Diaconi septem esse debent secundum regulam, quavis magna sit civitas; cui regulæ auctoritas erit liber Actuum apostolorum (Act. vi).

CAP. 287. — *De eadem re. Ex concilio Aurelianensi, cap. 9.*

Omnimodis dicendum est presbyteris et diaconibus ut arma non portent, sed magis confidant in defensione Dei quam in armis.

CAP. 288. — *Ne ecclesiasticæ personæ canes aut accipitres habeant. Ex concilio Meldensi, cap. 8.*

(Dist. 34, c. *Episcopum, presbyterum*.) Episcopum B presbyterum, aut diaconum canes ad venandum, aut accipitres, aut hujusmodi res habere non licet. Quod si quis talium personarum in hac voluntate sæpius detectus fuerit, si episcopus est, tribus mensibus a communione suspendatur; presbyter duobus mensibus; diaconus vero ab omni officio et communione suspendatur.

CAP. 289. — *De eadem re. Ex concilio Aurelianensi, cap. 3.*

(Dist. 34, c. *Omnibus servis*.) Omnibus servis Dei vocationes, et silvaticas vagationes cum canibus, et ut accipitres et falcones non habeant interdici-

CAP. 290. — *Ut clericos discordantes episcopus sua potestate conciliet. Ex concilio Africano, cap. 50 (con. Carth. iv, c. 59).*

(Dist. 90, c. *Discordantes*.) Discordantes clericos, C episcopus vel ratione vel potestate ad concordiam trahat, inobedientes synodus per audientiam damnet.

CAP. 291. — *De clericis qui proruperint in mutuum cædem. Ex concilio Hilerdensi, cap. 6 (con. Hilerdensi, c. 1f).*

Si qui clerici in mutuum cædem proruperint, prout dignitas officiorum in tali excessu contumeliam pertulerit, a pontifice districtius vindicetur.

CAP. 292. — *De eadem re. Ex eodem, cap. 7 (inter fragmenta).*

Frater in fratrem si ausus fuerit manum mittere, legitimam disciplinam accipiat.

CAP. 293. — *Quod septem diaconi sufficiant in unaquaque Ecclesia. Ex epistola Fabiani papæ, cap. 2 (epist. 1, initio).*

Septem ergo diaconi sunt in urbe Roma per septem regiones civitatis, sicut a Patribus accepimus, qui per singulas hebdomadas et Dominicos dies atque festivitatum solemnias, cum subdiaconibus et acolytis ac sequentium ordinum ministris, injuncta sibi observent ministeria, et parati omni hora divinum officium sint, et quicquid eis injungitur peragendum. Similiter et vobis, prout opportunum fuerit, per singulas civitates est faciendum ut divinum absque ulla mora aut negligentia studiose ac solemniter agatur officium.

CAP. 294. — *De eadem re. Ex concilio Neocæsariensi, cap. 14*

(Dist. 93, c. *Diaconi septem*.) Diaconi septem esse

CAP. 295. — *Item de eadem re. Ex concilio episcoporum qui in Ancyra et Cæsaræa convenerunt, cap. 9.*

Diaconi septem esse debent secundum regulam, quavis magna sit civitas; cui regulæ auctoritas erit liber Actuum apostolorum (Act. vi).

CAP. 296. — *Ut diaconi coram presbyteris non se-deant. Ex concilio Luodicensi, cap. 20 (et conc. Agathen., c. 65).*

(Dist. 93, c. *Non oportet*.) Quod non oporteat diaconum coram presbytero sedere, sed jussione presbyteri sedeat. Similiter autem diaconis honor habeatur ab obsequentibus, id est a subdiaconis, et omnibus clericis.

CAP. 297. — *Ne diaconi presbyteris se anteponant. Ex concilio Toletano, cap. 30 (con. Tol. iv, cap. 38).*

(Dist. 93, c. *Nonnulli diaconi*.) Nonnulli diaconi in tantam erumpunt superbiam, ut sese presbyteris anteponant, atque in primo choro ipsi priores stare præsumant, presbyteris in secundo choro constitutis. Ergo ut sublimiores sibi presbyteros agnoscant, tam hi quam illi in utroque choro consistent.

CAP. 298. — *Ut exorcistæ energumenis manus imponant. Ex concilio Carthaginiensi, cap. 20 (con. Carth. iv, c. 90).*

(De cons. dis. 5, c. *Omni die*.) Omni die exorcistæ energumenis manus imponant.

CAP. 299. — *De honore universis ordinibus competente. Ex decretis S. Sylvestri papæ, cap. 4.*

Ita fratres jubet auctoritas divina et affirmat ut a subdiacono usque ad lectorem omnes subditi sint diacono. Cardinali urbis Romæ in Ecclesia honorem repræsentantes tantum. Pontifici vero presbyter diaconus, subdiaconus acolytus, exorcista, lector, abbas, monachus in omni loco repræsentent obsequium, sive in publico sive in gremio ecclesiæ.

CAP. 300. — *De sacerdotibus qui ministerium suum adimplere nesciunt, nec discere volunt. Ex concilio Aurelianensi, cap. 6.*

Sacerdotes qui rite non sapiunt adimplere ministerium suum, nec discere juxta præceptum episcoporum suorum, pro viribus satagunt, et contemptores canbnum existunt, ab officio proprio sunt submovendi, quousque hæc pleniter emendata habeant.

CAP. 301. — *Ut clerici non reputentur qui sub nullius episcopi disciplina inveniuntur. Ex concilio Variensi, c. 10.*

(Dist. 93, c. *Nulla ratione*.) Nulla ratione clerici aut sacerdotes habendi sunt, qui sub nullius episcopi disciplina et providentia gubernantur. Tales enim acephalos, id est sine capite, prisca Ecclesiæ consuetudo nominavit.

CAP. 302. — *Ut clerici liberi facti a dominis suis, eos honorent et canonicè serviant. Ex concilio apud Altheim [Alteum] habito, c. 38.*

Nullus clericus ad gradum presbyterii promovatur, nisi ut scriptum in canonibus habeatur: Si enim propter Dei dilectionem quis de servis suis quem

quam elegerit. et docuerit litteras, et libertati condonaverit, et per intercessionem erga episcopum presbyterum effecerit, ille autem postea in superbiam elatus, missam dominis suis et canonicas horas servare et psallere renuerit, et eis juste obedire, dicens se liberum esse, noluerit, et quasi libere cuius vult homo fiat, hæc sancta synodus anathematizat, et illum a sancta communione arceri iudicat, donec respiscat et domino suo obediat secundum canonica præcepta. Si autem obstinato animo et hæc contempserit, accusetur apud episcopum qui eum ordinavit, et degradetur, et fiat servus illius, id est domini sui, sicut natus fuerat. Quisquis vero talem secum habuerit, posteaquam rem illius prædictam audierit, et domino suo non reddiderit, vel a se projecerit sive episcopus, sive comes, sive clericus, sive laicus anathematis illius societate nodatus poenam excommunicationis luat.

CAP. 303. — *De illis qui fugam fratris celaverint. Ex dictis Basilii.*

Si quis eum qui distractionem ecclesiasticam non ferens, fugam meditari, cognoverit; si non statim prodiderit, proditoris illius participem se esse non dubitet, et tandiu a conventu fratrum est sequestrandus, quandiu ille valeat revocari.

CAP. 304. — *De illis qui presbyteros suos male traverint. Ex concilio apud Arvernas, c. 7.*

Si quis presbyterum proprium inhonorat, aut verbo, aut facto contumeliam fecit, tandiu a liminibus ecclesiæ arceatur, quousque per condignam poenitentiam satisfaciat. Ait enim Apostolus: *presbyteri qui bene præsumt duplici honore digni habeantur (I Tim. v)*. Item alibi dicit: *Obedite præpositis vestris, et subjecti estote eis (Hebr. xiii)*. Et cætera.

CAP. 305. — *Ut nomen papæ in ecclesiis sanctis recitetur. Ex concilio Vasensi II, cap. 4 (Vasense I, c. 2).*

Et hoc justum visum est nobis, ut nomen domini papæ quicumque sedi apostolicæ præfuerit in vestris ecclesiis recitetur [nostris orig.]

CAP. 306. — *Ut presbyteri et diaconi in villis habitantes summas festivitates in civitatibus celebrent. Ex concilio Arvernensi, c. 14.*

Si quis presbyter aut diaconus, qui non in civitate canonicus esse dignoscitur, sed in villis habitans in oratoriis officio sancto deserviens, celebrat divina myteria, festivitates præcipuas, Domini Nati-
lem, Pascha, Pentecosten, et si quæ principales sunt festivitates reliquæ, dehinc ne faciat commonemus, et nusquam alibi, nisi cum episcopo suo in civitate festivitates supradictas celebret. Quicumque sunt cives laici natu maiores, pari modo in urbibus ad pontifices suos in prædictis festivitibus veniant, et ibi divina mysteria celebriter audiant. Quod si qui improba temeritate hæc contempserint, a communione pellantur.

CAP. 307. — *Ut presbyteris potestas prædicandi in suis plebibus concedatur. Ex concilio Vasensi II, cap. 2 (verius III, c. 2).*

Hoc etiam pro ædificatione omnium Ecclesiarum, et pro utilitate totius populi nobis placuit, ut non

solus in civitatibus, sed etiam in omnibus parœciis verbum faciendi daremus presbyteris potestatem, ita ut si presbyter aliqua infirmitate prohibente per seipsum non potuerit prædicare, sanctorum Patrum homiliæ a diaconibus probatis [prob. deest in orig.] recitentur.

CAP. 308. — *De clericis qui in rixa interficiuntur. Ex concilio Triburiensi, c. 50, cui interfuit Arnulphus rex.*

(23, q. 8, cap. Quicumque clericus.) Quicumque clericus aut in bello, aut in rixa, aut gentilium ludis mortuus fuerit, neque oblatione pro eo postuletur, sed in manus incidat iudicis. Sepultura tamen non privetur.

CAP. 309. — *De presbyteris qui capitali crimine accusati excusare se non possunt. Ex eodem concilio, c. 6 (Annectitur conc. Arvern.).*

De presbyteris qui de crimine fornicationis sive aliquo capitali flagitio accusantur, et non habent collegas cum quibus se excusare [al. expurgare] possint, aut si forte lapsi fuerint, quomodo satisfaciant. In quorum iudicio neque ad dexteram neque ad sinistram declinandum est, sed recta via gradiendum. (*Dist. 28, c. Presbyter.*) In concilio namque Neocæsariensi capitulo primo scriptum est: Presbyter si uxorem acceperit, deponatur ab ordine; si vero fornicatus fuerit aut adulterium perpetraverit, amplius pelli debet, et ad poenitentiam redigi.

CAP. 310. — *Ut viri veraces et Deum timentes in civitatibus et vicis constituantur. Ex concilio Rothomagensi, c. 9.*

Ut populus admoneatur ut in Dominicis et festis diebus omnes ad vespertas et nocturnas vigiliis, et ad missam omnimodo occurrant, et ut decani in civitatibus et in vicis publicis viri veraces et Deum timentes constituantur, qui desides et negligentes commoneant, ut ad Dei servitium absque occasione properent, et ut ipsi decani sacramento astringantur, ut nulla interveniente causa, scilicet aut amoris, aut timoris, aut propinquitatis, aut muneris, negligentis et transgressores reticeant, quin sacerdotibus proprias eorum culpas manifestent. Sacerdotum autem erit ita eorum vitia zelo et amore divino cum debita disciplina corrigere, sicut ipsi nolunt pro aliorum erratis sententiam justæ damnationis suscipere. Et ut dies festi a vespere usque ad vesperam absque opere servili cum debito honore celebrentur.

CAP. 311. — *Ne aliquis clericorum in duabus Ecclesiis facile connumeretur, 7 synodi, cap. 15.*

Clericus ab instanti tempore non connumeretur in duabus Ecclesiis. Negotiationis enim est hoc et turpis commodi proprium, et ab ecclesiastica consuetudine penitus alienum. Audivimus enim ex ipsa Dominica voce, quia, *nemo potest duobus dominis servire, aut enim unum odio habebit et alterum diligit, aut unum sustinebit et alterum contemnet (Luc. xvi)*. Unusquisque enim secundum apostolicam vocem quo vocatus est, in hoc debet manere (*I Cor. vii*), et in una locari Ecclesia. Quæ enim per turpe lucrum in ecclesiasticis rebus efficiuntur, aliena consistunt a Deo; ad vitæ vero hujus necessitatem studia sunt

diversa. Ex eis ergo qui voluerit acquirat corporis opportuna. Ait enim Apostolus: *Ad ea quæ mihi opus erant, et his qui mecum sunt ministraverunt manus istæ (Act. xx).* Et hæc quidem in hac servanda urbe. Cæterum in villis quæ foris sunt, propter inopiam hominum indulgeatur.

CAP. 312. — *Ante discussionem non esse suscipiendos accusatores. Anacletus in tertio decretali suo (Evarestus ep. 2, ante medium).*

(2, q. 7, c. *Si qui sunt vituperatores.*) Si qui sunt vituperatores aut accusatores episcoporum vel reliquorum sacerdotum, non oportet eos a iudicibus Ecclesiæ audiri, antequam eorum discutiatur æstimationis suspicio, vel opinio, qua intentione, qua fide, qua temeritate, qua vita, qua conscientia, quove merito, si pro Deo, aut pro vana gloria, aut inimicitia vel odio, vel cupiditate ista præsumpserint, nec ne.

CAP. 313. — *Clericos non esse accusandos a laicis. Telesphorus papa in primo decretali suo omnibus episcopis (cap. 1).*

Sicut laici sæculares homines nolunt clericos recipere in accusationibus et infamationibus suis, ita nec clerici debent eos recipere in pulsationibus suis, quoniam in omnibus discreta debet semper esse et segregata vita, et conversatio clericorum ac sæcularium laicorum.

CAP. 314. — *Vulgus non esse recipiendum in accusatione sacerdotum. Paulo voss in eodem decretali (cap. 2).*

(6, q. 1, cap. *Sacerdotes.*) Sacerdotes qui proprio ore corpus Domini faciunt, ab omnibus sunt obediendi [forte obaudiendi] et timendi, non dilacerandi aut detrahendi, quia a quibus se Domini populus benedici, salvari et instrui cupit, nullatenus eos debet arguere, nec vulgus in eorum accusationem suscipi. Populus enim ab eis docendus est et corripiendus, non ipsi ab eo, quia *non est discipulus supra magistrum (Matth. xx).* (Post pauca.) Dei ergo ordinationem accusat, qui eos qui ab eo constituuntur sacerdotes accusat vel damnare cupit.

CAP. 315. — *Accusatori non esse credendum qui absentem accusat. Ibidem post pauca (cap. 4).*

Accusatores et accusationes, quas leges sæculi non admittunt, et nos submovemus, et accusatori omnino non credi decernimus, qui absente adversario causam suggerit ante utriusque partis justam discussionem. Nec hi qui non sunt idonei suscipiantur ad accusationem, et omnes qui adversus Patres, id est sacerdotes [id est, sacerdos. *abest ab orig.*] armantur, infames esse censemus. Patres enim omnes, id est sacerdotes, venerandi sunt, non respuendi, aut accusandi vel insidiandi.

CAP. 316. — *Finitiva tantum clericorum iudicia, deferenda ad apostolicam sedem. Eleutherus papa duodecimo loco succedens Petro in primo decretali suo, Ecclesiis Galliæ (epistolæ suæ, c. 2).*

De accusationibus ergo clericorum, de quibus consulti sumus, quia omnes eorum accusationes difficile est ad sedem apostolicam deferri, finitiva tantum episcoporum iudicia huc deferantur, ut hu-

jus sanctæ sedis auctoritate finiatur, sicut ab apostolis eorumque successoribus multorum consensu episcoporum, jam diffinitum est. Nec in eorum Ecclesiis alii aut præponantur, aut ordinentur, antequam hic eorum juste terminentur negotia (3, q. 6, c. *Quamvis.*) Quoniam, quamvis liceat apud provinciales et metropolitanos atque primates, eorum ventilare accusationes vel criminationes, non tamen licet diffinire secus quam prædictum est. Reliquorum vero clericorum causas apud provinciales et metropolitanos, et primates ventilare, et juste finire licet. Judicantem tamen oportet cuncta rimari, et ordinem rerum plena inquisitione discutere, interrogandi ac proponendi adjiciendique præbita patientia ab eo, ut ibi actio ambarum partium limitata sit pleniter.

CAP. 317. — *Non esse iudicandum donec utrinque sit peroratum. Ibidem (consequente).*

Nec litigantibus iudex prius sua velit sententia obviare, nisi quando ipsi jam peractis omnibus nihil habeant in questione quod proponant, et tandiu actio ventiletur, quousque ad rei veritatem perveniat. Frequenter interrogare oportet, ne aliquid prætermisum forte remaneat, quod adnecti conveniat. (3, q. 3, *Induciæ non mod.*) Induciæ enim non modicæ ad inquirendum dandæ sunt, ne aliquid præpropere agi a quacunque parte videatur, quia per subreptionem multa proveniunt: (2, q. 1, c. *Nihil contra.*) Nihil tamen absque legitimo et idoneo accusatore fiat. Nam et Dominus noster Jesus Christus Judam esse furem sciebat, sed, quia non est accusatus, ideo non est ejectus; et quidquid inter apostolos egit, pro dignitate ministerii, ratum mansit. Nam, si leges sæculi accusatores requirunt, quanto magis ecclesiasticæ regulæ? Docent enim terrestria et humana quæ sint ecclesiastica atque cœlestia.

CAP. 318. — *Intra provinciam exercendas pulsati actiones. Ibidem (cap. 3, et in epist. 1 Felicis I).*

(3, q. 6, c. *Si quis clericus.*) De accusatoribus vero comprovincialibus ita legitur esse statutum: Si quis super quibuslibet criminibus quemlibet clericum pulsandum crediderit, in provincia, in qua consistit ille qui pulsatur, suas exerceat actiones, nec æstimet eum alibi aut longius ad iudicium protrahendum. Illi vero qui pulsatus fuerit, si iudicem suspectum habuerit, liceat appellare.

CAP. 319. — *Non esse iudicandum de absente. Item (ex conc. Carth. IV, c. 30).*

(3, q. 9, c. *Caveant iudices.*) Caveant etiam iudices Ecclesiæ, ne absente eo cuius causa ventilatur, sententiam proferant; quia irrita erit, imo et causam in synodo pro facto dabunt. Proditoris vero nec calumnia nec vox audiatur. Nemo enim debitorem amplius potest cognoscere, quam ille qui injuriam ejusque sustinuit nequitiam.

CAP. 320. — *Quod laici non debeant clericos accusare. Fabianus in secundo decretali suo orientalibus episcopis (cap. 2).*

(2, q. 7, c. *Sicut sacerdotes.*) Sicut sacerdotes vel clerici reliqui a sæcularium excluduntur accusatione, ita illi ab istorum sunt excludendi et alio-

nandi criminatione. Et, sicut isti ab illis, ita et illi ab istis non recipiantur; quoniam, sicut Domini sacerdotum segregata debet esse conversatio ab eorum conversatione, ita et litigatio; quia *servum Dei non oportet litigare* (II Tim. II). Post pauca. Hæc ideo præmisimus ut cognoscatur ab his quibus incognitum est, quia et sacerdotes quos sibi Dominus de omnibus ascivit, et suos esse voluit, non sunt leviter tractandi, nec lacerandi, nec temere accusandi, aut reprehendendi, nisi a magistris suis; quoniam eorum causas sibi Dominus reservare voluit, et suo iudicio judicari [vindicare].

CAP. 321. — *De ordine causæ, et numero personarum. Item (ibidem non ita procul a fine).*

(4, q. 4, c. Nullus unquam.) Nullus unquam præsumat accusator simul esse et iudex, et testis; quoniam in omni iudicio quatuor personas necesse est semper adesse, id est iudices electos, et accusatores, ac defensores, atque testes. Similiter statuente apostolica auctoritate jubemus ne pastorem suum oves quæ ei commissæ fuerint, nisi in fide erraverit, reprehendere audeant; quia facta præpositorum oris gladio feriendâ non sunt, neque potest esse discipulus super magistrum (Matth. x).

CAP. 322. — *Item non esse contradicendum auctoritati. Ibidem.*

(11, q. 3, c. Qui omnip.) Qui omnipotentem Deum metuit, nec contra Evangelium, nec contra apostolos, nec contra prophetas, vel sanctorum Patrum instituta aliquid agere ullo modo consentit.

CAP. 323. — *De pulsatis ubi respondere debeant, ubi non. Idem in tertio decretali suo (ad Hilarium episc., c. 3).*

(q. 6, c. Pulsatus.) Pulsatus, ante iudicem suam causam dicat, et ante non suum iudicem, pulsatus, si voluerit, taceat: et ut pulsatis quoties appellaverint, induciæ dentur.

CAP. 324. — *De convitiis pro accusatione non habendis. Idem (ibidem, paulo post).*

(2, q. 3, c. De pœnitent., dist. 1, c. Si quis iratus.) Si quis ergo iratus crimen aliquod cuilibet temere objecerit, convicium non est pro accusatione habendum; sed permissio tractandi spatium, id quod iratus dixit per Scripturam se probaturum esse fateatur: ut si forte respiscens, quæ pro iracundia dixit, iterare aut scribere noluerit, non ut reus criminis teneatur. (3, q. 6, c. Qui crimen.) Omnis ergo qui crimen objicit, scribat se probaturum. Revera ibi semper causa agatur, ubi crimen admittitur. Et qui non probaverit quod objicit, pœnam quam intulerit, in se patiatur.

CAP. 325. — *De alieno iudicio Cornelius papa in secundo decretali suo Rufo episcopo (cap. 2).*

Nullus sacerdotum causam suam alieno committat iudicio, nisi ad sedem apostolicam fuerit appellatum; sed unusquisque provinciales iudices et notos habeat, nisi aliquam vim temerariæ multitudinis illic timuerit; aut infestos vel suspectos inibi iudices habuerit; pro quibus causis ad majoris auctoritatis iudices, et ad alias provincias appellare et

venire concessum est. (3, q. 9, c. Omnia quæ.) Omnia ergo quæ adversus absentes in omni negotio aut loco aguntur, aut judicantur, omnino vacuentur; quoniam absentem nullus addicit, nec ulla lex damnat.

CAP. 326. — *Quod qui crimina intendunt per se accusare debeant. Lucius papa vigesimus primus a Petro, in primo decretali suo, omnibus episcopis tam Galliarum quam Hispaniarum (cap. 2).*

(2, q. 7, c. Criminationes.) Constitui placuit ut criminationes majorum natu per alios non fiant, nisi per ipsos qui crimina intendunt, si tamen ipsi digni et irreprehensibiles apparuerint, et actis docuerint publicis omni se carere suspicione, atque inimicitia et irreprehensibilem fidem ac conversationem ducere. (2, q. 6, c. Placuit ut.) Unde placuit ut a quibuscunque iudicibus ecclesiasticis ad alios iudices ecclesiasticos ubi major est auctoritas, si fuerit provocatum, audientia non negetur.

CAP. 327. — *Quæ accusationes recipi non debeant Stephanus papa I, in secundo decretali suo (cap. 3).*

(3, q. 5, c. Accusatores.) Accusatores, et accusationes quas sæculi leges non recipiunt, et antecessores nostri prohibuerunt, et nos submovemus. Nullus enim alienigena aut accusator eorum fiat, aut iudex. Item. (Idem supra, c. 315.) Repellantur habitantes cum inimicis et omnes laici quia infestationem blasphemiarum affectio inimicitiarum incitare solet. Nec illi in vestra suscipiendi sunt accusatione, qui vos in sua nolunt recipere infamatione (3, q. 4, c. Nullus anathem.) Nullus enim anathematizatos suscipiat, nec a quoquam credantur, quæ ab eis vel dicuntur vel conscribuntur. Eos dico anathematizatos esse, quos episcopi suis scriptis anathematizaverunt, aut eorum statuta anathematizant.

CAP. 328. — *Quod per scriptum nullus sit accusandus. Iaem (cap. 4).*

(2, q. 8, c. Per scripta.) Per scripta enim nullius accusatio suscipiatur, sed propria voce, si legitima et condigna accusatoris persona fuerit, præsentem videlicet eo quem accusare desiderat, quia nullus absens aut accusari potest, aut accusare.

CAP. 329. — *De incertis iudiciis. Felix papa I, xv a Petro, in primo decretali suo, Paterno coepiscopo.*

(Idem supra habetur, c. 318.) In re dubia certa non iudicetur sententia, nec ullum iudicium nisi ordinabiliter habitum teneatur. Si quis super qui buslibet criminibus clericum pulsandum, crediderit, in provincia in qua consistit ille qui pulsatur, suas exerat [al. exercent] actiones, nec æstimet eum accusator alibi aut longius pertrahendum ad iudicium.

CAP. 330. — *De appellatione ejus qui iudices suspectos habet. Idem (proxime post).*

Ille vero qui pulsatus fuerit, si iudices suspectos habuerit, licet appellare primates.

CAP. 331. — *Item de eodem, et quæ accusationes non sint recipiendæ. Idem episcopis Galliarum in secundo decretali suo.*

(3, q. 7, c. Infamis.) Infamis enim persona nec procurator potest esse, nec cognitor. (3, q. 9,

c. Absente.) Absente vero adversario non audiatur A accusator, nec sententia absente parte alia a iudice dicta ullam obtinebit firmitatem. Neque absens per alium accusare aut accusari potest, nec affinis testis admittatur. Neminem ergo exhiberi de provincia ad provinciam, vel ad comitatum oportet, nisi ad relationem iudicis ad quem fuerit appellatum, id est ut actor semper rei forum sequatur. Si quis autem iudicem adversum sibi senserit, vocem appellationis exhibeat, quam nulli oportet negari. (3, q. 6, c. *Peregrina.*) Peregrina vero iudicia generali sanctione prohibemus, quia indignum est ut ab externis iudicetur, qui comprovinciales et a se electos debet habere iudices.

CAP. 332. — *De ordine accusationis, et vinculo inscriptionis Eutythianus papa episcopis per Siciliam* (epist. 2, c. 2).

Accusationis ordinem talem et didicimus, et servari iubemus, id est si quis clericorum in crimine impetitur, non statim reus æstimetur qui accusari potuit, ne suspectam innocentiam faciamus. (2, q. 8, c. *Quisquis.*) Sed quisquis ille est, qui crimen intendit in iudicium veniat, nomen rei indicet, vinculum inscriptionis arripiat, custodiat similitudinem, habita tamen dignitatis æstimatione potiat. Nec fore [patiatur, ne forte, orig.] noverit sibi licentiam mentiendi, cum calumniantes ad vindictam poscat similitudo supplicii.

CAP. 333. — *Qui non sint admittendi, ad accusationem. Idem (consequenter).*

Hæretici omnes, et suspecti, et excommunicati, homicida quoque atque malefacti, fures, sacrilegi, raptores, venefici, adulteri, et qui raptum fecerint, vel falsum testimonium dixerint, seu qui sortilegos magosque consuluerint [concurrerint, orig.], nullatenus ad accusationem sunt admittendi. Nulli infami unquam, aut sacrilego de quocunque negotio liceat adversus religiosum Christianum, quamvis humilis servilisque persona sit, testimonium dicere, nec de qualibet ratione, vel inscriptione Christianum impetere.

CAP. 334. — *Sub quot testibus cuiusque ordinis accusatio fieri debeat. Ex synodalibus oestis Sylvestri papæ.*

Presbyter autem cardinalis nisi in quadraginta quatuor testibus non damnabitur. Diaconus cardinalis constitutus urbis Romæ, nisi in xxxvi non condemnabitur. Subdiaconus, acolythus, exorcista, lector, ostiarius, nisi (sicut scriptum est) in septem testibus non condemnabitur. Testes autem et accusatores, sine aliqua sint infamia, uxores, et filios habentes, et omnino Christum timentes [prædicantes]. Testimonium clerici adversus laicum nemo recipiat. Nemo enim clericum quemlibet in publico examinare præsumat, nisi in ecclesia. Nemo enim clericus, vel diaconus, aut presbyter propter quamlibet causam intret in curiam, nec ante iudicem cinctum causam dicere præsumat, quoniam omnis curia, a cruore dicitur et immolatione simulacrorum.

Et si quis clericus accusans clericum in curiam introierit, anathema suscipiat.

CAP. 335. — *De petendis induciis Felix papa in primo decretali suo Anastasio et Ægyptiis, c. 14 (Felix II, ep. 1, c. 8).*

Cum ad iudicium quis venerit, si voluerit et necesse fuerit, induciæ ei petenti a Patribus constitutæ absque impedimento concedantur, et iudices a se electi tribuantur, ut in loco unde est ille qui accusatur, aut, si ibi aliquam temerariæ multitudinis vim metuerit, locum eligat sibi congruum, quo absque timore suos, si necessitas exposcerit, testes habere, et absque impedimento suam canonicè sententiã finire valeat, quia multa per subreptionem evenire solent.

CAP. 336. — *De differentia ecclesiasticæ et sæcularis causæ. Idem, c. 17 (Eutyth. pap., epist. 2, episcopis per Siciliam).*

(2, q. 6, c. *Non ita.*) Non ita in ecclesiasticis agendum negotiis est, sicut in sæcularibus. Nam in sæcularibus, postquam legibus vocatus quis venerit, et in foro decertare cœperit aliquis, non licet ante peractam causam recedere. In ecclesiasticis vero dicta causa recedere licet, si necesse fuerit, aut si prægravari viderit.

CAP. 337. — *De non permiscendis personis causæ. Ex epistola decretali Damasi papæ ad Stephanum archiepisc. Mauritanix (ep. 4, c. 7).*

(4, q. 4, c. *Nullus introducatur.*) Nullus introducatur personaliter (ad causam), sed accusatores et accusati æqua audiantur ratione, juxta quod gestorum ordo exigit. Accusatores vero et iudices non iidem sint, sed per se accusatores, per se iudices, per se testes, per se accusati, unusquisque in suo ordinabiliter ordine. Nam inscriptio primo semper fiat, ut talionem calumniator recipiat, quia ante inscriptionem nemo debet iudicari vel damnari, cum et sæculi leges hæc eadem retineant.

CAP. 338. — *De Maximo episcopo. Ex epistola Bonifacii papæ ad episcopos Gallix, cap. 15 (Bonif. I, ep. 2).*

(3, q. 9, c. *Decernimus.*) Bonifacius episcopis Gallix. Decrevimus vestram debere intra provinciam esse iudicium, et congregari synodum ante diem Kalendarum Novembrium, ut, si adesse voluerit, Maximus præsens, si confidit, ad objecta respondeat. Si vero adesse neglexerit, dilationem sententiæ de absentia non lucretur. Nam manifestum est confiteri eum de crimine, qui indulto et toties delegato iudicio, purgandi se occasione non utitur.

CAP. 339. — *De abjiciendis familiaribus inimicis. Leo papa Anatolio episcopo (epist. 76).*

(24, q. 3, c. *Illud sane.*) Illud sane mihi plurimum displicere significo, quod inter ditionis tuæ clericos [jurisdictionis tuæ clerici] quidam esse dicuntur, qui adversariorum convenient [conniveant] pravitati, et vesaniæ [iræ] vasis misericordiæ vasa misceantur: quibus investigandis et severitate congrua coercendis debet diligentia tua vigilanter insistere, ita ut his quibus prodesse non potuerit correctio, non parcat abscissio. Oportet enim nos

evangelici meminisse mandati, quo ab ipsa Veritate A rum rerum officia censemus committenda. Quia si totum corpus oculus, ubi auditus? (1 Cor. xii.) Sicut enim varietas membrorum per diversa officia et robur corporis servat, et pulchritudinem representat, ita varietas personarum nihilominus per officia distributa, et fortitudinem et venustatem sanctæ Dei Ecclesiæ manifestat. Et sicut indecorum est ut in corpore humano alterutrum membrum alterius fungatur officio, ita nimirum noxium simulque turpissimum, si singula rerum ministeria, personis totidem non fuerint distributa.

CAP. 340. — *Episcopum accusatum non esse deserendum a suis ante finem causæ. In quinta synodo Symmachi papæ (ex lib. Ennodii, in iv syn.).*

(8, q. 4, c. Nonne directa.) Nonne directa sunt verba canonum, quicumque clericorum ab episcopo suo ante sententiæ tempus pro dubia suspicione discesserit, manifestam eum manere censuram?

CAP. 341. — *De eodem in eadem (proxime post).*

Lex ecclesiastica pontificem ab aliis accusatum, priusquam sub luce objecta constiterint, exigit non relinqui.

CAP. 342. — *De depositione ejus qui archidiaconatum alterius invaserat. Gregorius natali episcopo Salomitano (lib. II, indict. 10, ep. 14 et 16).*

(7, q. 1, c. Eum qui contra.) Eum qui contra justitiæ regulam in archidiaconatum alterius se provehi consensit, ab ejusdem archidiaconatus honore deponimus. Qui si ulterius in loco eodem ministrare præsumperit, se participatione communionis sacræ noverit esse privatum.

CAP. 343. — *Quod nullam vim habeant injusta judicia. Joanni defensori Gregorius, c. 40 (lib. XI, c. 50, vel epist. 52).*

(2, q. 1, c. In primis.) Quod quidam frater de falsis se capitulis accusatum, neque aliquid ordinabiliter factum, sed injuste se asserit condemnatum, diligenter quærendum est, primo, si judicium ordinabiliter est habitum, si alii accusatores, alii testes fuerint; deinde causarum qualitas, si digna exilio vel depositione fuit, si eo præsentem sub jurejurando contra eum testimonium dictum est, si scriptis actum est, si ipse licentiam respondendi ac defendendi se habuit. Sed et de personis accusantium ac testificantium subtiliter quærendum est cujus conditionis, cujusve opinionis, et ne inopes sint, ne forte aliquas contra præfatum pastorem inimicitias habuissent, utrum testimonium ex auditu dixerint, aut certe specialiter se scire testati sunt, si scriptis judicatum est, et partibus præsentibus sententia recitata est. Quod si forte hæc solemniter acta non sunt, neque causa probata est, quæ exilio vel depositione digna sit, in Ecclesiam suam modis omnibus revocetur.

CAP. 344. — *Ut singulis personis singula Ecclesiæ tribuantur officia. Gregorius omnibus episcopis (apud Joan. diaconum in Vita B. Gregorii, n. 54).*

(Dist. 89, c. Singula ecclesiastici.) Singula ecclesiastici juris officia, singulis quibusque personis, singulatim debere committi jubemus. Neque enim uni quamlibet exercitatur personæ uno tempore dua-

rum rerum officia censemus committenda. Quia si totum corpus oculus, ubi auditus? (1 Cor. xii.) Sicut enim varietas membrorum per diversa officia et robur corporis servat, et pulchritudinem representat, ita varietas personarum nihilominus per officia distributa, et fortitudinem et venustatem sanctæ Dei Ecclesiæ manifestat. Et sicut indecorum est ut in corpore humano alterutrum membrum alterius fungatur officio, ita nimirum noxium simulque turpissimum, si singula rerum ministeria, personis totidem non fuerint distributa.

CAP. 345. — *Ubi fieri debeant ecclesiastica. Ex prima epistola Clementis (post initium).*

(11, q. 1, c. Si qui ex fratribus.) Si qui ex fratribus negotia habent inter se, apud cognitores sæculi non judicentur, sed apud presbyteros ecclesiæ qui quid illud est dirimatur, et omnimodo obediant statutis eorum.

CAP. 346. — *De abominabili crimine conspirationis. Calixtus in secunda epistola (cap. 1).*

(11, q. 1, c. Conspirationum.) Conspirationum vero crimina in vestris partibus vigere audivimus, et plebes contra episcopos suos conspirare nobis mandatum est. Cujus criminis astutia non solum inter Christianos abominabilis est, sed etiam inter ethnicos, et ab exteris legibus prohibita. Et idcirco hujus criminis reos non solum ecclesiasticæ, sed etiam sæculi damnant leges. Et non solum conspirantes, sed etiam consentientes eis. Antecessores vero nostri cum plurima turba episcoporum, quicumque eorum in sacerdotali honore sunt positi, aut existunt clerici, honore quo utuntur carere præceperunt: cæteros vero communionem privari, et ab ecclesia extorres fieri jusserunt, omnesque simul utriusque ordinis viros infames esse censuerunt: et non solum facientes, sed et eis consentientes. (23, q. 3, c. Justum est.) Justum est enim ut qui divina contemnunt mandata, et inobedientes Patrum existunt jussionibus, severioribus corrigantur vindictis, quatenus timorem cæteri habeant talia committere, et Deus gaudeat fraternitate ac concordia, et cuncti sumant severitatis ac bonitatis exemplum. Nam, si (quod absit) ecclesiasticam sollicitudinem vigoremque negligimus, perdit desidia disciplinam, et animabus fidelium profecto nocebitur. (3, q. 4, c. Conspiratores.) Hi vero in nullius sunt accusatione recipiendi, nec eorum vel anathematizatorum vox, ullum nocere aut accusare potest.

CAP. 347. — *De modo accusandi. Damasus in secunda epistola (epist. 4, c. 8).*

(3, q. 9, c. Habetur.) Habetur quoque in decretis Patrum, sancitum non fore canonicum, quemquam sacerdotum judicare vel damnare, antequam accusatores canonicè examinatos præsentem habeat, locumque defendendi accipiat, id est inducias ecclesiasticas ad abluenda crimina et cætera, nec extra propriam fiat provinciam prima discussionis accusatio, sine apostolica præceptione, cui in omnibus causis debet reverentia custodiri, quoniam et anti-

qua docet hoc Patrum regula; in qua et imperialia A pariter statuta concinunt.

CAP. 348. — *De eadem re. Idem in epistola ultima (epist. 7, ad episc. Italiae).*

(3, q. 9, c. Qui accusare.) Qui alium accusare elegerit, præsens per se et non per alium accuset, inscriptione videlicet præmissa. Neque ullus unquam judicetur, antequam legitimos accusatores præsentem habeat, locumque defendendi accipiat ad abluenda crimina.

CAP. 349. — *De curialibus ad clerum non promovendis. Innocentibus Victricio Rothomagensi archiepiscopo (epist. 2, c. 11).*

(Dist. 51, c. Præterea frequenter.) Præterea frequenter quidam ex fratribus vestris curiales, vel quibuslibet publicis functionibus occupatos, clericos facere contendunt: quibus postea major tristitia cum de revocandis eis aliquid ab imperatore præcipitur, quam gratia nascitur de adscito. Constat enim eos in ipsis muniis [mimis] voluptates exhibere, quas a diabolo inventas esse non dubium est, et ludorum aut numerum [mimorum] apparatus ut præesse, aut forsitan interesse. Si certe in exemplum sollicitudo et tristitia fratrum, quam sæpe pertulimus, imperatore præsentem, cum pro his sæpius rogaremus, quam ipse nobiscum positus cognovisti, quibus non solum inferiores clerici ex curialibus, verum etiam jam ex sacerdotio constituti, ingens molestia ut redderentur, instabat.

CAP. 350. — *Quod id quod necessitas reperit pro remedio, cessante necessitate, debet utique cessare. Idem Rufo et Eusebio Macedonibus episcopis (epist. 22, c. 5).*

(1, q. 7, c. Quod pro remedio.) Sacerdotum summa deliberatio hæc fuit, ut quos Bonosus ordinaverat, ne cum eodem remanerent, ac ne fieret non mediocre scandalum, ordinati reciperentur. Vicinus (ut opinor) ambigua. (1, q. 1, c. Quod pro necessitate.) Jam ergo quod pro remedio ac necessitate temporis statutum est, constat primitus non fuisse, ac fuisse regulas veteres quas ab apostolis aut apostolicis traditas Ecclesia Romana custodit, custodiendasque mandat bis, qui eam audire consuevit. Sed necessitas temporis id fieri magnoperè postulabat. Ergo quod necessitas pro remedio reperit, cessante necessitate, debet utique cessare pariter quod urgebat, quia alius est ordo legitimus, alia usurpatio, quam ad præsens fieri tempus impellit. Sed canones apud Nicæam constituti de Novatianis fieri permiserunt. Prius ille canon a Patribus institutus ponendus est, ut possimus advertere, vel quid, vel qualiter ab eisdem sensum sit vel præceptum. (Can. 8, Nic. syn.) De his, inquit, qui nominant se ipsos catharos, id est mundos, et aliquando veniunt ad catholicam Ecclesiam, placuit sanctæ et magnæ synodo ut accepta manus impositione, sic maneat in clero. Possumus vero dicere de solis hoc Novatianis esse præceptum, nec ad aliarum hæreseon clericos pertinere. Nam, si utique de omnibus ita definitum, addidissent a Novatianis, aliisque hæreti-

cis revertentes debere in suum ordinem recipi. Quod ita non esse, etiam illud maxime quod de Paulianistis dictum est, poterit confirmare, a quibus venientes etiam baptizari præcipiuntur. Nunquidnam cum de Paulianistis jubent, omnes qui ab hæreticis revertuntur, erunt hoc exemplo baptizandi? Quod cum nullus audeat facere, de ipsis tantum esse præceptum ratio ipsa demonstrat.

CAP. 351. — *De his qui virginitatis sponsonem irritam faciunt. Idem (conc. Ancyran. sub Sylvestro, c. 18).*

(27, q. 1, c. Quotquot.) Quotquot virginitatem promittentes, irritam faciunt sponsonem, inter bigamos censeantur.

CAP. 352. — *De peregre baptizatis. Ex concilio Eliberitano, cap. 24.*

(Dist. 98, c. Omnes qui.) Omnes qui peregre fuerint baptizati, eo quod eorum minime sit cognita vita, placuit ad clerum non esse promovendos in alienis provinciis.

CAP. 353. — *De servis sine consensu dominorum ordinatis. Gelasius Martyrio et Justo episcopis.*

Actores siquidem illustris viri filii nostri Aman-
diani graviter conqueruntur homines, suo juri deditos, alios adhuc clericos, alios jam diaconos ordinatos, cum non solum post modernum (quod tantorum pontificum collectione sub omnium saluberrimæ provisionis assensu constat esse perfectum) hujusmodi personas suscipi non debere, verum etiam, si qui forte in divinæ cultum militiæ, ante fuerint ignorantia faciente suscepti, eliminare prorsus, et exutos religioso privilegio ad dominorum possessiones justa debuerint admonitione compelli. Et ideo, fratres charissimi, eos quos supradicti viri actores in clericatus officio monstraverint attineri, discussos et obnoxios ac probatos custodito legum tramite sine intermissione restituite, ita ut si quis jam presbyter reperitur, in eodem gradu, peculii sola amissione permaneat. Diaconus vero aut vicarium præstet, aut si non habuerit, reddatur. Residua officia sciant neminem posse ab obnoxietate, si convincitur, vindicari, quatenus ordine custodito nec dominorum jura, nec privilegia ulla ratione turbentur.

CAP. 354. — *De eadem re. Gelasius Herculentio. Stephano et Justo episcopis.*

D Nuper etenim actores illustris feminae Placidia petitorii oblatione conquesti sunt, Sabinum Marcellianensis sive Cusilinanensis urbis antistitem, Antiochum servum juris patronæ suæ absentis dominæ occasione captata, ad presbyterii honorem usque perductum, ejusque fratrem Leontium clericalis officii privilegio decorasse. Et ideo, fratres charissimi, inter supradictos actores, et eos qui conditionis extremæ repetuntur, objectam cognitionem vobis nostra auctoritate deputamus, ut, omni veritate discussa, si revera objectam sibi maculam justitiæ, refragationis non potuerit ratione diluere, Leontium clericum, quem gradus præfinitus legibus non defendit, ad sequendam cognitionis suæ necessitatem modis omnibus redhibete. Antiochum vero,

quia per sacerdotium non jam potest retolli, si in A suam Ecclesiam in hoc in quo est honore, desiderat collocare, non velut redditum sibi, sed habeat pro ministeriorum celebratione susceptum.

CAP. 355. — *De reverentia exhibenda prius ordinatis. Nicolaus papa Michaeli imperatori 'evist. 8 ante medium).*

(*Dist. 21, c. Denique.*) Denique, si in Epistola ad Hebræos legitur, quod minor a majore benedicatur (*Hebr. vii*), restat profecto ut exigente ratione etiam maledicatur. Si quidem hoc utique prænoscentes periculosa tempora, illi qui ante nos fuerunt providam in Ecclesiis consuetudinem tradiderunt, hodieque in Romana Ecclesia (quæ magistra est omnium Ecclesiarum) imprætermisse servatur, ita ut nullus sacerdos majori suo interveniente consacerdote cui-libet rei benedicere nitatur. Sed et anterior stans ad pronuntiandum aliquam lectionem, benedictionem quidem postulat, sed ei quilibet inferior non audeat benedicere. Cur hoc? Nunquid benedicere peccatum est? Absit! De maledicis enim, non benedicis dicit Apostolus: *Quia regnum Dei non possidebunt (I Cor vi)*. Sed per hoc innuitur quantæ censuræ freno inferiores quique ad suos judicandos præpositos coercendi sunt, si his nec etiam benedicendi jus, illum penitus obtineant.

CAP. 356. — *De puero sine propria voluntate cucullato. Nicolaus papa I omnibus episcopis in regno Ludovici (in rescriptis Nicolai I tit. 15, c. 2).*

(*20, q. 3, c. Præsens clericus.*) Præsens clericus nomine Lambertus, una cum patre suo nomine Atho, quondam videlicet comite, nunc autem clerico, ad limina apostolorum properans adiit præsentiam nostram, asserens qualiter idem pater ejus in laicali adhuc habitu [*ordine orig.*] in prædiis propriis ædificasset monasteria, duo voluntatem gerens, ut post suum discessum præsens filius ejus Lambertus in locum ei succederet. Quem infra teneram ætatem inter 8 et 11 annum constitutum, memoratus pater proprio arbitrio absque regulari institutione extra omnem voluntatem illius cucullam induit. Igitur, post quoddam ipsius temporis spatium, ut ipse dicit, Salomon episcopus eum cum quibusdam aliis eidem Lamberto, absque patris oblatione vel abbatis percepta benedictione, monasticum illum induere fecit habitum, ut fertur, invitum, et sub hac occasione paterna seu materna hæreditate a fratribus suis privatum esse, atque contra omnem (ut dictum est) voluntatem suam quasi regularem illum monachum permanere voluit. Super qua re diligenti cura investigantes, etiam sub adjuratione patrem ipsius si verum diceret interrogavimus. Sed idem clericus Atho respondit se talem habuisse et habere voluntatem, ut suus filius verus monachus fuisset, et in locum ei successisset. Sed sub testificatione jurejurando firmabat, quod, quando primitus ei cucullam induit, idem Lambertus semper restitit et nunquam se monachum fieri consensit, sed demum ab insequentibus monachico habitu violenter indutus fuerit, asserens quia nunquam reguam ai-

quando promisit, neque ego pater ejus palla altaris involutum [*al. pallio alt. indutum*] illum obtuli, neque a quocunque sacerdote vel abbate, ut mos deposcit, benedictione percepta regulæ unquam subactum fuisse monachum [se fieri monachum subiectum promisit]. Super his omnibus etiam protestatus est præfatus clericus Atho, quia si eo tempore tam duræ observantiæ monasticam intellexisset regulam, nunquam eumdem filium suum Lambertum coegisset portare cucullam. Quapropter Psalmographi consulte verba recolentes, quibus voluntarie se Deo sacrificare pronuntiat (*Psal. lxxi*), et voluntaria oris sui beneplacita fieri in conspectu Dei obsecrat (*Psal. cxviii*): præsentem, ut dictum est, clericum nomine Lambertum minime debere existimavimus sub tali violentia fieri monachum. Quod enim quis non elegit, nec optat, profecto non diligit. Quod autem non diligit, facile contemnit. Nullum quippe bonum, nisi voluntarium. Idcirco et Dominus non ferendam in via virgam (*Matth. x*), per quam violentia ulli inferatur, præcepit. Quapropter consultius agitur, si piis suasionibus contemptum mundi, et amorem Dei prædicando, quam violentiam inferendo ad cœlestem amorem illum accenderitis. Unde omnium vestrum charitati hanc nostri apostolatus mandare decrevimus epistolam, monentes atque præcipientes, quatenus si ita est verum, ut isti dicunt, nullus episcopus vel abbas seu monachorum reliquorum conventus monasticis illum regulis invitum subjacere compellat; neque ullo modo fratres illius per hanc occasionem licentiam habcant paterna seu materna illum, quod absit hæreditate privare, sed usque dum divina inspiratione compunctus propria voluntate regulis se subdat, liceat illum a mundanis, et laicalibus remotum vagationibus vel negotiis inter religiosos et ecclesiasticos viros in canonica degere vita. Non enim putamus, quod absit! religiosos canonicos a sanctorum monachorum vita et consortio sejunctos, quia unusquisque secundum Apostolum *proprium mercedem accipiet secundum suum laborem (I Cor. viii)*.

CAP. 357. — *Quod clericus a suo excommunicatus episcopo ab alio episcopo non est recipiendus. Ex concilio Sardicensi, cap. 16.*

Osius episcopus dixit: Si hoc quoque omnibus placet, ut sive diaconus, sive presbyter, sive quis clericorum ab episcopo suo fuerit communionem privatus, et ad alterum perrexerit episcopum, et scierit ille ad quem confugerit, eum ab episcopo suo fuisse abjectum, non oportet ut ei communionem indulgeat. Quod si fecerit, sciat se convocatis episcopis causam esse dicturum. Universi dixerunt: Hoc statutum et pacem servabit, et concordiam custodiet.

CAP. 358. — *Ut clerici episcopis suis subjecti sint. Ex concilio Chalcedonensi, cap. 8 (actione 15).*

(*18, q. 2, c. Quidam monach.*) Clerici in parœciis [*ptochiis orig.*], et in monasteriis, aut martyriis constituti, sub potestate sint ejus, qui in ea est ci-

vitae episcopus, secundum traditionem sanctorum Patrum, nec per praesumptionem recedant a suo episcopo. Eos vero qui ausi fuerint rescindere hujusmodi institutionem quocumque modo, vel si noluerint subjacere proprio episcopo, si quidem fuerint clerici personarum ordinatione, subjaceant condemnationibus canonum.

CAP. 359. — *De eadem re. Ex eodem (ibidem sed ex alia versione).*

Clerici qui pauperum dispositioni vel monasteriorum vel martyriorum praesunt, sub potestate singularum civitatum episcoporum, secundum sanctorum canonum traditionem perdurent, nec per suam temeritatem episcopi sui moderationem declinent. Qui autem hujusmodi dispositionem quolibet modo subvertere ausi fuerint, et episcopo suo non obdierint, si quidem clerici fuerint, canonicæ damnationi subjaceant, si autem monachi aut laici sint, a communione suspendantur.

CAP. 360. — *Quod non oporteat clericos, praetermissis episcopo, ad saecularia judicia committere. Ex eodem conc., cap. 9.*

(11, q. 1, c. Si clericus.) Si clericus adversus clericum habeat negotium, non relinquat suum episcopum, et ad saecularia judicia concurrat; sed prius negotium agitur apud proprium episcopum, vel certe (si fuerit iudicium ipsius episcopi) apud arbitros ex utraque parte electos audiat negotium. Si quis vero contra hæc fecerit, canonum subjacebit correctionibus. Et si clericus adversum suum seu alium episcopum habeat causam, apud audientiam synodi provinciae conqueratur [conquir. orig.]. Si vero contra ipsius provinciae metropolitanum episcopum episcopus sive clericus habeat controversiam, pergat ad ipsius diocesis primatem; aut certe ad Constantinopolitanæ regiae civitatis sedem, ut eorum ibi proprium negotium exquiratur.

CAP. 361. — *Quod minime liceat clericis transmigrare in aliam civitatem, nisi pro persecutione. Ex eodem concilio, cap. 20.*

Clericos in singulis ecclesiis constitutos, sicut jam decrevimus, non licere in alterius civitatis ecclesiis ordinari, sed acquiescere in ea in qua ab initio ministrare meruerunt, exceptis illis qui proprias civitates perdidit, et ex necessitate ad alias ecclesias migraverunt. Si vero quicumque episcopus post definitionem istam ad alium episcopum pertinentem clericum susceperit, placuit sanctæ synodo et hunc qui suscipit, et eum qui susceptus est, tandem excommunicatos manere quoad ipse clericus ad propriam revertatur ecclesiam.

CAP. 362. — *Ut clerici publica judicia non appellent. Ex concilio Carthaginiensi III, cap. 9.*

(11, q. 1, c. Placuit.) De diversis ordinibus Ecclesiae servientibus, ut si quis in causam criminis incurrerit, et abnerit iudicium ecclesiasticum, debeat periclitari, ut et filii sacerdotum spectacula saecularia non adeant. Item placuit ut quisquis episcoporum, presbyterorum et diaconorum, seu clericorum, cum in ecclesia ei crimen fuerit intentatum,

vel civilis causa fuerit commota, si derelicto ecclesiastico iudicio publicis iudiciis purgari voluerit, etiam si pro ipso fuerit prolata sententia, locum suum amittat; et hoc in criminali actione [iudicio orig.]; in civili vero perdat quod evicit si locum suum obtinere maluerit [voluerit orig.].

CAP. 363. — *Quid agendum sit si provocatum fuerit de ecclesiasticis, ad alios ecclesiasticos iudices. Ex eodem, cap. 10.*

(2, q. 6, c. Placuit.) Hoc etiam placuit ut a quibuscunque iudicibus ecclesiasticis ad alios iudices ecclesiasticos, ubi est major auctoritas, fuerit provocatum, non eis obsit quorum fuerit soluta sententia, si convinci non potuerint, vel inimico animo iudicasse, vel aliqua cupiditate aut gratia depravatos esse. (2, q. 6, c. Sane.) Sane si ex consensu partium iudices electi fuerint, etiam a pauciore numero quam constitutum est, non liceat provocari.

CAP. 364. — *Quid ad testimonium non sint admittendi. Ex concilio Carthaginiensi VII, cap. 4.*

(2, q. 2, c. Testes autem.) Testes autem ad testimonium non admittendos, qui nec ad accusationem admitti præcepti sunt, vel etiam quos accusator de sua domo produxerit. Ad testimonium autem infra annos quatuordecim ætatis suæ non admittantur.

CAP. 365. — *Quod electorum iudicium sententia sperni non debeat. Ex concilio Milevitano II, cap. 24.*

(2, q. 6, c. A iudicibus.) A iudicibus autem quos communis consensus elegerit, non liceat provocare. Et quisquis probatus fuerit pro contumacia [percont., orig.] nolle obtemperare iudicibus, cum hoc primæ sedis episcopo fuerit probatum, det litteras, ut nullus ei communicet episcoporum, donec obtemperet.

CAP. 366. — *De contumacibus clericis, et ad officium tardis. Ex conc. Agathenai, cap. 2.*

(Dist., 50, c. Contumaces.) Contumaces vero clerici, prout dignitatis ordo permiserit, ab episcopis corrigantur. Et si qui prioris gradus elati superbia, communionem fortasse contempserint, aut ecclesiam frequentare, vel officium suum implere neglexerint, peregrina eis communio tribuatur, ita ut cum eos poenitentia correxerit, rescripti in matricula gradum suum dignitatemque recipiant.

CAP. 367. — *Ut clericus inconsulto episcopo suo ad saecularem iudicem non pergat. Ex eodem concilio, cap. 32.*

(11, q. 1 et 2, c. Clericum.) Clericus nec quemquam presumat apud saecularem iudicem, episcopo non permittente, pulsare; sed qui pulsatus fuerit non respondeat, nec proponat, nec adeat criminale negotium in iudicio saeculari. Si quis vero saecularium per calumniam ecclesiam aut clericum fatigare tentaverit, et victus fuerit, ab ecclesiae liminibus et catholicorum communione, nisi digne poenituerit, arceatur.

CAP. 368. — *Quod liceat presbytero vel diacono a communione suspensio, si necesse fuerit, baptizare. Ex concilio Aurelianensi, cap. 8 (Aurel. I, c. 14).*

(Dist. 81, c. Si diaconus.) Si diaconus vel pre-

sb̄yter pro reatu suo se ab altaris communione, sub pœnitentis confessione submoverint, sic quoque si alii defuerint, et causa certæ necessitatis exoritur, poscentem baptismum liceat baptizare.

CAP. 369. — *Ut clerici si quid præstiterint sine usura recipiant. Ex concilio Tarraconensi, cap. 3 (sub Hormisda).*

(14, q. 4, c. Si quis clericus.) Si quis clericus in necessitate solidum præstiterit, hoc de vino vel de frumento accipiat, quod mercandi causa tempore statuto decretum fuerit venundari. Cæterum si speciem non habuerit necessariam, ipsum quod dedit sine ullo augmento recipiat.

CAP. 370. — *Ut nullus clericorum servum vel discipulum suum ab ecclesia extrahere audeat. Ex concilio Hilerdensi, cap. 8.*

(17, q. 4, c. Nullus cler.) Nullus clericorum servum aut discipulum suum ad ecclesiam confugientem extrahere audeat, vel flagellare præsumat. Quod si fecerit, donec digne pœnitat, a loco cui honorem non dedit sequestretur [segregetur, orig.].

CAP. 371. — *De clericis qui monachorum propositum appetunt. Ex concilio Toletano, cap. 54 (Tol. IV, c. 49).*

(19, q. 1, c. Clerici qui.) Clerici qui monachorum propositum appetunt, quia meliorem vitam sequi cupiunt, liberos eis ab episcopo in monasteriis largiri oportet ingressus, nec interdicti propositum eorum, qui ad contemplationis desiderium transire nituntur.

CAP. 372. — *Ne stipendia clericorum a jure alienentur ecclesiarum. Ex concilio Toletano VII, cap. 5.*

(12, q. 2, c. Sæpe fit.) Sæpe fit ut proprietati originis obsistat longinquitas temporis. Quapropter providentes decernimus, ut si quis clericorum stipendium de rebus ecclesiæ cujuscunque episcopi percipit largitate, sub precariæ nomine debeat professionem scribere, nec per retentionem diuturnam præjudicium afferat ecclesiæ, et quæcunque in usu perceperit, debeat utiliter laborare, ut nec res divini juris videantur aliqua occasione negligi, et subsidium ab ecclesia cui deserviunt percipere possint clerici. Quod si quis eorum contempserit facere, ipse se stipendio suo videbitur privare.

CAP. 373. — *Quod clericis servis ecclesiarum dare debeant episcopi libertatem. Item ex concilio Toletano IX, cap. 9.*

(Dist. 54, cap. Qui ex familiis.) Qui ex familiis ecclesiæ servituri devocantur in clerum, ab episcopis suis libertatis necesse est ut percipiant donum, et si honestæ vitæ claruerint meritis, tunc demum majoribus fungantur officiis. Quos vero flagitiis ordinaverit incorrigibilis noxa, perpetua servitus conditionis religet in catena.

CAP. 374. — *De eunuchis qui ab aliis fiunt, vel qui sibi naturalia abscindunt. Ex decretis Martini papæ, c. 215 (ex decretis Martini Bracarensi).*

(Dist. 55, c. Si quis per ægritudinem.) Si quis pro ægritudine naturalia a medicis habuerit secta, similiter et qui a barbaris aut dominis stultis fuerint

castrati, et moribus digni fuerint visi, hos canon admittit ad clericatus officium promoveri. Si quis autem sanus non per disciplinam religionis et abstinentiæ, sed per abscissionem plasmatis a Deo corporis, existimans posse a se carnales concupiscentias amputari, castraverit se, non eum admitti decernimus ad aliquod clericatus officium. Quod si jam ante fuerat promotus ad clerum, prohibitus a suo ministerio deponatur.

CAP. 375. — *Quod non liceat diacono ante presbyterum sedere, cap. 40.*

Non liceat ante presbyterum diacono sedere, nisi cum jussione presbyteri.

CAP. 376. — *Ut ordinandus ad diaconatum matrimonio renuntiet, cap. 41 [cap. 39].*

(Dist. 27, c. Diaconus qui.) Diaconus qui eligitur, si contestatus fuerit pro accipiendo matrimonio, et dixerit se non posse in castitate permanere, hic non ordinatur. Quod si in ordinatione tacuerit, et ordinatus fuerit, et postea matrimonium desideraverit, alienus sit a ministerio, et vacet a clero.

CAP. 377. — *Quod non liceat cuilibet vasa Dominica tangere. Ex eodem conc. cap. 42 (ibid. 41).*

(Dist. 23, c. Non liceat.) Non liceat quemlibet ministeria tangere, nisi subdiacono, aut acolyto in secretario vasa Dominica.

CAP. 378. — *De tendenda coma clericorum et habitu ornato. Ex eodem conc. cap. 66.*

(Dist. 13, c. Non oportet.) Non oportet clericos comam nutrire et sic ministrare, sed attenso capite patentibus auribus, et secundum Aaron talarem tunicam [vestem, orig.] induere, ut sint in habitu ornato.

CAP. 379. — *De non ordinandis invititis vel de jiciendis immeritis. Gregorius papa Natali episcopo in primo libro registri (epist. 19).*

(Dist. 74, cap. Gesta quæ.) Gesta quæ nobis in concilii vestri confecta secretario direxisti, in quibus archidiaconus honoratus addicitor, plena esse cognovimus semine jurgiorum, cum uno eodemque tempore una persona nolens ad sacerdotii ordinem provehitur, quæ tanquam immerita a diaconatus officio removetur. Et sicut justum est ut nemo crescere compellatur invititus, ita censendum puto, similiter, ne quisquam insons ab ordinis sui ministerio deiciatur injuste.

CAP. 380. — *Quid agendum sit de rebus lapsorum clericorum, Gregorius Petro subdiacono (lib. 1, cap. 42).*

(16, q. De lapsis.) De lapsis sacerdotibus, vel levitis, vel quolibet ex clero, observare te volumus. Ut in rebus eorum nulla contaminatione miscearis, sed pauperrima regularia monasteria require, quæ secundum Deum vivere sciuntur [sciunt], et in eisdem monasteriis ad pœnitentiam lapsos trade, ut res lapsorum in eodem loco proficiant, in quo agere pœnitentiam traduntur, quatenus ipsi ex rebus eorum subsidium habeant, qui de correctione eorum sollicitudinem gerunt. Si vero parentes habeant, res eorum legitimis parentibus dentur, ita tamen ut eorum stipendia qui in pœnitentiam dati fuerint, sufficienter

debeant procurari. Si qui vero ex familia ecclesiastica sacerdotes vel levitæ, vel monachi, vel clerici, vel quilibet alii lapsi fuerint, dari eos in pœnitentiam volumus, sed res eorum ecclesiastico juri non subtrahi. Ad usum tamen suum accipiant unde ad pœnitentiam subsistant, ne si nudentur, locis in quibus damnati [dati, orig.] fuerint, onerosi sunt.

CAP. 381. — *Quæ pœna sequatur occulte infamantem. Gregorius clero et populo Ravennæ in libro sexto registri (l. v, ep. 30).*

Quia [quidam, orig.] maligni spiritus consilio repletus, contra Castorium notarium ac responsalem nostrum nocturno silentio in civitatis loco contestationem posuit in ejus crimen loquentem, mibique etiam de faciendâ pace callide contradicentem, et quia quisquis veraciter loquitur, semetipsum innotescere non debet formidare, oportet ut publice exeat, et quæcunque in contestatione sua loqui præsumpsit, ostendat. Quod si non exierit, neque publice confessus fuerit, quisquis ille sit qui hoc agere præsumpsit, vel consensum in tantâ iniquitatis consilio præbuit, ex Dei et Domini nostri Jesu Christi sententia [spiritu, orig.] definimus, ut sancti ejus corporis et sanguinis participatione privatus sit. Si vero, quia lalet et quoniam nescitur, teneri a disciplina non valet, si tanti mali conscius, et prohibitus, corpus et sanguinem Domini percipere præsumit, anathematis ultione percussus ut fallax ac pestifer, a sanctæ Ecclesiæ corpore sit divisus. Si quis autem fortasse talis est, quem nos hujus facti auctorem ac participem esse nescientes, ad eum bona optantes epistolas transmittamus, ipsa pro eo apud omnipotentem Deum deprecatio sit vacua. Sin autem in eadem civitate egressus ad publicum, potuerit docere quæ dixit, vel certe sciens se non posse quem scripsit ostendere, errorem suum fuerit aperte confessus, Dominici corporis et sanguinis participatione non sit privatus, neque a sanctæ Ecclesiæ corpore alienus existat, quia nos apud omnipotentem Deum ex nostris quotidie culpâ agnoscimus, ut quamvis servato disciplinæ moderamine, aliorum tamen erratibus parcamus.

CAP. 382. — *De bigamis et concubinariis. Hieron. in epist. ad Oceanum (tomo II, incipit Sophronius Eusebins).*

Nullo pacto digamos vel concubinarum catenis insertos decet subire ministerium. In Levitico scriptum est, ac præfinitum quales eligi debeant sacerdotes. Sic habes: Et dixit Dominus ad Moysen: Sacerdos uxorem accipiat virginem de semine patrum suorum; viduam vero et desitutam, aut a vivo marito derelictam non accipiat (Levit. XXI). Bene audi vi præcipiente Domino Moysi, quia nec uxor debet sacerdoti digama convenire, ne honorem polluat sacerdotii. Sicut unius uxoris virum, sic unius viri mandat uxorem. Si ergo clericus monogamus fuerit, et uxor ejus digama, noli eum ministerio applicare; digamam enim duxit uxorem. Hæc Tito præcepta Apostolus de ordinandis clericis dedit (Tit. 1). Et quia liber finem exspectat, ad id redea-

mus unde digressi sumus. Nec si duæ aut tres pariter Dei ancillæ morentur, solum ad ea decet ingredi sacerdotem. Si quis hæc præcepta non observaverit, hostis est animæ suæ. Quod si post nostra monita, agapetas aliquis clericus amplius quæserit amare quam Christum, secundum syhodalem regulam conveniatur, et præcepta Patrum in Nicæa diffinita ei legantur. Jam vero si conversus prædicta reliquerit, consecuti sumus maximum lucrum. Alioquin talis ab Ecclesia anathematizandus est. Germinant enim feminæ cum viris habitantes spinas, et arcana mentium acuto mucrone percipiunt. Proh nefas! Dolor est dicere, sed præterire non decet, Christo istæ voverunt nubere, non clericis.

CAP. 383. — *Ut Christiani scholastici solæcismos quorundam tolerant sacerdotum. Augustinus ex libro De catechizandis rudibus (cap. 9).*

(Dist. 38, c. Sedulo mon.) Sedulo monendi sunt scholastici, ut humilitate induti Christiani discant non contemnere, quos cognoverint morum vitia quam verborum amplius devitare, et corde casto linguam exercitatum nec conferre audeant, quam etiam præferre consueverant. (Paulo post.) His enim maxime utile est nosse ita esse præponendas verbis sententias, ut præponitur animus corpori. Ex quo fit ut ita malle debeant veriores quam disertiores audire sermones, sicut malle debent prudentiores quam formosiores habere amicos. Noverint etiam non esse vocem ad aures Dei, nisi amici affectum. Ita enim non irridebunt si aliquos antistes et ministros Ecclesiæ forte animadvertent, vel cum barbarismis et solæcismis Deum invocare, vel eadem verba quæ pronuntiant non intelligere, perturbateque distinguere, non quia ista minime corrigenda sunt, ut populus ad id quod plane intelligit, dicat amen, sed tamen pie toleranda sunt ab eis qui didicerint, ut sono in foro, sic voto in ecclesia benedici. Itaque forensis illa nonnunquam forte bona dictio, nunquam tamen benedictio dici potest.

CAP. 384. — *Pro excessu correctionis non esse veniam petendam a subditis. Augustinus De vita clericorum (epist. 109, ad monachos).*

(Dist. 86, c. Quando nec.) Quando necessitas disciplinæ moribus [minoribus, orig.] coercendis dicere vos dura verba compellit, si etiam in ipsis modum vos excessisse sentitis, non a vobis exigitur, ut a vobis subditis veniam postuletis, ne apud eos quos oportet esse subjectos, dum nimium servatur humilitas, regendi frangatur auctoritas. Sed tamen petenda est venia ab omnium Domino, qui novit eos quos plus justo forte corripitis, quanta benevolentia diligatis.

CAP. 385. — *Cur permittuntur fungi officiis suis revertentes ab hæresi. Idem in epistola ad Bonifacium (epist. 50, non ita procul a fine).*

(23, q. 4, c. Ipsa pietas.) Si, inquit, oportet, ut nos extra Ecclesiam et adversus Ecclesiam fuisse pœniteat, ut salvi esse possimus, quomodo post istam pœnitentiam apud vos clerici vel etiam episcopi permanemus? Hæc non fieret, quoniam

revera (quod fatendum est) fieri non deberet, nisi pacis ipsius compensatione sanaretur. Sed sibi hoc dicant et multo maxime humiliter doleant qui in tanta morte præcisionis jacent, ut isto quodam vulnere matris catholicæ reviscant. Cum enim præcisus ramus inseritur, fit aliud vulnus in arbore, quo possit recipi ut vivat, qui sine vita radicis peribat. Sed cum receptus recipienti coaluerit, et vigor consequitur et fructus: si autem non coaluerit, ille quidem arescit, sed vita arboris permanebit. Est enim et tale inserendi genus, ut nullo præciso ramo qui intus est, ille qui foris est inseratur, non tamen nullo, sed vel levissimo arboris vulnere. Ita ergo et isti cum ad radicem catholicam veniunt, nec eis quamvis post erroris sui pœnitentiam honor clericatus, aut episcopatus aufertur; fit quidem aliquid tanquam in cortice arboris matris, contra integritatem severitatis: verumtamen quia *neque qui plantat est aliquid, neque qui rigat* (I Cor. III), ad Dei misericordiam precibus suscipi coalescente insitorum pace ramorum; *charitas cooperit multitudinem peccatorum* (I Petr. IV).

CAP. 386. — *Cur publice pœnitentes non sint in clericatu. Item ibidem (consequenter).*

(Dist. 50, c. *Ut constitueretur.*) Ut enim constitueretur in Ecclesia ne quisquam post alicujus criminis pœnitentia clericatum accipiat, vel ad clericatum redeat, vel in clericatu permaneat, non desperatione indulgentiæ, sed rigore factum est disciplinæ. Alioquin contra claves datas Ecclesiæ disputabitur de quibus dictum est: Quæ solveritis in terra, soluta erunt in cœlo (Matth. XIX). Sed ne forsitan etiam de cæteris criminibus spe honoris ecclesiastici, animus intumescens superbe ageret pœnitentiam, severissime placuit ut post actam de crimine damnabili pœnitentiam nemo sit clericus, ut desperatione temporalis altitudinis medicina major et verior esset humilitatis. Nam et sanctus David de criminibus mortiferis egit pœnitentiam, et tamen in honore suo perstitit. Et beatum Petrum quando amarissimas lacrymas fudit, utique Dominum negasse pœnituit, et tamen apostolus mansit. Sed non ideo supervacua putanda est posteriorum diligentia, qui ubi salutis nihil detrahetur, humilitati aliquid addiderunt, quo salus tutius muniretur, experti credo aliquorum fectas pœnitentias, per affectatas honorum potentias. Cogunt enim multas invenire medicinas, multorum experimenta morborum. Verum in hujusmodi causis, ubi per graves dissensionum scissuras, non hujus aut illius hominis est periculum, sed populorum strages jacent, detrahendum est aliquid severitati, ut majoribus malis sanandis charitas sincere subveniat.

CAP. 387. — *Cur Donatistæ correcti ministrare permitti sint. Ibidem (paulo post).*

Hoc erga istos ab initio servavit Africana catholica ex episcoporum sententia, qui in Ecclesia Romana inter Cæcilianum et partem Donati judicaverunt, damnatoque uno quodam Donato qui auctor

schismatis fuisse manifestatus est, cæteros correctos, etiamsi extra Ecclesiam ordinati essent, in suis honoribus suscipiendos esse censuerunt, non quo etiam foris ab unitate corporis Christi possent habere Spiritum sanctum, sed maxime propter eos quos foris positi possent decipere, et a susceptione illius muneris impedire; deinde ut etiam ipsorum infirmitas lenius excepta intus sanabilis fieret, jam nulla pertinacia claudente oculos cordis, adversus evidentiam veritatis.

CAP. 388. — *De præjudicio vitando. Idem in epistola ad clerum, et universam plebem Ecclesiæ Hippo-nensis (epist. 137).*

(2, q. 1, c. *Nomen presbyteri.*) Nomen presbyteri propterea non ausus sum de numero collegarum ejus vel suppressere vel delere, ne divinæ potestati, sub cuius examine causa adhuc pendet, facere viderer injuriam, si illius judicium meo vellem judicio prævenire. Quod nec in negotiis sæcularibus iudices faciunt, quando causæ dubitatio ad majorem potestatem refertur, ut pendente relatione aliquid audeant commutare. Et in episcoporum concilio constitutum est, nullum clericum qui nondum convictus sit suspendi a communione debere, nisi ad causam suam examinandam se non præsentaverit.

CAP. 389. — *De onere presbyterii. Augustinus in epistola ad Valerium episcopum (epist. 148).*

(Dist. 40, c. *Ante omnia.*) Domino beatissimo et venerabili et in conspectu Domini sinceriter charissimo patri Valerio Augustinus presbyter in Domino salutem. Ante omnia peto ut cogitet religiosa prudentia tua nihil esse in hac vita, et maxime hoc tempore, facilius et levius, et hominibus acceptabilius episcopi, aut presbyteri, aut diaconi, officio, si perfunctorie atque adulatorie res agatur, sed nihil apud Deum miserius et tristius et damnabilius. Item nihil esse in hac vita, et maxime hoc tempore difficilius, laboriosius, periculosius episcopi, aut presbyteri, aut diaconi officio, sed apud Deum nihil beatius, si eo modo militetur quo noster imperator jubet. Quis autem iste sit modus nec a pueritia, nec ab adolescentia mea didici. Et eo tempore quo discere cœperam, vis mihi facta est, merito peccatorum meorum. Nam quid aliud existimem nescio, ut secundus locus gubernaculorum mihi traderetur, qui remum tenere non noveram.

CAP. 390. — *De inordinato accessu sanctimonialium. Augustinus in epistola ad Eusebium (epist. 69).*

(24, q. 1, *Subdiaconus.*) Subdiaconus quondam Spaniensis Ecclesiæ, vocabulo Primus, cum ab æcessu indisciplinato sanctimonialium prohiberetur, atque ordinata et sana præcepta contemneret, a clericatu remotus est.

CAP. 391. — *Ut transiens ab hæreticis in humilitate pœnitentiæ recipiatur. Idem in eadem epistola.*

(*Proxime post.*) Ego, si Domino placet, istum modum servo, ut quisquis apud eos propter disciplinam degradatus ad catholicam transire voluerit, in humiliatione pœnitentiæ recipiatur, quo et

ipsi eum forsitan cogere, si apud eos manere A
voluisset.

CAP. 392. — *Ut quisque alterius iudicium suscipiat, quod ipse de alio iudicare velit. August. in epistola ad Pascentium comitem Africanum (epist. 174).*

(32, q. 6, c. *Iniquum est.*) Iniquum est ut quisque iudicare de alio velit, et iudicari de se nolit.

CAP. 393. — *Ne clerici sæcularia negotia tractent. Epistola Cypriani ad presbyteros et diaconos, plebemque Furnensem (epist. 9, lib. 1, alias epist. 66).*

(21, q. 3, c. *Cyprianus.*) Cyprianus presbyteris, et diaconibus, et plebi Furnis consistentibus salutem. Jampridem concilio episcoporum statutum est ne quis de clericis et Dei ministris tutorem vel curatorem testamento suo nominaverit [constituat, *orig.*]; quoniam singuli divino sacerdotio honorati, et in clerico ministerio constituti, non nisi altari et sacrificiis deservire, et precibus atque orationibus vacare debeant. Scriptum est enim: *Nemo militans Deo, obligat se molestiis sæcularibus, ut possit placere ei cui se probavit (II Tim. 11).* Post aliquot versus. Quod episcopi antecessores nostri religiose considerantes et salubriter providentes, censuerunt ne quis excedens, ad tutelam vel curam clericum nominaret, ac si quis hoc fecisset, non offerretur pro eo, nec sacrificium pro dormitione ejus celebraretur. Neque enim apud altare Dei meretur [merentur] nominari in sacerdotum prece, qui ab altari sacerdotes et ministros voluit [volunt] avocare.

CAP. 394.—*De eadem re. Ex eadem epistola (ibidem aliquanto superius).*

(21, q. 3, c. *Mollitiis.*) Mollitiis et sæcularibus rebus laqueisque obligari non debent, qui divinis rebus et spiritualibus occupati sunt, nec ad terrenos et sæculares actus vacare.

CAP. 395.—*Item de eodem, ibidem paulo inferius*

(21, q. 3, c. *Hi qui in ecclesia.*) Hi qui in ecclesia Domini ad ordinationem clericalem promoventur, in nullo ab administratione divina avocentur: ne [nec] molestiis et sæcularibus [molest. et laq. sæcul., *orig.*] negotiis alligentur: nec ab altariis et sacrificiis recedant, sed die ac nocte cælestibus rebus et spiritualibus serviant.

CAP. 396. — *De eadem re. Idem, ibid. in calce epist.*

Sacerdotum decretum religiose et necessarie D
factum servetur a nobis. Simul et cæteris fratribus detur exemplum, ne quis sacerdotes et ministros Dei altari ejus et ecclesie vacantes, ad sæculares molestias devocet. Observari enim de cætero poterit, ne quis ultra hoc faciat circa personam clericorum, si quod nunc factum est, fuerit vindicatum,

CAP. 397. — *Qui clerici recipiendi sint post lapsum, qui non Isidorus ad Massionem episcopum (inter opera D. Isidori, De lapsu sacerdotis et reparatione).*

Quod in epistolis venerabilis fraternitas tua innuit, nulla est in hujusmodi sententiis decretorum diversitas intelligenda, quod alibi legitur in lapsu corporali restaurandum honoris gradum post poenitentiam, alibi post hujusmodi delictum nequaquam

reparandum antiqui honoris [*ordinis, orig. et vict.*] meritum. Hæc diversitas hoc modo distinguitur. Illos enim ad pristinos officii gradus redire canon præcepit, quos poenitentiae præcessit satisfactio et digna peccatorum confessio. At contra hi qui nec a vitio corruptionis [*correpti, orig.*] emendantur, atque hoc ipsum carnale delictum quod admittunt vindicare quadam superstitionosa temeritate nituntur, nec gradum utique honoris, nec gratiam communionis accipiunt. Ergo ita est utraque dirimenda sententia, ut necesse sit illos restaurari in loco honoris, qui per poenitentiam meruerunt reconciliationem divinæ pietatis. Nec immerito hi consequuntur adeptæ [*ademptæ, orig.*] dignitatis statum, qui per poenitentiam recepisse noscuntur vitæ remedium.

CAP. 398. — *Quare septem anni abstinentiæ poenitentibus injunguntur. Ibidem.*

Nec ipsum quod canonum censura post septem annos remeare poenitentem in statum pristinum præcipit, electione proprii arbitrii, sed potius sancti Patres ex sententia divini iudicii sanxerunt. Nam legitur quod Maria soror Aaron prophetissa dum detractionis adversus Moysen incurrisset delictum, illico stigmate lepræ percussa [*perfusa, orig. et Vict.*] est (*Num. xii*). Cumque peteret Moyses ut emendaretur, præcepit eam Dominus extra castra septem diebus egredi, et post emundationem rursus eam intra castra admitti. Maria ergo soror Aaron, carè intelligitur sacerdotis, quæ dum superbiæ dedita sordidissimis cogitationum illecebris [*contagiis, orig.*] maculatur, extra castra septem diebus, hoc est, extra collegium sanctæ Ecclesie septem annis projicitur, ubi post emendationem vitiorum, loci vel pristinae dignitatis recipit meritum. *Et post pauca.* In fine autem epistolæ, hoc adjiciendum putavi, ut quotiescunque in gestis conciliorum discors sententia invenitur, illius magis teneatur sententia, cujus antiquior et potior exstat auctoritas.

CAP. 399. — *De diligenti investigatione iudicii Fructuosi episcopi (in ejus regula, c. 4)*

Quælibet causa in conventu omnium fratrum est ventilanda, et juste ac subtiliter perscrutanda, ne forte dolositate et malitia senioris innocens junior opprimatur. Rectori [*adde: ab abbate vel præposito, ex orig.*] juxta personæ acceptionem, non liceat iudicare, neque aliquem fraudulentè, vel injustè damnare; sed, ut dictum est, spiritualium vel veridicorum fratrum in hujusmodi rebus est alia tradenda, et retinenda sententia, qui sibi Dei iudicium ponentes præ oculis, non permittant pessime opprimere animam innocentis.

CAP. 400. — *De his qui, post ordinationem vel ante, crimina publice commiserunt. Ex epistola Rabani archiepiscopi ad Heribaldum, ex concilio Hilerdensi, cap. 10 (Rabanus, c. 1, lib. poenitentium).*

(*Dist. 50, c. De his.*) De his vero visum est nobis scribendum, qui sacros ordines habent, et ante vel post ordinationem contaminatos in capitalibus criminibus se esse profitentur. In quibus, ut mihi vide-

tur hæc distantia esse debet, ut hi qui deprehensi vel capti fuerint publice in perjurio, furto atque fornicatione, et cæteris hujusmodi criminibus secundum sacrorum canonum instituta a gradu proprio depo.iantur; quia scandalum est populo Dei tales personas superpositas [super se pos., *orig.*] habere, quas ultra modum vitiosas esse constat. Nempe inde detrahunt homines sacrificio Dei, sicut quondam filiis Heli peccantibus fecisse leguntur (*I Reg. 11*); et rebelles hinc atque contrarii existentes eorum pravis exemplis quotidie pejores fiunt. Qui autem de prædictis peccatis abscondite a se admissis per occultam confessionem coram oculis Dei, præsentem etiam sacerdote, qui eis indicturus est pœnitentiam confitentur, et semetipsos graviter deliquisse que-
runtur, si se per jejunia et elemosynas, vigiliisque et sacras orationes cum lacrymis purgare certaverint, his etiam, gradu servato, spes veniæ de misericordia Dei promittenda est.

CAP. 401. — *De injuriis Clericorum, et compositione eorum. Ex libro capitulorum (lib. v, c. 184).*

Si quis ministros ecclesiæ subdiaconum, lectorem, exorcistam, acolytum [ostiarium, *orig.*] injuriaverit, aut percusserit, vel plagiaverit [*al.*, plagaverit], componat hoc tripliciter, sicut solent componere parentes ejus. Diaconi vero, presbyteri atque episcopi injuria in quadruplum componatur. Reliquorum autem clericorum injuria componatur sicut parentum eorum. Monachorum quoque qui secundum regulam in monasterio vivunt, injuria dupliciter componatur, secundum genealogium suam, et [ut, *orig.*] reverentia sit Deo et Ecclesiæ, et pax eis qui illi serviunt.

CAP. 402. — *Quomodo canonici in claustris vivere debeant. Ex lib. v Capitulorum, cap. 185 (c. 115).*

(*De const. dist. 5, c. In omnibus.*) In omnibus igitur, quantum humana permittit fragilitas, decrevimus ut canonici clerici canonicè vivant, observantes divinæ Scripturæ doctrinam, et documenta sanctorum Patrum, et nihil sine licentia episcopi sui vel magistri eorum incomposite [composite, *orig.*] agere præsumant. In unoquoque episcopatu ut simul manducent et dormiant, ubi his facultas id faciendi suppetit; vel qui de rebus ecclesiasticis stipendia accipiunt in suo claustris maneat, et singulis diebus mane prima [primo] ad lectionem veniant et audiant quid eis imperetur. Ad mensam vero similiter lectionem audiant, et obedientiam secundum canones, suis magistris faciant [exhibeant, *orig.*].

CAP. 403. — *Ut anathematizentur qui clericis injurias inferunt. Ibid. cap. 191.*

Quicumque judex, aut sæcularis presbytero, aut diacono, aut cuilibet clerico, aut de junioribus, absque audientia episcopi vel archidiaconi, aut archipresbyteri, injuriam inferre præsumperit, anathema ab omnium Christianorum consortio habeatur.

CAP. 404. — *Quid agendum sit de occulte infamantibus. Item.*

Qui famosas chartam ad cujuscumque injuriam et maculam conscripserit in secreto, et in publico affixerit, inveniendamque projecerit, illum contra quem posita chartula est non nocebit, nec famæ ejus aliquid derogabit: sed si inveniri potuerit, qui hujusmodi chartulam fecit, constringatur ut probet quæ scripsit. Qui si etiam quæ scripsit probare non potuerit, fustigetur, qui infamare maluit quam accusare.

CAP. 405. — *De presbytero caduco morbo laborante. Alexander II Genobardo Juvanensi [Vivacensi, al., Viennensi Grat.] archiepiscopo.*

(7, q. 2, c. In litteris.) In litteris tuis continebatur sic. Hic clericus ordinem habet presbyterii, sed quia caduco morbo laborat, et ipsi hoc impræsentiarum agnovimus, non ausi fuimus ei concedere ut offerret, vel missam celebraret. Quia vero languor non in culpa est, super hac re auctoritatis nostræ decreto consulendum [consulendo, *Gratian.*] deliberavimus. Consulimus itaque ut si frequenter hoc morbo tangitur, ab oblatione omnimodis et missarum celebratione prohibeatur. Indecens enim est et periculosissimum ut hoc ei accidat, quatenus in consecratione eucharistiæ morbo victus epileptico cadat. Si vero Dei misericordia convaluerit, quandoquidem non culpa sed infirmitas est in causa, eum sacrificare jam non interdiciamus.

CAP. 406. — *De ordinatis ab excommunicatis. Urbanus secundus Gebbaro [Gebeardo] Constantiensi episcopo.*

(9, q. 1, c. Ab excommunicatis.) Ut ad excommunicatis quondam tamen catholicis episcopis ordinatos, siquidem Simoniace ordines ipsos non acceperint, et si episcopus ipsos Simoniacos non fuisse constiterit, ad hoc si eorum religiosior vita et doctrinæ prærogativa visa fuerit promereri, pœnitentia indicta quam congruam duxeris, in ipsis quos acceperunt ordinibus, permanere permittas. Ad superiores autem ascendere non concedimus, nisi necessitas et utilitas maxima flagitaverit, et ipsorum sancta conversatio promeruerit, et hoc tamen ipsa rarius cum cautela est præcipua concedendum.

CAP. 407. — *De modo reconciliandi. Idem Anselmo Mediolanensi archiepiscopo (epist. 4).*

Discretionem nostræ videtur, quatenus secundum præcepti nostri tenorem, quando secundum Ecclesiæ vestræ morem sacros daturus quibuslibet aliis ordines, benedicere cœperis, eos quos tua duxerit solertia reconciliandos, inter benedicendum et manus imponendum facias interesse, quibus cætera omnia consecrationis instrumenta præter unctionis explebis, et sic ad sancta ministeria reconciliabis.

CAP. 408. — *Ut nullus sæcularis super clericos habeat potestatem. Urbanus II Radulpho comiti (epist. 14).*

Nosse te volumus quia nulli sæculari Domino potestatem in clericos habere licet; sed omnes clerici episcopo soli esse debent subjecti. Quicumque vero

aliter præsumpserit, canonicæ procul dubio sententiæ subiacebit.

CAP. 409. — *De eo qui sine subdiaconatu factus est diaconus. Alexander secundus Rumaldo Grimaldo Constantiensi episcopo.*

(*Dist. 52, c. Sollicitudo.*) Sollicitudo dilectionis tuæ studuit consulere, utrum portitor istarum litterarum diaconatus et presbyteratus officium sit idoneus peragere, nec ne: cum ad id præpropere cursu videlicet sine subdiaconatus ordine, negligentia potius quam superbia cognoscatur ascendisse. Unde nos consulendo charitati tuæ, mandamus ut ab officio sacerdotali eum prohibeatis, donec proximo Quatuor Temporum jejunio subdiaconatus ministerium sibi rite imponas, et sic deinceps ad majora officia eum redire concedas.

CAP. 410. — *De filiis sacerdotum Decretum Gregorii VII et Urbani II (conc. Melfitanum, c. 14).*

(*Dist. 56, c. Presbyterorum.*) Presbyterorum filios a sacri altaris ministeriis removendos decernimus, nisi aut in cœnobiis, aut in canonicis regularibus [reg. non habetur in orig.] religiose probati fuerint conversari.

CAP. 411. — *De stabilitate canonicorum regularium. Urbanus II abbati S. Rufi.*

Statuimus ne professionis canonicæ quispiam, postquam Dei vice super caput sibi hominem imposuerit, alicujus levitatis instinctu, vel districtioris religionis obtentu, ex eodem claustrum audeat sine abbatis totiusque congregationis permissione discedere; discedentem vero nullus abbatum, vel episcoporum, et nullus monachorum sine communi litterarum cautione, suscipiat.

CAP. 412. — *De ordinatis a non suis episcopis. Urbanus Hugoni Lugdunensi episcopo.*

(9, q. 2, c. Lugdunensi.) Lugdunensis Ecclesiæ [parochiæ, Gr. et Vict.] clericos, quos contra statuta canonum ab alterius parochiæ episcopis ordinatos litterarum tuarum significatione monstrasti, cum graduum suorum honore recipere religionis tuæ poterit prudentia, si eos alias canonicè et sine pravitate aliqua constiterit ordinatos; si tamen eorum vitam probabilem id indulgentiæ perspexeris promereri (*Vide Socratem, ecclesiasticæ Historiæ lib. vi, c. 12 et 13*). Legimus quippe sanctum Epiphanium episcopum e diocesi sancti Joannis Chrysostomi quosdam clericos ordinasse. Quod sanctus vir omnino non fecisset, si eis detrimentum fore perpenderet. Quos ergo recipiendos moderatio tua arbitrata fuerit, injuncta satisfactionis gratia, propter Ecclesiam quam offenderunt, congrua poenitentia, miserationis intuitu, in suo quemque honore recipies, salva in omnibus sanctorum canonum disciplina.

CAP. 413. — *Non obesse inhonestatem parentum filii honeste viventibus. Hieronymus in epistola contra Rufinum (lib. II, ep. ad Pammachi adversus terrores Joannis Hierosolym.).*

(*Dist. 56, c. Nasci de adulterio; hic variat ordo capitulum in Victor.*) Nasci de adulterio non est ejus culpa qui nascitur, sed illius qui generat. Quomodo

in seminibus non peccat terra, quæ confovet; non semen quod in sulcis jacitur; non humor et calor quibus temperata frumenta in germen pullulant, sed, verbi gratia, fur et latro qui fraude et vi eripit semina. Sic genus humanum recipit terra, id est vulva, quod suum est, et receptum confovet, confoctum corporat, corporatum in membra distinguit; et inter illas sacri ventris angustias Dei manus semper operatur, idemque est corporis Creator et animæ. Noli despiciere bonitatem figuli qui te plasnavit et fecit ut voluit; ipse est Dei virtus, et Dei sapientia (*I Cor. I*) quæ in utero Virginis ædificavit sibi domum. Jephthæ inter viros sanctos apostoli voce numeratus (*Hebr. II*) meretricis est filius (*Judic. II*). Esau ex Rebecca et Isaac hispidus tam mente quam corpore (*Gen. xxv*), quasi bonum triticum in lolium avenasque degenerat, quia non in seminibus, sed in voluntate noscentis causa vitiorum est atque virtutum.

CAP. 414. — *De eodem Chrysostomus super Mattheum homilia 3 (ad locum Matth. Judas autem genuit Phares, c. 1).*

(*Dist. 56, c. Nunquam.*) Nunquam de vitii erubescamus parentum, sed unum illud quæramus semper, amplectamurque virtutem. Hujusmodi enim etiamsi alienigenam habeat matrem, etiam si fornicatione pollutam, vel quolibet hujusmodi dedecore sordidatam, nihil tamen de ejus aut vilitate fuscabitur, aut crimine polluetur. Quod si fornicatorem ipsum ad meliora conversum nequaquam prior vita commaculat, multo magis ex meretrice natus et adultera, si propria virtute decoretur, parentum suorum non decoloratur opprobriis. *Item.* Non est omnino, non est nec de virtute, nec de vitio parentum aut laudandus aliquis aut culpandus, nemo inde vere aut obscurus aut clarus est. Imo etiam, ut consideratius aliquid dicamus ac expressius, nescio quomodo magis ille resplendet, qui natus est ex parentibus a virtutibus prorsus alienis, ipse tamen fuerit de virtute mirabilis.

CAP. 415. — *De eodem. Sententia Augustini de bono conjugali, cap. 16.*

(*Dist. 56, c. Undecunque.*) Undecunque nascantur homines, si parentum vitia non sectentur et Deum recte colant, honesti et salvi erunt. Semen enim hominis ex qualicumque homine Dei creatura est, et eo male utentibus male erit, non ipsum aliquando malum erit. Sicut autem filii boni adulterorum nulla defensio est adulterii [adulteriorum, orig. et Vict.], sic mali filii conjugatorum nullum crimen est nuptiarum.

CAP. 416. — *Item de eodem. Idem in epistola ad Hieronymum presbyterum de origine animæ (evist. 28, in medio).*

Illud quod in libro adversus Rufinum posuisti, quosdam huic sententiæ calumniari quod Deum dare animas adulterinis conceptibus videatur indignum, unde conantur astruere meritis gestæ ante carnem vitæ, animas quasi ad ergastula hujus mundi juste posse perduci: non me movet multa cogi-

tantem, quibus hæc calumnia possit refutari. Et quod ipse respondisti, non esse vitium sementis in tritico, quod furto dicitur esse sublatum, sed in eo qui frumentum furatus est; nec idcirco terram non debuisse gremio suo semina confovere, qui sator immunda ea projecit manu, elegantissima similitudo est. Quam et antequam legerem nonnullas [nullas *orig. et Vict.*] mihi objectio ista de adulterinis fetibus, in hac quæstione faciebat angustias, generaliter intuenti multa bona Deum facere, etiam de nostris malis nostrisque peccatis. Animalis autem cujuscunque creatio, si habeat prudentem piisque consideratorem, ineffabilem laudem Creatori excitat, quanto magis creatio non cujuslibet animalis, sed hominis?

CAP. 417. — *De baptismo, et parentum sacrilegio in filiis. Augustinus ad Bonifacium de baptismo (epist. 25).*

(1, q. 4, Jam itaque.) Jam itaque cum homo in seipso est ab eo qui genuit, alter est effectus, peccato alterius sine sua consensione, non tenetur obnoxius. Traxit ergo reatum, quia unus erat cum illo, et in illo a quo traxit, quando quod traxit admissum est. Non autem trahit alter ab altero, quando sua unoquoque propria vita vivente, jam est unde dicitur: *Anima quæ peccaverit, ipsa morietur (Ezech. xviii)*. Ut autem possit regenerari per officium voluntatis alienæ cum offertur consecrandus, facit hoc unus spiritus, ex quo regeneratur oblatus.

CAP. 418. — *Quod infamis de propria possit agere causa. Felix papa tertius, secundo decretali suo episcopis Galliarum.*

(4, q. 6, et 3, q. 10, c. Si accusatorum.) Si accusatorum personæ in judicio episcoporum culpabiles apparuerint, ad arguendum non admittantur, nisi proprias causas asserere, et non tamen criminales, vel ecclesiasticas voluerint.

CAP. 419. — *Quomodo purgare se debeant accusati sacerdotes. Decretum et responsio Leonis papæ ad Carolum imperatorem (capitul. xlv, c. 34, et xlvii, c. 285).*

(2, q. 5, c. Omnibus vobis.) Omnibus vobis visum [visu, *orig. et Vict.*], aut auditu notum esse non dubitamus, quod sæpissime, suadente antiquo hoste, sacerdotibus crimina diversa objiciantur. Sed quoniam qualiter ex eis ab his rationabilis examinatio et satisfactio fiat, licet tempore bonæ memoriæ domini genitoris vestri [nostri] Pippini, sive priscis temporibus a sanctis Patribus, et a reliquis bonæ devotionis hominibus sæpissime ventilatum fuerit; nos tamen pleniter, et ad liquidum diffinitum reperire minime quivimus. Nostris quippe temporibus idipsum a sanctis episcopis, et reliquis sacerdotibus, ac cæteris ecclesiasticæ dignitatis ministris vestris [nostris] in regnis seu in aliis Deo de gentibus, nobisque una cum eis agentibus sæpissime propter multas et nimias reclamaciones, quæ ex hoc ad nos ex diversis partibus venerunt, ventilatum est. Sed qualiter consultu domini et Patris nostri Leonis apo-

stolici, cæterorumque Romanæ Ecclesiæ episcoporum, et reliquorum sacerdotum, sive orientalium et Græcorum patriarcharum et multorum sanctorum episcoporum et sacerdotum, nec non et nostrorum episcoporum omnium, cæterorumque sacerdotum ac levitarum auctoritate et consensu, atque reliquorum fidelium et cunctorum consiliariorum nostrorum consultu diffinitum est, omnes vos utriusque ordinis ministros scire volumus. Statutum est namque ratione et necessitate atque auctoritate prædicta, consultu omnium, ut quotiescunque cuiquam sacerdoti crimen imponitur, si ipse accusator talis fuerit, ut recipi debeat (quia quales ad accusationem sacerdotum admitti debeant in canonibus pleniter expressum est), si autem, ut dictum est,

B ille accusator qui canonice est recipiendus, eum cum legitimo virorum numero et honorum testium approbare in conspectu episcoporum poterit, tunc canonice dijudicetur, et si culpabilis inventus fuerit canonice damnetur. Si vero eum supra scripto prætextu approbare ipse accusator minime potuerit, et hoc canonice dijudicetur. Ipse ergo sacerdos si suspiciosus aut incredibilis suo episcopo aut reliquis suis consacerdotibus, sive bonis et justis de suo populo vel de sua plebe hominibus fuerit, ne in crimine aut prædicta suspicione remaneat cum tribus aut quinque vel septem bonis ac vicinis sacerdotibus, exemplo Leonis papæ qui duodecim episcopos in sua purgatione habuit, vel eo amplius si episcopo suo visum fuerit, aut necesse propter tumultum populi perspexerit, et cum aliis bonis et justis hominibus se sacramento coram populo, super quatuor evangelia dato, purgatum Ecclesiæ reddat. Si quis autem scire desiderat quales testes ad accusationem sacerdotum recipi debeant, et quid [quidquid *orig. et Grat.*] de accusatore faciendum sit, pleniter in canonibus reperire poterit.

CAP. 420. — *De eadem re. Hincmarus Remorum episcopus et plebis Dei famulis dilecto fratri et venerabili coepiscopo Joanni salutem (epist. 53).*

(2, q. 4, c. Si mala fama.) Si mala fama ex similitudine per paræciam de presbytero exierit, et accusatores ac testes legales defuerint, ne contra apostolum, infirmorum corda de mala fama presbyteri percutiantur, et ne vituperetur ministerium nostrum, neque securiores presbyteri existentes, licentius in peccatum labantur, secundum decreta majorum, cum denominatis sibi vicinis presbyteris, quos scimus se nolle perjurare, sacramento famam suam purget.

CAP. 421. — *De clericis apostatis. Constitutio sexta ex lib. constitutionum, cap. 7.*

(Justin. imp. Novell. constit. 6.) Quisquis sive lector, sive subdiaconus, sive diaconus, sive presbyter, clericatus honorem contempserit, et in aliam vitam transierit, duorum alterum vel curiali conditioni cum suis facultatibus subjiciatur, vel si plures curiales civitas habeat, sive ipse vilior sit,

ad officialem conditionem tradatur taxoticam (78). A
 CAP. 422. — *De castitate clericorum. Constitutio trigesima septima cap. 28.*

Clericus qui super lectores et cantores est, veluti subdiaconus vel diaconus, nullas nuptias contrahere audeat, alioquin a sacerdotio cadat. Lector quoque, si secundas contraxerit nuptias, ad majorem gradum ordinis ecclesiastici prohibetur accedere. Laicus etiam si appareat uxori conjunctus esse quæ alium maritum habuit, aut si non jure conjunctus sit, aut si ipse aliam uxorem habuit, neque subdiaconus neque diaconus neque presbyter fieri potest. Et si clandestinis artibus ad consecrationem irrepsit, honore ejus cadat.

CAP. 423. — *Ne laicus in ecclesia quam facit, ex propria elemosyna sine licentia episcopi clericos constituat. Constit. quadragesima nona, cap. 2.*

Si quis ecclesiam ædificaverit, aut clericis annuam ex substantia sua dederit, non liceat ei quos voluerit clericos in eadem ecclesia facere. Sed si voluerit quosdam sibi consecrari, offerat eos beatissimo patriarchæ, et, si ille viderit eos dignos, consecret, et si non probaverit, arbitrio suo rejiciat.

CAP. 424. — *De eodem. Constitutio quinquagesima, cap. 1.*

Si quis in domo sua oratorium habuerit, non audeat in eo facere sacras missas, nisi clericos catholicæ fidei habuerit, qui deputentur ei ex jussu religiosi episcopi civitatis, vel beatissimi patriarchæ. Si quis autem adversus ea fecerit, domus ipsius fisci juribus addicatur. Si clerici ab ecclesiis destiterint, alios clericos in locum eorum ordinare necesse est, ut scilicet annonas et dona ecclesiastica quæ illis lectoribus præstabantur, accipiant, et si postea redierint, nihil eis præstetur, quia annonæ eorum aliis clericis pro ipsis subrogatis præstitæ sunt.

CAP. 425. — *De damnatione filiorum sacerdotum. Ex conc. Toletano IX, cap. 10.*

(15, q. 8, c. Cum multæ.) Cum multæ super incontinentia ordinis clericorum hactenus emanaverint sententiæ Patrum, et nullatenus ipsorum firmari quiverit correptione morum, usque adeo sententiam judicantium protraxere commissa culpam, ut non tantum feriretur ultio in actoribus scelerum, verum etiam in progenie damnatorum, ideoque quilibet ab episcopo usque ad subdiaconum deinceps vel ex ancillæ, vel ex ingenuæ detestando connubio [conjugio] in honore constituti filios procreant, illi quidem ex quibus geniti probabuntur, canonica censura damnentur, proles autem ab hac pollutione nata non solum parentum hæreditatem usquam accipient, sed etiam in servitute ejus ecclesiæ, de cujus sacerdotis vel ministri ignominia nati sunt, jure pereanni manebunt.

CAP. 426. — *Quod qui monasterio se tradit, de rebus suis postea disponere non possit. Constitutio sexagesima septima, cap. 1.*

Quicumque in monasterium intrant, videant sub-

stantias suas in monasterio consecrari. Nam ante introitum liberam habent facultatem, quomodo voluerint bona sua distribuere. Postquam autem intraverint, talem licentiam non habent, quamvis liberos habeant.

CAP. 427. — *Apud quos judices quæ causæ clericorum sint terminandæ. Constitutio octoagesima tertia, cap. 1.*

(11, q. 1, c. Si quis cum clerico.) Si quis cum clerico litigium habuerit, si quidem de causa pecuniaria, audeat prius episcopum cujus judicio clericus suppositus est. Ille autem, sine damno et sine dilatione, competentem finem liti impositurus est. Sin autem noluerit episcopus litem dirimere, tunc ad civiles judices disceptatio causæ proveniat. Ubi autem causam dirimere vult episcopus, sine scriptura omnia procedant, et definitiva sententia ab eo sine scripturis inseratur. Quod si de criminali causa litigium emerit, tunc competentes interpellati consentaneum legibus terminum causæ imponant, ita tamen ut disceptatio litis duorum mensium spatium non excedat, a litis contestatione numerandum. Non aliter autem puniatur clericus, nisi obnoxius reperiatur sacerdotio privatus [nudatus Vict:] fuerit a suo episcopo, vel clericatus honore. Sin autem crimen ecclesiasticum est, tunc secundum canones episcopo soli causæ examinatio et pœna procedat, nullam communionem aliis judicibus in hujusmodi causis habentibus.

CAP. 428. — *De eo qui infirmitate depressus monachum se fieri promissit. Alexander II, Udoni [Hugoni] Erevrensi, et Theodorico Viridunensi episcopis.*

(17, q. 2, c. Cosaldus.) Præsentium lator Cosaldus presbyter, ad limina apostolorum veniens, querelam apostolicæ sedi deposuit, beneficium et altaria quæ per canonicam Viridunensis Ecclesiæ obtinere solebat, a quodam diacono, Richerio nomine, sibi ablata esse. Dixit enim quod quondam in infirmitate fervore passionis oppressus monachum se facere promiserit, non tamen ut monasterio vel abbati se tradiderit, vel promissionem scripserit, sed confitetur quod præfatum beneficium in manu advocati Ecclesiæ refutaverit. At postquam convaluit, monachum facere mox negavit. Dixit etiam quod cum infirmus jaceret prædictus Richerius beneficium suum ab episcopo Viridunensi acquirere potuisset, quia dixit eum monachum jam factum esse. Causa differitur in Treverensem synodum, in qua præfatus Richerius diaconus mala fide acquisisse, ac male intrasse convictus est. Quapropter quia beati Benedicti, canonicaque et præcipue Patris et prædecessoris nostri sancti Gregorii papæ constitutio interdicit, ante unius anni probationem efflci monachum, si ita est, ut dixit, judicamus et auctoritate apostolica præcipimus, ut diligentia vestra atque clementia horum portitor Cosaldus presbyter [presbyteri] videlicet, beneficia et altaria recipiat, habeat, et quiete retineat.

(78) *Græce est ἡ ἐν ἀπορία πρὸς ταπεινὴν κατενεχθίσταται τὴν ψυχήν. quæ verba Agyleus sic vertit: Ant egens ad apparitorum conditionem dejiciatur.*

CAP. 429. — *De presbytero qui sine culpa perdidit A*
Ecclesiam suam. Nicolaus Airardo Turonensi ar-
chiepiscopo (in rescriptis Nicolai I, tit. 1, c, 4).

(2, q. 1, c. *Notum sit.*) Notum sit tunc fraternae
 charitati quod iste presbyter pauper, nomine Chri-
 stophorus, de sua angustia ad nostram clementiam
 lacrymabiliter sit conquestus, dicens se falsis crimi-
 nibus impetum, et ab Ecclesia sua, non convictum
 neque confessum, irracionabiliter fuisse ejectum
 Nam (ut ipse refert) tua diligentia per tres vices
 inquisitione facta, nulla in se neque de fornicationis
 crimine, neque de homicidii consensu [confessione
 or.] (de quibus impetebatur) potuit culpa reperiri,
 nisi quia suae paupertatis causa quod petebatur, aut
 consentire noluit, aut implere non potuit; quod
 suus tamen aemulus ultroneus egit, qui illius Eccle-
 siam injuste praeripuit. Idcirco magnopere monemus
 reverentiam tuam, ut quae te forte ignorante Giezica
 cupiditate peracta esse videntur, tuae fraternitatis
 censura celeri emendatione corrigantur, scilicet re-
 stituendo Ecclesiae propriae jam dictum sacerdotem,
 atque eidem reddendo tua pietate quem perdidit
 pristinum honorem, et nullatenus canonica instituta
 alicujus temeritate contemni permittatis, quia fa-
 cientem et consentientem par poena constringit.

CAP. 430. — *De diacono, de crimine injuste infamato.*
Stephanus papa quintus Leoni episcopo Thianensi.

(15, q. 5, c. *De crimine.*) De crimine sibi illato dia-
 conus tuus verissime se fatebatur immunem. Ve-
 rumtamen si suspicio habetur, et accusatores idonei
 reperiuntur, et testes quales sacri canones sanciunt,
 adscito tecum eerto episcoporum numero veniant
 accusatores, vocetur et ipse Aldericus diaconus, et
 si negaverit, ventiletur causa canonice; et si vel
 sponte confessus, vel legitimis testibus fuerit appro-
 batus, canonica feriatur sententia. Quod si nec
 sponte confitetur, nec accusatores et testes legitimi
 reperti fuerint, et mala fama crebrescit, non publico
 examine, sed coram te et aliquantis reverendissimi-
 sibus presbyteris et diaconibus Ecclesiae tuae secreto
 juramento se purificet, et tu deinceps boni testimonii
 eum annuntia, et compesce ac admone Ecclesiae
 filios, ne sacerdotem Dei infamare ulterius praesu-
 mant, timentes maledictionem Cham, qui patris ve-
 renda derisit (Gen. vii).

CAP. 431. — *Manifestam causam non egero testibus.*
Idem

(2, q. 2, c. *De manifesta.*) De manifesta et nota
 plurimis causa non sunt quaerendi testes, ut beatus
 Ambrosius (in 5 capite, statim post initium) in Epi-
 stolam ad Corinthios scribit de fornicatore senten-
 tiam exponens Apostoli. Judicis, inquit, non est
 sine accusatore damnare quia Dominus Judam cum
 fuisset fur, quia non est accusatus, minimè abje-
 cit. Ac mox: « Cognito autem opere isto pellen-
 dum illum de coetu fuisse fraternitatis censuit. Om-
 nes enim crimen ejus sciebant, et non arguebant.
 Publice enim novercam suam loco uxoris habebat.
 In qua re neque testibus opus erat, neque tergiver-

satione aliqua poterat tegi crimen. » Et paulo post,
 « Absens facie, praesens autem auctoritate spiritus
 qui nusquam abest, jam judicavi ut praesens eum
 qui hoc admisit tradi Satanæ in interitum carnis. »

CAP. 432. — *Rem in contentione positam, non licere*
donare vel vendere. Ex lib. Capit. cap. 357.

Rem in contentione positam non licet donare vel
 vendere.

CAP. 433. — *De modo conficiendarum epistolarum for-*
matarum, quem Nicæna synodus inter episcopos in
faciendis epistolis conservandum esse instituit.

(Dist. 73, c. *Qualiter.*) Græca elementa litterarum
 numeros etiam exprimere, nullus qui vel tenuiter
 Græci sermonis notitiam habet, ignorat. Ne igitur
 in faciendis epistolis canonicis (quas mos Latinus
 formatas appellat) aliqua fraus falsitatis temere præ-
 sumeretur, hoc a Patribus trecentis octodecim Nicæ-
 næ congregatis saluberrime inventum est et consti-
 tutum, ut formatæ epistolæ hanc calculationis seu
 supputationis suæ habeant rationem, id est ut assu-
 mantur in supputationem prima Græca elementa
 Patris, et Filii, et Spiritus sancti, id est π, υ, α. Quæ
 elementa octogenarium quadringentesimum et pri-
 mum servant numeros. Petri quoque apostoli prima
 littera id est π, quæ numerum octogesimum signifi-
 cat. Ejus qui scribit epistolam prima littera, cui
 scribitur secunda, accipientis tertia, civitatis quoque
 de qua scribitur quarta, et indictionis quæcunque
 est illius temporis, numerus assumatur; atque ita
 his omnibus Græcis litteris, quæ (ut diximus) nume-
 ros exprimunt, in unum ductis, unam, quæcunque
 collecta fuerit, summam epistola teneat. Addat præ-
 terea separatim in epistola etiam nonagenarium et
 nonum numeros, qui secundum Græca elementa si-
 gnificant, ἀμίν. Tres igitur prædictæ litteræ Græcæ,
 id est π, υ, α, et prima littera ex nomine Petri, id
 est π, quingentesimum et unum faciunt numeros; π
 enim prima, quæ est in nomine summi Patris, sexa-
 gesimum numerat; υ vero, quæ est prima in no-
 mine Filii, octoginta numerat; α vero, quæ prima
 est in nomine Spiritus sancti, unum indicat. Si
 addas π quæ in nomine Petri est prima, id est qua-
 dringenta reperies octoginta, ἀμίν vero, quod in fine
 prædictæ epistolæ scriptum est, quingenta sexaginta
 unum, indicat; α enim unum, μ nonaginta novem, υ
 quadraginta octo, ν nonaginta numerum, qui nona-
 ginta novem efficiunt numeros. Si vero totam sum-
 mam simul jungas sexcentos sexaginta epistola
 numeros tenet. Sed propter minus scientes ponenda
 videntur elementa ipsa Græca, cum numeris pro-
 priis.

- I. II. III. IIII. V. VI. VII. VIII. IX. X. XI. XII.
- α. β. γ. δ. ε. ς. ζ. η. θ. ι. κ. λ. μ.
- Λ. LX. LXX. LXXX. XC. C. CC. CCC. CCCC. D. DC. DCC.
- υ. ξ. ο. π. ρ. σ. τ. υ. φ. χ. ψ.
- DCCC. DCCCC. M.
- ω. πτ. α.

Numerantur autem ita: εν, δύο, τρία, τέσσαρα,
 πέντε, έξ, επτά, οκτώ, έννιά, δέκα, είκοσι, τριάκοντα,

τεσσαράκοντα, πενήκοντα, ἑξήκοντα, ἑβδομήκοντα, ὀγδοήκοντα, ἐνεκήκοντα, ἑκατόν, διακόσια, τριακόσια, τεσσαράκοντα, πεντακόσια, ἑξακόσια, ἑπτακόσια, ἑκτακόσια, ἑνακῆκοντα, χίλιοι.

CAP. 454. — *Exemplum epistolæ formatæ.*

(*Simile ferehabetur, dist. 73 c. In nomine.*) In nomine π Patris, et υ Filii, et α Spiritus sancti, Rathbodus sanctæ Treverensis Ecclesiæ ac plebis ipsius humilis famulus Rotberto reverendæ sanctæ Metensis Ecclesiæ antistiti in Christo principe pastorum mansuram cum gaudio prosperitatis ac perpetuitatis gloriam. Decreta sanctorum trecentorum decem et octo Patrum Niceæ constitutorum saluberrima servantes, Deo dignam piamque fraternitatem vestram canonice aggreddimur, et sub nomine formatæ epistolæ reverenter vestram sanctitatem adimus, vobis videlicet intimando quia præsentis presbytero nostro, nomine Gislemaro, has dimissorias dedimus litteras, quem in nostra diocesi ecclesiasticæ educatum, de ordine clericatus ad presbyteratus proximum gradum, ut his canonicis munitus apicibus, cum nostra licentia ei in vestra parœcia sub defensione ac regimine vestræ charæ dilectionis degere liceat, illumque in sinu sanctæ matris Ecclesiæ canonice fovendum ac regendum vobis committimus. Hanc ergo epistolam Græcis litteris hinc inde munire decrevimus et annulo Ecclesiæ nostræ bullare ususvimus. Christus pastorum princeps interventu beati Petri, cui specialiter ovile Dominicum commissum est, fraternitatem vestram ad custodiam sui gregis diu nobis conservet incolumem, ἀμην. Summa horum Mille DXXXIX. π. υ. α. ω. ρ. ο. σ. υ. θ. ἀμην.

Data Treveris. Idib. Octob., anno Dominicæ Incarnationis D. cccc. vi, indict. ix π. υ. α. π. δ. α. ρ. δ. θ.

CAP. 455. — *Item aliud exemplum formatæ.*

Reverendissimo et sanctissimo Rathbodo sanctæ Treverensis Ecclesiæ archiepiscopo, Dado Virdu-

nensis Ecclesiæ devotus gregis Christi famulus in Domino vero rege summæ felicitatis beatitudinem. Cum sancta catholica Ecclesia prompta sit sequi documenta evangelica, quæ dicunt : *Qui recipit prophetam in nomine prophetæ, mercedem prophetæ accipiet; et qui recipit justum in nomine justi* (Matth. x), et cætera; et Apostolus jubeat hospitalitatem sectari (Rom. xi), et necessitatibus sanctorum virorum communicare, tamen propter eos qui cauteriatam habent suam conscientiam (I Tim. iv), dicentes se esse simplices, cum sint astutia diabolica repleti, et pro opere pietatis dicunt se de loco ad locum transire, cum sint sua malitia faciente fugitivi, et dicunt se esse ministerio sacro insertos, cum non sint : statutum est a sanctis Patribus neminem, clericum alienum et ignotum recipi ab aliquo episcopo, et inthronizare in sua Ecclesia, nisi habeat a proprio episcopo epistolam, quæ in canonibus nominatur formatæ. Ideo notum facimus paternitati vestræ quod præsens frater noster harum litterarum portitor, nomine Adruinus, non pro sua nequitia expulsus est a nobis, sed postulantibus fratribus nostris, eo quod ex familia nostra fuit, dedimus ei libertatem receptam a cornu altaris canonice, et ordinavimus eum ad gradum presbyterii. Cui etiam has dimissorias sive commendatitias litteras fecimus, et cum ad vestram dilectam fraternitatem dirigimus, ut in vestra parœcia sub vestro sacro regimine et defensione consistere valeat. Ego, inquam, in nomine π Patris, et υ Filii, et α Spiritus sancti, et in unitate sanctæ Ecclesiæ, in qua Petro datum est, jus ligandi atque solvendi, absolvo Dado humilis episcopus presbyterum Adruinum de civitate Viridunensi, indict. ix. Et licentiam do vobis, Rathbode venerabilis archiepiscopo, inthronizandi eum in quacunque ecclesia vultis vestræ parœciæ. Dilectam paternitatem vestram virtutum floribus insignitam omnipotens Deus conservare dignetur. ἀμην. D. cc. lxxviii, π. υ. α. π. δ. α. λ. θ. Data v Idus Maii, anno Dominicæ Incarnationis D. cccc. vi, indict. ix.

DECRETI PARS SEPTIMA

De monachorum et monacharum singularitate et quiete : et de revocatione et pœnitentia eorum qui continentiarum propositum transgrediuntur.

CAP. 1. — *Ut monachi per singulas civitates subjecti sint episcopis, et quieti operam dantes, jejuniis et orationibus intendant. Ex concilio Chalcedonensi, cap. 4 (actione 15).*

(16, q. 1, c. Qui vere.) Qui vere et pure solitariam eligunt vitam, digni sunt convenienti honore. Quia tamen sunt quidam monachi habitantes indifferenter

per civitates, nec non et per monasteria seipsos præsumptione propria commendantes, placuit neminem aut ædificare, aut construere monasteria, aut oratorii domum, sine conscientia ipsius civitatis episcopi. Eos vero qui per singulas civitates seu possessiones in monasteriis sunt, subjectos esse debere episcopo, et quieti operam dare, atque observare

jejunia et orationes, in locis in quibus semel Deo se devoverunt, permanentes; et neque communicare ecclesiasticis, neque sæculares aliquas attrahere actiones, relinquentes propria monasteria, nisi forte jubeantur propter urgentes necessitates ab ipsius civitatis episcopo. Et neminem servorum suscipi in monasterium, ut sit cum eis monachus, nisi cum domini proprii conscientia. Prætereuntem vero hæc decrevimus extra communionem esse, ne nomen Domini blasphemetur. Convenit vero civitatis episcopo curam sollicitudinemque necessariam monasteriis exhibere.

CAP. 2.—*De monachorum singularitate. Hieronymus in epistola ad Paulinum presbyterum de institutione clericorum (lib. II, ep. 14).*

(16, q. 1, c. Si cupis.) Si cupis esse quod diceris, monachus, id est solus, quid facis in urbibus quæ utique non sunt solum habitacula, sed multorum? Habet unumquodque propositum principes suos. Et ut ad vestra [nostra, orig.] veniamus, episcopi et presbyteri habeant ad exemplum apostolos et apostolicos viros, quorum honorem possidentes habere nitantur et meritum, nos autem habeamus propositi nostri principes Paulos, Antonios, Julianos, Hilarionos, Macharios. Habeto simplicitatem columbæ, nec cuiquam machinetis dolos, et serpentis astutiam, ne aliorum supplanteris insidiis. Non multum distat in vitio vel decipere posse, vel decipi Christianum. Quem senseris tibi aut semper aut crebro de nummis loquentem, excepta elemosyna quæ indifferenter omnibus patet, institorem potius habeto quam monachum. Præter victum et vestimentum, et manifestas necessitates, nihil cuiquam tribuas, nec [ne, orig.] filiorum panem canes comedant.

CAP. 3.—*De eodem. Idem in epistola ad Riparium et Desiderium presbyteros (lib. III, ep. ult., circa finem).*

(16, q. 1, c. Monachus.) Monachus non doctoris habet, sed plangentis officium, qui vel se vel mundum lugeat, et Domini pavidus præstoletur adventum. Qui sciens imbecillitatem suam, et vas fragile quod portat, timet offendere ne impingat et corruat atque frangatur. Unde et mulierum maximeque adolescentularum vitat aspectum; et intantum castigat sui est, ut etiam quæ tuta sunt pertimescat. Cur, inquis, pergis ad eremum? Videlicet ut te non audiam, non videam, ut tuo furore non movear, ut tua bella non patiar, ne me capiat oculus meretricis, ne forma pulcherrima ad illicitos ducat amplexus. Respondebat: Hoc non est pugnare, sed fugere; sta in acie, adversariis armatus obsiste, ut postquam viceris, coroneris. Fateor imbecillitatem meam, nolo spe pugnare victoriæ, ne perdam aliquando victoriam.

CAP. 4.—*Item de eodem. Idem in epistola ad Rusticum monachum, de labore monachorum (l. II, ep. 13).*

Mihi oppidum carcer, et solitudo paradisi est. Quid desideramus urbium frequentiam, qui de singularitate censemur? Moyses ut præset populo Ju-

dæorum quadraginta annis eruditur in eremo; pastor ovium, hominum factus est pastor (*Exod. III*). Apostoli de piscatione lacus Genezareth ad piscationem hominum transierunt (*Luc. V*). Tunc habebant patrem, rete, naviculam; secuti Dominum protinus omnia reliquerunt, portantes quotidie crucem suam, et ne virgam quidem in manu habentes. (16, q. 1, c. Si clericatus.) Hæc dico, ut si clericatus te titillat desiderium, discas quod possis docere, et rationabilem hostiam offeras Deo (*Rom. XII*), ne miles antequam tiro, ne prius magister sis quam discipulus. Non est humilitatis meæ, neque mensuræ judicare de cæteris, et de ministris Ecclesiarum sinistram quidpiam dicere. Habeant illi ordinem et graduum suum; quem si tenueris, quomodo tibi in eo vivendum sit, editus ad Nepotianum liber docere te poterit. Nunc monachi incunabula moresque discutimus, et ejus monachi, qui liberalibus studiis eruditus in adolescentia, jugum Christi collo suo imposuit. Primumque tractandum est utrum solus an cum aliis in monasterio vivere debeas. Mihi placet ut habeas sanctorum contubernium, nec ipse te doceas, et absque doctore ingrediaris viam quam nunquam ingressus es.

CAP. 5.—*Ut monachus semper laboret. Idem in eadem epistola (post quædam).*

(*De cons. dist. 5, c. Nunquam de manu.*) Nunquam de manu aut oculis tuis liber psalterii descendat [recedat, orig.], discatur ad verbum. Oratio sine intermissione; vigilet sensus, nec vagis cogitationibus patens corpus pariter animusque tendatur ad Deum. Iram vince patientia. Ama scientiam Scripturarum, et carnis vitia non amabis. Nec vacet mens tua variis perturbationibus, quæ, si pectori insederint, dominabuntur tui, et te deducunt ad delictum maximum. Facito aliquid operis, ut semper te diabolus inveniat occupatum. Si apostoli habentes potestatem de Evangelio vivere (*I Cor. IX*), laborabant manibus suis, ne quem gravarent (*I Thess. II*), et aliis tribuebant refrigeria, quorum pro spiritualibus debebant metere carnalia (*I Cor. IX*), cur tu in usus tuos successura non præpares? Vel fiscellam texe junco, vel canistrum lentis plecte viminibus, sarriatur humus, areolæ æquo limite dividantur, in quibus eum oleum jactata fuerint semina, vel plantæ per ordinem positæ, aquæ ducantur irriguæ. Hinc pulcherrimorum versuum spectator assistas:

*Ecce supercilio clivosi tramitis undam
Elicit; illa cadens raucum per lævia murmur
Saxa ciet, scutebrisque arenia temperat arva.*
(VIRGILIUS, 1 lib. Georg., vers. 105.)

Inserantur fructuosæ arbores, vel gemmis vel surculis, ut parvo post tempore laboris tui dulcia poma decerpas. Apum fabricare alvearia, ad quas te mittunt Salomonis Proverbia (*Prov. VI*). Monasteriorum ordinem ac regiam disciplinam in parvis disce corporibus. Textantur et lina capiendis piscibus. Scribantur et libri, ut et manus operetur cibos, et anima lectione saturetur. In desideriis est omnis otiosus (*Prov. XIII, juxta LXX*). Ægyptiorum monasteria

hunc morem tenent, ut nullum absque opere ac labore suscipiant, non tam propter victus necessaria, quam propter animæ salutem; ne vagentur perniciosæ cogitationibus, et instar fornicationis Hierusalem, omni transeunti divaricent pedes suos (*Ezech. xvi*).

CAP. 6. — *Quod non peribunt omnes habitantes in urbibus. Et in sequentibus.*

Quid ergo? Peribunt omnes qui in urbibus habitant? Ecce illi fruuntur suis rebus, ministrant Ecclesiis, adeunt balnea, unguenta non spernunt, et tamen in omnium ore versantur. Ad quod et ante respondi, et nunc breviter respondeo me in præsentî opusculo, non de clericis disputare, sed monachum instituire.

CAP. 7. — *De monachis fugitivis non promovendis ad clerum. Augustinus in epistola ad Aurelium (epist. 76).*

(16, q. 1, c. *Legi epistolam*.) Legi epistolam benignitatis tuæ de Donato et fratre ejus, et quid responderem diu fluctavi. Sed tamen etiam atque etiam cogitanti quid sit utile saluti eorum, quibus nutriendis in Christo servimus, nihil mihi aliud occurrere potuit, nisi non esse istam viam dandam servis Dei, ut se facilius putent eligi ad aliquid melius, si facti fuerint deteriores. Et ipsis enim facilis lapsus, et ordini clericorum sit indignissima injuria, si desertores monasteriorum ad militiam clericatus eliguntur, cum ex his qui in monasterio permanent, non tamen nisi probatiores atque meliores in clerum assumere soleamus, nisi forte (sicut vulgares dicunt) malus choraula bonus symphoniacus est, ita idem ipsi vulgares de nobis jocabuntur dicentes: Malus monachus, bonus clericus est. Nimis dolendum, si ad tam ruinosa superbiam monachos subrigimus [surrigamus, *orig.*, et *Grat.*], et tam gravi contumelia clericos dignos putamus. In quorum numero sumus, cum aliquando etiam bonus monachus vix bonum clericum faciat; si adsit ei sufficiens continentia, et tamen desit instructio necessaria, aut personæ regularis integritas. Sed de istis credo quod arbitrata sit beatitudo tua, nostra voluntate, ut suis potius corregionalibus utiles essent de monasterio recessisse; sed falsum est. Sponte abierunt, sponte deseruerunt, nobis quantum potuimus, pro eorum salute renitentibus.

CAP. 8. — *De quiete monachorum. Idem in epistola ad Eudoxium (epist. 81).*

Domino dilecto, et exoptatissimo fratri, et comprehensytero Eudoxio, et qui tecum sunt fratribus, Augustinus, et qui mecum sunt fratres in Domino, salutem. Quando quietem vestram cogitamus quam habetis in Christo, etiam nos quamvis in laboribus variis asperisque versemur, in vestra charitate requiescimus. Unum enim corpus sub uno capite sumus, ut et vos in nobis negotiosi, et nos in vobis otiosi simus. Quia si patitur unum membrum, compatiuntur omnia membra, et si glorificatur unum membrum, congaudent omnia membra (*I Cor. xii*). Admonemus ergo et petimus et obsecramus per Christi altissimam

humilitatem, et misericordissimam celsitudinem, ut nostri memores sitis in sanctis orationibus vestris, quas vigilantiores et magis sobrias credimus habere. Nostras enim sæpe sauciat et debilitat caligo et tumultus sæcularium actionum; quas etsi sinistras non habemus, eorum tamen qui nos angariant mille passus, et jubemur ire cum eis alia duo (*Matth. v*), tanta nobis ingeruntur, ut vix respirare possimus, credentes tamen quod ille in cujus conspectu intrat gemitus compeditorum (*Psal. lxxviii*), perseverantes nos in eo ministerio in quo collocare dignatus est, cum promissa mercede adjuvantibus orationibus vestris, ab omni angustia liberabit. (16, q. 1, c. *Vos autem*.) Vos autem, fratres, hortamur in Domino, ut propositum vestrum custodiatis, et usque ad finem perseveretis. At si quam operam [qua opera, *or. Vict., Pann.*] vestram mater Ecclesia desideraverit, nec elatione avida suscipiatis, nec blandientiæ desidia respuatis, sed miti corde obtemperetis Deo, cum mansuetudine portantes eum qui vos regit, qui dirigit mites in iudicio, qui docet mansuetos vias suas (*Psal. xxiv*), nec vestrum otium necessitatibus Ecclesiæ præponatis, cui parturienti si nulli boni ministrare vellent, quomodo nasceremini non inveniretis.

CAP. 9. — *De voto Bonifacii comitis. August. in epist. ad Bonifacium comitem (epist. 70).*

(17, q. 2, cap. *Nos novimus*.) Nos novimus, nos testes sumus quod nobiscum apud Tubanas de animo et voluntate tua fuerimus collocuti. Soli tecum eramus ego et frater Alipius. Non enim existimo tantum valuisse terrenas curas quibus impletus es, ut hoc de memoria tua penitus delere potuerint. Nempe omnes actus publicos, quibus occupatus eras, relinquere cupiebas, et te in otium sanctum conferre, atque in ea vita vivere, in qua servi Dei monachi vivunt. (*Post aliquot versus sub finem*.) Cum ergo te esse in hoc proposito gauderemus, navigasti, uxoremque duxisti. Si enim conjugem non haberes, dicerem tibi quod et Tubanis diximus, ut in castitate continentia viveres, adderem quod tunc fieri prohibuimus, ut jam te, quantum rerum humanarum salva pace potuisses, ab istis bellicis rebus abstraheres, et huic vitæ vacares, et societati sanctorum, cui tunc vacare cupiebas, ubi in silentio pugnant milites Christi, non ut occidant homines, sed ut expugnent principes et potestates et spiritualia nequitia (*Ephes. vi*), id est, diabolus et angelus ejus. (*Post pauca*.) Sed ut te ad istam vitam non exhorter conjugis impedimentum est, sine cujus consensione continenter tibi non licet vivere.

CAP. 10. — *Non solvi conjugium, si mulier nescia de voto viri nupsit ei. Idem in eadem epistola.*

Quia et si tu eam post illa tua verba Tubanensis ducere non debebas, illa tibi tamen, nihil eorum sciens, innocenter et simpliciter nupsit. Atque utinam posses ei persuadere continentiam, ut sine impedimento redderes Deo quod te debere cognoscis. Sed si cum illa agere non potes, saltem seiva pudici-

citiam conjugalem, et roga Deum, qui te de necessitatibus eruit, ut quod non potes modo, possis aliquando. Verumtamen ut Deum diligas, non diligas mundum, ut in ipsis bellis si adhuc te in eis versari opus est, fidem teneas pacemque quæras, ut ex mundi bonis facias opera bona, et propter mundi bona non facias opera mala, aut non impedit conjux, aut impedire non debet. Hæc ad te, fili charissime, ut scriberem charitas jussit, qua te secundum Deum, non secundum hoc sæculum diligo, quia et cogitans quod scriptum est : Corripe sapientem et amabit te, corripe stultum et adjiciet odisse te (Prov. ix), non te utique stultum, sed sapientem debui cogitare.

CAP. 11. — *De quiete monachorum. Decretum sancti Gregorii papæ (lib. vii, ind. 1, ep. 18, Mariniano episcopo).*

(18, q. 2, c. *Quam sit necessarium.*) Quam sit necessarium monasteriorum quieti prospicere, et de eorum perpetua securitate tractare, anteaquam nos (vos, or.) officium quod in regimine cœnobii exhibuimus (exhibuistis, orig.) informat. Et quia in plurimis monasteriis multa a præsulibus præjudicia atque gravamina monachos pertulisse cognoscimus, oportet ut nostræ fraternitatis provisio de futura quiete eorum, salubri disponat ordinatione, quatenus conversantes in illis in Dei servitio, gratia ipsius suffragante, mente libera perseverent. Sed ne ex ea quæ magis emendanda est consuetudine, quicquam monachis quidquam molestiæ præsumat inferre, necesse est ut hæc inferius enumeranda curavimus, ita studio fraternitatis episcoporum debeant custodiri, ut ex eis non possit ulterius inferendæ inquietudinis occasio reperiri. Interdicimus igitur in nomine Domini nostri Jesu Christi, et ex auctoritate beati Petri apostolorum principis prohibemus, cujus vice huic Romanæ Ecclesiæ præsidemus, ut nullus episcoporum aut sæcularium ultra præsumat de relictibus, vel rebus, vel chartis monasteriorum, vel de cellis, vel villis, quæ ad ea pertinent, quocunque modo vel qualibet occasione minuere, vel dolos vel immissiones aliquas facere. Sed si qua forte causa inter terram venientem ad partem suarum ecclesiarum et monasteriorum evenerit, et pacifice non potuerit ordinari, apud electos abbates et alios Patres timentes Deum sine voluntaria dilatione, mediis sacrosanctis Evangeliiis finiatur. Defuncto vero abbate cujusque congregationis, non extraneus, nisi de eadem congregatione, quem sibi propria voluntate concors fratrum societas elegerit, et qui electus fuerit, sine dolo vel venalitate aliqua ordinetur. Quod si aptam inter se personam invenire nequeunt, solerter sibi de aliis monasteriis similiter eligant ordinandum. Neque constituto abbate, quæcunque persona qualibet occasione præponatur, nisi forte exstantibus (quod absit!) criminibus, quæ sacri canones punire monstrantur. Pariter autem custodiendum est, ut invito abbate ad ordinandum alia monasteria, aut

ad ordines sacros vel clericatus officium, tolli monachi non debeant.

CAP. 12. — *De eodem. Greg., cap. 87, Castorio episcopo Ariminensi (l. iv, ep. 43).*

(18, q. 2, cap. *Luminoso.*) Luminoso abbate referente, plurimis in monasteriis multa a præsulibus præjudicia atque gravamina monachos pertulisse comperimus. Oportet ergo ut tuæ fraternitatis provisio de futura quiete eorum salubri disponat ordinatione, quatenus conversantes in illis in Dei servitio gratia illius suffragante, mente libera perseverent.

CAP. 13. — *Ne publice missæ fiant in cœnobiis. Gregorius.*

Missas quoque publicas in cœnobia fieri omnimodo prohibemus, ne in Dei servorum recessibus et eorum receptaculis ulla populis præbeat occasio conventus, quia non expedit animabus eorum. Nec audeat illic episcopus cathedram collocare, vel quamlibet potestatem exercere imperandi, nec aliquam ordinationem quamvis levissimam faciendi, nisi ab abbate fuerit rogatus; quatenus monachi semper maneat in abbatum suorum potestate, ut remotis vexationibus ac cunctis gravaminibus divinum opus cum summa devotione animi perficiant in perpetuum. Vale, optime Pater, memor nostri.

CAP. 14. — *Ne monasterium gravet episcopus. Idem Gregorius (ind. 1, lib. vii, epist. 18, in fine).*

(18, q. 2, c. *Visitandi.*) Visitandi exhortandique gratia ad monasterium quoties placuerit, ab antistite civitatis accedatur. Sed sic charitatis officium illic impleat episcopus, ut gravamen aliquod monasterium non incurrat.

CAP. 15. — *De oblatibus a parentibus. Epist. Greg. III ad Augustinum Anglorum pontificem (epist. 4, vol. 13, cap. 7 ad Bonifac.).*

(20, q. 1, c. *Addidisti.*) Addidisti adhuc quod si pater vel mater filium filiamque intra septa monasterii infantie annis sub regulari tradiderunt disciplina, utrum liceat eis postquam pubertatis inoleverint annos, egredi, et matrimonio copulari. Hoc omnino devitamus; quia nefas est ut oblatibus Deo filiis voluptatis frena laxentur.

CAP. 16. — *De monachis et virginibus propositum non servantibus. Epistola Syricii, cap. 6 (epist. 1).*

Præterea monachorum quosdam atque monacharum abjecto proposito sanctitatis in tantam prosteris dimersos esse lasciviam, ut prius clanculo velut sub monasteriorum prætextu illicita ac sacrilega se contagione miscuerint. Postea vero in abruptum conscientiæ desperatione perducti de illicitis complexibus libere filios procrearint, quod et publicæ leges et ecclesiastica jura condemnant. Has ergo impudicas detestabilesque personas, a monasteriorum cœtu ecclesiarumque conventibus eliminandas esse mandamus, quatenus retrusæ in suis ergastulis, tantum facinus continua lamentatione deflentes, purificatorio possint pœnitudinis igne decoqui, ut eis vel ad mortem saltem solius misericordiæ intuitu,

per communionis gratiam possit indulgentia subvenire.

CAP. 17. — *De virginibus sacratis, si lapsæ fuerint. Ex decr. Innocentii papæ I, cap. 12 (epist. 2 ad Vitricium episc.).*

(27, q. 1, c. Quæ Christo.) Item quæ Christo spiritualiter nubunt, et a sacerdote velantur, si postea vel publice nupserint vel occulte corruptæ fuerint, non eas admittendas esse ad agendam pœnitentiam, nisi is cui se junxerant de hac vita discesserit. Si enim de hominibus hæc ratio custoditur, ut quæcumque vivente viro alteri nupserit, habeatur adultera, nec ei agendæ pœnitentiæ licentia concedatur, nisi unus ex eis fuerit defunctus, quanto magis de illa tenenda est, quæ antea immortalis se sponso junxerat, at postea ad humanas nuptias transire elegit?

CAP. 18. — *De virginibus non velatis si deviaverint. Ibidem cap. 13.*

(27, q. 1, c. Hæc vero quæ.) Hæc vero quæ necdum sacro velamine tectæ, tamen in proposito virginali semper se simulaverunt permanere, licet velatæ non fuerint, si forte nupserint, his agenda aliquanto tempore pœnitentia est; quia sponso earum a Domino tenebatur. Si enim inter homines solet bonæ fidei contractus nulla ratione dissolvi, quanto magis ista pollicitatio, quam cum Deo pepigerunt, solvi sine vindicta non poterit?

CAP. 19. — *Qua pœnitentia purgandus sit qui propositum monachi deseruerit. Leo Rustico Narbonensi episcopo (epist. 92, c. 12, vel inquis. 14).*

(20, q. 3, c. Propositum.) Propositum monachi proprio arbitrio aut voluntate susceptum deseri non potest absque peccato. Quod enim quis vovit Deo, debet et reddere (*Deut. xxiii; Psal. xlix*). Unde qui, relicta singularitatis professione, ad militiam vel ad nuptias devolutus est, publicæ pœnitentiæ satisfactione purgandus est; quia et si innocens militia et honestum potest esse conjugium, electionem tamen meliorum deseruisse transgressio est.

CAP. 20. — *Quod puellæ spontaneum virginitatis propositum deserentes delinquant. Ibidem, cap. 13.*

(20, q. 1, c. Puellæ.) Puellæ quæ non parentum coactæ imperio, sed spontaneo judicio virginitatis propositum atque habitum susceperint, si postea nuptias eligunt, prævaricantur, etiamsi nondum eis gratia consecrationis accessit [etiamsi consecratio non accessit, *orig. et Grat.*]. Cujus utique non fraudarentur munere, si in proposito permanerent.

CAP. 21. — *De consecratis si nupserint. Ibidem, cap. 14.*

Ambigi non potest magnum crimen admitti, ubi et propositum deseritur, et consecratio violatur. Nam si humana pacta non possunt impune calcari, quid de his [eos] manebit, qui corruperint divini fœdera sacramenti.

CAP. 22. — *Quod liceat monachis cum sacerdotali officio ubique ministrare. Ex concilio Bonifacii papæ, qui quartus a beato Gregorio fuit.*

(16, q. 1, c. Sunt nonnulli.) Non ullo fulti dogmate, audacissime quidam magis zelo amaritudinis quam

A dilectionis inflammati, asserunt monachos, quia mundo mortui sunt et Deo vivunt, sacerdotali officio indignos, neque pœnitentiam, neque Christianitatem largiri, neque absolvere posse per sacerdotalis officii injunctam gratiam, sed omnino labuntur. Nam si ex hac causa veteres æmuli vera prædicarent apostolicæ sedis compar beatus Gregorius monachico cultu pollens, ad summum nullatenus apicem conscenderet, cui quidem ostiatum fungendi, ligandi, solvendique officio potestas summa conceditur. Augustinus quoque ejusdem sanctissimi Gregorii discipulus, Anglorum prædicator egregius, ac Pannoniensis beatus Martinus, aliique quamplurimi viri sanctissimi pretiosorum monachorum habitu fulgentes, nequaquam annulo pontificali subarrharentur. Sed quia monachi fuerunt, prædictis uti perhibentur. Neque enim Benedictus monachorum præceptor hujusmodi rei aliquomodo fuit interdictor, sed eos sæcularium negotiorum edixit expertes fore solummodo, quod quidem apostolicis documentis, et omnium sanctorum Patrum institutis, non solum monachis, verum etiam canonicis maximopere imperatur. Utrisque enim præfatorum Patrum exemplis perspicacibus circumquaque ut mundo mortui sint, evidentissima ratione præcipitur. Tantorum ergo Patrum institutis et exemplis periculosum est refragari. Credimus ergo a sacerdotibus monachis ligandi solvendique potestatem atque officium, Deo operante, haud in ligne administrari, si eos digne contigerit ad hoc ministerium sublimari. Quod incunctanter et evidenter affirmat quisquis statum monachorum et habitum potentatumque evidenter considerat, verbi gratia:

B Angelus Græce, Latine nuntius dicitur. Sacerdotes igitur monachi atque canonici, qui quotidie sancta Dei præcepta annuntiant, angeli vocantur, ratione non incongrua. Sed unusquisque angelicus ordo quanto claritatem Dei vicinius contemplatur, tanto dignitate sublimior affirmatur. Nam, uti cherubim, monachi sex alis velantur. Duæ quidem in capite quo caput tegitur verisimilibus demonstrantur assertionibus. Illud vero tunicæ quod brachiis intenditur, alas duas esse dicimus; et illud tandem quo conditur corpus, sex alarum numerum certissime implere asseritur. Decertantes igitur monachicæ professionis presbyteros sacerdotalis potentie arcere officio omnimodo præcipimus, ut ab hujusmodi nefandis ausibus reprimantur in posterum, quia quanto quisque celsior, tanto potentior.

CAP. 23. — *Ne monachus defensor fiat Pelagius Antoninæ, Patriciæ et Deciæ (in fragm. Pelagii II).*

(16, q. 1, c. De præsentium.) De præsentium portitore quod defensor factus non est, nulla animi molestia sit; quia vere satis amarissimum habeo de isto proposito ad illud officium homines deduci, in quo nullo modo quæ a monachis Deo promissa sunt valeant adimpleri. Omnimoda enim et illius habitus, et istius officii diversitas est. Illic enim quies, oratio, labor manuum; at hic causarum conditio, conventio-

nes, actus, publica litigia, et quæcunque vel ecclesiastica instituta vel supplicantium necessitas poscit. Faciat autem Deus, ut tales sint qui vel a vobis in isto habitu nutriuntur, vel in monasteriis crescunt, ut provecta ætate et probata vita, non ad litigiorum officia, sed ad sacerdotium valeant promoveri.

CAP. 24. — *Qualis et a quibus debeat abbas eligi. Pelagius Melleo [Mellito] subdiacono.*

(18, q. 2, c. Abbatem.) Abbatem in eodem monasterio [loco] illum volumus ordinari, quem sibi de sua congregatione et monachorum electio, et possessionis Dominus, et (quod magis observandum est) ordo vitæ ac meritum poposcerit ordinari.

CAP. 25. — *Ne duplex monasterium fiat. Ex septima synodo, cap. 11 (synod. 7 cætu, c. 20).*

(18, q. 2, c. Diffinimus.) Ex hoc diffinimus, minime duplex fieri monasterium, quia scandalum id est offendiculum, multis efficitur. Si vero aliqui cum cognatis abrenuntiare et monasticam vitam sectari voluerint, debent viri quidem virorum adire, cœnobium, feminæ vero mulierum ingredi monasterium : in hoc enim placatur Deus. Quæ autem hactenus sunt dupla secundum regulam sancti Patris Basilii, et secundum præceptionem ejus ita formentur. Non habitent in uno monasterio monachi et monachæ. Adulterium enim intercipit cohabitatio, si habeat aditum monachus ad monacham, vel monacha ad monachum secreto ad colloquutionem. Non cubat monachus in muliebri monasterio neque cum monacha singulariter convivetur, et quando necessaria vitæ a virorum parte ad regulares deferuntur monachas, extra portam hæc suscipiat abbatissa monasterii feminarum, cum quadam vetula monacha. Porro, si contigerit ut aliquam propinquam suam videre voluerit monachus, in præsentia abbatissæ huic confabuletur, per modica et compendiosa verba, et in brevi ab ea discedat.

CAP. 26. — *De his qui se ante legitimos annos totonderint et velaverint. Ex concilio Maguntino, cui interfuit Carolus imperator et Richolfus archiepiscopus in claustris Sancti Albani, cap. 20.*

(De regular. tit. 31, c. Si quis.) Si quis ante annos legitimos tonsuratus est sine consensu parentum suorum, et si ipsi parentes infra annum non se reclamaverint ad principem, aut ad proprium episcopum, aut ad missum Dominicum, in ipso clericatu permanet. Si vero post legitimos annos per vim clericus factus est, et infra annum ad supra memoratas personas minime se reclamaverit, in clericatu permaneat, sicut his de quo superius dictum est. Si vero præfate personæ infra annum reclamationem fecerint, hi qui eos clericos fecerunt ipsis sine parentibus eorum hoc per legem exsolvant, quod contra eos contraxerunt. Ille vero qui ante legitimos annos tonsuratus est, utrum in eadem tonsura permanere debeat necne, in potestate sit parentum. Si vero his qui tonsuratus est, alicujus fuit servus, Domino per legem emendetur, quidquid de ejus servo contra eum contractum est. Ille vero qui tonsuratus est,

utrum in eadem tonsura permaneat, in potestate sit domini sui. Si vero hi qui liberi sunt, ante legitimos aut post legitimos annos hoc modo, sicut superius taxatum est, tonsurati sunt, et ad gradus ecclesiasticos pervenerint, in eisdem gradibus perseverare cogantur. Si vero servus qui superius taxato modo tonsuratus est, et ad gradus ecclesiasticos pervenerit, domino suo per legem emendetur, et ei redditus in suo gradu permaneat. Hoc et de velandis puellis observandum est.

CAP. 27. — *De illis quos unus aut ambo parentes sanctæ religioni tradiderunt. Ex concilio Toletano. cap. 6 (Tolet. x).*

Quoniam huc usque dissolutæ operationis effectus interdum fecit nutare honestum, constitutionis editum proponimus, ne resolvi putetur quod indissolubili sanctionis auctoritate tenetur : ideo quidquid obvium ex incerto occurrerit, evidenter abjici debet, ut de cætero nihil supersit, quod in dubium nutet. (20, q. 2, Si in qualibet.) Ideoque si in qualibet juniori ætate vel religione tonsuram, vel religioni debitam vestem in utroque sexu, filiis aut unus aut ambo parentes dederint, certe vel nolentibus aut nescientibus se susceptam, et non mox visam in filiis abdicaverint; sed vel coram se, vel coram ecclesia palamque in conventu eisdem filios talia habere permiserint, ad sæcularem reverti habitum ipsis filiis quandoque penitus non licet, sed convicti quod tonsuram aut religiosam vestem aliquando habuerint, mox ad religionis cultum habitumque revocentur, et sub strenua districtione hujusce observantiæ inservire cogantur. Parentibus sane filios suos religioni contradere non amplius, quam usque ad duodecimum ætatis eorum annum licentia poterit esse. Postea vero an voluntate parentum, an suæ devotionis solitarium sit votum, erit filiis licitum religionis assumere cultum. Quisquis autem vel abolitione tonsuræ, vel sæcularis vestis assumptione detectus fuerit attingisse transgressionem, excommunicationis censuram accipiat, et religioni semper inhereat.

CAP. 28. — *De illis qui semel in clero deputati sunt, aut monachorum vitam expetiverunt. Ex concilio Chalcedonensi, cap. 7 (actione 15).*

(20, q. 3, c. Eos qui semel.) Qui semel in clero deputati sunt, aut monachorum vitam expetiverunt, statuimus neque ad militiam, neque ad dignitatem aliquam venire mundanam; et hoc tentantes et non agentes pœnitentiam, quo minus redeant, ad hoc quod propter Deum primitus elegerunt, anathematizari.

CAP. 29. — *Ut canonici inter monachos conversantes, aut monachi fiant, aut canonicè vivere cogantur. Ex concilio Maguntensi, cap. 47 (Magunt. 1 sub Leone III, cap. 21).*

Præcipimus ut unusquisque episcopus sciat per singula monasteria, quantos quisque abbas canonicos in monasterio suo habeat; et hoc omnino ambo pariter provideant, ut si monachi fieri voluerint, regulariter vivant; sin autem, canonicè vivant omnino.

CAP. 30. — *Quod monachum paterna devotio, vel propria professio faciat. Ex concilio Toletano IV, cap. 48.*

(20, q. 1, c. *Monachum.*) Monachum aut paterna devotio, aut propria professio facit. Quidquid horum fuerit alligatum [al. allegatum], tenebit. Proinde his ad mundum revertendi intercludimus aditum, et omnes ad sæculum interdicimus regressus.

CAP. 31. — *De clericis qui se fingunt monachos esse. Ex eodem concilio (capitul. lib. 1, c. 77).*

(*De regular. tit. 31, c. Ut clericis.*) Ut clerici qui se fingunt habitu et nomine monachos esse, et non sunt, omnimodis corrigantur atque emendentur, ut vel veri monachi sint, vel veri canonici.

CAP. 32. — *Ut monacho sine consensu sui abbatis votumovere non liceat. Ex dictis Basilii.*

(20, q. 4, c. *Monacho.*) Monacho non licet votumovere sine consensu abbatis sui. Si autem voverit, frangendum erit.

CAP. 33. — *De virginibus quæ ante annos 12 insciis mundiburnis [mundiburdis] suis velamen sibi imposuerint. Ex concilio Triburienti, cap. 24.*

Virgines quæ ante 12 annos insciis mundiburnis [patronis, orig.] suis sacrum velamen capiti suo imposuerint, et illi mundiburni annum et diem hoc tacendo consenserint, in suo sancto proposito permaneant. Et si in prædicto anno et die pro illis se proclamaverint, petitioni eorum assensus præbeatur, nisi forte Dei timore tactæ [tacti], cum eorum licentia in religionis habitu perseverent.

CAP. 34. — *Ut clericus in qua ecclesia semel legerit, deinceps maneat. Ex concilio Africano, cap. 57.*

Item placuit ut quicumque in ecclesia vel semel legerit, ab alia ecclesia ad clericatum non teneatur.

CAP. 35. — *De viris ac feminis sacrum propositum ransgredientibus. Ex concilio Toletano VI, cap. 7.*

(20, q. 3, c. *Proclivis.*) Proclivis cursus est ad voluptatem, et imitatrix natura vitiorum. Quamobrem quisquis virorum vel mulierum habitum semel induerint spontaneæ religiosum, aut si vir deditus ecclesiæ choro, vel femina fuerit aut fuit delegata puellarum monasterio, in utroque sexu prævaricator ad propositum invitus reverti cogatur, ut vir detondeatur, et puella monasterium ingrediatur [ad mon. regrediatur, orig.]. Si autem quolibet patrocinio desertores permanere voluerint, sacerdotali sententia ita a Christianorum cœtu habeantur extorres, ut nec locus eis ullus sit communis [communio, orig.], viduas quoque universalis jamdudum statuit synodus professionis vel habitus sui desertrices, ut superiori sententia condemnentur.

CAP. 36. — *Quo tempore velamen sacris virginibus imponi debeat. Ex decreto Gelasii papæ, cap. 12 (cap. 14 ep. 9 ad episc. per Lucan.).*

(20, q. 1, c. *Devotis Deo virginib.*) Devotis quoque Deo virginibus nisi aut in Epiphania, aut in Albis paschalibus, aut in apostolorum natalitiis sacrum minime velamen imponatur (et non ante 25 annos, nisi forte sicut de baptismate dictum est) gravi langore correptis, ne sine hoc munere de sæculo exeant, implorantibus non negentur.

PATROL. CLXI.

CAP. 37. — *Quod non obsit episcopo, si pro necessitate ante 25 ætatis annum virginem velaverit. Ex concilio Milevitano, cap. 26 (Carth. III, c. 4, Africanum, c. 95).*

Item placuit ut quicumque episcoporum necessitate periclitantis pudicitie virginalis, cum vel petitor potens, vel raptor aliquis formidatur, vel si etiam aliquando mortis periculoso scrupulo compuncta fuerit, ne non velata moriatur, aut exigentibus parentibus, aut his ad quorum curam pertinet, velaverit virginem, seu velavit intra 25 annos ætatis, non ei obsit concilium, quod de isto numero annorum constitutum est.

CAP. 38. — *De monialibus quæ alias velare præsumunt. Ex decretis Eutychiani papæ, cap. 13 (in fragm., cap. 2).*

Nilominus etiam in quibusdam locis inolitum invenimus usum stultitiæ plenum, et ecclesiasticæ auctoritati contrarium, eo quod videlicet nonnullæ abbatissæ, et aliquæ ex sanctimonialibus viduis, et puellis virginibus contra fas velum imponere præsumant, et ideo nonnullæ injuste velatæ putant se liberius suis carnalibus desideriis posse inservire et suas voluntates explere. (20, q. 2, c. *Statuimus.*) Quapropter statuimus ut, si abbatissa aut quælibet sanctimonialis post hanc diffinitionem in tantam audaciam proruperit, ut aut viduam aut puellam virginem velare præsumperit, iudicio canonico usque ad satisfactionem subdatur.

CAP. 39. — *De virginibus, qua ætate velari debeant. Ex decretis Pii papæ.*

(20, q. 1, c. *Virgines.*) Ut virgines non velentur ante 25 annos ætatis, nisi forte necessitate periclitantis virginalis pudicitie. Et non sunt consecrandæ alio tempore, nisi in Epiphania et Albis paschalibus, et in apostolorum natalitiis, nisi causa mortis urgente.

CAP. 40. — *Quod desponsatam puellam non liceat alio viro dare; licere autem, si voluerit, monasterium ingredi. Ex decretis Eusebii papæ (in fragm., c. 1).*

(27, q. 2, c. *Desponsatam.*) Desponsatam puellam non licet parentibus dare alio viro; tamen monasterium licet eligere, si voluerit.

CAP. 41. — *Ut nullus incognitus cito in monasterium monachorum recipiatur. Ex concilio Toletano, cap. 5 (Capitular., lib. V, c. 227).*

(17, q. 2, c. *Si quis incognitus.*) Si quis incognitus monasterium ingredi voluerit, ante triennium monachi habitus ei non præstetur. Et si intra tres annos aut servus, aut libertus, vel colonus quæratur a domino suo, reddatur ei cum omnibus quæ attulit, fide tamen accepta de impunitate. Si autem intra triennium non fuerit requisitus, postea quæri non potest nisi sit tam longe quod inveniri non possit; sed tantum ea quæ in monasterio adduxit dominus servi recipiat.

CAP. 42. — *De virginibus sacris quæ propter strictiorem vitam ad aliud monasterium transire disposuerunt. Ex conc. Triburienti, cap. 26.*

(12, q. 4, c. *Virgines.*) Virgines sacre, si pro lucro animæ suæ propter districtiorem vitam ad

13

aliud monasterium ire disposerint ibique manere decreverint, synodus concedit; si vero fuga disciplinae alium locum quaesierint, redire cogantur.

CAP. 43. — *Quo vestitu virginis ad consecrationem venire debeant. Ex conc. Carthaginensi IV, cap. 11.*

(Dist. 23, c. Sanctimonialis.) Sanctimonialis virgo cum ad consecrationem episcopo suo offertur, in talibus vestibus applicetur, qualibus semper usura est professioni et sanctimoniali aptis.

CAP. 44. — *Ut praeter scientiam domini sui servus non efficiatur monachus. Ex concilio Arelatensi, cap. 3.*

Placuit in monasterio non esse suscipiendum servum ad monachum faciendum, praeter domini proprii voluntatem. Qui vero hoc constitutum nostrum excesserit, eum a communione suspendi decrevimus, ne nomen Domini blasphemetur.

CAP. 45. — *Ne quis causa religionis servum doceat contemnere dominum suum. Ex concilio Bracarenensi II, cap. 47 (Martinus Bracaren. c. 47).*

(17, q. 4, c. Si quis ser.) Si quis servum alienum causa religionis docet contemnere dominum suum, et recedere ab ejus servitio, durissime in omnibus arguatur, et ad poenitentiam compellatur.

CAP. 46. — *De fugitivis clericis seu monachis. Ex decretis Leonis papae.*

Fugitivum vero clericum, aut monachum desertentem disciplinam, velut contemptorem placitum revocare.

CAP. 47. — *De his qui cum semel tonsi fuerint, laici efficiuntur. Ex conc. Tolet. V, cap. 45 (Tol. IV, c. 54).*

Quicumque ex saecularibus accipientes poenitentiam se totonderunt, et rursus praevaticantes laici effecti sunt, comprehensi ab episcopo suo ad poenitentiam, ex qua recesserunt, revocentur. Quod si aliqui per poenitentiam irrevocabiles sunt, nec admoniti revertuntur, vere ut apostatae coram ecclesia anathematis sententia condemnentur; non aliter et hi qui tonsi collaudantibus parentibus fuerunt, aut sponte sua amissis parentibus seipso religioni devoverunt, et postea habitum saecularem sumpsissent, ut iidem a sacerdote comprehensi, ad cultum religionis, acta prius poenitentia, revocentur. Quod si reverti nolunt, vere ut apostatae anathematis sententiae subjiciantur. Quae forma servabitur etiam in viduis, virginibusque sacris, ac poenitentibus feminis, quae sanctimonialium habitum inducunt, et postea aut vestem mutaverunt, aut ad nuptias transierunt.

CAP. 48. — *Ne servus nesciente domino suo in monasterio recipiatur. Ex concilio Chalcedonensi, cap. 4 (actione 15).*

(16, q. 1, c. Qui vere.) Nullum vero recipere servum in monasteriis obtentu monachi, praeter domini sui conscientiam, licet.

CAP. 49. — *Quod non liceat Deo sacratis nuptialia jura contrahere. Ex concilio Chalcedonensi, cap. 16.*

(27, q. 1, c. Si qua virgo.) Virginem quae se Deo consecravit, similiter et monachum, non licere nu-

ptialia jura contrahere. Quod si hoc inventi fuerint perpetrantes, excommunicentur. Constitutibus autem decrevimus, ut habeat auctoritatem ejusdem loci episcopus, misericordiam humanitatemque largiri.

CAP. 50. — *Ut sine spe conjugii maneant, qui sanctimonialia in matrimonium duxerint. Ex epistola Paschalis papae, cap. 11.*

(27, q. 1, c. Hi ergo.) Hi qui scientes sanctimonialibus feminis in matrimonio sunt ad injuriam Christi copulati, juxta censuram Christiani zeli separantur, et nunquam eis concedatur jugali vinculo religari, sed in poenitentiae se lamentis vehementer, dum vivunt, afficiant.

CAP. 51. — *De virginibus sacris, quae praevaticatae sunt. Ex decreto Gelasii papae, cap. 20 (epist. 9, ad episc. Lucaniae, c. 22).*

(27, q. 1, c. Virginibus.) Virginibus sacris temere se quosdam sociare cognovimus, et post dictatum Deo propositum incesta foedera sacrilegaque miscere. Quos protinus aequum est a sacra communione detrueri; et nisi per publicam probatamque poenitentiam omnino non recipi, sed tamen his viaticum de saeculo transeuntibus, si digne [tamen, orig.] poenituerint, non negetur.

CAP. 52. — *Ut viduae velum sibi non imponant inconsulto episcopo suo, et ne presbyteri eis imponere praesumant, quod episcopis non licet. Ex concilio Rothomagensi, cap. 119.*

Statutum est viduas non debere velari. Simul et hoc statutum est ut si quisquam presbyterorum deinceps hujus constitutionis normae contumaciter transgressor extiterit, scilicet ut aliquas viduas velare praesumat, quia hoc et episcopis non licet, gradus sui periculum incurrat. Similiter et de puellis virginibus a presbyteris non velandis statutum est; ut si quis hoc facere tentaverit, tanquam transgressor canonum damnetur.

CAP. 53. — *Quod viduae sub nulla sint benedictione velandae. Ex decretis Gelasii papae, cap. 21 (cap. 23, ep. 9 ad episc. per Lucan.).*

Nam de viduis sub nulla benedictione velandis superius latius duximus disserendum. Quae si propria voluntate professam pristini conjugii castitatem mutabili mente calcaverint, periculi earum intererit, quali Deum debeant satisfactione placare, quia, juxta Apostolum, primam fidem irritam fecerunt (I Tim. V). Sicut enim si se forsitan continere non poterant, secundum Apostolum, nullatenus nubere vetabantur (I Cor. VII), sic habita secum deliberatione, promissam Deo pudicitiae fidem debuerunt custodire. (Ibidem) Nos autem nullum talibus laqueum debemus injicere, sed solas adhortationes praemii sempiterni paenasque proponere divini iudicii, ut nostra sit absoluta conscientia, et illarum pro se rationem Deo reddat intentio. Cavendum est quippe quod de earum moribus actibusque beatus Paulus testatur apostolus (I Tim. V), quod plenius exponere praeterimus, ne sexus instabilis non tam deterreri quam admoneri videatur.

CAP. 54. — *De viduis quæ semel sacratæ conversationis velamen susceperunt. Ex concilio Aurelianiensi, cap. 3.*

(27, q. 1, *Viduas quæ.*) Viduæ quæ spontanea voluntate ab altari sacræ conversationis velamen suscipiant, decrevit sancta synodus in eodem proposito eas permanere. Non enim fas esse decernimus, ut postquam se Domino semel sub velo consecraverint [*Hæc desunt apud Grat.*], et inter velatas oblationes fecerint, iterum eis concedi Spiritui sancto mentiri.

CAP. 55. — *Ut nullus viduas velare attentet. Ex concilio Magontiensi, cap. 6 (conc. Trib., c. 25).*

(27, q. 1, c. *Viduas. Gelas. c. 13, ep. 9.*) Viduas autem velare pontificum nullus attentet (*I Cor. vii*), prout statutum est in decretis Gelasii papæ c. 13, quod nec auctoritas divina, nec canonum forma præstitit. Quæ si propria fuerit voluntate continentiam professa, ut in ejusdem Gelasii c. 21 legitur, ejus intentio pro se reddat rationem Deo, quia sicut, secundum Apostolum, si se continere non poterat, et nullatenus nubere vetabatur, sic secum habita deliberatione promissam fidem pudicitia Deo debet custodire. Nos autem auctoritate Patrum suffulti in hoc sacro conventu sancimus et libere judicamus, si sponte velamen, quamvis non consecratum sibi imposuerit, et in Ecclesia inter velatas oblationem Deo obtulerit, velit nolit, sanctimoniam habitum ulterius habere debet, licet sacramento confirmare velit eo tenore et ratione velamen sibi imposuisse, ut iterum posset deponere.

CAP. 56. — *De nobilibus velatis quæ postea domi in deliciis residere delectantur. Ex concilio apud Aquisgranum Ludovico Pio præsentate, cap. 6 (in capitul. adjectis, additione 2, c. 15).*

De nobilibus feminis quæ amissis viris repente velantur, et in propriis domibus diversas necessitates opponentes residere delectantur, de quibus in aliis conventibus coram serenitate vestra jamdudum ventilatum est et definitum, majori solerisque studio admonendas et instruendas ab episcopis statuimus, quatenus suæ saluti consulant, nec sic indiscrete vivendo, et propria noxiæ libertate utendo, et per diversa vagando periculum animarum suarum incurrant, semper illud apostolicum ante oculos habentes quo dicitur: *Vidua, quæ in deliciis est, vivens mortua est (I Tim. v).*

CAP. 57. — *De his qui velatas et Deo sacratas in conjugium duxerint. Ex concilio Aurelianiensi, cap. 22 (cap. 23, conc. Triburien.).*

(27, q. 1, *Si quis sacro.*) Si quis sacro velamine consecratam in conjugium duxerit, et post dictatum Deo propositum incesta fœdera sacrilegaque miscuerit, ut in constitutis Gelasii papæ c. 20 legitur, protinus æquum est a sacra communione detrudi, et nisi per publicam probatamque pœnitentiam omnino non recipi. Si tamen pœniterint, transeuntibus de sæculo vaticum non negetur. In Chalcedonensi concilio, cap. 16, hoc perpetrantes excommunicantur; confluentibus autem auctoritate episcopi misericordia largiatur. In epistola Syricii papæ cap. 6,

et Deo consecratæ si abstracto proposito sanctitatis clanculum sacrilega se contagione miscuerint et illicitis complexibus publice et libere filios procreaverint, has nuptias detestabiles [impudicas detestabilesque personas, *orig. et Grat.*] a monasteriorum cœtu et ecclesiarum conventibus eliminandas esse judicatum est, quatenus detrusæ ergastulis tantum facinus continua lamentatione desceant. Unde verbo Domini et canonica auctoritate in hac sancta synodo præcipimus, ut omnimodo separentur, et juramento colligentur, ulterius sub uno non cohabitare tectum, nec familiari frui colloquio, excepto in ecclesia aut in publico, aut rem ullam habere communem, unde suspicio illecebrosi desiderii, aut scandalum libidinosi facti juste possit oriri. Si quæ etiam inter se dividenda sunt dividant, et uterque sua provideat et incestuosus sine spe conjugii maneat.

CAP. 58. — *De viduis quæ professam continentiam prævaricatæ sunt. Ex concilio Carthaginensi IV, cap. 4.*

(27, q. 1, c. *Sicut.*) Sicut bonum est castitatis præmium, ita et majori observantia et præceptione custodiendum est, ut si quæ viduæ, quamlibet adhuc in minoribus annis positæ, et in matura ætate a viro relicta, se devoverint Deo et veste laicali abstracta sub testimonio episcopi et Ecclesiæ religioso habitu apparuerint; postea vero ad nuptias sæculares transierunt, secundum Apostolum (*I Tim. v*), damnationem habebunt [habeant], quia fidem castitatis quam Deo voverunt, irritam facere visæ [nisæ, *alias ausæ, orig.*] sunt. Tales ergo personæ a Christianorum communione sequestrentur, neque etiam in convivio cum Christianis communicent. Nam, si adulteræ conjuges reæ sunt, si suis viris obnoxia [reatu sunt viris suis obn., *orig.*] fuerint, quanto magis viduæ, quæ Dei religiositate mutaverunt, crimine adukeritii notabuntur, si devotionem quam sponte nec coacte Deo obtulerunt, libidinosam voluntate [voluptate, *orig.*] corruperint, atque ad secundas nuptias transitum fecerint? Quæ etsi violentia irruente ab aliquo oppressæ fuerint, ac postea delectatione libidinis permanere in conjugio raptori, vel violento viro consenserint, damnatione superius dicta teneantur obnoxia. De talibus ait Apostolus: *Cum enim luxuriatæ fuerint in Christo, nubere volunt, habentes damnationem, quia primam fidem irritam fecerunt (I Tim. v).*

CAP. 59. — *De eodem. Ex decretis Zepherini papæ, cap. 4 (conc. Aquisgran., c. 35).*

Ut viduæ in deliciis non sint, sed secundum Apostolum sub potestate episcopi vivant: *Præcipe, inquit, ut viduæ irreprehensibiles sint. Vidua deligatur non minus sexaginta annorum, in operibus bonis testimonium habens: Si filios educavit (I Tim. v), et cætera. Adolescentiores viduas devota. Cum enim luxuriatæ fuerint in Christo, nubere volunt, habentes damnationem, quia primam fidem irritam fecerunt, simul et otiosæ loquentes quæ non oportet. Volo ergo juniores nubere, filios procreare, matres familias*

esse, nullam occasionem dare adversario maledicti gratia. Jam enim quædam conversæ sunt retro post Satanam (ibid.).

CAP. 60. — *Ne feminae, quarum mariti obierunt, cito se velent. Ex concilio Aurelianensi, cap. 5 (Capitul. lib. 1, c. 102).*

De feminis quæ viros amittunt, placet ne se (sicut hactenus) indiscrete velent, sed xxx dies post decessum viri sui expectent, et post tricesimum diem, per consilium episcopi sui, vel si episcopus absens fuerit, consilio aliorum religiosorum sacerdotum, suorumque amicorum id quod eligere debent, eligant. Et ut rogetur princeps a sacro conventu, ut hi qui publicam egerint penitentiam, et feminae quæ viros amittunt, sua auctoritate donentur, deliberent quid agant, tueantur et specialiter pro his capitula fieri, et legis mundanæ capitulis inserenda decrevimus.

CAP. 61. — *Ut viduitatis professio coram episcopo fiat. Ex concilio Arausic., cap. 6 (conc. Araus. 1, cap. 27).*

(27, q. 1, c. Viduitatis.) Viduitatis servandæ professionem coram episcopo in secretario habitam, imposita coram episcopo veste viduali non esse violandam. Ipsam autem talis professionis desertricem, merito damnandam esse decernimus.

CAP. 62. — *Ut nullus vetet viduas nubere, si voluerint. Ex concilio Toletano III, cap. 10.*

(32, q. 2, c. Hoc sanctum.) Pro consulto castitatis, quod maxime hortamento concilii proficere debeat, annuente glorioso domino nostro Recaredo rege, hæc sanctum confirmat [affirmat, orig. et Grat.] concilium, ut viduæ, quibus placuerit tenere castitatem, nulla vi ad nuptias iterandas venire cogantur. Quod si priusquam profiteantur continentiam, nubere elegerint, illis nubant, quos propria voluntate voluerint habere maritos. Similis conditio et de virginibus habeatur, nec contra voluntatem parentum vel suam cogantur maritos accipere. Si quis vero propositum castitatis viduæ vel virginis impederit, a sancta communionem et a liminibus ecclesiæ habeatur extraneus.

CAP. 63. — *Ut viduæ a proposito viduitatis discedentes excommunicentur. Ex epistola sancti Gregorii papæ missa ad Bonifacium (capitul. addit. 4, c. 65 [suis]).*

(27, q. 1, c. Viduas.) Viduas a proposito discedentes viduitatis, super quibus nos consulere voluit dilectio tua, frater charissime, credo te nosse a sancto Paulo et a multis sanctis Patribus, nisi convertantur, olim esse damnatas, quas et nos apostolica auctoritate damnandas, et a communionem fidelium, atque a liminibus ecclesiæ arcendas fore censemus, usquequo obediant suis episcopis, et ad bonum quod cœperunt, invitæ aut voluntariæ revertantur. De virginibus autem non velatis si devierint, a sanctæ memoriæ prædecessore nostro papa Innocentio taliter decretum habemus: Hæc vero quæ necdum sacro velamine tectæ, tamen in proposito virginali semper se simulaverunt permanere, licet veatæ non fuerint, si nuperint, aliquanto tempore

A his agenda pœnitentia est, quia sponsio earum a Domino tenebatur. Si enim inter homines solet bonæ fidei contractus nulla ratione dissolvi, quanto magis ista pollicitatio quam cum Deo pepigit solvi sine vindicta non poterit, etc. Nam, si virgines nondum velatæ taliter pœnitentia publica puniuntur, et a cœtu fidelium usque ad satisfactionem excluduntur, quanto potius viduæ, quæ perfectioris ætatis et maturioris sapientiæ atque consilii existunt, virorumque consortio multoties usæ sunt, et habitum religionis assumpserunt, et demum apostataverunt, atque ad priorem vomitum sunt reversæ (II Petr. II), a nobis et ab omnibus fidelibus a liminibus ecclesiæ et a cœtu fidelium usque ad satisfactionem sunt eliminandæ, et carceribus tradendæ, B qualiter juxta B. apostolum Paulum tradentes hujusmodi hominem Satanæ in interitum carnis, ut spiritus salvus sit in die Domini (I Cor. v). De talibus enim et Dominus per Moysen loquitur (Deut. XXI), dicens: Auferte malum de medio vestri. De quibus et per Prophetam ait: *Lætabitur justus cum viderit vindictam, manus suas lavabit in sanguine peccatoris (Psal. LVII).* De talibus nemque et eorum similibus, atque eisdem consentientibus dicitur: *Quia non solum qui faciunt, sed etiam qui consentiunt facientibus, rei judicandi sunt (Rom. 1).*

CAP. 64. — *Ut viduæ velatæ ad nuptias non transiant. Ex decretis Gelasii papæ, ad Sicilienses episcopos, cap. 9.*

(27, q. 1, c. Neque viduas.) Neque viduas ad nuptias transire patimur, quæ in religioso proposito diuturna observatione permanserunt. Similiter et virgines nubere prohibemus, quas annis plurimis in monasterio ætatem peregrisse contigerit

CAP. 65. — *De vidua quæ sub obtentu religionis velum sibi ad tempus imposuerit. Ex epistola Nicolai papæ, cap. 5 (inter rescripta Nic. 1, tit. 13, c. 1).*

(Dist. 27, c. Quod interrogasti.) Nicolaus episcopus servus servorum Dei reverendissimo et sanctissimo confratri nostro Adalwino sanctæ Viennensis [Vinanensis] Ecclesiæ archiepiscopo. Quod interrogasti de femina, quæ post obitum mariti sui velamen sacrum super caput suum imposuit, et finxit se sub eodem velamine sanctimoniale esse, postea D vero ad nuptias rediit, bonum mihi videtur, quia per hypocrisim ecclesiasticam regulam conturbare voluit, et non legitime in voto suo permansit, ut pœnitentiam agat de illusionem nefanda, et revertatur ad id quod spondit, et in sacro ministerio inchoavit. Nam, si consenserimus quod omnia sacramenta ecclesiastica, quisque prout vult fingat, et non vere faciat, omnis ordo ecclesiasticus conturbabitur, nec catholicæ fidei jura consistent, nec canones sacri rite observantur. Quid enim profuit Simoni Magi baptismum sacrum fecte suscipere, et in Christianitate permansurum se fluxisse, cum per Apostolum fraude ejus detecta, quid sibi futurum esset prænuntiatum est! Ait enim: *Pecunia tua tecum sit in perditionem, cor enim tuum non est rectum co-*

ram Deo. Pœnitentiam itaque age ab hac nequitia tua, et roga Deum, si forte remittatur tibi hæc cogitatio cordis tui. In felle enim amaritudinis et obligatione iniquitatis video te esse (Act. viii). Ideo tales nisi resipiscant, spirituali gladio percutere censemus. Non enim fas est Spiritui sancto mentiri, sicuti Ananias et Saphira mentiti sunt, et statim perierunt (Act. v).

CAP. 66. — *De viduis et puellis quæ in domibus propriis habitum religionis susceperunt. Ex concilio Toletano IV, cap. 57 (conc. Paris. v, c. 15, Capitulum lib. VII, c. 257).*

(27, q. 1, c. De viduis et.) De viduis et puellis quæ habitum religionis in domibus propriis tam a parentibus, quam per se mutaverunt, si postea contra instituta Patrum vel præcepta canonum conjugia crediderint copulanda, tandiu utriusque [utraq;ue, Grat.] habeantur a communione suspensi [suspensæ, Grat.], quo usque quod illicite perpetraverunt, emendent. Quod si emendare neglexerint, a communione et omnium Christianorum convivio in perpetuum sint sequestratæ.

CAP. 67. — *Quod sanctus Gregorius quamdam feminam velutam, quæ sacrum propositum transgressa erat comprehendi iusserit. Ex registro Gregorii ad Vitalianum Sipontinum episcopum (lib. VII registri, c. 9).*

(27, q. 1, c. Si custos.) Si custos religiosi habitus fuisses, aut esse nosset episcopus, filiam gloriose memorie Tulliani magistri militie, te illic posito, nec projectis religiosis vestibus ad sæcularem reverti habitum, nec ad nos licuisset perversam epistolam destinare. Sed, quia nimia desidia ac torpore deprimeris, in tuo dedecore ad præsens illicita impune commissa est. Nam, sicut præfati sumus, si sollicitus esses, prius ad nos ultio mulieris pravisimæ quam culpa debuit pervenire. Quia igitur tantum babes, tantumque es negligens, ut nisi canonicam in te fueris coercionem expertus, in aliis districtiorem disciplinam nescias custodire, qualiter debeas esse sollicitus, congrue tibi, si Domino placeat, tempore demonstrabimus. Præsentia igitur scripta suscipiens evigila, et excitatus saltem exsequere, quod pressus nunc usque ignavia distulisti. Instantiæ ergo tuæ sic prædictam mulierem una cum Sergio defensore [nostro, orig.] comprehendere, et statim non solum ad male contemptum habitum sine excusatione aliqua revocare, sed etiam in monasterio, ubi omnino districte valeat custodiri, detrudere, et ita omnem circa illam sollicitudinem exhibere, ut quam sit nefarium quod commisit ex tua possit districtione cognoscere. Qua in re si quis (quod non credimus) laicorum aliquo tibi ingenio tentaverit obstendum, a sanctissimæ eum communionis participatione suspende, nobisque renuntiare festina ut quantum sit execrabile quod præsumit, postquam consideratione propria non advertit, emendationis qualitate cognoscat. In his autem omnibus ita cautum ac stude vigilantem te ostendere, ut culpam tuam non geminare neglectus, sed aliquantisper valeat et sollicitudo minuere.

A CAP. 68. — *De viduis velatis si voluptatibus carnis inservire accusantur. Ex concilio Meldensi, cap. 2 (sub Sergio II, cap. 70).*

Ut illæ quæ quasi sanctimoniales sub velamine religionis degere videntur, sed potius in deliciis viventes mortuæ in divinis oculis computantur, per provincias discurrentes curiosæ [otiosæ] et verbosæ, si libidinibus cæterisque carnis voluptatibus inservire accusantur, si manifeste detegi potuerint, episcopali auctoritate et regia potestate, in talibus locis residere sub testimonio religioso cogantur, ubi pœnitentiam si fecerint dignam, assequantur etiam fructuosam. Si enim manifeste detegi non valuerint, erga ecclesiam suæ opinionis malam famam canonicè purgare cogantur; et ut religiosius de cætero vivant, et in monasteriis conserventur, episcopali decreto et regia potestate coerceantur. De his enim Apostolus dicit: Quæ cum fornicatæ fuerint in Christo, nubere volunt (I Tim. v).

CAP. 69. — *Ut sacrilegi judicentur, qui se sacris feminis miscuerint. Ex concilio Arelatensi, cap. 7 (in fragm.).*

(27, q. 1, c. Sciendum.) Sciendum est omnibus quod Deo sacratarum feminarum corpora, per votam propriæ sponsionis et verba sacerdotis, Deo consecrata templa esse, Scripturarum testimoniis comprobantur: et ideo violatores earum, sacrilegi ac juxta Apostolum filii perditionis esse noscuntur (I Cor. iii).

CAP. 70. — *De his qui sanctimoniales virgines vel viduas rapiunt. Ex concilio Meldensi, cap. 6 (cap. 67).*

Qui sanctimoniales virgines, vel viduas rapiunt, et progressu etiam criminis in conjugium sumunt, publicæ pœnitentiæ subigantur [juxta modum quibus præviderit episcopus, orig.] Ipsæ vero feminæ locis congruis pœnitentiæ retrudantur, et ad habitum religionis redire cogantur. Ipse autem incestuosus sine [uterque autem sine, orig.] spe uxoriæ copulationis perenniter maneat, nisi nescisse se velatam expurgare potuerit [hæc absunt ab orig.]. Si vero, quod absit! conjugia iterare præsumserint, acriori strūdantur vindictæ, et amplius propellantur. Quod [qui, orig.] si forte obedire monitis salutaribus noluerint, anathematizentur.

CAP. 71. — *Quod clerici et laici cum bono testimonio cum sacris puellis loqui debeant. Ex concilio Spalensi, cap. 10.*

Hæc cautela circa omnes servetur, ut laici remoti a peculiaritate virginum, nec usque ad vestibulum habeant accedendi familiare permissum. Nec ipse qui præest cum sola colloqui debet, sed sub testimonio duarum aut trium sororum, ita ut rara sit accessio, brevisque locutio.

CAP. 72. — *Quod mulieres velatæ aut in monasteriis aut in domibus suis habitum observent. Ex decretis Eugenii papæ, cap. 26.*

(27, q. 1, c. Mulieres.) Mulieres obtentu religionis velatæ, aut in monasterio regulariter vivant, aut in domibus suis susceptum habitum caste observent.

CAP. 73. — *Ut adolescentiores viduæ, vel sanctimoniales ab episcopo non negligantur. Ex concilio Carthaginensi IV, cap. 102.*

(*Dist. 81, c. Ad reatum.*) Ad reatum episcopi pertinet vel presbyteri, qui parœciæ præest, si sustentandæ ab Ecclesia vitæ præsentis causa adolescentiores viduæ, vel sanctimoniales, eorum [clericorum, orig.] familiaritatibus subjiciantur.

CAP. 74. — *Ut unusquisque episcopus clericos in suo episcopio vagantes ad suum episcopum redire faciat. Ex concilio Magontiensi, cap. 19.*

Ut unusquisque episcopus in sua parœcia diligenter presbyteros vel clericos inquirat unde sint, et si aliquem fugitivum invenerit ad suum episcopum redire faciat.

CAP. 75. — *Item de clericis vagis. Ex eodem, cap. 18 (cap. 22).*

De clericis vagis seu acephalis, id est de his qui sunt sine capite, neque in servitio Domini nostri, neque sub episcopo, neque sub abbate, sed sine canonica vel regulari vita degentes, ut in libro (*Isidor.*) Officiorum secundo, cap. 3 de his dicitur: Hos neque inter laicos, inter sæcularium officiorum studia, neque inter clericos religio retentat divina, sed solutos atque oberrantes sola turpis vita complectitur et vaga; quique dum nullum metuunt, explendæ voluptatis suæ licentiæ sectantur, et quasi animalia bruta libertate ac desiderio feruntur, habentes signum religionis non religionis officium, hippocentauris similes, nec equi nec homines: tales omnino præcipimus ut ubicunque inventi fuerint, episcopi sine ulla mora eos sub custodia constringant canonica, et nullatenus eos amplius ita errabundos et vagos secundum desideria voluptatum suarum vivere permittant. Sim autem episcopis suis canonice obedire noluerint, excommunicentur usque ad iudicium episcopi [archiep., orig.] regionis illius. Sin autem nec illi eos corrigere valuerint, omnino sub vinculis constringantur usque ad synodum, ut eis ibi iudicetur, utrum ad iudicium principis [domini nostri, orig.], an ad universalem synodum deferantur sub custodia publica.

CAP. 76. — *Ut sanctimoniales non egrediantur sine licentiâ abbatissæ. Ex eodem concilio, cap. 13, cui interfuerunt Carolus imperator, et Richolfus archiepiscopus in claustris Sancti Albani.*

Abbatissas autem cum sanctimonialibus omnino recte et iuste vivere censemus. Quæ vero professionem secundum regulam Sancti Benedicti fecerunt, regulariter vivant. Sii autem canonice vivant pleniter, et sub diligenti cura custodiam habeant, et in claustris suis permaneant, nec foras exitum habeant. Sed et ipsæ abbatissæ in monasteriis sedeant, nec foras vadant sine licentiâ et consilio episcopi sui.

CAP. 77. — *Ut sanctimoniales non egrediantur sine licentiâ abbatissæ. Ex eodem conc., cap. 14 (conc. Cabillon. II sub Carolo Magno, c. 62).*

Sanctimoniales, nisi forte abbatissa sua pro aliqua necessitate incumbente illas mittente, nequaquam de monasterio egrediantur. Hæ vero quæ fa-

mulos aut famulas non habent ad exercenda negotia, ad mediam monasterii portam perveniant, et ibi coram testibus negotium suum exerceant.

CAP. 78. — *De feminis quæ propter continentiam assumunt virilem habitum. Ex conc. Gangrensi, cap. 13.*

(*Dist. 30, c. Si qua mulier.*) Si qua mulier propter continentiam quæ putatur, habitum mutat, et pro solito muliebri amictum virilem sumit, anathema sit.

CAP. 79. — *De illo qui virginitatem observans, nuptias exsecratur. Ex eodem concilio, cap. 9.*

(*Dist. 30, c. Si quis vel.*) Quicumque virginitatem custodiens, aut continentiam studens, velut horrescens nuptias temerat, nec propter hoc quod bonum et sanctum est, nomen virginitatis assumit, anathema sit.

CAP. 80. — *De feminis quæ propter religionem crines totonderunt. Ex eodem concilio, cap. 17.*

(*Dist. 30, c. Quæcunque mulieres.*) Si qua mulier propter divinum cultum ut existimat, crines attondet, quos ei Deus ad subjectionis memoriam tribuit, tanquam præceptum dissolvens obedientiam, anathema sit.

CAP. 81. — *De illis qui propter continentiam pallii vestiuntur. Ex eodem, cap. 12.*

(*Dist. 30, c. Si quis virorum.*) Si quis virorum, propter continentiam quæ putatur, amictu pallii utitur, quasi per hoc habere se justitiam credens, et despicit eos qui cum reverentia et birris, et aliis communibus et solitis vestibus utuntur, anathema sit.

CAP. 82. — *Ne continens adversus conjugatos extollatur. Ex eodem concilio, cap. 10.*

Si quis ex his qui virginitatem servant propter Deum, extollitur adversus conjugatos, anathema sit.

CAP. 83. — *Quod non sit permittendum monachos et monachas in eodem monasterio simul habitare. Ex registro sancti Gregorii.*

In nullo loco monachos et monachas permittimus unum monasterium habere; sed nec ea quæ duplicia vocant. Et si quid tale est, religiosus episcopus mulieres quidem in suo loco studeat manere, monachos autem aliud monasterium ædificare cogat. Si autem plurima sint talia monasteria, separantur in aliis monasteriis monachæ, et in aliis monachi. Res autem quas habent communes, secundum jura eis competentia distribuantur.

CAP. 84. — *Episcopi monasteria monachorum et monacharum frequenter visitent. Ex concilio Rothomagensi, cap. 3.*

Ut episcopus monasteria monachorum et sanctimonialium frequenter introeat, et cum gravibus et religiosis personis in eorum vel in carum conventu residens, eorum vitam et conversationem diligenter discutiatur; et si quid reprehensibile invenerit, corrigere satagat. Sanctimonialium etiam pudicitiam subtiliter investiget, et si aliqua invenitur quæ neglecto proposito castitatis clerico aut laico impudenter miscetur, acriter verberibus coerceatur, et in privata custodia retrudatur, ubi quod male ad

misit digne poeniteat. Interdicat etiam ex auctoritate sanctorum canonum ut nullus laicus aut clericus in earum claustris et secretis habitationibus accessum habeat, neque presbyteri, nisi tantum ad missam. Expleta missa ad ecclesias suas redeant. Omnibus præterea publice et privatim denuntiet, quantum piaculum sit, qui sponsam Christi vitare præsumit. Si enim ille reus tenetur, qui sponsam hominis violat, quanto magis reus majestatis efficitur, qui sponsam omnipotentis Dei corrumpit?

CAP. 85. — *Ut abbates in potestate episcoporum consistent. Ex concilio Aurelianensi, cap. 3 (Aurel. 1, c. 21).*

(18, q. 2, c. *Abbales.*) Abbates pro humilitate religionis in episcoporum potestate consistent, et si quid extra regulam fecerint, ab episcopis corrigantur. (Et c. *Non semel.*) Non semel, sed sæpius in anno episcopi visitent monasteria monachorum, et si quid corrigendum fuerit, corrigatur. Monachi autem abbatibus omni obedientia et devotione subjaceant. Quod si quis per contumaciam exstiterit indevotus, ac per loca aliqua vagari, aut peculiare aliquid habere præsumperit, omnia quæ acquisierit ab abbatibus auferantur, secundum regulam Sancti Benedicti, monasterio profutura. Ipsi autem qui fuerint pervagati, ubi inventi fuerint, cum auxilio episcopi tanquam fugaces, sub custodia revocentur et constringantur.

CAP. 86. — *De monachis qui filios procreaverint. Ex dictis Isidori.*

Monachi filios procreantes in carcerem retrudantur tantum facinus continua lamentatione descentes, ut eis vel ad mortem sola misericordia in communionis gratia possit indulgeri.

CAP. 87. — *De sanctimonialibus quæ rim barbaricam pertulerunt. Ex decretis Leonis papæ (epist. 87, ad episc. Africanos, c. 2).*

De his autem quæ in sacro virginitatis proposito constitutæ barbaricam pertulere violentiam, et integritatem pudoris non animo, sed corpore perdere, ea nobis videtur servanda moderatio, ut neque in viduarum dejiciantur gradum, neque in sacrarum et perseverantium virginum numero censeantur. Quibus, si in omnibus virginalibus observationibus perseverant, et castimoniarum soliditatem custodiant, sacramentorum non est neganda communio, quia injustum est illas in eo vel argui vel notari, quod non voluntas admisit, sed vis hostilis eripuit.

CAP. 88. — *De quadam abbatisa, quæ se proclamaverat super militibus in claustro suo hospitantibus. Ex registro Gregorii ad Fortunatum episcopum Neapolitanum (l. vii, ind. 2, c. 107; alias ep. 108).*

Insinuavit nobis latrrix præsentium Agnella abbatisa quod intra monasterium ipsius milites hospitentur. Et omnino de fraternitatis vestræ sollicitudine mirati sumus, cur hoc patienter tulerit, et non illud cum omni celeritate fecerit emendare. Unde hortamur, ut vel nunc studii vestri sit, inquantis eis, quorum interest, imminere, quatenus

A sine aliqua exinde excusatione tollantur, et nullus illic ulterius meatum accipiat, ne callidus hostis occasionem inveniens, de deceptione religiosi habitus (quod absit) valeat exsultare.

CAP. 89. — *Quod res ecclesiasticæ a laicis non sint disponendæ. Ex concilio apud Compendium, cap. 10.*

Synodali decreto sancitum est ne laici vel sæculares de viris Deo dicatis Ecclesieque facultatibus aliquid ad se putent vel præsumant præter reverentiam pertinere, quorum quarumque sacerdotibus disponendi indiscusse a Deo cura commissa esse docetur. Si quis contra hæc venire præsumperit, anathemate feriatur.

CAP. 90. — *De eodem. Ex eodem concilio, cap. 3.*

De viris Deo dicatis, vel ecclesiasticis facultatibus aliquid disponendi, nulla legitur laicis quamvis religiosis unquam attributa facultas.

CAP. 91. — *Ne abbates ad synodum ire cogantur, nisi pro rationabili causa. Ex conc. Turonico, cap. 11.*

(Dist. 18, c. *Episcopus*, c. 10.) Episcopus non debet cogere abbatem ad synodum ire, nisi aliqua rationabilis causa consistat.

CAP. 92. — *Ut congregationes monachorum absque consensu episcopi non fiant. Ex concilio Epaonensi cap. 11 (et Agath. 58).*

(18, q. 2, c. *Cellulas.*) Cellulas novas aut congregatiunculas monachorum absque notitia episcopi prohibemus institui.

CAP. 93. — *De virginibus sacris quæ parentibus privantur. Ex concilio Africano, cap. 11 (et Carth. III, c. 33).*

Ut virgines sacræ, si parentibus a quibus custodiebantur privatæ fuerint, ab episcopo custodiantur. Ubi autem episcopus absens est, providentia gravioribus feminis commendetur, ut simul habitantes invicem se custodiant, ne passim vagando Ecclesie lædant æstimationem [existimat., orig.].

CAP. 94. — *Quis sit religiosis feminis præponendus. Ex concilio Carthaginensi, cap. 27 (Carth. IV, c. 97).*

(18, q. 2, c. *Qui religiosis.*) Qui religiosis feminis præponendus sit, ab episcopo probetur.

CAP. 95. — *Quid sanctimoniales in claustro facere debeant. Ex concilio Magontensi (conc. Cabillon. II, sub Carolo Magno, c. 59).*

Sanctimoniales in monasterio constitutæ habeant studium in legendo, et in cantando; et horas canonicas solemniter pariter celebrent, et omnes, exceptis quas infirmitas tenet, in dormitorio dormiant, et omnibus diebus ad capitulum et ad collationem veniant, et regulam a sanctis Patribus illis constitutam diligenter observent.

CAP. 96. — *Ut nullus claustro sanctimonialium ingrediatur, nisi ad opera exercenda. Ex eodem conc., cap. 16 (conc. Cabillon. II).*

Nullus vassus abbatisæ, aut minister aliquis nec clericus, nec laicus claustro ancillarum Dei ingrediatur, nisi forte quando necessitas operandi incumbit.

- CAP. 97.** — *Ut janitrix non eligatur, nisi boni testimonii. Ex eod. cap. 11 (conc. Cabillon. II, c. 64).*
Portaria non eligatur, nisi quæ ætate matura sit, et testimonium habeat bonum, et vitæ probabilis sit.
- CAP. 98.** — *Ut abbatisa nisi per licentiam sui episcopi, e monasterio non egrediatur. Ex concilio Gangrensi, cap. 8 (conc. Cabillon. II, c. 57).*
Abbatisa, quæ in civitate monasterium habet, nequaquam de monasterio egrediatur, nisi per licentiam episcopi sui. Et si quando foras pergit, de sanctimonialibus quas secum ducit curam maximam habeat, ut nulla eis detur occasio peccandi.
- CAP. 99.** — *Ut nullus abbas duobus monasteriis præsit. Ex conc. Arausic., cap. 54 (conc. Agath., c. 57).*
(21, q. 1, c. Unum.) Unum abbatem duobus monasteriis interdicimus præsidere.
- CAP. 100.** — *Ut monachi vel monachæ compadres non habeant. Ex concilio Augustodunensi, cap. 5.*
Ut monachi et monachæ compadres habere non præsumant.
- CAP. 101.** — *Quod feminæ in conventu docere non possint. Ex concilio Carthaginensi, cap. 1 (conc. Carth. IV, 99).*
(Dist. 22, c. Mulier.) Mulier quamvis docta, in conventu docere non audeat.
- CAP. 102.** — *Quod feminæ pœnitentiam dare non possint, nec inter sacerdotes in convivio sedere. Ex conc. Remensi, cap 5, præsentate Ludovico imper.*
Femina non det pœnitentiam nec corporale cum oblatione, nec calicem super altare ponat, nec inter ordinatos stet in ecclesia, nec sedeat inter sacerdotes in convivio.
- CAP. 103.** — *De mulieribus virorum causas discutientibus. Ex concilio Nannetensi, cap. 8 (sub Formoso, c. 19).*
Cum Apostolus dicat : *Mulieres in ecclesia taceant non enim permittitur eis loqui : turpe est enim mulieri in ecclesia loqui (I Cor. XIV) :* loqui ; mirum videtur quod quædam mulierculæ contra divinas humanasque leges attrita fronte impudenter agentes, placita generalia et publicos conventus indesinenter adeant, et negotia regni utilitatesque reipublicæ magis perturbent, quam disponant : cum indeceus sit, et etiam apud barbaras gentes reprehensibile mulieres virorum causas discutere, et quæ de lanificiis suis operibus textilibus et muliebribus, inter genitiaris suas residentes debuerant disputare, in conventu publico, ac si in curia residentes, senatoriam sibi usurpant auctoritatem. Quæ ignominiosa præsumptio fautoribus magis imputanda videtur, quam feminis. Unde, quia divinæ leges, ut supra monstratum est, hoc contradicunt, et humanæ nihilominus idipsum prohibent, ut feminæ nihil aliud prosequantur in publico, quam suam causam : ait enim lex Theodosiana : Nulla ratione feminæ amplius quam suas causas agendi habeant potestatem, nec alicujus causam a se noverint prosequendam, idcirco ex auctoritate canonica interdicimus,
- A** ut nulla sanctimonialis virgo vel vidua conventus generales adeat, nisi a principe fuerit evocata, aut ab episcopo suo, nisi forte propriæ necessitatis ratio impulerit, et hoc ipsum cum licentiâ et nuntio [et nun. *desunt in origin.*] episcopi sui.
- CAP. 104.** — *Quod abbas pro humilitate locum suum relinquere possit. Ex concilio Magontensi, cap. 18.*
(18, q. 2, c. Abbas potest.) Abbas potest pro humilitatione, et cum permissione episcopi locum suum deserere [derelinquere]. Tamen fratres eligant sibi abbatem de ipsis, sin autem de extraneis. Nec episcopus debet abbatem violenter retinere in loco suo. Congregatio debet sibi eligere abbatem post mortem abbatis sui, vel eo vivente, si ipse discesserit, vel peccaverit. Ipse enim non potest aliquem ordinare de suis propinquis, vel amicis, sine voluntate fratrum.
- CAP. 105.** — *Quod laicus in ecclesia lectionem recitare non possit. Ex eodem, cap. 9 (inter Herardi Tur. arch. capitula, c. 156).*
Laicus non debet in ecclesia lectionem recitare, nec Alleluia dicere, nisi psalmos tantum et responsoria, sine Alleluia.
- CAP. 106.** — *Quod non liceat episcopo rem monasterii abstrahere. Ex eodem concilio, cap. 20.*
(16, q. 6, c. Episcopo.) Episcopo non licet tollere possessionem monasterii, quamvis abbas peccaverit ; sed mittat eum in aliud monasterium in potestatem alterius abbatis.
- CAP. 107.** — *Ne monachi placita sæcularia adeant. Ex eodem concilio, cap. 21 (conc. Magant. I, c. 12 ; c. 65 Regulæ S. Benedicti).*
Ac deinde decrevimus, sicut sancta regula dicit, ut monasterium ubi fieri possit, per decanos ordinetur : quia illi præpositi sæpe in elationem incidunt, et in laqueum diaboli (I Tim. III). Hoc tamen omnino volumus ut non monachi ad sæcularia placita ullatenus veniant neque ipse abbas sine licentiâ episcopi sui : et cum necessitas exigit, tunc per jussionem et consilium episcopi sui illuc vadat. Nequaquam tamen contentiones aut lites aliquas ibi movere præsumat, sed quidquid quærendum vel etiam respondendum sit, per advocatos suos hoc faciat. Abbates et monachi usque ad interrogationem silentium habeant et cum interrogantur cum humilitate et reverentia respondeant ; alias querias omnino devitent. In eorum claustro permaneant, nullusque ex eis foras vadat, nisi per necessitatem ab abbate mittatur in obedientiam, nec foras manduct neque bibat sine permissione abbatis, nec ad convivia sæcularia vadat.
- CAP. 108.** — *Quæ sint sæcularia negotia. Ex eodem, cap. 22 (ibid., c. 14).*
Ministri autem altaris Domini vel monachi, nobis placuit, ut a negotiis sæcularibus omnino abstineant. Multa sunt ergo negotia sæcularia ; de his tamen pauca perstringamus, ad quæ pertinet omnis libido, non solum immunditia carnis, sed etiam omnis carnalis concupiscentia. Quidquid plus justo appetit homo, turpe lucrum est. Muera iniusta ac-

capere vel etiam dare, pro aliquo sæculari conquestu, pretio aliquem conducere, contentiones, lites et rixas amare, in placitis sæcularibus disputare excepta defensione orphanorum aut viduarum, conductores aut procuratores esse sæcularium rerum, turpis verbi vel facti jaculatorem [jocularum] diligere, aleas amare, ornamentum inconueniens proposito suo quærere, in deliciis vivere velle, gulam et ebrietatem sequi, pondera iniusta vel mensuras habere, negotium iniustum exercere. Nec tamen justum negotium est contradicendum, propter necessitates diversas, quia legimus sanctos apostolos negotiasse, et in Regula Sancti Benedicti (cap. 57) præcipitur prævidere, per quorum manus negotium monasterii transcat. Canes et aves sequi ad venandum, et in omnibus quibuslibet causis superfluum esse. Ecce talia, et B his similia ministris altaris Domini nec non et monachis omnino contradicimus, de quibus dicit Apostolus: *Nemo militans Deo implicat se negotiis sæcularibus* (II Tim. 1).

CAP. 109. — *De clericis vel monachis injuste tonsuratis. Ex eodem conc., cap. 23.*

De clericis vero hoc statuimus, ut hi qui hactenus inventi sunt, sive in canonico, sive in monachico ordine tonsurati sine eorum voluntate, si liberi sunt, ut ita permaneant; et deinceps cavendum ut nullus tondeatur nisi legitima ætate, et spontanea voluntate, vel cum licentia domini sui, vel consensu parentum.

CAP. 110. — *Ut episcopi vel abbates turpes jocos ante se fieri non permittant. Ex eodem, cap. 24 (conc. Rem. 1, c. 17).*

Ut episcopi vel abbates ante se joca turpia fieri non permittant, sed pauperes secum ad mensam habeant, et lectio divina ibi personet, et sumant cibum cum benedictione et laude Domini secundum Apostolum: *Sive manducatis, sive bibitis, omnia in laudem Dei faciat* (I Cor. x).

CAP. 111. — *De illis qui ab episcopis seu ab aliis seducti se tonderunt. Ex eodem, cap. 25 (Cabilon. 11, c. 17).*

(16, q. 7, c. Constituit sane.) Constituit sane sacer iste conventus ut episcopi sive abbates, qui non in fructum animarum, sed in avaritiam et turpe lucrum inhiantes, quoslibet homines illectos circumveniando tonderunt, et res illorum tali persuasione non solum acceperunt, sed potius subripuerunt, pœnitentiæ canonicæ sive regulari (utpote turpis lucri sectatores) subjiciantur. Ili vero qui vanis promissionibus illecti, vel quibuslibet machinationibus persuasi, mentis inopes effecti, rerum suarum domini esse nescientes, comam deposuerunt, in eo quod ceperunt perseverare cogantur. Res namque quæ ab illectis et negligentibus datæ, ab avaris et negligentibus non solum acceptæ, sed raptæ noscuntur, hæredibus reddantur qui dementia parentum, et avaritia incentorum exheredati esse noscuntur. Si vero nescientibus episcopis aut abbatibus, ministri eorum quilibet, videlicet in clero hoc fecisse conveniuntur, episcopi et abbates de desidia,

A illi vero rapacitate et avaritia judicentur. Hoc vero quod quis Deo juste et rationabiliter de rebus suis offert, firmiter Ecclesia tenere debet.

CAP. 112. — *Ut abbatissa magnam curam habeat de congregatione sua. Ex eodem, cap. 26 (ibid., c. 54).*

Abbatissa diligentem habeat curam de congregatione sibi commissa, et provideat ut in lectione et in officio et in modulatione psalmodiarum, ipsæ sanctimonialia strenuæ sint, et in omnibus bonis operibus illa eis ducatum præbeat, utpote pro animabus earum rationem redditura (Hebr. xiii) in conspectu Domini, et stipendia sanctimonialibus præbeat necessaria, ne forte per indigentiam cibi aut potus peccare compellantur.

CAP. 115. — *Ut sanctimoniales in domibus suis cum masculis manducare vel bibere non præsumant. Ex eodem, cap. 27 (ibid., c. 61).*

Non debere sanctimoniales in propriis mansionibus cum aliquibus masculis clericis sive laicis, consanguineis sive extraneis, bibere sive comedere, sed, si quando id agendum est, in auditorio agatur. Et cum nullo masculo colloquium eis habere liceat, nisi in auditorio, et ibi coram testibus idoneis.

CAP. 114. — *Qualiter indignus abbas deponendus sit. Ex concilio Triburiensi, cui interfuit Arnulphus rex, cap. 15.*

(51, q. 1, c. Si quis abbas.) Si quis autem abbas cautus in regimine, humilis, castus sobriusque, in misericors, discretus non fuerit, ac divina præcepta verbis et exemplis non ostenderit, ab episcopo, in cujus territorio consistit, et a vicinis abbatibus, et cæteris Deum timentibus, a suo deponatur [arceatur] honore, etiamsi omnis congregatio vitiiis suis consentiens, abbatem eum sibi habere voluerit.

CAP. 115. — *Quid agendum sit clericis qui tonsuram dimiserunt, et uxores duxerunt. Ex eodem concilio, cap. 16.*

Clericus si tonsura dimissa uxorem acceperit qui quidem sit sine gradu, nec ad monasterium aliquod a parentibus traditus, si uxorem habere permittitur, iterum tonderi cogatur, nec in vita sua tonsuram negligere audeat. Quem autem progenitores ad monasterium tradiderunt, et in ecclesia ceperit cantare, et legere, nec uxorem ducere, nec monasterium deserere poterit; sed, si discesserit, reducatur; si tonsuram dimiserit, rursus tondeatur. Uxorem si usurpaverit, dimittere compellatur.

CAP. 116. — *De puellis quæ se ante legitimos annos sua sponte sacræ religioni tradiderunt. Ex eodem concilio, cap. 24.*

(20, q. 2, c. Puella.) Puella si ante duodecim annos ætatis suæ sponte sua sacrum sibi velamen assumit, possunt statim parentes vel tutores ejus id factum irritum facere si volunt. At si annum et diem id dissimulando consenserint, ulterius nec ipsi mutare hoc poterunt. Porro, si in fortiori ætate adolescentula vel adolescens Deo servire elegerint, non est potestas parentibus hoc prohibendi.

CAP. 117. — *Ut qui voluerit, filiam aut neptem seu*

parentem suam Deo offerat. Ex eodem concilio, cap. 6.

Quicumque filiam suam aut neptem vel parentem suam Deo omnipotenti offerre voluerit, licentiam nabeat. Sin autem virum accipiat, domi infantes suos nutriat, et non alias infra monasterium mittere nutriendi gratia præsumat, nisi eam quam firmiter in ipso loco in Dei servitio perseverare voluerit, secundum statuta sanctorum Patrum, seu secundum canonicam auctoritatem.

CAP. 118.— *Ut nullus filium suum vel parentem in monasterio puellarum nutriendos ponat. Ex eodem concilio, cap. 7.*

Omnino prohibemus, ut nullus filium, aut nepotem, vel parentem suum in monasterio puellarum ad nutriendum commendare præsumat, nec quisquam ullum ibi suscipere præsumat.

CAP. 119.— *Ne abbas mulieres monasterium ingredi, aut festivitates ibidem spectare permittat. Ex concilio Urbico.*

Si abbas mulierem in monasterium suum ingredi permiserit, aut festivitates aliquas ibidem spectare, tribus mensibus in alio monasterio retrudatur, pane et aqua tantum contentus.

CAP. 120.— *Quod virginitas voluntaria sit, non ex lege vel imperio. Ambrosius in libro exhortationis ad virgines (post initium).*

(23, q. 2, c. *Integritas*.) Integritas corporis expectanda a nobis est, quam ego pro consilio suadeo, non pro imperio præcipio. Sola est enim virginitas quæ suaderi potest, imperari non potest, res inagis voti, quam præcepti.

CAP. 121.— *De eadem re. Beda, De tabernaculo (lib. III, c. 9).*

Aaron octo vestibus induebatur; feminalibus videlicet lineis, tunica linea, hyacinthina, superhumerali, rationali, balteo, tiara, petalo aureo; filii vero ejus quatuor tantum ex his, id est feminalibus, linea stricta, cingulo et tiara utebantur. Verum quia de cæteris supra tractatum est, feminalia hæc quæ ad operiendam carnem turpitudinis filii Aaron dantur, illam [carnis turpitudinem fieri mandatur, illam, etc. *orig.*] castimonie portionem, quæ appetitum [ab appetitu, *orig.*] copulæ conjugalis proprie cohibet, designant: sine qua nemo vel sacerdotium suscipere, vel ad altaris potest ministerium consecrari, id est nisi aut virgo permanserit, aut cum uxore conjunctionis fœdera solverit. Quod videlicet genus virtutis nulli per legem Dei necessario imperatum, sed voluntaria est devotione Domino offerendum: dicente ipso de hoc: *Non omnes capiunt verbum istud (Matth. XIX)*. Ad quam tamen benigna mox exhortatione eos qui possunt, invitat dicens: *Qui potest capere capiat (ibid.)*. Et paulo post, eisdem qui vel uxorem, vel alios cognatos, et hujus mundi implicamenta propter ipsum reliquerint, centuplum promittit in hac vita præmium, et in sæculo futuro vitam æternam (*ibid.*). Unde certe gratia distinctionis non Moyses hoc indumento vestire Aaron fratrem suum, et filios ejus cum eo jubetur, sicut de prioribus dicitur: *Vestiesque his omnibus*

A Aaron fratrem tuum, et filios ejus cum eo: *Sed facies, inquit, feminalia linea, ut operiant carnem (Ezod. XXVIII)*. Ipsi, inquit, operiant carnem turpitudinis suæ. Tu feminalia pontifici, et filiis ejus facies, tu regulam castitatis docebis, tu abstinendum ab uxorio complexu eis qui sacerdotio functuri sunt, intimabis. Nulli tamen violentum hujusmodi continentie jugum impones, sed quicumque sacerdotes fieri, ac ministerio altaris inservire volunt, ipsi sua sponte uxorum servi esse desistant. Quod ubi perfecerint, susceptoque semel continentie proposito, ministros se sanctuarii atque altaris fore consentiunt, verit lex divina, quæ velut cæterum illius habitum [velut illius habitum] sacerdotibus congruum imponens, quomodo vivere vel docere debeant, abundanter instituat, congaudensque spontaneæ ipsorum devotioni dignum sacerdotio decus sapientie, patientie, mansuetudinis, zeli spiritualis, humilitatis, misericordie, timoris Domini, cæterorumque hujusmodi ornamentorum superaddat, alioquin iniquitatis rei moriuntur. Mortem namque certissimam incurrit animæ, si quis, luxuriose vivens, sacerdotalem sibi usurpare gradum præsumit.

CAP. 122.— *Quid agendum sit de monachis uxores ducentibus. Gregorius Antonio subdiacono (lib. I regist., c. 40).*

(27, q. 1, c. *Et quia aliquos*.) Quia aliquos monachorum usque ad tantum nefas prosluisse cognovimus, ut uxores publice sortiantur, sub omni eos vigilantia requiras, et inventos coercionem debita in monasteriis quorum monachi fuerant, retransmittas. Sed et de clericis ad monachatum venientibus, sicut supra diximus, peragere non omittas.

CAP. 123.— *Qualiter monachæ peccare debeant in adulterium delapsæ. Gregorius Januario episcopo Caralitano (regist. lib. III, c. 6, 9).*

(27, q. 1, *Si qua monacharum*.) Siqua monacharum vel per anteriorem licentiam, vel per impunitatis pravam consuetudinem ad lapsam adulterii deducta est, aut in stupri fuerit perducta voraginem, hanc post competentis severitatem vindictæ, in aliud districtius virginum monasterium in penitentiam redigi volumus, ut illic orationibus atque jejuniis vacet, et sic penitendo proficiat, et metuendum cæteris arctioris disciplinæ præstet exemplum. Is autem qui cum hujusmodi feminis in aliqua fuerit iniquitate repertus, communionem [omni com., *orig.* Paris.] privetur, si laicus est: si vero clericus est, a suo quoque remotus officio, pro suis continue lugendis excessibus in monasterium detrudatur.

CAP. 124.— *Quod corruptio velata virginis pro incestu reputatur. Hieronymus contra Jovinianum, libro primo.*

Si nupserit virgo, non peccavit (*I Cor. VII*), non illa virgo quæ se semel Dei cultui dedicavit. Harum enim si qua nupserit, habebit damnationem, quia primam fidem irritam fecit (*I Tim. V*). Si autem hoc de viduis dictum objecerit, quanto magis de virginibus prævalebit, cum etiam his non liceat, quibus aliquando licuerat? Virgines enim, quæ post conse-

cratlonem nupscript, non tam adulteræ sunt quam A incestæ.

CAP. 125. — *Quid agendum sit de iis, si lapsi fuerint monachi vel monachæ. Pelagius Secundino defensori.*

Quicumque de his qui Ecclesiæ militare videntur, vel in habitu (ut dictum est) monachorum, monacharum ita inveniuntur inhærere consortiis, ut aliqua turpis ex eis (quod absit) possit esse suspicio, te exsequente Secundino præsententur episcopo, ut canonica in eis possit vindicta procedere.

CAP. 126. — *De eodem. Idem Severino.*

Jurasti nobis (quod negare non potes) te Julianam, cujus nec habitum nec consecrationem veritus, Deo in correptione ipsius injuriam irrogas, ut si cognosceres quia revera a te vellet discedere, mox eam B nobis tu ipse deduceres.

CAP. 127. — *De virginibus quæ, cum masculis in eodem lecto deprehensæ, corruptionem non fatentur. Cyprianus ad Pomponium de virginibus (lib. 1 ep. 11 [al., epist. 62]).*

Legi [legimus, orig.] litteras tuas, frater charissime, quas per Paconium fratrem nostrum misisti, postulans et desiderans ut tibi scriberemus quid nobis de his virginibus videatur quæ cum semel statum suum continenter ac firmiter tenere decreverint, detectæ sunt postea in eodem lecto pariter mansisse cum masculis; ex quibus unum diaconum esse dicis. Plane easdem quæ se cum viris dormisse confessæ sunt, asseverare non decet se integras esse. Circa quam rem quoniam consilium nostrum desiderasti, etc. (*Ibidem paulo post.*) Primum igitur, frater charissime, et præpositis et plebi nihil aliud elaborandum est, quam ut Deum timeamus, ne patiamur errare fratres nostros, nec virgines cum masculis habitare: non dico simul dormire, sed nec simul vivere. (*Post aliquot versus.*) Quando et sexus infirmus et ætas adhuc lubrica, per omnia frenari a nobis et regi adhuc debeat, ne diabolo insidianti ad nocendum detur occasio, quia graves multorum ruinas hinc fieri videmus, et per hujusmodi illicitas et perniciosas conjunctiones corrumpi plurimas virgines conspicimus. Quod si se ex fide Christo dicaverunt pudice et caste sine ulla fabula perseverent; ita fortes et stabiles præmium virginitatis expectent. Si autem pro præmio virginitatis perseverare D nolunt, vel non possunt, melius est ut nubant, quam igne delicti sui [in ignem delictis suis orig.] cadant, et certe nullum fratribus aut sororibus scandalum faciant. (*Post pauca.*) Nec aliqua putet se excusatione defendi, quod inspicere et probari potest an virgo sit, cum et manus obstetricum et oculus sæpe fallatur, et si incorrupta fuerit inventa virgo ea parte qua mulier potest esse, poterit tamen et ex alia corporis parte peccasse, quæ corrumpi potest, et tamen inspicere non potest. Certe et ipse concubitus, ipse complexus, ista confabulatio, ista duorum jacentium turpis et fœda dormitio, quantum dedecoris et criminis contententur?

CAP. 128. — *Item de examinatione virginum quæ*

in uno lecto cum masculis jacuerunt. Idem (ibidem).

Consulte fecisti, frater charissime, abstinendo diaconum, qui cum virgine mansit, sed et cæteros qui cum virginibus dormire consueverunt. Quod si pœnitentiam illiciti concubitus sui egerunt, et a se invicem recesserunt, inspiciantur interim virgines ab obstetricibus diligenter, et si virgines inventæ fuerint, in accepta communione [acc. communicatione in ecclesiam, orig.] admittantur; hac tamen interminatione, ut si ad eosdem masculos postmodum reversæ fuerint, aut si cum eisdem in una domo, et sub eodem tecto simul habitaverint, graviore censura ejiciantur; nec in ecclesiam postmodum facile recipiantur. Si autem de eis aliqua fuerit corrupta, et deprehensa, agat pœnitentiam plenam, quia quæ hoc crimen admisit, non mariti, sed Christi adultera est. Et ideo æstimato justo tempore postea exomologesi facta ad ecclesiam redeat. Quod si obstinate perseverant, nec ab invicem se separant, scient se cum hac impudica obstinatione nunquam a nobis admitti in ecclesia posse.

CAP. 129. — *Ad regem Anglorum de prohibendo matrimonio sanctimonialium et consanguinearum. Bonifacius martyr Hiliberbaldo [Hiltribaldo. Vict.] regi Anglorum.*

Si (quod absit), ut multi dicunt, nec legitimam accepisti uxorem, nec castitatis abstinentiam pro Deo servasti, sed libidine dominante in scelere luxuriæ et adulterii, famam gloriæ tuæ coram Deo et hominibus confuderis, in hoc valde contristamur, quia et in conspectu Dei flagitium, et coram hominibus famæ confusio esse dignoscitur, et adhuc quod pejus est qui nobis narrant adjiciunt quod hoc scelus ignominia, maxime cum sanctimonialibus et Deo sacratis virginibus per monasteria commissum sit. Nam hoc peccatum non dubium est esse duplex peccatum, ut verbi gratia dicamus, cujus vindictæ reus sit puer apud dominum suum, qui uxorem domini sui adulterio violaverit: quanto magis ille, qui sponsam Creatoris Christi cœli et terræ putredine suæ libidinis commaculavit? *Item.* Apud Græcos et Romanos quasi blasphemiam Deo irrogasset, qui in hoc reus sit, ut proprie de hoc peccato ante ordinationem interrogatus, si reus inventus fuerit, ut cum velata et consecrata nonna concubisset, ab omni gradu sacerdotum Dei prohiberetur. Propter hoc, fili charissime, sollicite considerandum est quanti ponderis hoc peccatum esse judicetur ante oculos æterni Judicis, quod facientem inter idololatriæ servos constituit, et divino ministerio altaris abjicit, licet ante peracta pœnitentia reconciliatus sit Deo.

CAP. 130. — *Quod major sit incestus sanctimonialium, quam adulterium. Joannes quartus [octavus] Bulcredo regi Saxonum.*

Quoniam, sicut audivimus, fornicationis in vobis peccatum maxime regnat, eo quod sanctimoniales et Deo jam devotas feminas, atque de propria con-

sanguinitate homines regni vestri, ultra sancti Gregorii statutum novello tunc populo necessario mandatum, uxores ducere præsumant; quod nimirum scelus graveque delictum, his apostolatus nostri litteris, omnes qui sub jure vestro existunt, tam laicos quam clericos, amodo et deinceps cavere, ac propriam de factis pœnitentiam dignam peragere, et ultra talia nunquam committere monemus, hortamur atque præcipimus. Quod si vobis hoc impium emendare fortasse grave videtur, pro quo talia sustinetis adversa, nostræ paternitati vestris innotescite litteris, ut apostolicæ sedis eos qui tali nefando operi enerviter subjacent, corripiamus, et modis omnibus aggravemus [arguamus. *Vict.*] decretis.

CAP. 131. — *De excommunicatione ejus qui velatam duxerat. Stephanus omnibus episcopis per Italiam.*

Vestræ fraternitati fortasse non manet incognitum, qualiter Giseltruda relicta quondam Petri, Deo contempto, et sacro velamine relicto, cum Winnigildo cognato suo (quod valde dolendum dicimus), stuprum est operata. Unde nos, hoc audito, quia magis ac magis tale nefandissimum scelus deleri voluimus, et ita statuere ne aliis exemplum tribuatur, eos utrosque ad satisfactionem vocavimus, et sæpe ut venirent, et a tali impio scelere respiscerent, monendo, ad nos venire decrevimus. Qui quoniam venire nolentes, sed in eadem inobedientia perseverantes, monita nostra pro nihilo duxerunt, ideo illos canonico conventu celebrato excommunicavimus, et nisi ad veram satisfactionem accurrere studuerint, perpetuo anathemati commisitimus.

CAP. 132. — *De eodem. Honorius papa Joanni episcopo, et Gaudio notario Campaniæ.*

Præsentium lator, interclusa voce, et suspiriis atque gemitibus, lacrymisque indesinentibus supplicatione sua nobis exorsus est, eo quod quidam illic alumnus filiam supplicantis in sacris vestibus constitutam assiduitate sua decepit, quoadusque in stuprum corporis adulterio perpetrato deciderit, ita ut post compertum flagitium, in opprobrio totius generalitatis illic commorantis, ipse perditissimus conversetur, atque omnia insecutione huc usque quorundam forsitan patrocinio eundem ipsum impunitum servari. Unde dilectio tua divino zelo succensa, jurisdictioni competenti imminere non desinas [forte desinat], quousque perpetrator sceleris quæstioni communi et severissimo præsentatus examini, ultimi supplicii pœnam suscipiat, ne retardata in eum animadversione, divini judicii in plurimos propagetur sententia.

CAP. 133. — *De pœnitentia sacratæ virginis, si lapsa fuerit. Nicolaus papa Carolo archiepiscopo, et ejus suffraganeis.*

Femine quæ sacro sunt consecratæ velamine, si fuerint (quod nolumus) fornicatæ, velamen deponere non præsumant, sed pœnitentiæ jugo submissæ, summopere decertare festinent, ut ad indulgentiæ et remissionis valeant gratiam pervenire.

CAP. 134. — *Quod corruptio sacratæ virginis sacrilegium sit. Ambrosius ad virginem lapsam*

(*Cap. 9, Quod est in corruptorem virginis.*) O filii serpentis, minister diaboli, violator virginis, id est templi Dei, qui in uno scelere duo crimina perpetrasti, adulterium utique et sacrilegium. Sacrilegium plane, ubi vas Christo oblatum, Deo dicatum, dementi temeritate polluisti.

CAP. 135. — *Lamentatio violatæ virginis pœnitentis. Item.*

(*Ibidem, c. 10.*) Accipe lamentum, et primum quidem nullo die quinquagesimus psalmus intermittatur, quia in negotio tali cantatus est, et usque versiculum illum: *Cor contritum et humiliatum Deus non spernit, tum lacrymis gemituque percurrens, insuper etiam hanc lamentationem non sine compunctione cordis in conspectu Dei judicis funde: Quis dabit capiti meo aquam, et oculis meis fontem lacrymarum (Jer. ix), ut defleam vulnera animæ meæ? Conversi sunt dies festi mei in luctum, et cantica in lamentationem: Recessit sonus hymnorum et lætitia psalmodum, et successit stridor dentium et fletus oculorum. Obmutui et humiliatus sum, et silui a bonis, et dolor meus renovatus est. Concaluit cor meum intra me et in meditatione mea exardescet ignis (Psal. xxxviii). Timor et tremor renerunt super me, et contexerunt me tenebræ (Psal. lrv). Abyssus me circumdedit, postremo mersit caput meum, in fissuras montium. Heu me! quia facta sum sicut Sodoma et combusta sum sicut Gomorrha (Gen. xix). Quis miserebitur cineres meos? Durius offendi quam Sodoma, quia illa legem nesciens deliquerat, ego autem accepta gratia peccavi, Domino. Si homo peccet in hominem, erit qui interveniat (I Reg. ii). Ego, quæ peccavi in Dominum, quem propitiatorem inveniam? Concepit dolorem, et peperit iniquitatem, lacum aperui et offendi eum, et incidi in foveam quam feci. Ideo conversus est dolor meus in capite meo, et in vertice meo iniquitas mea descendit (Psal. vii). Immunditia mea ante pedes meos; non fui memor novissimorum, et cecidi mirabiliter, nec est qui consoletur. O quam acerbus fructus luxuriæ, amarior felle, crudelior gladio! Quomodo facta sum in desolationem? (Psal. lxxii), subito defeci, perii propter iniquitatem meam, velut e somno exsurgens, ideo in civitate Domini nullificata est imago mea. Deletum est de libro nomen meum, facta sum sicut noctua in domicilio, sicut passer unicus in ædificio (Psal. ci): non est qui consoletur me. Considero a dextris, et video, et non est qui agnoscat me. Perii fuga me, et non est qui requirat animam meam (Psal. cxli). Factus sum sicut vas perditum, audiri rituperationem omnium circa me habitantium (Psal. xxx). Væ diei illi in quo me infelix genuit pater, et lux ista crudelis excepit! Oportuerat me non fuisse natam quam sic in gentibus fabula fierem. Propter me confusio facta est omnibus famulis Domini, et condigne colentibus. Lugete, montes et colles, lugete, fontes*

et flumina, quia fetus filia ego sum. Lugete me, silvarum bestiae, reptilia terrae, et volucres caeli, et omnis anima quae vita frueris. Nam, vos beatæ feræ et volucres caeli, quibus nullus metus ab [de] inferis, neque post mortem reddenda est ratio. In nos manet poena crudelis tartari, qui habentes sensum deliquimus, ideo *non est pax peccatoribus* (Isa. LVII). (79) Meum peccatum, mea iniquitas, non sunt consimilia offensæ hominum, quia impietas est, carnem pollicitam servare virginem, ei castam, professa publice mentita sum Domino. Ideo non est mihi fiducia invocandi Dominum altissimum, quia *obstructum est os delinquentium* (Psal. LXXI). Nam meum malum Propheta cecinit, *quod qui se elongant a Domino peribunt, disperdit omnem fornicantem a se* (Psal. LXXXII). Et iterum: *Adhæsit lingua mea faucibus meis, et in pulverem mortis deduxisti me* (Psal. XXI). Veruntamen clamabo ad Dominum Deum, dum adhuc tempus est, dum datur spatium, quia in morte non est memoria, et in inferno non est confessio (Psal. VI). *Domine, ne in furore tuo arguas me, neque in ira tua corripas me. Quoniam sagittæ tuæ infixæ sunt mihi, et nec est sanitas in carne mea. A vultu iræ tuæ, non est pax ossibus meis, a facie peccatorum meorum. Quoniam iniquitates meæ supergressæ sunt caput meum, sicut onus grave gravatæ sunt super me. Computruerunt, et deterioraverunt cicatrices meæ, a facie insipientiæ meæ. Miservis afflicta sum et curvata sum usque in finem, rugio a cœmitu cordis mei. Cor meum conturbatum est intra me, dereliquit me virtus mea, et lumen oculorum n eorum et ipsum non est mecum* (Psal. XXXVII). *Deus, repulisti me, et destruxisti me, ostendisti mihi d'ra, potasti me vino compunctionis* (Psal. LIX). Expulsa sum ab oculis tuis, jam non adficiam ut resurgam ad templum sanctum tuum, et facta sum in exterminio (Isa. XXIV; Psal. XI). *Quæ utilitas in sanguine meo, dum descendo in corruptionem?* (Psal. XXIX). *Nunquid mortuis facies mirabilia: aut medici suscitabunt?* (Psal. LXXXVII). Tuus sermo, tua promissio est: Nolo mortem peccatoris, sed convertatur et vivat (Ezech. XXXIII). Ad te, Deus, mea conversio, qui solus potes novare omnia: et ab inferis animas revocas. Tu solvis compeditos et allisos erigis, cæcos illuminas, mortuos suscitans (Psal. CXI). Erravi sicut ovis perdita, require famulam tuam (Ps. CXVIII), ne lupo crudelis glutiat me. *Multi dicunt animæ meæ: Non est illi salus in Deo ejus* (Psal. III). Sed tuum consilium tecum est. *Quot sunt dies famulæ tuæ, quando facies meum iudicium? Defecit anima mea in salutari tuo, oculi mei in lacrymis defecerunt* (Psal. CXVIII); effusa est in terra gloria mea. Quando respiciens restitues animam meam? (Psal. XXXIV). *Propter iniquitatem corripuisti me, et tabescere fecisti sicut araneam, animam meam* (Psal. XXXVIII). Memento, Domine, quia pulvis sum (Psal.

(79) Ambros. hodie sic habet. Meum est peccatum, mea iniquitas. Non sunt similia offensa hominum:

A CII). *Vide humilitatem meam et laborem meum: et dimitte omnia peccata mea* (Psal. XXIV). *Remitte mihi ut refrigerer priusquam abeam, et amplius non ero* (Psal. XXXVIII). Nec in inferno erit redemptio (Job IX). Potens es, Domine, conscindere saccum meum, et præcingere me lætitia (Psal. XXIX). Potens es Domine vincula mea dirumpere (Psal. CXV), quibus ligata sum atque constricta. Iram tuam, Domine, aufer a me (Psal. LXXXIV), quia peccavi tibi crudeliter, donec justifices causam meam, et educaas me in lumine, Deus virtutum. Da poenitentiae effectum, poenitentiae perseverantiam, ne me induret deceptor animæ. Hoc mihi dona, hanc gratiam de tuo fonte præstare digneris. Qui vivis et regnas in Trinitate in sæcula sæculorum.

B CAP. 156. — *De accusatione virginis. Epistola Ambrosii ad Syagrium episcopum Veronensem (Epistolarum lib. VIII, ep. 64, vel lib. VI, ep. 46.)*

Si habuisset probationes nunquam inspectionem genitalium virginis tua sententia flagitasset. Quid ergo sibi velit, et quo spectet quod obstertricem adhibendam credideris, non possum advertere. Itaque ergo liberum erit accusare omnibus, et cum probationes destiterint, patebit ut genitalium secretorum petant iuspectionem, et addicentur sacræ virgines semper ad hujusmodi ludibria quæ et visu et nec auditu horrore et pudori sint? *Item, ibidem.* Virgo Domini suis est nexa fulcris, ad sui probationem; nec alienis dotibus eget, ut se virginem probet, et nec abditorum occultorumque inspectio, sed obvia omnibus modestia astipulatur integritati. *Item, ibidem.* Illud non arbitror justum, quod tuis comprehendisti litteris, quia nisi inspecta fuerit, virginitas [integritas, orig.] periclitetur et incerta [incerto orig.] sui fluctuet. Ergo omnes quæ inspectæ non sunt, periculum subierunt pudoris. Ergo et quæ nupturæ sunt, prius inspiciantur ut nubant. Probatiores ergo quæ velandæ sunt, prius subjiaciendæ sunt huic at-trectationi? etc.

CAP. 157. *Non posse corpus corrumpi, nisi prius corruptus sit animus. Ambrosius, de virginibus, lib. II.*

(52, q. 5, c. Tolerabilis.) Tolerabilius est mentem virginem, quam carnem habere. (Post pauca.) Utrumque bonum, si liceat; si non liceat, saltem non homini casti, sed Deo simus. Virgo prostitui potest, adulterari non potest. Ubi cunque Dei virgo est, Dei templum est; nec lupanaria infamant castitatem, sed etiam castitas loci abolet infamiam.

CAP. 158. — *De eodem. Ambrosius de lapsu virginis consecratæ (c. 4. ad virginem lapsam).*

(52, q. 5, c. Revera.) Revera non potest caro ante corrumpi, nisi mens fuerit ante corrupta.

CAP. 159. — *Quod non polluitur corpus ubi integer est animus. Augustinus, De civitate Dei libro primo, cap. 18.*

(52, q. 5, c. Ita ne aliquem.) Ne aliquem polluat aliena libido, metuatur? Non polluet, si aliena erit;

quia horribilis hæc impietas est, carne pollicita servare virginem, et castitatem professa publice, etc.

si autem polluet, aliena non erit. Sed, cum pudicitia virtus sit animi, comitemque habeat fortitudinem qua potius quælibet mala tolerare, quam malo consentire decernat. Nullus autem magnanimus et pudicus in potestate habeat, quid de sua carne fiat, sed tantum quid annuat mente, vel renuat : quis tandem sana mente putaverit se perdere pudicitiam si forte in apprehensa vel oppressa carne sua exerceatur et expleatur libido non sua? *Item, ibidem, post pauca.* Proposito animi permanente, per quod etiam corpus sanctificari meruit, ipsi corpori non aufert sanctitatem violentia libidinis alienæ, quam servat perseverantia suæ continentiæ. An vero si aliqua femina mente corrupta, violatoque proposito quod Deo voverat, pergat vitianda ad suum deceptorem, adhuc eam pergentem sanctam vel corpore dicimus, ea sanctitate animi per quam corpus sanctificabatur amissa atque destructa? Absit hic error; et hinc potius admoneamur, ita amitti corporis sanctitatem, etiam intacto corpore. *Item, ibidem (cap. 19.)* Lucretiam matronam nobilem veteremque Romanam pudicitiam magnis efferunt laudibus. Hujus corpore cum violentus [violenter oppresso, *orig.*], Tarquini regis filius libidinose potitus esset, illa scelus improbissimi juvenis marito Collatino et propinquo Bruto viris clarissimis et fortissimis indicavit, eosque ad vindictam constrinxit. Deinde sædi in se commissi ægra atque impatiens, se peremit. Quid dicemus? Adultera hæc, an casta dicenda est? Quis in hac controversia laborabit? Egregie quidam ex hoc, et veraciter declamans ait: Mirabile dictu! duo fuerunt, et adulterium unus commisit. Splendide atque verissime. Intuens enim induum corporum commissione [commistione, *orig.*] unius inquinatissimam cupiditatem, alterius castissimam voluntatem, et non quid conjunctione corporum, sed quid animorum diversitate ageretur attendens: Duo, inquit, fuerunt, et unus adulterium admisit.

CAP. 140. — *De eodem. Augustinus, De libero arbitrio (lib. 1, c. 5).*

(32, q. 5, c. *De pudicitia.*) De pudicitia quis dubitaverit, quin ea sit in ipso constituta, quandoquidem virtus est? Unde a violento stupratore nec ipsa eripi potest.

CAP. 141. — *Item de eodem. Hieronymus super epistolam ad Romanos.*

Fieri non potest, ut nisi quis mœchetur prius in corde, mœchari possit in corpore.

CAP. 142. — *Item de eodem. Isidorus in Synonymis.*

Non potest corpus corrumpi, nisi prius corruptus animus fuerit. *Item.* Munda a contagione animi caro non peccat.

CAP. 143. — *Quod capitalem sententiam subeat, qui sacram virginem rapuerit. Novellarum constitutio undecima.*

(27, q. 1, c. *Si quis rapuerit.*) Si quis rapuerit, vel sollicitaverit, vel corruerit matricuriam, vel diaconissam, vel monasteriam, vel etiam feminam religiosum habitum habentem, vel religiosam vi-

tam ducentem, bona ipsius, et eorum qui hujusmodi sceleris communionem contaminati sunt, religioso loco vendicentur, in quo talis mulier habitabat, per religiosos episcopos, œconomos, et per provinciarum præsides, et eorum officiales; ipsi autem capitali periculo subjiciantur. Mulier autem ubique investigetur et cum suis rebus monasterii cautioni tradatur.

CAP. 144. — *De prohibendis nuptiis viduis et virginibus in monasterio diu conversatis. Gelasius papa Cæsario, cap. 4 (Symmach., epist. 5).*

(27, q. 1, c. *Neque viduas.*) Viduas ad nuptias transire non patimur, quæ in religioso proposito diuturna observatione permanserunt. Similiter virgines nubere prohibemus, quas annis plurimis in monasteriis ætatem egisse contigerit.

B CAP. 145. — *De eodem. Nicolaus Carolo archiepiscopo et ejus suffraganeis (in rescriptis, tit. 15, c. 5).*

(27, q. 1, c. *Vidua quidem.*) Vidua quidem quæ capiti imposuerit sacrum velamen, si inter cæteras velatas feminas in ecclesia oraverit, et oblationem cum illis obtulerit; si professa est se in eodem habitu permanere, spondens nunquam religionis velamen depouere, a religionis observantia discedere non præsumat.

CAP. 146. — *Item de eodem. Augustinus, lib. De bono viduitatis (cap. 8).*

(27, q. 1, c. *Vidua.*) Viduæ quæ se non contineant nubant, antequam professæ continentiam Deo voveant: quod nisi reddant, jure damnantur

CAP. 147. — *Item de eodem re. Ex concilio IV Carthaginensi, cap. 4.*

C (27, q. 1, c. *Sicut bonum.*) Si quæ viduæ quamlibet adhuc in minoribus annis positæ, et immatura ætate a viro relicte, se Deo voverunt, et veste laicali abjecta, sub testimonio episcopi et Ecclesiæ religioso habitu apparuerunt; postea vero ad nuptias sæculares transierunt, secundum Apostolum damnationem habebunt (I Tim. v), quoniam fidem castitatis, quam Deo voverant, irritam facere ausæ sunt. Tales ergo personæ sine Christianorum communionem maneat, quæ nec etiam in convivio cum Christianis communicent.

CAP. 148. — *De eadem re. Catellino [Catello] Reatino presb. et Marcello Amertino [Amiterino] episcopis.*

D Tuizia a filio veniens nostro clarissimo viro Georgio comite, et agente vices illustris viri clarissimi Marcellini vicarii, questa monstratur, quod eam Maximum, quem suum conjugem perhibebat, nullis exstante legitima necessitate vel ratione desereret, et ob hoc sponsaliorum sibi promissorum, quæ compleri poterat quantitatem, vel cætera quæ injuste repudiantibus leges infligunt, cum debuisset obire dispendia. Cujus tali querela deposita prædictum Maximum memoratus filius noster comes Georgius per publicum fecit officium detineri. Qui tentus asseruit eandem causam charitatis vestræ judicio cognitam vel diffinitam, et illam mulierem ob hoc quod non paucis annis in conversationis officium fuerit commorata, et diabolico fuerit subripiente spiritu concitata, deposito ancillæ Dei ba-

bitu ad sæcularem fuerit reversa lasciviam, in monasterium fuisse detrusam, et ex eodem nunc latenter monasterio discessisse. Cujus excessione cognita, necesse habuimus. æquitatis consideratione permoti, propter inquirendam rerum gestarum plenius veritatem, absolutum prædictum Maximum a præfati viri clarissimi Georgii comitis judicio, ad dilectionis vestræ, qui cognitores fuisse dicimini, cum prædicta Tuizia destinare præsentiam : hoc scilicet decernentes, ut residente vobiscum eo qui memoratus noster Georgius comes præfatam causam scripserit, sine ullo dilationis obstaculo cognoscatis; etsi sæpe dictam feminam propter præcedentes excessus, charitatis vestræ providentia retineatis in monasterio constitutam, in his quæ pro Dei timore a vobis salubriter statuta sunt permanentes, eandem in ipsum de quo discessit monasterium sollicitius et arctius constituite retinendam, nulla ei quolibet tempore discedendi concessa licentia.

CAP. 149. — *Quod episcopus monachus factus ad pontificatum reverti non potest. Ex actione quinta Synodi Constantinopolitanæ trecentorum et octoginta trium Patrum, sub Joanne Papa VIII, cui præfuit Petrus presbyter cardinalis et Paulus Anconitanus episcopus et Eugenius Ostiensis episcopus.*

(7, q. 1, c. Hoc nequaquam.) Apocrisarii papæ dixerunt: Hoc nequaquam apud nos habetur, ut quicumque de pontificali ordine ad monachorum, id est pœnitentium, descenderit vitam, ulterius possit ad pontificatum reverti. *Item.* Præcepit sancta synodus, ut quicumque de pontificali dignitate ad monachorum vitam, et ad pœnitentiæ descenderit locum, nequaquam jam ad pontificatum resurgat. Monachorum enim vitam subjectionis verbum habet et discipulatus non docendi, vel præsidendi, vel pascendi alios.

CAP. 150. — *De rapacitate monachorum. Decretum Leonis papæ.*

Relatum est auribus nostris esse quosdam perverse agentes, qui subvertere atque dividere conantur Ecclesiæ unitatem: videlicet abbates et monachi, qui non studio charitatis, sed zelo rapacitatis invigilant, et docent atque seducere non cessant sæculares homines, quos illaqueare possunt, ut res suas atque possessiones in vita vel in morte in monasteriis eorum tradant, et ecclesiis quibus subjecti esse videntur, et a quibus baptismum, pœnitentiam, Eucharistiam, nec non pabulum vitæ cum lacte carnis acceperunt vel accipiunt, nihil de bonis suis relinquunt. Hanc denique famam discordiæ nos animadvertentes, omnibus modis inhibere volumus, et ne amplius fiat omnino prohibentus, considerantes non esse bonum, ut illi qui olim fuerunt *socii passionum* secundum Apostolum (II Cor. 1), sint immunes a societate consolationam, et quia dignus est operarius mercede sua (Matth. x; Luc x), ideoque præcipimus atque jubemus ut quicumque amodo in monasterio converti voluerit, sive in vita, sive in morte, ut omnium reram suarum atque possessionum,

quas pro salute animæ suæ disponi decreverit, medietatem ecclesiæ cui ipse pertinere dignoscitur, relinquat: et sic demum in monasterio prout sibi libitum fuerit eundi convertendique habeat licentiam. Quicumque autem hujus nostri decreti contradictor, convulsor, ac temerator exstiterit, gladio anathematis subiaceat.

CAP. 151. — *De prohibenda vagatione monachorum. Alexander II clero et populo Florentino.*

(16, q. 1, c. Juxta Chalcedonensis.) Juxta Chalcedonensis tenorem optimi concilii, cujus series adnectitur inferius, monachis quamvis religiosis ad normam Sancti Benedicti inter claustra morari præcipimus; vicos, castella, civitates peragrare prohibemus, a populorum omnino prædicatione cessare censuimus, nisi forte quis de suæ salute animæ sollicitus, ut eorum habitum assumat, eos intra claustrum consulere voluerit.

CAP. 152. — *De femina quæ sibi velamen imposuit, et post ad nuptias rediit. Nicolaus Alumino Januariensi episcopo (habetur supra c. 65).*

Quod interrogasti de femina, quæ post obitum mariti sui velamen sacrum super caput suum imposuit, et finxit se sub eodem velamine sanctimoniam esse, postea ad nuptias rediit: bonum mihi videtur quia per hypocrisim ecclesiasticam regulam conturbare voluit, et non legitime in voto suo permansit, ut pœnitentiam agat de illusione nefanda, et revertatur ad id quod spondit, et in sacro ministerio inchoavit. Nam, si concesserimus quod omnia sacramenta ecclesiastica quisque prout vult fingat, et non vere faciat, omnis ordo ecclesiasticus est turbatus, nec catholicæ fidei jura consistunt, nec canones sacri rite observantur. Quid enim profuit Simoni Mago baptismum sacrum fide suscipere, et in Christianitate permansurum se finxisse: cum per Apostolum ejus fraude detecta, quod sibi futurum esset prænuntiatum est? Ait enim: *Pecunia tua tecum sit in perditionem cor enim tuum non est rectum coram Domino. Pœnitentiam itaque age ab hac tua nequitia, et roga Deum ut forte dimittatur hæc cogitatio cordis tui. In felle enim amaritudinis et obligatione iniquitatis video te esse (Act. viii).* Ideo tales, nisi resipiscant, spirituali gladio percutere censemus. Non enim fas est Spiritui sancto mentiri sicut Ananias et Saphira mentiti sunt, et statim perierunt (Act. v)

CAP. 153. — *Ne qui monachus fieri vult, statim habitum sumat. Ex libro Constitutionum, constitutio quinta, cap. 1 (titulo v, c. 2).*

Qui monachus fieri vult, sive liber sive servus, non statim monachus fiat, sed per triennium tonsura quidem et veste laicorum utatur, et divinas Scripturas addiscat, et confiteatur suam conditionem, id est utrum ingenuus sit an servus, vel alterius cujuscunque conditionis vel status, et narret causas propter quas ad solitariam vitam migrare desideraverit, ne forte malæ sint, et Deo displiceant. Oportet autem et monachos verba ei afferre quæ mores eius

et vitam corrigant. Et si per triennium talis appareat, ut videatur dignus tonsura, et veste religiosa, tunc et tondeatur, et stolam monachicam vestiat, sive liber sit sive servus, et nulla ei molestia inferatur, neque de servili, neque de libertina conditione. Si autem intra triennium aliquis retrahere eum ut servum suum voluerit, et dicat quod res suas furatus ad monasterium concurrerit, non statim eum abstrahat, sed prius probet quod et servus est, et furto, vel vita mala et peccatis atrocibus timuit et fugit, et si hæc vera sunt, reddatur servus domino suo cum rebus subreptis, si etiam ipse quoque in monasterio fuerit. Dominus autem eum recipiens fidem ei præstet, quod nullum ei malum propter hæc quæ jam peccavit facturum sit. Quod si nullo delicto servum suppositum dominus esse probaverit, et ipse servus ex castitate morum suorum bona testimonia habeat, et si nondum triennium præterierit, tamen maneat in eodem monasterio. Triennio autem semel transacto, et inter monachos servo Dei numero, nulla sit postea licentia, qualemcunque molestiam ei inferre, sive vere famulus sit sive ingenuus, sed omnimodo in solitaria vita permaneat, etiam si peccatum in priori vita admissum sit. Ea autem quæ furto subrepta sunt, procul dubio si inveniuntur, domino reddi oportet.

CAP. 154.—*De servo qui servitium fugiens monachus factus est, cap. 2 (ibid.).*

Si autem servitum effugiens, veniat quis ad monasterium, postea autem reliquerit venerabilem locum, et in aliam vitæ figuram transierit, liceat domino retrahere eum, et probanti quod servus est, in [ut] servum eum habere.

CAP. 155.—*Quid agendum sit de bonis ejus qui monachus factus apostataverit, cap. 3 (cap. 4).*

Si quis in monasterio se consecraverit, et postquam religiosa veste vestitus est, a monasterio recesserit, omnia bona ipsius quæ in monasterio introduxit, ad ipsum monasterium pertineant. Idem est ex alia constitutione, et si non introduxit, omnes enim res ejus domini monasterii sint.

CAP. 156.—*De eadem re, cap. 4 (cap. 7)*

Si quis introierit in monasterium, et post religiosam vestem recesserit et militaverit, vel simpliciter laicus factus fuerit, spoliatur cingulo militari, et vita libera non potitur, sed officio præsulis provinciæ servire cogatur, substantia autem ejus in monasterio maneat.

CAP. 157.—*Item, de eodem, cap. 6 (et Capitul. lib. v, c. 226).*

Si quis in monasterio consecratus fuerit, posteaque in aliud monasterium transire maluerit, substantia quidem ejus a priori monasterio vendicetur, aliorum autem monasteriorum primates, prohibeant eum transire et in alio monasterio non recipiatur. Et hoc curare debent non solum religiosissimi episcopi, sed etiam reverendissimi archimandritæ.

CAP. 158.—*Ut qui monachus fieri vult, ante ingressum de substantiâ sua disponat, quia postea non licet. Constitutio sexagesima sexta, cap. 1.*

Quicumque in monasterium intrant, videant substantias suas in monasterio consecrari. Nam ante introitum liberam habent facultatem quomodo voluerint, bona sua distribuere. Postquam autem intraverint, talem licentiam non habent, quamvis liberos habeant.

DECRETI PARS OCTAVA.

De legitimis conjugis. De virginibus et viduis non velatis. De raptoribus earum et de eorum separatione. De concubinibus et transgressione conjugii, deque pœnitentia singulorum.

CAP. 1.—*Quid sit matrimonium ex libro Constitutionum [Institut.] primo, tit. ix.*

(29, q. 1, In principio.) Nuptiæ sive matrimonium est viri mulierisque conjunctio, individuum consuetudinem vitæ continens.

CAP. 2.—*Quando fiat conjugium. Ambrosius ad virginitalis exhortationem, lib. 11 (cap. 5 et 6, lib. De institutione virginis).*

(27, q. 2, c. Cum initiatur.) Desponsata viro, conjugis nomen accepit. Cum enim initiatur conjugium, tunc conjugii nomen assumitur: non enim defloratio virginitalis facit conjugium, sed pactio conjugalis. Denique, cum jungitur puella conjugium est, non cum viri admistione cognoscitur.

CAP. 3.—*De eodem. Isidorus, Etymologiarum lib. ix, cap. 7 (cap. 8).*

(27, q. 2, c. Conjuges.) Conjuges verius appellan-

tur a prima desponsationis fide, quamvis adhuc inter eos ignoretur conjugalis concubitus.

CAP. 4.—*Descriptio legitimi conjugii. Evaristus episcopus Africa, cap. 2 (ep. 1, c. 2).*

(30, q. 5, c. Aliter.) Aliter legitimum non fit conjugium, nisi ab his qui super ipsam feminam dominationem habere videntur, et a quibus custoditur, uxor petatur, et a parentibus propinquioribus sponsetur, et legibus dotetur, et suo tempore sacerdotifiter, ut mos est, cum precibus et oblationibus a sacerdote benedicatur, et a paranympis, ut consuetudo docet, custodita et sociata a proximis congruo tempore petita, legibus detur ac solemniter accipiatur, et biduo vel triduo orationibus vacent, et castitatem custodiant.

CAP. 5.—*Item, De eodem.*

Ita peracta legitima scitote esse connubia, aliter vero præsumpta, non conjugia, sed adulteria vel contubernia, vel stupra, aut fornicationes potius quam legitima conjugia esse non dubitate, nisi voluntas propria suffragaverit, et vota succurrerint legitima.

CAP. 6.—*De benedictione sponsi et sponsæ. Responsa Nicolai ad consulta Bulgarorum, libro primo (cap. 3).*

(30, q. 5, c. *Nostrates.*) Nostrates tam mares quam feminæ, non ligaturam auream vel argenteam, aut ex quolibet metallo compositam, quando nuptialia fœdera contrahunt, in capitibus deferunt; sed post sponsalia, quæ futurarum sunt nuptiarum promissa fœdera, quæque consensu eorum qui hæc contrahunt, et eorum in quorum potestate sunt, celebrantur, et postquam arrhis sponsam sibi sponsus per digitum fidei a se annulo insignitam desponderit, dotemque utriusque placitam sponsus ei cum scripto pactum hoc continente, coram invitatis ab utraque parte tradiderit, aut mox aut apto tempore, ne vide licet ante tempus lege definitum tale quid fieri præsumatur, ambo ad nuptialia fœdera perducuntur: et primum quidem in Ecclesia Domini cum oblationibus quas offerre debent Deo per sacerdotis manum statuuntur, sicque demum benedictionem et velamen cœlestis suscipiunt. *Item.* Hæc sunt præter alia quæ ad memoriam non occurrunt pacta conjugiorum solemnia. Peccatum autem esse, si hæc cuncta in nuptiali fœdere non interveniant, non dicimus. *Concilium iv Carthagin., cap. 13.* (30, q. 5, c. *Sponsus.*) Sponsus et sponsa cum benedicendi sunt a sacerdote, a parentibus suis vel a paranymphis offerantur. Qui cum benedictionem acceperint, eadem nocte pro reverentia benedictionis in virginitate permanent.

CAP. 7.—*Cur sponsæ velentur. Isidorus, De officiis, lib. 11, cap. 19.*

Quod feminæ, dum maritantur, velantur, significat ut noverint semper se viris suis esse subjectas et humiles.

CAP. 8.—*Quid significant insignia sponsarum. Ibidem.*

Quod nubentes post benedictionem vittæ, uno invicem vinculo copulantur, videlicet ne compagem conjugalis unitatis dirumpant. At vero quod eadem vitta candido purpureoque colore permiscetur, candor quippe est, munditia vittæ, purpura ad sanguinis posteritatem adhibetur, ut hoc signo et continentia lex tenenda ab utrisque ad tempus admoneatur, et post hæc reddendum debitum non negetur. *Item.* Quod imprimis annulus a sponso sponsæ datur, fit hoc nimirum vel propter mutua dilectionis signum, vel propter id magis, ut eodem pignore eorum corda jungantur. Unde et quarto digito annulus inseritur, id est quod in eo vena quædam, ut fertur, sanguinis ad cor usque perveniat.

PATROL CLXI

A CAP. 9.—*Inviolabilis esse conjugii sacramentum. Augustinus, De bono conjugali, cap. 7.*

(32, q. 7, c. *Interveniente.*) Interveniente divortio non aboletur confœderatio nuptialis, ita ut sibi conjuges sint etiam separati, cum illis autem adulterium committant, quibus fuerint etiam post suum repudium copulati. Nec tamen nisi in civitate Dei nostri; in monte sancto ejus talis est causa cum uxore. Cæterum aliter se habere jura gentilium, quis ignorat? Ubi interposito repudio, et illa cui voluerit nubet, et ille quam voluerit, ducit.

CAP. 10.—*Quod concubinæ fieri possunt uxores. Ibidem (cap. 14).*

(32, q. 2, c. *Concubinæ.*) Nec concubinæ ad tempus adhibitæ, si filiorum causa concumbant, justum faciunt concubinatum suum. Posse sane fieri nuptias ex male conjunctis, honesto postea placito consequente, manifestum est.

CAP. 11.—*Quod nemo est pudicus corpore, nisi pudicus sit spiritu. Idem, in libro De sancta virginitate (cap. 8).*

Sicut nemo impudice utitur corpore, nisi spiritu prius concepta nequitia, ita nemo pudicitiam servat in corpore, nisi spiritui prius insita castitate.

CAP. 12.—*Inviolabile esse sacramentum conjugii. Idem, De nuptiis et concupiscentia (cap. 10, lib. 1).*

(32, q. 7, c. *Usque adeo.*) Usque adeo manent inter viventes semel inita jura nuptiarum, ut potius sint inter se conjuges etiam separati, quam cum his quibus aliis adhæserunt.

CAP. 13.—*Item, ibidem, De eodem.*

Et paulo post: Manet inter viventes quoddam conjugale, quod nec separatio, nec cum adultero copulatio possit auferre, sicut apostata anima velut de conjugio Christi recedens, etiam fide perditâ, sacramentum fidei non amittat, quod lavacro regenerationis accepit. Redderetur enim procul dubio redeunti, si amisisset abscedens. Habet autem hoc qui recesserit ad cumulum supplicii, non ad meritum præmii.

CAP. 14.—*Item, ibidem, De eodem (cap. 18).*

Quibus vero placuerit ex consensu ab usu carnalis concupiscentiæ in perpetuum continere, absit ut vinculum inter illos conjugale rumpatur. Imo firmitus erit, quo magis ea pacta secum inierint, quæ charius concordiusque servanda sunt, non voluptariis corporum nexibus, sed voluntariis affectibus animorum. Neque enim fallaciter ab angelo dictum est ad Joseph: *Noli timere accipere Mariam conjugem tuam (Matth. 1).* Conjux vocatur ex prima desponsationis fide, quam concubitu nec cognoverat, nec fuerat cogniturus. Nec perierat, nec mendax manserat conjugis appellatio, ubi nec fuerat, nec futura erat carnis ulla commistio. Propter quod fidele conjugium parentes Christi ambo vocari meruerunt, et non solum illa mater, verum etiam ille pater ejus, sicut conjux matris ejus; utrumque mente non carne.

19

CAP. 15. — *De tripartita bono nuptiarum. Ibidem, A* *Nicolaus Hicmaro episcopo (ad consulta Bulgar., (sub finem). c. 3).*

(27, q. 2, c. Omne.) Omne itaque nuptiarum bonum impletum est in illis parentibus Christi, proles, fides, sacramentum. Prolem cognoscimus ipsum dominum; fidem, quia nullum adulterium, sacramentum, quia nullum divortium. (Cap. 12). Solus ibi nuptialis concubitus non fuit, quia in carne peccati fieri non poterat, sine pudenda concupiscentia carnis, quæ accidit ex peccato; sine qua concipi voluit, qui futurus sine peccato erat.

CAP. 16. — *Quod sine consensu uxoris non liceat viro continenter vivere. August., in epistola ad Bonifacium comitem (epist. 70).*

Nos novimus, nos testes sumus quod nobiscum apud Tubanas de animo et voluntate tua fuerimus collocuti. Soli tecum eramus, ego et frater Alypius. Non enim existimo tantum valuisse terrenas curas, quibus impletus es, ut hoc de memoria tua delere posuit potuerint: nempe omnes actus publicos quibus occupatus eras relinquere cupiebas, et te in otium sanctum conferre, atque in ea vita vivere in qua servi Dei monachi vivunt. Cum ergo te esse in hoc proposito gauderemus, navigasti uxoremque duxisti. Si enim conjugem non haberes, dicerem tibi quod et Tubanis diximus, ut in castitate continentiam viveres. (Sub finem.) Adderem quod tunc fieri prohibuimus, ut jam te (quantum rerum humanarum salva pace potuisses) ab istis rebus bellicis abstraheres, et huic vitæ vacares et societati sanctorum, cui tunc vacare cupiebas, ubi in silentio pugnant milites Christi, non ut occidant homines, sed ut expugnent principes et potestates et spiritualia nequitiae (Ephes. vi), id est diabolus et angelos ejus. Sed ut te ad istam vitam non exhorter, conjux impedimento est, sine cujus consensu continenter tibi non liceat vivere. Quia et si tu eam post illa tua verba Tubanensia, ducere non debebas, illa tibi tamen nihil eorum sciens, innocenter et simpliciter nupsit, atque utinam posses ei persuadere continentiam, ut sine impedimento redderes Deo quod te debere cognoscis! Sed si cum illa agere non potes, serva saltem pudicitiam conjugalem, et roga Deum, qui de necessitatibus eruit (Psal. xxiv), ut quod non potes modo, possis aliquando. Veruntamen ut Deum diligas, non diligas mundum: ut in ipsis bellis, si adhuc te in ipsis versari opus est, fidem teneas pacemque quæras, ut ex mundi bonis facias opera bona, et ut propter mundi bona non facias opera mala, id non impedit conjux, aut impedire non debet. Hæc ad te, fili charissime, ut scriberem charitas jussit, qua te secundum Deum, non secundum hoc sæculum diligo, quia et cogitans quod scriptum est: Corripe sapientem, et amabit te; corripe stultum et adjiciet odisse te (Prov. xix), non te utique stultum, sed sapientem debui cogitare.

CAP. 17. — *Quod consensus matrimonium faciat.*

(27, q. 2, c. Sufficiat.) Sufficiat secundum leges solus eorum consensus, quorum de conjunctionibus agitur. Qui consensus si in nuptiis solus forte defuerit, cætera omnia etiam cum ipso coitu celebrata frustrantur, Joanne Chrysostomo magno doctore testante, qui ait (homilia 33 super Matth., in opere imperfecto): Matrimonium non facit coitus, sed voluntas.

CAP. 18. — *Ut vidua ante professionem continentiam nubat cui vult, e Toletano concilio III, cap. 18.*

(27, q. 1, c. Viduæ.) Viduæ, si priusquam continentiam profiteantur nubere elegerunt, illis nubant quos propria voluntate voluerint habere maritos.

CAP. 19. — *Ne virgo, vel vidua, cogatur nubere cui non vult. Ex eodem.*

Similis conditio et de virginibus habeatur, nec extra voluntatem parentum, vel suam, cogantur accipere maritos.

De eodem. Ambrosius super Epistolam ad Corinth., cap. 39 in caput 7. Nubat vidua cui vult, tantum in Domino, id est quem sibi aptum putaverit illi nubat; quia invitæ nuptiæ solent malos proventus habere. Tantum autem in Domino, id est ut et sine suspitione turpitudinis nubat, et religionis suæ viro nubat.

CAP. 20. — *Quod in sponsalibus, sicut in nuptiis, consensus requirendus est. Pandectarum lib. XIII, titulo primo.*

In sponsalibus consensus eorum exigendus est, quorum in nuptiis desideratur. Intelligitur tamen semper filiam patri [filiae patrem, orig.] consentire, nisi evidenter dissentiat.

CAP. 21. — *Quod alii viro mulier legitime nubere possit, si invita et repugnans alteri a patre tradita fuerit. Item.*

‡ Sponsalia sicut nuptiæ consensu fiunt contrahentium, et ideo sicut nuptiis, ita sponsalibus filiam familias consentire oportet. Quæ patris voluntati non repugnat, consentire intelligitur. Tunc autem dissentienti a patre licentia conceditur, si indignus moribus vel turpis sponsus ei a patre eligitur. Filio familias dissentiente, sponsalia ejus nomine fieri non possunt.

CAP. 22. — *Item. De eodem.*

In sponsalibus contrahendis ætas contrahentium diffinita non est, ut in matrimoniis. Quapropter a primordio ætatis sponsalia effici possunt, si modo id fieri ab utraque persona intelligatur, id est si non sint minores quam septem annis.

CAP. 23. — *Ut nullus mulierem invitæ parentibus rapere præsumat. Judicium Urbani papæ de filia Jordani principis.*

(31, q. 2, c. Si verum esse.) Si verum esse constiterit quod nobis legati Jordani principis retulerunt, scilicet quod ipse coactus et dolens filiam suam infantulam, nolentem, fletentem, et pro viribus renitentem, non assentientibus, sed valde dolenti-

bus, matre et parentela, Raynaldo Ridelli filio desponsaverit, quoniam canonum et legum auctoritas talia sponsalia, ut infra ostenditur, non approbat, ne ignorantibus leges et canones nimis durum quod dicimus videatur, ita sententiam temperamus: ut si principes cum assensu filiae, matris et parentelae, id quod coeptum est perficere voluerint, concedamus. Sin autem, legatus noster utrasque partes audiat, et si nihil fuerit ex parte supradicti Raynaldi amplius quod impediatur, ab ipso Jordane sacramentum quod ita consentit. Haec ut dicta sunt, accipiat: et nos canonum ac legum scita sequentes, deinceps non prohibemus quin alii viro, si voluerit, praedicta filia ejus tantum in Domino nubat.

CAP. 24. — *Quod raptus pro stupro reputatur. Urbanus Satino [Sacratio legit Gratianus] regi Aragonum.*

(51, q. 2, c. De neptis.) De neptis tuae conjugio, quam te cuidam militi daturum necessitatis instante articulo, sub fidei pollicitatione firmasti, hoc, aequitate dictante, decernimus, ut si illa virum illum omnino, ut dicitur, renuit, et in eadem voluntatis auctoritate persistit, ut viro illi prorsus se deneget nupturam, nequaquam eam invitam et rententem ejusdem viri cogas conjugio sociari. Quorum enixa unum corpus est, unus debet esse et animus, ne forte, cum virgo fuerit alicui invita copulata, contra Domini Apostolique praecipitum, aut reatum dissidii, aut crimen fornicationis incurrat. Cujus videlicet peccati malum in eum redundare constat, qui eam conjunxit invitam: quod pari tenore de viro est etiam sentiendum.

CAP. 25. — *De vindicta raptus Parisiacense concilium 1, cap. 6.*

(56, q. 2, c. Nullus.) Nullus aut viduam aut filiam alterius extra parentum voluntatem, aut raptum praesumat, aut regis beneficio aestimet postulandam: quod si fecerit, ab Ecclesiae communione remotus, anathematis gladio feriatur.

CAP. 26. — *Quomodo rapta reddenda sit. Isidorus etymologiarum libro v, cap. 24 (cap. 26).*

(27, q. 2, c. Raptus.) Raptus, proprie est illicitus coitus, a corrumpendo dictus, unde et qui rapto potitur, stupro fruitur. Item. *Capitularium libro primo, cap. 99 (cap. 105).* (27 q. 2, c. Raptor.) Raptor publica poenitentia multetur. Raptam vero si sponsus recipere noluerit, et ipsa eidem crimini consentiens non fuit, licentia nubendi alii non negetur. Quod et si ipsa consensit, simili sententiae subiaceat. Quod si ipsi post haec se conjungere praesumpserit, utrique anathematizentur. *Libro iv capitulorum (cap. xxii).* Si quis sponsam alienam raperit, aut patri ejus, aut ei qui legibus ejus defensor esse debet, cum sua lege eam reddet, et quidquid cum ea abstulerit, unamquamque rem secundum legem reddat.

CAP. 27. — *Ut puella si patrem habuerit servum, avum vero liberum. avi potius electione quam presbyteris nubat. Pelagius Potentio defensori.*

Patrem puellae Ecclesiae nostrae famulum, avum

A vero liberis ortum constat esse natalibus; et ideo avi magis electione de conjunctione neptis, quam patris, cujus nullo modo liberum esse potest arbitrium, decernimus attendi.

CAP. 28. — *Quod rapta praecipitur fieri conjux. Gregorius Pantaleoni notario (lib. 11 regist. cap. 79).*

Questus nobis est Evangelus, Sipontinae Ecclesiae diaconus, filiam suam a Felice (quod dici nefas est) fuisse stupratam. Pro qua re hujus praecipitum suffultum auctoritate ad Sipontinam civitatem te proficisci necesse est, et adhibitis tibi sapientibus illic viris, cum omni subtilitate veritatem curabis addiscere, et si ita reperiis, eam quam stupravit, aut uxorem factis nuptialibus instrumentis accipiat, aut corporaliter castigatum, in monasterium eum, B privatum communione, ubi poenitentiam pergerat, dare festinabis.

CAP. 29. — *De eadem re. Idem Felici episcopo Sipontino (lib. 11 regist. cap. 81).*

Pervenit ad nos quod Felix nepos tuus Evangelii diaconi tui filiam stupro deceperit. Quod si verum est, (quamvis gravi esset de lege poena puniendus) nos tamen aliquatenus legis duritiam mollientes, decernimus hujuscemodi disponendo, id est, ut aut quam stupravit uxorem habeat, aut certe si renuendum putaverit, districtus, aut corporaliter castigatus, excommunicatusque in monasterium ubi poenitentiam peragat retrudatur.

CAP. 30. — *De prohibendis concubinis. Sermo Ambrosii de sancto Joanne, qui sic incipit: Diximus superiori Dominica (sermone 65).*

Dicat aliquis: Uxorem non habeo, ideo mihi ancillam sociavi. Audi quid dicat Scriptura ad Abraham: *Ejice ancillam et filium ejus; non enim haeres erit filius ancillae cum filio liberae (Gen. xxi; Gal. iv).* Si igitur ancillae filius haeres non est, ergo nec filius est. Cur autem quaeritur tale conjugium de quo susceptus filius nec successionis possit haeres esse, nec sanguinis? Nec enim habere potest hereditatis consortium, qui non habet originis privilegium. Cur, inquam, quaeritur tale contubernium de quo nati filii non matrimonii, sed testes sunt adulterii? Cur hujusmodi suscipiuntur adulterini, qui patri pudori sunt, non honori? Dicit Scriptura. *Adulterorum filii in consummatione erunt (Sap. 11),* etc. Mulier igitur tua si talibus moribus praedita est ut mereatur consortium, mereatur et nomen uxoris. Praesta concubinae tuae libertatem, et nomen uxoris, ne tu adulter sis potius quam maritus.

CAP. 31. — *Si concubina usque ad mortem cum aliquo nobili permanserit, ut ab haeredibus ejus cum filiis suis liberetur. Codicum libro septimo, cap. 15, titulo 3.*

Si quis sine uxore constitutus, ancillam suam nomine habeat concubinae, et in eadem usque ad mortem consuetudine permanserit, et forsitan ex ea liberos susceperit, sancimus omnino non concedi haeredibus defuncti eandem vel liberos ejus, si etiam liberos habuerit, in servitute deducere, sed post

mortem domini eripiat in libertatem, una cum A sobole sua.

CAP. 52. — *Ut filii de concubina nati, quæ postea in uxorem ducta est, legitimi liberi sint, priores sicut posteriores, sacrarum institutionum libro III, titulo 1.*

Si quis mulierem in suo contubernio copulaverit, non ab initio affectione maritali, eam tamen cum qua poterit habere conjugium, et ex ea liberos sustulerit, postea vero affectione procedente etiam nuptialia instrumenta cum ea fecerit, filiosque vel filias habuerit, non solum eos liberos qui post dotem editi sunt, justos, et in potestate esse patris, sed etiam anteriores; quia et [qui et orig.] his qui postea nati sunt occasionem legitimi nominis præstiterunt. Quod obtinere censuimus, etiam si non progeniti fuerint post dotale instrumentum confectum liberi, vel etiam nati ab hac luce subtracti fuerint.

CAP. 53. — *Ne sponsæ pactæ statim tradantur. August. lib. VIII Confessionum.*

(27, q. 2, c. *Institutum*.) Institutum est ut jam pactæ sponsæ non tradantur statim, ne vilem habeat maritus datam, quam suspiraverat sponsus dilatam.

CAP. 54. — *De eo qui cum muliere quam ducere potuit consuetudinem habuerit. Novellarum constitutionum 32, cap. 3.*

Si quis cum muliere consuetudinem habuerit, cuius nuptiæ interdictæ non sunt, et liberos ab eo illa procreaverit, posteaque dotalia instrumenta composuerit ei, non solum jam nati filii legitimi et in potestate ejus sint, sed etiam postea procreati.

CAP. 55. — *Ne legitima repudiatur. Constitutio 37, cap. 7.*

Si quis sine dotalibus instrumentis, affectione maritali uxorem duxerit, non audeat sine causa legitimus cognita repudium ei mittere.

CAP. 56. — *Quod de concubina potest legitima fieri. Constit. 64, cap. 14.*

Si quis cum muliere libera consuetudinem habeat non affectione maritali, et ex ea liberos procreaverit, eosque velit liberos legitimos et in potestate sua habere, liceat ei cum matre eorum instrumenta dotalia componere. Nam filii qui ante naturales erant, post compositionem instrumentorum dotalium sui et in potestate patris efficiuntur, sive postea nati filii vivunt, sive mortui sunt, sive omnino nullus alius procreatus est.

CAP. 57. — *Quod liceat meretricibus honestam vitam eligere. Constitutio novellarum 46, cap. 1.*

Princeps constituit ut liceat meretricibus honestiorem vitam eligere sine aliquo timore, quamvis juratoriam cautionem exposuerint. Hi autem qui tale jusjurandum exegerunt, et contra castitatem operam suam dederunt, pœnæ nomine x libras auri persolvant iisdem meretricibus, quæ sacramenta dederunt; pœna autem x librarum officio præsidis flagitetur. Quod si præses neglexerit, de suo patrimonio pœnam præstare cogatur, et magistratu sibi

commissio cadat, et non solum mulieribus, sed etiam heredibus et aliis successoribus earum, pœnam solvat. Hoc si probatum sit, quod sacramentum a meretrice exegerit. Si autem sacramentum non exegerit a meretrice, ne teneatur quidem ea pœna.

CAP. 58. — *De Osee propheta qui meretricem duxit. Hier. super Osee. lib. 1, ad cap. 1.*

(52, q. 1, c. *Non est culpandus*.) Non est culpandus Osee propheta, si meretricem quam duxit converterit ad pudicitiam, sed potius laudandus quod ex mala bonam fecerit. Non enim qui bonus permanet ipse polluitur, si societur malo, sed qui malus est, in bonum vertitur, si boni exempla sectetur. Ex quo intelligimus non prophetam perdidisse pudicitiam fornicariæ copulatum, sed fornicariam assumpsisse pudicitiam quam antea non habebat.

CAP. 59. — *Quare matrimonium inter cognatos sit prohibitum. Augustinus in lib. De civitate Dei, lib. xv, cap. 16.*

Cum igitur genus humanum post primam copulam viri facti ex pulvere, et conjugis ejus ex viri latere, marium, feminarumque conjunctione opus haberet, ut gignendo multiplicarent, nec essent ulli homines, nisi qui ex illis duobus nati fuissent, viri conjuges sorores suas acceperunt. Quod profecto quanto est antiquius compellente necessitate, tanto postea factum est damnabilius religione prohibente. Habita est enim ratio rectissima charitatis, ut homines quibus esset utilis atque honesta concordia diversarum necessitudinum vinculis necterentur. Nec unus in uno multas haberet, sed singule spargerentur in singulos, ac si ad socialem vitam diligentius plurimæ plurimos obtinerent. Pater quippe, et socer duarum sunt necessitudinum nomina. U ergo alium quisque habeat patrem, alium socerum, numerosius se charitas porrigat. Utrumque autem unus Adam esse cogebatur et filiis, et filiabus suis, quando fratres, sororesque conjugio jungebantur. Sic et Eva uxor ejus, utriusque sexui filiorum fuit et socrus et mater. Quæ si duæ feminae fuissent, mater altera, et socrus altera, copiosius se socialis dilectio colligaret. Sed hoc unde fieret tunc non erat, quando nisi fratres et sorores ex illis duobus primis, nulli homines erant. Fieri ergo debuit quando potuit, ut existente copia, inde ducerentur uxores quæ non erant jam sorores, ut non solum illud ut fieret necessitas esset, verum etiam, si fieret, nefas esset; quod, humano genere crescente, etiam inter impios deorum multorum falsorumque cultores, sic observari cernimus, ut etiamsi perversis legibus permittantur fraterna conjugia, melior tamen consuetudo ipsa malit exhorre licentiam, sicque aversetur, quasi nunquam licere potuerit. Copulatio ergo maris et feminae, quantum attinet ad genus humanum, quoddam seminarium est civitatis. Cælestis vero civitas opus habet ut noxam generationis evadat.

CAP. 40. — *De tribus legitimis conjugiiis, Hieronymus.*

(36, q. 2, cap. *Tria*.) Tria legitima conjugia in

Scripturis leguntur. Primum legitimum conjugium est virgo casta in virginitate viro data legitime, et reliquæ sequuntur in prædictis. Secundum virgo in civitate deprehensa a viro, et illi per vim copulata, si voluerit pater ejus, dotabit eam iste vir, quantum judicaverit pater, et dabit pretium pudicitiae ejus. Tertium, filia prædicta deprehensa, si non fuerit voluntas patris, trahet eam a viro prædicto, et tradet eam alii et dotabit eam, et legitima erit ei. Sed primum his duobus præfertur.

CAP. 41. — *De quarto legitimo conjugio. Hieronymus.*

(27, q. 2, c. *Additur.*) Additur itaque aliud quartum legitimum conjugium. Dum mortua fuerit uxor ejus, licet illi accipere aliam, sed non repudiatam, nec desponsatam viro, sed filiam. Similiter debet et mulier. Unde Paulus ait: *Mulier quæ sub viro est, ligata est sub lege viri, quandiu vir ejus vivit. Igitur, vivente viro ejus, vocabitur adultera, si juncta fuerit alteri viro. Si autem mortuus fuerit vir ejus, liberata est a lege viri, ita ut non sit adultera, si fuerit cum alio viro (Rom. vii).*

CAP. 42. — *Quod in conjugio quasi adulterium sit voluptuosus concubitus et immoderatus. Hieronymus.*

In legitimo conjugio adulterium est cavendum, non quantum voluptas expetierit, sed quantum modus naturæ, et causa posteritatis postulaverit. Et non licet illi habere alteram, præter uxorem suam. Si enim habuerit, non erit legitima quæ licita fuit. Paulus quoque apostolus ait: *Omne peccatum quodcumque homo fecerit, extra corpus est. Qui autem fornicatur, in corpus suum peccat (I Cor. vi),* hoc est in conjugio positus, quæcumque fecerit peccata, non infuscant uxorem propriam. Si autem fornicatur cum aliis, maculat eam ut non sit licita, sed quasi adultera.

CAP. 43. — *Quod propter fornicationem licet uxorem dimittere, non tamen aliam ducere. Idem Hieronymus (lib. iii in Matth., ad caput xix).*

Ait Dominus in Evangelio: *Quicumque dimiserit uxorem, nisi ob fornicationem, et aliam duxerit, mæchatur. Et qui dimissam duxerit, mæchatur (Matth. xix).* Sola fornicatio est quæ uxoris vincit affectum, imo cum illa unam carnem in aliam divisit, et se fornicatione separaverit a marito, non debet teneri, ne virum quoque sub maledicto faciat, dicente Scriptura (*Prov. xviii*): *Qui adulteram tenet stultus et impius est. Ubicumque est igitur fornicatio, aut fornicationis suspicio, libere uxor dimittitur. Et quia poterat accidere ut aliquis calumniam innocentis, et ob secundam copulam nuptiarum veteri crimen impingeret, sic priorem dimittere jubetur uxorem, ut secundam prima vivente non habeat. Quod enim dicit, tale est: Si non propter libidinem, sed propter injuriam dimittis uxorem, quare expertus infelices priores nuptias, novarum te immitis periculo? Nec non quia poterat evenire, ut juxta eandem legem uxor quoque marito daret repudium: eadem cautela præcipitur ne secundum ac-*

cipiat virum, et quia meretrix, et quæ semel fuerat adultera, opprobrium non timebat, secundo non nubere præcipitur viro [Hieron, excusus sic habet secundo præcipitur viro, etc.], quod si talem duxerit, sub adulterii crimine sit.

CAP. 44. — *Quod legitima sit, quæ interposito sacramento assumpta fuerit. Novellarum constitutionum sexagesima quinta, cap. 1.*

(30, q. 5, c. *Si quis.*) Si quis divinis actis Scripturis juraverit mulieri se eam legitimam uxorem habiturum, vel si in oratorio tale sacramentum dederit, sit illa legitima uxor, quamvis nulla dos, nulla scriptura alia interposita sit

CAP. 45. — *Ut talis sit vir uxori, qualem sibi vult esse uxorem. Augustinus de verbis Domini, tractatu 47.*

Si ducturi estis uxores, servate vos uxoribus vestris. Quales eas vultis ad vos venire, tales vos debent, et ipsæ invenire. Quis juvenis est qui non castam velit ducere uxorem? Et si accepturus est virginem, quis non intactam desideret? Intactam quæris? intactus esto. Puram quæris? uoli esse impurus. Non enim illa potest, et tu non potes.

CAP. 46. — *Ne parentes fidem sponsaliorum frangant. Ex Eliberitano concilio, cap. 54.*

Si qui parentes fidem fregerint sponsaliorum, triennii tempore abstineant se a communiōe. Si tamen idem [idem, orig.] sponsus vel sponsa in gravi crimine fuerint deprehensi, excusati erunt parentes.

CAP. 47. — *Ne uxor in quadragesimali tempore ducatur. Responsa Nicolai ad consulta Bulgarorum, cap. 48.*

(33, q. 4, c. *Nec uxorem.*) Nec uxorem ducere, nec convivium facere in quadragesimali tempore convenire posse, nullatenus arbitramur.

CAP. 48. — *Ne presbyter in nuptiis bigami prandeat. Ex Neocesariensi concilio, cap. 6.*

(31, q. 1, c. *De his.*) Presbyterum prandere in nuptiis bigami non convenit. Quia cum pœnitentia bigamus egeat, quis erit presbyter qui propter convivium talibus nuptiis possit præbere consensum?

CAP. 49. — *Ne nuptiæ in quadragesimali tempore fiant. Laodicense concilium, cap. 52.*

(33, q. 4, c. *Non oportet.*) Non oportet in Quadragesima aut nuptias aut natalitia celebrare.

CAP. 50. — *Ut prædicator continentiae nuptias non celebret. Hieronymus ad Nepotianum.*

Prædicator continentiae nuptias non conciliet. Qui Apostolum legit: superest, ut qui habent uxores tanquam non habentes sint (*I Cor. vii*), cur virginem cogit ut nubat? Qui de monogamia sacerdos est, quare viduam hortatur ut bigama sit.

CAP. 51. — *De his qui fiscalinas uxores ducunt. Capitularium libro iii, cap. 16.*

De liberis hominibus qui uxores fiscalinas regias, et de feminis liberis qui homines fiscalinos regios accipiunt, ut non de hæreditate parentum, vel de causa sua quærenda, nec de testimonio pro hac re abjiciantur.

CAP. 52. — *Ut ingenua si servum duxerit ancilla sit, A* non possunt. Quod si calliditate et conniventia do-
lib. v, cap. 20.

(29, q. 2, c. Si femina.) Si mulier ingenua ac-
ceperit servum, sciens quod servus esset, habeat
eum; una autem lex erit et viro et feminæ.

CAP. 53. — *Ut liber, si ancillam duxerit, non*
dimittat eam, lib. vi, cap. 95 (c. 94).

(29, q. 2, c. Si quis.) Si quis liber ancillam in
matrimonium acceperit, non habet licentiam dimit-
tere eam, si prius amborum consensu conjuncti
sint.

CAP. 54. — *Quod conjugium non dirimitur inter ser-*
vam et ancillam etiamsi diversos dominos habeant.
Adjecti capitulares, cap. 55.

Conjugia servorum non dirimantur, etiamsi di-
versos dominos habeant, sed in uno conjugio per-
manentes dominis suis serviant. Hoc in illis ob-
servandum est, ubi legalis conjunctio fuit, et per
voluntatem dominorum.

CAP. 55. — *De quodam famulo ecclesiæ, qui ejusdem*
ecclesiæ ancillam relinquere volebat. Pelagius
Melleo subdiacono.

Dulcitia Ecclesiæ nostræ famula, in Tarpeiana
massa consistens, hujusmodi querelam suam nostris
sensibus intimavit, dicens quod, postea quam eam
marito suo defuncto contigit viduari, Clarentius
quidam nomine ex ancilla, ut perhibetur, Ecclesiæ
procreatus, diversis blanditiis atque suasionibus
præfatæ mulieris animos inclinando in suo eam cu-
rasset afficere consortio, ex qua etiam filium pro-
creasset. Nunc autem post conjunctionis suæ non
parvum tempus, quippe jam nato et educato filio
nullis, ut perhibetur, rationalibus causis exstantibus,
eamdem mulierem deseruisse, atque in eam pro-
siluisse contumaciam, ut ad declinandam servitutem
debitam, curialis sibi nomen audeat usurpare: qui
et primam in ecclesiæ possessione genitam ex colo-
nis ecclesiæ habuisse memoratur uxorem. Ex cuius
peculio quemdam agellum dicitur hactenus detinere;
sed et alia non pauca in suo fertur habuisse peculio.
Quapropter experientia tua præsentis jussionis vi-
gore suscepto, eodem detento Clarentio causæ totius
veritatem diligenter agnoscens, quæ de memorati
persona seu rebus ecclesiastica requirit utilitas ex-
sequatur, et si eum de ecclesiæ ancilla genitum, vel
alio modo legitimo juri Ecclesiæ constat obnoxium
reperiri, cum omnibus rebus suis in massam eccle-
siæ festinet revocare, et ei præfatam mulierem,
quam sibi ipse ascivit in consortium, sociare, nul-
latenus habituro de cætero eam relinquendi licen-
tiam.

CAP. 56. — *Si quis per errorem duxerit ancillam*
uxorem, liberam eam putans, vel si qua servum
duxerit maritum, non subsistere tales nuptias. No-
vellarum constitutionum trigesima septima.

Si quis per errorem ancillam mulierem duxerit
uxorem, liberam eam esse putans, vel ex contrario
si libera mulier servo per errorem juncta sit, post-
eaque veritas reperta fuerit, dicendum est omnino
nuptias non constitisse. Inter liberum enim et an-
cillam, servum et liberam mulierem, nuptiæ contrahi

non possunt. Quod si calliditate et conniventia do-
mini servus vel ancilla matrimonium contraxerit
cum libera persona (forte enim dominus ancillam
suam ut liberam viro ingenuo conjunxit, et dotem
pro ea præstitit, ut propter nuptias donationem lu-
cretur totam vel pro parte). Si quid ergo tale conti-
gerit, ipsam donationem dotis, et ancillam liberam
faciat et nuptiæ consistent, nulla lege, quantum
pertinet ad servitutem, hujusmodi matrimonium
concutiente. Sin autem dominus specialiter quidem
in nuptias ancillæ suæ vel servi non consenserit,
sciens autem quod non cohiberit (forte enim ideo
hoc facit, ut postea negotium moveat homini libero
quod ejus ancillam duxit uxorem, vel ingenuæ mu-
lieri quod servo ejus nupta est), si quid ergo tale
evenerit, et specialiter dominus non consenserit, at-
tamen nesciens non prohibuerit, et nuptiæ integro
jure consistent, et servilis conditionis persona eri-
piatur, ad ingenuitatem illo sine dubio aperto, quod
liberi qui ex hujusmodi nuptiis procreati fuerint,
tam ingenui quam legitimi sunt.

CAP. 57. — *Quod liberta quæ patrono suo nupsit eo*
invito alii jungi non possit, cap. 25.

Si liberta mulier patrono suo copulata nuptiis
quidem ejus renuntiaverit, ad secundum autem ma-
trimonium migrare voluerit, id facere invito pa-
trono non poterit. Alioquin si contra voluntatem
ejus nupsit, non fiunt nuptiæ, sed ut meretrix
conjuncta esse videatur. *Constitutio sexagesima nona,*
cap. 3. Siquis libertam suam uxorem ducere voluerit,
dotalia instrumenta cum ea componat, et habeat legi-
timam uxorem, quamvis ipse summa dignitate præ-
fulgeat. Et si liberi ex tali connubio procreati fue-
rint, legitimi successores patri suo succedant.

CAP. 58. — *De quodam qui filiolo suo ancillam*
suam copulavit, et postea abstulit. Gregorius Ma-
ximiano episcopo Syracusano (lib. III regist.,
cap. 12).

Præsentium portitor lacrymabiliter questus est,
ante plurimos annos ab homine (nescio quo) de
possessione Massanensis Ecclesiæ, de fontibus se
susceptum, et violenter diversis persuasionibus
puellæ junctam, ex qua filios jam juvenulos habere
se asserit, quam nunc violenter huic disjunctam
abstulisse dicitur, atque cuidam alii venundedisse.

Quod si verum est, quam sit inauditum atque cru-
dele malum, tua dilectio perspicit. Ideoque admone-
mus, ut hoc tantum nefas, sub ea vivacitate, quam
te in causis piis habere certissime scimus, requiras
atque discutias; et si ita, ut supradictus portitor in-
sinuavit, esse cognoveris, non solum quod male
factum est ad statum pristinum revocare curabis,
sed et vindictam quæ Deum possit placare, exhibere
modis omnibus festinabis.

CAP. 59. — *Quod nulli liceat duas habere legitimas.*
Stephanus V Theodosio episcopo.

Nunquidne duabus simul sponsis nubere barbari-
cam gentem instruis? Nunquidne sacramentum Ec-
clesiæ exponentem Apostolum non legisti: *Erunt*
duo in carne una? (I Cor. vi; Gen. ii) an forsitan

sui codices falso tres in carne una asserunt? Desine jam tali tabescere ignavia, et disce paternis obedire regulis, ne inveniariis statutos a patribus terminos transgredi (*Prov. xxii*), vel per ambitionem de majori ad majorem transire ecclesiam, quod tentantem laica etiam commuione sacri privant canones.

CAP. 60. — *Quod nec concubinam habeat qui cum pluribus concumbere solet. Novellarum constitutionum septuagesima nona.*

Nemo intelligatur concubinam habere, qui cum multis mulieribus concumbere solet. Nam, quemadmodum qui legitimam uxorem habet, aliam habere durante eodem matrimonio non potest, ita et qui unam concubinam habet, non potest alias eo tempore habere.

CAP. 61. — *Quod Ismael non fuit ejectus propter matrem ancillam, sed propter fraternam discordiam. Aug., De unico baptismo, lib. 1 (De baptis. contra Donatistas, cap. 13).*

(*Dist. 56, c. Ismael.*) Ismael ut separaretur a populo Dei non obfuit mater ancilla, sed obfuit fraterna discordia (*Gen. xxi*). Et non profuit potestas uxoris, cujus magis filius erat, quia per ipsius jura conjugalia, et in ancilla seminatus erat, et ex ancilla susceptus.

CAP. 62. — *Quod in liberæ mulieris consuetudine nuptiæ intelligendæ sint. Pandectarum, libro xxiii, tit. ii.*

In liberæ mulieris consuetudine non concubinitus, sed nuptiæ intelligendæ sunt, si non corpore quæstum fecerit.

CAP. 63. — *De pœnitentia ejus qui duas uxores nititur habere. Responsa Nicolai ad consulta Bulgavorum, cap. 51.*

Apud quem uno tempore duæ uxores inveniuntur, interim priore retenta, posteriorem cogatur amittere; insuper et pœnitentiam quam loci sacerdos præviderit, compellatur suscipere.

CAP. 64. — *Ut habens concubinam si alia non utatur, communionem non privetur. Ex Toletano, conc. 1, c. 17.*

(*Dist. 34, c. Is qui non.*) Si quis habens uxorem fidelem, concubinam habeat, non communicet. Cæterum is qui non habet uxorem, et pro uxore concubinam habet, a communionem non repellatur, tantum ut unius mulieris, aut uxoris, aut concubinæ (ut ei placuerit) sit conjunctione contentus. Alias vero abjiciatur, donec desinat, et ad pœnitentiam revertatur.

CAP. 65. — *Quod quasi matrimonium sit, si quis concubina sic utatur ut alteram non habeat, nec habere desideret. August. de bono conjugali, cap. 5.*

(*32, q. 2, c. Solet.*) Solet quæri, cum masculus et femina nec ille maritus, nec illa uxor alterius, sibi met non filiorum procreandorum, sed pro incontinentia solius concubitus causa copulantur, ea fide media, ut nec ille cum altera id faciat, utrum nuptiæ sint vocandæ. Et potest quidem fortasse non absurde hoc appellari connubium, si usque ad mortem alicujus eorum id inter eos placuerit, et prolis generationem, quamvis non ea causa conjuncti sunt;

non tamen vitaverunt, ut vel nolint sibi nasci filios, vel etiam opere aliquo malo agant ne nascantur. Cæterum, si vel utrumque, vel unum horum desit, non inveno quemadmodum has nuptias appellare possimus. — Etenim si aliquam sibi ad tempus adhibuerit, donec illam dignam honoribus, vel suis facultatibus inveniat, quam comparem ducat, ipso animo adulter est, nec cum illa quam cupit invenire, sed cum ista cum qua sic cubat, ut cum ea non habeat maritale consortium.

CAP. 66. — *Quod unam tantum liceat habere Christiano. Isidorus de consonantia Novi et Veteris Testamenti, cap. 3.*

(*Dist. 34, c. Christiano.*) Christiano non dicam plurimas, sed nec duas simul habere licitum est, nisi unam tantum, aut uxorem, aut certe loco uxoris, si conjux deest, concubinam.

CAP. 67. — *Quod non sit legitimus a nobili et ab ancilla genitus. Pelagius Sindulæ magistro militum.*

Montanus ut nihil ulterius Montanianus, qui se contra omnem veritatem, et contra leges, dum sit ex ancilla genitus, legitimum filium tentat astruere sensibus vestris qualibet forte subripiat, quia Montanianum illum, de cujus substantia agitur, constat sine propriis liberis decessisse, et germani fratris filios, qui ei legitima ratione succedunt, superstites dimisisse, ac propterea istum Montanianum, de cujus substantia agitur, nullam habere in illius defuncti successione personam. Nam, etsi principalia sacra promeruit, hoc illis legitimis successoribus præjudicare nil poterit, quia ipso clementissimus imperator generales leges protulit quibus jubet nulli qui in precibus suis deprehenditur esse mentitus, ea sacra prodesse quæ meruit. Qui cum esset naturalis, se contra veritatem dicit esse legitimum, quod nulla ratione monstrari lege potuit.

CAP. 68. — *Quod de legitimis nuptiis procreati patrem, vulgo quæsi matrem sequuntur. Pandectarum lib. 1, tit. v.*

Cum legitimæ nuptiæ factæ sunt, patrem liberi sequuntur, vulgo quæsi matrem sequuntur.

CAP. 69. — *Quis sit vulgo quæsitus. Item.*

Vulgo concepti dicuntur, qui patrem demonstrare non possunt; et qui possunt quidem, sed eum habent quem habere non licet.

CAP. 70. — *Quod matrem potius quam patrem sequuntur de non legitimo conjugio nati. Item.*

Lex naturæ hæc est, ut qui nascitur sine legitimo matrimonio, matrem sequatur. Qui in utero sunt, in toto pene jure civili intelliguntur in rerum natura esse. Nam et legitimæ hæreditates restituntur his, ita ut si prægnans mulier ab hostibus capta sit, et id quod natum erit, quamvis apud bonæ fidei emptorem peperit, tanquam furtivum usu non capitur.

CAP. 71. — *Quod liberorum status dependeat a conditione matris, non patris. Libro 1, constitut. tit. iv.*

Ingenuus est qui, statim ut natus est, liber est, sive ex duobus ingenuis matrimonio editur, sive ex libertinis, sive ex altero libertino et altero ingenuo.

Sed et si quis libera de matre nascitur, patre servo, A rum ita ab initio constituta sit, ut præter sexuum ingenuus nihilominus nascitur, quemadmodum qui ex matre libera et incerto patre natus est, quoniam vulgo conceptus est. Sufficit autem liberam habuisse matrem eo tempore quo nascitur, licet ancilla conceperit; et econtrario, si libera conceperit, deinde ancilla facta pariat. Placuit enim qui nascitur liberum nasci, quia non debet calamitas matris ei nocere qui in utero est. Ex his et illud quæsitum est, si ancilla prægnans manumissa sit, deinde ancilla postea facta peperit, liberum an servum pariat. Marcellus [Martianus] probat liberum nasci. Sufficit enim ei qui in ventre est, liberam matrem vel medio tempore habuisse, quod et verum est. *Isidorus Etymologiarum lib. ix, cap. 5. (32 q. 4, c. Liberi dicti.)* Liberi dicti sunt, qui ex libero matrimonio sunt orti. Nam filii ex libero et ancilla, servilis conditionis sunt. Semper enim qui nascitur deteriorem parentis statum sumit. *Ejusdem lib. ix, cap. 5.* Naturales filii dicuntur ingenuarum concubinarum filii, quos sola natura genuit, non honestas conjugii. *Item.* Hi qui non sunt de legitimo matrimonio, matrem potius quam patrem sequuntur.

CAP. 72. — *Quod conjugia quibusdam conceduntur, quibusdam non. Augustinus de conflictu vitiorum atque virtutum, cap. 22 (cap. 24).*

(27, q. 4, c. Nubendi.) Nubendi licentia quibusdam tribuitur, hoc est qui virginitatem vel castimoniam vidualem nequaquam professi sunt; quibusdam autem non tribuitur, id est qui virgines aut continentem esse decreverunt; fornicatio vero nulli impune conceditur.

CAP. 73. — *Quod multa licent ante votum, quæ post votum non licent. Augustinus de adulterinis conjugis, lib. I (c. 24).*

(32, q. 8, c. Non solum.) Non solum mæchandum non est, quod faciunt quidam [facit non quidam, or.] sed omnis qui dimittit uxorem suam et ducit alteram, etsi propterea duxerit, Christianam ut faciat; sed etiam quisquis non alligatus uxori continentiam Deo voverit, nullo modo debet ista compensatione peccare, ut ideo uxorem credat sibi esse ducendam, quia promisit, quæ nuptias ejus appetit, futuram se esse Christianam. Quod enim cuiquam antequam vovisset licebat, cum id se nunquam facturum voverit, non licebit; si tamen id voverit, quod vovendum fuit, sicuti est perpetua virginitas, vel continentia vidualis post experta connubia solutis a vinculo conjugali, vel ex consensu voventibus, et carnalia debita sibi invicem relaxantibus fidelibus castisque conjugibus, quod alterum sine altera, vel alteram sine altero vovere fas non est. Hac ergo et si qua alia sunt quæ rectissime voventur, cum homines voverint, nulla conditione rumpenda sunt, quæ sine ulla conditione voverunt.

CAP. 74. — *Quod nuptiæ habent in se Christi et Ecclesiæ sacramentum. Leo Rustico Narbonensi (ep. 92, c. 4).*

(27, q. 2, c. Cum societas.) Cum societas nuptia-

(80) Sub finem, ad c. 1 Luc., de Elizabeth agit Amb.

rum ita ab initio constituta sit, ut præter sexuum conjunctionem haberet etiam in se Christi et Ecclesiæ sacramentum, dubium non est eam mulierem ad matrimonium non pertinere, in qua docetur nuptiale non fuisse mysterium.

CAP. 75. — *Quod pudor est feminis nuptiarum præmia non habere. Ambrosius super Lucam, lib. I (80).*

(32, q. 2, c. Pudor.) Sara partus sui erubescerebat ætatem, et rursus se caruisse gaudebat opprobrio. Pudor est enim feminis nuptiarum præmia non habere, quibus hæc sola causa est nubendi.

CAP. 76. — *Quod præmium nuptiarum partus sit feminarum. lib. II (statim post principium).*

(32, q. 2, c. Pudor.) Cum conjugii præmium et gratia nuptiarum partus sit feminarum, non mediocri causa est ut virginitas Mariæ falleret principem mundi.

CAP. 77. — *Quod tantum procreatio filiorum sit vinculum nuptiarum. Augustinus contra Julianum lib. II.*

(32, q. 4, c. Non enim.) Non in sola (ut deliras) commistione maris et femine nuptiarum veritas est, quamvis sine illa nuptiæ filios propagare non possint. Sed alia sunt ad nuptias proprie pertinentia, quibus ab adulteriis nuptiæ decernuntur. Sicuti est thori conjugalis fides, et cura ordinate filios procreandi, et (quæ maxima differentia est) bonus usus mali, hoc est, bonus usus concupiscentiæ carnis, quo malo [al. bono] adulteri utuntur male.

CAP. 78. — *Quid viro faciendum sit si mulier nulla ratione ei debitum reddere poterit. Gregorius Junior Bonifacio episcopo (Gregorius II, ep. 13, c. 2).*

(32, q. 7, c. Quod proposuisti.) Quod proposuisti, si mulier infirmitate correpta nunquam valuerit viro debitum reddere, quid ejus faciat jugalis. Bonum esset si sic permaneret, ut abstinentiæ vacaret, sed quia hoc magnorum est, ille qui se non poterit continere, nubat magis; non tamen ei subsidii opem subtrahat ab illa quod [quam] infirmitas propedit, cum non detestabilis culpa excludit.

CAP. 79. — *De repudio mariti si debitum uxori reddere non poterit. Codicum lib. v, cap. 49, tit. x.*

Si maritus uxori ab initio matrimonii usque ad duos continuos annos computandos coire minime propter naturalem imbecillitatem valeat, possit mulier vel ejus parentes, sine periculo dotis amittendæ, repudium marito dicere.

CAP. 80. — *De eadem re. Capitulum lib. vi, cap. 91 (c. 55).*

Si vir et mulier junxerint se in matrimonio, et postea dixerit mulier de viro non posse nubere cum eo; si potuerit probare quod verum sit accipiat alium, eo quod, juxta Apostolum, non potuit illi reddere vir suus debitum (I Cor. vii).

CAP. 81. — *De eadem re. Constitutio Novellarum 37.*

Si quis non potest cum uxore sua misceri, etiam sine repudio matrimonium dissolvatur.

CAP. 82. — *Quod propter spem proli conjugia copulanda sint. Augustinus contra Faustum lib. 1.*

Ad explendam tantum libidinem feminis impudica conjunctione miscentur Manichæi; filios autem inviti suscipiunt, propter quod solum conjugia copulanda sunt. Quomodo ergo non prohibes nubere, quando id conaris auferre de nuptiis, unde sunt nuptiæ? Quo ablato, mariti erunt turpiter amatores, meretrices uxores, thalami fornice, soceri lenones.

CAP. 83. — *Quod Dominica die ab uxore abstinendum sit. Responsa Nicolai ad consulta Bulgarorum, cap. 65.*

Consultis præterea, si liceat viro, Dominico nocturno tempore vel diurno cum uxore sua conjungi, aut dormire. Quibus respondemus: Quoniam si Dominico die ab opere mundano cessandum est, sicut supra docuimus, quanto magis a voluptate carnali, et omnimoda corporis pollutione cavendum.

CAP. 84. — *De eadem re. Ambrosius super Epistolam primam ad Corinthios (ad c. vii, inf.).*

(33, q. 4, c. Si causa.) Si causa creandorum filiorum ducitur uxor, non multum tempus concessum videtur ad usum ipsum, quia et dies festi et dies processionis, et ipsa ratio conceptus et partus juxta legem cessari temporibus his debere demonstrant.

CAP. 85. — *Ut mulier dominio viri sui subjecta sit. Ambrosius (Augustinus) in libro Quæstionum Veteris et Novi Testamenti, cap. 45.*

(33, q. 5, c. Mulierem.) Mulierem constat dominio viri subjectam esse et nullam auctoritatem habere, nec docere enim potest, nec testis esse, neque illdem dicere, nec judicare; quanto magis non potest imperare.

CAP. 86. — *Quod vir non debet mulieri subtrahere debi um. Hieronymus super Ezechielem lib. vii.*

Caveat uxor ne forte victa desiderio cocundi celet virum, et maritus ne vim faciat uxori, putans omni tempore subjectam sibi debere conjugii voluntatem.

CAP. 87. — *Ut communicaturi se eo tempore ab uxore abstineant. Sermo Hieronymi vigilia Paschæ, qui sic incipit: Hodie, fratres charissimi, populis Israel (tomo IX sermone 33, De esu agni, sed qui inter nothos).*

(33, q. 4, c. Sciatis.) Sciatis, fratres charissimi, quoniam quicumque uxori debitum reddit, vacare non potest orationi, nec de carnibus Agni comedere. Item post unum (atque alterum versum). Si panes propositionis ab his qui uxores suas tetigerant comedi non poterant (I Reg. xxi), quanto magis panis ille qui de cælo descendit, non potest ab his, qui conjugibus paulo ante hæserè complexibus, violari atque contingi! Non quod nuptias condemnumus, sed quod eo tempore quo carnes Agni manducaturi sumus, vacare a carnis operibus debeamus.

CAP. 88. — *Ne mariti cum uxore suis puerperis congregiantur ante tempus purgationis. Beda in Historia Anglorum, lib. 1, cap. 27. Gregorius respondet Augustino (Greg. ad 10 August. interrogatidnem).*

(Dist. 5, c. Ad ejus vero.) Ad enixæ mulieris con-

debitum vir suus accedere non debet, quoadusque qui gignitur ablactetur. Prava autem in conjugatorum moribus consuetudo subrepsit, ut mulieres filios quos gignunt nutrire contemnunt, eosque aliis mulieribus ad nutriendum tradant. Quod videlicet sola causa incontinentiæ videtur inventum. Quia, dum se continere nolunt, despiciunt lactare quos gignunt. Hæ itaque quæ filios suos ex prava consuetudine aliis ad nutriendum tradunt, nisi purgationis tempus transierit, viris suis non debent commisceri. Quippe cum et sine partus causa, dum in consuetis menstruis detinentur, viris suis misceri prohibeantur, ita ut morte lex sacra feriat, si quis vir ad mulierem menstruatam accedat (Lev. xx). Quæ tamen mulier dum consuetudinem menstruam patitur, prohiberi ecclesiam intrare non debet, quia ei nature superfluitas in culpam non valet reputari, et per hoc quod invita patitur, justum non est ut ab ingressu Ecclesiæ privetur. Item (ibidem aliquanto post; 33, q. 4, c. Vir cum). Vir cum propria conjugè dormiens, nisi lotus aqua intrare ecclesiam non debet, sed neque lotus statim intrare debet. Item (post aliquot versus). Romanorum semper ab antiquioribus usus fuit, post admisionem propriæ conjugis, et lavacri purificationem quærere, et ab ingressu ecclesiæ paululum reverenter abstinere. Nec hæc dicentes culpam deputamus esse conjugium, sed quia ipsa licita admistio conjugum sine voluptate carnis fieri non potest, a sacri loci ingressu abstinendum est, quia voluptas ipsa esse sine culpa nullatenus potest. Item (paulo post). Oportet legitima carnis copula ut causa proli sit, non voluptatis, et carnis commistio creandorum liberorum sit gratia, non satisfactio vitiorum. Si quis vero sua conjugè non voluptatis cupiditate raptus, sed solummodo creandorum liberorum gratia utitur, iste profecto sive de ingressu Ecclesiæ, sive de sumendo Dominici corporis et sanguinis mysterio, suo est relinquendus judicio, quia a nobis prohiberi non debet accipere, qui in igne positus nescit ardere. Cum vero non amor procreandæ sobolis, sed voluptas damnatur in opere commistionis, habent etiam conjuges quod de sua commistione delcant. Item (ad calcem). Tunc vir qui post admisionem conjugis lotus aqua fuerit, etiam sacre communionis mysterium valet accipere, cum ei juxtam præfinitam sententiam ecclesiam etiam licuerit intrare.

CAP. 89. — *Quod Christiano cum uxore aliquando licet convenire, aliquando non. Augustinus in libro Quæstionum Veteris et Novi Testamenti, c. 128.*

(Dist. 88, c. Fornicari.) Fornicari omnibus semper non licet, negotiari vero aliquando licet, aliquando non licet. Antequam enim ecclesiasticus quis sit, licet et negotiari; facto jam non licet. Et Christiano cum uxore sua convenire aliquando licet, aliquando vero non licet. Propter dies enim processionis aliquando non licet convenire, quia etiam a licitis abstinendum est, ut facilius impetrari possit quod postulatur. Unde Apostolus, Ex consensu, ait, abstinendum est ad tempus, ut vacetis orationi (I Cor. vii). Nam et

secundum legem in jejuniis cedere et iurgari non a licet, postea licet.

CAP. 90. — *Ut vir, si litigium inter eos fuerit, domet uxorem suam. Sermo 65. Amb., De verb. Domini.*

Si in una domo litem inter se habeant vir et uxor, ad hoc debet laborare vir ut domet uxorem, domita uxor subijgetur viro. Subjugata uxore viro, fiat pax in domo.

CAP. 91. — *Ut mulier subjecta sit viro. Ambrosius Hexaemeron in tractatu diei quarti (lib. v, c. 7).*

(33, q. 5, Adam.) Adam per Evam deceptus est (Gen. III), non Eva per Adam, quem vocavit ad culpam mulier. Justum est ut eam in gubernationem [eum gubernatorem, orig.] assumat, ne iterum feminea facilitate labatur.

CAP. 92. — *Quare mulier debeat velare caput suum. Ambrosius super primam Epistolam ad Corinthios (ad II, c. 1, Ad Corinth.)*

(33, q. 5, c. Mulier.) Mulier debet velare caput, quia non est imago Dei, sed ut ostendatur subjecta. Et quia prævaricatio pro illam inchoata est, hoc signi debet habere in [ut in orig.] ecclesia propter reverentiam episcopalem non habeat caput liberum, sed velamine tectum; nec habeat potestatem loquendi, quia episcopus personam habet Christi. Quasi ergo ante judicem sic ante episcopum, quia vicarius Domini est, propter reatus originem subjecta debet videri.

CAP. 93. — *Quod vir debet imperare, mulier obtemperare. Augustinus super Joannem parte prima, tractatu II.*

Caro in Scriptura ponitur pro uxore, quomodo aliquando spiritus pro marito. Et quare? Quia ipse regit, hæc regitur; ille imperare debet hæc servire. Nam ubi caro imperat et spiritus servit, perversa domus est. Quid pejus domo ubi femina habet imperium super virum? Recta autem illa domus est ubi vir imperat, femina obtemperat.

CAP. 94. — *Quod naturalis ordo sit ut mulier serviat viro. Augustinus lib. quæstionum super Genesim cap. 153.*

(33, q. 5, c. Est ordo.) Est ordo naturalis in hominibus, ut serviant feminae viris, et filii parentibus; quia et illis hæc justitia est, ut inferior serviat majori.

CAP. 95. — *De eodem, Aug. lib. quæstionum de Veteri et Novo Testamento, cap. 106.*

(33, q. 5, c. Imago.) Hæc imago Dei est in homine, ut unus factus sit ex quo cæteri orientur, habens imperium Dei, quasi vicarius ejus; quia omnis rex Dei habet imaginem. Ideoque mulier non est facta ad Dei imaginem, sic et enim dicit: *Et fecit Deus hominem, ad imaginem Dei fecit illum.* (Gen. 1; Sap. 11). Hinc est unde Apostolus, *Vir quidem, ait, non debet velare caput, quia imago et gloria Dei est; mulier autem (I Cor. 1), ideo velat, quia non est gloria, aut imago Dei.*

CAP. 96. — *Item, de eodem. Augustinus.*

(33, q. 5, c. Satis.) Satis hinc apparet quemadmodum subditas feminas viris, et pene famulas lex esse voluerit uxores, quod dicens adversus uxorem

vir testimonium, unde lapidaretur illa, si hoc verum esse demonstraretur, ipse tamen non vicissim lapidaretur si hoc falsum esse constiterit; sed tantummodo castigatur, et damnificatur, eique perpetuo jubetur adharere qua carere voluerat. In aliis autem causis, eum qui testimonio falso cuiquam nocuerit, quod si (quasi, Vict.) probaretur, jussit occidi: eadem poena plecti jubet, qua fuerat, si verum esset, iste plectendus.

CAP. 97. — *Quod, sicut vir Christo, ita mulier viro suo subjecta esse debet. Hieronymus super Epistolam ad Titum (cap. 11).*

(33, q. 5, c. Cum caput.) Cum caput mulieris vir sit, caput autem viri Christus, quæcunque uxor non subijcitur viro, hoc est, capiti suo, ejusdem criminis rea est, cujus et vir, si non subijciatur capiti suo, Christo. Verbum autem Domini blasphematur, vel cum contemnitur Dei prima sententia, et pro nihilo ducitur (Gen. III), vel Christi infamatur Evangelium, dum contra legem, fidemque naturæ, ea quæ Christiana est et ex Dei lege subjecta, viro imperare desiderat: cum etiam gentiles feminae viris suis serviant communi lege naturæ.

CAP. 98. — *Quod mulier votum abstinentiæ reddere non possit, nisi permittente viro. Augustinus, lib. quæstionum in Numer. cap. 53 (lib. IV Quæst. super numer. quæst. 59).*

(33, q. 5, c. Noluit.) Noluit ita lex aliquid vovere Deo adversus animam suam, ut non in aliquarum rerum licitarum, atque concessarum abstinentiâ in iisdem votis feminae valeat auctoritas, sed virilis; ita ut si a ihuc innuptæ concesserat pater vota persolvere, antequam persolverit nupserit, et viro ejus hoc cognitum non placuerit, non persolvat: et hoc omnino sine peccato, quia Deus mundavit eam, sicut dicit lex, id est mundam judicavit. Neque hoc contra Deum fieri putandum est, cum ipse Deus hoc præceperit, hoc voluerit. *Item, ibid. aliquanto post.* (33, q. 5, c. Manifestum.) Manifestum est, ita voluisse legem, feminam sub viro esse, ut nulla vota ejus quæ abstinentiæ causa voverit, reddantur ab ea, nisi auctor vir fuerit permittendo. Nam, cum ad peccatum ejusdem viri pertinere voluerit, si prius permiserit, et postea prohibuerit, etiam hic tamen non dixit ut faciat mulier quod voverat, quia permissa prius a viro fuerat; viri dixit esse peccatum, quia abnuvit quod prius concesserat; non tamen mulieri vel ex hoc permissum dedit, ut cum prius vir ei concesserat, postea si prohibuerit, contemnatur [condemnetur, orig.].

CAP. 99. — *Quod adulterium secundum locum in penis obtineat. Ex epistola I Clementis ad Jacobum.*

(32, q. 7, c. Quid in omnibus.) Quid in omnibus peccatis est adulterio gravius? Secundum namque in penis obtinet locum; quoniam quidem primum illi habent, qui aberrant a Deo, etiamsi sobrie vixerint.

CAP. 100. — *De adulterio. Gregorius in Moralibus lib. XXI (c. 9, init.).*

Cum turpiter, vel inupta concupiscitur, adulterium perpetratur.

CAP. 101. — *Quid sit adulterium. Ambrosius ad Paternum (epist. 66, init.).*

(27, q. 2, c. Si quis.) Si quis desponsata sibi, et tradita utatur, conjugium vocat. Qui alienæ expugnat pudorem, adulterium facit; cujus vel solo nomine reprimitur plerumque tentandi audacia.

CAP. 102. — *De eodem. Augustinus de bono conjugali (cap. 4).*

(32, q. 5, c. Illæ autem.) Adulterium dicitur, cum vel propriæ libidinis instinctu, vel alienæ consensu, cum altero vel altera, contra pactum conjugale concumbitur, atque ita frangitur fides, quæ in rebus etiam corporeis et abjectis magnum animi bonum est. Et ideo eam saluti quoque corporali, qua etiam vita ista continetur, certum est debere præponi.

CAP. 103. — *Quod templum Dei violat qui adulterium facit. Idem de verbis Domini cap. 17 (sermone 16, c. 10).*

Ipsam corpus tuum, templum est Spiritus Dei (I Cor. III). Jam vide quid facias de templo Dei. Si eligeres in ecclesia facere adulterium intra ipsos parietes, quid te esset sceleratius? Modo autem tu ipse es templum Dei.

CAP. 104. — *Qui alienam conjugem concupiscit, ita ut, si locus detur, ea sit abusus, jam reus est facti. Augustinus de libero arbitrio lib. I, (cap. 3).*

(De pœnitent., dist. 1, c. Si cui.) Si cui etiam non contingat facultas concumbendi cum conjugem alienam, planum tamen aliquomodo sit id eum cupere, et si potestas detur esse facturum, non minus reus est quam si in ipso facto deprehenderetur.

CAP. 105. — *Quod non est faciendum adulterium, nec spe generandi regenerandos. Augustinus ad Claudium contra Julianum, lib. V (cap. 8, initio).*

(32, q. 4, c. Sic non facienda.) Sic non facienda sunt adulteria, etiam voluntate generandi regenerandos, quemadmodum nec furta sunt facienda, etiam voluntate pascendi pauperes sanctos: quod tamen faciendum est, non furta perpetrando, sed bene utendo mammona iniquitatis.

CAP. 106. — *Quid sit adulterium. Isidorus lib. sententiarum, cap. 39 (lib. II).*

Fornicatio carnis adulterium est; fornicatio animæ, servitus idolorum est.

CAP. 107. — *Quod adulterium facit, qui propter suam ad alteram vadit. Isidor., super Exod. cap. 29.*

(32, q. 5, c. Non mœchaberis.) Non mœchaberis, id est, ne quisquam præter matrimonii fœdera aliis feminis misceatur ad explendam libidinem. Nam adulterium facit specialiter, qui præter suam ad alteram accedit.

CAP. 108. — *Quod reus est adulterii qui semel fecerit illud, etiamsi nunquam amplius facturus sit. Aug. ad Valerium de nuptiis et concupisc. (lib. I, c. 26).*

Si quis fecerit adulterium, etiamsi nunquam deinceps

faciat, reus est adulterii, donec reatus ipsius indulgentia remittatur. Habet ergo peccatum quamvis illud jam non sit quod admisit, quia cum tempore, quod factum est, perit.

CAP. 109. — *Quomodo repudianda sit adultera. Novellarum constitut. 5, cap. 7.*

Si in adulterio maritus putaverit suam uxorem convinci, prius debet inscriptiones deponere, vel contra mulierem vel contra adulterum: et si talis accusatio vera comprobata fuerit, tunc repudium mittat.

CAP. 110. — *Marito in accusatione succumbente, eadem pœnæ quæ uxori convictæ irrogandæ, cap. 8.*

Si vitæ mulieris quocunque modo insidiatus fuerit maritus, vel si aliis hoc facientibus conscius non manifestaverit mulieri, et secundum leges eam non judicaverit, si mulieris castitati insidiatus fuerit, vel aliis eam in adulterium prodere conatus fuerit; item, si maritus ei de adulterio inscriptiones posuerit, et adulterium probare non poterit, liceat mulieri repudium mittere marito. Item. Illis pœnis subjiciatur maritus, si accusationem adulterii probare non poterit, quas mulier passura fuisset, si convicta fuisset. Item. Si in eadem domo in qua mulier cum ipso habitat, contemnens eam cum alia muliere frequenter manens convincatur, et semel et bis criminatus, vel per parentes suos, vel per mulieris parentes, vel per alias idoneas personas hujusmodi turpitudine non abstinuerit, liceat mulieri dissolvere nuptias.

CAP. 111. — *Quod liceat marito occidere eum quem, postquam ter prohibuerit, cum uxore sua in una domo invenerit. Cap. 14.*

Si quis suspicatus fuerit de aliquo, velle eum pudori uxoris suæ illudere, liceat ipsi marito testationes in scriptis habitas ad suspectum hominem mittere, et ter ei denunciare per testationes ipsas idoneos testes continentes, ne cum uxore sua inveniantur. Et si post tres testationes in scriptis habitas, et idoneos homines habentes, invenerit eum quem contestatus est cum uxore sua, vel in sua domo vel in domo mulieris, vel in domo illius adulteri, vel in popina [propinquo], vel in prastino, liceat marito sine ullo periculo manibus suis illum occidere. Sin autem in alio loco deprehenderit eum colloquium habentem cum uxore sua, convocatis tribus testibus idoneis, per quos possit probare apud judicem invenisse eum cum uxore sua colloquium habentem, tradat eum judici, et si iudex invenerit post tres testationes suspectum hominem colloquium mulieri fuisse, nullo alio exquisito quasi adulterum puniat.

CAP. 112. — *Ut maritus si post tres contestationes invenerit uxorem suam cum suspecto homine in loco sacro colloquentem, ab episcopo eos ad pœnam requiratur, cap. 15.*

Si post tres testationes [testificationes] invenerit maritus uxorem suam in sacro loco cum suspecto homine colloquium habentem, tradat eos Ecclesiæ

defensori, vel aliis clericis, ut separatim custodian- A
tur in periculo defensoris vel clericorum, ut auditus
iudex mittat ad religiosum civitatis episcopum, et
auctoritate ipsius accipiat eos, pœnis contra adul-
teros positis utrosque afficiat nullo alio requisito,
si post tres attestaciones inventus est cum muliere
locutus. Est autem justissimum neque adulteros,
neque raptores mulierum, sacrorum septis vindicare,
et multo magis si quis de ipso adulterio intra
sacra alienæ mulieri locutus est. Et generaliter de-
finimus, si quis invenerit uxorem suam, vel filiam,
vel neptem, vel nurum, et deprehenderit cum ali-
quo colloquium habentem, et suspicatus fue. it turpi-
tudinis causa eos convenisse, liceat ambos Ecclesiæ
tradere defensori, vel aliis clericis, periculo eorum
separatim custodiendos, donec iudici innotescere
fecerit, et ille secundum leges personas acceperit,
et causam discussert.

CAP. 113. — *De adulterio, post quinquennium quam
admissum est, neminem posse accusari. Codicum,
lib. xi, tractatu v.*

Adulter post quinquennium quam commissum
adulterium dicitur, quod continuum numeratur,
accusari non potest.

CAP. 114. — *Quod maritus non potest inferre crimen
adulterii uxori in matrimonio retentæ. Tra-
ctatu xi.*

Crimen adulterii maritum retenta in matrimonio
uxore inferre non posse, nemini dubium est.

CAP. 115. — *Quod proximis tantum accusare licet
de adulterio. Tract. xxix.*

Ne volentibus temere liceat fœdare connubia,
proximis necessariisque personis solummodo placet
deferri copiam accusandi adulterium : hoc est
fratri, patri, nec non patruo et avunculo, quos
verus dolor ad accusationem impellit. Sed et his
personis legem ita ponimus [imponimus, *Vict.*] ut
crimen abolitione si voluerint compescant. Impri-
mis maritum tori genitalis iudicem esse oportet,
cui quidem ex suspitione ream conjugem licet.
Extraneos procul arceri ab hac accusatione cense-
mus.

CAP. 116. — *De Lothario rege et uxore ejus, quod
per monomachiam non est convincenda. Nicolaus
papa Carolo regi (epist. 49).*

Sicut multorum relatu didicimus, Lotharius rex
conventum celebrare disponit, et Theibergam re-
ginam examini proprio et iudicio meditatur subji-
cere : et siquidem eam præstigiis falsitatis suæ
poterit exhibere, quasi non fuerit legitima sua
uxor, vult eam penitus a se sequestrare. Sin autem
vult eam tanquam propriam uxorem dimittere, sed
deinde quasi mœchata fuerit insimulare, atque pro
hoc hominem suum, et hominem Theibergæ ad mo-
nomachiam impellere, et si homo ipsius reginæ ce-
ciderit, disponit hanc sine dilatione perimere. *Item.*
Præterea sive de conjugii fœdere, sive de adulterii
crimine iudicium sit agitandum, nulla ratio patit-
tur [ratione patet, *orig.*] Theibergam cum Lothario
posse inire conflictum, vel legitimum controversiæ
inire certamen, nisi prius ad tempus fuerit suæ po-

testati [reddita, *origin*]. Et consanguineis propriis
sociata, inter quos etiam locus prævidendus est, in
quo nulla sit vis multitudinis formidanda, et non sit
difficile testes producere, vel cæteras personas, quæ
tam a sanctis canonibus quam a venerandis Roma-
nis legibus in hujusmodi controversiis requirantur.
Hæc idcirco diximus, ut ostendamus quem legum
conflictum. Lotharius congrredi posse autumat cum
persona, quam in suis penetralibus quotidie fatigat,
et conterit. Quando vult ad iudicium, quando vult
ad claustra reducit, et quando educta fuerit, nisi
ea profiteatur quæ ipse præceperit, punit. Proprie
igitur libertati committi, et ab omni oppressione atque
potestate illius cum quo initur conflictus oportet
liberari, atque suis liberaliter uti, et suspectas per-
sonas convenit declinare, quæ se ab objectis osten-
dere cupit immunem.

CAP. 117. — *Confessionem quamvis extorsit, nequa-
quam pro confessione esse habendam. Nicolaus
Theibergæ reginæ (epist. 48).*

Nos hanc confessionem tuam, quam non volun-
tas, sed vis extorsit, nequaquam pro confessione
recipimus : tantum vitium radices extendere nec
permittimus, quod nisi evulsum intime fuerit, ad
multorum perniciem potest accrescere. Denique si
hoc licet, omnes viri possunt quas jure sortiti sunt
feminas, si has odio habuerint, diversis afflictioni-
bus macerare, et quod legitime non fuerint as-
sumptæ statim cogere, quin etiam ut mortale cri-
men contra se dicant, illatis intolerabilibus pœnis,
C compellere.

CAP. 118. — *Ut nobili viro Radulpho' uxor injuste
ablata restitatur. Joannes VIII Theibergæ et Al-
derico [Alberico] filio ejus.*

Iterum iterumque vos admonemus, et præsentibus
apostolatus nostri literis hortamur feminam
suam nobili viro Radulpho, sicut jam ante diximus,
maturius restituere, et viro suo adhærere, secun-
dum legem Domini facere : non enim lex ulla per-
mittit quominus, aut injectum sibi crimen confi-
teatur, aut certe a crimine injecto, legitima præ-
missa purgatione solvatur. Quod si neutram agere
illa delegerit, sed sola obstinatione usa, nulli satis-
factioni dare operam procuraverit : liquet aperte
quia crimen quod non diluit, procul dubio confite-
D tur. Solæ namque, ut sanctus papa scribit Hormisda,
examen effugiunt conscientiæ, quæ recta sunt non
tenentes. Ergo si is, vel illa, vel vos apostolatus
nostri decretis obedire postponentes, sæpe memo-
ratam feminam aut a viri potestate, aut a legis
examine nulla rationabili causa exstante, subducere
amplius conati fueritis, tam illa quam vos Thei-
berga et Alderice quousque sanctioni nostræ
pareatis, Dei omnipotentis iudicio, et beatorum
Petri et Pauli apostolorum, sententia principum,
excommunicati et a corpore et sanguine Domini
nostri Jesu Christi sitis alienati, una cum fau-
toribus, consentancis, sequacibus et complici-
bus vestris, utpote divinarum et humanarum
legum violatores, sedisque apostolicæ decreto-

rum contemptores, et toties ac multipliciter infractores.

CAP. 119. — *De eodem et purgatione ejus. Joannes VIII Ausero archiepisc. Mediolanensi.*

Vir spectabilis Radulphus nomine, imperatorius homo, nos nuper adierat, queritans et asseverans se uxorem suam, nomine Bavam, zelo pudoris fervente obscenæ suspicionis macula denotasse, ac sinistra crebrescente fama carnalis accusatione criminis impetisse. Qui cum hanc ad purgandum secundum legis propriæ tenorem, parentibus ejus et consanguineis tradidisset, ultra spatium anni fuerit sub criminalium reatu calumniarum retenta. Qua de re nos æquitatis amore succensi, apostolica parentibus ejus auctoritate præcipimus, quatenus mediante mense Augusto præteritæ septimæ indictionis, sive purgatam, sive aliter eandem feminam viro proprio reddidissent, haud dubium quin subituram si non sæcularis legis, saltem ecclesiasticæ pietatis medelam. Alioquin, corporis et sanguinis Domini nostri Jesu Christi se nossent cum ea communionem privandos, qui nec mundanarum vel divinarum legum censuram, nec apostolicæ sedis reverentem decretum, horum nihil (ut prædictus vir ad nos iterato veniens retulit, et ipsius rei exitus innuit) agere curaverunt. Quamobrem in sacro communionis munere, secundum quod illis intendendo comminati fuimus eos merito privavimus, nisi alteram partem audiendam fore judicavimus. Unde, quia nos esse justos mediatores oportet, unius autem mediator non est, eosdemque vexare longius proficiscendo nolumus, sanctitati tuæ super hujusce controversiæ circumstantia, vice nostra delegata hortamur, ut statuto et indicto tempore venerabiles Luitfridum Ticinensem, Paulum Placentinum antistites ad certum accersas et uxore jam memorati Radulphi missis vestris et litteris advocata, quæ legis sive mundanæ sive divinæ sunt, super utroque conjugum incunctanter exerceas, secundum præstitutam vobis sacerdotalis mensuram duntaxat officii. Quæ, si post vocationem vestram quam tertiam esse post secundam nostram procul dubio constat, ad virum proprium collata sibi legali et indubitabili se libertate purgandi, minime redire delegerit, examenque sanctitatis vestræ subterfugiens declinaverit, a sacri corporis et sanguinis Domini nostri Jesu Christi communionem in idipsum una cum spiritu nostro convenientes, tam ipsam quam nequiter eam tuentes et defendentes consanguineos, quinimo fautores ejus, et omnes omnino communicatores, donec obediant, sequestrate.

CAP. 120. — *De pudicitia sermo Ambrosii (81) de accusato Domino, quæ sic incipit, Mirum forsitan.*

Pudicitiam causam, nisi vir pudicus, audire non debuit. Talem enim arbitrum meretur castimonia, apud quem non periclitetur verecundia.

(81) Ser. 49 qui est Maximi episc., falso Ambr. in scriptus.

CAP. 121. — *Ut is peccatum damnet, qui ejusdem peccati reus non est. Ambr. ad Irenæum (lib. ix, epist. 76, ad Studium).*

Dominus dixit: Qui sine peccato est, prior lapidem adulteram (Joan. viii). Quid tam divinum, quid tam justum, quam ut is peccata censeat, qui expers peccati sit? Quomodo enim feras alieni ultorem, et proprii criminis defensorem? Item, paulo post. Cum accusatur mulier, caput Christus inclinatur. Elevatur autem, ubi defecit accusator. Ita nullum damnari vult, absolvi omnes.

CAP. 122. — *De eodem Augustinus de verbis Domini, tractatu XLVIII (serm. 47 De verb. Dom., vel. tract. 33 in Joan.).*

Dicit Dominus, quod dicere debet et mansuetus et justus: Qui sine peccato est prior in adulteram lapidem mittat. Hæc vox justitiæ est. Puniatur peccatrix, sed non a peccatoribus. Impleatur lex, sed non a prævaricatoribus legis. Hæc vox omnino justitiæ est.

CAP. 123. — *Quomodo accusandus sit servus de adulterio dominæ suæ infamatus. Pandectarum, lib. 1, tit. XII.*

Si quis servum suum adulterium commisisse dicat in uxorem suam, apud præfectum urbis erit audiendus.

CAP. 124. — *Ne uxor pro adulterio secundum divinas leges occidatur. Nicolaus Carolo archiepiscopo (Aluino Januensi archiepisc. inter rescripta tit. xviii, c. 8) et ejus suffraganeis.*

(33, q. 2. Inter hæc.) Inter hæc vestra sanctitas addere studuit, si cujus uxor adulterium perpetraverit, utrum marito liceat secundum mundanam legem interficere eam. Sed sancta Dei ecclesia mundanis nunquam constringitur legibus; non habet gladium nisi spiritualem; non occidit, sed vivificat.

CAP. 125. — *De eodem. Nicolaus Radulpho Bituricensi archiepiscopo (tit. xvii, c. 3).*

(33, q. 2, c. Interfectores.) Interfectores suarum conjugum sine judicio, cum non addis adulterarum, vel aliquid hujusmodi, quid aliud habendi nisi homicidæ? Ac per hoc ad poenitentiam redigendi, quibus conjugium penitus denegatur, exceptis adolescentibus, de quibus est beati Leonis papæ xxv, regula decretalium, imo indulgentia observanda.

CAP. 126. — *De poenitentia ejus qui propriæ uxoris necem perpetravit; quodque nec divina lex, nec humana aliquem condemnat, unius, etiam probatissimi, testimonio. Stephanus V Hastulpho.*

(33, q. 2, c. Admonere.) Admonere tecum lacrymis, et multo gemitu cordis curamus, fili Hastulpho, sed non filius dici debes, qui tam crudeliter infelix homicidium perpetrasti. Nam occidisti uxorem tuam partem corporis tui legitimo matrimonio tibi sociatam, sine causa mortis; non tibi resistentem, non insidiantem quocumque modo vitæ tuæ. Non invenisti eam cum alio viro nefariam rem fa-

cientem, sed concitatus a diabolo impio furore flammatus, latronum more atrocius eam gladio tuo crudelior omni bestia, interemisti, et nunc post mortem ejus addis iniquitatem super iniquitatem. Filiorum tuorum, improbe prædo, qui matri non pepercisti, et filios tuos orphanos fecisti, inducere super eam vis mortis causam, post mortem, per unum homicidam et reprobum testem. Quoniam nec Evangelium nec ulla divina humanaque lex unius testimonio etiam idoneo, quempiam condemnat, vel justificat: quanto magis per istum flagitiosissimum et scelestum, nec illa viva debuit condemnari, nec tu post mortem ejus excusari. Prius causa criminis: subtiliter erat investiganda, et tunc si ita fuisset inventa, secundum legis tramitem debuit excipere ultionis vindictam. Nam, si verum, quod absit, fuisset, sicut adulter mentitus est, post octo annos pœnitentia forsitan peracta dimittere eam per approbatam causam poteras, si voluisses, occidere tamen eam nullatenus debuisti. *Non enim Deus vult mortem peccatoris, sed ut convertatur ad pœnitentiam et vivat (Ezech. xxxiii).* Idcirco placeat tibi consilium nostrum, et facias hoc quod tibi melius et levius videri potest. Miserere animæ tuæ, ut non sis tuus tibi metipso homicida. Relinquere quapropter te rogamus hoc malum, secundum quod te traxit ad tam immanissimum peccati facinus. Ingredere in monasterium, humiliare sub manu abbatis, multorum fratrum precibus adjutus, observa cuncta supplicii animo quæ tibi fuerint imperata, si forte ignoscat infinita Dei bonitas peccatis tuis, et refrigeret anima tua priusquam crucieris perpetuis flammis. Hoc melius et levius certissime scias. Sin autem publicam pœnitentiam permanens in domo tua, vel in hoc mundo, vis agere, quod tibi pejus et durius et gravius esse non dubites, ita ut agere debeas exhortamur. Omnibus diebus quibus pœnitere debes, vinum et omnem siceram non bibas, carnem nunquam ullo tempore comedas præter Pascha, et die Natalis Domini. In pane et aqua, salque pœnitere debes. In vigiliis, in jejuniis, orationibus et elemosynis omni tempore persevera. Armis nunquam cingere, nec in quolibet loco litigare præsumas. Uxorem nunquam ducere, concubinam non habere, nec adulterium committere. In balneo nunquam lavare, in conviviis lætantium nunquam te miscere. In ecclesia segregatus ab aliis Christianis post ostium et postes humiliter te reponere, ingredientium et regredientium suppliciter orationibus commendare. Communionem corporis et sanguinis Domini cunctis diebus vitæ tuæ indignum te existimes. In ultimo tamen exitus vitæ tuæ die si merueris, pro viatico, si sit qui tribuat, tantummodo venialiter ut accipias tibi concedimus. Sunt et alia multa quæ tibi durius et satis acrius erant juxta magnum pondus peccati, infelix adjicienda. Sed, si hæc omnia quæ supra misericorditer dicta sunt, perfecto corde Domino auxiliante feceris et custodieris, confidimus de immensa Dei clementia, remissionem te tuorum habiturum

A peccatorum, et secundum justum bonique Pastoris donum [dictum *Vict. et Grat.*], resolvat te sancta Ecclesia ab hoc vinculo peccati in terris, ut per ipsius gratiam qui eam sanguine suo acquisivit, solutus sis in caelis. Sin autem aliter feceris, et sanctæ matris Ecclesiæ tam salubrem admonitionem despexeris, ipse tibi sis iudex, et in laqueo diaboli quo irretitus teneris, permanebis. Sanguis tuus super caput tuum, nos alieni a consortio tuo pro aliorum filiorum Dei salute, ipso opitulante, omni sollicitudine nitimur desudare et Domini attentius misericordiam quotidie implorare. Qui cum Patre, etc.

CAP. 127. — *Ut nec pro religiosa vita vir ab uxore, nisi consensu ejus recedat. Eugenii papæ synodus tempore Ludovici et Lotharii Augustorum, cap. 36.*

B (27, q. 1, c. Si vir et uxor.) Si vir et uxor divertere pro sola religiosa inter se consenserint vita, nullatenus sine conscientia episcopi fiat, ut ab eo singulariter proviso constituentur loco. Nam, uxore nolente, aut altero eorum, etiam pro tali re matrimonium non solvitur.

CAP. 128. — *De eodem. Nicolaus papa Carolo regi (in resc. tit. xviii, c. 2).*

(27, q. 2, c. Scripsit nobis.) Scripsit nobis Theiberga regina se velle dignitate seu copula exui, et sola [solam] privata vita esse contentam desiderare. Cui nos scripsimus, non hoc aliter fieri posse, nisi eandem vitam conjux ejus Lotharius elegerit.

CAP. 129. — *Non solvi conjugia causa religionis. Greg. Theotistæ patriciæ (lib. ix, ep. 39, c. 2).*

C (27, q. 2, c. Sunt qui.) Si dicunt aliqui religionis causa conjugia debere dissolvi, sciendum est quia et si hoc lex humana concessit, lex tamen divina prohibuit. Per se enim Veritas dixit: *Quæ Deus junxit homo non separet (Matth. xix; Gen. ii).* Quæ etiam ait, *Non licet dimittere uxorem excepta causa fornicationis (ibid.).* Item. Si vir et uxor una caro sunt, et religionis causa vir dimittat uxorem, vel mulier virum in hoc mundo remanentem, vel fortasse ad illicita migrantem, quæ ista conversio in qua eadem caro, et ex parte transit ad continentiam, et ex parte remanet in pollutione? Si vero utrisque conveniat continentem vitam ducere, hoc quis audeat accusare? Item. Cum boni conjuges aut meritum augere desiderant, aut anteactæ vitæ D culpas delere, ut se ad continentiam astringant, et meliorem vitam appetant, licet. Si vero continentiam, quam vir appetit, uxor non sequitur, aut quam uxor non appetit, vir recusat, dividi conjugium non licet.

CAP. 130. — *Ne vir abstinens uxori occasionem fornicandi faciat. Sermo Chrysostomi, de titulo psalm. 50 (sub finem 1 homiliæ in psal. l.).*

(27, q. 2, c. Si tu abstines.) Si tu abstines sine uxoris voluntate, tribuis illi fornicandi licentiam, et peccatum illius abstinentiæ imputabitur tuæ.

CAP. 131. — *Quod inter separatos manet vinculum conjugii. Nicolaus episcopus Britanniæ.*

Scriptum est: *Quod Deus junxit homo non separet (Matth. xix).* Tamen nuptiæ, ut maximi et re-

ligiosi viri sanxerunt, suo sunt ordine peragenda. Nam de raptis et hujusmodi copulatis Patrum est regula subsequenda. Rursum sive elationis causa [si vel orationis causa], vel vacandi Deo separari ab uxore maluerit vix, ex consensu ambarum partium fore debet, ut neuter eorum ad alias transeat ullo modo nuptias.

CAP. 132. — *De eodem. Augustinus de nuptiis et concupiscentia (lib. 1, c. 11).*

Quibus placuerit ex consensu ab usu carnalis concupiscentiæ in perpetuum continere, absit ut vinculum inter eos conjugale rumpatur: imo firmiter erit, quo magis ea pacta secum inierunt, quæ charius concordiusque servanda sunt, non voluptariis corporum nexibus, sed voluntariis affectibus animorum.

CAP. 133. — *Ut nec causa orationis invicem se fraudent conjuges debito carnali, nisi ex consensu. Augustinus de adulterinis conjugiiis (lib. 1, c. 2).*

(33, q. 4, c. Apostolus.) Apostolus nec ad tempus, ut vocetur orationi (I Cor. vii), nisi ex consensu, voluit conjuges carnali invicem fraudare debito. Item (cap. 3). Si dicat vir: Dimitto quidem uxorem meam sine ulla causa fornicationis, sed continens permanebo, ideone dicemus eum impune fecisse quod fecit? Quis hoc dicere audebit, qui voluntatem domini hæc dicentis intelligit, quoniam nec continentiae causa dimitti conjugem voluit, qui solam fornicationis causam exceptit? Item (cap. 4). Ecce placuit continentia mulieri, viro non placuit; discessit a viro mulier, et coepit vivere continenter, ipsa scilicet casta mansura, sed factura quod Dominus non vult adolterum virum: qui cum se non continuerit alteram quæret. Quid sumus dicturi mulieri, nonne quod dicit Ecclesiæ sana doctrina: Redde debitum viro (I Cor. vii), ne dum tu quæris unde amplius honoreris, ille unde damnetur inveniat?

CAP. 134. — *Quod nulla vovenda sunt a conjugatis, nisi ex consensu. Idem ad Armentarium, Riparium et Paulinam (epist. 45).*

(33, q. 5, c. Una.) Una sola causa esse potest, qua te id quod vovisti non solum non cohortaremur, verum etiam prohiberemus implere, si forte tua conjux hoc tecum suscipere animi seu carnis infirmitate recusaret. Nam et vovenda talia non sunt a conjugatis, nisi ex consensu et voluntate communi. Et si præpropere factum fuerit, magis est corrigenda temeritas quam persolverenda promissio. Neque enim Deus exigit, si quis ex alieno aliquid voverit, sed potius usurpare vetat alienum.

CAP. 135. — *Quod vivente uxore pro quacunque causa dimissa, altera duci non possit. Beda super Marcum, cap. 31.*

Una solummodo carnalis est fornicatio, una spiritualis. Timor Dei facit ut uxor dimittatur, sicut multi religionis causa fecisse leguntur. Nulla autem causa est Dei lege præscripta, ut vivente ea quæ relicta est, alia ducatur.

CAP. 136. — *Quod votum est tenendum quod conju-*

ges ex consensu voverint, aliter non. Augustinus ad Editiam (epist. 199).

(33, q. 5, c. Quod Deo.) Quod Deo pari consensu ambo voveratis, perseveranter usque in finem reddere debuistis. A quo proposito si lapsus est ille, tu saltem constantissimi me persevera, quod te non exhortarer, nisi quia tibi ad hoc ipse consenserat. Nam si nunquam tenuisses ejus assensum, numerus te nullus defendisset annorum. Item, post pauca. Non quia pariter temperabatis a commistione carnali, ideo tuus maritus esse destiterat. Imo vero tanto sanctius inter vos conjuges manebatis, quanto sanctiora concorditer placita servabatis. Nihil ergo de tua veste, nihil de auro, nihil de argento, vel quacunque pecunia, vel rebus illis terrenis tuis sine arbitrio ejus facere debuisti. Item. Est quidam pro modulo personæ habitus matronalis a viduali veste distinctus, qui potest fidelibus conjugatis salva religionis causa vel observantia convenire. Ilunc te maritus si deponere noluit, ne te velut viduam illo vivente jactares, puto quia non fuerat in hac re, usque ad dissensionis scandalum perducendus, magis inobedientiæ malo quam ullius abstinentiæ bono. Quid enim est absurdius quam mulierem de humili veste viro superbire, cui te potius expediret obtemperare candidis moribus, quam nigellis vestibus repugnare? Quia et si te indumentum monachæ delectabat, etiam hoc gratius posset marito observato exoratoque sumi, quam illo inconsulto contemptoque præsumi. Quod si omnino non sineret, quid tuo proposito deperiret? Absit ut hinc displiceret Deo, quod conjuge tuo nondum defuncto non induceris sicut Anna, sed sicut Susanna.

CAP. 137. — *Quod post votum sit necessarium, quod antea fuit voluntarium. Augustinus in epistola ad Armentarium, Riparium et Paulinam (epist. 45).*

Possim pro modulo meo eosdem ipsos pertinentes ad dexteram regnumque cælorum in suis gradibus meritisque distinguere atque ostendere, quo differat vita conjugalis, filios procreantium patrum matrumque familias, verumtamen religiosorum ac piorum, ab ea vita quam vos Deo vovistis, si nunc ad eam vovendam exhortandus esses. Sed quia jam vovisti, jam te obstrinxisti, aliud tibi facere non licet. Priusquam esses voti reus, liberum fuit, quo esses inferior, quamvis non sit gratulanda libertas, qua fit ut non debeatur quod cum lucro redditur. Nunc vero quia tenetur apud Dominum sponsio tua, non te ad magnam justitiam invito, sed a magna iniquitate deterreo. Non enim talis eris, si non feceris quod vovisti qualis mansisses, si nihil tale vovisses. Minor enim tunc esses, non pejor. Modo autem tanto quod absit miserior, si fidem Deo fregeris, quanto beatior, si persolveris. Nec ideo te vovisse poeniteat, imo gaudeat jam tibi licere, quod cum tuo detrimento licuisset. Aggredere itaque intrepidus et dicta imple factis, ipse adjuvabit qui vota tua expetit: felix est necessitas, quæ in meliora compellit (Supra cap. 134). Una sola esse causa posset qua

te id quod vovisti, non solum non hortaremur, verum etiam prohiberemus implere, si forte tua conjugum hoc tecum suscipere animi seu carnis infirmitate recusaret. Nam et vovenda talia non sunt conjugatis, nisi ex consensu et voluntate communi. Et si præpropere factum fuerit, magis est corrigenda temeritas quam persolvenda promissio. Neque enim Deus exigit, si quis ex alieno aliquid voverit, sed potius usurpare vetat alienum. Divina quippe de hac re per Apostolum est prolata sententia: *Uxor non habet potestatem sui corporis, sed vir. Similiter et vir non habet potestatem sui corporis, sed mulier* (I Cor. vii)

CAP. 158. — *De Demetria virgine. Augustinus in epistola ad Julianum (epist. 145).*

Ministerii nostri adjuvante gratia et misericordia Salvatoris, in domo vestra tantus fructus exortus est, ut humanis nuptiis jam paratis sancta Demetrias spiritualem sponsi illius præferret amplexum, cui specioso præ filiis hominum ad habendam Spiritus uberiores fecunditatem, nec ad amittendam carnis integritatem virgines nubunt. Nesciremus autem quemadmodum nostra illa tunc exhortatio, a fidelibus et nobilibus virgines fuisset accepta, nisi nobis profectis, cum post paululum professa fuisset sanctimoniam virginalem, hoc ingens Dei donum, quod per servos quidem suos plantat et rigat, sed per se ipsum dat incrementum (I Cor. iii), nobis operariis provenisse, vestrarum litterarum lætissimo nuntio, et veraci testimonio disceremus.

CAP. 159. — *Quod non erret qui filiam suam dat viro habenti concubinam. Ex decretis Leonis papæ I (epist. 91, ad Rusticum episc. c. 4).*

(32, q. 2, c. Non omnis.) Non omnis mulier viro juncta uxor est viri, quia nec omnis filius hæres est patris. Nuptiarum autem fœdera inter ingenuos sunt legitima, et inter æquales, et multo prius hoc ipsum Domino constituente, quam initium Romani juris existeret. Itaque aliud est uxor, aliud concubina; sicut est aliud ancilla, aliud libera (Galat. iv.) Propter quod etiam Apostolus ad manifestandam harum personarum discretionem, testimonium ponit ex Genesi, ubi dicitur Abraham: *Ejice ancillam et filium ejus: non enim hæres erit filius ancillæ cum filio meo Isaac* (Gen. xxi). Unde cum societas nuptiarum ita ab initio constituta sit, ut præter sexuum conjunctionem haberet in se Christi et ecclesiæ sacramentum (Ephes. v); dubium non est eam mulierem non pertinere ad matrimonium, in qua docetur nuptiale non fuisse mysterium. Igitur cujuslibet loci laicus [clericus, orig.] si filiam suam viro habenti concubinam in matrimonium dederit, non ita accipiendum est, quasi eam conjugato dederit, nisi forte illa mulier et ingenua facta, et dotata legitime, et publicis nuptiis honestata videatur; quia paterno arbitrio viris conjunctæ carent culpa, si mulieres, quæ a viris habebantur, in matrimonio non fuerint quia aliud est nupta, aliud concubina.

A CAP. 140. — *Qualis uxor legitima esse debeat. Ex epistola Leonis papæ.*

(30, q. 5, c. Qualis.) Qualis uxor esse debeat quæ habenda est secundum legem. Virgo casta et desponsata in virginitate, et dotata legitime, et a parentibus tradita, et a sponso, et a paranympis accipienda, et ita secundum legem et Evangelium pullicis nuptiis honeste in conjugium liquide sumenda, et omnibus diebus vitæ (nisi ex consensu et causa vacandi Deo) nunquam propter hominem separanda, et si fornicata fuerit dimittenda; sed, illa vivente, altera non ducenda, quia *adulteri regnum Dei non possidebunt* (I Cor. vi), et poenitentia illius per Scripturas recipienda.

B CAP. 141. — *Ut nullus occulte nuptias celebret. Ex decretis Hormisdæ papæ, cap. 6 (In frag.).*

(30, q. 5, c. Nullus.) Ut nullus fidelis, eujusque conditionis sit, occulte nuptias faciat; sed benedictione a sacerdote accepta, publice nubat in Domino.

CAP. 142. — *Quo tempore nuptiæ celebrandæ sint. Ex conc. Ilerdensi, cap. 3.*

(33, q. 4, c. Non oportet.) Quod non oporteat a Septuagesima usque in octavas Paschæ, et tribus hebdomadibus ante festivitatem sancti Joannis Baptistæ, et ab Adventu Domini usque post Epiphaniam nuptias celebrare. Quod si factum fuerit, separantur.

C CAP. 143. — *Qualiter benedicantur a sacerdote nuptiales. Ex concilio apud Valentias, cap. 401 (sub Joan. I, in fragmentis et Carth. iv, c. 15).*

(Dist. 23, c. Sponsus.) Sponsus et sponsa cum benedicendi sunt a sacerdote, a parentibus vel paranympis in ecclesia sacerdoti offerantur, et cum benedictionem acceperint, eadem nocte pro reverentia ipsius benedictionis in virginitate permanent.

CAP. 144. — *Ut nullum conjugium sine dote fiat. Ex conc. Arelatensi iii, cap. 7 (In fragm.).*

(30, q. 5, c. Nullum.) Nullum sine dote fiat conjugium; juxta possibilitatem fiat dos, nec sine publicis nuptiis quisquam nubere vel uxorem ducere præsumat.

CAP. 145. — *Ut sponsus et sponsa ante nuptias a sacerdote benedicantur. Ex decretis Sotheris papæ, cap. 5.*

Ut sponsus ac sponsa cum precibus et oblationibus a sacerdote benedicantur: et legibus sponsetur ac donetur, et a paranympis custodiatur, et publice solemniterque accipiatur. Biduo etiam ac triduo se abstineant, et doceantur ut castitatem inter se custodiant, certisque temporibus nubant, ut filios non spurios, sed hæreditarios Deo et sæcula generent.

CAP. 146. — *De primi conjugii benedictione. Ex concilio Mediolanensi, cap. 2.*

In primo conjugio debet presbyter missam agere et benedicere ambos, et postea se abstineant ab ecclesia 30 diebus.

CAP. 147. — *Quod vir fidelis a muliere infideli separari non debeat.*

Apostolus dicit : *Si quis frater uxorem habet infidelem, et hæc consentit habitare cum illo, non dimittat illam. Et si qua mulier habet virum infidelem, et hic consentit habitare cum illa, non dimittat virum. Sanctificatus enim vir erit infidelis in muliere fidei, et sanctificata erit mulier infidelis per virum fidelem (I Cor. vi).*

CAP. 148. — *Ut in Christianorum nuptiis non saltetur. Ex concilio Laodicensi, cap. 53.*

Quod non oporteat Christianos euntes ad nuptias plaudere vel saltare [*βαλλίζειν, origin.*], sed venerabiliter conare vel prandere, sicut Christianos decet.

CAP. 149. — *Ut viduam nemo furetur in uxorem. Gregorius dicit (conc. Rom. 1, sub Greg. II, c. 10).*

(36, q. 2, c. Si quis.) Si quis viduam juratus fuerit in uxorem, vel consentiens ei, anathema sit. Et responderunt omnes tertio : Anathema sit !

CAP. 150. — *Ut virginem nemo furetur in uxorem. Item ejusdem.*

Si quis virginem nisi desponsaverit, furatus fuerit in uxorem, vel consentiens ei, anathema sit. Et responderunt omnes tertio : Anathema sit !

CAP. 151. — *De virgine vel vidua furata. Ex decretis Eusebii papæ, cap 10 (ibid., cap. 11).*

Si quis virginem vel viduam furatus fuerit in uxorem, nisi a se desponsatam, anathema sit.

CAP. 152. — *De virginibus quæ virginitatem ante nuptias non custodierint. Ex concilio Eliberitano cap. 5 (cap. 14).*

Virgines quæ virginitatem suam non custodierint, si eosdem qui eas violaverint, maritos acceperint, eo quod solas nuptias violaverint, post pœnitentiam unius anni reconcilientur. Si alios cognoverint viros, eo quod mœchatae sint, quinquennio pœniteant, et sic ad communionem accedant.

CAP. 153. — *Quod nulli liceat concubinam habere. Ex dictis Augustini (lib. I, hom. 49).*

(Dist. 34, c. Audite.) Audite, charissimi, membra Christi et matris catholicæ Ecclesiæ filii. Quod dico competentibus, audiant fideles. Quod dico fidelibus, audiant competentes. Quod dico fidelibus et competentibus et pœnitentibus, audiant et catechumeni, audiant omnes, timeant, et nemo contemnat. Sit mihi in consolationem vester auditus, ne vobis sit in testimonium dotor meus. Competentibus dico : Fornicari vobis non licet, sufficiant vobis uxores; concubinas vobis non licet habere. Audiat Deus si vos surdi estis; audiant angeli ejus, si vos contemnitis, concubinas non licet vobis habere. Et si non habetis uxores, tamen non licet vobis habere concubinas, quas postea dimittatis et ducatis uxores; Tanto major damnatio vobis erit, si volueritis habere et concubinas et uxores. Non licet vobis habere uxores, quarum priores mariti vivunt. Nec vobis, feminæ, habere viros licet, quorum priores uxores vivunt. Adulteria sunt ista conjugia, non sunt jure cœli, sed jure sæculi. Nec illam feminam licet habere, quæ per repudium decessit a marito. Solius

PATROL. CLXI.

A fornicationis causa licet uxorem adulteram dimittere; sed illa vivente, non licet alteram ducere.

CAP. 154. — *De illis qui ante nuptias concubinas habuerunt. Item Augustinus (serm. de tempore 242).*

Quale est, quod multi virorum ante nuptias concubinas sibi adhærere non erubescunt, quas post aliquot annos dimittunt, et sic postea legitimas uxores accipiunt. Paulo post. Unde coram Deo et coram angelis ejus contestor atque denuntio, Deum et ista semper prohibuisse, et nunquam ei placuisse, quia præcipue temporibus Christianis, concubinas habere nunquam licuit, et nunquam licebit.

CAP. 155. — *Item de concubinis. Ex concilio Arlensi, cap. 15.*

B Nulli liceat ullo tempore duas uxores habere, sed neque unquam concubinam.

CAP. 156. — *De ancilla, utrum proprio domino suo legitima fieri possit. Ex decretis Julii papæ, cap. 4 (in fragm.).*

(29, q. 2, Si quis ancillam.) Si quis ancillam suam libertate donaverit, et in matrimonio sibi sociaverit, dubitabatur apud quosdam utrum hujusmodi nuptiæ legitimæ esse videantur, an non. Nos itaque vetustam ambiguitatem decidentes, talia concubina legitima esse censuimus. Si enim ex affectu sunt omnes nuptiæ, et nihil impium et legibus contrarium in tali copulatione fieri potest, quare prædictas nuptias inhibendas existimaverimus? Omnibus vobis unus est Pater in cœlis (Matth. vi), et unusquisque dives et pauper, liber et servus, æqualiter pro se et pro animabus eorum rationem daturi sunt. Quapropter omnes cujuscunque conditionis sint, unam legem quantum ad Deum habere non dubitamus.

CAP. 157. — *De illo qui servum suum et ancillam in matrimonium conjunxerit. Ex concilio Matiscensi, cap. 10.*

Si servum et ancillam dominus amborum in matrimonium conjunxerit, et postea liberato servo vel ancilla non potest redimi qui in servitio est, ideo matrimonia non solvuntur.

CAP. 158. — *De multinubis. Ex concilio Bracarensi, cap. 81. (Martinus Brac., in capitulis synodorum Græc. c. 80, epist. 9.)*

Si quis multis nuptiis fuerit copulatus, pœnitentiam agat. Conversatio autem et fides pœnitentis compendiat tempus.

CAP. 159. — *Quod secunda conjugia sæcularibus non negentur, quibus tamen ad clerum minime venire conceditur. Ex decretis Gelasii papæ, cap. 24.*

Secundas nuptias sicut sæcularibus iniri conceditur, ita post eas ad clericale nullus sinitur venire collegium. Alia est enim humanæ fragilitati generaliter concessa licentia, alia debet esse vita divinarum rerum servitio dedicata.

CAP. 160. — *De illis qui in plurimas nuptias incidunt. Ex concilio Neocæsariensi, cap. 3.*

(34, q. 1, c. De his qui.) De his qui in plurimas nuptias inciderunt, tempus quidem præfinitum manifestum est, sed conversatio eorum et fides tempus abbreviat.

CAP. 161. — *De illis qui tertio nuptias celebraverint. A* *in matrimonium accipere possit. Ex epistola prima Siricii papæ, cap. 4.*

Ex decretis Hormisdæ papæ, cap. 2.
Ne quisquam amplius quam duas accipiat uxores, quia jam tertia superflua est.

CAP. 162. — *De Bigamis. Ex concilio Laodicensi, cap. 1.*

De his qui secundum ecclesiasticam regulam libere ac legitime secundis nuptiis juncti sunt, nec occulte nuptiarum copulam fecerunt [*μηλαθρογαμίαν ποισάωτας*], oportet ut parvo tempore transacto, vacent orationibus et jejuniis. Quibus etiam juxta indulgentiam, communionem reddi decrevimus.

CAP. 163. — *De numero maritorum. Ex dictis Hieronymi (tomo III, contra Jovinianum lib. 1).*

Ubi fuerit numerus maritorum, ibi vir proprius unus esse desistit.

CAP. 164. — *De ingenuo, si alterius ancillam pro ingenua acceperit, et postea ancillam esse intellexerit. Ex conc. apud Vermerian, cui interfuit rex Pipinus, cap. 7.*

(29, q. 2, c. Si quis ingenuus.) Si quis ingenuus homo ancillam alterius acceperit, et aestimat quod ingenua sit, si ipsa femina postea fuerit in servitute detecta, si eam a servitute redimere potest, faciat; si non potest, si voluerit, aliam accipiat. Si autem servam eam scierat et collaudaverat, post ut legitimam habeat. Similiter et mulier ingenua de servo alterius facere debet.

CAP. 165. — *De femina ingenua, si servum maritum acceperit. Ex eodem conc., cap. 8.*

(29, q. 2, c. Si femina.) Si femina ingenua acceperit servum, sciens quia servus esset, habeat eum, quia omnes unum patrem habemus in caelis (Matth. vi). Una lex erit et viro et femipæ.

CAP. 166. — *De legitime conjunctis, si alter illorum in amentiam devenerit. Ex epistola Nicolai ad Carolum Maguntiensem episcopum missa (in rescript. tit. xviii, c. 7).*

(32, q. 7, c. Si qui matrimonium.) Si qui matrimonium sani contraxerint, et uni ex duobus amentia aut furor, aut aliqua infirmitas accesserit, ob hanc infirmitatem conjugia talium solvi non possunt. Similiter sentiendum de his qui ab adversariis excæcantur, aut membris detruncantur.

CAP. 167. — *De legitimis matrimoniis servorum. Ex conc. Cabillonensi II, cap. 30.*

(29, q. 7, c. Dictum est.) Dictum est nobis quod quidam legitima servorum matrimonia, potestativa quadam præsumptione, dirimant, non attendentes illud evangelicum: *Quod Deus junxit homo non separet* (Matth. xix). Unde nobis visum est ut conjugia servorum non dirimantur, etiamsi diversos dominos habeant; sed in uno conjugio permanentes, dominis serviant suis. Et hoc in illis observandum est, ubi legalis conjunctio fuit, et per voluntatem dominorum.

CAP. 168. — *De furiosorum matrimoniis. Ex decretis Fabiani papæ, cap. 5 (ad calcem decretorum).*

(32, q. 7, c. Neque furiosus.) Neque furiosus neque furiosa matrimonium contrahere possunt; sed si contractum fuerit, non separentur.

CAP. 169. — *De desponsata puella, utrum alter eam*

in matrimonium accipere possit. Ex epistola prima Siricii papæ, cap. 4.

(27, q. 2, c. De conjugali.) De conjugali autem violatione requisisti, si desponsatam alii puellam alter in matrimonium possit accipere. Hoc ne fiat modis omnibus inhibemus; quia illa benedictio, quam nupturæ sacerdos imponit, apud fideles cujusdam sacrilegii instar est, si ulla transitione viole- tur.

CAP. 170. — *De his qui sponsas alienas rapiunt. Ex concilio Meldensi, cap. 5 (sub Sergio II, cap. 68).*

De his qui sponsas alienas rapiunt, antiqua et synodalis sententia observetur. Quod et si forte in ecclesia eventus talis reperiri dignoscitur, ut pro salutis et religionis competentis humanius quiddam debeant tractare pontifices, sicut canonica, ut eisdem verbis utamur, docet auctoritas; quia prior, in- quiens, definitio durius, posterior autem quiddam tractavit humanius, nullo modo, ut ad maximam indulgentiam descendamus, alterius sponsæ acceptor sine publica transeat penitentia. Quod si hæc [his, orig.] obedire renuerit, sine ulla refragatione anathematizetur. Fautores vero illius juxta modum culpæ episcopi decreto peniteant. Si vero, quod non optamus, de gradu ecclesiastico talibus nuptiis se consejso- rem vel interventorem manifeste prodiderit, a gradu proprio repellatur; et si verisimilibus exinde suspi- cionibus fuerit propulsatus, canonicè se purget.

CAP. 171. — *De eadem re. Ex concilio apud Aquisgranum, cap. 3.*

Placuit, ut hi qui rapiunt feminas vel furantur aut seducunt, eas nullatenus habeant uxores, quamvis eis postmodum conveniat, aut eas dotaverint, vel nuptialiter cum consensu parentum suorum acceperint. Si quis autem uxorem habere voluerit, cano- nicè et legaliter eam accipiat, et non rapiat. Qui vero eam rapuerit, vel furatus fuerit, aut seduxerit, nunquam eam uxorem habeat.

CAP. 172. — *Item de eadem re. Ex concilio Meldensi, cap. 10 (sub. Serg. II, c. 66; conc. Rom., sub Greg. II, c. 10).*

Qui vero deinceps rapere virgines præsumserint vel viduas, secundum synodalem beati Gregorii definitionem, ipsi et complices eorum anathematizentur, et raptores sine spe conjugii perpetuo maneant.

CAP. 173. — *De his qui rapiunt puellas sub nomine simul habitandi. Ex concilio Chalcedonensi, cap. 27 (actione 15).*

(36, q. 2, c. Eos qui rapiunt.) Eos qui rapiunt mulieres sub nomine simul habitandi, cooperantes autem et conniventes raptoribus, decrevit sancta synodus, ut si quidem clerici sint, decidant de gradu proprio; si vero laici, anathematizentur.

CAP. 174. — *De puellis raptis nondum desponsatis. Ex conc. Cabillon., cap. 27.*

(36, q. 2, c. De puellis.) De puellis raptis necdum desponsatis in Chalcedonensi concilio scriptum est: Eos qui rapiunt puellas, sub nomine simul habitandi, cooperantes et conniventes raptoribus, decrevit sancta synodus, ut si quidem clerici sunt, deci- dant de gradu proprio; si vero laici, anathematizentur. Quibus verbis datur intelligi, qualiter hujus

mali auctores damnandi sint, quando participes consilii et conniventes tanto anathemate feriuntur, ut juxta canonicam auctoritatem ad conjugia legitima raptas sibi jure vindicare nullatenus possunt.

CAP. 175. — *De eadem re. Ex concilio Toletano.*

Proinde placuit atque statutum est a sacro conventu ut, si aliquis sponsam alterius rapuerit, publica pœnitentia multetur, et siue spe conjugii maneat. Et si ipsa eidem crimini consentiens non fuit, licentia nubendi alii non negetur. Quod si et ipsi post hæc se conjugere præsumpserint, utrique usque ad satisfactionem anathematizentur.

CAP. 176. — *De eadem re. Ex concilio Ancyrano, cap. 11 (cap. 10).*

(27, q. 2, e. *Desponsatas.*) Desponsatas puellas et post ab aliis raptas, placuit erui, et eis reddi quibus ante fuerant desponsatæ, etiam si eis a raptoribus vis illata constiterit.

CAP. 177. — *De eadem re. Ex concilio Meldensi, cap. 65.*

Si autem [hi a. qui, orig.] necdum eas quas rapuerant, cum voluntate parentum sub prælato desponsionis vel dotulitii nomine, in conjugium sumptas habent, quando in omnium aures hæc fuerit constitutio promulgata, ab earum conjunctione separentur, et publicæ pœnitentiæ subigantur. Raptæ autem parentibus legaliter restituantur. Post actam vero publicam pœnitentiam, si ætas et incontinentia exegerit, legitimo ex utrisque partibus placito conjugio socientur. Nam in his non regulam constituimus, sed, ut verbis magni Leonis utamur, quod sit tolerabilius æstimamus. Quod si unus ex conjugatis obierit, is qui publicam pœnitentiam exegerit et superstes exstiterit, iterare conjugium non præsumat, nisi forte episcopus præviderit aliquam concedere indulgentiam, ut graviolem possit amovere offensam.

CAP. 178. — *De illis qui matrimonio juncti sunt, et concumbere non possunt. Ex epistola Gregorii ad Joannem Ravenatensem episcopum.*

Quod autem interrogasti de his, qui in matrimonio juncti sunt, et nubere non possunt, si ille aliam vel illa alium ducere possit, quibus scriptum est: Vir et mulier si se conjunxerint, et postea dixerit mulier de viro, quod non possit coire cum ea; si potest probare per justum judicium quod verum sit, accipiat alium; si autem ille aliam acceperit, separentur.

CAP. 179. — *De eadem re. Ex concilio apud Vermeriam, temporibus Pipini regis, cap. 17.*

Si qua mulier se proclamaverit quod vir suus nunquam coisset cum ea, exeant inde ad crucem, et si verum fuerit separentur, et illa faciat quod vult.

CAP. 180. — *De eadem re. Ex concilio apud Compendium, cap. 20.*

(33, q. 1, c. *Si quis.*) Si quis accepit uxorem, et

(82) Ex syn. viii sub Photio Constant. celebrata, nomine.

habuit ipsam aliquo tempore, et ipsa femina dicit quod non coisset cum ea, et ille vir dicit quod sic fecit, in veritate viri consistat, quia *vir caput est mulieris* (1 Cor. xi).

CAP. 181. — *De eadem re. Ex concilio Triburiensti, cap. 3 (conc. Tribur., c. 41).*

(27, q. 2, c. *Quidam despondit.*) Vir si duxerit uxorem concumbere cum ea non valens, et frater ejus elanculo eam vitiaverit, et gravidam reddiderit, separentur. Considerata autem imbecillitate, misericordia eis impartiat ad conjugium, tantum in Domino.

CAP. 182. — *Item de eadem re. Ex epistola Gregorii.*

(33, q. 50, c. *Requisisti.*) De his requisisti, qui ob causam frigidæ naturæ se dicunt non posse invicem operam carnis dantes, commisceri. Iste vero, si non potest ea uti pro uxore, habeat quasi sororem. Quod si retinaculum jugale volunt rescindere, maneat utrique innupti. Nam si huic non potuit naturaliter concordare, quomodo alteri conveniet? Igitur si vir aliam vult accipere uxorem, manifesta ratio patet, quia succedente diabolo odii fomitem, exosam eam habuit, et ideo illam dimittere mendacii falsitate molitur. Quod si mulier causatur et dicit, Volo mater esse et filios procreare, uterque eorum septima manu propinquorum tactis sacrosanctis reliquit, jurejurando dicat, ut nunquam per commistionem carnis conjuncti una caro effecti fuissent; tunc videtur mulierem secundas posse contrahere nuptias. *Humanum dico, propter infirmitatem carnis eorum* (Rom. vi). Vir autem qui frigidæ naturæ est, maneat sine conjuge. Quod si et ille aliam copulam acceperit, tunc qui juraverit perjurii crimine rei teneantur, et pœnitentia peracta priora cogantur recipere connubia.

CAP. 183. — *De conjugatis qui sæcularia relinquere desiderant. Ex dictis Basilii episcopi (82).*

Si quis conjugatus vult converti ad monasterium, non est recipiendus, nisi prius a conjuge castimoniam profitente fuerit absolutus. Nam si illa, vivente illo, per incontinentiam alteri nupserit, procul dubio adultera erit, nec recipitur apud Deum ejusmodi viri conversio, cujus sequitur conjugalitatis fœderis prostitutio. Tales igitur tunc sine culpa sequuntur Christum, relicto sæculo, si habeant ex pari voluntate castitatis consensum.

CAP. 184. — *De viro qui uxorem suam velari permiserit. Ex concilio Remensi, capitulo 4.*

(33, q. 5, c. *Qui uxorem.*) Qui uxorem suam permiserit velare, aliam non accipiat, sed similiter convertatur.

CAP. 185. — *De muliere, si sine licentia viri sui velum sibi imposuerit. Ex concilio apud Compendium, cap. 6.*

(33, q. 3, c. *Mulier si sine.*) Mulier si sine licentia viri sui velum in caput miserit, si viro placuerit, recipiet eam iterum ad conjugium.

penult. can. cui aliquot interfuere episcopi Basilii

CAP. 186. — *De eadem re. Ex registro Greg. ad Adrianum notarium, lib. ix, cap. 46.*

(27, q. 2, c. Agathosa.) Agathosaatrix presentium quæstæ maritum suum contra voluntatem suam in monasterio Urbici abbatis esse conversum. Quod quia ad ejusdem abbatis culpam et invidiam non est dubium pertinere, experientie tuæ præcipimus, ut diligenti inquisitione discutiat, ne forte cum ejus voluntate conversus sit, vel ipsa se mutare promiserit. Et si hoc repererit, et illum in monasterio permanere provideat, et hanc, sicut promisit, mutare compellat. Si vero nil horum est, nec quoddam fornicationis erimen propter quod viro licet uxorem relinquere prædictam mulierem commisisse cognoveris, ne illius conversio uxori relicte in sæculo fieri possit perditionis occasio, volumus ut maritum suum illi, et si jam tonsuratus est, reddas omnem excusationem cessante. Nam, excepta fornicationis causa, virum uxorem relinquere nulla ratione conceditur; quia postquam copulatione conjugii viri atque mulieris unum corpus efficitur, non potest ex parte converti, et ex parte in sæculo manere.

CAP. 187. — *De singulari certamine, quod Lotharius molitus est contra Theibergam uxorem suam. Nicolai papæ (in rescr. tit. xx, c. 4).*

(2, q. 4, c. Monomachiam.) Monomachiam vero in legem non assumimus, quam præceptam fuisse non reperimus. Quam licet inisse quosdam legamus, sicut sanctum David et Goliath sacra prodit historia (I Reg. xvii), nusquam tamen ut pro lege teneatur, alicubi divina sanxit auctoritas: cum hoc et hujusmodi sectantes, Deum solummodo tentare videantur.

CAP. 188. — *De eadem re, ejusdem Nicolai ad Lotharium (epist. 51).*

(27, q. 2, c. Scripsit.) Itaque summo studio Theibergam conjugem tuam tanquam propriam carnem fovere ac diligere procurat, et ne illum ullo pacto consentias discedere a te, vigilanter attendere. Unde si vult a te discedere, corripe, imo corrige eam, et a tali intentione per omnia revocare satage. Jam vero si amore pudicitie separationem quærit, et conjugalis connubii solutionem efflagitat, certum est, Apostolo dicente, quia *mulier sui corporis potestatem non habet, sed vir* (I Cor. vii). Verum si et ipse pudicitiam sectatus religionis obtentu copulam dissolvere vis, tantum ne simulate fiat concedimus. Nam, licet sit scriptum: *Quod Deus conjunxit homo non separet* (Matth. xix; Gen. ii), Deus tamen, et non homo separat, quando divini amoris intuitu ex consensu utriusque conjugis matrimonia dissolvuntur. Si ergo hoc modo vis, gratuito permittimus animo, celeremque præbemus assensum; aliter autem fieri mutuam separationem vestram prohibemus.

CAP. 189. — *De illis qui in alias provincias fugerint, aut suos seniores secuti fuerint, uxoribus suis domi relictis. Ex conc. apud Vermeriam, cap. 6.*

(34, q. 2, c. Si quis necessitate.) Si quis necessitate inevitabili cogente, in alium ducatum seu provinciam fugerit, et uxor ejus cum valet et potest amore

parentum aut rerum suarum eum sequi noluerit, ipsa omni tempore, quandiu vir ejus quem secuta non fuit, vivit, semper innupta permaneat.

CAP. 190. — *De feminis quæ, captis viris, vel in captivitate missis aliis nupserint. Ex epistola Leonis papæ, cap. 42 (ad Nicetam Aquileiensem epist.).*

(79, c. 1, quanquam non iisdem omnino verbis.)

Quod debeant feminæ quæ, captis viris et in captivitate ductis, aliis viris nupserant, putantes interemptos maritos, remeatis de captivitate prioribus viris copulari: ut cuique id quod legitime habuit reformetur, et recipiat unusquisque quod suum est, et redintegrentur fœdera nuptiarum.

CAP. 191. — *Quod non probetur esse culpabilis qui uxorem captivi in matrimonio videtur esse sortitus. Ex epistola ejusdem, cap. 43 (ibidem, c. 2).*

Nec tamen culpabilis judicetur, et tanquam alieni juris pervasor habeatur, qui personam ejus mariti, qui jam non esse existimabatur, assumpsit. Sic enim multa, quæ ad eos qui in captivitate ducti sunt pertinebant, in jus alienum transire potuerunt; tamen plenum justitiæ est ut ejusdem reversis propria reformentur. Quod si in mancipiis, vel in agris, aut etiam in domibus ac possessionibus rite servatur, quanto magis in conjugiorum redintegratione faciendum sit ut, quod bellica necessitate turbatum est, pacis remedio reformetur?

CAP. 192. — *Ut si mulieres ad priores maritos redire noluerint, velut impiæ ecclesiastica communione privandæ sunt. Ejusdem Leonis, cap. 45 (ibidem c. 4).*

(34, q. 2, c. Si autem.) Si autem aliquæ mulieres ita posteriorum virorum amore sunt captæ ut malint his cohærere, quam ad legitimum redire consortium, merito sunt notandæ, ita ut ecclesiastica communione priventur, quæ de re excusabili contaminationem [quia inexcusabiliter cont., orig.] criminis elegerunt: ostendentes sibi pro sua incontinentia placuisse, quod justa remissione poterat expiari. Redeant ergo in suum statum voluntaria redintegratione conjugia, neque ullo modo ad opprobrium malæ voluntatis trahatur, quod conditio necessitatis extorsit; quia sicut hæ mulieres, quæ ad viros suos reverti noluerint, impiæ sunt habendæ, ita illæ, quæ in affectum ex Deo initum redeunt, merito sunt laudandæ.

CAP. 193. — *Ut si viri de captivitate regressi, intemperantia uxorum offensi non fuerint, et voluerint eas in conjugio recipere, liberam habeant facultatem. Item Leonis papæ, cap. 44 (ibidem, c. 3).*

Et ideo si viri post longam captivitate reversi, ita in dilectione suarum conjugum perseverent, ut eas cupiant in suum redire consortium, omittendum est, et inculpabile judicandum, quod necessitas intulit, et restituendum est quod fides poscit.

CAP. 194. — *Quid agendum sit si per sortiaras vel maleficas, concubitus impeditus fuerit. Hincmarus, Remensis episcopus.*

(33, q. 1, c. Si quis per sortiaras.) Si per sortiaras atque maleficas occulto, sed nunquam injusto Dei judicio permittente, et diabolo præparante,

conubiū non sequitur, hortandi sunt quibus ista A
eveniunt ut corde contrito et spiritu humiliato Deo
et sacerdoti de omnibus peccatis suis puram con-
fessionem faciant, et profusis lacrymis ac largiori-
bus elemosynis et orationibus atque jejuniis Domi-
no satisfaciant, et per exorcismos ac cætera medi-
cinæ ecclesiasticæ munia, ministri ecclesiæ tales
quantum annuerit Dominus, qui Abimelech, ac do-
mum ejus, Abrahæ orationibus sanavit (*Gen. xx*),
sanare procurent. Qui forte si sanari non potuerint,
separari valebunt. Sed postquam alias nuptias expec-
tierint, illis in carne viventibus quibus junctæ fue-
runt prioribus quos reliquerant, etiam si possibilitas
concupiscendi eis reddita fuerit, reconciliari nequi-
bunt.

CAP. 195. — *De illo qui in paganismo uxorem suam
dimiserit. Ex decretis Eufychiani papæ (in frag.,
decr. 5).*

(28, q. 1, c. Si quis gentilis.) Si quis gentilis gen-
tilem dimiserit uxorem ante baptismum, post bap-
tismum in potestate ejus erit eam habere, vel non ha-
bere.

CAP. 196. — *De baptizato, si uxor ejus infidelis
converti noluerit. Ex dec. ejusdem (cap. 6).*

(28, q. 1, c. Simili modo.) Simili modo si unus ex
conjugatis baptizatus est, et alter gentilis, et sequi
non vult, sicut dicit Apostolus, *infidelis, si discedit,
discedat (I Cor. vii).*

CAP. 197. — *De illo qui ante baptismum mulierem vir-
ginem acceperat. Ex concilio Meldensi, cap. 2.*

(28, q. 2, c. Si quis uxorem.) Si quis habuerit C
uxorem virginem ante baptismum, vivente illa, post
baptisma alteram habere non potest. Crimina in bap-
tismo solvantur, non conjugia.

CAP. 198. — *De illis feminis quæ, nulla causa inter-
veniente, reliquerunt viros suos. Ex concilio Elibe-
ritano, cap. 8.*

Item feminæ quæ, nulla præcedente causa, reli-
querunt viros suos, et alteri se copulaverunt, et in
hoc permanere voluerint, nec in fine accipiant com-
munionem.

CAP. 199. — *De femina quæ adulterum reliquerit, et
adulterum acceperit. Ibidem, cap. 9.*

(52, q. 7, c. Fidelis.) Item femina fidelis quæ ad-
ulterum maritum reliquerit fidelem, et adulterum
[alterum, orig.] ducit, prohibetur ne ducat. Si au-
tem duxerit, non prius accipiat communionem, D
quam is quem reliquit de sæculo exierit, nisi forte
necessitas infirmitatis dare compulerit.

CAP. 200. — *Quod neque dimissus ab uxore, neque
dimissa a marito alteri conjugantur. Ex concilio
Africano, cap. 69 (et conc. Milevit, c. 17).*

(32, q. 7, c. Placuit.) Placuit ut secundum evan-
gelicam et apostolicam disciplinam, neque dimissus
ab uxore, neque dimissa a marito alteri conjugan-
tur; sed ita maneant, aut sibiimet reconcilientur.
Quod si contempserint, ad pœnitentiam redigan-
tur.

CAP. 201. — *De illo qui vivente marito conjugem il-
lius adulterasse accusatur, et eam post mortem*

*sumpsisse dignoscitur. Ex concilio Meldensi, cap. 69
(et conc. Tribur., c. 51).*

(31, q. 1, c. Si quis vivente.) Is qui, vivente marito,
conjugem illius adulterasse accusatur, et eo in proxi-
mo defuncto eandem sumpsisse dignoscitur, omni-
modis publicæ pœnitentiæ subigatur. De quo etiam
post pœnitentiam præfatam, si expedierit, servabitur
regula, nisi forte idem aut mulier virum qui mor-
tuus fuerat, occidisse notentur, aut propinquitas,
vel alia quælibet actio criminalis impediatur. Quod si
probatum fuerit, sine ulla spe conjugii cum pœni-
tentia perpetuo maneant. Si autem negaverit se
eandem feminam, vivente viro, nequaquam adulte-
rasse, et præfati homicidii neuter eorum convinci
potuerit, purgent legaliter famam suæ opinionis, et
B sumpto utantur conjugio, si alia, ut diximus, non
impedierit ratio.

CAP. 202. — *De eadem re. Ex concilio Triburiensi,
cap. 40.*

(31, q. 1, c. Relatum.) Relatum est auribus sanc-
torum sacerdotum quemdam alterius uxorem stu-
pro violasse, insuper et mœchæ, vivente viro suo, ju-
ramentum dedisse ut, post legitimi mariti mortem
si supervixisset, duceret uxorem. Quod et factum
est. Tale igitur connubium prohibemus et anathe-
matizamus.

CAP. 203. — *De illo qui uxorem habet, et sæpius mœ-
chatus fuerit. Ex concilio Elibertino, cap. 7.*

Si quis fidelis habens uxorem, non semel sed sæ-
pius fuerit mœchatus, in fine mortis est convenien-
dus. Quod si se promiserit cessaturum, detur ei
communio.

CAP. 204. — *Quod non conveniat cum hæreticis Chri-
stianos nuptialia jura contrahere. Ex concilio Lao-
dicensi, cap. 31 (et conc. Agathen., c. 67).*

(28, q. 1, c. Non oportet.) Quod non oporteat cum
hæreticis universis nuptiarum fœdera celebrare, nec
eis filios dare vel filias; sed magis accipere, si ta-
men Christianos se fieri promittant.

CAP. 205. — *Si laicus absolutus cum laica absoluta
peccaverit. Ex conc. Meldensi, cap. 7.*

Si laicus cum laica femina, id est uterque absolu-
tus a lege conjugii concubuerit, tres annos pœniteat.
Et quanto sæpius et negligentius ea peccata com-
miserit, tanto magis et tempus addatur et modus
pœnitentiæ.

CAP. 206. — *De uxore quæ, conscio marito, mœchata
fuerit. Ex concilio Maguntinensi, cap. 9.*

Si, conscio marito et ipso consentiente, uxor fuerit
mœchata, placuit nec in fine dandam eis commu-
nionem. Si vero eam reliquerit, et separati fuerint,
et digne pœnuerint, post 10 annos accipiant com-
munionem.

CAP. 207. — *De viro uxorem non habente, si cum alte-
rius uxore adulterium perpetraverit. Ex concilio
Nannetensi, cap. 6 (sub Formoso, c. 11).*

Quod si vir non habens uxorem cum alterius
uxore adulterium perpetraverit; aut si qua mulier
non habens virum cum alterius viro, ille qui fœdus
violavit conjugii, 7 annos, ut supradictum est, pœni-
teat. Ille qui lege conjugii non tenetur, 5 annos

pœnitcat. Nequē enim æqualis pœnitentia danda est his, quibus sufficere poterat ad explendam libidinem suam conjugum amplexus, et illis qui conjugē carentes, ardore libidinis impellente, in fornicationem ceciderunt.

CAP. 208. — *De conjugatis qui aliqua certa re discordium fecerint, ut innupti maneant. Ex dictis Augustini (lib. 1 De sermone Domini in monte, c. 28).*

(32, q. 7, c. Apostolus.) Apostolus Paulus dicit: *His qui sunt in conjugio præcipio non ego, sed Dominus, uxorem a viro non discedere: quod si discesserit, manere innuptam, aut viro suo reconciliari (I Cor. vii).* Potest enim fieri ut discedat ea causa qua Dominus permisit. Aut si feminæ licet virum dimittere etiam propter causam fornicationis, quid respondebimus de hoc quod dicit posterius: *Et vir uxorem non dimittat? (ibid.)* Quare non addidit excepta causa fornicationis quod Dominus permittit, nisi quia similem formam vult intelligi, ut si dimiserit (quod causa fornicationis permittitur) maneat sine uxore aut reconcilietur uxori? *Et post pauca.* Dominus autem permisit causa fornicationis uxorem dimitti; sed quia permisit, non jussit.

CAP. 209. — *De illis qui, interveniente repudio, aliis se in matrimonio copulaverint. Ex decretis Innocentii papæ, cap. 26 (epist. 3, c. 6).*

De his etiam requisivit dilectio tua qui, interveniente repudio, aliis se matrimonio copulaverunt: quos in utraque parte adulteros esse manifestum est. Qui vero vel uxore vivente, quamvis dissociatum esse videatur conjugium, ad aliam copulam festinarunt, neque possunt adulteri non videri, intantum ut hæc etiam personæ quibus tales conjuncti sunt, etiam ipsæ adulterium commisisse videantur secundum illud, quod legimus in Evangelio: *Qui dimiserit uxorem suam, et duxerit aliam, mæchatur (Matth. v; xix).* Et ideo omnes a communione fidelium decrevimus abstinendos. De parentibus autem aut propinquis eorum, nihil tale statui potest, nisi si inceptores illiciti consortii fuisse videantur [detectione, orig.].

CAP. 210. — *Si cujus uxor constuprata fuerit et propterea maritus perdere illam machinaverit. Ex conc. Triburiensi, cui interfuit Arnulphus rex, cap. 46.*

Si cujus uxor constuprata fuerit, et propterea maritus capitali sententia delere illam machinaverit; ipsa vero, urgente mortis periculo, ad episcopum confugerit, et auxilium quæsierit, operosiori tamen si potest episcopus labore desudet, ne occidatur; si vero non potest, nullo modo liceat ei requirenti eam reddere ad occidendum, quæ se ei obtulit ad defendendum. Sed solerti cura transmittat eam ad locum quem ipsa delegerit, ut secunda possit vivere. Si vero interdum maritus eam invenerit et repetierit, secundum sæculum potestatem habebit quid ei agere velit. Sed audiat sanctum Augustinum dicentem (sermone de tempore 243): Cum enim vir a virtute nomen accipit, et mulier a mollitie, id est fragilitate, quare contra crudelissimam libidinis bestiam vult

unusquisque uxorem suam esse victricem, cum ipse ad primum libidinis ietum victus cadat? *Aliquanto post.* Nam quidquid contra fidem catholicam non licet mulieribus, nec viris licebit. *Hactenus August.* Si autem eadem mulier timore perterrita, a loco ubi eam episcopus destinavit aufugerit, et vir ejus ab episcopo semel aut bis vel sæpius repetierit, si vitam ei obtinere possit, perquirat et reddat. Sin autem, omnino non reddat. Maritus vero quandiu ipsa vivat, nullo modo alteram ducat.

CAP. 211. — *De eo, si quis cum uxore alterius, vivente eo, fornicatus fuerit. Ex concilio apud Altheum habito, præsentē Conrado rege, cap. 5.*

(31, q. 2, c. Illud vero.) Illud vero communi decreto secundum canonum instituta definimus, et præjudicamus ut, si quis cum uxore alterius, vivente eo, fornicatus fuerit, moriente marito, synodali iudicio aditus ei claudatur illicitus, ne ulterius ei conjugatur matrimonio, quam prius polluit adulterio. Nolumus enim, nec Christianæ religioni convenit, ut ullus ducat in conjugium quam prius polluit per adulterium.

CAP. 212. — *De ingenuo, si ingenuam acceperit uxorem, et postea se servum esse profitetur. Ex concilio Triburiensi, cap. 8.*

(29, q. 2, c. Perlatum est.) Perlatum est ad sanctam synodum, quod quidam ingenuus ingenuam acceperit uxorem, et post filiorum procreationem occasione divortii cujusdam servum se fecerit, utrum necessario mulierem tenere debeat, et si tenuerit, utrum illa quoque secundum sæcularem legem servituti subijci debeat. Judicatum est, uxorem minime debere dimitti; non tamen ob Christi legem mulierem in servitutem redigi, dum ille non ex consensu conjugis se servum fecerit, quem liberum ipsa maritum accepit.

CAP. 213. — *De illis conjugatis quorum leges diversæ sunt. Ex eodem concilio, cap. 39.*

De Francia nobilis quidam homo, nobilem de Saxonia Saxonum lege duxit uxorem. Tenuit multis annis, et ex ea filios procreavit. Verum, quia non iisdem utuntur legibus Saxones et Franci, causatus est quod eam non sua, id est, Francorum lege desponsaverit, vel acceperit, aut dotaverit, dimissaque illa duxit alteram. Definivit super hoc sancta synodus ut ille transgressor evangelicæ legis subigatur pœnitentiæ; a secunda conjugē separetur, priorem resumere cogatur.

CAP. 214. — *Cur communicentur viri adulteri, cum adulteris uxoribus non communicentur. Ex decretis Innocentii papæ, cap. 24 (epist. 3, c. 4).*

(32, q. 5, c. Christiana.) Et illud desideratum est sciri, cur communicantur viri cum adulteris uxoribus non conveniant, cum contra uxores in consortio adulterorum virorum manere videantur, dum super hoc Christiana religio adulterium in utroque sexu pari ratione eodemque modo. Sed viros suos mulieres non facile de adulterio accusant, et non habent latentia peccata vindictam. Viri autem liberius uxores adulteras apud sacerdotes deferre consueverunt; et ideo

mulieribus pro dicitur carum crimine, communio denegatur; virorum autem latente commisso, non facile quisquam ex suspicionibus abstinetur: qui utique submovebitur, si ejus flagitium detegatur. Cum ergo par causa sit, interdum probatione cessante, vindictæ ratio conquiescit.

CAP. 215. — *Judicii examinatio.*

De hoc quod mihi reputatum est in hac synodo, quod simul cum ista femina adulterium vel fornicationem fecissem, quod ego non ita feci, nec inde me culpabilem recognosco: sic me Deus adjuvet, et istud iudicium.

CAP. 216. — *Separatio incestæ copulationis.*

(35, q. 6, c. *Ab isto die.*) Ab isto die in antea, cum ista femina cum qua adulterium vel fornicationem fecisti, unde disciplinam vel poenitentiam suscepisti, amplius non adulterabis, nec fornicaberis cum ea, nec aliam uxorem accipies, nisi post peractam poenitentiam tibi licentia data fuerit ab episcopo aut ab ejus misso. Sic te Deus adjuvet.

CAP. 217. — *Reconciliatio conjugatorum.*

(35, q. 6, c. *Ab isto.*) Ab isto die in antea, istam tuam conjugem nomine N. quam injuste dimiseras, ita tenebis, sicut per rectum maritus suam debet habere conjugem in dilectione, et debita disciplina. Nec eam per ullum malum ingenium a te separabis, nec ea vivente aliam accipies. Sic te Deus adjuvet.

CAP. 218. — *De eadem re.*

Amodo in antea istum tuum maritum, quem injuste dimiseras, ita tenebis, et amplexaberis, et ei in servitio, et in amore, et in timore, ita eris subjecta et obediens, sicut per rectum uxor suo debet subjecta esse marito. Nec unquam ab eo te separabis, nec illo vivente, alteri viro te sociabis, nec conjugio aut adulterio. Sic te Deus adjuvet.

CAP. 219. — *De uxore cujusdam, quæ propter suspicionem fornicationis eo relicto, postea ad eum reversa est. Gregorius Secundino episcopo Taurominiano (lib. viii regist., epistola 32).*

Præsentium portitor Leo chartularius ad nos veniens, indicavit uxorem suam, quæ relicto eo pro fornicationis crimine, quo vehementius stimulatam aiebat, atque ob hoc religiosam vestem induerat, culpabilem nullatenus exstitisse, neque post initum conjugium in fornicationis culpam collapsum. Adji-
cens quoque quod eidem uxori suæ districtissima sacramenta præbuerit, insontem se de ea re, unde illam mordebat suspicio, permansisse, et idcirco propria eam voluntate reversam. Sed quia communione illam cum familia sua pro hoc solo a fraternitate vestra privatam asscrit, quod ad eum clam postpositis vobis redierit, volumus ut familia quidem ipsius sacram communionem recipiat, et dominæ eam culpa in hujus afflictionis poena [familiam orig.] diu non teneat. De ipsa vero uxore prædicti portitoris hoc vos observare necesse est ut, si manifeste constat quia contra conjugem suum dicere nihil potuit, sed insuper suspicio ipsius præstito, ut edocti sumus, sacramento amputata est, atque post hoc,

A sua ad eum sponte reversa est, et in ea quoque ita temperanda est censura judicii, ut longo jam tempore communionem minime privetur.

CAP. 220. — *Ne uxor sine voluntate viri ab eo separetur. Alexander papa II, Landulpho in Corsica (epist. 11).*

(33, q. 5, c. *Notificasti.*) Notificasti te morte tenus infirmatum, et peccatorum tuorum recordatione et terrore valde pavefactum, anxie quæsisse monachum fieri, et a tua uxore minis et terroribus eam occidendi, ad hoc licentiam extorsisse, et sic te monachicam vestem sine abbate sumpsisse, et monasterium petisse. Postea vero cum sanus factus esses, tuæ uxoris reclamationibus, ejulationibus, et planctibus, tuæque familiæ dispersionibus, utpote poenitens devictus (penitus dev., orig. et pann.) domum remeasse, et post multos dies quorundam sapientum consilio ad jam dictæ cubile mulieris rediisse. Nunc autem si tibi tua uxore uti liceat, nostrum requiris consilium. Si ita denique est, ut tuus nuntius narrat, non videtur nobis rationabiliter, neque sana mente id factum; quoniam cum omni homini ad monachicam vitam tendenti legaliter, sancte, et juste sit peragendum, tu contra leges minaciter et violenter a tua uxore, partim terrore mortis partim tuæ infirmitatis doloribus examinatus, devia secutus, nulla, ut dicitur, licentia accepta, recessisti et monasterium petisti. Non enim violentia, sed ex pari voluntate et consensu, sicut sancti Patres dicunt, hoc fieri debet; neque vir in monasterium recipiendus est, nisi uxor illius femineum monasterium elegerit, aut professa continentiam, habitum cum festinatione mutaverit. Sanctus enim Basilidius de hac re taliter dicit (27, q. 2, c. *Si quis conjugatus*): Si quis conjugatus vult converti ad monasterium, non est recipiendus, nisi prius a conjugate castimoniam profitente fuerit absolutus. Nam si illa, vivente illo, per incontinentiam alteri nupserit, procul dubio adultera erit, nec recipitur apud Deum ejusmodi viri conversio, cujus sequitur conjugalis sœderis prostitutio. Tales igitur tunc sine culpa relicto sæculo sequuntur Christum, si habeant ex pari voluntate castitatis consensum. Itaque, fili charissime, perpende, et vide si sic canonice a tua es absolutus uxore, et tua uxor ita pollicita est: et tu illa adimplere bonum inceptum et votum vestrum; aliter autem non debemus vobis necessitatem imponere separationis.

CAP. 221. — *De illis qui, uxoribus suis dimissis, ad alias nuptias transierint. Nicolaus archiepiscopus Ravennæ.*

De senatoris conjugate, quam adulteram esse dicitis, et propter adulterii reatum disjunctam a viro suo esse judicatam, et monachicam vestem indutam atque velatam, nescimus utrum juste, an aliter hoc sit terminatum iudicium: et si adultera apparuit, hoc magis a viro suo debuit esse inquisitum; et si a viro suo requisitum fuit, indagativorum vel iudicium præsentia debuerat examinatum esse, atque terminatum: et post terminationem et approbationem

nem atque manifestationem, tunc aut legali calculo aut canonico iudicio ipsius causæ sententiæ diffiniri. **E**t si nec hoc, nec illud factum est, quis eam ausus est religiosa induere veste, et sacro cooperire velamine? Tamen id subtilius Dei præ oculis habentes timorem, præcipimus ut, præsentia missi vel vicarii vestri in vero examine, præsentem viro suo, examinatio fiat. Et si justa et rationalis eorum causa apparuerit, maneat. Et si aliter apparuerit, ut prætulimus, secundum Dei omnipotentis voluntatem atque timorem, eorum definiatur causa.

CAP. 222. — *De eodem Joannes VIII Totzili comiti.*

Porro eos qui uxores suas dimiserunt, vel ad alias illis viventibus nuptias migraverunt, tandiu eos cum consentaneis eorum excommunicamus, quousque posterioribus remotis, priores poenitendo receperint. **S**icut enim nuptiæ a Deo, ita divortium a diabolo est, teste sancto Augustino, repertum. *Quod enim Deus conjunxit homo non separet (Matth. xix)*: præcipue cum hæc pessima consuetudo ex paganorum more remanserit, quorum in talibus non alius nisi ipse diabolus erat magister et auctor.

CAP. 223. — *De eodem, idem eidem.*

Prudentissime vir, stude et prævide ut duo viri illi qui uxores suas, quas Deus illis præparavit et junxit, abjecerunt, eas repellere minime permittantur; quia impium est ut qui, auctore Deo, legali fœdere copulati sunt, pro humano libitu, imo fraude diabolica separentur. *Idem. Commonitorium Paulo episcopo.* Prævide ut de separatione conjugatorum maximam curam geras, ita ut qui a susceptione sedis apostolicæ litterarum separati sunt, inculcate reducant priores uxores, injuncta convenienti poenitentia, dimissis quas postmodum sunt sortiti. Quod si noluerint, extra Ecclesiam facite una cum his, qui eos in communione recipiunt, donec emendent quæ admissæ sunt.

CAP. 224. — *De gente Anglorum secundam fornicationem exercente. Bonifacius martyr Hiltribaldo regi Anglorum. [Alias, item idem.]*

(*Dist. 56, c. Si gens Anglorum.*) Si gens Anglorum, sicut per istas provincias divulgatum est, et nobis in Francia et in Italia impropertur, et ab ipsis paganis improperturum est, spretis legalibus connubiis, adulterando et luxuriando ad instar Sodomitanæ gentis fœdam vitam vixerit; de tali commistione metreticum æstimandum est, degeneres populos et ignobiles, et furentes libidine fore procreandos, et ad extremum universam plebem ad deteriora et ignobiliora vergeantem, et novissime nec in bello sæculari fortem, nec in fide stabilem, et nec honorabilem hominibus, nec Deo amabilem esse venturam, sicut aliis gentibus Hispaniæ, et Provinciæ, et Burgundionum populis contigit, quæ sic a Deo recedentes fornicatæ sunt. Donec (judex, *al. vindex omnipotens orig.*) talium criminum ultrices poenas per ignorantiam legis Dei et per Sarracenos venire et sævire (*al. servire*) permisit.

CAP. 225. — *De Lothario rege qui legitima sua relicta aliam duxerat. Nicolaus omnibus archiepiscopis per Galliam et Germaniam constitutis. [Alias item idem.]*

Juxta statutum nostrum, cum duos partes in illas destinarem episcopos, accidit ad nostram pervenire notitiam quod Lotharius, prima et legitima repulsa, secundam sibi adsciverit conjugem, neque sedis nostræ petitem aut permissum expectans, neque canonico iudicio uspiam succumbens. Qua ex re quid aliud datur intelligi, nisi quia ubi populorum iudicium prævenit, ibi suo iudicio prævaricatorem se iudicavit.

CAP. 226. — *De depositione duorum archiepiscoporum Lothario in ipsius errore consentientium. Nicolaus episcopis et archiepiscopis per Galliam, Italiam, Germaniam atque per universas provincias constitutis (conc. Rom. III sub Nicol. I, c. 1).*

(*2, q. 1, c. Scelus.*) Scelus quod Lotharius rex (si tamen rex veraciter dici possit qui nullo salubri regimine corporis appetitus refrenat, sed lubrica enervatione magis illicitis ipsius motibus cedit) in duabus feminis, Theiberga scilicet et Waltrada, commisit, omnibus manifestum est. Sed et dudum episcopos Teugaldum et Guntharium in tali facto eum habuisse tutores atque fautores pene totus nobis orbis undique ad limina seu sedem confluentem apostolicam referebat. *Et paulo post.* Igitur decernente nobiscum sancta synodo in præsentia depositi et ab officio sacerdotali excommunicati, atque a regimine episcopatus alienati indubitanter existunt. **C** *Item infra (cap. 2). (11, q. 3, c. Teugaldum.)* Teugaldum Treverensem, et primatem Belgiæ provinciæ, et Guntharium Agrippinæ Colonie archiepiscopos nunc coram nobis et sancta synodo sub gestorum insinuatione, qualiter causam Lotharii regis et duarum mulierum ejus Theibergæ et Waldradæ recognoverunt, et iudicaverunt, scriptum super hoc propriis manibus roboratum afferentes, nihilque se plus vel minus aut aliter egisse, ore proprio multis coram papam affirmantes: et sententiam quam a sede apostolica in Geltruden Bosonis uxorem sanctissimus frater noster Mediolanensis archiepiscopus Thado et cæteri coepiscopi nostri petiverant emittendam, nosque divino succensi zelo sub anathematis obstatione canonice protuleramus, publice una voce se violasse confitentes: in quibus omnibus invenimus eos apostolicas atque canonicas sanctiones in pluribus excessisse, et æquitatis normam nequiter temerasse, omni iudicamus sacerdotii officio penitus alienos, Spiritus sancti iudicio et beati Petri per nos auctoritate episcopatus exutos regimine, subsistere definites.

CAP. 227. — *De correctione Lotharii. Idem Lothario regi (in rescrip., tit. VII, c. 5).*

(*11, q. 3, c. Ita corporis.*) Ita corporis tui motibus cedere consentisti, et relaxatis habenis voluptatum temetipsum in lacum miseræ et in lutum fecis pro libitu dejecisti (*Psal. xxxix*), ut, qui positus fueras ad gubernationem populorum, effectus sis ruina multorum. Probat hoc Teugaldi et Guntarii episco-

porum dudum legitimus casus, qui pro eo quod te minime competenter erudierunt, quinimo quia prævaticationem tuam tegere argumentis suis sub quadam justitiæ specie fuscatis, quibusdam et exquisitis adinventionibus æquitatem obruere studuerunt, nostra sunt auctoritate depositi, et ab omni episcopatus regimine regulariter sequestrati. *Item infra (cap. 7).* (24, q. 5, c. *An non districta.*) An non districta ultione feriendus es, qui in duabus uxori bus adulterium Lamech, et flagitium imitatus dignosceris esse? (*Gen. iv.*) Quod Dominus non nisi post 77 generationes suo salutifero adventu delevit, cum Cain fratricidium 7 generatione aquis abolitum sit cataclismi.

CAP. 228. — *Quod sola causa fornicationis uxor dimitti possit. Responsa Nicolai ad consulta Bulgarorum, cap. 96.*

(32, q. 5, c. *Quidquid mulier.*) Quidquid mulier tua contra te cogitaverit, aut fecerit, vel si te accusaverit, non est, excepta causa fornicationis, rejicienda, vel odio prorsus habenda, quæ est, Apostolo præcipiente, sicut Ecclesia a Deo diligenda (*Ephes. v.*)

CAP. 229. — *Ne mulier a viro discedat. Gangrense concilium, cap. 14.*

(*Dist. 30, c. Si qua mulier.*) Si qua mulier virum proprium relinquens discedere voluerit, nuptias exsecrata, sit anathema.

CAP. 230. — *Ut dimissus ab uxore et dimissa a viro alii non nubant. Conc. Milevit., cap. 17.*

Neque dimissus ab uxore, neque dimissa a marito alteri jungatur. Sed ita maneant, aut sibi reconcilientur.

CAP. 231. — *De his qui consortium conjugale sine gravi culpa dimittunt. Ex concilio Agathensi, cap. 25.*

(33, q. 2, c. *Sæculares.*) Sæculares qui conjugale consortium nulla culpa graviore dimittunt, vel etiam dimiserunt; et nullas causas discidii probabiliter proponentes, propterea sua matrimonia dimittunt, ut illicita aut aliena præsumant, si antequam apud episcopos comprovinciales discidii causas dixerint, et prius uxores quam iudicio damnentur abjecerint, a communione Ecclesiæ et sui [sancto, orig.] populi cœtu, pro eo quod fidem conjugii maculant, excludantur.

CAP. 232. — *Ne incultus et horridus vir ab uxore dimittatur. Hexameron Ambrosii, in titulo diei quartæ (lib. v, c. 7).*

(32, q. 5, c. *Horrendus.*) Sed horrendus [horridus] et incultus est vir. Semel placuit. Nunquid vir alius eligendus est? Comparem suum et equus diligit, et si mutetur alius, trahere jugum nescit compar alterius, et se non totum putat. Tu jugalem repudias tuum, et sæpe putas mutandum, et si uno defecerit die, superducis rivalem, et statim incognita causa quasi cognita, pudoris exsequeris injuriam.

CAP. 233. — *Quod sicut crudelis et iniquus est, qui castam dimittit: sic fatuus est et injustus, qui retinet meretricem. Chrysostomus super Matthæum*

cap. 109 (homil. 32 in Matth. in opere imperfecto).

Quicumque dimiserit uxorem suam, excepta causa fornicationis, mœchatur (Matth. xix). Omnis res per quas causas nascitur, per ipsas absolvitur. Matrimonium enim non facit coitus, sed voluntas: et ideo illud non solvit separatio corporis, sed voluntas: ideo qui dimittit uxorem suam, et alteram non accipit, adhuc maritus est. Nam et si corpore jam separatus est, tamen adhuc voluntate conjunctus est. Cum ergo alteram acceperit, tunc plene dimittit. Non ergo qui dimittit mœchatur, sed qui alteram ducit. Sicut autem crudelis est et iniquus qui castam dimittit, sic fatuus est et injustus qui retinet meretricem. Nam patronus turpitudinis ejus est, qui crimen celat uxoris.

CAP. 234. — *Quod quidquid inter se conjugati immodestum vel sordidum gerunt, vitium sit hominum, non culpa nuptiarum; sed propter illas ignosci. Augustinus, De bono conjugali (cap. 6).*

(32, q. 2, c. *Quidquid inter.*) Quidquid inter se conjugati immodestum, inverecundum sordidumve gerunt, vitium est hominum non culpa nuptiarum. Jam in ipsa quoque immoderata exactione debiti carnalis, quam eis non secundum imperium præcepit, sed secundum veniam concedit apostolus (*I Cor. vii*), ut etiam præter causam procreandi sibi misceantur, etsi eos pravi mores ad talem concubium impellunt, nuptiæ tamen ab adulterio seu fornicatione defendunt. Neque enim illud propter nuptias admittitur, sed propter nuptias ignoscitur. Debent ergo sibi conjugati non solum ipsius sexus sui commiscendi fidem liberorum procreandorum causa (quæ prima est humani generis in ista mortalitate societas), verum etiam indermitatis invicem excipiendæ ad illicitos concubitus evitandos mutuam quodammodo servitatem, ut etsi alteri eorum continentia perpetua placeat, nisi ex alterius consensu non possit.

CAP. 235. — *Quod licite dimittitur conjux causa fornicationis, manere tamen vinculum prioris. Item (ibidem).*

Reddere vero debitum conjugale, nullius est criminis, exigere autem ultra generandi necessitatem, culpæ venialis; fornicari vero vel mœchari puniendi criminis. (*Ibid., c. 7.*) Cavere debet charitas conjugalis, ne dum sibi quærit unde amplius honoretur, conjugii faciat unde damnetur. *Qui enim dimittit uxorem suam, excepta causa fornicationis, facit eam mœchari (Matth. v).* Usque adeo fœdus illud initum nuptiarum cujusdam sacramenti res est, ut nec ipsa separatione irritum fiat: quandoquidem, vivente viro, et a quo relicta est, mœchatur, si alteri nupsierit: et ille hujus mali causa est, qui reliquit. *Item, Aug. De bono conjugali (ibidem, eodem cap.).* (32, q. 7, c. *Interveniente.*) Interveniente divorcio, non aboletur confœderatio nuptialis; ita ut sibi conjuges sint etiam separati, cum illis autem adulterium committant quibus fuerint etiam post suum repudium copulati, vel illa viro vel ille mulieri.

Item (ibid., c. 18). A viro vivo in alterius transire A
connubium nec tunc licuit, nec nunc licet, nec un-
quam licebit. Apostatare quippe ab uno Deo, et ire
in alterius adulteriam superstitionem semper est
malum. *Augustinus, De adulterinis conjugiiis, lib. II*
(cap. 4). (32, q. 7, c. *Licite.*) Licite dimittitur con-
jux ob causam fornicationis, sed manet vinculum
prioris. (*Ibid., c. 5.*) Propter quod sit reus adulterii
dimissam qui duxerit, etiam ob causam fornicatio-
nis. Sicut enim manente in se sacramento regene-
rationis, excommunicatur quisquis reus criminis,
nec illo sacramento caret, etiamsi nunquam recon-
cilietur Deo; ita manente in se vinculo, non caret
conjugii sacramento, etiamsi nunquam reconcilietur
viro. carebit autem, si mortuus fuerit vir ejus. B
Reus vero excommunicatus ideo nunquam carebit
regenerationis sacramento, etiam non reconciliatus;
quia nunquam moritur.

CAP. 236. — *Ne uxor propter fornicationem dimissa
ab alio ducatur. Item, lib. I (cap. 9).*

Non est quisquam ita absurdus, qui mœchum ne-
get esse qui duxerit eam, quam maritus propter
causam fornicationis abiecit: cum Dominus mœ-
chum dicat eum, qui duxerit eam quæ præter forni-
cationis causam abjecta est (*Matth. XIX.*)

CAP. 237. — *Ut non facile dimittatur uxor. Aug. de
sermone Domini in monte (lib. I, c. 20).*

(32, q. 7, c. *Dominus ad illud.*) Dominus ad illud
confirmandum, ut non facile dimittatur uxor, solam
fornicationis causam exceptit; cæteras vero univer-
sales molestias si quæ exstiterint, jubet pro fide C
conjugali, et pro castitate fortiter sustineri, et mœ-
chum dicit etiam qui eam duxerit, quæ soluta est a
viro. *Item, ibid., paulo post.* (32, q. 5, c. *Fieri potest.*)
Fieri potest ut vir dimittat uxorem causa fornicati-
onis, quam Dominus exceptam esse voluit. Jam
vero, si nec illi nubere conceditur viro vivo a quo
recessit, neque huic alteram ducere, viva uxore
quam dimisit, multo minus fas est illicita eum cum
quibuslibet stupra committere.

CAP. 238. — *Item, quod non sit uxor abjicienda pro
qualibet carnis infirmitate (ibid., c. 27).*

(32, q. 3, c. *Si uxorem.*) Si uxorem quis habeat
sive sterilem sive deformem corpore, sive debilem
membris, vel cæcam, vel surdam, vel claudam, vel D
si quid aliud, sive morbis et doloribus laboribusque
confectam, et quidquid (excepta fornicatione) cogi-
tari potest vehementer horribile, pro societate et fide
sustineat.

CAP. 239. — *Quod vivente viro, dimissa nulla de
causa alteri nubere potest. Hieronymus ad Aman-
dum presbyterum (tomo III, epist. cujus initium,
Brevis epistola longas.)*

(32, q. 7, c. *Omnes causationes.*) Omnes causatio-
nes Apostolus amputans apertissime definivit, vi-
vente viro, esse adulteram mulierem, si alteri nupse-
rit. Nolo mihi proferas raptoris violentiam, matris
præstationem [persuasionem, *orig.*], patris auctori-
tatem, propinquorum catervam, servorum insidias
et parentum [atque contemptum, *orig.*], damna rei

familiaris. Quoad vivit vir, licet adulter sit, licet
sodomita, licet flagitiis omnibus coopertus, et ab
uxore propter hæc scelera derelictus, maritus est
reputatus cui alterum virum accipere non licet.

CAP. 240. — *Quod feminis non licet, æque nec maritis
licere. Idem ad Oceanum de morte Fabiolæ
(tomo I in epitaphio Fabiolæ, cujus initium: Pla-
res anni sunt).*

(32, q. 5, c. *Præcepit.*) Præcepit Dominus uxo-
rem non debere dimitti, excepta causa fornicatio-
nis; et si dimissa fuerit, manere inuuptam (*Matth. v.*)
Quidquid viris præcipitur, hoc consequenter redun-
dat in feminas. Neque enim adultera uxor dimit-
tenda est, et vir mœchus tenendus est. *Item, ibidem,
paulo post.* (32, q. (?) c. *Apud nos.*) Apud nos quod
non licet feminis, æque non licet viris, et eadem
servitus pari conditione censetur.

CAP. 241. — *De pena ejus qui uxore relicta duxerit.
Capitularium lib. V, cap. 300 (s. 149).*

(33, q. 2, c. *Quicumque.*) Quicumque propria uxore
derelicta, vel sine culpa interfecta aliam duxerit,
armis depositis publicam agat pœnitentiam. Et si
contumax fuerit, comprehendatur a comite, et ferro
vinciatur, et in custodiam mittatur.

CAP. 242. — *Quod non sit durum reconciliari uxori
post adulterium. Augustinus, De adulterinis con-
jugiis, libro secundo (cap. 6).*

(32, q. 1, c. *Quod autem tibi durum.*) Quod tibi du-
rum videtur, ut post adulterium reconcilietur conjugi
conjux, si fides adsit non erit durum. Cur enim ad-
huc deputamus adulteros quos vel baptismate ablu-
tos, vel pœnitentia credimus esse sanatos? Hæc
crimina in veteri Dei lege nullis sacrificiis munda-
bantur, quæ Novi Testamenti sanguine siue dubita-
tione mundantur, et ideo tunc omnimodo prohibi-
tum est ab alio contaminatam viro recipere uxo-
rem, quamvis David Saulis filiam, quam pater
ejusdem mulieris ab eo separatam dederat alteri
(*I Reg. XVIII.*), tanquam Novi Testamenti præfigu-
rator sine contaminatione receperit. Nunc autem
posteaquam Christus ait adulteræ: *Nec ego te con-
demnabo, vade, deinceps noli peccare (Joan. VIII.)*,
quis non intelligit debere ignoscere maritum, quod
videt ignovisse Dominum amborum, nec jam se
debere adulteram dicere, cujus pœnitentis crimen
divina credit miseratione deletum? *Item, (ibid. c. 8.)*
(32, q. 6, c. *Indignantur.*) Indignantur mariti, si
audiant alteros viros pendere similes adulteris fe-
minis pœnas: cum tanto gravius eos puniri
oportuerit, quanto magis ad eos pertinet et virtute
vincere, et exemplo regere feminas. *Item (ibid.,
cap. 9).* (3, q. 1, c. *Non erit turpis.*) Non erit tur-
pis neque difficilis, etiam post patrata atque pur-
gata adulteria reconciliatio conjugum, ubi per claves
regni cœlorum, non dubitatur fieri remissio pecca-
torum, non ut post viri divortium adultera revocetur,
sed ut post Christi consortium, adultera non
vocetur. *Item (ibid., cap. 13).* (32, q. 5, c. *Puto
Christianum.*) Puto Christianum neminem reluctari
adulterum esse qui vel diu languente, vel diu ab-

sente, vel continenter vivere cupiente uxore sua, alteri commistus est feminæ. *Item (ibid., cap. 15). (33, q. 2, c. Si quod verius.)* Si (quod verius esse dicitur) non licet homini Christiano adulteram conjugem occidere, sed tantum dimittere, quis est tam demens, qui ei dicat : Fac quod non licet, ut liceat tibi quod non licet? Cum enim utrumque secundum legem Christi illicitum sit, sive adulteram occidere, sive illa vivente alteram ducere, ab utroque est abstinendum, non illicitum pro illicito faciendum. Si enim facturus est quod non licet, jam faciat adulterium, et non faciat homicidium, ut vivente uxore sua alteram ducat, et non humanum sanguinem fundat.

CAP. 243. — *De eodem. Hermes in libro Pastoris, mandato 4.*

(34, q. 2, c. *Ego dixi.*) Ego dixi pastori : Domine, si quis habuerit uxorem fidelem in Domino, et hanc invenerit in adulterio, nunquid peccat vir, si convivit cum illa? Et dixit mihi : Quandiu nescit peccatum ejus, sine crimine est vivens cum illa; si autem scierit vir uxorem suam deliquisse, et non egerit poenitentiam mulier, et permanet in fornicatione sua, et convivit cum illa vir, reus erit peccati ejus, et particeps mœchationis ejus. Et dixi illi : Quid ergo, si permanet in vitio suo mulier? Et dixit : Dimittat illam vir, et vir per se maneat. Quod si mulier dimissa poenitentiam egerit, et voluerit ad virum suum reverti, non recipietur a viro suo? Dixit : Imo si non receperit eam vir suus, peccat, et magnum peccatum sibi admittit. Sed debet recipere peccatricem quæ poenitentiam agit, sed non sæpe. Servis enim Dei poenitentia una est. Propter poenitentiam ergo non debet dimissa uxore sua aliam ducere. Illic actus similis est in muliere et viro. Non solum mœchatio est illi, qui carnem suam coluquinat, sed etiam qui simulacrum facit, mœchatur. Quod si in his factis perseverat, et poenitentiam non agit, recede ab illa, et noli convivere cum illa. Sin autem, et tu particeps eris peccati illius. Propter hoc præceptum est vobis per vos manere, sive viro sive mulieri, potest enim in ejusmodi poenitentia esse.

CAP. 244. — *Ut feminæ quæ captivatis viris suis et diu detentis, aliis nupserint, prioribus reddantur si redierint. Leo Nicetæ Aquileiensi episc., cap. 1 (epist. 79).*

(34, q. 2, c. *Cum per bellicam.*) Cum per bellicam cladem, et per gravissimos hostilitatis incursum, ita quædam dicatis esse divisa conjugia, ut abductis in captivitatem viris feminæ eorum remanserint destitutæ, quæ viros proprios interemptos putarent, aut nunquam dominatione crederent liberandos, et in aliorum conjugum sollicitudine cogente transierint : cumque statui rerum, auxiliante Domino, in meliora converso, nonnulli eorum qui putabantur perisse, remearint : merito charitas tua videtur ambigere, quid de mulieribus quæ aliis sunt junctæ viris, a nobis debeat ordinari. Sed quia novimus scriptum quod a Domino jungitur viro mu-

lier (*Prov. 1x*) ; et iterum præceptum agnovimus ut quæ Dominus junxit homo non separet (*Matth. xix*), necesse est, ut legitimarum fœdera nuptiarum redintegrandam credamus, et remotis his quæ hostilitas intulit, unicuique id quod legitime habuit, reformetur, omnique studio procurandum est, ut recipiat unusquisque quod proprium est. (*Cap. 2.*) Nec tamen culpabiles judicentur, si in jus alienum transire potuerunt : et tamen plenum justitiæ est, ut eisdem reversis propria reformentur. Quod si in mancipiis vel in agris aut etiam in domibus ac possessionibus recte [*rite, orig.*] servatur : quanto magis in conjugatorum redintegratione faciendum est ut quod clade bellica turbatum est, pacis remedio reformetur? (*Cap. 3.*) Et ideo, si viri post longam captivitatem reversi, ita in dilectione suarum conjugum perseverant, ut eas cupiant in suum redire consortium, omittendum est, et inculpabile judicandum quod necessitas intulit, et restituendum quod fides poscit. (*Cap. 4.*) Si autem aliquæ mulieres ita posteriorum virorum amore sunt captæ, ut malint his cohærere, quam ad legitimum redire consortium, merito notandæ sunt, ita ut Ecclesiæ communionem priventur.

CAP. 245. — *Ut vir si uxore sua captivata aliam duxerit, priori reddatur. Innocentius Probo (Innocent. I, epist. 9).*

(34, q. 2, c. *Cum in captivitate.*) Cum in captivitate Ursa mulier teneretur, aliud conjugium cum Restituta Fontanum inisse cognoscimus. Sed favore Domini reversa Ursa, nos adiit et, nullo diffidente, uxorem se memorati esse perdocuit. Qua de re, domine illi merito illustris, statuimus, fide catholica suffragante, illud esse conjugium, quod erat primitus gratia divina fundatum, conventumque secundæ mulieris priore superstitie, nec divortio ejecta, nullo pacto esse posse legitimum.

CAP. 246. — *Ut donec certum est virum in captivitate vivere, nunquam uxor alium ducat. Pandectarum lib. xxiv, tit. 11.*

Generaliter definiendum est, donec certum est maritum vivere in captivitate constitutum, nullam habere licentiam uxores eorum migrare ad aliud matrimonium.

CAP. 247. — *Quod infidelitas fornicatio sit. Augustinus, De adulterinis conjugis, lib. 1 (cap. 17).*

Si propter fornicationem carnis permittitur homo a conjugate separari, quanto magis in conjugate mentis fornicatio detestanda est, id est infidelitas. *Item (ibid., cap. 18).* Infidelis hominis fornicatio est major in corde; nec vera ejus pudicitia dici potest cum conjugate, quia *omne quod non est ex fide, peccatum est (Rom. xiv).*

CAP. 248. — *Quod dimittenda sit uxor si cogit irrum a Deo fornicari. Augustinus, De sermone Domini in monte, lib. 1 (cap. 22).*

(28, q. 1, c. *Idololatria.*) Idololatria, quam sequuntur infideles et quælibet noxia superstitio, fornicatio est. Dominus autem permisit causa fornicationis uxorem dimitti (*Deut. xxiv; Matth. v*). Sed quia

permisit non jussit, dedit locum Apostolo monendi ut, qui voluerit non dimittat uxorem infidelem, quo sic fortasse posset fidelis fieri (I Cor. vii).

CAP. 249. — *Item. de eadem re (ibid., c. 23).*

Si infidelitas fornicatio est, et idololatria infidelitas, et avaritia idololatria: non est dubitandum et avaritiam fornicationem esse. Quis ergo jam quamlibet illicitam concupiscentiam potest recte a fornicationis genere separare, si avaritia fornicatio est?

CAP. 250. — *Ut uxor dimittatur, ubi aut Christus aut uxor est dimittenda. Item.*

(Proxime post.) Ex quo intelligitur quod propter illicitas concupiscentias, non tantum quæ in stupris cum alienis viris aut feminis committuntur, sed omnino quaslibet quæ animam corpore male utentem a lege Dei aberrare faciunt, et perniciose turpiterque corrumpi, possit sine crimine et vir uxorem dimittere et uxor virum (Matth. xix); quia exceptam facit Dominus causam fornicationis, quam fornicationem, sicut supra consideratum est, generalem et universalem intelligere cogimur. (I Retract., cap. 19.) Cum autem ait, *excepta fornicationis causa*, non dixit cujus ipsorum, viri an feminæ. Non enim tantum fornicantem uxorem dimittere conceditur, sed quisquis eam quoque uxorem dimittit, a qua ipse cogitur fornicari, causa fornicationis utique dimittit. Velut si aliquem cogat uxor sacrificare idolis: qui talem dimittit, causa fornicationis dimittit, non tantum illius, sed et suæ; illius quia fornicatur, suæ ne fornicetur. Nihil autem iniquius quam fornicationis causa dimittere uxorem, si et ipse convincitur fornicari. Occurrit enim illud: In quo enim alterum iudicas te ipsum condemnas: *eadem enim agis quæ iudicas (Rom. ii)*. Quapropter quisquis fornicationis causa vult abjicere uxorem, prior debet esse a fornicatione purgatus. Quod similiter etiam de femina dixerim.

CAP. 251. — *De eadem re. Augustinus, De fide et operibus (cap. 16).*

28, q. 1, c. *Uxor legitima.*) Uxor legitima societate conjuncta sine ulla culpa relinquitur, si cum viro Christiano permanere noluerit. Non attenditur eo modo eam rectissime dimitti, si viro suo dicat: Non ero uxor tua nisi mihi de latrocinio divitias congeras, aut nisi solita lenocinia quibus nostram domum transigebas, etiam Christianus exerceas, aut si quid aliud vel facinorosum, vel flagitiosum in viro noverat, quo delectata vel libidinem explebat, vel facilem victum habebat, vel etiam incedebat ornatio: tunc enim ille cui hoc uxor dicit, si veraciter egit poenitentiam ab operibus mortuis quando accessit ad baptismum, habetque in fundamento fidem quæ per dilectionem operatur, procul

(83) Ipso autem conjugio manente plane, etc.; planc, etc.

A dubio plus tenebitur amore divinæ gratiæ, quam carnis luxuriæ, et membrum quod cum scandalizat fortiter amputabit.

CAP. 252. — *Item de eadem re. Rabanus super Mattheum lib. ii (August., lib. i De serm. Domini in monte, cap. 21).*

Exoritur quæstio, cum Dominus causa fornicationis permittat dimitti uxorem, quatenus hoc loco intelligenda sit fornicatio: utrum quousque intelligunt homines, id est, ut eam credamus fornicationem dictam quæ in stupris committitur, an quemadmodum Scripturæ solent fornicationem vocare, sicut supradictum est, omnem illicitam corruptionem, sicut idololatria vel avaritia, et ex eo jam omnis transgressio legis propter illicitam concupiscentiam.

B Quis ergo jam quamlibet illicitam concupiscentiam potest recte a fornicationis genere separare, si avaritia fornicatio est?

CAP. 253. — *Item de eadem re. Ambrosius [Augustinus] ad Hilarium (epist. 89).*

(28, q. 1, c. *Si infidelis.*) *Si infidelis*, dicit Apostolus, *discedat: non est servitus: i subjectus frater aut soror in hujusmodi (I Cor. vii)*; id est, si infidelis noluerit esse cum conjugæ fidei, hic agnoscat fidelis suam libertatem, ne ita se subjectum deputet servituti, ut ipsam dimittat fidem, ne conjugem amittat infidelem. Hoc et de filiis atque parentibus, hoc et de fratribus ac sororibus intelligitur, propter Christum esse omnes dimittendos, cum ponitur ista conditio ut Christum dimittat, si eum [illos, orig.] secum habere desiderat. Hoc ergo et de domo et de agris, hoc est [et, orig.] de his rebus quæ jure pecuniario possidentur.

CAP. 254. — *Quod uxor propter sterilitatem non est dimittenda, et alia secunda ducenda. Augustinus, De bono conjugali, cap. 7.*

(32, q. 7, c. *Tantum valet.*) Tantum valet sociale vinculum, ut cum causa procreandi colligetur, nec ipsa causa procreandi solvatur. Posset enim homo dimittere sterilem uxorem, et ducere de qua filios habeat, et tamen non licet. *Item (ibid., cap. 15).* Manet vinculum nuptiarum, etiamsi proles cujus causa initum est, manifesta sterilitate non subsequatur, ita ut scientibus conjugibus non se filios habituros, separare se tamen vel ipsa causa filiorum atque aliis copulare non liceat. Quod si fecerint, cum iis quibus se copulaverint adulterium committunt; ipsi autem conjugii manente plane (85) uxoris voluntate adhibere aliam, unde communes filii nascentur, unius commistione ac semine, alterius autem jure ac potestate, apud antiquos Patres fas erat, utrum et nunc fas sit temere non dixerim.

CAP. 255. — *Adulter est etiam is qui, uxore ob fornicationem dimissa, ea superstite alteri sese copulaverit. August., De adulterinis conjugiiis, lib. i (cap. 9).*

(32, q. 7, c. *Quemadmodum.*) Quemadmodum recte

originale sic habet, ipsi autem conjuges manent

dici non potest, si nescit homo, non peccat : sunt enim etiam peccata ignorantium, quamvis minora quam scientium : ita non recte dici potest, si causa fornicationis dimiserit vir uxorem et aliam duxerit, non mœchatur. Est enim mœchatio etiam eorum qui alias ducunt, relictis propter fornicationem prioribus ; sed utique minor, quam eorum qui non propter fornicationem dimittunt, et alteras ducunt.

CAP. 256. — *De eo qui adulteravit uxorem fratris sui. Capitularium lib. v, cap. 21.*

Si quis homo habens mulierem legitimam, si frater ejus adulteraverit cum ea, ille frater vel illa femina qui adulterium perpetraverunt, interim quod vivunt nunquam habeant conjugium.

CAP. 257. — *Ut mulier a viro propter fornicationem discedens, innupta permaneat, vel eidem reconcilietur. Ambrosius in I epist. ad Corinth. (in c. vii, ante med.).*

Hos alloquitur, qui matrimonio juncti sunt, ore Dominico : Uxorem a viro non discedere : quod si discesserit, manere innuptam. Hoc Apostoli consilium est ut si discesserit propter malam conversationem viri, jam innupta maneat. Aut viro suo reconciliari. Quod si se continere, inquit, non potest, quia pugnare non vult contra carnem, viro reconcilietur. Non enim permittitur mulieri ut nubat, si virum suum causa fornicationis dimiserit aut apostataverit, aut si [apostasie, orig.] impellente lascivia usum quærat uxoris invertere ; quia inferior non omnino hac lege utitur qua potior. Si tamen apostataverit, aut usum uxoris quærat invertere ; nec alii potest nubere mulier, nec reverti ad illum. Et virum uxorem non dimittere. Subauditur autem excepta fornicationis causa.

CAP. 258. — *Ut quantumvis adolescentes, viventibus uxoribus suis, alias non ducant. Arelatense concil. i, cap. 10.*

De his qui conjuges suas in adulterio deprehendunt, et iidem sunt adolescentes fideles, et prohibent nubere, placuit ut quantum potest, consilium eis detur, ne viventibus suis uxoribus licet adulteris, alias accipiant.

CAP. 259. — *Quod lex Dei non compellat hominem malum facere, quamvis per eam aliquando malum fiat. Augustinus, De adulterinis conjugis, lib. ii (cap. 16).*

Non dubitas esse adulterium, si quisquam ducat viventis uxorem, a viro suo per libellum repudii sine ulla mulieris fornicatione dimissam. Quid ergo, cum viderit se nec ad baptismum admitti, si catechumenus est, nec utiliter agere poenitentiam, si baptizatus hoc fecerit, non corrigendo, et linquendo quod fecit ; si eum voluerit et potuerit occidere, cujus duxit uxorem, ut hoc scelus vel baptisate diluatur, vel poenitendo solvatur, atque ita etiam illud adulterium non permaneat, evacuata muliere a lege viri post mortem viri, sed de transacto quod actum est poenitentiam satisfiat, vel regeneratione deleatur? Nunquid propterea est accusanda lex Christi, tanquam compulerit fieri homicidium, cum sine cri-

mine fornicationis repudiatam ducere, dicit esse adulterium ?

CAP. 260. — *De causa Lotharii regis et uxoris suæ. Hincmarus Remensis archiepiscopus, cap. 13 (lib. De divortio Lotharii et Theb., interrog. 13).*

Si forte, ut fertur, rex de quo agitur, post legaliter initum conjugium cum alia aliqua carnis commistione negotium concumbendi exercuit, negari non potest adulterium perpetrasse, etiamsi femina quam duxit uxorem, de his de quibus accusatur, rea fuerit fortassis inventa, quoniam post legaliter initum conjugium, ante legalem definitionem præsumpsit illicita.

CAP. 261. — *Ut nullus eam cum qua adulteravit, nisi peracta poenitentia, ducat uxorem, cap. 20 (interr. 21, circa med.).*

Scripturarum testimoniis atque sanctorum dictis manifestatur, quod concubinam cum qua adulterasse dicitur rex, si voluerit, in conjugium sibi sociare prævaleat : videlicet si aut uxor legaliter accepta, et innoxia erga illum inventa, mortua fuerit corpore, vel si inventa fuerit anima adeo mortua, ut ipsius cum ea copula incestus, et nullo conjugii nomine deputandus legaliter comprobetur. Item. Est aliud observandum, ne ante legitimam poenitentiam secundum leges Ecclesie susceptam atque peractam, et reconciliationem adeptam [conjugio, orig.], multo minus eidem, de qua agitur, concubinæ se copulet. Quoniam nec David sine poenitentia Bethsabæe cum qua adulteraverat, conjugem habuit. (II Reg. xii).

CAP. 262. — *Ut par pudicitie forma sit inter virum et uxorem. De adulterinis conjugis. Aug., lib. ii (cap. 8).*

Illi quibus displicet, ut inter virum et uxorem par pudicitie forma servetur, et potius eligunt maximeque in hac causa, mundi legibus subditi esse, quam Christi ; quoniam jura forensia non iisdem, quibus feminas pudicitie nexibus, viros videtur astringere [obstr., orig.] ; legant quid imperator Antoninus, non utique Christianus, de hac re constituerit : Ubi maritus uxorem de adulterii crimine accusare non sinitur, cui moribus suis non præbuit castitatis exemplum, ita ut ambo damnentur, si ambos pariter impudicos conflictus ipse convicerit. Nam supradicti imperatoris hæc verba sunt, quæ apud Gregorianum leguntur : Sane, inquit, litteræ meæ nulla parte causæ præjudicabunt. Neque enim si pene te culpa fuit, ut matrimonium solveretur, et secundum legem Juliam Eupasia uxor tua nuberet, propter rescriptum meum adulterii damnata erit, nisi constet esse commissum. Habebunt autem ante oculos inquirere, an cum tu pudice viveres, illi quoque bonos mores colendi auctor fuisti. Periniquum enim videtur mihi esse ut pudicitiam vir ab uxore exigat, quam ipse non exhibet.

CAP. 263. — *Quod vir exemplum castitatis debeat esse uxori. Augustinus, lib. De decem chordis. (cap. 3).*

(32, q. 6, c. Non mœchaberis.) Non mœchaberis : id est, non ibis ad aliam aliquam præter uxorem

tuam. Tu autem exigis hoc ab uxore, et non vis reddere hoc uxori? Et cum debeas in virtute præcedere uxorem (quoniam castitas virtus est) tu sub uno impetu libidinis cadis, et vis uxorem tuam victricem esse, et tu victus jaces? Et cum tu caput sis uxoris, præcedit te ad Deum, cujus caput es (*Exod. xx; Deut. v*). Vis tuam domum capite deorsum pendere? *Caput est enim mulieris vir (Ephes. v)*. Ubi autem melius vivit mulier quam vir, capite deorsum domus pendet. Si caput est vir, melius debet vivere vir et præcedere in omnibus bonis factis uxorem suam.

CAP. 264. — *De pœnitentia viri, cujus conscientia uxor mœchatur. Concilium Eliberitanum, cap. 70.*

Si, conscio marito, uxor fuerit mœchata, placuit nee in fine dandam ei communionem. Si vero eam reliquerit, post annos 10 accipiat communionem, si eam, cum scierit adulteram, aliquo tempore in domo sua retinuerit.

CAP. 265. — *Ne propter filiorum desiderium alteri secunda uxor tradatur. Augustinus contra Julianum ad Claudium, lib. v, cap. 9 (idem refert lib. De bono conjug., c. 48; rursum De fide et oper., c. 7).*

Sicut fecisse Cato perhibetur, ab eo viro qui plures non vult suscipere filios, alteri secunda [letanda] uxor non tradatur.

CAP. 266. — *De abjicienda adultera. Codicum lib. ix, cap. 9, tit. 11 (tit. ix, ad legem Juliam De adult. et stupr. lib. 11).*

Crimen lenocinii contrahunt, qui deprehensam in adulterio uxorem ad matrimonium detinuerint, non qui suspectam adulteram habuerint.

CAP. 267. — *De excusatione Saræ. Haimo, super Genesim.*

(32, q. 1, c. Apud misericordem.) Excusari potest Sara in hoc quod in domum Pharaonis translata est invita vel coacta (*Gen. xx*), non solum in hoc quia non coinquinatur corpus, nisi ex consensu mentis, sed etiam in hoc quod, conveniente et permittente viro, factum est hoc.

CAP. 268. — *Nec plures nuptias laudari, nec quantaslibet damnari. Augustinus, De bono viduitatis (cap. 12).*

(31, q. 1, c. Quod si dormierit.) De tertiis et de quartis, et de ultra pluribus nuptiis, solent homines movere quæstionem. Unde ut breviter respondeam, nec ulla nuptias audeo damnare, nec eis verecundiam numerositatis auferre. *Item, ibidem sub finem cap.* Nec contra humanæ verecundiæ sensum audeo dicere ut, quoties voluerit, viris mortuis, nubat femina; nec ex meo corde præter Scripturæ sanctæ auctoritatem, quotaslibet [quantaslibet, orig.] nuptias audeo condemnare.

CAP. 269. — *Quod secundæ nuptiæ licitæ sint. Augustinus contra adversarium legis et prophetarum, lib. 11 (cap. 9).*

(32, q. 4, c. Iste Abraham.) Iste Abraham etiam usque ad decrepitam senectutem fornicationis objicit crimen, profecto quia et post mortem Saræ alteram duxit (*Gen. xxv*). Ubi etsi nullum intelligeretur rei additæ sacramentum: propter

hoc solum id facere debuit Abraham, ne putarent hæretici adversus Apostolum (quibus etiam Tertullianus (*lib. De monogamia*) astipulator astitit) post uxoris mortem, crimen esse ducere uxorem (*I Cor. vii*). *Item (ibidem. cap. 11)*. Deus qui masculum et feminam propagandi generis causa nuptiali castitate conjunxit, et secundas nuptias quæ in Novo quoque [unoquoque] Testamento permittuntur, licitas esse monstravit.

CAP. 270. — *Quod sicut nec secundæ, ita nec plures damnentur nuptiæ. Hieronymus ad Pammachium (tomo III epist. cujus initium: Quod ad te).*

(21, q. 4, c. Aperiant.) Aperiant, quæso, aures obtractatores mei, et videant me secundas et tertias nuptias in Domino consensisse. Qui secundas et tertias non damnavi, primum potui damnare matrimonium? *Item, ibidem, aliquando post.* Non damnavi digamos, imo nec trigamos, et si dici potest octogamos. *Item, non ita procul a fine.* Ego nunc libera voce proclamo non damnari in Ecclesia digamiam, imo nec trigamiam, et ita licere quinto, et sexto, et ultra, quomodo et secundo marito nubere.

CAP. 271. — *Ut matres quæ tutelam filiorum suscipere volunt, ad alias nuptias non transeant, libro v, cap. 33.*

Matres quæ amissis viris tutelam administrandorum negotiorum in liberos postulant, priusquam confirmatio officii talis in eos jure eveniat, fateantur actis sacramento præstito ad alias se nuptias non venire. Sane in optione hujusmodi nulla cogatur, sed libera in conditiones quas præstitimus, voluntate descendat. Nam, si malent alia optare matrimonium, tutelam filiorum administrare non debent.

CAP. 272. — *De pœna nubentis viduæ intra annum luctus. Novellarum constitutionum trigesima septima, cap. 11.*

Similiter, si mulier post mortem mariti, nondum annali spatio completo, ad secundas properaverit nuptias, omni quidem modo inter infames erit; sed si quidem liberos non habeat ex priore matrimonio, infamiam quidem solvere poterit, si preces imperatori porrexerit, et divino principis nutu priori opinionem restituta fuerit. Res autem a priore marito sibi relictas nullo modo lucrabitur.

CAP. 273. — *Ut mulier si ad secundas nuptias migraverit, prioris mariti privilegio non utatur, cap. 23.*

Mulier quæ ad secundas migravit nuptias, privilegiis vel dignitatibus prioris mariti non utitur. Si autem hac observatione contenta secundas contraxerit nuptias, non solum res ipsius, id est matris, liberis ejus hypothecæ titulo supponatur, sed etiam res vitrici, ex præsentis constitutionis auctoritate.

CAP. 274. — *De eodem. Constitutio octogesima quarta, cap. 1.*

Si mater marito defuncto filiorum suorum tutelam gubernare maluerit, renuntiet secundis nuptiis, in judicio, sive in jusjurando, res autem suas filio suo impuberi obliget, atque ita ei tutela committatur.

CAP. 275. — *Quid sit fornicatio. Augustinus super*

Epistolam ad Galatas (in c. v, ad illum locum : A manifesta sunt autem opera carnis ante fin.).

Fornicatio est amor legitimo connubio solutus et vagus, explendæ libidinis consecrando licentiam.

CAP. 276. — *Quantum peccatum sint cubilia et impudicitia. Augustinus ad Aurelium episcopum (epist. 64).*

Ait Vas electionis : *Non in comessionibus et ebrietatibus, non in cubilibus et impudicitia, non in contentione et dolo (Rom. XIII); horum trium cubilia et impudicitia ita malum crimen putantur, ut nemo dignus non modo ecclesiastico ministerio, sed ipsa etiam sacramentorum communione videatur, qui se isto peccato maculaverit; et recte omnino.*

CAP. 277. — *Quod non omne matrimonium sit conjugium. Hieronymus, libro III super Epistolam ad Ephesios (in c. v, circa med.).*

(32, q. 2, c. Sicut non omnis.) Sicut non omnis congregatio hæreticorum Christi Ecclesia dici potest, nec caput eorum Christus est; sic non omne matrimonium quo non uxor viro secundum Christi præcepta jungitur, rite conjugium appellari potest, sed magis adulterium.

CAP. 278. — *Quod omnis immunda pollutio fornicatio dicitur. Isidorus, Sententiarum lib. II, cap. 39.*

Omnis immunda pollutio fornicatio dicitur, quamvis quisque diversa turpitudinis voluptate prostituatur. Ex delectatione enim fornicandi varia gignuntur flagitia, quibus Dei regnum clauditur, et homo ab eo [a Deo, orig.] separatur.

CAP. 279. — *Quod nomine mæchiae omnis illicitus concubitus in lege intelligatur. Augustinus, lib. Quaestionum in Exodum (in libro quaestionum septem., cap. XX Exod., quæst. 71).*

Omnis mæchia etiam fornicatio in Scriptura dicitur : sed utrum etiam omnis fornicatio mæchia dici possit, in eisdem Scripturis non mihi interim occurrit locutionis exemplum. Sed si omnis fornicatio etiam mæchia dici non potest : ubi sit in Decalogo prohibita illa fornicatio quam faciunt viri qui uxores non habent cum feminis quæ viros [maritos, orig.] non habent, utrum inveniri possit, ignoro. Sed si furti nomine bene intelligitur omnis illicita usurpatio rei alienæ (non enim rapinam permisit, qui furtum prohibuit, sed utique a parte totum intelligi voluit, quidquid illicite rerum proximi auferatur), profecto nomine mæchiae omnis illicitus concubitus, atque illorum membrorum non legitimus usus prohibitus debet intelligi.

CAP. 280. — *Pœnitentiam conjugatis non nisi ex consensu dandam. Concilium Arelatense II, cap. 22.*

Pœnitentiam conjugatis non nisi ex consensu dandam.

CAP. 281. — *De Pœnitentia uzoratorum si semel lapsi fuerint. Eliberitanum concilium, cap. 69.*

(33, q. 4, c. Pœnitentiam.) Si quis habens uxorem semel fuerit lapsus, placuit eum quinquennio agere debere pœnitentiam. Item, *ibidem*. Hoc et circa feminas observandum est.

CAP. 282. — *De pœnitentia ejus qui habens uxorem, cum Judæa vel gentili lapsus fuerit, cap. 78.*

Si quis fidelis habens uxorem cum Judæa vel

gentili fuerit mœchatus, a communione arceatur. Quod si alius eum detexerit, post quinquennium acta pœnitentia legitima poterit Dominicæ communioni sociari.

CAP. 283. — *Quid agendum sit de uxoribus clericorum, si peccaverint. Ex Toletano concilio I, cap. 7.*

(33, q. 2, c. placuit ut si quor.) Placuit ut si quæcunque clericorum uxores peccaverint (ne forte licentiam peccandi plus habeant), accipiant mariti earum hanc potestatem, præter necem, custodiendi ac ligandi in domo sua, ad jejunia salutifera, non mortifera eas cogentes : ita ut invicem sibi clerici pauperes auxilium ferant, si servitia non habeant. Cum uxoribus autem ipsis qui peccaverint, nec cibos sumant, nisi forte ad timorem Dei, acta pœnitentia, revertantur.

CAP. 284. — *De pœnitentia laicorum, si adulterium fecerint. Canones Martini ad laicos, cap. 8 (ex synod. Græcorum Martini Bracarens. cap. in universum 76 inter laicorum 8).*

Si cujus uxor adulterium fecerit, aut vir in alienam uxorem irruerit, VII annos pœnitentiam agat. Et *Ancyranum concilium, cap. 19* : Si cujus uxor adulterata fuerit, vel ipse adulterium fecerit, VII annorum pœnitentia oportet eum perfectionem consequi, secundum pristinos gradus.

CAP. 285. — *De pœnitentia clericorum si adulterio sese commacularunt. Synodus Aurelianensis III, tempore Childeberti regis, cap. 7.*

(Dist. 81, c. Si quis clericus.) Si quis clericus adulterasse aut confessus aut convictus fuerit, depositus ab officio suo communione concessa, in monasterio toto vitæ suæ tempore trudatur.

CAP. 286. — *Si clerici inconsulto episcopo uxores duxerint. Toletanum concilium IV, cap. 43.*

Clerici qui sine consultu episcopi sui uxores duxerint, aut viduam, aut repudiatam, vel meretricem in conjugium acceperint, separari eos a proprio episcopo oportebit.

CAP. 287. — *Ut bigamus ad sacros ordines non accedat. Canon. apost., cap. 22.*

(Dist. 33, c. Si quis post.) Si quis post baptismum secundis nuptiis fuerit copulatus, aut concubinam habuerit, non episcopus, non presbyter potest esse aut diaconus, non prorsus ex eorum numero qui ministerio sacro deserviunt.

CAP. 288. — *De eodem Gregorius Joanni episcopo Squilatino (lib. II regist., cap. 25).*

(Dist. 34, c. Præcipimus.) Præcipimus ne unquam illicitas ordinationes facias : ne bigamum, aut qui virginem non est sortitus uxorem, aut ignorantem litteras, aut in qualibet parte corporis vitiatum, pœnitentem, aut cuilibet conditioni obnoxium, ad sacros ordines permittas accedere; sed si quos hujusmodi homines repereris, non audeas promovere.

CAP. 289. — *Item de eodem. Gregorius Etherio episcopo (lib. II, epist. 8 ad Brunichil.).*

De quodam bigamo requisisti an ad sacrum ordinem potuisset accedere; et juxta canonicam regulam vetuimus.

CAP. 290. — *De eadem re. Ambrosius in Epistola ad Vercellensem ecclesiam (lib. x, epist. 82, post med.).*

(Dist. 36, c. *Qui sine crimine.*) Qui sine crimine est, unius uxoris vir, tenetur ad legem sacerdotii suscipiendi. Qui autem iteraverit conjugium, culpam quidem non habet coinquinati, sed prærogativa exiit sacerdotis. *Item, post versum.* Cognoscamus non solum de episcopo et presbytero Apostolum statuisse, sed etiam Patres in concilii Nicæni tractatu addidisse, clericum quemquam non debere esse qui secunda conjugia sortitus sit.

CAP. 291. — *Quod bigamus ante baptismum ad sacros ordines non accedat. Ambrosius, De officiis, lib. primo, (c. ultimo).*

(Dist. 16, c. *Una tantum.*) Una tantum, nec repetita nobis permittitur copula. Et in ipso conjugio lex est, non reiterare conjugium, nec secundæ conjugis sortiri conjunctionem. Quod plerisque mirum videtur, cur etiam ante baptismum iterati conjugii ad electionem muneris et ordinationis prærogativam, impedimenta generentur; cum etiam delicta obesse non soleant, si lavacri remissa fuerint sacramento. Sed intelligere debemus quia, si baptismo culpa dimitti potest, lex aboleri non potest. In conjugio non culpa, sed lex est. Quod culpæ est igitur, in baptismo relaxatur; quod legis est, in conjugio non solvitur. Quomodo autem potest hortator esse viduitatis, qui ipsa conjugia frequentaverit?

CAP. 292. — *Simplex expositio, et mystica, quid sit unius uxoris virum. Pastoralis Ambrosii (De dignit. sacerdotali, c. 4 init.).*

Unius uxoris virum (I Tim. III). Si ad superficiem tantum litteræ respiciamus, prohibet bigamum episcopum ordinari. Si vero ad altiorem sensum conscendimus, inibet episcopum duas usurpare Ecclesias. Et si adhuc introrsus profundiora perscruteris, monet ne per catholicum dogma sensum inveniatur episcopum habere hæreticum, sed Christianam tantum catholicam et orthodoxam sibi associet fidem, et [ut, orig.] unius uxoris tantummodo et catholicæ Ecclesiæ vir episcopis vocetur.

CAP. 293. — *Ut bigami vel viduarum mariti in sacerdotio non maneant. Leo episcopis universis per Africanos, cap. 1 (epist. 87, ad episc. Africanos, cap. 1).*

Eos qui vel secundas nuptias inierunt, vel viduarum se conjugio sociarunt, in sacerdotio manere non patimur. Et multo magis illum, si fuerit in vestro iudicio confutatus, (qui, sicut ad nos relatam est,) duarum simul est maritus uxorum, vel illum qui prima uxore dimissa alteram duxisse perhibetur, privandum honore decernimus.

CAP. 294. — *Episcopum unius uxoris virum esse oportere, non propter sanctitatem sacramenti. Augustinus, De bono conjugali (cap. 18).*

Sacramentum nuptiarum temporis nostri, sic ad unum virum et unam uxorem redactum est, ut Ecclesiæ dispensatorem non liceat ordinari, nisi unius uxoris virum (I Tim. III). (Dist. 26, c. *Acutius.*) Quod acutius intellexerunt qui nec eum qui cate-

chumenus vel paganus alteram habuerit, ordinandum esse censuerunt. De sacramento enim agitur, non de peccato: nam in baptismo omnia peccata dimittuntur. Sed qui dixit: *Si acceperis uxorem non peccasti, et si nuperit virgo non peccat (I Cor. VII), et quod vult faciat, non peccat si nubat (ibid):* satis declaravit nuptias nullum esse peccatum. Propter sacramenti autem sanctitatem, sicut femina etiam si catechumena fuerit vitata, non potest post baptismum inter Dei virgines consecrari, ita non absurdum visum est, eum qui excessit uxorum numerum singularem, non peccatum aliquod commisisse, sed normam quamdam sacramenti amisisse, non ad vitæ bonæ meritum, sed ad ordinationis ecclesiasticæ signaculum necessarium.

CAP. 295. — *Quæ sint quæ impediunt ne quis ad clerum promoveatur. Augustinus, De ecclesiasticis regulis, cap. 72.*

(Dist. 53, c. *Maritum.*) Maritum duarum post baptismum matronarum, clericum non ordinandum; nec eum qui unam quidem sed concubinam, non matronam habuit; nec illum qui repudiatam, nec meretricem, nec viduam sumpsit, aut eum qui semetipsum, quolibet corporis sui membro indignatione aliqua justo injustoque timore superatus urcaverit: neque illum qui aliquando usuras accepisse convincitur, aut in scena lusisse probatur; neque eum qui publica poenitentia crimina mortalia deset; neque illum qui aliquando in furiam versus insanit, vel afflictione diaboli est tentatus; neque eum qui per ambitionem ad imitationem Simonis Magi pecuniam offert expetendo honorem (Act. VIII).

CAP. 296. — *De eodem. Hieronymus ad Oceanum (tomo II epist. cujus initium: Sophronius, Eusebius).*

Si clericus monogamus fuerit, et uxor sua digama, noli eum officio applicare: digamam enim duxit uxorem.

CAP. 297. — *Quid sit vidua, quid ejecta, quid meretrix. Hieronymus ad Fabiolam de veste sacerdotali (tom. IV epist. cujus initium: Usque hodie, ante med.).*

(Dist. 54, c. *Vidua est.*) Vidua est, cujus maritus est mortuus. Ejecta, quæ a marito vivente projicitur. Meretrix, quæ multorum libidini patet.

CAP. 298. — *Quod digamus in clerum non eligatur. Hieronymus contra Jovinianum, libro primo (tom. II, longe ante med.).*

Quam sancta sit digamia hinc ostenditur quod digamus in clerum eligi non potest.

CAP. 299. — *De eodem. Hieronymus ad Gerantium de monogamia (tom. I, epist. cujus initium est: In veteri via, ante med.).*

Nos putamus tantum sacerdotum hoc esse privilegium, ut non admittatur ad altare, nisi qui unam tantum uxorem habuerit. Non solum enim ab officio sacerdotii digamus excluditur, sed ab eleemosyna Ecclesiæ, dum indigna sit stipæ quæ ad secunda conjugia devoluta est: quanquam in lege sacerdotali teneatur et laicus, qui talem se præbere debet ut possit eligi in sacerdotium: non enim eligitur

si digamus fuerit. Porro ex laicis sacerdotes eliguntur.

CAP. 300. — *Quod sacerdos vel monogamus, vel virgo eligatur. Isidorus lib. 11 De officiis ecclesiasticis, cap. 5.*

Sacerdotem quærit Ecclesia aut de monogamia ordinatum, aut de virginitate sanctum.

CAP. 301. — *De pœna episcopi qui bigamum ad sacros ordines promoverit. Aurelianum concilium tertium, tempore Childeberti regis, cap. 10.*

Si quis episcoporum sciens aut bigamum, aut internuptæ maritum ad officium leviticæ dignitatis sive presbyterii, contra jus canonicum promoveri præsumpserit, sciat se unius anni spatio ab omni sacerdotii dignitate suspensum. Qui si forte sententiæ subjacere noluerit, a communione ejus usque in aliam synodum se fraternitas universa suspendat. Illi vero qui illicite promoti sunt, degradentur.

CAP. 302. — *Quod non potest promoveri qui viduam duxerit. Innocentius Felici episcopo Nucerino (epist. 4, c. 2).*

De digamis nec consuli debuit, quod manifesta lectio sit Apostoli: *Unius uxoris virum (I Tim. 11)*, ad sacerdotium vel ad clericatum admitti debere, et hanc ipsam tamen si virginem accepit. Nam ea quæ habuerit ante virum, licet defunctus sit, tamen si clerico fuerit copulata, postea clericus esse non poterit qui eam accepit. Quia in lege cautum est, non abjectam habere posse conjugem sacerdotem (*Levit. 21*).

CAP. 303. — *Ut non promoveatur qui ante baptismum unam habuit, et postea aliam uxorem duxerit. Innocentius Ruso et Eusebio cæterisque episcopis Macedoniensibus (epist. 22, cap. 1).*

Eos qui viduas accepisse suggeruntur, non solum clericos effectos agnovi, verum etiam usque ad infulas sacerdotii summi pervenisse, quod contra legis præcepta esse nullus ignorat. Nam cum Moyses legislator clamitet (*Levit. 21*), Sacerdos virginem uxorem accipiat: et ne in hoc præcepto aliquid putaretur ambiguum, addidit, non viduam, neque ejectam, contra quod præceptum divina auctoritate subnixum nulla defensio mandati alterius submovetur [opponitur *orig.*], nisi consuetudo vestra, quæ, ut ipsi fatemini, ex ignorantia (ut verecundius dicam), non ex apostolica traditione et ratione, integra est. Nos autem omnesque per Orientem Occidentemque Ecclesias noverit vestra dilectio, hæc penitus non admittere, nec ad ultimum ecclesiastici ordinis locum tales assumere, et si reperti fuerint, submovere. (*Ibid.*, cap. 2, dist. 26, c. Deinde.) Deinde ponitur, non dici oportere eum digamum qui catechumenus habuerit atque amiserit uxorem, si post baptismum fuerit aliam sortitus, eamque primam videri quæ novo homini copulata sit. Quia illud conjugium per baptismi sacramentum cum cæteris criminibus sit ablutum. Quod cum de una utique dicitur, certe si tres habuerit in veteri positus homine, uxor erit ejus, quæ post baptismum quarta est, sic interpretantibus prima virginisque hæc

nomen [virginis æque nomen] accipiet, quæ quarto ducta est loco. Quis oro istud non videat contra Apostoli esse præceptum, qui ait *unius uxoris virum* oportet fieri sacerdotem? (*I Tim. 11*.) Sed objicitur, quod in baptismo quidquid in homine gestum, totum sit lotum. Dicite mihi (cum pace vestra loquor), crimina tantum dimittuntur in baptismo, an illa quæ secundum Dei præcepta, ac Dei instituta compleantur? Uxorem ducere crimen est, aut non est crimen? Si crimen est, ergo (quod præfata venia dixerim) ipse Auctor est in culpa, qui ut crimina committerentur in paradiso, cum ipse eos jungeret, benedixit (*Genes. 11*). Si vero non est crimen, quia quod Deus instituit nefas sit crimen appellari (et Salomon addidit: Etenim a Deo præparatur viro uxor [*Prov. 19*]), quomodo creditur inter crimina esse dimissum! quod Deo auctore legitur consummatum? Quid de talium filiis percensetur? (*28, q. 1, c. Nunquid.*) Nunquid non erunt admittendi in hæreditatis consortio, quia ex ea suscepti sunt quæ ante baptismum fuit uxor? Eruntque appellandi naturales, vel quia non legitimum est matrimonium (ut vobis videtur) nisi illud quod post baptismum assumitur? Ipse Dominus cum interrogaretur a Judæis, si liceret dimittere uxorem, atque exponeret fieri non debere, addidit, *quod Deus conjunxit, homo non separet (Matth. 19)*. Ac ne de his locutus esse credatur qui post baptismum uxores sortiuntur, meminerint hoc et a Judæis interrogatum, et Judæis esse responsum. Quæro, et sollicitus quæro, si una eademque sit uxor, qui ante catechumenus, postea fidelis sit, filiosque ex ea cum esset catechumenus susceperit, et postea alios cum fidelis: utrum sint fratres appellandi, an non habeant postea defuncto patre hæreditatis consortium, quibus filiorum nomen regeneratio spiritualis dicitur abstulisse. Quod cum ita judicare atque sentire absurdum est, quæ ratio est hoc malum defendi, et vacua magis opinione jactari, quam aliqua auctoritate roborari, cum non posset inter peccata deputari, quod lex præcepit, et Deus conjunxit, et lex jungit? *Item (ibid., paulo post)*. Nuptiarum copula quia Dei mandato perficitur, non potest dici peccatum: et peccatum non est, quod inter peccata deputari omnino non debet, eritque integrum æstimare, aboleri non posse prioris nomen uxoris, cum non dimissum sit pro peccato, quia ex Dei sit voluntate completum.

CAP. 304. — *Quod lenocinium facit, qui quæstuaria mancipia habuerit. Quartus liber Pandectarum, titulo 2.*

Lenocinium facit qui quæstuaria mancipia habuerit. Sed et qui in liberis hunc quæstum exercet, in eadem causa est, sive autem hoc principaliter negotium gerat, sive alterius negotiationis accessione utatur: ut puta si caupo fuit vel stabularius, mancipia talia habuit ministrantia, et occasione ministerii quæstum facientia; sive balneator fuerit vel (ut quibusdam provinciis fit) in balneis ad custodienda vestimenta conducta habent mancipia.

CAP. 305.—*Ut lenones in civitatibus non sint. Novel-
larum constitutio 31, cap. 1.*

Hæc constitutio jubet neminem lenonem esse, neque in urbe imperiali, neque in provinciis : et hoc prohibere debent prætores et præsides. Ultimo tamen supplicio subjiciuntur qui contra constitutionis normam lenones esse ausi sunt. Omnia autem instrumenta et fidejussiones apud lenones interpositas, vel a lenonibus factas, contra bonos mores, infirmas atque invalidas esse constitutio jubet.

CAP. 306.—*Ut quæ suum vel alienum corpus vendiderit, nec in fine communicet. Eliberitanum concilium, cap. 12.*

Mater aut parens, vel quælibet fidelis, si lenocinium exercuerit, eo quod alienum corpus vendiderit vel [potius orig.] suum, placuit nec in fine communicandam.

CAP. 307.—*Quod turpitudinis dantis est, non accipientis, in hoc quod meretrici datur. Pandectarum lib. XII, titul. 4.*

Quod meretrici datur repeti non potest, ut Labeo et Marcellus scribunt, sed nova ratione, id est non quia utriusque turpitudinis versatur, sed solius dantis : illius est enim turpiter facere quod sit meretrix, non turpiter accipere cum sit meretrix.

CAP. 308.—*Quod adhærens meretrici unum corpus efficitur. Ambrosius in epistola prima ad Corinthios (in cap. VI; post med.)*

Qui adhæret meretrici unum corpus efficitur. Hoc dicit, quia qui contaminationi se admiscet, unum fit cum eo cui se admiscet. Fornicatio enim ambos unum facit, ut quomodo in natura, sic et in macula unum sint.

CAP. 309.—*De correptione cujusdam episcopi prosti-
tutis consentientis. Honorius Petro episcopo Syra-
cusano.*

Quorundam relatione didicimus quod in causis criminalibus tua fraternitas miscetur, et quod sacris canonibus interdictum, non tantum lectionibus, quantum etiam ipsis quotidianis usibus scire procul dubio coarctatur. Nam et hoc pari modo ab ea incautius gestum fuisse audivimus, quia cum ecc et amplius prostituta hora jam pene prandii elapsa ad eminentissimum filium nostrum præfectum in balneo constitutum sit profecta, et concatervata pestiferis præfatarum male viventium vocibus imminabat, ut his qui super eas curator pridem fuerat constitutus, ab eis modis omnibus tolleretur, et alter in ejus loco nihilominus subrogaretur. Et sita est, deslere potius libuit quam ista corrigere. Sed ne tale tantumque flagitium diu videretur permanere inultum, quia et actum est, sacerdotali contrarium, simul et vitæ habitui inimicum, quid de hoc fieri debeat veritate patefacta, filio nostro Cyriaco diacono injunximus, quatenus ea quæ illicita et contra pudoris reverentiam perpetrantur, ense canonico juxta ecclesiasticam disciplinam radicibus amputentur.

CAP. 310.—*Quod major sit fornicatio post Evange-
lium quam sub lege. Hieronymus super Jesu Nave,*

homilia 5 (Origenes in v cap. Jesu Nave, hom. 5, ex interpretatione Hieron., aut potius Rufini).

Multo majoris opprobrii est qui post Evangelium quam qui sub lege positus fornicatur : quia iste tollens membra Christi facit membra meretricis. Denique jam nemo reum stupri te arguit, sed sacrilegii scelere condemnat.

CAP. 311.—*De prohibitione meretricum. Augustinus lib. Questionum Deuteronomii, cap. 37 (cap. 25 lib. VII Questionum).*

(32, q. 4, cap. Meretrices.) Meretrices esse, et ad meretrices accedere prohibet Dominus, quarum publice venalis est turpitudine. In Decalogo autem mœchiæ nomine non videtur hoc aperte prohibuisse, quoniam mœchia non nisi adulterium intelligi solet.

CAP. 312.—*De pœna ejus quæ defuncto marito clanculo concepit. Novellarum constitutionum 38, cap. 2.*

Si mulier defuncto marito, antequam annus legitimus transeat ad secundas quidem nuptias non migraverit, more autem meretricum ab aliquo stuprata conceperit et pepererit, ut sit clarum id quod natum est defuncti mariti non esse, easdem pœnas patiatur quas ex superiori constitutione patitur ea quæ ante tempus legitimum nuptias secundas contraxit.

CAP. 313.—*Quod adhærens meretrici unum corpus cum illa efficitur. Sermo Augustini de tribus charitatibus, qui sic incipit, De charitate nobis (sermone 52 De tempore).*

Nescitis quoniam qui adhæret meretrici unum corpus est? (I Cor. VI.) Et testimonium de Scriptura dedit, quod scriptum est, *Erunt duo in carne una* (Gen. II). Dictum est enim hoc divinitus, sed de viro et uxore, ubi licet, ubi concessum est, ubi honestum est, non ubi turpe, non ubi illicitum, non ubi omni ratione est damnabile. Sicut autem una fit caro in permistione licita viri et uxoris, sic una fit caro in permistione illicita meretricis et amatoris. *Item (aliquanto post).* Qui non habent uxores, sunt quasi meretricum licentius amatores. Ideo dixi, quasi, quia et ipsi damnantur, si jam sunt fideles.

CAP. 314.—*De mulieribus quæ fornicatæ partus suos necant. Cap. 21.*

De mulieribus quæ fornicantur, et partus suos necant, sed et de his quæ agunt secum ut utero conceptos excutiant, antiqua quidem definitio usque ad exitum vitæ eas ab Ecclesia removet. Humanus autem nunc definimus ut eis decem annorum tempus pœnitentia tribuatur.

CAP. 315.—*Ne presbyter secundis nuptiis intersit. Ex concilio Neocæsariensi quod prius fuit Nicæno, cap. 7.*

(31, q. 1, cap. De his qui frequenter.) Presbyterum connubio secundarum nuptiarum interesse non debere maxime cum præcipiatur secundis nuptiis pœnitentiam tribuere, quis erit presbyter qui propter convivium illis consentiat nuptiis?

CAP. 316.—*De his qui de virginitate superbiunt. Ex concilio Gangrensi, cap. 10.*

(Dist. 50, cap. Si quis propter Deum.) Si quis

propter Deum virginitatem professus in conjugio positos per arrogantiam vituperaverit, anathema sit.

CAP. 317.—*Ne mulier spretis nuptiis a viro discedat. Ibidem cap. 14.*

(*Dist. 30, c. Si qua mulier.*) Si qua mulier derelicto viro discedere voluerit, soluto vinculo conjugii nuptias contemnendo, anathema sit.

CAP. 318.—*De eodem, cap. 15.*

(*Dist. 30, cap. Si quis dereliquerit.*) Si quis dereliquerit proprios filios, et non eos aluerit, et, quod pietatis est, necessaria non præbuerit, sed sub occasione continentiae negligendos putaverit, anathema sit.

CAP. 319.—*Ne filii occasione religionis parentes suos despiciant. Ibidem, cap. 16.*

(*Dist. 30, c. Si qui filii.*) Si qui filii parentes, maxime fideles deseruerint occasione Dei cultus, hoc justum esse judicantes, et non potius debitum honorem parentibus reddiderint, ut ipsum in eis venerentur, quod fideles sint, anathema sit.

CAP. 320.—*Caput mulieris tonderi non debere. Cap. 17.*

(*Dist. 30, cap. Quæcunque mulier.*) Quæcunque mulier religioni judicans convenire, comam sibi amputaverit (*I Cor. xi*), quam Deus ad velamen ejus et ad memoriam subjectionis illi dedit, tanquam resolvens jus subjectionis, anathema sit.

CAP. 321.—*Ne quis de habitu religionis superbiat, vel nova præcepta in Ecclesiam inducat. De eodem concilio.*

Hæc autem scripsimus (*scriptio est episcoporum in concil. Gangren., c. 21*), non abscondentes eos qui in Ecclesia Dei secundum Scripturas sanctum propositum continentiae eligunt: sed eos qui suscipiunt habitum ejus, et in superbiam efferuntur adversus eos qui simpliciter vivunt. Sed et hos condemnamus qui se extollunt adversum Scripturas, et ecclesiasticos canones, et nova introducunt præcepta. Nos autem et virginitatem cum humilitate admiramur, et continentiam cum castitate et religione Deo acceptissimam dicimus, et renuntiationem sæcularium negotiorum atque actuum cum humilitate approbando laudamus, et nuptiarum vinculum quod secundum castitatem secum perdurat honoramus, et divites cum justitia et operibus bonis non abjicimus, et parcimoniam cum veste humili non reprobamus, sicut et jam ornatum præter corporis diligentiam infucatum laudamus. Dissolutos autem in vestibus et fractos incessu non recipimus, et domos Dei honoramus et conventus qui in his fiunt, tanquam sanctos et utiles recipimus; pietatem in privatis domibus non concludentes, et omnem locum in nomine Dei ædificatum honoramus, et congregationem in ecclesia factam ad utilitatem communem recipimus, et bona opera quæ supra vires inter fratres pauperes exercentur secundum ecclesiasticas traditiones beatificamus, et omnia quæ conveniunt traditionibus apostolicis et sacrarum

Scripturarum præceptis in ecclesia fieri exoptamus.

CAP. 322.—*De his qui sibi rapiunt uxores. Ex conc. Chalcedonensi, cap. 17 (Actio. 15, c. 27).*

(*36, q. 2, c. Eos qui.*) Eos qui sibi rapiunt uxores, vel eos qui eis auxilium præstiterint, statuit sancta synodus, siquidem clerici fuerint, cadere de proprio gradu; si vero laici fuerint, anathema esse.

CAP. 323.—*Ut laicus præsentibus clericis non doceat. Ex concilio Carthaginensi IV, cui interfuit Augustinus, cap. 98.*

Laicus præsentibus clericis, nisi ipsis rogantibus [jubentibus, *orig.*] docere non audeat.

CAP. 324.—*Ne mulier doceat. Ibidem, cap. 99.*

(*Dist. 23, c. Mulier.*) Mulier, quamvis docta et sancta, viros in conventu docere non audeat.

B CAP. 325.—*Ne mulier baptizet, cap. 100.*

Mulier baptizare non præsumat.

CAP. 326.—*De viduis adolescentulis et infirmis, cap. 101.*

Ut viduæ adolescentes, quæ corpore debiles sunt, sumptu Ecclesiæ cujus viduæ sunt sustententur.

CAP. 327.—*De viduis quæ Ecclesiæ stipendiis sustentantur, cap. 103.*

(*Dist. 81, c. Viduæ.*) Viduæ quæ stipendio Ecclesiæ sustentantur, tam assiduæ in Dei opere esse debent ut et meritis et orationibus suis Ecclesiam adjuvent.

CAP. 328.—*De his qui uxores suas sine causa relinquunt, cap. 25 (Agath. c. 25).*

(*33, q. 2, c. Sæculares.*) Ili vero sæculares qui conjugale consortium nulla culpa graviore dimittunt vel dimiserunt, et nullas causas dissidii probabiliter proponentes, propterea sua matrimonia dimittunt, ut aut illicita aut aliena præsumant, si, antequam apud episcopos provinciales dissidii causas dixerint, et prius uxores quam judicio damnentur abjecerint, a communione Ecclesiæ, et sancto populi cœtu, pro eo quod fidem et conjugia maculant, excludantur.

CAP. 329.—*De his qui uxores suas divortio incidente reliquerunt. Ex concilio Toletano XII, cap. 8.*

(*32, q. 5, c. Præceptum Domini.*) Præceptum Domini est ut, excepta fornicationis causa, uxor a viro dimitti non debeat (*Matth. v, xix*). Et ideo quicumque citra culpam criminis supradicti uxorem suam quacunque occasione reliquerit (quia quod Deus junxit, ille separare disposuit), tandiu ab ecclesiastica communione privatus et a cœtu hominum Christianorum maneat alienus, quandiu societatem relictæ conjugis sinceriter amplectatur et foveat; ita tamen [hi tam, *orig.*] qui jam moniti a sacerdote semel et bis tunc ut corrigerentur, ad tori suæ conjugis noluerint redire consortium, ipsi suis meritis et a palatinæ dignitatis officio separabuntur, et insuper generosæ dignitatis testimonia quandiu in culpa fuerint amissuri sunt, quia carnem suam dissidii jugulo tradiderunt.

CAP. 330.—*De eo quod non liceat mulieres Christianas in lanificiis aliquid observare. Ex concilio*

Martini papæ cap. 76 (c. 75 synodorum Græcarum Martin. Bracar. episc.).

(26, q. 5, c. *Non liceat Christianis.* Non liceat mulieres Christianas aliquam vanitatem in suis lanificiis observare, sed Dominum invocent adiutorem, qui eis sapientiam texendi donavit.

CAP. 331. — *De mulieribus fornicariis, et abortum facientibus. Ex eodem concilio cap. 78 (77).*

Si qua mulier fornicaverit, et exinde infantem qui fuerit natus occiderit, et quæ studuerit abortum facere, et quod conceptum est necare, aut certe ne concipiat elaborare, sive ex adulterio sive ex legitimo conjugio, has tales mulieres in morte [nec in m., *alia versio*] recipere communionem priores canones decreverunt, nos tamen pro misericordia, sive tales mulieres, sive conscias scelerum ipsorum, decem annis agere pœnitentiam judicamus.

CAP. 332. — *De multinubis. Ibidem cap. 81 (c. 80).*

Si quis multis nuptiis fuerit copulatus, pœnitentiam agat, conversatio autem et fides pœnitendi compendiat tempus.

CAP. 333. — *Quod Ecclesia non habeat gladium nisi spiritualem. Nicolaus Aluino archiepiscopo (idem habetur supra c. 124).*

Inter hæc sanctitas vestra addere studuit, Si cujus uxor adulterium perpetraverit, utrum marito ipsius liceat secundum mundanam legem eam interficere. Sed sancta Dei Ecclesia mundana nunquam lege constringitur, gladium non habet nisi spirituale; non occidit, sed vivificat.

CAP. 334. — *De Lothario rege et examine causæ ejus. Idem Radoaldo Portuensi et Joanni Phicolensi episcopis (In appendice epist. 2).*

(31, q. 2, c. *Lotharius.*) Lotharius rex in communitorio profitetur Waldradam se a patre accepisse, et sororem postmodum admisisse Huberti. Ubi primus diligenti investigatione inquirente, et si eundem gloriosum regem prædictam Waldradam præmissis dotibus coram testibus secundum legem et ritum quo nuptiæ celebrari solent, per omnia inveneritis accepisse, et publica manifestatione eadem Waldrada in matrimonium ipsius admissa est, restat ut perscrutemini, cur illa repudiata sit, vel filia Bosonis admissa. Sed quia idem gloriosus rex metu Theibergam admisisse se dicit, vos illud evangelicum recolite, quo Dominus: *Nolite, inquit, timere*

eos qui corpus occidunt (Matth. x). Et iterum ait: *Quid prodest homini, si universum mundum lucretur, animæ vero suæ detrimentum patiat? (Matth. xvi.)* In quibus Dominicis sententiis considerandum est, quod si occisores corporis timendi non sunt, contra justitiam hominem impellentes, et lucrum totius mundi non prosit homini anima perditâ; quanto minus metu unius hominis tantus rex debuit contra divinum præceptum in immane præcipitium mergi? In hoc certe se magis reprehensibilem ostendit, in quo amori mundi amore Dei postposuit. Ubi nihil vobis aliud præcipimus, manifestatione sua eodem rege convicto, nisi ut secundum canonicam auctoritatem nostra vice freti causam illius definiatis. Sin vero minime probatum fuerit Waldradam uxorem fuisse legitimam, neque nuptiis secundum morem celebratis per benedictionem scilicet sacerdotis, filio nostro Lothario exstitisse conjunctam, suggerite illi ut non moleste ferat legitimam sibi, si ipsa innocens apparuerit, reconciliari uxorem, nec in hoc carnis voci obtemperet, sed potius divinis præceptis obediens putrefieri, et voluntatem propriam sequendo ante tribunal Christi districtam ponere rationem. Præterea vos scire volo quia præfata Theiberga apostolicam sedem bis et ter appellavit, et se a præfato rege glorioso questa est injuste fuisse dejectam et vi coactam, falsum contra se composuisse piaculum. Nam eo tempore ad apostolicam sedem libellum appellationis suæ misit, in quo non quidem adhuc confessam, sed ut contra se falsum diceret crimen cogi sese innotuit, insuper subjungens: « Quod si amplius compulsus fuero, scitote non veritate, sed timore mortis et evadendi studio quia aliter non possum, quod voluerint dicam. Vos tamen memores estote mei hæc vobis insinuantis. » Unde præcipimus vobis, ut cum eadem Theiberga ad conditam synodum, sicut statuimus, advenerit, causam ejus diligenti examinatione tractetis, et si ei objicitur quod illa crimen se aliquod admisisse confessâ fuisset, et contra illa violentiam se pertulisse proclamaverit, vel si inimicos sibi iudices fuisse testata fuerit, tunc illud renovetis iudicium, secundum æquitatis normam, ut injustitiæ mole non opprimatur.

DECRETI PARS NONA.

De incesta copulatione et fornicatione diversi generis, et in qua linea fideles conjungi et separari debeant, et de correctione et pœnitentia singulorum.

CAP. 1. — *Inter quas personas incesta copulatio, inter quas legitimæ nuptiæ fiant. Liber primus Institutionum, titulo decimo.*

Inter eas personas quæ parentum liberorumve locum obtinent, inter se nuptiæ contrahi non possunt, veluti inter patrem et filium, vel avum et nepotem,

vel matrem et filium, vel aviam et nepotem, et usque ad infinitum. Et si tales personæ inter se coierint, nefarias atque incestas nuptias contraxisse dicuntur. Et hæc adeo vera sunt ut, quamvis per adoptionem parentum liberorumve loco sibi esse cœperunt, non possint inter se matrimonio jungi.

in tantum ut etiam dissoluta adoptione idem juris maneat. Itaque eam quæ per adoptionem filia aut neptis esse cœperit, non poteris uxorem ducere, quamvis eam emancipaveris. Inter eas quoque personas quæ ex transverso gradu cognationis junguntur est quædam similis observatio, sed non tanta. Sane enim inter fratrem sororemque nuptiæ prohibitiæ sunt, sive ab eodem patre eademque matre nati fuerint, sive ex alterutro eorumdem. Et si qua per adoptionem soror tibi esse cœperit, quandiu quidem constat adoptio, sane inter te et eam nuptiæ consistere non possunt. (*Post pauca.*) Filiam uxorem ducere non licet, sed nec neptem fratris vel sororis ducere quis potest, quamvis quarto gradu sit. Cujus enim filiam uxorem ducere non licet, ejus neque neptem permittitur. Ejus vero mulieris quam pater tuus adoptavit, filiam, non videris impediri uxorem ducere, quia neque naturali neque civili jure tibi conjungitur. Duorum autem fratrum sororumve liberi, vel fratris et sororis jungi non possunt (84). *Item.* Amitam licet adoptivam, uxorem ducere non licet. *Item* nec materem, quia parentum loco habentur : qua ratione verum est magnam quoque amitam et materem magnam prohiberi uxorem ducere. Affinitatis quoque veneratione a quarundam nuptiis abstinere necesse est, ut ecce privignam, aut nurum uxorem ducere non licet, quia utriusque filia loco sunt. *Item.* Mariti autem filius ex alia uxore, et uxoris filia ex alio marito vel contra, matrimonium recte contrahunt, licet habeant fratrem vel sororem ex matrimonio postea contracto natos. Si uxor tua post divortium ex alio filiam procreaverit, hæc quidem non est privigna. *Item.* Si adversus ea quæ diximus aliqui coierint, nec vir, nec uxor, nec matrimonium intelligitur, nec dos. Itaque qui ex eo coitu nascuntur, in potestate patris non sunt, sed tales sunt, quantum ad patriam potestatem pertinet, quales sunt hi quos mater vulgo concepit. Nam nec hi patrem habere intelliguntur. Cum his etiam incertus est coitus, unde solent spurii appellari vel a Græca voce *παράδην* concepti, quasi sine patre filii [*παρά τὴν ἀπόρην* a satione, et *ἀπατόρες* quasi, etc., *orig.*]. Sequitur ergo ut et dissoluto tali coitu dotis exactioni locus sit.

CAP. 2. — *Ut notabilis sit, qui cum his nuptias constituerit, cum quibus fieri non possunt. Pandectarum, lib. III, tit. II.*

Si cum ea quis nuptias vel sponsalia constituerit, quam uxorem vel ducere non potest, vel fas non est, erit notatus

CAP. 3. — *De pœna ejus qui incestum matrimonium contraxerit. Novellarum constitutionum 32, cap. 1.*

Si quis nefarium et incestum atque damnandum matrimonium contraxit, liberos autem ex priore legitimo matrimonio non habuerit, statim suis facultatibus careat; dos quæ ei data est fisci juribus vindicetur. Post publicationem autem et cinguli patia-

tur amissionem, et exsilio puniatur. Quod si villior sit, corporali quæstioni subsistat, et uxor ejus contra leges easdem nupta, pœnas patiatur sæculi, si nulla justa excusetur ignorantia.

CAP. 4. — *Ut liberi ex alia conjuge nati, bona incestuosi patris accipiant, cap. 2.*

Si autem liberi sint, et incestas nuptias contraxerint, illi autem sint liberi legitimi (quod forte ex alio matrimonio procreati sint) in pœnam patris, sui juris stant, et paternas accipiant facultates; sic tamen ut patri suo alimonias præbeant, et quæ necessaria sunt administrent.

CAP. 5. — *Quod conjugium in quarto gradu fieri non possit. Ambrosius Paterno.*

Tu copulare paras filium tuum et neptem ex filia, id est ut accipiat sororis suæ filiam. Interroga nomen religionem, nempe avunculus iste illius, illa hujus neptis vocatur. *Item (ibidem paulo post).* Quid est quod dubitari queat, cum lex divina etiam fratres patruales prohibeat convenire in conjugalem copulam, qui sibi quarto copulantur [socientur, *orig.*] gradu? Hic autem gradus tertius est, qui etiam civili jure a consortio conjugii videtur exceptus.

CAP. 6. — *Quomodo gradus consanguinitatis computandi sint. Alexander II clericis Neapolitanis, cap. 35.*

De parentelæ gradibus tam famosæ quæstionis apud illos scrupulum nuper etiam inter hos emeruisse cognovimus; super qua nonnullos perniciosos interpretes ac disputatores contra veritatis regulam sanamque doctrinam dogmatizare dolemus. Sedentes enim in cathedrâ pestilentiæ (*Psal. I*) dictant jura quæ nesciunt, et docent illa quæ nullatenus didicerunt. Nam (ut fertur) ita generationes a duobus fratribus altrinsecus prodeuntes enumerant, ut eorum invicem filios quartam, nepotes sextam, pronepotes octavam generationem esse perhibeant. Hoc itaque modo unumquemque generationis gradum qui unus procul dubio dicendus est, dividunt, atque imperite numerandam progeniem desecare contendant. Qui nimirum nequaquam in hujus fetoris ructus pestilenter irrumperent, si sacræ pabulum Scripturæ vivacis ingenii faucibus ruminarent. Nam quod duorum fratrum sive nepotum, vel deinceps utrinque descendentium generationes non diversæ dici, sed eodem ac sub uno nomine debeant uniformiter appellari, testatur liber Geneseos cum dicit : *Vixit Joseph centum decem annis, et vidit Ephraim filios usque ad tertiam generationem. Filii quoque Machir, filii Manasse, nati sunt in genibus Joseph (Gen. I).* Porro autem si sic cognationes supputari deberent, ut vestri disputatores autumant, dum Joseph ex utroque filio Ephraim scilicet et Manasse nepotes haberet, nequaquam Scriptura diceret, quia vidit filios Ephraim usque ad tertiam, sed usque ad sextam generationem. *Item. (Ad 6 interrog. August.)*

(84) Ex hoc loco restitui potest § duorum autem fratrum. Inst. de nuptiis, qui passim corruptus legitur.

Beatus quoque Gregorius dum super angelorum conjugii scriberet, hæc fere verba deprompsit. Quædam lex in Romana republica præcepit [permittit, apud Gregor.] ut duorum fratrum vel sororum filius vel filia in conjugio copularentur sed omnino cognoscitur ex hoc conjugio sobolem non posse succrescere. Unde necesse est ut jam quatuor vel quinque invicem generationes copulentur. In quibus nimirum verbis luce clarius patet quia, dum doctor insignis duorum fratrum soboles prohibet in matrimonio jungi, in quarta vero generatione permittit neophytos copulari, nequaquam (ut cultores perversi dogmatis astruunt) generatio quarta in duorum fratrum filiis valet inveniri.

CAP. 7. — *Quod sex ramis consanguinitas terminatur.* Isidorus, *Etymologiarum* l. ix, cap. 6.

Consanguinitas dum se paulatim propaginum ordinibus dirimens usque ad ultimum gradum subtraxerit, et propinquitas esse desierit, eam rursus lex matrimonii vinculo repetit, et quodammodo revocat refugientem. Ideo autem usque ad sextum generis gradum consanguinitas constituta est ut sicut sex ætatibus mundi generatio et hominis status finitur, ita propinquitas generis tot gradibus terminetur.

CAP. 8. — *De dissidio Roberti regis Francorum, et Berthæ conjugis ipsius.* Leo nonus Henrico regi Francorum.

Pater tuus Robertus laude et consulto episcoporum regni tui, Bertham matrem Odonis comitis sibi duxit uxorem; ob quam rem, quoniam sibi erat carnis affinitate conjuncta, ab antecessore nostro cum episcopis, qui placito interfuerunt (85), post ad sedem apostolicam venientes cum satisfactione sumpta pœnitentia, redierunt ad propria.

CAP. 9. — *Quod nullus eleemosynis possit redimi, quin consanguinei separentur.* Alexander II Mangiso Venetensi episcopo.

Hujus viri causam, supra qua apostolicam sedem consulisti retractantes, si quomodo misericorditer conjunctam sibi illicite consanguineam retinere posset, et orationibus, jejuniis, ac hæreditatis et eleemosynarum se largitione redimere; nullam auctoritatem comperimus, qua sibi concederemus.

CAP. 10. — *De pœnitentia ejus qui filiam patruï corruperat.* Item, Alexander II Berengario Basiliensi episcopo, cap. 105.

Iste pœnitens venit ad nos, confessusque est se filiam patruï sui corrupisse, cui quatuordecim annorum pœnitentiam injunximus, ut jejundet quidem tribus quadragesimis. In quadragesima post Pentecosten, duobus diebus in pane et aqua in septimana; et in Adventu, tribus; et in majori quadragesima, tribus; et abstineat se ab ingressu ecclesie, et a communione duobus annis.

CAP. 11. — *Ut nullus de propria cognatione sibi conjugem copulet.* Leo IV episcopis Britannie.

Ut definitum est a Patribus, nullus de propria cognatione conjugem sibi audeat copulare, alio-

(85) Forte addendum est *excommunicati* alias sensus est integer.

quin anathema sit. Unde beati Junioris Gregorii (86) decreta eximia sunt tenenda.

CAP. 12. — *Quam nefarium sit consanguineis copulari.* Nicolaus Jeremie episcopo.

Qui consanguinitatis copulas diligunt summopere se cavere oportet, ne in laqueum diaboli cadant (I Tim. III), quamque sit nefarium sanctimoniales, quæ mundi contempto conjugio Christo se devoverunt, aut consobrinam vel de propria consanguinitate uxores ducere, omnibus in recta fide Christi permanentibus patet.

CAP. 13. — *De observatione consanguinitatis.* Item Carolo archiepiscopo, et suis suffraganeis.

Dixistis in quota generatione sibi fideles jungantur; nos autem in hac re generationum numerum non definimus [definivimus], sed ut supra protulimus incunctanter observare monemus.

CAP. 14. — *Ut juxta gradus cognationis modus culpe tractetur.* Nicolaus Tandoni archiepiscopo Mediolano.

Eos qui cum amitæ suæ filia vel patruï, vel avunculi (heu!) forte peccaverint, juxta gradus cognationis statuimus modum culpe tractari, sicuti pridem tibi per apostolicam epistolam de his qui cum spiritali matre hujusce flagitium commiserint, innotuimus.

CAP. 15. — *Ut nullus de propria cognatione uxorem accipiat.* Ex synodo Leonis IV.

Nullus de propria cognatione aut velatam diaconam, vel raptam uxorem accipiat.

CAP. 16. — *Quomodo intelligendum sit, Turpitudinem patris tui et matris non revelabis, libro III Lectionum Augustini, cap. 8 (August. q. 58 l. III Q. Super Levit., ad c. XVIII).*

Turpitudinem patris tui et matris tuæ non revelabis (Lev. XVIII). Hac locutione concubitum vetuit in his personis, ibi est enim turpitudine patris et matris.

CAP. 17. — *Ut qui turpitudinem sororis suæ viderit de genere suo exterminetur.* August. lib. *Questionum super Leviticum*, cap. 75 (ibid., q. 75, ad Levit., c. XIX).

Quicumque acceperit sororem suam ex patre suo aut ex matre sua, et viderit turpitudinem ejus, vituperium est, vel improprium, et exterminabuntur in conspectu generis sui. Turpitudinem sororis suæ revelavit, peccatum suum accipient. Quid ait in hoc loco, viderit, nisi concumbendo cognoverit, sicut in lege dicitur: Cognovit uxorem suam, pro eo quod mistus est ei?

CAP. 18. — *Quid sit: Filii de cognatis nati morietur, cap. 76 (ibid., q. Proxima).*

(35, q. 7, c. Quid est.) Quid est: Quicumque dormierit cum cognata sua, sine filiis morietur, cum filii ex hujusmodi conjunctionibus et ante nati sint, hodieque nascantur? An hoc intelligendum est lege Dei constitutum ut quicumque ex eis nati fuerint non deputentur filii, id est nullo parentibus jure succedant?

(86) Greg. papa II, cujus hæc de re decreta paulo post sequuntur, c. 59, 59, 60, 61

CAP. 19. — *Ut qui uxorem fratris sui vel quam cognatus suus habuit duxerit, anathema sit. Decretum Gregorii Junioris (Conc. Rom. 1, sub Greg. II, c. 5, 7, 8, 9).*

Si quis fratris uxorem duxerit in conjugium, anathema sit. Si quis novercam aut nurum suam duxerit, anathema sit. Si quis consobrinam suam duxerit, anathema sit. Si quis de propria cognatione, vel quam cognatus habuit, duxerit in conjugium, anathema sit.

CAP. 20. — *Ut Christiani inter se non copulentur usque dum se cognoverint. Zacharias papa, cap. 1 (Greg. I, ad 6 interrog. August.).*

Asserentibus hominibus de Germaniæ partibus, didici quod beatæ recordationis papa Gregorius, dum eos ad religionem Christianitatis divina gratia illustraret, licentiam illis dedisset in quarta sese copulari generatione. Quod quidem Christianis licitum non est, dum usque se cognoverint. Sed dum rudes erant invitandi ad fidem, quanquam minime scriptum reperimus, non ambigamus.

CAP. 21. — *Quæ personæ ob agnationem duci non possint, cap. 5.*

Ut consobrinam, neptem, novercam, fratris uxorem vel de propria cognatione, vel quam cognatus habuit, nullus audeat sibi in conjugio copulare. Si quis huic tali nefario conjugio convenerit, et in eo permanserit, sciat se apostolica auctoritate anathematis vinculis esse innodatum, et nullus sacerdos tribuat ei communionem. Si vero conversus divisusque fuerit a tali copulatione, dignæ poenitentiae submitatur, ut sacerdos loci consideraverit.

CAP. 22. — *Quod maledicti appellantur et infames, qui consanguineas aucent uxores. Calixtus papa episcopis Galliæ, cap. 4 (epist. 2 ad episc. Gall.).*

Conjunctiones consanguineorum fieri prohibentur, quia has et divinæ et sæculi fieri prohibent leges. Leges ergo divinæ hoc agentes, et eos qui ex eis prodeunt non solum ejiciunt, sed et maledictos appellant. Leges ergo sæculi infames tales vocant, et ab hæreditate repellunt. Nos vero sequentes Patres nostros, infamia eos notamus et infames esse censemus, quia infamiæ maculis sunt aspersi. Nec eos viros, nec eorum accusationes quos leges sæculi rejiciunt, suscipere debemus. Paulo post. Eos autem consanguineos dicimus, quos divinæ et imperatorum, ac Romanorum, atque Græcorum leges consanguineos appellant, et in hæreditatem suscipiunt, nec repellere possunt. Talium enim conjunctiones nec legitimæ sunt, nec manere possunt, sed rejiciendæ sunt.

CAP. 23. — *Quod infamia incestuosorum deleri non potest, peccata autem possunt. Item, cap. 5.*

Quisquis non est legitime conjunctus, vel absque dotali titulo ac benedictione sacerdotis constat copulatus, sacerdotes, vel legitime conjunctos criminari, vel in eos testificari non potest. Quoniam omnis incesti macula pollutus infamis est, et accusare supradictos non permittitur. Non solum ergo hi rejiciendæ sunt et infames efficiuntur, sed etiam omnes eis

A consentientes. Similiter de raptoribus, vel eis qui seniores impetunt fieri censemus. Hos vero sæculi leges interficiunt, sed nos præeunte misericordia sub infamiæ nota ad poenitentiam recipimus. Ipsam quoque infamiam delere non possumus qua sunt aspersi, sed animas eorum per poenitentiam publicam et Ecclesiæ satisfactionem sanare cupimus, quia manifesta peccata non sunt occulta correctione purganda.

CAP. 24. — *De decenniali poenitentia eorum qui consentiunt incestuosis. Ancyranum conc., cap. 24.*

Quidam sponsam habens, sororem ejus violavit, et gravidam reddidit, postmodum desponsatam duxit uxorem. Illa vero quæ corrupta est, laqueo se peremit. Hi qui fuerunt conscii post decennem satisfactionem jussi sunt suscipi secundum gradus poenitentiae constitutos.

CAP. 25. — *Qui sint incestuosi. Ex concilio Agathensi, cap. 6 (conc. Epau., c. 30, et Arelat. III, c. 2).*

(35, q. 2 et 3, c. De incestis conjunctionibus.) Incestos [incestuosos] nullo conjugii nomine deputandos (quos etiam designare funestum est) hos esse censemus. Si quis relictam fratris carnali conjunctione polluerit, si quis frater germanam uxorem acceperit, si quis novercam duxerit, si quis consobrinæ se sociaverit, si quis relictae vel filiae avunculi misceatur, aut patruī filiae vel privignæ suæ, aut qui ex propria consanguinitate aliquam, aut quam consanguineus habuit, concubitu polluerit aut duxerit uxorem. Item, eodem cap. Sane quibus conjunctio illicita interdicitur, habebunt ineundi melioris conjugii libertatem.

CAP. 26. — *Quod usque ad septimam generationem conjungi non debeant fideles. Gregorius Felici episcopo (lib. XII, ep. 51 vel 52).*

(35, q. 2 et 3, c. Progeniem.) Progeniem suam unumquemque, de his qui fideliter edocti sunt, et jam firma radice plantati stant inconvulsi, usque ad septimam observare decernimus generationem, et quandiu se agnoscent a finitate propinquos, ad hujus copulæ non accedere se societatem præsumant, nec eam quam aliquis ex propria consanguinitate conjugem habuit, vel aliqua illicita pollutione maculavit, in conjugio ducere ulli profecto Christianorum licet, vel licebit, quia incestus est talis coitus et abominabilis Deo et cunctis bonis hominibus. Incestuosos vero nullo conjugii nomine deputandos a sanctis Patribus dudum statutum esse legimus.

CAP. 27. — *Quod duobus fratribus duas sorores liceat uxores accipere. Beda in Historia Anglorum, cap. 34; et interrogatio 5 Augustini (Beda, c. 27, lib. 1).*

Si debeant duo germani fratres singulas sorores uxores accipere, quæ sunt ab illis longa progenie generatæ. Responsio Gregorii. Hoc fieri modis omnibus licet. Nequaquam enim in sacris eloquiis invenitur, quod huic capitulo contradicere videatur.

CAP. 28. — *Quod cum noverca misceri grande sit scelus, cap. 37. Gregorius respondet Augustino (Greg. ibidem, c. 6).*

Cum noverca misceri grave facinus est, quia in

lege scriptum est : *Turpitudinem patris tui non revelabis* (Lev. xviii), neque enim turpitudinem patris filius revelare potest, sed quia scriptum est : *Erunt duo in carne una* (Gen. ii), qui turpitudinem noverit, quæ una caro cum patre fuit, revelare præsumperit, profecto patris turpitudinem revelabit. Cum cognata quoque misceri prohibitum est, quia per conjunctionem [conjugem] priorem caro fratris fuerit facta, pro qua re etiam Joannes Baptista capite truncatus est (Matth. xiv), et sancto martyrio est consummatus [coronatus, orig.].

CAP. 29. — *Ut cum his qui se incesta pollutione commaculant, nulli Christianorum nec victum sumant. Herdense conc., cap. 4.*

Hi qui incesta pollutione se commaculant, placuit, ut quousque in ipso detestando et illicito carnis contubernio perseverant, usque ad missam tantum catechumenorum in ecclesiâ admittantur, cum quibus etiam nec cibum sumere ullum Christianorum (sicut jussit Apostolus [I Cor. v]) oportet.

CAP. 30. — *Quod idem sentiendum sit de materna linea consanguinitatis, quod de paterna. Nicolaus Carolo archiepiscopo Maguntino.*

De consanguinitatis propinquitatem atque conjunctionem, quam apud vos fieri dicitis, quam illicitam judicamus, hoc de materna sentimus linea, quod et de paterna; quibus talem conjunctionem modis omnibus inhibemus.

CAP. 31. — *Ut incestuosus post dignam penitentiam liceat matrimonia contrahere, ne absorbeantur. Nicolaus Carolo archiepiscopo et ejus suffraganeis (in rescr. tit. xvii, c. 5; conc. Wormat. c. 33).*

(33, q. 2, c. Si quis cum.) Si quis cum duabus sororibus fornicatus fuerit, aut cum his personis de quibus sacra Scriptura prohibet, si dignam egerit penitentiam et castitatis non valuerit continentiam sustinere, liceat ei legitimam in conjugio uxorem accipere. Similiter mulier quæ tali fuerit scelere lapsa, ut fornicationis non perducatur ad chaos, perficiat. Sed hoc de laicis viris ac mulieribus solummodo statuimus.

CAP. 32. — *Ut conjugium occasione consanguinitatis non solvatur. Alexander II Guilielmo de Monasteriolo [Monstrolico leg. Gratian.].*

(35, q. 6, c. Multorum.) Multorum relatione cognovimus te propriam velle abjicere uxorem et adhærere alteri, prætendentem consanguinitatis occasionem. Unde apostolica auctoritate interdicendo mandamus tibi, ut hanc quam nunc habes uxorem nullatenus præsumas dimittere vel aliam ducere, donec episcoporum religiosorum concilium causam istam examinaverit.

CAP. 33. — *Ut propter consanguinitatem nisi juramento probatam, non solvatur conjugium. Urbanus II Cyriaco Genuensi episcopo [Richardo Januensi episcopo, habet Gratian.].*

(35, q. 6, c. Notificamus.) Notificamus tibi, ut si tres aut duo ex propinquioribus jam defunctæ uxoris ejus qui accusatur vel vivæ, hanc propinquitatem jurejurando firmaverint, vel tres aut duo ex antiquioribus Genuensibus quibus hæc propinquitas

nota est, qui bonæ famæ et teracis testimonii sint, remoto amore, timore, pretio, et omni malo studio, supradicto modo consanguinitatem firmaverint, sine omni mora conjugia dissolvantur. Quod si propinqui vel extranei verbis tantum propinquitatem testantur, et juramento probare vel noluerint vel nequiverint, conjugium nullatenus dissolvatur, sed competens e penitentia propter infamiam vel peccati maculam (si forte in hac re contraxerint aliquam) injungatur.

CAP. 34. — *Quod spiritualis propinquitatis sit inter compatrem et filiolum. Responsio Nicolai ad consulta Bulgarorum, cap. 3.*

(30, q. c. Ita.) Ita diligere debet homo eum qui se suscipit ex sacro fonte, sicut patrem. Est enim inter patres et filios spirituales gratuita et sancta [Gratia, sic habet: Item est inter fratres et filios spirituales gratuita et sancta, etc.] communio quæ non est dicenda consanguinitas, sed potius habenda spiritualis proximitas. Unde inter eos non arbitramur esse quodlibet posse conjugale connubium, quandoquidem nec inter eos qui natura, et eos qui adoptione filii sunt, venerandæ Romanæ leges matrimonium contrahi permittunt. Item. Si inter eos non contrahitur matrimonium quos adoptio jungit, quanto potius a carnali oportet inter se contubernio cessare, quos per cælestis sacramentum regenerationis sancti Spiritus vincit? Longe igitur congruentius filius patris mei vel frater meus appellatur is, quem gratia divina, quam quem humana voluntas ut filius ejus vel frater meus esset, elegit, prudentiusque ab alterna commistione secernimur.

CAP. 35. — *Ne quis uxore defuncta commatrem ejus ducat. Idem Salomoni Constantiensi episcopo (in rescr. tit. xix, c. 4).*

(30, q. 4, c. Sciscitatur.) Sciscitatur a nobis sanctitas vestra, si aliquis homo duas commatres spirituales habere valeat, unam post alteram; in quo fraternitas tua meminisse debet scriptum esse: *Erunt duo in carne una* (Gen. ii). Itaque cum consuetudo quia vir et uxor una caro per connubium efficiuntur, restat nimirum virum commatrem constitui illi mulieri, cujus matrimonio assumpta uxor commater esse videbatur; et idcirco liquet virum illi feminæ non posse jungi in copula, quæ commater erat ejus, cum qua idem una fuerit caro effectus.

CAP. 36. — *Ne quis filiolum vel commatrem ducat uxorem. Idem Carolo archiepiscopo et ejus suffraganeis (ibid., c. 5; conc. Wormat., c. 34).*

(33, q. 2, c. Si quis.) Si quis cum matre [cum commatre] spirituali fuerit fornicatus, anathematis (ut scitis) percussus ictibus. Similiter autem et illum percussus promulgamus, qui cum ea quam de sacro fonte baptismatis suscepit, aut cum illa quam ante episcopum tenuerit, cum sacro chrismate fuerit uncta, fornicationis perpetraverit scelus; legitimam tamen si habuerit, non dimittere cogatur uxorem.

CAP. 37. — *De quodam, qui concubinæ suæ consanguineam, ut alteri desponsatam duxerit uxorem. Alexander II Constantino Aretino episcopo.*

Scripsisti quemdam Ecclesiæ tuæ filium concubinæ suæ in quarta linea consanguineam, alterius scilicet desponsatam pro conjuge duxisse. Juraverat enim eam (ut asseris) in matrimonium prius [proprius Victor.] ducere sponsus; juravit etiam illam in fornicatione retinere incestuosus. *Item, infra.* Apostolica fulti auctoritate tibi iudicando consulimus, sponsam proprio sponso concedi, illi videlicet qui nulla consanguinitatis copula jungitur sibi. Quoniam misericordius perjurii poena, quæ pro vitandis culpis contrahit, indulgenda est, quam poena perjurii cum perseverantia criminis vel delicti. Tribus denique peccator iste notatur criminibus, perjurio, adulterio, incestu. Perjurio namque, quia quod observare legaliter non potuit, sine iudicio parentum, vel iudicium temere jurare præsumpsit. Adulterio quidem, quoniam alterius sponsam vivente proximo concupivit et seduxit. Incestu, quia contra decreta Patrum vicinior quam liceat permiscere sanguinem sanguini, non veretur. *Item, infra.* Nosti quid sacri caones super hujuscemodi homine decreverunt, videlicet si laicus, ut non promoveatur ad clerum; si clericus, ulterius non ascendat.

CAP. 38. — *Quod mulier affinitatem contrahit cum omnibus cognatis viri sui. Ex epistola Gregorii.*

(35, q. 10, c. *Fraternitatis.*) Gregorius, servus servorum Dei, Venerio Caralitano. Fraternitatis tuæ studiosæ sagacitati, frater amande, quas debeo refero grates, quoniam quæstisti quæ debuisti, jucundum reddidisti me. Unde placide ad inquisita respondeo. Sedem apostolicam consulere decrevistis, si mulier copula nuptiali extraneo viro juncta, cognationi ejus pertineat, si eo defuncto cognatio maneat eadem, vel si sub alio viro cognationis vocabula dissolvantur, vel si susceptæ soboles possint legitime ad prioris viri cognationis transire copulam. Est enim verbum Domini validum et forte, est durable, est perseverabile, est immutabile, non momentaneum, non transitorium. Ait autem per se ipsa Veritas, quæ Deus est, et Verbum Dei: *Cælum et terra transibunt, verba autem mea non transibunt (Matth. xxiv).* Antequam Deus in carne inter homines appareret, eo inspirante dixit Adam: *Quamobrem relinquet homo patrem et matrem suam, et adheret uxori suæ, et erunt duo in carne una (Gen. ii).* Cui non contradixit Dominus. Deinde cum veritas oriretur de terra in terram (*Psal. lxxxiv*), et visibilis [invisibilis] in humanitate apparuit, interrogatum est, si licitum esset homini uxorem relinquere (*Matth. xix*). Quod prohibens fieri vetuit, præterquam si fornicatio sola excluderet copulam maritalem. Unde protulit statim in medium eandem ipsam sententiam, quam ante sæcula manens cum Patre Verbum inspiraverat in Adam, ipse con-

A firmans, quod ipse protinus protulit homo: *Quamobrem relinquet homo patrem et matrem suam et adheret uxori suæ, et erunt duo in carne una (Gen. ii).* Si una caro sunt, quomodo poterit aliquis eorum propinquus pertinere uni, si non pertineat alteri? Quod minime fieri posse credendum est, nam uno defuncto in superstite affinitas non deletur, nec alia copula conjugalis affinitatem prioris copulæ solvere potest. Sed neque alterius conjunctionis sobolem placet ad ipsius affinitatis prioris siquidem transire consortium, pro eo quod verbum Domini validum est et forte, et ut iniquus dixit Propheta: *Verbum Domini manet in æternum (Isai. xl).* Et alius Propheta: *Quoniam ipse dixit et facta sunt, ipse mandavit et creata sunt; statuit eam in sæculum et in sæculum sæculi, præceptum posuit et non præteribit (Psal. cxxviii).* Nam potest per verbum suum atque præceptum efficere duo in carnem unam, et masculum et feminam, qui innumeram multitudinem sexus utriusque non destitit secum facere unum, sicut per se Veritas dixit: *Non pro his tantum rogo, sed etiam pro eis qui credituri sunt per verbum eorum in me, ut unum sint, sicut tu Pater in me, et ego in te, et ipsi in nobis unum sint (Joan. xvii).* Si quis ergo temerario ausu et sacrilego in defuncto quærit propinquitatem, vel sub altero affinitatis vocabula dissipare, vel susceptam sobolem alterius copulæ credens legitime sociari, propinquitatis prioris, hic negat Dei verbum validum esse et forte. Et qui tam facile vel tam velociter quærit dissolvere, hic non credit verbum Domini manere in æternum. Confice terram ex quatuor locis distantibus magna intercapedine, et confectam et conglutinatam singe, cujuscunque figuræ vel immensitatis corpus quod volueris, etc. (87).

CAP. 39. — *Quod nulli liceat de propria cognatione uxorem ducere. Ex concilio Wormaciensi, cap. 11 (c. 32).*

(35, q. 3, c. *In copulatione.*) In copulatione fidelium, generationum numerum non desinimus; sed id statuimus ut nulli liceat Christiano de propria consanguinitate vel cognatione uxorem accipere, usque dum generatio recordatur, cognoscitur, aut memoria retinetur.

D CAP. 40. — *De incestuosis. Ex concilio Agathensi, cap. 61 (ex conc. Epaun., c. 30).*

(35, q. 2, c. *De incestis.*) De incestis conjunctionibus nil prorsus veniæ reservamus, nisi cum adulterium separatione sanaverint. Et si sanare noluerint, anathematizentur.

CAP. 41. — *Item, de eadem re (88).*

(35, q. 8, c. *Incestuosi.*) Incestuosi dum in ipso detestando atque nefando scelere manent, non inter fideles Christianos, sed inter gentiles aut catechumenos habeantur, id est cum Christianis non sumant potum nec cibum, sed soli hoc faciant, non osculentur, aut salutentur ab eis. Sed si suis saccr-

(87) Quæ sequuntur invenies apud Gratian.

(88) Gratian tribuit Aurelian. conc.

dotibus inobedientes extiterint; et a tam nefando scelere se segregare, atque ad publicam pœnitentiam redire noluerint, inter eos habeantur qui spiritu periclitantur immundo, vel etiam inter eos de quibus per se Veritas ait: *Si te non audierit, sit tibi sicut ethnicus et publicanus* (Matth. xviii). Et si alter eorum prœventus fuerit, alter quandiu vivat graviter pœniteat, et sine spe conjugii maneat.

CAP. 42. — *Ne aliquis fidelium ad propinquam sanguinis sui accedat. Ex concilio Toletano xi, c. 5 (Toletan. conc. II, c. 5).*

Nam et hæc salubriter præcavenda sancimus, ne quis fidelium propinquam sanguinis sui usquequo affinitatis lineamenta successione generis cognoscit, in matrimonio sibi desideret copulari quoniam scriptum est: *Omnis homo ad proximam sanguinis sui non accedat, ut revelet turpitudinem ejus* (Lev. xviii). Et iterum: *Anima quæ fecerit quidpiam ex istis, peribit de medio populi sui* (ibid.). Sane quibus conjunctio illicita interdicitur, habebunt ineundi melioris conjugii libertatem.

CAP. 43. — *Quod æqualiter non jungendus sit in matrimonio vir suis consanguineis, et uxoris. Ex decretis Julii papæ.*

(35, q. 2, c. *Æqualiter*.) *Æqualiter vir non jungitur in matrimonio consanguineis suis, et consanguineis uxoris suæ.*

CAP. 44. — *Quod uno modo parentela viri et mulieris in conjunctione consideranda sit. Ex concilio Manticensi, cap. 3 (conc. Cabilon. II, c. 29).*

Sane consanguinitas quæ in proprio viro observanda est, hæc nimirum in uxoris parentela de lege nuptiarum custodienda est, et quia constat eos duos fuisse in carne una, communis illis utraque parentela esse credenda est, sicut scriptum est: *Erunt duo in carne una* (Gen. II).

CAP. 45. — *In quo geniculo abstinendum sit. Ex dictis Isidori (Isidor., c. 6 l. ix Etym.).*

Isidorus in Etymologiis suis usque ad septimam generationem consanguinitatis abstinendum, et sic legitimo connubio jungendum asseruit. Inde reor eum fecisse, quod genealogiæ seriem retexens, quousque ordinem numerandi perducere posset, eo cognationem sanguinis servandam æstimavit, sicque ad revocationem generis et amicitiz jus confirmandum, redire ad connubium sancivit, quando jam cognationis ordo numerari desinit.

CAP. 46. — *In quo ramusculo consanguinitatis legitima connubia fieri possint. Ex dictis ejusdem (ibid., c. 5).*

(35, q. 4 et 5, c. *Series, et c. Consanguinitas*.) Beatus Isidorus de consanguinitate sic loquitur, cujus series septem gradibus dirimitur, hoc modo: Filius et filia quod est frater et soror, sit ipse truncus. Illis seorsum sejunctis, ex radice illius trunci egrediuntur isti ramusculi, nepos et neptis primus, pronepos et pronepotis secundus, abnepos et abneptis tertius, adnepos et adnepotis quartus, trinepos et trineptis quintus, trinepotis nepos, et trineptis sex-

tus. (*Ibidem, c. 6*.) Hæc consanguinitas dum se paulatim in propaginum ordinibus dirimens, usque ad ultimum gradum sese subtraxerit, et propinquitas esse desierit, tunc primum lex in matrimonii vinculum recipietur, et quodammodo revocabit fugientem. Ideo autem usque ad sextum generis gradum consanguinitas constituta est, ut sicut in sex ætatibus mundi generatio et hominis status finitur, ita propinquitas generis tot gradibus terminetur.

CAP. 47. — *Quod consanguinitas usque ad septimum geniculum conservari debeat. Conc. apud Theodanis villam habito, cap. 8.*

Nullus fidelium usque ad affinitatis lineam, id est usque in septimam progeniem consanguineam suam ducat uxorem, vel eam quoquo modo incesti macula polluat. Si quis vero hoc temere præsumserit, ut incestum luat, ac publice juxta canonicos gradus pœniteat.

CAP. 48. — *Item de eadem re. Ex conc. Lugdunensi, cap. 10.*

(35, q. 2 et 3, c. *Nulli*.) Nulli ex propinquitate sui sanguinis usque ad septimum gradum uxores ducant, neque sine benedictione sacerdotis. Qui autem ante innupti erant, a sacerdote benedicti, nubere audeant [*Gratian. sic habet: qui autem nupturi erunt a sacerdote, etc.*].

CAP. 49. — *Item de eadem re. Ex concilio Aurelianensi, cap. 10 (89).*

(35, q. 3, c. *Nullum*.) Nullum in utroque sexu permittimus ex propinquitate sanguinis, vel uxoris, usque in septimum generis gradum uxorem ducere, vel incesti macula commaculari.

CAP. 50. — *De eadem re. Ex conc. Agripin., cap. 6.*

In septem gradibus omnia propinquitatum nomina continentur, ultra quos nec affinitas invenitur, nec successio potest amplius prorogari.

CAP. 51. — *Item de eadem re. Ex conc. Meldensi, cap. 7.*

(35, q. 2, c. *De affinitate*.) De affinitate namque sanguinis per gradus cognationis, placuit usque ad septimam generationem observare. Nam et hæreditas rerum per legales definitiones sancit usque ad septimum gradum prætereundum hæredum successionem. Non enim succederent, nisi eis de propagine cognationis deberetur.

CAP. 52. — *Ut duobus vel tribus testibus testimonio dicentibus consanguinei separentur. Ex conc. Ilerdensi, cap. 20.*

(35, q. 6, c. *Ab isio*.) Ut omnis controversia que de ecclesiasticis rebus sit, secundum divinam legem sub duobus vel tribus testibus terminetur (*Deut. xvii; xix*). Testis est Dominus cum dicit: *Non unus stet contra alium, sed in ore duorum vel trium testium stet omne verbum* (Matth. xviii; II Cor. xiii).

CAP. 53. — *Quid faciendum sit si nemo consanguinitatem sacramento firmare voluerit. Ex registro Urbani papæ II.*

(35, q. 6, c. *Si duo*.) Convenit Trojæ in Apulia

concilium episcoporum fere LXXV, abbatum XII; in quo actum est de consanguinitatis linea conjugatis, cum nemo tamen dictum sacramenti vellet assertione firmare. Præceptum est ut episcopi, quorum diœcesani sunt, eos per congrua spatia trina advocacione conveniant. Tunc si duo vel tres viri consanguinitatem jurejurando firmaverint, vel ipsimet forte confessi fuerint, conjugia dissolvantur. Si vero neutrum contigerit, episcopi eos per baptismum, per fidem, per judicium Christi, in vera obedientia obtestentur, quatenus palam faciant utrum se (sicut fama est) consanguineos recognoscant; si negaverint, sibi ipsis relinquendi sunt, ita tamen ut si aliud in conscientia habeant, se a liminibus ecclesiæ, a corpore et sanguine Domini, a fidelium communione noverint segregatos, atque infames effectos, donec ab incesti facinore desinant. Si se episcoporum judicio segregaverint, si juvenes sunt, alia matrimonia contrahere non prohibeantur.

CAP. 54. — *In qua linea consanguinitas separari debeat. Ex concilio Cabilonensi, cap. 5 (Mogunt. conc. sub Carolo Magno, c. 54).*

(35, q. 2, c. *Contradicimus.*) Contradicimus quoque ut in quarta vel quinta, sextaque generatione nullus amplius conjugio copuletur. Ubi autem post interdictum, factum fuerit inventum, separetur.

CAP. 55. — *In qua linea S. Gregorius Anglorum genti conjugia permiserit. Ex epist. Joannis Constanti-nopolitani ad Felicem episcopum Siciliae.*

(35, q. 2, c. *Quædam lex Romana.*) Gregorius papa requisitus ab Augustino Anglorum gentis episcopo quata generatione fideles debeant copulari, dispensatorie sic rescribit ad 6 interrogationem: « Quædam lex in Romana repub. permittit ut sive frater et soror, seu duorum fratrum germanorum, vel duarum sororum filius et filia misceantur; experimento didicimus ex tali conjugio sobolem non posse succrescere. Unde necesse est, ut jam quarta vel quinta generatio fidelium licenter sibi jungantur. »

CAP. 56. — *Quod S. Gregorius hoc Anglorum genti specialiter, non generaliter permisit. Ibidem.*

Verum post multum temporis a Felice Messanæ Siciliae præsule requisitus utrum Augustino Gregorius scripserit ut Anglorum quarta generatione contracta matrimonia minime solverentur, humillimus pater Gregorius (*epist. 31 lib. XII*) inter cætera talem dedit rationem: « Quod scripsi Augustino Anglorum gentis episcopo alumno, videlicet (ut recordaris) tuo, de consanguinitatis conjunctione, ipsi et Anglorum genti quæ nuper ad fidem venerat, ne a bono quod cœperat metuendo austeriora recederet, specialiter et non generaliter certissime scripsisse me cognoscas. Unde et mihi omnis Romana civitas testis existit, nec ea intentione hæc illis scripsi mandata, ut postquam firma radice in fide fuerint solidati, si infra propriam consanguinitatem inventi fuerint, non separentur, aut infra affinitatis lineam, id est usque ad septimam generationem jungantur, sed quod adhuc illis neophytis existentibus eis primum illicita consentire, et eos verbis ac exemplis instruc-

re, et quæ post de talibus egerint rationabiliter et fideliter excludere oporteret. Nam juxta Apostolum qui ait: *Lac dedi vobis potum, non escam (I Cor. III)*, ista illis modo, non posteris (ut præfixum est) temporibus tenenda indulgimus, ne bonum quod infirma radice plantatum erat exureretur, sed aliquantum firmaretur, et usque ad perfectionem custodiretur. Hæc ergo ego Joannes idcirco perstringendo curavi, ut hi qui occasione novæ dispensacionis illicita matrimonia contra hunc eruditissimum virum causantur, non generaliter quartæ generationis copulam censuisse, imo venialiter simulque temporaliter permisisse cognoscant. »

CAP. 57. — *Quod extranei nisi ex necessitate, dissidium inter consanguineos facere non debeant. Ex decretis Fabiani papæ, cap. 8 (in fragm.).*

(35, q. 6, c. *Consanguineos.*) Consanguineos extraneorum nullus accuset vel consanguinitatem in synodo computet, sed propinqui ad quorum notitiam pertinet, id est pater, mater, soror, frater, patruus, avunculus, amita, matertera, et eorum procreatio. Si autem progenies tota defecerit, ab antiquioribus et veracioribus quibus eadem propinquitas nota sit, episcopus canonice perquirat, et si inventa fuerit propinquitas, separentur.

CAP. 58. — *Ne quis neptem suam ducat. Ex concilio Romano. Gregorius (ex decretis Greg. II Junioris appellati, c. 6).*

Siquis neptem suam in conjugio duxerit, anathema sit.

CAP. 59. — *De eadem re, ejusdem Gregorii (c. 8).*

Si quis consobrinam in conjugium duxerit, anathema sit.

CAP. 60. — *De eadem re (c. 9).*

Si quis de propria cognatione, vel quam cognatus habuit in conjugio duxerit, anathema sit.

CAP. 61. — *Sacramentum de parentela quomodo sit inquirendum.*

(35, q. 6, c. *De parentela.*) De illa parentela quam dicunt esse inter N. et istam conjugem N. quidquid inde scis aut audisti a tuis vicinis, aut a tuis antiquioribus propinquis, quod tu per nullum ingenium, nec propter amorem, nec propter timorem, aut per premium aut per consanguinitatem celabis episcopum tuum aut ejus missum, cui hoc inquirere jussit quandocunque te ex hoc interrogaverit: Sic te Deus adjuvet et istæ sanctorum reliquæ.

CAP. 62. — *Juramentum testium.*

(35, q. 6, c. *Illud juramentum.*) Illud sacramentum quod iste juravit de illa parentela quæ inter filium et ejus conjugem N. computatur, quod tu illud observabis in quantum sapis aut audisti? Sic te Deus adjuvet.

CAP. 63. — *Sacramentum de incestuoso conjugio.*

(35, q. 6, c. *Ab isto.*) Ab isto die in antea, quod tu per nullum ingenium te sociabis huic tuæ consanguineæ N. cum qua contra legem et rectam Christianitatem tuam, adulterium et incestum perpetrasti, nec in conjugio, nec in adulterio illam tibi sociabis, nec cum illa ad unam mensam manducabis et bibes, aut sub uno tecto manebis, nisi forte in ecclesia, aut in aliquo publico loco, ubi nulla mala

suspicio possit esse, et ibi coram testibus idoneis pro certa necessitate pariter colloquamini. Nec aliam conjugem accipies, nisi forte post peractam penitentiam tibi licentia data fuerit ab episcopo tuo, aut ejus misso: sic te Deus adjuvet, et istæ sanctorum reliquiae.


CAP. 64. — *Hæc capitula de septem gradibus consanguinitatis S. Isidorus diligenti inquisitione descripsi; et in figura apertius depicta ordinavit. Cap. 1 de VII gradibus consanguinitatis. (Isid. c. 5 lib. IX Etym.).*

Primo gradu superiori linea continentur pater, mater; inferiori filius, filia, quibus nullæ aliæ personæ junguntur. Secundo gradu continentur superiori linea avus, avia; inferiori nepos, neptis. In transversa frater, soror, quæ personæ duplicantur. Avus enim et avia tam ex patre quam ex matre accipiuntur. Quæ personæ, sequentibus quoque gradibus similiter pro substantia earum quæ in quo gradu subsistunt [*Gratian. sic habet*: Eorum in quo gradu consistunt], ipso ordine duplicantur. Istæ personæ in secundo gradu ideo duplices appellantur, quia duo avi sunt, et paternus et maternus. Item duo genera nepotum sunt sive ex filio, sive ex filia procreati. Frater et soror ex transverso veniunt, id est aut frater patris aut frater matris, qui aut patruus aut avunculus nominatur. Qui et ipsi hoc ordine duplicantur. Tertio gradu veniunt supra, proavus, proavia; infra pronepos, proneptis. Ex obliquo fratris sororisque filius vel filia; patruus, amita, id est patris frater et soror: avunculus, matertera, id est matris frater et soror. Quarto gradu veniunt supra, abavus, abavia; infra abnepos, abneptis. Ex obliquo fratris et sororis nepos, neptis. Patruelis frater, soror; patruelis, id est patris filius vel filia. Consobrinus, consobrina, id est avunculi et materteræ filius vel filia. Amitinus, amitina, id est amitæ filius vel filia. Itemque consobrini qui ex duabus sororibus nascuntur. Quibus accessit patruus ma-

agnus, amita magna, id est avi paterni frater et soror. Avunculus magnus, matertera magna, id est aviæ tam paternæ, quam maternæ frater et soror. Quinto gradu veniunt supra quidem atavus, atavia; infra adnepos, adneptis. Ex obliquo fratris et sororis pronepos, proneptis; fratris patruelis, sororis patruelis amitini, amitina, consobrini consobrina filius vel filia, propior consobrinus, consobrina, id est patris magni, amitæ magnæ, avunculi magni, materteræ magnæ filius vel filia. Quibus accrescunt propatruus, proamita. Hi sunt proavi materni, frater et soror, proavunculus, promatertera. Hi sunt proaviæ paternæ maternæque frater et soror, proavique magni materni. Hæc species nec aliis gradibus, quam scripta est, nec aliis vocabulis declarari potest. Sexto gradu veniunt supra triavus, triavia; infra trinepos, trineptis. Ex obliquo fratris et sororis, abnepos abneptis, fratris patruelis, sororis patruelis amitini, amitina, consobrini, consobrina; patris magni, amitæ magnæ; avunculi magni, materteræ magnæ nepos, neptis: propioris consobrini filius vel filia, qui consobrini appellantur, quibus ex latere accrescunt propatruus, proamita; proavunculi, promaterteræ filius vel filia, adpatruus adamita. Hi sunt abavi paterni frater et soror, abavunculus, abmatertera. Hi sunt abaviæ paternæ maternæque frater et soror abavique materni. Hæc quoque explanari amplius non possunt, quam ipse auctor disseruit. Septimo gradu qui sibi sunt cognati, recta linea supra infraque propriis nominibus non appellantur, sed ex transversa linea continentur fratris, sororis, adnepos, adneptis, consobrini filii filiaque successionis, idcirco gradus septem constituti sunt, quia ulterius per rerum naturam nec nomina inveniri, nec vita succedentibus prorogari potest. In his enim septem gradibus omnia propinquitatum nomina continentur, ultra quos affinitas inveniri, nec successio potest amplius prorogari.


D E	P A	T R I	B U S
Auctor mei	generis	mihî pater est	ego illi Filius aut filia
Patris mei	pater	mihî avus est	ego illi Nepos aut neptis
Patris mei	avus	mihî proavus est	ego illi Pronepos aut proneptis
Patris mei	proavus	mihî abavus est	ego illi Abnepos aut abneptis
Patris mei	abavus	mihî atavus est	ego illi Adnepos aut adneptis
Patris mei	atavus	mihî tritavus est	ego illi Trinepos aut trineptis
D E	P A	T R U	I S
Patris mei	frater	mihî patruus est	ego illi Fratris filius aut filia
Patris mei	pater	mihî pater magnus est	ego illi Filii fratris filius aut filia
Patris mei	avus	mihî propatruus est	ego illi Filii filia nepos aut neptis
Patris mei	proavus	mihî adpatruus est	ego illi Neptis filius vel filia
D E	A	M I	T I S
Patris mei	soror	mihî amita est	ego illi Fratris filius aut filia
Amitæ meæ	mater	mihî amita magna est	ego illi Filia fratris filius aut filia
Amitæ meæ	avia	mihî proamita est	ego illi Neptis filius aut filia
Amitæ meæ	proavia	mihî abamita est	ego illi Neptis nepos aut neptis
D E	A	V U N	C U L I S
Matris meæ	frater	mihî avunculus est	ego illi Sororis filius aut filia
Avunculi mei	pater	mihî avunculus magnus est	ego illi Filii sororis filius aut filia
Avunculi mei	avus	mihî proavunculus est	ego illi Filii nepos aut neptis
Avunculi mei	proavus	mihî abavunculus est	ego illi Neptis filius aut filia
D E	M A	T E R	T E R I S
Matris meæ	soror	mihî matertera est	ego illi Sororis filius aut filia
Materteræ meæ	soror	mihî matertera mag. est	ego illi Sororis nepos aut neptis
Aviæ meæ	soror	mihî abmatertera est	ego illi Sororis pronepos aut pronepos
Proaviæ meæ	soror	mihî pro matertera est	ego illi Neptis filius vel filia

Schemata dicuntur Ramusculi quos advocati faciunt in Genere cum gradus cognationum partiuntur, ut puta, ille filius, ille pater, ille avus, ille agnatus, et cæteri quorum figuræ hæc sunt.



Haec consanguinitas dum se paulatim propaginum ordinibus dirimens, usque ad ultimum gradum subtraxerit, et propinquitatis esse desierit, eam rursus lex matrimonii vinculo repetit, et quodammodo revocat fugientem. Ideo

autem usque ad sextum generis gradum consanguinitas constituta est, ut sicut sex ætatibus mundi generatio et hominis status finitur, ita propinquitatis generis tot gradibus terminaretur.



ARBOR CONSANGUINITATIS

					Trita- vi pa- ter. vii.	Trita- vi ma- ter. vii.												
					Tripa- truuus Triami- ta. vii.		Trita- vus. vi.	Trita- via. vi.	Tria- vuncu- lus, Tri- mater- tera. vii.									
					Ad pa- trui, Adami- ta filii. vii.	Ad pa- truuus Adami- ta. vi.	Ata- vus. v.	Ata- via. v.	Adavun- culus, Adma- tertera. vi.	Adavun- culi Ad- mater- teræ filii. vii.								
					Abpa- trui, Abami- tae ne- potes. vii.	Abpa- trui, Abami- tae filii. vi.	Ab pa- truuus Abami- ta. v.	Abav- vus. iv.	Abav- via. iv.	Abavun- culus, Abma- tertera. v.	Abavun- culi, Abma- tertera filii. vi.	Abavun- culi Abma- tertera nepotes vii.						
					Propa- trui, Proami- tae ne- nepotes. vii.	Propa- trui Proami- tae pro- nepotes vi.	Propa- trui Proami- tae filii. v.	Proa- truuus Proami- ta. iv.	Proa- vus. iii.	Proa- via. iii.	Proa- vuncu- lus Pro- mater- tera. iv.	Proa- vunculi Proma- tertera filii. v.	Proa- vunculi Proma- tertera nepotes vi.	Proa- vunculi Proma- ter. pro- nepotes vii.				
					Propa- truor., amita- rum, prone- potes. vii.	Propa- truor., Amita- rum ne- potes. vi.	Propa- truor., Amita- rum filii. v.	Propa- truelles, Amitti- ni iv.	Propa- truuus Proami- ta magna. iii.	Avus. ii.	Avia. ii.	Avun- culus Mater- tera magna iii.	Propri- sobrina, propria sobrina. iv.	Sobri- ni Sobri- nae filii. v.	Sobri- ni Sobri- nae ne- potes. vi.	Sobri- ni Sobri- nae pro- nepotes vii.		
Fratri- s patru- i Amitti- ni nepo- tes. vii.	Patru- i, Amitti- ni prone- potes. vi.	Patru- i, Amitti- ni nepo- tes. v.	Propa- truelis Amitti- ni filii. iv.	Frater, Soror patru- elis, amitti- nae. iii.	Patruus Amitti- ni. ii.	PA- TER. i.	MA- TER. i.	Avun- culus Mater- tera. ii.	Conso- brinus, conso- brina. iii.	Conso- brini, conso- brinae filii. iv.	Conso- brini, conso- brinae nepo- tes. v.	Conso- brini, conso- brinae prone- potes. vi.	Conso- brini, sororis nepo- tes. vii.					
					Filius i.	Filia. i.												
					Ne- pos. ii.	Ne- ptis. ii.												
					Pro- nepos iii.	Pro- neptis iii.												
					Ab- nepos iv.	Ab- neptis iv.												
					Ad- nepos v.	Ad- neptis v.												
					Tri- nepos vi.	Tri- neptis vi.												
					Trine- potis nepos vii.	Trine- potis neptis vii.												

CAP. 65. — *De incestuosis qui admonitiones sacerdotum contemnunt. Ex conc. Turonensi IV, cap. 4.*

(23, q. 5, c. *Incestuosi.*) Incestuosi, parricidæ, homicidæ multi apud nos (proh dolor!) reperiuntur, sed aliqui ex illis sacerdotum nolunt admonitionibus aurem accommodare, volentes in pristinis perdurare criminibus; quos oportet per sæcularis potentie disciplinam a tam prava consuetudine coerceri, qui per salutifera sacerdotum monita noluerunt revocari.

CAP. 66. — *Ne infra septimam generationem conjugiu fiant. Ex concilio apud Confluentiam, cap. 1, cui interfuerunt Carolus et Henricus reges.*

Anno Dominicæ Incarnationis 912, apud Confluentiam, jussu veacrabili principum, Caroli videlicet et Henrici, regum reverendissimorum, congregati sunt episcopi numero octo Herimannus Agrippinensis archiepiscopus, Thiedo Witeburgensis episcopus, Luitharius Mundanensis episcopus, Doto Osneburgensis episcopus, Rihgovunko Wormatiensis episcopus, Rithwius Strazburgensis episcopus, Unwanus Padebrunensis episcopus, cum abbatibus aliisque sacri ordinis viris quamplurimis, qui ipso cooperante et sententias eorum confirmante Domino Christo, in synodali residentibus conventu multa utilia, ac sanctæ Dei Ecclesiæ profutura saluberrimo tractantes consilio, inter cætera quæ statuerunt, hoc maxime necessarium, et instanti (proh dolor!) tempore per abusionem frequentissimum cognationis incestum, summa cautela vitandum firmaverunt, hoc est, ne ullus Christianus infra septimam generationem nuptias copulare præsumat.

CAP. 67. — *De muliere quæ cum duobus fratribus fornicata est. Ex concilio Neocæsarensi cap. 2.*

Mulier si duobus fratribus nupserit, abiciatur usque ad mortem; verumtamen in exitu, propter misericordiam, si promiserit quod facta incoluntis hujus conjunctionis vincula dissolvat, fructum pœnitentiæ consequatur, et communio ei concedatur. Quod si defecerit vir aut mulier in talibus corruptiis, difficilis erit pœnitentia in vita permagenti.

CAP. 68. — *De eadem re. Ex decret. Martini, cap. 80 (Mart. Braçrens., c. 79).*

Si qua mulier duos fratres, aut si quis vir duas sorores duxerit, a communione separentur, usque ad mortem. In morte, pro misericordia viaticum accipiant.

CAP. 69. — *De illo qui cum duobus sororibus fornicatus est, quarum una uxor fuit. Ex concilio Aurelianensi cap. 6 (Vermer. c. 42).*

(32, q. 7, c. *Qui dormierit.*) Qui dormierit cum duobus sororibus, et una ex illis antea uxor fuerit, neutram ex ipsis habeat, nec ipsi adulteri unquam conjugio copulentur.

CAP. 70. — *De illo qui cum duobus sororibus, cum noverca, vel cum sorore sua, vel cum amita, vel matertera sua, vel filia patris, vel avunculi sui, vel cum filia amitæ vel materteræ suæ, vel cum nepte sua, vel cum commatre sua, vel cum filiola*

quam de fonte suscepit, vel ante episcopum tenuit, fornicatus est. Ex eodem concilio.

Si quis fornicatus fuerit cum duabus sororibus, vel cum noverca sua, vel cum sorore sua, vel cum amita sua, vel cum matertera sua, vel cum filia patris sui, et avunculi sui, vel cum filia amitæ suæ sive materteræ suæ, vel cum nepte sua, vel cum commatre sua, aut filiola sua sive quam de fonte suscepit, vel ante episcopum tenuit, et si qua mulier simili modo fornicata fuerit, abstineat se ab ingressu domus Dei annum, et eodem anno nisi Dominicis diebus et festis solummodo pane et aqua et sale utatur, arma non ferat, osculum nulli præbeat, sacrificium nisi pro viatico minime accipiat. Sex deinde annis ingrediatur quidem domum Dei, sed carnibus et vino et sicera minime utatur, nisi festis diebus. De armis vero et osculis, sive de sacrificio, sicut supradictum est. Postea vero duobus annis quando carne vescitur, a potu omni quo inebriari potest se contineat. Et si potum biberit, minime carne vescatur absque præcipuis festis diebus. De armis vero vel osculo et sacrificio modum teneat jam dictum. Inde usque ad obitum suum nisi prædictis festis diebus a carne abstineat, et tres ferias legitimas in omni hebdomada, et tres quadagesimas in anno legitime custodiat. De armis vero, ut supradictum est, et nunquam aliquando conjugio copuletur. Hæc eadem pœnitentia imponenda est parricidis vel fratricidis vel consanguineis, nec non et qui sponte per fraudem et avaritiam hominem innoxium, quod morchidum vocant [*al. morth. dicitur*].

CAP. 71. — *De illo qui cum matrem habuerit uxorem, cum filiastra fornicatus fuerit. Item ex concilio Moguntinensi (sub Carolo Magno, c. 56).*

(52, q. 7, c. *Si quis.*) Si quis viduam uxorem duxerit, et postea cum filiastra sua fornicatus fuerit, seu cum duabus sororibus concubuerit, aut si qua duobus fratribus nupserit, seu cum patre et filio fornicata fuerit, tales copulationes anathematizari et disjungi præcipimus, nec unquam amplius conjugio copulari, sed sub magna restrictione fieri (*forte, feriri*).

CAP. 72. — *De illo qui cum filiastra ignorante fornicatus est. Ex concilio apud Vermeriam, cap. 4.*

(35, q. 2 et 3, c. *Si quis cum matre.*) Si quis cum matre et filia fornicatus est ignorante matre de filia, et filia de matre, ille nunquam accipiat uxorem, illæ vero si voluerint accipiant maritos. Si autem hoc scierint ipsæ femine absque maritis in perpetuo maneat.

CAP. 73. — *De illo qui stupraverat quamdam, quam frater ejus postea ignorans duxit uxorem. Ex eodem cap 5 (conc. Tribur. c. 44).*

(35, q. 2 et 3, c. *Si homo.*) Si homo fornicatus fuerit cum muliere, et frater ejus nesciens eandem duxerit uxorem, frater eo quod fratri crimen celaverit, pœniteat, et post pœnitentiam nubat. Mulier autem usque ad mortem pœniteat, et sine spe conjugii maneat.

CAP. 74. — *De eadem re. Ex eodem concilio, cap. 6.*

Si frater cum muliere fornicatus fuerit, et frater nesciens cum eadem concubuerit, mulier diebus vitæ suæ poeniteat; post poenitentiam autem frater ignarus sceleris conjugium accipiat si vult.

CAP. 75. — *De eadem re. Ex concilio Maticensi, cap. 5.*

Item iudicatum est quemdam stuprasse quamdam feminam, quam postea frater ejus accepit uxorem. Statuerunt eum qui stupravit et a se stupratam fratri celavit, quia geminavit peccatum, poenitentia districtiori castigandum, conjugium tale dissolvi oportere, et mulieri quidem nunquam dari potestatem nubendi; illis autem pro misericordia conjugium indulgere, sed cum poenitentia.

CAP. 76. — *De muliere cum qua et pater et filius fornicati sunt. Ex concilio Triburiensi (c. 43).*

(34, q. 1 et 2, c. Quidam.) Quidam fornicatus est cum quadam muliere, postea filius nesciens patris factura stupravit eandem. Quod cum pater rescisceret, de se filioque confessus est. Statuerunt melius esse ut taliter lapsis cum digna poenitentia, legitima permittantur conjugia quam forte deterius delinquant. Fornicaria autem sine spe conjugii maneat.

CAP. 77. — *De illo qui cum uxore, matre, et filiastra fornicatus est. Ex concilio Maguntiensi (sub Leone IV, c. 29).*

(32, q. 7, c. Si quis.) Si quis viduam uxorem duxerit, et postea cum filiastra fuerit fornicatus, seu cum duabus sororibus, aut si qua cum duobus fratribus, seu cum patre et filio, si quis relictam fratris, si quis neptem, aut novercam, aut nurum, aut consobrinam, aut filiam avunculi, aut ejus relictam, aut privignam poluerit, eos disjungi, et ulterius nunquam conjugio copulari precipimus.

CAP. 78. — *De illo conjugato qui cum filia materteræ suæ, vel avunculi, vel amitæ, vel patruï fornicatus fuerit. Ex concilio Triburiensi (Pœnit. Rom. tit. III, c. 13).*

Interrogatum est si quis cum filia materteræ suæ vel amitæ vel avunculi vel patruï sui concubuerit, si conjugatus fuerit, liceatne illi ulterius uti conjugio, aut non conjugato uxorem accipere. Justum esset, sicut aliqua statuta priorum habentur, ut in perpetuum tales a conjugio abstineant. Visum est humanæ fragilitatis intuitu, ut post poenitentiam non quidem penitus priventur conjugio, durissime tamen tam immanis fornicatio vindicetur. Sicut sanctus papa Nicolaus et alii Romani pontifices statuerunt, ne forte desperati multiplicius peccent.

CAP. 79. — *De patre et filio, de avunculo et nepote, si cum una muliere fornicati fuerint. Ex concilio Maguntiensi, cap. 5.*

Interrogatum est si pater et filius, vel si duo fratres, vel si avunculus et nepos cum una muliere fornicati sint, quid inde faciendum sit. Manifestum est quod gravi vindicta plectendum est, quod grave facinus esse reperitur. Omnis enim mœchia interdi-

ditur, ubi scriptum est • *Non mœchaberis (Exod. xx)*, quanto magis cum cognata vel cum conjuge, seu concubina cognati? Hinc in Levitico scriptum est: *Si mœchatus fuerit quis cum uxore alterius, morte moriantur et mœchus et adultera. Qui dormierit cum noverca sua et cum nuru sua, et qui filiam et matrem duxerit, et qui acceperit sororem suam, morte moriantur (Levit. xx)*. Si enim in lege turpitudinem incestus mortis sententia vindicare jussit, quomodo in Evangelio ubi summa justitia est, incestuosus peccati poenitentiam evadet? Unde Apostolus: *Irritam qui fecerit legem Moysi, si sine ulla miseratione sub duobus vel tribus testibus moritur, quanto magis putatis deteriora mereri supplicia qui Fictum Dei conculcaverit, et sanguinem testamenti pollutum duxerit, in quo sanctificatus est, et Spiritui gratiæ contumeliam fecerit? (Hebr. x.)* Igitur Theodorus judicavit eum qui incestum fecerit, 12 annos poenitere debere, alii 10, alii 7. Sed nos priscorum Patrum vestigia sequentes, his solis spatium poenitentiae temperemus, qui devote et cum lacrymis poenitentiam egerint, cæteri definitum temous observent.

CAP. 80. — *De eadem re. Ex concil. apud Vermeriam, cap. 4 (Magunt. sub Carolo Magno, c. 55).*

(50, q. 1, c. Si quis fistastrum.) Si quis filiastrum aut filiastram suam ante episcopum ad confirmationem tenuerit, separetur ab uxore sua, et aliam nunquam accipiat; similiter et mulier.

CAP. 81. — *De illis qui infantes suos suscipiunt a baptismo ut separentur a conjugibus. Ex concil. Cabilonensi, cap. 45 (conc. Cabilon. II sub Carolo Magno, c. 31).*

(50, q. 1, c. Dictum est.) Dictum etiam nobis est quasdam feminas desidiose, quasdam vero fraudulenter, ut a viris suis separentur, proprios filios coram episcopis ad confirmandum tenuisse. Unde nos dignum duximus ut si qua mulier filium suum desidia aut fraude aliqua coram episcopo tenuerit ad confirmandum, propter fallaciam suam aut propter fraudem, quandiu vivat poenitentiam agat, a viro tamen suo non separetur.

CAP. 82. — *De eadem re. Item ex conc. Maguntiensi, cap. 20, in claustro Sancti Albani habito, præsentate Ludovico imperatore.*

(50, q. 1, c. De eo quod.) De eo quod interrogasti, si ille qui filiulam suam duxit uxorem, et de eo qui concubuit cum commatre sua spirituali, et de eo qui filium suum baptizavit, et cujus uxor cum de fonte suscepit, ea ratione ut dissidium conjugii fieret, si postea in tali copulatione permanere possent; de talibus sic respondendum est: Si filiulam aut commatrem suam spirituales aliquis in conjugio duxerit, separandos eos esse iudicamus, et gravi poenitentia plectendos. Si autem conjuges legitimi unus aut ambo ex industria fecerint, ut filium suum de fonte suscipiant ut dissidium fiat, tale consilium damus: Si innupti manere voluerint, bonum est; sin autem, gravis poenitentia insidiatori injungatur.

et simul maneant. Et si supervixerit prævaricator conjugii, acerrima pœnitentia multetur, et sine spe conjugii maneant.

CAP. 83. — *De eadem re. Ex concil. Triburiensi, cap. 8 (Mogunt. sub Car. Mag. c. 55).*

Nullus proprium filium aut filiam a fonte baptismatis suscipiat, nec filiolum nec commatrem ducat uxorem, nec illam cujus filium [aut filiam, orig.] ad confirmationem ante episcopum tenuerit. Ubi autem factum fuerit, separentur.

CAP. 84. — *De eadem re. Ex concilio Maguntienst, cap. 5.*

Quam detestabile et execrabile scelus sit unicuique Christiano filiolum suam stuprare, testatur sanctus Gregorius papa in Dialogis suis (*lib. IV, c. 32*), ubi refert quemdam hominem polluisse filiolum suam. Et quia neglexit pœnitentiam agere, subito miserabili morbo correptus exspiravit, et sepulto non solum corpus, sed etiam omne sepulcrum ignis invisibilis consumpsit.

CAP. 85. — *De mulieribus quæ aliquo molimine inter se fornicantur. Ex Pœnitentiali Theodori (Pœnit. Rom. tit. III, c. 15).*

Mulier quocunque molimine, aut in se ipsa, aut cum altera fornicans, duos annos pœniteat.

CAP. 86. — *De sanctimonialibus, si inter se fornicentur. De eodem.*

Si sanctimonialis cum alia sanctimoniali per aliquod machinamentum fornicatæ fuerint, 7 annos pœniteant.

CAP. 87. — *De muliere quæ cum altera fornicata fuerit. Ex concilio Ancyrano, cap. 8.*

Mulier si cum muliere fornicata fuerit, duos annos pœniteat. Sic et illa quæ semen viri sui miscet cibo, ut inde plus ejus accipiat amorem, pœniteat.

CAP. 88. — *De illis qui irrationabiliter versantur. Ex concilio Ancyrano, cap. 15.*

De his qui irrationabiliter versati sunt sive versantur, id est, qui cum pecoribus et masculis se coïnquinaverint, quotquot ante 20 ætatis suæ annum tale crimen commiserint, 15 annis exactis in pœnitentia, communionem mereantur orationum. Deinde quinquennio in hac communionem durantes, tunc demum oblationis sacramenta contingant. Discutiat autem et vita eorum, qualis tempore pœnitentis extiterit, et ita misericordiam consequantur. Quod si inexplēbiliter his hæserit criminibus, ad agendam pœnitentiam prolixius tempus insumant. Quotquot autem post 20 annos ætatis uxores habentes in hoc peccato prolapsi sunt, 25 annos pœnitentiam agentes ad orationis communionem recipiantur. In qua quinquennio perdurantes, tunc oblationis sacramenta percipiant. Quod si qui et uxores habentes, et transcendentes quinquagesimum annum ætatis ita deliquerint, ad extremum vitæ communionis gratiam consequantur.

CAP. 89. — *De eadem re. Ex eodem concilio, cap. 16.*

Eos qui irrationabiliter vixerint, et lepra injusti criminis alios polluerint, præcepit sancta synodus

PATRŒL. CLXI.

A inter eos orare qui spiritu periclitantur immundo.

CAP. 90. — *De illis qui cum pecudibus fornicantur, Ex Pœnitentiali Theodori (c. 17).*

Qui cum pecude peccat, quidam judicant annos 10, quidam 7, quidam duos [tres], quidam centum dies, juxta qualitatem personæ, pœniteat.

CAP. 91. — *Item de quadrupedum fornicatoribus. Ex Romano Pœnitentiali.*

Si inventi fuerint qui cum quadrupedibus, vel masculis contra naturam peccant, dura et districta pœnitentia coercendi sunt. Quapropter episcopi vel presbyteri a quibus judicium pœnitentiæ injungitur, conentur omnibus modis hoc malum radicitus abscidere.

CAP. 92. — *De illis qui fornicantur sicut Sodomitæ. Ex Pœnitentiali Theodori (c. 18).*

B Qui fornicatus fuerit sicut Sodomitæ, si servus est, scopis castigabitur et 2 annos pœniteat : si liber est conjugatus, 10 annos ; si privatus, septem annos pœniteat. Puer 100 dies, si in consuetudine est ; laicus conjugatus, si in consuetudine habet, 15 annos pœniteat. Si ex ordinibus est et in consuetudine habet, degradatus, ut laicus pœniteat. Qui autem cum fratre naturali fornicatus fuerit, per tam sordidam commisionem, ab omni carne se abstineat, vel [et] 15 annos pœniteat ; si clericus est, amplius pelli debet.

CAP. 93. — *De clericis vel monachis si fuerint masculorum insectatores. Ex dictis Basilii.*

C Clericus vel monachus ut parvulorum insectator, vel qui osculo vel aliqua occasione turpi deprehensus fuerit, publice verberetur, et comam amittat, decalvatusque turpiter sputamentis oblitus in facie, vinculisque aretatus ferreis, carcerali 6 mensibus angustia maceretur, et triduo per hebdomadas singulas ex pane hordeaceo ad vesperam reficiatur. Post hæc aliis 6 mensibus super senioris spiritalis custodia segregata in curtricula degens, operi manuum et orationi sit intentus, vigiliis et fletibus subjectus, et sub custodia semper duorum fratrum spiritalium ambulet, nulla privata locutione vel consilio deinceps juvenibus conjungendus.

CAP. 94. — *De eadem re. Ex dictis Isidori.*

D Si quis ex juvenibus, vel aliqua suspicio a persona cum parvulis jocus fuerit, diuturna pœnitentia maceretur.

CAP. 95. — *De eadem re. Ex dictis ejusdem.*

Si deprehensus fuerit aliquis frater ludere cum pueris, et habere amicitias ætatis infirmæ, tertio commoneatur ut memor sit honestatis, atque timoris Dei ; si non cessaverit, severissime corripiatur.

CAP. 96. — *De eo qui spiritualem navet compatrem, cujus uxor commater non est, et eo defuncto, si ejus viduam possit ducere uxorem. Ex concilio Triburiensi, cap. 47, cui interfuit rex Arnulphus.*

(30, q. 4, c. Qui spiritualem.) Qui spiritualementem habet compatrem, cujus filium de lavacro sacri fontis accepit, et ejus uxor commater non est, li-

ceat ei, defuncto compatre suo, ejus viduam ducere in uxorem si nulla habent consanguinitatis propinquitatem. Quid enim? Nunquid non possunt conjugii, quos nulla proximitas carnalis, vel in id generatio secerant spiritualis?

CAP. 97. — *Utrum quis filiam spiritualis commatris suæ uxorem ducere possit. Ex eodem concilio, cap. 48.*

Illud etiam nec canonica institutione definimus, nec interdictione aliqua refutamur, sed propter eos qui diverse de eo sentiunt, hoc loco aliquid commemoramus. Si quis suæ spiritualis commatris filiam fortuito, et ita contingente rerum casu in conjugium duxerit, (consilio maturiori servato) habeat, atque honeste legitimo conjugio operam det.

CAP. 98. — *De quodam qui suam filiolum spiritua-lem constupraverat. Ex lib. Dialogorum Gregorii (lib. IV, c. 32).*

Terribile etiam quiddam in Valeriæ provincia contigisse vir-venerabilis Maximianus Syracusanus episcopus, qui diu in hac urbe meo monasterio præfuit, narrare consuevit dicens: « Quidam curialis illic, sacratissimo paschali Sabbato, juvenulam cujusdam filiam in baptismo suscepit. Qui post jejuni-um domum reversus, multo vino inebriatus, eamdem filiolum suam secum manere petiit, eamque nocte illa (quod dictu nefas est!) perdidit. Cumque mane facto surrexisset, reus cogitare cœpit ut ad balneum pergeret, ac si aqua balnei lavaret maculam peccati. Perrexit igitur, lavit, cœpit trepidate ecclesiam ingredi, sed si tanto die non iret ad ecclesiam, erubescere homines; sin vero iret, pertimescere judicium Dei. Vicit itaque humana verecundia, perrexit ad ecclesiam, sed tremebundus et pavens stare cœpit, atque per singula momenta suspectus qua hora immundo spiritui traderetur, et coram omni populo vexaretur. Cumque vehementer timeret, ei in illa missarum celebritate quasi adversi nihil contigit, qui lætus exiit, et die altero ecclesiam jam securus intravit; factumque est ut per sex continuos dies lætus ac securus procederet, æstimans quod ejus scelus Dominus aut non vidisset, aut visum misericorditer dimisisset; die autem septimo, subita morte defunctus est. Cumque sepulchræ traditus fuisset, per longum tempus cunctis videntibus de sepulcro ejus flamma exiit, et tandiu ossa ejus concremavit quousque omne sepulcrum consumpsit, et terra quæ in tumulo collecta fuerat defossa videretur. Quod videlicet omnipotens Deus faciens, ostendit quid ejus anima pertulit in occulto, cujus etiam corpus ante humanos oculos flamma consumpsit. Qua in re quoque nobis hæc audientibus exemplum formidinis dare dignatus est, quatenus ex hæc consideratione colligamus, quid anima vivens ac sentiens pro reatu suo patitur, si tanto ignis supplicio etiam insensibilia ossa concremantur. »

CAP. 99. — *De quodam fratre qui impugnabatur a*

spiritu fornicationis. Ex dictis Paphnutii eremita (in Vitis Patrum).

Quidam frater molestiam sustinebat a spiritu fornicationis. Abiit autem ad probatissimum seniore, et precabatur eum dicens: « Pone tibi sollicitudinem, beatissime Pater, et ora pro me, quia graviter impugnat me passio fornicationis. » Hæc cum audisset senior, orabat intente diebus ac noctibus, pro eo deprecans Domini misericordiam. Iterum autem veniebat idem frater, et rogabat seniore ut magis intentius pro eo oraret. Similiter autem cum omni sollicitudine beatus senior intentius orabat pro eo. Frequenter autem venientem ad se monachum videns senior et deprecantem se ut oraret, valde contristatus admirabatur quia non exaudiret Dominus orationes ejus. Eadem autem nocte revelavit ei Dominus, quæ circa illum monachum erant, negligentia et ignavia resolutionem, et delectationes forte corporeas cordis ejus. Ita autem ostensum est sancto seniori: Vidit sedentem illum monachum, et spiritum fornicationis in diversis mulierum formis ante illum ludentem, et ipsum condelectari. Videbat et angelum Domini astantem et indignantem graviter contra eundem fratrem, quia non surgebat neque prosternebat se in orationibus ad Dominum, sed magis delectabatur in cogitationibus suis. Hæc ergo ostensa sunt per revelationem sancto seniori. Cognovit autem quia culpa erat et negligentia illius monachi, ut non exaudirentur orationes ejus. Et tunc dixit ei senior: « Quia tua culpa est, frater, qui condelectaris cogitationibus malis; impossibile est enim discedere a te spiritum fornicationis immundum, aliis orantibus et Deum pro te deprecantibus, nisi et tu ipse laborem assumes jejuniis, et orationibus et vigiliis multis, cum gemitu deprecans, ut misericordiam suam et adjutorium det gratia suæ, præbeatque tibi Dominus Christus ut possis resistere malis cogitationibus. Nam et medici qui corporibus hominum medicamenta faciunt et adhibent, quamvis omnia cum summa diligentia faciant, verumtamen si ille qui infirmatur non se absteineat a noxiis cibis, vel de aliis quæ solent lædere infirmitates, nihil ei proficit cura et diligentia et sollicitudo medicorum. Similiter etiam et in animæ languoribus eveniet, licet cum omni intentione et ex toto corde sancti Patres, qui sunt medici spirituales, exorent misericordiam Christi Salvatoris nostri pro eis, qui orationibus eorum se postulant adjuvari, nisi et ipsi cum omni intentione mentis tam in orationibus, quam in omni opere spirituali, quæ Deo placita sunt faciant, non eis proficient orationes eorum. »

CAP. 100. — *De sponsa fratris, si frater eam violaverit. Ex conc. Triburiensi cap. 10, cui interfuit rex Arnulphus (c. 41).*

(32, q. 2, c. Quidam.) Quidam desponsavit uxorem et dotavit, et cum ea coire non potuit; quam frater ejus clanculo corruptit, et gravidam reddidit: decretum est ut, quamvis nupta esse non potuerit legi-

timo viro, desponsatam tamen fratri frater habere non possit, sed mœchus et mœcha fornicationis quidem pœnam sustineant; licita vero eis conjugia non negentur.

CAP. 101. — *Si quis de uno in alium transmigrat episcopatum, et consanguinitatem suam polluerit, vel aliquod crimen capitale commiserit. Ex eodem concilio, cap. 42.*

Si quis de uno in alium omnino transmigrat episcopatum, et si (quod absit!) contingat cum filiam sororis suæ, amitæ, aut materteræ, aut avunculi, vel patruï polluere, aut aliquod crimen capitale committere, episcopus in cujus tunc diœcesi comoratur et tali criminatur scelere, habeat jus et potestatem secundum canonicam auctoritatem et nostram synodalem institutionem flagitiosum coercere, et ad pœnitentiam emollire. Per quem enim melius rei veritas ventilatur quam per illum sub quo habitat, et habitare desiderat?

CAP. 102. — *De mulieribus quæ, absente marito, conceperint. Ex concilio Elibertino, cap. 3 (cap. 63).*

Si qua mulier per adulterium, absente marito, conceperit, idque post facinus occiderit, placuit vix in fine dandam esse communionem, eo quod geminaverit scelus. (*Ex concil. Ilerdensi, cap. 2.*) De illis mulieribus quæ male conceptos ex adulterio fetus, vel editos necare studuerint, vel in ventre matrum potionibus aliquibus consumpserint, in utroque sexu adulteris post 7 annorum curricula communio tribuatur, ita tamen ut omni tempore vitæ suæ fletibus et humilitati insistant.

CAP. 103. — *De mulieribus quæ partus suos occulte interficiunt. Ex concilio Arelatensi, cap. 6.*

Mulieres quædam, ut audivimus, quæ ex fornicatione concipientes, metuentes ne scelus quod occulte perpetraverunt manifestum fieret, infantes quos pepererunt occiderunt, et terræ congerie operuerunt, ut in aquas projicerent [aut in aquas projecerunt]. Quod quantum nefas sit, canones Ancyranus (c. 20), Elibertani (c. 63), atque Ilerdensis (c. 2), concilii testes sunt. Illis itaque vix in fine dandam esse communionem decernunt; sed humanius tractantes, post decennem pœnitentiam tales placuit ad communionem recipi.

CAP. 104. — *De eadem re. Ex eodem concilio, cap. 10.*

Si qui infantem oppresserint, tres annos pœniteant, unum ex his in pane et aqua. Si clericus fuerit, 4 annos, unum ex his in pane et aqua.

CAP. 105. — *De his qui contra naturam peccant. Augustinus, Confessionum lib. III, cap. 8.*

(32, q. 7, c. Flagitia.) Flagitia quæ sunt contra naturam ubique ac semper repudianda atque punienda sunt, qualis Sodomitarum fuerunt. Quæ si omnes gentes facerent, eodem criminis reatu divina lege tenerentur, quæ non sic fecit homines ut se illo uterentur modo; violatur quippe ipsa societas quæ cum Deo nobis esse debet, cum eadem natura, cum ipse auctor est, libidinis perversitate polluitur.

CAP. 106. — *Quod gravius sit contra naturam peccare quam adulterare. Augustinus, Contra Julianum, lib. V.*

(32, q. 7, c. Usus naturalis.) Usus naturalis et li-

citus est in conjugio, sicut illicitus in adulterio. Contra naturam vero semper illicitus et procul dubio flagitiosior atque turpior, quem sanctus Apostolus et in feminis et in masculis arguebat (*Rom. 1*), damnabiliores volens intelligi, quam si in usu naturali vel adulterando vel fornicando peccarent.

CAP. 107. — *De pœnitentia eorum qui commistione animalis peccaverint. Canones Martini ad laicos (ex lib. capitul. synod. Græcar. Martin. Bracarens. episc. c. 81).*

Si quis ante 20 annos in cujuslibet animalis commistione peccaverit, 15 annis in humilitate subiaceat ad ecclesiæ januam, et post hos aliis quinque annis in orationis communionem receptus, pœnitentiam agat et sic sacramenti gratiam percipiat. Interrogentur autem alii de eo qualis vitam in pœnitentia egerit, et sic misericordiam communionis consequatur. Si quis autem post 20 annos habens uxorem huic peccato irruerit, 25 annos humilitati subiaceat, et quinque annis orationi tantum communicans, postea recipiat sacramentum. Quod si et hæc mensuram aliquis transgressus fuerit, sacramentum in exitu consequatur.

CAP. 108. — *Quare pecus humana commistione pollutum jussum sit interfici. Quæstionum Augustini super Leviticum cap. 74 (q. 74, sup. xx c. Levit.).*

Mulier quæ accesserit ad omne pecus, ascendi ab eo: interficietis mulierem, et pecus morte morietur, rei enim sunt. Queritur quomodo sit reum pecus, cum sit irrationabile nec ullo modo capax legis? *Item, ibid. post aliquot versus.* Pecora inde credendum est jussa interfici, quia tali flagitio contaminata, indignam refricant facti memoriam.

CAP. 109. — *De stupratoribus puerorum. Elibertanum conc., cap. 71.*

Stupratoribus puerorum, nec in fine dandam esse communionem censuimus.

CAP. 110. — *Quod naturalis usus venialis est in uxore propria, uti in aliena vel meretrice damnabilis. Augustinus, De bono conjugali (cap. 8).*

Pejus est alienum matrimonium violare, quam meretrici adhærere. *Item, ibidem.* Pejus est cum matre, quam cum aliena uxore concumbere. *Item, ibid., c. 8.* Quædam necessaria sunt propter sapientiam, sicut doctrina; quædam propter salutem, sicut cibum et potus et somnus; quædam propter amicitiam, sicut nuptiæ et concubitus. Hinc enim subsistit propagatio generis humani, in quo societas amicalis magnum bonum est. Illis itaque bonis quæ propter aliud necessaria sunt, qui non ad hoc utitur propter quod instituta sunt, peccat alias venialiter, alias damnabiliter. Quisquis vero iis propter hoc utitur propter quod data sunt, bene facit. *Item, ibid.*

11. Cum naturalis usus quando prolabitur ultra pacta nuptialia, id est ultra propagandi necessitatem, venialis sit in uxore, in meretrice damnabilis; iste quidem contra [qui est contra, etc., orig.] naturam execrabiliter fit in meretrice, sed execrabilius, ad utendum concessis etiam cum modus exceditur;

longe sit tolerabilius quam in eis quæ concessa non sunt, vel unus vel rarus excessus. Et ideo in re concessa immoderatio conjugis, ne in rem non concessam libido prorumpat, toleranda est. Hinc est etiam quod longe minus peccat quamlibet assiduus ad uxorem, quam vel rarissimus ad fornicationem. Cum vero vir membro mulieris non ad hoc concessio uti voluerit, turpior est uxor, si in se, quam si in alia fieri permisit.

CAP. 111. — *De pollutionibus quæ variè ex causa eveniunt. Beda in Historia Anglorum lib. 1 (Beda, c. 27, lib. 1 Hist. eccl.). Gregorius respondit Augustino (in calce registri, c. 11).*

(Dist. 6, c. Testamentum, part. 1.) Aliquando ex crapula, aliquando ex naturæ superfluitate vel infirmitate, aliquando ex cogitatione contingit pollutio. Et quidem cum ex naturæ superfluitate vel infirmitate evenerit, omnimodo illusio non est timenda, quia hanc animus nesciens pertulisse magis dolendus est quam fecisse. Cum vero ultra modum appetitus gulæ in sumendis alimentis rapitur, atque ideo humorum receptacula gravantur, habet exinde animus aliquem reatum, non tamen usque ad prohibitionem percipiendi sacri mysterii, vel missarum solemnia celebranda, cum fortasse aut festus dies exigit, aut exhibere ministerium (pro eo quod sacerdos alius in loco deest) ipsa necessitas compellit. Nam si adsunt alii, qui implere ministerium valeant, illusio per crapulam facta a perceptione sacri mysterii prohibere non debet, sed ab immolatione sacri mysterii abstinere (ut arbitror) humiliter debet. *Item, ibid. paulo post.* Si ex turpi cogitatione vigilantis oritur illusio in mente dormientis, patet animæ suus reatus. Videt enim a qua radice inquinatio illa processerit: quæ quod cogitavit sciens, hoc pertulit nesciens.

CAP. 112. — *De eodem. Isidorus. Sententiarum libro primo (Isidor. c. 6 l. III De summo bono).*

(Dist. 6, c. Non est peccatum, part. 1.) Non est peccatum quando nolentes imaginibus nocturnis illudimur, sed tunc est peccatum, si antequam illudamur, cogitationis affectibus prævenimur. Luxuriæ quippe imagines quas in veritate gessimus, sæpe dormientibus in animo apparent, sed innoxie, si non concupiscendo occurrunt. Qui nocturna illusionem pollutur, quamvis extra memoriam turpium cogitationum sese persentiat inquinatum, tamen hoc ut tentaretur culpæ suæ tribuat, suamque immunditiam statim fletibus tergat.

AP. 113. — *Item de eodem. Ex Vita S. Dioscori. S. Dioscorus dicebat.*

Si absque mulierum phantasia pollutio veniat, non esse peccatum. Ingenitus enim humor in corpore, ubi propria repleverit conceptacula, suis necesse est meatibus egeratur, et ideo non trahitur ad peccatum.

CAP. 114. — *Utrum minus peccatum sit permitendum ut gravius evitetur. Haymo, super Genesim.*

Quæri solet utrum hæc compensatio fieri debeat, ut videlicet minus peccatum fieri permitamus, ut

gravius delictum devitetur. Ecce enim Lot filias suas incestui tradere voluit, ne majus peccatum contra naturam in viros committeretur (*Gen. xix*). Sed hoc perturbato animo dare debemus. Nesciens enim quid ageret, vel quomodo hospites quos homines putabat, liberaret, hoc egisse credendus est.

CAP. 115. — *Quod minus est secundum naturam coire quam contra naturam delinquere. Ambrosius in lib. 1 De Abraham, cap. 6.*

(32, q. 7, c. Offerebat.) Offerebat sanctus Lot filiarum pudorem, nam et si illa quoque impurities flagitiosa erat, tamen minus erat secundum naturam coire, quam adversus naturam delinquere.

CAP. 116. — *Quod Lot de ebrietate potius quam de incestu culpandus sit. Augustinus, Contra Faustum (lib. xxii, c. 44).*

Inebriaverunt Lot filia ejus, et se nescienti misceverunt (*Gen. xix*). Quapropter culpandus est quidem, non tamen quantum ille incestus, sed quantum meretur illa ebrietas.

CAP. 117. — *Quod Lot prostituere volebat filias suas potius perturbatione quam dispensatione. Augustinus lib. Quæstionum super Genesim, cap. 42.*

Quod ait Sodomitæ Lot: *Sunt mihi duæ filia quæ nondum noverunt viros, producam illas ad vos, utimini illis, sicut placuerit vobis, tantum in viros. Ita ne faciatis iniquum (Gen. xix)*: quoniam prostituere volebat filias suas hac compensatione, ut vii hospites ejus nihil a Sodomitæ tale paterentur, utrum amittenda sit compensatio flagitiorum vel quorumcumque peccatorum, ut nos faciamus mali aliquid, ne alius gravius malum faciat, an potius perturbationi Lot, non consilio tribuendum sit, quia hoc dixerit merito quæritur; et nimirum periculosissimo admittitur hæc compensatio. Si autem perturbationi humanæ tribuitur, et menti tanto malo permote nullo modo imitanda est.

CAP. 118. — *De eodem. Ibidem, cap. 44.*

Intelligamus non pro auctoritate habendum quod dixit Lot de turpitudine filiarum.

CAP. 119. — *Ne quis menstruatæ mulieri misceatur. Clemens Julio et Juliano.*

Observet unusquisque ne menstruatæ mulieri misceatur; hoc enim execrabile dicit lex Dei (*Lev. xviii*).

CAP. 120. — *Quod conceptus menstruatæ mulieris multis modis corrumpitur. Augustinus super Genesim ad litteram, lib. x, cap. 7 (c. 17).*

Quod scriptum est: *Puer eram ingeniosus, et sum sortitus animam bonam (Sap. viii)*, videlicet ex paterno ingenio vel corporali temperamento; deinde cum essem magis bonus veni ad corpus coinquinatum (*ibid.*): coinquinatum videlicet, vel a cruore menstruo (dicuntur enim ex hoc ingenia gravari), vel a contaminatione adulterina.

CAP. 121. — *De eodem. Hieronymus super Ezechielem, lib. vi, in caput xviii (in medio).*

Per singulos menses gravia atque torpenta mulierum corpora immundi sanguinis effusione relevantur. Quo tempore si vir coierit cum muliere, di-

cuntui concepti fetus secum vitium seminis trahere, A ita ut leprosi et elephantiosi ex hac conceptione nascantur et feda in utroque sexu corpora, parvitate vel enormitate membrorum sanitas [sanies orig.] corrupta degeneret. Præcipitur ergo viris ut non solum in alienis mulieribus, sed in suis quoque quibus videntur lege conjungi, certa concubitus noriut tempora, quando coeundum, quando ab uxoribus sit abstinendum. *Item.* Caveat uxor ne desiderio victa coeundi celet virum, et maritus ne vim faciat uxori, putans omni tempore sibi subjectam esse debere conjugii voluntatem.

CAP. 122. — *Ne nimis aspera alicui injungatur pœnitentia.* Gregorius Domitiano metropolitano (l. II regist., c. 101, ep. 62).

Qui culpam plangunt luxuriæ, et voluptatem carnis in dolorem vertunt, a magistris sentire non debent asperitatem disciplinæ, ne ipse humani generis Redemptor minus ametur, si pro eo anima plus quam debet atteritur.

CAP. 123. — *Non esse culpam inordinatum motum membrorum sine consensu.* Augustinus, *De civitate Dei*, lib. I, cap. 23.

Si concupiscentialis inobedientia, quæ adhuc in membris moribundis habitat, præter nostræ voluntatis legem quasi sua lege movetur, si absque culpa est in corpore dormientis, quanto magis absque culpa est in corpore non consentientis?

CAP. 124. — *Ne mulier sine consensu viri veletur.* Capitularium lib. V, c. 18 (c. 16).

Mulier si sine comæatu [comiato, orig.] viri sui velum in caput miserit, si viro suo placeat, recipiat eam iterum ad conjugium.

CAP. 125. — *Quod incestuosi ab Ecclesia separandi sint.* Gregorius Felici episcopo Siciliae (lib. XII regist. epist. 31).

Omnes incestuosi a liminibus sanctæ Dei Ecclesiæ sunt separandi, usque dum per satisfactionem sacerdotum precibus eidem sanctæ Ecclesiæ canonicè reconcilientur. Sunt enim mali segregandi a bonis, et iniqui a justis, ut saltem rubore suo conscientias suas recognoscant, et convertantur a pravitatibus suis. At si incorrigibiles apparent, segregentur a fidelibus usque ad satisfactionem.

CAP. 126. — *Quod veritas culpæ diligenter investi-*

ganda est ante pœnam. Gregorius Joanni episcopo Panormitano (Regist., lib. XI, epist. 62).

Quia sunt culpæ in quibus culpa est relaxare vindictam, quærenda semper est veritas, ut inquiri valeat utrum accusatum noxa condemnet, an a pœna innocentia patefacta subducat. (Augustinus, *De verbis Domini*, tit. XI. in *Evang. Matth.*, serm. 16.) Sunt homines adulteri in domibus suis, in secreto peccant, aliquando nobis produntur ab uxoribus suis, plerumque zelantibus, aliquando maritorum salutem quærentibus; nos non prodimus palam, sed in secreto arguimus. Ubi contigit malum, ibi moriatur malum; non tamen vulnus illud negligimus.

CAP. 127. — *Ut vir nolente uxore non contineat.* Augustinus super psalmum CXLIX (88).

(33, q. 5, c. Si dicat.) Si dicat vir: Continere jam volo, nolo jam uxorem, non potest. Quid si tu vis et illa non vult? Nunquid per continentiam tuam debet illa fieri fornicaria? Si alii nupserit te vivo, adultera erit. Non vult tali lucro Deus tale damnum compensare. Redde debitum, et si non exigit, redde. Pro sanctificatione perfecta Deus tibi computabit, si non quod tibi debetur exigit, sed reddis quod debetur uxori.

CAP. 128. — *Quid sit abuti uxore.* Augustinus ad Valerium, *De nuptiis et concupiscentia* (lib. II, c. 20).

Ab ea parte corporis, quæ non ad generandum est instituta, si et conjuge quisque utatur, contra naturam est et flagitiosum.

CAP. 129. — *Quod nomine corporis pars corporis intelligatur.* Augustinus ad Claudium contra Julianum, lib. V, cap. 4.

Si pars corporis nomine corporis non posset nuncupari, non diceret Apostolus: *Mulier non habet potestatem sui corporis, sed vir; similiter et vir non habet potestatem sui corporis, sed mulier* (I Cor. VII). Ipsa utique membra appellat corporis nomine, quibus discernitur sexus peragiturque concubitus. Quis est enim qui dicat virum sui corporis potestatem non habere, si in his verbis Apostoli totum corpus intelligas, quod constat omnibus membris? Ac per hoc, secundum Apostolum, etiam solum genitale membrum nomine corporis nuncupatur.

(88) *Sub finem ad versiculum: Ut alligent reges eorum in compedibus.*

DECRETI PARS DECIMA.

De homicidiis spontaneis, et non spontaneis. De parricidiis, et fratricidiis. Et de occisione legitimarum uxorum, et seniorum, et clericorum. Et quod non omnis hominem occidens homicida sit; et de eorum pœnitentia.

CAP. 1. — *Quod omnes leges, tam ecclesiasticæ quam sæculares, effusionem humani sanguinis prohibeant.* Augustinus in epistola ad Publicolam (epist. 154).

(23, q. 5, c. De occidendis hominibus.) De occi-

dendis hominibus, ne ab eis quisque occidatur, non mihi placet consilium, nisi forte sit miles, aut publica functione teneatur, ut non pro se hoc faciat, sed pro aliis, vel pro civitate, ubi etiam ipse est, accepta legitima potestate, si ejus congruit personæ.

Qui vero repelluntur aliquo terrore ne male faciant, A etiam ipsis aliquid fortasse præstat. Hinc autem dictum est, non resistamus malo (*Math. v*), ne nos vindicta delectet, quæ alieno malo animum pascit, non ut correctionem hominum negligamus; unde nec reus est mortis alienæ, qui cum suæ possessionis muros circumdaxerit, aliquis ex ipsorum usu percussus intereat. Neque enim reus est Christianus, si bos ejus aliquem feriendo, vel equus calcem jaciendo aliquem occidat. Aut ideo non debent Christiani boves habere cornua, aut equus ungulas, aut dentes canes? Aut vero quoniam Paulus apostolus satis egit ut in tribuni notitiam perferretur insidias sibi a quibusdam perditis præparari, et ob hoc deductores accepit armatos, si in illa arma scelerati homines incidissent (*Act. xxi*), Paulus in effusione sanguinis eorum suum crimen agnosceret? Absit ut ea quæ propter bonum ac licitum facimus, aut habemus, si quid per hæc præter nostram voluntatem cuiquam mali acciderit, nobis imputetur! Alioquin nec ferramenta domestica et agrestia sunt habenda, ne quis eis vel se vel alterum interimat.

CAP. 2. — *De potestate judicis. Augustinus in evist. 158 ad Marcellinum.*

Soleo audire in potestate esse judicis mollire sententiam, et mitius vindicare quam leges.

CAP. 3. — *Item de eadem re, in eadem epistola.*

Paulo post. Scio in causa clericorum Anaunensium, qui occisi a gentilibus nunc martyres honorantur, imperatorem rogatum facile concessisse, ne illi qui eos occiderant et capti jam tenebantur, poena simili punirentur.

CAP. 4. — *Quod qui seipsum occidit, homicida est. Aug. De civit. Dei. lib. 1, cap. 17.*

(25, q. 5, c. Si non licet.) Si non licet privata potestate alicui hominem occidere vel nocentem, cujus occidendi licentiam lex nulla concedit, profecto etiam qui seipsum occidit, homicida est. Et tanto sit nocentior cum se occiderit, quanto innocentior in ea causa fuit, qua se occidendum putavit. Nam si Judæ factum merito detestamur, eumque veritas judicat, cum se laqueo suspendit, sceleratæ illius traditionis auxisse potius quam expiase commissum, quoniam de Dei misericordia desperando exitiabiliter penitens, nullum sibi salubris penitentiae locum reliquit, quanto magis a sua cæde [nece] se abstinere debet, qui tali supplicio quid in se puniat non habet? Judas enim cum se occidit, sceleratum hominem occidit et tamen non solum Christi, verum etiam suæ mortis reus finivit hanc vitam, quia, licet propter suum scelus, alio suo scelere occisus est. (*Ibid.*, c. 18.) Cur autem homo qui nihil mali fecit, sibi male faciat, et seipsum interficiendo hominem interficiat innocentem, ne alium patiatur nocentem, atque in se perpetret peccatum proprium, ne in eo perpetretur alienum? *Item* (*cap. 20*). In sanctis canonicisque libris nusquam nobis divinitus præceptum pernissumve reperiri potest, ut vel ipsius adipiscentie immortalitatis, vel ipsius cavendi carentive mali causa nobismetipsi necem inferamus. Nam et prohibitos

nos esse intelligendum est, ubi lex ait: *Non occides* (*Exod. xx*), præsertim quia non addidit proximum tuum, sicut falsum testimonium cum vetaret: *Falsum*, inquit, *testimonium non dices adversus proximum tuum* (*Math. xix*). Ne ideo tamen, si adversus seipsum quisquam falsum testimonium dixerit, ab hoc crimine se putaverit alienum, quoniam regulam diligendi proximum a semetipso accepit [dilector], quandoquidem scriptum est: *Diliges proximum tuum tanquam teipsum* (*Math. xxii*). Porro si falsi testimonii non minus reus est, qui de ipso falsum fatetur, quam si adversus proximum hoc faceret, cum in eo præcepto quo falsum testimonium prohibetur, adversus proximum prohibeatur, possitque non recte intelligentibus videri non esse prohibitum, ut adversus seipsum quisque falsus testis assistat, quanto magis intelligendum est non licere homini seipsum occidere, cum in eo quod scriptum est: *Non occides* (*Exod. xx*), nihil deinde addito, nec ipse [nullus] utique cui præcipitur, intelligatur exceptus? *Item*. Scriptum est: *Non occides* (*Exod. xx*), nec alterum, nec [ergo] te. Neque enim qui se occidit, aliud quam hominem occidit. (*Ibidem ad calcem, cap. 21*.) Quasdam vero exceptiones eadem ipsa divina fecit auctoritas. Sed his exceptis quos Deus occidi jubet, sive data lege, sive ad personam pro tempore expressa jussione. Non autem ipse occidit qui ministerium debet jubenti, sicut adminiculum gladius est utenti, et ideo nequaquam contra hoc præceptum fecerunt, quo dictum est: *Non occides*, qui Deo auctore bella gesserunt, aut personam gerentes publicæ potestatis secundum leges ejus, hoc est justissimæ rationis imperium, sceleratos morte punierunt. Et Abraham non solum non est culpatus crudelitatis crimine, verum etiam laudatus est nomine pietatis, quod voluit filium nequaquam scelerate, sed obedienter occidere (*Gen. xxi*). Et merito quæritur utrum pro jussu Dei sit habendum, quod Jepte filiam quæ patri occurrit occidit, cum se advocisset [id vovisset, or.] immolaturum Deo, quod ei releanti de prælio victori primitus occurrisset (*Judic. 11*). Nec Samson aliter excusatur, quod seipsum cum hostibus ruina domus oppressit (*Judic. xvi*), nisi quia spiritus latenter hoc jusserat, qui per illum miracula faciebat (*cap. 22*). His ergo exceptis, quos vel lex justa generaliter, vel ipse justitiæ fons Deus occidi jubet, quisquis hominem vel seipsum, vel quemlibet occiderit, homicidii crimine innectitur. *Item* (*cap. 26*). Hoc dicimus, hoc asserimus, hoc modis omnibus approbamus, neminem spontaneam mortem sibi inferre debere, velut fugiendo molestias temporales, ne incidat in perpetuas; neminem propter aliena peccata, ne hoc ipso incipiat habere gravissimum proprium; neminem propter sua peccata præterita, propter quæ magis hac vita opus est, ut possint penitendo sanari; neminem velut desiderio melioris vitæ quæ post mortem speratur, quia reos suæ mortis melior post mortem vita non suscipit.

CAP. 5. — *Ut missa et oblationibus careat, qui seipsum occidit. Capitulum lib. vii, cap. 70.*

De eo qui semetipsum occidit, aut laqueo se suspendit, consideratum est ut, si quis compatiens velit eleemosynam dare, tribuat, et orationes in psalmodiis faciat, oblationibus tamen et missis careat.

CAP. 6. — *De eodem. Antissiodorensis concilium, cap. 17.*

Quicumque se propria voluntate aut in aquam jactaverit, aut collum ligaverit, aut de arbore precipitaverit, aut furiose percusserit, aut qualibet occasione sponte sua se morti tradiderit, istorum oblata non recipiantur.

CAP. 7. — *Quod Ecclesia nullum occidit. Ex Dialogis Augustini contra Petilianum (lib. contra litteras Petil., c. 49).*

Tu dixisti: Laqueo traditor periit, laqueum talibus dereliquit. Hoc ad nos omnino non pertinet, neque enim veneramur nomine martyrum eos qui sibi collum ligaverunt.

CAP. 8. — *Quod presbyteri interfecti episcopo solvi debeant. Capitularium lib. v, cap. 90 (l. iv, c. 15).*

Presbyteri interfecti episcopo ad cujus parocciam pertinent, solvantur.

CAP. 9. — *De compositione subdiaconi, diaconi, presbyteri, episcopi, vel monachi. Item cap. 26 (l. iii c. 25).*

(17, q. 4, c. Subdiaconum.) Qui subdiaconum occiderit, trecentos solidos componat; qui diaconum, quadringentos; qui presbyterum, 600; qui episcopum, 900; qui monachum, 400.

CAP. 10. — *De penitentia ejus qui clericum aut monachum occiderit. Lib. vi, cap. 90.*

(17, q. 4, c. Qui occiderit.) Qui occiderit monachum aut clericum, arma relinquat, et Deo in monasterio serviat cunctis diebus vitae suae, nunquam ad saeculum reversurus, et septem annos publicam penitentiam gerat.

CAP. 11. — *Quod ad hoc iudex gladium portat, ut sceleratos damnet. Haymo, super epistolam ad Rom. in cap. xiii.*

(23, q. 5, c. Sunt quaedam.) Sunt quaedam enormia flagitia, quae potius per mundi iudices quam per antistites et rectores Ecclesiarum judicantur. Sicut est, cum quis interficiat pontificem apostolicum, episcopum, presbyterum, sive diaconum: hujusmodi reos reges et principes mundi damnant. Ergo non sine causa portat gladium (Rom. xiii), qui talia scelera dijudicat [judicat, orig.]. Sunt etiam maxime constituti propter homicidas, raptores, ut illos damnent, et alios suo timore compescere faciant.

CAP. 12. — *De quodam qui de caede episcopi sui convictus est fuisse conscius. Gelasius Philippo et Cassiodoro.*

Coelestini causa talis est, quam vos quoque non arbitror ignorare. Siquidem hic conscius convictus in caede parentis et episcopi, quemadmodum gestorum tenore monstratur, cunctorum iudicio nullatenus aestimatus est officio dignus altaris, eique pro tam detestando facinore unius anni interdicta communitio est, quatenus penituntine competenti tanti

A facinoris curaret abruptum. Quod etiam si a nobis minime juberetur, ipse magis cogitans divini corporis sacramentum, debuit ad hoc mente purgationi remeare. Quod tempus tamen aut expletum, aut prope jam putamus exactum, post quod ei communionis facultatem patere non dubium est, ut et sententia synodalis possit abrumpi, et, ut illi magis prosit, valeat majore satisfactione mundari.

CAP. 13. — *De simili causa. Gelasius Joanni episcopo.*

Nos ausus impii commovere Aselli, qui archidiaconatus fungebatur officio. Nam cum, tam duro casu lethaliter sauciato pontifice, praeter ecclesiam custodire debuerit, ac ne quid de episcopali domo subduceretur, et eum ipsum in tumultu praesenti permisit occidi, cum et ad fatendum servari

B debuisset, utrum haec sua voluntate peregerit, an

cujusquam precipitatus impulsu, et prius ab eo, quia idem creditarius praesulis fuisse dicitur interempti, ecclesiastica requiri substantia. Quis autem non evidenter intelligat propter hoc praecipue dictum citius fuisse sublatum, quatenus nec complices prodere, et ignorata facultas ecclesiae facilius directionibus subjaceret? Nam et libellaris incisus episcopi perhibetur inventus, et vir bonus Asellus ac suo gradu dignus (quod nunquam ante tentatum est) prius in se decretum, adactis Ecclesiae ministris, compulsi

celebrari, quam de excessu secundum tramitem vetustatis, ad solis apostolicae notitiam relatio mitteretur. Quam sit autem intolerabile malum, quis

C Christianus addubitet? ut cum soleat etiam communi sorte defuncto pontifice transitus ejus ante omnia nuntiari, competens deputari visitatio, atque

ita de subrogando sacerdote tractari, hic unus existerit, qui interfecto religionis antistite, de suorox honore cogitaverit, quam studuerit deferre quod gestum est. Ubi tametsi latet extrinsecus quid agatur, tamen affectatae potestatis abruptum, conscientiam suspitione non exiit, defuncti locum taliter ambientis. Interim ne quis hoc unquam audeat usurpare quod ante istum nullus est ausus, ab officio

quod gerebat nostra sit auctoritate submotus, donec quid in perpetuum de tali ordinari censeamus plenus retractetur. Si qua sane juris ecclesiastici sustulisse convincitur, modis omnibus reformare cogatur.

D CAP. 14. — *De penitentia presbyteri qui presbyterum occidit. Alexander secundus Amalgerio Civitanensis episcopo.*

Fratri huic quem perpetrati homicidii reatu ad iudicium canonicae penitentiae suscipiendum, ad apostolicam sedem misisti, noveris nos hujus ordinis penitentiam misericordiae respectu injunxisse. Nam quia presbyter presbyterum occidit, quadruplitem, 28 videlicet annis, eum penitere oportet; quatuordecim annos sibi misericorditer indulimus, irrecuperabiliter dejicientes eum a presbyteratu, et omni administratione altaris. Quos quidem quatuordecim annos hoc ordine observabit: tribus prioribus annis extra ecclesiam, nisi ad extremae mortis absque

communione, et mensae participatione et pace sit. Sed

a coena Domini solummodo reconcilietur, usque ad octavas Pentecostes. Hac presenti quadragesima quotidie jejunct in pane et aqua diebus tribus hebdomadae, usque in Pascha. Ab octavis Pentecostes usque in festum S. Michaelis duobus; deinde, tres. Post tres annos reddita sibi communione Ecclesiae et mensae, inter idiotas sit usque ad expletos septem annos, eodem modo totum poenitentiae tempus servans. Et quia convenit eum esse sub regimine abbatis, mandamus tibi ut mittas eum in aliquo monasterio, ut ibi condigne poenitens salvetur, et si tibi vel abbati videtur sibi remittere, si hunc condigne observasse poenitentiam videris, post tres annos liceat.

CAP. 15. — *De purgatione presbyteri qui sine accusatoribus de morte episcopi sui fuerat infamatus. Alexander secundus Rainaldo Cumano episcopo.*

Super causas Guillandi presbyteri tui, de morte episcopi sui praedecessoris tui infamati, in medium consulimus. Itaque circum omnium astantium fratrum unanimi assensu tuae dilectioni rescribimus praefatum Guilandum presbyterum ante te praesentandum; ubi si certi accusatores defuerint, tunc dictante justitia, sine omni controversia, presbyter quaecumque ob hoc injuste amisit ac sacerdotium accipiat, et integra beneficia, purgationem tamen antea, duobus sibi sacerdotibus junctis, ubi accusator cessaverit, eundem ex se praebere tuo commitimus arbitrio. Vulgarem denique ac nulla canonica sanctione fultam legem, ferventis scilicet sive frigidae aquae, ignitque ferri contactum, aut cujuslibet popularis inventionis, quia fabricante haec sunt omnino ficta invidia, nec ipsum exhibere, nec aliquo modo te volumus postulare, imo apostolica auctoritate prohibemus firmissime.

CAP. 16. — *De poenitentia ejus qui presbyterum in se armis irruentem interfecerit. Alexander secundus, clero Vulturumensi.*

Poenitens praesentium portitor ad nos veniens, retulit se instinctu diaboli quemdam presbyterum armatum super se irruentem, ictumque ferentem occidisse. Unde quia in canonibus habetur pro interfectione armati presbyteri simplicem poenitentiam esse dandam, injunximus poenitentiam decem annorum, ita ut hinc usque ad Pascha jejunct tribus diebus per septimanam in pane et aqua, et non utatur calciamentis neque lino. Ab octava Pentecostes usque ad festivitatem sancti Martini jejunct duobus diebus per septimanam, et a festivitate sancti Martini usque ad Natalem Domini, aut faciat carcerem jejunans quotidie in pane et aqua, aut eat exsul et jejunct tribus diebus in pane et aqua. Ab octava Epiphaniae usque ad quadragesimam jejunct duobus diebus. A quadragesima usque in Pascha jejunct tribus diebus in pane et aqua: et haec faciat usque ad annos quinque. Ab ingressu autem ecclesiae et communione septem annos abstineat.

CAP. 17. — *Excommunicatio Joannis octavi in eos qui de morte Romani clerici suspecti erunt. Qui de homicidio Romani religiosi clerici suspecti,*

A a nobisque canonicae suae excommunicationis intentione, mediante Junio praesentis octavae indictionis, vocati venire contempserunt, et ob hoc per nostras litteras secundo et tertio advocati, extremum vero per Joannem, Leonem, episcopos omnimoda communione privati, quia apostolatus iudicium hactenus subterfugisse, neque venisse neque misisse probantur, auctoritate sancti Spiritus anathematizatos esse decernimus, quousque futuris kalendis Octobribus, futurae novae indictionis, purificari canonice mereantur. Si autem neque tunc plenissimam nobis satisfactionem ostenderint, perpetuo anathemate teneantur innexi, ita ut quicumque amodo eis in cibo, potu, vel oratione communicaverint, paricum eis anathematis sententia colligentur.

R CAP. 18. — *De his qui duos episcopos suos occiderunt, ut amplius episcopo careant. Gelasius Majorico et Joanni episcopis.*

Ita nos quidem latinorum caedes geminata pontificum horrendi sceleris atrocitate confudit ut diu constitutio nostrae deliberationis haesitaret, dum et ingerere quemquam parricidalibus exemplis dubitarem antistitem. Quapropter jam velut usum consuetudinemque sacrilegam declinantes, eatenus religioni duximus consulendum, ut parociae vices ab extrinsecus positis sacerdotibus gubernentur, quia [qui, Vict.] ibidem commanentes ferro didicerunt necare pastores, inauditoque facinore (quod etiam nullis provinciis usquam prorsus acciderit, quae bellorum continuis diversisque incursionibus affliguntur) haec reperta sit civitas, quae praesules ministrando sibi fidem Christianam, sine persecutore praesternat. Curandum est igitur ut illic funesta pernicies cessatione priorum sanetur antistitem, atque ita saltem furoris tanti materies subtrahatur, eoque modo vel illa dum in quos saeviat non habebit, ab hujusmodi temeritate desistat, vel aliis imitantibus dira contagia non praebet. Egeat ergo episcopabilibus subsidiis sibi met aliunde dependens, quae sacram in suo gremio collocatam fuso crudeliter macularat sanguine dignitatem. Quia in utroque hac est ultione plectenda, sive scilicet instinctu domestico, seu furis incitata, nefas hoc committit exterius.

CAP. 19. — *Ut si episcopus occisus fuerit alter non subrogetur, nisi reis detectis et poenitis. Nicolaus Joanni archiepiscopo Ravennae.*

De Oleoberti episcopi Gravelensis crudelissima nece multum apostolatus noster condoluit, et magno moerore affectus est; sed rursus non minus prudentiam tuam miramur utrum verum sit quod illic vestrum factura episcopum sine nostra licentia transmiserit, cum licitum non sit, sicut dicitis, misum. Certe etsi aliud non impediret, saltem vos tantum scelus paululum retardare debuerat, ne cito in tali et de tali populo episcopum constitueretis, ubi oves morbidae Judaeorum in Dominum Salvatorem imitans flagitium, proprium ausi sunt truncare pastorem. Sustinete igitur paulisper, et causam quam nescitis, secundum beatum Job, diligentissime investigate (*Job xxix*), ne forte (nisi digna examinati

p. reverent) manus super caput sanguine plenum A
posuisse (quod absit!) inveniamini. Cum autem, de-
tectis reis atque punitis, qui dignus sit apparuerit, et
cieri plebisque, et ducis nostri nostram habentis
auctoritatem, qui utique unus e plebe eadem esse
dignoscitur, concordia effecta fuerit, celebretur
electio, sicque demum, sicut in synodo deliberatum
est atque constitutum, nobis hoc innotescite: et cum
de electo nostro apostolatui nuntiatum fuerit, ad-
juvante Domino, sanctione præmissa episcopus a
vestra beatitudine consecratur.

CAP. 20. — *De flagellatoribus et occisoribus episcopo-
rum. Nicolaus Tadoni archiepiscopo Mediolano.*

De presbyterorum flagellatoribus et occisoribus,
prelacionibus scilicet, qui sæculari brachio minime co-
ercentur, juxta præceptum Domini (*Matt. xviii*), placet B
fraterno amore conveniantur secundo ac tertio: qui-
que si te non audierint, conveniente Ecclesia eos eu-
charistia privare, atque si in sua obstinatione parvi-
pendentes sacerdotalia monita forte permanserint,
ab Ecclesiæ compage sub anathematis interdictione
ressecare licentiam tribuimus. Quos etiam resipiscen-
tes, tandem digna satisfactione præmissa, in gre-
mio sanctæ matris Ecclesiæ revocari noveris posse.

CAP. 21. — *De abbate qui serrum fuste uno ictu per-
cussit, et post sex menses mortuus est. Alexander
secundus Aumoldo Constantiensi episcopo.*

Intelleximus in litteris tuis quod earum lator sacer-
dos videlicet et abbas ira acerrime stimulatus
servientem uno fustis ictu in dorso percussit, et
sic percussus (ut per conjecturam admittitur) sex C
tamen mensibus transactis obierit. Unde hunc quasi
homicidii culpa notatum, et sui gradus horrens
incurrisse periculum, et dignitatis perpendimus
pertulisse naufragium. In qua re (salvo tui ordinis
privilegio) quo tammo lo repentina severitas et sta-
tuisse videtur præjudicium, et præcipue discretionis
excessisse modum, quæ nimirum clementiori nobis
videtur moderamine temperanda. De qua videlicet
habenda discretione si tua fraternitas hæsit, Gre-
gorianæ auctoritatis testimonium legat. *Item*. Fra-
ternitati tuæ mandamus ut fratrem istum abbatiæ
restituat, et si jam annus pœnitentiæ transactus
habetur, sacerdotali sibi officio restitutus, eum sacris
altaribus ministrare permittat.

CAP. 22. — *De pœnitentia ejus quæ ancillam flagel-
laus occiderit. Ex concilio Eliberitano, cap. 5.*

(*Dist. 50, c. Si qua femina.*) Si qua domina furore
zeli accensa, flagellis verberaverit ancillam suam ut
infra tertium diem cum cruciatu animam effundat,
eo quod incertum sit voluntate an casu occiderit;
si voluntate, per septem annos; si casu, per quin-
que annorum tempora acta legitima pœnitentia, ad
communione placuit admitti. Quod si infra tertium
diem fuerit infirmata, accipiat communionem.

CAP. 23. — *De eo qui mulierem fustibus cædi præ-
ceperat. Gregorius Andreæ episcopo Tarentino
(lib. II, indict. 44, ep. 44).*

Quoniam mulierem de matriculis contra ordinem
sacerdotii cædi crudeliter fustibus depulisti, quam

licet post octo menses exinde minime arbitremur
fuisse defunctam, tamen quia ordinis tui habere nu-
luisti respectam: propterea duobus te mensibus ab
administratione missarum statuimus abstinere. *Item*
(*idem Joanni episc. Calliopolitano, ep. 45*). Matricu-
lani vero quam fecit fustibus castigari, quamvis ex-
inde post octo menses obiisse non credimus, tamen
quia eam contra propositi sui ordinem hujusmodi
fecit affligi, duobus hunc mensibus a missarum so-
lemnitate suspende.

CAP. 24. — *De pena presbyteri qui diaconum percus-
serit. Nicolaus Hosbaldo episcopo Quadrantino.*

Studeat sanctitas tua persuadere episcopo tuo sibi
canonicum sociare numerum collegarum, id est,
ex vicinis provinciis fratres et coepiscopos tuos,
B quibus tecum junctis et decernentibus diligenter in-
vestigate, et omni annis scrutari procurate, quate-
nus invenire valeatis utrum percussione jam nomi-
nati presbyteri, an cervicis fractione idem diaconus
(ut fertur) extinctus est. Et si quidem a sæpato
presbytero non ad mortem percussus est, sed ex
equo cadens cervice fracta interiit, secundum arbi-
trium vestrum pro percussione incaute agenti pre-
sbytero pœnitentiam competentem indicite, et ali-
quanto tempore a missarum solemnibus suspenda-
tur, denuo ad sacerdotale post hæc rediturus offi-
cium. Quod si veraciter qualicumque percussione is-
tius presbyteri ille mortuus est diaconus, nulla hunc
ratione ministrare sacerdotis more decernimus, quo-
niam etsi voluntatem occidendi non habuit, furor
tamen et indignatio ex quibus motio illa mortifera
proliit, in omnibus, sed præcipue in Dei ministris
multipliciter inhihentur, atque ubique damnantur.
Verum si presbyter adeo vestro studio noxius forte
claruerit, præcipimus ut tale beneficium sibi Eccle-
siæ suæ concedatur, quo et ipse et sui sufficienter
possint habere suæ sustentationis solatium.

CAP. 25. — *De septennali vel quinquennali pœnitentia
homicidarum. Ex Ancyrano concil. cap. 22, et conc.
Tribur. cap. 52*

De homicidiis non sponte commissis, prior qui-
dem definitio post septennem pœnitentiam perfectionem
consequi præcepit, secunda vero quinquennii
tempus explere.

CAP. 26. — *De examinanda causa cujusdam presby-
teri. Joannes VIII, Sigigodo Narbonensi episcopo.*

Præsentium litterarum gerulus sedi apostolicæ
præsentatus se presbyterum esse querela et lamen-
tabili voce perhibuit, et a sanctitati tuæ subjectæ
dioceseos episcopis ab officio presbyteratus suspen-
sum, et aliis quibusdam epitimis usque ad speciale
judicium nostrum submissum, pro eo quod, inquit,
facto tumultu quidam se apprehensum et a terra
brachiis sublevatum in proprium fratrem forti jacta-
verit impetu, ut idem germanus suus tanti operis
mole impulsus in terram ruerit, et prostratus atque
oppressus vitæ statum violenter amiserit. Denique
illi reverendi antistites cum sibi, ut iste retulit, res
in dubium veniret, utrum commissio sibi dudum car-
cere, necne penitus debuisset officio, non ipsi hæc

deliberare, sed nostro decerni et diffiniri iudicio voluerunt. Sed tunc hoc solemniter agerent, si primum ipsi plenario, et ex canonibus in causa presbyteri delegato iudicio quatuor deputatis, ex venerandis decretis et legibus personis presentibus, hanc ventilassent, et subtili examine discussissent, ut ita facta scripto relatione, si quid dubium sibi seu difficile ingressisse videretur, nostrum super hoc more prisco decretum exposcerent. At ubi nobis et persona relatoris incognita, et nullo episcoporum scripto commendatio approbata est, et rursus ubi nulla est accusatoris objectio, nec accusati reatus confessio, nec fidelium comprobatio testium, nos nec illius solius narrationi creduli esse possumus, nec rursus in eum diffinitivam damnationis sententiam proferre valemus. Ergo saltem nunc fraternitas tua metropolitani jure potita ex episcopis sub se degentium, vel vicinorum sex, una cum episcopo cujus est iste parœciæ sibi socians, tantum negotium subtili ventilet discussionis ventilabro, et invento quod justum est canonicè decernat, et communi fratrum censura diffiniat.

CAP. 27. — *Quod homicidæ sint qui filios dormientes oppresserint. Stephanus Ludberto episcopo Mogontino.*

(2, q. 5, *Consultasti.*) Consultasti etiam de infantibus, qui in uno lecto cum parentibus dormientes mortui reperiuntur, utrum ferro candente, an aqua fervente, seu alio quolibet examine parentes se purificare debeant eos non oppressisse. Mouendi namque sunt et protestandi parentes, ne tam tenellos secum in uno collocet lecto, ne negligentia qualibet proveniente suffocentur vel opprimantur, unde ipsi homicidii rei inveniantur. Nam ferri candentis vel aquæ ferventis examinatione confessionem extorqueri a quolibet, sacri non censent canones, et quod sanctorum Patrum documento sancitum non est, superstitionosa adinventio non est præsumendum. Spontanea enim confessione, vel testium approbatione publicata delicta, habito præ oculis Dei timore, commissa sunt regimini iudicare; occulta vero et incognita illius sunt iudicio relinquenda, qui solus novit corda filiorum hominum. Hi autem qui probantur vel confitentur talis reatus se noxios, tua eos castiget moderatio, quia si conceptum in utero qui per abortum deleverit, homicida est, quanto magis qui unius saltem dici puerulum peremerit homicidam se esse excusare nequit?

CAP. 28. — *De pœnitentia eorum qui non sponte homicidium commiserint. Nicolaus Carolo episcopo, et ejus suffraganeis.*

De his qui non sponte homicidium commiserunt, in 22 cap. Aneyrani concilii, qualiter agere pœnitentiam debeant, diffinitum habetis. *Item.* Homicidas post unius anni spatium liceat ecclesiam intrare.

CAP. 29. — *Ut presbyter homicida sacerdotali officio careat. Nicolaus Tadoni arch. Mediol.*

Propterea de presbyteris qui non sponte homicidium perpetraverunt, et tamen homicidii noxam qua

A revera homicidæ sunt incurrunt, scimus, ut subducti a sacerdotali ministerio pœnitentia juxta sacros ordines macerentur, et post emensis temporibus pœnitentiæ indictæ dignam satisfactionem præbentes, communionis gratiam consequantur. Intemeratis duntaxat in omnibus sacrosanctis canonibus ac apostolicæ sedis pontificum decretis, quibus conversis et pœnitentibus misericordiam largiri posse et ecclesiæ aditum non denegamus, imo hortamur salubriter atque jubemus.

CAP. 50. — *De misericordia impendenda his qui homicidio supervenientes nec voluntate, nec actione perpetraverint. Alexander II Wilfredo Constantiæ episcopo.*

Dicebant se latores presentium homicidio illi, pro quo pœnitentia illis injuncta est, penitus non interfuisse, sed præliantibus solummodo casu supervenisse. Quod si ita est, quandoquidem nec in causa homicidii, nec in culpa fuerint, misericordia super eos moti exsilium eis apostolica auctoritate remisimus.

CAP. 31. — *De pœnitentia eorum qui homicidium in treva Dei fecerint. Alexander secundus Adelardo Suesionensi episcopo.*

Quod in 30 annorum longitudinem homicidii in treva Dei facti pœnitentiam extendistis, constitutioni huic auctoritatem non damus, quia in sacris hoc canonibus non invenimus. Tamen quoniam a prudentibus et religiosis viris treva Dei pro conservanda in populo pace est constituta, omnino non reprobamus.

CAP. 32. — *Quod mulio culpabilis sit, si mulæ quas ex imperitia, vel infirmitate retinere non poterat, hominem obtriverint. Paudectarum libro ix, titulo II (ad legem Aquiliam, l. VIII).*

Mulio si per imperitiam impetum mularum retinere non poterit, si alienum hominem obtriverint, vulgo dicitur culpæ nomine teneri. Idem dicitur, et si propter infirmitatem retinere mularum impetum non potuerit. Nec videtur iniquum si infirmitas culpæ adnumeretur, cum affectare quisque non debet infirmitatem suam aliis periculosam futuram. Idem juris est, in persona ejus qui impetum equi quo vehabatur, propter imperitiam suam vel infirmitatem retinere non poterit. *Item (lib. x).* Lusus quoque noxius in culpa est.

D CAP. 33. — *De pœnitentia ejus qui tres filios occiderat. Nicolaus papa Rivoladro episcopo (epist. 17).*

Istum Wimarum ad apostolorum limina festinasse cognoscite, et pœnitentiæ modum pro perpetrato trium filiorum suorum homicidio sibi impositum manifestasse. Quorum quædam temperavimus, eo quod suffragia apostolorum principis nutritoris nostri postulare devote festinavit. Nam eum ad beati Archangeli oraculum ire volentem instantia temporis revocavit, atque constitutionis sibi impostæ modum continentem epistolam vestræ sanctitati deferendam, apostolica sollicitudo transmisit. In ea igitur statutum est ut triennio ante fores ecclesiæ pro peccatis suis oraturus assistat. Et deinde inter auditores permaneat quadricenio, ut septem annorum

curricula absque communione Dominici corporis ac sanguinis transeat, ita quidem ut diebus omnibus vitæ suæ carnem non manducet, et isto septennio vinum non sumat, nisi diebus Dominicis et festi-
tibus. Abinde quinquennio tribus diebus per septimanam a vino abstineat, ut duodecim annis quantitas pœnitentiæ extendatur. Liceat itaque illi uxorem propriam non deserere, ne forte incidat in adulterium, et pro occasione unius delicti præcipietur fragilitate carnis in pejus. Concessimus etenim ei calcæatum ad vos pervenire, ac deinde triennio discalcæatum ire debere, et vestimentis secundum quantitatem [qualitatem, orig.] temporis et acris temperiem indui, atque lacte perfrui. Cæterum vero ita actus ipsius discernentis, per omnia considerate atque disponite, quatenus et evangelica misericordia in illo agnoscat, et canonica auctoritas conserve-
tur. Atamen permittimus eum caseum sumere, atque possessionem suam habere, et post septimum annum usque ad diem mortis perseveret in jam dicta pœnitentia, atque arma nisi contra paganos non ferat.

CAP. 34. — *Quod non sit licitum sacerdotibus pugnare. Epistola Zachariæ papæ in capite Capitularium, omnibus episcopis in regno Francorum constitutis (lib. v, c. 4, et Zacharias, ep. 3).*

Habulistis peccatis facientibus nunc quoque falsos erroneosque sacerdotes. Unde et cunctæ paganæ gentes vobis pugnantibus prævalebant, quia non erat differentia inter laicos et sacerdotes, quibus pugnare licitum non est. Qualis enim victoria datur, ubi sacerdotes una Dominica pertractant mysteria, Christianis Dominicum porrigunt corpus pro suarum animarum redemptione, et post Christianos quibus hoc ministrare, ac paganos quibus Christum prædicare debuerant, propriis sacrilegis manibus necant?

CAP. 35. — *Ut presbyter homicida non ministret. Zacharias Bonifacio.*

Scripsimus vobis ut nullus homicida, nullus adulter, nullus fornicator sacrum ministerium debeat at-
tractare, neque pœnitens, ita ut talis sit qualem sacri canones perhibent esse sacerdotem. De baptizatis vero ab illo, seu ecclesiis consecratis, requirit tua fraternitas, si aut ecclesias in nomine Trinitatis consecravit, aut parvulos similiter baptizavit, dum sacerdotio fungebatur, et sic consecratio ecclesiarum, et parvulorum baptisma sit confirmatum.

CAP. 36. — *Ne homicida vel adulter episcopum accuset. Ex epistola prima Clementis ad Jacobum.*

(6, q. 4, c. B. Petrus.) Homicidas et adulteros, ac cunctos criminalibus nexibus alligatos, et qui episcopis coequales non erant, ab eorum vexatione et accusatione docente Domino prohibebat, et non nisi cum coequalibus aliquid sibi inferri debere docebat, quia discipulum super magistrum esse (Matth. x), aut ullam ei injuriam inferre nullatenus oportet.

CAP. 37. — *Quod homicidæ venefici, et aliis criminibus notabiles ad accusationem non admittantur. Ex*

epistola ab Adriano papa tradita Ingeranno Mediomatrice urbis episcopo, cap. 67 (c. 63).

Homicidæ, malefici, fures, sacrilegi, raptores, venefici, adulteri, et qui raptum fecerint, vel falsum testimonium dixerint, seu qui ad sortilegos magosque concurrerint, nullatenus ad accusationem vel ad testimonium erunt admittendi.

CAP. 38. — *Homicidas et falsos testes a communione submovendos. Ex conc. Agathensi, c. 37.*

(24, q. 3, c. Itaque.) Censuimus homicidas et falsos testes a communione ecclesiastica submovendos, nisi pœnitentiæ satisfactione crimina admissa diluerint.

CAP. 39. — *De pœnitentia ejus qui voluntarie homicidium fecerit. Ex concilio Martini episcopi, c. 10 (Martinus Bracar. c. 78).*

(Dist. 50, c. Si quis.) Si quis voluntarie homicidium fecerit, ad januam ecclesiæ catholicæ semper subjaceat, et communionem in exitu vitæ suæ recipiat. Si autem non ex voluntate, sed ex casu aliquo homicidium fecerit, prior canon septem annis agere pœnitentiam jussit, quinque secundus mandavit.

CAP. 40. — *Quid de tauro [agendum sit si hominem occiderit. Augustinus, Questionum in Exod. quæst. 81, in cap. xxi.]*

Si autem cornu percusserit taurus virum aut mulierem, et mortuus fuerit, lapidibus lapidabitur taurus, et non manducabuntur carnes ejus; dominus autem tauri [tauri non est in orig.] innocens erit. Ad justitiam pertinet ut animal hominibus noxium perimatur. Et quod de tauro positum est, a parte totum intelligendum est, quidquid de pecoribus usui humano subditum infestum est hominibus.

CAP. 41. — *Ut homo non occidatur, nisi jubente lege. Capitularium lib. 1, cap. 64 (cap. 67).*

Non occidatur homo, nisi lege jubente.

CAP. 42. — *De pœna ejus qui post pacificationem alterum occiderit. Cap. lib. III, cap. 4.*

Si aliquis post pacificationem alterum occiderit, componat illum, et perdat manum qua perjuravit, et insuper bannum dominicum solvat.

CAP. 43. — *Ut nullus nisi pro justitia hominem pœniat. Capitul. lib. v, cap. 197.*

Qui per odium vel malum ingenium, et nisi propter justitiam faciendam hominem punierit, honorem suum perdat, et legibus contra quem injuste fecit, secundum pœnam quam intulerit emendet.

CAP. 44. — *De pœna ejus qui pœnitentem occiderit. Cap. lib. IV, cap. 18.*

Qui hominem publicam pœnitentiam agentem interfecerit, bannum nostrum in triplo componat, et uirgildum [uverghildum] ejus, proximis ejus persolvat.

CAP. 45. — *Ut sacerdos nec Christiani nec pagani sanguinem fundat. Capitularium lib. VII, cap. 124 (cap. 92).*

Sacerdotes neque Christianorum neque Paganorum sanguinem fundant.

CAP. 46. — *Quod voluntas occidendi pro homicidio reputetur, cap. 212 (cap. 151).*

Qui hominem voluntarie occidere voluerit, et perpetrare non potuerit, ut homicida puniatur.

CAP. 47. — *De induciis homini dandis a iudicibus, antequam occidatur. Cassiodorus Tripartitæ Historiæ lib. ix, cap. 30.*

(*Theod. eccl. Hist., l. v, c. 17, sed paulo aliter.*)

Cladem plenam valde gemitibus audiens Ambrosius, cum princeps Theodosius Mediolanum venisset, et solemniter in sacrum voluisset intrare templum, occurrit foris ad januas, et ingredientem his sermonibus a sacri liminis ingressu prohibuit: « Nescis, imperator, perpetrata necis [cædis, orig.] a te quanta sit magnitudo, neque post pausam tanti furoris mens tua molem præsumptionis agnoscit. Sed forte recognitionem peccati prohibet potestas imperii; decet tamen ut vincat [ducat, Vict.] ratio potestatem. » *Item. Ibidem post aliquam multa.* Ambrosius imperator: « Quoniam, inquit, furori tuum iudicium commisisti, et non ratio protulit sententiam, sed potius iracundia, scribe legem quæ decreta furoris evacuet, et in hac triginta diebus [Tripart. hist. hodie sic legit, ut triginta diebus, etc.] sententia necis atque proscriptionis in litteris tantummodo maneat, et iudicium rationis exspectet. Quibus transactis diebus ira videlicet jam cessante, ratio causam iudicans, apud semetipsam quæ cognoverit sub veritate disponat. In his enim diebus agnoscetur, an justa sit quam protuleris, an injusta sententia. Et si quidem ratio probaverit injusta, quæ sunt prolata dirumpet; si vero iustia, firmabit. Dierum vero numerus ad hæc examinanda sufficiet. » Hanc admonitionem imperator animo libenti suscipiens, et optimam esse confidens, legem conscribi repente præcepit, et propriæ manus litteris confirmavit. Quo facto, vinculum ejus absolvit Ambrosius. Quæ lex hæcenus observatur. Est enim hujusmodi: « Imperator Gratianus, Valentinianus et Theodosius Augusti, Flaviano præfecto prætorii Illyrici. Si vindicari in aliquos severius contra nostram consuetudinem pro causæ intuitu iusserimus, nolumus statim eos aut subire pœnam, aut excipere sententiam, sed per dies triginta super statu eorum sors et fortuna suspensa sit. »

CAP. 48. — *Quod Theodosium imperatorem beatus Ambrosius propter indiscretum homicidium ab ingressu ecclesiæ prohibuit. Ex Vita B. Ambrosii (auctore Paulino).*

Maximum imperatorem a communionis consortio segregavit Ambrosius, admonens ut effusi sanguinis domini sui, et (quod est gravius) innocentis, ageret pœnitentiam, si sibi apud Dominum vellet esse consultum. Causa Thessalonensis civitatis non minima tribulatio successit Ambrosio, cum pene comperisset civitatem deletam. Promiserat enim illi imperator se veniam daturum civibus supradictæ civitatis, sed agentibus comitibus occulte cum imperatore, sacerdote ignorante, usque ad horam tertiam gladio civitas est donata, atque plurimi inter-

fecti sunt innocentes. Quod factum ubi comperisset sacerdos, copiam imperatori ecclesiam ingrediendi denegavit, nec prius iudicavit dignum cœtu ecclesiæ vel sacramentorum communionem quam publicam ageret pœnitentiam.

CAP. 49. — *De diversis materiis homicidiorum et pœna eorum. Institutionum lib. iv, titulo iii (lege Aquilia).*

Si quis alienum hominem alienamve quadrupedem, quæ pecudum numero sit, injuria occiderit, quanti ea res in eo anno plurimi fuerit, tantum domino dare damnetur. Quod autem non præcise de quadrupede, sed de ea tantum quæ pecudum numero est cavetur: eo pertinet ut, neque de feris bestiis, neque de canibus cautum esse intelligamus, sed de his tantum quæ gregatim proprie pasci dicuntur, quales sunt equi, muli, asini, boves, oves, capræ. De suis quoque idem placuit; nam et his pecorum appellatione continentur, quia et hi gregatim pascuntur. *Item, paulo post.* Injuria occidere intelligitur, qui nullo jure occidit. Itaque qui latronem insidiantem occiderit, non tenetur, utique si aliter periculum effugere non potest. Ac ne is quidem hac lege tenetur qui casu occidit, si modo culpa ejus nulla inveniatur; nam alioquin non minus ex dolo quam ex culpa quisque hac lege tenetur. Itaque si quis dum jaculis ludit vel exercetur, transeuntem servum tuum trajecerit, distinguitur. Nam si id a milite eo campo ubi solitum est exercitari admissum est, nulla culpa ejus intelligitur. Si alius tale quid admisit, culpæ reus est. Idem juris est de milite, si in alio loco quam qui exercitandis militibus destinatus est id admisit. *Item* si putator ex arbore dejecto ramo servum tuum transeuntem occiderit; si prope viam publicam, aut vicinalem id factum est, neque proclamavit, ut casus evitari posset, culpæ reus est. Sin proclamavit, neque ille curavit cavere, extra culpam est putator. Extra culpam æque esse intelligitur, si seorsum a via forte, vel in medio fundo cædebat, licet non proclamaverit, quia eo loco nulli extraneo jus fuerat versandi. Præterea si medicus, qui servum tuum secuit, dereliquerit curationem, atque ob id mortuus fuerit servus, culpæ reus est. Imperitia quoque culpæ adnumeratur, veluti si medicus ideo servum tuum occiderit, quod eum male secuerit, aut perperam ei medicamentum dederit. Impetu quoque mularum, quas mulio propter imperitiam non potuerit retinere, si servus tuus oppressus fuerit, culpæ reus est mulio. Sed etsi propter infirmitatem retinere eas non potuerit, cum alius firmior retinere potuisset, æque culpa tenetur. Eadem placuerunt de eo quoque, qui cum equo veheretur, impetum ejus aut propter infirmitatem, aut propter imperitiam suam retinere non potuerit. His autem verbis legis (quanti in eo anno plurimi fuerit) illa sententia exprimitur, ut si quis hominem tuum qui hodie claudus, aut mancus, aut luscus erat, occiderit, qui in eo anno integer aut pretiosus fuerit non tantum

teneatur quanti hic hodie erat, sed quanti in eo anno plurimi fuerit; qua ratione creditum est poenalem esse hujus legis actionem. *Item, ibidem aliquanto post.* Si quis ex pari mularum unam, vel ex quadrigis equorum unum occiderit, vel ex comœdis (collegis) unus servus fuerit occisus; non solum occisi sicut æstimatio, sed eo amplius id quoque computatur, quanto depretiati sunt qui supersunt. *Item, ibidem sub finem.* Si quis hominem alienum, aut pecus ita incluserit (induxerit, *Vict.*) ut fame necaretur, aut jumentum tam vehementer egerit ut rumperetur, aut pecus intantum exagitaverit ut præcipitaretur, aut si quis alieno servo persuaserit ut in arborem ascenderet, vel in puteum descenderet, et is ascendendo vel descendendo mortuus fuerit, vel aliqua parte corporis læsus erit, utilis in eum actio datur. Sed si quis alienum servum de ponte, aut de ripa in flumen dejecerit, et is suffocatus fuerit, eo quod projecerit corpore suo damnum dedisse, non difficulter intelligi poterit, ideoque Aquilia lege tenetur.

CAP. 50. — *De damnatione ejus qui hominem claudum vel luscum occiderit. Institutionum lib. iv, tit. vi.*

Si quis hominem claudum aut luscum occiderit, qui eo anno integer et pretii magni fuerit, tantum damnatur, quantum (is homo inseritur in orig.) in eo anno plurimi erit.

CAP. 51. — *Ut presbyter homicida sacerdotio careat. Joannes octavus Cennomoco Venetiensi episcopo (idem supra, p. vi, c. 114).*

Miror minus doctam sententiam tuam sacerdotem putare post perpetratum homicidium, posse in sacerdotio ministrare, imo (quod est ineptius) nobis suadere velle ut ipsi tali præsumptioni præberemus assensum. Quis enim tam demens tamque perversi sensus tale quid æstimaret, vel post quantamcunque poenitentiam concedendum, cum omni sit canonicæ disciplinæ contrarium? Debet ergo sacerdotio privatus lacrymarum fonte flagitium tam immane diluere ut talibus saltem remediis curatus, salutis possit invenire suffragium.

CAP. 52. — *De excommunicatione et irrecuperabili dispositione homicidæ episcopi. Joannes octavus Ludovico imperatori.*

Qualiter Rainaldus Castri Felicitatis episcopus super homicidio tam penes apostolicam, quam penes imperatoriam sedem, publico murmure fuerit denotatus, et Gregorio dilecto filio nomenclatore misso, et apocrisario sanctæ sedis nostræ cum Georgio illustri magistro militum, ac venestario sacri nostri patriarchi apud dilectissimam filiam nostram imperatricem Augustam consistente, a matre preempti juvenis aliisque parentibus fuerit impetitus, et ad purificandum se a nobis per frequentes excommunicatorias epistolas accesserit Romam coactus, serenitati vestræ credimus manifestum. Sed quia idem Romam veniens purgationis suæ tempus præripuit, et indicta pro se synodo deputatum sibi a nobis locum fraudulentus excedens, more furis per urbis se

A muros dejecit, et vera fuisse crimina quæ sibi illata sunt iudicium subterfugiens propalavit, hunc auctoritate Dei omnipotentis, sanctorum apostolorum principum, et nostræ mediocritatis ab omni ecclesiastica simul et Christiana communione penitus sequestramus.

CAP. 53. — *Quod non homicidium, si fur nocte domum perfodiens occisus fuerit. August. Quæstionum in Exod. quæst. 84.*

Si autem perfodiens inventus fuerit fur, et percussus mortuus fuerit, non est illi homicidium (*Exod. xxii*). Si autem oritur sol super eum, reus est, et morte moriatur. Intelligitur ergo tunc non pertinere ad homicidium, si fur nocturnus occiditur: si autem diurnus, pertinere. Hoc est enim

B quod ait: Si orietur sol super eum; poterat quippe discerni, quod ad furandum non ad occidendum venisset, et ideo non deberet occidi (*ff. ad l. Aquilianam, l. iv*). Hoc et in legibus antiquis sæcularibus, quibus tamen ista est antiquior, invenitur, impune occidi furem nocturnum quomodo diurnum, si se [*Aug. hodie sic legit, quoquomodo, diurnum autem si secum, etc. et sic antiq. codex S. Germ.*] telo defenderit, jam enim plus est quam fur.

CAP. 54. — *Quod non sint homicidæ æstimandi qui excommunicatos zelo ecclesiæ occiderint. Urbanus II, Codefrido Lucano episcopo.*

Excommunicatorum interfectoribus, prout morem Romanæ Ecclesiæ nosti, secundum ipsorum intentionem modum congruæ satisfactionis injunge. Non enim eos homicidas arbitramur, quod adversus excommunicatos zelo catholicæ matris ardentibus, eorum quoslibet trucidasse contigerit. Ne tamen ejusdem Ecclesiæ matris disciplina deserviat, tenore quem diximus poenitentiam eis indicito congruentem, qua divinæ simplicitatis oculos adversus se complacere pervaleant, si forte quid duplicitationis pro humana fragilitate in eodem flagitio contraxerunt.

CAP. 55. — *De illis qui fetus in utero occidunt. August., De nuptiis et concupiscentia (lib. i, c. 15).*

(32, q. 2, c. Aliquando.) Aliquando eo usque pervenit hæc libidinosa crudelitas vel libido crudelis, ut etiam sterilitatis venena procuret, et si nihil valerint, conceptos fetus aliquo modo intra viscera extinguat ac fundat, volendo suam prolem prius interire quam vivere, aut si in utero vivebat, occidi antequam nasci. Prorsus si ambo [tales sibi, o ig.] sunt, conjuges non sunt, et si ab initio tales fuerunt, non per connubium, sed per stuprum potius convenerunt. Si autem ambo non sunt tales, audeo dicere: Aut illa est quodammodo mariti meretrix, aut ille adulter uxoris.

CAP. 56. — *Quare lex non formatum puerperium noluit esse homicidium. August. lib. Quæst. in Exod. (q. 80, in cap. xxi).*

(32, q. 2, c. Quod vero non formatum.) Quod non formatum puerperium noluit ad homicidium pertinere, profecto nec hominem deputavit, quod tale in utero geritur. Hic de anima quæstio solet agitari, utrum quidquid formatum non est, nec animatum

quidem possit intelligi, et ideo non sit homicidium, quia nec exanimatum dici potest, si adhuc animam non habebat. *Item, ibidem paulo post.* Si illud informe puerperium jam quidem fuerat [fuerit, *orig.*], sed adhuc quodammodo informiter animatum, quoniam magna de anima quæstio non est præcipitanda indidiscussa temeritate sententiæ, ideo lex noluit ad homicidium pertinere, quia nondum dici potest anima viva in eo corpore, quod sensu caret.

CAP. 57. — *Quod anima formato corpori infundatur.* *August. lib. Quæstionum de Veteri et Novo Testamento, c. 23.*

(32, q. 2, c. *Moses.*) Moyses tradidit: Si quis percusserit mulierem in utero habentem, et aborterit: si formatum fuerit, det animam pro anima; si autem informatum fuerit, multetur pecunia (*Exod. xxi*), ut probaret non esse animam ante formam. Itaque si jam formato corpori datur, non in conceptu corporis nascitur cum semine derivata. Nam si cum semine et anima existit ex anima, multæ animæ quotidie pereunt, cum semen fluxu quodam non proficit nativitati. Sed si prius [propius, *orig.*] respiciamus, videbimus quid sequi debeamus. Contemplemur facturam Adæ: in Adam enim exemplum datum est, ut ex eo intelligatur, quia jam formatum corpus accepit animam. Nam potuerat animam limo terræ admiscere et sic formare corpus, sed ratione informabatur, quia primum oportet lat domum compaginari, et sic habitatorem induci. Anima certe quia spiritus est, in sicco habitare non potest, ideo in sanguine fertur. Cum ergo lineamenta [corporis, *orig.*] compacta non fuerint, ubi erit anima?

CAP. 58. — *De informato corpore.* *Hieronymus ad Algasiam, quæstione 4 (l. IV, ep. cujus initium est: Filius meus Apodemius).*

(32, q. 2, c. *Sicuti semina.*) Sicuti semina paulatim formantur in utero, et tandiu non reputatur homicidium [homo, *orig. et Gr.*], donec elementa confecta suas imagines membraque suscipiant, ita sensus ratione conceptus, nisi in opera proruperit, adhuc ventre retinetur, et cito abortio [ab hoste *Grat.*] perit (*Exod. xxi*).

CAP. 59. — *Quod boni juste et pie persequuntur malos, mali autem injuste bonos.* *August. ad Bonifacium comitem (epist. 50).*

(23, q. 4, c. *Si Ecclesia.*) Quærant schismatici ab Apostolo quam ecclesiam significabat Sara, quando persecutionem faciebat ancillæ. Liberam quippe matrem nostram cælestem Hierusalem, id est veram Dei Ecclesiam, in illa muliere dicit fuisse figuratam, quæ affligebat ancillam (*Gal. iv*). Si autem melius discutiamus, magis illa persequatur Saram superbiendo quam illam Sara coercendo. Illa enim dominæ faciebat injuriam, ista imponebat superbiæ disciplinam. Deinde quæro, si boni et sancti nemini faciunt persecutionem, sed tantum modo patiuntur, cujus putant in psalmo esse vocem, ubi legitur: *Persequar inimicos meos et comprehendam illos, et non convertar donec deficiant?* (*Psal. xiv.*) Si ergo verum

dicere vel agnoscere volumus, est persecutio injusta quam faciunt impii Ecclesiæ Christi, et est persecutio justa quam faciunt impiis Ecclesiæ Christi. Ista itaque beata est, quæ persecutionem patitur propter justitiam (*Matth. v*); illi vero miseri, qui persecutionem patiuntur propter injustitiam. Proinde ista persequitur diligendo, illi sæviendo; ista ut corrigat, illi ut evertant; ista ut revocet ab errore, illi ut præcipitent in errorem; denique ista persequitur inimicos, et comprehendit donec deficiant in vanitate; isti, ut in vanitate proficiant. *Item, ibidem post multa.* (22, q. 6, c. *Schismatici.*) Schismatici dicunt: Cui vim Christus intulit, quem coegit? Ecce habent apostolum Paulum, agnoscant in eo prius cogentem Christum, et postea docentem, prius ferientem, et postea consolantem. (*Act. ix.*) Mirum est autem quomodo ille qui pœna corporis ad Evangelium coactus intravit, plus illis omnibus qui solo verbo vocati sunt, in Evangelio laboravit (*I Cor. xv*), et quem major timor compulit ad charitatem, ejus perfecta charitas foras misit timorem (*I Joan. iv*), Cur ergo non cogeret Ecclesia perditos filios ut redirent, si perditii filii coegerunt alios ut perirent? Quævis etiam illos quos non coegerunt, sed tantummodo seduxerunt, si per terribiles, sed salubres leges in ejus gremio revocentur, blandius pia mater amplectitur, et de illis multo amplius, quam de his quos nunquam perdidit gratulatur (*Luc. xv*). An non pertinet ad diligentiam pastorem, etiam illas oves quæ non violenter ereptæ, sed blande leniterque seductæ a grege aberraverint, et ab alienis cæperint possideri, inventas ad ovile Dominicum, si resistere voluerint, flagellorum terroribus, vel etiam doloribus revocare? *Item, post pauca.* A Ch isto coactum ostendimus Paulum. Imitatur itaque Ecclesia in istis cogendis Dominum suum, quæ prius ut neminem cogeret exspectavit, ut de fide regum atque gentium prædicatio prophetica completeretur. Etiam hinc non absurde intelligitur apostolica illa sententia, ubi Paulus beatus dixit: *Parati ulcisci omnem inobedientiam, cum completa fuerit prior inobedientia vestra* (*II Cor. x*). Unde et ipse Dominus ad magnam cœnam suam prius convivas adduci jubet, postea cogi. Nam cum ei servi respondissent: *Domine, factum est quod jussisti, et adhuc locus est:* *Exite, inquit, in vias, et sepes, et quoscunque inveniatis cogite intrare* (*Luc. xiv*). In illis ergo qui leniter primo adducti sunt, completa est prior obedientia; in istis autem qui coguntur, inobedientia coercetur. *Item, paulo post.* Si potestate, quam per religionem ac fidem regum, tempore quo debuit divino munere accepit Ecclesia, hi qui inveniuntur in viis et sepibus, id est in hæresibus et schismatibus, coguntur intrare, non quia coguntur reprehendant, sed quo coguntur attendant. *Item, post multa.* (23, q. 3, c. *Maximianus.*) Maximianus episcopus Vagiensis auxilium petivit ab imperatore Christiano contra hostes Ecclesiæ, non tam sui ulciscendi causa quam tædæ Ecclesiæ sibi creditæ. Quod si prætermisisset, non

ejus fuisset laudanda patientia, sed negligentia merito culpanda. Neque enim et apostolus Paulus vitæ suæ transitoria, sed Ecclesiae Dei consuluit, quando contra illos qui eum occidere conspiraverant, consilium illorum ut tribuno proderetur effecit (*Act. XXI*). Unde factum est ut eum ad locum quo fuerat perducendus deduceret miles armatus, ne illorum pateretur insidias. *Item, ibidem aliquanto post. (23, q. 5, c. Quis enim.)* Quis enim nostrum velit non solum aliquem inimicorum perire, verum etiam aliquid perdere? Sed si aliter non meruit habere pacem domus David, nisi Absalon filius ejus in bello quod contra patrem gerebat, fuisset extinctus quamvis magna cura mandaverat suis ut eum quantum possent, vivum salvumque servarent, ut esset cui pœnitenti paternus affectus ignosceret, quid ei restitit nisi perditum flere, et sui regni pace acquisita suam mœstitiâ consolari? (*II Reg. XVIII.*)

CAP. 60. — *Quod non sit idoneus ad exercendam vindictam nisi qui superavit odium mansuetudine. Augustinus, De Sermone Domini in monte, libro primo, cap. 37.*

(23, q. 4, c. *Ea vindicta.*) Ea vindicta non prohibetur quæ ad correctionem valet, ipsa enim etiam pertinet ad misericordiam. Nec impedit illud propositum, quo quisque paratus est ab eo quem correptum esse vult, plura perferre. Sed huic vindictæ referendæ non est idoneus, nisi qui odium quo solent flagrare qui se vindicare desiderant, dilectionis mansuetudine superaverit. Non enim metuendum est, ne odisse parvulum filium parentes videantur, cum ab eis vapulat peccans, ne peccet ulterius. Et certe perfectio dilectionis ipsius Dei Patris imitatione nobis proponitur, cum in sequentibus dicitur: *Diligite inimicos vestros, benefacite his qui oderunt vos, et orate pro eis qui vos persequuntur (Matth. V)*. Et tamen de ipso dicitur per Prophetam: *Quem enim diligit Dominus corrigit, flagellat autem omnem filium quem recipit (Prov. III; Hebr. XII)*. Dicit et Dominus: *Servus qui nescit voluntatem domini sui, et facit digna plagis vapulabit paucis: Servus autem qui scit voluntatem domini sui, et facit digna plagis, vapulabit multis (Luc. XII)*. Non ergo quæritur, nisi ut et ipse vindicet cui rerum ordine potestas data est, et ea voluntate vindicet, qua pater parvulum filium, quem per ætatem odisse nondum potest. Hinc enim apertissimum exemplum datur, quo satis appareat posse peccatum amore potius vindicari quam impunitum relinqui, ut illum quem vindicat, non pœna miserum, sed correctione beatum velit, paratus tamen si opus sit æquo animo plura tolerare ab eo illicita [illata, *orig.*], quem vult esse correptum; sive in eum habeat potestatem coercendi, sive non habeat. (*Ibid., c. 38.*) Magni autem et sancti viri, qui jam optime scirent mortem istam quæ animam dissolvit a corpore non esse formidandam, secundum eorum tamen animum qui illam timerent, nonnulla peccata morte puniverunt, quo et viventibus utilis ductus incuteretur, et illis qui morte puniebantur

A non ipsa mors noceret, sed peccatum quod augeri posset, si viverent. Non temere illi judicabant, quibus tale iudicium donaverat Deus. Inde est quod Elias multos morte affecit, et propria manu, et igne divinitus impetrato (*III Reg. XVIII; IV Reg. I*). Quod et alii multi magni et divini viri eodem spiritu, consulendo rebus humanis, non temere fecerunt. De quo Elia cum exemplum dedissent discipuli, Domino commemorantes quid ab eo factum sit, ut etiam ipsis daret potestatem petendi de cælo ignem, ad consumendum eos qui sibi hospitium non præberent reprehendit in eis Dominus (*Luc. IX*), non exemplum prophetæ sancti, sed ignorantiam vindicandi (*Matth. XXII*), quæ adhuc erat in rudibus, animadvertens eos non amare [amore, *orig. m. s. s. Ger.*] correptionem, sed odio desiderare vindictam. Itaque posteaquam eos docuit quid esset diligere proximum tanquam seipsum, infuso etiam Spiritu sancto, quem decem diebus completis post ascensionem suam desuper, ut promiserat, misit (*Act. II*), non defuerunt tales vindictæ quamvis multo rarius quam in Veteri Testamento. Ibi enim ex majori parte servientes timore premebantur, hic autem maxime dilectione liberi nutriebantur. Nam et verbis apostoli Petri Ananias et uxor ejus, sicut in Actibus apostolorum legimus (*Act. V*), exanimis ceciderunt, nec resuscitati sunt, sed sepulti.

CAP. 61. — *Quod Christi est inimicus qui Christianum injuste persequitur. Augustinus contra Cresconium grammaticum (lib. III, c. 51).*

C Quisquis Christianum iniquus (inquis habet Augustinus. ut verba sint Cresconii) persequitur, Christi est inimicus. Verum dicis, si non [sed non, *m. s. s. Ger.*] hoc in illo persequitur quod Christo est inimicum. Neque enim dominus in servo, pater in filio, maritus in conjuge cum sint utrique Christiani, non debent persequi vitia Christianæ contraria veritati. An vero si non persequantur, non rei negligentia merito tenebuntur?

CAP. 62. — *Quod coercere proximum sit diligere eum. Augustinus ad Macedoniam (epist. 52).*

(23, q. 4, c. *Debet.*) Debet homo diligere proximum tanquam seipsum, ut quem potuerit hominem vel beneficentiæ consolatione, vel informatione doctrinæ, vel disciplinæ coercitiõe adducat ad colendum Deum.

CAP. 63. — *Quod mala voluntas non est permittenda suæ libertati. Augustinus ad Donatum presbyterum (epist. 204).*

Qui diliguntur, malæ suæ voluntati impune et crudeliter permittendi non sunt, sed ubi potestas datur, et a malo prohibendi, et ad bonum cogendi. Nam si voluntas mala semper suæ permittenda est libertati, quare israelitici recusantes et murmurantes tam duris flagellis a malo prohibebantur, et ad terram compellebantur promissionis? Si voluntas mala suæ permittenda est libertati, quare Paulus non est permissus uti pessima voluntate qua persequeretur Ecclesiam, sed prostratus est, ut excæcetur (*Act. IX*), excæcatus ut mutaretur, mutatus ut

mitteretur, missus ut qualia fecerat in errore talia pro veritate pateretur? Si voluntas mala semper sibi permittenda est libertati, quare monetur pater in Scripturis sanctis filium durum non solum verbis corripere, sed etiam latera ejus tundere (*Eccli. vii, xxx*), ut ad bonam disciplinam cogatur, et Dominus diligatur [coactus et domitus dirigatur]?

CAP. 64. — *Quod corripiendi sunt homines. Augustinus ad Donatistas (epist. 166).*

Quod erraverat, inquit Dominus, non revocastis, et quod perierat non requisistis (*Ezech. xxxiv*). Hoc vobis per nos Dominus ipse facit, sive obsecrando, sive minando, sive corripiendo, sive damnis, sive laboribus, sive per suas occultas admonitiones vel visitationes, sive per potestatum temporalium leges.

CAP. 65. — *Quod non omnis hominem occidens homicida sit. Chrysostomus super Matthæum, homilia cap. 18 (in op. perfec. ad c. v Matth.).*

(23, q. 8, c. *Occidit Phinees*.) Occidit Phinees hominem (*Num. xxv*), et reputatum est ei ad justitiam: Abraham vero non homicida solum verum etiam parricida (quod certe est gravius) effectus (*Gen. xxi*), magis Domino magisque placuit. Sed et Petrus geminum fecit homicidium (*Act. v*), fuit tamen opus spirituale quod factum est. Non sola igitur respiciamus opera, sed tempus, et causam, et voluntatem, et personarum differentiam, et quantumque alia ipsis operibus acciderint diligentissime requiramus. Non enim possumus ad veritatem aliter pervenire.

CAP. 66. — *De eodem. Ex responsionibus Adriani papæ contra objectiones quorundam ad Carolum cap. 16.*

Sanctus Gregorius in dialogis suis meminit de beato Bonifacio, qualiter miserum illum qui cum simia veniens cymbala percussit, sermone suo cum mœrore ad mortem jaculavit.

CAP. 67. — *Item de eadem re. Gregorius, Dialogorum lib. 1, cap. 9.*

Cum beatus Bonifacius ad Fortunati mensam venisset, priusquam Deo hymnum diceret, sicut quidam cantandi arte solent victum quærere, repente ante januam vir cum simia astitit, et cymbalum percussit: quem sanctus vir audiens sonitum dedignatus dixit: « Heu! heu! mortuus est miser iste, mortuus est miser iste! Ego ad mensam refectionis veni, os nondum ad laudem Dei aperui, et ille cum simia veniens cymbalum percussit. » Subjunxit tamen atque ait: « Ite et pro charitate ei [Dei] cibum potumque tribuite, scitote tamen quia mortuus est. » Qui infelix vir dum panem et vinum ex eadem domo percepisset egredi januam voluit, sed saxum ingens subito de tecto cecidit, eique in verticem venit. Ex qua percussione prostratus in manibus jam semivivus levatus est. Deinde vero altera die secundum dicti viri [viri Dei, *Vict.*] sententiam funditus vitam finivit. Qua de re, Petre, pensandum est quantum sanctis viris timor sit exhibendus: templa enim Dei sunt, et cum ad iracundiam

A vir sanctis trahitur, quis alius ad irascendum nisi ejusdem templi inhabitator excitatur? Tanto ergo metuenda est ira justorum, quanto et constat, quia in eorum cordibus ille præsens est, qui ad inferendam ultionem quam voluerit, invalidus non est: *Item Dialogorum lib. II, cap. 30. (23, q. 8, c. Petrus.)* Petrus Tābitham mortuam orando suscitavit (*Act. ix*), Ananiam et Saphiram mentientes morti increpando tradidit (*Act. v*), neque cum orasse in eorum extinctione legitur, sed solummodo culpam quam perpetraverant increpasse. Constat ergo quia aliquando talia ex potestate, aliquando exhibentur ex postulatione, dum et istis vitam increpando abstulit, et illi reddidit orando.

CAP. 68. — *De vindicta quam Joannes papa in quodam fratri jussit. Joannes VIII Marino et Pulcari.*

Sed et provincii [*pro primicii Vict.*] vestræ fidelitatis vobis injungimus, ut cum aliquibus navibus vestros milites robustissimos præsentialiter destinetis, qui quadraginta Sarracenos, qui dudum Græcorum nostrorum navibus in mare fugere, qui quæ postea terrestrium nostrorum militum exspoliati armis omnibus, virtute in montis Circei latibulis evaserunt, una cum nostris pedestribus apprehendant, quia nos pro tantillis Sarracenis dromones nostros fatigare nolumus, dum de vobis confidere (sicut et ipsi velle dicimini) provocamur modis omnibus confidentes. Quia si obedientiæ vestræ constantiam et fidei puritatem cum virtutis efficacia circa sanctam Romanam Ecclesiam amodo sensimus, non solum de his tribus, quibus vos ultra consuetudinem prægravatos dicitis, in quantum ratio postulaverit levigabimus, verum etiam ut propriam sancti Petri familiam, terra marique vos tueri, domino confortante, studebimus.

CAP. 69. — *De defensione quam contra hostes fecit Joannes octavus Angebergæ imperatrici.*

Siquidem cum virtute Dei melius quam Kaletam, quæ nostra sunt defendemus, et illorum in nullo penitus indigemus, dromones videlicet cum cæteris navibus construentes, et cætera vasa bellica et apparatus, quin potius et ipsos animos hominum præparantes, et adversus hostiles incursus indesinenter armantes.

CAP. 70. — *Quod crimina committit qui non corrigit cum possit. Joannes VIII, Domagol duci glorioso.*

(23, q. 8, c. *Præterea*.) Præterea devotionis tuæ studium exhortamur, ut contra marinos latrunculos qui sub prætextu tui nominis in Christicolos debacchantur, tanto vehementius accendatur, quanto illorum pravitate famam tui nominis offuscata fuisse cognoscis, quoniam licet credi possit quod, te nolente, illi navigantibus insidiantur, tamen quia a te comprimi posse dicuntur, nisi eos compresseris, innoxius non habebis. Scriptum quippe est: Qui crimina cum potest emendare, non corrigit, ipse committit.

CAP. 71. — *Quomodo Joannes papa Sarracenis re-*

stiterit. *Joannes VIII, imperatori et imperatrici.*

Cum reversi fuisset, omnia littora nostra deprædata, etiam in fundis et in Terracina, velut in domo propria multos Sarracenos invenimus reside-re, pro quibus non plusquamquinque diebus in urbe manentes, quamvis corporis non modica detinere-mur molestia, exivimus cum fidelibus nostris, quo-rum Domino adjuvante cœpimus naves octodecim. Sarraceni vero multi occisi sunt, captivos autem fere sexcentos liberavimus. Ideo vobis venientibus necesse valde est, ut talis in littoribus marinis for-titudo virorum remaneat, quorum virtute nostra omnia salva constant, et ea quæ necdum depræ-data sunt loca, non prædentur.

CAP. 72. — *Quod non est crudelitas punire malos pro Deo, sed pietas. Hieronymus ad Riparium (tom. III, epist. cujus initium: Acceptis primum litteris).*

Legi syromasten Phinees (Num. xxv), austerita-tem [auctoritatem Vict.] Eliæ (III Reg. xviii; IV, 1), zelum Simonis Chanaanei (I Mach. xiii, et se-quentib.), Petri severitatem Ananiam et Sapphiram trucidantem (Act. v), Pauli constantiam qui Elymam magam viis Domini resistentem æterna cæcitate [severitate Vict.] damnavit (Act. xiii). Non est cru-delitas pro Deo [Gratian sic. crimina pro Deo puni-re], sed pietas. Unde et in lege dicitur: Si frater tuus et amicus et uxor quæ est in sinu tuo depravare te voluerit a veritate, sit manus tua super eos, et effunde sanguinem ipsorum (Deut. xiii).

CAP. 73. — *Quod propter remissionem malorum, in collegio episcoporum arma sint ferenda. Leo IV, Ludovico [Lothario] regi.*

Petrum et Adrianum nunquam recipiemus ad habitandum nobiscum, et si (quod minus credimus) aut preces nostras quas pro eorum retentione vobis misimus, aut honores Romani pontificis pro nihilo existimastis, et nos minus quam Adrianum et Pe-trum amastis, quod in posterum jam ordinatum habeamus, vestræ edicimus magnitudini. Certe Ro-manæ sedis præsules tempore quo per unamquam-que Ecclesiam cum suis clericis tendebant ob mis-sarum officium, vel alias more solito, utilitates ecclesiasticas disponendas, nihil aliud tam ipsi quam clerici ipsorum nisi sacerdotalia indumenta ferebant, quod secuti usque nunc nos egimus. Sed amplius nequaquam agere oportet, si viros quos nec quæ-rimus unquam, nec volumus mandare decreveritis. Et hoc ad ultimum pro certo notum facimus quonia-m ad quamcunque Ecclesiam locumque alium nobis merito subjectum digressi fuerimus, ne de mortis nostræ periculo triumphatores existant, cum debueramus ob divinum cultum sive timorem ora-riam solummodo planetamque deferre, lanceam et scutum et gladium bajulare præcipiemus.

CAP. 74. — *Licere sacerdotibus contra impios pro-mulgare mortem. Ex historia Anastasii bibliotheca-rii Romanæ ecclesiæ.*

Multo divino zelo motus Michael piissimus impe-rator contra Manichæos qui Pauliciani dicuntur,

PATROL. CLXI.

capitalem animadversionem Ræcephori sanctissimi patriarchæ ac aliorum Patrum prædicamentis pro-mulgans, aversus est per alios nequam consiliarios, obtentu pœnitentiæ, cum esset impossibile illos pœ-nitentiam agere qui capti fuissent errore. Dogmati-zabant autem indocte non licere sacerdotibus pro-mulgare contra impios mortem, per omnia divinis super hoc adversantes Scripturis. Si enim verter apostolorum Ananiam et Sapphiram ob mendacia tantum mortificavit (Act. v), et Paulus magnus cla-mat: *Qui talia*, inquit, *agunt digni sunt morte* (Rom. 1), hoc de solo mortali peccato, quomodo non horum contrarii erunt, qui omni spirituali et corpo-rali spurcitia plenos quique dæmonibus serviunt a gladio redemerint?

CAP. 75. — *Quod non sint culpandi iudices, sed lau-dandi, qui hæreticos et schismaticos persequuntur, et bona eorum diripiunt. Ex lib. Dialogorum Au-gust. contra Petilianum lib. II, cap. 10.*

Petilianus dixit: Si apostoli persecuti sunt ali-quem, aut aliquem tradidit Christus. August. re-spondit: Possem quidem dicere ipsum Satanam omnibus malis hominibus esse peiorem, cui tamen tradidit Apostolus hominem in interitum carnis, ut spiritus salvus sit in die domini Jesu (I Cor. v). Item alios de quibus dicit: Quos tradidi Satanæ, ut discant non blasphemare (I Tim. 1). Et Dominus fla-gellatos expulit ex templo improbos mercatores (Joan. 11), ubi etiam connexum est testimonium Scripturæ dicentis: *Zelus domus tuæ comedit me* (Psal. lxxviii). Ecce invenimus apostolum tradito-rem, Christum persecutorem. Quare per violentissi-mas turbas, etiam ultro improbi estis Ecclesiis ca-tholicis, ubi advertere potueritis, quod innumera-bilibus exemplis res ipsa indicat? Sed dicitis vos loca vestra defendere, et resistitis fustibus et cædibus quibuscunque potueritis. Quare ibi non audistis vo-cem Domini dicentis: *Ego tamen dico vobis. Non resistere malo?* (Matth. v.) Aut si fieri potest, ut ali-quando recte per vim corporalem resistatur violentis, nec ideo præceptum violetur, quod audimus a Domino: *Ego autem dico vobis non resistere malo*, cur non etiam hoc fieri potest, ut per ordinatas et legitimas potestates, de sedibus quæ illicite usur-pantur, vel ad injuriam Dei retinentur, pius expellat impium, et justus injustum? Neque enim eo modo persecutionem passi sunt pseudoprophetæ ab Elia (III Reg. xviii), quomodo ipse Elias a rege iniquis-simo, aut quia flagellatus est Dominus a persecuto-ribus, propterea passionibus ejus comparandi sunt, quos ipse de templo flagellatos ejecit. Restat ergo, ut nihil aliud requirendum esse fateamini, nisi utrum juste an impie vos separaveritis a commu-nione orbis terrarum. Nam si hoc inventum fuerit quod impie feceritis, non miremini, si non desunt ministri Deo per quos flagellamini, quia persecutio-nem patimini non a nobis, sed sicut scriptum est, ab ipsis factis vestris (Sap. 11). *Item. (eod. l. c. 43, q. 7, c. Si de rebus.)* Si de rebus vel de locis eccle-

siasticis quos tenebatis et non tenetis, querimini, possunt et Judæi se justos dicere, et iniquitatem nobis objicere, quia locum in quo impii regnaverunt modo Christiani possident. Quid ergo indignum, si ea quæ tenebant hæretici secundum parem Domini voluntatem Catholici tenent? Ad omnes enim similes, id est ad omnes impios et iniquos illa vox Domini valet: *Auferetur a vobis regnum Dei, et dabitur genti facienti justitiam (Matth. xxi)*. An frustra scriptum est: *Labores impiorum justi edent? (Psal. civ.)* Quapropter magis mirari debetis quod adhuc tenetis aliquid quam quod aliquid amisistis. *Item (cap. 59)*. Si qua jam concisi possidere cœpistis, quia vobis ablata nobis Dominus dedit, non ideo concupiscimus aliena, quia illius imperio cujus sunt omnia, facta sunt nostra, et juste nostra sunt. Vos enim his utebamini ad præcisionem, nos ad unitatem. Alioquin et primo populo Dei possent illi objicere alienæ rei concupiscentiam, qui divina potestate ab eorum facie, quia ea terra male utebantur, expulsi sunt. Et ipsi Judæi a quibus ablatum est regnum, secundum verba Domini, et datum est genti facienti justitiam (*Matth. xxi*), possunt objicere alienæ rei concupiscentiam, quia Ecclesia Christi possidet, ubi persecutores Christi regnabant. *Item (cap. 79)*. (*25, q. 4, c. Qui pecc.*) Qui peccat non peccat legis auctoritate, sed contra legis auctoritatem. Quia vero interrogas quæ sit ratio persequendi, vicissim te interrogo cujus sit vox in psalmo dicentis: *Detrahentem secreto proximo suo, hunc persequabar (Psal. c)*. Quære itaque persecutionis vel causam, vel modum, et noli tanta imperitia generaliter malorum persecutiones reprehendere. *Item (ad calcem, c. 80)*. Quod autem etiam Christus corporaliter persecutus fuerit eos quos de templo flagellando expulit (*Joun. ii*), jam supra diximus. *Item (cap. 82)*. Nec persequimur vos, nisi quemadmodum persequitur veritas falsitatem. *Item (cap. 83)*. (*23, q. 5, c. Ad fidem.*) Ad fidem nullus est cogendus, sed per severitatem, imo et per misericordiam Dei, tribulationum flagellis solet perfidia castigari. Nunquid quia mores optimi libertate voluntatis eliguntur, ideo mores pessimi non legis integritate puniuntur? Sed tamen male vivendi ultrix disciplina præpostera est, nisi cum præcedens bene vivendi doctrina contemnitur. Si quæ igitur adversus vos leges constitutæ sunt, non eis benefacere cogimini, sed male facere prohibemini. Nam benefacere nemo potest nisi elegerit, nisi amaverit, quod est in libera voluntate. (*Cap. 84*.) Cum aliquid adversus vos reges constituunt, admoneri vos credite, ut cogitetis quare ista vos patiamini. Si propter justitiam, re vera illi persecutores vestri sunt, vos autem beati qui persecutionem passi propter justitiam, possidebitis regnum cœlorum (*Matth. v*). Si autem propter iniquitatem schismatis vestri, illi quidem correctores vestri sunt, vos autem sicut cæteri diversorum scelerum rei qui pœnas legibus pendunt, profecto infelices et in hoc sæculo et in futuro. *Item (cap. 88)*.

A (*25, q. 3, c. Pro membris.*) Pro membris Christi adversus vos sæviunt, et vobis resistunt quicumque in catholica eo animo sunt [*Apud Aug. inseritur: parvæ adhuc fidei*], quo tunc Petrus fuit, cum ferrum pro Christi nomine strinxit (*Matth. xxvi*). Sed multum interest inter vestram persecutionem et istorum. Vos similes estis servo sacerdotis, quia servientes principibus vestris adversus Ecclesiam catholicam, id est adversus Christi corpus armamini. Isti autem tales sunt, qualis tunc Petrus fuit, qui pro Christi corpore, id est pro Ecclesia etiam corporaliter pugnant. *Item (ibidem, cap. 92, sub finem)*. Si propterea persecutor non fuit Nabuchodonosor, quia scelus in sanctum Danielem commissum justissime vindicavit (*Dan. vi*), quomodo vindicandum est a regibus quod Christi sacramenta exsufflantur, si prophetæ membra quia in periculum missa sunt, sic vindicari meruerunt? *Item (ibidem, cap. 104)*. Neque in homine bono aliquis Dei sacramenta fugiat, neque in homine malo. *Item (lib. iii Contra litteras Petilian., c. 10)*. Si laudanti amico non est credendum, neque inimico detrahenti. *Item (ibid., c. 36)*. Apud nos quicumque mali vel penitus latent, vel quibusdam noti propter bonos quibus ignoti sunt, et apud quos convinci non possunt, propter unitatis et pacis vinculum tolerantur (*Ephes. iv*), ne cum zizaniis eradicetur et triticum (*Matth. iii*), ita suæ malitiæ sarcinam portant (*Gal. vi*). (*August., c. 8, lib. De unico bapt. contra Petilianum.*) Neminem recte judicari puto innocentem, qui hominem non convictum crediderit nocentem. *Item (cap. 59)*. Illud quis ferat quod sacrilega dicit sacramenta Christi, etiam si vere, sicut calumniatur, a traditoribus haberentur quæ in nomine Patris, et Filii, et Spiritus sancti ritu evangelico celebrantur? Hic fortasse dicat jam non esse Christi sacramentum quod a sacrilegis datur. Cur non ergo dicit non esse etiam nomen Christi, quod a sacrilegis dicitur? *Item (ibidem, cap. 15)*. O quam detestandus [est error hominum: *addit. apud Aug.*] qui clarorum virorum quædam non recte facta laudabiliter se imitari putant, a quorum virtutibus alieni sunt. Sic enim et nonnulli Petro apostolo comparare se possunt, si Christum negaverint (*Matth. xxvi*). *Item (ibidem, cap. 16)*. Si est illa humanitas in rebus humanis, puto nos justius posse reprehendi, si ignotos homines quos criminantur inimici, neque horum crimen ulla testificatione demonstrant, nocentes potius quam innocentes crediderimus. Quia si forte se aliter Veritas habet, ipsi certe humanitati debitum redditur, cum homo de homine nil mali temere suspiciat, nec cuiquam criminanti facile credit, quando sine teste ac sine ullo documento crimen objiciens maledicus potius conviciator quam veridicus accusator exstiterit. *Item (lib. De unitate Ecclesiæ contra epist. Petilian., cap. 2)*. Si factum est quod accusant, quid peccaverunt ecclesiastici judices, qui crimina etiam si vera et ad se delata, sibi tamen non probata, damnare nullo modo debebant? *Item (ibidem, cap. 17)*.

Si autem vos contra Ecclesiam Christi altaria erexisset, et a Christiana unitate (quæ toto orbe diffunditur) sacrilego schismate separatos esse, et corpori Christi (quod est ecclesia toto orbe diffusa) et rebaptizando et blasphemando, et quantum potestis oppugnando, adversari sancta et canonica Scriptura convincit, vos impii atque sacrilegi, illi autem qui vos pro tanto scelere tam leviter damnorum admonitionibus vel locorum vel honorum vel pecuniæ privatione, deterrendos coercendosque decernunt, ut cogitantes quare ista patiamini, sacrilegium vestrum cognitum fugiatis, et ab æterna damnatione liberemini, et rectores diligentissimi et consultores piissimi deputantur. *Item (ibidem aliquanto superius)*. De persecutione vestra querela sedabitur, si cogitetis et intelligatis prius non omnem persecutionem esse culpabilem. Alioquin non laudabiliter diceretur: *Detrahentem secreto proximo suo, hunc persequerbar (Psal. c)*. Nam quotidie videmus et filium de patre, tanquam de persecutore suo conqueri, et conjugem de marito, et servum de domino, et colonum de possessore, et reum de iudice, et militem vel provincialem de duce vel rege, cum illi plerumque ordinatissima potestate sibi homines subditos per terrores levium pœnarum a gravioribus malis prohibeant atque compescant, plerumque autem a bona vita et a bonis factis, minando et sæviendo deterreant. Sed cum a malo et illicito prohibent, correctores et consultores sunt; cum autem a bono et licito, persecutores et oppressores sunt. Culpantur etiam qui prohibent a malo, si modum peccati modus correctionis excedat.

CAP. 76. — *Quod charitas est corrigere proximum. Augustinus tom. IX super Epistolam Joannis, tractatu 7.*

(25, q. 5, c. *Non putes*.) Non putes tunc te amare servum tuum, quando eum non cædis, aut tunc amare filium tuum quando non das disciplinam, aut tunc amare vicinum tuum quando non corrigis eum. Non est ista charitas, sed languor; ferveat charitas ad emendandum, ad corrigendum; sed si sunt boni mores, delectent; si sunt mali emendentur.

CAP. 77. — *De eodem. August. De civitate Dei, lib. XIX, cap. 16.*

Non est innocentiae, parcendo sinere ut in malum gravius incidatur. Pertinet ergo ad innocentis officium non solum nemini malum inferre, verum etiam cohibere a peccato, vel punire peccatum, ut aut ipse qui prius oditur, corrigatur experimento, aut alii terreantur exemplo.

CAP. 78. — *Quod nulli liceat gladio juste occidere excepto iudice. August. in lib. Quæst. Novi et Veteris Testamenti, cap. 104.*

Videns Petrus apostolus insurgentes hostes, protulit gladium et amputavit auriculam servi sacerdotis. Tunc Jesus dixit Petro ut reconderet gladium in thecam suam: *Omnis enim, inquit, qui acceperit gladium, gladio peribit (Math. XVI)*. Ut quid parari iussit, qui prohibuit percutere, eum etiam morti

A designans [reum etiam mortis designans eum] qui percusserit gladio, cum non utique injuste videatur apostolus percussisse? Quantum enim pertinet ad rem [Petrum], percussit eum contra se armatum videbat. Resistere enim debuit ingratis servis, et ad Dominum necandum armatis *Item (aliquanto post)*. Quare contuens Dominus factum apostoli Petri, eum qui gladio usus fuerit gladio dixit perire, cum non injuste percussisse videatur Nam sicut significatur in Luca, ipso Domino permittente percussit (*Luc. XXII*), et sic prohibitus hæc audivit. Ideo etenim permissum est ut et vindicare se posse videretur, sed nolle; et virtus ostenderetur in eo manere in quo fuerat, et in utroque vindicare se posse non ambigeretur. Inimici vero pro certo haberent datam ab eo potestatem ut hæc facerent, non enim victus apparebat, sed tradens se voluntati eorum. Quare ergo sententia data est ut qui accipit gladium, gladio percat (*Matth. XXV*), nisi quia nulli licet, excepto iudice, gladio quemquam occidere? Apostolo autem Petro usque ad hoc permissum est, quod dolorem faceret, non quod occideret. Hoc enim audiens, ne iterum percuteret didicit. Præterea [*Aug. vulgo nunc sic habet: Ob hoc enim audiebat, ne iterum percuteret. Didicit præterea, etc.*] quia Christianis jam factis occidere non licet; in misericordia enim positus, lege juris mundo crediti uti non licet asperere.

CAP. 79. — *Quod non est misericors, qui vitis parcat et fovet ea. Aug. ad Lectarium [Lectarium, Gratian. legit Lotharium].*

(25, q. 5, c. *Qui vitis*.) Qui vitis nutriendis parcat et favet, ne contristet peccantium voluntatem, tam non est misericors, quam qui non vult culturam rapere puero, ne audiat plorantem, et non timet ne vulneratum doleat vel extinctum.

CAP. 80. — *Quod non liceat Christiano se defendere. Aug. ad Emeritum Donatistam (epist. 164).*

Nostri adversus illicitas et privatas vestrorum violentias (quas et vos ibi qui talia non facitis, doletis et gemitis) a potestatibus ordinatis tuitionem petunt, non quod hos persequantur, sed quia se defendant

CAP. 81. — *Qualiter beatus Ambrosius quemdam defendit, ne de ecclesia raperetur. Ex Vitu beati Ambrosii (auctore Paulino).*

Cum consulatus sui tempore imperator Honorius in urbe Mediolanensi Lybicarum ferarum exhiberet munus, populo illuc concurrente, data copia est missis militibus ab Stilicone comite hortatu Eusebii præfecti, ut Cresconius quidam de ecclesia raperetur, quem confugientem ad altare Domini sanctus episcopus cum clericis qui in tempore aderant, defendendum circumdedit. Sed multitudo militum, quæ duces suos habebat de perfidia Arianorum, prævaluit adversum paucos, atque ablato Cresconio exsultantes ad amphitheatrum reversi sunt, Ecclesiae luctum non modicum derelinquentes.

CAP. 82. — *Qualiter se Adrianus papa adversus De*

siderium regem ad resistendum munivit. Ex gestis Adriani papæ.

Adrianus Desiderii regis adventum appropinquasse cognoscens, aggregans universum populum Tusciæ, Campaniæ, et ducatus Perusini, et aliquantos de civitatibus Pentapoleos, munivit hanc civitatem Romanam, omnesque armati parati erant vel si ipse rex adveniret, fortiter ei cum Dei auxilio et sancti Petri, orationibus fulti predicti sanctissimi præsulis, illi resisterent. Nam ecclesiam beati Petri et Pauli exornare fecit ejus sanctitas, et cuncta eorum thymilia [cymbala] et ornatus in hanc civitatem Romanam introduxit, claudi faciens omnes januas ecclesiæ beati Petri, et de intus seris supponi ac muniri jussit, ut si ipse protervus rex sine comenatu et permissu pontificis advenisset, minime aditum in eandem ecclesiam introeundi haberet, nisi brachio ad suæ animæ interitum ipsas confringeret januas.

CAP. 85. — *De defensione Leonis papæ contra Sarracenos. Ex registro Leonis IV. Ludovico (Lothario) Augusto.*

Igitur cum sæpe adversa a Sarracenorum partibus perveniant nuntia, quidam in Romanum portum clam furtiveque venturos esse dicebant, pro quo nostrum congregari præcipimus populum, maritimumque ad littus descendere decrevimus, et egressi sumus Roma.

CAP. 84. — *De eodem. Leo IV, Ludovico imperatori.*

Scire vos oportet quod nunquam ab aliquibus nostros homines sinimus opprimi, sed si necessitas illis incurrerit, præsentialiter vindicamus, quia nostri gregis in omnibus ultores esse debemus, et præcipui adjutores.

CAP. 85. — *Item de eodem. Idem Joanni archiepiscopo.*

Pro certo scitote quod nunquam permitimus nostros a vobis lacerari aut opprimi homines atque subjectos, sed si (quod non speramus) hujus nostræ monitionis dicta neglexeritis, et amplius aliquas oppressiones præfatis vel aliis nostris hominibus feceritis, præsentialiter eos vindicabimus, et omnia vestra eripere curabimus, furibunda crudelique audacia.

CAP. 86. — *Qualiter auxilium a judice Sardinie petiit. Idem judici Sardinie.*

Celsitudinem vestram duximus obsecrandam, ut nobis quantos tua præviderit magnificentia, armatos sive pueros, sive adultos, ac juvenes cum armis suis mandare dignemini, qui nobis quotidiana jussa possint explere.

CAP. 87. — *Quod regnum cælorum consequantur qui pro defensione Christianorum occisi fuerint. Idem exercitui Francorum.*

Omni timore ac terrore deposito contra inimicos sanctæ fidei et adversarios omnium regionum viriliter agere studete. *Item.* Ubi usque nunc parentes vestri publicum noverunt procinetum, semper victores exstiterunt, nullaque eos multitudo

A populi superare potuit. Non enim audivimus ut aliquando sine fama victoriae reversi fuissent. *Item.* Omnium vestrum nosse volumus charitatem, quoniam quisquis (quod non optantes dicimus) in hoc belli certamine fideliter mortuus fuerit, regna illi cælestia minime negabuntur. Novit enim omnipotens, si quislibet vestrorum morietur, quod pro veritate fidei et salutatione patriæ ac defensione Christianorum mortuus est, ideo ab eo prætitulatum præmium consequetur.

CAP. 88. — *De damnatione Georgii cujusdam, Adriani, et Petri. Idem Lothario Augusto.*

De illis tribus jam publice condemnatis et reprobis viris Georgio, Adriano, et Petro, ut vestra nobis mandavit sublimitas quod adhuc ad aliud confiteri B judicium debebant, omnino mirati sumus, quibus jam missis vestris præsentibus juxta legem Romanam sententia præfixa ac promulgata est. Et nisi tunc Paschalis adesset festivitas, qua mortis prohibente lege sententiam dare licitum non est, vivere eos illorum malitia atque iniqua præsumptio non sineret. Pro hac itaque ratione, solummodo usque ad tempus suspensa est sententia utrorumque.

CAP. 89. — *De excommunicatione Thasmonis ducis Bavariorum. Idem ex chronica Francorum.*

Adrianus papa in die sancto Paschæ, præsentem Carolo imperatore, anathematizavit Thasmonem ducem Bavariorum, nisi in omnibus obediret eidem imperatori et filiis ejus, ac genti Francorum, sicut juraverat patri suo Pippino, et sibi. Quod si nollet, et sanguinis effusio fieret, vel aliud aliquid mali, hoc super eundem ducem et ejus consentaneos esset, et præfatus rex et sui ab ea culpa immunes essent.

CAP. 90. — *Exhortatio Gregorii papæ ad defensionem Rom. pont. Greg. Veloci magistro militum (lib. XII. regist. epist. c. 21).*

Utile visum est, ut aliquanti illuc milites transmittantur, quos gloria tua admonere et hortari studeat, ut parati sint ad laborem. *Item.* Si huc, vel ad Ravennates partes, nec dicendum Arnulfum cognoveritis excurrere, vos a dorso ejus ita (sicut viros fortes concedet) laborate, quatenus opinio vestra ex laboris vestri charitate [qualitate] amplius in Romano populo [Reipublicæ orig.] (domino auxiliante) proficiat.

CAP. 91. — *Quod Carolus rex adversus Longobardos rogatus Adriani papæ bellum suscepit. Ex gestis Caroli Magni, juxta Alcuinum.*

(25, q. 8. c. Hortatu.) Rogatu et precibus Adriani Romanæ urbis episcopi, exoratus Carolus rex, bellum contra Longobardos suscepit, quod prius quidem, et a papa Stephano ejus patre supplicante [et a patre ejus Pippino papa supplicante, etc. *Grat.*] cum magna difficultate susceptum est.

CAP. 92. — *Retractatio sententiæ illius Augustini, qui dixerat non placere sibi schismaticos cogi ad communionem. August. Retractionum lib. II, c. 5.*

Dixi, mihi non placere ullius sæcularis potestatis impetu schismaticos ad communionem violentè

arctari et vere mihi tunc non placebat, quoniam A nondum expertus eram vel quantum mali eorum auferret impunitas, vel quantum eis in melius mutantis conferre posset diligentia disciplinæ.

CAP. 93. — *Quod quadragesimali et omni tempore a præliis sit abstinendum, nisi necessitas cogat. Nicolaus papa ad consulta Bulgarorum (cap. 46).*

Si nulla urget necessitas, non solum quadragesimali, sed omni tempore est a præliis abstinendum. Si autem inevitabilis urget opportunitas, nec quadragesimali est tempore pro defensione tam sua quam patriæ, seu legum paternarum bellorum procul dubio præparationi parcendum, ne videlicet Deum videatur homo tentare. si habet quod faciat, et suæ ac aliorum saluti consulere non procurat, et sanctæ religionis detrimenta non præcavel.

CAP. 94. — *Quod ministri judicum de administratione sua non damnentur. Innocentius papa Eusebio episcopo, cap. 5.*

Quæsitum est etiam super his qui pro baptismo administraverunt, et aut tormenta sola excrucuerunt, aut etiam capitalem protulere sententiam. Nihil de his legibus a majoribus definitum; meminerant enim a Domino potestates has fuisse concessas, et propter vindictam noxiorum gladium fuisse permissum, et Dei ministrum esse datum in hujusmodi vindicem. Quomodo igitur reprehenderent factum quod auctore Domino viderent esse concessum? De his ergo, ut hactenus servatum est, sic habeamus ne aut disciplinam avertere, aut contra auctoritatem Domini venire videamur. Ipsi autem in ratione reddenda omnia gesta sua servabuntur. *Item.* Dum legum auctoritas in improbos exercetur, erit dictator immunis.

CAP. 95. — *Quod qui malum punit, non persequitur, sed diligit. Pelagius Patricio Valeriano.*

Non persequitur, nisi qui ad malum cogit. Qui vero malum vel factum jam punit, vel prohibet ne fiat, non persequitur iste. sed diligit. Nam si. ut quidam putant, nemo aut reprimendus a malo, aut retrahendus ad bonum est, humanas ac divinas leges necesse est evacuari, quæ et malis pœnam et bonis præmia justitia suadente constituunt; malum autem schisma est etiam per exteras potestates opprimendum.

CAP. 96. — *Quod rex mala punire debeat. Cyprianus in nono genere abusionis. (Exstat hic liber hodie August. tit. tom. IX.)*

(23, q. 5, c. Rex.) Rex debet furta cohibere, adulteria punire, impios de terra perdere, parricidas et perjurantes non sinere vivere, filios suos non sinere impie agere.

CAP. 97. — *Bellum quod tuetur patriam plenum justitiæ esse. Ambros. Offic lib. 1, cap. 27.*

(23, q. 3, c. Fortitudo.) Fortitudo quæ vel in bello tuetur a barbaris patriam, vel domi defendit infirmos, vel a latronibus socios, plena justitiæ est.

CAP. 98. — *Quod non sit reus homicidii miles, qui*

obediens potestati hominem occidit. August. De civitate Dei lib. 1, cap. 26.

(23, q. 5, c. Miles.) Miles cum obediens potestati sub qua legitime constitutus est, hominem occidit, nulla civitatis suæ lege reus est homicidii. Imo nisi fecerit, reus est imperii deserti atque contempti. Quod si sua sponte atque auctoritate fecisset, in crimen effusi humani sanguinis incidisset. Itaque unde punitur si fecit injussus, inde punitur nisi fecerit jussus.

CAP. 99. — *Quod reges Christiani defendere debent matrem Ecclesiam. August. super Joan. parte 1, cap. 2 (trac. 2 ad c. III Joan.).*

(23, q. 4, c. Quando.) Quando vult Deus potestates concitare adversus hæreticos, adversus schismaticos, adversus dissipatores ecclesiæ, adversus exsufflatores Christi, adversus blasphematores baptismi, non mirentur, quia Deus concitat ut a Sara verberetur Agar (Gen. xvi.) Cognoscat se Agar, ponat cervicem, quia cum humiliata discederet a domina sua, occurrit ei angelus, et dixit ei: *Quid est Agar ancilla Saræ.* Cum vero quæstia esset de domina, quid audivit ab angelo? *Revertere ad dominam tuam (ibid.)* *Item.* Mirantur autem quia commoventur pastores fidei Christianæ [potestates Christianæ, orig.] adversus detestandos dissipatores Ecclesiæ. Nisi ergo moverentur, quomodo redderent rationem Deo pro imperio suo? Intendat charitas vestra quid dicam, quia pertinet hoc ad reges sæculi Christianos, ut temporibus suis pacatam velint matrem suam Ecclesiam.

CAP. 100. — *Quod plus peccat qui potestati innocentem ex invidia occidendum tradit quam ille qui alterius potestatis timore cum occidit. August. super Joan. parte II, cap. 42. (tract. 116 ad c. XIX Joan.)*

Plus peccat qui potestati innocentem occidendum livore tradit quam potestas ipsa, si cum timore alterius majoris potestatis occidit. Talem quippe Deus Pilato dederat potestatem ut esset etiam sub Cæsaris potestate. Quapropter *non haberes*, inquit, *adversum me potestatem ullam*, id est quantumlancunque habes, nisi hoc ipsum tibi esset datum desuper. Sed quoniam scio quantum sit (non enim tantum est ut tibi omnimodo liberum sit) *propterea qui me tradidit tibi, majus peccatum habet (Joan.*

xix.) Ille quippe non metuendo potestati tradidit, sed invidendo; tu vero eandem potestatem in me exerciturus es metuendo. Nec timendo quidem præsertim innocentem homo hominem debet occidere, sed tamen id zelando facere, multo magis malum est quam timendo. Et ideo non ait verax Magister: Qui me tibi tradidit ipse habet peccatum, tanquam ille non haberet, sed ait *majus peccatum habet*, ut etiam se habere intelligeret. Neque enim propterea illud nullum est, quia hoc majus est.

CAP. 101. — *Quod potest homo aliquando occidi sine peccato. Augustinus De libero arbitrio lib. 1, cap. 4.*

(23, q. 5, c. Si homicidium.) Si homicidium est hominem occidere, potest occidere aliquando sine

peccato. Nam et miles hostem, et judex vel minister ejus nocentem, vel cui forte invito atque imprudenti telum manu figit, non mihi videntur peccare cum hominem occidunt. Respondet Evodius: Assentior; sed homicidæ isti appellari non solent. *Item, ibid. cap. 5* Militi jubetur lege ut hostem necet, a qua cæde si temperaverit, ab imperatore pœnas luit. Num istas leges injustas, vel potius nullas dicere audebimus? Nam mihi lex esse non videtur, quæ justa non fuerit. *Augustinus, paulo post.* Legem quidem satis video esse munitam contra hujuscemodi accusationes, quæ in eo populo quem regit, minoribus malefactoris, ne majora committat [committerentur,] licentiam dat, multo minus [minus] enim est eum qui alienæ vitæ insidiatur quam eum qui suam tuetur, occidi; et multo immanius vitium hominem stuprum perpeti quam eum a quo illa vis inferitur ab eo cui ferre conatur, interimi. Jam vero miles in hoste interficiendo minister est legis, quare officium suum facile nulla libidine implevit. Porro ipsa lex quæ tuendi populi causa lata est, nullius libidinis argui potest. Siquidem ille qui tulit, si Dei jussu tulit, id est quod præcipit æterna justitia, expers omnino libidinis id agere potuit. Si autem ille cum aliqua libidine hoc statuit, non ex eo fit, ut ei legi cum libidine obtemperare necesse sit, quia bona lex et a non bono ferri [feri] potest. Non enim si quis, verbi causa, tyrannicam potestatem nactus, ab aliquo cui hoc conducit, pretium accipiat, ut statuatur nulli licere ve ad conjugium feminam rapere, propterea mala lex erit, quia injustus atque corruptus hanc tulit. Potest ergo illi legi, quæ tuendorum civium causa, vim hostilem eadem vi repelli jubet, sine libidine obtemperari. Et de omnibus ministris qui jure atque ordine potestatibus quibuscunque subjecti sunt, id dici potest. Sed illi homines lege inculpati, quomodo inculpati queant esse non video. Liberum eis itaque est, neminem necare pro his rebus quas inviti possunt amittere, et ob hoc amare non debent. De vita enim fortasse cuiquam sit dubium utrum animæ nullo pacto auferatur, dum hoc corpus interimitur. Sed si auferri potest contemnenda est, si non potest, nihil metuendum. De pudicitia vero quis dubitaverit quin ea sit in ipso animo constituta, quandoquidem virtus est? unde a violento stupratore, nec ipsa eripi potest. Quidquid igitur erepturus erat ille qui occiditur, id totum in nostra potestate non est, quare quemadmodum nostrum appellandum sit non intelligo. Quapropter legem quidem non reprehendo, quæ tales permittit interfici, sed quo pacto istos defendam qui interficiunt non invenio. Respondet Evodius: Multo minus ego invenire possum, cur hominibus defensionem quæras, quos reos nulla lex tenet.

CAP. 102. — *Quod judex cum vindicat, non reddit malum pro malo. Augustinus super psal. CVIII (ad vers. pro eo ut et posuerunt adv.).*

Ulciscendi libido vitiosa est, magisque ad judicem

pertinet inter alios hoc discernere, quam bonum hominem sibi expetere. Paucorum est dignoscere, quomodo placeat pœna inimicorum accusatori inlicita sese saturare cupienti, et quam longe alio modo judici [placeat orig.] recta voluntate peccata punienti. Ille quippe reddit malum pro malo, iste autem etiam cum vindicat non reddit malum pro malo, quoniam justum reddit injusto. Quod autem justum est, utique bonum est. Punit ergo non delectatione alienæ miseris, quod est malum pro malo, sed dilectione justitiæ, quod est bonum pro malo.

CAP. 103. — *Quo minister occidens quem judex jussit, non id sponte facere debet. August. lib. Questionum in Exodum (Quæst. 39 ad c. XI Exod.).*

(23, q. 5, c. Cum minister.) Cum minister judicis occidit eum quem judex jussit occidi, profecto si id sponte faciat homicida est, etiam si eum occidat quem scit a iudice occidi debuisse.

CAP. 104. — *Quod lex occidit hominem, non minister. Augustinus lib. Questionum in Leviticum (Quæst. 68 ad c. XIX Levitic.).*

Cum homo juste occiditur, lex eum occidit, non tu.

CAP. 105. — *Quod etiam bella apud veros cultores Dei pro pace suscepta pacata sunt. August. De diversis ecclesiæ observationibus, cap. 15.*

(32, q. 1, c. Apud veros Dei.) Apud veros Dei cultores etiam ipsa bella pacata sunt, quæ non cupiditate aut crudelitate, sed pacis studio geruntur, ut mali coercentur, et boni subleventur.

CAP. 106. — *De vindictis. Aug. lib. Questionum evangeliorum (lib. I. Q. Evang. q. 10).*

(23, q. 5, c. Officia.) Officia vindictæ possunt implere boni bono animo, quomodo lex, quomodo judex.

CAP. 107. — *Quod Christiana disciplina non omnia bella culpatur. Augustinus ad Marcellinum (epist. 5).*

Si terrena ista respublica præcepta Christiana custodiat, et ipsa bella sine benevolentia non gerentur, ut ad pietatis justitiæque pacatam societatem victis facilius consulatur. Nam cui licentia iniquitatis eripitur, utiliter vincitur, quoniam nihil est infelicitis felicitate peccantium, qua pœnalis nutritur impunitas, et mala voluntas velut hostis interior roboratur. *Item. Ibid. paulo post.* Misericorditer enim si fieri posset, etiam bella gererentur a bonis, ut, licentiosis cupiditatibus domitis, hæc vitia perderentur, quæ justo imperio vel extirpari vel premi (deprimi orig.) debuerunt. Nam si Christiana disciplina omnia bella culparet, hoc potius militibus consilium salutis petentibus in Evangelio diceretur, ut abicerent arma, seque militiæ omnino subtraherent. Dicitur est autem eis: Neminem concusseritis, nulli calumniam feceritis, sufficiat vobis stipendium vestrum (Luc. III). Quibus proprium stipendium sufficere debere præcepit, militare utique non prohibuit. *Aug. ad Macedonium (epist. 54).* [23, q. 5, c. Non est iniquitatis.] Non est iniquitatis, sed potius humanitatis societate devictus, qui propterea est criminis persecutor, ut sit hominis liberator.

CAP. 108. — *Quod non frustra instituta est potestas A regis. Item (circa medium).*

(23, q. 5, c. *Non frustra.*) Non frustra instituta sunt potestas regis, jus cognitoris (gladii inseritur in orig.), unguis carnificis, arma militis, disciplina dominantis, severitas etiam boni patris. Habent ista omnia modos suos, causas, rationes, utilitates; hæc cum timentur, et coercentur mali, et quieti (quietius, orig.) inter malos vivunt boni. *Item. Aliquanto post.* Cum homo ab homine occiditur, multum distat utrum fiat nocendi cupiditate, vel injuste aliquid auferendi, sicut fit ab inimico, sicut a latrone; an ulciscendi vel obediendi ordine, sicut a iudice, sicut a carnifice; an evadendi vel subveniendi necessitate, sicut interimitur latro a viatore, hostis a milite. Et aliquando qui causa mortis fuit potius in culpa est B quam ille qui occidit, vel ut si quispiam decipiat fidei iussorem suum, atque ille pro isto supplicium legitimum luat; nec tamen omnis qui causa alienæ mortis est, reus est, velut si quisquam (quid si enim quisque, orig.) stuprum petat, sesaque, si non impetraverit, interimat. Quid, si filius timens patris pia verbera, præcipitio pereat? quid, si alius homine liberato, vel ne alius liberetur, sibi ipse mortem inferat? num propter istas alienorum motuum (alienarum mortium, orig.) causas, aut sceleri consentiendum est, aut vindicta peccati quæ sit non nocendi sed corrigendi studio, etiam paterna tollenda, aut opera misericordiæ cohibenda sunt? Hæc cum accidunt, debemus eis humanum dolorem, non propterea, Ma ne accidunt, recte factorum reprimimus (reprimere) C voluntatem.

CAP. 109. — *Quod in pugna Deus orandus est. Augustinus ad Bonifacium (epist. 194).*

Gravi de pugna conquereris, ut dubites nolo, utile tibi tuisque dabo consilium. Arripe manibus arma, oratio aures pulset auctoris, quia quando pugnat, Deus apertis cælis (oculis, orig.) spectat, et partem quam inspicit justam sibi dat palmam.

CAP. 110. — *Quod, Deo vel aliquo legitimo imperio jubente, recte bella suscipiuntur. Item Augustinus (Aug. lib. XII, contra Faustum, c. 70).*

(23, q. 4, c. *Ille gladium.*) Qui gladio usus fuerit, gladio cadet. Ille autem utitur gladio qui nulla superiore ac legitima potestate vel jubente vel concedente, D in sanguinem alicujus armatur. *Item, ibid., c. 74.* Sive Deo, sive aliquo legitimo imperio jubente, gerenda bella suscipiuntur a bonis, cum in eo rerum humanarum ordine inveniuntur, ubi eos tale aliquid vel jubere, vel in talibus obedire juste ordo ipse constringit. Alioquin Joannes cum ad eum baptizandi milites venirent dicentes: *Et nos quid faciemus?* (Luc. III) responderet eis, Arma abjicite, istam militiam deserite, neminem percutite, prosternite neminem. Sed quia sciebat eos cum hæc militando facerent, non esse homicidas, sed ministros legis, et non ultores injuriarum suarum, sed salutis publicæ defensores, respondit eis: Neminem concusseritis, nulli calumniam feceritis, sufficiat vobis stipendium ve-

strum (ibid.). *Item. Ibidem paulo post.* Dominum Jesum Christum audiant Manichæi hoc stipendium jubentem reddi Cæsari, quod Joannes dicit debere sufficere militi: *Reddite, inquit, Cæsari quæ Cæsaris sunt, et Deo quæ Dei sunt* (Matth. XXI). Ad hoc enim tributa præstantur, ut propter bella necessarium militi stipendium præbeat. *Item, ibid. c. 75. (23, q. 1, c. Qui culpatur.)* Interest quibus causis, quibusque auctoritatibus homines bella gerenda suscipiant; ordo tamen illenaturalis mortalium paci accommodatus hoc postulat, ut suscipiendi belli auctoritas atque consilium penes principem sit, exsequendi autem jussa bellica ministerium milites debeant paci salutique communi. Bellum autem quod gerendum Deo auctore suscipitur, recte suscipi, dubitare fas non est. *Item, ibidem post pauca.* Cum vir justus, si forte sub rege homine etiam sacrilego militet, recte possit illo jubente bellare, civicæ pacis ordinem servans; cui quod jubetur, vel non esse contra Dei præceptum certum est, vel utrum sit certum non est, ita ut fortasse reum regem faciat iniquitas imperandi, innocentem autem militem ostendat ordo serviendi, quanto magis in administratione bellorum innocentissime diversatur, qui Deo jubente belligerat, quem male aliquid jubere non posse, nemo qui ei servit ignorat.

CAP. 111. — *De ministris Dei. Hieronymus super Joel (ad cap. II).*

(23, q. 5, c. *Non solum.*) Non solum homines ministri sunt et ultores iræ Dei, his qui malum operantur, et non (unde non) sine causa portant gladium, sed et contrariæ fortitudines quæ appellantur furor et ira Dei.

CAP. 112. — *Quod non est crudelis qui crudeles jugulat. Hieronymus super Isaiam lib. V (ad c. XIII paulo post principium).*

(23, q. 5, c. *Non est crudelis.*) Non est crudelis qui crudeles jugulat, sed quia crudelis patientibus esse videatur. Nam latro suspensus patibulo crudellem judicem putat.

CAP. 113. — *Quod bene facit qui latronis vel piratæ fortitudinem infirmat. Idem super Sophoniam (ad c. I).*

(23, q. 3, c. *Si quis.*) Si quis fortitudinem latronis et piratæ diripiat infirmosque reddat, prodest illis sua infirmitas. Debilitata enim membra, quibus prius non bene abutebantur, a malo opere cessabunt.

CAP. 114. — *Quod minister Dei est, qui malos in eo quod mali sunt punit. Idem super Ezechielem lib. III.*

(Ad c. IX; in principio.) Qui malos percutit in eo quod mali sunt, et habet vasa interfectionis ut occidat pessimos, minister est domini.

CAP. 115. — *Quod iudex puniens non est effusor sanguinis, sed minister legis (23, q. 5, c. Qui malos). Idem super Epistolam ad Galatas lib. II in c. III ad Gal., circa finem.*

(23, q. 5, c. *Judex.*) Iudex non est auctor sceleris, nequam homines vinciendo. *Item super Hieremiam (ad c. XXI, init.). (23, a. 5 c. Homicidas.)* Homicidas

enim et sacrilegos, et venenarios punire non est effusio sanguinis, sed legum ministerium.

CAP. 116. — *Unde iudex dicatur. Isidorus Etymologiarum lib. xviii, cap. 1.*

Justum bellum est quod ex edicto geritur de rebus repetendis (repetitis. orig.), aut propulsandorum hostium causa. (Cap. 15.) Iudex dictus est quia jus dictat populo, sive quod jure disceptet. Jure autem disceptare, est jure judicare. Non est enim iudex si non in eo justitia est.

CAP. 117. — *Quod non sine causa gladium portat rex. Stephanus Luitwario episcopo.*

Non autem sine causa gladium portat rex, vindex est enim contra omnes iniquos (Rom. xiii), ut terrore comprimat quos nequit corrigere monitis salubribus, Aggrediatur igitur secure quæ sunt Deo placita, in nullo ei beatus Petrus aberit cum suo ancipiti gladio, si tamen patriæ salutis consulat.

CAP. 118. — *Quod quisque tutelam corporis sui juste faciat. Pandectarum, lib. 1, tit. iiii.*

Vim atque injuriam propulsemus; nam jure hoc venit, ut quod quisque ob tutelam sui corporis fecerit, jure fecisse æstimetur.

CAP. 119. — *De justo bello Israelitarum contra Amorrhæos. Augustinus lib. Quæst. in Num., cap. 44.*

(Lib. Quæst. super Num., ad c. xxi.) Notandum est sane quemadmodum justa bella gerebantur a filiis Israel contra Amorrhæos: innoxius enim transitus negabatur, qui jure humanæ societatis æquissimo pætere debebat.

CAP. 120. — *De pellenda injuria. Ambros. De officiis lib. 1, cap. 36.*

Non in inferenda, sed in depellenda injuria lex virtutis est. Qui enim non repellit a socio injuriam, si potest, tam est in vitio quam ille qui facit.

CAP. 121. — *Quod rex aliter servit Deo ut homo, aliter ut rex. Augustinus ad Bonifacium comitem (epist. 50).*

(23, q. 4, c. Si Ecclesia in fine.) Quomodo reges Domino serviunt in timore, nisi ea quæ contra Domini jussa sunt religiosa severitate prohibendo atque plectendo? Aliter enim servit quia homo est, aliter quia etiam rex est. Quia homo est, servit vivendo fideliter; quia vero etiam rex est, servit, leges justa præcipientes et contraria prohibentes convenienti vigore sanciendo.

CAP. 122. — *De pœnitentia eorum qui arma in prælio projiciunt. Concilium Arel. 1, cap. 3.*

Qui arma projiciunt in prælio, placuit eos abstinere a communione.

CAP. 123. — *Quod milites Deo et ecclesiis servire debeant. Gregorius Theodoro medico (lib. ii regist., epist. 65, seu c. 103).*

Valde mihi durum videtur, ut ab ejus servitio milites suos prohibeat imperator, qui et ei omnia tribuit, et dominari eum non solum militibus, sed etiam sacerdotibus concessit. Nunquid si intentio servandarum rerum est, non poterant ea ipsa monasteria quæ milites suscepissent alienas res reddere,

A atque ad conversionem homines tantummodo habere?

CAP. 124. — *Ut milites antequam in monasterio recipiantur per triennium probentur. Gregorius lib. viii Registri omnibus episcopis de lege Mauriti Augusti (Greg. epist. 9 lib. vii, ad episcopos Siciliae).*

(Dist. 53, c. Legem.) Legem quam piissimus imperator dedit, ne fortasse hi qui militiæ vel rationibus sunt publicis obligati, dum causarum suarum periculum fugiunt, ad ecclesiasticum habitum veniant, vel in monasteriis convertantur, vestræ studii fraternitati transmittere. Hoc maxime excitat [exhortans. orig.], quod hi qui sæculi actionibus implicati sunt, in clero ecclesiæ præpropere suscipiendi non sunt, quia dum in ecclesiastico habitu non dissimiliter quam vixerant vivunt, nequaquam student sæculum fugere, sed mutare. Quod si etiam tales quæque monasterium petunt, suscipiendi nullo modo sunt, nisi prius actionibus publicis fuerint absoluti. Si qui vero ex militaribus numeris [viris, orig.], in monasteriis converti festinant, non sunt temere suscipiendi, nisi eorum vita subtiliter fuerit inquisita. Et juxta normam regularem debent in suo habitu per triennium probari, et tunc monachicum habitum Deo auctore suscipere.

CAP. 125. — *Quod non est delictum militare, nisi pro præda et hujuscemodi. August. De verb. Domini tract. 19 (in Matth. serm. 19).*

C (23, q. 1, c. Militare.) Militare non est delictum, sed propter prædam militare peccatum est. Nec rempublicam gerere criminis est, sed ideo agere rempublicam, ut rem familiarem potius augeas, videtur esse damnabile. Propterea enim providentia quadam militantibus sunt stipendia constituta, ne dum sumptus quæritur, præda [prædo] grassetur. Item, ibidem post pauca Dominus ipse dixit: *Reddite quæ sunt Dei Deo, et quæ sunt Cesaris Cesari (Matth. xxii)*, igitur quod Cæsar præcipit ferendum est, quod imperator indicit tolerandum est. Sed fit intolerabile, dum illud præda exactionis accumulatur. Item ibidem aliquando post. Interrogaverunt Joannem milites dicentes: *Quid faciemus et nos? Ait illis. Neminem concutiatis, neque calumniam faciatis, sed contenti estote stipendiis vestris (Luc. iii)*. Sic autem cognoscere se debet omnis homo qui militat; non enim tantum de his militantibus Scriptura loquitur qui armata militia detinentur, sed quisque militiæ suæ cingulo utitur, dignitatis suæ miles ascribitur, atque ideo hæc sententia potest dici, verbi gratia, militibus, protectoribus, cunctisque rectoribus: *Quicumque sibi stipendia publice decreta consequitur, si amplius quærat, tanquam calumniator et concussor, Joannis sententia condemnatur. August. ad Bonifacium comitem (epist. inter eas quæ recens inventæ ad calcem epist. accessere)*. Milites sub armis militare non prohibuit Joannes, quibus suum stipendium sufficere debere præcepit (Lucæ iii).

CAP. 126. — *Quo non est existimandum milites A Deo non placere. Idem (ibidem paulo ante).*

Noli existimare neminem Deo placere posse qui in armis bellicis militat. In his erat sanctus David (I Reg. xvi; psal. lxxxviii), cui Dominus tam magnum perhibuit testimonium; etiam in his plurimi illius temporis justi. In his erat et ille centurio qui Domino dixit: *Non sum dignus ut intres sub tecum meum (Matth. viii).*

CAP. 127. — *Quod milites non sint ad clerum suscipiendi, sed ad monachicum habitum. Ex vita beati Greg. lib. ii, c. 16 (auctore Joanne diacono Rom. Ecclesiae).*

Dum ad clericalem professionem tam ex ecclesiastica quam ex sæculari quoque militia diversis occasionibus quotidie pene innumerabilis multitudo conflueret: pastor ad omnia providus nequaquam eos ad ecclesiastici decoris officium, sed ad capiendum solummodo monachicum propositum suscipiendos esse censebat.

CAP. 128. — *Ut imperator nulli militum prohibeat, si converti voluerit. Ibidem lib. iii, cap. 50.*

Porro Mauricio tunc avarissimo, simulque rapacissimo principi, suggestionibus inimicorum suorum funestissimam legem ferenti, ut nulli militum qui videlicet in manu signatus fuisset, converti liceret: inter cætera sic respondit: Ad hoc potestas super omnes homines pietati dominorum meorum cœlitus data est, ut qui bona appetunt, adjuventur, ut cœlorum via largius pateat, ut terrestre regnum cœlesti regno famuletur. Et ecce aperta voce dicitur, ut ei qui semel in terrena militia signatus fuerit, nisi aut expleta militia aut pro debilitate corporis repulsus, Christo militare non liceat. Ad hæc etiam [al. ecce orig.] per me servum ultimum suum et vestrum Christus respondet dicens: « Ego te de notario comitem excubitorum, de comite excubitorum Cæsarem, de Cæsare imperatorem, non solum hoc, sed etiam patrem imperatorum feci. Sacerdotes tuæ manui commisi, et tu a meo servitio milites tuos subtrahis? » Responde, rogo [ergo], piissime domine, servo tuo, quid venienti et hæc dicenti responsurus es in iudicio Domino tuo? Et post pauca: « Requirit ergo Dominus misericors [al. me, orig.] quis prior imperatorum talem legem dederit, et subtilius æstimet si dari de-
D uerit.

CAP. 129. — *Quod imperator milites converti prohibens Deo adversus sit. Idem Theodoro medico (Greg. lib. ii regist., ep. 64).*

Peccatis, inquit, meis facientibus, ex quorum suggestionem vel consilio, nescio, talem in republica sua legem protulit imperator, ut nullus qui actionem publicam egit, nullus qui officio vel manu signatus, vel inter milites fuit habitus, ei in monasterio converti liceat, nisi forte militia ejus fuerit expleta. Quam legem primum (sicut hi dicunt qui leges veteres noverunt) Julianus

protulit, de quo scimus omnes quantum Deo adversus fuit.

CAP. 130. — *De homicidiis voluntariis et modo penitentiae eorum. Ex concilio Triburiensi, c. 4 (cap. 55, sed sententiis in plerisque transpositis).*

Si quis spontanea voluntate homicidium perpetraverit, iuxta decreta Melchiadis papæ, et Triburiensis concilii statuta, alem penitentiam accipere debet. In primis, ut licentiam non habeat ecclesiam intrandi illos proximos quadraginta dies, nudis pedibus incedat, et nullo vehiculo utatur. In laneis vestibus sit absque femoralibus, arma non ferat, et nihil sumat in his quadraginta diebus nisi tantum panem et salem, et puram aquam bibat, et nullam communionem cum cæteris Christianis neque cum alio penitente habeat in cibo et potu, antequam quadraginta dies adimpleantur: et ex cibo quem sumit nullus alius manducet. Considerata vero personæ qualitate vel infirmitate, de pomis vel oleribus, seu leguminibus, prout visum fuerit, aliquid pro misericordia indulgeatur, maxime si quis coactus, et non sponte homicidium fecerit. Et ei omnimodis ex canonica auctoritate interdicitur, ut in his diebus cum nulla femina misceatur, nec ad propriam uxorem accedat, nec cum aliquo homine dormiat. Juxta Ecclesiam sit, ante cujus januas peccata sua defleat, diebus ac noctibus non de loco ad locum pergat, sed in uno loco his quadraginta diebus sit. Et si forte habuerit insidiatores vitæ suæ, interim differatur ei penitentia, donec ab episcopo pax ei ab inimicis concedatur. Et si infirmitate detentus fuerit, ita ut non possit digne penitere, differatur penitentia donec sanitati restituatur. Si autem longa ægritudine detentus fuerit, ad sententiam episcopi pertinebit, quo modo reum et infirmum sanare disponat. Completis quadraginta diebus, aqua lotus, vestimenta et calceamenta accipiat, et capillum incidat.

CAP. 131. — *Quid in primo anno observare debeat. Ex eodem conc. c. 5 (cap. 56).*

(89) In primo anno post quadraginta dies, totum illum annum a vino, a medone, et mellita cervisia, a carne, et caseo et pinguibus piscibus absteineat, nisi festis diebus qui in illo episcopio a cuncto populo celebrantur. Et nisi forte in magno itinere, vel in hoste, vel diu ad Dominicam curtem [curtim], vel infirmitate detentus sit, tunc liceat uno denario, vel pretio unius denarii, aut tres pauperes pascendo tertiam feriam, quintam feriam, et sabbatum redimere: ita duntaxat, ut una re de tribus utatur [ut vel carne, vel vino, vel medone, id est de tribus una re utatur, non omnibus vescatur]. Postquam domum venerit, aut sanitati fuerit restitutus, nullam licentiam habeat redimendi. Completo anni circulo in Ecclesiam introducatur, et pacis osculum ei concedatur.

CAP. 132. — *Quid in secundo et tertio anno observare*

debeat. Ex eodem cap. 6 (ita codex conciliorum. A compositione et episcopalibus bannis episcopo componat. Si autem mortuus fuerit, singulas supradictas quadragesimas cum sequentibus annis pœniteat, et 400 solidos cum tripla sua compositione, et episcopalibus bannis triplicibus episcopo componat [cum compositione sua et episcopalibus bannis episcopo componat]. Si diaconum calumniatus fuerit, et convaluerit, 6 quadragesimas sine subditis annis pœniteat, et 400 solidos cum compositione sua et episcopalibus bannis componat; si autem mortuus fuerit, singulas supradictas 6 quadragesimas cum sequentibus annis pœniteat, et 600 solidos cum tripla sua compositione, et episcopalibus bannis triplicibus episcopo componat. Si quis presbyterum calumniatus vulneraverit, vel debilitaverit, et convaluerit, 7 [12 alia lectio; 600. orig.] quadragesimas sine subditis annis pœniteat, et 900 solidos cum triplici sua compositione, et episcopalibus bannis triplicibus episcopo componat. Si autem mortuus fuerit, 12 annorum pœnitentia secundum canones ei imponatur, et 900 solidos cum triplici compositione sua, et episcopalibus bannis triplicibus episcopo componat. Si quis episcopo insidias posuerit, comprehenderit, vel in aliquo dehonestaverit, 10 quadragesimas cum subditis annis pœniteat, et presbyteri non occisi triplicem compositionem componat. Si autem casu et non sponte occiditur, cum comprovincialium episcoporum concilio homicida pœniteat. Si quis autem sponte eum occiderit, carnem non comedat, vinum non bibat omnibus diebus vitæ suæ, cingulum militare deponat, absque spe conjugii in perpetuo maneat. Aistolfus Magontiensis episcopus dixit: « Si principibus placuerit aliisque suis fidelibus, rogemus ut collaudetur et subscribatur. » Et collaudatum est, et subscriptum est tam a principe quam a cæteris omnibus.

In secundo et tertio anno similiter jejundet [pœniteat], nisi quod tertiam feriam, et quintam, et sabbatum potestatem habeat redimendi prætaxato pretio ubicunque est. Cæteræ diligenter omnia observet, ut in primo anno.

CAP. 133. — *Quid in reliquis quatuor annis observare debeat. Idem de eodem, cap. 6 (cap. 58).*

Quatuor anni deinde restant, per quos singulos jejundet tres quadragesimas. Unam ante Pascha cum cæteris Christianis, abstinendo de vino, medone, mellita cervisia, carne et sagimine, et ovis, et pinguibus piscibus. Alteram ante nativitatem sancti Joannis Baptistæ: si aliquid remanet de quadraginta diebus, post missam sancti Joannis impleat. Tertiam ante Natalem Domini jejundet, ut supradictum est. Et in quatuor supradictis annis tertia et quinta feria et Sabbato utatur quidquid vult. Et secundam et quartam feriam redimere potest pretio jam supradicto: sextam omnimodis observet in pane et aqua, et nequaquam redimat. His expletis, sacram communionem accipiat.

CAP. 134. — *De homicidiis et calumniis episcoporum et reliquorum ordinum. Ex concilio apud Theodonis villam, cap. 1 (sub Paschale I).*

In concilio apud Theodonis villam ubi interfuerunt triginta duo episcopi, Aistolfus, Maguntiensis archiepiscopus, cum suis suffraganeis; Hadabaldus archiep. [Coloniensis, orig.], cum suis suffraganeis; Ebbo, Remensis archiepiscopus, cum suis suffraganeis, cum nuntiis reliquorum episcoporum Galliæ et Germaniæ, ob nimiam præsumptionem quorundam tyrannorum in sacerdotes Domini bacchantium, et propter factum quod in Vasconia noviter acciderat de episcopo Joanne inhoneste et inaudite mordridato, decretum est ut communi consensu et humili devotione supplicarent auribus principis, si suæ pietati complaceret, ut calumnia in Christi sacerdotes peracta, juxta synodica determinaretur pleniter statuta. Hoc idem episcoporum iudicio placeret, si ex toto secundum potestatem ipsorum posset definiri, id est, ut canonica ferirentur sententia, hi videlicet qui timorem Domini postponentes in ministros suos grassari præsumerent. Quod si vero pietati illius complaceret, juxta capitula regum præcedentium, ubi eorum provisio misericorditer in offensis pecuniæ quantitatem interposuit, pro consolatione [levigatione pœnitentiæ placuit] sanctæ Ecclesiæ, ut præfata res per pecuniam ab imperatoribus sacerdotibus [et a sibi succedentibus] ad defensionem concessam, et per pœnitentiam determinarentur episcoporum iudicio, si pietas illius collaudare voluerit, sic definiri eis complaceret. (17, q. 4, c. Si qui subdiaconum.) Si quis subdiaconum calumniatus fuerit, vulneraverit, vel debilitaverit, et convaluerit, 5 quadragesimas sine subditis annis pœniteat, et 300 solidos cum sua

compositione et episcopalibus bannis episcopo componat. Si autem mortuus fuerit, singulas supradictas quadragesimas cum sequentibus annis pœniteat, et 400 solidos cum tripla sua compositione, et episcopalibus bannis triplicibus episcopo componat [cum compositione sua et episcopalibus bannis episcopo componat]. Si diaconum calumniatus fuerit, et convaluerit, 6 quadragesimas sine subditis annis pœniteat, et 400 solidos cum compositione sua et episcopalibus bannis componat; si autem mortuus fuerit, singulas supradictas 6 quadragesimas cum sequentibus annis pœniteat, et 600 solidos cum tripla sua compositione, et episcopalibus bannis triplicibus episcopo componat. Si quis presbyterum calumniatus vulneraverit, vel debilitaverit, et convaluerit, 7 [12 alia lectio; 600. orig.] quadragesimas sine subditis annis pœniteat, et 900 solidos cum triplici sua compositione, et episcopalibus bannis triplicibus episcopo componat. Si autem mortuus fuerit, 12 annorum pœnitentia secundum canones ei imponatur, et 900 solidos cum triplici compositione sua, et episcopalibus bannis triplicibus episcopo componat. Si quis episcopo insidias posuerit, comprehenderit, vel in aliquo dehonestaverit, 10 quadragesimas cum subditis annis pœniteat, et presbyteri non occisi triplicem compositionem componat. Si autem casu et non sponte occiditur, cum comprovincialium episcoporum concilio homicida pœniteat. Si quis autem sponte eum occiderit, carnem non comedat, vinum non bibat omnibus diebus vitæ suæ, cingulum militare deponat, absque spe conjugii in perpetuo maneat. Aistolfus Magontiensis episcopus dixit: « Si principibus placuerit aliisque suis fidelibus, rogemus ut collaudetur et subscribatur. » Et collaudatum est, et subscriptum est tam a principe quam a cæteris omnibus.

CAP. 135. — *De eadem re. Ex concilio Triburiensi cap. 1.*

Capitulum ecclesiasticum apud Triburiam a Carolo Magno, et primis Galliæ et Germaniæ collaudatum et subscriptum.

(90) Placuit nobis et fidelibus nostris, ut sicut ab episcopis et reliquis sacerdotibus, ac Dei servis alio anno apud Theodonis villam admoniti fuimus et rogati, ut episcopi et eorum ministri, quos Deus suo non humano iudicio reservavit, juxta sanctorum canonum, sanctorumque Patrum ac capitularium præcedentium regum coram positorum statuta, et Dei sacerdotes eorumque cooperatores, quorum intercessionibus supplicationibusque sancta Dei Ecclesia constare videtur, intacti permaneant, constituamus. (Cap. 1.) Ut si quis subdiaconum calumniatus fuerit et convaluerit, pœnitentia canonica pœniteat, et 300 solidos episcopo componat. Et si mortuus fuerit, juxta id quod canones præcipiunt pœniteat, et 400 solidos episcopo componat. (Cap. 2.)

(2) Codex conciliorum attribuit Theonisillesi concilio præcedenti, post quod hæc habentur.

Si diaconum quis calumniatus fuerit, et convaluerit, pœniteat secundum canones, et 400 solidos episcopo componat. Si non convaluerit juxta præcepta synodalia pœniteat, et 600 solidos episcopo componat. (Cap. 3.) Si presbyterum quis male tractaverit et spassaverit, secundum ejus episcopi sententiam pœniteat, et 900 solidos episcopo componat. Si autem mortuus fuerit, ut synodus dijudicaverit pœniteat, et 120 [900 habet codex Conciliorum] solidos episcopo componat. (Cap. 4.) Et si quis episcopo insidias posuerit, comprehenderit, vel in aliquo dehonestaverit, pœniteat secundum canonum statuta, et presbyteri non occisi triplicem compositionem cum justitiis quæ in superiori capitulo scriptæ et confirmatæ esse videntur, componat. (Cap. 5.) Si quis per iustitiam episcopum occiderit, juxta id quod apud

Theodonis villam a triginta duobus episcopis [Triburiam, 22 episc. sic codex Conc.] decretum est, et quod ibi a nobis, et a primatibus totius Germaniæ et Galliæ benigna collaudatione collaudatum est et subscriptum est, pœniteat et pecuniam a nobis concessam Ecclesiæ viduatæ persolvat. Et hoc de nostro adjecimus, ut si quis in his supradictis sanctorum canonum nostrique decreti sanctionibus, episcopis inobediens et contumax exstiterit, primum canonica sententia feriat, deinde in nostro regno beneficium non habeat, et allodis [allodium] ejus in banno permanserit, ad fiscum nostrum redigatur, et captus in exsilium relegatur, et ibi tam diu custodiatur et constringatur donec coactus Deo et sanctæ Ecclesiæ satisfaciatur, quod prius gratis facere noluerat. Et si omnibus vobis ista complacuerint, dicite. Et tertio ab omnibus conclamatum est: Placeat. Et imperatores, et pene omnes Galliæ et Germaniæ principes subscripserunt, singuli singulas facientes cruces. Et ecclesiasticus ordo Deo et principibus laudes referentes, hymnum, *Te Deum laudamus* decantabant, et sic soluta est synodus.

CAP. 136. — *De eadem re. Ex concilio Maguntensi, cap. 19.*

(17, q. 4, c. Qui presbyterum.) Qui presbyterum occidit, duodecim annorum ei pœnitentia secundum canones imponatur; aut si negaverit, si liber est cum 72 juret. Si autem servus super duodecim vomeres ferventes se expurget. Convictus noxæ usque ad ultimum vitæ tempus militiæ cingulo careat, et absque spe conjugii maneat.

CAP. 137. — *De interfecto sacerdote. Ex concilio Vormatiensi, cap. 13 (conc. Magunt. sub Arnulpho imper. c. 16, et Tribur. c. 5).*

Qui sacerdotem voluntarie occiderit, carnem non comedat, et vinum non bibat cunctis diebus vitæ suæ. Jejunet usque ad vesperam, exceptis diebus festis atque Dominicis. Arma non sumat, equum non ascendat, ecclesiam per quinque annos non ingrediatur, sed ante fores ecclesiæ stet. Post quinque annos ecclesiam ingrediatur, nondum vero communicet, sed inter audientes stet. Cum autem fuerit

duodecim anni cursus finitus, communicandi ei licentia concedatur, et equitandi tribuatur remissio. Maneat autem in reliquis observationibus tres dies per hebdomadam, ut perfectius purificari mereatur.

CAP. 138. — *De presbyteris depositis, et sic occisis. Ex concilio Turonico, cap. 5.*

Nuntiatum est nobis quod aliqui qui olim dixerunt se fuisse sacerdotes, et postea degradati pro suis peccatis pœnitentiam agendo, suffragia sanctorum per diversa loca transeuntes quæsierunt, trucidati sunt; hujuscemodi interfectoibus omnem ecclesiasticam dignitatem denegamus, donec dignam pœnitentiam pro reatu suo, secundum iudicium episcoporum exsolvant, quia gravius aliis homicidis pœnitere debent.

CAP. 139. — *De presbyteris qui sine orario occidunt. Ex concilio Triburiensi, cap. 26, cui interfuit Arnulfus rex.*

(14, q. 4, c. Ut presbyteri.) Ut presbyteri non vadant nisi stola vel orario induti. Et si in itinere spoliantur vel vulnerantur, aut occiduntur non stola vestiti, simplici emendatione sua solvantur; si autem cum stola, triplici.

CAP. 140. — *De presbytero interfecto ad quem ejus compositio pertineat. Ex eodem concilio, cap. 5 (capitul. l. iv, c. 15)*

(17, q. 4, c. Omnes presbyteri.) Presbyteri interfecti compositio episcopo ad cujus parœciam pertinebat solvatur, ita videlicet ut medietatem wîrgeldi [wergeldi] ejus utilitatibus ecclesiæ cui præfuit tribuat, et alteram medietatem in elemosynam ejus juste dispartiat, quia nullus nobis ejus hæres proximior videtur quam ille qui ipsum Domino sociavit.

CAP. 141. — *De illis qui per insidias homicidium perpétraverint. Ex concilio Nannetensi, cap. 2 (cap. 17).*

Si quis voluntarie et per insidias hominem interfecerit, jugi pœnitentiæ se submittat. Et si hoc publice actum constat, si laicus est, a communione orationum quinquennio removeatur. Post quinquennium tantum in orationum communionem recipiatur, non autem offerat, non corpus Domini contingat. In quo perdurans quatuordecim annis, tunc ad plenam communionem cum oblationibus recipiatur.

CAP. 142. — *Item de homicidio sponte commisso. Ex concilio Ancyrano, cap. 21 (et concilio Tribur. c. 54).*

Qui voluntarie homicidium fecerint, pœnitentiæ quidem jugiter submittant se, perfectionem vero circa vitæ exitum consequantur.

CAP. 143. — *Item de eadem re. Ex concilio Parisiensi, cap. 6.*

Si quis homicidium sponte commiserit, et non violento resistens, sed vim faciens, innocentem et simpliciter gradientem interfecerit, usque ad finem vitæ suæ graviter pœniteat, sic tamen ut si pœnitentiam bene peregerit, in exitu ei communionis viaticum non denegetur.

CAP. 144. — *De homicidio non sponte commisso. Ex A concil. Ancyr. cap. 22 (et concil. Tribur. c. 52).*

De homicidiis non sponte commissis prior quidem definitio per septennem pœnitentiam perfectionem consequi præcipit; secunda vero quinquennii tempus explere.

CAP. 145. — *De eadem re. Ex concil. Nannetensi, cap. 2 (cap. 18).*

Si quis casu, non volens, homicidium perpetraverit, quadraginta dies in pane et aqua pœniteat. Quibus peractis, biennium ab oratione fidelium segregetur, nec communicet, nec offerat. Post biennium in communionem orationis suscipiatur, offerat autem, non tamen communicet. Post quinquennium ad plenam communionem recipiatur. Abstinencia ciborum in arbitrio sacerdotis maneat.

CAP. 146. — *De illo qui domino suo præcipiente homicidium fecerit. Ex eodem, cap. 25.*

Si quis liber iubente domino suo servum ejus occiderit, ut homicidium sponte commissum pœniteat.

CAP. 147. — *De illo qui servum suum interfecerit. Ex concil. Agathensi, cap. 62 (91).*

Si quis servum proprium sine conscientia judicis occiderit, ut homicidium sponte commissum luceat.

CAP. 148. — *De femina quæ in furore suo ancillam suam verberaverit, et sic perierit. Ex concilio Eliberitano (et Wormat. c. 59).*

Si qua domina furore zeli accensa flagellis verberaverit ancillam suam, ita ut infra diem tertium animam cum cruciatu effundat, eo quod incertum sit voluntate, an casu occiderit; si voluntate, post septem annos; si casu, post quinquennii tempora, acta legitima pœnitentia, ad communionem placuit admitti. Quod si infra tempora constituta fuerit infirmata [infirmate gravata], accipiat communionem.

CAP. 149. — *De eo qui hominem publice pœnitentem occiderit. Ex decretis Sylvestri papæ.*

Si quis hominem publice pœnitentem interfecerit, ut homicidium sponte commissum dupliciter pœniteat, et nisi in fine non communicet.

CAP. 150. — *De illis qui in opere necessario casu homicidium perpetraverint. Ex concilio Wormatiensi cap. 5 (cap. 29).*

(*Dist. 50, c. Sæpe contingit.*) Sæpe contingit ut dum quis operi necessario insistsens arborem incidit, aliquis subtus ipsam veniens deprimatur; et idcirco si voluntate vel negligentia incidentis arborem factum est, ut homicida pœnitentiæ debet omnino submitti. Quod si non voto, nec incuria illius, non denique hoc cum scientia contingit, sed dum ille operi necessario fortassis incumberet, iste insperatus occurrit sub arbore, et sub ipsa oppressus, incisor arboris non tenetur pro homicida.

CAP. 151. — *De eadem re. Ex concilio Triburiensi cap. 17 (cap. 16).*

(*Dist. 50, c. Si duo.*) Si duo fratres in silva arbores succiderint, et appropinquante casura unius

(92) Et conc. Wormat., c. 38, sed in quibus sic reatum sanguinis emundabit.)

arboris, frater fratri dixerit: Cave, et ille fugiens in pressuram arboris inciderit, et mortuus fuerit, vivens frater innocens de sanguine germani dijudicetur.

CAP. 152. — *De illis qui in publico bello homicidium committunt. Ex concilio Magontensi cap. 2.*

Oportet autem diligentius eos admonere qui homicidia in bello perpetrata de nihilo ducunt, excusantes se non ideo necesse habere de singulis facere pœnitentiam, eo quod jussu principum peractum sit, et Dei judicio ita finitum. Scimus enim quod Dei judicium semper justum est, et nulla reprehensione dignum. Sed tamen oportet eos considerare, qui hanc necem nefariam cupiunt, utrum se coram oculis Dei quasi innoxios excusare possint, qui propter avaritiam, quæ omnium malorum radix est (*1 Tim. vi*), et idolorum servituti comparatur (*Ephes. v*), atque propter favorem dominorum suorum temporalium æternum Dominum contempserunt, et mandata illius spernentes non casu, sed per industriam homicidium fecerunt. Nam de his legimus qui homines non sponte interfecerunt, Dominum per legislatorem urbes refugii deputasse, ad quas confugientes salvarentur ab ultore sanguinis proximi sui, et non morerentur. Unde in Deuteronomio scriptum est: *Hæc erit lex homicidæ cui vita servanda est (Deut. xix).*

Qui percusserit proximum nesciens, et heri et nudius tertius nullum contra eum habuisse odium comprobatur, sed abiisse simpliciter cum eo in silvam ad ligna cædenda, et in succisione lignorum securis fugerit de manu, aut ferrum lapsum de manubrio amicum ejus percussit et occiderit, hæc ad unam urbium supradictarum confugiat, et vivat, ac proximus ejus cujus sanguis effusus est, stimulo doloris percutiat animam ejus. De eo vero qui per industriam aliquem occiderit, in Exodo scriptum est: *Si quis de industria et per insidias occiderit proximum, ab altari meo eccles eum ut moriatur (Exod. xxi).* Et in Deuteronomio: *Si quis odio habens proximum suum, insidiatus fuerit vitæ ejus, et surgens percusserit eum, et mortuus fuerit, et fugerit ad unam de supradictis urbibus, mittent seniores civitatis illius, et rapiant eum de loco refugii, et tradent eum in manus proximi ejus cujus sanguis effusus est, et moriatur, nec misereberis ejus (Deut. xix).*

Si ergo illum quem dignum morte esse judicavit Dominus, reum non esse quis dicit, quomodo contrarius legis Dei non existit, qui hoc quod Dominus præcipit casum esse contendit? Sed inter hæc sciendum est quod magna distantia est inter legitimum principem, et seditiosum tyrannum, inter eum qui subvertere nititur Christianæ pacis tranquillitatem, et illum qui armis contra iniquitatem certat defendere æquitatem.

CAP. 153. — *De illis qui de homicidio sunt infamati, si negaverint. Ex concilio Turonensi, cap. 2.*

Ubi manifestari potest quemlibet hominem perpe-

legitur: « Excommunicatione, vel pœnitentia biennii

trasse homicidium, secundum canonicam auctoritatem condignum pœnitentiæ iudicium illi ingeratur. Si autem manifestis indicibus non potest probari eum homicidam esse, nec ipse vult confiteri, omnipotentis Dei iudicio, cui omnia occulta manifesta sunt, reservetur: ei tamen indicetur publice a presbytero quod communione ecclesiastica indignus sit, et ea carere debeat, donec perpetratum crimen confiteatur, et per confessionem et pœnitentiam condignam ab hoc crimine se absolvere certet.

CAP. 154. — *De insano si homicidium perpetraverit. Ex eodem, cap. 7 (conc. Vorm. c. 28).*

Si quis insanens aliquem occiderit, si ad sanam mentem pervenerit, levior ei pœnitentia imponenda est, quam ei qui sana mente tale quid commiserit. Cui quamvis pœnitentia sit imponenda, quia ipsa infirmitas causa peccati fuisse creditur, tantum tamen levior quam ei qui sanus aliquem occiderit, quantum inter sanum et insanum, et irrationabile et rationale constat esse discriminis.

CAP. 155. — *De illis qui veneficio homicidia committunt. Ex comm. Eliberit. cap. 7.*

Si quis vero veneficio interfecerit alterum, eo quod sine idololatria perficere scelus non potuit, nisi in fine impertiendam non esse illi communionem.

CAP. 156. — *De illo per cuius delationem aliquis interfectus fuerit. Ex eodem comm. c. 73.*

(5, q. 6, c. Delator.) Delator si quis exstiterit fidelis, et per delationem ejus aliquis fidelium fuerit proscriptus vel interfectus, placuit eum non nisi in fine accipere communionem. Si levior causa fuerit, infra quinquennium accipere communionem poterit. Si catechumenus fuerit, post quinquennii tempora admittatur ad baptismum.

CAP. 157. — *Quod tria sint genera homicidarum. Ex epist. Clementi papæ, cap. 16 (epist. 4 ad Eccl. Hieros.).*

Homicidarum vero tria genera esse dicebat, et pœnam eorum parilem fore dicebat. Sicut enim homicidas interfectores fratrum, ita et detractatores eorum eosque odientes homicidas esse manifestabat. Quia et qui occidit, et qui fratrem suum odit (I Joan. III), et qui detrahit ei, pariter homicida esse monstratur. Omnes enim a carnalibus desideriis quæ militant adversus animam abstinere, et bonam eorum conversationem ac innocentem omnibus monstrare rogabat (I Petr. II). Post plura. Ex corde enim cunctos attentius invicem diligere insinuabat, seniores venerari, et juniores diligere, episcopos, suos sacerdotes ac cunctos reliquos Ecclesiæ ministros, atque omnem plebem sibi commissam verbis et mandatis divinis instruere et amare, hosque omnes eorum episcopos tota animi virtute diligere [dirigere orig.], ut oculos suos, qui oculi sunt illorum, præceptis in omnibus obedire, etiam si ipsi aliter (quod absit) agent quam deceat (I Petr. v), memo-

(92) Decerpta hæc videntur ex enarra. Psal. LVI a. i versic. Dormivi conturbatus, et proximos.

A res scilicet illius Dominici præceptu: *Quæ dicuntis facite; quæ autem faciunt, facere nolite (Matth. xxiii).*

CAP. 158. — *Quod homicidæ ab ecclesiastica communione sint submovendi. Ex concilio Agatheusi, cap. 37.*

(24. a. 3, c. Itaque.) Itaque censuimus homicidas a communione ecclesiastica submovendos, nisi pœnitentiæ satisfactione admissa crimina diluerint

CAP. 159. — *De eodem. Ex concilio Turonensi cap. 7 (Turon. 1).*

Homicidiis penitus non communicandum, donec per confessionem pœnitentiæ ipsorum crimina diluantur.

CAP. 160. — *De illis quorum consilio homicidia fiunt. Ex dictis sancti August. (92).*

B Periculose se decipiunt, qui existimant eos tantum homicidas esse, qui manibus hominem occidunt, et non potius eos per quorum consilium et fraudem et exhortationem homines extinguuntur. Nam Judæi Dominum nequaquam propriis manibus interfecerunt, sicut scriptum est: *Nobis non licet interficere quemquam (Joan. xviii): sed tamen illis Domini mors imputatur, quia ipsi eum lingua crucifixerunt, dicentes: Crucifige eum (Luc. xxiii).* Unde unus Evangelista dicit Dominum crucifixum hora tertia (Marc. xv), alius sexta (Joan. xix): quia Judæi crucifixerunt eum hora tertia lingua, milites hora sexta manibus. Qui ergo hominem tradit, eum ille interficit, Domino dicente: *Majus peccatum habet qui me tradidit tibi (Joan. xix).* Unde Psalmista: *Filii hominum dentes eorum arma et sagittæ, linguæ eorum gladius acutus (Psal. lvi).* Subjiciant ergo se pœnitentiæ, quorum consilio sanguis funditur, si veniam promereri voluerint.

CAP. 161. — *De illis qui pro vindicta parentum homicidia committunt. Ex pœnitentiæ Theodori.*

Qui pro vindicta fratris aut aliorum parentum occiderit hominem, ita pœniteat ut homicidia sponte commissa, cum ipsa Veritas dicat: *Mihi vindicta, et ego retribuam (Deut. xxxii; Rom. xii; Hebr. x)*

CAP. 162. — *De illo qui propter cupiditatem Judæum interfecerit. Ex concilio Magontiensi, cap. vi (93).*

(Dist. 50, c. Qui vero.) Qui odii meditatione, vel propter cupiditatem Judæum vel paganum occiderit, quia imaginem Dei et spem futuræ conversionis exstinxerat, quadraginta dies in pane et aqua pœniteat.

CAP. 163. — *De parricidis et fratricidis. Ex concilio Triburiensi, cap. v (94).*

Statuimus ut parricidæ et fratricidæ per unius anni circulum ante fores ecclesiæ orantes Domini clementiam, perseverent. Completo anni circulo introducantur in ecclesiam, tamen inter audientes usque dum unius anni spatium finiatur, stent. His ita peractis, si pœnitentiæ fructus in eis conspicitur, corporis et sanguinis Domini participes fiant, ut non

(93) Cap. 27, conc. Worm. fere his verbis legitur.

(94) Conc. Worm., c. 50, id habetur.

obdurentur desperatione. Carnem non manducent omnibus diebus vitæ illorum; jejurent autem usque ad nonam quotidie, exceptis festis diebus atque Dominicis, abstineant autem se a vino, medone atque mellita cervisia, tres dies per hebdomadam; arma portare non audeant, nisi contra paganos. Et ubicunque iræ maluerint, nullo vehiculo deducantur, sed pedibus propriis pergant. Ab uxoribus, si habuerint, non separentur. Tempus autem hujus pœnitentiæ in episcoporum ponimus arbitrio, ut secundum conversationem illorum, aut extendere vel minuere valeant.

CAP. 164. — *De eadem re. Ex concilio Magontiensi, cap. XI (sub Leone IV., c. 20).*

Parricidium autem quam sit detestabile crimen, in judicio facto inter Cain et Abel fratrem suum Dominus ipse ostendit, cum ad Cain parricidiam ait: *Maledictus eris super terram, quæ aperuit os suum, et suscepit sanguinem fratris tui de manu tua. Cum operatus fueris terram, non dabit tibi fructus suos; et vagus et profugus eris super terram (Gen. iv).* In quo etiam posuit signum ut tremens et gemens et profugus viveret semper, nec auderet uspiam sedes habere quietis. Sed quia modernis temporibus parricidiae profugi discurrunt per diversa loca, et variis vitiis atque gulæ illecebris deserviunt, melius nobis videtur ut in uno loco manentes pœnitentia districta semetipsos castigent, si forte a Domini pietate indulgentiam facinoris sui percipere mereantur. Non enim eis licebit ultra militiæ cingulum sumere, et nuptiis atque conjugii copula uti [conjugiis copulari, orig.], quia sacri canones hoc eis non consentiunt.

CAP. 165. — *De illis qui infantes suos non sponte interficiunt. Ex concilio Triburiensi (cap. 53).*

Si quis filium suum non sponte occiderit, juxta homicidia non sponte commissa pœniteat.

CAP. 166. — *De illo qui uxorem legitimam sine judicio interfecerit. Ex decretis Pii papæ, cap. 26.*

(33, q. 2, c. Quicumque.) Quicumque propriam uxorem absque lege, vel sine causa et certa probatione interfecerit, aliamque duxerit uxorem, armis depositis, publicam agat pœnitentiam. Et si contumax fuerit, et episcopo suo inobediens extiterit, anathematizetur quousque consentiat. Eadem lex erit illi qui seniores suos interfecerit.

CAP. 167. — *De eadem re. Ex concilio Magontiensi, cap. 1.*

Si maritus uxorem, aut uxor maritum interfecerit, æquum judicium sit super eos, dicente Domino: *Non consideres personam pauperis, nec honores vultum potentis (Lev. xix).* Et post pauca ita inquit: *Parrum audietis ut magnum, nec accipietis cujusquam personam, quia Dei judicium est (Deut. 1).* Idcirco uterque eorum in hujuscemodi criminis actione, si negaverit, pari judicio examinetur. Si negaverit et non potest vinci manifesti indicii; si liber est, juret cum duodecim; si servus, ferventi ferro se purget. Sin autem moriens, maritum uno vel duobus audientibus de morte ejus inculpaverit, non ideo erit victus, sed si liber est, cum septuaginta

duobus juret; si servus, super duodecim vomeres ferventes se purget. Eadem lex erit marito uxorem accusanti

CAP. 168. — *De eadem re. Ex concilio Eliberitano, cap. LXXXV (in fragmentis).*

Si mulier causa fornicationis maritum suum interfecerit [veneno. orig.], aut quacunquē arte perimere facit, quia dominum et seniores suos occidit, sæculum relinquat, et in monasterio pœniteat.

CAP. 169. — *De uxore in mariti mortem consentiente. Ex concilio apud Vermerias, cap. 3 (Legitur ad calcem conc. Eli.).*

(13, q. 1, c. Si qua mulier.) Si qua mulier mortem viri sui cum aliis conciliata est, et ipse vir alium illorum se defendendo occiderit, et si hoc probare potest ille vir eam ream esse consilii, potest (ut nobis videtur) ipsam uxorem dimittere. Ipsa autem insidiatrix pœnitentiæ subjecta, absque spe conjugii maneat.

CAP. 170. — *De hoc, si plures unum impugnaverint. Ex concilio eodem, cap. 98.*

(23, q. 8, c. Si quatuor.) Si quatuor aut quinque homines, seu etiam plures contra unum hominem rixati fuerint, et ab his vulneratus mortuus fuerit, quicumque eorum plagam ei imposuit, secundum statuta canonum, ut homicida judicetur; reliqui autem qui eum impugnabant volentes eum interficere, similiter pœniteant. Qui vero nec eum impugnabant, nec vulnerabant, nec concilio nec auxilio cooperatores fuerunt, sed tantum affuerunt, extra noxam sint.

CAP. 171. — *De vindicta non prohibenda. Ex dictis Apostoli, Hieronymi, Augustini, Gregorii.*

De vindicta non prohibenda in Novo Testamento Hieronymus (in *Ezech. lib. III, ad c. IX*) de personis dignis ad vindictam, ait: « Qui percussit malos in eo quod mali sunt, et habet causam interfectionis ut percussit pessimos, minister Dei est. » Item: « Lex et ministri ejus coerceant inimicos et constringant. » Apostolus inquit: *Regi quasi præcellenti, et ducibus tanquam ab eo missis ad vindictam malefactorum, laudem vero bonorum (I Petr. II).* Item Hieronymus (*Hier. in XXII c. Hier., statim post principium*). « Homicidas et sacrilegos et venenarios punire non est effusio sanguinis, sed legum ministerium. » Augustinus ait: « Quæ ista vanitas, parcere uni, et omnes in discrimen adducere? Polluantur enim omnes uno peccante, unde et in lege jubetur: *Maleficos non patiaris vivere (Exod. XXI).* Unde propheta: *Mortificabant animas quæ non vivunt.* » Unde Gregorius: « Non morientem quippe mortificat, qui justum damnat; et non victurum vivificare nititur, qui reum a supplicio solvere conatur. » Elias namque multos affecit morte propria manu nece et igne divinitus inspirato (*III Reg. XVIII; IV. Reg. I*). In Novo etiam Testamento Petrus Ananiam et Sapphiram terrificè multavit (*Act. V*).

CAP. 172. — *De illis qui in confractione idolorum occisi fuerint. Ex concilio Eliberitano, cap. LX.*

Si quis idola fregerit, et ibidem occisus fuerit.

quia in Evangelis scriptum non est, neque invenitur sub apostolis unquam factum, placuit in numerum eum non recipi martyrum.

CAP. 173. — *De eo qui matrem suam occiderit, qualiter poenitere debeat. Ex epist. Nicolai papæ ad Radulphum sanctæ Argenteæ Retensis Ecclesiæ episcopum.*

Nicolaus episcopus, servus servorum Dei, reverendissimo et sanctissimo Radulpho episcopo sanctæ Argenteæ Retensis Ecclesiæ. Dum de universis mundi partibus credentium agmina Principis apostolorum liminibus properant, quidam vir nomine Thiothart, venit, vestræ beatitudinis epistolam gerens, quam nostro contulit præsulatui, cujus paginam perlegentes matricidam illum esse cognovimus. Quod factis multis fletibus lacrymisque profusis valde doluimus. Idecirco præcepimus, et Patrum aliorum censuris statuimus, ut sub poenitentiae jugo permaneat, ita ut unum per annum ecclesiam non ingrediatur, sed ante fores basilicæ orans ac deprecans Dominum perseveret, qualiter tanto eripiatur piaculo. Completo vero anni circulo, introeundi in ecclesiam habeat licentiam, tamen inter audientes stet et nondum communicet. Completis autem trium annorum circulis, sacræ communionis illi gratia concedatur, oblationes vero non offerat, nisi postquam aliorum septem annorum curricula expleantur. In his autem omnibus annis atque temporibus carnem non manducet, nec vinum bibere præsumat, exceptis festis diebus atque Dominicis, et a Pascha usque ad Pentecosten, et quocumque ire vojerit, nullo vehiculo deducatur, sed pedibus proficiscatur, arma non sumat nisi contra paganos. Jejunet autem tres dies per hebdomadam usque ad vesperum: a propria quidem ac legitima sua conjuge non separetur, ne in fornicationis voraginem corruat, quod ne fiat optamus. Si autem ante trium annorum cursum finis vitæ illius appropinquaverit, corporis et sanguinis Domini nostri Jesu Christi particeps fiat. Sin autem, ut supra statuimus, efficiatur; tamen si illius conversationem et lacrymarum fontem in omnibus videritis floridis actionibus, et optimis operibus pullulare, humanius circa eum vestra sollicitudo pervigil appareat, mitisque omnibus demonstretur. Optamus vos in Christo bene valere.

CAP. 174. — *Ut clericus qui homicidium fecerit ab ordine cessare cogatur. Ex concilio Triburiensi cui interfuit Arnulfus rex, cap. 11.*

Si quis clericus quamvis nimium coactus, homicidium fecerit, sive sit presbyter, sive diaconus, deponatur. Legimus in canonibus apostolorum quod episcopus, presbyter, et diaconus qui in fornicatione aut perjurio, aut furto captus est, deponatur, quanto magis is qui hoc immanè scelus fecerit ab ordine cessare debet? Qui enim Christum sequi desiderat, debet sicut ille ambulavit, et ipse ambulare (I Joan. II, 6). Qui cum malediceretur, non maledicebat, cum percuteretur non repercutebat, cum pro nobis pateretur non commina-

batur (I Petr. II, 23). Et ipse in Evangelio suo præcepit: Si quis te percusserit in unam maxillam, præbe illi et alteram (Luc. VI, 29). Non enim debemus occidere, cum Dominus dicat: Audistis quid dictum est antiquis; Non occides: Qui autem occiderit, reus erit iudicio. Ego autem dico, quia omnis qui irascitur fratri suo, reus erit iudicio (Matth. V, 21, 22). Nec malum pro malo reddere, sed sicut Apostolus Romanis scribens ait: Noli vinci a malo, sed vince in bono malum (Rom. XII, 21). Si quis clericorum præsens erit ubi homicidium factum fuerit, et neque consensu, neque consulto, neque in aliquo homicidii reatu pollutus esse vincantur, nihil ei obsit quin consecratus in gradu permaneat, non consecratus, si alias dignus sit, promotus accedat.

B CAP. 175. — *De eo si quis in hoste contra paganos dimicans interfecit captivos Christianos. Ex eodem conc. cui interfuit Arnul. rex, cap. 34.*

Sæpe fit victoria Christianorum, victa est pars paganorum. Quare si una cum interfectis paganis perempti fuerint Christiani captivi a barbaris, quia impetu belli nequeunt distingui. Idecirco justum esse decernentes statuimus cum interfecto misericordius agendum, ita ut, 40 diebus poenitentiae indulgentius transactis, penes episcopum sit auctoritas et potestas, ut perpendat culpam et agat indulgentiam.

CAP. 176. — *De eo qui Christianum mancipium seduxerit, et sic vendiderit. Et conc. apud Confluentiam, cui interfuerunt Henricus et Carolus reges, cap. 7.*

C Item interrogatum est, quid de eo faciendum sit qui Christianum hominem seduxerit, et sic vendiderit. Responsumque est ab omnibus, homicidii reatum ipsum hominem sibi contrahere.

CAP. 177. — *De poenitentia ejus qui fratricidium fecerit. Alexander II, Wilhelmus Petragoricensis, Duranno Toletensi (Tholosano) episcopis, et Hugoni abbati.*

Præsentium portitor litterarum ad nos perveniens lacrymabiliter confessus est se fratricidii crimen incurrisse. Qui licet tanti facinoris efficiens causa fuerit, tamen minime voluntate sua peractum intimavit. Cum enim fratrem suum inimicantem sibi paratis insidiis cepisset, et ipsum ut secum iret percussione capuli ensis coegisset, consobrinus quidam suus secum perveniens sine consilio et præmeditatione sine voluntate etiam ipsius, ut astruit, eum interfecit. Cui licet condignam religio vestra injunxerit et laudabilem poenitentiam, tamen circa eum misericordiæ viscera exhibentes, præcipimus ut cum domum redierit, medietatem totius patrimonii sui pro fratris animæque suæ remedio pauperibus tribuat: alterius quoque hæreditatis suæ portionem nihilominus pro eadem causa distribuens, usum fructumque necessitati suæ reservet. Et sic omnibus ordinatis suis liber in monasterium ingrediatur, et ibi per unum annum hujusmodi poenitentia maceretur, scilicet ut a Pentecoste usque ad sancti Michaelis festivitatem bis in unaquaque

hebdomada in pane et aqua; dehinc autem usque ad quadragesimam tribus diebus jejuset similiter in pane et aqua, et ut a corpore et sanguine Domini usque ad tres annos expletos abstineat, nisi periculum mortis immineat. Quadragesimam totam præter dies Dominicos jejuset, arma nullo modo in vita sua induat, conjugio usque ad peractam septem annorum pœnitentiam non utatur. Sexta feria, donec vixerit, jejuset. Hæc omnia ita illi injunximus, ut si infirmitatem ejus minime ferre posse providentia vestra præsensierit, licentiam habeat miserendi prout placuerit.

CAP. 178. — *Item de patricidis et fratricidis. Alexander Wiltinensis Ecclesiæ clericis.*

Diligentia vestra noscat huic Theoderico pro patricidio, morte videlicet filii sui non sponte commisso, auctoritate beatissimorum apostolorum et canonum pœnitentiam nos septennio imposuisse, in eodem peractæ pœnitentiæ tempus connumerantes, ita ut amodo usque ad sancti Martini festum duobus diebus in hebdomada jejuset, quarta feria videlicet et sexta in pane et aqua; a sancti Martini festivitate usque ad Domini Nativitatem, continuuim agat jejunium in pane et aqua, exceptis Dominicis et quinta feria, in quibus quadragesimali cibo vescatur; ab octavis Epiphaniæ usque ad quadragesimam duobus in hebdomada jejuset diebus, quarta et sexta feria in pane et aqua, exceptis festis principalibus, in quibus eleemosyna se redimat. In quadragesimali vero tempore continuum est agendum jejunium in pane et aqua, exceptis Dominicis diebus. In quinta feria tantum vinum ei bibere, et quadragesimali uti cibo concedimus. Post annum vero completum in toto anno duobus diebus in unaquaque hebdomada in pane et aqua jejuset. In quadragesima tamen continuum agat jejunium in pane et aqua, et in unoquoque anno usque ad expletum pœnitentiæ tempus hujusmodi jejunium agendum est, et a carne se abstineat, per unum annum Ecclesiæ ei denegamus. Post ingressum Ecclesiæ tribus annis a communione separamus, nisi mortis fuerit timore præventus. Si quis autem episcopus vel religiosus presbyter causa pietatis aliquid sibi remedii relaxare voluerit, hoc ei ex apostolica auctoritate concedimus.

CAP. 179. — *De eodem. Gregorius III. Bonifacio.*

De his vero dicimus qui patrem, matrem, fratrem, aut sororem occiderint ut toto vitæ suæ tempore corpus non suscipiant Dominicum, nisi sui temporis exitu pro viatico. Abstineant enim se et a carnis comestione et potu vini donec advixerint. Jejuset secundam et quartam et sextam feriam, ut sic possint defendo diluere commissum scelus.

CAP. 180. — *Item de eodem, et de cognatorum suorum interfectoribus. Nicolaus Carolo episcopo et ejus suffraganeis.*

De parricidis et fratricidis præcipimus ut per unius anni circulum ante fores basilicæ orantes Do-

mini clementiam, perseverent; completo vero anni circulo introducantur in ecclesiam, tamen inter audientes usque dum unius anni spatium finiatur, stent, cum ad missarum solemnias vel alia sacra audire officia venerint. His itaque peractis si pœnitentiæ fructus in eis conspicitis, corporis et sanguinis Domini nostri Jesu Christi participes fiant, ne desperationis indurentur caligine. Carnem non manducet omnibus diebus vitæ eorum. Jejuset autem usque ad nonam diei horam quotidie, exceptis festis diebus atque Dominicis, vinum atque pulmentum sumere non præsumant, nisi tres dies per hebdomadam, arma gerere non audeant vel sumere nisi contra paganos, et ubicunque ire voluerint nullo vehiculo deducantur, sed pedestri more proficisci studeant. Tempus hujus pœnitentiæ in vestra beatitudinis arbitrio ponimus, ut secundum conversationem illorum aut extêdere, aut minuere valeatis: ab uxoribus, si habuerint, non separentur. Si autem non habuerint, et se continere non valuerint, legitimas in conjugio accipiant feminas, ne fornicationis voragine incidere videantur. Si autem antequam duorum prædictorum fluantur curricula annorum, finis vitæ illorum pervenerit, viaticum illis non negetur. *Nicolaus papa ad consulta Bulgarorum, cap. 24.* Quid parricida, id est qui patrem aut matrem occiderit, vel etiam qui fratrem aut sororem interficit, pati debeat, leges indicant. Porro si ad Ecclesiam confugerint, id quod episcopus loci vel sacerdos qui ab illo constitutus est, præviderit, agendum decernimus. *Item (cap. 26).* De his proximum, id est consanguineum suum, ut est frater, consobrinus, aut nepos, trucidaverit, venerandæ leges proprium robur obtineant. Sed si ad Ecclesiam convolaverint, mortis quidem legibus eruantur, pœnitentiæ vero quam antistes loci vel presbyter consideraverit, absque dubio submittantur.

CAP. 181. — *De mulieribus quæ partus suos necant. Ex conc. Ancyrano, cap. 30.*

De mulieribus quæ fornicantur et partus suos necant, vel quæ agunt secum ut utero conceptos excutiant, antiqua quidem definitio usque ad exitum vitæ eas ab Ecclesia removet; humanius autem nunc diffinimus, ut eis decem annorum tempus secundum præfixos gradus pœnitentiæ largiamur.

CAP. 182. — *De eadem re. Ex Irlerdensi concilio, cap. 2.*

Qui male conceptos ex adulterio fetus vel editos necare studuerint vel in matrum ventribus positionibus aliquibus colligerint, in utroque sexu adulteris post septem annorum curricula communio tribuatur, ita tamen ut omni tempore vitæ suæ humilitati et fletibus insistant. Si vero clerici fuerint, officium eis ministrandi recuperare non liceat.

CAP. 183. — *Item de eodem. Canones Martini epi-*

scopi ad laicos, cap. 9 (ex lib. synod. Græca. Mart. A Bracaren episc. c. in universum 77).

Si qua mulier fornicata fuerit, et infantem habuerit, et illum occiderit, et quæ studuerit abortum facere, et quod conceptum est necare, aut certe ut non concipiat elaboraverit, sive ex adulterio, sive ex legitimo conjugio, has tales mulieres in morte recipere communionem priores canones decreverunt. Nos tamen pro misericordia sive tales mulieres, sive conscias scelerum ipsarum, decem annis agere poenitentiam judicamus.

CAP. 184. — *De quodam qui fratrem suum occiderat. Nicolaus Donno episcopo, et Carolo regi.*

Quidam vestræ dioceseos vir, Hugo nomine, venit, qui lacrymoso affatu nostro pontificio retulit qualiter fratricidium antiquo hoste cogente fecerat, et qualiter sub poenitentiae jugo pro tanto facinore a vestra fuerat constitutus beatitudine. Nos autem tantæ adversitatis piaculum, et fraterni sanguinis audientes effusionem, non paucas fundentes lacrymas contristati sumus. Tamen quia, ut aiebat, tantæ maculæ culpam lacrymarum fonte abluere fraterna jubente gratia malit, sancimus ut proprias possessiones quæ ab eo pro hoc facto ablatae sunt, incunctanter recipiat, ne paupertatis inopia constrictus ad pejora deducatur. Nam et propria legitimaque uxor illius a qua separatus est, vestra sanctitas illi ut statim reddatur satagat, ne in fornicationis voraginem, quod nolumus, incidere videatur. In reliquis vero secundum poenitentiae modum quam illi instruxistis peragere, maneat.

CAP. 185. — *De poenitentia parricidarum et incestuosorum. Nicolaus Salomonii Constantiensi episcopo.*

Constat parricidas, fratricidas, et incestuosos, de quibus consulis utrum possint conjugio copulari, poenitentiam agere, et ideo non posse carnali copulae jungi. Quos oportet in castitate omnibus diebus vitae suæ permanere mentis et corporis, servata duntaxat propter misericordiam etiam circa hos beati papæ Leonis vigesima quarta decretalium regula.

CAP. 186. — *De quadam quæ filios suos necaverat. Stephanus III Lamberto episcopo Cenomannico.*

Lecta epistola a sanctitate tua nobis directa, quæ nunc feminam, nomine Hildegardam, filios suos

interfecisse, et septennem poenitentiam egisse fatebatur, valde doluimus. Unde quia mandasti ut viscera pietatis ei præberemus, volumus et misericorditer mandamus, ut sacris festivitatibus, id est reverendæ Nativitatis, et sancti Paschæ, atque Pentecostes et Natalis apostolorum sacrum corpus et sanguinem Domini nostri Jesu Christi sumere debeat, et diebus vitæ suæ in monasterio retrusa monachicam vitam regulariter ducat.

CAP. 187. — *Quod iudex qui peccata vindicare potest et non facit, reus sit peccati. Honorius Anatholio magistro militum.*

Lator præsentium prece nobis flebili supplicavit, asserens a quodam milite castri Salernitani germanum suum fuisse peremptum, insuper et rebus propriis post ejus interitum spoliatum: propter ea quam impium quamque contra legum statuta sit noxium ipsis rerum documentis in propatulo omnibus tenetur expertum, ut sanguis innocenter effusus a committente nullatenus ulciscatur. Qui hæc vindicare possunt, et pro convenientia ulcisci negligunt, sint profecto scituri quia si defensare insontem sanguinem neglexerint, in futuro tremendoque examine de eis utilitatis facinoris participibus tale commissum scelus exigetur. Propterea gloria vestra ad vindicandum ulciscendumque funesto homicidii crimine irretitum, ab agmine militari disjungat, et iudici provincie tradendum ac puniendum justitiæ impulsu festinet. Res vero ab eo vi latrociniali ablatas supradicto prelatori si germanus ejus exstiterit, inducitur restituat, quatenus nobis imminente disciplina is qui scelus commisit semper expectet, et incunctanter excipiat, et militaris integritas unius ob noxam homicidali contagio nequaquam subiacet.

CAP. 188. — *De his qui sibi mortem inferunt. Ex primo concilio Bracarensi, cap. 54.*

(23, q. 5, cap. Placuit ut si qui.) Qui per ferrum, aut per venenum, aut præcipitium, aut suspendium, vel quolibet modo violentiæ sibi ipsis inferunt mortem, nulla pro eis in oblatione commemoratio fiat. neque cum psalmis eorum cadavera ad sepulturam deducantur. Multi enim sibi hoc per ignorantiam usurpant. Similiter et de his fieri placuit qui pro suis sceleribus puniuntur.

DECRETI PARS UNDECIMA.

De incantatoribus, de auguribus, de divinis, de sortilegis, de sortiariis, et variis illusionibus diaboli, et de singulorum poenitentia

CAP. 1. — *Ne quis ariolos, haruspices vel incantatores observet. Decretum Gregorii junioris (Greg. II. c. 12 suorum decretorum, in conc. Romano 1).*

Druspices, vel incantatores observaverit, aut phylacteriis usus fuerit, anathema sit.

CAP. 2. — *De eadem re. Ex Ancyranensi conc., cap. 23.*

(26, q. 5, c. Si quis hariolos.) Si quis hariolos,

(26, q. 5, c. Qui divinationes.) Qui divinationes

expetant, et morem gentiliū subsequuntur, vel in A domos suas hujusmodi homines introducunt, exquirendi aliquid arte magica, aut expiandi causa sub regula quinquennii jaceant secundum gradus pœnitentiæ definitos.

CAP. 3. — *Ne clerici incantatores sint. Ex Laodicensi conc. cap. 36 (et concil. Agath. c. 68).*

(26, q. 5, c. *Non oportet.*) Non oportet sacris officiiis deditos vel clericos, magos aut incantatores existere, aut facere phylacteria, quæ animarum suarum vincula comprobantur.

CAP. 4. — *Quid agendum sit de sortilegis. Ex Agathensi conc. cap. 39 (cap. 42, et Venet. c. 16).*

(26, q. 5, c. *Aliquantii.*) Aliquantii clerici sive laici student auguriis, et sub nomine fictæ religionis per eas, quas sanctorum sortes vocant, divinationis scientiam profitentur, aut quarumcunque scripturarum inspectione futura promittunt. Hoc quicumque clericus aut laicus detectus fuerit vel consulere vel docere, ab ecclesia habeatur extraneus.

CAP. 5. — *De pœnitentia clericorum qui augures consuluerint. Ex Toletano concilio cap. 30 (conc. Toleta, IV, c. 28).*

(26, q. 5, c. *Si quis episcopus.*) Si quis episcopus, aut presbyter, aut diaconus, vel quilibet ex ordine clericorum aruspices aut hariolos, aut certe augures vel sortilogos, vel eos qui profitentur artem magicam, aut aliquos eorum similia [sublimia, *habet codex conc.*] exercentes consuluisse fuerit deprehensus, ab honore dignitatis suæ depositus, monasterii curam excipiat, ibique perpetuæ pœnitentiæ deditus scelus admissi sacrilegii solvat.

CAP. 6. — *De Pythonico spiritu. Ambrosius super Epistolam primam ad Corinthios (ad cap. 11).*

Spiritus mundi hic est, per quem corripuntur [arripiuntur] phanatici qui sine Deo sunt. Est enim inter mundanos spiritus potior; unde solet conjecturis quæ mundi sunt divinare, quem Pythonem appellant. Hic est qui per verisimilia fallitur, et fallit, hic est qui per Sibyllam locutus est sensum nostrorum secutus, locum volens inter cœlestes habere.

CAP. 7. — *De Kalendis vel auguriis non observandis. Zacharias Bonifacio episcopo (epist. ult.).*

De Kalendis Januariis, vel cæteris auguriis, phylacteriis, et incantationibus, vel aliis diversis observationibus, quæ gentili more observari dixisti apud Beatum Petrum apostolum, vel in urbe Roma, hoc et nobis et omnibus Christianis detestabile et perniciosum esse judicamus.

CAP. 8. — *De maleficis damnandis. Leo IV episcopus Britannicæ.*

Sortes quibus vos cuncta in vestris discriminatis provinciis, nihil aliud quam quod alii Patres damnaverunt, divinationes et maleficium esse decernimus. Quam ob rem volumus illas omnino damnari, et ultra inter Christianos nolumus nominari, et ut abscondantur sub anathematis interdictu prohibemus.

CAP. 9. — *De his qui cursus astrorum et volatus*

avium observant. Hieronymus super Jesu Nave, Homilia 7 (95).

Illi, qui cum Christiani sint, solemnitates gentiliū celebrant, anathema in Ecclesiam introducunt. Et qui de astrorum cursibus vitas hominum et gesta perquirunt; qui volatus avium, et cætera hujusmodi, quæ in sæculo prius observabantur inquirunt, de Jericho anathema inferunt in Ecclesiam, et pollutunt castra Domini, et vinci faciunt populum Dei.

CAP. 10. — *Non credendum his qui non secundum Dominum divinant. August. lib. Quæstionum super Deuteronomium, cap. 19 (in XIII Deut.).*

Intelligi voluit Dominus etiam illa quæ a divinantibus non secundum Deum dicuntur; si acciderint quæ dicuntur, non accipienda sic ut flant quæ præcipiuntur ab eis, aut colantur quæ coluntur ab eis.

CAP. 11. — *De depositione clericis maledici. Ex conc. IV, Carthag. cap. 57.*

(Dist. 46, c. *Clericus maledicus.*) Clericus maledicus, maximeque in sacerdotibus cogatur ad postulandam veniam. Si noluerit, degradetur, neque unquam ad officium absque satisfactione revocetur.

CAP. 12. — *De damnatione ejus qui aliquem maleficio interfecerit. Ex Eliberitano concilio, cap. 6.*

Si quis maleficio interficiat aliquem, eo quod sine idololatria perficere non potuit scelus, nec in fine percipiendam esse [impertiendam illi orig.] communionem.

CAP. 13. — *Quod constitutiones hominum partim sint superstitionis, partim non. August. De doctrina Christiana lib. II (cap. 19, 20).*

Ilud quod est secundum institutiones hominum, partim superstitionis est, partim non est superstitionis. Superstitiosum est, quidquid institutum est ab hominibus ad faciendam et colendam idola, pertinens vel ad colendam, sicut Deum, creaturam partemve ullam creaturæ; vel ad consultationes et pœta quædam significationum cum dæmonibus placita atque fœderata, qualia sunt molimina magnificaram artium, quæ quidem commemorare potius quam docere solent poetæ. Ex quo genere sunt, sed quasi licentiore vanitate, aruspicum et augurum libri. Ad hoc genus etiam pertinent omnes ligaturæ atque D remedia, quæ medicorum quoque disciplina condemnat, sive in præcantationibus, sive in quibusdam notis quas characteres vocant, sive in quibusque rebus suspendendis atque ligandis, vel etiam saltandis quodammodo non ad temperationem corporum, sed ad quasdam significationes aut occultas aut manifestas, quam eminentiore [mitiore, orig.] nomine physicam vocant, ut quasi non superstitiose [superstitione, Vict.] implicare, sed natura prodesse videantur sicut sunt inaures in summo singula: unum aurium, aut de struthionum ossibus ansulæ in digitis, aut cum tibi dicitur singultienti ut dextra manu pollicem [sinistrum pollicem, orig.] teneas.

(95) Id habet Origenes, interprete Hier. circa med.

His adjunguntur millia inanissimarum observatio-
nam; si membrum aliquod salierit, si junctum ambulanti-
bus amicis lapis, aut canis aut puer medius intervenerit. *Post pauca.* Hinc etiam sunt illa: Li-
men calcare, cum ante domum suam transiit, redire
ad lectum, si quis dum se calciat sternutaverit; redire domum, si procedens offenderit; cum vestis a
soricibus roditur plus timere suspicionem futuri mali quam præsens damnum dolere. *Item, ibidem, cap. 21, al.* Neque illi ab hoc genere perniciosæ superstitionis segregandi sunt, qui Genethliaci propter natalium [al. naturalium] considerationes dicuntur, nunc autem vulgo mathematici vocantur. Nam et ipsi, quamvis veram stellarum positionem, cum quisque nascitur, consecentur et aliquando etiam perverstigent, tamen quod inde conantur vel actiones nostras, vel actionum eventa prædicere, nimis errant. *Item de eodem, ibidem cap. 23.* Hec genus fornicationis animæ, salubriter divina auctoritas non tacuit, neque ab ea sic deterruit animam ut propterea talia negaret esse sectanda, quia falsa dicuntur a professoribus eorum, sed etiam si dixerint vobis, inquit, et ita evenerit, ne credatis eis (*Deut. XIII*). Non enim quia imago Samuelis mortui Sauli vera prænuntiavit (*I Reg. xxviii*), propterea talia sacrilegia quibus illa imago præsentata est, minus execranda sunt, aut quia in Actibus apostolorum femina ventriloqua verum testimonium perhibuit apostolis Domini, ideo apostolus Paulus percepit spiritui illi, ac non potius feminam illius dæmonii correptione atque exclusione mundavit (*Act. xvi*). Omnes igitur artes hujusmodi vel nugatoriarum, vel noxiarum superstitionis ex quadam pestifera societate hominum et dæmonum, quasi pacta infidelis et dolosæ amicitiarum constituta, penitus sunt repudianda et fugienda Christiano. *Item, ibidem, cap. 40.* Doctrinæ omnes gentilium non solum simulata et superstitiosa figmenta, gravesque sarcinas supervacui laboris habent, quæ unusquisque nostrum duce Christo de societate gentilium exiens, debet abominari atque devitare, sed etiam liberales disciplinas usui veritatis aptiores, et quædam morum præcepta utilissima continent, deque uno ipso Deo colorum nonnulla vera inveniuntur apud eos, quod eorum, tanquam aurum et argentum, quod non ipsi instituerunt, sed de quibusdam quasi metallis divinæ providentiæ quæ ubique infusa est, eruerant, et quo perverse atque injuriose ad obsequia dæmonum abutuntur; cum ab eorum misera societate sese animo separat, debet ab eis auferre Christianus ad usum justum prædicandi Evangelii. Vestem quoque illorum, id est hominum quidem instituta, sed tamen accommodata humanæ societati, qua in hac vita carere non possumus, accipere atque habere licuerit in usum convertenda Christianum.

(96) Exstant hujus sermonis et alia quædam fragmenta in Milleloquio Aug. ad titulum Kalendarum.

(97) Recensetur et hic sermo ad calcem Milleloqui

A CAP. 14. — *Rerum inhonestarum nullam esse societatem. Pandectarum libro xvii, titulo II (lege 57).*

Si maleficii societas coita sit, constat nullam esse societatem. Generaliter enim traditur rerum inhonestarum nullam esse societatem.

CAP. 15. — *De non observandis diebus Ægyptiacis. Augustinus super Epist. ad Galatas (ad cap. 4).*

Intelligat lector ad tantum periculum animæ pertinere superstitiones temporum observationes, ut dicat Apostolus: *Timeo vos, ne forte sine causa laboraverim in vobis (Gal. iv)*. Quod cum tanta celeritate atque auctoritate per orbem terrarum in Ecclesiis legatur, plena sunt conventicula nostra hominibus qui tempora rerum agendarum a mathematicis accipiunt. Jam vero ne aliquid inchoetur, aut ædificiorum, aut hujusmodi quorumlibet operum diebus quos Ægyptiacos vocant, sæpe etiam nos monere non dubitant.

CAP. 16. — *De non observandis Kalendis Januariis. Ex sermone August. de Kal. Jan. qui sic incipit: Dies Kalendarum (96).*

Sunt qui Kalendis Januariis ita auguria observant ut focum de domo sua vel aliud quodcumque beneficium cuicumque petenti non tribuant; diabolicas strenas et ab aliis accipiunt et ipsi aliis tradunt.

CAP. 17. — *Quod viri vel feminæ filios vel filias susceptas in baptismo docere debeant. Ex serm. August. Dominica. post Pascha, qui sic incipit: Hodiernus dies (97).*

C Ves autem omnia tam viros quam feminas qui filios in baptismo suscepistis, moneo, ut vos cognoscatis fidejussores apud Deum pro illis exstitisse quos visi estis de sacro fonte suscipere. Ideo semper eos admonere ut castitatem diligant, justitiam custodiant, charitatem teneant, hoc omnibus faciant quod sibi fieri volunt, auguria non observent, ad arbores et ad fontes vota non reddant, præcantatores et caragios, et sacrilega phylacteria, velut diabolici venena, refugiant, nec furtum faciant, nec falsum testimonium dicant. Ante omnia Symbolum et Orationem Dominicam et vos ipsi tenete, et illis quos excepistis ostendite.

CAP. 18. — *Quid sit: Dies observatis et menses (Gal. iv), etc. August. ad Januarium (ep. 119, c. 7).*

D Eos culpatur Apostolus, qui dicunt: Non proficiscar hodie, quia dies posterus est [al. posterum est], aut quia luna sic fertur; vel: Proficiscar ut prospera cedant, quia ita se habet positio siderum: Non agam hoc in mense commercium, quia illa stella mihi agit mensem; vel: Agam, quia suscepit mensem: Non plantabo vineam in hoc anno, quia bissextus est. Non autem quisquam sapiens arbitratur observatores temporum reprehendendos, qui dicunt: Non proficiscar hodie, quia tempestas exorta est; aut: Non navigem, quia hybernæ sunt reliquiæ; aut: Tempus seminandi, quia imbris autumnali-

inter Paschales num. 34. Cæterum eadem habentur etiam serm. De tempore 163, 215 et 241.

bus terra satiata est; vel si qui forte alii naturales effectus circa motum aeris et humoris ad variandas temporum qualitates in siderum ordinatissima conversione notati sunt.

CAP. 19. — *De eodem, quod peccatum sit dies observare et menses, etc. August. in Enchyridio, cap. 79.*

Quis æstimaret quam magnum peccatum sit dies observare, et menses, et annos, et tempora, sicut observant qui certis diebus, sive mensibus, sive annis volunt vel nolunt aliquid inchoare, eo quod secundum vanas doctrinas hominum fausta vel infasta existiment tempora, nisi hujus magnitudinem ex timore Apostoli pensarem, qui talibus ait: *Timeo vos, ne forte sine causa laboraverim in vobis?* (Gal. IV.)

CAP. 20. — *De damnatione Mathematicorum. August. lib. Confessionum IV (cap. 3).*

(26, q. 2, c. *Illos planetarios.*) Illos planetarios quos Mathematicos vocant, plane consulere non desistebam, quod quasi nullum eis esset sacrificium, et nullæ preces ad aliquem spiritum ob divinationem dirigerentur, quod tamen Christiana et vera pietas consequenter expellit [rep., orig.] et damnat.

CAP. 21. — *Quod non sit credendum sortibus. Hieronymus super Jonam (ad cap. 1).*

(26, q. 2, c. *Non statim.*) Non statim debemus sub exemplo Jonæ sortibus credere, vel illud de Actibus apostolorum huic testimonio copulare, ubi sorte in apostolatam Mathias eligitur, cum privilegia singulorum non possint legem facere communem.

CAP. 22. — *Qui sint sortilegi. Isidorus Etymologiae lib. VIII, cap. 9.*

Sortilegi sunt, qui sub nomine fictæ religionis per quasdam quas sanctorum vocant sortes, divinationis scientiam profitentur, aut quarumcunque scripturarum inspectione futura promittunt.

CAP. 23. — *De clerico in maleficiis deprehenso. Gregorius Januario episcopo [Episcopo Caralitano, orig.] Sardinia (lib. III regist. epist. 24).*

Paulum vero clericum qui sæpe dicitur in maleficiis deprehensus, qui despecto habitu suo ad laicam reversus vitam in Africam fugerat, si ita est, corporali prius præveniente vindicta, prævidimus in pœnitentiam dari.

CAP. 24. — *De vaticinatoribus. Capitularium lib. 7, cap. 222.*

Vaticinatores qui se futura denuntiant scire, cæsi de civitate jactentur.

CAP. 25. — *De correctione ejus qui magica arte mulierem criminatus sit. Gelasius Secundino Visinensi.*

Atroces injurias indecorum prorsus ducimus ministrorum Ecclesiæ vocibus irrogari, talia laicorum cum plerumque refugiant actiones. Tempus bonum siquidem honesta femina didicerat a magistro Paulo

(98) Locus depravatus.

A diacono, quæ non solum se suggerit criminibus appetitam, verum etiam in damnata arte magice execrationis conscientiam miscuisse (98). Et ideo, frater, inter supradictos te decrevimus cognitorem, ut si prædictum diaconum protervitas ista convincit, postquam indecenter probatus fuerit mulierem inciviliter appetisse: aut eundem ad astruenda quæ jactavit astringas, aut digna correptione comescas.

CAP. 26. — *Ut venefici capite damnentur. Fandectarum lib. IV, tit. XIX.*

Venefici capite damnentur, qui artibus odiosis, venenis, vel susurris [susurriis] magicis homines occiderint, vel mala medicamenta publice vendiderint.

B CAP. 27. — *Quomodo impetendus sit clericus de maleficiis. Item.*

Non parum miramur quod sæcularibus legibus diaconum tuum pro crimine maleficii velis impetere. Unde apostolica præcipimus auctoritate, ut, post positos parilibus legibus quæ servis potius quam ecclesiasticis debentur ordinibus, canonicam ab eo purificationem recipias.

CAP. 28. — *De damnatione Paschalis archidiaconi pro incantationibus suis. Ex libro Pontificali.*

Paschalis non post multum tempus ab officio archidiaconatus propter aliquas incantationes et luculos quos colebat, vel sordes [forte, sortes] quas cum aliis respectoribus tractabat, Dei beatique Petri apostolorum principis interveniente judicio privatus est, et a Sergio in monasterio retrusus. Post quinquennium præ cordis duritia impœnitens defunctus est.

CAP. 29. — *De sortilegis et consultoribus dæmonum. Augustinus ad inquisitiones Januarii (epist. 119, c. 26).*

(26, q. 2, c. *Hi qui.*) Hi qui de paginis Evangelicis sortes legunt, etsi optandum est ut id potius faciant quam ut ad dæmonia consulenda concurrant, tamen ista mihi displicet consuetudo, ad negotia sæcularia et ad vitæ hujus vanitatem divina oracula velle convertere (99).

CAP. 30. — *Ut episcopi de paræciis suis sortilegos et maleficos expellant, et de vana illusionum dæmonum. Ex conc. Ancyrensi, cap. 1 (in fragm.).*

(26, q. 5, c. *Episcopi.*) Ut episcopi eorumque ministri omnibus viribus elaborare studeant, ut pericuosam et a diabolo inventam sortilegam et maleficam artem penitus ex paræciis suis eradicent, et si aliquem virum aut mulierem hujusmodi sceleris sectatorem invenerint, turpiter deonestatum de paræciis suis ejiciant; ait enim Apostolus: *Hæreticum post unam et secundam admonitionem devita, sciens quia subversus est qui ejusmodi est (Tit. III).* Subversi sunt et a diabolo capti tenentur qui, derelicto Creatore suo, a diabolo suffragia quarunt, et ideo a tali peste mundari debet sancta Ecclesia. Illud etiam non omitendum, quod quædam scelerata mulieres retro post Satanam conversæ (I Tim. V),

(99) Idem prohibutum, infra cap. 52.

dæmonum illusionibus, et phantasmatibus seductæ, credunt se et prostentur, nocturnis horis cum Diana paganorum dea, vel cum Herodiade et innumera multitudine mulierum equitare super quasdam bestias et multa terrarum spatia intempestæ noctis silentio pertransire, ejusque jussionibus velut dominæ obedire, et certis noctibus ad ejus servitium evocari (100). Sed utinam hæ solæ in perfidia sua periissent, et non multos secum in infidelitatis interitum pertraxissent. Nam innumera multitudo hæc falsa opinione decepta hæc vera esse credit, et credendo a recta fide deviat, et in errore paganorum revolvitur, cum aliquid divinitatis aut numinis extra unum Deum arbitrat. Quapropter sacerdotes per Ecclesias sibi commissas populo omni instantia prædicare debent, ut noverint hæc omnimodis falsa esse, et non a divino, sed a maligno spiritu talia phantasmata mentibus fidelium [at. infidelium, Vict.] irrogari. Siquidem ipse Satanas, qui transfiguratur se in angelum lucis (II Cor. xi) cum mentem cujuscunque mulierculæ ceperit, et hæc sibi per infidelitatem et incredulitatem subjugaverit, illico transformatur se in diversarum personarum species atque similitudines, et mentem quam captivam tenet in somnis deludens, modo læta, modo tristitia, modo cognitata, modo incognitatas personas ostendens, per devia quæque deducit. Et cum solus spiritus hoc patitur, infidelis mens hæc non in animo, sed in corpore evenire opinatur. Quis enim non in somnis et nocturnis visionibus extra seipsum educitur, et multa videt dormiendo, quæ nunquam viderat vigilando? Quis vero tam stultus et hebes sit, qui hæc omnia quæ in solo spiritu fiunt, etiam in corpore accidere arbitretur, cum Ezechiel propheta visiones Domini in spiritu non in corpore vidit (Ezech. iii), et Joannes apostolus Apocalypsis sacramenta in spiritu, non in corpore vidit et audivit, sicut ipse statim inquit: *Fui in spiritu* [sicut ipse dicit: Statim, inquit: fui in spiritu. orig.]: Et Paulus non audeat se dicere raptum in corpore? (I Cor. xii). Omnibus itaque publice annuntiandum est, quod qui talia et his similia credit, fidem perdit, et qui fidem rectam in Deo non habet, hic non est ejus, sed illius in quem credit, id est diaboli. Nam de Domino nostro scriptum est: *Omnia per ipsum facta sunt* (Joan. i). Quisquis ergo aliquid credit posse fieri, aut aliquam creaturam in melius aut in deterius immutari, aut transformari in aliam speciem, vel in similitudinem, nisi ab ipso Creatore qui omnia fecit, et per quem omnia facta sunt, procul dubio infidelis est, et pagano deterior.

CAP. 31. — *De cultoribus arborum. Ex registro Gregorii (l. vii, ind. 1, ep. 20, ad Agnellum episc. Terratinæ).*

Pervenit ad nos quosdam (quod dici nefas est) arbores colere, et multa alia contra Christianam fi-

dem illicita perpetrare. Et miramur cur hoc fraternitas tua districta emendare ultione distulerit. Propterea scriptis præsentibus adhortamur hos diligenti investigatione perquiri, et ut veritate cognita talem in eis faciatis exercere vindictam, quatenus et Deus placari possit, et aliis eorum ultio correctionis exemplum sit.

CAP. 32. — *De cultoribus idolorum et pœna eorum. Ex eodem (ejusdem l. ep. 66 ad Januar. episc. Calarit.).*

(26, q. 5, c. *Contra idolorum.*) Contra idolorum cultores, vel araspicum atque sortilegorum fraternitatem tuam vehementius pastoralis hortamur invigilare custodia, atque publice in populo contra hujus rei viros sermonem facere, eosque a tanti labe sacrilegii, et divini intentione iudicii, et præsentis vitæ periculo [at. pabulo] adhortatione suasoria revocare. Quos tamen si emendare a talibus atque corrigere nolle repereris, ferventi comprehendere zelo te volumus; et quidem, si servi sunt, verberibus cruciatibusque, quibus ad emendationem pervenire valeant, castigare. Si vero sunt liberi inclusione digna, districtaque sunt pœnitentia distringendi [in pœnitentiam dirigendi, orig.], ut qui salubria et a mortis periculo revocantia audire verba contemnunt, cruciatius saltem eos corporis ad desideratam mentis valeat reducere sanitatem.

CAP. 33. — *De eadem re. Ex eodem ad Hadrianum notarium (l. ix regist., ep. 47).*

(26, q. 5, c. *Pervenit ad nos.*) Pervenit ad nos quod quosdam incantatores atque sortilegos fueris insecutus. Et omnino nobis sollicitudinem hanc zelumque tuum gratum fuisse cognoscas; sed molesto tulimus, quod te dubitare, ne ab eis nobis contra experientiam tuam subripi potuisset, didicimus, cum certus esse ac scire debueris hoc tibi apud nos ad commendationem magis proficere, non ad culpam ascribi; et ideo studii tui sit sollicite quærere, et quoscunque inveneris hujusmodi Christi inimicos, ita districta ultione corrigere, ut et nos de experientia tua melius possimus habere iudicium, et Deo te nostro (quod maxime studendum est) valeas commendare.

CAP. 34. — *De illis qui ritum paganorum observant. Ex conc. Bracarensi, cap. 6 (c. 71, syn. Græc. Martini Bracar.).*

(26, q. 5, c. *Non liceat.*) Si quis paganorum consuetudinem sequens divinos et sortilegos in domum suam introduxerit, quasi ut malum foras mittat, aut maleficia inveniat, quinque annos pœniteat.

CAP. 35. — *De illis qui auguriis et incantatoribus subserviunt. Ex conc. iv Carthaginensi, cap. 89.*

(26, q. 5, c. *Auguriis.*) Auguriis vel incantationibus servientem a conventu Ecclesiæ separandum

decernimus; similiter et Judaicis superstitionibus A vel feriis inhærentem.

CAP. 36. — *De eadem re. Ex Pœnitentiâ Romano.*

Qui auguriis vel divinationibus inserviunt, vel qui credit ut aliqui hominum sint immissores tempestatum, vel si qua mulier divinationes vel incantationes diabolicas fecerit, septem annos pœniteat.

CAP. 37. — *De illis qui sortes observant.*

Auguria vel sortes, quæ dicuntur false sanctorum, vel divinationes qui observaverint, vel quarumcunque scripturarum, vel votum voverint, vel persolverint ad arborem vel ad lapidem, vel ad quamlibet rem, excepto ad Ecclesiam, omnes excommunicentur. Si ad pœnitentiam venerint, B clerici annos tres, laici unum et dimidium pœniteant.

CAP. 38. — *De excidendis arboribus quas vulgus colit. Ex concilio Namnetensi, cap. 8 (sub Firmoso, c. 20).*

Summo studio decertare debent episcopi et eorum ministri, ut arbores dæmonibus consecratæ quas vulgus colit, et in tanta veneratione habet, ut nec ramum vel surculum inde audeat amputare, radicibus excidantur atque comburantur. Lapides quoque quos in ruinosis locis et silvestribus dæmonum lædificationibus decepti venerantur, ubi et vota voverunt et deferunt, funditus effodiantur, atque in tali loco projiciantur, ubi nunquam a cultoribus suis venerari possunt. Et omnibus annuntietur quantum scelus sit idololatria, et qui hæc veneratur et colit quasi Deum suum negat, et Christianitati abrenuntiat, et talem pœnitentiam inde suscipiat quasi idola adorasset. Omnibusque interdicitur ut nullus votum faciat, aut candelam vel aliquod munus pro salute sua rogaturus alibi deferat, nisi ad ecclesiam Domino Deo suo. Scriptum est enim: *Vovete et reddite Domino Deo vestro (Psal. LXXV).* Novimus siquidem quanta Dominus antiquo populo per prophetas suos minatus est, qui in lucis sacrificabant, et in excelsis immolabant, si quis hæc transgressus fuerit, *fidem perdidit, et est infideli deterior (I Tim. v).* Et idcirco omnimodo a sanctæ Ecclesiæ consortio abscindatur, et nisi digne pœniterit, non recipiatur.

CAP. 39. — *De illis qui dæmonibus immolant. Ex pœnit. Theodori.*

Nam de his qui dæmonibus immolant Theodori episcopi constitutiones habemus, in quibus scriptum est: Qui immolant dæmoniis in minimis, anno uno pœniteant; qui vero in magnis, decem annos pœniteant.

CAP. 40. — *De illis qui traditiones gentilium observant. Ex concilio Bracarensi, cap. 20 (c. 72 syn. Græc. Marti. Bracar. episc.).*

(26, q. 5, c. *Non liceat Christianis.*) Non liceat Christianis tenere traditiones gentilium et observare, vel colere elementa, aut lunam, aut stellarum cursum, et inanem signorum fallaciam considerare

pro domo faciendâ, et ad conjugia sociandâ. Scriptum est enim: *Omnia quæcunque facitis in verbo aut in opere, in nomine Domini nostri Jesu Christi facite, gratias agentes Deo (Col. iii).* Si quis autem fecerit, severissime corripatur, et canonicè pœniteat.

CAP. 41. — *De mulierculis quæ infantes suos pro sanitate in fornace, aut super tectum ponunt. Ex pœnit. Bedæ presbyteri.*

Mulier si qua filium suum ponit super tectum aut in fornacem pro sanitate februm, annum unum pœniteat.

CAP. 42. — *Quod non liceat iniquas observationes agere Kalendarum. Ex decretis Martini episcopi (c. 73 syn. Græc.).*

(26, q. 7, c. *Non licet iniquus.*) Non licet iniquas observationes agere Kalendarum, et otiosè vacare, neque lauro aut viriditate arborum cingere domos. Omnis hæc observatio paganorum est.

CAP. 43. — *De illis qui Kalendas Januarii ritu paganorum colere præsumunt. Ex decretis Zachariæ papæ, cap. 11.*

(26, q. 7, c. *Si quis Kalendas.*) Si quis Kalendas Januarii ritu paganorum colere vel aliquid plus novi facere propter novum annum, aut menses [mensas, *Grat.*] cum lampadibus vel epulis in domibus suis præparare, et per vicos et plateas cantores et choros ducere præsumperit, anathema sit.

CAP. 44. — *De eadem re. Ex concilio Rothomagensi, cap. 3.*

Si quis in Kalendis Januarii aliquid fecerit quod a paganis inventum est, et dies observat, et menses, et lunam, et eorum effectiva potentia aliquid sperat in melius aut in deterius verti, anathema sit.

CAP. 45. — *De bubulcis vel venatoribus qui suas incantationes exercuerint. Ex eodem, cap. 4.*

Perscrutandum est, si aliquis subulcus vel bubulcus sive venator, vel cæteri hujusmodi dicat diabolica carmina super panem, aut super herbas, aut super quædam nefaria ligamenta, et hæc aut in arbore abscondat, aut in bivio, aut in trivio projiciat ut sua animalia liberet a peste et clade et alterius perdat, quæ omnia idololatriam esse nulli fidelium dubium est, et ideo summopere sunt exterminanda.

CAP. 46. — *Quod non liceat mulieres Christianas vanitates in suis lanificiis observare. Ex conc. Brac., cap. 11 (cap. 75 syno. Græc. Marti. Brac.).*

(26, q. 5, c. *Non liceat Christianis.*) Non liceat mulieres Christianas vanitatem in suis lanificiis observare, sed Deum invocent adiutorem, qui eis sapientiam texendi donavit.

CAP. 47. — *Quod non liceat in herbarum collectionibus incantationes adhibere. Ex eodem, cap. 21 (ib., c. 74).*

(26, q. 5, c. *Non liceat Christianis.*) Non licet in collectione herbarum medicinalium aliquas observationes vel incantationes attendere [observare], nisi

tantum cum Symbolo divino, et Oratione Dominica, aut Deus et Dominus noster honoretur.

CAP. 48. — *De illis qui ad fontes vel ad arbores faculas accenderint. Ex eodem, cap. 22 (conc. Arelat. 11, c. 23).*

Si in alicujus presbyteri parœcia infideles aut faculas accenderint, aut arbores, aut fontes, aut saxa venerantur, si hoc eruere neglexerint, sacrilegium se fecisse cognoscat præsumptor aut hortator rei ipsius. Si admonitus hoc emendare neglexerit communione [sacrilegii se esse reum cogn. dominus autem vel ordinator rei ipsius. Si admonitus emend. noluerit, et c. orig.], privetur.

CAP. 49. — *Ut vaticinatores cæsi ejiciantur. Ex concilio Arelatensi, cap. 11.*

Vaticinatores qui se futura scire dicunt cæsi de civitate ejiciantur.

CAP. 50. — *Item de mulierculis incantatricibus. Ex Pœnit. Roman.*

Mulier si divinationes vel incantationes diabolicas fecerit, annum unum pœniteat, vel tres quadragesimas, vel quadraginta dies, secundum qualitatem delicti.

CAP. 51. — *De illis qui manducant aut bibunt, aut portant super se aliquid ad Dei judicium subvertendum. Ex conc. Triburiensi, cap. 4.*

Si quis manducat, aut bibit, aut portat super se unde existimat Dei judicium pervertere posse, et exinde comprobatus fuerit, eadem sententia feriatur qua magi et harioli et incantatores feriuntur.

CAP. 52. — *De illis qui in tabulis aut in codicibus futura requirunt. Ex Pœnitentia Theodori.*

In tabulis vel codicibus sorte futura non sunt requirenda, et ut nullus in Psalterio vel in Evangelio, vel in aliis rebus sortiri præsumat, nec divinationes aliquas in aliquibus rebus observare. Quod si fecerit, quadraginta dies pœniteat.

CAP. 53. — *De illis maleficis qui sperant se mentes hominum posse pervertere. Ex Pœnit. Roman.*

Malefici vel incantatores, vel immissores tempestatum, vel qui per invocationem dæmonum mentes hominum perturbant, anathematizati abjiciantur. Et si emendare voluerint, clerici tres annos, laici unum annum pœniteant.

CAP. 54. — *De eadem re. Ex concilio Agathensi, cap. 4 (101).*

Perquirendum est si aliqua femina sit quæ per quædam maleficia et incantationes mentes hominum se immutare posse dicat. Id est ut de odio in amorem, aut de amore in odium convertat, ut [aut, Vict.] bona hominum aut damnet aut subripiat. Et si aliqua est quæ se dicat cum dæmonum turba in similitudinem mulierum transformatam certis noctibus [nocturnis horis] equitare super quasdam bestias, et in eorum consortio adnumeratam esse, hæc talis omnimodis scopis correcta ex parœcia ejiciatur.

CAP. 55. — *De illis qui ad suas vanitates perficiendas dæmones invocant. Ex Pœnit. Bedæ presbyteri.*

Quicumque pro curiositate futurorum vel invoca-

(101) Annectitur ad calcem.

tores dæmonum [invocator est dæmonum], vel divinos quos hariolos appellant, vel aruspices qui auguria colligunt, consuluerit, clerici ab omni officio remoti, tres annos; laici, duos annos pœniteant.

CAP. 56. — *De illis quæ nocturna sacrificia dæmonum celebraverint. Ex Pœnit. Roman.*

Quicumque nocturna sacrificia dæmonum celebraverint, vel incantationibus dæmones quacunque arte ad vota sua invitaverint, tres annos pœniteant.

CAP. 57. — *De illis qui ad arbores, vel ad fontes aliqua vota voverint. Ex concilio Agathensi, cap. 5.*

Perscrutandum est, si aliquis vota ad arbores, vel ad fontes, vel ad lapides quosdam quasi ad altaria faciat, aut ibi candelam seu quodlibet munus deferat, veluti ibi quoddam numen sit quod bonam aut malum possit inferre.

CAP. 58. — *De illis qui quando luna obscuratur clamores suos et maleficia sua exercuerint. Ex conc. Arelatensi, cap. 5.*

Quicumque exercuerint hæc quando luna obscuratur, ut [et] cum clamoribus suis a maleficiis [maleficiis suis] et sacrilego usu se posse defendere credunt, et quicumque divinos præcantatores, phylacteria etiam diabolica, vel characteres diabolicos, vel herbas, vel succinos suis vel sibi impendere tentaverint, vel quintam feriam in honorem Jovis vel Kalend. Januarii secundum paganam consuetudinem honorare præsumpserint, monachus quinque, clericus quatuor, laicus duos annos pœniteat.

CAP. 59. — *De illis qui vanitates suas in excubiis exercuerint. Ex eodem concilio, cap. 3 (102).*

Laici qui excubias funeris observant, cum timore et tremore et reverentia hoc faciant. Nullus ibi præsumat diabolica carmina cantare, non joca et saltationes facere, quæ pagani diabolo docente adinvennerunt. Quis enim nesciat diabolicum esse, et non solum a religione Christiana alienum, sed etiam humanæ naturæ esse contrarium, ibi lætari, inebriari, cantare et cachinnis ora dissolvi, et omni pietate et affectu chari tatis postposito quasi de fraterna morte exsultare, ubi luctus et planctus flebilibus [fidelibus, Vict.] vocibus debuerat resonare pro amissione chari fratris? Patres si quidem Veteris ac Novi Testamenti mortes sanctorum virorum legitimus multis in locis cum fletu deplorassem; in nullo autem loco qui a sæculo recesserant, exsultassem. Nam et Jacob patriarcham flevit tota Ægyptus septuaginta diebus. Et Joseph et fratres ejus cum patrem deferrent in terram Chanaan ad sepeliendum, celebrantes exsequias ad aream Athael [al., Atad], quæ sita est trans Jordanem, planctu magno atque vehementi impleverunt septem dies. Tantus autem fuit planctus ut locus inde nomen acceperit! (Gen. 1.). Et de beato Stephano legitur quod sepelierunt eum, sive curaverunt viri timorati, et fecerunt planctum magnum super eum (Act. viii). Et ideo talis inepta lætitia et pestifera cantica ex auctoritate Dei interdicienda sunt. Si quis autem cantare desiderat. Kv-

(102) Annectitur conc. III. Arelatens.

rie eleison cantet; sin aliter [autem], omnino taceat. A
Sin autem tacere non vult, in crastino a presbytero
taliter coerceatur, ut cæteri timeant.

CAP. 60. — *De eadem re. Ex concilio Meidensi, cap. 10 (et conc. Eliberit., cap. 35).*

Placuit prohiberi, ne feminæ in cœmeterio pervigilent, eo quod sæpe sub obtentu orationis et religionis, latenter scelera committant.

CAP. 61. — *De conviviis quæ fiunt ritu paganorum. Ex concilio Africano, cap. 27 (sub Cælest. I).*

Illud etiam petendum, ut, quoniam contra præcepta divina convivia multis in locis exercentur, quæ ab errore gentili attracta sunt (ita ut nunc a paganis Christiani ad hæc celebranda cogantur, ex quare temporibus Christianorum imperatorum persecutio altera fieri occulte videatur) vetari talia jubebant, et de civitatibus et de possessionibus imposita pœna prohiberi, maxime cum etiam in natalibus beatissimorum martyrum per nonnullas civitates et in ipsis locis sacris talia committere non reformident. Quibus diebus etiam (quod pudoris est dicere) saltationes sceleratissimas per vicos atque plateas exercent, ut matronalis honor et innumerebilitate feminarum pudor devote venientium ad sacratissimum diem, injuriis lascivientium appetatur, ut etiam ipsius sanctæ religionis pene fugiatur accessus.

CAP. 62. — *De eadem re. Ex decretis Leonis papæ (ep. 92 Leonis pap. I, ad Rusticum Narbonen. episc., c. 17).*

Qui convivio solo gentilium, et escis immolatiis C
usi sunt, possunt jejuniis et manus impositione purgari, ut deinceps ab idolothytis abstinentes sacramentorum Christi possint esse participes. Si autem aut idola adoraverunt, aut homicidiis vel fornicationibus contaminati sunt, ad communionem nos, nisi per pœnitentiam publicam, non oportet admitti.

CAP. 63. — *Ne fideles in cœmeteriis prandere presument. Ex concilio secundo Bracarenensi, cap. 70 (c. 69 syn. Græc. Marti. Braca.).*

(*De cons. dist., c. Non oportet.*) Non liceat Christianis prandia ad defunctorum sepulchra deferre, et sacrificare mortuis.

CAP. 64. — *De illis qui balationes fecerint, et se in alienas formas transmutaverint. Ex eodem conc., D cap. 80.*

Si quis balationes ante ecclesias sanctorum fecerit, seu qui faciem suam transmutaverit (transformaverit) in habitu muliebri, et mulier in habitu viri, emendatione pollicita tribus annis pœniteat.

CAP. 65. — *Quod incantationes et magicæ artes laquei diaboli sint. Ex dictis Augustini.*

(26, q. 7, c. Admoneant.) Admoneant sacerdotes fideles populos, ut noverint magicos artes incantationesque quibuslibet infirmitatibus hominum nihil posse remedii conferre, non animalibus languentibus, claudicantibusve, vel etiam moribundis quid-

quam mederi; sed hæc esse laqueos et insidias antiqui hostis, quibus ille perfidus genus humanum decipere nititur; et si quis hæc exercuerit, clericus, degradetur; laicus, anathematizetur.

CAP. 66. — *De illis qui salutem non a Salvatore, sed ab ejus creatura requirunt. August. in lib. De civit. Dei.*

Omnis sapientia a Domino Deo est et apud illum fuit semper, et est ante ævum. Arenam maris et pluviam guttas, et dies sæculi quis dinumeravit? Altitudinem cæli et latitudinem terræ et profundum abyssi quis dimensus est? Sapientiam Dei præcedentem omnia quis investigavit? Prior omnium creata est sapientia, et intellectus prudentiæ ab ævo. Fons sapientiæ verbum Dei in excelsis, et ingressus illius mandata æterna (Eccli. 1) (26, q. 2, c. Qui sine Salvatore). Qui enim sine Salvatore salutem vult habere, et sine vera sapientia æstimat se prudentem fieri posse, non salvus sed æger, non prudens sed stultus, in ægritudine assidua laborabit, et in cæcitate noxia stultus et demens permanebit. Ac proinde omnis inquisitio et omnis curatio quæ a divinis, et magis vel ab ipsis dæmoniis in idolorum cultura expectitur, mors potius dicenda est quam vita, et qui ca sectantur, si se non correxerint, ad æternam perditionem tendunt, Psalmista dicente: *Omnes dii gentium dæmonia sunt (Psal. xcvi)*, qui per deceptos homines alios decipere quotidie gestiunt, ut perditionis suæ faciant eos esse participes. Itaque hæc vanitas magicarum artium ex traditione angelorum malorum in toto terrarum orbe plurimis sæculis valuit, per quamdam scientiam futurorum et inferorum, et per inventiones eorum inventa sunt aruspicia, augurationes, et ipsa quæ dicuntur oracula, et necromantia.

CAP. 67. — *De inventoribus magicæ artis, et necromantia. Ex dictis August. (Isidorus, lib. viii Etym., c. 9).*

(26, q., c. Nec mirum.) (103) Nec mirum de magorum præstigiis, quorum in tantum prodire maleficorum artes, ut etiam Moysi in illis signis resistere, vertentes virgas in dracones, aquas in sanguinem (Exod. vii). Fertur etiam in gentilibus libris, quod quædam maga, famosissima Circe, socios Ulysis mutaverit in bestias. Legitur et de sacrificio quod Arcades Deo suo Dycæo immolabant, ex quo quicumque sumerent in bestiarum formas converterentur. Sed hæc omnia magicis præstigiis potius fingebantur quam rerum veritate complerentur. Ut ergo ipsi errores ignorantibus manifesti fiant, de eorum proprietate atque inventoribus, juxta traditionem majorum, primum dicere congruum arbitramur. Magi sunt, qui vulgo malefici ob facinorum suorum magnitudinem nuncupantur. Hi permissu Dei elementa concutiunt, turbant mentes hominum minus confidentium in Deo ac sine ullo veneni haustu, violentia tantum carminis interimunt. Unde et Lucanus:

*Mens hausti nulla sanie polluta venens
Incantata perit.*

LUCANUS, *Pharsal*, lib. vi, vers. 457.

Dæmonibus enim accitis audent ventilare, ut quisque suos perimat malis artibus inimicos. Hi etiam sanguine utuntur, et victimis sæpe contingunt corpora mortuorum. Necromantii sunt, quorum præcantationibus videntur resuscitati mortui divinare et ad interrogata respondere; *νεκρός* enim Græce *mortuus*, *μαρτυρία* *divinatio* nuncupatur. Ad quos suscitandos cadaveri sanguis adjicitur; nam amare sanguinem dæmones dicuntur. Ideoque quoties necromantia fit, cruor æquæ [aqua] miscetur, ut colore sanguinis facilius provocentur. Hydromantici ab aqua dicti. Est enim hydromantia in aquæ inspectione umbras dæmonum evocare, et imagines ludificationis [imagines ludificationes; imagines et ludificationes] eorum videre, ibique ab eis aliqua audire. Ut adhibito sanguine etiam inferos perhibentur suscitare.

CAP. 68. — *De variis generibus divinationum. Ex dictis ejusdem (ibid., proxime post).*

(26, q. 4, c. *Igitur genus.*) Igitur genus divinationis a Persis fertur allatum. Varro autem dicit divinationis quatuor esse genera, terram, aquam, aerem et ignem. Hinc geomantiam, hydromantiam, aeromantiam, pyromantiam, dictam autumant. Divini dicti sunt, quasi deo pleni; divinitate enim plenos se esse assimulant, astutia quadam fraudulenta [fallendi] hominibus futura conjectant. Duo autem sunt genera divinationis, ars et furor. Incantatores vero dicti sunt, qui artem verbis peragunt. Arioli vocati sunt, propter quod circa aras idolorum nefarias preces emittunt, et funesta sacrificia offerunt, hisque celebritatibus dæmonum accipiunt responsa. Aruspices nuncupantur, quasi horarum inspectores. Dies enim et horas in agendis negotiis operibusque custodiunt, et quid per singula tempora observare debeat homo intendunt. Hi etiam exta pecudum inspicunt, et ex eis futura prædicunt. Augures sunt qui volatus avium et voces intendunt, aliaque signa rerum vel observationes improvisas hominibus occurrentes ferunt. Idem et auspices. Nam auspicia sunt quæ iter facientes observant; dicta autem sunt auspicia quasi avium aspacia; et auguria quasi avium garria, hoc est avium voces et linguæ. Item augurium quasi avigerium, quod aves gerunt. Duo autem sunt genera auspiciorum, unam ad oculos, alterum ad aures pertinens. Ad oculos scilicet volatus, ad aures vox avium. Pythonissæ a Pythio Apolline dictæ, quod is auctor fuerit divinandî. Astrologi dicti sunt eo quod in astris augurantur. Genethliaci appellati sunt propter natalitiorum considerationes dierum; geneses enim hominum per duodecim cœli signa describunt, siderumque cursus, nascentium mores, actus et eventus prædicere conantur, id est quis quali signo fuerit natus, aut quem effectum habeat vitæ qui nascitur

A interpretantur. Hi sunt qui vulgo mathematici vocantur, cujus superstitionis genus constellationes Latini vocant, id est notationes siderum, quomodo se habeant cum quisque nascitur. Primum autem genus, id est stellarum interpretes, magi nuncupantur, sicut de his legitur qui in Evangelio natum Christum annuntiaverunt (*Matth. 11*). Postea hoc nomine soli mathematici dicti sunt, cujus artis scientia usque ad Evangelium fuit concessa, ut Christo edito nemo exinde nativitatem alicujus de cœlo interpretetur. Horoscopi dicti sunt, quod horas nativitatis hominum specularentur dissimili et diverso fato. Sortilegi sunt, qui sub nomine fictæ religionis, per quasdam quas sanctorum sortes vocant, divinationis scientiam præstentur, aut quarumcunque scripturarum scientiæ inspectione futura promittunt. Salisatores vocati sunt, quia dum eis membrorum quæcunque partes salierint, aliquid exinde prosperum seu triste significari prædicunt.

CAP. 69. — *De execrabilibus remediis quæ medici suis præcantationibus faciunt. Ex dictis ejusdem (ibid. proxime subjungitur) (104).*

(26, q. 5, c. *Nec mirum.*) Ad hæc omnia supradicta pertinent et ligaturæ execrabilium remediorum, quæ ars commendat [condemnat, *habet August. et Isidor.*] medicorum, seu in præcantationibus seu in characteribus, vel in quibuscunque rebus suspendendis atque ligandis. In quibus omnibus ars dæmonum est ex quadam pestifera societate hominum et angelorum malorum exorta. Unde cuncta vitanda sunt Christiano et omni penitus execratione repudianda atque damnanda. Auguria autem sunt avium. Hæc autem Phryges primi invenerunt. Præstigium vero Mercurius primus dicitur invenisse. Dictum est autem præstigium quod præstringat aciem oculorum. Aruspiciæ artem primus Etruscis tradidisse dicitur quidam Tages [*Strages, orig. et Vict.*]. Hic ex horis aruspiciam dictavit, et postea non apparuit. Nam dicitur fabulose, arante quodam rustico, subito hic ex glebis exsiluisse et aruspiciam dictasse qua die et mortuus est. Quos libros Romani ex Etrusca lingua in propriam mutaverunt. *Hactenus Isidorus.* His ergo portentis per dæmonum fallaciam illuditur curiositas humana, quando id impudenter appetunt scire, quod nulla ratione eis competit investigare. Ac ideo datur potestas immundis spiritibus, ut per vasa sibi apta, hoc est pravorum homines, seducant illos qui spernunt veritatem et credunt mendacio, et, juxta Pauli sententiam, *sanam doctrinam non sustinebunt, sed ad sua desideria coacervabunt sibi magistros prurientes auribus, et a veritate quidem auditum avertent, ad fabulas autem convertentur (II Tim. 14)*. Onerati peccatis ducuntur variis desideriis semper discentes, et nunquam ad scientiam veritatis pervenientes (*II Tim. 11*). (26, q. 4, c. *Sciendum.*) Quomodo autem Jannes, et Mambres resisterunt Moysi (*Exod. 7*), ita et isti resistunt veritati, homines corrupti mente, reprobi circa fi-

(104) Principium decerptum est ex lib. 11 August. De doct. Christ., c. 20 et 23.

dem, sed ultra non proficient. Insipientia enim eorum manifesta erit omnibus, sicut et illorum fuit. Nec ideo quisquam credere debet quoslibet magicis artibus aliquid facere posse sine permisso Dei (qui omnia quæ fiunt, aut justo iudicio facit, aut permisso suo ita fieri sinit) quod prædicti magi leguntur similia fecisse Moysi, qui virgam suam projecit, et conversa est in draconem, projeceruntque ipsi singuli virgas suas, quæ versæ sunt in dracones, sed devoravit virga Aaron virgas eorum (*Exod. vii.*) [*Aug., L. q. super Exod., q. 21.*] Non enim fuerunt creatores draconum nec magi, nec angeli mali, quibus ministris illa operabantur. Insunt enim rebus corporeis per omnia elementa quædam occultæ seminariæ rationes, quibus cum data fuerit opportunitas temporalis atque causalis, prorumpunt in species debitas suis modis et finibus. Et sic non dicuntur angeli qui ista faciunt, animalium creatores, sicut nec agricolæ segetum vel arborum, vel quorumcunque in terra gignentium, creatores dicendi sunt, quamvis noverint præbere quasdam visibiles opportunitates et causas, ut illa nascantur. Quod autem isti faciunt visibiliter, hoc illi invisibiliter; Deus vero solus unus creator est, qui causas ipsas et rationes seminarias rebus inseruit. (*August. lib. Quæst. Veteris et Novi test., c. 27.*) Præterea quidam quærendum putant, quomodo Scriptura narret Pythonissam Samuelem prophetam suscitasse ad colloquium Saul impiissimi regis (*I Reg. xxviii.*), si Pythonica divinatio errori magicæ artis deputanda sit. Quibus ita responderi potest indignum [malignum] omnino facinus esse, si secundum verba historiæ commodetur assensus. Quomodo enim poterat fieri, ut arte magica attraheretur vir et nativitate [a nativitate] sanctus, et vitæ operibus justus; aut si non attractus est, consensit? Quod utrumque de viro justo credere, absurdum est [adversum est]. Si enim invitatus adductus est, nullum suffragium habet iustitia; si autem voluntarius, amisit meritum spirituale, quod positus in carne quæsiverat. Quod valde absurdum est, quia hinc qui justus recedit, permanet justus. Porro autem hoc est præstigium Satanæ, quo ut plurimos fallat, etiam honos in potestate se habere confingat. Quod Apostolus inter cætera ostendit dicens: *Ipse Satanæ transfiguratur se in angelum lucis (II Cor. xi).* Ut enim errorem faceret, in quo et ipse gloriaretur, in habitu viri justi et nomine se subornavit, ut nihil proficere spem quam prædicabant Dei cultoribus mentiretur, quando hinc exeuntes justos finxit in sua esse potestate. Sed hoc quosdam fallit, quod de morte Saul et filiorum ejus non sit mentitus, quasi magnum sit diabolo ante occasum mortem corporis prævidere, cum signa quædam soleant apparere morituris, quippe a quibus Dei protectio amota videtur, quanto magis diabolo, quem angelica majestate sublimem prophetica oracula fuisse testantur, de cujus magnitudine Apostolus ait: *An ignoratis altitudinem Satanæ? (II Cor. xi.)* Quid mirum ergo si imminentem prope

A mortem potuit prævidere, cum hoc sit unde fallit et se in Dei potestate vult adorari? (*Apoc. ii.*) Nam tanta hebetudine demens effectus est Saul, ut ad Pythonissam confugeret; depravatus enim causa peccati, ad hæc se contulit quæ damnaverant. Sed si quis propter historiam et ea quæ verbis expressa sunt, putet non prætermittenda ne ratio historiæ inanis sit, recte faciet quidem, si tamen minime istud ad veri rapiat rationem, sed ad visum et intellectum Saul. Neque enim reprobus factus poterat bonum intellectum habere. Historicus enim mentem Saul et habitum Samuelis descripsit, ea quæ dicta et visa sunt exprimens, prætermittens si [sive] vera an falsa sint. Quid enim ait? Audiens in quo habitu esset excitatus, intellexit, inquit, hunc esse Samuelem (*I Reg. xviii.*) Quid intellexerit retulit, et quia non bene intellexit, contra Scripturam alium adoravit quam Dominum, et putans Samuelem, adoravit diabolum, ut fructum fallaciæ suæ haberet Satanæ. Hoc enim nititur, ut adoretur quasi Deus. Si enim vere Samuel illi apparuisset, non utique vir justus permisisset se adorari, qui prædicaverat Deum solum esse adorandum. Et quomodo homo Dei qui cum Abraham refrigerio erat, dicebat ad virum pestilentiæ, dignum ardore gehennæ: *Cras mecum eris?* His duobus titulis subtilitatem fallaciæ suæ prodidit improvidus Satanæ, quia et adorari se permisit sub habitu et nomine Samuelis contra legem, et virum peccatis pressum (cum magna distantia peccatorum et justorum sit) cum Samuele justissimo futurum mentitus est. Verum potest videri si de Samuelis nomine taceatur, quia Saul cum diabolo futurus erat, ad eum enim transmigravit quem adoravit. Semper enim diabolus sub velamine latens prodit se, dum ea confingit quæ abhorreant personis per quas fallere nititur. Si autem quilibet opponit, ac dicit: Quomodo eveniunt illa quæ illi divini prædicunt futura, aut quomodo possunt ægris præbere medelam, aut sanis immittere ægriitudinem, si aliquid propriæ virtutis ac potestatis non habent? Hoc a nobis recipiat responsum, quod ideo quisquam non debet eis credere, quia aliquando eveniunt quæ prædicunt, aut sanare videntur languidos, vel lædere sanos, quia hoc permisso Dei fit, ut ipsi qui hæc audiunt vel vident probentur, et appareat quali fide sint, vel devotione erga Deum. Sicut in Deuteronomio legitur Moyses verbo Domini populo Dei præcepisse, ita dicens: *Si surrexerit in medio tui propheta, aut qui somnium vidisse se dicat, et prædixerit signum ac portentum, et evenerit quod locutus est, et dixerit: Eamus et sequamur deos alienos quos ignoras, et serviamus eis, non audies verba prophetæ aut somniatoris, quia tentat vos Dominus Deus vester, ut palam fiat utrum diligatis eum, an non, in toto corde et in tota anima vestra. Dominum Deum vestrum sequimini, et ipsum timete, mandata illius custodite et audite vocem ejus. Ipsi servietis, et ipsi adhærebitis (Deut. xiii), etc* [*August., L. quæst. super Deut., q. 19.*] Ubi sane in-

telligi voluit, etiam illa quæ a divinantibus non secundum Deum dicuntur, si acciderint quæ dicuntur, non accipienda sic ut fiant [vel etiam si fiant, *Vici.*] quæ præcipiuntur ab eis, aut colantur quæ coluntur ab eis. Nec præter suam potestatem Deus ostendit esse quod ista contingunt, sed quasi quæreretur cur ea permittat, causam tentationis exposuit, ad cognoscendam utique eorum dilectionem, utrum eam habeant erga Deum suum. Cognoscendam vero ab ipsis potius quam ab illo, qui scit omnia antequam fiant.

CAP. 70. — *De natura dæmonum. Ex dictis ejusdem (August., c. 5 lib. De divinatione dæmonum).*

Sciendum vero est hanc dæmonum esse naturam ut aerei corporis sensu terrenorum corporum sensum facile præcedant: celeritate etiam, propter aerei corporis superiorem mobilitatem, non solum cursus quorumlibet hominum vel ferarum, verum etiam volatus avium incomparabiliter vincant. Quibus duabus rebus quantum ad aereum corpus attinet præditi, hoc est acrimonia sensus et celeritate motus, multo ante cognita prænuntiant, vel nuntiant quæ homines pro sensu terreni tarditate mirentur. Accessit etiam dæmonibus per tam longum tempus quo eorum vita protenditur, rerum longe major experientia, quam potest hominibus propter breviter vitæ provenire. Per has efficacias quas aerei corporis natura sortita est, non solum multa futura prædicunt dæmones, verum etiam multa mira faciunt. Quæ quoniam homines dicere ac facere non possunt, eos dignos quidam quibus serviant, et quibus honores divinos deferant arbitrantur, instigante maxime vitio curiositatis, propter amorem felicitatis falsæ atque terrenæ, et excellentiæ temporalis. Qui autem se ab eis cupiditatibus mundant, nec eis se feriendos rapiendosque [fallendos capiendosque] permittunt, sed inquirunt et amant aliquid quod eodem modo semper est, cujus participatione beati sint, primum considerant non ideo sibi præponendos esse dæmones, quod acriore sensu corporis prævalent aeris [aerei] scilicet, hoc est subtilioris elementi: quia nec ipsis terrenis corporibus bestias sibi præponendas putant, quæ acrius multa persentiunt: veluti sagacem canem, quia latentem feram olfactu acerrimo sic invenit, ut ad eam capiendam ducatum quemdam homini præbeat: non utique prudentiore intellectu animi, sed acutiore corporis sensu; vel vulturem, quia projecto cadavere ex improvisa longinquitate advocat; nec aquilam, quia sublimiter volans de tanto intervallo natantem sub [in] fluctibus piscem dicitur pervidere, et graviter illisa, exsertis pedibus atque unguibus rapere; nec alia multa animantium genera quæ inter herbas salutis suæ noxias pascendo circumerrant, nec aliquid eorum quo lædantur attingunt, cum eas homo vix experimento capere didicerit, et multa innoxia quod sint in experta, formidet. Unde conjicere facile est quantum possit in aereis corporibus sensus esse acrior, nec ideo tamen dæmones qui eo præditi sunt

A bonis hominibus præponendos prudens quisque censuerit. Hoc et de corporum celeritate dicimus: et hac enim præstantia non solum a volucris homines, verum etiam a multis quadrupedibus ita superantur, ut in eorum comparatione plumbei deputandi sint: nec tamen ideo sibi hæc animantium genera existimant præponenda, quibus capiendis et mansuefaciendis atque in suæ voluntatis usum commodumque redigendis, non vi corporis, sed rationis imperitant. (*Ibid.*, c. 4.) Illam vero tertiam dæmonum potentiam quod diuturna rerum experientia quemadmodum prænoscant atque prænuntiant multa didicerunt, ita contemnunt qui hæc vigilanter curant a verissimæ lucis veritate discernere, ut nec malos senes plura expertos et ob hoc quasi doctiores, ideo probi adolescentes sibi antecellere existiment, ut nec medicos, nec nautas, nec agricolas, quos prævæ voluntatis et iniquis moribus viderint, ideo putent sibi esse præferendos quod illi de valedudinibus, illi de tempestatibus, illi de arbustorum generibus multa ita prænuntiant, ut harum rerum in experto divinare videantur. Quod vero non solum quædam dæmones futura prædicunt, verum etiam quædam mira faciunt, pro ipsa utique sui corporis excellentia, cur non contemnatur a prudentibus, cum plerique iniqui ac perditii homines ita exerceant corpora sua, tantaque diversis artibus possint, ut ea qui hæc nesciunt, nec aliquando viderunt, etiam narrata vix credant? Quam multa funambuli cæterique theatrici artifices, quam multa opifices maximeque mechanici miranda fecerunt? Num ideo meliores sunt bonis, et sancta pietate præditis hominibus? Quæ ideo commemoravimus, ut qui hæc sine perveracia et sine vana resistendi animositate considerat, simul cogitet, si de subjacenti crassiore materia, vel sui quisque corporis vel terræ et aquæ, lapidum atque lignorum metallorumque variorum tanta quidem homines possunt, ut eos illi qui hæc non possunt plerumque stupendo in sui comparatione divinos vocent, cum quidam illorum sint artibus potentiores, quidam istorum moribus meliores: quanto meliora et majora pro subtilissimi corporis, hoc est aerei facultate ac facilitate, dæmones possint, cum tamen sint pravitate voluntatis maximeque superbix fastu et evidenti malitia spiritus immundi atque perversi. Quantum autem valeat aeris elementum quo eorum corpora prævalent, ad multa visibilia invisibiliter, molienda, movenda, mutanda atque versanda, longum est nunc demonstrare, et putamus quod vel mediocriter consideranti facile occurrat.

CAP. 71. — *De divinatione dæmonum. Ex dictis ejusdem (ejusdem lib. cap. 5).*

Igitur nunc primum sciendum est, quoniam de divinatione dæmonum quæstio est, illos ea plerumque prænuntiare quæ ipsi facturi sunt. Accipiunt enim sæpe potestatem et morbos immittere, et ipsum aerem vitiando morbidum reddere, et perversis atque amatoribus terrenorum commodorum malefacta

suadere, de quorum moribus certi sunt, quod sint A
eis talia suadentibus consensuri. Suadent enim in-
visibilibus modis, per illam subtilitatem
corporum suorum corpora hominum non sentien-
tium penetrando, et se cogitationibus eorum per
quædam imaginaria visa miscendo, sive vigilantium
sive dormientium. Aliquando autem non quæ ipsi
faciunt, sed quæ naturalibus signis futura præno-
scent, quæ signa in hominum sensus venire non
possunt, ante prædicunt. Neque enim quia prævidet
medicus quod prævidere nescit hujus artis ignarus,
ideo jam divinus habendus est. Quid autem mirum,
si quemadmodum ille in corporis humani vel per-
turbata vel modificata temperie, seu bonas seu ma-
las futuras prævidet valetudines, sic dæmon in aeris
affectione atque ordinatione sibi nota, nobis ignota, B
futuras prævidet tempestates? (*Vide in Retract., c. 30.*)
Aliquando et hominum dispositiones, non solum
voce prolatas, verum etiam cogitatione conceptas,
cum signa quædam ex animo exprimuntur in cor-
pore, tota facilitate perdiscunt, atque hinc etiam
multa futura prænuntiant, aliis videlicet mira, qui
ista disposita non noverunt. Sicut enim apparet
conciatior animi motus in vultu, ut ab hominibus
quoque aliquid forinsecus agnoscat, quod intrin-
secus agitur: ita non debet esse incredibile, si etiam
leniores cogitationes dant aliqua signa per corpus,
quæ obtuso sensu hominum cognosci non possunt,
acuto autem dæmonum possunt. (*Ejusdem lib. De
divinat., c. 6.*) Hac atque hujusmodi facultate multa
dæmones futura prænuntiant, cum tamen ab eis C
longe sit altitudo illius prophetiæ, quam Deus per
sanctos angelos suos et prophetas operatur. Nam si
quid de illa Dei dispositione prænuntiant, audiunt
ut prænuntiant: et cum ea prædicunt quæ inde au-
diunt non fallunt, veracissima enim sunt angelica
et prophetica oracula. Si [sic, *Vict.*] autem indi-
gnanter [*Apud Aug. hodie legitur, non indignatur*]
accipitur, quod aliqua etiam talia dæmones audiant
et prædicant, quasi aliquid indignum sit, ut quod
ideo dicitur ut hominibus innotescat, hoc non solum
boni, verum etiam mali non taceant: cum in ipsis
hominibus etiam vitæ bonæ præcepta videamus
pariter a justis perversisque cantari: nec obesse
aliquid, imo etiam prodesse ad majorem notitiam
famaque veritatis, cum de illa etiam hi quidquid
noverunt dicunt, qui ei perversis moribus contra-
dicunt. In cæteris autem suis prædictionibus dæ-
mones plerumque et fallunt et falluntur. Falluntur
quidem quia cum suas dispositiones prænuntiant
[pronuntiant], ex improvise desuper aliquid jubetur,
quod eorum consilia cuncta perturbat: velut si ali-
quid disponant quilibet homines quibusque potesta-
tibus subditi, quod non prohibuitur suos præposi-
tos arbitrentur, idque facturos se esse promittant.
At illi penes quos major potestas est ex alio superiore
concilio hoc totum dispositum atque præparatum
repente prohibeant. Falluntur etiam, cum causis
naturalibus aliqua, sicut medici, et nautæ, et agri-

colæ, sed longe acutius longeque præstantius pro
aerei corporis sensu solertiore et excitatiore præ-
noscent: quia et hæc ab angelis Deo summo pie
servientibus ex alia dispositione ignota dæmonibus
ex improvise ac repente mutantur: tanquam si ali-
quid ægro extrinsecus accedat quo moriatur, quem
medicus veris salutis præcedentibus signis victu-
rum esse promiserat. Aut si aeris qualitate provisa
(prævisa), diu flatuum illum ventum rauratum ali-
qui prædixissent, cui Dominus Christus cum discipu-
lis navigans, ut quiesceret imperavit, et facta est tran-
quillitas magna (*Matth. viii*): vel si agricola illo anno
fructificaturam vitem aliquam polliceatur, naturam
utique terræ et numeros seminum callens, quo ta-
men anno eam vel improvise cæli intemperies are-
faciat, vel aliqua jussio potentioris eradicet: ita
multa etiam ad præscientiam prædictionemque dæ-
monum pertinentia, quæ minoribus et usitatis
causis futura prævidentur, eadem majoribus et oc-
cultioribus causis impedita mutantur. Fallunt autem
etiam studio fallendi, et invida voluntate qua (quia,
Vict.) hominum errore letantur. Sed ne apud cul-
tores suos pondus auctoritatis amittant, id agunt ut
interpretibus suis signorumque suorum conjectori-
bus culpa tribuatur, quando vel decepti fuerint, vel
mentiti. Nonnunquam vero ipsi maligni spiritus et
illutores hominum, atque invisores salutis eorum
solent prædicere defectum culturæ suæ et idolorum
ruinam, quatenus præscii videantur quid in singulis
regnis aut locis venturum sit, et quid adversi suæ
factioni contingere possit. Quod etiam illi qui gen-
tilium historias legunt non ignorant. Quid ergo mi-
rum si jam imminente temporum et simulacrorum
eversione, quam prophetæ Dei summi tanto ante
prædixerant, Serapis dæmon alicui cultorum suo-
rum hoc de proximo prodidit, ut suam quasi divi-
nationem recedens vel fugiens commendaret? (*Ibid.,
c. 7.*) Fugantur enim isti vel etiam jussis superiori-
bus colligati abstrahentur, et alienantur a locis
suis, ut de rebus in quibus colebantur, fiat voluntas
Dei, qui hoc tanto ante per omnes gentes futurum
esse prædixit, et ut per suos fideles fieret imperavit.
Cur autem non hoc sineretur dæmon prædicere,
cum sibi jam prænosceret imminere, cum hæc
prædictio et in prophetis attestaretur, a qui-
bus sunt ista conscripta, ut prudentibus daretur
intelligi quam vigilantiter esset dæmonum cavenda
fallacia cultusque fugiendus? Qui cum ante per tam
longum tempus in templis suis hæc futura tacuis-
sent, quæ per prophetas prædicta ignorare non pos-
sent, posteaquam appropinquare cœperunt vo-
luerunt ea quasi prædicere, ne ignari victique pu-
tarentur.

CAP. 72. — *De eadem re. Ex dictis ejusdem (ibid.
proxime post).*

Cum igitur tam longe ante prædictum esset at-
que conscriptum, ut alia interim taceamus, dicamus
illud quod Sophonias propheta dicit: *Prævalebit Do-
minus adversus eos et exterminabit omnes deos gentium*

terræ, et adorabunt eum unusquisque de loco suo, omnes insulæ gentium (Soph. 11). Post pauca: Aut non credebant ista sibi eventura qui in templis gentium colebantur, et hæc ideo per suos vates ac fanaticos frequentare noluerunt: aut cum ea ventura certissime scirent, ideo per sua templa tacuerunt, ne jam tunc inciperent ab hominibus intelligentibus deseri atque contemni, quod de templorum et simulacrorum suorum futura eversione eis a prophetis attestaretur, qui eos coli prohibebant. Nunc vero posteaquam tempus advenit, quo complerentur vaticinia prophetarum Dei unius, qui istos deos falsos dicit, et ne colantur vehementissime præcipit, cur non hoc etiam ipsi compertum prædicere sinerentur, ut inde clarius appareret eos hæc antea vel minime credidisse, vel suis cultoribus enuntiare timuisse: in fine autem tanquam nihil amplius habentes quod agerent, etiam ibi voluisse suam ostentare divinitatem, ubi jam produntur diu simulasse divinationem? (Ibid., paulo post, c. 8.) Tamen nec ista ipsa quæ ab eis vix raro et clanculo proferuntur, movere nos debent, si cuiquam dæmonum extortum est id prodere cultoribus suis, quod didicerat ex eloquiis prophetarum, vel ex oraculis angelorum, quod cur non fieret, cum et ista non sit oppugnatio, sed attestatio veritatis? Illud enim quod solum ab ipsis fanaticis flagitandum est, nec unquam antea protulerunt, nec unquam postea nisi forte confictum proferre conabuntur, aliquid deos suos per vates suos contra Deum Israel ausos fuisse prædicere [prodere], de quo Deo doctissimi eorum auctores qui omnia illa legere ac nosse potuerunt, magis quæsiverunt quis Deus esset, quam Deum negare potuerunt. Porro autem Deus iste quem nullus eorum negare ausus est verum Deum, quia etsi negaret non solum subjaceret debitis pœnis, verum etiam certis convinceretur effectibus. Iste ergo Deus quem nemo, ut diximus, illorum negare ausus est verum Deum, illos falsos esse deos et omnino deserendos, eorumque templa et simulacra et sacra evertenda, per suos vates, hoc est prophetas, aperta denuntiatione prædixit, aperta potestate præcepit, aperta veritate complevit. Unde quis est qui usque adeo desipiat ut non eum potius colendum eligat, quem coli non prohibent quos colebat? Quem procul dubio cum colere cœperit, illos utique non est culturus, quos prohibet coli quem colit. (Ibid., c. 9.) Quod autem ipsum essent culturæ gentes exterminatis diis falsis quos antea colebant, a prophetis ejus esse prædictum paulo ante commemoravimus, et nunc repetamus. Prævalebit, inquit, Dominus, adversus eos, et exterminabit omnes deos gentium terræ, et adorabunt eum unusquisque de loco suo omnes insulæ gentium (Sophon. 11). Neque enim solæ insulæ hic intelligendæ sunt, sed potius omnes gentes in his positæ adorabunt Deum. Nec mirum, quandoquidem alibi non insulas nominat, sed universum orbem terrarum, dicens: Commemorabuntur et convertentur ad Dominum universi fines terræ, et adorabunt in

conspectu ejus universæ patriæ gentium, quoniam Domini est regnum, et ipse dominabitur gentium (Psal. 21). Hæc autem per Christum fuisse complenda, et aliis pluribus testimoniis, et in eodem ipso psalmo unde hoc commemoravimus, satis apparet. Cum enim paulo superius futuram passionem suam per Prophetam ipse loqueretur dicens: Foderunt manus meas et pedes meos, dinumeraverunt omnia ossa mea, ipsi vero consideraverunt et inspexerunt me, diviserunt sibi vestimenta mea, super vestem meam miserunt sortem (ibid.); paulo post infert illud quod posuimus: Commemorabuntur et convertentur ad Dominum universi fines terræ, etc. Quanquam et illud testimonium quod prius adhibui, ubi dictum est: Prævalebit Dominus adversus eos, et exterminabit omnes deos gentium terræ, in eo quod positum est, Prævalebit, satis ostendit etiam hoc prænuntiatum, quod pagani prius oppugnaturi essent Ecclesiam, nomenque Christianum quantum valerent persecuturi, ut si fieri posset de terra omnino deleteretur, et quia eos patientia martyrum, et magnitudine miraculorum, et consequente fide populorum erat superaturus [superatura], ideo sic dictum est: Prævalebit Dominus adversus eos. Non enim diceretur, prævalebit adversus eos, nisi oppugnando illi resisterent. Unde et in psalmo ita prophetatum est: Ut quid fremuerunt gentes, et populi meditati sunt inania? Astiterunt reges terræ, et principes conveniunt in unum adversus Dominum, et adversus Christum ejus (Psal. 11). Et paulo post dicit: Dominus dixit ad me: Filius meus es tu, ego hodie genui te, postula a me, et dabo tibi gentes hæreditatem tuam, et possessionem tuam terminos terræ (ibid.). His atque hujusmodi propheticiis documentis prædictum ostenditur quod videmus impleri per Christum, futurum fuisse ut Deus Israel, quem unum verum Deum intelligimus, non in una ipsa gente quæ appellata est Israel, sed in omnibus gentibus colebatur, et omnes falsos Deos gentium et a templis eorum, et a cordibus cultorum suorum amoliretur. (Ibid., c. 10.) Eant nunc isti, et adhuc contra Christianam religionem, contra verum Dei cultum vanitates pristinas defensitare audeant, ut cum strepitu pereant. Nam et hoc de illis prædictum est in psalmis, dicente Propheta: Sedisti super thronum qui judicas æquitatem, increpasti gentes et periit impius, nomen eorum delesti in æternum, et in sæculum sæculi. Inimici defecerunt frameæ in finem, et civitates eorum destruxisti; periit memoria eorum cum strepitu, et Dominus in æternum permanet (Psal. 19). Necesse est ergo ut impleantur hæc omnia. Nec etiam illud quod adhuc audent ipsi pauci qui remanserunt, vaniloquas suas ostentare doctrinas, et Christianos tanquam imperitissimos irridere, nos commovere debet, dum in eis impleri ea quæ prædicta sunt videamus. (Paulo inferius.) Ex quo enim fremuerunt gentes, et populi meditati sunt inania adversus Dominum, et adversus Christum ejus? (Psal. 11.) quando ab eis fundebatur sanguis sanctorum, et vastabatur

Ecclesia, usque ad hoc tempus et deinceps quotidie minuuntur. Nos autem adversus eorum opprobria et superbas irrisiones fortissimos reddunt oracula Dei nostri, quæ de hac quoque re videmus et gaudemus impleri. Sic enim nos alloquitur per Prophetam: *Audite me qui scitis iudicium, populus meus in quorum corde lex mea est, opprobria hominum nolite metuere, et detractio eorum ne supermini, nec quod vos spernunt magni duxeritis. Sicut enim vestimentum, ita per tempus absumentur, et sicut lana a tinea comedentur; justitia autem mea in æternum manet (Isai. LI). Hactenus eo loci August. Attendendum est ergo atque omni studio cavendum, ne nostris temporibus in quibus videmus Christianam religionem in toto orbe dilatam, propter desidiam magistrorum et inertiam doctorum pauci illi qui adhuc supersunt, confundant ritum culturæ veri Dei, et dæmoniis illusionibus depravati divinationes falsas in populo Dei agant, rusticos et imperitos seducen- tes, ita ut deserta ipsa veritate quæ lux est mundi, et illuminat omnem hominem venientem in hunc mundum (Joan. 1) tenebrarum harum, quærant scientiam futurorum, et a deceptoribus hominum quærant salutem animarum, sive corporum suorum; his enim prævaricationibus maxime irritatur Deus, et ad vindictam provocatur. Unde per Ezechielem comminatur dicens: *Væ prophetis insipientibus, qui sequuntur spiritum suum, et nihil vident. Quasi vulpes in desertis prophetæ tui Israel erant. Nunquid non visionem cassam vidistis, et divinationem mendacem locuti estis? et dicitis: Ait Dominus, cum ego non sim locutus. Propterea hæc dicit Dominus Deus: Quia locuti estis vana, et vidistis mendacium, ideo ecce ego ad vos, ait Dominus Deus, et erit manus mea super prophetas qui vident vana et divinant mendacia. In concilio populi mei non erunt, et in scriptura domus Israel non scribentur, nec in terram Israel ingredientur (Ezech. XIII). Ad doctores autem per eundem prophetam increpans eorum inertiam ita loquitur, dicens: *Non ascendistis ex adverso, neque opposuistis murum pro domo Israel, ut staretis in prælio in die Domini (ibid.). Et rursum: Væ, inquit, pastoribus Israel, qui pascebant semetipsos. Nonne greges pascuntur a pastoribus? Lac comedebatis et lanis operiebamini, et quod crassum erat occidebatis, gregem autem meum non pascebatis. Quod infirmum fuit non consolidastis, et quod ægrotum non sanastis, quod fractum est non alligastis, et quod abjectum non reduxistis, et quod perierat non quæsisistis: sed cum austeritate imperabatis eis, et cum potentia. Et dispersæ sunt oves meæ, eo quod non esset pastor, et factæ sunt in devorationem omnium bestiarum agri, et dispersæ sunt (Ezech. XXXIV). Hinc et per Jeremiam dicitur: *A minimo usque ad maximum omnes avaritiam sequuntur, a propheta usque ad sacerdotem cuncti faciunt mendacium. Et sanabant contritionem filiarum populi mei ad ignominiam. dicentes: Pax, pax cum non esset pax: confusi sunt, quia abominationem fecerunt (Jer. VIII). Idcirco****

*A hæc dicit Dominus Deus exercituum Deus Israel: Ecce ego cibabo populum istum absynthio, et potum dabo eis aquam fellis, et dispergam eos in gentibus quas non noverunt ipsi et patres eorum, et mittam post eos gladium donec consumantur (Jer. IX). Qualiter ergo displiceat Deo omnipotenti pastorum negligentia et subditorum error, non solum prophetica testimonia ostendunt, sed etiam facta antiquorum declarant, cum in libro Regum legitur quomodo malignus spiritus deceperit Achab regem Israel per falsos prophetas, ita ut credens eis interierit. Et quomodo Ochozias filius ejus ægrotans miserit nuntios ad consulendum Beelzebub deum Accaron, utrum vivere atque convalescere posset de infirmitate sua (III Reg. XXI). Ob quod Elias propheta a Domino missus increpat eum, dicens: *Quia misisti nuntios ad consulendum Beelzebub deum Accaron, quasi non esset Deus in Israel a quo posses interrogare sermonem, ideo de lectulo super quem ascendisti non descendes, sed morte morieris (IV Reg. 1). Mortuus est autem ipse juxta sermonem Domini quem locutus est Elias, et salutem quam quærebat non invenit. Quapropter curandum summo opere est omnibus modis, hoc est prælatis et subditis, majoribus et minoribus, sacerdotibus et plebi, ne aliquem seducat per hujusmodi illusionem fraus, dolus, et nequitia hostis antiqui, ita ut a mendacibus velimus discere veritatem, et a pestiferis morbis mortisque auctoribus quæramus infirmitatis nostræ remedium, sed magis ad Deum vivum et vivificatorem omnium confugiendo, devoto corde properemus, per orationes sacras, jejunia, et eleemosynas illum deprecantes, ut ipse propter benignitatem suam consulat servis suis, eripiens nos de omnibus inimicis nostris, doceatque nos facere voluntatem suam, quia ipse est Dominus Deus noster; spiritumque suum bonum nobis tribuat, qui nos ducat in viam rectam, vivificetque nos in æquitate sua quatenus ejus magisterio omni tempore vitæ nostræ gratum ei servitium exhibentes, post hanc vitam per ejus gratiam mereamur beatitudinem possidere sempiternam [caelestem].**

CAP. 73. — *De sacerdotibus, et reliquis ecclesiasticis ordinibus qui magos, hariolos aut dirinos consulunt. Ex concilio Toletano, cap. 59 (concil. Tolet. IV, c. 28).*

Si quis episcopus, aut presbyter, sive diaconus, vel quilibet ex ordine clericorum magos, aut aruspices, aut hariolos, aut certe augures, vel sortilegos, aut eos qui profitentur artem magicam, aut aliquos eorum similia exercentes consuluisse fuerit deprehensus, ab honore dignitatis suæ depositus monasterii censuram excipiat, ibique perpetuæ penitentiae deditus scelus admissi sacrilegii luat [al. pœnam].

CAP. 74. — *De his qui ad fascinum incantationes fecerint. Ex conc. Cabilonensi, cap. 5.*

Si quis præcantaverit ad fascinum, vel qualescunque præcantationes, excepto Symbolo et Oratione

Dominica ; qui cantat, et cui cantatur, tres quadragesimas in pane et aqua pœniteat.

CAP. 75. — *Quod dæmoniacum petras, vel herbas sine incantatione liceat portare. Ex dictis Hieronymi.*

Dæmonium sustinenti licet petras vel herbas habere sine incantatione.

CAP. 76. — *Ne sacerdos inanibus ludis delectetur. Ex synodo Eugenii papæ tempore Ludovici et Lotharii Augustorum, cap. 11.*

Sacerdos ludos aliquos coram se fieri non delectetur. Transgressor quippe inventus admonitione episcopi ulterius agere desinat ; sin autem, canonicè judicetur.

CAP. 77. — *Ne mulieres festis diebus vanis ludis vœuent, cap. 35.*

Sunt quidam et maxime mulieres, qui festis ac sacris diebus, atque sanctorum natalitiis, quibus debent Deo vacare, non delectantur ad ecclesiam venire, sed balando, ac verba turpia decantando, ac ducendo, similitudinem paganorum peragendo advenire procurant. Tales enim si cum minoribus veniunt ad ecclesiam, cum majoribus peccatis reverentur. In tali enim facto debet unusquisque sacerdos diligentissime populum admonere, ut pro sola oratione his diebus ad ecclesiam recurrant, quia ipsi qui talia agunt, non solum se perdunt, sed etiam alios deperire attendunt.

CAP. 78. — *Ne presbyteri spectaculis intersint. Ex Laodicensi conc., cap. 54.*

(*De cons. dist. 5, c. Non oportet ministros.*) Non oportet ministros altaris, vel quoslibet clericos spectaculis aliquibus quæ aut in nuptiis aut in cœnis exhibentur, interesse ; sed antequam thymelicis ingrediantur, surgere eos de convivio, et abire debere.

CAP. 79. — *De scurrilibus clericis. Ex conc. iv Carthaginensi, cap. 59.*

(*Dist. 46, c. Clericum.*) Clericum scurrilem, et verbis turpibus jocularè ab officio retrahendum.

CAP. 80. — *De jocis vitandis. Ambrosius lib. officiorum 1 (cap. 23).*

Licet interdum honesta joca et suavia sint, tamen ab ecclesiastica abhorrent regula, quoniam quæ in Scripturis non reperimus, ea quemadmodum [quomodo] usurpare possumus ? Cavendum etiam in fabulis, ne inflectant gravitatem severioris propositi. *Væ vobis qui ridetis, quia flebitis (Luc. vi)*, ait Dominus, et non ridendi materiam requirimus, ut hic ridentes illic fleamus ? Non solum autem profusos, sed omnes etiam declinandos arbitror ; plenum tamen suavitatis et gratiæ sermonem esse, non est indecorum.

CAP. 81. — *De eodem. Ex sermone Augustini De decimis qui sic incipit : Propitio Christo (105).*

Hoc admonete, fratres, ut cantica turpia et luxuriosa castitati et honestati inimica, familiæ vestræ ex ore non proferant : quia non est justum ut ex illo ore ubi Eucharistia Christi ingreditur, canticum luxuriosum et amatorium proferatur.

CAP. 82. — *Quod in omni ordine sint animæ Deo placentes. Ex Vita sancti Paphnutii.*

Etiam si latro sit aliquis, aut in scena positus, etiam si cultum ruris exerceat, et conjugio videatur astrictus, etiam si negotiator dicatur, et mercimoniis inserviat, tamen in omni ordine humanæ vitæ sunt animæ Deo placentes, et habentes actus aliquos occultos [excultos], quibus delectatur Deus. Unde constat non tantum professionem vitæ, aut habitus speciem Deo esse placitam, quantum sinceritatem et affectionem mentis, et operum probitatem.

CAP. 83. — *De histrione. Cyprianus ad Eucratium (lib. 1, epist., 10, cujus initium : Pro dilectione).*

Consulendum me existimasti, frater charissime, quid mihi videatur de histrione quodam, qui apud vos constitutus in ejusdem adhuc artis suæ dedecore perseverat, et magister et doctor non erudiendorum, sed pendendorum perorum, id quod male didicit cæteris quoque insinuat, an talis debeat communi-care nobiscum. Quod puto ego nec divinæ majestati, nec evangelicæ disciplinæ congruere, ut pudor et honor ecclesiæ tam turpi et infami contagione fœdetur. Nam cum in lege (*Deut. xxii*) prohibeantur viri induere muliebrem vestem, et maledicti ejusmodi judicentur, quanto majoris est criminis, non tantum muliebria indumenta accipere, sed et gestus quoque turpes et molles, et muliebres magisterio impudicæ artis exprimere ? Nec excuset se quisquam, si a theatro ipse cessaverit, cum tamen hoc cæteros doceat. Non potest enim videri cessasse, qui vicarios substituit, et qui pro se uno plures succidaneos suggerit, contra constitutionem Dei erudiens et docens, quemadmodum masculus frangatur in feminam, et sexus arte mutetur, et diabolo divinum plasma maculanti per corrupti atque enervati corporis delicta placeatur. Quod si penuriam talis et necessitatem paupertatis obtendit, potest inter cæteros qui Ecclesiæ alimentis sustententur, hujus quoque necessitas adjuvari : si tamen contentus sit frugalioribus et innocentibus cibis : nec putet salario se esse redimendum, ut a peccatis cesset, quando hoc non nobis sed sibi præstet.

CAP. 84. — *Vitium esse res suas histrionibus donare. Augustinus super Joannem, part. II (tract. 100 ad c. xvi Joan.).*

Donare res suas histrionibus vitium est immane, non virtus. Et scitis de talibus quam sit frequens fama cum laude, quia sicut scriptum est, *laudatur peccator in desideriis animæ suæ, et qui iniqua gerit benedicitur (Psal. ix).*

CAP. 85. — *Idololatrias non vi, sed ratione convertendos. Nicolaus papa ad consulta Bulgarorum, c. 41.*

De iis autem qui Christianitatis bonum suscipere renunt, et idolis immolant, vel genua curvant nihil aliud possumus scribere vobis, nisi ut eos ad fidem rectam monitis, exhortationibus, et ratione potius quam vi, quod vane sapiunt, convincatis.

CAP. 86. — *De eodem. Idem, ibid.*

Nulla cum iis qui non credunt, idolaque adorant

(105) Serm. 219 De tempore : sed hoc inde non est desumptum.

miscenda communiō est. Porro illis violentia ut A
credant nullatenus inferenda est : nam omne quod
ex voto non est, bonum esse non potest.

CAP. 87. — *Non esse comedendum animal quod pa-*
ganus vel occiderit, vel insecutus sit, cap. 91.

Neque quod Christianus persequitur, et a pagano
percutitur et occiditur animal : neque quod paganus
persequitur, et Christianus occidit comedendum
est.

CAP. 88. — *Ne sol, velut sancti, venerationem acci-*
piat. Ex serm. Leonis papæ, in Natal. Domini,
qui sic incipit : Festivitatē hodiernæ, etc. (Serm.
vii, c. 4).

Nonnulli etiam Christiani adeo se religiose facere
putant, ut priusquam ad beati Petri apostoli basilicam,
quæ uni Deo vivo et vero dedicata est, perve-
niant, superatis gradibus quibus ad suggestum aræ
superioris ascenditur, converso corpore ad nascentem
se solem convertant [reflectant, orig.], et curvatis
cervicibus in honorem se splendidi orbis inclinent.
Quod fieri partim ignorantiae vitio, partim
paganitatis spiritu multum tabescimus et dolemus.

CAP. 89. — *Quod opera non prosint sine fide. Au-*
gust. De Trin. lib. xii, cap. 7.

Opera misericordiae nihil prosunt, sive paganus
sive Judæis qui Christo non credunt, sive quibus-
cunque hæreticis et schismaticis, ubi fides et dile-
ctio et sobria sanctificatio non invenitur.

CAP. 90. — *De vitandis inimicis Christi. Joannes*
IX [VII] Neapolitanis, Salernitanis [Falerianis] C
et Amalphitanis.

Conscientia vestræ in Christo dilectionis juste
dijudicet quantum Christo aversi sunt hi qui cum
ejus infidelibus contra prohibitionem Pauli tanti
apostoli (II Cor. vi) pollutam fœderis ineunt uni-
tatem. Cum enim regis rebellionibus quocumque
participio conjunguntur, pariter majestatis crimi-
nibus obnoxii judicantur, parique sententia condem-
nantur [puniuntur]; quantum a corpore Christi
probantur extranei, qui ejus hostibus fœderati,
membra ipsius tanto perniciosius lacerant, quanto
vicinius ecclesiae Dei colliminant? *Item.* Quantum
autem Deo sit execrabile cum impio fœdera pan-
gere, luculenter ex hoc deprehenditur : quod Josaphat
rex Juda, qui tot de anteacta vita præconiis D
extollitur, de Achab amicitia increpatur, cum ei
per Jehu propheta dicitur : *Impio præbes auxilium,*
et his qui oderunt Dominum amicitia jungeris
(II Paral. xix). Et idcirco iram quidem Domini me-
rebaris, sed bona opera inventa sunt in te, eo quod
abstuleris lucos de terra Juda. Quantum præterea
ait Deo delectabile ab inimicorum Dei pace desiste-
tere, noster Psalmographus manifestat, cum dicit :
Nonne qui oderant te, Domine, oderam illos, et super
inimicos tuos tabescebam? perfecto odio oderam illos,
inimici facti sunt mihi (Psal. cxxxviii). Ex quo, di-
lectissimi filii, patenter ostenditur, quanto crimine
cum pessimis pax tenetur, si Propheta tantus hoc
velut in hostiam Deo obtulit, qui contra pravos pro

Deo inimicitias excitavit. Hinc Levi tribus, assumptis
gladiis per castrorum media transiens, quia ferien-
dis noluit peccatoribus parcere, Deo manus suas
dicta est consecrasse (Exod. xxxiii) : hinc Phinees
peccantium civium gratiam spernens, coeuntes cum
Madianitis perculit, et iram Dei iratus placavit
(Num. xxv).

CAP. 91. — *Ut baptizatus a paganis rebaptizetur.*
Gregor. II Bonifacio episcopo.

Quos a paganis baptizatos esse asseruisti, si ita
habetur, ut denuo baptizes in nomine S. Trinitatis,
mandamus. *Item (epist. 14).* De immolatiis autem
escis consulisti, si a fidelibus superductum fuerit
vivificæ crucis signum, edi liceret, an non. Hlud
sufficit respondere, quod beatus apostolus Paulus
dicit (I Cor. x) : Si quis dixerit quia hoc immola-
tum est idolis, nolite edere propter eum qui indica-
vit, et propter conscientiam.

CAP. 92. — *Ut soli orthodoxi militent. Ex historia*
Anastasio Bibliothecarii S. Romanæ Ecclesiæ.

Tertio imperii sui anno Justinianus Augustus pro-
mulgavit legem, ne militarent pagani nec hæretici,
nisi soli orthodoxi.

CAP. 93. — *Servitium Christi voluntarium esse, non*
coactivum. Beda in Historia Anglorum, lib. 1,
c. 26.

Credentium fidei et conversioni ita congratulatus
rex esse perhibetur, et ipse conversus, ut nullum
tamen cogeret ad Christianismum, sed quantum-
modo credentes arctiori dilectione, quasi concives
sibi regni cœlestis amplecteretur. Didicerat enim
a doctoribus auctoribusque suæ salutis servi-
tium Christi voluntarium, non coactivum esse
debere.

CAP. 94. — *De exactione in rusticum paganus sa-*
cienda. Gregorius Januario episcopo Calaritano
(lib. iii, epist. 26).

Si cujuslibet episcopi paganus rusticum invenire
potero, in eumdem episcopum fortiter vindicabo
(23, q. 6, c. Jam vero). Jam vero si rusticus tantæ
fuerit perfidiae et obstinationis inventus, ut ad Deum
minime venire consentiat, tanto pensionis onere
gravandus est, ut ipsa exactionis suæ pœna compellatur
ad rectitudinem festinare.

CAP. 95 (Vide supra c. 32). — *De zelo contra cultu-*
res idolorum seu aruspices habendo. Greg. Januario
episcopo Sardiniae (lib. vii, epist. 66).

Contra idolorum quoque cultores, vel aruspices
atque sortilegos fraternitatem vestram vehementius
pastorali hortamur invigilare custodia, atque publice
in populo contra hujus rei viros sermonem facere,
eosque a tanti labe sacrilegii et divini intentione
judicii, et præsentis vitæ periculo adhortatione sua-
soria revocare. Quos tamen si emendare se a talibus
atque corrigere nolle repperis, ferventi compre-
hendere zelo te volumus, et si quidem servi sunt,
verberibus cruciatibusque quibus ad emendationem
pervenire valeant, castigare. Si vero sunt liberi,
inclusionē digna districtaque sunt in poenitentia
reliigandi.

CAP. 96. — *De idololatriis. Ambros. in I. epist. ad A*
Corinth. (cap. x).

Licet aliquid pollutum sit per accidentiam, id est oblationem idoli, cum hoc tamen nescit qui emit, nullum patitur scrupulum, et apud Deum immunis est.

CAP. 97. — *Quid sit : Dies observatis et menses, etc. Ex serm. Ambrosii de Quadragesima qui sic incipit : Intellexisse vos (106).*

Observant diem et mensem, qui Kalendis Januarii aut non jejunt, aut non procedunt ad ecclesiam, sed procedunt ad campum. Ergo, fratres, omni studio gentilium festivitates et ferias declinemus, ut quando illi epulantur et læti sunt, tunc nos simus sobrii atque jejuni : quo intelligant lætitiā suam nostra abstinentia condemnari. Non solum autem gentilium, sed et Judæorum consortia vitare debemus, quorum etiam confabulatio est magna pollutio.

CAP. 98. — *Ne Christiani de area vel torculari suo aliquid ad immolandum idolis sumi patiantur. August. ad Publicolam (epist. 154).*

Si de area vel torculari tollitur aliquid ad sacrificia dæmoniorum sciente Christiano, ideo [in Deo] peccat si fieri permittit ubi prohibendi potestas est. Quod si factum non comperit, aut prohibendi potestatem non habuit, utitur mundis reliquis fructibus, unde illa sublata sunt. *Item, ibidem aliquanto post.* Si quis de aliqua carne dubitat, utrum sit immolatio, et non est immolatio, sed eam cogitationem tenuerit quod immolatio non sit, et ea vescatur, non utique peccat : quia non est, nec putatur jam immolatio, etsi antea putabatur. Neque enim non licet corrigere cogitationem a falsitate in veritatem. Si quis autem putaverit bonum esse quod malum est, et fecerit hoc putando, utique peccat : et ea sunt omnia peccata ignorantiae, quando quisque bene fieri putat quod male sit.

CAP. 99. — *Quod spiritualiter homicidæ sunt qui baptizatos sacrilegiis dæmoniorum obligant. August. ad Bonifacium episcopum (epist. 25).*

Recte dicuntur parentes vel quicumque majores filios seu quoslibet parvulos baptizatos dæmoniorum sacrilegiis obligare conantes, spiritualiter homicidæ. Nam in illis quidem interfectionem non faciunt, sed quantum in ipsis est, interfectores fiunt.

CA. 100. — *Quod soli hi plagendi sint qui per scelera egrediuntur Ecclesiam. Hieron ad Rusticum (107).*

Nequaquam gentilis plangendus est atque Judæus, qui in Ecclesia non fuerant, et semel mortui sunt, de quibus Salvator dicit : *Dimitte mortuos ut sepeliant mortuos suos (Matth. VIII) :* sed hi qui per scelera atque peccata egrediuntur de Ecclesia, et nolunt ultra reverti ad eam [adeant damnationem] damnatione [dominatione] vitiorum.

CAP. 101. — *Diabolus qui appellandus sit. August. lib. Quæst. Veteris et Novi Testamenti (quæst. 90).*

Diabolus non speciale nomen est, sed commune :

(106) Id nunc legitur serm. 7 de Kalend. Januar, cujus initium : *Est mihi adversus.*

PATROL. CLXI.

in quocunque enim opera diaboli fuerint inventa, sine dubio diabolus appellandus est. Operis enim nomen est, non naturæ.

CAP. 102. — *Quomodo dæmoniaci curari possint. Beda super Lucam lib. III, cap. 5 (lib. III, c. 31 ad VIII c. Lucæ).*

Nostri temporis sacerdotes, qui per exorcismi gratiam dæmones ejicere norunt, solent dicere patientes non aliter valere curari, nisi (quantum sapere possunt) omne quod ab immundis spiritibus visu, auditu, gustu, tactu, vel alio quolibet corporis vel animi sensu vigilantes dormientesve protulerint, confitendo patenter exponant. Et maxime quando vel viris in specie feminea, vel in virili habitu feminis apparentes (quos dæmones Galli *dasios* vocant) infans miraculo spiritus incorporei corporis humani concubitum petere se ac patrare conflagunt. Et nomen dæmonis quo se censeri dixerit, et dejerandi modos, quibus amoris sui fœdus alterutrum pepigerint, prodendos esse præcipiunt. Quæ mendacio simillima res, sed adeo vera et plurimorum est attestatio notissima, ut quidam vicinus mihi presbyter retulerit se quamdam sanctimonialem feminam a dæmonio curare cœpisse, sed quandiu res latebat, nihil apud eam proficere potuisse. Confesso autem quo molestabatur phantasmate, mox et ipsum orationibus cæterisque quæ oportebat purificationum generibus effugasse, et ejusdem feminæ corpus ab ulceribus quæ dæmonis tactu contraxerat, medicinali studio adjuncto, sale benedicto curasse : sed dum unum de ulceribus quod altius lateri induratum repererat, nullatenus posset, quin continuo panderetur, obducere, ab eadem ipsa quam sanare volebat, consilium quos sanaretur accepisse. Si, inquit, oleum pro infirmis consecratum eidem medicamento asperseris, sique me unxeris, statim sanitati restituar. Nam vidi quondam per spiritum in quadam longius posita civitate, quam nunquam corporalibus oculis vidi, puellam quamdam pari calamitate laborantem, taliter a sacerdote curatam. Fecit ut illa suggererat, statimque ulcus remedium quod ante respuerat, accipere consensit.

CAP. 103. — *De communione dæmoniacis danda. Ex Collation. Syriaci, cap. 13.*

Communione sacrosanctam dæmoniacis a senioribus nunquam meminimus interdicitam, quinimo si possibile esset etiam quotidie eis impertiri debere censebant.

CAP. 104. — *Ne clerici dæmoniaci ad superiores gradus ascendant. Nicolaus Alwino Jovanensi archiepiscopo.*

Clerici qui in adolescentia a dæmonibus cognoscuntur obsessi, ad superiorem sacri regiminis gradum accedere non possunt.

CAP. 105. — *De coitu dæmonum cum mulieribus. August. lib. Quæst. super Genesim, quæst. 3 (ad VIII c. Genes.).*

Credibilius est homines justos, appellatos vel an-

(107) Tomo I, cujus initium : *Quod ignotus ad ignotum.*

gelos, vel filios Dei, concupiscentia lapsos peccasse cum feminis, quam angelos carnem non habentes usque ad illud peccatum descendere potuisse: quamvis de quibusdam dæmonibus qui sicut improbi mulieribus, a multis tam multa dicantur, ut non facile sit de hac re definienda sententia.

CAP. 106. — *De multiplicitate dæmonum fideles infestantium. Hieronymus super Jesu Nave, homelia 15. (Orig. ex Hieron. interpretatione.)*

Mihi videtur infinitus quidam esse numerus contrariorum virtutum, pro eo quod per singulos pene homines sunt spiritus aliqui diversa in iis peccatorum genera molientes. Verbi causa, est aliquis fornicationis spiritus, est alius spiritus iræ, alius est avaritiæ, alius vero superbiæ; et si eveniat aliquem hominem esse qui his omnibus malis, vel etiam pluribus agitur, omnes hos vel etiam plures in se habere inimicos putandus est spiritus. Unde et per singulos plures esse credendi sunt, quia non singula singuli homines habent vitia, vel peccata committunt, sed plura ab unoquoque videntur admitti. Et iterum non est putandum quod unus fornicationis spiritus seducat eum, qui, verbi gratia, in Britannia fornicatur, et illum qui in India, et in aliis locis. Neque puto unum esse iræ spiritum qui diversis in locis diversos homines inflammat: sed puto magis principem quidem fornicationis spiritum unum esse, innumeris vero esse qui in hoc ei officio pareant, et per singulos quosque homines diversi spiritus sub eo [diversos spiritus qui sub eo, etc.] principe militantes, ad hujuscemodi eos peccata sollicitent. Similiter et iracundiæ spiritum principem unum esse

arbitror, innumeris vero esse sub ipso agentes, qui per singulos quosque homines hujuscemodi vitia peccata succendant. Similiter et avaritiæ, et superbiæ, et cæterorum malorum; et ideo non unus principatus dicitur in contrariis virtutibus ab Apostolo, sed plures, adversus quos sibi esse pugnam et nobis omnibus scribit (*Ephes. vi*). Esse tamen reor horum omnium principem velut eminentiorem quemdam in nequitia, et in scelere celsiorem, qui totum mundum, quem isti ad peccata singuli quique per peccatorum species per partes sollicitant, solus velut omnium princeps et dux totius [principum dux, et totius] nefandæ militiæ magister, exagitet. Puto sane quia sancti quique repugnantes contra istos inceptores peccatorum spiritus, et vincentes eos, atque eorum unumquemque superantes, imminuant exercitum dæmonum, et velut quamplurimos eorum interimant. Verbi causa, ut is qui caste pudiceque vivendo fornicationis spiritum superaverit, non ultra fas sit illum spiritum qui ab illo sancto victus est, impugnare iterum alium hominem, sed sicut illi spiritus rogabant Jesum, ne in abyssum mitterentur, quod tunc interim Dominus pro præsentis dispensatione concessit (*Luc. viii*), ita consequens videtur, quod singuli quique maligni spiritus cum vincuntur a sanctis, vel in abyssum, vel in exteriores tenebras, vel ut quisque ille locus eis dignus est, collocentur a justo iudice Christo. Et inde esse quod plurimo dæmonum numero jam devicto, ad credulitatem gentes venire relaxentur; quæ utique nullatenus sine rentur, si integræ eorum sicut prius fuerant, subsisterent legiones.

DECRETI PARS DUODECIMA.

De mendacio et perjurio. De accusatoribus, de defensoribus et falsis testibus. Et de singulorum pœnitentia

CAP. 1. — *De octo generibus mendaciorum. Augustinus, libro De mendacio (cap. 14).*

(22.) q. 2, c. Primum est. Primum est capitale mendacium, longeque fugiendum, quod fit in doctrina religionis, ad quod mendacium nulla conditione quisquam debet adduci. Secundum, ut aliquem lædat injuste: quod tale est ut et nulli prosit, et obsit alicui. Tertium quod ita prodest alteri, ut obsit alteri, quamvis non ad immunditiam obsit corporalem. Quartum sola mentiendi fallendique libidine, quod merum mendacium est. Quintum quod fit placendi cupiditate de suaviloquio. His omnibus penitus evitatis atque rejectis, sequitur sextum genus, quod et nulli obest et prodest alicui: velut si quispiam pecuniam alicujus injuste tollendam sciens, ubi sit nescire se mentiatur. Septimum quod et nulli obest et prodest alicui: velut si nolens hominem ad mortem quæsitum prodere, mentiatur.

Octavum est genus mendacii, quod et nulli obest, et ad hoc prodest ut ab immunditia corporali aliquem tueatur. (*Ibid, c. 21.*) Non est igitur mentiendum in doctrina pietatis, quia magnum scelus est, et primum genus detestabilis mendacii. Non est mentiendum secundo genere, quia nulli facienda est injuria. Non est mentiendum tertio genere, quia nulli cum alterius injuria consulendum est. Non est mentiendum quarto genere, propter mendacii libidinem, quæ per se ipsam vitiosa est. Non est mentiendum quinto genere, quia nec ipsa veritas sine placendi hominibus enuntianda est, quanto minus mendacium quod per se ipsum, quia mendacium est, utique turpe est. Non est mentiendum sexto genere, neque enim recte etiam testimonii veritas pro casu quocumque temporali commodo ac salute corrumpitur: ad sempiternam vero salutem nullus ducendus est opitulante mendacio. Neque septimo genere

mentiendum est, non enim cujusquam commoditas aut salus temporalis perficiendæ fidei præferenda est, nec si quisquam in recte factis nostris tam male movetur, ut fiat etiam animo deterior, longeque a pietate remotior, propterea recte facta deserenda sunt. Nec octavo genere mentiendum est, quia et in bonis castitas animi, pudicitia corporis: et in malis id quod ipsi facimus eo quod fieri sinimus majus est. In his autem octo generibus tanto quisque minus peccat cum mentitur, quanto emergit ad octavum, tanto amplius, quanto evergit [mergit, *Vict.*] ad primum. Quisquis autem esse aliquod genus mendacii quod peccatum non sit, putaverit, decipiet se ipsum turpiter, cum honestum se deceptorem arbitratur aliorum.

CAP. 2. — *De soliditate juramenti. Ex conc. Tolet. viii, c. 2.*

Omne quod in pacis fœdera venit, tunc solidius subsistit, cum juramenti hoc interpositio roborat. Sed et omne quod animos amicorum conciliat, tunc fidelius durat, cum eos sacramenti vincula ligant. Omne enim quod testis astipulatur, verius constat, cum id adjectio jarationis affirmat. Quod et si testis deficiat, innocentis fidem sola jurisjurandi taxatio manifestat.

CAP. 3. — *Juramentum non esse contra præceptum Domini. August. super Epistolam ad Galatas (in c. 1 sub finem; et lib. 1 De sermonibus Domini in monte, c. 30).*

(22, q. 1, c. *Non est contra.*) Non est contra præceptum Dei juratio, quæ a malo est non jurantis, sed incredulitatis ejus a quo jurare cogitur. Nam hinc intelligitur ita Dominum prohibuisse a jurando (*Matth. v*), ut quantum in ipso est, quisque non juret, quod multi faciunt, in ore habentes jurationem tanquam magnam et suave aliquid. Nam utique Apostolus noverat præceptum Domini, et juravit tamen. Non enim audiendi sunt qui has jurationes esse non putant. Quid enim facient de illa: *Quotidie morior per vestram gloriam, fratres, quam habeo in Christo Jesu Domino nostro (I Cor. xii)*: quam Græca exemplaria manifestissimam esse jurationem convincunt? Quantum ergo in ipso est non jurat Apostolus, non enim appetit jurationem cupiditate aut delectatione jurandi. Amplius est enim quam est, est; non, non (*Matth. v*), et ideo a malo est, sed infirmitatis aut incredulitatis eorum, qui aliter moventur ad fidem.

CAP. 4. — *Non jurandum, ut quam longissime absint a perjuria. Aug. ad Publicolanam (epist. 154).*

(22, q. 1, c. *In Novo Testamento.*) In Novo Testamento dictum est ne omnino juremus (*Matth. v*), quod mihi quidem propterea dictum videtur, non jurare peccatum est, sed quia perjurare immo peccatum est; a quo nos longe esse voluit, qui omnino ne juremus commonuit. *Item, ibid. post aliquot versus.* Quamvis dictum sit, Ne juremus, nusquam in Scripturis sanctis legisse me meminisse ab alio jurationem accipiamus.

CAP. 5. — *Quod liceat juramento ad aliorum utilitatem uti. August. De sermone Domini in monte, lib. 1 (cap. 30).*

(22, q. 1, c. *Tu non malum.*) Tu non malum facis, qui bene uteris juratione: quæ [quia] etsi non bona, tamen necessaria est, ut alteri persuadeas quod utiliter suades: sed a malo est illius, cujus infirmitate jurare cogaris.

CAP. 6. — *Quod per Deum sit jurandum, non per creaturas. Hieron. super Matthæum, lib. 1.*

Considera quod Salvator non per Deum jurare prohibuerit, sed per cœlum, et per terram, et per Hierosolimam, et per caput tuum (*Matth. v*). Et hoc quasi parvulis fuerat lege concessum, ut quo modo victimas immolabant Deo, ne eas immolarent idolis: sic et jurare permitterentur in Deum, non quod recte hoc facerent, sed quod melius esset Deo id exhibere, quam dæmoniis.

CAP. 7. — *Non esse frequentanda juramenta. Isidorus, Sententiarum libro secundo, cap. 31.*

(22, q. 1, c. *Non est contra.*) Non est contra Dei præceptum jurare; sed dum jurandi usum facimus, perjurii crimen incurrimus.

CAP. 8. — *Non esse jurandum nisi magna necessitate. Ex serm. 28 August. de verbis Apostoli, qui sic incipit: Prima lectio quæ nobis.*

(22, q. 1, c. *Si peccatum esset.*) Si peccatum esset juratio, nec in veteri lege diceretur: *Non perjurabis, reddes autem Domino jusjurandum tuum (Levit. xix)*: non enim peccatum præciperetur nobis. *Item, ibidem post aliqua multa.* Non vobis dicimus nos non jurare; si enim hoc dicimus, mentimur. Quantum ad me pertinet, juro, sed quantum mihi videtur, magna necessitate compulsus. Cum videro nisi faciam mihi non credi, et ei qui mihi non credit non expedire quod non credit; hac pensata ratione et consideratione librata, cum magno timore dico: Coram Deo, aut Testis est Deus, aut Scit Christus quod sic est esse in animo meo. Et video quia plus est, id est, quod amplius est quam: *Est, est; non, non*; sed hoc quod amplius est, a malo est (*Matth. v*), et si non a malo jurantis, a malo est non credentis.

CAP. 9. — *Juramenta quæ contra naturam sunt non esse tenenda. Ex conc. Toletano viii, cap. 2.*

(22, q. 4, c. *Si publicis.*) Si publicis sacramentorum gestis (quod avertat Deus!) a quibuslibet illicita vel non bona exstittisset conditio alligata, quæ aut jugulare animam patris aut agere compelleret stuprum sacratissimæ [sacratæ] virginis, nunquid non tolerabilius esset stultæ promissionis rejicere vota, quam per inutilium promissorum custodiam exhorrendam criminum implere mensuram?

CAP. 10. — *De eodem re. Ambrosius, lib. Offic. 1, cap. 30.*

(22, q. 4, c. *Est etiam contra.*) Est etiam contra officium nonnunquam promissum solvere sacramentum, ut Herodes, qui juravit quoniam quidquid petitus esset, daret filix Herodiadis (*Matth. xiv*), necem Joannis præstavit, ne promissum negaret.

CAP. 11. — *Item de eodem. Ex serm. August. in de-*

collatione sancti Joannis, qui sic incipit : Cum sanctum Evangelium legeretur (108).

(22, q. 4, c. *Quod David.*) Video David pium hominem et sanctum in jurationem temerariam cecidisse, et maluisse non facere quod juraverat, quam jurationem suam fuso hominis sanguine implere (*I Reg. xxv*). Item, *ibidem paulo post*. Juravit David æmere, sed non implevit jurationem majori pietate. Ecce David sanctus non quidem iratus sanguinem hominis fudit, sed eum falsum jurasse negare quis poterit? De duobus peccatis elegit minimum, sed minus fuit illud in comparatione majoris [pejoris]. Nam per se ipsum appensum magnum malum est falsa jurare.

CAP. 12. — *Item de eodem. Isidorus in Synonymis lib. II.*

In malis promissis rescinde fidem, in turpi voto muta decretum. Quod incaute vovisti non facias. Impia est promissio quæ scelere adimpletur.

CAP. 13. — *Item de eodem re. Beda in lib. Homiliarum, homilia 43 (in decollatione S. Joannis Baptistæ).*

(22, q. 4, c. *Si aliquid forte.*) Si aliquid forte nos incautius jurasse contigerit, quod observatum pejo-rem vergat in exitum, libere illud consilio salubriori mutandum noverimus, ac magis instante necessitate pejerandum nobis, quam pro vitando perjurio in aliud crimen gravius esse divertendum. Denique juravit David per Dominum occidere Nabal virum stultum et impium, atque omnia quæ ad illum pertinerent demoliri; sed ad primam intercessionem Abigail feminae prudentis, mox remisit minas, revocavit ensem in vaginem, neque aliquid culpæ se tali perjurio contraxisse doluit (*I Reg. xxv*). Item, *post versum*. Non solum in jurando, sed in omni quod agimus hæc est moderatio solertius observanda, ut si in talem forte lapsum versuti hostis inciderimus insidiis, ex quo sine aliqua peccati contagione surgere non possimus, illum potius evadendi aditum petamus, in quos minus periculi nos perpessuros esse cernimus.

CAP. 14. — *Utrum fides appellanda sit, quæ in peccatis admittendis adhibetur. August., De bono conjugali, cap. 4.*

(22, q. 4, c. *Si ad peccatum.*) Si ad peccatum admittendum adhibetur fides, mirum si fides appellatur; verumtamen qualiscunque sit, si et contra ipsam sit, pejus sit, nisi cum propterea deseritur, ut ad fidem veram legitimamque redeatur, id est ut peccatum emendetur voluntatis pravitate correctæ, tantquam si quis cum hominem solus exspoliare non possit, inveniatur socium iniquitatis, et cum eo pactescatur ut simul id faciant, spoliūque partiantur: quo facinore commisso totum solus auferat; dolet quidem ille, et fidem sibi servatam non esse conqueritur, verum in ipsa sua querela cogitare debet, potius in bona vita ipsi humanæ societati fidem fuisse servandam ne præda iniqua ex homine fieret,

(108) Serm. 11 de sanctis, cujus principium est: *propter hunc*. In calce tomi X.

si sentit quam inique sibi in peccati societate servata non fuerit: ille quippe utroque perfidus profecto sceleratior judicandus est. Item, *ibidem eodem cap.* Mulier si fide conjugali violata fidem servet adultero, utique mala est: sed si nec adultero, peior est. Porro si eam flagitii pœniteat, et ad castitatem rediens conjugalem, pacta ac placita adulterina rescindat, miror si eam fidei violatricem, et ipse adulter putabit.

CAP. 15. — *De non servando juramento injusto. Es actione 4 VII Synodi (109).*

(22, q. 4, c. *Actione quarta.*) Joannes apocrisarius Orientalium sedium dixit: « Significat sermo Patris nostri Sophronii, quod melius sit jurantem perjurare, quam conservare sacramentum in confractioe sanctarum imaginum. Hoc autem dicimus, quia quidam se sacramento excusant. » Tharadius patriarcha dixit: « Quia Pater Sophronius noverat bonitatem Dei, propterea transgredi voluit impium juramentum. » Item Tharadius patriarcha dixit: « Herodes servavit juramentum, et periit: Petrus vero negavit cum juramento, et conversus flevit et salvatus est (*Matth. xxvi*). Omne enim peccatum Deus indulget, si quis ex toto corde pœniteat. » Sancta synodus dixit: « Sic docet nos sancta Scriptura. » Item Leontius Phœciæ episcopus dixit: « Scriptum est: *Juramentum mendax ne diligatis (Zach. viii)*. Qua de causa nostrum juramentum mendax dissolvatur, quasi nullam habens virtutem. »

CAP. 16. — *Quod in duobus malis minus malum eligendum est. Ex concil. Tolet. VIII, cap. 2.*

(*Dist. 13, c. Duo mala.*) Duo mala licet omnino sint cautissime præcavenda, tamen si periculi necessitas ex his unum temperare [tentare, alias temerare] compulerit, id debemus resolvere, quod minori nexu noscitur obligare. Quid autem levius ex his, quidve sit gravius puræ rationis acumine investigemus. Etenim dum perjurare compellimur, Creatorem quidem offendimus, sed nos tantummodo maculamus. Cum vero noxia promissa complemus, et Dei jussa superbe contemnimus, et proximis impia crudelitate nocemus, et nos ipsos crudeliori mortis gladio trucidamus; illic enim duplici culparum telo percutimur, hic tripliciter jugulamur.

CAP. 17. — *Non semper promissa omnia solvenda esse. Ambr. lib. Offic. (lib. III, c. 12).*

(22, q. 4, c. *Unusquisque.*) Unusquisque simplicem sermonem proferat, vas suum in sanctificatione possideat, nec fratrem circumscriptione inducat verborum, nihil promittat in honestum; aut si promiserit, tolerabilius est promissum non facere, quam facere quod turpe sit. Sæpe plerique constringunt se jurisjurandi sacramento, et cum ipsi cognoverint promittendum non fuisse, sacramenti tamen contemplatione faciunt quod sponponderunt, sicut de Herode supra scripsimus, qui saltatrici præmii turriter promisit, crudeliter solvit (*Matth. xiv*).

(109) Longe post init. multum variat in Græco.

Turpe quod regnum pro saltatione promittitur, crudele quod mors prophetæ pro jurisjurandi religione donatur. Quanto tolerabilius tali fuisset perjurium homicidio? si tamen perjurium possit dici, quod ebrius inter vina juraverat, quod eviratus inter saltantium choros promiserat. (*Ibidem, paulo post.*) Infertur disco prophetæ caput, et hoc æstimatum est fidei esse, quod amicitia fuit. *Item.* (22, q. 4, c. *Non semper.*) Non semper promissa omnia solvenda sunt. Denique ipse Dominus frequenter suam mutat sententiam, sicut Scriptura indicat (*Num. xiv.*).

CAP. 18. — *De pœnitentia perjurii. Synodus Aurelianensis in tempore Childeberti regis, cap. 8.*

De perjurio vero id censuimus observandum, ut si quis clericus in causis quæ sub jurejurando firmendæ sunt, præbuerit juramenta, et post rebus evidentibus detegitur perjurasse, biennii tempore a communione pellatur.

CAP. 19. — *Quod omnis contrarius verbo Dei Antichristus est. August. super epistola Joannis, tract. 3.*

Quotquot habet Ecclesia perjuros, fraudatores, maleficos, veneficos, inquisitores nugarum, adulteros, ebriosos, feneratores, mangones, et omnia quæ enumerare non possumus, si contraria sunt doctrinæ Christi, contraria sunt verbo Dei. Verbum autem Dei Christus est. Quisquis autem verbo Dei contrarius est, Antichristus est.

CAP. 20. — *Quod tutus sit a perjurio qui nunquam jurat. Ex sermone August. in decoll. sancti Joannis Baptistæ, qui sic incipit: Cum sanctum Evangel. legeretur (ad calcem tomi X).*

Tam magnum peccatum est jurare falsum, ut propter reatum falsæ jurationis Dominus prohiberit omnem jurationem (*Matth. v.*) *Item, ibidem aliquanto post.* Non est peccatum verum jurare, sed quia grande peccatum est falsum jurare, longe est a peccato falsum jurandi, qui omnino non jurat; propinquat falsæ jurationi qui vel verum jurat. *Item (ibidem paulo inferius).* Aliquando nolens homo [*al. hoc, Vict.*] jurat cum verum putat esse quod jurat. Non est quidem tantum peccatum quantum ejus qui scit falsum esse, et tamen jurat.

CAP. 21. — *Quod perjurium adulterio comparetur. D Hieron. super Malachiam.*

Nequaquam putemus levia esse peccata perjurium, et mercedem non reddere laboranti, et calumniari viduam et pupillum, et opprimere alienigenam et peregrinum, quæ maleficio, et beneficiis, et adulterio comparantur.

CAP. 22. — *Quid sit perjurium. Hieron. super Jeremiam, lib. 1 (ad c. iv in principio).*

(22, q. 2, c. *Animadvertendum.*) Animadvertendum est quod jusjurandum hos habeat comites: veritatem, judicium, atque justitiam. Si ista defecerint, nequaquam juramentum erit, sed perjurium.

CAP. 23. — *Quod testis esse non possit qui perjurii*

convictus fuerit. Capitularium lib. 1, cap. 9 (cap. 63).

(22, q. 5, c. *Parvuli.*) Parvuli qui sine rationabili ætate sunt non cogantur jurare: et qui semel perjuratus fuerit, nec testis sit post hæc, nec ad sacramentum accedat, nec in sua causa, vel alterius, jurator existat.

CAP. 24. — *Non ita esse indulgendum perjuris, ut perjurandi detur occasio. Alexander II Landulpho et Arialdo clericis.*

Possumus in perjurio aliquo crimine lapsis misericordiæ manum porrigere, sed non debemus ad futuræ perditionis [prohibitionis] exemplum licentiam dare.

CAP. 25. — *De vindicta perjurii. Honorius papa Hysatio patricio et exarcho Italiae.*

Quorundam scriptis didicimus quosdam episcopos in transpadanis partibus quædam verba episcopali actui inimica Petro Pauli filio edixisse, atque monitu impiæ suasionis innuere: asserentes in se perjurii reatum suscipere, ut non Adulubaldo regi, sed potius Ariopalto tyranno consentiret. Et quoniam præfatus gloriosus Petrus pravis eorum (si fas est dicere) sacerdotum respuit suasionibus inclinari, sed magis sacramenta quæ Cono [Acono, Vict.] regi patri prædicti Adulubaldi præstiterat, firmiter custodire. Et quia tantum facinus Deo et piis mentibus est inimicum, ut hi qui hoc ab aliis prohibere debuerant ne fuisset commissum, ipsi potius ut fieret hortati sunt. Cum nutu supernæ virtutis vobis laborantibus præfatus Adulubaldus in suum regnum fuerit restitutus, præfatos episcopos in has Romanas partes adjuvante vos Deo, destinare dignamini: quia hujusmodi scelus nulla patiemur ratione inultum.

CAP. 26. — *De excommunicatione eorum qui alios secum in perjurium trahunt, et de infamia consentientium. Ex concilio Matisconensi tempore Guntranni regis, c. 21 (conc. Matisc. c. 1).*

(22, q. 5, c. *Si quis convictus.*) Si quis convictus fuerit alios ad falsa testimonia vel perjuria attraxisse, aut quacunque corruptione sollicitasse, ipse quidem usque ad exitum non communicet. Hi vero qui ei in perjurio consensisse probantur, postea ab omni testimonio sunt removendi, et secundum legem infamia notabuntur.

CAP. 27. — *De vindicta ejus qui alteri perjurium injuste intentat. Gelasius Rufino et Justo episcopis.*

Honorati et primarii Varulanz civitatis susus nobis precibus supplicarunt, sicut habetur in subditis. Quibus etiam subscriptionem propriam commodarunt, se ab Agnello diacono gravi contumeliarum genere fuisse maceratos, ut etiam reos perjurii (sicut ipsi dicunt) se asserant inclinatos. Et ideo, fratres charissimi, secundum petitorii [petitoris] fidem, supradicto diacono ad vestrum judicium imminente Laurentio Romanæ Ecclesiæ defensore mox deducto, veritatis assertionem discussa, si constiterit integritas supplicantium, aut intenta doceat diaconus, aut de ejus protervitate noveritis esse vindicandum, quate-

nus de tantis excessibus memoratae improbae temeritatis exclusus ultio digna comitetur : et qui se conviciis trivialibus implicavit, sacrae communionis arceat accessibus.

CAP. 28.—*Quod peior sit homicida qui ab eo juramentum postulat, quem scit pejeraturum. Ex Serm. Aug. in decollatione Joan. Baptistae (110).*

Si quis provocaverit te ad jurationem, ut forte sic sibi existimet satisfieri posse : si juraveris de ipsa re quam putat te commisisse ac fecisse, et forsitan non fecisti, ne remaneat in eo mala suspicio, si juraveris, tu non sic peccas quomodo ille, qui te provocavit. *Item, ibidem.* Si ab alio [illo] provocatus fueris, ab ipsius malo erit quod juras, non a tuo. *Item, ibidem.* Ille homo qui alium provocat ad jurationem, et scit eum falsum esse juraturum, vincit homicidam, quia homicida corpus occisurus est, ille animam, imo duas animas, et ejus quem jurare provocavit, et suam. Scis verum esse quod dicis, falsum esse quod dicit ille, et jurare compellis. Ecce jurat, ecce perjurat, ecce perit, tu quid invenisti? imo quia et tu periisti, qui de illius morte satiari voluisti.

CAP. 29.—*Cui prodendus sit quem scimus pejerasse. August. lib. Quæst. in Levit. (quæst. 1 ad c. v Levit.).*

(22, q. 5, c. Hoc videtur.) Hoc videtur dicere : peccare hominem, quo audiente jurat aliquis falsum, et scit eum falsum jurare, et tacet. Tunc autem scit, si ei rei de qua juratur testis fuit, aut videns, aut conscius fuit, id est aliquo modo cognovit, aut oculis suis conspexit, aut ille ipse qui jurat illi indicavit : ita enim potuit esse conscius. Sed inter timorem hujus peccati, et timorem proditionis hominum non parva existit plerumque tentatio. Possumus enim paratum ad perjurium admonendo vel prohibendo a tam gravi peccato revocare. Sed si non audierit, et coram nobis de re quam novimus falsum juraverit, utrum prodendus, si proditus etiam in periculum mortis incurrat, difficillima quæstio est. Sed quia hic non expressit, cui hoc indicatum sit, utrum illi cui juratur, an sacerdoti, vel cuiquam qui non solum eum persequi non potest irrogando supplicium, sed etiam orare pro illo potest : videtur mihi quod se ab hoc solvat peccati vinculo, si indicet talibus, qui magis possint prodesse quam obesse perjurio : sive ad corrigendum eum, sive ad Deum pro eo placandum, si et ipse confessionis adhibeat medicinam.

CAP. 30.—*Quod homicida est qui cogit alterum scienter falsa perjurare. Serm. August. De non jurando, qui sic incipit : Prima lectio (serm. 30 De verbis Apostol.).*

(22, q. 5, c. Qui exigit.) Qui exigit jurationem, multum interest si nescit illum juraturum falsum, an scit. Si enim nescit, et ideo dicit : Jura mihi ut fides ei sit, non audeo dicere non esse peccatum, tamen humana tentatio est; si autem scit eum fecisse, novit fecisse, vidit fecisse, et cogit jurare, homi-

cida est. Ille enim se suo perjurio interimit; sed iste manum interficientis et impressit [expressit] et pressit.

CAP. 31.—*Super quibus rebus juramentum fieri possit. Actio 1 synodi 1 Stephani papae 111.*

Christophorus primicerius notariorum dixit : « Alatis sacrosanctis quatuor Evangeliiis, et venerabili chrismate, et cæteris Dei mysteriis, sacramentum mutuo præbuimus, quod nullus alius extra Romanam electionem pontificatum egisset, sed eum quem ex communi consilio divina providentia tribuisset ex corpore nostræ sanctæ Ecclesiæ, videlicet de sacerdotibus, cardinalibus, diaconibus, juxta hujus apostolicæ sedis traditionem, nobis elegerimus antistitem. »

CAP. 32.—*De supplicio ejus qui per capillum Dei vel barbam jurat. Novellarum constitutio 68, cap. 1.*

(21, q. 1. Si quis per capillum.) Si quis per capillum vel barbam Dei juraverit, vel alio modo contra Deum blasphemia aliqua usus fuerit, officio præfecti urbis ultimo supplicio subjiciatur. Si quis autem hominem talem non manifestaverit, non est dubium quod divina condemnatione similiter coercetur.

CAP. 33.—*Ut unusquisque jejunos juret. Capitularium lib. 1, cap. 60 (cap. 63).*

(22, q. 5, c. Honestum.) Qui in sanctis habet jurare, hoc jejunos faciat, et cum omni honestate et timore Dei.

CAP. 34.—*Quod perjurus est qui per lapidem falsum jurat. Ex serm. August. De non jurando, qui sic incipit : Prima lectio, etc. (serm. 30 De verbis Apost.).*

Itane vero quisquis es pravi et perversi cordis, si dicas Per Deum, juras : si dicas, Testis est Deus, non juras? Quid enim est, per Deum, nisi testis est Deus? Aut quid est, testis est Deus, nisi per Deum? Quid autem est jurare, nisi jus Deo reddere, quando per Deum juras : jus saluti tuæ reddere, quando per salutem tuam juras : jus filiis tuis reddere, quando per filios tuos juras? Quod autem jus debemus saluti nostræ, filiis nostris, Deo nostro, nisi charitatis, veritatis, et non falsitatis? Maxime autem cum per Deum fit, ipsa est vera juratio. Quia et cum dicit quisque Per meam salutem, suam Deo obligat : quando dicit Per filios meos, oppignerat filios suos Deo : ut hoc veniat in caput eorum, quod exit de ore ipsius, si verum, verum ; si falsum, falsum. Cum ergo filios suos, vel caput suum, vel salutem suam quisque in juratione nominans, quiddam nominat obligat Deo, quanto magis quando jurat [pejerat habent excusi codices. Ibid. sub finem.] per ipsum Deum? *Item (22, q. 5, cap. Ecce dico).* Ecce dico charitati vestræ, et qui per lapidem falsum jurat, perjurus est. Unde hoc dico? Quia multi et in hoc falluntur, et putant quia nihil est per quod jurant, non se crimine teneri perjuri. Prorsus perjurus es, quia per id quod sanctum non putas, falsum juras. Sed ego illud sanctum non puto. Sanctum putas cui

jurās. Non enim quando juras tibi juras, aut lapidi juras, sed proximo juras : homini juras ante lapidem, sed nunquid non ante Deum? Non te audit lapis loquentem, sed punit te Deus fallentem. *Item (ibidem, non procul a principio).* Ream linguam non facit nisi mens rea.

CAP. 35. — *Quod minus malum est per deos falsos jurare veraciter, quam per verum Deum jurare fallaciter. Ex epistola August. ad Publicolam (epist. 154).*

(22, q. 1, cap. Movet.) Movet te, utrum ejus fide utendum sit, qui ut eam servet per dæmonia juraverit. Ubi te volo prius considerare, utrum si quispiam per deos falsos juraverit se fidem servaturum, et eam non servaverit, non tibi videatur bis peccasse. Si enim tali juratione promissam servaret fidem, ideo tantum peccasse judicaretur, quia per tales deos juravit. Illud autem nemo reprehendit quia fidem servavit : nunc vero quia et juravit per quos non debuit, et contra pollicitam fecit fidem quod non debuit, bis utique peccavit. Ac per hoc qui utitur fide illius quem constat jurasse per deos falsos, et utitur non ad malum, sed ad licitum et bonum, non peccato illius se sociat quo per dæmonia juravit, sed bono pacto ejus quo fidem servavit. Neque hic eam fidem dico servari qua fideles vocantur, qui baptizantur in Christo. Illa enim longe alia est, longeque discreta a fide humanorum placitorum atque pactorum : verumtamen sine ulla dubitatione minus malum est per deos falsos jurare veraciter, quam per Deum verum fallaciter. Quanto enim per quod juratur magis sanctum est, tanto magis est poenale perjurium. Alia ergo quæstio est, utrum non peccet qui per falsos deos sibi jurari fecit : quia ille qui ei jurat falsos deos colit. Cui quæstioni possunt illa testimonia suffragari quæ ipse commemorasti de Laban et Abimelech, si tamen Abimelech per deos suos juravit, sicut Laban per Deum Nachor (Genes. xxvi, xxxi).

CAP. 36. — *Quod Deus sic juramentum accipit, sicut ille cui juratur intelligit. Isidorus, Sententiarum lib. II, cap. 31.*

(22, q. 1, c. Qui jurat.) Quacunque arte verborum quisque juret, Deus tamen, qui conscientiaë testis est, ita hoc accipit, sicut ille cui juratur intelligit. Dupliciter autem reus fit, quia [qui] et Dei nomen in vanum assumit, et proximum dolo capit. Non est observandum sacramentum quo malum incaute promittitur : veluti si quispiam adulteræ perpetuam cum ea permanendi fidem polliceatur. Tolerabilius est enim non implere sacramentum, quam permanere in stupri flagitio.

CAP. 37. — *Quod magis Deo placet non servare juramentum nocivum, quam servare. August. lib. Quæst. super Jesu Nave (quæst. 13, in IX Josue).*

Quæri potest quomodo jurationem servandam esse crediderint Hebræi Gabaonitis, quibus ita juraverant tanquam de longinqua terra venientibus, sicut illi mentiit fuerant. Sciebant enim se debellandos, si cognitum esset Hebræis in ea terra eos habi-

tare, quam promissam fuerant retenturi. Mentientibus ergo quod longinqua terra ad eos venissent, juraverunt eis Israelitæ : postea vero quam cognoverunt eos ibi habitare, ubi omnes quos invenerant secundum Dei præceptum debellare oportebat, noluerunt tamen frangere jurationem. Et licet eos mentiitos esse didicissent, parcere maluerunt causa jurationis, cum possent utique dicere se tanquam illis jurasse, quos eos esse crediderant, id est de longinquo venientes. Cum vero aliud cognoverunt, præceptum Domini circa eos implendum erat, ut sicut cæteri expugnarentur. Deus autem hoc approbavit, nec parcentibus succensuit [contradixit]; quamvis eum non interrogassent quinam illi essent, et ideo eos illi fallere valuissent. Unde non inopportune utique credendi sunt, et si fallere homines pro sua salute voluerunt, non tamen fallaciter Deum timuisse in populo ejus : propterea nec succensuit Dominus jurantibus aut [atque] parcentibus; ut postea Gabaonitas ipsos, tanquam populi sui homines de domo Saul vindicaverit, sicut regnorum ostendit historia (II Reg. xxi). Et quoniam juratio sic servata est, quamvis in hominibus qui mentiiti sunt, ut ad clementiam sententia flecteretur, non displicuit Deo. Nam si e contrario jurassent aliquos se interfecturos, quos Gabaonitas in terra promissionis esse putavissent, et postea didicissent eos esse ab illa terra extraneos, et de longinquo ad se venisse, nullo modo arbitrandum est quod eos essent debellaturi causa jurationis implendæ : cum propter ipsam parcenti clementiam sanctus David etiam post verba quibus se Nabal interfecturum esse juraverat (I Reg. xxv), utique sciens quem fuerat interfecturus, parcere maluit, nec in re duriore implere juramentum, magis Deo placere existimans, si quod ita perturbatus ad nocendum juraverat, non fecisset, quam si perfecisset.

CAP. 38. — *De sacramento Christophori cujusdam primicerii. Actio 3 synodi I Stephani papæ III.*

Christophorus primicerius dixit : « Quando nos absolvit Constantinus, ita illi coram omnibus sacramentum præbui dicens : Quia per Deum omnipotentem fidelis sum et semper ero sanctæ Dei Ecclesiæ, et beato Petro atque Romano pontifici, et nunquam ego, vel filius meus Sergius, contra sanctam Romanam Ecclesiam, atque populum Romanum adversa quoque modo pereogitabo atque pertractabo, et penitus nomen ipsius Constantini nullo modo nominabo; sed tamen [tantum] certus sum, quia sacramentum illud habet argumentum, et ideo confessionem vobis facio me deliquisse pro sacramento [per sacramentum]. »

CAP. 39. — *Quæ distantia sit inter eum qui verum putat, et falsum jurat; et eum qui falsum scit vel putat, et pro vero jurat. Aug. De verb. apost., serm. 28.*

(22, q. 2, c. Homines.) Homines falsum jurant, vel cum fallunt, vel cum falluntur : aut enim putat homo verum esse quod falsum est et temere jurat ;

aut scit vel putat falsum esse, et tamen pro vero A jurat, et nihilominus cum scelere jurat. Distant autem ista perjuria quæ duo commemoravi. Fac illum jurare qui verum putat esse pro quo jurat, verum putat esse, et tamen falsum est. Non ex animo iste perjurat, fallitur, hoc pro vero habet, quod falsum est, non pro re falsa sciens jurationem interponit. Da alium, scit falsum esse, et dicit verum esse, et jurat tanquam verum sit, quod scit falsum esse. Videtis quam ista detestanda sit bellua, et de rebus humanis exterminanda. Quis enim hoc fieri [sibi fieri] velit? Omnes homines talia detestantur. Fac alium, putat falsum esse, et jurat tanquam verum sit, et forte verum est. Verbi gratia, ut intelligatis: pluit in illo loco, interrogas hominem, et putat pluuisse, et ad negotium ipsius competit, ut dicat Pluit, sed putat non pluuisse. Dicitur ei: Vere pluit? Vere, et jurat, et tamen pluit tibi, sed ille nescit, et putat non pluuisse, perjurus est. Interest quemadmodum verbum procedat ex animo. Ream linguam non facit, nisi rea mens.

CAP. 40. — *Quomodo sacerdotes se sacramento purgare debeant. Smaragdus, De pressuris ecclesiasticis, parte 1.*

Nunc (quod absque injuria sanctæ Dei Ecclesiæ dicere non possumus) heu! in tantum hoc aboletur, ut inordinata etiam accusatione vix locus maneat legitimæ defensionis. Nec approbanda judicant quæ inique obijciunt, sed tantummodo vindicare quæque illata quærent. Quod si de defensione apud eos quæritur, omni synodali censura postposita, suis adinventionibus talem fieri dijudicant, quam accusati implere minime valeant, vel quæ illos jure officii omnino impediunt, ut in sacerdotes Dei liberius sæviant: quippe cum secundum Paulum apostolum ipsi sibi sicut lex (Rom. 11), accusatores, iudices et testes non ratione, sed vi ipsi simul existunt. Satisfactionem igitur accusati sacerdotis sub jurejurando minime dicunt valere, nisi plures etiam sacerdotes secum compellat jurare. In quibus hæc assumentes in testimonium, quod factum se legisse jactitant in actibus Romanorum pontificum. Nam quod de Damaso, et Sixto, et Symmacho venerabilibus pontificibus invenitur, eo quod dum a quibusdam perversis de criminibus accusarentur, collectis episcoporum conciliis, synodice purgati sint. Hæc se his verbis penitus intelligere fatentur, quod omnes præfati episcopi cum ipsis pontificibus pro illatis jurassent criminibus: quasi non eos propria tantummodo absolveret satisfactio, nisi hæc etiam prædictorum confratrum firmaret juratio. Nobis tamen quod sic intelligendum sit, re vera non patet. Plane enim a prædictis episcopis præfatos pontifices purgatos accepimus, sed ipsorum suggestione propria tantummodo satisfactione, ipsis etiam faventibus, eos alienos a criminibus fuisse firmatum est. Sed si pro alicujus justi innocentia alicui placuit sacramentum præbere charitatis causa, ut eum vel sic a persequentibus liberaret, omnimodis placet. Verum-

tamen licet perversorum infestatione quasi in primitiva Ecclesia hoc fieri potuisset, nullum tamen exemplum in posterum relinqui debuit. Quo etenim sancto concilio, vel cujus catholici et apostolici viri decreto sancitum sit, sacerdotes Dei a criminibus absolvi non posse, nisi confratrum satisfactione, penitus ignoramus. Cum enim sacramenta omnibus interdicta sint Christianis, valde perniciosum est sacerdotes ad hæc etiam alios cogere, unde tam se custodire, quam et illos debuerunt arguere.

CAP. 41. — *Omne mendacium cavendum. Gregorius, lib. XVIII Moralium, cap. 2.*

Summopere cavendum est omne mendacium, quamvis nonnunquam sit aliquod mendacii genus culpæ levioris, si quisquam vitam præstando mentiat. Sed quia scriptum est: *Os quod mentitur, occidit animam (Sap. 1)*; et: *Perdes omnes qui loquuntur mendacium (Psal. v)*, hoc quoque mendacii genus perfecti viri summopere fugiunt, ut ne vita cujuslibet per eorum fallaciam defendatur, ne suæ animæ noceant, dum præstare carni nituntur alienæ: quanquam hoc ipsum peccati genus facillime credimus relaxari. Nam si quælibet culpa sequenti solet pia operatione purgari, quanto magis hæc facile abstergitur, quam mater boni operis pietas ipsa comitatur.

CAP. 42. — *Quod causa humilitatis nemo mentiri debeat. Aug., De verb. apostoli, serm. 29.*

(22, q. 2, c. *Cum humilitatis.*) Cum ergo humilitatis causa mentiris, si non eras peccator antequam mentireris, mentiendo efficeris quod evitaras. Veritas in te non est, nisi te ita dixeris peccatorem, ut etiam esse cognoscas. Veritas autem ipsa est, ut quod es dicas; nam quomodo est humilitas, ubi regnat falsitas?

CAP. 43. — *Quod mendacia quæ joco dicuntur, mendacia non sint. Aug. lib. Quæst. super Genesim, cap. 145.*

(22, q. 2, c. *Quod ait.*) Quod ait fratribus suis Joseph (Genes. XLIV): Nesciebatis quia non est in augurio homo qualis ego? De quo augurio etiam mandavit eis dicendum per hominem suum: quid sibi velit quæri solet, an quia non serio sed joco dictum est, ut exitus docuit, non est habendum mendacium. Mendacia enim a mendacibus serio aguntur, non joco. Cum autem quæ non sunt tanquam joco dicuntur, non deputantur mendacia.

CAP. 44. — *Ut nullus alium decipiat artificiose seu callido mendacio. August., De conflictu vitiorum atque virtutum, c. 49.*

(22, q. 2, c. *Nec artificiose.*) Nec artificiose mendacio, nec simpliciter verbo oportet decipere quemquam; quia quolibet modo mentitur quis, os quod mentitur occidit animam (Sap. 1), et omnibus mendacibus, pars illorum erit in stagno ignis ardentis, et sulphure (Apoc. XXI).

CAP. 45. — *Non esse peccatum in quibusdam rebus errare. Aug. in Enchiridio, c. 21.*

(22, q. 2, c. *In quibus.*) In quibus rebus nihil in-

terest ad capessendum Dei regnum, utrum credantur, an non, et utrum vera sive sint sive putentur, an falsa : in his errare, id est aliud pro alio putare, non est arbitrandum esse peccatum : aut si est, minimum esse atque levissimum.

CAP. 46. — *Quid distet inter mentiri, et verum occultare. August. in psalm. v, ad vers. 7.*

(22, q. 2, c. *Ne quis.*) Ne quis arbitretur perfectum et spiritualem hominem pro ista temporali vita, in cuius morte non occiditur anima, sive sua sive alterius debere mentiri. Sed quoniam aliud est mentiri, aliud est verum occultare, siquidem aliud est falsum dicere, aliud verum tacere : si quis forte vel ad istam visibilem mortem non vult hominem prodere, paratus esse debet verum occultare, non falsum dicere : ut neque prodat neque mentiatur, nec occidat animam suam pro corpore alterius. *Ibidem, paulo inferius. Item.* Duo sunt genera mendaciorum in quibus non magna culpa est, sed tamen non sunt sine culpa : cum aut jocamur, aut pro proximo mentimur. Illud primum in jocando ideo non est perniciosum, quia non fallit. Novit enim ille cui dicitur joci causa esse dictum : secundum autem ideo minus [mitius, *Vict.*] est, quia retinet nonnullam benevolentiam. Illud vero quod non habet duplex cor, nec mendacium quidem dicendum est : tanquam verbi gratia, si cui gladius commendetur, et promittat se redditurum cum ille qui commendavit poposcerit : si forte gladium suum repetat furens, manifestum est non esse reddendum, ne vel se occidat vel alios, donec ei sanitas restituatur. Hoc ideo non habet duplex cor, quia ille cui commodatus est gladius, cum promittebat se redditurum poscenti, non cogitabat furentem posse repetere. Manifestum est non esse culpandum aliquando verum tacere, falsum autem dicere non invenitur concessum sanctis.

CAP. 47. — *Quod tropica locutio non sit mendacium. August. ad Oceanum.*

Nullo modo mihi videtur tropicam locutionem recte dici posse mendacium. Non enim mendacium est cum lætum diem dicimus, quod lætos nos faciat : aut triste lupinum, quod gustantem amaro sapore contristet. Nequaquam ista sunt mendacia

CAP. 48. — *Descriptio mendacii. Augustinus, Contra mendacium, c. 12.*

(*Ibid.*, c. 17.) Mendacium est falsa significatio cum voluntate fallendi. *Item.* Faciat homo etiam pro temporali hominum salute, quod potest. Cum autem ad hunc articulum ventum fuerit, ut tali salutem consulere nisi peccando non possit, jam se existimet non habere quid faciat, quando id reliquum esse prospexerit, quod recte non faciat.

CAP. 49. — *Omne genus mendacii fugiendum esse. Isidorus, in Synonymis, libro primo (lib. II, cap. 10).*

(22, q. 2, c. *Omne genus.*) Omne genus mendacii summo opere fuge. Nec casu nec studio loquaris fal-

sum, nec ut præstes [per testes, *orig.*] mentiri studeas, nec qualibet fallacia vitam alicujus defendas. Cave mendacium in omnibus. *Item.* Nullum justum mendacium : omne mendacium peccatum.

CAP. 50. — *De eodem. Jounnes, in Vita Patrum.*

Cavendum omnibus modis mendacium, sive pro malo sive etiam pro bono proferri videatur ; quia omne mendacium non est a Deo, sed sicut Salvator dicit, a malo est (*Matth. v.*)

CAP. 51. — *De distinctione inter falli et mentiri, et voluntatem fallendi et falli. August., in Enchiridio, cap. 18.*

Nonnulli eo usque progrediuntur, ut et pejerare, et de rebus ad Dei cultum pertinentibus, ac de ipsa Dei natura falsum aliquid dicere, nonnunquam bonum piisque opus esse contendunt. Mihi autem videtur peccatum quidem esse omne mendacium : sed multum interesse quo animo, et de quibus rebus quisque mentiatur. Non enim sic peccat qui consulendi, quomodo ille qui nocendi voluntate mentitur : aut tantum vero nocet qui viatorem mentiendo in diversum iter mittit, quantum is qui viam vitæ mendacio fallente depravat. Nemo sane mentiens judicandus est qui dicit falsum quod putat verum, quoniam quantum in ipso est non fallit ipse, sed fallitur. Non itaque mendacii, sed aliquantæ temeritatis arguendus est, quia falsa incautius credit ac pro veris habet, potiusque e contrario quantum in ipso est, ille mentitur, qui dicit verum quod putat falsum. Quantum enim ad animum ejus attinet, quia non quod sentit hoc dicit, non verum dicit, quamvis verum inveniat esse quod dicit. Nec ullo modo liber est a mendacio qui ore nesciens verum loquitur, sciens autem voluntate mentitur. *Item, ibidem paulo post.* In ipsarum consideratione rerum quæ dicuntur, tantum interest quia in re quisque fallatur sive mentiatur, ut cum falli quam mentiri minus sit malum, quantum pertinet ad hominis voluntatem, tamen longe sit tolerabilius in his quæ a religione sunt sejuncta mentiri, quam in his sine quorum fide vel notitia Deus coli non potest, falli. *Item, ibidem, c. 22.* Homo non solum quando scit ipse quod verum sit, sed etiam quando errat et fallitur sicut homo, hoc debet loqui quod animo gerit, sive illud verum sit sive putetur et non sit : omnis autem qui mentitur, contra id quod animo sentit loquitur voluntate fallendi.

CAP. 52. — *Quod non sufficiat verum loqui, nisi et corde ita sentiat. August., in Psalmum XIV (ad vers. 3).*

Nonnulli habent in labiis veritatem, et in corde non habent. Tanquam si aliquis dolose ostendat viam, sciens in ea esse latrones, et dicat : Si hac ieris a latronibus tutus eris, et contingat ut vere non ibi inveniantur latrones : verum ille locutus est, sed non in corde suo. Aliud enim putabat, et nesciens verum dixit. Ergo parum est verum loqui, nisi etiam in corde ita sit.

CAP. 53. — *De utilitate cujusdam mendacii. Hieronymus super psalmum viii.*

Brevitatem promisimus, et necessitate compulsi sumus latius disputare: mentiti sumus, sed mendacium utilissimum est. Utinam Herodes mentitus esset et perjurasset (*Matth. xiv*). Et nos igitur nunc minora promisimus, et orantibus vobis majora præbuimus.

CAP. 54. — *Quod prosit aliquando vera tacere. Gregorius, in Pastoralis, lib. iii (admon. 12).*

Laudandi sunt simplices, quod studeant nunquam falsa dicere: sed admonendi sunt, ut noverint nonnunquam vera reticere. Sicut enim semper dicentem falsitas læsit, ita nonnunquam quibusdam audita vera nocuerunt. Unde coram discipulis Dominus locutionem suam silentio temperans ait: *Multa habeo vobis dicere, sed nunc non potestis illa portare* (*Joan. xvi*).

CAP. 55. — *De eodem. Augustinus, De conflictu vitiorum atque virtutum, c. 20 (cap. 22).*

Modus tenendus est in loquendo, et ab ipsis nonnunquam utilibus verbis parcendum, sicut Psalmista dicit: *Humiliatus sum, et silui a bonis* (*Psal. xxxviii*).

CAP. 56. — *Quod nonnunquam in hac vita error necessarius est. Augustinus, in Enchiridio (cap. 17).*

Diligentius considerata veritate, cum aliud nihil sit errare quam verum putare quod falsum est, falsum quod verum est: vel certum habere pro incerto, incertum vero pro certo, sive falsum sive sit verum: idque tam sit in animo deformis atque indecens, quam pulchrum atque decorum esse sentimus vel in loquendo, vel in assentiendo est, non non; profecto ob hæc ipsum est vita ista misera qua vivimus, quod ei nonnunquam ut non amittatur, error est necessarius.

CAP. 57. — *Quod verum tacere aliquando sit utile. Augustinus super Epistolam ad Galatas (in cap. ii).*

Falsum dicere nihil licet, aliquando autem ali- quid veri tacere utile est.

CAP. 58. — *Quod ad memorias martyrum perjury sæpe a dæmonio corripiantur. Ex concilio Meldensi, c. 10.*

Ut multiplex juramentorum et perjuriarum confusio, per quam multorum fidelium animæ in toto hoc regno perditæ esse noscuntur, quam sit detestanda et Deo odibilis, attentius omnibus annuntietur. Tantum namque hoc malum est, ut ad sanctuarium martyrum ubi diversorum ægritudines sanantur, ibi perjuri, licet manifeste, interdum vexari non videantur. Justo Dei judicio a dæmonibus arripiantur. Et sicut sanctus Gregorius dicit, ad horum corpora ægri veniunt et curantur, perjuri veniunt et a dæmonio vexantur.

CAP. 59. — *De illis qui nomen Dei in vanum sumunt. Ex dictis Hieronimi.*

(22, q. 1, c. Habemus.) Habemus in lege Domini scriptum: *Non perjurabis in nomine meo, nec pollues nomen Domini Dei tui* (*Lev. xix*); et: *Ne assumes nomen Dei tui in vanum* (*Exod. xx*). Ideo ad-

monendi sunt omnes, ut diligenter caveant perjurium, non solum in altari seu sanctorum reliquiis, sed in communi loquela. *Item*. Cavendum est ne aliquis plus aurum honoret quam altare, cum [ne ei, *Vict.*] Dominus dicat: *Stulte, quid majus est aurum, an altare, quod sanctificat aurum?* (*Matth. xxiii*).

CAP. 60. — *De illis qui per cupiditatem perjurium fecerint. Ex Pœnitentiali Romano.*

Si quis per cupiditatem perjuraverit, omnes res suas vendat et pauperibus distribuat, et monasterium ingressus jugi pœnitentiæ se subdat.

CAP. 61. — *De illis qui jubentibus dominis suis perjurium fecerint. Ex decretis Pii papæ, cap. 2 (in fragm.).*

(22, q. 5, c. Qui compulsus.) Qui compulsus a domino perjurat se sciens, utrique sunt perjury, et dominus et miles: dominus, quia præcepit; miles, quia plus dominum quam animam dilexit. Si liber est, quadraginta dies in pane et aqua pœniteat, et septem sequentes annos. Si servus est, tres quadragésimas et legitimas serias pœniteat.

CAP. 62. — *De illis qui perjurant se in manu episcopi, aut in cruce consecrata, aut non consecrata. Ex Pœnitent. Theodori.*

(22, q. 5, c. Qui perjurat.) Qui perjurat se in manu episcopi, aut in cruce consecrata, tres annos pœniteat. Si vero in cruce non consecrata, unum annum pœniteat. Qui autem seductus fuerit et ignorans se perjuraverit, et postea cognoscit, tres quadragésimas pœniteat.

CAP. 63. — *De illis qui pro vita redimenda perjurium fecerint. Ex Pœnitentiali Romano.*

(22, q. 5, c. Si quis coactus.) Si quis coactus pro vita redimenda, vel pro qualibet causa vel necessitate se perjurat, quia plus corpus quam animam dilexit, tres quadragésimas pœniteat. Alii judicant tres annos, unum ex his in pane et aqua.

CAP. 64. — *De illis qui injusto voto juramento firmaverint. Ex concilio Toletano (viii, c. 2).*

(21, q. 5, c. Necessè.) Necessè est enim ut male jurans dignam pœnitentiam agat, eo quod nomen Domini contra præceptum illius sumpsit in vanum. Quia in Exodo scriptum est: *Nec enim insontem habebit Dominus eum qui assumpsit nomen Domini Dei sui frustra* (*Exod. xx*). Et in Levitico: *Non perjurabis in nomine meo, nec pollues nomen Domini tui; ego Dominus* (*Levit. xix*). Malum tamen quod facturum se sacramento devoverat, omnino non faciat, quia stulta vota frangenda sunt.

CAP. 65. — *De non recipiendo in testimonium perjurio. Ex decretis Fabiani papæ, c. 11 (in fragm.).*

Quicumque sciens se perjuraverit, quadraginta dies in pane et aqua, et septem annos sequentes pœniteat, et nunquam sit sine pœnitentia, et nunquam in testimonium recipiatur, et post hæc communionem percipiat.

CAP. 66. — *De pœnitentia ejus qui in perjurium alios secum pertraxerit. Ex decretis Pelagii papæ, c. 11.*

(22, q. 5. Si quis.) Si quis se perjuraverit, et alios sciens in perjurium duxerit, quadraginta dies

in pane et aqua, et septem sequentes annos poeniteat, et nunquam sit sine poenitentia. Et alii si conscii fuerint similiter poeniteat; sin autem, singuli ut perjurium non sponte commissum, poeniteant.

CAP. 67. — *Quod graviter delinquant qui sibi loquentes jurare compellunt, et quid sit jurare Dei. Isidorus (lib. II De summo bono, c. 31).*

Sicut mentiri non potest, qui non loquitur, sic perjurare non poterit, qui jurare non appetit. Cavendum igitur est juramentum, nec eo utendum nisi in sola necessitate. Non est contra Dei præceptum jurare, sed dum usum jurandi facimus, perjurii crimen incurrimus. Nunquam ergo juret qui perjurare timet. Multi dum loquuntur jurare semper delectantur, dum oporteat hoc tantum esse in ore. Est est, Non non: amplius enim quam est et non est, a malo est (*Matth. v*). Multi ut fallant perjurant, ut per fidem sacramenti fidem faciant verborum: sicque fallendo dum perjurant et mentiuntur, hominem incautum decipiunt. Interdum et falsis lacrymis seducti decipimur, et creditor dum plorant, quibus credendum non erat. Plerumque sine juramento loqui disponimus, sed incredulitate eorum qui non credunt quod dicimus, jurare compellimur, talique necessitate, jurandi consuetudinem facimus. Sunt multi ad credendum pigri, qui non moventur ad fidem verbi. Graviter autem delinquant qui sibi loquentes jurare cogunt. Quacunque arte verborum quisque juret, Deus tamen qui conscientiae testis est, ita hoc accipit, sicut ille cui juratur intelligit. Dupliciter autem reus erit, quia [qui, *orig. et Vict.*] et Dei nomen in vanum assumit, et proximum dolo capit. Non est conservandum sacramentum, quo malum incaute promittitur: veluti si quisquam adulterae perpetuo cum ea permanendi fidem pollicetur. Tolerabilius est enim non implere sacramentum, quam permanere in stupri flagitio. Jurare Dei est illa providentia quæ statuit non evellere statuta. Poenitentia autem Dei, rerum mutatio est. Non poenitere autem, statuta non revocare; ut est illud: *Juravit Dominus, et non poenitebit eum (Psal. cix)*, id est, quæ juravit non mutabit.

CAP. 68. — *De illis qui se scientes perjuraverint. Ex Poenitentiali Theodori.*

Si quis suspicatur quod ad perjurium inducatur, et tamen ex consensu jurat, quadraginta dies poeniteat, et septem sequentes annos, et nunquam sit sine gravi poenitentia.

CAP. 69. — *Quod unusquisque jejunus jurare debeat. Ex decret. Cornelii papæ, cap. 5.*

(22, q. 5, c. *Honestum*.) Sed et nobis honestum etiam et justum videtur, ut qui in sanctis audeat jurare, hoc jejunus faciat cum omni honestate et timore Dei: et ut pueri ante quatuordecim annos non cogantur jurare.

CAP. 70. — *De eadem re. Ex concilio Aurelianensi, cap. 10.*

Et hoc sancta synodus decrevit nisi pro pace

A facienda, ut omnes fideles jejuni ad sacramenta accedant.

CAP. 71. — *Qualem poenitentiam perjuri accipere debeant. Ex decretis Eutychiani papæ, c. 26.*

(22, q. 4, c. *Prædicandum*.) Prædicandum etiam, ut perjurium fideles caveant, et ab hoc summpere abstineant, scientes hoc grande scelus esse, et in lege et prophetis in Evangelio prohibitum. Audivimus autem quosdam parvipendere hoc scelus, et levem quodammodo perjuris poenitentiae modum imponere. Qui etiam nosse debent talem de perjurio poenitentiam imponere debere, qualem et de adulterio, de fornicatione, de homicidio sponte commissio, et de cæteris criminalibus vitiis. Si quis vero perpetrato perjurio, aut quolibet perpetrato criminali peccato timens poenitentiam longam ad confessionem venire noluerit, ab ecclesia repellendus est, sive a communione et consortio fidelium, ut nullus cum eo comedat, neque bibat, neque oret, neque in sua domo eum recipiat.

CAP. 72. — *De illis qui per capillum Dei aut caput jurant, vel alio modo blasphemia contra Deum immortalē utuntur. Ex decret. Pii papæ, cap. 5 (in fragm.).*

(22, q. 4, c. *Si quis per capillum*.) Si quis per capillum Dei, vel per caput juraverit, vel alio modo blasphemia contra Deum usus fuerit: si est ex ecclesiastico ordine, deponatur: si laicus, anathematizetur. Et si quis per creaturas juraverit, acerrime castigetur, et juxta id quod synodus dijudicaverit, poeniteat. Si quis talem hominem non manifestaverit, non est dubium quod divina condemnatione similiter coerceatur. Et si episcopus ista emendare neglexerit, a synodo corripatur [*al. acerrime*].

CAP. 75. — *De juramento Herodis. Ex dictis Hieronymi (in c. XIV Matth.).*

Cum juramento pollicitus est Herodes saltatrici dare quodcumque postulasset ab eo. Si ob jusjurandum fecisse se dicit, si patris matrisque interitum postulasset, facturus erat, ac non? Quod in suis ergo repudiaturus fuit, contemnere debuit et in propheta.

CAP. 74. — *De illis qui odium sempiternum inter se juramento firmaverint. Ex conc. Illerdensi, cap. 7.*

D (22, q. 4, c. *Qui sacram.*) Qui sacramento se obligaverit, ut litiget cum quolibet, nec ad pacem ullo modo redeat, pro perjurio uno anno a corpore et sanguine Domini segregetur, et reatum suum jejunii et elemosynis absolvat. Ad charitatem vero quæ operit multitudinem peccatorum (*I Petr. iv*), celeriter redeat.

CAP. 75. — *De illis qui incaute juraverint. Ex decretis Soteris papæ, cap. 3*

(22, q. 4, c. *Si aliquid*.) Si aliquid forte incautus nos jurasse contigerit quod observatum pejorem vergat in exitum, illud concilio salubriori mutandum noverimus, ac magis instante necessitate perjurandum nobis, quam pro vitando perjurio [perfecto

vel pro facto juramento, orig.] in aliud crimen majus esse divertendum.

CAP. 76. — *De his qui fidelitatem dominis suis jurant. Ex epistola Fulberti episcopi ad Guillelmum Aquitanie ducem.*

(22, q. 5, c. *De forma fidelitatis.*) De forma fidelitatis aliquid scribere monitus, hæc vobis quæ sequuntur breviter ex librorum auctoritate notavi. Qui domino suo fidelitatem jurat, ista sex semper in memoria habere debet: incolume, tutum, honestum, utile, facile, possibile. Incolume videlicet, ne sit in damnum domino de corpore suo; tutum, ne sit ei in damnum de secreto suo, vel de munitionibus per quas tutus esse potest; honestum, ne sit ei in damnum de sua justitia, vel de aliis causis quæ ad honestatem ejus pertinere videntur; utile, ne sit ei in damnum de suis possessionibus; facile vel possibile, ne id bonum quod dominus suus leviter facere poterat faciat ei difficile, neve id quod possibile erat, reddat ei impossibile. Ut fidelis hæc documenta caveat justum est, sed non ideo cassamentum [causamentum] meretur. Non enim sufficit abstinere a malo, nisi fiat quod bonum est (*Psal. xxxiii et xxxvi*). Restat ergo ut in eisdem sex supradictis consilium et auxilium domino suo fideliter præstet, si beneficio dignus videri vult, et salvus esse de fidelitate quam juravit. Dominus quoque fidei suo in his omnibus vicem reddere debet. Quod si non fecerit, merito censebitur maleficus; sicut ille, si in eorum prævaricatione vel faciendo vel consentiendo deprehensus fuerit perjurus et perfidus.

CAP. 77. — *Qualiter sacerdotes jurare debeant. Epist. Cornelii papæ, cap. 3 (epist. 2).*

Cornelius episcopus, Rufo coepiscopo, in Domino salutem. « Exigit dilectio tua, frater charissime, ut ex auctoritate sedis apostolicæ tuis deberemus consultius respondere. Quod licet non prolixè, sed succinctè agere festinaremus propter quasdam importunitates, quæ nostris præpedientibus peccatis in nos supervenere, tuis tamen perreliqua sanctorum Patrum instituta studiis perquirere latius et investigare committimus. Non enim potest mens attrita, et oneribus atque importunitatibus gravata, tantum boni peragere, quantum delectata et oppressionibus soluta. Non ergo ista ob id prætulimus, ut hæc et alia quæ necessaria fore cognoverimus, tuæ sanctitati velimus denegare; sed quod hic minus invenitur, latius perquiratur. Sacramentum autem hactenus summis sacerdotibus vel reliquis Dei ministris exigi, nisi pro fide recta, minime cognovimus, nec sponte [spontancos, orig.] eos jurasse comperimus. Summopere ergo sanctus Jacobus apostolus prohibens sacramentum loquitur dicens: *Ante omnia, fratres mei, nolite jurare, neque per cælum, neque per terram, neque aliud quodcumque juramentum. Sit autem sermo vester Est est, Non non, ut non sub judicio decidatis* (*Jac. v*). Et Dominus in Evangelio ait: *Audistis quia dictum est antiquis: Non perjurabis, reddes autem Domino juramenta tua. Ego autem*

dico vobis, Non jurare omnino, neque per cælum, quia thronus Dei est; neque per terram, quia scabellum pedum ejus est; neque per Hierosolymam, quia civitas magni Regis est; neque per caput tuum, quia non potes unum capillum album facere, aut nigrum. Sit autem sermo vester, Est est, Non non. Quod autem his abundantius est, a malo est (*Matth. v*), id est ab exigente, et a jurante. Hæc, frater charissime, ipse Dominus prohibet [perhibet, *Vict.*], id est, non jurare debere. Hæc apostoli maxime omnes, hæc sancti viri prædecessores nostri qui huic sanctæ universali apostolicæ Ecclesiæ præfuerunt, hæc prophetæ, et reliqui sancti doctores per universum mundum dispersi ad prædicandum juramenta fieri vetant. Quorum nos exempla si cœperimus enumerare, aut in schedula hac inserere, ante deficiet hora diei quam eorum exempla de hac causa exhibita. Quæ nos sequentes sanctorum apostolorum eorumque successorum jura firmamus, et sacramenta incauta fieri prohibemus. Unde et ipse Dominus in tabulis lapideis quas Moysi dedit, propria manu scripsit dicens: *Vide ne assumas nomen Dei tui in vanum* (*Exod. xx*), et reliqua. Unusquisque enim propriam conscientiam mundam debet servare Deo, et in memoria retinere: *Os quod mentitur occidit animam* (*Sap. 1*). Et Apostolus ait: *Loquimini veritatem unusquisque cum proximo suo, quoniam sumus invicem membra* (*Ephes. iv*); et alibi: *Nolite mentiri invicem* (*Coloss. iii*). Hæc præcepta sunt Salvatoris, hæc prophetarum, hæc sanctorum Patrum instituta, quæ si quis in vanum duxerit, hostis est animæ suæ, quia nemo contra prophetas, nemo contra Apostolum, nemo contra Evangelium facit aliquid absque periculo. »

CAP. 78. — *De illis qui sacramentum regis violant. Ex dictis beati August.*

(22, q. 5, c. *Si quis laicus.*) Si quis laicus juramentum violando profanat quod regi et domino suo jurat, et postmodum perverse ejus regnum et dolose tractaverit, et in mortem ipsius aliquo machinamento insidiatur, quia sacrilegium peragit, manum suam in christum Domini mittens, anathema sit, nisi per dignam satisfactionem penitentiae emendaverit, sicuti constitutum a sancta synodo est, id est sæculum relinquat, arma deponat, in monasterium eat, et pœniteat omnibus diebus vitæ suæ. Verumtamen communionem in exitu vitæ cum eucharistia accipiat. Episcopus vero, presbyter, vel diaconus, si hoc crimen perpetraverit, degradetur.

CAP. 79. — *De illo qui audierit vocem perjurantis, et assensum præbet. Levit. cap. v.*

Anima quæ peccaverit, et audierit vocem perjurantis, et testis fuerit, quod aut ipse vidit aut conscius est, nisi indicaverit, portabit iniquitatem suam.

CAP. 80. — *Quod definitio incauta solvenda sit, sed temeritas corrigenda. Ex conc. Eliberitano cap. 1 (in fragm).*

(22, q. 4, cap. *Definitio.*) Definitio incauta laudabiliter solvenda [dissolvitur], nec prævaricatio est, sed temeritatis emendatio.

CAP. 81. — *De eadem re. Ex eodem concilio, cap. 3* A *perdam illud. Si pœnitentiam egerit gens illa a malo suo quod locutus sum adversus eam, agam et ego pœnitentiam super malo quod cogitavi ut facerem ei* (Jer. xviii). Et per Ezechielem : *Si dixerit, inquit, justo quod vita vivat, et confusus [conversus a justitia] in justitia sua fecerit iniquitatem, omnes justitiæ ejus oblivioni tradentur, et in iniquitate sua quam operatus est, in ipsa morietur. Si autem dixerit impio : Morieris, et egerit pœnitentiam, vita vivet et non morietur* (Ezech. xxxiii). Si ergo nostra conversio sic divinam mutat sententiam, cur miserorum tantæ lacrymæ vel pressuræ tam crudam non temperent ex miseratione vindictam ?

Si puella sita in puerili ætate in domo patris, illo nesciente, se juramento constrinxerit, et si pater statim ut audierit contradixerit, vota ejus et juramenta irrita erunt, et facilius emendabitur.

CAP. 82. — *De eadem re. Ex concilio Aurelianensi, cap. 2.*

Juramentum filii et filiæ nesciente patre, et vota monachi nesciente abbate, et juramenta pueri irrita sunt.

CAP. 83. — *Omnibus modis cavendum esse mendacium. Gregorius dicit.*

« Noli, fili, negare gratiam Dei, ne incurras pro bono in malum, pro humilitate in mendacium. Cavendum namque est omnibus modis mendacium, B sive pro malo, sive etiam pro bono proferri videatur, quia omne mendacium non est ex Deo, sed sicut Salvator dicit, a malo est (Joan. viii). »

CAP. 84. — *Item de juramento servando vel non servando. Ex concilio Toletano viii, cap. 2.*

Et enim dum perjurare compellimur, Creatorem quidem offendimus, sed nos tantummodo maculamus. Cum vero noxia promissa complemus, et Dei jussa superbe contemnimus, et proximis impia crudelitate nocemus, et nos ipsos crudeliore mortis gladio trucidamus. Illic enim duplici culparum telo percutimur, hic tripliciter jugulamur. Restat ergo ut eo nostra pergat sententia, quæ misericordiæ patuerit via. Quæ ita Domino probatur accepta ut plus eam cupiat quam sacrificia veneranda, dicente ipso : C *Misericordiam volo et non sacrificium* (Osee vi; Matth. ix). Hac indulgentiæ concessa licentia, miserationis ipsius opus in gloriosi principis potestatem redigimus, ut quia Deus illi miserendi aditum patefecit, remedia pietatis ipse quoque non deneget. Quæ ita principali discretionem moderatâ persistent, ut et illis ita sit misericordia contributa, ut et nusquam gens aut patria per eosdem aut periculum quodcumque perferat, aut jacturam. Hæc miserationis obtentu temperasse sufficiat. Cæterum juramenta pro regiæ potestatis salute, vel constitutione gentis et patriæ, quæ hactenus sunt exacta, vel deinceps exsisterint exigenda, omni custodia omnique vigilantia indissolubiliter decernimus observanda, membrorum truncatione mortisque sententia religione penitus absoluta. Sed ne pravaram mentium versuta nequitia nosmetipsos ad perjuri allquando provocet culpam, nec a sanctæ fidei regula hanc asserat venire sententiam, tam divinæ auctoritatis oracula quam præcedentium Patrum huic narrationi curavimus innectenda. (Ibid., paulo post.) Sic enim per Jeremiam dicit : *Repente loquar adversus gentem et adversus regnum ut eradicem et dis-*

CAP. 85. — *De his qui contra episcopos suos conspiraverint. Ex epist. Calixti papæ, ad omnes Galliæ episcopos.*

(1, q. 1, c. *Conspirationum.*) Conspirationum vero crimina vestris in partibus vigere audivimus, et plebes contra episcopos suos conspirare nobis mandatum est. Cujus criminis astutia, non solum inter Christianos abominabilis est, sed etiam inter ethnicos, et ab exteris lege prohibita. Et idcirco hujus criminis reos, non solum ecclesiasticæ, sed etiam sæculi damnant leges, et non solum conspirantes, sed et consentientes eis. Antecessores vero nostri cum plurima turba episcoporum quicumque eorum in sacerdotali ordine sint constituti, aut existunt clerici, honore quo utuntur carere præceperunt; cæteros vero communionem privari, et ab ecclesia extorres fieri jusserunt, et non solum facientes, sed et eis consentientes.

CAP. 86. — *De eadem re. Ex concilio Tongrensi [al. Gangrensi] cap. 5.*

(24, q. 3, c. *Quisquis.*) Quisquis per dolum mittit manum suam in christum Domini, episcopum videlicet, patrem et pastorem suum, quia sacrilegium grave committit, et qui ecclesiam Dei devastat et incendit, quia et hoc sacrilegium est, placuit sanctæ synodo, ut in uno loco, id est in monasterio, pœniteat omnibus diebus vitæ suæ.

CAP. 87. — *De clericis vel monachis conjurantibus vel conspirantibus contra episcopum suum. Ex concilio Chalcedonensi, cap. 18.*

(11, q. 1, c. *Si qui clerici.*) Si qui ergo clerici vel monachi reperti fuerint conjurantes, aut conspirantes, aut insidias ponentes episcopis aut clericis, grada proprio penitus abjiciantur.

CAP. 88. — *De eadem re. Ex concilio Toletano, cap. 8 (conc. Tol. x, c. 2).*

(11, q. 1, c. *Si clerici.*) Igitur si clerici aut monachi inventi fuerint conjurati, aut per conjurationem calumniam machinantes [conspirantes] episcopis vel clericis, proprium amittant gradum.

DECRETI PARS DECIMA TERTIA.

De raptoribus, de furibus, de usurariis et feneratoribus; de venatoribus, de maledicis et contentiosis, de comessionibus et ebrietatibus, de furiosis, de Judæis, et eorum correctione.

CAP. 1. — *De pervasoribus rerum alienarum, et poena eorum. Joannes papa Zachariæ archiepiscopo.*

Est in antiquis Ecclesiæ statutis decretum ut qui aliena invadit non exeat impunitus, sed cum multiplicatione omnia restituat. Unde et in Evangelio scriptum est: Quod si aliquid defraudavi, reddo quadruplum (*Luc. XIX*): et in legibus sæculi cautum habetur: Qui rem subripit alienam, illi cujus res direpta est, in undecuplum quæ sublata sunt restituat. Et in lege divina legitur: *Maledictus omnis qui transfert terminos proximi sui, et dicit omnis populus, Amen (Deut. XXVII)*. Talia ergo non præsumantur absque ultione, nec exercentur absque damnatione.

CAP. 2. — *Quod filii Israel non fecerint furtum spoliando Ægyptios. August. lib. Quæst. (quæst. 39 ad c. XI Exod.).*

(*14, q. 5, c. Dixit Dominus.*) Dixit Dominus ad Moysen: Petat vir a proximo, et mulier a proxima vasa aurea et argentea, et vestem (*Exod. XI*). Non hinc quisquam sumendum exemplum putare debet ad exspoliandum isto modo proximum; hoc enim Deus jussit, qui noverat quid quemque pati oporteret, nec Israelitæ furtum fecerunt, sed Deo jubente ministerium præbuerunt. Quemadmodum cum minister judicis occidit eum quem judex jussit occidi, profecto si id sponte faciat homicida est, etiam si eum occidat quem scit a iudice debuisse occidi.

CAP. 3. — *Quid intersit inter furtum et rapinam. Ibidem (Aug. q. 71, lib. Q. 20, super c. XI Exod.).*

(*14, q. 5, c. Pœnale.*) Pœnale est occulte auferre, multo majoris pœnæ est visibiliter eripere. Auferre ergo nolenti sive occulte, sive palam, habet præceptum suum. Furti enim nomine bene intelligitur omnis illicite usurpatio rei alienæ; non enim rapinam permisit qui furtum prohibuit, sed utique sub furti nomine in lege Veteris Testamenti et rapinam intelligi voluit. A parte enim totum significavit, quidquid illicite rerum proximi aufertur.

CAP. 4. — *Quod non remittitur peccatum, nisi restituatur ablatum. August. in epistola ad Armentarium et Paulinam (epist. 54 ad Macedonium).*

(*14, q. 6, c. Si res.*) Si res aliena propter quam peccatum est, cum reddi possit, non redditur, non agitur poenitentia, sed fingitur. Si autem veraciter agitur, non remittetur peccatum nisi restituatur ablatum: sed (ut dixi) cum restitui potest. Plerumque enim qui aufert amittit, sive alios patiendo malos, sive ipse male vivendo, nec aliud habet unde restituat. Huic certe non possumus dicere, Redde quod abstulisti, nisi cum habere credimus et negare. Ubi quidem si aliquos sustinet cruciatus repente, dum

existimatur habere quod reddat, nulla est iniquitas. Quia et si non est unde luat [reddat, legit Gratian.] ablatam pecuniam, tamen dum eam per molestias corporales reddere compellitur, peccati quo male ablata est poenas luit. Sed inhumanum non est etiam pro talibus intercedere, non ad hoc ut minime restituantur aliena, sed ne frustra homo in hominem sæviat.

CAP. 5. — *Quod non sint ab Ecclesia recipienda furtiva cum aliquo auctario. Ex dictis Gregorii (c. 4 ad interrogat. August.).*

Sunt quidam qui habentes subsidia furtum perpetrant, et sunt alii qui in hac re ex inopia delinquant. Unde necesse est ut quidam damnis, quidam verberibus, quidam districtius, quidam vero levius corrigantur. Sed absit ut Ecclesia cum argumento recipiat quod de terrenis rebus videtur amittere, et lucra de vanis quærat.

CAP. 6. — *Quod fures per septem bonæ fidei homines convinci possunt. Ex libro Capitularium.*

De furibus et malefactoribus decrevimus observari, ut si quinque aut septem bonæ fidei homines absque inimicitia præposita criminis, cum sacramenti interpositione, esse dixerint, sicut contra legem fecit, sic secundum legem iudicetur.

CAP. 7. — *Ne sacerdos sænus vel rusticum ministerium exerceat. Ex synodo Eugenii papæ, cap. 3 (synod. Rom. sub Eugen. II, c. 11).*

Sacerdos sænoris aliquid, aut rustica ministeria non exerceat, quem sine ornatu sacerdotali extra domos apparere non convenit.

CAP. 8. — *Ut clericus sænator deponatur. Ex Nicæno concilio I, cap. 17.*

(*Dist. 47 et 14, q. 4, c. Quoniam multi.*) Si quis inventus fuerit usuras accipiens, aut ex adinventione aliqua vel quolibet modo negotium transigens, aut hemiolia et sescupla exigens, vel aliquid tale prorsus excogitans, turpis lucri gratia, dejiciatur a clero, et alienus existat a regula.

CAP. 9. — *Ne clericus amplius recipiat quam mutuo dedit. Ex concilio III Carthaginensi, cap. 16.*

(*14, q. 4, c. Nullus clericorum.*) Nullus clericorum amplius recipiat quam accommodaverit; si pecuniam, pecuniam; si speciem, speciem eandem, quantum dederit, accipiat.

CAP. 10. — *Ut ministri sænatores a communione abstineant. Ex concilio I Arelatensi, cap. 12.*

(*14, q. 4, c. Ministri.*) De ministris qui sænatorum, placuit eos, juxta formam divinitus datam, abstinere a communione.

CAP. 11. — *Ut clericus sænator seu negotiator a*

communione suspendatur. Ex secundo concilio Arelatensi.

(*Cap. 14, ex 18 c. Nicænæ synodi.*) Si quis clericus pecuniam dederit ad usuram, aut conductor alienæ rei voluerit esse, aut turpis lucri gratia genus aliquod negotiationis exercuerit, depositus a clero a communione alienus fiat.

CAP. 12. — *De eodem. Ex concilio Eliberit., cap. 20.*

(*Dist. 47, c. Si quis clericorum.*) Si quis clericorum detectus fuerit usuras accipere, placuit eum degradari et abstinere.

CAP. 13. — *Item de eodem. Ex concilio Tarracoenensi, c. 2.*

(*14, q. 4, c. Canonum statutis.*) Quicumque in clero esse voluerit, emendi vilius vel vendendi carius studio non utatur. Certe si voluerit hæc exercere, cohibeatur a clero.

CAP. 14. — *De eadem, re. Ibidem, cap. 3.*

(*14, q. 4, c. Si quis clericus.*) Si quis clericus in necessitate solidum præstiterit, hoc de vino vel de frumento accipiat, quod mercandi causa tempore statuto decretum fuerit venditari. Cæterum si speciem non habuerit, necessarium ipsum quod dedit sine ullo augmento recipiat.

CAP. 15. — *De eadem re. Ex conc. apostolorum, cap. 44.*

(*Dist. 47, c. Episcopus.*) Episcopus, aut presbyter, aut diaconus usuras a debitoribus exigens, aut desinat, aut certe damnatur, et a communione privetur.

CAP. 16. — *Ut qui aliquid habet de malo faciat inde bonum. Augustinus, De verbis Domini, tract. 35 (Serm. 35).*

(*14, q. 5, c. Nolite.*) Nolite velle eleemosynas facere de sœnore et usuris. *Item, ibidem aliquanto post.* (*14, q. 5, c. Qui habetis.*) Qui habetis aliquid de malo, facite inde bonum: qui non habetis de malo, nolite acquirere de malo. Esto bonus tu qui bonum facis de malo, et cum cœperis aliquid boni facere de malo, noli remanere tu malus. Nummi tui convertuntur in bonum, et tu remanes malus?

CAP. 17. — *Quod sœnator est omnis, qui plus acceperit quam dederit. Augustinus in psalm. xxxvi (ad vers. 26).*

(*14, q. 3, c. Si sœneraveris.*) Si sœneraveris homini, id est, si mutuum dederis pecuniam tuam, a quo plusquam dedisti expectes, non pecuniam solum, sed aliquid plusquam dedisti, sive illud triticum sit, sive oleum, sive vinum, sive quodlibet aliud; si plus quam dedisti expectes accipere, sœnator es, et ob hoc improbandus, non laudandus.

CAP. 18. — *De eodem. Hieronymus super Ezechielem, lib. vi (in c. xviii).*

(*14, q. 3, c. Putant.*) Putant quidem usuram tantum esse in pecunia, quod prævidens divina Scriptura, omnis rei aufert superabundantiam, ut plus non recipias quam dedisti. *Item, aliquanto post.* Alii pro pecunia sœnerata solent munuscula accipere diversi generis, et non intelligunt usuram appellari

et superabundantiam, quidquid illud est, si ab eo, quod (cui) dederint plus reacceperint.

CAP. 19. — *De his qui usuras de usuris exigunt. Codicum lib. II, cap. 23.*

Improbum sœnes exercentibus, et usuras usurarum illicite exigentibus, infamiæ macula irroganda est.

CAP. 20. — *De eodem. Item Capitul. lib. cap. 25.*

Nullo modo usuræ usurarum a debitoribus exigantur. *Item.* Diffinimus nullo modo licere cuiquam usuras præteriti vel futuri temporis in sortem redigere, et earum iterum usuras stipulare.

CAP. 21. — *De differentia inter turpe lucrum et negotium. Ibidem (l. I, c. 131).*

(*14, q. 4, c. Quicumque.*) Quicumque tempore vindemiæ, vel tempore messis, non necessitate, sed propter cupiditatem comparat annonam, aut vinum, verbi gratia de duobus denariis comparat modium unum, et servat dum venundare possit denariis quatuor, aut sex, aut amplius, hoc turpe lucrum dicimus. Si hoc propter necessitatem comparat, ut sibi habeat et aliis tribuat, negotium dicimus.

CAP. 22. — *Quid sit sœneratio. August. lib. Locutionum, cap. 34 (de Deut. l. v, locut. 39).*

Sœnerationem Scriptura dicit mutuo datam pecuniam, etiamsi usuræ non accipiantur.

CAP. 23. — *De eodem. Ibidem, cap. 42.*

Sœnes sœnerabis (111) fratri tuo quantumcunque postulat, et quantum eget (*Deut. xv*). Hic certe cum opera misericordiæ præcipiat, utique usurarum crudelitas suscipienda non est.

CAP. 24. — *Quid sit turpe lucrum. Ambrosius super Epistolam ad Timotheum (In c. II, prioris epist).*

Turpia lucra dicit Apostolus esse, si sub pia professione quæstibus studeatur. Turpis enim deprehenditur, cum se purum ostentat.

CAP. 25. — *Quod difficile est inter vendentem et ementem non esse peccatum. Leo Rustico Narbonensi episcopo (epist. 92, c. 9. De pœnit.).*

(*Dist. 1, c. Qualitas lucri.*) Qualitas lucri negotiantem aut excusat (honestat), aut arguit: quia est et honestus quæstus, et turpis. Verumtamen pœnienti utilius est dispendia pati quam periculis negotiationis obstringi, quia difficile est inter vendentis et ementis commercium non intervenire peccatum.

CAP. 26. — *De his qui fruges suo labore sibi natas in cara tempora reservant. Ambr., De officiis lib. III, cap. 6.*

Sanctus David negat se in negotiationem introisse, quia pretiorum captare incrementa, non simplicitatis, sed versutiæ est. Et alius ait: Captans pretia frumenti maledictus in plebe est (*Prov. xi*). Diffinita est sententia, nihil disputationi relinquens, quale controversiarum genus (sed hoc controversiæ genus) solet dicendi esse, cum alius alleget agriculturam laudabilem apud omnes haberi, fructus

(111) Pro quo nunc legimus: *Mutuum dabis.*

terræ simplices esse triplos, plus qui seminaverit eam probatiorem fore, uberiores redditus industriæ non fraudari, negligentiam magis et incuriam ruris inculti reprehendi solere. Aravi, inquit, studiosius, uberius seminavi, diligentius excolui, bono collegi proventu (bonos collegi proventus), sollicitè (sollicitus) recondidi, servavi fideliter, provide custodivi, nunc in tempore famis vendo, subvenio esurientibus, vendo frumentum, non alienum, sed meum, non pluris quam cæteri, imo etiam minori pretio. Quid hic fraudis est, cum multi etiam possent periclitari, si non haberent quod emerent? Num industria in crimen vocatur? Num diligentia reprehenditur? Num providentia vituperatur? Fortasse dicat: Et Joseph in abundantia frumentum collegit, in caritate (raritate) vendidit (*Gen. xlj*). Num carius aliquis emere compellitur? Num vis adhibetur emptori? Omnibus defertur emendi copia, nulli irrogatur injuria. His ergo quantum cujusque fert ingenium disputatis, exurgit alius dicens: Bona quidem est agricultura, quæ fructus ministrat omnibus, quæ simplici industria accumulât terrarum fecunditatem, nihil doli, nihil fraudis interserens. Si bene aliquis seminavit, melius metet. Fecunda est terra, multiplicatum reddit quod accipit; fidelis est ager, fœneratos solet restituere proventus. De redditibus igitur uberis glebæ exspectare debes tui mercedem laboris, de fertilitate pinguis soli justa sperare compendia. Cur ad fraudem convertis naturæ industriam? cur invides usibus hominum publicos partus? cur populi minus abundantiam? cur affectas inopiam? cur optari facis a pauperibus sterilitatem. Cum enim non sentiunt beneficia fecunditatis, te auctionante pretium, te continente (condente) frumentum, optant potius nihil nasci quam te de fame publica negotiari. Ambis frumentorum indigentiam, alimentorum penuriam, uberis soli partus ingemiscis, fles publicam fertilitatem, horrea plena frugum deploras, exploras quando sterilior proventus sit, quando exilior partus. Votis tuis gaudes arrisisse maledictum, ut nihil cuiquam nasceretur. Tunc messæ tuam venisse lætaris, tunc tibi de omnium miseria opes congeris; et hanc tu industriam vocas, hanc diligentiam nominas, quæ calliditatis versutia, et astutia fraudis est? Et hoc tu remedium vocas, quod est commentum nequitiae [malitiæ]? Latrocinium hoc, an fœnus appellem? Captantur tanquam latrocinii tempora, quibus in viscera omnium durus insidiator obrepas; augetur pretium tanquam sorte cumulatum fœnoris. Tibi conditæ frugis multiplicatur usura, tu frumentum tanquam fœnerator occultas, quasi venditor auctionaris. *Idem de Nabuthæ*. Fœneratores, accipitis aurum argentumque pro pignore, et adhuc illum debitorem dicitis, qui plus vobis credidit, quam accepit a vobis? Creditores asseritis vos, qui amplius debetis? *Item, cap. 14 lib. De Tobia. (14, q. 5, c. Plerique.)* Plerique refugientes præcepta legis, cum dederint pecuniam negotiatoribus, non in

A pecunia usuras exigunt, sed de mercibus eorum tanquam usuram (usurarum) emolumenta percipiunt. Ideo audiant quid lex dicat: Neque usuram, inquit, escarum accipies, neque omniam rerum (*Dent. xxv*). *Item, ibidem paulo inferius.* Escæ usura est, et vestis usura est, et quodcumque sortis accedit usura est, quod velis ei nomen imponas, usura est. *Item, ibidem post aliquot versus.* Si quis instaurandum convvium putat, ad negotiatorem mittit, ut absynthiaci cupellam sibi gratis deferat: ad cauponem dirigit, ut Picenum vinum aut Tyriacum requirat, ad lanium ut vulvam [hilam, nunc habet Amb. et Gratian.] sibi procuret, ad alium, ut sibi poma adornet.

CAP. 27. — *Quod sine ferro alium jugulat, qui usuram ab eo flagitat. Idem (ejusdem lib. c. 15).*

(14, q. 4, c. Clerici.) Ab illo exige usuram cui nocere merito desideras, cui jure inferuntur arma; huic legitime inferuntur usuræ, quem bello non potes facile vincere; ab hoc usuram exige quem non sit crimen occidere. Sine ferro dimicat qui usuram flagitat, sine gladio se de hoste ulciscitur, qui fuerit usurarius exactor inimici. Ergo uli jus belli, ibi jus usuræ.

CAP. 28. — *De clericis usurariis. Gelasius papa episcopis per Lucaniam, Brutios, et Siciliam (epist. 9, c. 17).*

(14, q. 4, c. Clerici.) Clerici aut ab indignis quæstibus noverint abstinendum, et ab omni cujuslibet negotiationis ingenio vel cupiditate cessandum; aut in quocunque gradu sint positi mox clericalibus officiis abstinere cogantur.

CAP. 29. — *De servis Dei venationes et hujusmodi exercentibus. Bonifacius Guiberto episcopo.*

Servi Dei ut venationes et silvaticas vagationes cum canibus, et ut accipitres et falcones non habeant, prohibebimus.

CAP. 30. — *De eodem, et pœna eorum. Ex concilio Agathensi, cap. 55.*

(*Dist. 34, c. Episcopum, presbyterum.*) Episcopis, presbyteris, diaconibus canes ad venandum, aut accipitres habere non liceat: quod si quis talium personarum in hac voluntate [voluptate] detectus fuerit; si episcopus, tribus mensibus se a communione absteineat (suspendat. orig.); presbyter, duobus mensibus se absteineat; diaconus uno ab omni officio vel communione cesset.

CAP. 31. — *Nil esse dandum venatoribus et histrionibus. Augustinus super psalm. cii, cap. 2 (ad vers. 6).*

(*Dist. 86, c. Qui venatoribus.*) Qui venatoribus donant, quare donant? dicant mihi, quare dant venatori? Hoc in illo amant in quo nequissimus est, hoc in illo pascunt, hoc in illo vestiunt, ipsam nequitiam publicam (publicant habet Gratian.) spectaculis omnium. Qui donat histrionibus, qui donat meretricibus, quare donat? Nunquid non et ipsi hominibus donant? Non tamen naturam ibi attendunt operis Dei, sed nequitiam operis humani. *Item, paulo inferius (in eumd. psal.)* Qui venatori donat, non ho-

mini donat, sed arti nequissimæ, nam si homo tantum esset et venator non esset, non ei donares, honores in eo vitium non naturam.

CAP. 32. — *Ne videntes venatorem delectentur. August. super psal. cap. XLVII.*

(*Dist. 86, c. Vident homines.*) Vident homines venatorem, et delectantur; vae miseris si non se correxerint! Qui enim vident venatorem et delectantur, videbunt Salvatorem et contristabuntur.

CAP. 33. — *Quod sancti inveniantur piscatores, nulli venatores. Hieronymus super psal. xc (ad vers. 2).*

(*Dist. 86, c. Esau.*) Esau venator erat (*Gen., XXIX*), quoniam peccator erat. Et penitus non invenimus in Scripturis sanctis sanctum aliquem venatorem; piscatores invenimus sanctos.

CAP. 34. — *Quod nihil prodest jejunare visceribus, et luxuriari venatibus. Ambrosius homilia, quæ sic incipit: Diximus superiore Dominica (serm. XXXIII).*

(*Dist. 86, c. Quid prodest.*) Quid prodest jejunare visceribus, et luxuriari venatibus? abstinere cibis, errare peccatis? *Item, paulo post.* An putatis illum jejunare, fratres, qui primo diluculo non ad ecclesiam vigilat, non beatorum martyrum sancta loca perquirat, sed surgens congregat servulos, disponit retia, canes producit, saltus silvasque perlustrat? Servulos, inquam, secum pertrahit, fortasse magis ad ecclesiam festinantes, et voluptatibus suis peccata accumulata aliena, nesciens reum se futurum tam de suo delicto quam de perditione servorum.

CAP. 35. — *Quæ bestiarum vel aves sint ferae, quæ non. Institut. lib. II, tit. I.*

Ferae bestiarum, et volucres, et pisces, id est omnia animalia quæ in terra, mari coeloque nascuntur, simul atque ab aliquo capta fuerint, jure gentium statim illius esse incipiunt. Quod enim ante nullius est, id naturali ratione occupanti conceditur, nec interest feras bestias et volucres utrum in suo fundo quisque capiat, in alieno. Plane qui alienum fundum ingreditur venandi aut aucupandi gratia potest a Domino, si is providerit, prohiberi ne ingrediatur. Quidquid autem ceperis eousque tuum esse intelligitur, donec tua custodia coercetur. Cum autem evaserit custodiam tuam, et in naturalem libertatem se receperit, tuum esse desinit, et rursus occupantis sit. Naturalem autem libertatem recipere intelligitur, cum vel oculos tuos effugerit, vel ita sit in conspectu tuo, ut difficilis sit ejus persecutio. Illud quaesitum est an si fera bestia ita vulnerata sit, ut capi possit, statim tua esse intelligatur. Quibusdam placuit tuam esse, et eousque tuam videri, donec eam persequaris; quod si desieris persequi desinere tuam esse, et rursus fieri occupantis. Alii autem non aliter putaverunt tuam esse quam si ceperis. Sed posteriorem sententiam nos confirmamus, quia multa accidere solent ut eam non capias. Apum quoque natura fera est. Itaque quæ in

PATROL. CLXI.

arboribus tuae considerent, antequam a te alveo includentur, non magis tuæ esse intelliguntur quam volucres quæ in tua arboribus nidum fecerint; ideoque si alius eas incluserit, is earum dominus erit; favos quoque, si quos effecerint, quilibet eximere potest. Plane integra res, si prævideris ingredientem fundum tuum, potes eum jure prohibere ne ingrediatur. Examen quoque ex alveo tuo si evolaverit, eousque tuum intelligitur, donec in conspectu tuo est, nec difficilis ejus persecutio est, alioquin occupantis sit. Pavonum et columbarum fera natura est, nec ad rem pertinet quod ex consuetudine avolare et revolare solent, nam et apes idem faciunt, quarum constat feram esse naturam. Cervos quoque ita quidam mansuetos habent, ut in silvas ire et redire soleant, quorum et ipsorum feram esse naturam nemo negat. In his autem animalibus quæ ex consuetudine abire et redire solent, talis regula comprobata est ut eousque tua esse intelligantur, donec animum revertendi habeant. Nam cum revertendi animum habere desierint, et jam tua esse desinunt, et fiunt occupantium. Revertendi autem animum videntur desinere habere, cum revertendi consuetudinem deseruerint. Gallinarum et anserum non est fera natura; idque ex eo possumus intelligere quod aliæ sunt gallinæ quas feras vocamus. item alii anseres sunt quos feras appellamus. Ideoque si anseres tui, aut tuæ gallinæ atque casu turbati, turbateve evolaverint, licet conspectum tuum effugerint, quocumque loco sunt, tui tuæve esse intelliguntur, et qui lucrando animo ea animalia retinet, furtum intelligitur committere.

CAP. 36. — *Quod ecclesiasticarum rerum incendia et deprædationes pro emunitate sint emendandæ. Ex epist. Gregorii papæ ad Constantiam reginam Galliarum (l. IV regist., epist. 35, seu c. 77).*

(*12, q. 2, c. Cum devotissimam.*) Cum dominam sciam de cœlesti vita atque remedio animæ suæ sedulo cogitare, culpam me committere vehementer existimo, si ea quæ pro timore omnipotentis Dei sunt suggerenda, siluero, et te sanctissimam de ecclesiastica pace sedulo non commouero. Nimis me Juliani fratris et coepiscopi nostri proclamatio nuper contristavit, maxime cum villæ suæ videlicet ecclesiæ a nequissimis prædonibus sint deprædatæ, atque nocturnis incendiis more furum combustæ. Et dum iidem maligni, juxta nostri prædecessoris Bonifacii decreta, pro emunitate illud emendare noluerunt, dum et sæculi leges hæc eadem ita habere voluerint, lege vulgari teste, in qua sic scribitur: Si quis manu armata usque ad quatuor homines, in vicum alterius ad malefaciendum venerit, ille qui prior est, pro illicita præsumptione componat solidos 900, sequaces vero ejus unusquisque solid. 80. Si vero ibi incendium fecerint, sibi novies tantum componant, prædam vero in quadruplum restituant. Si sæculi leges talem justitiam habere voluerint, lex divina cur inferior esse debeat, cum in ipsius Veritatis præsentia a Zachæo collaudatum sit, si alicuiem defraus

26

daret, ut in quadruplum restitueretur? (*Luc. xix.*) **A**gus, sic et ille qui ejus sacerdotes insequitur, sacrilegii reus existit, et sicut sacrilegus judicatur.

CAP. 40. — *De his qui truncationes membrorum, et domorum incendia fecerint. Ex decretis Eutychiani papæ (in frag.).*
(23, q. 8, c. *Si quis.*) Si quis membrorum truncationes, domorum incendia fecerit, sive facere juserit, aut facienti consenserit, quousque de his unicuique legaliter et amicaliter coram episcopo civitatis aliisque civibus non emendaverit, ab ecclesia se privatam cognoscat. Si vero post secundam et tertiam conventionem, cuncta in quibus arguitur, non emendaverit, tanquam ethnicus et publicanus ab omni Christianorum collegio separetur.

CAP. 37. — *De rebus ecclesiasticis, quomodo restitui debeant. Ex decreto Eusebii papæ, cap. 8 (epist. 2 ad Ægypt.).*

(12, q. 2, c. *In legibus.*) Et in legibus sæculi cautum habetur: Qui rem subripit alienam, illi cujus res direpta est, in undecuplum quæ sublata sunt restituat. Ej in lege divina legitur: *Maledictus omnis qui transfert terminos proximi sui, et dicit omnis populus: Amen (Deut. 11).* Talia ergo non præsumantur absque ultione, hæc exerceantur absque damnatione. Pacem, et non damnum, aut injuriam alicujus sectamini in invicem, et in omnes. Proinde si quis ecclesiasticas oblationes, et quod Deo consecratum fuerit, rapuerit vel consenserit facientibus, ut sacrilegus dijudicetur, et damnum in quadruplum restituat, et canonicè pœniteat.

CAP. 38. — *Quod sacrilegi sint ecclesiarum prædones. Ex conc. Magontensi, cap. 3.*

Sacrilegi sunt ecclesiarum prædones. Unde et in concilio Agathensi sub 4 cap. decretum ita habetur: Amico quidpiam rapere furtum est, ecclesiæ vero fraudari vel abstrahi subripique, sacrilegium. Omnes enim contra legem facientes, resque ecclesiæ diripientes, vel Ecclesias sacerdotesque contra divinas sanctiones vexantes, sacrilegi vocantur, atque indubitanter infames sacrilegi habendi sunt.

CAP. 39. — *De eadem re. Ex epistola 2 Pii papæ, Italiciis fratribus missa.*

(12, q. 2, c. *Prædia.*) Ad sedem apostolicam perlatum est quod sint inter vos contentiones, et æmulationes, et prædia divinis usibus tradita quidam humanis applicent usibus, et Domino Deo cui tradita sunt ea subtrahant, ut suis usibus inserviant. Quapropter ab omnibus illa usurpationis contumelia depellenda est, ne prædia sub secretis cœlestibus vindicata [usibus secretorum cœlestium dicata, orig.] a quibusdam irruentibus vexentur. Quod si quis præsumpserit, sacrilegus habeatur, et sicut sacrilegus judicetur. Ipsos autem qui hoc agunt, clericos et Domini sacerdotes persequi eosque infamare adivimus, ut malum super malum addentes deteriores fiant, non intelligentes quod Ecclesia Dei in sacerdotibus consistat, et crescat in templum Dei (*Ephes. 11*), et sicut qui Ecclesiam Dei devastat ejusque prædia et donaria exspoliat et invadit, fit sacrile-

CAP. 41. — *Quod furtum ita sit in parvo, sicut in magno. Hieron. (in c. 11 Ep. ad Tit.).*

(14, q. 6, c. *Fur autem.*) Fur autem non solum in majoribus, sed et in minoribus etiam judicatur. Non enim quod furto ablatum est, sed mens furantis attenditur, quomodo in fornicatione, non idcirco diversa sit fornicatio, si mulier pulchra aut deformis, ancilla, aut ingenua, pauper aut opulenta; sed qualiscunque illa fuerit, una est fornicatio. Ita in furto quantumcunque quis abstulerit, furti crimine incurrit.

CAP. 42. — *De pœnitentia furti. Ex Pœnitent. Theodori.*

Si quis per necessitatem furatus fuerit cibaria, vel vestem, vel pecus, per famem, aut per nuditatem, pœniteat hebdomadas tres. Si reddiderit, non cogatur jejunare.

CAP. 43. — *De eadem re. Ex concilio Aurelianensi, cap. 8.*

Nam si quis publicam rapinam seu furtum fecerit, publicam inde agat pœnitentiam, juxta sacrorum canonum sanctiones. Si vero occulte, sacerdotum consilio pœniteat, quoniam *raptores*, ut Apostolus ait (nisi inde veram egerint pœnitentiam) *regnum Dei non possidebunt (I Cor. vi)*. Qui vero de rebus ecclesiæ aliquid abstulerit, gravius inde judicetur, quia, quamvis ultio furum et raptorum ad comites respiciat, pœnitentia tamen ad episcopos pertinet.

CAP. 44. — *De eadem re. Ex Pœnitent. Theodori.*

(27, q. 4, c. *Si quis furtum.*) Si quis furtum capitale commiserit, id est quadrupedia tulerit, vel casas effregerit, 7 annos pœniteat, et quod furatum est reddat. Si quis vero de minoribus semel aut bis furtum fecerit, reddat quod tulit, et annum unum pœniteat. Si quis sepulcrum violaverit, septem annos pœniteat, tres ex his in pane et aqua.

CAP. 45. — *Quod pro furibus et latronibus in furto seu deprædatione occisis non sit orandum. Ex concilio Triburiensi, cap. 5 (c. 31, quanquam non iisdem verbis).*

(13, q. 2, c. *Fures et latrones.*) Fures et latrones si in furando et prædando occiduntur, visum est pro eis non orandum. Si comprehensi aut vulnerati presbytero vel diacono confessi fuerint, communionem eis non negamus.

CAP. 46. — *Utrum pœnitere debeant qui furem vel*

latronem in præda captum postea interficiant. Ex A concil. Aurchanensi, cap. 1.

(13, q. 2, c. *Si fur et latro.*) Si fur aut latro captus in præda absque occasione potest comprehendi, et tamen interficitur, quia ad imaginem Dei creati, et in nomine ejus baptizati sunt, interfectores eorum 40 diebus non intrent ecclesiam, lancea veste induti ab escis et potibus, qui interdicti sunt, a toro, et gladio, et equitatu se absteineant. In tertia, quinta feria, et Sabbato aliquo genere leguminum vel oleum et pomis parvisque piscibus, cum mediocri cervisia vicissim utantur, et temperate. Sin autem a veridicis comprobatur testibus, quod sine odii meditatione se suaque liberando diaboli membra interficiant, et capi non poterant, poenitentiam pro homicidio eis non injungimus, nisi ipsi voluerint aliquid B quod humanitatis est facere.

CAP. 47. — *De eadem re. Exodi xxii.*

Si infruens fur domum sive effodiens fuerit inventus, et accepto vulnere mortuus fuerit, percussor non erit reus sanguinis. Quod si orto sole fecerit, homicidium perpetravit, et ipse morietur. Si non habuerit quod pro furto reddat venundabitur. Si inventum fuerit apud eum quod furatus est, vivens sive bos, sive asinus, sive ovis, duplum restituet.

CAP. 48. — *De servo qui fugerit dominum suum. Ex epistola Hieronymi ad Paschasium Alexandrinum.*

De servo qui dominum suum fugerit, interrogabas, si ille in illa fuga mortuus fuerit, utrum pro eo lice-ret orare, an non. Hoc in divinis libris non invenimus prohibitum; sed tamen scimus ab apostolis firmiter præceptum ut *servi subditi sint in omni timore dominis, non tantum bonis et modestis, sed etiam dyscolis (I Petr. ii; Ephes. vi; Col. iii; Tit. ii).* Et in Gangrensi concilio (cap. 3) ita scriptum est: « Si quis servum sub prætextu divini cultus doceat dominum proprium contemnere, ut discedat ab ejus obsequio, anathema sit. » Unde datur intelligi quod si ille anathema meruit, qui docet servum proprium dominum contemnere, et ab ejus obsequio recedere, quanto magis ille qui dominum spernit, et ejus servitio subdi noluerit. Sed tamen distantia est inter illum qui per superbiam fecerit, et illum qui per necessitatem coactus crudelitate domini sui.

CAP. 49. — *De clericis si in demoliendis sepulcris comprehensi fuerint. Ex concilio Toletano iv, cap. 45.*

Si quis clericus in demoliendis sepulcris fuerit deprehensus, quia facinus hoc pro sacrilegio legibus publicis sanguine vindicatur, oportet in tali scelere proditum a clericatus ordine submoveri, et poenitentia triennio deputari.

CAP. 50. — *De clericis vel monachis si furtum fecerint. Ex conc. Agat., cap. 2 (1:2).*

Si quis clericus aut monachus furtum fecerit (quod potius sacrilegium dici potest) id censuimus ordinandum, ut junior virgis cæsus tanti criminis reus nunquam officium ecclesiasticum [clericatus]

excipiat. Si vero iam ordinatus [clericus, orig. in hoc facinore fuerit deprehensus, nominis ipsius dignitate privetur; cui sufficere potest pro actus sui levitate, impleta poenitentia satisfactione, sola communio.

CAP. 51. — *De illis qui de ministerio Ecclesie aliquid fuerit. Ex Poenitentiali Romano.*

Si aliquis de ministerio Ecclesie quolibet modo aliquid furatus fuerit, 7 annos poeniteat.

CAP. 52. — *De maledicis et poena eorum. Ex dictis Hieronymi.*

Apostolus dicit: *Neque maledici regnum Dei possidebunt (I Cor. vi).* Si quis hoc peccatum admiserit tam grande poeniteat, quam grande perpetravit scelus, quo a regno Dei non separetur.

CAP. 53. — *De murmuratoribus. Ex concilio Magontensi, cap. 8.*

(Dist. 90, c. *Alienus sit.*) Si quis murmurans exstiterit, videat ne poenam murmurantium incurrat, de qua Apostolus dicit: *Neque murmuraveritis sicut quidam eorum murmuraverunt, et perierunt ab exterminatore (I Cor. x).* Juxta mensuram opusque peccati, quia in hoc sententia Apostoli pleniter declaratur, sacerdotis judicio poeniteat.

CAP. 54. — *De eadem re. Ex eodem.*

(Dist. 90, c. *Si quis monachus.*) Qui contentiosus aut murmurans exstiterit, secundum arbitrium prioris ita poeniteat, qualiter culpæ qualitas [modus] exstat.

CAP. 55. — *De eadem re.*

Apostolus dicit: *Omnia facite sine murmurationibus (Philipp. ii); alienus sit a fratrum unitate qui murmurat, et opus ejus abjiciatur.*

CAP. 56. — *De contentiosis. Ex decretis Hilarii I papæ, cap. 15 (ad calcem).*

Si quis videtur contentiosus esse, dicente Apostolo: *Nos talem consuetudinem non habemus, neque Ecclesia Dei (I Cor. xi):* si quis hoc facit, notetiv usqueque corrigatur.

CAP. 57. — *De illis qui lasciva sunt lingua. Ex Poenit. Theodori.*

Si quis lascivus in lingua fuerit [exstiterit], tri-duana poenitentia expietur.

CAP. 58. — *De dissidentibus et litigantibus. Ex dictis Isidori.*

Si quis discors, et litigans, et per odium dissidens exstiterit, quousque ad concordiam redeat a conventu et societate Ecclesie, ut canones jubent, alienus existat

CAP. 59. — *De his qui de odio ad pacem nolunt re dire. Ex eodem.*

Si quis odio habet aliquem, ita ut ad pacem reverti non velit, sicut sancti Patres statuerunt, excommunicetur, et ab Ecclesia separetur donec re concilietur.

CAP. 60. — *De eadem re. Ex decret. Fabiani papæ cap. 5 (in fragm.).*

(Dist. 90, c. *Si quis contristatus.*) Si quis contristatus noluerit reconciliari satisfaciente eo qui com-

(112) (Ex regula Patrum.) Simile quid habetur hujus conc. cap. 4 et 5.

tristavit, acerrimis maceretur inediis, usque dum A gratanti animo satisfactionem recipiat.

CAP. 61. — *De eadem re. Ex eodem.*

Si quis non vult reconciliari fratri suo quem odio habet, tandiu in pane et aqua pœniteat, usque dum reconcilietur ei.

CAP. 62. — *De eadem re. Ex concilio Agathensi, cap. 31.*

(*Dist. 90, c. Placuit etiam.*) Placuit etiam, ut (sicut plerumque fit) quicunque odio aut longinqua inter se lite dissenserint, et ad pacem revocari diuturna contentione nequiverint. a sacerdotibus civitatis primitus arguantur, qui si inimicitias deponere perniciose intentione noluerint, de Ecclesie cœtu justissima excommunicatione pellantur.

CAP. 63. — *De illis qui contentiones et rixas amaverint. Ex eodem concilio, cap. 3 (additur ad calcem conc. Agath.)*

(*Dist. 90, c. Si quis monachus.*) Si quis contentiones et rixas amaverit, vel manifestum convicium fratri intulerit, juxta arbitrium Rectoris modumque peccati, diuturna expietur pœnitentia.

CAP. 64. — *De his qui faciles sunt ad detrahendum. Ex eodem, cap. 10 (annect. et hoc ad calc. ejusd. conc.).*

Si quis promptus facilisque est ad detrahendum, dicens quod verum non est, 7 dies in pane et aqua sequestratus a fraterno consortio pœniteat.

CAP. 65. — *De pœnitentia ejus qui manum mittit in episcopum. Ex concilio Tungrensi, cap. 5.*

Quisquis per dolum mittit manum suam in Christum Domini, episcopum videlicet Patrem et pastorem suum, quia sacrilegium committit, et qui Ecclesiam devastat, et incendit, quia et hoc sacrilegium est, placuit sanctæ synodo ut in uno loco, id est in monasterio, pœniteat omnibus diebus vitæ suæ.

CAP. 66. — *De clericis maledicis. Ex concilio Carth. iv, cap. 57.*

(*Dist. 46, c. Clericus maledicus.*) Clericus maledicus maxime in sacerdotibus [maximeque a sacerdotibus], cogatur ad postulandam veniam; si noluerit, degradetur, nec unquam ad officium absque satisfactione revocetur.

CAP. 67. — *De illis qui detrahunt suis prioribus. Ex dictis Basilii (in regulis brevioribus ad q. 27).*

Si quis detraxerit ei qui præest, 7 dies a conventu Ecclesie separatus, ut Maria soror Aaron quæ detraxerat Moysi (*Num. xii*), pœniteat.

CAP. 68. — *Quibus modis tollendæ sint comessationes et ebrietates. August. in epist. 64 ad Aurelium episcopum.*

(*Dist. 44, c. Comessationes.*) Comessationes et ebrietates ita concessæ et licitæ putantur, ut in honorem etiam beatissimorum martyrum, non solum per dies solemnes (quod ipsum quis non lugendum videat, qui hæc non carnis oculis inspicit), sed et quotidie celebrentur. *Et post pauca.* Non ergo asperere (quantum existimo) non duriter, non modo imperioso ista tolluntur; sed magis docendo quam jubendo, magis monendo quam minando. Sic enim

agendum est cum multitudine; severitas autem exercenda est in peccata paucorum, et si quid minatur, cum dolore fiat, de Scripturis comminanda vindictam futuram, ne nos ipsi in nostra potestate, sed Deus in nostro sermone timeatur. Ita prius movebuntur spirituales vel spiritualibus proximi, quorum auctoritate et lenissimis quidem, sed instantissimis admonitionibus cætera multitudo frangatur.

CAP. 69. — *Quod crapula multum sit Christianis contraria. Ex dictis sancti Benedicti.*

Nihil sic contrarium est homini Christiano, quomodo crapula et ebrietas, sicut ait Dominus in Evangelio: *Videte ne graventur corda vestra crapula et ebrietate (Luc. xxi).*

CAP. 70. — *Ut malum ebrietatis omnino vitetur. Ex decret. Euthychian. papæ, cap. 8 (ad calc. decret. Eut.).*

Magnum malum ebrietatis, unde omnia vitia pullulant, Christianis modis omnibus cavere præcipimus. Qui autem hoc vitare noluerit, excommunicandum esse decrevimus, usque ad congruam emendationem.

CAP. 71. — *Ne episcopi et eorum ministri crapula et ebrietate graventur. Ex decretis ejusdem, cap. 9 (ad calc. decret. ejusd.).*

Episcopi et Dei ministri non debent comessationibus et vinolentis nimis incumbere, sed considerent sententiam Domini dicentis: *Attendite ne graventur corda vestra crapula et ebrietate (Luc. xxi).* Moderate enim cibum et necessarium sumptum sumant, ut, juxta Apostolum, sobrii sint et parati ad servitium Dei (*I Thess. v; I Tim. iii; Tit. i*).

CAP. 72. — *De eadem re. Ex conc. Cabilonensi cap. 10.*

Ut sobrietatem sacerdotes teneant, et hanc habendam fidelibus prædicent, quia non potest libere sobrietatem prædicare qui se mero usque ad alienationem mentis ingurgitat. Hoc et de comessationibus et cæteris pestibus ad gastrimargiam pertinentibus observandum est.

CAP. 73. — *De eadem re. Ex canonibus apostolorum, cap. 42.*

(*Dist. 35, c. Episcopus.*) Episcopus, presbyter, aut diaconus alexæ atque ebrietati deserviens, aut desinat, aut certe damnetur. Subdiaconus, aut lector aut cantor similia faciens aut desinat, aut communionem privetur. Similiter etiam laicus.

CAP. 74. — *De eadem re. Ibidem, cap. 45.*

Si quis episcopus aut aliquis ordinatus in consuetudine ebriosus fuerit, aut desinat, aut deponatur.

CAP. 75. — *Quales convivæ episcoporum epulis interesse debeant. Ex decretis Eusebii papæ, cap. 10 (annect. ad calc. decret. Euseb.).*

Oportet episcopum moderatis epulis contentum esse suosque convivas ad comendum et potandum non urgere, qui potius semper sobrietatis præbeat exemplum. Removeatur ab ejus convivio cuncta turpitudinis argumenta [augmenta, orig.], non ludicra spectacula, non acromatum vaniloquia, non fatuorum stultiloquia, non scurrilium admittantur

præstigia. Adsint peregrini, et pauperes, et debiles, qui de sacerdotali mensa Christum benedictentes benedictionem percipiant. Recitetur sacra lectio, subsequatur vivæ vocis exhortatio, ut non tantum corporali cibo, imo verbi spiritualis alimento convivantes se refectos gratulentur, ut in omnibus honorificetur Deus, per Jesum Christum Dominum nostrum.

CAP. 76.—*De pœnitentia sacerdotum et reliquorum ordinum si inebriati fuerint. Ex Pœnitentiali Theodoro episcopi.*

Sacerdos quilibet si inebriatur per ignorantiam, 7 dies pœniteat in pane et aqua. Si per negligentiam, 15 dies. Si per contemptum, 40 dies. Diaconus vel monachus secundum ordinem (ut scriptum est) ceu et reliqui clerici et ministri juxta ordinem judicio sacerdotis pœniteant. Laici velut vota non habentes, si inebriantur arguantur a sacerdote, quod *ebriosi regnum Dei non possidebunt (I Cor. vi)*, et interitus sit ebrietas, et compellat eos pœnitere. Qui cogit hominem ut inebrietur humanitatis gratia, acerrime corripiatur, et septem dies pœniteat; si per contemptum 30 dies. Nullus Christianus alium Christianum plus bibere cogat quam naturæ sufficiat. Quod si fecerit, juxta id quod in pœnitentiali habetur, pœniteat.

CAP. 77.—*De eadem re. Ex dictis Fructuosi episcopi.*

Si quis ecclesiastica præditus ordinatione, aut monachus repertus fuerit ebriosus, in pane et aqua tribus mensibus pœniteat.

CAP. 78.—*Ut clerici et ipsi a comessionibus et ebrietatibus abstineant, et subditos abstinere præcipiant. Ex decretis Eutychiani papæ, cap. 13 (ad calc. decret. Eutych.).*

Observandum est vobis ut et vos ab ebrietate abstineatis, et ut plebes subditæ abstineant, prædicitis (præcipiatis). Et neque per tabernas eatis bibendo aut comedendo, neque domos aut vicos curiositate qualibet peragretis; neque cum feminis aut cum quibuslibet personis impuris convivia exerceatis, nisi forte paterfamilias quilibet vos ad domum suam invitaverit, et cum conjugue sua et prole velit vobiscum spirituali gaudio lætari, et verborum vestrorum refectionem accipere, et vobis refectionem carnalem charitatis officio exhibere. Oportet enim ut, si quando quislibet fidelium carnalibus vos reficit epulis, a vobis reficiatur epulis spiritualibus.

CAP. 79.—*De pœnitentia ejus qui ebrius fuerit. Ex conc. Agathensi, cap. 41.*

(*Dist. 35, c. Ante omnia.*) Itaque eum quem ebrium fuisse constiterit (ut ordo patitur) aut 30 dierum spatio a communione statuimus submovendum, aut corporali dandum supplicio.

CAP. 80.—*Quod vinum ut venenum sit fugiendum. Ex dictis Augustini.*

Fuge vinum velut venenum, ne ebrietas superet te, exspoliatumque virtutibus te nudum efficiat. Vi-

num enim, ut sancta Scriptura dicit, *apostatare facit etiam sapientes (Eccli. xix)*. Attende Noe virum sapientem et sanctum quomodo per ebrietatem nactus est dormiens (*Gen. ix*). Attende et Lot patriarcham qui per ebrietatem se miscuit filiabus impudenter (*Gen. xix*). Hinc beatus Basilius dicit: Multi per vinum a dæmonibus capti sunt; nec est aliud ebrietas quam manifestissimus dæmon (113). Hinc propheta ait: *Fornicatio et vinum, et ebrietas aufert cor (Ose. iv)*. Ebrietas enim perturbationem parit, gignit mentis furorem, et flammam suscitât libidinis, Apostolo teste: *Nolite inebriari vino in quo est luxuria (Ephes. v)*. Si quis autem contra hæc fecerit sanctorum statuta, dignam et longam agat pœnitentiam, quia unum est ex his peccatis quæ hominem separant a regno Dei, dicente apostolo Paulo: *Neque ebriosi regnum Dei possidebunt (I Cor. vi)*.

CAP. 81.—*De pœnitentia ejus qui ex ebrietate vomitum fecerit. Ex Pœnitentiali Romano.*

Qui per ebrietatem vomitum facit, si presbyter aut diaconus est, 40 dies pœniteat; si monachus, 30 dies; si clericus, 20 dies; si laicus, 15 dies.

CAP. 82.—*De eadem re. Ex Pœnitent. Bedæ presbyteri.*

Laicus si per ebrietatem vomitum facit, tres dies a carne et vino, et cervisia abstineat.

CAP. 83.—*De pœnitentia ejus qui per nequitiam alios inebriat.*

Si quis per nequitiam alium inebriat, 40 dies pœniteat. Quod si in consuetudine habuerit, communionem privetur, donec digne pœniteat, et emendationem promittat.

CAP. 84.—*Quod fugienda sit ebrietas. Ex decret. Clementis papæ, cap. 35 (epist. 1 ad Jac. frat. Dom.).*

Ebrietatem oppido prohibebat, et ebriosos corpore et animo mortuos esse prædicabat. De quibus per exemplum aiebat: *Væ qui consurgitis mane ad ebrietatem sectandam, et potandum usque ad vesperam, ut vino æstuetis. Cithara, et lyra, et tympanum, et tibia, et vinum in conviviis vestris, et opus Domini non respiciitis, nec opera manuum ejus consideratis (Isai. v)*. Et iterum: *Væ qui potentes estis ad bibendum vinum, et viri fortes ad miscendum ebrietatem, qui justificatis impium pro muneribus, et justitiam justi aufertis ab eo. Propter hoc, sicut devorat stipulam lingua ignis, et calor flammæ exurit, sic radix eorum quasi favilla erit, et germen eorum ut pulvis ascendet. Abjecerunt enim legem Domini exercituum, et eloquium sancti Israelis blasphemaverunt; ideo iratus est furor Domini in populo suo, et extendit manum suam super eam, et percussit eam, et conturbati sunt montes, et facta sunt morticina eorum quasi stercus in medio platearum. In omnibus his non est aversus furor ejus, sed adhuc manus ejus extenta (ibid.).*

CAP. 85.—*Quæ mula ebrietas in corpore et mente hominis generet. Isidorus dicit (lib. II De sum. bono, c. 43.)*

Esææ crapulam, potus ebrietatem generant. Ebri-

(113) Basilius tomo II, in admonitione ad filium spiritualem.

- tas autem perturbationem gignit mentis, furorem cordis, flammam libidinis. Ebrietas ita mentem alienat, ut ubi sit nesciat. Unde etiam malum non sentitur quod per ebrietatem committitur. Verum est quod juxta prophetam dicitur: *Fornicatio et ebrietas auferunt cor (Ose. iv)*. Fornicatio enim, sicut ait Salomon, infatuat sapientem. Ebrietas, sicut in Lot, sensum rationis captivat (*Gen. xix*); unde et in Proverbiis: Potentes, inquit, qui iracundi sunt vinum non bibant, ne, cum liberint, obliviscantur sapientiam (*Prov. xxxi*). Plerisque laus est multum bibere, et non inebriari. Audiant hi adversum se dicentem prophetam: *Vae qui potentes estis ad bibendum vinum, et iri fortes ad miscendam ebrietatem (Isai. v)*. Vino multo deditos et luxuriose viventes Isaias sic arguit dicens: *Vae qui consurgitis mane ad ebrietatem sectandam, et potandum usque ad vesperam, ut vino æstuetis (Ibid.)*. De talibus et alio loco dicitur: *Vae tibi, civitas cujus rex juvenis est, et cujus principes mane comedunt (Eccl. x)*. Multi enim a mane usque ad solis occubitam ebrietati et gulæ voluptatibus serviunt, nec intelligunt cur nati sint, sed consuetudine belluina detenti, luxuriæ tantum tota die epulisque inserviunt. Clamat Joel propheta his qui ebrietati deserviunt, dicens: *Expergiscimini ebrii, et flete, et ululate omnes, qui bibitis vinum in dulcedine (Joel. i)*. Quo testimonia non ait tantum: *Flete omnes, qui bibitis vinum, ut bibere omnino non liceat, sed adjecit in dulcedine, quod ad voluptuosam pertinet et prodigam effusionem*. Nam quantum satis est necessitati edocet Timotheum bibere Apostolus dicens: *Vino modico utere (I Tim. v)*. Non solum ex vino inebriantur homines, sed etiam ex cæteris potandi generibus, quæ vario modo conficiuntur. Unde et Nazaræis qui se sanctificabant Domino, præceptum est vinum et siceram non bibere (*Num. vi*), utraque enim statum mentis evertunt, et ebrios faciunt, luxuriam quoque carnis utraque æqualiter gignunt. Quidam continentes sicut panem cum pondere edunt, ita et aquam cum mensura sumunt, asserentes ad castimoniam carnis etiam aquæ abstinentiam convenire.
- CAP. 86. — *De impunitate furiosi si quid per eum perditum fuerit. Lib. vii Institutionum, tit. 1.*
Quod infans vel furiosus perdidit possessori, vel corrupti, impunitum est.
- CAP. 87. — *Furiosis matrimonia non contrahenda, contracta non dirimenda. Institut. lib. xxiv, tit. 11. (Digest. lib. xxiii, tit. 11, l. 16).*
Furor contrahi matrimonium non sinit, quia consensu opus est, sed recte contractum non impedit.
- CAP. 88. — *Item, de eodem. Ambrosius super Lucam (Digest. lib. 1, tit. vi, l. 8).*
Furiosus licet ducere uxorem non possit, retinere tamen matrimonium potest.
- CAP. 89. — *Item, de furiosis (lib. iii Institut., tit. xx).*
Furiosus quoque nullum negotium gerere potest, quia non intelligit quod agit.
- CAP. 90. — *Quod idem sit sentiendum de furiosis filiis et parentibus. Novellarum constit., cap. 4.*
Si furiosus filius vel quæcunque persona liberorum sit in furore, eadem teneantur quæ superius de furiosis parentibus diximus.
- CAP. 91. — *De impunitate furiosi. Ambr. lib. Hexaem., in tract. primæ dñei (lib. 1, c. 4).*
In Judiciis istiusmodi voluntarios reos non ex necessitate compulsos culpa stringit, pœna condemnat. Neque enim si furore aliquis innocentem peremerit, obnoxius morti est; quin etiam ipsius divinæ legis oraculo, si quis per imprudentiam intulerit necem, accipit impunitatis spem, refugii facultatem, ut possit evadere. Hoc igitur de eo quod proprie malum videtur, dictum sit. Mala enim non sunt, nisi quæ crimine mentem implicant, et conscientiam ligant.
- CAP. 92. — *De eodem. August. lib. Quæstionum Veteris et Novi Testamenti, cap. 2.*
(15, q. 1, c. Quos scimus.) Aliquos sciurus subito dementes factos ferro, fuste, lapidibus, morsibus multis nocuisse, quosdam et occidisse. Captos autem industria et judiciis oblatos minime reos factos, eo quod non voluntate, sed, impellente vi nescio qua hæc gesserint nescientes. Quomodo enim reus constituitur, qui nescit quid fecerit?
- CAP. 93. — *Quod impubes et furiosi non possint testamentum facere. Instit. lib. 11, tit. 111.*
Testamentum facere non possunt impubes, quia nullum eorum animi iudicium est; item furiosi, quia mente carent. Nec ad rem pertinet si impubes postea pubes, aut furiosus postea compos mentis factus fuerit, et decesserit. Furiosi autem si per id tempus fecerint testamentum quo furor eorum intermissus est, jure testati esse videntur.
- CAP. 94. — *Judæos non esse cogendos ad fidem Christianam. Ex Tolet. conc. cap. 58 (cap. 56).*
(Dist. 45, c. De Judæis.) De Judæis præcepta sancta synodus nemini deinceps vim inferri ad credendum. Item, eodem conc. Judæi non vi sed libera arbitrii voluntate [liberi arbitrii facultate, Grat.] ut convertantur, suadendi potius sunt quam impellendi.
- CAP. 95. — *Ut nullus Judæis in errore suo patrocinetur. Item (cap. 57).*
- D Quiunque episcopus, sive clericus, sive sæcularis, ullis Judæis contra fidem Christianam vel munere vel favore auxilium præstiterit, vere ut profanus et sacrilegus, anathema effectus ab Ecclesia catholica et regno Dei efficiatur extraneus, quia dignum est ut a corpore Christi separetur, qui ejus inimicis patronus efficitur.
- CAP. 96. — *De infirmando Judæorum testimonia. Item (cap. 63).*
(2, q. 7, c. Non potest.) Infirmari oportet eorum testimonium, qui in fide falsi docentur, nec eis esse credendum qui veritatis fidem a se abjecerunt.
- CAP. 97. — *Ne publica officia Judæis committantur. Item (ibid., c. 46).*
(27, q. 4, c. Constituit sanctum.) Hi qui ex Judæis,

officia publica nullatenus appetant, quia sub hac occasione Christianis injuriam faciunt, ideoque iudices provinciarum cum sacerdotibus, eorum subreptiones fraudulentas suspendant, et officia publica eos agere non permittant. Si quis autem hoc permiserit, velut in sacrilegum excommunicatio proferatur, et is qui subreperit publicis codicibus [cædibus, orig.] deputetur.

CAP. 98. — *Ne Judæi mancipia Christiana emere præsumant. Item (cap. 65).*

Judæis non liceat Christianos servos nec Christiana mancipia emere, nec cujusquam consequi largitate. Nefas est enim ut membra Christi serviant membris Antichristi. Quod si deinceps servos Christianos vel ancillas Judæi habere præsumserint, sublatis ab eorum dominatu libertatem a principe consequantur.

CAP. 99. — *Ne Christiani Judæorum conviriis intersint. Ex concil. Aurelian. III, tempore Childeberti regis, cap. 13.*

Christianis convivia interdiciamus Judæorum in quibus si forte fuisse probantur, annuali excommunicationi pro hujuscemodi contumacia subjacebunt.

CAP. 100. — *Ne Judæi a Cæna Domini usque ad secundam seriam in publico appareant. Item cap. 29.*

Judæi a die Cænæ Domini usque in secundam Sabbati in Pascha, hoc est ipso quadriduo procedere inter Christianos, neque catholicis populis se ullo modo [loco, orig.] vel quacunque occasione miscere præsumant.

CAP. 101. — *Quod omni mansuetudine et benignitate Judæi ad fidei unitatem sint vocandi. Gregorius Petro episcopo Terracinensi (1 regist., ep. 34.)*

Joseph præsentium lator Judæus insinuavit nobis, quod de quodam loco, in quo ad celebrandas festivitates suas Judæi in Terracinensi castro consistentes convenire consueverant, tua eos fraternitas expulerit, et in alium locum pro colendis similiter festivitatis suis te quoque noscente et consentiente, migraverint, et nunc de eodem loco expulsos denuo se conqueruntur. Sed si ita est, volumus ut tua fraternitas ab hujusmodi se querela suspexdat, et locum quem (sicut prædiximus) cum tua conscientia quo congregentur adepti sunt, eis (sicut mos fuit) ibidem liceat convenire. Hos enim qui a Christiana religione discordant, mansuetudine, benignitate, admonendo, suadendo ad unitatem fidei necesse est congregare: ne quos dulcedo prædicationis et præventus futuri iudicis terror ad credendum invitare poterat, minis et terroribus repellantur.

CAP. 102. — *De servis Judæorum ad ecclesiam confugientibus. Gregorius lib. III registri Joanni episcopo Caralitiano (epist. 9).*

Pervenit ad nos servos ancillasque Judæorum fidei causa ad ecclesiam fugientes, aut infidelibus restitui dominis, aut eorum ne restituantur pretium dari. Hortamur igitur ut nullatenus tam prævam consuetudinem manere permittas, sed quilibet Ju-

dæorum servus ad venerabilia loca fidei causa confugerit, nullatenus eum patiamini præjudicium sustinere, sed sive olim Christianus, sive nunc fuerit baptizatus, sine ullo Christianorum pauperum damno, religioso ecclesiasticæ pietatis patrocinio in libertatem modis omnibus defendatur.

CAP. 103. *De Felice Christiano, quem quidam Samaritanos servituti subicere volebat. Item Joanni episcopo Syracusano (VII, ind. 1, ep. 22).*

Felix præsentium portitor questus nobis est, cum sit de Christianis natus parentibus, a quodam Christiano Samaræo se (quod dici scelus est) esse donatum. Et dum hujusmodi superstitionis homines Christiana quolibet modo mancipia possidere nec ratio legis, nec reverentia religionis admittat, se tamen per decem et novem annos in ejus assertis servitio permansisse. Sed cognoscente hoc decessore vestro sanctæ memoriæ Maximiano, ab eo se zelo (sicut decuit) sacerdotali commoto, de Samaræi servitio nefario dicit liberatum. Sed quia ejusdem Samaræi filius post 5 annos factus dicitur Christianus, et supradictum Felicem in ejus servitium (quantum ipse dicit) quidam nituntur redigere, sanctitas vestra hæc quæ edocti sumus diligenter inquirat, et si ita ea esse constiterit, eum tueri studeat, et a nullo sub qualibet occasione gravari permittat, quia, dum superstitiosæ sectæ mancipia dominos suos ad fidem præcedentia servitio eorum redigi aperte jura prohibeant, quanto magis hic de Christianis parentibus natus et factus a parvulo Christianus, hanc non debet quæstionem aliquo modo sustinere.

CAP. 104. — *Ut veteres synagogas Judæi obtineant. Item Gregorius Januario episcopo Caralitiano (VII ind. 2, ep. 5).*

Judæi de civitate vestra huc venientes questi nobis sunt quod synagogam eorum quæ Caralis sita est, Petrus qui ex eorum superstitione ad Christianæ fidei cultum, Deo volente, perductus est, adhibitis sibi quibusdam indisciplinatis, sequenti die baptismatis sui, hoc est Dominico in ipsa festivitate paschali cum gravi scandalo, sine vestra occupaverit voluntate, atque imaginem illic Genitricis Dei Domini nostri, et venerandam crucem vel birrum album, quo de fonte surgens indutus fuerat, posuerit. Paulo post. His hortamur affatibus, ut sublata exinde cum ea qua dignum est veneratione, imagine atque cruce, debeatis quod violententer ablatum est reformare, quia, sicut legalis definitio novæ Judæos non patitur erigere synagogas, ita quoque eos sine inquietudine veteres habere permittit.

CAP. 105. — *Ne Judæi a solemnitatibus suis vi arceantur. Item Paschasio episcopo Neapolitano (I, XI, ep. 15).*

(Dist. 43, c. Qui sincera.) Judæi habitantes Neapoli questi nobis sunt, asserentes quod quidam eos a quibusdam feriarum suarum solemnitatibus irrationabiliter nitantur arcere, ne illis sit licitum festivitatum suarum solemnia colere, sicut eis nunc usque et parentibus eorum longis retro temporibus

licuit observare vel colere. Quod si ita se veritas A CAP. 108. — *Quod Judæi bellandi potestatem amiserint. Hieronymus super Isaiam lib. II (in c. 2).*

CAP. 106. — *De mancipiis Judæorum si fieri Christiani voluerint, quid agendum sit. Gregorius Fortunato Neapolitano episcopo (l. v. regist., c. 131, seu ep. 31).*

(Dist. 54. c. *Fraternitatem.*) Fraternitatem vestram oportet esse sollicitam, si de Judæorum servitio non solum Judæus, sed etiam quisquam paganorum fieri voluerit Christianus postquam voluntas ejus fuerit patefacta, nec hunc sub quolibet ingenio vel argumento cuiuspiam Judæorum venundandi facultas sit, sed is qui ad Christianam converti fidem desiderat, defensione vestra in libertatem modis omnibus vindicatur. Illi vero quos hujusmodi oportet servos amittere, ne forsitan utilitates suas irrationabiliter existiment impediri sollicita vos hoc convenit consideratione servare, ut si paganos, quos mercimonii causa de externis finibus emerint, infra tres menses dum emptor cui venditi fuerant non invenitur, fugere ad Ecclesiam forte contigerit, et velle se dixerint fieri Christianos, vel etiam extra Ecclesiam hanc talem voluntatem prodiderint, pretium eorum a Christiano, scilicet emptore, percipiant. Si autem post præfinitos tres menses quisquam hujusmodi servorum Judaicorum velle suum dixerit, et fieri voluerit Christianus, nec aliquis eum postmodum emerit, nec dominus qualibet occasionis specie audeat venundare, sed ad libertatis procul dubio præmia perducatur, quia hunc non ad vendendum, sed ad sibi serviendum dicitur comparasse [reservasse, orig.].

CAP. 107. — *De zelo sacerdotum Christianorum contra Judæos. Ambrosius in epistola ad Wercellenses (ep. 29 ad Theod. imp.).*

Relatum est a comite orientis militarium partium incensam esse synagogam, idque auctore factum episcopo. Non assero expectandam fuisse assertionem episcopi; sacerdotes enim turbarum moderatores sunt studiosi pacis, nisi cum et ipsi moventur injuria Dei aut Ecclesiæ contumelia. *Item.* Quid mandas in absentem judicium? habes præsentem, habes contentum reum. Proclamo quod ego synagogam incenderim, quod illis mandaverim, ne etiam esset locus in quo Christus negaretur. *Item.* Non vides, imperator, quia Deus se pro illis prohibet rogari, quos tu vindicandos putas? *Item.* Quis habet synagogam vindicare? Christus, quem occiderunt, quem negaverunt? An Deus Pater vindicabit eos qui nec Patrem recipiunt? *Item.* Si de causis pecuniariis comites tuos consulis, quanto magis in causis religionis sacerdotes Domini æquum est consulas? *Item.* Integra adhuc tibi sunt omnia, in hoc me ego Deo nostro pro te obligo, nec verearis sacramentum. Nunquid Deo displicere poterit, quod pro ejus emendatur honorificentia? *Item.* Quod honorificentius fieri potuit, feci, ut me magis audires in regia, ne si necesse esset audires in Ecclesia.

Non est mirum si apud Judæos perierit omnis dignitas bellatorum, cum militandi sub gladio et arma portandi non habeant potestatem.

CAP. 109. — *De damnatione Judæorum si Christianum circumciderint. Cod. lib. I.*

(L. Judæi. C. de Jud. et cælic.) Judæi et bonorum proscriptio et perpetuo exilio damnabuntur, si nostræ fidei hominem circumcidisse eos, vel circumcidendum mandasse constiterit.

CAP. 110. — *De mancipii Judæorum, si ad Ecclesiam confugerint. Ex Vita beati Greg. lib. IV, cap. 45.*

Quemadmodum Judæos violentè baptizari Gregorius denegabat, ita Christianos eis quoquo modo subijci nullatenus permittebat. *Item, ibid., c. 45.*

Judæorum mancipia semel confugientia ad ecclesiam nusquam quibuslibet suasionibus reddi permittebat. *Item, ibid., c. 46.* Non solum Christiana mancipia in libertatem pristinam legaliter revocabat Gregorius, verum paganorum ad fidem venire voluntia, vendi nullo modo permittebat.

CAP. 111. — *Quod nulla infamis persona accusare possit. Stephanus omnibus episcopis, cap. 1.*

Accusator vestrum nullus sit servus aut libertus, nullaque suspendii rea, aut infamis persona. Repellantur etiam cohabitantes inimicis, et omnes laici, quos ad infestationem blasphemix affectio amicitix incitare solet.

CAP. 112. — *Ut Judæi conversi honorentur. Gelasius Quinigesimo episcopo.*

Vir clarissimus Telesinus, quamvis Judaicæ creditatis esse videatur, talem se nobis approbare contendit, ut eum merito nostrum [vestrum] appellare debeamus qui pro Antonio [Antio] parente suo specialiter postulavit, ut eum dilectioni tuæ commendare debeamus. Et ideo fratrem [frater] supra dictam voluntatis nostræ mandatorumque respectu ita te habere convenit, ut non solum in nullo penitus opprimatur, verum etiam in quo ei opus fuerit, solatio tuæ se gaudeat dilectionis adjutum.

CAP. 113. — *Qua diligentia examinandum sit de servis Judæorum. Gelasius Siracusio, Constantio et Laurentio episcopis.*

Judas qui Judaicæ professionis existit mancipium, juris sui quod ante paucos annos se asserit comparasse, nunc ad Ecclesiam Venetranam confugisse suggestit, sicut petitorii tenor annexus ostendit, eo quod dicat sibi ab infantia Christiano nuper a præfato domino signaculum circumcisionis infixum. Quapropter diligenter vestra inter utrumque sollicitudo rerum fideliter examinet veritatem, quatenus nec religio temerata videatur, nec servus hac objectione mentitus competentis jura domini declinare contendat.

CAP. 114. — *Quod Judæi servari debeant, non occidi. Alexander papa II omnibus episcopis Hispaniæ [Galliæ].*

Placuit nobis sermo, quem nuper de vobis audivimus, quomodo tutati estis Judæos qui inter vos habitant, ne interimerentur ab illis qui contra

Sarracenos in Hispaniam proficisciebantur. Illi aut eos, in infirmitatibus suis vocet, aut medicina ab eis accipiat, aut cum eis in balneo lavet. Si vero quisquam hoc fecerit; si clericus est, deponatur; si laicus vero, excommunicetur.

CAP. 115. — *De eodem. Berengario Narbonensi vicecomiti.*

Noverit prudentia vestra nobis placuisse quod Judæos qui sub vestra potestate habitant, tutati estis ne occiderentur. Non enim gaudet Deus effusione sanguinis, neque lætatur in perditione malorum. *Item, Willefredo [Wilfredo] Narbonensi archiepiscopo.* Omnes leges tam ecclesiasticæ quam sæculares, effusionem humani sanguinis prohibent.

CAP. 116. — *Ne medicina a Judæo accipiat. Ex septima synodo, cap. 11.*

Nullus eorum qui in sacro sunt ordine aut laicus azyma Judæorum manducet, aut cum eis habitet,

aut eos, in infirmitatibus suis vocet, aut medicina ab eis accipiat, aut cum eis in balneo lavet. Si vero quisquam hoc fecerit; si clericus est, deponatur; si laicus vero, excommunicetur.

CAP. 117. — *Ne Christiani cum Judæis ineant convivium. Ex concilio Agathensi cap. 40.*

(28, q. 1, c. Omnes deinceps clerici.) Omnes clerici sive laici Judæorum convivium vitent, nec eos ad convivium quisquam accipiat, quia, cum apud Christianos cibus communibus non utantur, indignum est atque sacrilegum eorum cibos a Christianis sumi, cum ea quæ Apostolo permittente nos sumimus ab illis judicentur immunda (I Tim. iv), ac sic inferiores incipiant esse Christiani quam Judæi, si nobis quæ ab illis vitantur apponuntur, illi [nosque ab illis] ponuntur utamur: illi, etc., orig.] vero a nobis oblata contemnant.

CAP. 118. — *Ne Judæi judices vel telonarii constituantur. Ex conc. Matisconensi tempore Guntrami regis, cap. 16 (Matic. conc. 1, c. 13).*

Ne Judæi Christianis præliis [populis, orig.] judices deputentur, aut telonarii esse permittantur, per quod illis (quod Deus avertat) Christiani videantur esse subjecti.

CAP. 119. — *De penitentia eorum qui cum Judæis cibum sumpserint. Ex conc. Eliberitano, cap. 30.*

Si aliquis clericus sive fidelis fuerit qui cum Judæis cibum sumpserit, placuit eum a communione abstinere, ut debeat emendari.

DECRETI PARS DECIMA QUARTA.

De excommunicatione justa vel injusta, et quibus de causis, et quo ordine facienda sit.

CAP. 1. — *Qua discretionem beatus Petrus docuerit in uno Clemente omnes Ecclesiæ præsules ligare et solvere (epist. 1 ad Jacobum fratrem Domini statim post princip.).*

Clementi trado, ait beatus Petrus, a Domino mihi traditam potestatem ligandi atque solvendi, ut de omnibus quibuscunque decreverit in terris, hoc decretum sit et in cælis. Ligabit enim quod oportet ligari, et solvet quod expedit solvi; tanquam qui ad liquidum Ecclesiæ regulam noverit.

CAP. 2. — *Item de eodem (ibidem aliquanto post).*

Omnes, o Clemens, cum tanta reverentia tua verba suscipiant, ut sciant legatum te et præconem esse veritatis, et quodcunque ligaveris super terram, erit ligatum et in cælo, et quodcunque solveris super terram, erit solutum et in cælo (Matth. xvi), quandoquidem quoniamquidem, orig.] (ut dixi) quæ oportet ligabis, et quæ expedit solves.

CAP. 3. — *Ne prælatus propriam sequens voluntatem aut solvere noxios, aut ligare conetur insontes. Gregorius in homilia 26 (lib. Quadragesima hom.).*

(11, q. 3, c. Plerumque.) Plerumque contingit ut hic judicis locum teneat, cujus ad locum vita mi-

nime concordat; ac sæpe agitur ut vel damnet immeritos, vel alios ipse ligatus solvat. Sæpe in solvendis ac ligandis subditis suæ voluntatis motus, non autem causarum merita sequitur pastor; unde fit ut ipsa ligandi ac solvendi potestate se privet, qui hanc pro suis voluntatibus, et non pro subditorum moribus exercet. Sæpe fit ut erga quemlibet proximum odio vel gratia moveatur pastor. Judicare autem digne de subditis nequeunt, qui in subditorum causis sua vel odia vel gratiam sequuntur. Unde recte per Prophetam dicitur: *Mortificabant animas quæ non moriuntur, et vivificabant animas quæ non vivunt (Ezech. xiii).* Non morientem quippe mortificat, qui justum damnat, et non victurum vivificare nititur, qui reum a supplicio absolvere conatur. Causæ ergo pensandæ sunt, et tunc ligandi atque solvendi potestatis exercenda, videndum quæ culpa, aut quæ si penitentia secuta post culpam, ut quos omnipotens Deus per compunctionis gratiam visitat, illos sententia pastoris absolvat. Tunc enim vera est absolutio præsentis, cum interni arbitrium sequitur iudicis. Quod bene quatruiduani Lazari illa resurrectio

designat, quæ videlicet demonstrat quia prius mortuum Dominus vocavit, et vivificavit dicens : *Lazare, veni foras* (Joan. 11), et postmodum is qui vivens fuerat egressus a discipulis est solutus, sicut scriptum est : Cumque egressus esset qui fuerat ligatus institis, tunc dixit discipulis : *Solvite eum et sinite abire* (ibid.), et ecce illum discipuli jam viventem solvunt, quem magister resuscitaverat mortuum. Si enim discipuli mortuum solverent, fetorem magis ostenderent quam virtutem. Ex qua consideratione nobis intuendum est quod illos nos debemus per pastoralem auctoritatem solvere, quos auctorem nostrum intelligimus per suscitantem gratiam vivificare. Quæ nimirum vivificatio ante recitandam operis in ipsa jam cognoscitur confessione peccati. Unde et huic ipsi mortuo nequaquam dicitur : *Revivisce, sed : Veni foras*. Omnis quippe peccator dum culpam suam intra conscientiam abscondit, introrsus latet, in suis penetralibus occultatur. Sed mortuus venit foras, cum peccator nequitas suas sponte confitetur. Lazaro ergo dicitur : *Veni foras*, ac si aperte cuilibet mortuo in culpa diceretur : Cur reatum tuum intra conscientiam abscondis? foras jam per confessionem egredere, qui apud te per cogitationem [negationem, orig.] interius lates. Veniat itaque foras mortuus, id est culpam confiteatur peccator. Venientem vero [foras inseritur in orig.] solvant discipuli, ut pastores Ecclesiæ ei penam debeant amovere, quam meruit qui non erubuit confiteri quod fecit. Hæc de solutionis ordine breviter dixerim, ut sub magno moderamine pastores Ecclesiæ vel solvere studeant, vel ligare.

CAP. 4. — *Quod sancti minime delinquant cum peccantes maledicti sententia feriunt. Gregorius in moralibus lib. 14, cap. 6.*

(24, q. 3, c. Cum sancti viri.) Cum sancti viri maledictionis sententiam proferunt, non ad hanc ex voto ultionis, sed ex justitiæ examine erumpunt [prorumpunt, orig.]. Intus subtile Dei iudicium aspiciunt, et mala foris exurgentia, qua maledictione ferire debeant cognoscunt, et eo maledicto non peccant, quo ab interno iudice [iudicio, orig.] non discordant.

CAP. 5. — *Item. Quod duobus modis maledictum proferatur, et injusta vincula justo non esse metueda* (Greg. Moral. l. 14, c. 5).

Scriptura sacra duobus modis maledictum memorat, aliud videlicet quod approbat, aliud quod damnat. Aliter enim maledictum profertur iudicio justitiæ, ut ipso primo homine peccante prolatum est, eum audivit : *Maledicta terra in opere tuo* (Gen. 11); et cum Abrahæ dicitur : *Maledicentibus tibi maledicam* (Gen. 11). Rursum quia maledictum non iudicio justitiæ profertur, sed livore vindictæ promitur, voce Pauli prædicantis admonemur, qui ait : *Benedicite et nolite maledicere* (Rom. 12). *Augustinus De verbo Domini secundum Matthæum, cap. 16.* (11, q. 3, c. Cæpisti.) Cæpisti habere fratrem tuum tanquam publicanum, ligas illum in terra, sed ut juste alliges vide, nam injusta vincula dirumpit justitia. Cum au-

tem correxeris et concordaveris cum fratre tuo, solvisti illum in terra; cum solveris in terra, erit solutus et in cælo.

CAP. 6. — *Quod abominabilis sit Deo qui vel justum ligaverit, vel solverit injustum. Hieronymus super Epistolam Pauli ad Philemonem (vers. 4).*

(11, q. 3, c. Si quis dixerit.) Si quis dixerit justum injustum, et injustum justum, abominabilis uterque apud Deum est (Prov. xviii). Similiter qui sanctum dicit esse non sanctum, et rursus non sanctum asserit sanctum, abominabilis apud Deum est.

CAP. 7. — *Quod apud Deum non sententia sacerdotum, sed unumquemque vita defendat aut damnet. Hieronymus super Matthæum libro tertio (in c. xvi).*

Tibi dabo claves regni cælorum, et quodcunque ligaveris super terram, erit ligatum et in cælo; et quodcunque solveris super terram, erit solutum et in cælo. Istum locum episcopi et presbyteri non intelligentes, aliquid sibi de Phariseorum assumunt supercilio, ut vel damnent innocentes, vel solvere se noxios arbitrentur, cum apud Dominum non sententia sacerdotum, sed reorum vita quærat. Legimus in Levitico de leprosis, ubi iubentur ut ostendant se sacerdotibus, et si lepram habuerint, tunc a sacerdote immundi fiant (Lev. xiv), non quo sacerdotes immundos faciant, sed quo habeant notitiam de leprosis, et non leprosis, et possint discernere qui mundus, quive immundus sit. Quomodo ergo ibi sacerdos mundum vel immundum leprosum non facit, sic et hic non alligat vel solvit episcopus et presbyter eos qui insontes sunt vel noxii, sed pro officio suo cum peccatorum audierit varietates, scit qui ligandus sit, qui solvendus.

CAP. 8. — *Sententiam injuste prolatam nullatenus esse metuendam. Gelasius episcopus Orientalibus, de communionem Acacii vitanda.*

(11, q. 3, c. Cui est illata.) Cui est illata sententia, deponat errorem, et vacua est. Si injusta est, tanto eam curare non debet, quanto apud Deum et Ecclesiam ejus neminem potest iniqua gravare sententia. Ita ergo ea se non absolvi desideret, qua se nullatenus perspicit obligatum.

CAP. 9. — *Non impune cedere si quis patitur injuste. August. De summo bono.*

(11, q. 3, c. Secundum catholicam.) Secundum catholicam fidem sanamque doctrinam, nec Dei naturæ nocere quisquam potest, nec natura Dei injuste nocere cuiquam, nec nocere injuste patitur quemquam. Qui enim nocet, ait Apostolus; recipiet hic quod nocuit (Col. 11).

CAP. 10. — *Nullum damnari nisi pro iniqua conscientia. Aug. De sermone Domini in monte (lib. 11, c. 29).*

(11, q. 3, c. Temerarium.) Temerarium iudicium plerumque nihil nocet ei de quo iudicatur temere. Ei autem qui temere iudicat, ipse temeritas necesse est ut noccat.

CAP. 11. — *Item. Augustinus in epistola ad clericum Hipponensem (epist. 137).*

Nunc si vobis placet ut nomen presbyteri non re-

citetur, ne iis qui ad ecclesiam nolunt accedere, sicut ait Apostolus, demus occasionem (II Cor. II), non erit hoc nostrum factum. Quid enim obest homini, quod ex illa tabula non vult eum recitari humana ignorantia, si de libro viventium non eum dicitur iniqua conscientia!

CAP. 12. — *De eodem Augustinus ad Secundinum Manichæum (tom. VI, lib. contra Secundinum Manich. c. 1).*

(11, q. 3, c. Sent.) Senti de Augustino quidquid libet, sola me in oculis Dei conscientia non accuset.

CAP. 13. — *In iudicio solam timendam esse conscientiam. Aug. super psal. xxxvi (ad vers. 33).*

(11, q. 3, c. Etsi tempus.) Etsi ad tempus damnaris ab homine, et si dixeris sententiam proconsuli [sive is sententiam proconsulis] in Cyprianum, aliud est sella terrena, aliud tribunal cæleste, ab inferiore accipit sententiam, a superiore coronam.

CAP. 14. — *Iusto pro maledicto injuste illato præmium fore sperandum. Augustinus super psal. xxxvii (ad vers. 16).*

(11, q. 3, c. Custodi.) Custodi intus innocentiam tuam ubi nemo opprimit causam tuam. Prævaluit in te falsum testimonium, sed apud homines. Nunquid apud Deum valebit, ubi causa tua dicenda est? Quando Deus erit iudex, alius testis quam conscientia tua non erit. Inter iudicem justum et conscientiam tuam noli timere, nisi causam tuam. Item. *Augst. super psal. 102 (ad vers. 6).* Qui justus est et injuste maledicitur, præmium illi redditur.

CAP. 15. — *Ut presbyter vel diaconus ab episcopo suo quocunque modo dejectus a provincialibus episcopis discutiatur, et ante hoc a nemine in communionem recipiatur. Ex Sardicensi conc. cap. 117.*

(11, q. 3, c. Si episcopus forte iracundus.) Si quis episcopus forte iracundus (quod esse non debet) cito et aspere commoveatur adversus presbyterum sive diaconum, et exterminare eum de Ecclesia voluerit, videndum est ne innocens damnatur, aut perdat communionem. Et ideo habeat potestatem is qui abjectus est, ut episcopos finitimos interpellet, et causa ejus audiatur, ac diligentius tractetur, quia non oportet ei negari audientiam roganti. Et ille episcopus qui juste aut injuste eum abiecit, patienter accipiat ut negotium discutiatur, ut vel probetur sententia ejus a plurimis, vel emendetur. Tamen priusquam omnia diligenter et fideliter examinentur, eum qui fuerit a communionem separatus, nullus debet præsumere ut communioni societ.

CAP. 16. — *Ut episcopis qui subjectis vehementes fuerint et implacabiles a vicinis episcopis communicatio denegetur. Ex Arelatensi concilio, cap. 11 (Agath. conc. 3)*

(11, q. 3, c. Episcopi.) Episcopi si sacerdotali moderamine postposito, innocentes ac minimis causis culpabiles excommunicare præsumperint, aut ad gratiam festinantes recipere fortasse noluerint, a vicinis episcopis cujuslibet provinciæ litteris mo-

neantur; et si parere noluerint, communicatio illis usque ad tempus synodi a reliquis episcopis denegetur.

CAP. 17. — *Exemplum hujus rei. Gregorius magno episcopo [presbytero habet Greg.] Mediolani (l. II, ind. 41, ep. 26.)*

(24, q. 3, c. Comperimus.) Comperimus quod Laurentius quondam frater et coepiscopus noster, nullis te culpis exstantibus communionem privaverit, ideoque hujus præcepti nostri auctoritate munitus officium tuum securus perage, et communionem sine aliqua sume formidine.

CAP. 18. — *Ne episcopus præcipitem sententiam dicet. Gregorius Maximiano Syracusano episcopo (l. XII regist. cap. 26).*

Frequenter me admonuisse vos recolo, ut in profrenda sententia esse præcipientes nullatenus deberetis, et nunc ecce cognovi quia reverendissimum virum abbatem Eusebium commota furore vestra fraternitas excommunicavit; quod ego valde miratus sum.

CAP. 19. — *Ut sana ratio corrigat quod mens turbata peccaverit. Augustinus ad Auxilium episcopum (epist. 73).*

Precor ut ignoscas precanti veniam excommunicato, si agnoverit culpam. Si autem nihil eum peccasse, prudenter advertis, fac quod sanctum virum facere oportet, ut si tibi contigit tanquam homini, quod utique homo dicit in psalmo: *Turbatus est præ irâ oculus meus (Psal. v)*, exclames ab Deum: *Miserere mei, Domine, quoniam infirmus sum (ibid.)*, ut porrigat tibi dextram suam, et comprimat iracundiam tuam, et tranquillet mentem tuam ad videndam faciendamque justitiam. Aufer gesta ecclesiastica quæ perturbatio quam consideratio forsitan fecisti.

CAP. 20. — *Sugillatio sacerdotum qui ad persequendas culpas prosiliunt incaute. Rabanus De pressuris ecclesiasticis, lib. 1.*

(24, q. 3, c. Non in perpetuum.) Non in perpetuum damnatur cum injuste judicatur, dicente Psalmista: *Nec damnabit illum cum judicabitur illi (Psal. xxxvi)*. Multi denique sacerdotum culpam zelo Dei se persequi profitentur, sed dum indiscrete hoc agunt, sacrilegii facinus incurrunt, et dum præcipientes quasi ad emendandum ruunt, ipsi quoque multo magis deterius cadunt.

CAP. 21. — *Qualiter in prælatum vindicari debeat, qui subjectum illicite damnaverit. Ex concilio Parisiensi tempore Ludovici.*

(24, q. 3, c. De illicita.) De illicita excommunicatione lex Justiniani catholici imperatoris, quam probat et servat Ecclesia catholica constitutione 118, capite 451, decrevit ut nemo episcopus, nemo presbyter, excommunicet aliquem, antequam causa probetur propter quam ecclesiastici canones hoc fieri jubent. Si quis autem adversus ea aliquem excommunicaverit, ille quidem qui excommunicatus est majoris sacerdotis auctoritate ad gratiam sanctæ communionis redeat. Is autem qui non legitime excommunicavit, in tantum tempus absteineat a sacra communionem, quantum majori sacerdot

visum fuerit, ut id quod injuste fecit ipse juste patiat. Et hinc sanctus Gregorius ad Joannem episcopum (*lib. III Regist. c. 45, ep. 6, primæ Justinianæ*) injuste excommunicantem inter cætera scripsit, dicens: « Cassatis prius, atque ad nihilum redactis prædictæ sententiæ tuæ decretis, ex beati Petri apostolorum principis auctoritate, decernimus 30 dierum spatium sacra te communionem privatum, ab omnipotenti Deo tanti excessus veniam cum summa poenitentia ac lacrymis exorare. Quod si hanc sententiam nostram te cognoverimus implere remissius, non jam tantum injustitiam, sed et contumaciam fraternitatis tuæ cognoscas, juvante Domino, severius puniendam, quia nemo præpropere vel præpostere, scilicet non commonitus, neque conventus est judicandus, de conventionem hujusmodi patris manifestorum criminum lex dicit. Quicumque tribus auctoritatibus iudicis conventus, vel tribus elictis fuerit ad iudicem provocatus, aut uno pro omnibus peremptorio, id est quod causam exstinguit, fuerit evocatus, et præsentiam suam apud iudicem a quo ei denuntiatur exhibere noluerit, adversus eum quasi in contumacem iudicari potest, quinimo nec retractari per appellationem negotia possunt, quoties in contumacem fuerit iudicatum. » Et hanc sententiam de tribus auctoritatibus conventis ex Evangelica veritate Cælestinus ad Nestorium scribens, et Ephesina synodus de eodem decernens (*ep. conc. Ephes. ad Nestorium*), et beatus Gregorius ad Joannem scribens (*cap. 44*) comprobant. De peremptorio autem scripto, Africanum concilium monstrat de Cresconio, ut si conventus respiscere detrectaverit, suo contemptu et contumacia faciente, auctoritate iudiciali protinus excludatur. Et item beatus Gregorius de sententia in contumacem, scribens ad Maximum præsumptorem Salonitanum episcopum dicit (*V. regist. ep. 3. seu c. 105*): Hortamur ut ad nos venire omni postposita excusatione festines, quatenus servata iustitia hæc de quibus accusaris et cognoscere et finire secundum canonica instituta, Christo revelante possimus. Ita autem fac ut ad veniendum amplius jam moras non ingeras, ne ipsa te magis absentia obnoxium his quæ dicuntur assignet, et nos in te hæc res non solum propter dicta crimina quæ purgare subterfugis, sed etiam propter inobedientiæ culpam durius scilicet ut in contumacem, cogat ex concilio ferre iudicium.

CAP. 22. — *Quales subjecti erga eos esse debeant qui animum offenderint præsentis. Ex epistola I Clementis ad Jacobum.*

Quædam ex vobis ipsis intelligere debetis, si quæ sunt quæ episcopus vester propter malorum hominum insidias non potest evidentius et manifestius proloqui, verbi gratia, si inimicus est alicui pro actibus suis, nolite exspectare ut ipse vobis dicat: Cum illo nolite amici esse; sed prudenter observare debetis, et voluntati ejus absque contentione obsecundare, et avertere vos ab eo cui ipsum sentitis

A adversum. Sed nec loqui his quibus ipse non loquitur, ut unusquisque qui in culpa est, dum cupit omnium vestrorum amicitias ferre, festinet citius ei reconciliari qui omnibus præest, et per hoc redeat ad salutem, cum obedire cœperit monitis præsentis. Si quis vero amicus fuerit his quibus ipse amicus non est, et locutus fuerit his quibus ipse non loquitur, unus est, et ipse ex illis qui exterminare volunt Dei Ecclesiam, et cum corpore vobiscum esse videatur, et mente et anima contra vos est, et multo est nequior hostis hic, quam hi qui foris sunt, et evidenter inimici sunt.

CAP. 23. — *Ut communicans excommunicatis similem sortiatur vindictam. Calixtus episcopus Galliarum (epist. 2, c. 2).*

B (11, q. 3, c. *Excommunicatos*.) Excommunicatos quoque a sacerdotibus nullus recipiat ante utriusque partis justam examinationem, nec cum eis in oratione, aut cibo, vel potu, vel osculo communicet, nec Ave eis dicat. Quia quicumque in his vel aliis prohibitis scienter excommunicatis communicaverit, juxta apostolorum institutionem (*cap. 11 Can. Apost.*), et ipse simili excommunicationi subjacebit.

CAP. 24. — *De eadem re. Fabianus papa Ecclesiæ ministris (epist. 1).*

(11, q. 3, c. *Sicut apostoli*.) Cum excommunicatis non est communicandum. Et si quis cum excommunicato avertendo regulas scienter saltem in domo simul locutus fuerit vel oraverit, ille communionem privetur.

CAP. 25. — *Ne quis episcopus alterius episcopi presbytero vel diacono communionem privato scienter communicet. Ex Sardicensi concilio, cap. 16.*

Sive diaconus, sive presbyter, sive quis clericorum ab episcopo suo communionem fuerit privatus, et ad alterum perrexerit episcopum, et scierit ille ad quem confugit, eum ab episcopo suo fuisse abjectum, non oportet ut ei communionem indulgeat. Quod si fecerit, sciat se convotis episcopis causam esse dicturum.

CAP. 26. — *Ut quilibet ecclesiastici ordinis minister excommunicatis communicantes communionem priventur. Ex Antiochensi conc. cap. 2 (Anth. 1, sub Julio I).*

D Si quis de episcopis, vel presbyteris, vel diaconis, seu quilibet ex clero deprehensus fuerit cum excommunicatis communicare, etiam iste privetur communionem, ianquam qui regulam confundit Ecclesiæ.

CAP. 27. — *Ne quis clericum communionem privatum recipiat, nisi aut suo episcopo reconciliatum, aut synodali satisfactione purgatum. Ex eodem conc. cap. 6.*

(11, q. 3, c. *Si quis a proprio*.) Si quis a proprio episcopo communionem privatus est, non ante suscipiatur ab aliis quam suo reconcilietur episcopo, aut certe ad synodum quæ congregatur occurrens, pro se satisfaciatur.

CAP. 28. — *Ab Ecclesia eliminatum quisquis clericus*

rum in communionem receperit pari lege judicetur. A
Ex conc. II Carthag. cap. 7.

(11, q. 3, c. Qui merito.) Qui merito facinorum suorum ab ecclesia expulsi sunt, si ab aliquo episcopo, vel presbytero, vel clerico [diacono] fuerint in communione suscepti, etiam ipsi pari crimine cum eisdem teneantur obnoxii. De eadem re. Ex concilio IV Carthag. cap. 73 (11, q. 3, c. Qui communicaverit). Qui communicaverit vel oraverit cum excommunicato, sive clericus sive laicus, excommunicatur.

CAP. 29. — De eadem re. Ex Cæsaraugustensi conc. cap. 5.

Hi qui per disciplinam aut sententiam episcopi ab Ecclesia fuerint separati, ab aliis episcopis non sunt recipiendi. Quod si scientes episcopi fecerint, non habeant communionem. B

CAP. 30. — De eadem re. Ex conc. Tolet. I, cap. 15.

(11, q. 3, c. Si quis laicus.) Si quis laicus abstinetur, ad hunc vel ad domum ejus, vel clericorum vel religiosorum nullus accedat. Similiter et clericus si abstinetur, a clericis devitetur. Si quis cum illo colloqui aut convivari fuerit deprehensus, etiam ipse abstinetur. Sed hoc pertinet ad eos clericos qui unius [ejusd., or.] sunt episcopi, et ad omnes qui moniti fuerint de eo qui abstinetur sive laico quolibet sive clerico.

CAP. 31. — De eadem re. Ex canonibus Martini episcopi ad laicos (cap. 84).

Non liceat communicare excommunicatis, neque in domos eorum introeuntes orare cum eis. Si autem aliquis episcopus, aut presbyter, aut diaconus, aut quilibet ecclesiasticus excommunicato communicaverit, quasi perturbans omnem disciplinam Ecclesiae, excommunicetur. C

CAP. 32. — Item de eodem. Gregorius Jannario episcopo Sardiniae (l. III regist. ep. 24).

Eis qui ab ecclesiastica excommunicatione suspensi sunt, nullus religiosus secundum canonum statuta jungatur.

CAP. 33. — Ne quis contra ecclesiasticam satisfactionem excommunicatis communicet. Gelasius Majorico, Serano, et Joanni episcopis.

Cœlestinus presbyter fratris et coepiscopi nostri Serani, qui contra pontificale iudicium contraque apostolicæ sedis mandata prorumpens, supradictis communionem sacram ministrare præsumpsit, cum non poterit ignorare sententiam proprii sacerdotis, ab officio protinus ecclesiastico repellatur, ut nullus ecclesiæ ministrorum contra pontificalia statuta venire contendat. D

CAP. 34. — De eadem re. Ex Regula sancti Benedicti, cap. 26.

Si quis frater præsumperit sine jussione abbatis fratri excommunicato quolibet modo se jungere aut loqui cum eo, vel mandatum ei dirigere, similem sortiatur excommunicationis vindictam.

CAP. 35. — Ut excommunicatus ante examen non communicet, statuta misericorditer penitentia his

qui aliter fecerint. Joannes VIII, clero et ordini Salernitano.

(11, q. 3, c. De illis presbyteris.) De illis presbyteris qui tempore sanctissimi prædecessoris nostri domini papæ Nicolai excommunicati sacrum ministerium contingere præsumperunt, ipsi in se damnationis (sicut sancti canones statuerunt) sententiam intulerunt. Tamen quia miseratio apostolica veniam solet præstare correctis, ob multitudinem misericordiæ illis hanc indulgentiam exhibemus, ut sancta communione saginati studeant tribus continuis annis per hebdomadam omni secunda et sexta feria, a vino aut aceto penitus jejunaire [omni tempore, II et IV et VI feria a vino et carne penitus jejunaire sic Grat.], et ultra lugenda nequaquam committere.

CAP. 36. — Ut nullus Ecclesie sacramenta ab excommunicatis accipiat. Joannes VIII Michaeli regi Bulgarorum.

Si ab his quos excommunicatos habebamus sacramenta quæcunque suscipitis, constat quia idololatram, non ut Catholici essetis, sed ut schismatici efficeremini, reliquisse videmini.

CAP. 37. — Item ut clericus sive laicus a suo episcopo damnatus ab aliis non recipiatur. Ex conc. Nicæno, cap. 5.

De his qui communionem privantur, seu ex clero, seu ex laico ordine, ab episcopis per unamquamque provinciam sententia regularis obtineat, ut hi qui abjiciuntur, ab aliis non recipiantur.

CAP. 38. — De eadem re. Ex epistola Carthag. conc. ad Cœlestinum papam (exstat inter decreta conc. African. c. 105, c. 5)

Deprecamur ut deinceps ad aures vestras hinc venientes non facilius admittatis, nec a nobis excommunicatos in communionem ultra velitis excipere, quia etiam hoc Nicæno concilio definitum facile advertit venerabilitas tua. Nam si de inferioribus clericis vel laicis videtur tibi præcaveri, quanto magis hoc de episcopis voluit observari, ne in provincia a communione suspensi a tua sanctitate præpropere vel indebite videantur communionem restitui? Presbyterorum quoque et sequentium clericorum improba refugia (sicut te dignum est) repellat sanctitas tua.

CAP. 39. — Item de eadem re Nicolaus. Epiphanio episcopo.

Sancimus ut si quis presbyter pro aliquo neglectu aut crimine a proprio excommunicatus fuerit episcopo, ab alio episcopo non communicetur. Si vero ante audientiam communicare præsumperit, damnationis in se illatam cognoscat sententiam.

CAP. 40. — De eadem re. Ex canon. Apostolorum, cap. 11.

(11, q. 3, c. Sicut apostoli.) Si quis excommunicato saltem in domo locutus fuerit, vel oraverit, iste communionem privetur. Exemplum cavendi: Ex lib. Pontificali. (Dist. 19, c. Anastasius.) Anastasius II, natione Romanus, sedit anno uno, mensibus 11, diebus 24. Et multi presbyteri atque clerici ejecerunt se a communione ipsius eo quod sine consilio eorum

communicasset diacono Theasalonica. qui communis erat Acacio, et quia occulte voluit revocare Acacium, et non potuit, quia divino nutu percussus est Acacius.

CAP. 41. — *Quod nemo possit juste damnari, nisi canonice ad audientiam vocatus. Alexander II Gervasio Remensi archiepiscopo.*

Iuste non potest fieri, ut prius quis a quoquam praelato excommunicetur, quam missa synodica canonice ad respondendum vocetur.

CAP. 42. — *Ut praelatus si quem ante probationem causæ damnaverit, majori audientiæ addictus recipiat et ipse quod fecit. Novellarum constitut. 11, cap. 20.*

(2, q. 1, c. *Nemo episcopus.*) Nemo episcopus, nemo presbyter excommunicet aliquem, antequam causa probetur propter quam ecclesiastici canones hoc fieri jubent. Si quis autem adversus ea excommunicaverit aliquem, ille quidem qui excommunicatus est, majoris sacerdotis auctoritate ad gratiam sanctæ communionis redeat, is autem qui non legitime excommunicavit, in tantum absteineat tempus, quantum majori sacerdoti visum fuerit, ut quod injuste fecit, iuste patiatur.

CAP. 43. — *Quo moderamine sedes apostolica in ferenda sententia qualitatibus hominum condescendat. Ex decretis Gregor. VII.*

11, q. 3, c. *Quoniam multos.*) Quoniam multos peccatis nostris exigentibus, pro causa excommunicationis perire quotidie cernimus, partim ignorantia, partim nimia simplicitate, partim timore, partim etiam necessitate, devicti misericordia, anathematis sententiam ad tempus (prout possumus) temperamus. Apostolica itaque auctoritate ab anathematis vinculo hos subtrahimus, videlicet uxores, liberos, filios, servos, ancillas seu mancipia, nec non rusticos, et servientes, et omnes alios qui non adeo curiales sunt, ut eorum consilio scelera perpetrentur, et eos qui ignoranter excommunicatis communicant, sive illos qui communicant cum eis qui excommunicatis communicant. Quicumque autem aut arator, aut peregrinus, aut viator in terram excommunicatorum devenerit ubi non possit emere, vel non habeat unde emat, ab excommunicatis accipiendi licentiam damus. Et si quis excommunicatis non pro sustentatione superbæ, sed humanitatis causa dare voluerit, non prohibemus.

CAP. 44. — *Utrum uno quolibet peccante tota domus ejus anathemate ferienda sit. Ex epist. Augustini ad Auxilium episcopum (epist. 75).*

(21, q. 3, c. *Si habes.*) Si habes de hac re sententiam certis rationibus vel Scripturarum testimoniis exploratam, nos docere digneris quomodo recte anathematizetur pro patris peccato filius, aut pro mariti uxor, aut pro domini servus, aut quisquam in domo etiam nondum natus, si eo tempore quo universa domus est anathemate obligata nascatur, nec ei possit per lavacrum regenerationis in mortis periculo subveniri. Hæc [nec] enim corporalis est pœna, qua legimus quosdam contemptores Dei cum suis omnibus qui ejusdem impietatis participes fue-

runt, pariter interfectos. Tunc quippe ad terrorem viventium mortalia corpora perimebantur, quandoque etiam moritura. Spiritualis autem pœna, qua fit quod scriptum est : *Quæ ligaveris super terram erunt ligata et in cælo* (Matth. xvi), animas obligat, de quibus dictum est : *Anima patris mea est ; et anima filii mea est ; Anima quæ peccaverit ipsa morietur* (Ezech. xviii). Audistis fortasse aliquos magni nominis sacerdotes cum domo sua quempiam anathematizasse peccantium. Ego autem si quis ex me quæsierit, utrum recte fiat, quid ei respondeam non invenio. Nunquam hoc facere ausus sum de quorundam facinoribus unanimiter adversus Ecclesiam perpetratis, nisi gravissime commoverer. *Item, pauculis interjectis.* Quomodo possumus vel Deo vel hominibus justam reddere rationem, si animas innocentes pro scelere alieno quod non trahunt, sicut ex Adam *in quo omnes peccaverunt* (Rom. v), originale peccatum spirituali supplicio puniamus ? Et enim Classiciani filius et si traxit ex patre noxam primi hominis sacro fonte baptismatis expiandam, tamen quidquid postea qui eum genuit, peccati pater ejus admisit, ubi particeps iste non fuit, ad eum non pertinere quis ambigat ? Quid dicam de conjugæ ? quid dicam de tot animabus in universa familia ?

CAP. 45. — *Apostolicæ sedis exemplum, quomodo quosdam excommunicatos publice pronuntiet, quosdam quasi dissimulet, quos tamen salvandos pœnitentiæ medicamento monet. Urbanus II Gibehardo Constantiensi episcopo.*

Excommunicationis quæstione tractata, sancti prædecessoris nostri Gregorii sententiam confirmantes, ita eam domino inspirante determinavimus. Primo siquidem gradu Ravennatem hæresiarcham Romanæ Ecclesiæ invasorem ab omnibus catholicæ Ecclesiæ membris alienum et excommunicatum esse censemus. Secundo eos qui armis, pecunia consilio aut obedientia ecclesiasticos maxime ordines aut honores ab eis accipiendo, eorum nequitiz adminiculum subministrant. Hos igitur principaliter anathematis vinculis astringentes, in tertio gradu communicantes eis nos quidem non excommunicavimus, sed quia ipsi se eorum communione [excommunicatione] condemnant, in nostram eos societatem sine pœnitentiæ ultione et absolutione nequaquam recipimus. Sanctis quippe canonibus cautum constat, ut qui excommunicatis communicaverit, excommunicetur. Ipsi tamen pœnitentiæ atque absolutionis modos ea moderatione decrevimus, ut quicumque seu ignorantia, seu timore, seu necessitate negotii cujusquam maximi et maxime necessarii, eorum se convictu, salutatione, oratione, osculove contaminaverit, minoris pœnitentiæ medicina societatis postre participium sortiatur. Eos vero qui aut spontaneæ aut negligenter inciderint, sub ea volumus disciplinæ coercitione suscipi, ut cæteris metus incutiatur.

CAP. 46. — *De eadem re. Nicolaus papa Hincmaro Remorum archiepiscopo.*

(11, q. 3, c. *Excellentissim.*) Excellentissimus rex Carolus apostolatum nostrum consuluit, quid agendum sit de his qui communicant cum his qui cum Ingeltrude [Engiltrude] sæpe damnata communicant femina, quoniam eam cum communicatoribus et fautoribus suis pari vinculo anathematis retineri constat astrictam. Quapropter nunc beatitudini tuæ injungimus ut super hoc nostra auctoritate freta curam de his sumere studeat. Et quia docta divinitus sanctitas tua valde novit aliud esse ex necessitate, aliud ex ignorantia, atque aliud quod ex studio delinquitur, istudque posterius duobus prioribus strictius esse puniendum, idcirco solerter invigilet et cauta discretionem singulorum modos dijudicet, quatenus hi ex necessitate vel ignorantia delinquant auctoritate nostra per te absolvantur, si tamen ipsa eorum ignorantia vel necessitas vera et non simulata, vel non ex voluntate processerit. Quia ut bene nosti, plerique sunt qui possunt quidem, sed non volunt recta nosse. Unde Psalmista de hujusmodi: *Noluit, inquit, intelligere ut bene ageret (Psal. xxxv)*. Illos autem qui studio suo obliantur et contemptu interdicta nostra postponunt, non nisi digna satisfactione præveniente volumus a te prorsus absolvi.

CAP. 47. — *Quod ratum sit in cælo Ecclesiæ iudicium. Augustinus super Joannem parte 1, tract. 44 (114).*

Cum excommunicat Ecclesia, in cælo ligatur excommunicatus; cum reconciliat Ecclesia, in cælo solvitur reconciliatus.

CAP. 48. — *Item de potestate Ecclesiæ. Chrysostomus super epistolam ad Hebræos, sermone 4 (hom. 4. ad c. 11 Ep. ad Hebr.).*

(11, q. 3, c. *Nemo contemnat.*) Nemo contemnat vincula ecclesiastica; non enim homo est qui ligat, sed Christus, qui hanc potestatem dedit, et dominos fecit homines tanti honoris.

CAP. 49. — *Quid sit anathematizari. Ex quintæ synodi actione 5.*

(24, q. 3, c. *Certum est.*) Certum est quod qui impius demonstratus est, omnimodo separatus est a Deo; sicut etiam ille qui anathematizatus tanquam impius separatus est. Nihil enim aliud significat anathema, nisi a Deo separatio. *Actione 8.* Iudicium anathematis nihil aliud est, nisi a Deo separatio, quod impius licet in verbo ab aliquo non suscepisset, tamen anathema re ipsa sibi infert per suam impietatem, semetipsum a vera vita separans.

CAP. 50. — *Quam grave sit periculum anathematizari. Augustinus De verbis Apost. serm. 68 (115).*

(11, q. 3, c. *Omnis Christianus.*) Omnis Christianus, dilectissimi, qui a sacerdotibus excommunicatur, Satanæ tradi dicitur. Quomodo? Scilicet quia extra Ecclesiam est diabolus, sicut in Ecclesia Chri-

stus. Ac per hoc quasi diabolo tradi dicitur, qui ab ecclesiastica communione removetur. Unde illos quos tunc Apostolus Satanæ esse traditos prædicat (*1 Tim. 1*), excommunicatos a se esse demonstrat. CAP. 51. — *Quid intersit inter excommunicationem et anathema. Joannes VIII Luitberto archiepiscopo Maguntino.*

Engeltruden uxorem Bolonis noveris non solum excommunicatione (quæ a fraterna societate separata), sed et anathemate, quod ab ipso corpore Christi, quod est Ecclesia, recidit, crebro percussam.

CAP. 52. — *Quam sit grave anathema. Ex Historia Anastasii bibliothecarii Romanæ Ecclesiæ.*

Tharasius patriarcha eum eligeretur, dixit: Anathema procul a Deo emittit, et a regno cælorum expellit, ducens in tenebras exteriores.

CAP. 53. — *Quod regnum cælorum intercluditur quibus Ecclesia clauditur. Eutychianus episcopus per Siciliam (epist. 2, post init.).*

Quibus regnum Dei præcluditur, procul dubio et Ecclesia denegatur. De quibus Dominus in Evangelio, potestatem apostolorum eorumque successorum annuntians, ait: *Quorum remiseritis peccata, remittuntur eis, et quorum alligaveritis peccata, alligata erunt (Matth. xviii)*, id est quibus Ecclesiam interdixeritis, nisi reconciliati per satisfactionem fuerint ipsis janua regni cælestis clausa erit.

CAP. 54. — *Quod ordinatio quæ ab excommunicatis fit nullam vim habet. Gregorius Maximo præsumptori Salonæ (lib. III regist. epist. 20).*

Additur inauditum nefas, quod post interdictionem quoque nostram, quæ sub excommunicatione quoque nostra ordinantiumque te facta est, cæsis presbyteris, diaconibus, cæteroque clero manu militari ad medium diceris deductus. Quam rem nos consecrationem dicere nullo modo possumus, quia ab excommunicatis est hominibus consecrata [*al.*, celebrata].

CAP. 55. — *De eadem re. Ex decret. Gregorii VII papæ.*

Gregorius papa synodo præsidens dixit: « Ordinationes illorum qui ab excommunicatis sunt ordinati, sanctorum Patrum sequentes vestigia irritas fieri censuimus. »

CAP. 56. — *Exemplum cavendi. Paulus in Vita Greg., lib. IV, cap. 9.*

Cum Dalmatinorum generalitas honoratum archidiaconum, quem Gregorius ex presbytero in diaconum converterat, sibi præficiendum concorditer elegissent, eorumque decretum pontifex approbasset, factione Malchi episcopi rectoris apolitici patrimonii, manu militari, Maximus multis criminibus involutus episcopatum Salonitanæ civitatis invasit. Quod Gregorius audiens Dalmatinis et Jadedinis episcopis, ne illis manus imponerent sub magna interminatione prohibuit. At vero Maximus, qui episcopatus sedem contra canones invaserat, etiam sacerdotium contra Deum per Simoniacam hæresim

(114) Milleloquium August. ad titulum excommunicationis tribuit c. 49, sed nec ibi legitur.

(115) Milleloquium tribuit, c. 14, nec ibi reperitur.

ab episcopis duntaxat excommunicatis pretio cor- A CAP. 62. — *Quod licet hæreticos etiam post mortem anathematizari. Ex actione 1 quintæ synodi.*

ruptis, non timuit promereri.
CAP. 57. — *Quod qui excommunicatus est alium excommunicare nequit. Alexander II Guillelmo Marcioni.*

(24, q. 1, c. *Audivimus.*) Audivimus quod Henricus, Ravenas dictus archiepiscopus, nisus sit te excommunicare quod, quia excommunicatus te excommunicare non potuit, apostolica auctoritate te tuosque absolventes, mandamus exinde non curare.

CAP. 58. — *De eadem re. Nicolaus papa Michaeli Augusto.*

(24, q. 1, c. *Ait Cælestinus.*) Ait Cælestinus papa episcopis orientalibus scribens: Si quis ab episcopo Nestorio aut ab aliis qui eum sequuntur, ex quo talia prædicare cœperunt, vel excommunicatus vel exutus est seu antistitis seu clerici dignitate, hunc in nostra B communione et durasse, et durare manifestum est, nec judicamus eum esse remotum, quia non poterat quemquam ejus remove sententia, qui se jam præbuerat ipse removendum.

CAP. 59. — *De eadem re. Item ad clerum Constantinopolitanum.*

(24, q. 1, c. *Aperte, inquit.*) Aperte, inquit, sedis nostræ sanxit auctoritas nullum, sive episcopum, sive clericum, seu professione aliqua Christianum qui a Nestorio vel ejus similibus, ex quo talia prædicare cœperunt, vel loco suo vel communione dejecti sunt, vel ejectum vel excommunicatum videri. Sed hi omnes in nostra communione et fuerunt et huc usque perdurant, quia neminem dejicere vel remove poterat, qui prædicans talia titubabat. Intellexisti, imperator, ex supra memoratis non potuisse ut non dicamus prælatum suum saltem quemlibet remove qui fuerant olim remoti, nec dejicere quemquam jam ante prostrati.

CAP. 60. — *Nos non debere communicare defunctis quibus in vita non communicavimus. Leo Rustico Narbonensi episcopo (epist. 92).*

(24, q. 2, c. *De communione.*) De communione privatis et ita defunctis, horum causa Dei judicio servanda est, in cujus manu fuit, ut talium obitus non usque ad communionis remedium differretur. Nos autem quibus viventibus non communicavimus, mortuis communicare non possumus.

CAP. 61. — *De eadem re. Gelasius papa Fausto magistro militiæ (epist. 4).*

Mortuos suscitasse legimus Christum, in errore mortuos absolvisse non legimus. Et qui hoc certam faciendi solus habuit potestatem beato Petro apostolo principaliter mandat. *Quæcunque super terram ligaveris erunt ligata et in cælo, et quæcunque solveris super terram erunt soluta et in cælis (Matth. xvi).* Super terram, inquit, nam in hac ligatione defunctum nusquam dixit absolvendum.

(116) Hac de re multa sub finem Edicti Justiniani imperatoris Joanni papæ II, transmissi: exstat ad calcem tom. I Conc.

(117) Refert Liberatus Breviarium sui cap. 10, ex epist. libæ ad Marim. Persam, cujus fragmentum

(24, q. 2, c. *Sane profertur.*) (116) Sane profertur a quibusdam, qui dicunt oportere post mortem hæreticos anathematizari, et sequi in hoc doctrinam sacrorum Patrum, qui non solum vivos hæreticos condemnaverunt, sed et post mortem, utpote in sua impietate mortuos, anathematizaverunt, sicut eos qui injuste condemnati sunt revocaverunt post mortem, et in sacris *διπτύχοις* scripserunt: quod factum est in Joanne (*Theod., eccl. Hist. lib. v, c. 34 et 35*) et in Flaviano (*in conc. Chalcedon.*) religiosæ memoriæ episcopis Constantinopolitanis. *Item August. ait (lib. De unit. Eccles.):* « Si forte isti libri ita designant traditorem suum, sicut desi-

gnavit Dominus Judam (*Joan. xiiii*), legant in eis nominatim et expresse vel Cæcilianum vel ejus ordinatores eorumdem librorum fuisse traditores, et si non eos anathematizavero, ipse cum eis judicet tradidisse. » *Item.* Quæ modo recitata sunt a Gelasio sanctæ memoriæ, conveniunt statui tenenti ab initio [Aug. sanctæ memoriæ consuluit et statuit teneri ab initio, etc. *Sic Grat.*] in Ecclesia, impium dogma jam inculpatum et condemnatum, et eos qui tali dogmati obnoxii sunt anathematizari vult Ecclesiæ traditio, licet mortui essent. Ideo et sanctæ memoriæ Augustinus dicit: « Si modo convinceretur Cæcilianus de his quæ inferuntur ei, etiam post mortem illum anathematizo. » *Item (conc. Afric., c. 48).* Multi episcopi congregati, et quædam de diversis ad ecclesiasticum statum pertinentibus disponentes, de episcopis statuerunt defunctis qui suas facultates hæreticis relinquant, ut et post mortem anathematizarentur. *Item (August. epist. 50 ad Bonifacium).* Et si vera sunt quæ Cæciliano objecta sunt, et nobis aliquando possent monstrari, ipsum mortuum anathematizarem. Sunt autem etiam Augustini sanctæ memoriæ epistolæ dicentes quod si qui in vita sua non recte sapuerunt, licet non condemnati fuissent adhuc viventes, ut demonstrato peccato, isti etiam post mortem anathemati subjiciantur. *Item.* « Dicis licere mihi etiam de mortuis judicare, quia judicium non tantum de vivis, sed etiam de mortuis fieri potest. *Item (117).* Rabulas sanctæ memoriæ episcopus factus Edessæ civitatis, qui in sacerdotibus explenduit, Theodorum Mopsuestenum etiam post mortem, in Ecclesia anathematizavit. » *Item.* Etiam Romanorum Ecclesia ante paucos [quatuor] annos Dioscorum (118), qui fuit papa Ecclesiæ ejusdem, et post mortem anathematizavit, cum nec in fidem peccasset; et hoc sciunt omnes qui hic degunt Romani, et maxime qui in dignitatibus existunt, qui etiam eidem Dioscoro communicatores permanserunt usque ad ejus mor-

exstat actione 10 Chalc. conc.

(118) Locus ut apparet depravatus vel mutius, forte: Quod excommunicationem dictasset in Leonem, qui fuit, etc.

tem. *Item.* Etiam Origenem (119) si ad tempora Theophili sanctæ memoriæ, vel superius aliquis recurrerit, post mortem inveniet anathematizatum; quod etiam in isto fecit et vestra sanctitas et Vigilius religiosissimus papa antiquioris Romæ. *Item.* Sacra synodus dixit: « Sufficiunt quidem quæ dicta et prolata sunt, ecclesiasticam traditionem demonstrare, quod oportet hæreticos, et post mortem anathematizari. »

CAP. 63. — *De eadem re. Actione 4 ejusdem synodi.*

Sacra synodus dixit: « Augustini religiosæ memoriæ, qui inter episcopos Africanos splenduit, diversæ epistolæ recitatæ sunt, significantes quod oportet hæreticos et post mortem anathematizari. Talem autem ecclesiasticam traditionem et alii Africani reverendissimi episcopi servaverunt, sed et sancta Romana Ecclesia quosdam episcopos et post mortem anathematizavit, licet pro fide in vita sua non essent accusati, et utrumque apud nos habita gesta significant. »

CAP. 64. — *Ut qui sponsam alterius rapuerit, et redde-
re noluerit, cum ipsa quam rapuit excommunicetur,
si ad sponsum illa redire contempserit. Joannes VIII
Rostanio archiepiscopo.*

(27, q. 2, c. Atho præsentium.) Atho præsentium lator dum in nostro servitio fideliter excubaret, quendam virum feminam sibi desponsatam queritur rapuisse: et ideo fraternitas tua auctoritate nostra suffulta suffraganeos suos episcopos præsentialiter convocet, sicque unanimi sententiâ, si sponsam huic raptor non reddiderit, tam idem quam rapta, si ad sponsum pristinum remeare noluerit, omni communione priventur.

CAP. 65. — *Ut notentur excommunicatorum nomina. Joannes VIII, in concilio apud Ravennam, cap. 12.*

(11, q. 3, c. Curæ sit omnibus.) Curæ sit omnibus episcopis, excommunicatorum omnino nomina tam vicinis episcopis quam suis parœcians pariter indicare, eaque in celebri loco posita præ foribus ecclesiæ cunctis venientibus inculcare, quatenus in utraq; diligentia excommunicatis ubique ecclesiasticus aditus excludatur, et excusationis causa omnibus auferatur.

CAP. 66. — *De eodem. Joannes VIII Petro episcopo.*

Si Deotatus et Gregorius statuto jam tempore ad nos venire, et omnia juste atque canonice emendare contempserint, gravioribus eos perpetui anathematis vinculis innodabimus, eorumque scelera et excommunicationes et anathemata scribentes, ante sanctissimam beati Petri apostoli imaginem suspendemus, ut omnibus de toto mundo ad limina apostolica venientibus illorum sit nota iniquitas, et consortio sacræ Ecclesiæ videantur extranei.

(119) Socrates, Hist. eccl., l. vi, c. 40 et lib. vii, c. 45; Sozomenus l. viii, c. 14; Nicephorus l. xvii, c. 27 et 28; Liberatus in Breviario, cap. 23.

PATROL. CLXI.

CAP. 67. — *Excommunicati munera non suscipienda. Ex Eliberit. conc., cap. 28.*

Episcopum placuit, ab eo qui non communicat, munera non accipere debere.

CAP. 68. — *Eleemosynam ejus qui excommunicatus fuit, si respuerit, accipiendam. Urbanus Guimundo Aversano episcopo.*

(24, q. 2, c. Sane quod.) Sane quod super Richardo Burrelli filio vestra fraternitas egisse innuit pro zelo Dei et animarum charitate, laudamus, sed non adeo timendum, non adeo vobis ab ejus eleemosynis abstinendum. Inter cæteros quippe nostræ fidei Patres, beatus Leo doctor egregius (epist. 92, c. 6): « Quibus, inquit, vivis non communicavimus, nec mortuis communicare debemus. » Constat ergo, quoniam quibus vivis (ut ex opposito loquamur) communicavimus, mortuis quoque communicare possumus. Nos plane inter duo oppugnantia positi, impiis quidem et schismaticis communicare nullo modo possumus, istis autem, licet peccatoribus et prædonibus, dispensative pro tempore communicamus [Gratian. habet, propterea benedicimus], quia et hactenus Ecclesiam sustentaverunt et se fideliores in posterum polliceantur, alioquin oportet nos de hujus mundi partibus exire, sub qua etiam sponsione nos eis nuper in beati Petri natalitiis absolutionem indulximus. Quia ergo prædictus vir neque nominative excommunicatus, neque communicans excommunicatis ex nomine oblit, sed in domini sui fide atque servitio, licet nobis ejus, dispensative, id est quandiu eos non patimur, eleemosynis communicare, et defuncti animam Christianæ religionis moribus adjuvare.

CAP. 69. — *Excommunicato non licere quempiam accusare. Ex Chartag. conc. vii, cap. 1.*

(4, q. 1, c. Definimus.) Definimus eum rite ad accusationem non admitti, qui posteaquam excommunicatus fuerit, in ipsa adhuc excommunicatione constitutus, sive sit clericus sive laicus, accusare voluerit.

CAP. 70. — *De eadem re. Nicolaus Michaeli imperatori.*

(4, q. 1, c. Quod autem hi.) Quod hi qui a fratre Iguatio depositi et excommunicati fuerant nullam adversus eum intorquere damnationem [sententiam damnationis] potuerint, ex secunda universali synodo declaratur, cum dicitur: si ecclesiasticum fuerit crimen quod episcopo illatum fuerit, tunc probari oportet accusantium personas, ut primo quidem hæreticis non liceat accusationes contra orthodoxos episcopos pro ecclesiasticis negotiis facere (120). Sed ne hos hæreticos esse denegatis, audite sequentia: « Hæreticos, inquiunt, esse dicimus tam eos qui olim ab Ecclesia projecti sunt quam qui post hæc a nobis anathematizati sunt. » Porro si adhuc nec sic creditis, quod subditur audite: « Præter hos autem aiunt, et eos qui fidem quidem sanam simulant

(120) Conc. Constantinop. 1, c. 6, ut idem aliquanto superius admonet, apud nos non reperitur.

confiteri, schismaticos etiam et eos qui seorsum a communicantibus nobis episcopis collectas faciunt. Deinde vero et si quidam ab Ecclesia super causis quibusdam fuerint reprehensi, et projecti aut excommunicati, sive ex clerico sive ex laicali ordine, nec his licere accusare episcopum, antequam proprio crimine primitus exuantur. Similiter autem et eos qui sub accusatione priori existunt, non ante esse acceptabiles in episcopi accusationem aut aliorum clericorum, quam innoxios semetipsos innotam sibi ostenderit criminum. >

CAP. 71. — *Quod non liceat cuiquam alium excommunicare, nisi cui potestas fuerit concessa. Ex Regula sancti Benedicti, cap. 67 (cap. 70).*

Ordinamus atque constituimus ut nulli liceat quemquam fratrum suorum excommunicare aut cedere, nisi cui potestas ab abbate data fuerit. *Peccantes autem coram omnibus arguantur, ut et ceteri metum habeant (II Tim. v).*

CAP. 72. — *Ut nullus alterius subjectum excommunicare, nec metropolitanus aliquid in parœcia suffraganeæ agere præsumat. Calixtus episc. Gallie (epist. 2).*

(9, q. 2, c. Nullus alterius.) Nemo alterius terminos usurpet, nec alterius parœcianum judicare aut excommunicare præsumat, quia talis dijudicatio, aut excommunicatio, vel damnatio, nec rata erit, nec vires ullas habebit, quoniam nullus alterius iudicis nisi sui sententia tenebitur aut damnabitur. *Item. (9, q. 3, c. Nullus primas.)* Nullus primas vel metropolitanus diœcesani ecclesiam, vel parœcianum, aut aliquem de ejus parœcia præsumat excommunicare vel judicare vel aliquid agere, absque consilio vel iudicio.

CAP. 73. — *Ut pro qualitate peccati pœnitentia imponatur. Ex Regula sancti Benedicti, cap. 23 (cap. 24).*

Secundum modum culpæ, excommunicationis vel disciplinæ debet extendi mensura; qui culparum modus ex abbatis pendet iudicio [in abbatis pendeat arbitrio]. Si quis tamen frater in culpis levioribus culpabilis invenitur, a mensæ participatione privetur. Privati autem a mensæ consortio, ista erit ratio, ut in oratorio psalmum aut antiphonam non imponat, nec lectionem recitet, usque ad satisfactionem. Reflectionem autem cibi post fratrum reflectionem solus percipiat, ut si fratres, verbi gratia, reficiunt sexta hora, ille frater nona; si fratres nona, ille vespera, usque dum satisfactione congrua veniam consequatur. *Ibidem cap. 42 (cap. 44).* Qui pro gravi culpa ab oratorio et a mensa excommunicatur, hora qua opus Dei in oratorio celebratur, ante fores oratorii prostratus jaceat, nihil dicens: nisi tantum posito in terra capite prostratus pronus, omnium de oratorio exeuntium pedibus [sed posito in terram capite pronus sternatur omnium de oratorio exeuntium pedibus; sic hodie codices ex-cusi] conculcetur, et hoc tam diu faciat, usque dum abbas judicaverit satisfactum esse. Qui dum jussus ante abbatem venerit, provolvat se pedibus ipsius abbatis, deinde omnium vestigiis fratrum, ut

orent pro eo. Et tunc, si jusserit abbas, recipiatur in choro, vel quo abbas decreverit ordinet ita place, ut psalmum vel lectionem, vel aliud quid non præsumat in oratorio imponere, nisi iterum abbas jusserit. Et omnibus horis dum completur opus Dei, projiciat se in terra in loco in quo stat, et sic satisfaciatur usque dum juheat abbas ut quiescat jam ab hac satisfactione. Qui vero pro levibus culpis excommunicantur tantum a mensa, in oratorio satisfaciatur, et usque ad jussionem abbatis hoc faciant, usque dum benedicat eis, et dicat: Sufficit.

CAP. 74. — *De sede episcoporum, cur in ecclesia alius ceteris sedere debeant. Ex epistola Urbani papæ I (ad omnes episc. De communi vita fidelium, c. 4).*

Quod autem sedes episcoporum non nisi in ecclesiis excelsæ constitutæ, et præparatæ inveniuntur in throno [at., ut thronus], speculationem et potestatem judicandi, et solvendi atque ligandi a Domino sibi datam maxime doceat. Unde ipse Salvator in Evangelio ait: *Quæcunque ligaveritis super terram, erunt ligata et in cælo (Matth. xviii)*, et alibi: *Accipite Spiritum sanctum; quorum remiseritis peccata, remittantur eis, et quorum retinueritis retenta sunt (Joan. xx)*. Ideo ista prætulimus, charissimi, ut intelligatis potestatem episcoporum vestrorum, in eisque Deum veneremini, et eos ut animas vestras diligatis, et quibus illi non communicant non communicetis, et quos ejecerint non recipiatis. Valde enim timenda est sententia episcopi licet injuste liget, quod tamen summopere prævidere debet.

CAP. 75. — *Episcopus excommunicaturus aliquem qualiter alloqui debent clerum et plebem. Ex conc. Rothomagensi, cap. 3.*

Noverit charitas vestra, fratres mei, quod quidam vir nomine N., diabolo suadente [instigante], postponens Christianam promissionem [professionem] quam in baptismo professus est, per apostasiam conversus post Satanam cui abrenuntiavit et omnibus operibus ejus, vineam Christi, id est Ecclesiam ejus, devastare et deprædari non pertimescit, pauperes Christi quos pretioso sanguine suo redemit, violenter opprimens et interficiens, et bona eorum diripiens. Unde quia filius hujus nostræ Ecclesiæ, cui, Deo auctore, præsidemus, debuerat esse (quia in ea per aquam et Spiritum sanctum renatus est, et inter adoptivos filios Dei adnumeratus, quamvis modo filius Dei non sit [diaboli sit] imitando diabolum) solliciti ne per negligentiam pastorem aliqua de ovibus nobis creditis deperiret, pro qua in tremendo iudicio ante principem pastorum Dominum nostrum Jesum Christum rationem reddere compelleremur, juxta quod ipse terribiliter nobis comminatur, dicens: *Si non annuntiaveris iniquam iniquitatem suam, sanguinem ejus de manu tua requiram (Ezech. iii)*, misimus ad eum presbyterum nostrum et litteras communitivas semel, et iterum, atque tertio, invitantes eum canonicè ad emendationem, et satisfactionem et pœnitentiam, corripientes eum paterno affectu. Sed ipse (proh dolor! diabolo cor)

ejus indurante, monita salutaria sprevit [spernit], et in incepta malitia perseverans, Ecclesiae Dei, quam læsit superbia spiritu inflatus, satisfacere dignatur. De talibus itaque transgressoribus, et sanctæ religionis pacisque quam Christus suis discipulis dedit atque reliquit, violatoribus, præcepta Dominica et apostolica habemus, quibus informamur quid de hujuscemodi prævaricatoribus agere nos oporteat. Ait enim Dominus in Evangelio: *Si peccaverit in te frater tuus, corripe eum (Matth. xviii, Luc. xvii)*. Fratres in unumquemque, nostrum peccat, qui in sanctam Ecclesiam peccat. Si enim sancta Ecclesia unum corpus est, cujus corporis caput Christus est, singuli autem sumus alter alterius membra, et si cum patitur unum membrum compatiuntur omnia membra, procul dubio in nos peccat qui membra nostra lædit. Jubet ergo Dominus ut frater, id est Christianus, in nos peccans, primo secrete corripiatur, deinde cum testibus redarguatur, novissimo in conventu Ecclesiae publice conveniatur [corripiatur]. Quod si has tres commotiones et pias correptiones contemnit, et satisfacere despicit, post hæc *sit tibi*, inquit, *sicut ethnicus et publicanus (ibid.)*, id est gentilis atque paganus: ut jam non pro Christiano, sed pro pagano habeatur. Et in alio loco, membrum quod a sua compage resolvitur et a junctura charitatis dissociatur, et omne corpus scandalizat, Dominus et abscindi et projici jubet, dicens: *Si oculus, manus, vel pes tuus scandalizat te, erue eum et projice abs te (Matth. xviii)*. Et Apostolus: *Auferite, inquit, malam ex vobis (I Cor. v)*. Et item: *Si quis frater nominatur, et est fornicator, aut adulter, aut homicida, aut rapax, cum hujusmodi nec cibum sumere licet (ibid.)*. Et Joannes dilectus præ cæteris Christi discipulis talem nefarium hominem salutare prohibebat, dicens: *Nec ei Are dixeris, nec eum in domum receperis; qui enim ei Are dicit, communicat operibus ejus malignis (II Joan.)*. Dominica itaque atque apostolica præcepta adimplentes, membrum putridum et insanabile quod medicinam non recipit, ferro excommunicationis a corpore Ecclesiae abscindamus, ne tam pestifero morbo reliqua membra corporis velut veneno, insitiantur.

CAP. 76. — Prima excommunicatio. Ex eodem, cap. 4.

Igitur quia monita nostra et crebras exhortationes contempsit, quia tertio secundum Dominicum præceptum vocatus, ad emendationem et pœnitentiam venire despexit, quia culpam suam necdum cognovit, nec confessus est, nec missa nobis legatione, qui causam ejus exquirimus, quia parœcianus noster est, veniam postulavit, quia in cœpta malitia, diabolo cor ejus indurante, perseverat, et juxta quod Apostolus dicit, *secundum duritiam suam et cor impœnitens thesaurizat sibi iram in die iræ (Rom. ii)*; idcirco nos eum cum universis complicibus et communicatoribus factoribusque suis, judicio Dei omnipotentis Patris, et Filii, et Spiritus sancti,

et beati Petri principis apostolorum et omnium sanctorum, nec non et nostræ mediocritatis auctoritate, et potestate nobis divinitus collata ligandi et solvendi in cœlo et in terra, a pretiosi corporis et sanguinis percensione, et societate omnium Christianorum separamus, et a liminibus sanctæ matris Ecclesiae in cœlo et in terra excludimus, et excommunicatum et anathematizatum decernimus, et damnatum cum diabolo et angelis ejus et omnibus reprobis in igne æterno judicamus, nisi forte a diaboli laqueis respiscat, et ad emendationem et pœnitentiam redeat, et Ecclesiae Dei quam læsit satisfaciatur. Et respondeant omnes tertio: *Amen*, aut, *Fiat, fiat*, aut, *Anathema sit*. Debent enim 12 sacerdotes episcopum circumstare, et lucernas ardentibus in manibus tenere, quas in conclusione anathematis vel excommunicationis projicere debent in terram, et conculcare pedibus. Post hæc episcopus plebi ipsam excommunicationem communibus verbis debet explanare, ut omnes intelligant quam terribiliter damnatus sit, et ut noverint quod ab illa hora in reliquum non pro Christiano, sed pro pagano habendus sit, et qui illi quasi Christiano communicaverit aut cum eo manducaverit, aut biberit, aut eum osculatus fuerit, vel cum eo colloquium familiare habuerit (nisi forte ad satisfactionem et pœnitentiam eum provocare studuerit), aut in domo sua eum receperit, aut simul oraverit cum eo, procul dubio similiter sit excommunicatus. Deinde epistolæ presbyteris per parœcias mittantur, continentem modum excommunicationis. In quibus jubeatur, ut Dominicis diebus post lectionem Evangelii, plebibus sibi commissis publice annuntiet ipsam excommunicationem, ut ne quis per ignorantiam communitet excommunicato. Oportet etiam ut aliis episcopis ipsa excommunicatio manifestetur. Præcepit enim Toletanum concilium (c. 44) ut invicem mox scripta percurrant per omnes provinciæ episcopos quoscunque adire potuerint, ut excommunicatus audiat. Seniori etiam ejus ipsa excommunicatio debet nota fieri.

CAP. 77. — Excommunicationis allocutio. Ex concilio Aureliano, cap. 4.

Audistis, dilectissimi, quanta et quam horrida pravitate et iniquitatis opera N. a diabolo instigatus perpetrare non timuerit, et quomodo per apostasiam a totius Christianæ religionis cultu profana mente recesserit. Audistis quemadmodum canonicè ad satisfactionem evocatus sit, sed venire distulerit; quomodo frequenter admonitus ut respisceret a diaboli laqueis quibus tenetur astrictus [irretitus est], saluberrimas admonitiones obduratis [obturatis] auribus cordis audire contempserit. Dominus dicit in Evangelio de tali contumaci fratre, qui ecclesiasticam renuit suscipere correptionem: *Si Ecclesiam non audierit, sit tibi sicut ethnicus et publicanus (Matth. xviii)*, id est, jam non est computandus inter Christianos, sed inter paganos. Hinc Paulus Domini et magistri doctrinam [vestigia] sequens,

Corinthios redarguit, quare cum criminosis et sceleratis communionem haberent, dicens: *Vos estis inflati, et non magis luctum habuistis, ut tollatur vobis de medio vestrum (I Cor. v)*, id est, separetur a vestro consortio, qui tale scelus operatus est, et adjungit: *Ego quidem absens corpore, præsens autem spiritu, jam judicavi ut præsens eum qui sic operatus est, in nomine Domini nostri Jesu Christi, congregatis vobis in unum et meo spiritu cum virtute Domini mei Jesu Christi tradere hujusmodi Satanæ in interitum carnis (ibid.)*. Et post pauca: *Scripti vobis ne commisceamini fornicariis (ibid.)*. Et statim infert: *Si is qui frater nominatur (id est, Christianus) fornicator est aut rapax, cum hujusmodi nec cibum sumere (ibid.)*. Et alibi: *Auferte malum ex vobis (ibid.)*. Et: *Infidelis si discedit discedat (I Cor. vii)*. Una enim ovis morbida omnem gregem contaminat, et: *Modicum fermentum totam massam corrumpit (I Cor. v)*: et plerumque unum membrum putridum totum corpus inficit. Et ideo tam perniciosus pestis a corpore Ecclesiæ radicitus evellatur.

CAP. 78. — *Excommunicatio II. Ex eodem concilio.*

Dominicis igitur atque apostolicis informati præceptis, judicio Patris, et Filii ejus Domini nostri Jesu Christi, et Spiritus sancti, et auctoritate et potestate apostolis apostolorumque successoribus a Deo concessa, una vobiscum prædictum virum pessimum a limitibus sanctæ matris Ecclesiæ excludimus, et ab omni societate et communionem Christiana separamus, separatamque esse in æternum decernimus, id est in præsentem sæculo et in futuro. Nullus ei Christianus Ave dicat (*II Joan.*), aut eum osculari præsumat. Nullus presbyter missam celebrare cum eo audeat [eo præsentem celebrare audeat], vel sacrosanctum corpus et sanguinem Domini tradere. Nemo ei jungatur in consortio, neque in aliquo negotio. Et si quis ei se sociaverit, et communicaverit ejus operibus malignis, noverit se simili percussus anathemate; his exceptis, qui ob hanc causam ei junguntur, ut eum revocent ab errore, et provocent ad satisfactionem. Nisi forte resipuerit, et, Dei gratia inspirante, ad pœnitentiam et remedium conyersus fuerit, et digna emendatione Ecclesiæ Dei quam læsit, humiliter satisfecerit.

CAP. 79. — *Excommunicatio III. Ex conc. Turonico, cap. 2.*

Canonica instituta et sanctorum Patrum exempla sequentes, ecclesiarum Dei violatores, videlicet raptores, deprædatores, et homicidas, N. in nomine Patris, et Filii, et virtute Spiritus sancti, nec non auctoritate episcopis per Petrum principem apostolorum divinitus collata, a sanctæ matris Ecclesiæ gremio segregamus, ac perpetuam maledictionis anathemate condemnamus. Sintque maledicti in civitate, maledicti in agro: maledictum horreum eorum, et maledictæ reliquæ illorum: maledictus fructus ventris eorum, et fructus terræ eorum. Maledicti sint ingredienti, et maledicti sint egre-

dienses, sintque in domo maledicti, in agro profugi, veniantque super eos omnes illæ maledictiones, quas Dominus per Moysen in populum divinæ legis prævaricatorem se esse missurum intentavit (*Deut. xxviii*), sintque anathema, maranatha (*I Cor. xvi*), id est pereant in secundo adventu Domini. Nullus eis Christianus Ave dicat (*II Joan.*), nullus præbyter missam cum eis celebrare præsumat, vel sanctam communionem dare. Sepultura asini sepeliantur (*Jer. xii*), et in sterquilinum sint super faciem terræ (*Jer. viii, xvi, xxv*). Et sicut hæ lucernæ de manibus nostris projectæ hodie exstinguuntur, sic eorum lucerna in æternum exstinguatur, nisi forte resipuerint et Ecclesiæ Dei, quam læserunt, per emendationem et condignam pœnitentiam satisfecerint.

CAP. 80. — *De eadem re. Ex concilio Meldensi, cap. 3 (cap. 56).*

(*11, q. 3, c. Nemo episcoporum.*) Ut nemo episcoporum quemlibet sine certa et manifesta peccati causa communionem privet ecclesiastica. Sub anathemate autem sine conscientia archiepiscopi aut coepiscoporum nullus ponat, nisi unde canonica docet auctoritas, quia anathema æterna est mortis damnatio, et non nisi pro mortali debet interponi crimine, et illi qui aliter non poterit corrigi.

CAP. 81. — *De eadem re. Ex concilio Agathensi, cap. 4 (cap. 3).*

Episcopi vero qui sacerdotali moderamine posthabito, innocentes, aut in minimis causis culpabiles excommunicare præsumpserint, et ad gratiam festinantes recipere fortasse noluerint, a vicinis episcopis cujuslibet provinciæ litteris moneantur, et si parere [parere] noluerint, a communionem confratrum usque ad proximam synodum suspendantur, et ibi rationem pro facto dent, ne fortasse in excommunicatores peccatum excommunicati [per excommunicatores peccatum, sic codex concil.] longo tempore morte præveniatur.

CAP. 82. — *Ut nullus episcoporum graviter ferat si ejus paræcianus ab alio episcopo pro certa culpa excommunicatus fuerit. Ex concilio apud Compendium, cap. 5.*

(*6, q. 3, c. Placuit.*) Placuit etiam pro communi utilitate et instanti necessitate, ut nullus episcoporum graviter ferat, si ejus paræcianum, pro deprædationis causa, alter episcopus excommunicaverit.

CAP. 83. — *De illis qui in paræcia consistentes aliquid contra Deum fecerint, quoties ab episcopo ad emendationem vocari debeant. Ex conc. Meldensi, cap. 3.*

Episcopus in cujus paræcia aliquis consistens aliquid injuste fecerit, semel, bis atque tertio si necesse fuerit, vocabit illum sua admonitione per suum nuntium canonice ad emendationem sive compositionem, et ad pœnitentiam, ut Deo et Ecclesiæ satisfaciatur, quam læsit. Si autem despexerit atque contempserit ejus admonitionem et saluberrimam invitationem, feriat illum pastorali virga, hoc est

sententia excommunicationis, ut a communione sanctæ Ecclesiæ omniumque Christianorum sit separatus usque ad congruam satisfactionem, et dignam emendationem. Quam excommunicationem debet idem episcopus seniori illius notam facere, et omnibus suis coepiscopis, et omnibus suis paræcianis, ne eum recipiant, usque ad satisfactionem.

CAP. 84. — *De eadem re. Ex eodem concilio, cap. 6.*

Episcopus qui eos quolibet munere vel favore aut negligentia monere, aut excommunicare distulit [noluerit], qui contra Deum et Ecclesiæ pacem faciunt, ut aut revertentes suscipiat, aut contemnentibus de ecclesia ejiciat, excommunicatus habeatur a collegio cæterorum, quousque vel emendationis vel damnationis eorum ab eo sententia promulgetur.

CAP. 85. — *Quod aliud sit peccare in Deum, aliud in hominem. Ex dictis Augustini (121).*

Attendendum est quod Dominus dicit: *Si peccaverit in frater tuus (Matth. xviii)*. Aliud est peccare in nos, aliud in Deum. Si in nos aliquis peccaverit, non est nostri arbitrii. Scriptum quippe est: *Si peccaverit vir in virum, placari ei potest Deus, si autem in Deum peccaverit, quis orabit pro eo? (I Reg. 11)*. Nos e contrario in Dei injuria benigni et misericordes sumus, et Dei offensam (quasi in nostra potestate sit ejus velle et ejus nolle) impune absque congruenti poenitentia vindicta donamus, cum tamen quod in nobis commissum est, nec saltem verbum contumeliosum leviterque prolatum, sine vindicta pertransire patimur. Dimittamus ergo propter Deum quod in nobis perpetratum est et quod commissum est Deo, quia dimittere non possumus, juxta constitutiones sanctorum Patrum, secundum canonicam auctoritatem vindicemus.

CAP. 86. — *De eadem re. Ex concilio Meldensî, cap. 5 (cap. 61).*

Ut pervasores rerum ecclesiasticarum, qui easdem res contra auctoritatem non solum retinere, verum et crudeliter depopulari noscuntur (quidam enim facultates etiam ecclesiæ in diversa collaboratione et redditibus eas exspoliant, sed et pauperes et vicinos et circumstantes immisericorditer affligunt, devastant, et opprimunt) ut rapaces qui secundum Apostolum a regno Dei excluduntur (*I Cor. vi*), ex criminali et publico peccato publica poenitentia multentur. Quod si hoc agere noluerint, proferatur contra eos apostolica terribilisque sententia qua dicitur: *Si quis frater nominatur et est rapax, cum hujusmodi nec cibum quisquam sumere præsumat (I Cor. v)*, quia iri quum et sacrilegum est (ut Symmachus papa (in *Rom. syn. sub Symmac.*, c. 3), et post eum beatus Gregorius (*l. viii Regiat.*, ep. 6) Sabino [Savinus habet Gregor.] subdiacono scribit) si quis quod venerabilibus locis relinquitur, præva-

voluntatis studiis suis compendiis tentaverit retinere, secundum instituta canonum, ab omni ecclesiastica communione ut sacrilegus debet arceri, donec studeat digna satisfactione quod admisit corrigere.

CAP. 87. — *Quod sanctum sanctorum sit quidquid Deo offertur. Ex decretis Bonifacii papæ, cap. 5 (Addit. ad cat. decret. Bonifac. 1).*

(12, q. 2, c. Nulli liceat.) Nulli liceat ignorare, quod omne quod Domino consecratur sive fuerit homo, sive animal, sive ager, vel quidquid semel fuerit consecratum, sanctum sanctorum Domino erit (*Lev. xxviii*), et ad jus pertinet sacerdotum; propter quod inexcusabilis erit omnis qui quæ a Domino et ecclesia cui competunt, aufert, vastat, invadit, vel eripit usque ad emendationem Ecclesiæque satisfactionem, ut sacrilegus dijudicetur, et si emendare noluerit excommunicetur.

CAP. 88. — *De his qui Christi pecunias auferunt, vel rapiunt. Ex epistola Anacleti papæ cunctis fidelibus missa (epist. 1) (122).*

Qui abstulit, inquit, aliquid patri vel matri, et dicit hoc non esse peccatum, homicidæ particeps est (*Prov. xxviii*). Pater noster sine dubio Deus est, qui nos creavit. Mater vero nostra Ecclesia, quæ nos in baptismo spiritualiter regeneravit. Ergo qui Christi pecunias et Ecclesiæ aufert, rapit aut fraudat, homicida est, atque ante Deum homicida deputatur. Qui enim res Ecclesiæ abstulerit, sacrilegium facit, et ut sacrilegus judicandus est.

CAP. 89. — *De eadem re. Ex decretis Lucii papæ, cap. 10 (ep. ad Gal. et Hisp. episc., c. 6; et Anaclet. ep. 1).*

(17, q. 4, c. Omnes rapt.) Rerum ecclesiasticarum et facultatum raptores, a liminibus sanctæ matris Ecclesiæ anathematizantes apostolica auctoritate pellimus et damnamus, atque sacrilegos esse judicamus. Et non solum eos, sed etiam omnes consentientes eis, quia non solum qui faciunt, sed etiam qui consentiunt, rei judicantur (*Rom. 1*). Augustinus dicit: Qui aliquid de ecclesia furatur aut rapit, Judæ proditori comparatur.

CAP. 90. — *De eadem re. Ex concilio Gangrensi, cap. 8.*

Illic qui dedit vel acceperit oblationes altaris, præter episcopum vel ejus missum, et qui dat et qui accipit, anathema sit.

CAP. 91. — *De eadem re. Ex concilio apud sanctum Medardum, cap. 1 (ex conc. Gangres. c. 7).*

Si quis oblationes Ecclesiæ extra ecclesiam rapere vel dare voluerit præter conscientiam episcopi, vel ejus cui hujusmodi officia commissa sunt, anathema sit.

CAP. 92. — *Qui sacratis Deo locis vim inferunt, quomodo vindicentur. Ex decretis Joannis papæ, cap. 10.*

Ut hi qui monasteria, et loca Deo sacrata, et ecclesias infringant, et deposita et alia quælibet exinde abstrahunt, damnum novies component, et emunita-

(121) Simile quid habet serm. De sanctis 47.

(122) Idem habet et Lucius papa, epist. ad Gal. et Hisp. episc.

tem tripliciter, et velut sacrilegi canonicæ sententiæ A scopo communione privatus est, non ante suscipiatur ab aliis episcopis, quam suo reconcilietur episcopo.

CAP. 93. — *De his qui domum Dei contemptibilem ducunt. Ex concilio Magontensi, cap. 7.*

Quisquis fastu superbiæ elatus domum Dei contemptibilem ducit, et possessiones Deo sacratas, atque ad honorem Dei sub regni emunitatis defensione constitutas, inhoneste tractaverit, vel infringere præsumperit, aut incendia vel vastationes ausu temerario perpetraverit, quasi invasor et violator Ecclesiæ Dei, quæ est domus Dei vivi, a communione omnium fidelium abscindatur.

CAP. 94. — *De eadem re. Ex eodem, cap. 6.*

Si quis cujuscunque munuscula Ecclesiæ sanctis scripturarum titulis collecta, nefaria calliditate abstulerit, fraudaverit, invaserit, retentaverit, atque subripuerit, et non statim a sacerdote comunitus Deo collata reddiderit, ab Ecclesiæ catholice communione pellatur.

CAP. 95. — *Quod cum excommunicato orare non liceat. Ex dictis Isidori.*

(11, q. 3, c. Cum excommunicato.) Cum excommunicato neque orare neque loqui, nisi ea quæ ad eandem excommunicationem pertinent, neque vesci cuiquam liceat.

CAP. 96. — *De eadem re. Unde supra (ex Reg. magist., c. 13).*

(11, q. 3, c. Si quis frater.) Si quis frater aut pariter, aut absconse cum excommunicato fuerit locutus, communem statim cum eo excommunicationis contrahet poenam.

CAP. 97. — *De eadem re. Ex dictis Fructuosi episcopi, cap. 14.*

Cum excommunicato nullus loquatur, neque quæret eum compassione vel miseratione refoveat, neque ad contradictionem vel superbiam confortare præsumat.

CAP. 98. — *De eadem re. Ex concilio Antiocheno, cap. 2.*

Cum excommunicatis non licet communicare, nec cum his qui per domos conveniunt deviantes orationes Ecclesiæ, ubi simul orandum est. Si quilibet autem ex clero deprehensus fuerit cum excommunicatis communicare, etiam iste privetur communione.

CAP. 99. — *De eadem re. Ex canonibus apostolorum, cap. 11.*

Si quis cum excommunicato saltem in domos simul oraverit, iste communione privetur.

CAP. 100. — *De eadem re. Ex concilio Nicæno, cap. 5.*

De his qui communione privantur, seu ex clero, seu ex laicali ordine ab episcopis, per unamquamque provinciam sententia regularis obtineatur, ut hi qui abjiciuntur, ab aliis non recipiantur. Requiritur autem ne pusillanimitate, aut contentione, vel alio quolibet vitio episcopi videatur a communione exclusus.

CAP. 101. — *De eadem re. Ex concilio Antiocheno, cap. 6.*

(11, q. 3, c. Si quis.) Si quis a proprio epi-

scopo communione privatus est, non ante suscipiatur ab aliis episcopis, quam suo reconcilietur episcopo.

CAP. 102. — *De eadem re. Ex decretis Calixti papæ, c. 4 (epist. 2, ad episc. Galliæ).*

(11, q. 3, c. Excommunicatos.) Excommunicatos quoque a sacerdotibus nullus recipiat ante utriusque partis examinationem justam, nec cum eis in oratione, aut cibo vel potu, aut osculo communicet, nec Ave eis dicat, quia quicumque in his vel aliis prohibitis scienter excommunicatis communicaverit, juxta apostolorum institutionem (cap. 11, can. Apost.), et ipse simili excommunicationi subiacet.

CAP. 103. — *De eadem re. Ex concilio Antiochano (sub Julio I, c. 2).*

Non autem liceat communicare excommunicatis, neque per domos ingredi, et cum eis orare qui ecclesiæ in oratione non participant, nec in alteram ecclesiam recipi, qui ab alia excommunicantur. Quod si visus fuerit quilibet episcoporum, vel presbyterorum, aut diaconorum, vel etiam qui in canone detinentur excommunicatis communicare, et huic oportet communione privari tanquam Ecclesiæ regulas confundentem.

CAP. 104. — *De eadem re. Ex decretis Fabiani papæ episcopis Galliæ missis*

Si quis sponte [forte] excommunicato communicaverit verbo, oratione, in cibo vel potu, 40 dies pœniteat in pane, sale, et aqua [in pane et aqua]. Qui vero eis communicaverit in homicidiis vel flagitiis erit iræ et vindictæ Dei omnipotentis quem spernit, quia hæc omnia divina ei voce interdicta sunt, et secundum Apostolum, *obedire Deo oportet magis quam hominibus (Act. v)*, et secundum quod deliquit, digue, juxta decreta canonum, pœniteat, et si pœnitere noluerit, excommunicetur.

CAP. 105. — *Ut excommunicati ubi fuerint exclusi ibidem consequantur communionem. Ex concilio Meldensi, cap. 10.*

De his qui pro delicto suo a communione separantur, ita placuit, ut in quibuscunque locis fuerint exclusi, eodem loco consequantur communionem.

CAP. 106. — *Ut a proprio episcopo vel presbytero excommunicati, alibi in communionem non recipiantur. Ex conc. Rothomagensi, cap. 3.*

Sunt aliqui qui culpis exigentibus a proprio episcopo excommunicantur, et ab aliis ecclesiasticis vel laicis præsumptuose in communionem accipiuntur; quod omnino sanctum Nicænum concilium (Nic. c. 5), simul et Chalcedonense nec non et Antiochenum (Ant. c. 2), atque Sardicense (Sard. c. 16) fieri prohibent.

CAP. 107. — *De eadem re. Ex concilio Carthaginensi, cap. 9 (cap. 7).*

Augustinus episcopus legatus Numidiæ provinciæ dixit [Genedius episcopus dixit : sic in rotamine conc.] (11, q. 3, c. Qui merito) : Hoc statuere dignemini, ut si qui forte merito facinorum suorum

ab Ecclesia pulsati sunt, si ab episcopo aliquo vel a presbytero fuerint in communionem suscepti, etiam ipse pari cum eis crimine teneatur obnoxius, refugitibus sui episcopi regulare iudicium. Ab universis dictum est, omnibus placet.

CAP. 108. — *De eadem re. Ex eodem concilio, cap. 75.*

(11, q. 3, c. *Qui communicaverit.*) Qui communicaverit, vel oraverit cum excommunicato, si laicus est, excommunicetur: si clericus, deponatur (vide supra, c. 28).

CAP. 109. — *De illis qui ex alia parœcia sunt, et deprædationes faciunt. Ex concilio Meldensi, cap. 2.*

De illis autem qui infra parœciam beneficium aut hæreditatem habent, et alterius episcopi parœciani sunt et de loco ad locum iter faciunt, rapinas et deprædationes peragunt, placuit ut excommunicentur, nec ante ex parœcia exeant quam quæ perpetrarunt digne emendent. Quorum excommunicatio seniori eorum et proprio episcopo significanda est: ne eos recipiant, antequam illuc redeant ubi rapinam fecerunt, et omnia pleniter emendent.

CAP. 110. — *De illis qui defendunt delinquentes. Ex dictis Basili (ex Regula Orientalium).*

Qui consentit peccantibus, et defendit alium delinquentem, maledictus erit apud Deum et apud homines, et corripitur increpatione severissima. Hinc et quidam sanctissimus Pater ait: « Si quis errori aherius consenserit, sciat se cum illo simili modo culpabilem iudicandum et excommunicandum. »

CAP. 111. — *De illis qui intra annum causam suam tractare neglexerint. Ex decretis Gelasii papæ, c. 3.*

(11, q. 5, c. *Quicumque.*) Quicumque igitur intra anni spatium civiliter sive publice causam suam coram suis excommunicatoribus non peregerint, ipsi sibi audientiae clausisse aditum videantur [iudicabuntur]. Quod si obstinato animo sine communiōne defuncti fuerint, nos illorum causam, iuxta beati Leonis prædecessoris nostri sententiam (epist. 92, c. 6), divino iudicio reservantes, quibus vivis non communicavimus, mortuis communicare non possumus.

CAP. 112. — *De eadem re. Ex decretis ejusdem, cap. 5.*

Illi sane qui ante audientiam communicare tentaverint, donec per pœnitentiam reatum suum defleant, ad communionem nullo modo perducantur, excepto mortis interitu urgente. Qui vero excommunicato scienter communicaverit [se iunxerit], et animo saltem in domo simul oraverit, atque latebras defensionis ne quo minus [cominus] ad satisfactionem perducatur, præbuerit, donec ab excommunicatore pœnitentiam suscipiat, corporis et sanguinis Domini communionem privatum se esse cognoscat, et delictum secundum canones pœniteat.

(125) Alibi tribuitur Joanni VIII in conc. Ravenn., cap. 12.

CAP. 113. — *Ut notentur excommunicatorum nomina, et in foribus ecclesiæ præstantur. Ex decretis Honorii papæ, cap. 11 (125).*

(11, q. 3, c. *Curæ sit.*) Curæ sit omnibus episcopis, excommunicatorum omnino nomina tam vicinis episcopis quam suis parœcians pariter indicare, eaque in celebri loco posita præ foribus ecclesiæ cunctis convenientibus inculcare, quatenus in utraque diligentia et excommunicatis ubique ecclesiasticus aditus excludatur, et excusationis causa omnibus auferatur.

CAP. 114. — *De illis qui excommunicati moriuntur. Ex concil. Epauensi, cap. 10 (cap. 28).*

(11, q. 5, c. *Si episcopus.*) Si episcopus ante damnati absolutionem obitu rapiatur, correptum aut pœnitentem successori licet absolvere. Et c. 11. Si quis excommunicatus fuerit mortuus, qui jam sit confessus et testimonium habet bonum, et non poterat [poterit] venire ad sacerdotem, sed præoccupavit eum mors in domo, aut in via, faciant pro eo parentes ejus oblationem ad altare, et dent redemptionem pro captivis.

CAP. 115. — *De illis qui colonorum flagella defendunt. Ex concilio Ekberitano, cap. 9 (in frag.)*

Decrevit sancta synodus, ut episcopi ac ministri episcoporum pro criminibus colonos flagellare cura virgis potestatem habeant, propter metum aliorum ut ipsi criminosi corrigantur, et vel invitati pœnitentiam agant, ne aternaliter pereant. Si vero seniores ipsorum colonorum indigne tulerint, et aliquam vindictam exinde exercere voluerint, aut eosdem colonos, nedistringantur defendere præsumserint, sciant se excommunicationis ecclesiasticæ sententia feriendos.

CAP. 116. — *De episcopis qui apud Romanam eodem accusati fuerant, quod cum excommunicatis communicarent. Ex conc. avud Altheum [Altheim].*

Regno Conradi piissimi et Christianissimi regis quinto, congregata est sancta generalis synodus apud Altheum, in pago Rethia, presente videlicet domini Joannis papæ apocrisiario, sanctæ Ostiensis Ecclesiæ Petro venerabili episcopo, aliquo [hoc quatenus aliquo, etc.] modo diabolica semina in nostris partibus exorta extirpare, et nefandissimas machinationes quorundam perversorum hominum sedare, et eliminando purgare debere. Transacto igitur triduo jejunio, et sacris litanis more debito celebratis, convenimus in ecclesiam Sancti Joannis Baptistæ, et mœsti consedimus. Tum demum prælati S. Petri et domini Joannis papæ missus protulit chartam apostolicis litteris inscriptam, qua commovebamur, arguebamur, et instruebamur de omnibus ad veram religionem Christianæ fidei pertinentibus. Quæ omnia (ut justum et dignum erat) humiliter accepimus, diligenter tractavimus, et devoto affectu omnimodo amplectebamur. Ergo evangelicam præceptionem et institutionem saluberrimam

mam lacrymabili voce protulimus, qua arguebantur Pharisei et Scribæ: *Mundate, inquit, prius quæ intus sunt (Matth. xxiii).* Et Item, *Ejice primum trabem de oculo tuo (Luc. vi).* Ac propheticum illud: Ruina populi sacerdotes mali, perpendentes et discutendo nosmetipsos insipientes, et in medium poenitentiae sanctæ digno fructu ad terram nos proicientes, deflevimus negligentias innumerabiles, et peccata nostra gravissima. Deinde hortatu Domini Petri contra nosmetipsos et vitia irati, adjuvante primo sancto Spiritu et miserante, capitula infra notata ad correptionem tam nostram, quam Christiani populi statuendo collegimus.

CAP. 117. — *De episcopis qui sibi subjectos seducunt, excommunicatis communicantes. Ex eodem conc. cap. 6, cui interfuit Conradus rex.*

Sciuis sacra auctoritate scriptum, qui excommunicato communicaverit, excommunicetur. In hoc nos fatemur episcopi, et presbyteri, et clerici poenaliter peccasse, quod in posterum Deo auxiliante, et emendare et evitare cupimus et præcipimus.

CAP. 118. — *De eadem re. Ex eodem concilio, cap. 7.*

Placuit sanctæ synodo, hunc errorem quasi impium ab Ecclesia amovere, quia animarum curam a Domino accepimus, non pecuniarum. Inde et redditori sumus Domino rationem, et accepturi propter suam misericordiam æternam retributionem, vel justam damnationem.

CAP. 119. — *De episcopis, ut non sint malum exemplum populo. Ex eodem concilio, cap. 8.*

Bonum exemplum populi scilicet episcopi et sacerdotes debent præbere, et ostendere non solum dictis, verum et factis. Propter hoc enim statuimus, minime unquam in posterum contra sacra statuta aliquo modo communicemus excommunicatis, diducamus et nosmetipsos, quatenus in futuro non judicemur a Domino (I Cor. xi). Sequi cupimus dicta et statuta sancti Gregorii papæ, et poenitentiam dignam agere volumus secreta in monasterio, quia publice nequivimus, in futuroque prædicta omnibus modis, Deo propitio, vitare volumus. Eandemque legem statuentes presbyteris, diaconibus et omni clero, si de gradu deponi noluerint, ut fideliter observent, et aliis servare prædicent.

CAP. 120. — *De correctione episcoporum qui cum excommunicati communicaverint. Ex eodem concilio, cap. 9.*

Auctoritate apostolica firmamus dicta et præcepta sanctorum canonum, et interdicens, quaudiu quis excommunicatus sit, ut nullus nostrorum episcoporum ei audeat communicare, vel cum eo in ecclesia orare. Et laici qui secuti sunt nos, ut dicunt, errando et sequendo nos modo, nos autem nosmetipsos per poenitentiam macerantes corrigendo, et viam eis vitæ prædicantes et aperientes, ut respiciant a diaboli laqueis (II Tim. ii), a quibus per nostra mala exempla capti tenentur, et ad veram matrem Ecclesiam per poenitentiam revertantur.

A CAP. 121. — *De his qui contemnunt bannum a episcopis impositum. Ex concilio Triburiensi, cap. 8, cui interfuit Arnulphus rex.*

Nemo contemnat neque transgrediatur bannum ab episcopis superimpositum. Sciat et abhorreat, in epistola 3 beati Clementis dictum contra se scriptum (De offic. sac. et cler.): « Si vobis episcopis non obedierint omnes tam majoris quam inferioris ordinis, atque reliqui populi, tribus et linguæ, non solum infames, sed et extorres a regno Dei et consortio fidelium et a liminibus sanctæ Dei Ecclesiæ alieni erunt. » Et audiant ipsum Dominum in Evangelio dicentem: *Qui vos audit, me audit, et qui vos spernit, me spernit (Luc. x).* Quapropter nos evangelicam et apostolicam considerantes auctoritatem, non questum pecuniarum, sed lucrum quærentes animarum, statuimus et confirmamus, ut si quis post hanc hujus sancti concilii definitionem inventus fuerit corrupisse ab episcopis bannum impositum, 40 diebus castigatione corripiatur, tantam in pane, sale et aqua.

CAP. 122. — *Pro quibus causis quemlibet hominem anathematis vinculo ligari oporteat. Ex eodem concilio, cap. 30.*

(11, q. 3, c. Certum est.) Quæsitum est in eadem synodo, pro quibus causis quemlibet hominem episcopali auctoritate vinculo anathematis ligari oporteat. Atque unanimi cunctorum sententia decretum est, pro his tribus criminibus fieri debere, cum ad synodum canonicè jussus venire contemnit, aut postquam illuc venerit sacerdotalibus respuit obedire præceptis, aut ante finitam causæ suæ examinationem a synodo profugus abire præsumit.

CAP. 123. — *De illis qui rapinam et furtum exercuerint. Ex eodem concilio, cap. 31.*

Tranquillitatem sanctæ Dei Ecclesiæ inquietari, et pacem fraternam infestari testantur fures et latrones, qui ambulant inter nos ovina pelle obumbrati, sed lupina mente recedunt alienati, sæva mente res ecclesiarum adducti rapientes, et gregem Dominicum spoliando lacérantes. De quibus Salvator in Evangelio commemorat: *Qui non intrat per ostium in ovile ovium, ille fur est et latro (Joan. x).* Atque subjunxit: *Fur non venit nisi ut furetur, et mactet, et perdat (ibid.).* Ubi quamvis hæreticos qui fidem furantur Ecclesiæ designet, tamen insecutione furum et latronum turbatam monstrat pacem Ecclesiarum. De talibus Apostolus ad Philippenses: *Videte canes, videte malos operarios (Philip. iii).* Canes vocavit qui non habent verecundiam: *Malos operarios qui nulla faciunt quæ pietati conveniunt.* Et Dominus per Isaiam prophetam: *Ego Dominus diligens iudicium, et odio habens rapinam (Isa. lxi).* Unde nos quæ Dominus diligit diligentes, et quæ odit odio habentes, statuimus et iudicamus, ut si quis post hæc evangelica et apostolica, atque prophetica verba et definitionem pacatissimæ synodi inventus fuerit, furtum aut rapinam exercere, et in ipso diabolico actu mortem meretur incurere, nullus pro eo

presumat orare, aut elemosynam dare, et elemosyna pro eo data in memoriam clericorum nec pauperum veniat, sed execrabilis sordescat. Beatus Augustinus de talibus horribilem profert sententiam, dicens: « Nemo te post mortem tuam fideliter redimit, quia tu te redimere noluisti. » Si autem ille fur vel latro vulneratus elabatur, et exspectatione mortis desperatus putatur, atque reconciliari se mysteriis sacrosanctis habitu corporis et voluntate piæ mentis deprecatur, Deoque et sacerdoti vita comite, emendationem et actum confitetur, communionis gratiam non negamus tribuendam.

CAP. 124. — *De illis qui in patibulis suspenduntur. Ex concilio Magontensi, cap. 5 (c. 27, et cons. Vormat. sub Leone IV, c. 80.)*

(13, q. 2, c. *Quæsitum.*) Quæsitum ab aliquibus fratribus de his qui in patibulis suspenduntur pro suis sceleribus post confessionem Deo peractam, utrum cadavera illorum ad ecclesias deferenda sint, et oblationes pro eis offerende, et missæ celebrandæ an non. Quibus respondemus: Si omnibus de peccatis suis puram confessionem agentibus, et digne poenitentibus, communicatio in fine secundum canonicum jussum, danda est, cur canones interdiciunt eis, qui pro peccatis suis poenam extremam persol-

unt, et confitentur vel confiteri desiderant? Scriptum est enim: Non judicat Deus bis in idipsum (*Naum 1, secundum aliam litteram.*)

CAP. 125. — *De episcopis, qui cum excommunicatis communicaverint. Ex concilio apud Erphesfurt, cap. 9, cui interfuit rex Henricus.*

Decrevit sancta synodus cum consilio serenissimi principis, si deinceps aliquis episcopus sui ministerii oblitus, sciens cum excommunicato communicaverit, sive in salutatione, sive in oratione, sive in injusta confortatione, sive in cibo, sive in potu, excommunicatus habeatur tam a principe, quam a cæteris omnibus, quousque in proxima synodo audiat, et Deo et Ecclesiæ suæ satisfacere cogatur.

CAP. 126. — *De clericis qui suerint Ecclesias suas, et de servis, qui dominos proprios suerint. Ex concilio apud Altheum habito, cui interfuit Conradus rex, cap. 26.*

Sanctus Gregorius dicit: Clericum fugientem ab ecclesia sua, vel servum fugientem proprium dominum, et nolentem reverti, judicamus communionem privari, quousque ad propriam ecclesiam, vel ad dominum suum redeat. *Et item, Clericum fugitivum suo episcopo decernimus apostolica sententia resitui, vel excommunicari, una cum illis qui ei communicaverint.*

DECRETI PARS DECIMA QUINTA.

De poenitentia sanorum et infirmorum, et qua commutatione leniri possit poenitentia.

CAP. 1. — *Quid sit poenitentia. Gregorius (hom. 154 C Evangeliorum).*

(*De poenit. dist. 3, c. Poenitentia.*) Poenitentia est peccata præterita desicere, et desicenda non admittere.

CAP. 2. — *Ut presbyter poenitentem jussum ab episcopo suo reconciliet. Ex concil. Carthagin. II, cap. 4.*

(26, q. 6, c. *Aurelius episcopus.*) Aurelius episcopus dixit: « Si quisquam in periculo fuerit constitutus, et se reconciliari divinis altaribus petierit; si episcopus absens fuerit, debet utique presbyter consulere episcopum, et sic periclitantem ejus præcepto reconciliare, quam rem debemus salubri consilio roborare. » Ab universis episcopis dictum est: « Placet quod sanctitas vestra necessario nos instruere dignata est. »

CAP. 3. — *Ut poenitentibus juxta peccatum modus poenitentia detur. Ex concil. Carthagin. III, cap. 31.*

(26, q. 7, c. *Poenitentibus.*) Ut poenitentibus secundum differentiam peccatorum, episcopi arbitrio poenitentia tempora decernantur.

CAP. 4. — *Ne presbyter clam episcopo reconciliet poenitentem. Ex eodem concilio, cap. 32.*

(26, q. 6, c. *Presbyter.*) Ut presbyter inconsulto episcopo non reconciliet poenitentem, nisi absente

episcopo necessitate cogente. Cujuscunque poenitentis publicum et vulgatissimum crimen est, quod universam Ecclesiam commoverit, ante absidam manus ei imponatur.

CAP. 5. — *Ut ex poenitentibus ordinatus clericus deponatur. Ex concilio Carthag. IV, cap. 68.*

(*Dist. 50, c. Ex poenitentibus.*) Ex poenitentibus (quamvis sit bonus) clericus non ordinatur. Si per ignorantiam episcopi factum fuerit, deponatur a clero, quia se ordinationis tempore non prodidit fuisse poenitentem. Si autem sciens episcopus ordinaverit talem, etiam ipse episcopatus sui ordinandi duntaxat potestate privetur.

CAP. 6. — *De lege poenitentium. Ex eodem concilio, cap. 74.*

(26, q. 7, c. *Sacerdos.*) Ut sacerdos poenitentiam imploranti, absque personæ acceptione poenitentia leges injungat.

CAP. 7. — *De negligentibus poenitentibus. Ex eodem concilio, cap. 75.*

Ut negligentiores poenitentes tardius reconcilientur.

CAP. 8. — *De poscentibus poenitentiam, si postea obmutescant. Ex eodem concilio, cap. 76.*

(26, q. 6, c. *Qui in infirmitate.*) Is qui poenitentiam in infirmitate petit, si casu dum ad eum se-

cer. los invitatus venit, oppressus infirmitate obmuerit, vel in phrenesin versus fuerit, dent testimonium qui eum audierint, et accipiat pœnitentiam. Et si continuo creditur moriturus, reconcilietur per manus impositionem, et infundatur ori ejus eucharistia. Si supervixerit, admoneatur a supradictis testibus petitioni suæ satisfactum, et subdatur statutis pœnitentiæ legibus, quoad sacerdos, qui pœnitentiam dedit, probaverit.

CAP. 9. — *De pœnitentibus, ut in morte viaticum accipiant. Ex eodem concil., cap. 77.*

Pœnitentes qui in infirmitate sunt, viaticum accipiant.

CAP. 10. — *De pœnitentibus si post viaticum supervivant. Ex eodem concil., cap. 78.*

Pœnitentes qui in infirmitate viaticum eucharistiæ acceperint, non se credant absolutos sine manus impositione, si supervixerint.

CAP. 11. — *De pœnitentibus si casu aliquo moriantur. Ex eodem concil., cap. 79.*

(26, q. 7, c. Sacerdos pœnitentiam.) Pœnitentes qui attente leges pœnitentiæ exsequuntur, si casu in itinere vel in mari mortui fuerint, ubi eis subveniri non possit, memoria eorum et orationibus et oblationibus commendetur.

CAP. 12. — *Ut pœnitentes mortuos efferant et sepe- liant. Ex eodem concil., cap. 81.*

Mortuos ecclesiæ pœnitentes efferant et sepe- liant.

CAP. 13. — *Ut pœnitentes semper genua flectant. Ex eodem concil., cap. 82.*

Pœnitentes etiam diebus remissionis genua flectant.

CAP. 14. — *Ut pœnitentia conjugatis non nisi ex consensu detur. Ex concilio Arelatensi II, cap. 22.*

(33, q. 4, c. Pœnitentiam.) Pœnitentiam conjugatis non nisi ex consensu dandam.

CAP. 15. — *De apostatis si non revertuntur. Ex eodem concil., cap. 25.*

Ii qui post sanctam religionis professionem apostatant, et ad sæculum redeunt, et postmodum pœnitentiæ remedia non requirunt, sine pœnitentia communionem penitus non accipiant. Quos etiam jubemus ad clericatus officium non admitti. Et quicumque ille sit, post pœnitentiam habitum sæcularem non præsumat; quod si præsumpserit ab ecclesia alienus habeatur.

CAP. 16. — *De clericis pœnitentiam petentibus. Ex concil. Araus., cap. 4.*

Pœnitentiam desiderantibus clericis [etiam, orig.] non negandam.

CAP. 17. — *Qualiter majores pœnitentiam accipiant, quæ junioribus non facile committenda est. Ex conc. Agath., cap. 25.*

(Dist. 50, c. Pœnitentes.) Pœnitentes tempore quo pœnitentiam petunt, impositionem manuum, et cilicium super capita a sacerdote (sicut ubique constitutum est) consequantur. Si autem comas non deposuerint, aut vestimenta non mutaverint, abjiciantur. Et nisi digne pœnituerint, non recipiantur.

A Juvenibus autem pœnitentia non facile committenda est, propter ætatis fragilitatem. Viaticum tamen omnibus in morte positis non negandum.

CAP. 18. — *Si presbyter aut diaconus pro reatu aliquo ab eucharistia se suspendiderit. Ex concil. Aurel., cap. 8 (Aurel. conc. I, c. 14).*

(Dist. 81, c. Si diaconus.) Si diaconus aut presbyter pro reatu suo se ab altaris communionem sub pœnitentis confessione submoverint, sic quoque si alii defuerint, et causa certæ necessitatis exoritur, postea baptismum liceat baptizare.

CAP. 19. — *De his qui pœnitentiã poscunt: si vir est, prius tondeatur; si femina prius habitum mutet. Ex conc. Tolet. III, cap. 12.*

Quicumque ab episcopo, vel presbytero sanus vel infirmus pœnitentiam postulat, id ante omnia episcopus observet et presbyter; ut si vir est, si sanus vel infirmus, prius eum tondeat, aut in cinere, et cilicio habitum mutare faciat, et sic pœnitentiam ei tradat. Si vero mulier fuerit, non accipiat pœnitentiam, nisi prius aut velata fuerit, aut mutaverit habitum. Sæpius enim laicis cum feminis tribuendo desidiose pœnitentiam, ad lamentanda rursus facinora post acceptam pœnitentiam relabuntur.

CAP. 20. — *Qualiter lapsi quilibet de clero, et in monasterium pro agenda pœnitentia trasi, sustententur. Gregorius Petro subdiacono (lib. I Regist., ep. 42).*

(16, q. 6, c. De lapsis.) De lapsis sacerdotibus, vel quolibet ex clero observare te volumus, ut in rebus eorum nulla contaminatione miscearis, sed pauperima regularia monasteria require, quæ secundum Deum vivere sciunt, et in eisdem monasteriis ad pœnitentiam lapsos trade, et res lapsorum in eo loco proficiant, in quo agere pœnitentiam traduntur, quatenus ipsi ex rebus eorum subsidium habeant, qui de correptione eorum sollicitudinem gerunt. Si vero parentes habent, res eorum legitimis parentibus dentur, ita autem, ut eorum stipendia, qui in pœnitentiam dati fuerint, sufficienter debeant procurari. Si qui vero ex familia ecclesiastica sacerdotes, vel levitæ, vel monachi, vel clerici, vel quilibet alii lapsi fuerint, similiter dari eos in pœnitentiam volumus, sed res eorum ecclesiastico juri non subtrahi, ad usum tamen suum accipiant, unde ad pœnitentiam subsistant, ne si nudentur, locis in quibus dati fuerint, onerosi sint.

CAP. 21. — *Dimissa peccata denuo ad eum reverti, qui non vult in se peccanti dimittere. Augustinus libro primo De baptismo (contra Donatist., cap. 12).*

Redire dimissa peccata, ubi fraterna charitas non est, apertissime Dominus in Evangelio docet, de illo servo, quem cum invenisset debitorem decem milium talentorum, deprecanti omnia dimisit; ille autem conservum suum qui ei debebat centum denarios, cum miseratus non fuisset, jussit eum dominus reddere quæ ei dimiserat (Matth. XVIII).

CAP. 22. — *De his, qui in ultimo pœnitentiam petunt. Ex dictis Augustini (lib. I Homil., hom. 41).*

(De penit., dist. 7, c. Si quis posit.) Sane quisquis

positus in ultima necessitate agritudinis suæ, acceperit pœnitentiam, et mox ut reconciliatus fuerit, exierit de corpore, faccor vobis, non illi negamus quod petit, sed non præsumo dicere quod hinc bene exierit. Si securus hinc exierit, ego nescio. Pœnitentiam dare possumus, securitatem autem dare non possumus. Nunquid dico, damnabitur? Sed nec dico liberabitur. Vis ergo a dubio liberari? Vis quod incertum est evadere? Age pœnitentiam dum sanus es. Si sic agis, dico tibi quia securus es, quia pœnitentiam egisti eo tempore, quo peccare potuisti. Si autem vis agere pœnitentiam quando jam peccare non potes, peccata te dimiserunt, non tu peccata.

CAP. 25. — *Ut gravium criminum rei auctoritate pœnitentis sequeantur ab altari, et iterum reconcilientur. Item Augustinus libro De pœnitentia (124).*

(Dist. 1, c. In actione.) In actione autem pœnitentiae ubi tale commissum est, ut is qui commisit, a Christi etiam corpore separaretur, non tam consideranda est mensura temporis quam doloris. Cor enim contritum et humiliatum Deus non spernit (Psal. 1). Verum quia plerumque dolor alterius cordis occultus est alteri, nec in aliorum notitiam per verba, vel quæcumque alia signa procelit, cum sit coram illo, cui dicitur: *Gemitus meus a te non est absconditus* (Psal. xxxvii); recte constituuntur ab his, qui Ecclesiis præsent, tempora pœnitentiae, ut satisfaciat etiam Ecclesiae, in qua remittuntur ipsa peccata; extra eam quippe non remittuntur. *Hactenus eo loci August.* Ergo cum tanta est plaga peccati, atque impetus morbi, ut medicamenta corporis et sanguinis Domini differenda sint, auctoritate antistitis debet se quisque ab altario remove ad agendam pœnitentiam, et eadem auctoritate reconciliari.

CAP. 24. — *Quantum condesceudi oporteat pœnitentibus. Item libro De pœnitentia (l. l. Homil., hom. 50, c. 11).*

(Dist. 1, c. Judicet.) Judicet seipsum in istis voluntate dum potest, et mores convertat in melius, ne cum jam non poterit, etiam præter voluntatem a Domino judicetur. Et cum in se protulerit severissimæ medicinæ sententiam, veniat ad antistites, per quos illi claves in Ecclesia ministrantur, et tanquam bonus jam incipiens esse filius, maternorum membrorum ordine custodito, a præposito sacramentorum accipiat satisfactionis suæ modum, et in offerendo sacrificio contribulati cordis, persistat devotus et suppliciter. Id tamen agat, quod non solum ipsi prosit ad recipiendam salutem, sed etiam cæteris ad exemplum, ut si peccatum ejus non solum in gravi ejus malo, sed etiam in tanto scandalo aliorum est, atque hoc expedire utilitati Ecclesiæ videtur antistiti, in notitiam multorum, vel etiam totius plebis agere pœnitentiam non recuset; non resistat, nor lethali et mortifera: plæge per pudorem addat

(124) Ex pœnitentiarum ejusdam præfatione, quam reperies in admonitione beati Rhenani, ad eadem Tertul. ea quoniam pene tota ex Aug. consarcinata

A tumorem. (Cap. 12.) Multi enim corriguntur ut Petrus, multi tolerantur ut Judas, multi nesciuntur donec veniat Dominus qui, et *illuminet abscondita tenebrarum, et manifestet cogitationes cordis* (I Cor. iv). Item Augustinus in epistola ad Macedonium (epist. 45, post init.) (Dist. 50, c. Quamvis): Quamvis caute salubriterque provisum sit, ut locus illius humillimæ pœnitentiae semel in Ecclesia concedatur, ne medicina vilis minus utilis esset ægrotis, quæ tanto magis salubris est, quanto minus contemptibilis fuerit; quis tamen audeat Deo dicere: Quare huic homini qui post primam pœnitentiam rursus se laqueis iniquitatis astringit [obstr. or.], adhuc iterum parcis? Quis audeat dicere erga istos non agi, quod Apostolus ait: *Ignoras quia patientia Dei ad pœnitentiam te adducit?* (Rom. 11.) Aut istis exceptis esse definitum, quod scriptum est: *Beati omnes qui confidunt in eum?* (Psal. 11.) Aut ad istos non pertinere quod dicitur: *Viriliter agite, et confortetur cor vestrum, omnes qui speratis in Dominum?* (Psal. xxx.) Cum igitur super peccatores tanta sit patientia, tanta misericordia Dei, ut in hac temporali vita moribus emendatis non damnetur in æternum, qui nullius, quæ sibi præbeatur exspectat misericordiam, quoniam nemo est illo beator, nemo potentior, nemo justior, quales nos esse oportet homines erga homines, qui hanc vitam nostram, quantacunque laude cumulemus (commendemus, or.), eam sine peccato esse non dicimus? Quod si dixerimus nosipsos (sicut scriptum est) *decipimus, et veritas in nobis non est* (I Joan. 1).

CAP. 25. — *Non posse perfecte pœnitere pro aliquo ablato, nisi restituatur, si potest restitui. Augustinus in epistola ad Armentarium et Paulinam (epist. 54 ad Macedonium post med.).*

(11, q. 6, c. Si res aliena.) Si res aliena, propter quam peccatum est, cum reddi possit, non redditur, non agitur pœnitentia, sed fingitur. Si autem veraciter agitur, non remittetur peccatum nisi restituatur ablatum, sed, ut dixi, cum restitui potest

CAP. 26. — *Quod ultima conversio mente potius æstimanda sit quam tempore. Ex decretis Cælestini papæ, cap. 20 (epist. 2 ad Galliæ episc., c. 27).*

Vera ergo ad Deum conversio in ultimis positurum, mente potius æstimanda est quam tempore, propheta hoc taliter asserente: Si conversus ingenueris, tunc salvus eris (Ezech. xviii et xxxiii). Cum ergo Dominus sit cordis inspector, quovis tempore non est deneganda pœnitentia postulanti, cum ille se obliget judici, cui occulta omnia noverit revelari.

CAP. 27. — *Quod omnis fidelis in ultimis positus sanctificato oleo ungi debeat. Ex decretis Calixti papæ.*

Beatus enim Jacobus apostolus in Epistola sua scripsit: *Infirmatur quis in vobis, inducat presbyter-*

est, hic Aug. tribuitur. Porro hic locus deceptus est ex Enchir. c. 65, De pœnitentia.

ros Ecclesiae, et orent super eam, ungentes eam oleo, in nomine Domini, et oratio fidei salvabit infirmum (Jac. v). Hoc et apostoli in Evangelio fecisse leguntur (Marc. vi), et nunc Ecclesiae consuetudo tenet, ut infirmi oleo consecrato ungantur a presbyteris, et oratione comitante sanentur. Non solum presbyteris uti licet hoc sacro oleo in suis infirmitatibus, sed, ut Innocentius I papa describit (ep. 1, c. 8), etiam omnibus Christianis uti licet eodem oleo, in sua, aut suorum necessitate ungerendo. Quod tamen oleum non nisi ab episcopis licet confici. Nam quod ait: *Oleo in nomine Domini*, significat, oleo in nomine Domini consecrato, vel certe quia etiam, cum unguunt infirmum, nomen Domini super eum invocare debent. Et si in peccatis sit, dimittuntur ei. Multi propter peccata in animam facta, infirmitate aut etiam morte plectuntur corporis. Unde ait Apostolus Corinthiis: Quia corpus Domini indigne percipere erant soliti, ideo inter vos multi infirmi, et imbecilles, et dormiunt multi (1 Cor. xi). Si ergo infirmi in peccatis sint, et haec presbyteris Ecclesiae confessi fuerint, ac perfecto corde ea derelinquere atque emendare saterint, dimittentur eis. Neque enim sine confessione emendationis [confessionis emendatione] queunt dimitti. Unde recte subjungitur: *Confitemini alterutrum peccata vestra, et orate pro invicem, ut salvemini* (Jac. v).

CAP. 28. — *De illis, qui propter timorem mortis in ipsa infirmitate confitentur peccata sua. Ex concilio Nannetensi, cap. 2.*

Infirmus qui necessitate mortis urgente confitetur peccata sua, sub ea conditione a sacerdote reconciliatur, ut si ei Dominus vitam donaverit, sanitatemque reddiderit, secundum qualitatem delicti, et secundum canonum statuta, et poenitentialium probatorum poeniteat.

CAP. 29. — *De illis qui in necessitatis tempore et poenitentiam et reconciliationem desiderant. Ex decretis Leonis papae, cap. 9 (Leon. pap. I, epist. 91 ad Theodorum).*

(26, q. 6, c. *His qui in tempore.*) His autem, qui tempore necessitatis, et in periculis urgente instantia, praesidium poenitentiae, et mox reconciliationis implorant, nec satisfactio interdicenda est, nec reconciliatio deneganda, quia misericordiae Domini non mensuras possumus ponere, nec tempora delinire, apud quem nullas patitur veniae moras conversio [vera], dicente Domino per prophetam: Cum conversus ingenueris, tunc salvus eris (Ezech. xviii et xxxiii; Isa. xxx), et alibi: Dic tu iniquitates tuas prior ut justificeris. Item: Quia apud Dominum misericordia est, et copiosa apud eum redemptio (Psal. cxxxix). In dispensandis itaque Dei donis, non debemus esse difficiles, nec se accusantium gemitus, lacrymasque negligere, cum ipsam poenitentem afflictionem [at. poenitendi affectionem] ex Dei credamus inspiratione conceptam, dicente Apostolo:

A *Ne forte det illis Deus poenitentiam, ut resipiscant a diaboli laqueis, a quo captivi tenentur ad ipsius voluntatem* (11 Tim. ii).

CAP. 30. — *De eadem re. Ex decretis Innocentii I papae, cap. 22 (ep. 3 ad Exuper., c. 2).*

Et hoc quaesitum est, quid de iis observari oporteat qui post baptismum omni tempore incontinentiae voluptatibus dediti, in extremo fine vitae suae poenitentiam simul et reconciliationem communionis exposcunt. De his observatio prior, durior; posterior, interveniente misericordia, inclinator est. Nam consuetudo prior tenuit ut concederetur eis poenitentia, sed communio negaretur. Nam cum illis temporibus crebrae persecutiones essent, ne communionis concessa facilitas homines de reconciliatione B securos non revocaret a lapsu, merito negata communio est concessa poenitentia, ne totum penitus negaretur, et duriolem remissionem fecit temporis ratio. Sed postquam Dominus noster pacem Ecclesiis suis reddidit, jam terrore depulso, communionem dari obeuntibus placuit, et propter misericordiam, quasi viaticum profecturis, et ne Novatiani haeretici negantis veniam, asperitatem et duritiam subsequi videamur. Tribuitur ergo cum poenitentia extrema communio, ut homines ejusmodi, vel in supremis suis permittente Salvatore nostro, a perpetuo exitio vindicentur.

CAP. 31. — *De illis qui ad exitum veniunt, ut ultimo et necessario viatico non priventur. Ex concilio Nicæno, cap. 13.*

C (26, q. 6, c. *De his vero.*) De his qui ad exitum veniunt, etiam nunc lex antiqua, regularisque servabitur, ita ut si quis egreditur de corpore, ultimo et necessario viatico minime privetur. Quod si desperatus, et consecutus communionem oblationisque particeps factus, iterum convalescit, sit inter eos qui communionem orationis tantummodo consequuntur. Generaliter autem omni cuilibet, in exitu posito et poscenti sibi communionis gratiam tribui, episcopus probabiliter ex oblatione debet dare.

CAP. 32. — *Quod poenitentia possint aboleri peccata, etiam si in ultimo vitae spiritu quis poeniteat. Ex concilio Magontensi, cap. 2 (125).*

D Poenitentiam posse aboleri peccata indubitanter credimus, etiam si in ultimo vitae spiritu admissorum [admissor] poeniteat, et vel publica lamentatione peccata prodantur, quia Dei propositum, quo decrevit salvare quod perierat (Luc. xix), stat immobile. Et ideo, quia voluntas ejus non mutatur, sive emendatione vitae, si tempus conceditur, sive supplicii confessione, si continuo vita exceditur, venia peccatorum fideliter praesumatur ab illo, qui non vult mortem peccatoris, sed ut convertatur a perditione poenitendo, et salvetur miseratione Domini ut vivat [et salvatus miseratione Domini vivat. Sic hodie August.] (Ezech. xi; xxxiii). Si quis aliter

de justissima pietate Dei sentit, non Christianus, A sed Novatianus est.

CAP. 55. — *De lapsis in ultimo positis, ut viatico munere, si rogaverint, eis subveniri debeat. Ex epistola Siricii papæ.*

Quicumque carnali fragilitate ceciderint viatico munere, cum ad Dominum cœperint proficisci, si rogaverint, per communionis gratiam volumus subvenciri.

CAP. 54. — *De illis infirmis, qui dum pœnitentiam petierint, et antequam sacerdos veniat, officium oris amittunt. Ex epistola Leonis papæ (epist. 91).*

Ita ergo talium necessitati auxiliandum est, ut nec actio illis pœnitentiæ, nec communionis gratia denegetur, si eam etiam amisso vocis [oris] officio per judicia integri sensus quærere comprobentur. Quod si ita aliqua ægitudine fuerint aggravati, ut, quod paulo ante posebant, sub præsenti sacerdotis significare non valcant, testimonium fidelium circumstantium illis prodesse debet, ut simul et [simul tamen et, etc.] pœnitentiæ, et reconciliationis beneficium consequantur.

CAP. 55. — *De eadem re. Ex decret. Eusebii papæ, cap. 10.*

Si quis pœnitentiam petens, dum sacerdos venerit, fuerit officio linguæ privatus, constitutum est ut, si idonea testimonia habuerit, quod ipse pœnitentiam petiisset, et ipse per motus aliquos suæ voluntatis aliquid signum facere potest, sacerdos impleat omnia, sicut supra circa ægotantem pœnitentem scriptum est, id est orationes dicat, et unget eum oleo sancto, et eucharistiam ei donet, et postquam obierit, ut cum cæteris fidelibus ei subministret.

CAP. 56. — *De infirmis in periculo mortis constitutis. Ex Pœnitentiali Theodori (Mogunt. sub Leone IV, c. 26).*

(26, q. 7, c. *Ab infirmis.*) Ab infirmis in periculo mortis positus, per presbyteros pura inquirenda est confessio peccatorum; non tamen illis imponenda quantitas pœnitentiæ, sed innotescenda, et cum amicorum orationibus, et eleemosynarum studiis pondus pœnitentiæ sublevandum. Et si forte migraverint, ne obligati et a communione alieni, vel consortio veniæ fiant. A quo periculo si divinitus ereptus convalescit, pœnitentiæ modum a suo confessore impositum diligenter observet. Et ideo secundum canonicam auctoritatem, ne illis janua pietatis clausa videatur, orationibus et consolationibus ecclesiasticis sacra cum unctione olei animati, secundum statuta sanctorum Patrum communionem viatici reficiantur.

CAP. 57. — *De quodam qui Christum negaverat, quomodo in extremis viatico liberatus est. Dionysius dicit in ecclesiastica Historia (Euseb. eccles. Hist. lib. vi, c. 54, ex translatione Rufini).*

In Historia ecclesiastica Dionysius rescribens ad Fabianum, inducit quamdam historiam, dicens, Serapionem quemdam fuisse apud Alexandriam, unum ex his qui lapsi sunt, eundemque sæpe deprecatum esse, ut susciperetur, nec tamen impe-

A trasse. Oppressum deinde hunc ægitudine, ita ut tres dies sine voce jaceret, paululum vero quarto die respirantem, vocasse ad se filiolum suam, et dixisse fertur: « Quousque me detinetis? quæso vos, cito aliquis presbyterorum veniat, ut possim dimitti. » Et cum hoc dixisset, rursus sine voce permansit. Abiit cito cursu ad presbyterum puer notis tempore. Infirmabatur presbyter, venire non potuit; tamen quia præceptum fuerat, ut lapsis in exitu nemo reconciliationis solatia denegaret, et maxime his, quos prius id rogasse constabat, parum eucharistiæ puero dedit. Regrediente puero, adhuc antequam ingrederetur domum, rursus Serapion: « Redisti, inquit, filii? Licet presbyter venire non potuit, tamen imple quod tibi imperatum est, ut possim recedere. » Cumque accepisset eucharistiam, velut catenis quibusdam vinculisque diruptis, lætorem jam spiritum reddidit. Ex quo constat hujus boni auxilio nullum debere fraudari.

CAP. 58. — *Ut presbyteri de occultis peccatis jussu episcopi pœnitentes reconcilient. Ex decreto Evaristi papæ, cap. 5.*

(26, q. 6, c. *Presbyteri.*) Ut presbyteri de occultis peccatis jussione episcopi pœnitentes reconcilient, et (sicut supra præmisimus) infirmantes absolvant et communicent.

CAP. 59. — *De pœnitente, si in ipsa pœnitentia de corpore exierit, et reconciliari desiderat. Ex conc. Arausicano 1, cap. 5.*

(26, q. 6, c. *Qui recedunt.*) Qui recedunt de corpore pœnitentes, placuit sine reconciliatoria manus impositione eis communicare; quod morientis sufficit consolationi [reconciliationi] secundum definitiones Patrum, qui hujusmodi communionem congruenter viaticum nominarunt. Ut si [quod si, or.] supervixerint, stent in ordine pœnitentium ut, ostensis necessariis pœnitentiæ fructibus, legitimam communionem cum reconciliatoria manus impositione percipiant.

CAP. 40. — *Ut quinta feria ante Pascha pœnitentibus sit remittendum; ante autem, si ad desperationem infirmitatis devenerint. Ex epistola Innocentii I papæ, cap. 1 (ep. 1 ad Decentium, c. 7).*

(*De cons., dist. 5, c. De pœnitentibus.*) De pœnitentibus autem qui sive ex gravioribus commissis, sive ex levioribus pœnitentiam gerunt, si nulla intervenit ægritudo, quinta feria ante Pascha eis remittendum Romanæ Ecclesiæ consuetudo demonstrat. Cæterum de pondere æstimando delictorum, sacerdotis est judicare, ut attendat ad confessionem pœnitentis, et ad fletus atque lacrymas corrigentis, ac tum jubere dimitti, cum viderit congruam satisfactionem. Sane si quis in ægitudinem inciderit, atque usque ad desperationem devenerit, ei est ante tempus Paschæ relaxandum, ne de sæculo absque communionem discedat.

CAP. 41. — *De illis qui in Ecclesia remitti peccata negaverint. Ex dictis August. (jn Enchir., c. 85).*

Qui vero in Ecclesia remitti peccata non credens, contemnit divini muneris largitatem, et in hac ob-

stinatione mentis diem claudit extremum, reus est A pœ pœnitentiam per præfixos gradus injungant. Post hæc in ecclesiam eos introducat, et cum omni clero septem pœnitentiæ psalmos in terram prostratus cum lacrymis pro eorum absolutione decantet. Tunc resurgens [exurgens] ab oratione (juxta quod canones jubent) manus eis imponat, aquam benedictam super eos spargat, cinerem prius mittat, deinde cilicio capita eorum cooperiat, et cum gemitu et crebris suspiriis eis denuntiet, quod sicut Adam projectus est de paradiso, ita et ipsi ab Ecclesia pro peccatis alijciuntur. Post hæc jubeat ministris, ut eos extra januas ecclesiæ expellant. Clerus vero prosequatur eos cum responsorio : *In sudore vultus tui vesceris pane* (Gen. iii), etc., ut videntes sanctam Ecclesiam pro facinoribus suis tremefactam atque commotam, non parvipendant pœnitentiam. In sacra autem Domini cœna rursus ab eorum decanis, et eorum presbyteris ecclesiæ liminibus represententur.

CAP. 42. — *Quod infirmis omni hora cibum sumere liceat. Ex conc. Maguntiensi, cap. 23.*

Infirmis licet omni hora cibum potumque sumere, quotiescunque desiderant.

CAP. 43. — *De illis sacerdotibus qui morientibus pœnitentiam denegaverint. Ex decretis Julii papæ (ad calc. decret. Julii).*

(26, q. 6, c. Si presbyter.) Si quis presbyter pœnitentiam abnegaverit morientibus, reus erit animarum, quia Dominus dicit : *Quacunque die fuerit conversus peccator, vita rivet, et non morietur* (Ezech. xviii). Vera enim conversio [al. confessio] in ultimo tempore potest esse, quia Dominus non solum temporis, sed etiam cordis inspector est (Luc. xxiii), sicut latro unius momenti pœnitentia meruit esse in paradiso in hora ultimæ confessionis.

CAP. 44. — *Quod nulli ultima pœnitentia sit deneganda. Ex decretis Cælestini papæ, cap. 10 (ep. 2 ad episc. Galliæ, c. 2).*

(26, j. 6, c. Agnovimus.) Agnovimus enim pœnitentiam morientibus denegari, nec illorum desideriis annui, qui obitus sui tempore hoc animæ suæ cupiunt remedio subveniri. Horremus, fatcor, tantæ impietatis aliquem reperiri, ut de Dei pietate desperet, quasi non possit ad se quovis tempore concurrenti succurrere, et periclitantem sub onere peccatorum hominem, pondere quo se ille expedire [se expediti, or.] desiderat, liberare. Quid hoc rogo aliud est quam morienti mortem addere, ejusque animam sua crudelitate, ne absoluta esse possit, occidere? cum Deus ad subveniendum paratissimus, invitans ad pœnitentiam sic promittat peccatori : *In quacunque die conversus fuerit, peccata ejus non reputabuntur ei* (Ezech. xxxiii). Et iterum : *Nolo mortem peccatoris, sed tantum ut convertatur, et vivat* (ibid.). Salutem ergo homini admittit quisquis mortis tempore pœnitentiam [speratam inseritur in orig. et Gr.] denegaverit, et desperaverit de clementia Dei, qui eum ad subveniendum morienti sufficere vel momento posse non credidit. Perdidisset latro in cruce præmium ad Christi dextram pendens, si illum unius horæ pœnitentia non juvisset. Cum esset in pœna pœnituit, et per unius sermonis professionem habitaculum paradisi, Deo promittente, promeruit.

CAP. 45. — *Ut in capite Quadragesimæ omnes publice pœnitentes in civitatem veniant, et ante fores ecclesiæ nudis pedibus et cilicio induti episcopo suo se representent. Ex conc. Agath., cap. 9.*

(Dist. 50, c. In capite.) In capite Quadragesimæ omnes pœnitentes qui publicam suscipiunt aut susceperunt pœnitentiam, ante fores ecclesiæ se representent episcopo civitatis, sacco induti, nudis pedibus, vultibus in terram prostratis, reos se esse ipso habitu et vultu proclamantes. Ibi adesse debent decani, id est archipresbyteri parœciarum, et presbyteri pœnitentium, qui eorum conversationem diligenter inspicere debent, et secundum modum cul-

CAP. 46. — *Qua auctoritate modus pœnitentiæ peccatu confitentibus imponi debeat. Ex concilio Maguntiensi, cap. 10 (Cabillon. ii, c. 38).*

Modus tempusque pœnitentiæ peccata sua confidentibus aut per antiquorum canonum institutionem, aut per sanctarum Scripturarum auctoritatem, aut per ecclesiasticam consuetudinem probatam imponi debet a sacerdotibus. Nam qui peccatis gravibus leves quosdam et inuitatos imponunt pœnitentiæ modos, *consumunt pulvillus, secundum propheticum sermonem, sub omni cubito manus, et faciunt cervicalia sub capite universæ ætatis, ad capiendas animas* (Ezech. xiii). Sed discretio servanda est inter pœnitentes publice et absconse. Nam qui publice peccat, oportet ut publice multetur pœnitentia, et secundum ordinem canonum pro merito suo excommunicetur et reconcilietur.

CAP. 47. — *Quod diversitas culparum diversitatem faciat pœnitentiarum. Ex dictis August.*

Diversitas culparum diversitatem facit pœnitentiarum. Nam et corporum medici diversa medicamenta componunt, ut aliter vulnera, aliter morbum, aliter tumores, aliter putredines, aliter caligines, aliter contractiones, aliter combustiones curent. Ita et spirituales medici diversis curationum generibus animarum vulnera sanare debent. Sed quia hoc paucorum est, ad purum scilicet cuncta cognoscere et curare, et mederi, atque ut integrum salutis statum valeant revocare, ideo solerter admonemus doctum quemque sacerdotum Christi, ut non ex suo sensu, sed secundum canonum statuta, et traditiones Patrum universa disponat, et conditionem utriusque sexus, ætatem, paupertatem, causam, statum, personam cujusque pœnitentiam agere volentis, ipsum quoque cor pœnitentis inspiciat, et secundum hæc ut sibi visum fuerit, ut sapiens medicus, singula quæque dijudicet.

CAP. 48. — *Quod multi sint fructus pœnitentiæ. Ex dictis ejusdem.*

Multi sunt pœnitentiæ fructus, per quos ad expiationem eriminum pervenitur. Non enim tantum

simplici illo pœnitentiæ nomine salus æterna repromittitur, ut illud apostolicum : *Pœnitimini igitur, inquit, et convertimini, ut deleantur peccata vestra* (Act. iii). Et illud propheticam : *Cum conversus ingemueris, tunc salvus eris* (Isa. xxx). Propter illum nudum gemitum, et propter illud nudum nomen pœnitentiæ nullus salvabitur, sed per veram confessionem, et sacerdotis intelligentis consilium, et per charitatis affectum, et per elemosynarum fructum peccatorum moles subruitur.

CAP. 49. — *Cur canones non perfecte præfigant unoquoque crimine tempus et mensuram pœnitentiæ. Ex dictis Hieronymi* (126).

(*De pœnitent. dist. 1, c. Mensuram.*) Mensuram autem temporis in agenda pœnitentia, idcirco non satis aperte præfigunt canones pro unoquoque crimine, ut de singulis dicant, qualiter unumquodque emendandum sit, sed magis in arbitrio sacerdotis intelligentis relinquendum statuunt. Quia apud Deum non tam valet mensura temporis quam doloris, nec abstinencia tantum ciborum quam mortificatio vitiorum. Propter quod tempora pœnitentiæ fide et conversatione pœnitentium abbrevianda præcipiunt, et negligentia protelanda existimant. Tamen [Exstant tamen impositi] pro quibusdam culpis modi pœnitentiæ sunt impositi, juxta quos cæteræ perpendendæ sunt culpæ, cum sit facile per eosdem modos vindictam et censuram canonum æstimare.

CAP. 50. — *De illis, qui pœnitentiam sibi injunctam adimplere festinant. Ex Pœnitentiali Romano.*

Unumquemque hominem accedentem ad pœnitentiam, si videris acriter et assidue stare in pœnitentia, statim remissius age adversus eum. Qui vero potest implere quod impositum est ei, noli prohibere, sed permittite. Magis enim laudandi sunt hi qui celeriter debitum pondus persolvere festinant, quia jejunium debitum est pondus, et sic amandum his qui pœnitentiam agunt, quia si jejunaverit et compleverit quod illi mandatum est a sacerdote, purificabitur a peccatis. Quod si iterum ad pristinam consuetudinem peccati reversus fuerit, sic est quomodo *canis, qui revertitur ad vomitum proprium* (Prov. xxvi). Omnis itaque pœnitens, non hoc solum debet jejunare quod illi mandatum est a sacerdote, verum etiam postquam compleverit ea quæ illi jussa sunt, debet quantum ipsi visum fuerit jejunare. Si enim egerit ea quæ illi sacerdos præceperit, illa peccata tantum quæ confessus est remittentur. Si vero postea ex sua voluntate jejunaverit, mercedem sibi acquirat et regnum cælorum. Qui ergo totam septimanam jejunit pro peccatis, Sabbato et Dominica die manducet et bibat quidquid ei appositum fuerit. Custodiat tamen se a crapula et ebrietate. Quia omnis luxuria de ebrietate nascitur. Ideo beatus Paulus prohibuit, dicens : *No-*

lite inebriari vino, in quo est luxuria (Ephes. v), non quia in vino est luxuria, sed in ebrietate.

CAP. 51. — *Ut quotiescunque aliqui ad pœnitentiam accesserint, sacerdotes jejuniis et orationibus cum eis communicare debeant. Ex Pœnitentiali Theodori.*

Quotiescunque Christiani ad pœnitentiam accedunt, jejunia injungimus, et nos communicare cum eis debemus in jejunio unam aut duas septimanas, aut quantum possumus, ut non dicatur nobis, quod sacerdotibus Judæorum dictum est a Domino : *Væ vobis legis peritis, qui aggravatis homines, et imponitis super humeros eorum onera gravia, et importabilia, ipsi autem uno digito vestro non tangitis sarcinas ipsas* (Luc. xi). Nemo enim potest sublevare cadentem sub pondere, nisi inclinaverit se, ut porrigat ei manum. Neque ullus medicorum vulnera infirmantium potest curare, nisi fetoribus fuerit participes. Ita quoque nullus sacerdotum vel pontifex peccatorum vulnera curare potest, aut animalibus peccata auferre, nisi præstante sollicitudine et oratione lacrymarum. Necesse est ergo, vos fratres charissimi, sollicitos esse pro peccantibus, quia simus alterutrum membra. Ideoque et nos si viderimus aliquem in peccatis jacentem, festinemus eum ad pœnitentiam per nostram doctrinam revocare, et quotiescunque dederis consilium peccanti; simul quoque da illi pœnitentiam statim, quantum debeat jejunare, aut elemosynis redimere peccata sua, ne forte obliviscaris quæ tibi jam dixerat, et iterum tibi necesse sit interrogare, et forsitan erubescat iterum peccata sua confiteri, et invenietur jam amplius judicari.

CAP. 52. — *Quod contingat hominem interdum animi motu, interdum carnis fragilitate peccare. Ex concilio Cabillonensi II, cap. 32.*

Sed et hoc emendatione indigere perspeximus, quod quidam, dum confitentur peccata sua sacerdotibus, non plene id faciunt. Quia ergo constat hominem ex duabus esse substantiis, anima videlicet et corpore, et interdum animi motu, interdum carnis fragilitate peccatur, solerti indagatione debent inquiri ipsa peccata, ut ex utrisque plena sit confessio, scilicet ut et ea confiteantur quæ per corpus gesta sunt, et ea quibus in sola cogitatione delinquitur. Instruendus itaque est peccatorum suorum confessor, ut de octo principalibus vitiis sine quibus in hac vita difficile vivitur, confessionem faciat, quia aut cogitatione, aut (quod est gravius) opere eorum instinctu peccavit. Odium etentium, invidia, superbia, et cæteræ hujusmodi animæ pestes tanto periculosius lædunt quanto subtilius serpunt.

CAP. 53. — *De incestis occulte commissis. Ex dictis August.*

Si quis incestum occulte commiserit, et sacerdoti occulte confessionem egerit, indicetur ei remedium canonicum [canonum] quod subire debuisset,

(126) Id habes in præfatione Pœnitentiarum illius cujus supra meminimus ad cap. 23

si ejus facinus publicatum fuisset. Verum quia latet commissum, detur ei a sacerdote consilium, ut salutem animæ suæ pro occulta pœnitentia proficiat, hæc est, ut veraciter ex corde se graviter deliquisse confiteatur, et per jejunia et eleemosynas, vigiliam atque sacras orationes cum lacrymis se purgare contendat, et sic se ad spem veniæ pro misericordia Dei pervenire confidat.

CAP. 54. — *Quod inter publice et absconse pœnitentes discretio observanda sit. Ex concilio Maguntiensis, cap. 21 (concil. Remens. c. 51, et Cabil. II, c. 58).*

Ut discretio servanda sit inter pœnitentes, qui publice, et qui absconse pœnitere debeant.

CAP. 55. — *Ut ex corde pœnitentem magna exhilaratione sacerdotes suscipiant. Ex dictis Basilii episcopi (in Reg. brev. resp. ad inter. 8).*

(26. q. 7, c. Pœnitentem.) Pœnitentem ex corde ita oportet suscipi, sicut Dominus ostendit, cum dicit, quia convocavit amicos suos et vicinos dicens: *Congratulamini mihi, quia inveni ovem meam quam perdideram (Luc. xv).*

CAP. 56. — *De his qui jam cessaverunt peccare, et perfecte pœnituerunt, ut communio eis in ipsa pœnitentia concedatur. Ex conc. Laodicensi, cap. 2.*

(26. q. 7, c. *His qui.*) De his qui facinoribus diversis peccaverunt, et perseverantes in oratione [confessionis et pœnitentiæ, inser. in orig.], conversionem a malis habere perfectam, pro qualitate delicti, talibus post pœnitentiæ tempus impensum propter clementiam et bonitatem Dei communio concedatur.

CAP. 57. — *De lapsis in ordinibus sacris, si restaurari possint. Augustinus ad Petrum Diaconum de fide scribens, ait (cap. 3):*

Omni homini in hac vita esse potest utilis pœnitentia, quam quocumque tempore homo egerit, quamlibet iniquus, quamlibet annosus, si toto corde renuntiaverit peccatis præteritis, et pro eis in conspectu Dei non solum corporis, sed etiam cordis lacrymas fuderit, et malorum operum maculas bonis operibus diluere curaverit, omnium peccatorum indulgentiam mox habebit. Hoc enim nobis Dominus prophetico promittit eloquio, dicens: *Si conversus fueris, et ingemueris salvus eris (Isai. xxx).* Et alio loco dicitur. *Fili, peccasti, ne adjicias iterum, sed et de præteritis deprecare, ut tibi dimittantur (Eccli. xxi).* Nunquam peccanti esset indicta pro peccatis deprecatio, si deprecanti non esset remissio concedenda. Sed etiam pœnitentia peccatori tunc prodest, si eam in Ecclesia catholica gerat, cui Deus in persona beati Petri ligandi solvendique tribuit potestatem, dicens: *Quæ alligaveris super terram, erunt ligata et in cælis; et quæcunque solveris super terram, erunt soluta et in cælis (Matth. xvi).* In quacumque igitur ætate homo veram peccatorum suorum egerit pœnitentiam, et vitam suam, Deo illuminante, correxerit, non privabitur munere indulgentiæ, quia Deus, sicut per prophetam dicit, non vult mortem peccatoris, quantum

ut revertatur a via sua mala, et vivat anima ejus (Ezech. xxxiii). Verumtamen nullus hominum debet sub spe misericordiæ Dei in suis diutius remanere peccatis, cum etiam in ipso corpore nemo velit sub spe futuræ salutis diutius agrotare. Tales enim qui ab iniquitatibus suis recedere negligunt, et sibi de Deo indulgentiam repromittunt, nunquam ita præveniuntur repentino Dei furore ut nec conversionis tempus, nec beneficium remissionis inveniant. Ideo unumquemque nostrum sancta Scriptura benigne præmouet, dicens: *Ne tardaveris converti ad Dominum, et ne differas de die in diem; subito enim veniet ira ejus, et in tempore vindictæ disperdet te (Eccli. v).* Dicit etiam beatus David: *Hodie si vocem ejus audieritis, nolite obdurare corda vestra (Psalm. xciv).* Cui beatus quoque Paulus concordat his verbis: *Videte fratres, ne forte sit in aliquo vestrum cor malum incredulitatis discedendi a Deo vivo, se adhortamini vosmetipsos per singulos dies, nec hodie cognominatur, ut non obduretur quis ex vobis fallacia peccati (Hebr. iii).* Oblurato ergo vivit corde qui se non convertit, desperans de indulgentia peccatorum, sive qui sic misericordiam Dei sperat, ut usque in finem vitæ præsentis in suorum criminum perversitate remaneat. Proinde diligentes misericordiam Dei, metuentesque justitiam, nec de remissione peccatorum desperemus, nec remaneamus in peccatis, scientes quia illa omnium hominum debita sit exactura æquitas justissimi judicis, quæ non dimiserit misericordia clementissimi Redemptoris. Sicut enim misericordia suscipit, absolvitque conversos, ita justitia repellit et punit obduratos. Ili sunt, qui peccantes in Spiritum sanctum, neque in hoc sæculo, neque in futuro remissionem accipient peccatorum (Matth. xii). *Hactenus August.* Nam et de hoc Isidorus Hispanensis episcopus ad inquisitionem Massonis episcopi, ita rescripsit, dicens (dist. 50, *Domino sancto*): « Verum quod sequenter in epistolis venerabilis fraternitas tua innotuit, nulla est in hujusmodi sententiis decretorum diversitas intelligenda, quod alibi legitur in lapsu corporali restaurandum honoris gradum post pœnitentiam, alibi post hujusmodi delictum nequaquam reparandum antiqui ordinis meritum. » Hæc diversitas hoc modo distinguitur. Illos enim ad pristinos officii gradus redire canon præcipit, quos pœnitentiæ præcessit satisfactio, vel digna peccatorum confessio. At contra hi, qui neque a vitio corruptionis [corrupti, or., corporis *Grat.*] emendantur, atque hoc ipsum carnale delictum quod admittunt, etiam vindicare quadam superstitiosa temeritate nituntur, nec gradum utique honoris, nec gratiam communionis recipiunt. Ergo ita est utraque dirimenda sententia ut necesse sit illos restaurari in locum honoris, qui per pœnitentiam, reconciliationem meruerunt divinæ pietatis; hi non immerito consequuntur adeptæ dignitatis statum, qui per emendationem pœnitentiæ recepisse noscuntur vitæ remedium. Id autem ne forte magis

ambiguum sit, divinæ auctoritatis sententia confirmetur, Ezechiel enim propheta sub typo prævaricatoris Hierusalem ostendit post poenitiæ satisfactionem pristinum restaurari posse honorem : *Confundere*, inquit, *o Juda, et porta ignominiam tuam* (Ezech. xvi). Et post paululum : Et tu, inquit, et filia tuæ revertimini ad antiquitatem vestram [ab iniquitate vestra]. (*Ibid.*) Quod dixit : *Confundere*, ostendit post confusionis, id est, peccati opus debere quemque erubescere, et [post confessionem, *inseretur in or.*] pro admissis sceleribus verecundam frontem humi prostratam demergere, pro eo quod dignum confusionis perpetraverat opus. Deinde præcepit ut portet ignominiam depositionis suæ, lugens cum humilitate quod peccaverat. Sicque revocari secundum prophetam ad priorem statum poterit.

CAP. 58. — *Quod anima multis gentibus nobilior, et multis urbibus pretiosior sit, ideoque si lapsa fuerit, admodum defendam. Excerptum de libro S. Joannis Constantinopolitani ad Theodorum, cap. 59 (127).*

Quis dabit capiti meo aquam, et oculis meis fontem lacrymarum (Jer. ix), opportunius multo nunc a me, quam tunc a propheta Dei, dicitur? Licet enim non urbes multæ, nec gens integra lamentanda sit, anima tamen flenda est, multis gentibus nobilior multisque urbibus pretiosior. Nam si unus, qui fecerit voluntatem Dei melior est quam multitudo iniquorum (Eccl. xvi), melior ergo et tu eras quondam quam multitudines Judæorum. Propter quod nemo miretur, si forte prolixioribus ego nunc utar lamentationibus, et amariores profundam fletus, quam tunc propheta profudit. Non enim urbis (ut dixi) captæ excidia defleo, nec vilis vulgi captivitatem lamento, sed insignis animæ lapsum, et templi in quo Christus habitabat, excidium. Hæc enim lamentatio insignis animæ, quam ego defleo, tanto est illa durior et amarior quanto et verior. *Paulo post.* Inde utique est quod ego irremediabiliter plango, quia novi, et incessabiliter lugeo dum recordor, usquequo iterum te tripudiare [repedare] videam ad prioris gloriæ statum. Quod etsi apud homines impossibile videtur, apud Dominum tamen omnia possibilia sunt (Luc. i). Ipse est enim qui allevat de terra inopem, et de stercore erigit pauperem, ut collocet eum cum principibus populi sui. Ipse est qui sterilem facit matrem super filios lætantem (Psal. cxii). Non ergo dubites, neque desperes mutari te posse in melius. Si enim tantum potuit diabolus, ut a celsis virtutum fastigiis in profundum te duceret malorum, quanto magis poterit Deus ad bonum verticem revocare, et non solum in id te restituere, quod fuisti, sed beatiorum multo quam prius videbaris efficere! Tantum ne concidas animo, neque spem absidas bonorum. Ne quæso te, ne accidat tibi quod impiis solet. Non enim pec-

A catorum multitudo in desperationem adducit animam, sed impietas. Impiorum ergo est desperare salutem, non peccatorum. *Hæc aliunde petita sunt.* Unde divina misericordia pollicetur, dicens : *Gaudium erit in cælo coram angelis Dei super uno peccatore* (Luc. xv). *Et post pauca.* Stantibus, si ceciderint, minatur poenam Dominus; lapsis, ut surgere appetant, promittit misericordiam. Illos terret, ne præsumant in bonis; illos refovet, ne desperent in malis. (*De pæn. homil. 80, ad pop. Antioch.*) Justus es? iram pertimesce, ne corruas. Peccator es? præsume de misericordia, ut surgas. (*Ex super. lib. ad Theod.*) Et sicut lapsus [lapis] gravissimus cervicibus animæ incumbens, eam semper deorsum in terram cogit aspicere, ad Deum vero sursum non sinit oculos levare, sic virilis est animi, ducere a cervicibus animæ suæ pondus, ut canat cum propheta Domino : *Sicut oculi ancillæ in manibus dominæ suæ, ita oculi nostri ad Dominum Deum, donec misereatur nostri* (Psal. cxxii). *Post pauca.* Etenim mulier illa, quæ in Evangeliiis drachmam quam perdidit, invenit, convocat amicas et vicinas, ut congratulentur ei (Luc. xv). Et ego convocabo amicos tuos, meosque et vicinos nostros, deprecabor eos convenire, non ut gaudeant, sed ut lugeant mecum, nec ut gratulentur, sed ut lamententur, et ingentem planctum sublevatis ad cælum una mecum vocibus reddant, dicendo ad eos : *Ullate mecum, amici, plangite, et profundite fontes fletuum : non quia auri pondus immensum, nec talenta auri perdidit, sed quia horum omnium charior, et omni auro, omni que gemmarum nobilitate pretiosior amicus, nescio quomodo lapsus, usque in idipsum fertur perditionis profundum.* *Post aliquot paginas non ita procul ab epilogo prioris parænesis.* Noli desperare de lapsu, ne cadas; qui enim alium desperat, habet veniam; qui vero desperaverit semetipsum, nullam, quia ille non est dominus mentis alterius. *Aliquanto inferius, sed præter diversam translationem nonnullis etiam immutatis.* Sicut ergo et anima, si semel salutem suam cœperit desperare, jam nec intelligit quomodo vel in quæ mala præcipitetur, ita et qui desperatione capti sunt, intolerabiles fiunt, et per omnes malitiæ vias discurrunt. Exsurge, exsurge, quæso, expergiscere aliquando, et diabolicam hanc depone temulentiam. Parce cunctis, qui pro tua desperatione desperant, ne putent se viam virtutis incedere, si te ad eam redisse non videant. Respice, quæso te, quantus nunc mœror omnium sanctorum fratrum habeat chorum, et quanta lætitia atque exultatio incredulis fiat, quantaque eis ad præcipitia luxuriæ decrescat [de te crescat] auctoritas. Nec erit post hæc aliquis, qui quolibet lapsu dejectus non statim resurgere cupiat, et statim se reparare festinet.

CAP. 59. — *Quod nullus a consolatione vulnerati*

(127) Tomo V, ex parænesi ad Theodorum lapsum, nisi quod hæc vetus est translatio. Porro numerum

hunc capitis referendum puto ad Poenitentiarium, ex quo hæc videntur desumpta.

fratris se subtrahere debeat. Item Joannis Constantinopolitani ad eundem Theodorum De lapsu Bachcharii, cap. 60 (128).

Ubi est misericordia Christianæ religionis, quam magister noster sacrificio docuit esse meliorem? (*Matth. ix.*) Ecce jacet frater ab hoste percussus, adhuc forsitan palpitans, et vos quasi sine vulnere revertimini, nec consolationem plagæ illius deferre tentatis. Nolite esse sine formidine, fratres, fortio-rem percussit inimicus, ut facilius ei aditus esset ad reliquos. Ut quid ergo spernitis vulneratum, aut sicut putatis et mortuum? Melior concubina Saul filia Respha (129), quæ corpora defunctorum, quos David pro Gabaonitarum ultione percusserat, eo-
usque accincta sacco, hoc est cilicio, custodivit, donec eis roraret aqua de cælo (*II Reg. xxi*), id est, donec pro venia eorum misericordiæ cælestis sci-
tilla defluerat [stilla deflueret]. Melior fuit ille Judas Machabæus, qui etiam pro mortuis fratribus orationem credidit esse faciendam, quos damnata de Jamnia civitate idolorum dona prostraverant (*II Mach. xii*). Ut quid rogo medicus noster inter librorum suorum loculos tot constituit genera pigmentorum, si nihil est ex emplastris ejus quo sanari possit vulnus, quod percussit inimicus? Et si placet, aperiamus scholam medicinæ nostræ, et a principio canonis vulnerum ac medicaminum species perquiramus. Ecce in ipsius introitu scholæ, occurrunt illi seminis carnalis auctores, qui venenato serpentis dente percussi, non statim pænæ mortis addicti sunt, sed ejecti de paradisi deliciis, id est, de Ecclesiæ libertate et sacri communionis mysterii [ministerii].

CAP. 60. — *De eadem re. Ex epistola Joannis Constantinopolitani ad Theodorum.*

Unde vides quia peccati contagione maculamur? Ne, queso, beatissime mi, fratrem nostrum, in profundum putei sub iniqui principis potestate demersum, desperationis lapidibus obruamus. Imitemur illum Æthiopem qui sanctum Jeremiam in lacu ab iniquo rege demersum, assumptis 30 hominum auxiliis, et missis ad eum pannis et sanibus veteribus, liberavit (*Jer. xxxviii*). Facilis esto ad lapsum ruinamque miserorum. Porrigere manum jacenti fratri, qui confusus pudore peccati nec erigere se, aut oculos audet attollere. Comple legem Moysi: Cecidit asinus fratris sub pondere, hoc est, caro evicta peccato, acclina te, et humilia, et subleva de ruina (*Deut. xxi*). Quid erubescis conjungi homini peccatori? Respice illum, qui dicit: Noli nimium esse justus (*Eccli. xvii*). Magister noster a latronibus vulneratum, non solum cura dignum judicat, verum etiam ad stabulum suum et ovile perduxit (*Luc. x*). Et tu ergo collige fratrem, quem diabolus atro percussit. Consigna stabulario, id est beato episcopo, qui si aliquid in eo impenderit, amplius a Domino consequetur.

(128) Nisi mentitur inscriptio mutila est parænesis ad Theodorum.

(129) *Locus corruptus, forte sic restituendus: Melior*

CAP. 61. — *De eadem re. Ex epistola ejusdem Joannis Constantin. ad Theodorum (130).*

Evangelicus sermo dixit: Si peccaverit in te frater tuus, corripe eum solus. Si te audierit, lucratus es eum (*Matth. xviii*), et cætera quæ continet sermo præcepti. Vide quid dicat: Ne exhilarantur filii incircumcisorum (*II Reg. i*). Filii enim incircumcisorum sunt homines sæculi, in præputii sui errore et gentilitate viventes. Hi ergo exhilarantur, cum audiunt ruinam militis Christi. Peccatum igitur celetur, et adhibeatur emendatio. Nos autem consolationis linteamina, et cælestis spei pigmenta tribuamus. Ipse autem infra sepulchrum secreti sui confessus, peccati pudore contineatur, ubi conscientia verme laceretur, qui totas in eo obliniat [oblingat] putredines peccatorum, donec nullum ex se fetorem famæ turpis emittat.

CAP. 62. — *De eadem re. Item ex epistola ejusdem Joannis ad Theodorum (131).*

Qualiter rogo de misericordia Dei possumus desperare, qui etiam Pharaonem arguit, quare nequam poenitere dignatus sit, dicens: Brachia Pharaonis regis Ægypti contrivi, et non est deprecatus ut daretur in eo sanitas, et redderetur ei virtus ad comprehendendum gladium? (*Ezech. xxx.*) Salomon ille mirabilis, qui meruit astritici Dei, hoc est, sapientiæ Dei copulari (*Sap. ix*), in alienigenarum incurrit amplexus, et vinculo libidinis laqueatus, etiam sacrilegii horrore se polluit, quia simulacrum Camos Moabito idolo fabricavit (*III Reg. xi*). Sed quia per prophetica vocem culpam erroris agnovit, nunquam misericordiæ cælestis extorris est. At forsitan dicas: In neutro Testamento lego, neque eum poenituisse, neque misericordiam consecutum, etc.

CAP. 63. — *De eadem re. Ex decretis Siricii papæ, cap. 14 (ep. 1 ad Himerium, c. 14).*

(*Dist. 50, c. Illud quoque.*) Illud quoque nos par fuit prævidere, ut sicut poenitentiam agere cuiquam non conceditur [solemniter non conceditur, etc.] clericorum, ita et post poenitentiam ac reconciliationem nulli unquam laico liceat honorem clericatus adipisci. Quia quanvis sint omnium peccatorum contagione mundati, nulla tamen debent gerendorum sacramentorum instrumenta suscipere, qui dudum fuerant vasa vitiorum.

CAP. 64. — *De eadem re. Ex decretis Gelasii papæ, cap. 17 (ep. 1 ad epis. per Lucaniam, c. 20).*

Comperimus etiam horrendis quibusdam criminibus implicatos, tota discretionem submota, non solum de factis atrocibus necessariam poenitentiam non habere, sed, nec aliqua correctione penitus succedente, ad divinum ministerium honoremque contendere. Nonnullos autem in ipsis ordinibus constitutos, gravibus delinquentes facinoribus non repelli, cum et Apostolus clamet: Nemini cito manus imponendas, neque communicandum peccatis alienis

Respha filia Ahia concubina Saul.

(130) Nec hoc ibi reperitur.

(131) Et hæc desiderantur

(1 Tim. v), et majorum veneranda constituta pronuntiant, hujusmodi etiam, si forte subrepererint, tam qui ante peccaverunt, dejectos oportere depelli, quam sacrae professionis [promissionis] oblitos, praevaricatoresque sancti propositi, procul dubio submovendos (*Nicaeni conc.*, c. 9 et 10).

CAP. 65. — *De illis qui loca sanctorum sub praetextu religionis inconsulte peragrunt. Ex concilio Cabillonensi, cui interfuit Carolus rex, cap. 45 (conc. Cabil. II).*

Nam et a quibusdam qui Romam, Turonumve et alia quaedam loca sub praetextu orationis inconsulte peragrunt, plurimum errant. Sunt presbyter et diacones, et caeteri in clero constituti, qui negligenter viventes, in eo purgari se a peccatis putant, et ministerio suo fungi debere, si praefata loca attingant. Sunt nihilominus laici, qui putant impune se aut peccare, aut peccasse, quia haec loca oraturi frequentant. Sunt quidam potentum qui acquirendi census gratia sub praetextu Romani sive Turonici itineris multa acquirunt [conquirunt], multos pauperes opprimunt, et quod sola cupiditate faciunt, orationum sive sanctorum locorum visitationis causa se facere videri affectant. Sunt pauperes qui vel ideo id faciunt ut majorem habeant materiam mendicandi, de quorum numero sunt illi, qui circumquaque vagantes, illo se pergere mentiuntur, vel quia tantum sunt recordes ut putent se sanctorum locorum sola invasione a peccatis purgari, non attendentes quod ait beatus Hieronymus (*ep. ad Paul.*, *cujus init.* : *Bonitas homo*) : « Non Hierosolymam vidisse, sed Hierosolymis bene vixisse laudandum est. » De quibus omnibus imperatoris, qualiter sint emendanda, sententia expectetur. Qui vero peccata sua sacerdotibus, in quorum sunt parocciis, confessi sunt, et ab his agenda poenitentiae consilium acceperunt, si orationibus insistendo eleemosynas largiendo, mores componendo, vitam emendando, apostolorum limina, vel quorumlibet sanctorum invisere desiderant, horum est devotio modis omnibus collaudanda.

CAP. 66. — *De omni peccatore, quod quoties ceciderit, toties resurgere debeat. Ex dictis Zosii cujusdam eremitae.*

Dum quidam frater abbatem Zosium tali sermone frequenter requireret, dicens : « Quid faciam, pater, quoniam cecidi? » Ille respondit : « Surge, inquit. » Illo vero, se exsurrexisse, et iterum cecidisse professus, respondit : « Iterum adhuc surge. » Cum autem frater se frequenter surrexisse et frequenter cecidisse narraret, eodem vero senex utebatur sermone, exclamans : « Ne desistas surgendo. » Cui frater ait : « Usquequo possum surgere, pater, explana. » Senex dixit : « Usquequo aut in bono opere, aut in malo deprehensus [depressus] occumbas. In quo enim opere fuerit homo deprehensus [depressus] in eo judicabitur.

CAP. 67. — *Quod justum sit Dei homini, quod se reprehendat. Ex dictis Pimenis cujusdam eremitae.*

Quidam frater requisivit abbatem Pimenem, di-

ans : « Quid est, pater, quod dicit Apostolus : *Omnia munda mundis?* » (*Tit. I.*) At ille dixit ei : « Si quis ad hunc sermonem pervenire potuerit, ut eum intelligat, videbit se minorem esse totius creaturae. » Cui frater : « Et quomodo possum minorem me videre ab eo qui homicida est? » Respondit senex : « Si potuerit homo ad hunc sermonem Apostoli pervenire, et viderit hominem qui forte occidit alium, dicit in semetipso : Iste quidem hoc solum fecit, ego autem omni hora homicidium committo, me ipsum interficiens. » Et cum frater requireret quomodo posset fieri, respondit : « Haec sola est hominis justitia, ut semetipsum reprehendat. » Tunc enim justus est, cum sua peccata condemnat.

B CAP. 68. — *Ut nullus fratrem condemnet antequam Deus illum dijudicet. Ex dictis cujusdam eremitae.*

Venit aliquando abbas Isaac in coenobio, et vidit illic fratrem negligentem, et iratus jussit eum expelli de coenobio. Cum ergo regrederetur ad habitaculum suum, venit angelus Domini, et stetit ante ostium cellulae ejus, dicens : « Non te permitto ingredi. » At ille rogabat ut culpa ejus manifestaretur. Et respondens angelus dixit : « Dominus transmisit me, dicens : Vade, dic Isaac : Ubi jubes ut mittamus illum fratrem qui peccavit? » At ille egit mox poenitentiam, dicens : « Peccavi, Domine, indulge mihi. » Et dixit ei angelus : « Exsurge, Domine, indulge [indulgeat] tibi Dominus, sed ne iterum hoc facias, ut quemquam condemnes, antequam illum Dominus judicet. Tulerunt homines sibi judicium, et non mihi illud dimittunt, dicit Dominus. » Hoc autem dictum est, quia si contigerit de illis perfectis aliquem vel in parvo peccare, non mox perdat.

CAP. 69. — *Quod justa obedientia justis muneribus remuneretur. Ex dictis ejusdem.*

Quidam ex Patribus, in exstasi positus, vidit quatuor ordines ante Deum; et primus quidem ordo erat hominum infirmantium, et gratias agentium Deo. Secundus vero erat eorum qui hospitalitatem sectantur, et in hoc ministrant. Tertius autem illorum qui solitudinem sectantur [sectantur, et non vident homines]. Quartus vero eorum qui propter Deum in obedientia subjecti sunt Patribus. Erat ergo illis tribus ordinibus hic ordo superior qui obedientiam exhibebat, et habebat torquem auream, et majorem gloriam praeter caeteris possidebat. Dicit autem senex ei qui sibi hoc in exstasi demonstrabat : « Quare hic ordo quartus majorem caeteris gloriam habet? » Illi autem respondit ei dicens : « Quia isti alii omnes habent aliquam requiem ad implendas proprias voluntates [adimplendo quamvis in bonis operibus proprias, etc.]. Hic ergo qui obedientiam exercet omnes voluntates relinquens, totus pendet in voluntate patris jubentis, et ideo majorem gloriam praeter caeteris est sortitus.

CAP. 70. — *De illis qui ex industria peccant, et promittunt sibi quamdam impunitatem peccandi.*

propter largitionem eleemosynarum. Ex concilio A Cabillonensi, cap. 36 (conc. Cabil. 11).

Sed nec hoc prætereundum putavimus quod quidam ex industria peccantes, propter eleemosynarum largitionem quamdam sibi promittunt impunitatem. Eleemosyna enim exstinguit peccata, juxta illud: *Ignem ardentem exstinguit aqua, et eleemosyna exstinguit peccata (Eccli. 11)*, sed ea quæ aut necessitate, aut casu, aut qualibet sunt fragilitate. Ea vero quæ ex industria ad cujuslibet libidinem explendam idcirco sunt, ut eleemosynis redimantur, nequaquam eis redimi possunt, quia qui hoc peccant, videntur Deum mercede conducere, ut eis impune peccare liceat. Non ergo quis idcirco peccare debet, ut eleemosynam faciat, sed ideo eleemosynam facere debet, quia peccavit. Mentem enim et corpus quæ libido traxit ad culpam, afflictio et contritio debet reducere ad veniam.

CAP. 71. — *De his qui peracta pœnitentia ad pristina redeunt volutabra. Ex decretis Siricii papæ, cap. 10 (ep. 1 ad Himerium, ep. c. 5).*

(33, q. 2, c. *De his vero.*) De his vero non incongrue dilectio tua apostolicam sedem credidit consulendam, qui, acta pœnitentia, tanquam canes ac sues ad vomitus pristinos et ad volutabra redeunt (Prov. xxvi; II Petr. 11), et militiæ cingulum, et ludicras voluptates, et nova conjugia, et inhihitos denuo appetiere concubitus, quorum professam incontinentiam generati post absolutionem filii prodiderunt. De quibus quia jam suffugium non habent pœnitendi, id duximus discernendum, ut sola intra Ecclesiam fidelibus oratione jungantur. Sacra ministeriorum celebritati (quamvis non mereantur) intersint: a Dominicæ autem mensæ convivio segregentur, ut hac saltem districtione correcti, et ipsi sua errata castigent, et aliis exemplum tribuant, quatenus ab obscœnis cupiditatibus retrahantur; quibus tamen, quoniam carnali fragilitate ceciderunt, viatico munere cum ad Dominum cœperint proficisci, per communionis gratiam volumus subveniri. Quam formam et circa mulieres, quæ se post pœnitentiam talibus pollutionibus devinxerunt, servandam esse censemus.

CAP. 72. — *De pœnitente femina, quæ, defuncto viro, alii nubere præsumpserit. Ex concilio II Arelatensi, cap. 5 (cap. 21).*

Pœnitentes feminæ, quæ defunctis viris aliis nubere præsumpserint, vel suspecta vel interdicta familiaritate cum extraneo vixerint, cum eodem ab Ecclesiæ liminibus arceantur. Hæc etiam de viris in pœnitentia positus placuit observari.

CAP. 73. — *Quod in danda pœnitentia nulla sit personarum acceptio. Ex concilio II Cabillon., cap. 34, cui interfuit Carolus rex.*

Quia igitur, Apostolo teste, non est personarum acceptio apud Deum, et in omnibus judiciis cavenda est (Rom. 11; Ephes. vi; Col. 111; Act. x), multo magis in hoc pœnitentiæ judicio præcaveri debet, ut nullus sacerdotum unquam aut gratia, aut odio alicujus personæ secus judicet quam quod in canoni-

bus sacris invenerit, aut quod illi secundum sanctorum Scripturarum auctoritatem, et ecclesiasticam consuetudinem rectius visum fuerit. Si ergo medici qui corporibus medicinam inferre conantur, nequaquam, propter personæ cujuslibet acceptionem, his quos sanare cupiunt cauterio, aut ferro, aut duris aliis quibuslibet rebus parcunt, multo magis his observandum est qui non corporum, sed animarum medici existunt. Neque enim pensanda est pœnitentia quantitate temporis, sed ardore mentis et mortificatione corporis. *Cor autem contritum et humilitatum Deus non despicit (Psal. 1).*

CAP. 74. — *De illis qui peccata sua sine condigna pœnitentia sibi relaxari arbitrantur. Ex dictis Augusti.*

Quisquis ergo malorum operum sine condigna pœnitentia quemquam veniam a Deo percipere posse dixerit, penitus errat, et cum deceptus alios decipere festinat, duplici noxa constringitur, hoc est, proprii erroris et alienæ deceptionis.

CAP. 75. — *Quod tandem laborare quisque debeat, donec possideat Christum. Ex dictis Gregorii.*

Usque tunc laborare debet homo, usquequo possideat Christum. Qui autem semel illum adeptus fuerit, jam non laboret. Permittit tamen Dominus laborare electos suos, ut rememorent tribulationum labores, unde semetipsos custodiant, timentes ne tantos labores amittant. Nam et filios Israel ideo Deus per desertum quadraginta annis circumduxit, ut, rememoratis tribulationibus, non redirent retrorsum.

CAP. 76. — *Ut nullus episcopus seu presbyter alterius pœnitentem sine litteris sui episcopi suscipiat. Ex epistola Felicis papæ, cap. 2 (3 ep. decretalis, c. 6).*

Curandum vero maxime, et omni cautela providendum, ne quis fratrum coepiscoporumque nostrorum, aut etiam presbyterorum in alterius civitate, vel diœcesi pœnitentem, vel sub manu positum sacerdotis, aut eum qui reconciliatum se esse dixit, sine episcopi vel presbyteri testimonio et litteris, ad cujus pertinet parœciam, suscipiat.

CAP. 77. — *Quod pœnitentes secundum canones, nisi peracta pœnitentia, communicare non debeant. Ex dictis Pii papæ, cap. 10.*

Pœnitentes non debent communicare ante consummationem pœnitentiæ.

CAP. 78. — *Quod pro ethnico et publicano sit habendus, qui pro peccato commisso pœnitere noluerit. Ex dictis Augusti.*

(26, q. 7, c. *Erga eum.*) Erga eum qui pro peccato commisso non pœnitet, tales esse debemus, sicut Dominus præcepit dicens: *Sit tibi sicut ethnicus et publicanus (Matth. xviii)*. Et sicut Apostolus jubet: *Subtrahite vos, inquit, ab omni fratre inordinate ambulante, et non secundum traditionem quam tradidi vobis (II Thes. 11).*

CAP. 79. — *Quod a licitis se abstinere debeat, qui illicita se commisisse meminerit. Ex dictis Gregorii papæ (hom. 20).*

Qui se illicita meminit commisisse, a licitis etiam studeat abstinere, quatenus per hoc conditori suo

satisfaciat, ut qui commisit prohibita, sibi metipsum abscindere debeat etiam concessa.

CAP. 80. — *Quod nulli post poenitentiae actionem ad militiam saecularem redire liceat. Ex epistola Leonis papae, cap. 25 (ep. 92, c. 10 De poeniten.).*

(*Dist. 5, c. Contrarium vero.*) Contrarium est omnino ecclesiasticis regulis post poenitentiae actionem redire ad militiam saecularem, cum Apostolus dicat: *Nemo militans Deo implicat se saecularibus negotiis (II Tim. II)*. Unde non est liber a laqueis diaboli, qui se militiae mundanae voluerit implicare.

CAP. 81. — *De eadem re. Ex concilio II Arelatensi, cap. 3 (cap. 2).*

(*Dist. 50, c. Hi qui.*) Illi qui post sanctae religionis [Si qui post sanctum religionis, etc.] propositum apostatant, et ad saeculum redeunt, et postmodum poenitentiae remedia non requirunt, communionem non accipiant sine poenitentia, quos etiam jubemus ad clericatus officium non admitti, et quicumque ille est, post poenitentiam habitum saecularem non praesumat. Quod si praesumpserit, alienus ab Ecclesia habeatur.

CAP. 82. — *Quod nullus religiosus et sanctus careat peccato. Ex aetis August. (De eccles. dogm., c. 86).*

Nullus sanctus et justus caret peccato, nec tamen ex hoc desinit esse justus, vel sanctus, cum affectu teneat sanctitatem. Non enim naturae viribus, sed propositi adjumento per gratiam Dei acquirimus sanctitatem, et ideo veraciter se omnes sancti pronuntiant peccatores, quia in veritate habent quod plangant, et si non reprehensione conscientiae, certe mutabilitate et mobilitate praeverarictricis naturae.

CAP. 83. — *Quod poenitentes a conviviis et ornamentis abstinere debeant. Ex decretis Lucii papae, cap. 5.*

Quod poenitentes a conviviis et ornamentis atque a vestibus abstinere debeant, et discordes pellantur ab ecclesia donec ad pacem redeant.

CAP. 84. — *Ut presbyter poenitentes non reconciliet, nisi episcopus suus jubeat. Ex concilio Africano, cap. 59 (cap. 10, et Carth. III, c. 32).*

(*26, q. 6, c. Presbyter.*) Ut presbyter non interrogato [inconsulto, orig.] episcopo non reconciliet poenitentem, nisi, absentia episcopi, necessitate compellente.

CAP. 85. — *Quod ordinati in gravioribus peccatis deprehensi, non manus impositionem, ut laici, accipere debeant. Ex concilio V Carthaginensi, cap. XXVII.*

(*Dist. 50, c. Confirmatum est.*) Item confirmatum est ut si quando presbyteri vel diaconi in aliqua graviore culpa convicti fuerint, qua eos a ministerio necesse sit removeri, non eis manus tanquam poenitentibus, vel tanquam fidelibus laicis imponatur, neque unquam permittendum ut rebaptizati ad clericatus gradum promoveantur.

CAP. 86. — *De clericis qui corporali delicto delinquant, si restaurari possint. Ex epistola Isidori ad Masonem.*

(132) Nulla est in hujusmodi sententiis decretorum diversitas intelligenda, quod alibi legitur in lapsu corporali restaurandum honoris gradum post poenitentiam, alibi post hujusmodi delictum nequaquam reparandum prioris ordinis meritum. Haec enim diversitas hoc modo distinguitur. Illos enim ad pristinos officii gradus redire praecipit canon, quos poenitentiae praecesserit satisfactio, vel digna peccatorum confessio. At contra hi qui neque a vitio corporis emendantur, et hoc ipsum carnale delictum quod admittunt, etiam vindicare quadam superstitiosa temeritate nituntur, nec gradum utique honoris, nec gratiam communionis recipiant.

CAP. 87. — *De his qui altario Dei serviunt, si subito stenda carnis fragilitate corruerint. Ex conc. Ilerdensi, cap. 5.*

(*Dist. 50 et 15 c. Hi qui altario.*) Hi qui altario Dei serviunt, si subito stenda carnis fragilitate corruerint, et Domino respiciente digne poenituerint, ita ut mortificato corpore, cordis contriti sacrificium Deo offerant, maneat in potestate pontificis vel veraciter afflictos non diu suspendere, vel desidiosos prolixiore tempore ab Ecclesiae corpore segregare. Ita tamen ut sic officiorum suorum loca recipiant, ne possint ad altiora officia ulterius promoveri. Quod si iterato, velut canes, ad vomitum reversi fuerint, et velut sues, in volutabris immersi fuerint (*Prov. XXVI; II Pet. II*), non solum dignitate officii careant, sed etiam sanctam communionem non nisi in exitu percipiant.

CAP. 88. — *Quod conjugati in Quadragesima abstinere debeant ab uxoribus. Ex conc. Eliberitano, c. 5 (in fragm.).*

Qui in Quadragesima ante Pascha cognoverit uxorem suam, et noluerit abstinere ab ea, unum annum poeniteat, aut pretium videlicet 25 solidorum ad Ecclesiam tribuat, aut pauperibus dividat. Si per ebrietatem et sine consuetudine acciderit, 40 dies poeniteat.

CAP. 89. — *De illis qui in Quadragesimae diebus carnem manducare praesumunt. Ex conc. Tolet. VIII, cap. 9.*

Quicumque sive inevitabili necessitate atque fragilitate, et evidenti languore seu etiam impossibilitate aetatis, diebus Quadragesimae esum carniū attentare praesumpserit, non solum reus erit resurrectionis Dominicae, verum etiam alienus ab ejusdem diei sancta communione. Et hoc illi cumuletur ad poenam, ut in ipsius anni circulo ab omni esu carniū abstineat, quia sacris diebus abstinenciae disciplinam oblitus est.

CAP. 90. — *De fratre peccante non ad mortem. Ex Epistola Joannis evangelistae (I Joun. V)*

Qui scit fratrem suum peccare non ad mortem, postulet pro eo, et dabit ei vitam Deus. Si quis

(132) Habetur supra c. 57, et citatur dist. 50, *Domino sancto.*

asque ad mortem peccat, quia est peccatum usque A viva occiduntur prius, sed porcis et canibus dentur. Aves vero, et animalia cætera, si in retibus strangulantur, non sunt comedenda, nec si oppresserit accipiter, et si sic mortuae inveniuntur, quia in Actibus apostolorum præcipitur abstinere a fornicatione, a sanguine suffocato, et idololatria (Act. xv).

CAP. 91. — *Quod difficile sit graviter peccanti sub gradu, manere in gradu. Ex dictis Hieronymi.*

Quicumque dignitatem gradus divini non custodiunt, contenti flant animam salvare. Reverti enim un eum gradum in quo autea fuerant difficile est.

CAP. 92. — *De eadem re. Item ejusdem.*

Qui sub gradu peccat, debet excommunicari, quia magna est dignitas hujus nominis. Tamen potest redimere animam suam post pœnitentiam; ad priorem enim gradum venire difficile est.

CAP. 93. — *De eadem re. Ex dictis Augustini.*

Qui sub gradu cecidit post pœnitentiam, contentus fiat baptizare, communionem dare infirmis, et altario tantummodo ministrare.

CAP. 94. — *De eadem re. Ex dictis Isidori.*

Isidorus in angelo Ephesi præposito (Apoc. II) sacerdotem ostendit, juxta Malachiam qui dicit: *Labia sacerdotis custodiunt scientiam, et legem requirunt ex ore ejus, quia angelus Domini exercituum est (Mal. II).* Candelabrum enim sacerdotis, quia charismata intelliguntur honoris, tunc penitus juxta Joannem movetur, quando post delicta, neglecta pœnitentia, admissa scelera non desunt. Non enim dicit quia cecidisti, movebo candelabrum tuum; sed, nisi pœnitentiam egeris, movebo candelabrum tuum.

CAP. 95. — *Quod post 7 annos pœnitentem sacerdotem censura canonum in pristinum statum remeare præcipiat. Item Isidorus.*

Canonum censura post septem annos remeare pœnitentem sacerdotem in statum pristinum præcipit, non expleione proprii arbitrii, sed potius ex sententia divini judicii. Nam legitur quia Maria soror Aaron prophetissa dum obtreactionis adversus Moysen incurrisset delictum, illico stigmate lepræ percussa est. Cumque petisset Moysen {Moyses}, ut emundaretur, Dominus præcepit eam extra castra egredi septem diebus, et post emundationem rursus eam castris reverti (Num. XII). Maria ergo soror Aaron caro intelligitur sacerdotis, quæ dum superbiz dedita, sordidissimis corruptionum maculatur erroribus, moretur extra castra septem diebus, id est a collegio sanctæ Ecclesiæ septem annis projiciatur, quibus post emendationem vitiorum [vitæ] expletis, loci, sive pristinz dignitatis recipiat meritum.

CAP. 96. — *De illis qui scabiem aut vermiculos comedunt, vel urinam bibunt. Ex Pœnitentiali Bedæ.*

Qui comedit scabiem aut vermiculos qui pediculi dicuntur, vel urinam bibit, sive stercora comedit, si infantes sunt vel pueri, vapulent; si in virili ætate, septem dies pœniteant, et utrique cum impositione manus episcopi sanentur.

CAP. 97. — *De illis qui animalia a bestiis dilacerata, vel laqueis strangulata comedunt. Ex Pœnitentiali Theodori.*

Animalia quæ a lupis seu a canibus lacerantur, non sunt comedenda, nec cervus nec capreus, si mortui inventi fuerint, nisi forte ab homine adhuc

viva occiduntur prius, sed porcis et canibus dentur. Aves vero, et animalia cætera, si in retibus strangulantur, non sunt comedenda, nec si oppresserit accipiter, et si sic mortuae inveniuntur, quia in Actibus apostolorum præcipitur abstinere a fornicatione, a sanguine suffocato, et idololatria (Act. xv).

CAP. 98. — *De avibus si hominem occiderint. Item ejusdem.*

Apes si occidunt hominem, ipsæ quoque occidi festinentur, mel tamen manducetur.

CAP. 99. — *De porcis et gallinis, si sanguinem hominis comederint. Item ejusdem.*

Si porci vel gallinæ sanguinem hominis comedunt, mox occiduntur, et intralia projiciantur, et cætera caro manducetur. Si autem tardatur occisio, non comedatur. Si autem cadavera laceraverint mortuorum, macerentur, et post anni circulum comedantur. Si autem porci occiderint hominem, statim interficiantur et sepeliantur.

CAP. 100. — *De illis qui carnem immundam vel morticinam comedunt. Item ejusdem.*

Qui manducat carnem immundam, aut morticinam, aut dilaceratam a bestiis, 40 dies pœniteat. Si enim necessitate famis contingit, multo levius est.

CAP. 101. — *De illis qui cibum immunda manu tactum comederint, vel si canis, aut aliquod animal immundum cibum tetigerit. Item ejusdem.*

Quod si casu quis immunda manu cibum tangit, vel si canis vel pilax, aut catus, musve aut animal immundum sanguinem hominis edit, non nocet. Et qui pro necessitate famis manducat animal quod immundum videtur, vel avem, vel bestiam, misericorditer pœniteat.

CAP. 102. — *De illis qui sanguine aliquo immundo polluantur. Item ejusdem.*

Qui sanguine, vel quocunque immundo polluitur, si nescit qui manducat, leve est. Si autem scit, pœniteat juxta modum pollutionis.

CAP. 103. — *De illis qui sanguinem aut semen biberint. Item ejusdem.*

Qui sanguinem aut semen biberit pro aliqua re, tres annos pœniteat.

CAP. 104. — *De piscibus mortuis in flumine inventis. Item ejusdem.*

Piscis mortuus in flumine inventus, non est edendus, quia non est venatio hominis. Si vero piscando tactus fuerit, et ipso die inventus fuerit, qui non hæsitat, manducet; qui autem dubitat, non manducet.

CAP. 105. — *De clericis qui a demonio vexantur. Ex concilio Aurelianensi, cap. 6.*

Si quis clericus vexatus fuerit a demonio, decem annos pœniteat, et inter audientes sit, et ad sacros ordines non adducatur. Si bene egerit, et per Dei gratiam [misericordiam] liberatus fuerit, sit in reliquis officiis ecclesiasticis.

CAP. 106. — *De illis qui parentum honorem non servant. Ex Pœnitentiali Romano.*

Si quis inhonoraverit patrem aut matrem, tres annos pœniteat. Quod si manum levaverit, aut percusserit, septem annos pœniteat.

CAP. 107. — *Quod pœnitenti nulla negotia exer-*

cere conveniat. Ex decretis Leonis papæ (ep. 91, c. 9, De pœnit.).

(Dist. 5, c. Qualitas.) Qualitas lucri negotiantem aut excusat, aut arguit, quia est honestus quæstus, et turpis. Verumtamen pœnitenti utilius est dispendia pati, quam periculis negotiationis obstringi. Quia difficile est inter ementis vendentisque commercium non intervenire peccatum.

CAP. 108. — *Ut sacerdotes nulli pœnitentiam injungant ex corde, sed auctoritate. Ex concil. Maguntienſi, cap. 24.*

Omnibus his actis ventilata est ratio pœnitentiæ, ut sacerdotes certius intelligerent quomodo confessiones recipere, et pœnitentiam secundum canonicam institutionem pœnitentibus deberent indicare [indicere].

CAP. 109. — *Ut unusquisque presbyter octo principalia vitia per ordinem sciat. Ex eodem conc. cap. 5.*

Ventilata est ratio octo principalium vitiorum, ut unusquisque presbyter diversitatem illorum sciat, et ab illis, Domino auxiliante, se intelligat custodire, et aliis prædicare.

CAP. 110. — *Ut sacerdotes diligenter examinent contentium peccata. Ex eodem, cap. 6.*

Ut episcopi et presbyteri examinent qualiter contententibus peccata dijudicent, et tempus pœnitentiæ constituent.

CAP. 111. — *Ut singuli presbyteri capitula auctoritativa habeant ad succurrendum pœnitentibus. Ex eodem, cap. 26.*

Ut unusquisque presbyter capitula habeat de majoribus et minoribus vitiis, per quæ cognoscere valeat, vel prædicare subditis, ut caveant ab insidiis diaboli.

CAP. 112. — *De presbyteris qui culpas peccantium reticent vel minus digne pœnitentes ad reconciliationem adducunt. Ex decr. Alexandri I papæ (ad calc. decret.)*

Ut nemo presbyterorum xenium, vel quodcumque emolumentum temporale, imo detrimentum spirituale a quocumque publice [publico vel, orig.] peccante, vel incestuoso accipiat, ut episcopo vel ministris ejus peccatum illius reticeat, nec pro respectu cujusque personæ, aut consanguinitatis, vel familiaritatis alienis communicans peccatis hoc episcopo innotescere detrectet, nec a quoquam pœnitente aut gratiam, aut favorem aut munus suscipere præsumat, aut minus digne pœnitentem ad reconciliationem adducat, et ei testimonium reconciliationis ferat, vel quocumque livore alium quemlibet dignius pœnitentem a reconciliatione removeat, quia hoc Simoniacum, et Deo et hominibus contrarium est.

CAP. 113. — *De illis qui truncationes membrorum fecerint. Ex Pœnitentiali Romano.*

Qui per rixam, ictu, debilem vel deformem hominem fecerit, reddat impensas medici, et medium annum pœniteat. Si non habuerit unde reddat, unum annum pœniteat. Si laicus per dolum sanguinem effuderit, reddat illi tantum quantum noevit, et si non habet unde reddat, solvat in opera proximi,

A sui, quandiu ille infirmus est, et postea 40 dies pœniteat in pane et aqua.

CAP. 114. — *De eadem re. Ex Pœnitentiali Bedæ:*

Qui ictum proximo dederit, et non nocuerit, tres dies pœniteat in pane et aqua. Si clericus, annua vel dimidium. Si quis alicui quodlibet membrum voluntate sua [voluntarie] truncaverit, tres annos pœniteat, unum ex his in pane et aqua. Parvuli invicem se percipientes, tres dies. Si vero adolescentes, viginti dies pœniteant.

CAP. 115. — *De illis qui ducatum præstant, et de prædatoribus super Christianos ducunt. Ex Pœnitentiali Romano.*

Si quis præbet ducatum super Christianos, ut de prædentur, et non acciderit strages Christianorum, tres annos pœniteat. Sin vero ejectis [abjectis] ærmis usque ad mortem mundo mortuus vivat.

CAP. 116. — *De illis qui per amorem venefici sunt. Ex pœnitentiali Theodori.*

Si quis per amorem veneficus sit, et neminem perdidit, si clericus est, unum annum pœniteat in pane et aqua; si subdiaconus, duos; si diaconus, tres, unum ex his in pane et aqua. Et laicus dimidium annum pœniteat, maxime si per hoc mulieris partum deceperit quisque, tres annos unusquisque supraugeat in pane et aqua, ne homicidii reus sit.

CAP. 117. — *De illis qui hæreticis nescientes se in aliquibus commiscuerint. Ex decr. Eutyhiani papæ.*

Si quis dederit vel acceperit communionem de manu hæretici, et nescit quod catholica Ecclesia contradicit, postea intelligens, annum integrum pœniteat. Si autem scit, et neglexerit, et postea pœnitentiam egerit, decem annos pœniteat; alii judicant septem, et humanius quinque annos pœniteat. Si quis permisit hæreticum missam celebrare in Ecclesia catholica, et nescit, quadraginta dies pœniteat; si pro reverentia ejus, annum integrum pœniteat; si pro damnatione Ecclesiæ catholice et consuetudinis Romanorum, projiciatur ab Ecclesia sicut hæreticus, nisi habeat pœnitentiam. Si habuerit decem annos pœniteat. Si recesserit ab Ecclesia catholica, in congregationem hæreticorum, et aliis persuaserit, et postea pœnitentiam egerit, duodecim annos pœniteat, quatuor annos extra ecclesiam, et sex inter auditores, et duos adhuc extra communionem. De his in canone dicitur, ut decimo anno communionem sine oblatione recipiant. Si episcopus aut abbas jubet molachio suo pro hæreticis mortuis missas cantare, non licet, et non expedit obedire eis. Si presbytero contigerit ubi missam cantaverit, et alius recitaverit nomina mortuorum, et simul nominaverit hæreticos cum catholicis, si post missam intellexerit, hebdomada pœniteat; si frequenter fecerit, annum integrum pœniteat. Si quis autem pro morte hæretici missam ordinaverit, et pro religione sua ejus reliquias ibi tenuerit, et nescit differentiam catholicæ fidei, et postea intellexerit, pœnitentiamque ege-

rit, reliquias ibi debet igne concremare, et annum A pœniteat. Si autem scit et neglexerit, pœnitentia commotus decem annos pœniteat. Si quis a fide catholica discesserit sine ulla necessitate, et postea ex toto animo pœnitentiam acceperit, tres annos extra ecclesiam, id est, inter audientes, juxta Nicænum concilium (cap. 11), septem annos in ecclesiis inter pœnitentes, et duos annos adhuc extra communionem pœniteat.

CAP. 118. — *De illis qui comedunt aut bibunt ab im-*
mundis animalibus tactum vel intinctum. Ex Pœ-
nitentiali Romano.

Qui comedit vel bibit intinctum a familiari bestia, id est cane vel catto, et scit, centum psalmos cantet. Si nescit, duos dies jejuset; vel si redimere voluerit, quinquaginta psalmos cantet. Qui dederit alieni liquorem, in quo mus, vel mustela mortua inventa sunt, si laicus est, septem dies pœniteat. Si in cœnobiis contigerit, trecentos psalmos cantet. Qui postea noverit quod talem potum hiberit, centum quinquaginta psalmos cantet. Si quis semicœtum comederit inscius, tres dies pœniteat, vel Psalterium cantet, sciens autem septem dies pœniteat. Pro modico furto 20 dies pœniteat, qui est 20 annorum. Puer qui est decem annorum, aliquid furti faciens, septem dies pœniteat. Si quis tinxerit manum in aliquo cibo liquido, et non idonea manu, 100 palmatis emendetur. Si in farina, aut in aliquo cibo sicco, aut in pulte, aut in lacte coagulato mus vel mustela mortua inveniuntur, quod in circuitu ejus est, totum projicietur foras, quod reliquum est C manducetur.

CAP. 119. — *Quod diabolus internas cogitationes animæ non videat, sed ex motu quandoque corporis intelligat. Ex dictis August. (De eccles. dogm., c. 81).*

Internas animæ cogitationes diabolus non videre certissimum est, motu vero has corporis ab illo et affectionum indicis colligi, experimento didicimus; secreta autem cordis solus ille novit, ad quem dicitur: *Tu solus nosti corda filiorum hominum (II Par. vi).*

CAP. 120. — *De eadem re. Item ejusdem (ibid., c. 82).*

Non omnes malæ cogitationes nostræ semper diaboli instinctu excitantur, sed aliquoties ex nostri arbitrii motu emergunt; bonæ autem cogitationes semper a Deo sunt.

CAP. 121. — *De illis qui alios in culpa sua defendere nituntur. Item ex dictis ejusdem.*

Reos sanguinis non defendat Ecclesia, ne effusionis sanguinis particeps fiat.

CAP. 122. — *De eadem re. Ex decretis Eusebii papæ, cap. 15.*

Ut qui alium in culpa sua defendere vel excusare nititur, excommunicetur

CAP. 123. — *Ut pœnitentia conjugatis, non nisi ex consensu detur. Ex concilio Arelatensi II, cap. 6 (cap. 22).*

Pœnitentiam conjugatis non nisi ex consensu dandam.

CAP. 124. — *Quot modis animæ defunctorum solvi*

debeant. Ex dictis Gregorii (August. lib. De cur. pro mort., c. 2).

Animæ defunctorum quatuor modis solvantur, aut oblationibus sacerdotum, aut precibus sanctorum, aut charorum eleemosynis, aut jejuniis cognatorum.

CAP. 125. — *De nutriendis infirmis. Ex dictis Hieronymi.*

Nutrire infirmos et fovere Christum nihil interest. Nutricendus enim est infirmus, quia Christus infirmum se esse profitetur (Matth. xxv).

CAP. 126. — *Quod non noceant mala præterita, si non placeant præsentia. Ex dictis Augustini.*

Non nocent mala præterita, si non placeant præsentia, præcipue si multis eleemosynis sint expiata.

CAP. 127. — *De illis qui hospites recipere neglexerint. Ex Pœnitentiali Romano.*

Quicumque hospites non recipit in domo sua, sicut Dominus præcepit, et propter hoc regna cœlorum promisit (ibid.), quanto tempore hospitibus humanitatem denegavit, et mandata evangelica juxta possibilitatem suam non adimplevit, nec pedes lavit, nec eleemosynam dedit, tanto tempore pleniter in pane et aqua, si non emendet, pœniteat.

CAP. 128. — *Ut clerici superflua pauperibus erogent. Ex Pœnitentiali Romano.*

Clericus habens superflua, donet ea pauperibus. Sin autem, post pœniteat tempore quo vivat, in contritione, et in pœnitentia remotus vivat.

CAP. 129. — *De illo qui alicui fratri suam imputat peccatum, priusquam seorsum eum arguerit. Item ex eodem.*

Qui peccatum imputando fratri imponit, priusquam seorsum arguat eum, satisfaciens ei, tres dies pœniteat.

CAP. 130. — *De illis qui diu reticent peccata. Ex pœnitentiali Bedæ.*

Sciendum vero est, quanto quis tempore moratur in peccatis, tanto ei agenda [agenda] est pœnitentia.

CAP. 131. — *De illo qui aliquem in ira percusserit. Ex concilio Rothomagensi, cap. 9.*

Si quis alium per iram percusserit, et sanguinem effuderit; si laicus est, 20 dies pœniteat; clericus, 30. Illi autem qui gradum habent, amplius compelli debent. Diaconus, sex menses; presbyter, unum annum; episcopus, duos annos et sex menses.

CAP. 132. — *De illis qui ad feriendum hominem surrexerint, volentes eum occidere, sed non potuerunt. Ex Pœnitentiali Romano.*

Qui ad feriendum hominem surrexerit, volens eum occidere, tres hebdomadas pœniteat. Si clericus fuerit, 6 menses. Quod si vulneraverit, 40 dies pœniteat. Si clericus, clericum, annum totum; sed et pecuniam pro modo vulneris cui inflixit tribuat.

CAP. 133. — *De illis qui reticuerint peccatum fratris, quod est ad mortem. Ex Pœnitentiali Theodori.*

Qui reticuerit delictum fratris quod est usque ad mortem (I Joannis v), neque eum corripuerit, juxta regulam evangelicam, primo inter se et ipsum solum, deinde inter alios, deinde ad Ecclesiam culpam

referens (*Matth. xviii*), si necesse fuerit, et quanto A tempore fuit, tanto pœniteat.

CAP. 134. — *Quod non licet diacono pœnitentiam dare alicui. Ex Pœnitentiâ Romano.*

Non licet diacono alicui dare pœnitentiam, sed episcopus aut presbyter dare debet.

CAP. 135. — *Ut pœnitentia quæ dilata est, cum petita fuerit, non denegetur. Ex decretis Leonis papæ, cap. 21 (ep. 92, c. 7, De pœniten.).*

(*Dist. 4, c. Pœnitentia quæ.*) Dissimulatio hæc potest non de contemptu esse remedii, sed de metu gravium delinquendi. Unde pœnitentia quæ dilata est, cum studiosius petita fuerit, non negetur, ut quoquo modo ad indulgentiæ medicinam anima vulnerata perveniat.

CAP. 136. — *De illis qui despiciunt eos, qui fideliter B agapas fecerint. Ex concilio Gangrensi, cap. 11.*

(*Dist. 42, c. Quis despicit.*) Si quis despicit eos qui fideliter agapas, id est convivia pauperibus exhibent, et propter honorem Domini convocant fratres, et noluerit communicare hujuscemodi vocationibus, parvipendens quod geritur, anathema sit.

CAP. 137. — *De illis qui dicunt se non habere peccata. Ex concilio Africano, cap. 70 (cap. 81, et conc. Milev. c. 6).*

Item placuit, ut quod ait sanctus Joannes Apostolus : *Si dixerimus quia peccatum non habemus, nosmetipsos decipimus, et veritas in nobis non est (I Joan. 1)*, quisquis sic accipiendum putaverit, ut dicat, propter humilitatem oportere dici nos habere peccatum, non quia vere ita est, anathema sit. Sequitur enim apostolus, et adjungit : *Si autem confessi fuerimus peccata nostra, fidelis est et justus qui remittat nobis peccata, et mundet nos ab omni iniquitate (ibid.).* Ubi satis apparet hoc non tantum humiliter, sed etiam veraciter dici. Poterat enim dicere apostolus : *Si dixerimus, non habemus peccatum, nosmetipsos extollimus, et humilitas in nobis non est.* Sed cum ait : *Nosmetipsos decipimus, et veritas in nobis non est*, satis ostendit eum qui dixerit se non habere peccatum, non verum loqui, sed falsum.

CAP. 138. — *De illis sanctis, qui dicunt in Oratione Dominica : Dimitte nobis debita nostra. Ex eodem conc. cap. 71 (cap. 81, et conc. Milev. c. 7).*

Item placuit ut quicumque dixerit in Oratione D Dominica ideo dicere sanctos : *Dimitte nobis debita nostra (Matth. vi)*, ut non pro seipsis hoc dicant, quia non est eis necessaria ista petitio, sed pro aliis, qui sunt in suo populo peccatores; et ideo non dicere unumquemque sanctorum, dimitte mihi peccata mea, sed *dimitte nobis debita nostra*, ut hoc pro aliis potius quam pro se justus petere intelligatur, anathema sit. Sanctus enim et justus erat apostolus Jacobus cum dicebat : *In multis offendimus omnes (Jac. iii)*. Nam quare additum est, *omnes*, nisi ut ista sententia conveniret et psalmo, ubi legitur : *Non intres in iudicium cum servo tuo, quia non justificabitur in conspectu tuo omnis vivens (Psal. cxlii)*. Et in oratione sapientissimi Salomonis : *Non est homo qui*

non peccet (III Reg viii; II Paral. vi; Eccle. vii). Et in libro S. Job : *In manu omnis hominis signum, ut sciat omnis homo infirmitatem suam (Job xxxvii)*. Unde etiam Daniel sanctus et justus cum in oratione pluraliter diceret : *Peccavimus, iniquitatem fecimus (Dan. ix)*, et cætera quæ ibi veraciter et humiliter constitetur, ne putaretur (quemadmodum quidam sentiunt), hoc non de suis, sed de populi sui potius dixisse peccatis, postea dixit : *Cum orarem et confiterer peccata mea, et peccata populi mei Domino Deo meo (ibid.)*, noluit peccata nostra dicere, sed populi sui dixit et sua, quoniam futuros istos, qui tam male intelligerent, tanquam propheta, prævidit.

CAP. 139. — *De illis qui se affligunt de obitu charorum. Ex epistola Anastasii I papæ, Neriano nobilissimo viro directâ.*

Nos autem qui novimus, qui hoc credimus et docemus, contristari nimium de obuentibus non debemus, ne quod apud alios pietatis tenet speciem, hoc magis in culpa sit nobis. Nam diffidentiæ quodammodo genus est, contra hoc agere quod quisque prædicator quærit [contra quod quis. præd. queritur. orig.] justitiam amans, dicente Apostolo : *Nolumus autem vos ignorare, fratres, de dormientibus, ut non contristemini, sicut et ceteri qui spem non habent (I Thess. iv)*. Hac itaque, frater charissime, ratione perspecta, studendum nobis est, ut (sicut diximus) non de mortuis affligamur, sed affectum viventibus impendamus, quibus et pietas ad utilitatem, et sit ad fructum dilectio. Depone ergo, charissime, mœrorem, et assume spiritualem fructum lætitiæ, ad utilitatem sanctæ Dei Ecclesiæ, servorumque ejus profectum, et vitæ hujus quæcunque sunt spatia æternis divinisque officiis illustrare contende, ut qui insignem te præstitit, reddat sibi per sæcula clarior.

CAP. 140. — *De illis qui sibi ipsis voluntarie mortem inferunt. Ex concilio Bracarensi, cap. 10 (cap. 54).*

(23, q. 5, c. *Placuit ut hi.*) Placuit ut hi qui sibi ipsis voluntarie aut per ferrum, aut per venenum, aut per præcipitium, aut per suspendium, vel quolibet modo inferunt mortem, nulla pro illis in oblatione commemoratio fiat, neque cum psalmis ad sepulturam eorum cadavera deducantur. Multi enim sibi hoc per ignorantiam usurparunt. Similiter et de his placuit fieri, qui pro suis sceleribus puniuntur.

CAP. 141. — *De eadem re. Ex concilio Cabillonensi, cap. 5 (Antiodor. conc., c. 17).*

Quicumque se propria voluntate aut in aquam dejecerit [jactaverit orig.], aut collum ligaverit, aut de arbore præcipitaverit, aut ferro percusserit, aut cuilibet voluntarie se morti tradiderit, istius oblatio non recipiatur (paululum variat in orig.).

CAP. 142. — *De illis qui cum infidelibus cibum sumere præsumunt. Ex conc. Eliberitano, cap. 50.*

Si vero clericus vel fidelis cum Judæis cibum sumpserit, placuit eum a communione abstinere, ut possit emendari.

CAP. 143. — *De illis qui apostatant, et ad idololatriam*

se convertunt. Ex eodem conc. (id habet Siricius papa ep. 1, c. 3).

A. Ij. etum est etiam quosdam Christianos ad apostasiam (quod dici nefas est) transeuntes et idolorum cultu ac sacrificiorum contaminatione profanatos, quos a Christi corpore et sanguine, quo dudum redempti fuerant renascendo, jubemus abscindi, et si resipiscentes forte aliquando fuerint, ad lamenta conversi, his, quandiu vivunt, agenda poenitentia est, ut in ultimo fine suo reconciliationis gratia tribuenda, dicente Domino: *Nolo mortem peccatoris, sed ut convertatur et vivat (Ezech. xviii).*

CAP. 144. — *De eadem re. Item ex eodem (conc. Arelat. 1, c. 25).*

De his qui apostatant, et raro se ad ecclesiam representant, nec quidem poenitentiam agere quaerunt, et postea infirmitate arrepti, petunt communionem, placuit non dandam eis communionem, nisi revelaverint fidem suam rectam, et egerint [revelaverint, et egerint. Sic codex concilii] dignos fructus poenitentiae.

CAP. 145. — *De illis qui Christiana mancipia captivaverint. Ex Poenitentiali Theodori.*

Si quis aliquem hominem quolibet ingenio captivaverit, aut transmiserit, tribus annis poeniteat.

CAP. 146. — *De illis qui domum, vel aream proximi sui incenderint. Ex Poenitentiali Romano.*

Si quis domum vel aream cujuscuque voluntarie igne cremaverit, sublata vel incensa omnia restituat, et tribus annis poenitentiam agat.

CAP. 147. — *De illis qui libidinosè obtrectaverint puellam aut mulierem. Ex eodem.*

Si quis obtrectaverit puellae aut mulieris pectus, vel turpitudinem earum; si clericus est, quinque dies; si laicus, tres dies poeniteat. Monachus vel sacerdos a ministerio divino suspensi, si aliquid tale fecerint, 20 dies poeniteant. Scriptum est enim: Neque tetigeritis neque obtrectaveritis turpitudinem feminarum.

CAP. 148. — *De illis qui in balneo cum mulieribus se laverint. Ex Poenitentiali Theodori.*

Si quis in balneo cum mulieribus se lavare praesumpserit, tres dies poeniteat, et ulterius non praesumat.

CAP. 149. — *De administratione xenodochiae [synodochiae] et decimae. De eodem.*

Si quis xenodochias [synodochias] pauperum administrat, vel decimas populi susceperit, et si quis exinde vel suis lucris sectandum aliquid subtraxerit, quasi rerum alienarum inductor, reus [rerum] damnatum restituat, et sub canonico judicio reformetur, et agat poenitentiam annis tribus. Scriptum est enim: Talem dispensatorem Dominus quaerit, qui sibi de suis nihil usurpet.

CAP. 150. — *Ut feminae menstruate non offerant.*

Ut mulieres menstruo tempore non offerant, nec sanctimonialia, nec laica. Si praesumpserint, tres hebdomadas poeniteant.

CAP. 151. — *De illis feminis quae ante mundum sanguinem ecclesiam intraverint, et quae nupserint his diebus. Ex Poenitentiali Theodori.*

Mulier quae intrat ecclesiam ante mundum sanguini-

nem post partum, si masculum genuerit, 35 dies poeniteat; si feminam, 46. Si qua autem praesumpserit ante tempus praefinitum ecclesiam intrare, tot dies poeniteat in pane et aqua, quot ecclesia carere debuerat. Qui autem concubuerit cum ea his diebus, decem dies poeniteat in pane et aqua.

CAP. 152. — *Quod monachi saecularibus poenitentiam dare non debeant. Ex concilio Maguntensi, cap. 22.*

Liberi non sunt monachi ad dandam poenitentiam saecularibus.

CAP. 153. — *Ut poenitentes ante peractam poenitentiam non reconcilientur. Ex eodem concilio, cap. 23.*

Non reconcilientur poenitentes, si necessitas non coegerit, nisi post actam poenitentiam.

B CAP. 154. — *Ut qui ad confessionem veniunt, primum de livore invidiae et avaritia interrogentur. Ex Poenitentiali Theodori.*

Sane quia de livore invidiae, et de ira, necnon et de avaritia, ut superius digestum est, oriuntur homicidia, recte (ut arbitrator) censuimus de ipso vitio, primum qualiter sacerdotali judicio canonice penitus sit corrigendum ostendere, ac deinde, secundum ordinem vitiorum, ita remedium subsequatur quo facilius undecunque poenitens purgari voluerit, sine dilatione in singulis capitulis inveniatur.

CAP. 155. — *De illis qui soli Deo peccata sua confitenda esse affirmant. Ex Poenitentiali Theodori (et conc. Cabil. II, c. 33, De poeniten.).*

(Dist. 1, c. Quidam Deo.) Quidam Deo solummodo confiteri debere dicunt peccata, ut Graeci; quidam vero sacerdotibus confitenda esse percensent, ut tota sancta Ecclesia. Quod utrumque non sine magno fructu intra sanctam sit Ecclesiam, ita duntaxat ut et Deo, qui remissor est peccatorum, confiteamur peccata nostra, et hoc perfectorum est, et cum David dicamus: *Delictum meum cognitum tibi feri, et injustitiam meam non abscondi. Dixi: Confitebor adversum me injustitias meas Domino, et tu remisisti impietatem peccati mei (Psal. xxxi).* Sed tamen apostoli institutio nobis sequenda est, ut confiteamur alterutrum peccata nostra, et oremus pro invicem, ut salvemur (Jac. v). Confessio itaque quae Deo soli fit, quod justorum est, peccata purgat. Ea vero quae sacerdoti fit docet qualiter ipsa purgentur peccata. Deus namque salutis et sanitatis auctor et largitor, plerumque hanc praebet suae potentiae invisibili administrationem, plerumque medicorum operatione.

CAP. 156. — *De illis qui accipiunt poenitentiam, et plus desiderant temporis constituti expletionem, quam peccati remissionem. Ex Poenitent. Bedae (conc. Cabillon. II, c. 35).*

Multi (quod non sine dolore dicendum est) in poenitentia non tam peccati remissionem quam temporis constituti expectionem. Et si carniui et vini usus eis interdictus est, mutata non voluntate, sed ejusdem cibi aut potus perceptione, intantum deliciis suis indulgent ut deliciosius his interdictis aliorum ciborum, vel potionum appetitu vivere cognoscantur. Spiritualis autem abstinentia, quae in poenitentibus potissimum vigere debet, quorundam

ciborum ac potionum perceptiones [illicebros], et desiderium fugere debet. Ille, inquam, magis parcimonie servire censendus est, qui sibi non solum quarumdam rerum perceptiones, sed delectationes corporis penitus interdicit.

CAP. 157. — *Quod secundum canonum et pœnitentiarum statuta pœnitentia danda sunt. Ex conc. Maguntensi, cap. 20 (Cabilonen. II, c. 37).*

Cum igitur omnia concilia canonum quæ recipiuntur sint a sacerdotibus legenda et intelligenda, et per ea sit eis vivendum et prædicandum, necessarium duximus ut ea quæ ad fidem pertinent, et ubi de extirpandis vitiis, et plantandis virtutibus scribitur, hoc ab eis crebro legatur, et bene intelligatur et in populo prædicetur.

CAP. 158. — *Ut nullus injustas mensuras, et pondera injusta, et a civibus non collaudata, lucri causa dare præsumat. Ex eodem conc. cap. 21.*

Ut mensuræ et pondera justa fiant, sicut in divinis legibus sancitum est (*Lev. XIX; Prov. XI et XX*), et in capitulari Dominico continetur, et iste sacer conventus statuit, sic omnibus nobis observare placeat. Et si quis justas mensuras et justa pondera lucri causa mutare præsumperit, in pane et aqua 20 dies pœniteat.

CAP. 159. — *De matre quæ infantem suum juxta focum posuerit, et sua negligentia mortuus est. Ex concilio Triburiensi, cap. 14, cui interfuit Arnulphus rex (cap. 37, sed aliis verbis).*

Mater si juxta focum infantem posuerit, et alius homo aquam in caldariam miserit, et ebullita aqua infans superfusus mortuus fuerit, pro negligentia mater pœniteat, et ille homo securus sit.

CAP. 160. — *De viris ordinatis, quorum peccata sunt occulta. Ex concilio Toletano.*

De viris ordinatis, quorum occulta peccata sunt, nec manifeste ab aliquo argui possunt; si salubriter compuncti pro peccatis suis confessionem episcopo sive presbytero occulte faciunt, bonum mihi videtur, ut secundum id, quod sibi decretum fuerit, ab episcopo sive presbytero pœnitentiam agant, non tepide nec tarde, sed ferventer et sollicitè; ac si se veniam peccatorum a Domino percepturos, et gradum se retenturos confidant.

CAP. 161. — *Ut nullus præsumat pœnitentiam dare vel confessionem audire, nisi episcopus, aut presbyter. Ex Pœnitentiali Romano.*

Sicut enim sacrificium offerre non debent nisi episcopi et presbyteri, quibus claves regni cœlestis traditæ sunt, sic nec pœnitentium judicia alii usurpare debent.

CAP. 162. — *Quod, absente presbytero, liceat diacono suscipere pœnitentes, necessitate tamen cogente. Item ex eodem.*

Si autem necessitas evenerit, et presbyter non fuerit præsens, diaconus suscipiat pœnitentem ad sanctam communionem.

CAP. 163. — *De temporibus quibus se continere debent conjugati ab uxoribus. Ex concilio Eliberitano.*

In tribus quadragesimis anni, et in die Dominico et in quarta feria, et sexta, conjugales se continere

debeant, nec illis diebus copulari quandiu gravata fuerit uxor, id est, a quo die filius in utero motum fecerit, usque ad partum; a partu post 33 dies, si filius est; si autem filia, post 56.

CAP. 164. — *De femina quæ filium suum sponte occiderit. Ex eodem.*

Si mater filium suum sponte occiderit, 15 annos pœniteat, et nunquam mutet, nisi in die Dominico. Mulier autem paupercula si fecerit pro difficultate nutriendi, 6 annos pœniteat.

CAP. 165. — *De illis qui in Dominico die nupserint. Ex conc. Triburiensi, cap. 51.*

Si quis nupserit die Dominico, petat a Deo indulgentiam, et quatuor dies pœniteat.

CAP. 166. — *De illis qui confessio iterant. Ex concilio Toletano.*

Ea quæ frequenti prævaricatione iterantur, frequenti sententia condemnentur.

CAP. 167. — *De pœnitentia fidelium, ut confessio eorum non publice fiat. Ex epistola Leonis papæ, cap. 2 (ep. 80 ad epis. Campan., c. 2).*

Illam etiam contra apostolicam regulam præsumptionem, quam nuper agnovi, a quibusdam illicita usurpatione committi, modis omnibus constituo submoveri. De pœnitentia scilicet quæ a fidelibus postulatur, ne de singulorum genere peccatorum libellis scripta confessio publice recitetur, cum reatus conscientiarum sufficiat solis sacerdotibus indicari confessione secreta. Quamvis enim plenitudo fidei videatur esse laudabilis, quæ propter Dei timorem apud homines erubescere non veretur, tamen quia non omnium hujusmodi sunt peccata, ut ea qui pœnitentiam poscunt, non timeant publicare, amoveatur improbabilis consuetudo, ne multi a pœnitentiæ remediis arceantur, dum aut erubescunt, aut metuunt inimicis suis sua facta reserari, quibus possint legum constitutione percelli. Sufficit enim illa confessio, quæ primum Deo fertur, tunc etiam sacerdoti, qui pro delictis pœnitentium preceator accedit. Tunc enim plures ad pœnitentiam poterunt provocari, si populi auribus non publicetur conscientia contentis.

CAP. 168. — *De abstinentia carnis et sagiminis in subscriptis temporibus. Ex Concilio Salegunstadt habito, cap. 1.*

Ut quatuordecim dies omnes Christiani ante festivitatem sancti Joannis Baptistæ in abstinentia carnis sint et sanguinis, nisi infirmitate impediante, aut alicujus festi solemnitate, quæ in illo episcopo celebris habetur, intercedente. Et ante natalem Domini similiter, et in vigilia Epiphaniæ, et in omnium vigiliis apostolorum, et in vigilia Assumptionis sanctæ Mariæ, et in vigilia sancti Laurentii; necnon etiam in vigilia Omnium Sanctorum, adjacentes predictis vigiliis unam horam refectionis, excepta infirmitate, et nisi aliquis sit qui proprio voto majori abstinentia uti velit.

CAP. 169. — *Quibus temporibus etiam legitima conjugia contrahere non liceat. Ex eodem, cap. 3.*

De legitimis autem conjugiiis ita visum est, quod nullus Christianus uxorem ducere debeat ab Adventu

Domini usque in octavas Epiphaniæ, et a Septuagesima usque in octavas Paschæ, nec in supra notatis 14 diebus ante festivitatem sancti Joannis Baptistæ, neque in prædictis jejuniorum diebus, sive in omnium solemnium dierum præcedentibus noctibus.

CAP. 170. — *Ut presbyter qui post galli cantum bibit, nisi necessitas cogat, sequenti die missam celebrare non audeat. Ex eodem conc., cap. 4.*

Decretum est etiam in eodem concilio ut presbyter aliquis post galli cantum æstivis noctibus bibens, proximo die missam non celebret; hiemalibus similiter, nisi necessitas cogat.

CAP. 171. — *Ut presbyter non amplius quam tres missas in die celebret. Ex eodem concilio, cap. 5.*

Item decretum est ut unusquisque presbyter in die non amplius quam tres missas celebrare præsumat.

CAP. 172. — *Ut nemo corporale ad extinguendum incendium in ignem projiciat. Ex eodem concilio, cap. 6.*

Conquestum est etiam in sancto concilio, de quibusdam stultissimis presbyteris, ut quando incendium videant, corporale Dominico corpore consecratum ad extinguendum incendium temeraria præsumptione in ignem projiciant. Ideoque decretum est, sub anathematis interdictione, ne ulterius fiat.

CAP. 173. — *De hoc, si duo inculpato fuerint in adulterio et unus negat, alter profitetur, quid inde agendum sit. Ex eodem, cap. 7.*

Interrogatum, si duo in adulterio inculpato fuerint, et unus profiteretur, et alter negaret, quid inde agendum esset. Decretum est etiam a sancto concilio ut ille, qui negaverit, probabili judicio se expurget. Et qui confessus fuerit, digne pœnitentiam agat.

CAP. 174. — *Ut nemo in ecclesiam gladium portet. [Ex eodem, cap. 8.]*

Decretum etiam in eodem concilio ut nemo gladium in ecclesiam portet, regali tantum excepto.

CAP. 175. — *Ne mala colloquia in ecclesia, aut in atrio ecclesiæ fiant. Ex eodem, cap. 9.*

Statuit etiam sancta synodus, ut mala consuetudo, quæ apud omnes pene jam inolevit, omnino prohibeatur: hoc est, quod colloquia sua in atrio alicujus ecclesiæ constituunt habenda, et tunc ea in ipsa maxime exercent ecclesia, ubi orationes et divina tantum fieri æquum est officia.

CAP. 176. — *De Evangelio: In principio erat Verbum (Joan. 1), et missis peculiaribus, ne fiant nisi suis temporibus. Ex eodem, cap. 10.*

Quidam etiam laicorum, et maxime matronæ, habent in consuetudine ut per singulos dies audiant Evangelium: *In principio erat Verbum*, et missas peculiarias, hoc est, de sancta Trinitate, aut de sancto Michaeli, et ideo sancitum est in eodem concilio ut hoc ulterius non fiat, nisi suo tempore, et nisi aliquis fidelium audire velit pro reverentia sanctæ Trinitatis, non pro aliqua divinatione. Et si voluerint ut sibi missæ cantentur, de eodem die au-

diant missas, vel pro salute vivorum, aut pro defunctis.

CAP. 177. — *De computatione consanguinitatis. Ex eodem, cap. 11.*

Quidam etiam generationem consanguinitatis ita volunt numerare, ut frater et soror primi sint. Hoc autem statuit sancta synodus, sicut etiam ab antiquis Patribus decretum est, ut ita non esset, sed ut nepos et neptis, id est, filius fratris ac filia sororis, primi habeantur.

CAP. 178. — *Ut ædificia laicorum in atrio ecclesiæ non ponantur. Ex eodem, cap. 12.*

Statutum est etiam ut ædificia laicorum, quæ ecclesiis adjuncta sunt, auferantur, et nulla in atrio ecclesiæ ponantur, nisi tantum presbyterorum.

B CAP. 179. — *Ut nullus laicus Ecclesiam suam presbytero commendat sine licentia episcopi. Ex eodem concil. cap. 13.*

Item decretum est ut nullus laicorum alicui presbytero suam commendat Ecclesiam, præter consensum episcopi, sed eum prius mittat episcopo suo, vel ejus vicario, ut probetur si scientia, ætate, et moribus talis sit ut sibi populus Dei commendetur.

CAP. 180. — *Si duo de adulterio accusati fuerint, quid inde faciendum sit. Ex eodem, cap. 14.*

Statuit quoque sancta synodus, si duo de adulterio accusati fuerint, et ambo negaverint, et orant sibi concedi, ut alter illorum utrosque divino purget judicio; si unus in hoc deciderit, ut ambo rei habeantur.

CAP. 181. — *Ut bannitum jejunium ab omnibus diligentissime observetur. Ex eodem, cap. 15.*

Decretum est etiam, ut omnes bannitum jejunium, in quocunque episcopo celebratur, diligentissime observent. Et si quis illarum octo interdictarum rerum aliquam redimere voluerit, unum pauperem, prout sua facultas erit, eadem die reficiat.

CAP. 182. — *De illis qui Romam proficisci cupiunt. Ex eodem, cap. 17.*

Decrevit quoque sancta synodus, ut Romam nullus eat, nisi cum licentia sui episcopi, vel ejus vicarii.

CAP. 183. — *Ut carina [For. carena] non dividatur pœnitenti. Ex eodem cap. 17.*

Et illud sub anathemate præceptum est, ut nullus presbyterorum cuiquam pœnitenti carinam dividere præsumat, si infirmitas non intervenerit.

CAP. 184. — *De illis qui pœnitentiam a sacerdotibus accipere nolunt. Ex eodem concil., cap. 18.*

Quia multi tanta mentis suæ falluntur stultitia, ut in aliquo capitali crimine inculpato pœnitentiam a sacerdotibus suis accipere nolint, in hoc maxime confisi, ut Romam euntibus apostolicis omnia sibi dimittat peccata; sancto visum est concilio ut talis indulgentia illis non prosit, sed prius juxta modum delicti pœnitentiam sibi datam a suis sacerdotibus adimpleant, et tunc Romam ire, si velint, ab episcopo proprio licentiam et litteras ad apostolicum ex iisdem rebus deferendas accipiant.

CAP. 185. — *Ut omnis pœnitens dum carinam suam jejundet, de loco ad locum non migret. Ex eodem cap. 19.*

Decretum est etiam, ut omnis pœnitens dum carinam suam jejundet, de loco ad locum non migret, sed ibi permaneat, ubi suam acceperit pœnitentiam, ut proprius sacerdos sibi præbeat testimonium. Si autem ibi propter hostiles insidias [injurias, or.] jejunare non poterit, suus sacerdos eum confratrum suorum alicui, ubi pacifice possit jejunare, diligentissime commendet.

CAP. 186. — *Ut nullus presbyter quemquam pœnitentem in ecclesiam introducat. Ex eod. cap. 20.*

In eodem quoque concilio decretum est ut nullus presbyterorum quemquam nisi jussu episcopi in ecclesiam introducere præsumat, cui pro aliquo delicto illam ingredi non liceat.

CAP. 187. — *Quanto tempore pœnitere debeat qui hoc vel illud fecerit. Ex pœnitentiali laicorum.*

Si quis hominem occiderit sponte, 7 annos pœniteat; si immeritum, 10 annos pœniteat. Si diaconum, 14 annos pœniteat. Si presbyterum, 21 annos pœniteat. Si quis hominem non sponte occiderit, 3 annos pœniteat. Si in publico bello, annum unum pœniteat. Si quis hominem debilitaverit, 3 quadragesimas pœniteat. Si membrum principale alicui tulerit, 3 annos et dimidium pœniteat. Si quis Sodomitice, vel cum pecude semel peccaverit, 7 [duodecim] annos pœniteat. Si consuevit, 14 annos pœniteat. Si fornicatur inter femora semel, 4 quadragesimas pœniteat. Si consuevit, 3 annos pœniteat. Si parvulus oppressus hoc patitur, una quadragesima pœniteat. Si per semetipsum, duabus quadragesimis pœniteat. Si consuevit, uno anno pœniteat.

Si quis adulterat semel, 5 annos pœniteat; si dupliciter, 10 annos pœniteat. Si quis raptum fecerit, 3 annos, uno de his foris ecclesiam pœniteat. Si quis nonnam corruerit, 7 annos pœniteat; si quis consanguineam, 5 annos pœniteat. Si quis divinos consulit, 3 annos pœniteat. Si quis sacrilegus vel perjurus exstiterit, septem annos pœniteat. Si quis jurat contra pacem, uno anno pœniteat, et cum elemosynis redimat. Si quis pertinaciter odit, excommunicatur.

CAP. 188. — *Pœnitentia mulierum.*

Si qua mulier duobus fratribus nupserit, 5 annos pœniteat. Si qua partum necat, aut excutit sponte; si jam vivit, 12 annos pœniteat; si non vivit, sex annos pœniteat, et semper sexta feria jejundet. Si mater dormiens filium vel filiam oppresserit, tribus annis pœniteat. Si infans alicubi ceciderit et obierit, parens unum annum pœniteat. Si infans mortuus fuerit per negligentiam sine baptismo, tribus annis pœniteat, uno ex his foris ecclesiam, et semper sexta feria jejundet.

CAP. 189. — *Pœnitentia illius anni, qui in pane et aqua jejundus est, isto ordine observari debet.*

Pœnitentia unius anni, qui in pane et aqua jejundus est, talis esse debet. In unaquaque hebdomada, 3 dies, id est, secundam feriam, quartam fe-

riam, sextam feriam in pane et aqua jejundet et tres dies, id est, tertiam feriam, quintam et sabbatum a vino, medone, mellita cerevisia, a carne et saginæ, et a caseo et ovis, et ab omni pingui pisce se abstinat. Manducet autem minutos pisciculos, si habere potest. Si habere non potest, tantum unius generis piscem, et legumina, et olera, et poma, si vult, comedat, et cerevisiam bibat. Et in diebus Dominicis, in Natali Domini illos quatuor dies, et in Epiphania Domini unum diem. Et in Pascha usque in octavum diem, et in Ascensione Domini, et Pentecoste 4 dies, et in missa sancti Joannis Baptistæ, et sanctæ Mariæ, et 12 apostolorum, et sancti Michaelis, et sancti Remigii, et Omnium Sanctorum, et sancti Martini, et in illius sancti festivitate qui in illo episcopatu celebris habetur. In his supradictis diebus faciat charitatem cum cæteris Christianis, id est utatur eodem cibo et potu quo alii. Sed tamen ebrietatem et ventris distentionem semper in omnibus caveat.

CAP. 190. — *Modus pœnitentiæ secundi anni.*

Iste annus secundus est ab illo anno qui in pane et aqua observandus est, et post illum jejundus, qui etiam dandus est illis qui viros ecclesiasticos sponte occidunt, et in consuetudine habent Sodomiticum scelus, et in consuetudine habent contra naturam peccare, et in ecclesiis homicidia sponte committunt, et ecclesias incendunt, et in ecclesiis adulteria committunt, et qui alia hujusmodi perpetraverint. Pœnitentia illius anni talis esse debet, ut duos dies, id est, 2 et 4 feriam in unaquaque hebdomada jejundet, usque ad vesperam, et tunc reficiatur de sicco cibo, id est, pane et leguminibus sicci, sed coctis, aut pomis, aut oleribus crudis, unum eligat ex his tribus, et utatur; et cerevisiam hibet, sed sobrie; et tertium diem, id est sextam feriam, in pane et aqua observet, et tres quadragesimas jejundet, unam ante Natalem Domini, secundam ante Pascha, tertiam ante missam sancti Joannis. Et si totam quadragesimam ante missam sancti Joannis implere non possit, post missam impleat. Et in his tribus quadragesimis jejundet duos dies in hebdomada ad nonam, et de sicco cibo comedat, ut supra notatum est, et sexta feria jejundet in pane et aqua, et in diebus Dominicis, et in Natali Domini illos 4 dies, et in Epiphania Domini unum diem, et in Pascha usque in octavum diem, et in Ascensione Domini, et Pentecoste quatuor dies, et in missa sancti Joannis Baptistæ, et sanctæ Mariæ, et 12 apostolorum, et sancti Michaelis, et sancti Remigii, et Omnium Sanctorum, et sancti Martini, et in illius sancti festivitate, qui in illo episcopatu celebris habetur. In his supradictis diebus faciat charitatem cum cæteris Christianis. Sed tamen ebrietatem, et ventris distentionem semper in omnibus caveat.

CAP. 191. — *De illis qui jejunare possunt et adimplere quod in Pœnitentiali scriptum est.*

Qui jejunare potest et implere quod in Pœnitentiali scriptum est, bonum est, et Deo gratias referat. Qui autem non potest, per misericordiam Dei consi-

lium damus tale, ut nec sibi, nec alicui necesse sit, A nec desperare, nec perire.

CAP. 192. — *De redemptione illius anni, quem in pane et aqua jejunare debet.*

Pro uno die quem in pane et aqua jejunare debet, quinquaginta psalmos genibus flexis in ecclesia, si fieri potest, decantet. Sin autem, in loco convenienti eadem faciat, et unum pauperem pascat, et eodem die, excepto vino, carne et sagimine, sumat quidquid velit.

CAP. 193. — *Alio modo ex eodem.*

Si autem talis est, quod tam diu in genibus jacere non possit, faciat autem sic : infra ecclesiam si fieri potest, sin autem, in uno loco stando intente, 70 psalmos per ordinem decantet, et pauperem pascat, et eo die, excepto vino, et carne et sagimine, sumat quidquid velit.

CAP. 194. — *Item alio modo.*

Qui in ecclesia genua flexerit centies, id est, si centies veniam petierit, si fieri potest ut in ecclesia fiat, hoc justissimum est. Si autem hoc fieri non potest, secreto in loco convenienti eadem faciat. Si sic fecerit, eo die, excepto vino, carne et sagimine, sumat quidquid placeat.

CAP. 195. — *Item alio modo.*

Qui psalmos non novit, unum diem quem in pane et aqua poenitere debet, dives tribus denariis, et pauper uno denario redimat, et eo die, excepto vino, carne et sagimine, sumat quidquid velit.

CAP. 196. — *Item alio modo.*

Pro uno die quem in pane et aqua poenitere debet, tres pauperes pascat, et eo die, excepto vino, carne et sagimine, sumat quod placeat.

CAP. 197. — *Item alio modo.*

Quidam dicunt 20 palmas valere pro uno die.

CAP. 198. — *De redemptione unius hebdomadæ, qua in pane et aqua jejunare debet. Ex eodem.*

Pro una hebdomada quam in pane et aqua jejunare debet, trecentos psalmos genibus flexis in ecclesia decantet. Si autem hoc facere non potest, tria psalteria in ecclesia, vel in loco convenienti intente decantet. Et postquam psallerit, excepto vino, carne et sagimine, sumat quidquid velit.

CAP. 199. — *De redemptione unius mensis, quem in pane et aqua jejunare debet.*

Pro uno mense, quem in pane et aqua jejunare debet, psalmos mille ducentos flexis genibus decante. Si autem hoc facere non potest sine flexione genu, sedendo, aut stando, in ecclesia, si fieri potest, sin autem, in uno loco 1680 psalmos decantet. Et omni die, si velit, et se abstinere non vult, reficiat se ad sextam, nisi quartam feriam et sextam jejunet ad nonam. Et a carne, et sagimine, et a vino totum mensem se absteineat; alium autem cibum postquam psalmos supradictos decantaverit, sumat. Isto ordine totus ille annus redimendus est.

CAP. 200. — *De illis qui jejunare non possunt, et psalmos nesciunt, quomodo poenitentiam unius anni*

quem in pane et aqua jejunare debent, redimere possint.

Qui vero psalmos non novit et jejunare non potest, pro uno anno, quem in pane et aqua jejunare debet, det pauperibus in eleemosynam 22 solidos, et omnes sextas ferias jejunet in pane et aqua, et tres quadragesimas, id est 40 dies, ante Pascha, et 40 dies ante festivitatem sancti Joannis Baptistæ, et si ante festivitatem aliquid remanserit, post adimpleat, et 40 dies ante Natalem Domini. In istis tribus quadragesimis quidquid suo ori præparatur in cibo vel potu, vel cujuscunque generis sit, illud æstimet quanti pretii sit vel esse possit, et mediæ-tatem illius pretii distribuat in eleemosynam pauperibus et assidue oret, et roget Deum ut oratio ejus et eleemosynæ apud Dominum acceptabiles sint.

CAP. 201. — *Item redemptio illius anni, quem in pane et aqua jejunare debent. Ex Pœnitentiali Theodori.*

Item qui jejunare non potest, et observare quod in Pœnitentiali scriptum est, faciat quod sanctus Bonifacius papa constituit. Pro uno die quem in pane et aqua jejunare debet, roget presbyterum ut missam cantet pro eo, nisi sint crimina capitalia, quæ confessa prius lavari cum lacrymis debent, et tunc ipse adsit et audiat missam, et devote ipse offerat propriis manibus panem, et vinum manibus sacerdotis, et intente respondeat, quantum sapit, ad salutationes, et ad exhortationes sacerdotis, et humiliter Deum deprecetur, ut oblatio quam ipse et presbyter pro se et pro peccatis suis Deo obtulerint, Deus omnipotens misericorditer per angelam suam suscipere dignetur. Et eo die, excepto vino, et carne et sagimine, comedat quidquid vult, et sic redimat reliquos anni dies.

CAP. 202. — *De illis qui jejunare non possunt, et habent unde redimere possint.*

Si quis forte non potuerit jejunare, et habuerit unde possit redimere, si dives fuerit, pro 7 hebdomadibus, det solidos viginti; si non habuerit unde tantum possit dare, det solidos decem; si autem multum pauper fuerit, det solidos tres. Neminem vero conturbet, quia jussimus dare solidos 20, aut minus, quia si dives fuerit, facilius est illi dare solidos 20, quam pauperi tres. Sed attendat unusquisque cui dare debeat, sive pro redemptione captivorum, sive super sanctum altare, sive Dei servis, sive pauperibus in eleemosynam.

CAP. 203. — *De illis qui non possunt adimplere quod in Pœnitentiali scriptum est.*

Qui non potest sic agere poenitentiam, ut superius diximus, faciat sic : si tres annos continuos jejunare debet, et jejunare non potest, sic redimere potest. In primo anno eroget in eleemosynam solidos 26. In secundo anno eroget in eleemosynam solidos 20. In tertio anno, solidos 18, hi sunt solidi 64. Potentes enim homines plus dare debent, quia cui plus committitur, plus ab eo exigitur (Luc. xii). Et qui illicita committunt, etiam a licitis se abstinere

debet, et corpus debent affligere jejuniis, vigiliis et crebris orationibus. Caro enim lata trahit ad culpam, afflicta autem reducit ad veniam.

CAP. 204. — *De illis qui jejunare non possunt, et non habent unde redimere possint. Ex Pœnitentiâ Bedæ.*

Qui jejunare non potest, et non habet unde redimat, et psalmos novit, pro uno die quem in pane et qua jejunare debet, tribus vicibus *Beati immaculati in via*, usque ad, *Ad Dominum cum tribularer*, decantet; et sexies, *Miserere mei, Deus*. Et septuagies prosternat se in terram, et per singulas genuflexiones, *Pater noster* decantet. Qui autem psalmos nescit, pro uno die quem in pane et aqua jejunare debet, centies prosternat se in terram, et per singulas genuflexiones, *Pater noster* dicat.

CAP. 205. — *De redemptione 77 annorum. Ex Pœnitentiâ Romano.*

Item alio modo 12 triduanæ singulæ cum Psalteriis 3 impletis, et cum palmatis 300, per singula Psalteria, excusant unius anni pœnitentiam. Et 2 biduanæ similiter cum 3 psalteriis, et cum 300 palmatis per singula psalteria, excusant duos annos, 75 psalmi cum totidem veniis per noctem, et cum palmatis trecentis excusant biduanam. Centum psalmi cum veniis per noctem, et cum palmatis 300 excusant triduanam. Centum viginti missæ speciales singulæ cum 3 psalteriis, et cum trecentis palmatis excusant annum. Centum solidi dati in eleemosynam annum excusant.

DECRETI PARS DECIMA SEXTA.

De officiis laicorum et causis eorumdem.

CAP. 1. — *Tropica disputatio beati Clementis, quanta vel qualia mundi discrimina putiatur Ecclesia.*

Ait beatus Clemens Petri successor apostoli in epistola prima ad Jacobum fratrem Domini, Hierosolymitanum videlicet episcopum: « Mare hic mundus habeatur. Ventorum vero varietates, turbinum diversis tentationibus conferantur. Persecutiones, tribulationes, et pericula fluctibus exæquentur. Terreni vero spiritus qui vel de torrentibus, vel de vallibus spirant, pseudoprophetarum et seductorum, seu pravæ doctrinæ verba dicantur. Promontoria vero et loca confragosa, hi qui in potestatibus sæculi sunt iudices, et pericula minantur et mortes. Bithalassa vero loca, quæ duplicibus unde fallacis æstibus verberantur, dubiis mente, et de promissionum veritate nutantibus conferantur [atque his qui irrationabili fidem nostram ratione discutunt, *inseritur in or.*]. Hypocritæ vero et dolosi, piratis similes habeantur. Jam vero rapidus vortex et tartarea charybdis, et saxis illisa naufragia, ac mortiferæ submersiones, quid aliud æstimanda sunt quam peccata? Restat igitur ut hæc navis cursu prospero tuta possit portum desideratæ urbis intrare, et ita Deo precem fundere, ut naufragantes mercantur audiri. »

CAP. 2. — *Ut episcopi impositam a Deo sibi curam in populis protegendis non ambigant. Ex concil. Tolentino IV, cap. 51.*

Episcopi in protegendis populis ac defendendis, impositam a Deo sibi curam non ambigant. Ideo dum conspiciunt iudices ac potentes pauperum oppressores existere, prius eos sacerdotali admonitione redarguant, et si contempserint emendare,

B anathematizentur.

CAP. 3. — *De illis qui in episcopis præeam fecerint. Ex concilio Carthaginiensi, cap. 8.*

Ut si quis quemlibet exspoliaverit, et admovente episcopo non reddiderit, excommunicetur.

CAP. 4. — *Ut episcopi potestates admoneant, ut pauperes non opprimant. Ex concilio Aurelianensi, cap. 4.*

Ut iudices aut potestates [potentes, orig.] qui pauperes opprimunt, si commoniti a pontifice suo non emendaverint, excommunicentur.

CAP. 5. — *De eadem re. Ex concil. Maguntiansi I, cap. 8 (sub Leone III).*

Ut episcopi potestatem habeant res ecclesiasticas prævidere, regere, et gubernare, atque dispensare, secundum canonum auctoritatem, volumus ut laici in eorum ministerio obediant episcopis, ad regendas Ecclesias Dei, viduas et orphanos defendendos, et ut obedientes sint eis ad eorum Christianitatem servandam: et episcopi consentientes comitibus et iudicibus ad justitias faciendas: et ut nullatenus per aliquorum mendacium, vel falsum testimonium neque per perjurium, aut per præmium lex justa in aliquo depravetur.

CAP. 6. — *De sæcularibus Ecclesiam vel clericum injuste calumniantibus. Ex concilio Agathensi, cap. 52.*

(5. q. 6, c. Si quis vero sæcularium.) Si quis sæcularium pro calumnia Ecclesiam aut clericum fatigare tentaverit, et evictus fuerit, ab ecclesiæ liminibus et catholicorum communione (nisi digne pœniterit) arceatur.

CAP. 7. — *Ut contemptores canonum excommunicen-*

tur. Ex concil. i Carthaginensi, cap. 15. (sub Jul. I, A CAP. 16. — Quod admonendus sit imperator, ut con-
c. 14.)

Ut laici contemptores canonum excommunicentur, clericis honore priventur.

CAP. 8.—*De prævaricatoribus divinarum legum. Ex concil. apud Lauriacum, cap. 10 (cap. 1).*

Si quis publicus divinæ legis prævaricator, vel pro manifestis criminibus sanctorum canonum contemptor repertus fuerit, ac sanctorum Patrum constitutionibus episcopalibus obtemperare distulerit, anathematizetur.

CAP. 9. — *Quod non licet imperatoribus vel cuiquam potentum aliquid agere contra divinum mandatum. Ex concil. Adriani papæ, cap. 16 (post concilium Nicænum II ex diversis collec.).*

Non licet ergo imperatori vel cuiquam pietatem custodienti aliquid contra mandata divinitatis præsumere, nec quidquam quod evangelicis prophetisque seu apostolicis regulis obviet, agere. Injustum enim iudicium et definitio injusta, regio metu vel jussu a iudicibus ordinata non valeat. Nec quidquam quod contra evangelicam, et propheticam, aut apostolicam doctrinam, constitutionemque eorum sive sanctorum Patrum actum fuerit, stabit. Et quod ab infidelibus aut hæreticis factum fuerit, omnino cassabitur.

CAP. 10. — *Ut nemo contra canones esse præsumat. Ex concil. Triburiensi, cap. 10 (ex capitulis Adriani papæ).*

(Dist. 10. c. Constitutiones.) Ut constitutiones contra canones et decreta præsulorum Romanorum, vel bonos mores, nullius sint momenti.

CAP. 11.—*De imperatoria lege. Ex decretis Pii papæ, cap. 3.*

(C. Lege imperatorum.) Lex imperatorum non est supra legem Dei, sed subtus.

CAP. 12. — *Quando canonica ventilantur, nisi sint religiosi, laici non intersint. Ex concilio Cabilonensi, cap. 6.*

Quando ea quæ canonica sunt ventilantur, vel quando regularia examinantur, neque aliquos laicos interesse, nisi religiosos, oportet, et nisi hos tantummodo, qui in propria appellantur persona.

CAP. 13. — *Ut laici in synodo, nisi clericis jubentibus, docere non audeant. Ex conc. Carthagin. IV, cap. 98.*

Laici in synodo, præsentibus clericis, nisi ipsis jubentibus, docere non audeant.

CAP. 14. — *Quod populus docendus sit, non sequendus. Ex decretis Cælestini papæ, cap. 22 (epist. III, cap. 5).*

(Dist. 62, c. Docendus.) Docendus est populus, non sequendus, eosque si nesciunt quid liceat, quidve non liceat commonere, non his consensum præbere debemus. Quisquis vero conatus fuerit tentare prohibita, sentiet censuram canonicam minime defuturam.

CAP. 15. — *De illo qui contra decretum episcopi venerit. Greg. dictum.*

Si quis venerit contra decretum episcopi, ab Ecclesia abjiciatur.

CAP. 16. — *Quod admonendus sit imperator, ut constitutis apostolicæ sedis obtemperet. Ex decretis Anastasii papæ (Anast. II, ad Anastasium August., cap. 6).*

Illud vero peculiarius pro amore imperii vestri, et beatitudine quæ [qua] consequi poterit regnum, pro apostolico officio prædicamus, ut (sicut decet, et Spiritus sanctus dictat) monitis nostris obedientia præbeatur, ut bona omnia vestra respublica consequatur, sicut in Exodo promittitur: *Si audieris vocem Domini Dei tui, et quæ placent feceris coram eo, et obedieris præceptis ejus, et custodieris omnem justitiam ejus, omnem infirmitatem, quam importavi Ægyptiis, non importabo in te. Ego enim sum Dominus qui salvum facio te (Exod. i).* Et illic iterum tuba potentissima canitur: *Et nunc, Israel, quid Dominus Deus tuus postulat a te aliud, quam ut timeas Dominum Deum tuum, et ambules in omnibus viis ejus, et diligas eum, et servias Domino Deo tuo ex toto corde, et ex tota mente tua? Custodi præcepta Domini Dei tui, et justitias quas ego mando tibi (Deut. x).* Hæc me suggerentem frequentius non spernat pietas tua, ante oculos habens Domini in Evangelio verba: *Qui vos audit, me audit; et qui vos spernit, me spernit; et qui me spernit, spernit eum qui me misit (Luc. x).* Nam et Apostolus concinens Salvatori nostro ita loquitur: *Quapropter qui hæc spernit, non hominem spernit, sed Deum, qui dedit Spiritum suum sanctum in nobis (I Thess. iv).* Pectus clementiæ vestræ sacrarium est publicæ felicitatis, ut per instantiam vestram, quam velut vicarium præsidere jussit in terris, evangelicis, apostolicisque præceptis non dura superbia resistatur, sed per obedientiam, quæ sunt salutifera, compleantur.

CAP. 17. — *Generalis admonitio regum. Ex Registro sancti Gregorii ad Aldebertum regem Anglorum, cap. 265 (lib. regist. ix, epist. 60).*

Propter hoc omnipotens Deus bonos quosque ad populorum regimina perducit, ut per eos omnibus, quibus prælati fuerint, dona suæ potestatis [pietatis] impendat. Quod in Anglorum gente factum cognovimus, cui vestra gloria idcirco est præposita ut bona quæ vobis concessa sunt, etiam subjectæ vobis genti superno beneficio restaurentur. Et ideo, gloriose filii, eam quam accepisti divinitus gratiam sollicita mente custodi. Christianam fidem in populis tibi subditis extendere festina, zelum rectitudinis tuæ in eorum conversione multiplica, idolorum cultus insuquens fanorum ædificia evertit. Subditorum mores in magna vitæ munditia exhortando, terrendo, corrigendo et boni operis exempla monstrando, ædifica, ut illum retributorem invenias in cælo cujus nomen atque cognitionem dilataveris in terra. Ipse enim vestræ quoque gloriæ nomen etiam posteris gloriosius reddet cujus vos honorem queritis et servatis in gentibus. Sic enim Constantinus quondam piissimus imperator, Romanam rempublicam a perversis idolorum cultibus revocans, omnipotenti Deo Domino nostro Jesu Christo secum subdidit, seque cum subjectis populis tota ad eum

mente convertit. Unde factum est ut antiquorum principum nomen suis vir ille laudibus vinceret, et tanto in opinione prædecessores suos, quanto et in bono opere superaret. Et nunc itaque vestra gloria cognitionem unius Dei Patris, et Filii, et Spiritus sancti regibus ac populis sibi subjectis festinet infundere, ut et antiquos gentis suæ reges laudibus ac meritis transeat, et quanto in subjectis suis etiam aliena peccata deterserit, tanto etiam de peccatis propriis ante omnipotentis Dei terribile examen securior fiat. *Paulo post.* Præterea scire vestram gloriam volumus, quia sicut in Scriptura sacra ex verbis Domini omnipotentis agnoscimus, præsentis mundi jam terminus iuxta est, et sanctorum regnum venturum est, quod nullo unquam poterit sine fini. Appropinquante autem eodem mundi termino, multa imminet, quæ antea non fuerunt, videlicet immutationes aeris, terroresque de cælo, et contra ordinationem [ordinem] temporum tempestates, bella, fames, pestilentia, terræmotus per loca (*Matth. xxiv; Luc. xxi*); quæ tamen non omnia nostris diebus ventura sunt, sed post nostros dies subsequuntur. Vos itaque si qua ex his evenire in terra vestra cognoscitis, nullo modo vestrum animum perturbetis, quia idcirco hæc signa de fine sæculi præmittuntur, ut de animabus nostris debeamus esse solliciti, et de mortis hora suspecti, ut venturo Judici in bonis actibus inveniamur præparati.

CAP. 18. — *Alia admonitio principum. Ex Registro Gregorii, ad Justinum prætorem Siciliae. cap. 2 (lib. 1 regist., ep. 2).*

Quod lingua loquitur, attestatur conscientia, quia dudum vos, et nullius dignitatis occupationibus implicatos, multum dilexi multumque veneratus sum. Ipsa namque incessus vestri modestia quibusdam conatibus exigebat ut diligere etiam a nolente debuisset. Et cum vos venissem ad administrandam præturam [præfecturam] Siciliae audirem, valde gavisus sum; et quia quamdam inter vos atque ecclesiasticos simulationem subreperere comperi, vehementissime contristatus sum. Nunc vero quia et vos administrationis cura, et me studium hujus regiminis occupat, in tantum vos recte diligere specialiter possumus, in quantum generalitati minime nocemus. Unde per omnipotentem Dominum rogo, in cuius tremendo iudicio nostrorum actuum posituri rationem sumus, ut ejus respectum semper gloria vestra ante oculos habeat, et nunquam quodlibet, ex quo inter nos vel parva dissensio proveniat, admittat. Nulla vos lucra ad injustitiam pertrahant. Quam sit vita brevis aspiciat; ad quem quandoque ituri estis iudicem, qui judiciariam potestatem geritis, cogitate. Solerter ergo intuendum est quod cuncta lucra hic relinquimus, et solas dispensativorum [dispensiosorum] lucrorum causas nobiscum ad iudicium deportamus. Illa ergo nobis sunt commoda quaerenda, quæ nequaquam mors adimat, sed

PATROL. CLXI

mansura in perpetuum præsentis vitæ finis ostendat.

CAP. 19. — *Item adhortatio principum. Ex Registro Gregorii, ad Gennadium patricium et exarchum, cap. 72 (lib. 1, ep. 73).*

(23, q. 4, c. Si non.) Si non ex fidei merito et Christianæ religionis gratia tanta excellentiæ vestræ bellicorum actuum prosperitas eveniret, non sumopere miranda fuerant, cum sciamus hæc etiam antiquis bellorum ducibus fuisse concessa. Sed cum futuras, Deo largiente, victorias non carnali providentia, sed magis orationibus prævenitis, sit ut hoc in stuporem veniat, quod gloria vestra non terreno consilio, sed Deo desuper largiente descendat [dispensat]. Ubi enim meritorum vestrorum loquax non discurrit opinio, quæ et bella vos frequenter appetere non desiderio fundendi sanguinis, sed dilatandæ causa reipublicæ in qua Deum coli conspiciamus, loquitur, quatenus Christi nomen per subditas gentes fidei prædicatione circumquaque discurrat? Sicut enim exteriora vos virtutum opera eminentes in hac vita constituunt, ita et interiorum [internorum] ornamenta ex corde mundo procedentia, in futura vita cælestium gaudiorum participatione glorificant.

CAP. 20. — *Qualiter studendum sit regibus, sacerdotum vel populi peccata ulcisci. Ex Registro Gregorii ad Brunichildem reginam Francorum, cap. 272 (lib. ix, ep. 64).*

Cum scriptum sit: *Justitia elevat gentem, miseros autem facit populos peccatum (Prov. xiv)*, tunc regnum stabiliri creditur, cum culpa quæ cognoscitur, citius emendatur. Multorum igitur ad nos relatione pervenit (quod dicere sine afflictione cordis nimia non valemus), ita quosdam sacerdotes in illis partibus impudice ac nequiter conversari ut et audire nobis opprobrium et lamentabile sit referre. Ne ergo postquam hujus nequitiae huc usque se tendit opinio, aliena pravitas aut nostram animam, aut vestrum regnum peccati suo jaculo feriat, ardentem ad hæc debemus ulciscendo consurgere, ne paucorum fames multorum esse possit perditio. Nam causa sunt ruinæ populi sacerdotes mali. Quis enim pro populi peccatis se intercessor objiciat, si sacerdos qui exorare debuerat, graviora committat: Sed quoniam eos, quorum est locus hæc insequi, nec sollicitudo ad requisitionem, nec zelus excitat ad vindictam, scripta ad nos vestra discurrant, ut personam, si præcipitis, cum vestræ auctoritatis assensu transmittamus, quæ una cum aliis sacerdotibus hæc et subtiliter quærere, et secundum Deum debeat emendare. Nec enim dissimulanda sunt quæ dicimus, quia qui emendare potest et negligit, participem se, procul dubio, delicti constituit. Providete ergo animæ vestræ, providete nepotibus, quos cupitis regnare feliciter, providete provinciis, et priusquam Creator noster manum suam ad feriendum excutiat, de correctione hujus sceleris studiosissime cogitate, ne tanto postmodum acrius feriat, quanto modo diutius et clementer exspectat. Scitote

29

autem quia magnum Deo nostro sacrificium placationis offeretis, si tanti labem facinoris de vestris citius sinitibus amputatis. Data die x Kal. Julii, in dictione iv.

CAP. 21. — *Unde supra. Ex registro ad Theodoricum regem Francorum, cap. 274 (lib. ix, ep. 53).*

Excellentiæ vestræ index cordis epistola quanta in vobis fulgeat cum regia potestate prudentia, ita luculenti copia sermonis edocuit ut dubium esse non valeat quidquid laudabile de vobis fama narra- verit. Et quoniam exhortationem nostram adeo regiis animis per laudis prædicamenta placuisse signastis, ut quidquid ad Dei nostri cultum, quidquid ad ecclesiarum reverentiam, quidquid ad honorem pertinere cognoscitis sacerdotum, studiose statui et velitis in omnibus custodire, iterata vos per vestram mercedem [pro vestra magna mercede] adhortatione pulsamus, ut congregari synodum jubeatis. Et sicut dudum scripsimus corporalia in sacerdotibus vitia, et Simoniacæ hæresis pravitatem omnium episcoporum definitione damnari, atque a regni vestri amputari sinitibus faciatis, nec plus illic [illis] per pecuniam obtinere quam præcepta Dominica præcipiunt permittatis. Nam dum omnis avaritia idolorum sit servitus (Col. iii), quisquis hanc in dandis honoribus et maxime ecclesiasticis, vigilanter non præcavet, infidelitatis perditioni subjicitur, etiamsi tenere fidem quam negligit videatur. Sicut ergo contra exteriores hostes, ita quoque contra interiores animarum adversarios studete esse solliciti, ut per hoc quod Dei nostri inimicis fideliter repugnatur, et hic feliciter ipsius protectione regnetis, et ad æterna postmodum gaudia, ejus duce gratia veniatis.

CAP. 22. — *Quod multorum solamen sit, si prudentes viri regibus adhereant. Ex registro Gregorii, ad Asclepiodotum patricium Gallorum, cap. 271 (lib. xii, ep. 17).*

Prudentes viros (sicut estis) regibus adhærere multorum solamen est. Nam dum præstari sibi locum ad animæ datum utilitatem intelligunt, certum est quia mercedis causas alias, ubi inveniunt, non præponunt.

CAP. 23. — *Ut regum adversarii excommunicentur. Ex concilio apud Lauriacum, cap. 14 (cap. 3).*

Si quis potestati regiæ (quæ non est, juxta Apostolum, nisi a Deo [Rom. xiii]) contumaci et inflato spiritu contradicere vel resistere præsumperit, et ejus justis et rationabilibus imperiis secundum Deum et auctoritatem ecclesiasticam obtemperare noluerit, anathematizetur

CAP. 24. — *De illis qui principi non obediunt. Ex concilio Toletano.*

In libro Regum legitur : Qui non obedierit principi, morte moriatur (I Reg. xxvi). In concilio autem Agathensi præcipitur ut anathematizetur.

CAP. 25. — *De illis qui in adversitate propriæ gentis, aut patriæ, culpabiles inveniuntur. Ex eodem con-*

cilio (Tolet. conc. vi. c. 12, quanquam non iisdem verbis).

Nobis igitur ratio persuasit synodaliter decernere, ut quicumque laicorum adversitate propriæ gentis, aut patriæ, vel regiæ potestatis ad exterarum partes se conferendo noxius fuerit, ultra repertus perpetua sit excommunicatione damnatus, et nunquam illi præter in ultimo mortis suæ, communio tribuatur.

CAP. 26. — *Ut nullus præsumat, principe vivente, alium eligere regem. Ex eodem conc. (cap. 17).*

Quanquam in concilio anteriori (c. 4, conc. Tolet. v), quod anno primo gloriosissimi principis nostri habitum est, de hujusmodi re fuerit promulgata sententia, tamen placet iterata, juxta quod convenit, custodire. Itaque regis vita constante, nullus sibi aliquo opere, vel deliberatione, seu cujuscunque dignitatis laicus, seu gradu episcopatus, presbyterii, aut diaconii consecratus, cæterisque clericatus officiis deditus, futurum regem provideat contra viventis regis utilitatem et procul dubio voluntatem, blandimento vel suasionem per eandem spem, aut alios in se trahat, aut ipse in alium acquiescat. Iniquum enim et valde execrabile a Christianis debet haberi futuri temporis illicitis prospicere, et vitæ suæ ignaros ventura disponere. Quod si quisquam jam talia iniqua deliberatione cum quocunque est meditatus, hoc sibi noverit esse sacerdotali moderamine concessum, ut si venialiter possit, hoc sine mora præsentis principis auribus studeat publicare. Si autem obticeat, et deliberationis suæ machinamenta noluerit dicere, pessimo plectatur anathemate.

CAP. 27. — *Ut nemo intendat in interitum regis. Ex eodem concil. vi, cap. 18 (cap. 2 et 3 Toletan. conc. v).*

Jam quidem in antecedente universali synodo salutis nostrorum principum constat esse consultum, sed libet iterare bene sancita, et digna auctoritate munire salubriter ordinata. Ideoque contestamur coram Deo, et omni ordine angelorum, coram prophetarum atque apostolorum, vel omnium martyrum choro, coram omni Ecclesia catholica et Christianorum cœtu, ut nemo intendat in interitum regis, nemo vitam principis nece atrectet, nemo regni eum gubernaculis privet, nemo tyrannica præsumptione apicem regni sibi usurpet, nemo quolibet machinamento in ejus adversitatem sibi conjuratorum manum associet. Quod si in copiam horum quisquam nostrorum temerario ausu præsumptor exstiterit, anathemate divino percussus, absque ullo remedii loco habeatur condemnatus æterno judicio.

CAP. 28. — *De fidelibus regum. Ex eodem concil. vi, cap. 14.*

Proinde ut anno primo serenissimi principis nostri decrevit concilium sanctum (cap. 6, conc. Tolet. v), omnes qui pro fideli obsequio, et sincero servitio voluntatibus vel jussis paruerint principis, totaque

intentione salutis ejus, custodiam vel vigilantiam habuerint regni, a successoribus nec a dignitate, nec a rebus pristinis causa repellantur injusta, sed et nunc ita pro uniuscujusque utilitate principis moderentur discretione, sicut eos prospexerit necessarios esse patriæ, et sic illis impertiatur benignitas ut in cæteris maneat gratia et potestas, quatenus ita omnia in rebus juste conquisita lucrentur, ut posteris relinquendi, vel quibus voluntas eorum decrevit conferendi, spontaneo fruantur arbitrio. Cæterum si infidelis quisquam in capite regio, aut inutilis in rebus commissis exstiterit, in clementiæ ejus manu, posteritatis nutu constet hujusmodi moderatio. Nefas est enim in dubium deducere jus potestatis, cui omnium gubernatio superno constat delegata iudicio. Quod si post ejus discessum quispiam reperi- tus fuerit ejus vitæ fuisse infidelis, quidquid largitate ipsius in rebus habuit conquisitis careat, confiscandum, et fidelibus largiendum.

CAP. 29. — *De regum sobole. Ex eodem concilio VI, cap. 16.*

Sicut insolentia malorum regum odiosa semper et execrabilis existit subjectis, ita honorum provida utilitas amabilis efficitur populis. Quocirca quis ferat, aut quis talem errantem Christianum videat, qui regiam sobolem, aut posteritatem conetx exspoliare rebus, aut privare dignitatibus? Quod deinde ne fiat, generalis promatur de filiis principis sententia nostra, id est, de præsentis excellentissimi Chintillani regis posteritate dentur apta nobis decreta, ut ea quæ synodus (cap. 4, conc. Tolet. v) præterito anno in hac ecclesia habita constituit, circa omnem posteritatem ejus universitas regni sui conservet, hoc est, ut præbeatur filiis [ejus] dilectio benigna et firma, et tribuantur ubi loci opportunitas exhibuerit, defensiones ad adminicula justa, ne de rebus juste profligatis, aut parentum dignitate procuratis, vel largitate principum, aut alicujus impensis, aut etiam proprietate debitum, fraudulentum qualibet insidia calliditatis, neve a quoquam lædendi eos præbeantur argumenta machinationis. Quia dignum est ut cujus regimine habemus securitatem, ejus posteritati decreto concilii impertiamus quietem.

CAP. 30. — *Quod quidquid commotus animus fecerit, hoc justum putat. Ex registro Gregorii ad Mauricium Augustum, cap. 25 (lib. II, ep. 61, seu c. 130).*

Omnipotenti Deo reus est qui serenissimo domino, in omne quod agit et loquitur, purus non est. Ego autem indignus pietatis vestræ famulus, in hac suggestionem meam, neque ut episcopus, neque ut servus jure reipublicæ, sed jure privato loquor. Quia, serenissime domine, et illo jam tempore dominus meus fuisti, quando adhuc dominus omnium non eras. (D. Gregor. I. VIII Regist., ep. 12 ad Guidiscalcum duc. Camp., et citat. 11, q. 3, c. Illa præpositorum.) Illa præpositorum sollicitudo utilis, illa est cautela laudabilis, in qua totum ratio agit, et

A furor sibi nil vindicat. Restringenda ergo sub ratione potestas est, nec quidquam agendum prius quam concitata ad tranquillitatem mens redeat. Nam commotionis tempore, justum putat ira quod fecerit.

CAP. 31. — *Quod laici presbyteros, qui ecclesias illorum tenent, non aliud quam divinum officium facere cogant. Ex dictis Augustini.*

Admoneo, vos, dilectissimi, Deum timere, sacerdotes honorare, reddentes eis debitum sanctitatis, ut vobis adjuvantibus ipsi inconturbati valeant atque securi salutaria prædicare, et regulam atque vigorem ecclesiasticum conservare, ita ut clerici omnes suis subiaceant episcopis, et ab illis doceantur. Præceptum quippe est a Domino: *Reddite quæ sunt Cæsaris Cæsari, et quæ sunt Dei Deo (Matth. xxii; Marc. xii; Luc. xx)*. Apostolicum præceptum vobis mando, ut nullus sæcularis clericum in suum habeat obsequium, sed illi, cujus signaculum in capite habet (II Tim. II), mente deserviat et corde, educatus in his quæ a suo præcipiuntur episcopo. Detestabile est enim et iniquum opus clericum in ludis inveniri, aut cum accipitribus vel venationibus degere vitam, tantisque scenicis causis sauciatum ad episcopatum aut presbyterium, vel quibuslibet sacerdotalibus officiis accedere, non honis, sed malis vitiis plenum. Scriptum namque est: *Qui diligitis Dominum, odite malum (Psal. xcvi)*. Nam et hoc hortamur Christianitatem vestram, ut juxta sanctorum canonum instituta, nec ecclesiis a vobis fundatis aliunde veniens presbyter suscipiatur, nisi a vestræ Ecclesiæ fuerit episcopo consecratus, aut ab eo per commendatitias litteras suscipiatur. Multi enim sibi metipsi mendaces, multoties servi cujusquam fugam arripientes dominis suis semetipsos quasi consecratos presbyteros annuntiant, dum non sint. Sunt autem ministri diaboli, et non Dei, et qui eos suscipiunt similiter, quia scriptum est: *Videbas furem, et cum eo currebas (Psal. xlix)*, etc.

CAP. 32. — *Ut Judæi super Christianos non ponantur. Ex conc. Meldensi, cap. 3.*

Ne Judæi administratorio usu sub ordine villicorum atque exactorum Christianam familiam regere audeant, nec eis hoc a quoquam fieri præcipiatur. Si quis vero contra hæc agere præsumserit; si episcopus, presbyter, aut diaconus fuerit, proprio submoveatur gradu. Si vero monachus fuerit, communionem privetur. Similiter et laicus. Et si perseveraverint inobedientes, anathematizentur.

CAP. 33. — *Quod sancta Ecclesia unum Patrem habeat in cælis. Ex concil. II Cabilonensi, cap. 51.*

Quia ergo constat in Ecclesia diversarum conditionum homines esse, ut sunt nobiles et ignobiles, servi, coloni, inquilini, et cætera hujusmodi nomina. oportet ut quicumque eis prælati sunt, clerici sive laici, clementer erga eos agant, et misericorditer eos tractent, sive in exigendis ab eis operibus, sive in accipiendis tributis, et quibusdam debitis; scientque eos fratres suos esse, et unum habere Patrem

Deum, cui sic clamant : *Pater noster, qui es in cælis* (*Matth. vi*), unam matrem sanctam Ecclesiam, quæ eos intemerato sacri fontis utero gignit. Disciplina igitur eis misericordissima, et gubernatio opportuna adhibenda est. Discipline indisciplinate vivendo auctorem suum offendunt, gubernationes in quotidianis vitæ comitatibus prælatorum adminiculo destitutæ, fatiscunt.

CAP. 34. — *De illo qui pro catholica fide tribulationes patitur. Ex concilio Carthag. iv, cap. 45.*

Christianum catholicum qui pro catholica fide, et pro ecclesiasticis rebus et Christiana religione tribulationes patitur, omnî honore a sacerdotibus honorandum, etiam et per diaconum ut victus ei ministraretur, decretum est.

CAP. 35. — *De hæredibus, si jussa testatoris non impleverint, ut episcopus adimpleat. Ex concilio Maguntensi, cap. 4.*

Si hæredes jussa testatoris non adimpleverint, ab episcopo loci illius omnis res quæ his relicta est canonicè interdicatur, cum fructibus et cæteris emolumentis, ut vota defuncti impleantur.

CAP. 36. — *Ut laici, quamvis religiosi, ecclesiastica non disponant. Ex eodem concilio, cap. 5 (conc. Rom. iii sub Symmacho, c. 5).*

(16, q. 7, c. Laicis.) Laicis, quamvis religiosi, nullo modo de ecclesiasticis facultatibus aliquid disponendi unquam attribuaturs facultas.

CAP. 37. — *De illis qui res ecclesiæ a regibus petunt. Ex concilio Lugdunensi, cap. 41.*

Qui res ecclesiæ petunt a regibus et horrendi cupiditatis impulsu egentium substantiam rapiunt, irrita habeantur quæ obtinent, et a communione Ecclesiæ, cujus facultatem auferre cupiunt, excludantur.

CAP. 38. — *De eo, si episcopus ecclesiasticum, et comes sæculare placitum una die condixerint. Ex concilio Triburiensi cav. 9, cui interfuit rex Arnulfus.*

Cum autem episcopus Ecclesiam a Domino Deo sibi commissam regens, episcopatum circumeundo perrexerit, et placitum canonicè constitutum decreverit, populumque sibi creditum illo invitaverit, atque comes eadem die sciens placitum ab episcopo conductum, vel nesciens placitum cum populo suum condixerit, et banno illuc venire præceperit, placitum comitis omnes postponant, et comes ipse, idemque populus post episcopum festine pergant, scientes se non illic seditiosa contentione decertare, sed pro fide catholica invigilare, non cumulum pecuniarum, sed lucrum congregare animarum. Unde in eadem epistola beati Clementis : « Vestrum, qui legatione domini fungimini, est docere populos : eorum vero est vobis obedire, ut Deo. » Et in epistola Alexandri papæ successoris Evaristi : « Si quis autem legationem vestram impedit, non unius, sed multorum profectum avertit. Et sicut multis nocet, ita a multis est arguendus ; et quia Dei causam impedit, et statum Ecclesiæ conturbat, ideo a liminibus ejus arceatur. » Quapropter nullus comes,

nullusque judex, nullus omnino in clericatu vel sæculari habitu constitutus, legationem episcoporum impedit, vel conturbare præsumat. Ut autem unanimitas et concordia sit inter episcopos et comites, placuit ut si quis episcopus domi residens conventum populi esse voluerit, et comes nihilominus in ipsa eademque die placitum condixerit, effectum obtineat, qui prior judicaverat, salva tamen dignitate et potestate episcopi.

CAP. 39. — *De regibus bene regentibus. Ex dictis Isidori (lib. iii De summo bono, c. 48).*

Qui in hoc sæculo bene temporaliter imperat, sine sine in perpetuum regnat, et de gloria sæculi hujus ad æternam transmeat gloriam. Qui vero prave regnum exercent, post vestem fulgentem et lumina lapillorum, nudi et miseri ad inferna torquendi descendunt. Reges a *recta agendo* vocati sunt ; ideoque recte faciendo regis nomen obtinetur, peccando amittitur. Nam et viros sanctos proinde reges vocari in sacris eloquiis invenimus, eo quod recte agant, sensusque proprios bene regant, et motus resistentes sibi rationabili discretionè component. Recte igitur illi reges vocantur, qui tam semetipsos quam subjectos bene regendo modificare noverunt. Quidam ipsum nomen regiminis ad immanitatem transvertunt crudelitatis, dumque ad culmen potestatis venerint, in apostasiam statim labuntur, tantoque se timore cordis extollunt, ut cunctos subditos in sui comparatione despiciant, eosque quibus præesse contigit non agnoscant. Quibus congrue per Ecclesiasticum dicitur : *Ducem te constituerunt? noli extolli* (*Eccli. xxxii*). Dum mundi reges se cæteris sublimiores sentiunt, mortales tamen se esse cognoscant, nec regni gloriam, qua in sæculo sublimantur aspiciant, sed opus quod secum ad inferos deportent, intendant. Si ergo carebunt hujus temporibus gloria, illa agant quæ post finem sine sine possideant. Dum Apostolus dicat : *Non est potestas nisi a Deo* (*Rom. xiii*), quomodo per prophetam de quibusdam potestatibus dicitur : *Ipsi regnaverunt, sed non ex me?* (*Ose. viii*). Quasi diceret : Non me propitio, sed me [etiam summe, orig.] irato. Unde inferius per eundem prophetam dicit : *Dabo, inquit, tibi regem in furore meo* (*Ose. xiii*). Quo manifestius elucet, bonam malamque potestatem a Deo ordinari, sed bonam propitio, malam irato. Reges quando boni sunt, muneris esse Dei, quando vero mali, sceleris esse populi. Secundum meritum enim plebeium disponitur vita rectorum, testante Job : *Qui regnare facit hypocritam propter peccata populi* (*Job xxxiv*). Irascente enim Deo talem rectorem populi suscipiunt qualem pro peccato merentur. Nonnunquam pro malitia plebis etiam reges mutantur, et qui ante videbantur esse boni, accepto regno, fiunt iniqui.

CAP. 40. — *De eadem re. Ex dictis ejusdem (ibid., c. 49).*

Qui recte utitur regni potestate, ita se præstare omnibus debet, ut quanto magis honoris celsitudine

claret, tanto in semetipso humiliet mentem, proponens sibi exemplum humilitatis David, qui de suis meritis non tumuit, sed humiliter sese dejiciens, dixit: Vilis incedam, et vilis apparebo ante Dominum qui me elegit (*II Reg. vi*). Qui recte utitur regni potestate, formam justitiæ factis magis quam verbis instituet. Iste nulla prosperitate erigitur, nulla adversitate turbatur. Non innititur propriis viribus, nec a Domino recedit cor ejus. Regni fastigio humili præsidet animo. Non eum delectat iniquitas, non inflammat cupiditas. Sine defraudatione alicujus ex paupere divitem se facit, et quod juxta potestatem a populis extorquere poterat, sæpe misericordia clementia donat. Dedit Deus principibus præsulatum pro regimine populorum, et illis eos præesse voluit, cum quibus una est eis nascendi moriendique conditio. Prodesse ergo debet populis principatus non nocere, nec dominando premere, sed condescendendo consulere, ut vere sit utile hoc potestatis insigne, et dono Dei pro tuitione utantur membrorum Christi. Membra enim Christi fideles sunt populi, quos dum ea potestate quam accipiunt, optime regunt, bonam utique vicissitudinem Deo largitori restituunt. Bonus rex facilius ad justitiam a delicto regreditur, quam de justitia ad delictum transfertur. Ut noveris hoc esse casum, illud propositum. In proposito ejus esse debet, nunquam egredi a veritate. Quod si casu titubare contigerit, mox resurgere.

CAP. 41. — De patientia regum. Ex dictis ejusdem C
(*ibid.*, c. 50).

Plerumque princeps justus etiam malorum errores dissimulare novit, non quod iniquitati eorum consentiat, sed quod aptum tempus correctionis expectet, quando eorum vitia vel emendare valeat, vel punire. Multi adversus principes conjurationis crimine deteguntur, sed probare volens Deus clementiam principum, illos male cogitare permittit, istos non deserit. De illorum malo bene istis facit, dum culpas quas illi agunt, isti mira patientia indulgent. Reddere malum pro malo vicissitudo est justitiæ. Sed qui clementiam addit justitiæ, non malum pro malo culpatis reddit, sed bonum pro malo offensis impertit.

CAP. 42. — De delictis regum. Ex dictis ejusdem D
(*ibid.*).

Difficile est principem regredi ad melius, si vitii fuerit implicatus. Populi enim peccantes judicem metuunt; reges autem, nisi solo Dei timore metuque gehennæ coerceantur, libere in præceps proruant, et per abruptum licentiæ in omne facinus vitiorum labuntur. Quanto quisque in superiori constitutus est loco, tanto in majori versatur periculo; et quanto splendoris honore quisque celsior est, tanto, si delinquit, peccato major est. *Potentes enim potenter tormenta patientur* (*Sap. vi*). Cui enim plus committitur, plus ab eo exigitur (*Luc. xii*), etiam cum mensura [usura] poenarum. Reges vitam subditorum facile exemplis suis vel ædificant vel

A subvertunt, ideo principem non oportet delinquere, ne formam peccandi faciat, peccati ejus impunita licentia. Nam rex qui ruit in vitiiis cito viam ostendit erroris. Sicut legitur de Jeroboam, qui peccavit et peccare fecit Israel (*III Reg. xii*). Illi autem ascribitur quidquid exemplo ejus a subditis perpetratur. Sicut nonnulli bonorum principum Deo placita facta sequuntur, ita facile multi prava eorum exempla sectantur. Plerique autem apud iniquos principes, necessitate magis quam voto, mali existunt, dum imperiis eorum obediunt. Nonnulli autem sicut prompti sunt sequi reges in malum, sic pigri sunt imitari illos in bonum. Sæpe unde mali reges peccant, inde boni justificantur, dum præcedentium cupiditatem et malitiam corrigunt. Nam re vera peccatis eorum communicant, si quod illi diriperunt, isti retentant. Cujus peccatum quisque sequitur, necesse est ut ejus poenam sequatur. Neque enim erit impar supplicio, cujus errore quisque par est ac vitio.

CAP. 43. — Quod reges legibus teneantur. Ex dictis ejusdem (*ibid.*, c. 5).

(*Dist. 9, c. Justum est.*) Justum est principem legibus obtemperare suis. Tunc enim jura sua ab omnibus custodienda existimet, quando et ipse illis reverentiam præbet. Principes legibus teneri suis, nec in se posse damnare jura quæ in subjectis constituunt. Justa est enim vocis eorum auctoritas, si quod populis prohibent, sibi non licere patiantur. Sub religionis disciplina sæculi potestates subjectæ sunt. Et quamvis culmine regni sint præditi, vinculo tamen fidei tenentur astricti, ut fidem Christi suis legibus prædicent, et ipsam fidei prædicationem moribus bonis conservent.

CAP. 44. — De disciplina regum in Ecclesia. Ex dictis ejusdem (*ibid.*).

(*23, q. 3, c. Principes sæculi.*) Principes sæculi nonnunquam intra Ecclesiam potestatis apte culmina tenent, ut per eandem potestatem disciplinam ecclesiasticam muniant. Cæterum intra Ecclesiam potestates necessariæ non essent, nisi ut quod non prævalet sacerdos efficere per doctrinæ sermonem, potestas hoc imperet [impleat] per disciplinæ terrorem. Sæpe per regnum terrenum cœleste regnum proficit, ut qui intra Ecclesiam positi contra fidem et disciplinam Ecclesiæ agunt, rigore principum conterantur [coerceantur], ipsamque disciplinam, quam Ecclesiæ humilitas exercere non prævalet, cervicibus superbiorum potestas principalis imponat, et sic venerationem meretur, ut virtutem potestatis impertiat [et ut venerationem accipiat, virtutem, etc. *Sic hodie Grat. et Isid.*]. Cognoscant principes sæculi Deo debere reddere se rationem propter Ecclesiam, quam a Christo tuendam suscipiunt. Nam sive augeatur pax et disciplina Ecclesiæ per fideles principes, sive solvatur, ille ab eis rationem exiget qui eorum potestati suam Ecclesiam credidit.

CAP. 45. — Cur Deus alios ad libertatem, alios

autem ad servitatem discreverit. Ex dictis ejusdem.

Propter peccatum primi hominis humano generi poena divinitus illata est servitutis, ita ut quibus aspicit non congruere libertatem [dignitatem], his misericordius irroget servitatem. Et licet peccatum humanæ originis per baptismi gratiam fidelibus cunctis dimissum sit, tamen æquus Deus ideo discrevit hominibus vitam, alios servos constituens, alios dominos, ut licentia male agendi servorum, potestate dominantium restringatur. Nam si omnes sine metu fuissent, quis esset, qui a malis quempiam cohiberet? Inde et in gentibus principes regesque electi sunt, ut terrore suo populos a malo coercerent, atque ad recte vivendum legibus subderent. Quantum pertinet ad rationem, *non est personarum acceptio apud Deum (Ephes. vi; Col. iii)*, qui mundi elegit ignobilia, et contemptibilia et ea quæ non sunt, ut ea quæ sunt destrueret, ne gloriatur omnis caro (I Cor. i), hoc est, carnalis potentia coram illo. Unus enim Dominus æqualiter et dominis fert consultum et servjs. Melior est subjecta servitus quam elata libertas. Multi enim inveniuntur Deo libere servientes sub dominis constituti flagitiosis, qui, etsi subjecti sunt illis corpore, prælati tamen sunt mente.

CAP. 46. — *Ut nullus servus monachus fiat invito domino suo. Ex Chalcedonensi conc., cap. 4 (action. 15, q. 16, c. Qui vere pureque).*

Nullum recipi in monasteriis servum obtentu monachi, præter domini sui conscientiam volumus. Transgredientem vero hanc diffinitionem nostram, excommunicatum esse decrevimus.

CAP. 47. — *De eadem re. Gelasius per Lucaniam, Brutios et Siciliam episcopis (epist. 1, c. 16).*

Quisquis episcopus, presbyter et diaconus, vel eorum qui monasteriis præesse noscuntur, serviles et originarias personas apud se tenentes non restituendas patronis, aut deinceps vel ecclesiasticæ servituti, vel religiosis congregationibus putaverint applicandas, nisi voluntate forsitan dominorum et subscriptione [sub scripturæ testim. orig.], vel testimonio primitus absolutas, vel legitima transactione concessas, periculum se honoris sui non ambigant communionisque subituros.

CAP. 48. — *Ne mancipia manumissa servituti denuo mancipentur. Ex concilio Aurelianensi tempore Childeberti regis, cap. 7 (Aurel. v).*

Quæcunque mancipia ab ingenuis dominis servitute laxantur, in ea libertate maneant quam tunc a dominis perceperunt. Hujusmodi libertas, si a quocunque pulsata fuerit, cum justitia ab Ecclesiis defendatur, præter eas culpas, pro quibus leges collatas servis revocare jusserunt libertates.

CAP. 49. — *Exemplum ejusdem rei. Gregorius Mariano episcopo Ravennæ (l. vii regist., ep. 21).*

Joannes, presentium portitor, queritur uxorem suam, molestias Georgii cujusdam refugientem, diu septis venerabilibus residere, et nullum hactenus nire solatium. Cujus quia de conditione esse

controversiam asserit, et vestræ eam fraternitati petiit commendandam, his vos hortamur assatibus, ut eidem mulieri servata æquitate tuitionem debeatis impendere, et a nullo eam contra rationis ordinem gravari aliquo modo permittatis.

CAP. 50. — *De eo, si quem ecclesiasticæ familiæ episcopus servitute laxaverit. Ex Agathensi concilio. cap. 6 (cap. 7).*

(12, q. 2, c. Si quos de servis.) Si quos de servis Ecclesiæ bene meritis episcopus libertate donaverit, collatam libertatem a successoribus placuit custodiri, cum eo quod eis manumissor in libertate contulerit. Quod tamen jubemus 20 solidorum modum, in terrula, vineola, vel hospitio tenere. Quod si amplius datum fuerit, post manumissoris mortem Ecclesiæ revocetur.

CAP. 51. — *Ut libertos, si opus fuerit, Ecclesia tueatur, cap. 28 (cap. 29).*

(Dist. 87, c. Libertos legitime.) Libertos, legitime a dominis suis factos, Ecclesia, si necesse fuerit, tueatur. Quod si quis ante audientiam aut pervadere eos, aut exspoliare voluerit vel præsumperit, ab Ecclesia repellatur.

CAP. 52. — *Exemplum hujus rei. Ex concilio Tolitano iv, cap. 73 (cap. 74).*

(Dist. 87, c. Liberti qui a quibuscunque.) Liberti quicumque manumissi sunt, atque Ecclesiæ patrocinio commendati existunt, sicut regulæ antiquorum Patrum constituerunt, sacerdotali defensione a cujuslibet insolentia protegantur, sive in statu libertatis eorum, sive in peculio quod habere noscuntur.

CAP. 53. — *De eadem re. Ex Vita beati Gregorii, lib. iii, cap. 45 (auct. Joan. diac. R. Eccl.).*

Libertatem cujusque hominis Gregorius contra judicium insolentias, liberis nihilominus vocibus defendebat.

CAP. 54. — *De eadem re. Gregorius Leontio excomsulit (lib. Regist. viii, c. 51).*

Unum hoc bene et constanter novi, quia et si quam in rebus publicis fraudem fecit libertinus, substantia ejus cædi debuit, non libertas. Nam in hoc quod liberi cæduntur, ut taceam, quod omnipotens Deus offenditur, ut taceam, quod vestra opinio vehementer gravatur, piissimi tamen imperatoris nostri tempora omnino fuscantur. Hoc enim inter reges gentium, et imperatorem regum distat, quia reges gentium domini servorum sunt; imperator vero, Romanorum dominus liberorum. Unde et vos quidquid agitis, prius quidem servata justitia, deinde custodita per omnia libertate agere debetis.

CAP. 55. — *De mancipiis fugitivis, ne quis ecclesiastico jure illi tueatur. Item, Petro subdiacono.*

Plerosque cognovimus de amissis mancipiis conqueri dicentes quia, si servus cujuspiam fortasse fugiens dominum suum, juris ecclesiastici se esse professus est, rectores Ecclesiæ protinus hunc ut servum ecclesiastici juris habeant, nullo agentes judicio, sed servi vocem defendentes. Quod

mibi tantum displicet, quantum a veritatis judicio abhorret. Unde volo ut experientia tua, quæcunque ita facta cognoverit, postposita tarditate, corrigat, et talia quæque mancipia, si qua nunc jure ecclesiastico habentur, sicut sine judicio ablata sunt, ita restitui ante judicium decet, et si quid in eis sanctæ Ecclesiæ legitime competit, tunc eorum possessores debent ordinata actione pulsari.

CAP. 56. — *Quomodo defendere se debeat, qui libertate donatus ad servitutem revocatur. Capitularium lib. III, cap. 43.*

Si quis per chartam ingenuus dimissus fuerit, et a quolibet homine in servum interpellatus fuerit, primum legitimum auctorem suæ libertatis proferat, et in sua libertate perseveret. Si vero legitimus actor defuerit, testimonio bonorum hominum qui tunc aderant, quando liber dimissus fuerat, se defendere permittatur. Si vero testes defuerint, cum duobus aliis chartis, quæ ejusdem cancellarii manu firmatæ sint vel scriptæ, suam chartam, quæ tertia est, veram et legitimam esse confirmet. Cancellarius autem talis esse debet, qui pagensibus loci illius notus fuisset et acceptus. Si autem qui interpellatus fuerit ad servitium, nec actorem nec testimonia habuerit, neque alias duas chartas ad suam confirmandam invenire potuerit, tunc is qui eum interpellavit, secundum legem ipsam chartam falsam efficiat, et servum conquirat.

CAP. 57. — *Ne servo credatur cuiquam crimen imponenti. Capitular. lib. VI, cap. 46.*

(2, q. 7 et 8. *De accusat. v. can. si testes, et per totam 4, q. 2 et 3.*) Servo penitus non credatur, si super aliquem crimen objecerit, aut si etiam dominum suum crimine impetierit. Nam etiamsi in tormentis positus exponat quod objecit, credi tamen illi non oportet.

CAP. 58. — *Item, ne servilis conditionis personæ contra aliquem testantur, nisi ingenui desint. Cap. 159.*

Libertus vel liberta in nullis negotiis contra quemquam testimonium dicere admittantur, excepto in aliquibus causis, ubi ingenuitas deesse cognoscitur, sicut permissum est et de servis.

CAP. 59. — *Servi testimonio adversus dominum minime standum. Lib. VII, cap. 208.*

Si servi facinora dominorum confessi sunt, nullo modo audiantur, nisi forte eos deferant majestati.

CAP. 60. — *De eadem re Codicum lib. IV cap. 20, titulo VIII (tit. XX, l. VII).*

Servos pro dominis, quemadmodum adversus eos, interrogari non posse, pro facto autem suo posse interrogari non ambigitur.

CAP. 61. — *Item de eadem re. Lib. IX, cap. 1, tit. XX (tit. I, l. XX).*

Si quis ex familiaribus, vel ex servis cujuslibet domus, cujuscunque criminis delator atque accusator emerit, ejus existimationem, caput, vel fortunas periturus, cujus familiaritati vel dominio inhæserit, ante examinationem judicii in ipsa ex-

positione criminum, atque accusationis exordio, ultore gladio feriat.

CAP. 62. — *Liberti patronos accusantes perinde puniendi ac servi, tit. XXI (ibid. l. XXI).*

Liberti, si accusatores manumissorum, hæredumve eorum præsumpserint esse, eodem quo servi supplicio tenebuntur, luituri pœnas ante prohibita delationis exordium.

CAP. 63. — *Libertum ad ingratitude erga patronum revocari debere in servitutem. Novellarum constitutio 69, cap. 2.*

Si libertus contra patronum suum ingratus fuerit, rescindi debet libertas; cavere autem oportet ingratitude, quæ legibus cognitæ sunt, veluti si libertus manus suas contra patronum moveat, vel si contumelias atroces ei fecerit, vel si magnum et intolerabile damnum ei dederit, id est, si ad dedecus ejus pertinentes injurias effuderit. Si enim horum aliquid patronus vel liberi ejus probaverint, ad pristinum statum convictus revertatur libertus.

CAP. 64. — *Quæ personæ a publica accusatione arceantur. Ex concilio Carthaginiensi VII, cap. 2.*

(4, q. 1, c. *Diffinimus eum, et 4, q. 6, c. Omnibus quibus.*) Omnes servi, vel proprii liberti ad accusationem publice non admittantur, omnes etiam infamiæ maculis aspersi, id est histriones, aut turpitudinibus subjectæ personæ; hæretici etiam, sive pagani, seu Judæi. Sed tamen omnibus quibus accusatio denegatur, in causis propriis accusandi licentia non neganda est.

CAP. 65. — *Ne libertus Ecclesiam cujus antea servus fuerat, accusare præsumat. Ex Tolet. concil. IV, cap. 69 (cap. 67).*

(12, q. c. *Episcopus qui mancipium.*) Liberto adversus Ecclesiam, cujus juris exstitit, accusandi vel testificandi denegatur licentia. Quod si præsumpserit, placet ut in servitutem propriæ Ecclesiæ revocetur, cui nocere conatur.

CAP. 66. — *De eodem. Ex Hispalensi conc. II, cap. 9 (cap. 8).*

(12, q. 2, c. *Octava discussio.*) Libertorum statum, qui contra episcopum suum, vel patronam Ecclesiam nituntur, decidi potius quam conservari convenit, ut quorum libertas pernicioza est, sit salutifera servitus, et qui superbire noverunt adepta libertate elati, perdita discant [ræditi, discant, orig.] obedire subjecti.

CAP. 67. — *Liberti, eorumque posteri qualiter cum rebus ab Ecclesia sibi commissis agere debeant. Ex Tolet. conc. IX, cap. 16.*

Libertis Ecclesiæ eorumque propagini ex omnibus quæ de jure Ecclesiæ noscuntur habere, nihil licebit in extraneum dominium transactione quacunque deducere. Sed si ex his quælibet fortasse vendere voluerint, sacerdoti ejusdem Ecclesiæ offerent convenienter emenda, earumque rerum pretia, ut eis placuerit, aut dispensent, aut habeant. Nam in dominium partis alterius rei suæ censum nullo modo transire permittimus. Suis autem filiis, vel propinquis ejusdem vel servitio vel patrocinio sub

jugatus, quæcumque vendere vel donare voluerint, A aditus omnino patebit.

CAP. 68. — *Famulos ad ecclesiam confugientes contra voluntatem dominorum suorum non esse tenendos. Gregorius Bonifacio episcopo.*

(17, q. 4, c. Metuentes.) Metuentes famuli dominos si ad Ecclesie septa confugerint, intercessionem debent querere, non latebras, ne hæc ipsa præsumptio tarditatis temeritatem augeat resistendi. Filius etenim noster vir spectabilis Petrus queritur servum suum in ecclesia S. Clementis diutius commorari, cui cum deputasset sacramenta præstari, illum egredi nulla ratione voluisse. Et ideo supra dictus homo de præsentis cum eo quem elegerit esse mittendum, cum de impunitate ejus sacramenta præbuerint, eum facias ad dominum suum modis omnibus remeare. Aut si in hac perveracia forte persisterit, post sacramentum sibi præstitum, red-datur invitus.

CAP. 69. — *De eadem re. Idem Petro subdiacono Campaniæ (lib. Regist. II, epist. 1, seu c. 46).*

Mancipia si qua in monasterio Sancti Severini, vel in alia ecclesia ejusdem castelli de civitate refugerint, mox ut ad notitiam tuam pervenerit, nullo modo illic ea immorari permittas, sed intra civitatem in ecclesiam revocentur. Et si justam contra dominos suos querelam habuerint, congrua ordinatione de ecclesiis exire necesse est. Si vero venialem culpam commiserint, dominis suis accepto de venia sacramentum, sine mora redantur.

CAP. 70. — *Ne quis mancipia clericorum pro suis occupet. Ex Arelatensi concilio, cap. 6.*

Si quis mancipia clericorum pro suis mancipiis ad ecclesiam fugientibus, crediderit occupanda, per omnes Ecclesias districtissima damnatione feriatur.

CAP. 71. — *Si quis fugitivum servum clam domino suo susceperit, quo damno mulcietur. Codicum lib. VI, cap. 1, titulo IV (tit. 1, l. 4).*

Quicumque fugitivum servum in domo vel in agro inscio domino ejus susceperit, cum compari alio vel 20 solidis reddat.

CAP. 72. — *Quod furti reus sit, qui servum a domino suo quolibet modo alienaverit, tit. VI (tit. II, l. 4).*

Alienum servum sine voluntate domini qui sciens vendidit, seu donavit, vel alio modo alienavit, nihil ei diminuere potest. Et si contrectet, vel apud se detinuerit, furtum facit.

CAP. 73. — *Ne quis apostolice sedis censura manumissum, ad servitium retrahat. Gregorius Anthonio subdiacono (lib. I Regist. ep. 53).*

Præsentium lator Gaudentius [Gaudiosus est apud Gregor.] iustitavit nobis, ab actoribus sanctæ Romanæ (cui Deo auctore præsidemus) Ecclesiæ, sibi violentiam irrogari, asserens quod filios suos juri prædictæ velint Ecclesiæ vindicare. Oblatis etenim ab eo documentis, novimus Siricam uxorem præsentium portitoris, ab Ætia quondam beatæ memoria, Morenæ cuidam femine titulo donationis se largitam, et ab eadem Morena per epistolam

manumissam. Et ideo indecens esse crevimus ut progeniti ex libera muliere filii ad servitium retrahantur. Propterea experientie tue præsentis auctoritate præcipimus, ut his ipsis documentis, sicut et nos didicimus, exuto a curis animo, diligenter intendat, quatenus si documenta nulla sunt ab Ecclesie parte, quæ documentis hujus hominis debeant obviare, ab ejus se molestia sine aliqua retractatione suspendat. Durum est enim ut, si alii pro mercede sua libertates tribuunt, ab Ecclesia, quam lueri hæc oportuerat, revocentur.

CAP. 74. — *Servum non esse fugitivum qui ad amicum domini sui, causa intercessionis confugerit. Pandectarum lib. XXI, tit. I (tit. 1, l. 45).*

Qui ad amicum domini deprecaturus confugit, non est fugitivus. Imo si ea mente aut non impetrato auxilio, domum non revertatur, nondum fugitivus est.

CAP. 75. — *Quod servus fugiens, servi per hoc jugum non abjiciat, lib. XLIV, titulo secundo (lib. XLI, tit. III).*

(L. XV, § Si servus quem.) Si servus quem possidebam, fugerit, etiamsi pro libero gerat, videbitur a domino possideri. Sed hoc tunc intelligendum est, cum si is apprehensus fuerit, nolit pro libertate sua litigare; nam si paratus est litigare, non videbitur a domino possideri, cui se adversarium præparavit.

CAP. 76. — *De dominis si famulis intolerabiles fiant tit. VIII.*

De his servis qui ad ædem sacram vel statuarum principum confugiunt, præcepit (Divus Antoninus) ut si intolerabilis videatur dominorum sævitia, cogantur servos bonis conditionibus vendere, ut pretium dominis detur. Et recte; expedit enim republicæ ne quis re sua male utatur. Cujus rescripti ad Ælium Martianum emissi verba sunt hæc; dominorum quidem potestatem in servos suos illibatam esse oportet, ne cuiquam hominum jus suum detrahatur. Dominorum interest, ne auxilium contra sævitiam vel famem, vel intolerabilem injuriam denegetur his, qui juste deprecantur. Ideoque cognosce de querelis eorum, qui ex familia Julii Sabini ad statuarum confugerint, et si vel durius habitos quam æquum est, vel infami injuria affectos cognoveris, vendere jube, ita ut in potestatem domini non revertantur.

CAP. 77. — *Exemplum vindictæ in eos qui se justas habere causas mendaciter fingunt. Gelasius Joanni episcopo Vivavensi [Viennensi legit Grat.]*

(17, q. 4, c. Uxor Felicis.) Uxor Felicis et filia Romam (quia sic oportuit) pervenerunt. Siquidem hunc ipsum primum se ad barbarorum basilicam conferentem, seque bonas causas habere jactantem, egredi sub hac conditione præcepimus, ut si actus suos fideliter et rationabiliter allegaret, nihil contra eum prorsus asperum fieri, durumque pateremur. Alioquin si contra fidem et utilitatem dominicam venisse probaretur, ipse sibi imputaret atque ordinationi congruæ subjaceret. Qui superveniente

filio nostro viro spectabili Orthasio, sic est ad singula quæque convictus, ut os aperire non posset, et vera esse quæ huic objicerentur, propria voce fateretur. Ideoque tenetur mancipatus custodiae.

CAP. 78. — *Quod homicidii reus non sit, qui alienum servum insidiantem sibi occiderit. Pandect. lib. IX, tit. II (tit. II, l. 4).*

Si servum tuum latronem insidiantem mihi, occidero, securus ero. Nam adversus periculum naturalis ratio permittit se defendere. Lex duodecim tabularum furem noctu deprehensum occidere permittit, ut tamen id ipsum cum clamore testificetur. Interdium autem deprehensum, ita permittit occidere, si is telo se defenderit, ut tamen æque cum clamore testificetur.

CAP. 79. — *Quod dominum par culpa constringat, si quem eo sciente servus occiderit. Tit. IV (tit. IV, l. II).*

Si servus sciente domino occidit, in solidum dominum obligat; ipse enim videtur dominus occidisse. Si autem inscienter, noxalis est. Nec enim debuit maleficio servi in plus teneri quam ut noxæ eum dedat.

CAP. 80. — *Pœnitentia ejus qui proprium servum extra judicis conscientiam peremerit. Ex Aaathensi conc., cap. 60 (cap. 62).*

Si quis servum proprium sine conscientia judicis occiderit, excommunicatione vel pœnitentia biennii, reatum sanguinis emundabit [emend., or.].

CAP. 81. — *Si quis peccaverit, in eo non in substantia ejus vindicandum. Gregorius Petro subdiacono Siciliae (lib. I regist., epist. 42).*

(16, q. 6. c. *Cognovimus*.) Cognovimus quod si quis ex familia Ecclesiæ culpam fecerit, non in ipso, sed in ejus substantia vindicetur. De qua re præcipimus ut, si quis culpam fecerit, in ipso, sicut dignum est vindicetur; a commodo autem ejus absteatur. Nisi forte parum aliquid, quod in usum executoris qui ad eum mittitur, proficere possit [non possit habet *Greg.*].

CAP. 82. — *Qualiter admonendi sint servi. Greg. in Pastoralis, lib. II, (parte III, admonitione 6).*

Servi admonendi sunt ne dominos despiciant, ne Deum offendant, si ordinationi illius superbiendo contradicant.

CAP. 83. — *Item admonitio servorum. Ambrosius super Epistolam primam ad Corinthios.*

Si qui sub jugo sunt servi, dominos suos dignos omni honore existiment, ne nomen Dei et doctrina blasphemetur (I *Timoth.* VI). Hæc de illis scribit Apostolus, qui infideles habent dominos, præcipiens eis, ut omne obsequium suis præbeant dominis, licet sint a pietate alieni.

CAP. 84. — *De eadem re. Ejusdem, in argumento Epistolæ ad Philemonem.*

Servos omne servile obsequium suis dominis præbere præcipit Apostolus cum omni sollicitudine, sive impios habeant, sive pios dominos.

CAP. 85. — *Qualiter dominus servum placare debent injuste a se læsum. Sermo Augustini in Quadragesima De fraterna concordia, qui sic incipit: Dies isti sancti (hom. 40, lib. quinquag. Hom.)*

Aliquando dominus homo peccat in servum suum,

A quia etsi ille dominus est, ille servus, ambo tamen servi alieni sunt, quia ambo Christi sanguine redempti sunt; tamen durum videtur, ut hoc etiam jubeam, hoc præcipiam, ut si forte dominus peccat in servum suum injuste litigando, injuste cædendo, dicat illi: Ignosce mihi, da mihi veniam quia non debet facere, sed ne ille incipiat superbire. Quid ergo? ante oculos Dei pœniteat eum, ante oculos Dei puniat cor suum. Et si non potest servo dicere, quia non oportet: Da mihi veniam, blande illum alloquatur; blanda enim appellatio, veniæ est postulatio.

CAP. 86. — *De servo qui res detinet alienas. Codicum libro III, cap. 52, tractat. 20 (tit. XXXII, l. 20).*

Non servum, quem res tuas detinere assueveras, sed ejus dominum de rebus repetendis conveniendum esse perspicis.

CAP. 87. — *Quod mancipium furtim et injuste distractum dominus sine pretio vindicabit, tract. 23 (l. XXIII).*

Si mancipium tuum per vim aut per furtum ablatum alii ex nulla justa causa distraxerunt, vindicanti tibi dominum, solvendi pretium nulla necessitas irrogetur.

CAP. 88. — *De servis furtim arbores succidentibus, cap. 41, tract. 2 (tit. XLI, lib. 2).*

Si servi vestri, inscientibus vobis, aut etiam prohibentibus, furtim arbores cæciderunt, frustra veremini, ne ex persona eorum ultra noxæ deditiorem sitis obstricti, cum ex delictis servorum domini ignorant, vel prohibentes, ita condemnari debeant, ut aut noxæ dedere servum, aut condemnationes sufferre in sua habeant potestate.

CAP. 89. — *Quod patronis vel dominis peccantibus, liberti vel servi sint innocentes, cap. 15, titulo V (lib. IV, tit. XIII, l. 5).*

Ex patroni, vel ex domini contractu, liberti vel servi conveniri non possunt.

CAP. 90. — *Si servus mutuam accepit pecuniam, quidquid ex ea in usum domini transierit, domino solvendum, cap. 20, tit. I (tit. XXV, l. 1).*

Servus tuus, pecuniam mutuam accipiens, ita demum te institoria actione obligavit, si cum eum officio alicui, vel negotiationi exercendæ præponeres, etiam ut faceret, ei permissum a te, probetur. Quod si ea actio locum non habet, si quid in rem tuam versus probabitur, actione in eadem re proposita cogeri exsolvere.

CAP. 91. — *De eodem, titulo III (tit. XXV, l. 3).*

Institoria adversus eum actio competit, a quo servum mensæ præpositum dicis, si ejus negotii causa, quod per eum exercebatur, depositam pecuniam nec redditam, potest probari.

CAP. 92. — *De eadem re, cap. 26, tit. III (tit. XXVI, l. 3).*

Etiam si neque mandante, neque subscribente, neque jubente domino, pecuniam mutuam Prisæ dedisses, tamen ea quantitas si in rem domini ejus justis erogationibus versa est, apud suum iudicem eam conveni, consecuturus secundum juris formam, id quod tibi deberi apparuerit.

CAP. 93. — *Neminem contra patronum suum publice posse clamare, lib. vi, cap. 6, titulo 1 (lib. iv, tit. vi, l. 1).*

Contra patronum tuum famosam actionem iustituere non potes.

CAP. 94. — *Nulli servilis conditionis inscio domino vel invito licere possessionibus præjudicium facere, lib. ix, cap. 16, tit. viii (lib. viii, tit. xvi, l. 8).*

Nexum non facit prædiorum, nisi persona quæ jure potuit obligare. Per servum autem, procuratorem, colonum, vel actorem, conductoremve præjudicium possessioni, invito vel inscio domino, imponi non posse, in jure et legum auctoribus declaratur.

CAP. 95. — *De partu ancillæ, si inscio vel invito domino expositus fuerit, cap. 2, titulo 1 (tit. lii, l. 1).*

Si invito vel ignorante te, partus ancillæ tuæ expositus est, repetere eum non prohiberis; sed restitutio ejus (si non a fure vindicaveris) ita fiat, ut si qua in alendo eo, vel forte ad descendum artificium juste consumpta fuerint, restituantur.

CAP. 96. — *Item de partu servili titulo II tit. lii, l. II.*

Unusquisque sobolem suam nutriat; quod si exponendam putaverit, animadversioni quæ constituta est, subjacbit. Sed nec dominis vel patronis repetendi aditum relinquimus, si ab ipsis expositos quodammodo ad mortem, voluntas quæ misericordiæ est amica, non collegerit. Nec enim suum dicere poterit, quem pereuntem contempsit.

CAP. 97. — *Ne quis puerum cujuscunque conditionis expositum sibi vindicet in servum, titulo III (tit. liii, l. 3).*

Sancimus nemini licere, sive ab ingenuis genitoribus puer parvulus procreatus, sive a libertina progenie, sive servili conditione maculatus, expositus sit, eum puerum in suum dominium vindicare, sive nomine domini, sive ascriptione, sive colonariæ conditionis. Sed neque his qui eos nutriendos sustulerunt licentiam concedi penitus cum quædam distinctione [distinctione] ita eos tollere, et educationem eorum procurare sive masculi sint sive feminae, ut eos vel loco liberorum, vel loco servorum, aut colonorum habeant, sed nullo discrimine habito, hi qui ab hujusmodi hominibus educati sunt, liberi et ingenui appareant.

CAP. 98. — *De servis damnatis, quid rerum suarum ad dominos pertineat, cap. 50, tit 1 (lib. ix, tit. xlix, l. 1).*

Servorum capitis criminibus damnatorum, peculia dominis non auferri notum est; sed quod servum dominus habuisse probaverit, recipiet.

CAP. 99. — *Quod dominus servum defendere possit in judicio accusatum, cap. 2, tit. II (lib. ix, tit. II, l. 2).*

Si cuidam crimini servus obnoxius postulatur, dominus eum defendere potest, et in judicio sistere accusatoris intentionibus responsurum.

CAP. 100. — *Quod libertatem non amittat, si quis territis apud judicem servum se esse mentiatur. Capitularium lib. vii, cap. 342.*

Qui metu et impressione alicujus terroris, apud

acta præsidis servum se esse mentitus est, postea statum suum defendendi, non præjudicatur.

CAP. 101. — *De eo qui a servo alieno aliquid comparaverit nesciente domino suo, lib. v, cap. 306.*

Si quis ex servo alieno aliquid comparaverit nesciente domino suo; si dominus infirmam voluerit esse emptionem, reddet pretium emptori, ut emptio nihil habeat firmitatis.

CAP. 102. — *Quod uterque anathema sit, et servus qui dominum suum superbe fugerit, et is qui eum ad hujusmodi fugam incitaverit. Hieronymus ad Paschasium Alexandrinum.*

De servo qui fugerat dominum suum interrogabas, si ille in illa fuga mortuus fuerit, utrum liceret pro eo orare, an non. Hoc in divinis libris non invenimus prohibitum; sed tamen ab apostolis firmiter præceptum, ut servi sint subditi in omni timore dominis, non tantum bonis et modestis, sed etiam discolis (I Petr. II), et in Gangrens. concilio (cap. 5), ita scriptum est: «Si quis servum sub prætextu divini cultus doceat proprium dominum contemnere, ut sic discedat ab ejus obsequio, anathema sit.» Unde datur intelligi quia si ille anathema meruit qui docet servum proprium contemnere dominum, et ab ejus obsequio discedere, quanto magis ille qui dominum spernit, et ejus servitio subdi noluerit! Sed tamen distantia est inter illum qui per superbiam fecerit, et illum qui per necessitatem coactus est crudelitate domini sui

CAP. 103. — *Ne patroni et liberti mutuo sese testimonio impetere cogantur. Pandect. lib. xxii (tit. v, l. 4).*

Nec patroni patronæ adversus libertos, neque liberti adversus patronos cogantur testimonium dicere.

CAP. 104. — *Dominos habere potestatem in servos servandi eos atque perdendi. Lib. xlii, tit. viii.*

Apud omnes æque gentes animadvertere possumus dominis in servos vitæ necisque potestatem esse, et quodcumque per servum acquiritur, id domino acquiritur.

CAP. 105. — *Quod furtum non faciat, qui rem ancillæ propriæ, quoquo modo donaverit. Instit. lib. II, tit. vi.*

Si is ad quem ancillæ pertinet usufructus, partum suum esse credens, vendiderit aut donaverit, furtum non committit; furtum enim sine affectu furandi non committitur

CAP. 106. — *De servis malefacientibus. Lib. III, tit. xxx (lib. IV, tit. viii).*

Ex maleficiis servorum, velut si furtum fecerint, aut bona rapuerint, aut damnum dederint, aut injuriam commiserint, noxales actiones proditæ sunt, quibus domino damnato permittitur aut litis æstimationem sufferre, aut hominem noxæ dedere. Noxa autem est corpus quod nocuit, id est servus; noxia ipsum maleficium, velut furtum, damnum, rapina, injuria. Summa autem ratione permissum est noxæ deditione perfungi. Namque erat iniquum nequitiam eorum ultra ipsorum corpora dominis damnosam esse. Dominus noxali judicio servi sui nomine

conventus, servum actori quidem noxæ dedendo liberatur, nec minus perpetuum ejus dominium a domino transfertur. Si autem damnus ei cui deditus est resarcierit, quesita pecunia auxilio prætoris invito domino, manumittetur. *Item, aliquanto post.* Si dominus in servum suum aliquid commiserit, nec si manumissus vel alienatus fuerit servus, ullam actionem contra dominum habere potest.

CAP. 107.—*De his quæ filii acquirunt et servi, lib. III, tit. XXIX.*

Admonendi sumus acquiri nobis non solum per nosmetipsos, verum etiam per eas quoque personas, quæ in nostra potestate sunt, veluti per servos nostros, et filios, ut tamen quod per servos quidem nobis acquiritur, totum nostrum fiat; quod autem per liberos quos in potestate habemus, ex obligatione fuerit acquisitum, hoc dividatur secundum imaginem rerum proprietatis, id est usufructus quem nostra decrevit constitutio, ut quod ab actione commodum perveniat, hujus usufructum quidem habeat pater, proprietatem autem filio servetur.

CAP. 108.—*Exemplum justæ ultionis, ne quis alienum servum corrumpere vel sollicitare præsumat, lib. IV, tit. I (tit. II).*

Illud quæsitum est, cum Titius servum Mævii sollicitaverit, ut quasdam res domino subriperet, et ad eum perferret, et servus id ad Mævium pertulerit; Mævius dum vult Titium in ipso deprehendere, permisit servum quasdam res ad eum perferre: utrum furti, an servi corrupti teneatur Titius, an neutro. Et cum nobis super hac dubitatione suggestum est, et antiquorum prudentium super hoc alterationes perspeximus, quibusdam neque furti neque servi corrupti actionem præstantibus, quibusdam furti tantummodo, nos hujusmodi calliditati obviam euntes, per nostram decisionem sanximus, non solum furti actionem, sed etiam servi corrupti contra eum dari. Licet enim is servus deterior a sollicitatore minime factus est, et ideo non concurrant regulæ quæ servi corrupti actionem introducant, tamen consilium corruptoris ad perniciem probitatis servi introductum est, ut sit ei pœnalis actio imposita, tanquam si re ipsa fuerit servus corruptus, ne ex hujusmodi impunitate, et in alium servum qui possit corrumpi tale facinus a quibusdam perpetretur.

CAP. 109.—*De servo cum quo negotium gestum fuerit, tract. VI, tit. VII.*

Si jussu domini cum servo negotium gestum fuerit, in solidum prætor adversus dominum actionem pollicetur, scilicet quia qui ita contrahit, fidem domini sequi videtur.

CAP. 110.—*De dominis et servis quomodo sese sibi conformare debeant. Prosper, lib. II De vita contemplativa, cap. 3.*

Domini servos velut eorum in Christo conservi, misericorditer tractent, et servi dominis ita ex corde deserviant ut voluntatem non solum dominorum suorum, sed etiam Dei hoc ipsum jubentis efficiant.

CAP. 111.—*De hominibus ecclesiastici juris, ne testamenti sibi paginam faciant. Gelasius Honorio episcopo.*

(13, q. 2, c. *Illud etiam.*) Illud etiam sinceritatem tuam non latere volumus, ad nos fuisse perlatum, quod ampliatus conductor, quem non solum servum constat Ecclesiæ, sed ita rationibus a multis temporibus implicatum, ut, etiamsi esset ingenuus, donec ratiocinia cuncta deduceret, modis omnibus obnoxius haberetur, ausu temerario molitus fuerit condere paginam testamenti, cujus omne peculium ecclesiastico juri legibus non dubitetur obstrictum. Quapropter his præsumptionibus vice nostra, tua fraternitas contradicat, nec fieri prorsus aliqua subreptione permittat. Ac si eidem quidquam humanitatis forte contigerit, quia grandævus esse memoratur, mox ejus sine dilatione substantiam unanimitas tua filiis ejus duntaxat, quibus patrimonium probatur commissum, sub fidei descriptione contradat, donec temporibus universis quibus hoc patrimonium gubernasse cognoscitur, partes Dominicæ cogatur reddere indemnes.

CAP. 112.—*Ne quis servum judicet alienum. Thelesphorus papa fratribus episc.*

Tu quis es qui judicas alienum servum? (Rom. XIV.) Procul dubio transgressor es legis Dei et apostolorum atque prophetarum, et non solum harum, sed etiam humanarum. Omnes enim leges, tam divinæ quam humanæ, alienum servum judicare prohibent.

CAP. 113.—*De eadem re uberius. Institutionum lib. IV, tit. IV.*

Servis ipsis quidem nulla injuria fieri intelligitur, sed domino per eos fieri videtur. Non tamen iisdem modis quibus etiam per liberos et uxores. Sed ita cum quid atrocissimi commissum fuerit, et quod aperte ad contumeliam domini respicit, veluti si quis alienum servum verberaverit; et in hunc casum actio proponitur. At, si quis servo convicium fecerit, vel pugno eum percusserit, nulla in eum actio domino competit. Si communi servo injuria facta sit, æquum est non pro ea parte qua dominus quisque est, æstimationem injuriæ fieri, sed ex dominorum persona, quia ipsis fit injuria. Quod si usufructus in servo Titii est, proprietatem Mævii, magis Mævio fieri injuria intelligitur. Sed si libero qui tibi bona fide servit, injuria facta sit, nulla tibi actio dabitur, sed suo nomine id experiri poterit, nisi in contumeliam tuam pulsatus sit; tunc enim competit et tibi injuriarum actio. Idem ergo est et in servo alieno bona tibi fide servienti, ut toties admittatur injuriarum actio, quoties in contumeliam tuam ei injuria facta sit.

CAP. 114.—*Quod plerumque illicite oppressi Ecclesiæ patrocinium quærunt subjecti. Aug. super Joan. parte I, tract. 44.*

Aliquando illicito jugo et improbo subjecti fugiunt ad ecclesiam, qua retinentur ingenui a servitute. Interpellatur episcopus, et nisi curet operam

impendere ne ingenuitas opprimatur, immisericors A alicui pecuniam, sed etiam omnes qui aliquam actionem contra aliquem habent.

CAP. 115.—*De rebus defuncti testatoris. Novellarum Justiniani constitut. 1, cap. 1.*

Si quis parentem, vel filium, vel fratrem, vel patronum hæredem constituerit, et legatum sive fidei commissum ab eo legibus non incognitum alicui reliquerit, si quidem voluntatem defuncti scriptis hæres impleverit, et sine frustratione legatum exsolverit, habeat firmiter hæreditatem defuncti, et iudicio potiatur ejus cujus everti iudicium passus non est. Si autem reluctandum esse voluntati testatoris existimaverit, et legatario moras fecerit, in tantum ut etiam legatarius iudicem adeat, et victricem sententiam capiat, et tamen nihilominus hæres moras similiter faciat, et post iudicalem calculum, annale prætereat spatium, tunc solam legitimam portionem sibi debitam hæres institutus habeat, et reliquam partem amittat.

CAP. 116.—*Ut infra annum hæres legata solvat, cap. 4.*

Intra annum modis omnibus relictum præstetur legatum; initium autem anni esse oportet illud tempus, quo iudiciali sententia reus admonitus est propter legati solutionem; anno autem transacto, hæres qui legata non solverit, hæreditatem testatoris amittat.

CAP. 117.—*Quid creditorem agere oporteat, cui debitum die statuto non solvitur, const. 4, cap. 1.*

Si quis crediderit alicui, et fidejussorem vel mandantorem acceperit, vel eum qui pecuniam pro eo constituerit, non prius contra tales personas actiones moveat suas quam adversus ipsum reum principalem egerit, eumque inopem invenerit vel in solidum, vel pro parte. Postquam enim egentia laborare noscitur reus sive in solidum, sive pro parte, tunc contra fidejussores vel mandatores creditorem intendere oportet. *Item, ibid. c. 2.* Hæc autem sic intelligenda sunt ut nullam facultatem habeat creditor res vindicare, priusquam personales actiones exerceat, tam contra ipsum reum principalem quam contra fidejussores ejus et mandatores, eosque non solvendo esse appareat.

CAP. 118.—*Qui mutuam acceperit pecuniam quid facere debeat, si pecuniam non habuerit quam reddat, cap. 2, (ibid. c. 3).*

Si quis pecuniam mutuaverit, debitor autem pecuniam non habuerit, mobilem rem creditori præstet, si habet. Si autem rem mobilem non habeat, tunc immobilem rem suam, si habet, vendere debet, et pecuniam debitam ex pretio rei solvere. Sin autem emptorem non inveniatur, tunc prædium quod optimum habet creditori suo præstet, et actione qua obstrictus est liberetur. Ubi autem emptorem prædii sui invenerit, caveat creditori pecuniam debitam solviturum se, et post cautionem liceat ei constituere rationis contractum. Creditoris autem appellatio significatur non solum is qui mutuam dedit

CAP. 119.—*Quid fieri debeat de bonis capitaliter damnati, cap. 10*

Capitali crimine damnatorum cona, non ad lucrum præsidis perferri, sed cognatis punitorum reddi oportet.

CAP. 120.—*Ut allegationes litigatorum permaneant ut sunt, donec princeps accipiat tempus justitiam iudicandi. Constitutio 24, cap. 2*

Si consultatio speretur, et princeps occupatus non possit senatum ad hoc ipsum colligere, allegationes litigatorum maneat in eadem figura, et nullum præjudicium patiantur, quamvis tempus statutum transactum sit, usque eo videlicet donec princeps vacationem habens, senatores convocaverit.

CAP. 121.—*Ut lenones nusquam esse sinantur, imo et manuscripta eorum inania sint. Constitutio 31 cap. 1.*

Constit. 14, § Item, Si quis.) Hæc constitutio jubet neminem lenonem esse, neque in urbe imperiali, neque in provinciis et hoc prohibere debent prætores et præsides. Ultimo enim supplicio subjiuntur qui contra constitutionis normam lenones esse ausi sunt. Omnia autem instrumenta et fidejussiones apud lenones interpositas, vel a lenonibus contra bonos mores factas, infirmas atque invalidas esse constitutio jubet.

CAP. 122.—*Quo supplicio plectatur incestum matrimonium, Constitutio 52 cap. 1.*

C (Const. 12, § 1.) Si quis nefarium et incestum atque damnatum matrimonium contraxerit, liceros autem ex priore legitimo matrimonio non habuerit, statim suis facultatibus careat, et dos quæ data est ei fisci iuribus vindicetur. Post publicationem autem et cinguli sui patiatur amissionem, et exsilio puniatur. Quod si vilior sit, et corporali quaestioni subsistat, et uxor ejus, contra leges nupta, eandem poenas patiat, scilicet si nulla justa excusetur ignorantia.

CAP. 123.—*Qualiter nepotes et neptes avi vel avie hæreditates inter se partiantur. Constitutio 34 cap. 4.*

(Constit. 18, § Neque illo quidem.) Si quis nepotes ex filio reliquerit et ex filia, nepotes vel neptes pariter ad hæreditatem ab intestato avi defuncti vocentur, et non minus tertiam partem sicut ante capiant, sed integram portionem consequantur, nepotes ex filia talem accipiant nati qualem accipiunt nepotes ex filio procreati.

Item (eodem §.) Si avia decesserit nepotibus ex filio et neptibus ex filia derelictis, omnes pariter ad hæreditatem aviæ suæ vocentur, et omnino nulla sit differentia, utrum omnes nepotes sint an neptes, utrum ex filio an ex filia procreati sint.

CAP. 124.—*Quid patiat debitor qui tempore redhibitionis voluerit frustrare creditorem. Constitutio 55 cap. 4.*

(§ Studium vero.) Si quis prolata manu sua negaverit et dixerit talem scripturam suam non esse, postea actor probatione vexetur, et aliis difficultati-

bus [*Haloand.* Et hoc habentem suas litteras, ut in ea comprobanda magnis negotiis actor implicari cogatur. *Ita quoque Græcus codex.*] Post pauca, vel si litteras quidem suas agnoverit, dixerit autem pecuniam sibi numeratam a creditore non esse, in utrumque casum convictus, in duplo debitam quantitatem præstet. Quod si iudex contra præsentem legem judicaverit, ipse pœnam actoris reddat. Si quis autem dixerit sibi nullam adnumeratam esse pecuniam, postea autem confessus sit, et dixerit se etiam particulares solutiones solvisse, quamvis re vera persolverit, attamen nihilominus integram sortem exsolvat.

CAP. 125. — *De muliere nubente intra annum luctus, ut infamis sit.*

(*Const. 22, § Ac primæ.*) Si mulier post mortem mariti, necdum annali spatio completo, ad secundas properaverit nuptias, omni quidem modo inter infames erit. Sed si quidem liberos ex priori matrimonio non habeat, infamiam quidem solvere poterit, si preces imperatori porrexerit, et divino principis nutu priori opinioni restituta fuerit, res autem a priori marito sibi relictas nullo modo lucrabitur.

CAP. 126. — *De muliere quæ secundo nubens, res filiis suis ante donatas retrahere tentaverit, cap. 53.*

(*§ Mater sane.*) Si mulier liberis suis res quasdam douaverit, posteaque ad secundas pervenerit nuptias, et ingratitude velamento donationem semel a se factam revocare maluerit, nullo modo hoc poterit facere, nisi specialiter probaverit, vel quod vitæ ejus filius insidias sit, vel quod ei manus impias intuerit, vel quod tales insidias concinnaverit ut facultatibus suis totis privaretur.

CAP. 127. — *Quod mulier secundo nubens, privilegia prioris mariti amittat, cap. 24.*

(*§ Neque item.*) Mulier, quæ ad secundas migraverit nuptias, privilegiis vel dignitatibus prioris mariti non utitur.

CAP. 128. — *De liberta patroni sui uxore, cap. 25.*

(*§ Hujusmodi eleganter autem.*) Si liberta mulier patrono suo copulata nuptiis quidem ejus renuntiaverit, ad secundum autem matrimonium migrare voluerit, id facere invito patrono non poterit, alioquin si contra voluntatem ejus nupsit, non sunt nuptiæ, sed ut meretrix conjuncta esse videtur.

CAP. 129. — *De muliere quæ liberorum suorum tutelam assumens, denuo nubere vult, cap. 27.*

(*§ Ad hæc : Si tutelam.*) Si mulier liberorum suorum tutelam administraverit, et post inchoatam administrationem ad secundas voluerit migrare nuptias, prius filiis suis impuberibus tutorem petere debet, etque administrationis suæ rationem reddere, et post, reddita ratione, si debitorum apparatus, debitum suum persolvere debet, deinde si velit, ad matrimonium secundum perveniat. Si autem hac observatione contempta secundas contraxerit nuptias, non solum res ipsius, id est matris, liberis ejus hypo-

thecæ titulo supponatur, sed etiam res vitrici ex præsentis constitutionis auctoritate.

CAP. 130. — *De muliere quæ intra annum luctus citra matrimonium conceperit, ut periude infamis sit ac si nupsisset. Constit. 58, c. 2.*

(*Const. 59, § Fin.*) Si mulier defuncto marito antequam annus legitimus transeat, ad secundas nuptias non migraverit, more autem meretricum ab aliquo stuprata conceperit et pepererit, ut sit clarum id quod natum est defuncti mariti non esse, easdem pœnas patiat, quas ex superiori constitutione patitur ea quæ ante tempus legitimum nuptias secundas contraxerit.

CAP. 131. — *Quales testes adesse oporteat hæretico contra hæreticum, vel orthodoxo contra hæreticum, aut certe catholicis invicem litigantibus. Constitutio 42, cap. 2.*

(*Const. 45, § Fin.*) Si hæreticus contra hæreticum litiget, liceat cuivis alium hæreticum testem adducere. Sin autem orthodoxus contra hæreticum litiget, pro orthodoxo quidem hæretici etiam testimonium valeat, contra orthodoxum autem solius orthodoxi testimonium valeat. Orthodoxis autem litigantibus, ad testimonium nullus hæretico pateat aditus.

CAP. 132. — *Quod ad dirimendam partium controversiam unum sufficiat jusjurandum. Constitutio 45, cap. 2.*

(*Const. 50, § Fin.*) Omnes litigatores postquam jusjurandum suum addunt, quia non delationis nec calumniæ causa, nec vexandi adversarii gratia probationes in tota causa ab adversario suo exigant; nam antea in unoquoque capitulo, cum litis litigator ab adversario suo probationes exegisset, jurare compellebatur, quod non calumniæ causa complura sacramenta præstaret; ideoque unum jusjurandum sufficit.

CAP. 133. — *Judicialie conventus quanto secum spatio deliberare debeat, et ne quis judicem spernat. Constitutio 48, cap. 3.*

(*Const. 53, § Sed et illud sub finem.*) Si quis ex sententia judicis admonitus fuerit, habeat post admonitionem 29 dierum spatium.

Item (Ubi vero.) Intra vicesimum diem litis contestatio facta nullius momenti est. Si quis autem judicem recusaverit, et alium pro eo petierit, eumque iterum recusare maluerit, ut aliquem sibi judicem petat, non audiatur.

CAP. 134. — *Quid pati debeat qui debitorem suum ægotantem molestare, vel defuncti funus impedire præsumperit. Constitutio 52, cap. 1.*

Si quis debitorem suum ægotantem et periclitantem mori, molestare voluerit pro debito suo, non liceat ei hoc facere, cum neque uxori ejus, neque liberis aliquam inquietudinem afferre permittatur, neque signa ædibus ejus imponere, nisi post mortem debitoris consistente [*Haloand.*, non prius decreto et legitimo ordine post ejus mortem, qui debere dicebatur custodito] judicialis calculus probatus fuerit, et legitima ordinatio secuta sit, sed neque mortuo debitore deductio:em ejus, et funus impe-

diat. Si enim tale aliquid perpetraverit suis actionibus cadit, sive justas habeat intentiones, sive non, et non solum debitam sibi quantitatem amittat, sed etiam alterum tantum hæredibus ejus pro injuria defuncti præstare compellatur, et non sufficiunt istæ pœnæ, cum et tertia pars honorum ejus publicetur, et ipse infamia notetur.

CAP. 135. — *De tutoribus pupillorum. Constit. 63, cap. 1.*

(*Constit. 72, § Fin.*) Ab initio antequam administrationi se immisceant tutor vel curator cujusvis personæ, sacramentum præstare compellitur per divinas Scripturas, quod omnia gesturus est quæ pupillo commoda esse putaverit. Eadem dicimus et de iis qui curas egerint.

P. 136. — *De his qui res suas apud alios deponunt. Constitutio 64, cap. 1.*

(*Const. 73, § Si quis igitur.*) Si quis depositum in alicujus cautelam dare voluerit, necessarii sunt ei tres testes. Nam litteræ depositarii solæ non sufficiunt deponitori, ad plenissimam depositi dati probationem. Testimonia autem sic exhiberi oportet, ut dicant testes quod sub præsentia sua vel susceptum est depositum, vel quod depositarius suscepisse conscripsit.

CAP. 137. — *Qua cautela conficienda sint instrumenta, cap. 2.*

Post pauca. Si quis sine tabellione componere instrumentum maluerit, sive de mutuo, sive de deposito, sive de aliqua quacunque causa, tres testes adhibeat. Alioquin litteræ ipsius solæ credendæ non sunt. Nulla autem differentia est, utrum subscripsissent testes, an præsentibus eis instrumentum compositum esset.

CAP. 138. — *Item de eodem, cap. 5.*

(*§ Sed et si instrumenta.*) Instrumenta quoque quæ apud tabellionem componuntur, subscriptione testium sicut dictum est, muniri præcipimus ante completionem, scilicet a tabellione insertam.

CAP. 139. — *Quomodo manifestanda sit veritas absque scriptura, cap. 10.*

(*§ Fin. ibid. Nam si quis.*) Si sine scriptura aliqui contraxerint, liceat eis vel testimoniis vel jurisjurandi religione veritatem manifestare, scilicet actore quidem testes producente.

CAP. 140. — *Quod a principe confirmari debeat filiis testamentum defuncti patris naturalis. Item.*

(*Const. 74, § Sit igitur licentia.*) Liceat patri in testamento suo legitimos successores sibi scribere filios naturales, ut tamen illi post mortem parentis supplicent imperatori, et testamentum patris ostendant, et principe annuente intantum capiant paternitatem, in quantum scripti sunt.

CAP. 141. — *Quomodo filii naturales efficiantur legitimi. Item.*

Post pauca. Legitimis filiis natis non aliter legitimi naturales sunt, nisi dotalia instrumenta pater cum matre eorum confecerit.

CAP. 142. — *Matrimonium consensu contrahi, etiam sine dotis promissione aut scriptura alia. Constitutio 65.*

(*§ Illud quoque ibi, quoniam autem.*) Si quis divinis tactis Scripturis, juraverit mulieri legitimam se eam uxorem habiturum, vel si in oratorio tale sacramentum dederit, sit illa legitima uxor, quamvis nulla dos, nulla scriptura alia interposita sit.

CAP. 143. — *Quod ei liceat episcopum appellare, cui provincie præses fuerit insensus. Constitutio 66, cap. 2.*

Si cui præses provincie suspectus esse videtur, et litigare apud eum solum noluerit, liceat ei ad episcopum invocare, ut cum ipso considerente causam audiat, et vel amicali compositione litigatores transigere faciant, vel cognitaliter, ita tamen ut sententia legibus consentanea imponatur.

CAP. 144. — *De liberto qui patrono suo fuerit ingratus. Constit. 69, cap. 1.*

(*Const. 78, § Statuimus.*) Si libertus circa patronum suum ingratus fuerit, rescindi debet libertas. Cavere autem oportet ingrattudines quæ legibus cognitæ sunt, veluti si libertus manus suas contra patronum moveat, vel si contumelias atroces ei fecerit, vel si magnum et intolerabile damnum ei dederit, id est si ad dedecus ejus pertinentes injuriæ effuderit; si enim horum aliquid patronus vel liberi ejus probaverint, ad pristinum statum convictus libertus revertitur.

CAP. 145. — *Ancillam si dominus manumiserit et uxorem duxerit, etiam filii ejus liberi sint, quos de eo adhuc in servitute genuit, cap. 3.*

Si quis libertam suam uxorem ducere voluerit, dotalia instrumenta cum ea componat, et habeat legitimam uxorem, quamvis ipse summa dignitate præfulgeat. Et si liberi ex tali connubio procreati fuerint, legitimi successores patri suo succedunt. (*cap. 4.*) Si quis ex ancilla sua liberos habuerit, eamque manumittere velit, et dotalibus instrumentis factis uxorem legitimam habere, compositione instrumentorum dotalium liberi ejus manumitti videntur.

CAP. 146. — *De eo qui cum monachis et sanctimonialibus causam habuerit. Constitutio 70, cap. 1.*

Si quis cum monachis aut sanctimonialibus habeat litigium, non audeat monachum vel sanctimonialem ad civilem judicem accusare vel trahere, sed magis adeat civitatis episcopum. Ille enim æstimabit utrum representari principalis persona [principalis personæ] debeat, an per œconomos, vel apocistas rios defendi, cum omni scilicet honestate, ita ut episcopus legibus et canonibus consentaneam sententiam proferat.

CAP. 147. — *Quomodo sententia proferatur. Constit. 73, cap. 5.*

Judices sententiam scriptis dicant, et provocationes condemnato non denegentur, nisi forte ter appellare aliquis maluerit, vel contumax in absentia fuit; nam et tertia provocatio præjudi-

cata est, et contumaces condemnati appellare non possunt.

CAP. 148. — *Ne cum litigatorum sacramento arbiter eligatur, cap. 12.*

In summa constituimus posthac licitum non esse ut cum sacramento litigatorum arbiter eligatur. Etsi enim suam contra jus sententiam dederit, ipse denuo rationem daturus est.

CAP. 149. — *Qualiter lites componi debeant, cap. 14.*

Omnes lites secundum leges et constitutiones dirimantur, quamvis jussio nostra vel pragmatica sanctio contrarium statuerit.

CAP. 150. — *Quid faciat qui contra clericum querimonium habuerit. Constitutio 74, cap. 1.*

Si quis cum clerico litigium habuerit, si quidem de causa pecuniaria, adeat prius episcopum, cujus iudicio clericus suppositus est. Ille autem sine damno, sine dilatione, competentem finem liti impositurus est. Sin autem noluerit episcopus litem dirimere, tunc ad civiles iudices disceptatio causæ perveniat. Ubi autem causam dirimere episcopus vult, sine scriptura omnia procedant, et definitiva sententia ab eo sine scriptis inferatur. Quod si de criminali causa litigium emerit, tunc competentes interpellati consentaneum legibus terminum causæ imponant, ita tamen ut disceptatio litis duorum mensium spatium non excedat, a litis contestatione numerandum. Non aliter autem puniatur clericus, nisi obnoxius repertus sacerdotio nudatus fuerit ab episcopo suo, vel clericatus honore. Sin autem crimen ecclesiasticum est, tunc secundum canones episcopo soli causæ examinatio, et pœna procedat, nullam communionem aliis iudicibus in huiusmodi causis habentibus.

CAP. 151. — *Neminem posse plures concubinas simul habere. Constit. 79.*

Nemo intelligatur concubinam habere, qui cum multis mulieribus concumbere solet. Nam quemadmodum qui legitimam uxorem habet, aliam habere durante eodem matrimonio non potest, ita et qui unam concubinam habet, non potest alias eo tempore habere.

CAP. 152. — *Quod non sit audiendus testis, nisi probabilis vitæ, et quomodo iudicandæ sint tergiversationes debitorum. Constit. 80, cap. 1.*

Nullius recipiatur testimonium, nisi ejus qui sit bona opinione, vel quem dignitas commendaat, vel militia, vel vitæ honestas, vel artis titulus laudabilis, vel etiam aliorum testium vox, de bona vita ejus consentiens. Alius autem testis vilissimus si productus in iudicio fuerit, liceat iudici si hoc æstimaverit, tormentis eum subigere. Si quis autem scripserit se debere alicui pecuniam, postea autem dicat se sine scriptis eam solvisse, non audiatur, quamvis testes produxerit, nisi secundum observationem nostræ constitutionis, sic tamen ut testes duorum alterum dicant, vel quod presentibus ipsis

et ad ipsum rogatis debitor creditori pecuniam solvit, vel quod ad hoc ipsum accepti audierint creditorem dicentem pecuniam sibi solutam fuisse. Non admittimus autem testimonia eorum qui dicere solent transeuntes se audisse aliquem dicentem pecuniam sibi solutam esse sed nec tabulariorum sola presentia sufficit, nisi testes quoque rogati subscripserint. *Item.* Plurium et bonorum testimonia sequi oportet, et eos qui contraria dixerint, si quidem per errorem, convenit admittere; sin autem per astutias aliquas, tormentis subjicere.

CAP. 153. — *Testis qui putatur ingenuus, quando servus fuerit comprobatus, testimonium ejus nihil valere, cap. 4.*

Si testis productus servus esse dicatur, ille autem dicat se liberum esse, siquidem ingenuum: scribatur quidem testimonium ejus, postea autem si probatus fuerit servus, nullius momenti sit. Sin autem libertinum se esse dixerit, siquidem instrumentum manumissionis suæ ostenderit, dicat testimonium; sin autem in alio loco dicat instrumenta sui status habere, scribatur quidem testimonium ejus; postea autem si non produxerit instrumenta, nullius momenti sit.

CAP. 154. — *Testem non audiendum quem inimicum ejus esse claruerit, contra quem productus est, cap. 5.*

Si quis dixerit testem productum inimicum suum esse, si quidem ex criminali causa, omnino non dicat testimonium. Sin autem ex alia occasione, dicat testimonium, sed præscriptio ejus ei opponatur.

CAP. 155. — *De eo qui se mediatorem partium profectur.*

Si quis mediatorem partium se dixerit, ideoque se non oportere in dubium testimonium in alterutrum eorum dicere, illi autem consenserint ut producat, consequens est ut in hoc casu etiam invitus testimonium dicat.

CAP. 156. — *Ut testes non producantur nisi præsentibus adversariis, cap. 7.*

Testium productio non aliter habeatur, nisi præsentem quoque adversaria parte, vel contumaciter non veniente, scilicet ut salva præscriptio competat, quam opponendam existimaverit. Contumaciter autem non videtur abesse qui ex necessitate fuit forte enim intra loca sanctorum fugerat.

CAP. 157. — *De muliere quæ post obitum viri filiorum tutelam acceperit. Constit. 84, cap. 1.*

Si mater marito defuncto filiorum suorum tutelam gubernare maluerit, renuntiet secundis nuptiis in iudicio sine jurejurando; res autem suas impuberi filio suo obliget, atque ita ei tutela committatur.

CAP. 158. — *Ut nullus qui ecclesiæ non communicat, functiones publicas agat. Constitutio 99, cap. 1.*

Nullus hæreticus militet, vel curas publicas gerat. *Item.* Omnino eos qui non communicant in Ecclesia

hæreticis vocamus, quamvis nomen Christianorum A
usurpent.

CAP. 159. — *Maritus accusaturus uxorem adul-*
terii, necesse habeat inscribere. Constit. 103,
cap. 7.

Si in adulterio maritus putaverit suam uxorem
convinci, prius debet inscriptiones deponere vel
contra mulierem vel contra adulterum, et si talis
accusatio vera comprobata fuerit, tunc repudium
mittat.

CAP. 160. — *Quando mulier repudium mittat ma-*
rito, cap. 8.

Si vite mulieris quocunque modo insidiatus fue-
rit maritus, vel si aliis hoc facientibus conscius,
non manifestaverit mulieri, et secundum leges
eam non vindicaverit, si castitati mulieris insidia-
tus fuerit, vel aliis eam in adulterium prodere cona-
tus fuerit; item si maritus ei de adulterio inscrip-
tiones posuerit, et adulterium probare non poterit, li-
ceat mulieri repudium mittere marito. *Item.* Illis
pœnis subjiciatur maritus si adulterii accusationem
non probaverit, quas mulier passura fuisset, si con-
victa fuisset. *Item.* Si in eadem domo in qua mulier
cum ipso habitat, contemnens eam, cum alia muliere
inveniat in domo manens, vel in eadem civitate
degens in alia domo cum alia muliere frequenter
manens convincatur, et semel et bis criminatus, vel
per parentes suos, vel per parentes mulieris, vel per
alias idoneas personas, hujusmodi turpitudine nisi
abstinerit, liceat mulieri dissolvere nuptias.

CAP. 161. — *Quomodo maritus adversus eum*
quem habet suspectum adulterii procedere debeat,
cap. 14.

Si quis suspicatus fuerit de aliquo velle cum pu-
dori uxoris suæ illudere, liceat ipsi marito testatio-
nes in scriptis habitas ad suspectum hominem mit-
tere, et ter ei denunciare per ipsas testationes et
idoneos testes continentes, ne cum uxore sua in-
veniat; et si post tres testationes in scriptis ha-
bitas, et idoneos homines habentes, invenerit eum
quem contestatus est cum uxore sua, vel in sua
domo vel in domo mulieris, vel in domo illius adul-
teri, vel in popina, vel in prastino, liceat marito
sine ullo periculo manibus suis eum occidere. Sin
autem in alio loco deprehenderit eum colloquium
habentem cum uxore sua, convocatis idoneis tes-
tibus tribus, per quos possit probare apud judi-
cem invenisse eum cum uxore sua colloquium ha-
bentem, tradat eum judici; et si iudex invenerit
post tres testationes hominem suspectum collocutum
mulieri fuisse, nullo alio exquisito, quasi adulterum
puniat.

CAP. 162. — *De eadem re, cap. 15.*

Si post tres contestationes invenerit maritus uxo-
rem suam in sacro loco cum suspecto homine collo-
quium habentem, tradat eos ecclesiæ defensori vel
aliis clericis, ut separatim eustodiantur in periculo
defensoris vel clericorum, ut auditos iudex mittat
ad religiosum civitatis episcopum, et auctoritate

ipsius accipiat eos, et pœnis contra adulteros posi-
tis utrosque afficiat, nullo alio requisito, si post tres
contestationes inventus est cum muliere locutus.
Est autem justissimum neque adulteros, neque ra-
ptores mulierum sacrorum septis vindicari, et mul-
to magis si quis de ipso adulterio intra sacra alienæ
mulieri locutus est. Et generaliter definimus, si
quis invenerit uxorem, vel filiam, vel neptem, vel
nurum deprehenderit cum aliquo colloquium habentem,
et suspicatus fuerit turpitudinis causa eos
convenisse, liceat ambos tradere defensori ecclesiæ
vel aliis clericis, periculo eorum separatim cu-
stodiendos, donec iudici innotescere fecerit, et
ille secundum leges personas acceperit, et causam
discusserit.

CAP. 163. — *De his qui ad iudicium venire ali-*
qua necessitate impediuntur. Pandectarum li-
bro.

(*Lib. II, tit. XI, § Si qui iudicio.*) Si quis ju-
dicio se sisti promiserit, et valetudine, vel tem-
pestate, vel vi fluminis prohibitus, se sistere non
possit, exceptione adjuvatur. *Item (paulo post, §*
Quod diximus): Quod diximus succurri ei etiam qui
tempestate aut vi fluminis prohibitus non venit,
tempestatem sic intelligere debemus sive maritima
sive terrestris sit, tempestatemque intelligere debe-
mus talem, quæ impedimento sit itineri vel naviga-
tioni. Vis fluminis etiam sine tempestate accipienda
est. Vim fluminis intelligimus, si magnitudo ejus
impedimento sit, sive pons solutus sit, vel navigium
non stetit. Si quis tamen cum posset non incidere
in tempestatem vel in fluminis vim, si ante profec-
tus esset, vel tempore opportuno navigasset, ipse
se aretaverit, nunquid exceptio ei minime prosit?
quod quidem causa cognita erit statuendum. Nam
neque sic aretandus erit, ut possit ei dici, cur non
multo tempore ante profectus est quam dies pro-
missionis veniret? Neque iterum permittendum est
ei, si quid sit quod ei imputetur, causari tempe-
statem vel vim fluminis. Quid enim, si quis cum Ro-
mæ est et ipso tempore promissionis sistendi, et
nulla necessitate urgente, voluntatis causa in muni-
cipium profectus sit, nonne indignus est cui hæc ex-
ceptio patrocinetur? Aut quid si tempestas quidem in
D mari fuit, terra autem iste potuit venire, vel flu-
men circumire? Æque dicendum est non semper ei
exceptionem prodesse, nisi angustiae non patiebantur
terra iter metiri vel circumire, cum tamen vel
flumen sic abundasset ut implesset omnem locum
in quo sisti oportuit, vel aliqua fortuita calamitas
eundem locum evertit, vel præscientiam venientis
periculosam fecit; ex bono et æquo et hic exceptio
ei accommodanda est. Simili modo exceptio datur
ei, qui cum ad iudicium venire volebat, a magistra-
tu retentus est, et retentus sine dolo malo ipsius.
Nam si ipse hoc affectavit, vel causam præstiterit,
non ei proderit exceptio, sed ipsi quidem dolus ejus
oberit, cæterorum non oberit qui malo dolo fecerunt
ut retineretur, sed si privatus eum detinuerit, nullo

modo ei proderit hæc exceptio. *Item (ibid. l. iv, § Illud.)* Si funere quis domestico impeditus non venit, debet ei exceptio dari.

CAP. 164. — *Item de feriis.*

(*Lib. II, tit. XII, l. 1.*) Ne quis messium vindemiarumque tempore adversarium cogat ad iudicium venire, oratione divi Marci exprimitur, quia occupati circa rem rusticam in forum compellendi non sunt. Sed si prætor aut per ignorantiam vel socordiam evocare eos perseveraverit, hi qui sponte venerint siquidem sententiam dixerint, præsentibus illis et sponte litigantibus sententia valcbat, tametsi recte non fecerit, qui eos evocaverit. *Item (ibid. l. III.)* Solet etiam messis, vindemiarumque tempor ejus dici de rebus quæ tempore vel morte perituræ sunt, veluti furti, damni, injuriæ, injuriarum atrocium quæ de incendio, ruina, naufragio, rate, nave expugnata rapuisse dicuntur, et si quæ similes sunt.

CAP. 165. — *De pactis.*

(*Tit. XIV, l. XXVII, § Pacta quæ.*) Pacta quæ turpem causam continent, non sunt observanda. *Item (ibid., l. XXVIII.)* Contra juris civilis regulas pacta conventa, rata non habentur.

CAP. 166. — *Item, contrahentem matrimonium illicitum, infamem fieri.*

(*Lib. III, tit. II, l. XIII, § Cum autem.*) Si cum ea quis nuptias vel sponsalia constituat, quam uxorem ducere vel non potest, vel fas non est, erit notatus.

CAP. 167. — *De solutionibus.*

(*Tit. V, l. XXXIX.*) Solvendo quisque, pro alio licet invito et ignorante, liberat eum. Quod autem alicui debetur, alius sine voluntate ejus non potest jure exigere.

CAP. 168. — *De eo quod metus causa sit.*

(*Lib. IV, tit. II, l. 1.*) Quod metus causa gestum erit, ratum non habeo. *Item (ibid. l. III, § Sed vim.)* Vim accipimus atrocem, et eam quæ adversus bonos mores fiat, non eam quam magistratus recte intulit, scilicet jure licito et item jure honoris quem sustinet. (*Ibid. l. IX.*) Metum autem præsentem accipere debemus, non suspicionem inferendi ejus. (*Lib. IV, tit. VI, l. III.*) Metus autem causa abesse videtur qui justo timore mortis vel cruciatus corporis conterritus abest.

CAP. 169. — *Quis reipublicæ causa absit.*

(*Lib. IV, tit. VII, l. XVI.*) Reipublicæ causa eos solos abesse intelligimus, qui non sui commodi causa, sed coacti sunt.

CAP. 170. — *Ne quis sit judex vel arbiter in re propria.*

(*Lib. IV, tit. VIII, l. LVI.*) Item. Si de re sua quis arbiter factus sit, sententiam dicere non potest.

CAP. 171. — *Nautæ, caupones, stabularii, unde mercedem accipiunt.*

(*Lib. IV, tit. IX, l. V.*) Nauta, et caupo, et stabularius mercedem accipiunt non pro custodia, sed nauta ut trajiciat vectores, caupo ut viatores manere in caupona patiat, stabularius ut permittat ju-

PATROL. CLXI.

menta apud eum stabulari, et tamen custodiæ nomine tenetur, nam et fullo et sarcinator non pro custodia, sed pro arte mercedem accipiunt, et tamen custodiæ nomine ex locato tenentur.

CAP. 172. — *Quod securus sit qui alienum servum sibi insidiantem occiderit; et de quibusdam aliis, lib. IX, tit. II (lib. IV).*

Itaque si servum tuum latronem insidiantem mihi occidero, securus ero. Nam adversus periculum naturalis ratio permittit se defendere. Lex duodecim Tabularum furem noctu deprehensum occidere permittit: ut tamen id ipsum cum clamore testificetur. Interdum autem deprehensum ita permittit occidere, si is et telo defenderet, ut tamen æque testificetur.

Item (ibid., l. X.) Qui occiderit adulterum deprehensum servum alienum, hac lege non tenebitur.

Item (ibid. § In hac quoque.) Si quis in stipulam suam, vel spinam, comburendæ ejus causæ, ignem immiserit, et ulterius evagatus et progressus ignis alienam segetem vel vineam læserit, inquiramus

num imperitia ejus aut negligentia id accidit; nam, si die ventoso id fecerit, culpæ reus est. Nam et qui occasionem præstat, damnum fecisse putatur. In eodem crimine est, et qui non observavit ne ignis longius procederet. At si omnia quæ oportuit observavit, vel subita vis venti ignem longius produxit, caret culpa. *Item (ibid. l. XXXIX.)* Qui pecus alienum in agro suo deprehenderit, non jure id includit, nec agere illud aliter quam (ut supra diximus) quasi suum, sed abjicere debet sine damno,

vel admonere dominum ut suum recipiat.

CAP. 173. — *Quoâ dominus quoque culpabitur sit, quo sciente servus aliquem occiderit. Titulo IV (lib. II).*

Si servus sciente domino occidit, in solidum dominum obligat; ipse enim videtur dominus occidisse. Si autem insciente eo, noxalis est actio; nec enim debuit ex maleficio servi in plus teneri quam ut noxæ eum dedat.

CAP. 174. — *De conditione, causa data, causa non secuta.*

Item. Ob rem igitur honestam datum ita repeti potest, si res propter quam datum est secuta non est. Quod si turpis causa accipientis fuerit, etiamsi res secuta sit, repeti potest.

CAP. 175. — *Quod mandare intelligitur, qui mandari ab alio patitur ut sibi credatur, lib. XVII, tit. I (lib. XVIII).*

Qui patitur ab alio mandari ut sibi credatur, mandare intelligitur.

CAP. 176. — *Nullius momenti esse societatem dolo ac fraude compositam, tit. II.*

(*Lib. III, § Societas.*) Societas si dolo malo, aut fraudandi causa coita sit, ipso jure nullius momenti est, quia fides bona contraria est fraudi et dolo. *Item (ibid., l. LIII.)* Quod autem ex furto, vel ex alio maleficio quæsitum est, in societatem non oportere converti [conferri] palam est, quia delictorum turpis ac fœda communio est. *Item (lib. LVII.)* Si malefici societas coita sit, constat nullam esse societatem.

Generaliter enim traditur rerum inhonestarum nullam esse societatem.

CAP. 177. — *Non esse fugitivum qui h̄d amicum deprecaturus confugerit, lib. XXI, tit. 1.*

(*Lib. XLIII, § Qui ad amicum.*) Qui ad amicum deprecaturus confugit, non est fugitivus, imo si ea mente ut non impetrato auxilio domum non revertatur, non est fugitivus.

CAP. 178. — *Rem non alienari quæ minoris venditur quam mandatur, tit. II.*

Si quis rem meani vendidit minoris quam mandavi, non videtur alienata.

CAP. 179. — *Ad quem probatio causæ pertineat, lib. XXII, tit. III.*

Ei incumbit probatio qui dicit, non qui negat.

CAP. 180. — *Qui testes sint cogendi, vel non, tit. V, lib. IV.*

Ne invito denuntietur, ut testimonium litis dicat adversus socerum, generum, vitricum, privignum, sobrinum, sobrinam, sobrino natum, eosve qui priori gradu sint. Item ne liberto ipsius, liberorum ejus, parentum, viri, uxoris. Et ne patroni vel patronæ, adversus libertos, neque liberti adversus patronum cogantur testimonium dicere.

CAP. 181. — *Qui testes non sint idonei, lib. VI.*

Item. Idonei non videntur esse testes, quibus imperari potest ut testes sint. *Item (lib. IX).* Testis idoneus pater filio, aut filius patri non est. *Item (ibid., l. XVI).* Qui falso vel varie testimonia dixerunt, vel utrique parti prodiderunt, a iudicibus puniuntur. *Item (ibid., l. XVII).* Pater et filius qui in potestate ejus est, item duo fratres qui in ejusdem patris potestate sunt, testes utrique in eodem testamento, vel eodem negotio fieri possunt: quoniam nihil nocet ex una domo plures testes alieno negotio adhiberi. *Item (ibid. l. XVIII).* Ex eo quod prohibet lex Julia de adulteriis testimonium dicere condemnatam mulierem, colligitur etiam mulieres testimonium in iudicio dicendi jus habere.

CAP. 182. — *Qualiter sponsalia fieri debeant. Item lib. XXIII (tit. 1, lib. II).*

Sponsalia, sicut nuptiæ, consensu fiunt contrahentium: et ideo sicut nuptiis, ita sponsalibus filiamfamilias consentire oportet. *Item (lib. XII).* Quæ patris voluntati non repugnat, consentire intelligitur. Tunc autem dissentienti a patre licentia conceditur, si indignus moribus, vel turpis sponsus ei a patre eligitur.

CAP. 183. — *Item, de diversa qualitate et conditione nubentium, lib. XIII.*

Filiofamilias dissentiente, sponsalia ejus nomine fieri non possunt. *Item (lib. XIV).* In sponsalibus contrahendis ætas contrahentium definita non est, ut in matrimoniis. Quapropter a primordio ætatis sponsalia effici possunt, si modo id fieri ab utraque persona intelligatur, id est, si non sint minores quam 7 annis. *Tit. II (lib. XVI, § Furor.)* Furor contrahi matrimonium non sinit, quia consensu opus est: sed recte contractum non impedit. *Item (lib. XXIV).* In liberæ mulieris consuetudine, non concu-

binatus, sed nuptiæ intelligendæ sunt, si non corpore quæstum fecerit. *Item (lib. XLIII, § Quæ in adulterio.)* Quæ in adulterio deprehensa est, quasi publico iudicio damnata est. Proinde si adulteri condemnata esse proponatur, non tantum quia deprehensa est, erit notata, sed quia et publico iudicio damnata. Generaliter definiendum est, donec certum est maritum vivere in captivitate constitutum, nullam habere licentiam uxores eorum migrare ad aliud matrimonium.

CAP. 184. *Diuturnos mores plerumque pro jure teneri. Instit. lib. 1, tit. II.*

(*§ Ex non scripto.*) Ex non scripto in jus venit, quod usus probavit. Nam diuturni mores consensu utentium comprobati, legem imitantur. *Item. Paulo post.* Ea quæ ipsa sibi quæque civitas constituit, sæpe mutari solent, vel tacito consensu principis, vel alia postea lege lata.

CAP. 185. — *De his qui de utrisque parentibus ingenuis, vel diversa conditione generantur, tit. IV.*

(*§ Ingenuus.*) Ingenuus, id est, qui statim ut natus est, liber est, sive ex duobus ingenuis matrimonio editus, sive ex libertinis, sive ex altero libertino et altero ingenuo. Sed et si quis de matre libera nascitur patre servo, ingenuus nihilominus nascitur: quemadmodum qui ex matre libera et incerto patre natus est, quoniam vulgo conceptus est. Sufficit autem liberam habuisse matrem eo tempore quo nascitur, licet ancilla conceperit. Et econtrario si libera conceperit, deinde ancilla facta pariat, placuit eum qui nascitur liberum nasci: quia non debet calamitas matris ei nocere qui in utero est. Ex his et illud quæsitum est, si ancilla prægnans manumissa sit, deinde ancilla postea facta peperit, liberum an servum pariat. Marcellus probat liberum nasci; sufficit enim ei qui in ventre est, liberam matrem vel medio tempore habuisse; quod et verum est.

CAP. 186. — *Quod æque puniri debeat qui sine causa proprium, quam qui alienum servum occiderit, et varia causatio de fugitivis servis. Tit. VIII, lib. 1.*

(*§ Nam apud omnes.*) Apud omnes peræque gentes animadvertere possumus, dominis in servos vitæ necisque potestatem esse, et quodcumque per servum acquiritur, id domino acquiri.

Item. § Sed hoc tempore. Qui sine causa servum suum occiderit, non minus puniri iubetur quam qui servum alienum occiderit. *Post pauca.* Pius Antoninus consultus a quibusdam præsidibus provinciarum, de his servis qui ad ædem sacram, vel statuam principum confugiunt, præcepit ut si intolerabilis videatur dominorum sævitia, cogantur servos bonis conditionibus vendere, ut pretium dominis detur. Et recte, expedit enim reipublicæ ne quis re sua male utatur. Cujus rescripti ad Ælium Martianum emissi verba hæc sunt: Dominorum quidem potestatem in servos suos illibatam esse oportet, ne cuiquam hominum jus suum detrahatur; dominorum interest ne auxilium contra sævitiam, vel famem, vel intolerabilem injuriam denegetur iis qui juste

deprecantur. Ideoque cognosce de querelis eorum A qui ex familia Julii Sabini ad statuam confugerunt, et si vel durius habitos quam æquum est, vel infami injuria affectos cognoveris, vendere jube, ita ut in potestatem domini non revertantur.

CAP. 187. — *Quod plures ex una domo testes alieno negotio adhiberi possint, libro II, titulo X.*

§ *Pater.* Duo fratres qui in ejusdem patris potestate sunt, utriusque testes in uno testamento possunt fieri, quia nihil nocet ex una domo plures testes alieno negotio adhiberi. In testibus autem non debet esse qui in potestate testatoris est.

CAP. 188. — *Quinam testamenta facere possint, lib. II, tit. XII.*

§ *Non tamen.* Non omnibus licet facere testamentum: statim enim ii qui alieno juri subjecti sunt, testamenti faciendi jus non habent. *Item.* § *Præterea testamentum.* Testamentum facere non possunt impuberes, quia nullum eorum animi iudicium est. *Item* furiosi, quia mente carent. Neque ad rem pertinet, si impubes postea pubes factus, aut furiosus postea compos mentis factus fuerit, et decesserit. Furiosi autem si per id tempus fecerint testamentum, quo furor eorum intermissus est, jure testati esse videntur. § *Item. Surdus.* *Item* surdus et mutus non semper testamentum facere possunt. Utique autem de eo surdo loquimur qui omnino non exaudit, non qui tarde exaudit. Nam et mutus is intelligitur, qui eloqui nihil potest, non qui tarde loquitur.

CAP. 189. — *De filiis ancillæ quos de domino suo forte genuerit, et postmodum manumissa et legitime copulata, alios liberos procreaverit, libro II, tit. II.*

Si quis mulierem in suo contubernio copulaverit, non ab initio affectione maritali, ea tamen cum qua potuerit habere conjugium, et ex ea liberos sustulerit, postea vero affectione procedente etiam nuptialia instrumenta cum ea fecerit, filiosque vel filias habuerit, non solum eos liberos qui post dotem editi sunt, justos, et in potestate esse patris, sed etiam anteriores, quia et iis qui postea nati sunt occasionem legitimi nominis præstiterunt, obtinere censuimus, etiam si non progeniti fuerint post dotale instrumentum confectum liberi, vel etiam nati ab hac luce subtracti fuerint.

CAP. 190. — *Nihil valere quod turpi ex causa promittitur, tit. XVIII.*

(*Instit. lib. III, tit. XX. § Quod turpi.*) Quod turpi ex causa promissum est, veluti si quis homicidium vel sacrilegium se facturum promittat, non valet.

CAP. 191. — *Vim atque injuriam propellendam, lib. I, tit. II.*

(*Pandect. lib. I, tit. I, l. III*) Ut vim atque injuriam propulsemus; nam jure hoc venit ut quod quisque ob tutelam sui corporis fecerit, jure fecisse æstimetur.

CAP. 192. — *Quod lex præterita sic errata remittit,*

ne tale quid ulterius fiat. Item tit. II (tit. III, l. XXII).

Cum lex in præteritum quid indulget, in futurum vetat.

CAP. 193. — *De his qui diverse nascuntur, titulo V, lib. XII.*

Septimo mense nasci perfectum partum jam receptum est, propter auctoritatem doctissimi viri Hippocratis, et ideo credendum est eum qui ex justis nuptiis septimo mense natus est, justum filium esse. *Item (ibid., l. XIX.)* Cum legitimæ nuptiæ factæ sunt, patrem liberi sequuntur, vulgo quæsi matrem sequuntur. *Item (ibid., l. XXIII.)* Vulgo concepti dicuntur, qui patrem demonstrare non possunt vel qui possunt quidem, sed eum habent quem habere non licet. *Item (lib. XXIV.)* Lex naturæ hæc est, ut qui nascitur sine legitimo matrimonio matrem sequatur. *Item (lib. XXVI.)* Qui in utero sunt, in toto pene jure civili intelliguntur in rerum natura esse; lam et legitimæ hæreditates his restituuntur, ita ut si prægnans mulier ab hostibus capta sit, id quod natum erit, quamvis apud bonæ fidei emptorem pepererit, tanquam furtivum usu non capitur. *Item (lib. I, tit. VI, l. VIII.)* Furiosus licet ducere uxorem non possit, retinere tamen matrimonium potest.

CAP. 194. — *De illicito pacto. Ex lege Theodosiann.*

Si inter aliquos conveniat, ut de admittendo crimine, vel inferenda violentia, vel faciendo quod leges aut honestas prohibet, aut de rebus alicujus, aut de bonis inventis aliqui paciscantur; hæc pacta valere non possunt.

CAP. 195. — *De re, mediante scriptura, duobus diversis temporibus tradita. Item lib. V.*

Si aliquis unam rem per legitimas scripturas duobus donaverit, uni prius et alteri postea, non quærendum est in his donationibus qui prius qui posterius acceperit, sed quæ irem tradente donatore possederit, is eam cui est tradita possidebit. Nec interest utrum in parentes, an in extraneos facta sit talis donatio.

CAP. 196. — *De petitione debiti.*

Licet prior petitor offerat sacramentum, tamen cum nulla probatio est debiti, is qui accusatur potest fidem suam jusjurandi religione firmare.

CAP. 197. — *De eadem re.*

Si quando pulsatus repetendi pecuniam obtulerit sacramentum, et ille ei jusjurandi necessitatem ultro concesserit, non potest postea ab eo debitum postulare.

CAP. 198. — *Pro re obtinenda quis debeat jurare.*

Hæres ejus cui pecunia credita dicitur, ad sacramentum vocari non potest, quia quid egerit actor suus ad integrum scire non potuit.

CAP. 199. — *De impensis in res commodatas factis, et ad quid commodatarius teneatur.*

Quidquid in rem commodatam ob morbum, vel aliam rationem impensum est, a domino recipi potest. Si facta incendio, ruina, naufragio, aut quolibet simili casu res commodata amissa sit, non tenebitur

eo nomine is cui commodata est, nisi forte cum possit rem commodatam salvam facere, suam prætulit. Si servum vel equum vel quæcunque alia aliquis ab altero ad usum tantum servienti commodata suscepit, et eos ad pugnam vel ubi vitæ periculum incurrant duxerit, ad redditionem commodatae rei merito a domino retinetur. Si facto pretio rem vendendam aliquis cujuscunque crediderit, et dum ab eo vendenda profertur, quacunque occasione perierit, ei perit qui eam dederat distrahendam. Cæterum si rem acceptam, non rogante domino, sed permittente eo qui accepit, dum velit venundare, perdidit, sibi rei perditæ ingerit detrimentum. Creditor si sine conditione pignus sibi depositum tenens ter debitorem suum convenerit, ut soluto debito pignora sua recipiat. Quod si debitor noluerit post tres admonitiones, soluto debito, pignora sua suscipere, creditor distrahendi pignoris liberam habebit potestatem.

CAP. 200. — De sociis.

Sicut lucrum, ita damnum inter socios communiscatur, nisi quid culpa socii vel fraude eversum sit.

CAP. 201. — De pactis.

Pacta quæ ab invitis contra leges constitutionesque fiunt, nullam vim habere indubitati est juris. Item, pactum quod mala fide est factum, irritum esse debet. Privata conventio juri publico nihil derogat.

CAP. 202. — Quæ actiones in hæredes transeant.

In criminalibus causis si quis antequam moriatur, non fuerit de facti sui scelere conventus atque convictus, si post ejus obitum quod ab eo culpam reddendum erat, fuerit apud successores ejus fortasse repertum, hoc tantum ab hærede reddendum est, quod ad eum cognoscitur pervenisse. Cæterum in tali re hæres nec ad pœnam, nec ad aliquam satisfactionem tenetur obnoxius.

CAP. 203. — Qui debeant jurare

Lex præcipit ut probatio non a possessore, sed a petitoris partibus requiratur, quia omnem probationem ab eo quæri debere dicit, qui petitam rem desiderat obtinere, non ab illo qui se juste tenere contendit, præter illum tantum casum, ubi interrogare necesse est possidentem, utrum ex sua persona, an ex successione cœperit possidere.

CAP. 204. — De juramento testium, et qualiter iudicabitur qui sic et sic deliquerit.

Testes priusquam de causa interrogentur, sacramento debent constringi, ut jurent se nihil falsi esse dicturos, honestioribus autem magis quam vilioribus fides adhibeatur. Unius autem testimonium, quamlibet splendida et idonea videatur esse persona, nullatenus audiendum. Si quis ingenuus ingenuum vel servum percusserit, ut sanguis non exeat, pro unoquoque ictu usque ad tres solidos culpabilis iudicetur. Si vero homo ecclesiasticus aut regius hoc fecerit, sol. 3. Similiter si servus homini ecclesiastico, vel regio, vel franco hoc fecerit, solidos 3, aut cum 6 juret. Si servus ingenuo aut regio, vel ecclesiastico homini

sanguinis effusionem fecerit, 3 solid. et dimidio culpabilis iudicetur, aut cum 6 juret. Similiter si ingenuus, regius, aut ecclesiasticus homo servo os fregerit, 9 sol. culpabilis iudicetur, aut cum 6 juret. Quod si servus homini franco hoc fecerit, 36 sol. aut cum 6 juret. Si vero regio aut ecclesiastico homini hoc fecerit, sol. 9. Quod si servus servum percusserit bis vel ter, propter pacis studium 4 denar. iudicetur. Si sanguinem effuderit, sol. 3 et dimidium; si os ei fregerit, 5 sol. Quod si oculum, auriculam, pedem, nasum excusserit, 18 sol., aut cum 6 juret. Si quis ingenuus ingenuam percusserit, 18 sol. culpabilis iudicetur, aut cum 6 juret. Si quis ingenuus ingenuo in quolibet membro os fregerit, vel si eum transpuxerit, vel intra coxas plagaverit, 36 sol. culpabilis iudicetur, aut cum 6 juret. Si pollicem ingenuus ingenuo excusserit, 50 sol., si pollex ibidem pependerit, 36 sol. Si secundus digitus unde sagittatur, excussus fuerit, 36 sol. componatur. Si quis alicui manum vel pedem truncaverit, vel oculum effoderit, auriculam vel nasum amputaverit, 100 sol. culpabilis iudicetur. In omni vero mancatione, si membrum mancatum pependerit, medietatem componat, quam componere debuerat, si ipsum membrum abscissum fuisset. Si medium digitum excusserit, 15 sol.; si quartum vel quintum, similiter; si dentem, 5 sol. Si quis hominem in capite ita plagaverit ut sanguis ad terram cadat, 15 sol. culpabilis iudicetur. Ista omnia si negaverit, cum 6 juret. Si quis hominem regium vel ecclesiasticum interfecerit, 100 sol. culpabilis iudicetur, aut cum 12 juret. Si servum, 36 sol. aut cum 6 juret. Unde autem liber homo 15 sol. persolvit, regius homo vel ecclesiasticus medietatem componat, vel deinceps quantumque culpa ascenderit. Si quis ingenuus ingenuum interfecerit, et cum ramis cooperuerit, vel in puteo, vel in quocunque loco celare voluerit, quod dicitur mortridum, 600 sol. culpabilis iudicetur, aut cum 72 juret. Ubiunque autem de solidis accedunt, simili modo 72 juratores.

CAP. 205. — Lex de diversis causis. De lege Theodosiana.

Qui autem aliquem in carcerem detrusit, ut aliquid ab eo ei extorqueretur, quidquid ob hanc causam factum est, nullius est momenti. Dolus est cum aliud agitur, aliud simulatur. Qui dolum vel metum adhibuit, ut res ad alium transiret, uterque de vi et dolo actione tenebitur. Si quis id quod minori ætate gessit, postquam major effectus est silentio suo et taciturnitate revocare noluerit, de hac re integri restitutionem retinere non potest.

CAP. 206. — Ut anathema sit omnibus sæcularibus quicumque clerico cuiuslibet injuriam fecerit. Capitular. lib. v, cap. 102.

Quicumque iudex aut sæcularis, presbytero, aut diacono, aut cuiuslibet clerico, aut de junioribus absque audientia episcopi, vel archidiaconi, vel archipresbyteri injuriam inferre præsumperit, ana-

thema ab omnium Christianorum consortio habeatur.

CAP. 207. — *De latronibus, qui quali sententia paulatim multandi sint, Capitulum. l. vi.*

De latronibus ita præcipimus observandum, ut pro prima culpa non moriatur, sed unum oculum perdat. De alia vero culpa nasus ipsius latronis truncetur. De tertia culpa, si non emendaverit, moriatur.

CAP. 208. — *Ne infames personæ testes fiant, cap. 309.*

Placuit ut testes non admittantur qui sunt socii criminis, nec infames, nec calumniatores, vel cæteri quos canones et lex prohibet.

CAP. 209. — *De eadem re, cap. 313.*

Placuit, ut qui de se confessus est, super alium non credatur.

CAP. 210. — *Unius testimonium non recipiendum, cap. 314.*

Ut testimonium unius hominis non accipiatur. Nam, si ex utraque parte plures sint, veraciores atque religiosiores et honestiores eligantur, qui sacramento suum confirmant testimonium, nihil se falsi esse dicturos.

CAP. 211. — *Nequaquam homicidii esse reum, qui noctu furem res furtivas gestantem occiderit, cap. 343.*

Fur nocturno tempore captus in furto, dum res furtivas secum portat, si fuerit occisus, nulla ex hoc homicidio querela nascatur.

CAP. 212. — *Quid facto opus sit ei qui nesciens a fure aliquid comparaverit, cap. 344.*

Si quis de fure nesciens aliquid comparaverit, quaerat accepto spatio venditorem. Quem si non potuerit invenire, probet se cum sacramento et testibus innocentem, et quod apud eum cognoscitur restituat, et furem quaerere non desistat. Quod si furem celare voluerit, et perjurans post ea detectus fuerit, tanquam ille fur ita iste in crimine damnetur.

CAP. 213. — *De eo qui alterius animal quodcumque occiderit, cap. 345.*

Si quis occulte, vel in die, alterius caballum, aut bovem, aut aliquod animal occiderit, et negaverit, et postea exinde probatus fuerit, tanquam furtivum componat.

CAP. 214. — *De eodem, cap. 346.*

Si quis causa faciente occiderit alienum animal, et non negaverit, simile dare non tardet et cadaver mortui accipiat.

CAP. 215. — *De eo qui furtivam rem scienter emerit, cap. 347.*

Si quis furtivam rem scienter emere præsumpserit, et exinde probatus fuerit, similem reddat illi ejus pecuniam comparavit, salva videlicet ejus justitia in altero.

CAP. 216. — *De eo qui latronis rem furtivam scienter acceperit custodiendam, cap. 248.*

Si quis de latrone furtivam rem scienter ad custodiendum acceperit, quasi fur componat.

A CAP. 217. — *De eo qui communem viam alicui clauserit, cap. 353.*

Si quis viam publicam, aut lithostratum, vel viam communem alicui clauserit contra legem, cum sua lege componat, et clausuram quam ibi fecit tollat. Quod si negare voluerit, cum 12 sacramenta talibus juret.

CAP. 218. — *De eodem, cap. 354.*

Si quisquam convicivalem vel pastorem clauserit, cum sua lege componat, et ipsam viam aperiat. Similiter, et de semita faciendum est.

CAP. 219. — *De eo qui fontem vel puteum per invidiam coinquinaverit, cap. 355.*

Si quis fontem quacunquē invidia coinquinaverit vel maculaverit, emendet eum primo, ut nulla sit coinquinationis in eo suspicio, et cum lege sua vicinis hoc emendet. Si autem plurimorum vicinorum puteum fuerit, compositionem inter se mutentur.

CAP. 220. — *De eo cui metallum aliquid vel species aliquæ fuerint commodatæ, cap. 356.*

Si cui aurum, vel argentum, aut ornamenta, vel quæcumque species fuerint commodatæ, sive ad custodiendum traditæ sint, vel vendendæ, et in domo ipsius cum rebus suis forsitan fuerint incendio crematæ, una cum testibus qui commodata susceperant, præbeat sacramenta nihil exinde suis profuisse compendiis, et nihil cogatur exsolvere, excepto auro et argento quod ardere non poterat. Si vero quæ commodata fuerant, furto probantur ablata, ei qui commodata perdiderat spatium tribuatur, donec furem sua investigatione perquirat, et si eum invenerit, commodatori res proprias tantummodo reformare procuret. Compositio vero furti ad eum qui habuit commodata pertineat. Quod si fur non fuerit intra statutum tempus inventus, medietas rerum commodatarum domino suscipiente reddatur. Damnum vero medium utrique sustineant, et si, postmodum dominus apud eum qui commodaverit quæcumque fuerint suppressa, repererit, sicut furtiva ab eo exigantur.

CAP. 221. — *De eo qui quamcumque rem alienam sine voluntate domini sui vendiderit, cap. 365.*

Si quis vendiderit res alienas sine voluntate domini sui, aut servum, aut ancillam, aut quamcumque rem, ipsam legibus reddat. Et si ipsam non potest invenire, duos consimiles et æqualis meriti reddat.

CAP. 222. — *De damno dato, cap. 366.*

Si quis alicujus caballo, vel bovi, vel cujuslibet quadrupedi unum oculum excusserit, appetietur illud pecus quod valet, et partem tertiam componat.

CAP. 223. — *De eo qui latronem hospitio receperit. Capitularium lib. vi, cap. 293.*

Quicumque post illam missam sancti Joannis præteriti anni cuidam latroni mansionem [manumissionem] dederit, si Francus est, cum 12 similibus Francis juret quod latronem eum fuisse non scisset, licet pater ejus sit aut frater, vel aliquis propinquus. Si hoc jurare non potuerit, et ab alio coavi-

ctus fuerit quod latronem in hospio suscepisset, quasi latro sit, quia infidelis est noster et Francorum; et qui illum suscepit similis est illi. Si autem audivit quod latro fuisset, et tamen non scit firmiter, juret solus quod nunquam eum audisset nec per veritatem nec per mendacium latronem; aut sit paratus, si ille postea de latrocinio convincitur, ut similiter damnetur.

CAP. 224. — *Servum non audiendum crimen alicui impingentem, cap. 344.*

Servo penitus non credatur si super aliquem crimen objecerit, aut si etiam dominum suum in crimine impetierit. Nam si in tormentis positus exponat quod objicit, credi tamen illi nullo modo oportebit.

CAP. 225. — *De his apud quos pars rapinæ deprehensa fuerit, cap. 335.*

Apud quem scelus agnoscitur, et pars rapinæ fuerit inventa, statim socios suos nominare cogatur. Quos si nominare noluerit, teneatur ad vindictam. Quod si honestior persona est, et pro scelere rationem reddat, et quæ ablata vel eversa fuerant quadrupliciter restituat. Quod si certe apud servum rapinæ pars reperitur, centum quadraginta flagella publice extensus accipiat, et socios suos nominare non differat.

CAP. 226. — *De levioribus peccatis diltationem esse præstandam, et de sceleribus convictos si appellare voluerint, non audiendos. Capitular., lib. vii, cap. 481.*

In civilibus causis vel levioribus criminibus legum dilatio præstanda est. Homicidæ, adulteri, malefici, venefici convicti, si appellare voluerint, non audiantur.

CAP. 227. — *Si quis alicui rem suam tradiderit vendendam, cap. 298.*

Si facta pretio rem vendendam aliquis cuicumque tradiderit, et dum ab eo vendenda profertur, quacunque occasione perierit, ei perit qui eam dederat distrahendam. Cæterum si rem acceptam, non rogante domino, sed permittente eo qui accepit, dum vellet venundare, perdidit, sibi rei perditæ ingerit detrimentum.

CAP. 228. — *De creditis rebus, cap. 299.*

Creditor si sine conditione pignus sibi depositum tenens, ter debitorem convenerit ut soluto debito pignora sua recipiat, et debitor noluerit post tres admonitiones soluto debito pignora sua recipere, creditor distrahendi pignoris habebit liberam potestatem.

CAP. 229. — *De debitis solvendis, et de conversatione, cap. 303*

Si quis debeat alicui solidos decem, et ille qui debet de quacunque ratione debeantur illi a creditore suo solidi 5 et veniens creditor totos 10 solidos a debitore petat; si probaverit ille debitor sibi ab eo quinque solidos deberi, quare illum in solidum pro totis 10 solidis convenit, causam perdat, qui noluit debitum compensare. Similis ratio est de frumento, vel de aliis speciebus.

CAP. 230. — *Si filiofamilias inscio patre pecunia fuerit commodata, cap. 304.*

Qui filiofamilias contra interdicta legum inscio patre pecuniam commodavit, eam nec vivente nec mortuo patre ab eodem poterit postulare.

CAP. 231. — *De pignoris venditione, cap. 313.*

Si quis creditor, debitore in solutionem tardante, rem sibi pro debito positam distraxerit, si quid amplius acceptum fuerit quam debebatur, quod amplius acceptum est restituatur debitori.

CAP. 232. — *Si quis rem alienam minoris vendiderit, cap. 308.*

Si quis cuilibet mandet ut rem suam 10 solid. vendat, et ille eam octo vendiderit, pretium quod ei mandatum est, quidquid minus ab emptore percepit mandatori complere compellatur; venditio tamen rescindi non potest.

CAP. 233. — *Ut nemo contra voluntatem defuncti faciat, cap. 326.*

Omnibus qui contra voluntatem defuncti faciunt ut indignis auferatur hæreditas

CAP. 234. — *De eodem, cap. 327.*

Qui per testamentum sibi aliquid derelictum accepit et vindicaverit, et voluerit contra voluntatem defuncti agere, licentiam penitus non habebit.

CAP. 235. — *De eo qui ad lædendam alterius famam, scripturam aut verba contumeliosa confixerit.*

Qui in alterius famam in publico scripturam aut verba contumeliosa confixerit [confixerit], et reperi scripta non probaverit, flagelletur. Et ea qui prius invenerit, rumpat; si non vult auctoris ficti causam incurrere.

CAP. 236. — *De pace servanda. Capitularium lib. iii, cap. 61.*

Latronibus qui magnam habent blasphemiam, quicumque aliquem ex his comprehenderit, nullum damnum exinde patiatur.

CAP. 237. — *De pace et justitia intra patriam servanda.*

De pace et justitia intra patriam, sicut sæpe per alia capitula jussi adimplectum fiat.

CAP. 238. — *De violata immunitate Ecclesiæ. Capit. lib. iv, cap. 43.*

Si quis aut ex levi causa, aut sine causa, hominem in ecclesia interfecerit, de vita componat. Si vero foris rixati fuerint, et unus alterum in ecclesia fugerit, et ibi se defendendo eum interfecerit, et si hujus facti testes non habuerit, cum 12 juratoribus legitimis per sacramentum affirmet se defendendo eum interfecisse, et post hæc 40 sol. ad partem ecclesiæ quam illo homicidio polluerat, et insuper bannum nostrum solvere cogatur. Is vero qui interfector est, absque compositione jaceat. Ac deinde interfector secundum iudicium canonicum congruam facinori quod admisit poenitentiam accipiat. Si proprius servus hoc commiserit, iudicio aquæ ferventis examinetur, utrum hoc sponte, an se defendendo fecisset, et si manus ejus exusta fuerit, interficiatur. Si autem non fuerit, dominus ejus juxta quod wergelt illius est, ad ecclesiam persolvat.

aut eum si voluerit eidem ecclesiæ tradat. De ecclesiastico et fiscalino beneficiario servo volumus ut pro una vice wergeldis ejus pro eo componatur, altera vice ipse servus ad supplicium tradatur. Hæreditas tamen liberi hominis, qui propter tale facinus ad mortem fuerit judicatus, ad legitimos hæredes illius perveniat. Si in atrio ecclesiæ, cujus porta reliquiis sanctorum consecrata est, hujusmodi homicidium perpetratum fuerit, simili modo emendetur, vel componatur. Si vero porta ecclesiæ non est sacrata, eodem modo componatur sicut componi debet quod immunitate violata committitur.

CAP. 239. — Liber homo seu servus quomodo se de furto purgare debeat, cap. 27.

Si liber homo de furto accusatus fuerit, et res proprias habuerit, in mallo ad præsentiam comitis se adhramiat [adharmiat]. Et si res non habet, fidejussores donet, qui eum adhramire [adharmire], et in placitum adduci faciant. Et liceat ei prima vice per sacramentum se secundum legem idoneare, si potuerit, aut si alia vice, duo vel tres eum de furto accusaverint, liceat ei contra unum ex his cum scuto et fuste in campo contendere. Quod si servus de furto accusatus fuerit, dominus ejus pro eo emendet, aut eum sacramento excuset; nisi tale furtum perpetratum habeat, propter quod ad supplicium tradi debeat.

CAP. 240. — Ut injustæ consuetudines noviter illatæ tollantur, cap. 45.

De injustis occasionibus et consuetudinibus noviter institutis, sicut sunt tributa, et telonia in media via, ubi nec aqua, nec palus, nec pons, nec aliquid tale fuerit, unde juste census exigi possit, vel ubi naves subtus pontes transire solent, sive in medio flumine ubi nullum obstaculum est, ut auferantur. Antiqua autem ad nostram notitiam deferantur.

CAP. 241. — Ut forestes novæ dimittantur, cap. 63.

De forestibus nostris, ut ubicunque fuerint, diligentissime inquirent quomodo salvæ sint et defensæ, et ut comitibus denuntient, ne ullam forestem noviter instituant, et ubi noviter institutas sine nostra jussione invenerint, dimittere debeant.

CAP. 242. — De pacto legum.

Communes causas absentibus consortibus alii consortes agere possunt, si illi qui præsentis sunt caveant acceptum esse illis qui absentes sunt, quidquid fuerit judicatum, aut in præsentem fidejussorem dederint, ut omnia quæ definita fuerint implere non differant.

CAP. 243. — Je pervasore finium.

Si quis pervasor finium fuerit approbatus, eo quod priusquam aliquid iudicio finiretur, id quod alter tenuerat invasisset, non solum illud quod male pervasit, amittat, sed ne unusquisque rem alienam occupet, cum fuerit in causa devictus, pervasor juris alieni tantum spatii restituat, quantum præsumpsit invadere.

CAP. 244. — De rebus venalibus.

Cum inter eminentem atque vendentem fuerit res definito pretio comparata, quamvis plus valeat quam ad præsens venditur, hoc tantummodo requirendum est, si nihil fraudis vel violentiæ egit ille qui comparasse probatur; et si voluerit revocare qui vendidit, nullatenus permittatur.

CAP. 245. — Item de eodem.

Prior ordinatio legis fuerat, ut si unus ex consortibus pro quacunque necessitate rem vendere voluisset, extraneus emendi licentiam non haberet, sed hoc melius probatur indultum, ut quicumque de suis rebus libero utatur arbitrio, et prætermisiss consortibus vel propinquis, cui voluerit vendendi liberam habeat potestatem.

CAP. 246. — De dotalibus

Si contigerit ut maritus uxore superstite moriatur, quæcunque a muliere marito in dote data fuerant, ad suum dominium femine revocabunt, nec hæredes defuncti mariti hoc vindicare præsumant.

CAP. 247. — De eo qui capitali objectione pulsatur, lib. IX.

Quicumque alium de homicidii crimine periculosa vel capitali objectione pulsaverit, non prius a iudicibus audiatur quam se similem poenam, cum reo intendit, conscripserit subiturum; et si servos alienos accusandos esse crediderit, se simili inscriptione constringat, futurum ut supplicia innocentum servorum aut poena capitis sui, aut facultatum amissione compenset. Ante inscriptionem nemo efficiatur criminosus, nam inscriptione per ordinem facta, tunc a iudice suscipiendus est reus, et custodiæ cum accusatore tradendus est, ea tamen ratione ut tam accusati quam accusatoris dignitas æstimetur, et unumquemque ante discussionem ita iudex faciat custodire, ut eorum natalis aut dignitas patiantur. Sane ii qui crimina sua in quæstione confessi sunt, de aliis si dicere voluerint, a iudice non credantur, quia jure et legibus constitutum est, ut spontanea professione reus reum non faciat, neque illi de altero credatur, qui se criminosum esse confessus est.

CAP. 248. — De famosis libellis.

Qui famosam chartam ad cujuscunque injuriam et maculam conscripserit, et in secreto vel in publico affixerit, inveniendamque projecerit, illum contra quem proposita est chartula non nocebit, nec famæ ejus aliquid derogabit. Sed si inveniri potuerit qui hujusmodi chartulam fecit, constringatur ut probet quam conscripsit; qui si etiam quæ scripsit probare non potuerit, sustigetur, qui infamare maluit quam accusare.

CAP. 249. — De eo qui per inscriptionem aliquem accusaverit, lib. IX.

Quicumque inscriptione præmissa cujuscunque criminis reum accusare voluerit, ab eo die quo inscripsit intra annum peragat propositas actiones. Qui si distulerit, infamis effectus, honorum suorum quarta parte multabitur.

CAP. 250. — *Ut intra annum criminalia negotia terminentur, cap. 18.*

Judices qui inscriptione præmissa criminalia negotia audire cœperint, a die inscriptionis si inducias aut accusator aut reus petierit, intra annum præstare debent, ut hæc actio intra anni circulum finiatur. Quod si accusator intra annum quæ proposuit probare distulerit, absoluto reo pœnam suscipiat legibus superioribus comprehensam. Quod si talis persona sit ad cujus deformitatem infamia non pertineat, exsilio deputetur. Tamen, si inter accusatorem et reum ita iudice præsentem convenerit, ut pro inscriptione utriusque partis integræ induciæ tribuantur, debet a iudice non negari futurum, ut pars quæ post inducias fuerit superata, districtiori sententia feriat.

CAP. 251. — *Si quem pœnituerit se alium criminaliter accusasse, cap. 20.*

Si quem pœnituerit accusasse criminaliter, et inscriptionem fecisse de eo quod probare non potuerit, si ei cum accusato innocente convenerit, invicem se absolvant. Si vero iudex eum qui accusatus est criminosum esse cognoverit, et inter reum et accusatorem factum per corruptionem consensum, de colludico pœnam excipiat legibus constitutam. Abolitionem invito reo postquam fuerit officii custodiæ traditus, intra dies 30, accusatori petenti dari permittimus, post hoc tempus nisi reus consentiat, censum non esse tribuendam. Si criminis accusator intra dies 30 abolitionem petierit, etiam invito reo a iudice concedatur, et liberi et accusatus, et accusator abscedant. Post 30 vero dies quam accusatus custodiæ fuerit traditus, nisi abolitionem et reus et accusator a iudice petierint, accusatori soli non esse præstandam. Quod si testes exhibiti ad petitionem accusatoris fuerint, et in custodiam missi fuerint, et abolitio præstita penitæque (*sic*) fuerint, sumptus quos fecerunt testes, eis accusator exsolvat. Nam, si testes exhibiti ab accusatore pœnæ subjauerint, etiamsi consentiant partes, abolitio a iudicibus denegetur; sed aut in accusatum si convictus fuerit, aut in accusatorem si non convicerit, legibus sententia iudicis pœnam quam passurus erat reus, accusator excipiat.

CAP. 252. — *Ut iudices præcipientes non sint ad explendam sententiam principis ira dictatam, cap. 30.*

Si princeps cujuscunque gravi accusatione commotus quemquam occidi præceperit, non statim a iudicibus quæ ab irato principe jussa sunt, compleantur, sed 30 dies qui puniri jussus est, reservetur donec pietas dominorum justitiæ amica subveniat.

CAP. 253. — *De eo si alienum animal damnum alicui fecerit. Ex lib. 1 Sententiarum Pauli.*

Si alienum animal cujuscunque damnum intulerit, aut alicujus fructus læserit, dominus ejus aut æstimationem damni reddat, aut ipsum animal tradat; quod etiam de cane similiter est statutum.

CAP. 254. — *Si qualecunque animal ab aliquo irritatum damnum intulerit. Lib. IV.*

Ei qui irritato suo feram bestiam vel quaecunque aliam quadrupedem in se irritaverit, eaque damnum dederit, neque in ejus dominum, neque in custodem actio datur.

CAP. 255. — *Ut fidejussores solutionem debiti æqualiter inter se dividant, lib. V.*

Cum multi fidejussores institerint, etiam si ad solvendum quæ promiserunt probantur idonei, et possint omnes in solidum retineri, tamen restitutio debiti inter eos dividenda est, ut unusquisque id quod eum pro portione sua contigit, exsolvat.

CAP. 256. — *De his qui in contumeliam alicujus scripturam composuerint. Ex libro V.*

B In eos auctores qui famosos libellos in contumeliam alterius proposuerint, extra ordinem usque ad relegationem insulæ vindicatur ista temeritas.

CAP. 257. — *Ne quis iudici convictum inferre præsumat, cap. 11.*

Convictum iudici ab appellatoribus fieri non oportet, alioquin infamia notantur. Confessi delictores pro judicatis habentur; ideoque ex die confessionis tempora solutionis præstituta computantur.

CAP. 258. — *De eo qui legitime vocatus ad iudicem venire noluerit, cap. 16.*

C Quicumque tribus auctoritatibus [actionibus] iudicis conventus, vel tribus edictis ad iudicem fuerit provocatus, aut uno pro omnibus peremptorio, id est quod causam exstinguit, fuerit evocatus et præsentiam suam apud eum iudicem, a quo ei denuntiatum est exhiberi noluerit, adversus eum quasi in contumacem iudicari potest, quinimo nec retractari per appellationem negotia possunt, quoties in contumacem fuerit iudicatum.

CAP. 259. — *De ea qui in iudicio appellare voluerit, cap. 19.*

Si quando dum causa a iudice auditur, sacramentum petente ex litigatoribus uno, alter obtulerit litigator, qui iudicibus appellare voluerit, tunc appellare debet, quando sacramentum offertur, non postquam juratur.

CAP. 260. — *De eo qui præjudicium timens fidejussorem dare noluerit, cap. 30.*

D Si quando inter litigatores de damno præsentia sui fidejussoris contentio est, si aliquis in cautione verborum præjudicium timeat, et propter hoc fidejussorem dare nolit, potest certum aliquid de rebus suis pœnæ causa deponere; sed, si contra eum fuerit iudicatum, et ipse defuerit, perdet quod deposuit.

CAP. 261. — *De personis a quibus non sunt res accipiendæ. Capitularium libro 1, cap. 83.*

Statutum est ut nullus quilibet ecclesiasticus ab his personis res deinceps accipere præsumat, quarum liberi aut propinqui hac inconsulta oblatione possunt rerum propriarum exhæredari. Quod si aliquis deinceps hoc facere tentaverit, synodali vel imperiali sententia modis omnibus feriat.

CAP. 262. — *De mansis uniuscujusque ecclesiae*, A *cap. 85.*

Sancitum est, ut unicuique ecclesiae unus mansus integer absque alio servitio attribuat, et presbyteri in eis constituti non de decimis, neque de oblationibus fidelium, non de domibus, neque de atriis, vel de hortis juxta ecclesiam positis, neque de praescripto manso aliquod servitium faciant, praeter ecclesiasticum, et si aliquid amplius habuerint, inde senioribus suis debitum servitium impendantur.

CAP. 263. — *De villis novis et ecclesiis in eis noviter constitutis*, cap. 86.

Sancitum est de villis novis et ecclesiis in eis noviter constitutis, ut decimae de ipsis villis ad eandem ecclesiam conferantur.

CAP. 264. — *Ne quis sacra vasa in pignus dare praesumat*, cap. 87. B

De sacris vasis ecclesiae quae in pignus a nonnullis in quibusdam locis dari comperimus, inhibendum est ne deinceps a quoquam fieri praesumatur, nisi solummodo necessitate redimendorum captivorum compellente.

CAP. 265. — *De his quae ad causam Dei res suas tradere volunt*, cap. 35.

Qui res suas pro anima sua ad causam Dei tradere voluerit, domi traditionem faciat coram testibus legitimis. Et quae honestae factae sunt traditiones, de quibus nulla est quaestio, stabiles permanant.

CAP. 266. — *De teloniis. Ex III lib. Capitularium*, cap. 12.

Placet nobis ut antiqua et justa telonia a negotiatoribus exigantur, tam de pontibus quam de navigiis seu mercatis. Nova ergo seu injusta ubi vel funes tenduntur, vel cum navibus sub pontibus transitur, seu his similia in quibus nullum adjutorium itinerantibus praestatur, similiter etiam nec de his qui sine negotiandi causa substantiam suam de una domo sua ad aliam, aut ad palatium, aut in exercitum ducunt, telonium nullatenus ab eis exigatur. C

CAP. 267. — *De servo qui damnus quodlibet perpetrat*, cap. 44.

Neminem liceat servum suum propter damnus ab illo cuilibet illatum dimittere, sed juxta qualitatem damni dominus pro illo respondeat, vel eum in compositionem, aut poenam petitori offerat. Si autem D servus perpetrato scelere fugerit, ita ut a domino penitus inveniri non possit, sacramento se dominus ejus excusare studeat, quod hoc suae voluntatis nec conscientiae fuerit, quod servus eius tale facinus commisit.

CAP. 268. — *De bannitione secundum legem ad malum*, cap. 45.

Si quis ad mallum legibus bannitus fuerit, et non venerit, si eum bannitus non tenuerit 15 sol culpabilis judicetur; sic ad secundam et tertiam. Si autem ad quartam venire contempserit, possessio ejus in bannum mittatur, donec veniat, et de re qua interpellatus fuerit, justitiam faciat. Si infra annum non venerit, de rebus ejus quae in bannum missae sunt

rex interrogetur, ut quidquid inde judicaverit, fiat. Prima bannitio super noctes 7, secunda super noctes 14, tertia super noctes 21, quarta super noctes 42 fiat. Similiter et de beneficio hominis, si forte res proprias non habuerit, mittatur in bannum usque dum rex interrogetur.

CAP. 269. — *De hominibus ad mortem judicatis, et postea eis vita concessa, si justitiam quaesierint*, cap. 47.

De illis hominibus qui propter eorum culpas ad mortem judicati fuerint, et postea eis vita fuerit concessa, si ipsi justitiam ab aliis requisierint, aut eis justitiam quaerere voluerint, qualiter inter illos iudicium terminetur. Primo omnium de illis causis pro quibus judicatus fuerat ad mortem, nullam potest facere repetitionem, quia omnes res suae secundum iudicium Francorum in publico fuerunt revocatae. Et si aliquid postmodum, postquam ei vita concessa est, cum justitia acquirere potuerit, in sua libertate teneat et defendat secundum legem; in testimonium autem non suscipiatur, nec inter scabines ad legem iudicandam teneatur. Et si ad sacramentum aliquid iudicatum fuerit quod jurare debeat, si aliquis ipsum sacramentum falsum dicere voluerit, contendant [concedatur].

CAP. 270. — *De non cogendo ad pontem ire causa telonii*, cap. 54.

Ut nullus cogatur ad pontem ire vel ad fluvium transeundum propter telonii causas, quando ille in alio loco compensus [competentius] illud flumen transire potest. Similiter in plano campo, ubi pons nec trajectus est, omnibus praecipimus ut ibi telonium non exigatur.

CAP. 271. — *De nimium blasphemis latronibus*, cap. 61.

De latronibus qui magnam habent blasphemiam, quicumque aliquem ex his comprehenderit, nullum damnus exinde patiatur.

CAP. 272. — *De eo qui domum alienam cujuslibet fregerit*, cap. 65.

Si quis domum alienam cujuslibet infregerit, quidquid exinde per vim abstulerit aut rapuerit, aut furatus fuerit, secundum legem et vadios, illi cujus domus fuerit infracta et spoliata, in triplum componat, et insuper bannum Dominicum solvat. Si servus hoc fecerit, justitiam [sententiam] superiorem accipiat, et insuper, secundum suam legem, compositionem faciat. Si quislibet homo aliquod tale damnus alicui fecerit, pro quo plenam compositionem facere non valeat, semetipsum in wadio pro servo dare studeat, usque dum plenam compositionem adimpleat.

CAP. 273. — *De uxoribus defunctorum quam partem post obitum maritorum de collaboratione accipere debeant*, ex lib. IV, cap. 9.

Volumus ut uxores defunctorum post obitum maritorum tertiam partem collaborationis, quam simul in beneficio collaboraverunt, accipiant. Et de his rebus quas is qui illud beneficium habuit aliunde adduxit vel comparavit, vel ei ab amicis suis colla-

tum est, has volumus tam ad orphanos defunctorum A quam ad uxores eorum pervenire.

CAP. 274. — *De viduis, pupillis, et pauperibus, cap. 15.*

Præcipimus ut quandocunque in mallum ante comitem viduæ, pupilli et pauperes venerint, primo eorum causa audiatur et definiatur. Et, si testes per se ad causas suas quærendas habere non potuerint legemque nescierint, comes illos vel illas adjuvet, dando eis talem hominem qui rationem eorum teneat, vel pro eis loquatur.

CAP. 275. — *De raptu viduarum, cap. 16.*

Qui viduam intra primos 30 dies viduitatis, vel in vitam, vel volentem sibi copulaverit, bannum nostrum, id est 60 sol. in triplo componat; et si invitam eam duxerit, legem suam componat, illa vero ulterius non attingat.

CAP. 276. — *De homine publicam pœnitentiam agente interfecto, cap. 17.*

Qui hominem publicam pœnitentiam agentem interfecerit, bannum nostrum in triplo componat, et wergelt proximis ejus persolvat.

CAP. 277. — *De homine libero ut potestatem habeat, ubicunque voluerit res suas dare, et qualiter hoc facere debeat, cap. 18.*

Si quis res suas pro salute animæ suæ, vel ad aliquem venerabilem locum, vel propinquo suo, aut cuilibet alteri tradere voluerit, eo tempore, quando intra ipsum comitatum fuerit, in quo illæ res positæ sunt, legitimam traditionem facere studeat. Quod si eodem tempore quo illas tradere vult, extra eundem comitatum fuerit, sive in exercitu, sive in palatio, sive in alio quolibet loco, adhibeat sibi, vel de suis pagensibus, vel de aliis qui eadem lege vivant qua ipse vivit, testes idoneos, vel si illos habere non potuerit, tunc de aliis quales sibi meliores invenire possit, et coram eis rerum suarum traditionem faciat. Et postquam hæc traditio ita facta fuerit, hæres illius nullam de prædictis rebus valeat facere repetitionem. Insuper et ipse fidejussorem per se faciat ejusdem investituræ, ne hæredi ulla occasio remaneat hanc traditionem immutandi, sed potius necessitas incumbat illam perficiendi; et si nondum res suas cum hæredibus suis divisas habuit, non ei hoc sit impedimento, sed cohæres ejus, si sponte noluerit, aut per comitem aut per missum ejus distringatur, ut divisionem cum illo faciat ad quem defunctus hæreditatem suam voluit pervenire. Et si cuilibet ecclesiæ eam tradere rogavit, cohæres ejus eam legem cum illa ecclesia de prædicta hæreditate habeat, quam cum alio cohæredes suo habere debuit. Et hoc observetur erga patrem et filium et nepotem usque ad annos legitimos, postea ipsæ res ad immunitatem ipsius ecclesiæ redeant.

CAP. 278. — *De adulteratoribus monetæ, cap. 31.*

Quicumque falsam monetam percussisse probatus fuerit, manus ejus amputetur. Et qui hoc consensit: si liber est, 60 sol. componat: si servus, 60 ictus accipiat.

CAP. 279. — *De terra tributaria, cap. 35.*

Quicumque terram tributariam unde tributum ad partem nostram exire solebat, vel ad ecclesiam, cui-libet alteri tradiderit, is qui eam susceperit, tributum quod inde solvebatur, omni modo ad partem nostram persolvat, nisi forte talem firmitatem de parte Dominica habeat, per quam ipsum tributum sibi per donatum possit ostendere.

CAP. 280. — *De terra censuali, cap. 37.*

Si quis terram censualem habuerit, quam antecessores sui, vel ad aliquam ecclesiam, vel ad villam nostram dederunt, nullatenus eam secundum legem tenere potest, nisi ille voluerit ad cuius potestatem vel illa ecclesia, vel illa villa pertinet, nisi forte filius aut ejus nepos sit qui eam tradiderit, et eadem terra ad tenendum placitata sit. Sed in hac re considerandum est utrum ille qui hanc tenet dives an pauper sit, et utrum aliud beneficium habeat, vel etiam proprium. Et qui horum neutrum habet, circa hunc misericorditer agendum est, ne ex toto dispoliatus in egestatem incidat, aut talem ille censum inde persolvat, qualis ei fuerit constitutus, vel portionem aliquam inde in beneficium accipiat, unde se sustentare valeat.

CAP. 281. — *De debito ad opus Dominicum rewadiato, cap. 56.*

Ut debito, quod ad opus nostrum fuerit rewadiatum, talis consideratio fiat, ut is qui ignoranter peccavit, non totum secundum legem solvere cogatur, sed juxta quod possibile visum est. Is vero qui tantum mala voluntate peccavit, totam legis compositionem cogatur exsolvere.

CAP. 282. — *De eo qui per invidiam, vel per dolum, liberi vel servi domum incenderit. Ex lib. v Capitularium, cap. 351.*

Si quis per aliquam invidiam, vel dolum in nocte vel in die ignem imposuerit, et incenderit liberi vel servi domum, primo omnia ædificia restituat. Et quidquid ibi arserit componat, et insuper 40 solidis sit culpabilis, et publica pœnitentia secundum iudicium sacerdotum multetur. Et quanti homines de ipso incendio evaserint, unicuique secundum legem componat, et omnia quæ ibi perdidit restituat.

CAP. 283. — *Ut si quis servum alienum injuste accusaverit, domino simile mancipium oro hoc factio reddat, cap. 352.*

Si quis servum injuste accusaverit alienum, et innocens tormenta pertulerit, domino simile mancipium pro hoc facto reddat. Si vero innocens in tormentis mortuus est, duos servos ejusdem meriti sine dilatione domino restituat.

CAP. 284. — *De eo qui causam alterius tulerit de loco suo, cap. 340.*

Si quis causam alterius tulerit de loco suo, ipsam illæsam reddat aut similem. Si vero foras aliquam traxerit et absconderit, atque negaverit interrogatus, furtivam componat.

CAP. 285. — *De venditionibus vili pretio vel cum vitio distractis, cap. 352.*

Placuit in venditione hanc formam servari. Ut

seu res, seu mancipia, vel quodlibet genus animalium venundetur, nemo propterea venditionis firmitatem irrumpat, quod dicit se vili pretio vendidisse, sed, postquam factum est negotium, non sit mutatum, nisi forte vitium sibi a venditore celatum invenerit. Si autem venditor dixerit vitium, stet emptio, et non sit mutata. Si autem non dixerit, mutare potest in illa die, et in alia, sive in tertia die. Et si amplius de tribus noctibus illud habuerit, postea non potest mutare, nisi forte eum invenire intra tres dies non poterit, tunc, quando inveniret, recipiat, quia vitium vendidit. Et si noluerit recipere, juret cum suis sacramentalibus, quod vitium ibi nullum sciebat in illa die, quando negotium fecit, et stet factum.

CAP. 286. — *Ut qui arrhas dederit pro quacunque re, pretium reddere compellatur, capitulo 363.*

Qui arrhas dederit pro quacunque re, pretium cogatur implere, quod placuit emptori.

CAP. 287. — *Ut peregrinos transeuntes nemo inquietet, cap. 364.*

Placuit ne peregrinos transeuntes quis inquietare presumat, eisque nocere audeat, quia alii propter dominum, alii propter suas discurrunt necessitates. Quod si aliquis presumptuosus fuerit, qui peregrino nocuerit vel eum assilierit, aut dispoliaverit, laeserit, plagaverit, ligaverit, vendiderit, vel occiderit, ipsi peregrino sigillatim dupliciter, sicut de alio homine solet componi, aut suo seniori vel socio cum sua lege componat. Quod si mortuus fuerit, et senioremi ibi vel socium non habuerit, tunc episcopus aut sacerdotes ejusdem pagi ipsam compositionem in duplo, sicut de indigena distringente iudice accipiant, et in suam eleemosynam illa tribuant, et insuper 60 sol. fisco cogatur persolvere. Et si peregrinum viventem reliquerit, omnem injuriam ei factam, et quidquid illi intulit, dupliciter (ut praedictum est) et per singula illi componat, sicut solet de infra provinciam aliquem componere. Si autem eum occiderit, ut liberum hominem de ipsa provincia, in duplo componat, et ipsa pecunia a memoratis sacerdotibus in sua detur eleemosyna. Quoniam Dominus ait: Peregrinum et advenam non contristabis (Exod. xxii).

CAP. 288. — *De eo qui alicujus quadrupedis unum oculum excusserit, cap. 366.*

Si quis alicujus caballo vel bovi, vel cuilibet de quadrupedibus unum oculum excusserit, appretietur illud pecus quod valet, et partem tertiam componat.

CAP. 289. — *De eo qui jussu regis vel ducis aliquem occiderit, cap. 367.*

Si quis jussione regis vel ducis illius qui ipsam provinciam regit, hominem occiderit, non requiratur ei, nec propterea faidosus sit, quia lex et jussio dominica occidit eum, et ipse non potuit contradicere. Princeps vero et successores ejus defendant eum, et totam progeniem ejus, ne ob hoc pereat, aut malum patiat. Quod si propterea ipse aut ejus progenies aliquid mali passi fuerint, aut occisi, dupliciter componantur

A CAP. 290. — *De eo qui scripturas protulerit, ut veritatem ejus testibus probet, cap. 368.*

Si quis scripturam profert, veritatem ejus testibus probare debet. Quia in omnibus causis constitutum est ut scripturam prolator affirmet.

CAP. 291. — *De asino, bove, ove, omnique jumento, amico ad custodiendum tradito, cap. 23.*

Si quis commendaverit amico asinum, bovem, ovem, et omne jumentum ad custodiam, et mortuum fuerit aut debilitatum, vel captum ab hostibus, nullusque hoc viderit, jusjurandum erit in medium, quod non extenderit manum in rem proximi sui, suscipiatque dominus juramentum, et ille reddere non cogatur. Si furto sublatum fuerit, restituat damnum domino suo. Si comestum a bestia, defera

B rat ad eum quod occisum est, et non restauretur. Qui a proximo suo quidquam horum mutuo postulerit, et debilitatum aut mortuum fuerit, domino non praesente, reddere compellatur. Quod si impraesentiarum dominus fuerit, non restituatur, maxime si conductus venerit pro mercede operis sui.

CAP. 292. — *Qui seduxerit virginem desponsatam, vel dormierit cum ea, cap. 24.*

Si seduxerit quis virginem desponsatam, et dormierit cum ea, dotabit eam et habebit uxorem.

CAP. 293. — *De patre puellae si eam dare noluerit, ut reddat pecuniam juxta morem dotis, cap. 25.*

Si pater noluerit virginem dare, reddat pecuniam juxta morem dotis quam virgines accipere consueverunt.

CAP. 294. — *De eo qui propter Deum furtum confessus fuerit, cap. 38.*

Si propter Deum confessus fuerit homo furtum quod fecit, reddat capitalem et quintam partem desuper ei in quem peccavi.

CAP. 295. — *De his qui fidelium oblationes auferunt, vel vastant, aut sine proprii episcopi jussione dant vel accipiunt, cap. 84.*

Qui fidelium oblationes ab ecclesiis vel a jure sacerdotum auferunt, vel ablatas accipiunt, non solum aliena vota dirumpunt, sed et sacrilegium operantur, nec non et ecclesiae Dei fraudatores existunt. Quia ecclesiae aliquid fraudari, vel auferri, sacrilegium esse a majoribus approbatur.

CAP. 296. — *Ne episcoporum vel reliquorum sacerdotum vita turbetur, cap. 104.*

D Nullis vita praesulum turbetur excessibus, quia valde indignum est ut qui throni Dei vocantur, aliqua motione turbentur, aut inique tractentur. Unde est illud: Qui vos tangit, quasi pupillam oculi mei tangit (Zach. ii); et illud: Qui vos audit me audit, et qui vos spernit me spernit (Luc. x); et rursus: Qui scandalizaverit unum de pusillis istis, melius est illi ut suspendatur mola asinaria in collo ejus, et demergatur in profundum maris (Matth. xviii).

CAP. 297. — *Quod sacrilegium sit auferre quae a principibus concessa sunt ecclesiis, vel quae singuli antistites impetraverunt, et ut clerici non accusentur ad iudices saeculares, sed ad episcopos proprios, cap. 111.*

Quaecunque a singulis regibus circa sacrosanctas

ecclesias sunt constituta, vel singuli quique antistites pro causis ecclesiasticis impetrarunt, sub pœna sacrilegii jugi solidata æternitate serventur. Clerici etiam non sæcularibus iudiciis, sed episcopali audentiæ reserventur; fas enim non est ut divini muneris ministri temporali potestati subdantur.

CAP. 298. — *De his qui ecclesiastica privilegia violant vel dissimulant, cap. 116.*

Si ecclesiæ venerabilis privilegia cujusquam fuerint temeritate violata, vel dissimulatione neglecta, commissum hoc in triplo, juxta legum sanctionem, ecclesiæ cui factum est, componatur, nobisque banus noster in triplo, hoc est ter 40 sol. persolvatur.

CAP. 299. — *Ut socios suos nominet apud quem pars rapinæ fuerit inventa, capitulo 137.*

Apud quem scelus agnoscitur, et pars rapinæ fuerit inventa, statim socios suos nominare cogatur. Quod si nominare noluerit, teneatur ad vindictam.

CAP. 300. — *Contra priorum definitionem filio vel hæredi non licere venire, cap. 150.*

Filio vel hæredi contra priorum justam aut legitimam definitionem venire non liceat, quia juste repellitur præsumptio illius qui facta seniorum injuste conatur irrumperere.

CAP. 301. — *De his qui furibus conscii fuerint, cap. 160.*

Non solum ille qui furtum fecerit, sed etiam et quicumque conscius fuerit, vel furto ablata sciens susceperit, in numero furantium habeatur, et simili vindictæ subiaceat.

CAP. 302. — *De eo qui filios non habuerit, et in eorum locum alium sibi hæredem facere voluerit, cap. 212.*

Qui filios non habuerit, et alium quemlibet hæredem sibi facere voluerit, coram rege, vel coram comite et scabinis, vel missis dominicis qui ab eo ad justitias faciendas in provincia fuerint ordinati, traditionem faciat.

CAP. 303. — *De fugitivis et peregrinis, ut dstringantur, cap. 222.*

De fugitivis ac peregrinis ut dstringantur, ut scire possimus qui sint, aut unde venerunt.

CAP. 304. — *De armillis et brunniis negotiatoribus non dandis, cap. 223.*

Ut armillæ et brunniæ non dentur negotiatoribus.

CAP. 305. — *Ne quis præsumat hominem sine causa ad iudicium mittere, cap. 228.*

Ut nullus præsumat hominem ad iudicium mittere sine causa, nisi iudicatum fiat.

CAP. 306. — *Ut nullus præsumat telonium rodaticum vel pulveraticum recipere, cap. 243.*

Ut nullus homo præsumat telonium per vias vel per villas rodaticum, nec pulveraticum recipere.

CAP. 307. — *De eo cui non recte iudicatur, cap. 253.*

Ut si aliquis voluerit dicere quod juste ei non iudicetur, tunc in præsentiam nostram veniat, aliter vero non præsumat in præsentiam nostram venire pro alterius justitia dilatanda.

CAP. 308. — *Ne aliquis ab ignoto homine equum, bovem, vel aliud animal emat, cap. 294.*

Ut nullus comparet caballum, bovem, aut jumen-

tum, vel aliud animal, nisi illum hominem cognoscat qui eum vendidit, et de quo est, et ubi manet, et quis est ejus senior.

CAP. 309. — *De episcopo qui ab aliquo impetitur, ut si ipse quæstionem aliquam retulerit, per episcopos iudices causa terminetur, cap. 309.*

Si quis episcopus a quoquam impetitur, vel ille aliquam quæstionem retulerit, per episcopos iudices causa finiatur, sive quos eis primates dederint, sive quos ipsi vicinos ex consensu delegerint.

CAP. 310. — *Si possessor per violentiam expellatur, cap. 354.*

Quicumque violenter expulerit possidentem priusquam pro ipso iudicis sententia procedat, si causam meliorem habuerit, ipsam causam de qua agitur perdat. Ille vero qui violentiam perulit, universa in statu quo fuerant recipiat, et quæ possedit securus teneat. Si vero illud invadit quod per iudicium obtinere potuit, et causam amittat, et aliud tantum quantum invasis reddat expulso.

CAP. 311. — *Si ad diripiendum quisque alios invitasse reperitur, cap. 353.*

Si quis ad diripiendum alios invitaverit, ut cujuscunque rem evertat, aut pecora vel animalia quæcunque diripiat, illi cujus res direpta est in septuplum quæsublata sunt restituat; si vero qui cum ipso fuerint, ingenui sint, quinos solidos componere compellantur. Aut, si non habuerint unde componant, 150 flagella suscipiant. Si vero servi hoc sine domini voluntate commiserint, centenis quinquagenis flagellis verberentur, et ab eis res omnes integro in statu reddantur.

CAP. 312. — *Ut iudicandus si ita maluerit, ad episcopale iudicium dirigatur, et quidquid episcoporum fuerit sententia definitum, immobile permaneat, et ut unius etiam episcopi testimonium ratum sit, cap. 366.*

Quicumque litem habens sive possessor sive petitor fuerit, vel in initio litis, vel decursis temporum curriculis, sive cum negotium peroratur, sive cum jam cœperit promi sententia, si iudicium elegerit sacrosanctæ legis antistitis, illico sine aliqua dubitatione, etiamsi alia pars refragatur, ad episcoporum iudicium cum sermone litigantium dirigatur. Multa enim, quæ in iudicio captione præscriptionis vincula promi non patiuntur, investigat et promit sacrosanctæ religionis auctoritas. Omnes itaque causæ quæ vel prætorio jure vel civili tractantur, episcoporum sententiis terminatæ, perpetuo stabilitatis jure firmentur. Nec liceat ulterius retractari negotium quod episcoporum sententiis deciderit. Testimonium etiam ab uno, licet episcopo, perhibitum, omnes iudices indubitanter accipiant, nec alius audiatur, cum testimonium episcopi a qualibet parte fuerit repromissum. Illud est enim veritatis auctoritate firmatum, illud incorruptum, quod a sacrosancto homine conscientia mentis illibatæ protulerit. Hoc nos edicto salubri aliquando censuimus, hoc perpetua lege firmamus, malitiosa litium semina comprimentes.

CAP. 313. — *Ex libro legum Theodosii tertio, cap. XII, de incestis, cap. 410.*

Quod incesti non sint legitimi hæredes, sed infamia sint notatæ utræque personæ.

CAP. 314. — *Ut ita valeat commutatio, sicut et emptio, cap. 417.*

Commutatio si non fuerit per vim et metum extorta, talem qualem et emptio habeat firmitatem.

CAP. 315. — *De homicidis, maleficis, veneficis, convictis, appellare volentibus non audiendis, ex lib. VII, cap. 181.*

In civilibus causis vel levioribus criminibus legibus dilatio præstanda est. Homicidæ, adulteri, venefici, convicti, si appellare voluerint, non audiuntur.

CAP. 316. — *De causis in judicio convincendis, et de sententia adversus absentes infirmanda, et de causis in judicio non revolvendis, et ut absentes non damnentur, et quod absentes per alium nec accusare nec accusari possint cap. 204.*

Convinci nemo potest in judicio sine testibus aut scriptura. Sententia, absente parte alia, a iudice data, nullam obtinet firmitatem. Causa inter præsentis iudicata, post decedendum revolvitur, non potest, nec inter absentes post vicendum. In causa capitali absens nemo damnatur, neque absens per alium accusatorem accusari potest.

CAP. 317. — *Ut ea quæ ad perpetuam utilitatem sunt instituta, inconversa permaneant, cap. 227.*

Quæ ad perpetuam utilitatem sunt instituta, nulla commutatione variantur. Nec ad privatum trahantur commodum, quæ ad bonum sunt commune præfixa. Et manentibus terminis quos statuerunt patres, nemo damnatur alienum, sed intra fines proprios atque legitimos, prout quis voluerit, in latitudine se charitatis exerceat.

CAP. 318. — *De iudicibus contra legem iudicantibus, et legem audire nolentibus, cap. 249.*

Quicumque iudex oblatas sibi in iudicio leges vel juris species audire noluerit, et contra eas iudicaverit, ex hac re convictus, in carcerem deportetur.

CAP. 319. — *Quod de criminibus definitis non liceat postmodum movere certamen, cap. 291.*

De his criminibus de quibus absolutus est, ab eo qui accusavit refricari accusatio non potest.

CAP. 320. — *De tenendis ad solutionem qui debitum promittunt, cap. 297.*

Si quis pro alterius debito se pecuniam promiserit reddituram, ad solutionem statutæ promissionis est retinendus.

CAP. 321. — *De his qui ad vendendum alterius rem acceperint, quid agendum sit, cap. 298.*

Si facta pretio rem vendendam aliquis cuicumque tradiderit, et dum ab eo vendenda profertur, quacumque occasione perierit, ei perit qui eam dederat distrahendam. Cæterum, si rem acceptam, non rogante domino, sed promittente eo qui accepit,

dum vellet venundare, perdidit, sibi rei perditæ ingerit detrimentum.

CAP. 322. — *De his qui aliis aliquid debent, et ipsis ab eis aliquid debetur, ut in solutionem computentur, cap. 303.*

Si quis debeat alicui solidos decem, et ille qui debet de quacunque ratione debeantur illi a creditore suo solidi quinque, et veniat creditor, totos decem solidos a debitore petat; si probaverit ille debitor sibi ab eo quinque solidos deberi quare illum solidum pro totis decem solidis convenit, causam perdit qui noluit debitum compensare. Similis ratio est de frumento, vel de aliis speciebus.

CAP. 323. — *De his qui filiosfamilias aliquid commodaverint quid agendum sit, cap. 304.*

Qui filiosfamilias contra interdicta legum in scio patre pecuniam commodavit, eam nec vivente nec mortuo patre ab eodem poterit postulare.

CAP. 324. — *De pervasoribus finium priusquam causa iudicio terminetur, cap. 425.*

Si pervasor finium fuerit approbatus, eo quod priusquam aliquid iudicio terminetur, id quod alter tenuerat invasisse, non solum illud quod male præsumpserit amittat; sed ne unusquisque rem alienam occupet, eum fuerit in causa devictus pervasor juris alieni, tantum spatii restituat quantum præsumpserit invadere.

CAP. 325. — *Quod non solum qui furtum fecerint, sed et qui ad hoc perficiendum adiutorium aut consilium dederint, furti actione sunt tenendi, cap. 340.*

Non tantum qui furtum fecerint, sed etiam is cuius opere aut consilio furtum factum fuerit, furti actione tenebitur.

CAP. 326. — *Qui sint agnati, et qui sint cognati, cap. 341.*

Agnati sunt, qui per virilem sexum descendunt. Cognati autem per femineum. Et ideo patrum vel patruorum filii agnati sunt, et non cognati; avunculi vero et avunculorum filii, cognati sunt et non agnati.

CAP. 327. — *De his qui domos effregerint, vel villas expoliaverint, aut expugnaverint, vel rapinas fecerint, quid agendum sit, cap. 343.*

Si quis ædes aliquas villasve expoliaverint, effregerint, expugnaverint, vel rapinas fecerint, si quidem id turba cum telis coacta fecerint, capite puniantur. Telorum autem appellatione omnia ex quibus saluti hominis noceri possit accipientur.

CAP. 328. — *De his qui latrones vel reliquos malefactores susceperint, cap. 344.*

Receptores aggressorum, itemque latronum, eadem poena afficiuntur qua ipsi latrones. Sublatis enim susceptoribus grassantium cupido quiescit.

CAP. 329. — *De his qui incendium fecerint, cap. 345.*

Si aliquis malitiæ studio incendium miserit, de hoc crimine convictus poenis gravissimis iubetur interfici. Quod si per negligentiam factum incendium comprobatur, damnum quod cuicumque illatum fue-

rit, resque quæ incendio perierit, duplici satisfactione A sarciatur.

CAP. 330. — *Quod hi, qui pro injuria mediocri damna subire compelluntur, infames efficiantur, cap. 333.*

Qui pro injuria mediocri æstimatæ injuriæ damna subire compellitur, quamvis civiliter videatur addictus, tamen infamis efficitur.

CAP. 331. — *De his qui res alienas violenter occupant, quidquid ibi perditum vel alienatum fuerit, eis quibus competeant pleniter restaurent, cap. 345*

Si ex rebus quas violenter aliquis occupavit, quælibet sub quacunque occasione perierint aut arserint, vel servi violenter occupati mortui fuerint, qualibet fraude illius qui occupavit id quod perit factum non videatur, tamen ab ipso quæcunque perierint reddenda sunt, qui rem juris alieni violenter visus est occupasse.

CAP. 332. — *De familiaribus, vel hominibus tam liberis quam servis dominum accusantibus, vel secreta ejus prodentibus, quid agendum sit, cap. 440.*

Si quis ex familiaribus vel ex servis cujuslibet domus, cujuscunque criminis delator atque accusator emerit, ejus existimationem, caput atque fortunas petiturus cujus familiaritati vel dominio inhæserit, ante exhibitionem testium, ante examinatum judicium, in ipsa expositione criminum atque accusationis exordio ultore gladio feriatur. Vocem enim funestam potius intercidi quam audiri oportet. Eorum vero accusandi sacerdotes vel testificandi in eos os obstruimus, quos non humanis, sed divinis vocibus mortuos esse scimus.

CAP. 333. — *De causis definitis minime renovandis, cap. 450.*

Flagitari judicium non debet de causa quæ definita, vel judicata est.

CAP. 334. — *De eo qui post veritatem repertam aliquid deinceps discutit, cap. 370.*

Quisquis enim post veritatem repertam aliquid ulterius discutit, mendacium quærit. Idcirco ab omnibus caute agendum est.

CAP. 335. — *De his qui servorum matrimonia dirimunt, cap. 472.*

Dictum nobis est quod quidam legitima servorum matrimonia potestativa quadam præsumptione dirimant, non attendentes illud evangelicum: *Quod Deus conjunxit, homo non separet* (Matth. xix; Marc. x). Unde nobis visum est ut conjugia servorum non dirimantur, etiamsi diversos dominos habeant, sed in uno conjugio permanentes dominis suis serviant. Et hoc in illis observandum est, ubi legalis conjunctio fuit, et per voluntatem dominorum.

CAP. 336. — *De his qui ex industria peccant, cap. 375.*

Sed nec hoc prætereundum putamus, quod quidam ex industria peccantes propter eleemosynarum largitionem quamdam sibi promittunt impunitatem,

A Eleemosyna enim exstinguit peccata, juxta illud: *Ardentem ignem exstinguit aqua, et eleemosyna exstinguit peccata* (Eccl. iii); sed ea quæ aut necessitate, aut casu, aut qualibet sunt fragilitate. Ea vero quæ ex industria ad cujuslibet libidinem explendam idcirco sunt ut eleemosynis redimantur, nequaquam eis redimi possunt. Quia, qui hoc perpetrant, videntur Deum mercede conducere, ut eis impune peccare liceat. Non ergo idcirco quis peccare debet ut eleemosynam faciat, sed ideo eleemosynam facere debet, quia peccavit. Mentem enim et corpus quæ libido traxit ad culpam, afflictio et contritio debet reducere ad veniam.

CAP. 337. — *Ut comites et judices viles personas non admittant ad testimonium, cap. 374*

B Summopere admonendi sunt comites et judices ne viles et indignas personas coram se permittant ad testimonium accedere, quoniam multi sunt qui perjurare pro nihilo ducunt, in tantum ut pro unius diei satietate, aut pro quolibet parvo pretio ad juramentum conduci possint, animas suas perjurio perdere minime formidant. Quamobrem tales nequaquam ad quodlibet testimonium admittendi sunt. Et hoc notandum quod non solum illi qui perjurant, sed etiam qui perjuris consentiunt, simili plectendi sunt damnatione.

CAP. 338. — *De eo qui decimam dare neglexerit ecclesiæ cujus esse debet, alterique ecclesiæ eandem dederit, cap. 377.*

C Quicumque decimam abstrahit de ecclesia ad quam per justitiam dari debet, et eam præsumptuose, vel propter munera aut amicitiam vel aliam quamlibet occasionem ad alteram ecclesiam dederit, a comite vel a misso nostro distringatur, ut ejusdem decimæ quantitatem cum sua lege restituat.

CAP. 339. — *De malis scabinis ejiciendis, cap. 378.*

Ut missi nostri ubicunque malos scabinosveniunt ejiciant, et totius populi consensu in loco eorum bonos eligant, et cum electi fuerint, jurare faciunt ut scienter injuste judicare non debeant.

CAP. 340. — *De melioribus et veracioribus eligendis, cap. 379.*

Ut omni comitatu hi qui meliores et veraciores inveniri possunt eligantur a missis nostris ad inquisitiones faciendas et rei veritatem dicendam, et adjutores comitum sint ad justitias faciendas.

CAP. 341. — *De scabinis qui propter munera aut amicitiam injuste judicaverint, cap. 380.*

Volumus ut quicumque de scabinis deprehensus fuerit propter munera aut propter amicitiam vel inimicitiam injuste judicasse, per fidejussores missus ad presentiam nostram veniat. De cætero omnibus scabinis denuntietur, ne quis deinceps etiam justum judicium vendere præsumat.

CAP. 342. — *De eo qui res alienas malo ingenio emptas filio suo aut cuilibet personæ legitimos annos non habenti tradiderit, cap. 381.*

Quicumque res alienas cuilibet homini venderit, et ipse homo easdem res comparatas habet per malum ingenium, proprio filio aut alteri cuilibet, nec-

Jum legitimos annos habenti, justitiæ tollendæ causa tradiderit, volumus atque firmiter præcipimus ut, si pater ejusdem parvuli vixerit, ipse intret in causam rationem reddendi pro filio suo. Si autem ipse pater mortuus est, tunc legitimus ejus propinquus, qui juste ei tutor, aut defensor esse videtur, pro ipso rationem reddere compellatur. Similiter de aliis omnibus justitiis ad eum pertinentibus, excepta sua legitima hæreditate quæ ei per successionem parentum suorum legitime evenire debuit. Quod si quis hanc nostram jussionem contempserit vel neglexerit, sicut de cæteris contempторibus, ita de eo agatur. Is vero qui easdem res primus invasit, nec non et emptores excepta sola persona parvuli, hoc quod fraudulenter admiserunt intra patriam emendare cogantur, et postea sicut contemptores jussionis nostræ sub fidejussoribus ad nostram præsentiam venire compellantur.

CAP. 343. — *De eo qui de objectis se expurgar noluerit, cap. 382.*

Probat illa vera esse, quæ adversum se dicta sunt, qui ad ea confutanda minime vult adesse. Unde in sæcularibus legibus invenitur scriptum: Injuste victus infra tres menses reparet causam, quod si facere neglexerit, sententia quæ adversum eum collata fuerit perseveret. Et ne sit vobis contrarium, vel etiam ne miremini quod de sæcularibus legibus locutus sum in nostro judicio, quia ecclesiasticæ leges et divinæ eas recipiunt.

CAP. 344. — *Ut quos regia potestas in gratiam receperit, his etiam minores potestates communicent, cap. 385.*

Si quos culpatorum regia potestas aut in gratiam benignitatis receperit, aut mensæ suæ participes effecerit, hos etiam sacerdotum et populorum conventus suscipere in ecclesiastica communione debet, et quod principalis pietas recipit, nec a sacerdotibus Dei extraneum habeatur.

CAP. 345. — *Ut sæculari potentia compescantur qui monitis sacerdotum obedire contemnunt. Libelli secundi xl, cap. 384.*

Qui sacerdotum admonitionibus nolunt obedire, volentes in suis criminibus perdurare, oportet eos per disciplinam sæcularis potentie a tam prava coerceri consuetudine.

CAP. 346. — *De hominibus impari conditione conjugatis, cap. 16.*

Homines liberi qui uxores fiscalinas regias, et feminæ liberæ quæ fiscalinos regios accipiunt, nec de hæreditate parentum, nec de causa quærenda, nec de testimonio pro hac re abjiciantur.

CAP. 347. — *De eo qui latroni dederit mansionem, cap. 25.*

Quicumque latroni mansionem dederit, si Francus, cum duodecim similibus Francis juret quod ipse latronem eum fuisse non scisset. Si jurare non poterit, quasi latro judicetur.

CAP. 348. — *De rixantibus, si alter eorum a quo modo percussus lecto decubuerit.*

Si rixati fuerint viri, et percusserit alter proximum suum lapide vel pugno, et ille mortuus non

fuerit, et jacuerit in lecto, si surrexerit et ambulaverit foris super baculum suum, innocens erit, ita tamen ut operas et impensas ejus in medicis restituat.

CAP. 349. — *Si in apertam negligenter cisternam quoddam ceciderit jumentum, cap. 16.*

Si quis aperuerit cisternam et foderit, et non operuerit eam, cecideritque bos vel asinus in eam, dominus cisternæ reddet pretium; quod autem mortuum est, ipsius erit.

CAP. 350. — *Si bos alienus bovem alterius vulneraverit, domino sciente vitiosum esse bovem suum, cap. 17.*

Si bos alienus bovem alterius vulneraverit, et ille mortuus fuerit, vendent bovem vivum, et dividunt pretium et cadaver. Si vero sciebat dominus ejus quod bos vitiosus erat, et noluit eum custodire, reddat bovem pro bove, et cadaver integrum accipiat

CAP. 351. — *De eo qui furatus fuerit ovem aut bovem, cap. 18.*

Qui furatus fuerit bovem, aut ovem, quinque boves pro uno restituat, et quatuor oves pro una.

CAP. 352. — *De fure, si inter furandum occisus fuerit, cap. 19.*

Si effregerit fur domum, sive suffodiens fuerit inventus, et accepto vulnere mortuus fuerit, percussor non erit reus sanguinis. Quod si orto sole hoc fecerit, homicidium perpetravit.

CAP. 353. — *De eo qui lædit agrum vel vineam, et sinit jumentum suum aliena depascere, cap. 20.*

Si læserit quispiam agrum vel vineam, et dimiserit jumentum suum ut depascatur aliena, quidquid optimum habuerit in agro vel in vinea, pro damni æstimatione restituat.

CAP. 354. — *De eo qui ignem accendit per quem alicui damnum evenit, cap. 21.*

Si egressus ignis invenerit spicas, et comprehenderit acervos frugum, sive stantes segetes in agris, reddat damnum qui ignem succenderit.

CAP. 355. — *Vindicta in advocatum cupidum, cap. 57.*

Si advocatus in causa suscepta iniqua cupiditate fuerit repertus, a conventu honestorum, judiciorumque communione separetur, et videant ne iudicis, et assertoris personam accipiat.

D CAP. 356. — *Pæna servi delatoris domini sui, cap. 177*

Servus si super dominum suum fuerit delator, etiam si objecta probaverit, puniatur.

CAP. 357. — *Omnes qui sunt anathema ne publicam habeant vocem, cap. 215.*

Omnium anathematum vox in accusatione vel testimonio, aut humano judicio plenius non audiat.

CAP. 358. — *Ut fures et malefactores idoneis testibus convicti secundum legem moriantur, cap. 257.*

De furibus et malefactoribus, decrevimus observari ut si quinque aut septem bonæ fidei homines absque inimicitia præposita criminosum cum sacra-

menti interpositione esse dixerint, sicut contra legem fecit, sic secundum legem moriatur

CAP. 359. — *Ne quis debitorem teneat contempto fidejussore, cap. 334.*

Si quis contempto fidejussore debitorem suum tenere maluerit, fidejussor ut hæres ejus a fidejussione liberatur.

CAP. 360. — *De consciis alienorum peccatorum, cap. 336.*

Peccatorum alienorum conscii nisi emendationis et salutis causa prodiderint, delinquant.

CAP. 361. — *Ut contra extraneos parentela aut propinquitas testimonium minime dicat, cap. 348.*

Fratres, sorores, uterini, patrui, avunculi, mater-

A teræ, seu eorum filii, item nepotes, neptes, consobrini, vel amitini, seu etiam quidam ex propria consanguinitate in judicio adversus extraneos testimonium dicere non permittimus, nisi forsitan parentes ejusdem cognationis inter se litem habuerint, aut in causa de qua agitur aliam omnino ingenuitatem deesse constiterit.

CAP. 362. — *Quod ea quæ Domino consecrantur, ad jus ecclesiasticum pertineant, cap. 594.*

Ea quæ Domino offeruntur vel consecrantur ad jus pertinent sacerdotum. Et sacrilegi sunt omnes qui ea auferunt, vel in aliud transferunt.

DECRETI PARS DECIMA SEPTIMA

Continens speculativas sanctorum Patrum sententias de fide, spe et charitate.

CAP. 1. — *Quanta sit dignitas conditionis humanæ, et ne quis ab ea servili conditione degeneret (Aug. tr. act. de primi hominis creatione, tom. IX).*

Tanta dignitas humanæ conditionis esse dignoscitur, ut non solum jubentis sermone, ut alia sex dierum opera, sed consilio sanctæ Trinitatis, et opera divinæ majestatis creatus sit homo, ut ex primo conditionis honore intelligeret quantum suo Conditori deberet, dum tantum in conditione mox dignitatis privilegium præstitit ei Conditor ut tanto ardentius amaret Conditorum, quanto mirabilius se ab eo conditum intelligeret. *Faciamus, inquit, hominem ad imaginem et similitudinem nostram (Gen. 1).* Nec ob hoc solum quod sanctæ Trinitatis consilio sic ab excellentia Conditoris conditus sit [sit excellenter a Conditore conditus], sed etiam quod ad imaginem et similitudinem suam ipse Creator omnium eum creavit, quod nulli alii ex creaturis donavit. Quæ imago diligentius interioris hominis nobilitate est consideranda. Primo siquidem, ut sicut Deus semper ubique totus est, omnia vivificans, movens, et gubernans, sicut Apostolus confirmat dicens quod *in eo vivimus, movemur, et sumus (Act. xvii)*, sic anima in suo corpore ubique tota viget, vivificans illud, movens et gubernans. Neque enim in majoribus sui corporis membris major est, in minoribus minor; sed in minimis tota, et in maximis tota. Et hæc est imago unitatis omnipotentis Dei, quam anima habet in se, quæ quoque quandam sanctæ Trinitatis habet similitudinem. Primo in eo, quia sicut Deus est, vivit et sapit, ita anima secundum suum modum est, vivit et sapit. Est quoque et alia Trinitatis similitudo in ea qua ad imaginem sui Conditoris perfectæ quidem et summæ Trinitatis, quæ est in Patre, et Filio et Spiritu sancto condita est. Et licet unius sit illa naturæ,

B tres tamen in se dignitates habet, id est, intellectum, voluntatem, memoriam. Quod idem licet aliis verbis, in Evangelio designatur, cum dicitur: *Diliges Dominum Deum tuum ex toto corde tuo, et ex tota anima tua, et ex tota mente tua (Matth. xxii)*, id est, ex toto intellectu, et ex tota voluntate, et ex tota memoria. Nam sicut ex Patre generatur Filius, ex Patre et Filio procedit Spiritus sanctus, ita per intellectum generatur voluntas, et ex his item ambobus procedit memoria, sicut facile a sapiente quolibet intelligi potest. Nec enim anima perfecta potest esse sine his tribus, nec horum trium perfecta potest esse sine his tribus, nec horum trium unum aliquid, quantum ad suam pertinet beatitudinem, sine aliis duobus integrum constat. Et sicut Deus Pater, Deus Filius, Deus Spiritus sanctus, non tres dii, sed unus est Deus, tres habens personas, ita et anima intellectus, anima voluntas, anima memoria, non tamen tres animæ in uno corpore, sed una anima tres habens dignitates, atque in his tribus ejus imaginem mirabiliter gerit in sua naturæ noster interior homo, ex quibus quasi excellentioribus animæ dignitatibus jubemur diligere Conditorum, ut quantum intelligitur, diligatur; et quatenus diligitur semper in memoria habeatur. Nec solum sufficit de eo intellectus, nisi fiat voluntas in amore; nec duo hæc sufficiunt, nisi memoria addatur, qua semper in mente intelligentis et diligentis maneat Deus, sic ut nullum possit esse momentum, quo præsentem eum non habeat memoria. Et hæc de imagine habeto. Nunc vero de similitudine aliqua intellige, quæ in moribus cernenda est, ut sicut Deus creator, qui hominem ad similitudinem suam creavit charitas est, et bonus est, et justus, patiens, mundus, et misericors [multum et misericors], et cætera virtutum insignia quæ de eo leguntur, ita homo creatus est, ut virtutes easdem haberet, quas

quanto plus quisque in semetipso habet, tanto propinquior est Deo, et majorem sui Conditoris gerit similitudinem. Quando vadit aliquis per devia vitiorum et divortia criminum, ab hac nobilissima sui Conditoris similitudine degeat obrerat; tunc fiet de eo quod scriptum est: *Et homo cum in honore esset non intellexit, comparatus est jumentis insipientibus, et similis factus est illis (Psal. XLVIII)*. Quis major honor potuit homini esse quam ut ad similitudinem sui Conditoris conderetur, et eisdem virtutum vestimentis ornaretur quibus et Conditor? [Ita nullum debet esse momentum, quo homo utens Dei bonitate et misericordia, non sit memor ejus (133)] de quo scriptum est: *Dominus regnavit, decorem indutus est (Psal. XCII)*, id est, omnium virtutum et totius bonitatis decore ornatus. Sed quod majus homini potest esse dedecus, aut infelicior miseria, quam ut hac similitudinis gloria Dei conditoris amissa, ad informem et irrationabilem brutorum jumentorum dilabatur similitudinem? Quapropter quisque diligentius primæ conditionis suæ excellentiam, et verendam sanctæ Trinitatis in seipso imaginem agnoscat, honoremque similitudinis divinæ ad quam creatus est, nobilitate morum, exercitio virtutum, dignitate meritorum habere contendat, ut quando apparebit qualis sit, similis ei appareat, qui se mirabiliter ad similitudinem suam in primo Adam condidit, mirabilisque in secundo reformavit.

CAP. 2. — *Quod anima cum sit incorporea corporis tamen possit habere similitudinem. Augustinus ad litteram (de Gen. lib. XII, c. 33).*

Animam vero non esse corpoream, non me putare, sed plane scire, audeo profiteri; tamen habere posse corporis et corporalium omnino membrorum similitudinem quisquis negat potest negare animam quæ in somnis videt vel ambulare se, vel sedere, vel hac atque illac egressu, aut etiam volatu ferri ac referri, quod sine quadam similitudine corporis non fit. Proinde si hanc similitudinem etiam apud inferos gerit, non corpoream, sed corpori similem, ita etiam in locis videtur esse non corporalibus, sed corporalium similibus, sive in requie, sive in doloribus. Quanquam et illud me nondum invenisse confiteor, inferos appellatos, ubi justorum animæ requiescunt. Et Christi quidem animam venisse usque ad ea loca in quibus cruciantur peccatores, ut eos solveret a tormentis, quos esse solvendo occulta sua nobis justitia judicabat, non immerito creditur.

CAP. 3. — *Quod etiam Christus secundum carnem fuit in lumbis Abraham quando Levi decimatus est. Augustinus (ibid. lib., x, c. 20).*

Me non parum movet, quamvis nullius hominis anima sit in lumbis patris sui, secundum carnem tamen in lumbis Abraham constitutum Levi decimatum (*Hebr. VII*), et ibi constitutum secundum carnem Christum non decimatum. Secundum rationem quippe illam seminalem ibi fuit Levi, qua ratione per concubitum venturus erat in matrem, secundum

A quam rationem non ibi erat Christi caro, quamvis secundum ipsam ibi fuerit Mariæ caro. Quapropter nec Levi nec Christus in lumbis Abraham secundum animam, secundum carnem vero, et Levi et Christus. Sed Levi secundum concupiscentiam carnalem, Christus autem secundum solam substantiam corporalem. Cum enim sit in semine et visibilis corpulentia, et invisibilis ratio, utrumque concurrit [concurrit] ex Abraham, vel etiam ex ipso Adam usque ad corpus Mariæ, quod [quia] et ipsum eo modo conceptum et exortum est; Christus autem visibilem carnis substantiam de carne virginis sumpsit. Ratio vero conceptionis ejus non a semine virili, sed de longe aliter ac desuper venit. Proinde secundum hoc quod de matre accepit, etiam in [de]

B lumbis Abraham fuit. Ille est ergo decimatus in Abraham, qui licet secundum carnem tantum, sic tamen fuit in lumbis ejus, quemadmodum in sui patris etiam ipse Abraham, id est qui est sic natus de patre Abraham, quemadmodum de suo patre natus est Abraham, per *legem scilicet in membris repugnantem legi mentis (Rom. VII)*, et invisibilem concupiscentiam, quamvis eam casta et bona jura nuptiarum non sinant valere, nisi quantum ex ea possunt generi substituendo prospicere. Non autem et ille ibi decimatus est, cujus caro inde non fervorem vulneris, sed materiam medicaminis traxit. Nam cum ipsa decimatio ad præfigurandam medicinam pertineret, illud in Abraham carne decimabatur quod curabatur, non illud unde curabatur. Eadem namque

C que caro non Abraham tantum, sed ipsius patrii, terrenique hominis simul habebat et vulnus prævaricationis, et medicamentum vulneris. Vulnus prævaricationis in lege membrorum repugnante legi mentis, quæ per omnem inde propagatam carnem seminali ratione quasi transcribitur. Medicamentum autem vulneris in eo quod inde sine opere concupiscentiali in sola materie corporali per divinam conceptionis formationisque rationem de virgine assumptum est, propter mortis sine iniquitate consortium, et sine falsitate resurrectionis exemplum.

CAP. 4. — *Quod omnia peccata in baptismo deleantur. Aug. in Enchiridio (cap. 42, 43, 44).*

D A parvulo enim recens nato usque ad æcepitum senem, sicut nullus est prohibendus a baptismo, ita nullus est qui non peccato moriatur in baptismo. Sed parvuli tantum originali, majores autem etiam his omnibus moriuntur peccatis, quæcunque male vivendo addiderunt ad illud quod nascendo traxerunt. Sed ideo etiam ipsi peccato mori plerumque dicuntur, cum procul dubio non uni, sed multis peccatis omnibusque moriantur, quæcunque jam propria commiserunt, vel cogitatione, vel locutione, vel opere. Quia etiam per singularem numerum pluralis numerus significari solet, sicut ait ille:

Uterumque armato milite complent,

VIRG., II *Æneid.*, vers. 28

(133) Hæc in Aug. non leguntur.

quamvis hoc multis militibus fecerint. Et in nostris litteris legitur : *Ora ergo ut auferat a nobis serpentem (Num. xxi)*. Non ait serpentes, quos patiebatur populus, ut hoc diceret et innumerabilia talia. Cum ergo et illud originale unum alio [plurali] numero significatur, quando dicitur in remissionem peccatorum baptizari parvulos, nec dicimus in remissionem peccati, illa contraria locutio est, qua per pluralem locutionem significatur numerus singularis, sicut in Evangelio de Herode mortuo dictum est : *Mortui sunt enim qui quærebant animam pueri (Math. ii)*. Non dictum est, mortuus est. Et in Exodo : *Fecerunt, inquit, sibi deos aureos (Exod. xxxii)*, cum unum vitulum fecerint tantum, de quo dixerunt : *Hi sunt dii tui, Israel, qui te educerunt de terra Ægypti (Exod. xi)*. Et hic pluralem ponentes pro singulari.

CAP. 5. — *Quod in uno Adæ peccato plura inveniantur peccata. Ex eodem (Enchirid. c. 45).*

Quamvis et in illo peccato uno, quod per unum hominem intravit in mundum, et in omnes homines pertransiit (*Rom. v*), propter quod etiam parvuli baptizantur, possint intelligi plura peccata, si unum ipsum in sua quasi membra singula dividatur. Nam et superbia est illie, quia homo in sua potius esse quam in Dei potestate dilexit; et sacrilegium, quia Deo non credidit; et homicidium, quia semetipsum præcipitavit in mortem; et fornicatio spiritalis, quia integritas mentis humanæ serpentina suasionem corrupta est; et furtum, quia cibus prohibitus usurpatus est; et avaritia, quia plusquam illi sufficere debuit appetivit (*Gen. iii*); et si quid aliud in hoc uno admissio diligenti consideratione inveniri potest.

CAP. 6. — *Parvulos ante baptismum parentum suorum peccatis obligari. Ex eodem (cap. 46).*

Parentum quoque peccatis parvulos obligari, non solum primorum hominum, sed etiam suorum de quibus ipsi nati sunt non improbabiler dicitur. Illa quippe divina sententia : *Reddam peccata patrum in filios (Exod. xxxiv; Deut. v)*, tenet eos utique antequam per regenerationem ad Testamentum Novum incipiant pertuere. (*Cap. 18.*) Quod Testamentum prophetabatur, cum diceretur per Ezechielem, non accepturos filios peccata patrum suorum (*Ezech. xviii*), nec ulterius futuram in Israel parabolum illam : *Patres manducaverunt unam acerbam, et dentes filiorum obstupescunt (Jer. xxxi)*. Ideo enim quisque renascitur, ut salvetur [solvatur] in eo quidquid peccati est cum quo nascitur. Nam peccata quæ male agendo postea committuntur, possunt et penitendo sanari, sicut etiam post baptismum fieri videmus. Ac per hoc non est instituta regeneratio nisi quia vitiosa est generatio, usque adeo ut etiam de legitimo matrimonio procreatus dicat : *In iniquitatibus conceptus sum, et in peccatis mater mea me in utero aluit (Psal. l)*. Neque hic dixit, in iniquitate vel peccato, cum et hoc recte dici possit, sed iniquitates et peccata dicere maluit. Quia etiam in illo uno quod in omnes homines pertransiit,

A atque tam magnum est, ut in eo mutaretur et converteretur in necessitatem mortis humanæ naturæ, reperiuntur, sicut supra disserui, plura peccata et alia parentum, quæ [qui etsi] non ita possunt mutare naturam, reatu tamen obligant filios, nisi gratuita gratia et misericordia divina subveniat.

CAP. 7. — *De eadem re. Ex eodem (cap. 47).*

Sed de peccatis aliorum parentum, quibus ab ipso Adam usque ad patrem suum, progenitoribus suis quisque succedit, non immerito disceptari potest, utrum omnium malis actibus, et multiplicatis delictis originalibus quis cum nascitur implicetur, ut tanto pejus quanto posterius quisque nascatur. An propterea Deus in tertiam et quartam generationem de peccatis parentum eorum posteris comminetur (*Exod. xx*), quia iram suam quantum ad progenitorum culpas non extendit ulterius moderatione miserationis suæ, ne illi quibus regenerationis gratia non confertur, nimia sarcina in ipsa sua æterna damnatione premerentur, si cogerentur ab initio generis humani omnium præcedentium parentum suorum originaliter peccata contrahere et pœnas eis debitas pendere. An aliud aliquid de re tanta Scripturis sanctis diligentius perscrutatis tractatis valeat, vel non valeat reperiri, temere affirmare non audeo.

CAP. 8. — *Originale delictum non posse solvi, nisi per Christum. Ex eodem (cap. 48).*

Illud tamen unum peccatum, quod tam magno in loco et habitatione felicitatis [magnum in loco et habitu tantæ infelicitatis, sic hodie August.] admissum est, ut in uno homine originaliter, atque ut ita dixerim radicaliter, totum genus humanum damnaretur, non solvitur ac diluitur, nisi per unum mediatorem Dei et hominum, Jesum Christum, qui solus potuit ita nasci ut ei opus non esset renasci.

CAP. 9. — *De resurrectione mortuorum. Item, ex eodem (cap. 84).*

Jam vero de resurrectione carnis, non sicut quidam revixerunt iterumque sunt mortui, sed in æternam vitam, sicut Christus ipse resurrexit, quem admodum possim breviter disputare, et omnibus quæstionibus, quæ de hac re moveri solent, satisfacere, non invenio. Resurrecturam tamen carnem omnium quicumque nati sunt hominum, atque nascentur, et mortui sunt atque morientur, nullo modo potest dubitare Christianus.

CAP. 10. — *De abortivis vel informibus partibus. Ex eodem (cap. 85).*

Unde primo occurrit de abortivis fetibus quæstio, qui jam quidem nati sunt in uteris matrum, sed nondum ita ut jam possint renasci. Si enim resurrecturos eos dixerimus, de his qui jam formati sunt tolerari potest utcumque quod dicitur. Informes vero abortus quis non proclivius perire arbitretur, sicut semina quæ concepta non fuerint? Sed quis negare audeat, etsi affirmare non audeat, id acturam resurrectionem, ut quidquid formæ defuit impleatur? Atque ita jam non desit perfectio quæ ac-

cessura erat tempore, quemadmodum non erunt vitia quæ accesserant tempore, ut neque in eo quod adversum atque contrarium dies attulerant, natura turpetur, sed integretur quod nondum erat integrum, sicut instaurabitur quod fuerat vitiatum.

CAP. 11. — *Quod resurrecturus sit infans, etiamsi recepto vitali spiritu mortuus fuerit antequam natus. Ex eodem (cap. 86).*

Ac per hoc scrupulosissime quidem inter doctissimos quæri ac disputari potest, quod utrum ab homine inveniri possit ignoro quando incipiat homo in utero vivere. Utrum sit quædam vita occulta quæ nondum motibus viventis appareat. Nam negare vixisse puerperia, quæ propterea membratim exsecantur et ejiciuntur ex uteris prægnantium, ne matres quoque, si mortua ibi relinquuntur, occidant impudentia nimia videtur. Ex quo autem incipit homo vivere, ex illo utique jam mori potest. Mortuus vero, ubicunque illi mors potuit evenire, quomodo ad resurrectionem non pertineat mortuorum, reperire non possum.

CAP. 12. — *Animam non humano semine propagari, sed, formato jam corpore, divinitus creari. Augustinus dicit (De eccles. dogm. c. 14).*

Animas hominum non esse dicimus ab initio inter cæteras intellectuales naturas, nec simul creatas, ut Origenes sinit: neque cum corporibus per eorum seminari, sicut Luciferiani, Cyrillus et alii Latinorum præsumentes affirmant, quasi naturæ consequentia serviente; sed dicimus corpus tantum per conjugii copulam seminari, Dei vero iudicio coagulari in vulva, et compingi atque formari; formato jam corpore, animam creari atque infundi, ut vivat in utero homo ex anima constans et corpore, egrediatque vivus ex utero plenus humana substantia; creationem vero animæ solum Creatorem omnium nosse.

CAP. 13. — *Quod duæ animæ non sint in uno homine, sed una tantum. Item Augustinus (ibid., c. 15).*

Non duas animas esse dicimus in uno homine, sicuti quidam Jacobus et alii Syrorum disputatores scribunt, ut una animalis sit, qua animetur corpus, et immista sit sanguini, et altera spiritualis quæ rationem ministret; sed dicimus unam esse eandemque in homine, quæ et corpus sua societate vivificet, et semetipsam sua ratione disponat, habens in se libertatem arbitrii, ut in sua substantia eligat cogitationem quam vult.

CAP. 14. — *Quod solus homo habeat substantivam animam. Item Augustinus (ibid., c. 16).*

Solum hominem credimus habere animam substantivam ex qua corpus vivit, et rationem suam et ingenia vivaciter tenet [quæ exuta corpore vivit, et sensus suos atque ingenia etc. Sic hodie August.] Neque cum corpore moritur sicut Arabs [Aratus habet August.] asserit, neque post modicum intervalum, sicut Zenon, quia substantialiter vivit.

CAP. 15. — *Quod pecudum animæ cum carne mortis finiuntur. Item Augustinus (ibid., c. 17).*

Pecudum animæ non sunt substantiæ, sed cum

A ipsa carnis vivacitate nascuntur, et cum carne mortis finiuntur. Et ideo nec ratione reguntur, sicut Plato et Alexander putant, sed ad omnia naturæ incitamenta ducuntur.

CAP. 16. — *Quod anima humana cum carne non moriatur. Item August. (ibid., c. 10).*

Anima humana non cum carne moritur, quia non cum carne, ut superior diximus, seminatur, sed formato in ventre matris corpore, Dei iudicio dicimus eam creari et infundi, ut vivat, homo intus in utero, et sic nativitate procedat in mundum.

CAP. 17. — *Quod homo constet duabus substantiis. August. (ibid., c. 19).*

B Duabus substantiis constat homo: anima tantum et carne. Anima cum ratione sua, et caro cum sensibus suis, id est visu, auditu, gustu, odoratu, et tactu, quos tamen sensus absque animæ societate non movet caro: anima vero et sine carne rationem suam integre tenet.

CAP. 18. — *Quod non sit tertius in substantia hominis spiritus, ut quidam affirmant. August. (ibid., c. 20).*

C Non est tertius in substantia hominis spiritus, ut Didymus contendit, sed spiritus ipsa est anima. Anima vero pro spiritali natura, vel pro eo quod spiret in corpore, spiritus est appellata. Anima vero ex eo vocatur quod ad vivificandum animet corpus. Tertium vero qui ab Apostolo cum corpore et anima inducitur spiritum, gratiam sancti Spiritus esse intelligamus, quam orat Apostolus ut integra perseveret in nobis (I Thess. v), nec nostro vitio aut minuatur aut fugetur a nobis, quia Spiritus sanctus disciplinæ effugiet fictum (Sap. 1).

CAP. 19. — *Quod Deus sicut ex nihilo bona facere potuit, ita, cum voluit, per incarnationis suæ mysterium etiam perditam bona reparavit. Gregorius in suis Moralibus (lib. iv, c. 8).*

Omnipotens Deus sicut ex nihilo bona facere potuit, ita, cum voluit, per incarnationis suæ mysterium etiam perditam bona reparavit.

CAP. 20. — *Hominem idcirco per Christum ad Dei gratiam revocatum, quia carnis infirmitate peccavit; apostatam vero angelum non posse reparari, quia sponte cecidit. Ex eodem (cap. 9).*

D Duas vero ad intelligendum se creaturas fecerat, angelicam videlicet et humanam. Utramque vero superbia perculit, atque ab statu ingenitæ rectitudinis fregit, sed una tegmen carnis habuit, alia vero nihil infirmum de carne gestavit. Angelus namque solummodo spiritus, homo vero et spiritus est et caro. Misertus ergo Creator ut redimeret, illam ad se debuit reducere, quam in perpetracione culpæ ex infirmitate aliquid constat habuisse, et eo amplius debuit apostatam angelum repellere, quo cum a persistendi fortitudine corruit, nihil infirmum ex carne gestavit. Unde et recte Psalmista, cum misertum redemptorem hominibus diceret, ipsam quoque causam misericordiæ expressit, dicens: *Et memoratus est quia caro sunt (Psal. lxxvii)*. Ac si diceret: Quo eorum infirma vidit, eo districte culpas punire noluit.

CAP. 21. — *Quod tres Deus vitales spiritus creavit : A* *ter adjutorii ; ut lalamur , potestatis nostræ est et ignavæ.*
unum, qui carne non tegetur ; alium, qui carne tegetur, sed non cum carne moreretur ; tertium, qui carne tegetur, et cum carne moreretur. Ibid. (lib. iv, c. 2).

Habent etiam infideles fidem, sed utinam in Deum.

Quam si utique haberent, infideles non essent. Sed hinc in sua perfidia redarguendi sunt, hinc ad fidei gratiam provocandi, quia si de ipso suo visibili corpore credunt quod minime viderunt, cur invisibilia non credunt, quæ corporaliter videri non possunt ?

(*Ibid.*, cap. 3.) Nam quia post mortem carnis vivat anima, patet ratio, sed fidei admista. Tres quippe

vitales spiritus creavit omnipotens Deus : unum qui carne non tegitur ; alium qui carne tegitur, sed non cum carne moritur ; tertium qui carne tegitur, et cum carne moritur.

Spiritus namque est qui carne non tegitur, angelorum ; spiritus qui carne tegitur, sed cum carne non moritur, hominum ; spiritus qui carne tegitur et cum carne moritur, jumentorum, omniumque brutorum animalium.

Homo itaque, sicut in medio creatus est, ut esset inferior angelo, superior jumento, ita aliquid habet commune cum summo, aliquid commune cum infimo :

immortalitatem scilicet spiritus cum angelo, mortalitatem vero carnis cum jumento, quousque et ipsam mortalitatem carnis gloria resurrectionis absorbeat, et inhærendo spiritui caro servetur in perpetuum, quia et ipse spiritus inhærendo carni servatur in Deum. Quæ tamen caro nec in reprobis inter supplicia perfecte deficit, quia semper deficiendo subsistit, ut qui spiritu et carne peccaverunt, semper essentialiter viventes, et carne et spiritu sine fine moriantur.

CAP. 22. — *Quod homo in prima conditione sua libero arbitrio donatus sit. Augustinus (lib. De spiritu et anima, c. 48).*

Libertati arbitrii sui commissus est homo statim in prima conditione, ut sola vigilantia mentis adnitente, etiam perfecta custodia perseveraret, si vellet, in id quod creatus fuerat. Postquam vero seductione serpentis per Evam cecidit a naturæ bono (*Gen. iii*), perdidit pariter vigorem arbitrii, non tamen electionem, ne non esset suum quod emendaret peccatum, nec immerito indulgeretur quod arbitrio diluisset. Manet ergo ad quærendam salutem arbitrii libertas, id est rationalis voluntas, sed admonente prius Deo et invitante ad salutem, [ut vel eligat, vel sequatur, vel agat occasionem salutis, hoc est inspirationem Dei. Ut autem consequatur quod eligit, vel quod sequitur, vel quod occasione agit, Dei esse, libere confitemur. Initium ergo salutis nostræ, Deo miserante, habemus (333*),] ut acquiescamus salutiferæ inspirationi, nostræ potestatis est. Ut adipiscamur quod acquiescendo admonitioni cupimus [quod adipisci desideramus], divini est muneris. Ut non labamur, adepto salutis munere, sollicitudinis nostræ est, et cœlestis pari-

ter adjutorii ; ut lalamur , potestatis nostræ est et ignavæ.

CAP. 23. — *Quod omnes homines in prævaricatione Adæ naturalem possibilitatem perdidissent. Ex decretis Cœlestini papæ, cap. 5 (epist. 1, ad episc. Galliæ, c. 4).*

In prævaricatione Adæ omnes homines naturalem possibilitatem et innocentiam perdidisse, et neminem de profundo illius ruinæ per liberum arbitrium posse consurgere, nisi eum grâtiâ Dei miserantis [miserantis] erexerit, pronuntiante beatæ memoriæ papa Innocentio atque dicente in epistola sua ad Carthaginense concilium (*ep. 25*) : « Liberum enim arbitrium olim ille perpressus, dum suis inconsultius utitur bonis, cadens, in prævaricationis profunda demersus est, et nihil quemadmodum exinde resurgere posset, invenit, suaque in æternum libertate deceptus, hujus ruina jacuisset [ruinæ latuisset] oppressus, nisi eum post Christi, pro sua gratia, relevasset adventus, qui per novæ regenerationis purificationem omne præteritum vitium sui baptismatis lavacro purgavit. »

CAP. 24. — *De eadem re. Ex decretis ejusdem (ibid., c. 7).*

Quod nemo nisi per Christum libero bene utatur arbitrio, idem magister in epistola ad Milevitanum concilium data (*ep. 26*) prædicat, dicens : « Adverte tandem pravissimarum mentium perversam doctrinam [o pravissimarum mentium doctrina], quod primum hominem ita libertas ipsa decepit, ut dum indulgentius frenis ejus utitur, in prævaricationem præsumptionis ceciderit, nec ex hac potuit erui, nisi ei providentia regenerationis, statum pristinae libertatis Christi Domini reformasset adventus. »

CAP. 25. — *Quod homo sic positus sit in paradiso, si obedienter permaneret, ut quandoque ad cœlestem patriam sine carnis morte transiret. Greg. (lib. iv Moral., c. 30).*

Ad hoc in paradiso homo positus fuerat, ut si se ad Conditoris sui obedientiam vinculis charitatis astringeret, ad cœlestem patriam angelorum quandoque sine carnis morte transiret. Sic namque est immortalis conditus, ut tamen si peccaret, et mori posset. Et sic mortalis est conditus, ut si non peccaret, etiam non mori posset, atque ex merito liberi arbitrii beatitudinem illius regionis attingeret, in qua vel peccare vel mori non posset. Ubi igitur post redemptionis tempus carnis morte interposita, electi transeunt, illuc procul dubio parentes primi si in conditionis suæ statu persistissent, etiam sine morte corporum transferri potuissent.

CAP. 26. — *Quod nos carnales in hujus exilii cœcitate nati, puero in carcere nato et nutrito comparemur (lib. iv Dialog. c. 1).*

Postquam de paradisi gaudiis culpa exigente pulsus est primus humani generis parens, in hujus exilii atque cœcitate quam patimur ærumnam

(333*) Hæc non leguntur in Augustino.

nit, quia peccando extra semetipsum fusus, jam illa celestis patriæ gaudia, quæ prius contemplabatur, videre non potuit. Homo quippe in paradiso assueverat verbis Dei perfrui, et beatorum angelorum spiritibus cordis munditia, et celsitudine visionis interesse; sed postquam huc cecidit, ab illo quo implebatur mentis lumine recessit. Ex cujus videlicet carne, nos in hujus exsilii cæcitate nati audimus quidem esse cælestem patriam, audimus ejus cives angelos Dei, audimus eorumdem angelorum socios spiritus justorum et perfectorum, sed carnales quique quia illa invisibilia scire non valent per experimentum, dubitant utrumne sit quod corporalibus oculis non vident. Quæ nimirum dubietas primo parenti nostro inesse non potuit, quia exclusus a paradisi gaudiis, hoc quod amiserat, quoniam viderat, recolebat. Illi autem sentire vel recollere audita non possunt, quia eorum nullum, sicut ille saltem, de præterito experimentum tenent. Ac si enim prægnans mulier mittatur in carcerem, illicque puerum pariat: qui natus, in carcere nutriatur et crescat, cui si fortasse mater quæ genuit eum, solem, lunam, stellas, montes et campos, volantes aves, currentes equos nominet, ille vero qui in carcere natus est et nutritus, nihil aliud quam tenebras carceris sciat, et hæc quidem esse audiat, sed quia per experimentum non novit, veraciter esse diffidat, ita in hac exsilii sui cæcitate nati homines, dum esse summa et invisibilia audiunt, diffidunt an vera sint, quia sola hæc in quibus nati sunt, infima et visibilia noverunt. Unde factum est ut ipse invisibilium et visibilium Creator ad humani generis redemptionem Unigenitus Patris veniret, et Spiritum sanctum ad corda nostra mitteret, quatenus per eum vivificati crederemus, quæ hic [adhuc, etc.] scire per experimentum non possumus. Quotquot ergo hunc spiritum hæreditatis nostræ pignus accepimus, de vita invisibilium non dubitamus. Quisquis autem in hac credulitate adhuc solidus non est, debet procul dubio majorum dictis præbere fidem, eisque jam per Spiritum sanctum invisibilium experimentum habentibus credere, quia stultus puer est, si matrem ideo æstimat de luce mentiri, quia ipse nihil aliud quam tenebras carceris agnovit.

CAP. 27. — *Quod per semetipsum nemo bonus fieri possit. Ex decr. Cælest. papæ (epist. 1, ad episc. Galitiæ, c. 5).*

Neminem esse per semetipsum bonum, nisi participationem sui ille donec qui solus est bonus. Nunquid nos de eorum post hæc rectum mentibus æstimemus, qui sibi se putant debere quod boni sunt, nec illum considerant cujus quotidie gratiam consequuntur, qui sine illo tantum se assequi posse confidunt?

CAP. 28. — *De eadem re. Ex decretis ejusdem (ibid., c. 6).*

Neminem etiam baptismatis gratia renovatum, idoneum esse ad superandas diaboli insidias, et ad de-

A vincendas carnis concupiscentias, nisi per quotidianum adjutorium Dei perseverantiam bonæ conversationis acceperit. Nam quamvis hominem redimeret a præteritis ille peccatis, tamen eum sciens iterum posse peccare, ad reparationem sibi, quemadmodum posset illum et post ista corrigere, multa servavit, quotidiana præstans illi remedia, quibus [nisi freti confisque nitamur, nullatenus humanos vincere poterimus errores. Necesse est enim ut quo auxiliante vincimus, eo iterum non adjuvante vincamur.

CAP. 29. — *De eadem re. Ex decretis ejusdem (ibid., c. 9).*

Quod ita Deus in cordibus hominum atque in ipso libero operetur arbitrio, ut sancta cogitatio, B pium consilium, omnisque motus bonæ voluntatis ex Deo sit, quia per illum aliquid boni possumus, sine quo nihil possumus (Joan. xv). Ad hanc enim nos professionem idem doctor instituit, qui cum ad totius orbis episcopos de divinæ gratiæ opitulatione loqueretur. Quod ergo, ait, tempus intervenit quo ejus non egeamus auxilio? In omnibus igitur actibus, causis, cogitationibus, motibus, adjutor et protector orandus est (Zosimus papa in ep. nobis ignota). Superbum est enim ut quidquam sibi humana natura præsumat, clamante Apostolo: *Non est nobis colluctatio adversus carnem et sanguinem, sed contra principes et potestates aeris hujus, contra spiritalia nequitiae in cælestibus (Ephes. vi).* Et sicut iterum ipse dicit: *Injelix ego homo! quis me liberabit de corpore mortis hujus? Gratia Dei per Jesum Christum Dominum nostrum (Rom. vii).* Et iterum: *Gratia Dei sum id quod sum, et gratia ejus in me vacua non fuit, sed plus illis omnibus laboravi. Non ego autem, sed gratia Dei mecum (I Cor. xv).*

CAP. 30. — *Quod gratia divina non solum peccata dimittat, sed etiam adjuvet ne committantur. Greg. in Moralib.*

Quod gratia Dei non solum peccata dimittat, sed etiam adjuvet ne committantur, et lex impleatur, non sicut Pelagius ait, *facile*, quasi sine gratia Dei difficilius possit impleri. Illud etiam quod intra Carthaginensis synodi decreta constitutum est, quasi proprie apostolicæ sedis amplectimur, quod scilicet D tertio capitulo definitum est, ut quicumque dixerit gratiam Dei qua justificamur per Jesum Christum Dominum nostrum, ad remissionem solam peccatorum valere quæ jam commissa sunt, non etiam ad adjutorium, ut non admittantur, anathema sit. Et iterum quarto capitulo: « Quisquis dixerit gratiam Dei per Jesum Christum, propter hoc tantum nos adjuvare ad non peccandum, quia per ipsam nobis revelatur et aperitur intelligentia mandatorum Dei, ut sciamus quid appetere et quid vitare debeamus, non autem per illam nobis præstari, ut quod faciendum cognovimus, etiam facere diligamus atque valeamus, anathema sit. » Cum enim dicat Apostolus: *Scientia inflat, charitas vero ædificat (I Cor. viii)*, valde impium est ut credamus

ad eam que inflat nos habere gratiam Christi, et ad A
eam quæ ædificat non habere, cum sit utrumque
donum Dei, et scire quid facere debeamus, et dili-
gere ut faciamus, ut, ædificante charitate, scientia
non possit inflare. Sicut autem de Deo scriptum
est: *Qui docet hominem scientiam (Psal. xciii)*,
ita etiam scriptum est: *Charitas ex Deo est (I
Joan. iv)*: Item quinto capitulo, ut quisquis dixerit
ideo nobis gratiam justificationis dari, ut quod fa-
cere per liberum jubemur arbitrium, facilius possi-
mus implere per gratiam, quamquam et si gratia
non daretur non quidem facile, sed tamen posse-
mus etiam sine illa implere divina mandata, ana-
thema sit. De fructibus etiam [enim] mandatorum
Dominus loquebatur, ubi non ait: *Sine me diffi-
lius potestis facere*; sed ait: *Sine me nihil potestis
facere (Joan. xv)*.

CAP. 31. — *Quod prædestinatio Dei ita sit ordi-
nata, ut ea nociva quæ prædestinata sunt ele-
ctorum precibus solvi queant (lib. 1 Dial. c. 8)*.

Obtineri nequaquam possunt quæ prædestinata
non fuerint, sed ea quæ sancti viri orando efficiunt,
ita prædestinata sunt ut precibus obtineantur. Nam
ipsa quoque perennis regni prædestinatio ita est ab
omnipotenti Deo disposita, ut ad hoc electi ex la-
bore perveniant, quatenus postulando mereantur
accipere, quod eis omnipotens Deus ante sæcula
disposuit donare. PETRUS. Probari mihi apertius vel-
lim si potest prædestinatio precibus adjuvari. GREGORIUS.
Hoc quod ego, Petre, intuli, concite volet
probari. Certe etenim nosti, quia ad Abraham Dom-
minus dixit: *In Isaac vocabitur tibi semen (Gen. xxi)*.
Cui etiam dixerat: *Patrem multarum gentium con-
stitui te (Gen. xxvii)*. Cui rursus promisit dicens:
*Benedicam tibi, et multiplicabo semen tuum sicut
stellas cæli, et sicut arenam quæ est in littore maris
(Gen. xxi, xxvi)*. Ex qua re aperte datur intelligi
quia omnipotens Deus semen Abraham prædestina-
verat per Isaac multiplicare, et tamen scriptum est:
*Deprecatus est Isaac Dominum pro uxore sua eo
quod esset sterilis, qui exaudivit eum, et dedit concep-
tum Rebeccæ (Gen. xxv)*. Si ergo multiplicatio ge-
neris Abraham per Isaac prædestinata fuit, cur
conjugem sterilem accepit? Sed nimirum constat
quia prædestinatio precibus impleteretur, quando is
in quo Dominus multiplicare semen Abraham præde-
stinaverat, oratione obtinuit ut filium habere po-
tuisset.

CAP. 32. — *De Dei prævidentia et simul providentia.
Aug. in lib. de Prædest. dicit:*

Omne iudicium secundum sui naturam quæ
sibi subjecta sunt comprehendit. Est autem semper
Deo æternus, ac præsentarius status. Scientia quo-
que omnem temporis supergressa motionem, in suæ
manet simplicitate præsentis, infinitaque præteriti
ac futuri spatia complectens, omnia quasi jam ge-
rantur in sua simplici cognitione considerat. Itaque
si præsentiam pensare quis velit qua cuncta digno-
scit, non esse præsentiam, quasi futuri, sed scientiam
numquam deficientis instantiæ rectius æstima-

bit. Unde non prævidentia, sed providentia potius
dicitur, quod porro ab rebus infimis constituta,
quasi ab excelso rerum cacumine cuncta prospiciat.
Quid igitur dicendum est, ut necessaria fiant quæ
divino lumine lustrentur, cum ne homines quidem
necessaria faciant esse quæ videant? Num enim
quæ præsentia cernuntur, aliquam eis necessitatem
videntis addit intuitus? Minime. Atqui si est divini
humanique præsentis digna collatio, uti homines
hoc temporario præsentis quædam vident, ita ille
omnia suo cernit æterno. Quare hæc divina præno-
tio naturam rerum proprietatemque non mutat,
talique apud se præsentia spectat, qualia in tem-
pore olim futura provenient; nec rerum judicia
confundit, unoque suæ mentis intuitu tam necessa-
rie quam non necessarie ventura dignoscit. Sicuti
aliquis cum pariter ambulare in terra hominem, et
oriri in cælo solem videt, quamquam simul sit,
utrumque in conspectu tamen discernit, et hoc vol-
untarium illud esse necessarium iudicat, ita igitur
cuncta respiciens divinus intuitus, qualitatem rerum
minime perturbat, apud se quidem præsentium, ad
conditionem vero temporis, futurarum. Quo fit ut
hoc non sit opinio, sed veritate potius nixa cog-
nitio, cum existaturum quid esse cognoscit, quod idem
existendi necessitate carere non nesciat. Hic si quis
dicat quod eventurum Deus videt id non evenire non
posse, quod autem non potest non evenire, id ex
necessitate contingere, respondebit illi, res quidem
solidissimæ veritatis, sed cui vix aliquis nisi divini
speculator accesserit. Firmatur namque idem ven-
turum cum ad divinam notitiam refertur necessa-
rium, cum vero in sua natura perpenditur, liberum
prorsus atque absolutum videri. Duæ etenim sunt
necessitates: simplex una, veluti qua necesse est
omnes homines esse mortales; altera conditionis, ut
si aliquem ambulare quis sciat, eum ambulare ne-
cesse est. Quod enim quisque novit, id esse aliter
ac notum est nequit. Sed hæc minime secum illam
simplicem trahit. Hanc enim necessitatem non pro-
pria facit natura, sed conditionis adjectio. Nulla
enim necessitas cogit incedere voluntate gradien-
tem, quamvis eum tum cum graditur, incedere ne-
cessarium sit. Eodem ergo modo si quid providen-
tia præsens videt, id esse necesse est, tametsi nul-
lam naturæ habeat necessitatem. Atqui ea Deus fu-
tura quæ ex arbitrii libertate proveniunt, præsen-
tia contuetur. Hæc igitur ad intuitum relata divi-
num, necessaria fiunt per dispositionem divinæ no-
tionis, per se vero considerata, ab absoluta naturæ
suæ libertate non desinunt. Fient igitur procul du-
bio cuncta quæ futura Deus esse prænoscat, sed eo-
rum quædam de libero proficiscuntur arbitrio, quæ,
quamvis eveniant existendo, tamen naturam pro-
prios non amittunt, quia priusquam fierent, etiam
non evenire potuissent.

CAP. 33. — *Quod divina æternitas nec fuisse, nec futurum esse habeat. Gregor. in Moral. (lib. IV, c. 32).*

Sed quia Beatus Job sancto æternitatis Spiritu impletur, et fuisse vel futurum esse æternitas non habet; cui nimirum nec præterita transeunt, nec quæ futura sunt veniunt, quia cuncta per præsens videt.

CAP. 34. — *Quod cuncta quæ hominibus fiunt, absque Omnipotentis occulto consilio non veniant. Greg. in Moral. suis dicit (lib. XII, c. 1) :*

Nulla quæ in hoc mundo hominibus fiunt, absque omnipotentis Dei occulto consilio veniunt. Nam cuncta Deus secutura præsciens, ante sæcula decrevit, qualiter per sæcula disponantur.

CAP. 35. — *De eadem re. Gregorius (lib. XVI, c. 6, quanquam non iisdem verbis).*

Nec propheta igitur fallax, quia tempus mortis innotuit, quo vir ille mori merebatur, nec Dominica statuta convulsa sunt, quia ut ex largitate Dei auit vitæ crescerent, hoc quoque quod ante sæcula præfixum fuit, atque spatium vitæ quod inopinate foris est additum, sine augmento præscientiæ Dei fuit in-
statutum.

CAP. 36. — *Quod Deus singulis dies suos præfigat, ut nec minui nec augeri possint. Gregorius in Moralibus (lib. XII, c. 25).*

Præfixi dies singulis ab interna Dei præsentia, nec augeri possunt nec minui, nisi contingat ut ita præsciantur, ut aut cum optimis operibus longiores sint, aut pessimis breviores, sicut Ezechias augmentum dierum meruit impensione lacrymarum (IV Reg. XX; II Par. XXXII; Isa. XXXVIII), et sicut de perversis scriptum est: Indisciplinatis obviat mors. Sed sæpe iniquus, quamvis in occulta Dei præsentia longa vitæ ejus tempora non sint prædestinata, ipse tamen qui carnaliter vivere appetit longos animo dies proponit, et quia ad illud tempus pervenire non valet quod exspectat, quasi antequam dies illius impleantur, perit. Quod tamen intelligere et aliter possumus. Plerumque enim quosdam ceruimus et perverse agere, et usque ad senectutem ultimam pervenire. Quomodo enim dicitur: *Antequam dies ejus impleantur, peribit (Job XV)*, cum in quibusdam sæpe videamus quia ætate longa jam membra deficiunt, et tamen pravitatem suam eorum desideria exsequi non desistunt.

CAP. 37. — *Quod Deus peccata dissimulet. Greg. in Moral. (lib. XIV, c. 18).*

Omnipotens Deus, quid nobis profuturum esse valeat sciens, dissimulat exaudire dolentium vocem, ut augeat utilitatem, ut purgetur vita per pœnam, et quietis tranquillitas, quæ hic inveniri non valet, alibi quærat.

CAP. 38. — *Quod Deus cuncta disponat et consideret universorum finem. Greg. in Moral. (lib. XVIII, c. 17).*

Tempus ergo posuit tenebris, et universorum finem ipse considerat (Job XXVIII). Universorum nomine et electos voluit et reprobos comprehendi. Nam bona faciens et ordinans Deus, mala vero non fa-

ciens, sed ab iniquis facta ne inordinate eveniant, ipse disponens, considerat universorum finem, et patienter tolerat omnia, atque intuetur electorum terminum, quo ex malo mutantur ad bonum. Intuetur etiam reproborum finem, quo de malo opere dignum se trahantur ad supplicium. Vidit finem persequentis Sauli, quo prostratus diceret: *Domine, quid me vis facere? (Act. IX)*. Vidit finem quasi obsequentis discipuli, quod pro commisso scelere guttur laqueo stringeret (Matth. XXVII), seque et peccantem puniret, et deterius puniendo deciperet. Vidit Ninivitas delinquentes, sed consideravit finem delinquentium pœnitentia correctorum (Jon. III). Vidit quoque Sodomam delinquentem (Gen. XVIII, XIX), sed consideravit finem ardoris luxuriæ, ignem gehennæ. Vidit gentilitatis finem, quod possessa iniquitatum tenebris, quandoque fidei luce claresceret. Vidit etiam terminum Judææ, quod ab ea luce fidei quam tenebat, obduratæ perfidiæ tenebris cæcicaretur.

CAP. 39. — *Item de prædestinatione. Ex dictis Fulgentii (lib. De prædest.).*

Neque enim est alia Dei prædestinatio, nisi futurorum operum ejus æterna præparatio. Et hic præparationem prædestinationem nominavit. Proinde sive præparationem seu prædestinationem in sanctorum dictis positum invenerimus, unum idemque significare docemur.

CAP. 40. — *Item de prædestinatione. Ex dictis Ambrosii.*

His omnibus testimoniis prædestinati ostenduntur mali ad pœnam, sed non prædestinati ad peccatum. Quoniam eorum quæ facturus est Deus, prædestinator est. Quæ vero non fecit nec facturus est, ea non prædestinavit. Quia autem judicaturus est mundum, et impios justo supplicio pro iniquitatibus suis damnaturus, propterea et eos prædestinavit ad pœnam, et pœnam prædestinavit illis. Ad peccatum autem eos non prædestinavit, quoniam non est Deus auctor iniquitatis. Quoniam sicut justitia ex Deo est, et omne opus bonum, ita iniquitas et omne opus pravum ex diabolo.

CAP. 41. — *Item de prædestinatione. Ex dictis Augustini*

Prædestinationis enim nomine non aliqua voluntatis humanæ coactitia necessitas exprimitur, sed misericors et justa divini operis sempiterna dispositio præjudicatur.

CAP. 42. — *Item de prædestinatione. Ex dictis Isidori.*

Quia ergo Deus nulla necessitate compellitur, ut aliquid nolens promittat; nullius itaque adversitatis impeditur obstaculo quo id quod promisit aut minus quam vult, aut tardius faciat. Proinde potuit, sicut voluit, quosdam prædestinare ad gloriam, quosdam ad pœnam. Sed quos prædestinavit ad gloriam, prædestinavit ad justitiam. Quos autem prædestinavit ad pœnam, non prædestinavit ad culpam. *Item, paulo superius.* In sanctis igitur coronat Deus justitiam

quam eis gratis ipse tribuit, gratis servavit, gratis que perfecit. Iniquos autem condemnat pro impietate vel injustitia quam in eis ipse non fecit. In illis enim opera sua glorificat, in istis autem opera sua condemnat.

CAP. 43. — *Item de prædestinatione. Ex dictis Augustini.*

Fidelibus congruit credere et fateri Deum bonum et justum præscisse quidem peccatores homines, quia nihil eum latere potuit futurorum. Neque enim vel futura essent si in ejus præsentia non fuissent, non tamen prædestinasse quemlibet hominem ad peccatum; quia si ad peccatum aliquod Deus hominera prædestinaret, pro peccatis hominem non puniret. Dei enim prædestinatione aut peccatorum præparata est pia remissio, aut peccatorum justa punitio.

CAP. 44. — *Item de prædestinatione. Ambrosius dicit:*

Iniquos itaque quos præscivit Deus hanc vitam in peccato terminaturos prædestinavit supplicio interminabili puniendos. In quo sicut culpanda non est præscientia humanæ iniquitatis, ita prædestinatio justissimæ laudanda est ultionis, ut agnosceretur non ab eo prædestinatum hominem ad quaecunque peccatum, quem prædestinavit peccati merito puniendum. Deus itaque omnia hominum opera sive bona sive mala præscivit, quia cum latere nihil potuit, sed sola bona prædestinavit, quæ se in filiis gratiæ facturum esse præscivit. Mala vero futura opera illorum quos non prædestinavit ad regnum, sed ad interitum præscivit potentissima divinitate, et ordinavit provida bonitate.

CAP. 45. — *Item de prædestinatione. Ex dictis Augustini.*

Dominus ipse suo sermone nos perdocuit in eo, quod a se ostendit paratum non solum regnum ubi lætentur boni, sed et ignem æternum ubi crucientur mali. Bonis etenim dicturus est: *Venite, benedicti Patris mei, percipite regnum quod vobis paratum est a constitutione mundi (Matth. xxv)*. Malis autem dicturus est: *Ite, maledicti, in ignem æternum, qui præparatus est diabolo et angelis ejus (ibid.)*. Ecce ad quid Deus iniquos et impios prædestinavit, id est, ad supplicium justum, non aliquod opus injustum, ad pœnam non ad culpam, ad punitionem non ad transgressionem, ad interitum quem ira justi judicis peccantibus reddidit, non ad interitum, quo in se iram Dei peccantium iniquitas provocavit. Quod beati Apostoli prædicatio manifestat, qui malos quos in æternum damnaturus est Deus, vasa vocat iræ, non culpæ. Ait enim: *Quod si volens Deus iram ostendere, et notam facere potentiam suam, sustinuit in multa patientia vasa iræ apta in interitum, ut ostenderet divitiarum gloriæ suæ in vasa misericordiæ quæ præparavit in gloria (Rom. ix)*. In hac extrema sententia notandum quod de Evangelio sumens testimonium, ait prædestinatos malos in

ignem æternum, eo quod dicturus est Dominus in judicio non solum bonis ut percipiant regnum Dei paratum a constitutione mundi, verum quod malis dicturus est: *Ite, maledicti, in ignem æternum, qui paratus est diabolo et angelis ejus (Matth. xxv)*. Ex hoc enim approbat quod iniquos et impios Dominus prædestinaverit ad supplicium, ex eo quod illis dicturus est: *Ite in ignem æternum*. Unde qui volunt dicere quod pœna prædestinata sit injustis, non injusti prædestinati ad pœnam, viderint qualiter hujus auctoris dicta intelligant. Cui enim paratur pœna, is nimirum præparatur ad pœnam.

CAP. 46. — *Item de eodem. Augustinus.*

Vasis vero iræ nunquam Deus redderet interitum, si non spontaneum inveniretur homo habere peccatum; quia nec Deus peccanti homini juste inferret iram, si homo ex prædestinatione Dei cecidisset in culpam.

CAP. 47. — *Item de prædestinatione. Ex dictis Fulgentii (lib. De prædest.)*.

Sicut enim præscientia Dei neminem compellit ad peccatum, cum utique præscierit singulorum ante sæcula æterna peccata; ita quoque et prædestinatio ejus neminem compellit ad pœnam, licet et antequam nascatur aliquis prædestinatus sit permansurus in iniquitate ad pœnam [prædestinatus sit, si permansurus est in iniquitate, etc.].

CAP. 48. — *Item de prædestinatione. Ex dictis Ambrosii.*

Sicut enim nemo potest imputare Deo quod peccat, ita quoque quod pro peccatis puniendus sit. Peccat enim propria voluntate delinquens, puniendus est autem justo judicio judicantis. Et sicut peccati causa non ex Dei præscientia descendit, quia nullus idcirco peccat, quia Deus eum peccatorum præscierit, sed idcirco, quia magis propriæ concupiscentiæ obediit, quam præcepto prohibentis Dei a peccato; ita quoque nullus idcirco ad pœnam vadit, quia hoc in prædestinatione Dei ante fuerat. Ex eo enim quod præscitus est in peccatis permansurus, et sine poenitiæ fructu vitam præsentem terminaturus, ex eo deputatus est ad pœnam. Et sicut causa peccati concupiscentia est, qua magis obeditur voluntati carnis quam præcepto divino; ita pœnæ deputatio causa est peccati perpetratio, et postea pro peccato nulla digna satisfactio.

CAP. 49. — *Item de prædestinatione. Ex dictis ejusdem.*

Et Scriptura dicit: *Considera opera Domini, quia nemo potest corrigere, quem ille deseperis (Eccl. vii)*.

CAP. 50. — *Item de prædestinatione. Ex dictis Augustini*

Nemo quisquam bene credit in Deum, qui dubitat præscientia illius cœlum terramque contineri, mundumque providentia divini regi. Et sicut nihil latet sapientiam ejus, ita dispositio illius universa moderatur et regit. Sicut nulla est creatura occulta in conspectu ejus.

CAP. 51.—*De creatione angelorum. Idem Augustinus A* (De eccl. dogm. c. 10).

In principio creavit Deus cælum et terram, et aquam ex nihilo (*Gen. 1*), et cum adhuc tenebræ aquam ipsam occultarent, et aqua terram absconderet, facti sunt angeli et omnes coelestes virtutes, ut non esset otiosa Dei bonitas, sed haberet in quibus per multa ante spatia bonitatem suam ostenderet, et ita hic visibilis mundus ex his quæ creata fuerant [materia quæ a Deo facta fuerat. Sic hodie August.], factus est et ordinatus.

CAP. 52. — *Quod nihil sit incorporeum et invisibile præter solum Deum (ibid., c. 11).*

Nihil incorporeum et invisibile in natura credendum, nisi solum Deum. Qui ideo incorporeus creditur, quia ubique est, et omnia implet atque constringit. Ideo et invisibilis omnibus creaturis est, quia incorporeus est.

CAP. 53.—*Quod omnis creaturæ sit corporea. August. (ibid., c. 12).*

Creatura omnis corporea est, angeli et omnes coelestes virtutes corporeæ, licet non carne subsistant. Ideo autem corporeas esse credimus intellectuales creaturas, quoniam localiter circumscribuntur, sicut et anima humana quæ carne clauditur, et dæmones, qui substantia [per substantiam] angelicæ naturæ sunt.

CAP. 54. — *Quod omnes intellectuales naturæ immortales sint. August. (ibid., c. 13).*

Immortales esse credimus intellectuales naturas, quia carne carent, nec habent quod cadat, ut resurrectione egeat post ruinam.

CAP. 55.—*Quod omnes apostatæ angeli ante ruinam liberum arbitrium habuerint (Gregor. lib. Mor. v, c. 27).*

Unaquæque enim res quasi tot passibus ad aliud tendit, quot mutabilitatis suæ motibus subjacet. Sola autem natura incomprehensibilis ab statu suo nescit moveri, quæ, ab eo quod semper idem est, nescit immutari. Nam si angelorum substantia a mutabilitatis motu fuisset aliena, bene ab auctore condita, nequaquam in reprobis spiritibus a beatitudinis suæ arce cecidisset. Mire autem omnipotens Deus naturam summorum spirituum bonam, sed mutabilem condidit, ut, si qui permancie nollent, ruerent, et qui in conditione persisterent, tanto in ea jam dignius, quanto ex arbitrio starent, et eo majoris apud Deum meriti fierent, quo mutabilitatis suæ motum voluntatis statione fixissent.

CAP. 56. — *Cur angelorum spiritus irremissibiliter peccarint, homo vero peccans veniam meruerit. Gregor., in Moral. (lib. ix, c. 36).*

Angelorum spiritus idcirco irremissibiliter peccaverunt, quia tanto robustius stare poterant, quanto eos carnis admistio non tenebat. Homo vero idcirco post culpam veniam meruit, quia per carnale corpus aliquid quo semetipso minor esset, accepit. Unde et apud respectum judicis argumentum pietatis est hæc eadem infirmitas carnis.

CAP. 57. — *Quod angeli custodes hominibus præstantur. Gregorius (Moral. lib. vi, cap. 31).*

Quia vero angeli hominibus præsent per prophetam testatur angelus, dicens: *Princeps regni Persarum restitit mihi (Dan. x)*. Quod vero angeli a superiorum angelorum potestatibus dispensentur, Zacharias propheta perhibet, qui ait: *Ecce angelus qui loquebatur in me egrediebatur, et angelus alius egrediebatur in occursum ejus, et dixit ad eum: Curre et loquere ad puerum istum, dicens: Absque muro habitabitur Hierusalem (Zach. 11)*.

CAP. 58. — *Quod singulis hominibus singuli angeli dentur custodes. Ex dictis cujusdam in Vitis Patrum.*

Abbas Paulus simplex habebat gratiam ut ingredienti in ecclesiam senes aspiceret, et ex ipsa facie eorum uniuscujusque cogitationes, sive malæ essent seu bonæ, sentiret. Cum ergo venissent ad ecclesiam et ingrederentur senes, vidit eos clara facie et læto animo ingredi, et angelos eorum cum gaudio pariter cum ipsis: unum autem nigrum et nebulosum habentem corpus, et dæmones hinc atque inde trahentes cum cum admissio freno in naribus, et angelum sanctum ejus de longe sequentem tristem. Beatus ergo Paulus cœpit flere amarissime, et pectus suum tondere, sedens ante ecclesiam, præter eum quem talem viderat. Omnes autem alii senes videntes eum sic flentem, cœperunt eum rogare, ut si quid in illis vidisset, cum eis ingrederetur in congregationem. Ille autem noluit ingredi, sed semper flebat propter eum quem sic viderat. Post paululum autem cum absoluta congregatio discederet, iterum omnium vultus circumspiciebat, si tales egrederentur quales ingressi sunt. Et vidit illum quem antea viderat nigrum et nebulosum, egressum de ecclesia clara facie et candido corpore, et dæmones de longe sequentes eum, et sanctum angelum ejus prope eum hilarem et gaudentem super eum nimis.

CAP. 59.—*Quod dextra Dei sit angelorum pars electa, sinistra autem ejus pars angelorum reprobata. Gregorius (lib. II Moral., c. 21).*

Quid est ergo quod exercitus cœli a dextris et sinistris ejus stare perhibetur? (*III Reg. xxii.*) Deus enim qui ita est intra omnia, ut etiam sit extra omnia, nec dextra nec sinistra concluditur; sed dextra Dei, angelorum pars electa, sinistra autem, angelorum reprobata pars designatur. Non enim ministrant Deo solummodo boni qui adjuvent, sed etiam mali qui probent [alii qui reproben]. Non solum qui a culpa redeuntes sublevant, sed etiam qui redire nolentes gravent. Nec quod cœli exercitus dicitur, angelorum pars reprobata in eo intelligi posse prohibetur. Quas enim suspendi in aere novimus, aves cœli nominamus. Et de iisdem spiritibus Paulus dicit: *Contra spiritualia nequitiae in cœlestibus (Ephes. vi)*. Quorum caput enuntians ait: *Secundum principem potestatis aeris hujus (Ephes. ii)*. A dextera ergo Dei et sinistra angelorum exercitus stat, quia et voluntas electorum spirituum

divinæ pietati concordat, et reproborum sensus suæ malitiæ serviens, iudicio districtiōnis ejus obtemperat. Unde et mox fallax spiritus in medium prositisse describitur, per quem Achab rex exigentibus suis meritis decipiatur. Neque enim fas est credere donum spiritum fallaciæ deservire voluisse, ut diceret: *Egrediar et ero mendax spiritus in ore omnium prophetarum ejus* (III Reg. xxii; II Par. xviii). Sed quia Achab rex peccatis præcedentibus dignus erat ut tali debuisset deceptione damnari, quatenus qui sæpe volens ceciderat in culpam, quandoque nolens caperetur ad pœnam. Occulta justitiæ licentia malignis spiritibus datur, ut quos volentes in peccatis laqueo strangulant, in peccati pœnam etiam nolentes trahant. Quod ergo illic a dextris et sinistris Dei exercitus cœli astitisse describitur (III Reg. xxii), hoc hic inter filios Dei Satan adfuisse perhibetur. Ecce a dextris Dei steterunt angeli qui nominantur filii Dei; ecce a sinistris stant angeli, quia adfuit inter eos etiam Satam.

CAP. 60. — *Quod immundi spiritus in hoc cœli terræque medio vagantur.* Gregor (lib. II Moral., c. 54).

Cœlum vero aerem dici paulo ante jam diximus; unde et aves cœli nominamus. Et scimus quod immundi spiritus qui e cœlo æthereo lapsi sunt, in hujus cœli terræque medio vagantur, qui tanto magis corda hominum ascendere ad cœlestia invident, quanto se a cœlestibus per elationis suæ immunditiam projectos vident.

CAP. 61. — *De hoc, si pax in sublimibus retineatur.* Gregor (lib. xvii Moral., c. 7).

Sed inter hæc libet inquirere, si pax in sublimibus summa retinetur, quid est quod per angelum Danieli dicitur: *Ego veni propter sermones tuos, princeps autem regni Persarum restitit mihi viginti et uno diebus, et ecce Michael unus de principibus primis venit in adiutorium mihi* (Dan. x). Et paulo post: *Nunc revertar ut præliar adversus principem Persarum*. Cum enim egrederer, apparuit princeps Græcorum adveniens (ibid.). Quos itaque alios principes gentium, nisi angelos appellat, qui sibi resistere exeunti potuissent? Quæ ergo pax in sublimibus esse potest, si inter ipsos quoque angelicos spiritus præliandi certamen agitur, qui semper conspectui veritatis assistunt? sed quia certa angelorum ministeria dispensandis singulis quibusque gentibus prælata sunt, cum subjectorum mores adversus se vicissim præpositorum spirituum opem merentur, ipsi qui præsumunt spiritus contra se venire referuntur. Is namque angelus qui Danieli loquebatur, captivis Israelitici populi in Perside constitutis prælatus cognoscitur. Michael autem eorum qui de eadem plebe in Judæa terra remanserant, præpositus invenitur. Unde et ab hoc eodem angelo paulo post Danieli dicitur: *Nemo est adiutor meus in omnibus his, nisi Michael princeps vester* (ibid.). De quo et hoc quod præmissimus, dicit: *Et ecce Michael unus de principibus primis venit in adiutorium mihi*. Qui dum ne-

A quaquam simul esse, sed venire in adiutorium dicitur, aperte ei populo prælatus agnoscitur, qui captus in alia parte tenebatur.

CAP. 62. — *Quod diaboli voluntas sit semper iniqua, potestas autem ejus nunquam injusta.* Gregor (lib. II Moral., c. 10).

Sciendum vero est quia Satanæ voluntas semper iniqua est, sed nunquam potestas injusta, quia a semetipso voluntatem habet, sed a Domino potestatem: quod enim ipse facere inique appetit, hoc Deus fieri non nisi juste permittit. Unde bene in libris Regum dicitur: *Spiritus Domini malus irruerat in Saul* (I Reg. xviii). Ecce unus idemque spiritus, et Domini appellatur et malus: Domini videlicet, per licentiam potestatis justæ; malus autem, per desiderium voluntatis injustæ. Formidari igitur non debet qui nihil nisi permissus valet. Sola ergo vis illa timenda est quæ, cum hostem sævire permiserit, ei ad usus justi iudicii et injusta illius voluntas servit. Paululum vero manum postulat extendi, quia exteriora sunt quæ expetit conteri. Neque enim Satam aliquid multum se facere putat, nisi cum in anima sauciat, ut ab illa patria feriens revocet, a qua ipse longe telo superbiæ suæ prostratus jacet.

CAP. 63. — *Quod quatuor modis loquatur Deus ad diabolum, et tribus modis diabolus ad Deum.* Gregor (lib. II Moral., c. 7).

Sciendum vero est quia, sicut hoc loco discimus, quatuor modis loquitur Deus ad diabolum, tribus modis diabolus ad Deum, quia et vias injustas ejus arguit, et electorum suorum contra illum justitiam proponit, et tentandam eorum innocentiam ei concedendo permittit, et aliquando eum ne tentare audeat prohibet. Injustas enim vias ejus redarguit, sicut jam dictum est: *Unde venis?* (Job i.). Electorum suorum contra illum justitiam proponit, cum ait: *Considerasti servum meum Job, quod non sit similis ei super terram?* (ibid.) Tentandam eorum innocentiam ei concedendo permittit, sicut dicit: *Ecce universa quæ habet in manu tua sunt* (ibid.). Rursusque eum a tontatione prohibet, cum dicit: *Tantum in eum ne extendas manum tuam* (ibid.). Tribus autem modis loquitur diabolus ad Deum, cum vel vias suas insinuat, vel electorum innocentiam fictis criminibus accusat, vel tentandam eandem innocentiam postulat. Vias quippe suas insinuat, quia ait: *Circuivi terram, et perambulari eam* (ibid.). Electorum innocentiam accusat, quia dicit: *Nunquid frustra timet Job Deum? Nonne tu vallasti eum ac domum ejus, universamque substantiam per circuitum?* (ibid.) Tentandam eandem innocentiam postulat, cum dicit: *Extende manum tuam, et tange cuncta quæ possidet, nisi in faciem benedixerit tibi* (ibid.).

CAP. 64. — *Quod non sit palma victoriæ nisi labore certaminis.* Gregorius (lib. I Dial., c. 20).

Sine labore certaminis non est palma victoriæ. Unde ergo victores sunt, nisi quia contra antiqui hostis insidias decertaverunt? Malignus quippe spiritus cogitationi, locutioni, atque operi nostro sem-

per assistit, si fortasse quid inveniat unde apud examen æterni iudicis accusator existat. Vis etenim nosse quomodo ad decipiendum semper assistat? Quidam qui nunc nobiscum sunt rem quam narro testantur, quod vir vitæ venerabilis, Stephanus nomine, Valeriæ provinciæ presbyter fuit, hujus nostri Bonifacii diaconi atque dispensatoris Ecclesiæ cognatione proximus. Qui quadam die de itinere domum regressus, mancipio suo negligenter loquens, præcepit, dicens: « Veni, diabole, discalcea me. » Ad cujus vocem mox cœperunt se caligarum corrigiæ in summa velocitate dissolvere, ut aperte constaret quod ei ipse qui nominatus fuerat ad extrahendas caligas diabolus obedisset. Quod mox ut presbyter vidit, vehementer expavit, magnisque vocibus cœpit clamare, dicens: « Recede, miser, recede, non enim tibi sed mancipio meo locutus sum. » Ad cujus vocem protinus recessit, ita ut inventæ sint magna jam ex parte dissolutæ corrigiæ, ex parte remanserint. Qua in re colligi potest antiquus hostis, qui tam præsto est factis corporalibus, quam nimis insidiis nostris cogitationibus insistat.

CAP. 65.— *De creatura, natura, ministerio angelorum, et de casu apostatarum. Sanctus Isidorus in libro Officiorum sic loquitur (lib. 1 De summo bono, c. 10):*

Angelorum nomen officii est, non naturæ. Nam secundum naturam spiritus nuncupantur. Quando enim de cœlis ad annuntiandum hominibus mittuntur, ex ipsa annuntiatione angeli nominantur. Natura enim spiritus sunt. Tunc autem angeli vocantur, quando mittuntur. Natura angelorum mutabilis est, sed facit eos incorruptos charitas sempiterna. Gratia dicimus, non natura esse incommutabiles angelos. Nam si natura incommutabiles essent, diabolus utique non cecidisset. Mutabilitati itaque naturæ suffragatur in illis contemplatio Creatoris. Inde et privatus est apostata angelus, dum fortitudinem suam non a Deo, sed a se voluit custodiri. Ante omnem creaturam angeli facti sunt, dum dictum est: *Fiat lux (Gen. 1)*. De ipsis enim dicit Scriptura: *Prior omnium creata est sapientia (Ecclesi. 1)*. Lux enim dicuntur, participando luci æternæ; sapientia vero dicuntur, ingenitæ inhærendo Sapientiæ. Et dum mutabiles sint natura, non tamen sinit eos contemplatio mutari divina. Ante omnem creaturam [creationem, or.] mundi creati sunt angeli, et ante omnem creationem angelorum diabolus conditus est, sicut scriptum est: *Ipse est principium viarum Dei (Job xl)*. Unde et ad comparisonem angelorum archangelus appellatus est. Prius enim creatus existit ordinis prælatione, non temporis quantitate. Primatum habuisse inter angelos diabolus excellentia prælationis constat, ex qua fiducia cecidit, ita ut sine reparatione laberetur. Cujus prælationis excellentiam propheta his verbis annuntiat: *Cedri non fuerunt altiores illo in paradiso Dei, abietes non adæquaverunt summitatem*

A illius Omne lignum paradisi non est assimilatum ei, quoniam spectiosorem fecit eum Deus (Ezech. xxxi). Distat conditio angeli a conditione hominis; homo enim ad Dei similitudinem conditus est; archangelus vero qui lapsus est, signaculum Dei similitudinis appellatus est, testante Domino per Ezechielem: *Tu signaculum similitudinis, plenus sapientia, perfectus decore, in deliciis paradisi Dei fuisti (Ezech. xxviii)*. Quanto enim subtilior est ejus natura, tanto plenius existit ad similitudinem divinæ veritatis expressa. Prius de cœlo cecidisse diabolus liquet quam homo conderetur. Nam mox ut factus est, in superbiam erupit, et præcipitatus de cœlo est. Nam, juxta Veritatis testimonium: *Ab initio mendax fuit, et in veritate non stetit (Joan. viii)*, quia statim ut factus est, cecidit. Fuit quidem in veritate conditus, sed non stando confestim a veritate est lapsus. Uno superbiam lapsu, dum Deo per tumorem se conferunt, et homo cecidit, et diabolus. Sed homo reversus ad pœnitentiam Deo se inferiorem esse cognoscit; diabolus vero non solum hoc contentus quod se Deo æqualem existimans cecidit, insuper etiam superiorem se Deo dicit, secundum Apostoli dictum, qui ait de Antichristo: *Qui adversatur, et extollitur supra omne quod dicitur Deus, aut quod colitur (II Thess. ii)*. Diabolus ideo jam non petit veniam, quia non compungitur ad pœnitentiam. Membra vero ejus sæpe per hypocrisin deprecantur, quod tamen pro mala conscientia adipisci non merentur. Discat humana miseria quod ea causa citius provocetur Deus præstare veniam, dum infirmo compatitur homini, quia ipse homo traxit ex parte inferiori infirmitatem peccandi, hoc est ex carne, qua inclusa anima detinetur. Apostatæ vero angeli ideo veniam non habent, quia carnalis fragilitatis nulla infirmitate gravati sunt ut peccarent. Homines autem post peccatum idcirco revertuntur ad veniam, propterea quod ex lutea materia pondus traxerunt infirmitatis, ideoque pro infirmæ carnis conditione reditus patet homini ad salutem, sicut et Psalmista dicit: *Ipse scit figmentum nostrum. Memento, Domine, quod terra sumus (Psal. cii)*. Et iterum: *Memorare, inquit, quæ sit mea substantia (Psal. lxxxviii)*. Postquam apostatæ angeli ceciderunt, reliqui perseverantia æternæ beatitudinis solidati sunt. Unde et post cœli creationem in principio repetitur: *Fiat firmamentum. Et vocatum est firmamentum cœlum (Gen. 1)*. Nimirum ostendens quod post angelorum ruinam, hi qui permanserunt firmitatem meruerunt æternæ perseverantiæ et beatitudinis, quam antea minus acceperant. Unde oportet agnosci quod malorum iniquitas sanctorum serviat utilitati, quia unde mali corruunt, inde boni proficiunt. Bonorum angelorum numerus, qui post ruinam angelorum malorum est diminutus, ex numero electorum hominum supplebitur, qui numerus soli Deo est cognitus. Inter angelos distantia potestatum est, et pro gratiarum dignitate ministeria eisdem sunt distributa, aliique aliis

præferuntur, tam culmine potestatis quam scientia virtutis. Subministrant igitur alii aliorum præceptis atque obediunt jussis. Unde et ad prophetam Zachariam angelus angelum mittit, et quæcumque annuntiare debeat præcipit (*Zach. 11*). Novem esse distinctiones, vel ordines angelorum sacræ Scripturæ testantur, id est, angeli, archangeli, throni, dominationes, virtutes, principatus, potestates, cherubim et seraphim. Horum ordinum numerum etiam Ezechiel propheta describit sub totidem nominibus lapidum, cum de primatu apostatæ angeli loqueretur: *Omnia, inquit, lapis pretiosus operimentum tuum: sardius, et topazius, et jaspis, chrysolithus, et onyx, et berillus, sapphirus, carbunculus, et smaragdus (Ezech. xxviii)*, quo numero lapidum ipsi ordines designati sunt angelorum; quos apostata angelus ante lapsum, quasi in vestimento ornamenti sui affixos habuit, ad quorum comparisonem dum se clariorem cunctis asperxit, confestim intumuit, et cor suum ad superbiam elevavit. Angeli semper in Deo gaudent, non in se. Malus vero ideo est diabolus, quia non quæ Dei, sed quæ sua sunt requisivit. Nulla autem major iniquitas, quam non in Deo, sed in se velle quempiam gloriari. Angeli in verbo Dei cognoscunt omnia antequam fiant in re; et quæ apud homines adhuc futura sunt, angeli, jam revelante Deo, noverunt. Prævaricatores angeli, etiam sanctitate amissa, non tamen amiserunt vivacem naturæ angelicæ sensum. Triplici enim modo præscientiæ acuminè vigent, id est, subtilitate naturæ, experientia temporum, revelatione superiorum potestatum. Quoties Deus quocumque flagello huic mundo irascitur, ad ministerium vindictæ apostatæ angeli mittuntur; qui tamen divina potestate coercentur, ne tantum noceant quantum cupiunt. Boni autem angeli ad ministerium salutis humanæ deputati sunt, ut curas administrarent mundi, et regant omnia jussa Dei, testante Apostolo: *Nonne omnes, inquit, sunt administratorii spiritus in ministerium missi, propter eos qui hæreditatem capient salutis? (Hebr. 1.)* Angeli corpora in quibus hominibus apparent de superno aere sumunt, solidamque speciem ex cœlesti elemento induunt, per quam humanis obtutibus manifestius demonstrentur. Singulæ gentes præpositos angelos habere creduntur: quod ostenditur testimonio angeli Danieli loquentis: *Ego, inquit, veni ut nuntiarem tibi, sed princeps regni Persarum mihi restitit (Dan. x)*. Et post alia: *Non est qui me adjuvet nisi Michael princeps noster (ibid.)*. Item omnes homines angelos habere probantur, loquente Domino in Evangelio: *Amen dico vobis quia angeli eorum semper vident faciem Patris mei, qui in cælis est (Matth. xviii)*. Unde et Petrus in Actibus apostolorum cum pulsaret januam dixerunt intus apostoli: *Non est Petrus, sed angelus ejus est (Act. xii)*. Si Deum angeli contuentur et vident, cui Petrus apostolus dicit: *In quem desiderant angeli Dei conspiciere? (1 Petr. 1.)* item Deum non contuentur, nec vident quo modo, iuxta sententiam Domini,

A *angeli eorum semper vident faciem Patris, qui in cælis est? (Matth. xviii)*. Sed bene utrumque est. Nam veraciter credimus quod Deum angeli et vident et videre desiderant, et habent et habere festinant, et amant et amare nituntur. Si enim sic videre desiderant, ut effectu desiderii non perfruantur, desiderium hoc necessitatem habet. Necessitas ista poenalis est et [sed a, or.] beatis angelis omnis poena longe est, quia nunquam simul poena et beatitudo conveniunt. Rursum si eos dicimus Dei visione satiari, satietas fastidium habere solet; et scimus illos Dei visionem, quam et desiderant, fastidire non posse. Quid ergo est, nisi ut miro modo simul utrumque credamus, quia et desiderant et satiantur? Sed desiderant sine labore, et satiantur sine fastidio. Ne enim sit in desiderio necessitas, desiderantes satiantur. Et iterum, ne sit in satiæte fastidium, satiati [satiari, or.] desiderant. Vident ergo angeli faciem Patris per satiætem, sed quia satiætas ista fastidium nescit, angeli desiderant in eum prospicere semper. Ulicunque in Scripturis sanctis pro Deo angelus ponitur, non Pater, non Spiritus sanctus, sed pro incarnationis dispensatione, solus Filius intelligitur. Ante Dominicam incarnationis adventum, discordia inter homines et angelos fuit; veniens autem Christus pacem in se et angelis et hominibus fecit. Eo quippe nato clamaverunt angeli: *In terra pax hominibus bonæ voluntatis (Luc. 1)*. Per incarnationem igitur Christi, non solum Deo reconciliatus est homo, verum etiam pax inter angelos et homines reformata est. Discordia igitur ante adventum Christi angelorum et hominum fuisse per id maxime intelligitur, quod salutati in Veteri Testamento ab hominibus angeli, despiciunt se salutari [resalutari] ab eis. Quod in Novo Testamento a Joanne factum, non solum reverenter angelus suscipit, verum etiam ne faciat interdictum (*Apoc. xix, xxii*). Ob hoc homo in Veteri Testamento despicitur, nec resalutatur ab angelo, eo quod homo adhuc nondum transisset in Deum. Suscipitur autem homo a Deo, et reverenter salutatur ab angelo. Nam et Mariam angelus Gabriel legitur salutasse (*Luc. 1*), et Joanni angelum salutanti ab eodem angelo dicitur: *Vide ne feceris, conservus enim tuus sum et fratrum tuorum (Apoc. xix, xxii)*. Per quod agnoscitur per incarnationem Dominicam pacem hominibus fuisse et angelis reditam.

CAP. 66. — *Quod supernorum civium numerus et finitus sit, et infinitus. Gregor. in Moral. (lib. xvii, cap. 7).*

Supernorum civium numerus et finitus et definitus exprimitur, ut qui Deo est numerabilis, esse nobis innumerabilis demonstraretur, quamvis aliud est assistere, aliud ministrare. Assistunt enim illæ procul dubio potestates, quæ ad quædam hominibus nuntianda non exeunt. Ministrant vero hi qui ad explenda officia nuntiorum veniunt, sed tamen ipsi quoque contemplatione ab intimis non recedunt. Et

quia plures sunt qui ministrant quam hi qui principaliter assistunt, assistentium numerus quasi definitus, ministrantium vero infinitus ostenditur. (*Ibid.*, c. 8.) Angelicos vero spiritus recte Dei milites dicimus, quia decertare eos contra potestates aereas non ignoramus. Quæ tamen certamina non labore sed imperio peragunt, quia quidquid agendo contra immundos spiritus appetunt, ex adjutorio cuncta regentis possunt.

CAP. 67. — *Quod omnis culpa ante discessum munere oblationis solvatur. Ex Dialog. Gregor. (lib. iv, cap. 55).*

Sed neque hoc silendum existimo quod actum in monasterio meo ante hoc triennium reminiscor. Quidam namque monachus, Justus nomine, medicinali arte fuerat imbutus, qui mihi, in eodem monasterio constituto, sedulo obsequi atque in assiduis ægri tudinibus meis excubare consueverat. Hic itaque languore corporis præventus ad extrema deductus est. Cui in ipsa molestia sua frater germanus, nomine Copiosus, serviebat, qui ipse quoque nunc in hac urbe per eandem medicinæ artem temporalis vitæ stipendia sectatur. Sed prædictus Justus cum jam se ad extrema pervenisse cognovisset, eidem fratri suo Copioso quia occultos tres aureos haberet innotuit. Quod nimirum fratribus non potuit celari. Sed subtiliter indagantes, atque illius omnia medicamenta perscrutantes, eosdem tres aureos in medicamine invenerunt absconsos. Quod mox ut mihi nuntiatum est, tantum malum de fratre, qui nobiscum communiter vixerat, æquanimiter ferre non valui; quippe quia ejusdem mei monasterii semper regula fuerat, ut cuncti fratres ita communiter viverent quatenus eis singulis nulla habere propria liceret. Tunc nimio mœnore percussus, cogitare cœpi, vel quid ad purgationem morientis facerem, vel quid ad exemplum viventibus fratribus providerem. Pretioso igitur ejusdem monasterii præposito ad me ascito dixi: Vide ut nullus ex fratribus se ad eum morientem jungat, nec sermonem consolationis ex cujuslibet eorum ore percipiat, sed cum in morte constitutus fratres exquisierit, ei suus frater carnalis dicat quia, propter aureos quos occulte habuit, a cunctis fratribus abominatus sit, ut saltem in morte de culpa mentem ipsius amara iusto transverberet. atque a peccato quod perpetravit, purget. Cum vero mortuus fuerit, corpus illius cum fratrum corporibus non ponatur, sed quolibet fossam in sterquilinio facite, et in ea corpus ejus projicite, ibique super eum tres aureos quos reliquit jactate, omnes simul clamantes: *Pecunia tua tecum sit in perditionem (Act. viii)*, et sic eum terra cooperite. In quibus utrisque rebus unam morienti, alteram vero volui viventibus fratribus prodesse, ut et illum amaritudo mortis a culpa solubilem faceret, et istos avaritiæ tanta damnatio misceri in culpa prohiberet [terrorer et a culpa prohiberet]. Quod ita factum est; nam cum idem monachus pervenisset ad mortem, et anxie quæreret fratribus se commendare,

A nullusque e fratribus se ei applicare, et loqui dignaretur, ei carnalis frater cur ab omnibus esset abominatus innotuit. Qui protinus de reata vehementer genuit, atque in ipsa tristitia e corpore exivit. Qui ita est sepultus ut dixi. Sed fratres omnes, ex eadem ejus sententia perturbati, cœperunt singuli extrema quæque et vilia, quæ eis semper habere regulariter licuerat, ad medium proferre, vehementerque formidare ne quid apud se esset unde reprehendi potuissent. Cum vero post mortem ejus triginta jam essent dies evoluti, cœpit animus meus defuncto fratri compati, ejusque cum dolore gravi supplicia pensare, et si quod esset erectionis ejus remedium quærere. Tunc evocato ad me eodem Pretioso monasterii mei præposito, tristis dixi: Diu est quod frater B ille qui defunctus est in igne cruciatur, debemus ei charitatis aliquid impendere, et eum, in quantum possumus, ut eripiatur adjuvare. Vade itaque, et ab hodierna die diebus triginta continuis offerre pro eo sacrificium stude, ut nullus omnino prætermittatur dies, quo pro absolutione illius salutaris hostia non imoletur [offeratur]. Qui protinus abscessit, et paruit. Nobis autem alia curantibus, atque evolutos dies non numerantibus, idem frater qui defunctus fuerat, nocte quadam fratri suo germano Copioso per visionem apparuit. Quem ille cum vidisset, inquisivit dicens: Quid est, frater? Quomodo es? Cui ille respondit: Nunc usque male fui, sed jam modo bene sum, quia hodie communionem recepi. Quod C idem Copiosus pergens protinus fratribus in monasterio indicavit. Fratres vero sollicitè computaverunt dies, et repererunt quod ipse dies exstitit, quo pro eo tricesima oblatio fuit impleta. Cumque et Copiosus nesciret quid pro eo fratres egissent, et fratres ignorarent quid de illo Copiosus vidisset, uno eodemque tempore, dum cognoscit ille quid isti egerant, atque illi cognoscunt quid ipse viderat, concordante simul visione et sacrificio, res apte claruit quia frater, qui defunctus fuerat, per salutarem hostiam supplicium evasit.

CAP. 68. — *Quod sacra oblatio post mortem animabus prodesse possit, si non sint culpæ indissolubiles. Ex Dial. Greg. (lib. iv, cap. 55).*

Si culpæ post mortem insolubiles non sunt, multorum solet animas etiam post mortem sacra oblatio hostiæ salutaris adjuvare, ita ut hanc nonnuncquam ipsæ defunctorum animæ expetere videantur. Nam prædictus Felix episcopus a quodam venerabilis vitæ presbytero, qui usque ante biennium vixit, et in diœcesi Centumcellensis urbis habitabat, atque ecclesiæ Beati Joannis quæ in loco qui Tauriana dicitur sita est, præerat, cognovisse se asserit quod idem presbyter in eo loco in quo aquæ calidæ vapores nimios faciunt, quoties necessitas corporis exigebat, lavari consueverat. Ubi dum die quadam fuisset ingressus, invenit quemdam incognitum virum ad suum obsequium præparatum, qui sibi de pedibus calceamenta abstraheret, vestimenta susciperet, et exeunti de caloribus sabana præberet, at-

que omne ministerium cum magno famulatu perageret. Cumque hoc sæpius fieret, idem presbyter die quadam ad balnea iturus, intra semetipsum cogitans dixit: Viro illi qui mihi solet tam devotissime ad lavandum obsequi, ingratus apparere non debeo, sed aliquid me necesse est ei pro munere portare. Tunc duas secum oblationum coronas detulit. Qui mox ut pervenit ad locum, hominem invenit, atque ex more ejus obsequio in omnibus usus est. Lavit itaque, et cum jam vestitus voluisset egredi, hoc quod secum detulerat, obsequenti sibi viro pro benedictione obtulit petens ut benigne susciperet quod ei charitatis gratia offerret. Cui ille mœrens afflictusque respondit: Mihi ista quare das, Pater? Iste panis sanctus est, et ego hunc manducare non possum. Etenim quem vides, aliquando hujus loci dominus fui, sed pro culpis meis hic post mortem deputatus sum. Si autem mihi præstare vis, omnipotenti Deo pro me offer hunc panem, ut pro peccatis meis intervenias, et tunc te exauditum esse cognosce, cum huc ad lavandum veneris, et me minime inveneris. In quibus verbis disparuit, et is qui homo esse videbatur, evanescente innotuit quia spiritus fuit. Idem vero presbyter hebdomada continuata pro eo in lacrymis afflixit, salutarem quotidie hostiam obtulit, et reversus postea ad balneum, eum minime invenit. Qua ex re quantum prosit animabus immolatio sacræ oblationis ostenditur, quando hanc et ipsi mortuorum spiritus a viventibus petunt, et signa indicant quibus per eam absoluti videantur.

CAP. 69. — *Quod beatius sit quemque liberum hinc exire, quam post mortem libertatem querere (ex Dialog. Gregor., lib. iv, cap. 58).*

Cunctis ostendatur, quia si insolubiles culpæ fuerint, ad absolutionem prodesse minime etiam mortuis victima sacræ oblationis possit. Sed sciendum est quia illis sacræ victima mortuis prosit, qui hic vivendo obtinuerint, ut eos etiam post mortem bona adjuvent quæ hic pro ipsis ab aliis fiunt. Inter hæc autem pensandum est quod tutior via sit, ut bonum quod quisque post mortem suam sperat agi per alios, agat, dum vivit, ipse per se. Beatius quippe est liberum exire quam post vincula libertatem querere.

CAP. 70. — *Quod nullus debeat rogare pro peccato quod est ad mortem. Gregor. in Moral. (lib. xvi, cap. 31).*

Peccatum quippe usque ad inferos ducitur, quod ante finem vitæ præsentis per correctionem ad penitentiam non emendatur. De quo videlicet peccato per Joannem dicitur: *Est peccatum ad mortem; non pro illo dico ut roget quis (I Joan. v).* Peccatum namque ad mortem est peccatum usque ad mortem, quia scilicet peccatum quod hic non corrigitur, ejus venia frustra postulat. De hoc adhuc subditur: *Obliviscatur ejus misericordia (Job xxiv).* Omnipotentis Dei misericordia oblivisci ejus dicitur, qui omnipotentis Dei justitiam fuerit oblitus. Quisquis

A enim eum nunc justum non timet, post invenire non valet misericordem.

CAP. 71. — *Quod omnes animæ electorum credendæ sint esse in cælo, et iniquorum animæ in inferno. Ex Dialog. Gregor. (lib. iv, cap. 28).*

Inquisitioni meæ jam video sufficienter satisfactum, sed et hoc est adhuc quod quæstione animam pulsat, quia, cum superius dictum sit esse jam sanctorum animas in cælo, restat procul dubio ut iniquorum quoque animæ esse non nisi in inferno credantur. Et quid de hac re habeat veritas ignoro. Nam humana æstimatio non habet peccatorum animas posse ante judicium cruciari. GREG. : Si esse sanctorum animas in cælo sacri eloqui satisfactione credidisti, oportet ut per omnia esse credas et iniquorum animas in inferno, quia ex retributione æternæ justitiæ ex qua jam justii gloriantur, necesse est per omnia ut et injusti crucientur. Nam sicut electos beatitudo lætificat, ita credi necesse est quod a die exitus sui ignis reprobos exurat.

CAP. 72. — *Quod sicut finis non est gaudio bonorum, sic finis non est tormentis malorum. Ex Dial. Greg. (lib. iv, cap. 44).*

PETRUS. — Nunquid nam, quæso te, dicimus eos qui semel illic mersi fuerint semper arsuos? GREGORIUS. — Constat nimirum et incunctanter verum est quia, sicut finis non est gaudio bonorum, ita finis non erit tormentis malorum. Nam cum Veritas dicat: *Ibunt hi in supplicium æternum, justii autem in vitam æternam (Matth. xxv),* quia verum est quod promisit, falsum procul dubio non crit quod minatus est Deus.

CAP. 73. — *Quod non ita sit, ut quidam affirmant, quod Deus ob hoc pœnam minatus sit æternam peccantibus ut corrigeret a malis. Ex Dial. Greg. (proxime post).*

PETRUS. — Quid si quis dicat: Idcirco Deus peccantibus æternam pœnam minatus est, ut eos a peccatorum perpetracione compesceret? GREGORIUS. — Si falsum est quod minatus est: ut ab injustitia corrigeret, etiam falsa est pollicitus, ut ad justitiam provocaret. Sed quis hoc dicere, vel insatus præsumat? Et si minatus est quod non erat impleturus, dum asserere eum misericordem volumus, fallacem, quod nefas est dicere, prædicare compellimur.

CAP. 74. — *Cur peccata quæ cum fine perpetrata sunt, sine fine puniantur. Ex Dialog. Gregor. (Ibidem).*

PETRUS. — Scire velim quomodo justum sit ut culpa, quæ cum fine perpetrata est, sine fine puniatur. GREGORIUS. — Hoc recte diceretur si districtus Judex non corda hominum, sed facta pensaret. Iniqui enim ideo cum fine deliquerunt, quia cum fine vixerunt. Nam voluissent utique, si potuissent, sine fine vivere, ut potuissent sine fine peccare. Ostendunt enim, quia in peccato semper vivere cupiunt, qui nunquam desinunt peccare dum vivunt. Ad magnam ergo justitiam judicantis pertinet, ut nunquam

careant supplicio, qui in hac vita nunquam voluerunt carere peccato.

CAP. 75. — *Quod pius sit Deus, et non pascatur cruciatu miserorum : justus autem, et ideo non sedatur in perpetuum ab iniquorum ultione. Ex Dialog. Greg. (ibid.).*

PETRUS. — Sed nullus justus crudelitate pascitur, et delinquens servus a domino justo idcirco cædi præcipitur ut a nequitia corrigatur. Ad hoc enim vapulat ut emendari debeat. Iniqui autem gehennæ igni traditi, si ad correctionem non veniunt, quo sine semper ardebunt? GREGORIUS. — Omnipotens Deus quia pius est, miserorum cruciatu non pascitur. Quia autem justus est, ab iniquorum ultione in perpetuum non sedatur. Sed iniqui omnes æterno supplicio deputati sua quidem iniquitate puniuntur, et tamen ad aliquid ardebunt, scilicet ut justii omnes et in Deo videant gaudia quæ percipiunt, et in illis respiciant supplicia quæ evaserunt, quatenus in æternum tanto magis divinæ gratiæ debitores se esse cognoscant quanto magis in æternum mala puniri conspiciunt, quæ ejus adjutorio vicerunt.

CAP. 76. — *De hoc, si ante restitutionem corporum animæ justorum in cælum recipiantur. Ex Dial. Greg. (lib. IV, c. 44).*

PETRUS. — Placet quod dicis. Sed velim nosse si nunc ante restitutionem corporum, in cælum recipi valeant animæ sanctorum. GREGORIUS. — Hoc neque de omnibus justis fateri possumus, neque de omnibus negare. Nam sunt quorundam justorum animæ quæ a cœlesti regno quibusdam adhuc mansionibus differuntur. In quo dilationis damno quid aliud innuitur, nisi quod perfectæ justitiæ aliquid minus habuerunt? Et tamen luce clarius constat quia perfectorum justorum animæ mox ut hujus carnis claustra exeunt, in cœlestibus sedibus recipiuntur. Quod et ipsa per se Veritas testatur, dicens : *Ubiunque fuerit corpus, illuc congregabuntur et aquilæ (Matth. XXIV)*. Quia ubi ipse Redemptor noster est corpore, illuc procul dubio colliguntur et animæ justorum. Et Paulus dissolvi desiderat, et cum Christo esse (*Phil. I*). Qui ergo Christum esse in cœlis non dubitat, nec Pauli animam esse in cœlo negat. Qui etiam de dissolutione sui corporis atque in habitatione patriæ cœlestis dicit : *Scimus quia si terrestris domus nostra hujus habitationis dissolvatur, quod ædificationem habemus ex Deo, domum non manufactam, sed æternam in cœlis (II Cor. V)*.

CAP. 77. — *Quod justii in die judicii animarum simul et corporum gloria lætabuntur. Ex Dial. Greg. (ibid.).*

PETRUS. — Si igitur nunc in cœlo sunt animæ justorum, quid est hoc quod in die judicii pro suæ justitiæ retributione recipient? GREGORIUS. — Hoc eis nimirum crescit in judicio, quod nunc animarum sola, postmodum vero etiam corporum beatitudine perfruuntur, ut in ipsa quoque carue gaudeant, in qua dolores pro Domino cruciatusque perulerunt. Pro hac quippe geminata eorum gloria

A scriptum est : *In terra sua duplicata possidebunt (Isa. LXI)*. Hinc etiam ante resurrectionis diem de sanctorum animabus scriptum est : *Datæ sunt illis singulæ stolæ albæ, et dictum est illis ut requiescerent tempus adhuc modicum, donec impleretur numerus conservorum et fratrum eorum (Apoc. VI)*. Qui itaque nunc singulas acceperunt, in judicio binas stolas habituri sunt, quia modo animarum tantummodo, tunc autem animarum simul et corporum gloria lætabuntur.

CAP. 78. — *De hoc, si boni bonos in regno, vel mali malos in supplicio agnoscant. Ex Dial. Greg. (lib. IV, c. 53).*

PETRUS. — Nosse vellem si boni bonos in regno, vel mali malos in suppliciis agnoscant? GREGORIUS. — Hujus rei sententia in verbis est Dominicis (*Luc. XVI*), quam jam superius protulimus, luce clarius demonstrata. In quibus cum dictum esset : *Homo quidam erat dives, et induebatur purpura et bysso, et epulabatur quotidie splendide, et erat quidam ulceribus plenus, nomine Lazarus, qui jacebat ad januam ejus ulceribus plenus, cupiens saturari de micis quæ cadebant de mensa divitis, et nemo illi dabat, sed et canes veniebant et lingeabant ulcera ejus subjunctum est, quod Lazarus mortuus portatus est ab angelis in sinum Abraham, et mortuus dives sepultus est in inferno. Qui elevans oculos suos, cum esset in tormentis, vidit Abraham a longe et Lazarum in sinu ejus, et ipse clamans dixit : Pater Abraham, miserere mei, et mitte Lazarum ut intingat extremum digiti sui in aquam ut refrigeret linguam meam. Cui Abraham dixit : Fili, recordare quia recepisti bona in vita tua, et Lazarus similiter mala. Dives autem de seipso jam spem salutis non habens, ad promerendam suorum salutem convertitur, dicens : Rogo te, pater, ut mittas eum in domum patris mei; habeo enim quinque fratres, ut testetur illis ne et ipsi veniant in hunc locum tormentorum. Quibus verbis aperte declaratur quia et boni bonos, et mali malos agnoscant. Si igitur Abraham Lazarum minime recognosceret, nequaquam ad divitem positum in tormentis de transacta ejus contritione loqueretur dicens quod mala receperit in vita sua. Etsi mali malos non recognoscerent, nequaquam dives in tormentis positus fratrum suorum etiam absentium meminisset. Quomodo enim præsentem non posset agnoscere, qui etiam pro absentium memoria curavit exorare? Quia in re illud quoque ostenditur quod nequaquam ipse requisisti, quia et boni malos, et mali cognoscunt bonos. Nam et dives ab Abraham cognoscitur, cui dictum est : *Recordare quia recepisti bona in vita tua; et electus Lazarus a reprobo est divite cognitus, quem mitti precatur ex nomine, dicens : Mitte Lazarum ut intingat extremum digiti sui in aquam, ut refrigeret linguam meam. In qua videlicet cognitione utriusque partis cumulus retributionis excrescit, ut et boni amplius gaudeant, qui secum eos lætari conspiciunt quos amaverunt, et mali dum cum eis torquentur quos in hoc mundo despecto**

Deo, dilexerunt, eos non solum sua, sed etiam eorum pœna consumat. Fit autem in electis quiddam mirabilius, quia non solum eos cognoscunt quos in hoc mundo noverunt, sed velut visos ac cognitos recognoscunt bonos, quos nunquam viderunt. Nam cum antiquos Patres in illa æterna hæreditate viderint, eis incogniti per visionem non erunt quos in opere semper noverunt. Quia enim illic omnes communi claritate Deum conspiciunt, quid est quod ibi nesciant, ubi scientem omnia sciunt? Nam quidam noster vitæ venerabilis vir, religiosusque valde et laudabilis, cum ante triennium moreretur, sicut religiosi alii qui præsentés fuerunt testati sunt, in hora sui exitus Jonam prophetam Ezechielem quoque et Danielem cœpit aspiciere. Quos dum venisse ad se diceret, et depressis luminibus eis reverentiæ obsequium præberet, ex carne eductus est. Qua in re aperte datur intelligi quæ erit in illa incorruptibili vita notitia, si vir iste adhuc in carne positus, prophetas sanctos, quos nimirum nunquam viderat, agnovit. Solet autem plerumque contingere ut egressura anima eos etiam recognoscat, cum quibus pro qualitate culparum vel etiam præmiorum, in una est mansione deputanda; quod multi in eo exitu vident, quos aut in regno aut in supplicio pares habebunt.

CAP. 79. — *De hoc, si ignis purgatorius credendus sit qui post mortem animas a peccatis expurget. Ex Dial. Greg. (lib. iv, c. 39).*

PETRUS. — Discere vellem si post mortem ignis purgatorius esse credendus est. **GREGORIUS.** — In Evangelio Dominus dicit: *Ambulate dum lucem habetis (Joan. xii).* Per prophetam quoque ait: *Tempore accepto exaudivi te, et in die salutis adjuvi te (Isa. xlix).* Quod Paulus apostolus exponens dixit: *Ecce nunc tempus acceptabile (II Cor. vi), etc.* Salomon quoque ait: *Quodcumque potest manus tua facere, instanter operare, quia nec opus, nec ratio, nec scientia, nec sapientia erit apud inferos quo tu properas (Eccle. ix).* David quoque ait: *Quoniam in sæculum misericordia ejus (Psal. cxxxvii).* Ex quibus nimirum sententiis constat quia qualis hinc quisque egreditur, talis in iudicio præsentatur. Sed tamen de quibusdam levibus culpis esse ante iudicium purgatorius ignis credendus est, eo quod Veritas ait: *Quia si quis in Spiritum sanctum blasphemiam dixerit, neque in hoc sæculo dimittetur ei, neque in futuro (Matth. xii).* In qua sententia datur intelligi quasdam culpas in hoc sæculo, quasdam vero in futuro posse laxari. Quod enim de uno negatur, consequenter intellectus patet quia de quibusdam conceditur. Sed tamen (ut prædixi) hoc de parvis minimisque peccatis fieri posse credendum est, sicut est assiduus otiosus sermo, immoderatus risus, vel peccatum curæ rei familiaris (quæ vix sine culpa ab ipsis agitur, qui culpas qualiter declinare debeant sciunt) aut non in gravibus rebus error ignorantia, quæ cuncta etiam post mortem gravant, si adhuc in hac vita positus minime fuerint relaxata. Nam et cum Paulus dicat Christum esse fundamentum (I

A *Cor. iii), atque subjungat: Si quis superædificaverit super hoc fundamentum, aurum, et argentum, lapides pretiosos, ligna, fenum, stipulam, uniuscujusque opus quale sit ignis probabit; si cujus opus arserit, detrimentum patietur, ipse autem salvus erit, sic tamen quasi per ignem (ibid).* Quamvis hoc de igne tribulationis in hac nobis vita adhibito possit intelligi, attamen si quis hæc de igne futuræ purgationis accipiat, pensandum sollicitè est quia illum dixit per ignem posse salvari, non qui super hoc fundamentum ferrum, æs, vel plumbum ædificat, id est peccata majora, et idcirco duriora, atque jam tunc insolubilia, sed ligna, fenum, stipulam, id est peccata minima atque levissima, quæ ignis facile consumit. Hoc tamen sciendum est quia illic saltem de minimis nil quisque purgationis obtinebit, nisi bonis hoc actibus in hac vita adhuc positus ut illic obtineat promereatur.

CAP. 80. — *Quod unus sit gehennæ ignis, sed non uno modo omnes cruciet. Ex Dial. Greg. (lib. iv, c. 43).*

PETRUS. — Quæso te: Unus esse gehennæ ignis credendus est, an quanta peccatorum diversitas fuerit, tanta quoque et ipsa æstimanda sunt incendia esse præparata? **GREGORIUS.** — Unus quidem est gehennæ ignis, sed non uno modo omnes cruciat peccatores. Uniuscujusque etenim quantum exigit culpa, tantum illic sentietur pœna. Nam sicut in hoc mundo sub uno sole multi consistunt, nec tamen ejusdem solis ardorem æqualiter sentiunt, quia alius plus, atque alius minus æstuat, ita illic in uno igne non unus est modus incendii, quia quod hic diversitas corporum, hoc illic agit diversitas peccatorum, ut et ignem non dissimilem habeant, et tamen eosdem singulos dissimiliter exurat.

CAP. 81. — *Quot genera sint oblationis pro defunctis facienda. Ex dictis August. (Ench. c. 410).*

Quatuor sunt genera oblationis: pro valde bonis gratiarum actiones sunt, hoc est, Deo gratias agunt quia bene vixerunt; pro non valde bonis, ut plena remissio fiat; pro non valde malis, propitiationes sunt, ut tolerabilior sit damnatio; pro valde malis etsi nulla sunt adjumenta mortuorum, qualescunque consolationes vivorum sunt.

CAP. 82. — *Cur sanctorum animæ pro peccatoribus non orant, quando eos in igne æterno ardere prospexerint. Ex Dial. Greg. (lib. iv, c. 44).*

PETRUS. — Et ubi est quod sancti sint, si pro inimicis suis quos tunc ardere viderint non orant? quibus utique dictum est: Pro inimicis vestris orate? (*Matth. v.*) **GREGORIUS.** — Orant pro inimicis suis eo tempore quo possunt ad fructuosam pœnitentiam eorum corda convertere, atque in ipsa conversione salvare. Quid enim aliud pro inimicis orandum est, nisi hoc quod Apostolus ait, ut det illis Deus pœnitentiam ad cognoscendam veritatem, et respiciant a diaboli laqueis, a quo captivi tenentur ad ipsius voluntatem? (*I Tim. ii.*) **PETRUS.** — Et quomodo pro illis tunc orabit, qui jam nullatenus possunt ad justitiæ opera ab iniquitate commutari? **GREGO-**

NIUS.— Eadem itaque ratio cur non ore tur tunc pro hominibus æterno igne damnatis, quæ nunc etiam causa est ut non orent sancti homines pro hominibus infidelibus impiisque defunctis, nisi quia de eis quos utique deputatos æterno supplicio jam noverint, ante illum jam iudicis justis conspectum orationis suæ meritum cassari refugiant? Quod si nunc quoque viventes justis mortuis et damnatis injustis minime compatiuntur, quando adhuc aliquid iudicabile de sua carne sese perpetui etiam ipsi noverunt, quanto districtius tunc iniquorum tormenta respiciunt, quando ab omni vitæ corruptione exuti, ipsi jam justitiæ vicinius atque arctius inhærebunt? Sic quippe eorum mentes per hoc quod justissimo iudici inhærent vis districtioris absorbet, ut omnino eis non liceat [libeat] quidquid ab illius æternæ regulæ subtilitate discordat.

CAP. 83. — *Quod duobus modis vita dicatur, duobus etiam mors intelligatur. Ex Dial. Gregor. (lib. iv, c. 45).*

PETRUS. — Non est jam quod responderi debeat aperte rationi, sed hæc nunc quæstio mentem movet: Quomodo anima immortalis dicitur, dum constat quod in perpetuo igne moriatur? **GREGORIUS.** — Quia duobus modis vita dicitur, duobus etiam modis mors debet intelligi. Aliud est namque quod in Domino vivimus, aliud vero quod in hoc quod conditi vel creati sumus, id est, aliud beate vivere, et aliud essentialiter. Anima itaque et mortalis esse intelligitur et immortalis. Mortalis quippe, quia beate vivere amittit. Immortalis autem, quia essentialiter vivere nunquam desinit, et naturæ suæ vitam perdere non valet, nec cum in perpetua fuerit morte damnata. Illic enim posita beata esse perdet, et esse non perdet. Ex qua re semper agitur [cogitur] ut et mortem sine morte, et defectum sine defectu, et finem sine fine patiat.

CAP. 84. — *Quod electi seu reprobi ad loca communia deducantur in tormentis. Ex Dial. Greg. (lib. iv, c. 35).*

Quod vero sive electi sive reprobi, quorum communis causa in opere fuerit, ad loca etiam communia deducantur, Veritatis verba nobis satisfacerent, etiam si exempla deessent. Ipsa quippe Veritas propter electos in Evangelio dicit: *In domo Patris mei mansiones multæ sunt (Joan. xiv)*. Si enim dispar in illa beatitudine æterna retributio non esset, una potius mansio quam multæ essent. Multæ ergo mansiones sunt, in quibus et distincti honorum ordines propter meritorum consortium communiter lætantur, et tamen unum denarium omnes laborantes accipiunt (*Matth. xx*), qui multis mansionibus distinguuntur, quia et una est beatitudo quam illic percipiunt, et dispar retributionis qualitas, quam per opera diversa consequuntur. Quæ nimirum Veritas iudicii sui diem denuntians ait: *Tunc dicam messoribus: Colligite zizania, et alligate ea in fasciculos ad comburendum (Matth. xiii)*. Messores quippe angeli zizania in fasciculos ad comburendum ligant, dum pares paribus in tormentis similibus sociant,

PATROL. CLXL

A ut superbi cum superbis, luxuriosi cum luxuriosis, avari cum avaris, fallaces cum fallacibus, invidi cum invidis, infideles cum infidelibus ardeant. Cum ergo similes in culpa ad tormenta similia adducantur, quia eos locis poenalibus angeli deputant, quasi zizaniorum fasciculos ad comburendum ligant.

CAP. 85. — *De hoc, quod in domo Dei multæ mansiones sunt. Gregor. in Moral. (lib. iv, c. 42).*

In Evangelio Veritas dicit: *In domo patris mei mansiones multæ sunt (Joan. xiv)*. Sed in eisdem multis mansionibus erit aliquo modo ipsa retributionum diversitas concurs, quia tanta vis amoris in illa pace nos sociat ut quod in se quisque non accepit, hoc se accepisse in alio exsultet. Unde et non æque laborantes in vinca, æque cuncti denarium **B** sortiuntur (*Matth. xx*). Et quidem apud Patrem mansiones multæ sunt, et tamen eundem denarium dispaes laboratores accipiunt, quia una cunctis erit beatitudo lætitiæ, quamvis non una sit omnibus sublimitas vitæ.

CAP. 86. — *Quod illum quem semel culpa ad pœnam pertrahit, misericordia ulterius ad veniam non reducat. Greg. in Moral. (lib. viii, c. 44).*

Sicut consumitur nubes et pertransit, sic qui descendit ad inferos, non ascendet (Job vii). Nubes quippe ad altiora suspenditur, sed densata vento impellitur ut currat; calore autem solis dissipatur, ut evanescat. Sic nimirum corda sunt hominum quæ per acceptæ rationis ingenium ad alta emigrant; impulsa autem maligni spiritus flatu, pravis desideriorum suorum motibus huc illucque pertrahuntur, sed districta [districto] respectu superni iudicis quasi solis calore liquefiunt, et semel locis poenalibus tradita ad operationis ueum ultra non redeunt. Vir igitur sanctus elationis cursum defectumque humani generis exprimens dicit: *Sicut consumitur nubes et pertransit, sic qui descendit ad inferos, non ascendet*. Ac si aperte loqueretur, dicens: In altum currendo deficit, qui superbiendo ad interitum tendit; quem si semel culpa ad pœnam pertrahit, misericordia ulterius ad veniam non reducit.

CAP. 87. — *Quod Deus dicatur zelans, dicatur iratus, dicatur pœnitens, dicatur misericors, dicatur præsciens. Gregor. in Moral. (lib. xx, c. 24).*

Deus ergo quomodo zelans est, qui in custodienda castitate nostra nullo mentis cruciatu tangitur? Quomodo irascitur, qui in ulciscendis vitiis nostris nulla perturbatione animi commovetur? Quomodo est pœnitens, qui id quod semel fecerit, te fecisse nequaquam dolet? Quomodo habet misericordiam, qui nunquam cor miserum habet? Quomodo est præsciens, dum nulla nisi quæ futura sunt præsciantur? Et scimus quia Deo nihil futurum est, ante cuius oculos præterita nulla sunt, præsentia non trans-eunt, futura non veniunt; quippe quia omne quod nobis fuit et erit in ejus prospectu præsto est, et omne quod præsens est, scire potest potius quam præscire. Et tamen dicitur zelans, dicitur iratus, dicitur pœnitens, dicitur misericors, dicitur præsciens. ut quia castitatem animæ uniuscujusque custo-

32

dit, humano modo zelans vocetur, quamvis mentis A cruciatu non tangatur, et quia culpas percutit, dicitur irasci, quamvis nulla animi perturbatione moveatur, et quia ipse immutabilis id quod voluerit mutat, poenitere dicitur, quamvis rem mutet, consilium non mutet; et cum miseræ nostræ subvenit, misericors vocatur.

CAP. 88. — *Cur Deus suos electos sic permittat mori, ut in vita illorum non ostendat cuius sanctitatis sint. Ex Dial. Greg. (lib. iv, c. 24).*

PETRUS. — Quid est hoc, quæso te, quod omnipotens Deus sic permittit mori, quos tamen post mortem, cuius sanctitatis fuerint non patitur celari?

GREGORIUS. — Cum scriptum sit: Justus quacunque morte præventus fuerit, justitia ejus non auferetur ab eo; electi qui procul dubio ad perpetuam vitam tendunt, quid eis obest si ad modicum dure moriantur? Et est fortasse nonnunquam eorum culpa, licet minima, quæ in eadem debeat morte resecari. Unde fit ut reprobi potestatem quidem contra viventes accipiant, sed illis morientibus hoc in eis gravius vindicatur quod contra bonos potestatem suæ crudelitatis acceperunt, sicut idem carnifex qui eundem venerabilem diaconum viventem ferire permissus est; gaudere super mortuum permissus non est. Quod sacra quoque testantur eloquia. Nam vir Dei contra Samariam missus, quia per inobedientiam in itinere comedit, hunc in eodem itinere leo occidit (III Reg. xiiii). Sed statim illic scriptum est: Quia stetit leo juxta asinum, et non comedit de cadavere (Ibid.). Ex qua re ostenditur quod peccatum inobedientiæ in ipsa morte fuit laxatum, quia idem leo qui viventem præsumpsit occidere, contingere non præsumpsit occisum. Qui enim occidendi ausum habuit, de occisi cadavere comedendi licentiam non accepit, quia is qui culpabilis in vita fuit, punita inobedientia erat jam justus ex morte. Leo ergo qui prius peccatoris vitam necaverat, custodivit postmodum cadaver justii.

CAP. 89. — *Quod miseris mors sine morte fiat. Greg. in Mor. (lib. ix, c. 48).*

Fit ergo miseris mors sine morte, finis sine defectu, quia et mors vivit, et finis semper incipit, et deficere defectus nescit. Quia igitur et mors perimit, et non exstinguit; dolor cruciat, sed nullatenus pavorem fugat; flamma comburit, sed nequaquam tenebras decutit, quantum ad notitiam præsentis vitæ colligitur, supplicia ordinem non habent, quæ non suam per omnia qualitatem tenent.

CAP. 90. — *Quod in inferno peccatoribus ad consolationem ignis non luceat, sed ut magis torqueat. Greg. in Moral. (ibid., c. 49).*

Quamvis illic ignis et ad consolationem non lucet, et tamen ut magis torqueat, ad aliquid lucet. Nam sequaces quosque suos secum in tormento reprobi flamma illustrante usuri sunt, quorum amore deliquerunt, quatenus qui eorum vitam carnalem contra præcepta Conditoris amaverunt, ipsorum quoque eos interitus in augmento suæ damnationis affligat.

CAP. 91. — *De eadem re. In Moralibus (eod. cap.).*

Sicut ergo electis ignis ardere novit ad solatium, et tamen ardere ad supplicium nescit, ita e diverso gehennæ flamma reprobis et nequaquam lucet ad consolationis gratiam, et tamen lucet ad penam, ut damnatorum oculis supplicium et nulla claritate candeat, et ad doloris cumulum qualiter crucientur ostendat. Quid hic mirum si gehennæ ignem credimus habere supplicium simul obscuritatis et luminis, quando experimento novimus, quia et tædarum flamma lucet obscura? Tunc edax flamma comburit quos nunc carnalis delectatio polluit. Tunc infinite patens inferni barathrum devorat quos nunc inanis elatio exaltat; atque qui quolibet ex vitio hic voluntatem callidi persuasoris expleverunt, tunc cum suo duce reprobi ad tormenta perveniunt (Ibid., c. 50). Et quamvis angelorum atque hominum longe sit natura dissimilis, una tamen pena implicat, quos unus in crimine reatus ligat.

CAP. 92. — *Quod humana anima ita immortalis mori possit, et ita mortalis ut mori non possit. Greg. in Moral. (lib. iv, c. 7).*

Quia ergo nostræ mortalitatis hoc tempus non ita ut male sit, sed ita perit ut non sit, quærendum est quid sit quod non ita ut non sit, sed ita perire optatur, ut male sit. Humana enim anima seu angelicus spiritus ita immortalis est, ut mori possit, ita mortalis ut mori non possit. Nam beate vivere, sive per vitium, sive per supplicium perdit, essentialiter autem vivere, neque per vitium, neque per supplicium amittit. A qualitate enim vivendi deficit, sed omnimodo subsistendi interitum nec moriens sentit. Ut ergo breviter dixerim, et immortaliter mortalis est, et mortaliter immortalis.

CAP. 93. — *Quod corporeus sit ignis gehennæ, et non indigeat alia materia nisi reproborum cruciatu. Gregor. in Moral. (lib. xv, c. 14).*

Miro valde modo paucis verbis expressus est ignis gehennæ. Ignis namque corporeus ut esse valet ignis, corporeis indiget fomentis. Qui cum necesse est ut reservetur, per congesta ligna procul dubio nutritur, nec valet nisi succensus, esse, et nisi refotus, subsistere. At contra gehennæ ignis cum sit corporeus, et in se missos reprobos corporaliter exurat, nec studio humano succenditur, nec lignis nutritur, sed creatus semel durat inextinguibilis, et succensione non indiget, et ardorem caret. Bene ergo de hoc iniquo dicitur: *Devorabit eum ignis qui non succenditur (Job xx)*. Quia omnipotentis justitia futurorum præscia ab ipsa mundi origine gehennæ ignem creavit, qui in poena reproborum esse semel inciperet, sed ardorem suum etiam sine lignis nunquam finiret. Sciendum vero est quod omnes reprobi, quia et in anima et carne simul peccaverunt, illic in anima et carne pariter cruciantur.

CAP. 94. — *Cur anima in corpore manens et egrediens videri non possit. Ex Dialog. Gregor. (lib. iv, c. 5).*

GREGORIUS. — Quid mirum, Petre, si egredientem animam non vidisti, quam et manentem in corpore

non vides? Nunquidnam modo cum mecum loqueris, quia in me videre non vales animam meam, idcirco me esse exanimem credis? Natura quippe animæ invisibilis est, atque ita ex corpore invisibiliter egreditur, sicut in corpore invisibiliter manet. **PETRUS.** — Sed vitam animæ in corpore manentis pensare possum ex ipsis motibus corporis, quia nisi corpori anima adesset, ejusdem membra corporis moveri non possent. Vitam vero animæ post carnem in quibus motibus, quibusve operibus videam, dicas ut ex rebus visis esse colligam, quod videre non possum.

CAP. 95. — *Quod nullus dubitare debeat esse ea invisibilia quæ Deo invisibili subministrant. Ex Dial. Gregor. (Ibid., c. 6.)*

GREGORIUS. — Sicut vis animæ vivificat et movet corpus, sic vis divina implet quæ creavit **B** omnia, et alia inspirando vivificat, aliis vero tribuit ut vivant, aliis hoc solummodo præstat ut sint. Quia vero esse non dubitas creantem et regentem, implentem et circumplectentem, transcendentem et subsistentem, incircumscripsum atque invisibilem Deum, ita dubitare non debes hunc invisibilia obsequia habere. Debent quippe ea quæ ministrant ad ejus similitudinem tendere cui ministrant, ut quæ invisibili serviunt, esse invisibilia non dubitentur. Hæc autem quæ esse credimus, nisi sanctos angelos et spiritus justorum? Sicut ergo motum considerans corporis, vitam animæ in corpore manentis perpendis animo, ita vitam animæ exeuntis a corpore perpendere debes a summo, quia potest invisibiliter vivere, quam oportet in obsequio invisibilis Conditoris **C** manere. **PETRUS.** — Recte totum dicitur, sed mens refugit credere, quod corporeis oculis non valet videre.

CAP. 96. — *Quod nulla visibilia videri vel cognosci possint, nisi per invisibilia. Ex Dial. Gregor. (Ibid.).*

GREGORIUS. — Cum Paulus dicat: *Est enim fides sperandarum rerum substantia, argumentum non apparentium (Hebr. xi)*, hoc veraciter dicitur credi quod non valet videri. Nam credi jam non potest quod videri potest. Ut tamen te breviter reducam ad te, nulla visibilia nisi per invisibilia videntur. Ecce enim cuncta corporea oculus tui corporis aspiciat, nec tamen ipse corporeus oculus aliquid videret corporeum, nisi hunc res incorporea ad videndum **D** acueret. Nam tolle mentem quæ non videtur, et incassum patet oculus qui videbat. Subtrahere animam corpori, remanent procul dubio oculi in corpore aperti. Si igitur per se videbant, cur discedente anima nihil vident? Hinc ergo intellige, quia quæque ipsa visibilia non nisi per invisibilia videntur. Ponamus quoque ante oculos mentis domum ædificari, immensas moles levari, pendere magnas in machinis columnas, quis, quæso te, hoc opus operatur? Corpus visibile quod illas moles manibus trahit, an invisibilis anima quæ vivificat corpus. Tolle enim quod non videtur in corpore, et mox immobilia remanent cuncta, quæ moveri videbantur visibilia corpora metallorum. Qua in re pensandum

est quia in hoc quoque mundo visibili, nihil nisi per creaturam invisibilem disponi potest. Nam sicut omnipotens Deus aspirando vel implendo ea quæ ratione subsistunt, et vivificat et movet invisibilia, ita ipsa quoque invisibilia implendo movent, atque sensificant [sensim vivificant] carnalia corpora quæ videntur. **PETRUS.** — Istis fateor allegationibus libenter victus, prope nulla jam esse hæc visibilia existimare compellor; qui prius in me infirmantium personas suscipiens de invisibilibus dubitabam. Itaque placent cuncta quæ dicis; sed tamen sicut vitam animæ in corpore manentis ex motu corporis agnosco, ita vitam animæ post corpus apertis quibusdam rebus attestantibus agnoscere cupio.

CAP. 97. — *Quod incorporeus spiritus in inferno a corporeo igne affligatur. Ex Dialog. Gregor. (lib. IV, c. 29).*

GREGORIUS. — Si viventis hominis incorporeus spiritus tenetur in corpore, cur non post mortem cum incorporeus spiritus sit, etiam corporeo igne teneatur? **PETRUS.** — In vivente quolibet idcirco incorporeus spiritus tenetur in corpore, quia vivificat corpus.

CAP. 98. — *Quod incorporeus spiritus vivificare possit, et ibi tenere, ubi a corporeo cruciatur igni. Ex Dial. Gregor. (Proxime post.)*

GREGORIUS. — Si incorporeus spiritus, rētre, in hoc teneri potest quod vivificat, quare non pœnaliter et ibi teneatur ubi mortificatur? Teneri autem per ignem spiritum hominis dicimus, ut in tormento ignis sit vivendo atque sen tiendo. Ignem namque, eo ipso patitur, quod videt, et quia cremari se aspicit, crematur. Sicque fit ut res corporea incorpoream exurat, dum ex igne visibili ardor ac dolor invisibilis trahitur, ut per ignem corporeum mens incorporea etiam incorporea flamma crucietur. Quamvis colligere ex dictis evangelicis possumus quia incendium anima non solum videndo, sed etiam experiendo patiatur. Veritatis etenim voce dives mortuus in inferno dicitur sepultus (*Luc. xvi*). Cujus anima quia in igne teneatur insinuat vox divitis qui Abraham deprecatur, dicens: *Mitte Lazarum ut intingat extremum digiti sui in aquam, ut refrigeret linguam meam, quia crucior in hac flamma (Ibid.)*. Dum ergo divitem peccatorem damnatum Veritas in ignibus perhibet, quis jam sapiens reproborum animas teneri ignibus neget? **PETRUS.** — Ecce ratione et testimonio ad crudelitatem flectitur animus, sed dimissus iterum ad rigorem redit. Quomodo enim res incorporea a re corporea teneri atque affligi possit ignoro.

CAP. 99. — *De apostatis spiritibus, quod incorporei sint credendi. Ibidem.*

GREGORIUS. — Dic, quæso te, apostatas spiritus a cœlesti gloria dejectos, corporeos an incorporeos esse suspicaris? **PETRUS.** — Quis sane sapiens esse spiritus corporeos dixerit?

CAP. 100. — *Quod gehennæ ignis corporeus esse credendus sit. Ibidem.*

GREGORIUS. — Gehennæ ignem esse corporeum,

an incorporeum fateris? PETRUS. — Ignem gehennæ a corporeum esse non ambigo, in quo corpora certum est cruciari.

CAP. 101. — *De hoc quod scribitur, Deum nemo vidit unquam, et qualiter illud intelligendum sit.* Greg. in *Moral.* (lib. xviii, c. 5).

Deum nemo vidit unquam, inquit Joannes (I Joan. iv). Rursumque cum testamenti veteris Patres in-teor, multos horum, teste ipsa sacræ lectionis historia, Deum vidisse cognosco. Vidit quippe Jacob Dominum, et ait: *Vidi Dominum facie ad faciem, et salva facta est anima mea* (Gen. xxxii). Vidit Moyses Dominum, de quo scriptum est: *Loquebatur Dominus ad Moysen facie ad faciem, sicut loqui solet homo ad amicum suum* (Exod. xxxiii). Vidit Dominum Job qui dixit: *Auditu auris audivi te, nunc autem oculus meus videt te* (Job xlii). Vidit Isaias Dominum qui ait: *Anno quo mortuus est rex Ozias, vidi Dominum sedentem super solium excelsum et elevatum* (Isa. vi). Vidit Michæas Dominum qui dicit: *Vidi Dominum sedentem super solium suum, et omnem exercitum cæli assistentem ei a dextris et a sinistris* (III Reg. xxi). Quid ergo est quod tot veteris testamenti Patres Deum se vidisse testati sunt, et tamen de hac sapientia quæ Deus est, dicitur: *Abscondita est ab oculis omnium viventium* (Job xxviii). Et Joannes ait: *Deum nemo vidit unquam* (I Joan. iv), nisi hoc quod patenter datur intelligi, quia quandiu hic mortaliter vivitur, videri per quasdam imagines Deus potest, sed per ipsam naturæ suæ speciem non potest, ut anima gratia spiritus afflata per figuras quasdam Deum videat, sed ad ipsam vim ejus essentia non pertingat? Hinc est quod Jacob qui Deum se vidisse testatur, hunc non nisi in angelo vidit (Gen. xxxii). Hinc est quod Moyses qui cum Deo *facie ad faciem* loquitur, *sicut loqui solet homo ad amicum suum* (Exod. xxxiii), inter ipsa verba suæ locutionis dicit: *Si inveni gratiam in conspectu tuo, ostende mihi temetipsum manifeste, ut videam te* (Ibid.). Certe enim si Deus non erat cum quo loquebatur, ostende mihi Deum diceret, et non ostende temetipsum. Si autem Deus erat cum quo loquebatur *facie ad faciem*, cur petebat videre quem videbat? Sed ex hac ejus petitione colligitur quia cum sitiebat per incircscriptam naturæ suæ claritatem cernere quem jam coeperat per quasdam imagines videre, ut sic superna essentia mentis ejus oculis adesset, quatenus ei ad æternitatis visionem nulla imago creata temporaliter interesset. Et viderunt ergo patres testamenti veteris Dominum, et tamen juxta Joannis vocem: *Deum nemo vidit unquam* (I Joan. iv). Et juxta beati Job sententiam: *Sapientia, quæ Deus est, abscondita est ab oculis omnium viventium* (Job xxviii) quia in hac mortali carne consistentibus, et videri potuit per quasdam circumscriptas imagines, et videri non potuit per incircscriptum lumen æternitatis (Job xxxviii). Sin vero a quibusdam potest in hac adhuc mortali carnè consi-

stentibus, sed tamen inastimabili virtute crescentibus, quodam contemplationis acumine æterna Dei claritas videri, etc.

CAP. 102. — *De duplici pœna damnatorum.* Ex dictis Isidori (lib. 1 *De summo bno*, c. 28).

Duplex damnatorum pœna est in gehenna, quorum et mentem urit tristitia, et corpus flamma juxta vicissitudinem [justa vicissitudine], ut qui mente tractaverunt quod perficerent corpore, simul et animo puniantur et corpore. Ignem gehennæ ad aliquid lumen habere, et ad aliquid non habere, hoc est, habere lumen ad damnationem, ut videant impii unde doleant, et non habere ad consolationem, ne videant unde gaudeant. Apta fit comparatio de camino trium puerorum, ad exemplum ignis gehennæ. Nam sicut ille ignis non arsit ad trium puerorum supplicium. et arsit ad comburenda ligamina vinculorum (Dan. iii), ita ignis gehennæ et lucebit miseris ad augmentum pœnarum, ut videant unde doleant, et non lucebit ad consolationem, ne videant unde gaudeant. Inter hujus vitæ et futuræ infelicitatis miseriam multa discretio est. Illic enim et miseria est propter cruciationem dolorum, et tenebræ propter lucis aver-sionem. Quorum unum in hac vita, id est miseria, est, aliud non est. In inferno autem utrumque est.

CAP. 105. — *De pœnis impiorum.* Ex dictis ejusdem (ibid., c. 29).

Sicut fasciculi signorum ad combustionem de similibus colligantur, ita in die judicii similis culpe rei suis similibus jungentur, ut ex æquo pœna constringat quasi in fasciculum, quos actio similes fecit in malum. Sicut unusquisque sanctus in futuro judicio pro quantitate virtutum glorificabitur, ita et unusquisque impius pro quantitate facinorum condemnabitur. Nec deerit in supplicio futuro damnationis ordo, sed juxta qualitatem criminum discretio erit pœnarum, propheta firmante. De charorum suorum quoque suppliciiis additum etiam pœna defunctis, sicut apud inferos diviti sermo prædicat evangelicus (Luc. xvi), sicut pro augendo Judæ supplicio dicit etiam psalmus: *Commotione moveantur filii ejus, et mendicent* (Psal. cviii). Impii ex hoc durius in judicio puniendi sunt mentis dolore, ex quo visuri sunt justos gloriæ beatitudinem meruisse. Cunctis videntibus est præcipitandus diabolus, quando sub aspectu omnium bonorum angelorum et hominum, cum eis qui de parte ejus erunt, in ignem æternum mittendus est. Dum sublatus fuerit diabolus ut damnetur, multi electi, qui in corpore sunt inveniendi, Domino ad judicium veniente, metu concutiendi sunt, videntes tali sententia impium esse punitum, quo terrore purgandi sunt, quia si quid eis ex corpore adhuc peccati remanserit, metu ipso quo diabolus damnari conspiciunt, purgabuntur. Hinc est quod ait Job: *Cum sublatus fuerit timebunt angeli, et territi purgabuntur* (Job xli). Multos perire posse ex eis in die judicii, qui nunc electi esse videntur et sancti,

dicente Propheta : *Vocabit Dominus judicium ad ignem, et devorabit abyssum multam, et comedet partem domus (Amos vii)*. Pars quippe domus devorabitur, quia illos etiam infernus absorbet, qui nunc se esse in præceptis cœlestibus gloriantur. De quibus et Dominus ait : *Multi dicent mihi in illa die : Domine, Domine, nonne in nomine tuo prophetavimus, in nomine tuo dæmonia ejecimus, virtutes multas fecimus? Tunc confitebor illis, quia nunquam nori vos. Discedite a me, qui operamini iniquitatem; nescio qui estis (Matth. vii)*.

CAP. 104. — *De Antichristo. Ex dictis ejusdem (ibid. c. 25)*.

Omnis qui secundum Christianæ professionis normam, aut non vivit aut aliter docet, Antichristus est. Plerique autem Antichristi tempora non visuri sunt, et tamen in membris Antichristi inveniendi sunt. Antequam veniat Antichristus, multa membra ejus præcesserunt, et prævæ actionis merito caput proprium prævenerunt, secundum Apostoli sententiam, qui jam iniquitatis mysterium operari illum affirmat, etiam antequam reveletur (*II Thess. ii*). Magnitudo signorum faciet sub Antichristo, ut electi, si fieri potest, in errorem mittantur (*Matth. xxiv*). Sed si electi, quomodo sunt in errorem mittendi? Ergo ibunt in errorem titubationis ad modicum, propter multitudinem prodigiorum; non tamen deiciendi sunt a stabilitate sua terrorum impulsu atque signorum. Unde et ideo ponitur, si fieri potest, quia electi perire non possunt, sed cito resipiscentes cordis errorem religione coercerent, scientes prædictum esse a Domino ut, dum hoc fecerint adversarii, non conturbentur sancti. Tam mira facturus est prodigia et signa dum venerit Antichristus, ut etiam electis quoddam cordis gignatur scrupulum, quod tamen cito exsuperet in illis ratio, per quam scient in deceptionem reproborum, et electorum probationem eadem fieri signa. In quo tempore per patientiam gloriosi erunt sancti, non per miracula sicut sancti martyres fuerunt priores. Illi enim et persecutores sustinebunt, et facientes prodigia. Proinde et durius bellum sustinebunt, quia non solum contra persequentes, sed etiam contra miraculis corruscantes dimicaturi sunt. Gravius sub Antichristi temporibus contra Ecclesiam desæviet Synagoga, quam in ipso adventu Salvatoris Christianos est persecuta. Dum in martyres diabolus jam exercuerit magnam crudelitatem etiam ligatus (*Apoc. xx*), crudelior tamen erit sub Antichristi temporibus, quando etiam erit solvendus (*Ibid.*). Nam si tanta ligatus facere potuit, quanta solutus faciet? Quanto propinquius finem mundi diabolus videt, tanto crudelius persecutiones exercet, ut quia se continuo damnandum conspicit, socios sibi multiplicet cum quibus gehennæ ignibus addicatur. Quanto breve tempus videt diabolus sibi restare ut damnetur (*Apoc. xii*), tanto in magna persecutionis ira movetur, divina justitia permitte, ut glorificentur justi, sordidentur iniqui, et ut diabolo durior crescat damnationis sententia.

A CAP. 105. — *Quod ante diem judicii etiam electi periclitabuntur in adventu Antichristi. Greg. in Mor. (lib. xiv. c. 12)*.

In diebus ejus stupebunt novissimi, et primos invadent horror (*Job xviii*). Tanta enim tunc contra justos [nos] iniquitate effrenabitur ut etiam electorum corda non parvo pavore feriantur. Unde scriptum est : *Ita ut in errorem inducantur, si fieri potest, etiam electi (Matth. xxiv)*. Quod videlicet dicitur, non quia electi casuri sunt, sed magnis terroribus trepidaturi. Tunc vero contra eum certamen justitiæ et novissimi electi habere narrantur et primi, quia videlicet et hi qui in fine mundi electi reperiuntur, in morte carnis prosternendi sunt; et illi etiam qui a prioribus mundi partibus processerunt, Henoch scilicet et Elias ad medium revocabuntur, et crudelitatis ejus sævitiam in sua adhuc mortali carne passuri sunt (*Malac. iv; Matth. xi et xvii; Marc. ix*). Hujus vires in tantam potestatem laxatas novissimi obstupescunt, et primi metuunt, quia, licet juxta hoc quod spiritu superbix sublevatur, omnem temporalem ejus potestatem despiciunt, juxta hoc tamen, quod ipsi adhuc in carne mortali sunt, in qua cruciari temporaliter possunt, ipsa quæ fortiter tolerant, supplicia perhorrescunt, ita ut in eis uno eodemque tempore et constantia ex virtute sit, et pavor ex carne, quia etsi electi sunt, ut tormentis vinci nequeant, per hoc tamen quod homines sunt, et ipsa metuunt tormenta, quæ vincunt.

CAP. 106. — *Item de Antichristo. Greg. in Moral. (lib. xv, c. 28)*.

C Vidit enim quod in fine mundi Satan hominem ingrediens, quem sacra Scriptura Antichristum appellat, tanta elatione extollitur, tanta virtute principatur, tantis signis et prodigiis in sanctitatis ostensione elevatur ut argui ab homine ejus facta non valeant, quia cum potestate terroris adjungit etiam signa ostensæ sanctitatis. Et ait : *Quis arguet coram eo viam ejus? (Job xxi)*. Quis videlicet hominum illum increpare audeat, cujus visum ferre pertimescit? Sed tamen ejus viam non solum Elias et Henoch, qui in ejus exprobrationem ad medium deducuntur, sed etiam omnes electi arguunt dum contemnunt, dum virtute mentis ejus malitiæ resistunt.

D CAP. 107. — *Item de Antichristo. Gregor. in Morak (lib. xv, c. 30)*.

Hoc in loco homo humana sapientia dicitur, sed cum plus sint omnes quam innumerabiles, quærendum nobis est cur ante se innumerabiles, et post se omnes trahere dicatur (*Job xxi*), nisi quod antiquus hostis reprobum tunc hominem ingressus, cunctos quos carnales invenerit sub suæ jugum ditionis rapit, qui et nunc priusquam appareat, innumerabiles quidem, non tamen omnes carnales trahit, quia quotidie a carnali opere ad vitam tantum revocantur, adque statim justitiæ, alii per brevem, alii per longam penitentiam redeunt, et nunc innumerabiles rapit cum falsitatis suæ stupenda hominibus signa non exhibet; cum vero coram carnalium oculis miranda eis prodigia fecerit,

post se tunc non innumerabiles, sed omnes A trahit, quia qui bonis presentibus delectantur, potestati illius se absque retractione subjiciunt. Sed sicut prefati sumus, quia plus est omnem hominem quam innumerabiles trahere, cur prius dicitur quod omnem trahit, et post in augmento innumerabiles subjiciuntur? Ratio namque expetit ut prius quod minus est, et post in augmento quod majus est diceretur. Sed sciendum quia in hoc loco plus fuit innumerabiles dixisse quam omnes. Post se enim omnem hominem trahit, quia in tribus annis et dimidio omnes quos in studiis, vite carnalis invenerit, jugo suæ dominationis [damnationis] astringit. Ante se vero innumerabiles trahit, quia per quinque millia, et adhuc amplius annorum curricula, quamvis carnales omnes trahere minime potuit; multo tamen B plures sunt in tam longo tempore hi, quos ante se innumerabiles rapit, quam omnes quos in tam brevi tempore rapiendos invenerit. Bene ergo dicitur: Post se omnem hominem trahit, et ante se innumerabiles, quia et tunc minus tollit, cum omnes tulerit, et nunc amplius diripit, cum corda omnium invadit.

CAP. 108. — Quod in novissimis Israelitæ omnes per prædicationem Eliæ converti debeant. Greg. in Mor. (lib. xxxv, c. 15).

Sed extremo Israelitæ omnes ad fidem cognita Eliæ prædicatione concurrunt, atque ad ejus protectionem quem fugerant redeunt, et tunc illud eximium multiplici aggregatione populorum convivium celebratur.

CAP. 109. — De hoc, cur in hac vita sapius bonis male sit. Gregor. in Moral. (lib. v, c. 1).

Cum valde occulta divina sint judicia, cur in hac vita nonnunquam bonis male sit, malis bene, tunc occultiora sunt, cum et bonis hic bene est, et malis male. Nam cum bonis male est, malis bene, hoc fortasse deprehenditur, quia et boni si qua deliquerunt, hic recipiunt, ut ab æterna plenius damnatione liberentur, et mali bona quæ pro hac vita faciunt hic inveniunt, ut ad sola in posterum tormenta pertrahantur. Unde et ardenti in inferno diviti dicitur: Memento, fili, quia recepisti bona in vita tua, et Lazarus similiter mala (Luc. xvi). At cum bonis hic bene est, et malis male, incertum valde sit utrum boni ideo bona accipiant, ut provocati ad aliquid melius crescant, an justo latentique judicio hic suorum operum remunerationem percipiant, ut a præmiis vite sequentis inanescent; et utrum malos idcirco adversa feriant, ut ab æternis suppliciis corrigendo defendant, an hic eorum pœna incipiat, ut quandoque complenda eos ad ultima gehennæ tormenta perducant.

CAP. 110. — Quod etiam omnes resurgere debeant ad tormenta, non ad judicium. Gregor. in Moral. (lib. xxvi, c. 24).

Resurgunt etiam omnes infideles, sed ad tormenta ad judicium. Non enim eorum tunc causa discutitur, quia ad conspectum districti judicis jam cum damnatione suæ infidelitatis accedunt. Professionem vero fidei retinentes, sed professionis opera non ha-

beutes, redarguuntur ut pereant. Qui vero nec fidei sacramenta tenuerunt, increpationem Judicis in extrema examinatione non audiunt, quia præjudicati infidelitatis suæ tenebris, ejus quem despexerant invectione redargui non merentur. Illi saltem verba Judicis audiunt, quia ejus saltem fidei verba tenuerunt; isti in damnatione sua æterni Judicis nec verba percipiunt, quia ejus reverentiam nec verbo tenus servare voluerunt. Illi legaliter pereunt, quia sub lege positi peccaverunt; istis in perditione sua de lege nihil dicitur, quia nihil legis habere conati sunt.

CAP. 111. — Quod omnes homines resurgere debeant. August. (De eccles. dogm., c. 7).

Omnium hominum erit resurrectio. Si omnium erit, ergo omnes moriuntur, ut mors in Adam data [ab Adam ducta] omnibus ejus filiis dominetur, et maneat illud privilegium in Domino, quod de eo specialiter dicitur: Non dabis sanctum tuum videre corruptionem (Psal. xv; Act. ii). Hanc rationem maxima Patrum turba tradente suscepimus. Verum quia sunt et alii æque catholici et eruditi viri, qui credunt anima in corpore manente immutandos ad incorruptionem et immortalitatem eos qui in adventu Domini vivi inveniendi sunt, et hoc eis reputari pro resurrectione ex mortuis, quod mortalitatem immutatione deponant, non morte, quolibet quis acquiescat modo, non est hæreticus nisi ex contentione hæreticus fiat. Sufficit enim in Ecclesiæ lege carnis resurrectionem credere futuram de morte.

CAP. 112. — Quomodo intelligatur quod vivi et mortui dicuntur judicandi. Idem Aug. (ibid., c. 8).

Quod autem dicimus in Symbolo in adventu Domini vivos et mortuos judicandos, non justos tantum ac peccatores significari, sicut Diodorus putat, sed et vivos eos qui in carne inveniendi sunt, credimus. Qui ob hoc morituri creduntur vel immutandi, sicut alii volunt, ut suscitati continuo vel reformati a mortuis judicentur [cum ante mortuis judicentur, sic hodie Aug.].

CAP. 113. — Quod angeli apostata, et impii homines post tormenta quasi suppliciis expurgati, justorum societate non donentur. Item Aug. (ibid., c. 9).

Post resurrectionem et judicium non credamus restitutionem futuram, quam Origenes delirat, ut dæmones vel impii homines post tormenta, quasi suppliciis expurgati, vel illi in angelicam qua creati sunt redeant dignitatem, vel isti justorum societate donentur, eo quod hoc divinæ conveniat pietati, ne quid ex rationalibus pereat creaturis, sed quolibet modo salvetur. Sed nos credamus ipsi Judici omnium, et retributori justo qui dixit: Impii ibunt in supplicium æternum, justi autem in vitam æternam (Matth. xxv), ut percipiant fructum operum suorum. Et iterum: Ite in ignem æternum, qui paratus est diabolo et angelis ejus (Ibid.).

CAP. 114. — Quod resurrectio fieri debeat in ætate perfectæ juventutis quæ profectu non indigeat. Es dictis Isidori (lib. i De summo bono, c. 26).

Inchoatio pacis sanctorum est in hac vita, non perfectio. Tunc autem erit plenitudo pacis, dum ad

Dei contemplationem absorpta carnis infirmitate convaluerint. Resurrectio mortuorum, ut Apostolus ait, *in virum perfectum, in mensuram ætatis plenitudinis Christi futura est (Ephes. iv)*, in ætate scilicet iuventutis quæ profectu non indiget, et absque inclinatione defectus in perfectione ex utraque parte et plena est et robusta. Quamvis nunc filiorum Dei nomine homines fideles vocentur, tamen ex eo quod hanc servitutem corruptionis patiuntur adhuc jugo servitutis addicti, sunt accepturi plenam filiorum Dei libertatem, dum *corruptibile hoc induerit incorruptionem (I Cor. xv)*. Nunc Deus *per speculum agnoscitur (I Cor. xi)*, in futuro autem quisque electus *facie ad faciem præsentabitur (Ibid.)*, ut ipsam speciem contempletur, quam nunc per speculum videre conatur. In hac vita electorum numero ad dexteram pertinentium, et reproborum qui ad sinistram ituri sunt, Ecclesiam Dei compleri dicitur, in fine autem sæculi zizania a frumento disjungi (*Matth. xiii*).

CAP. 115. — *Quod districtus iudex ad iudicium veniens, peccatorem videat ut feriat, non ut salvet. Greg. in Moral. (lib. viii, c. 13).*

Districtus Iudex ad iudicium veniens, et ad salvandum non videt, et ad feriendum videt, quia quem in præsentia vita dispensationis suæ miseratione non respicit, respiciendo postmodum per justitiam extinguit. Nunc enim peccator quisque Deum non metuit et vivit, blasphematur et proficit, quia scilicet misericors Creator quem expectando vult corrigere, aspiciendo non vult punire, sicut scriptum est: *Dissimulans peccata hominum propter penitentiam (Sap. xi)*. Sed tunc peccator cum respicitur non subsistit, quia cum districtus Iudex merita subtiliter inquirat, reus ad tormenta non sufficit. Quamvis hoc etiam justorum voci congruit, quorum mens semper sollicita venturo examini intendit. Omne enim quod agunt metuunt, dum caute considerant ante quantum Iudicem stabunt. Intuentur potentiam illius magnitudinis, et pensant quanto reatu constricti sunt propriæ infirmitatis. Enumerant mala proprii operis, et contra hæc exaggerant bona gratiæ Conditoris. Considerant prava quam districte iudicet, bona opera quam subtiliter penset, et perituros se absque ambiguitate præsciunt, si remota pietate iudicentur. Quia hoc ipsum quoque quod juste videmur vivere culpa est, si vitam nostram cum indicat, hanc apud se divina misericordia non excusat.

CAP. 116. — *Quod in die iudicii duo ordines in quatuor dividuntur. Ex dictis Isidori (lib. i, c. 27, De summo bono).*

Duæ sunt differentiæ vel ordines hominum in iudicio, hoc est electorum et reproborum. Qui tamen dividuntur in quatuor. Perfectorum ordo unus est, qui cum Deo iudicatur, et alius qui iudicatur. Utrique tamen cum Christo regnabunt. Similiter ordo reproborum partitur in duo, dum hi qui intra Ecclesiam sunt mali iudicandi sunt et damnandi. Qui vero extra Ecclesiam iuvendi sunt, non sunt iudi-

ci, sed tantum damnandi. Primus igitur eorum ordo qui iudicantur et percunt, opponitur illi ordini bonorum, de quo sunt qui iudicantur et regnant. Secundus eorum ordo qui non iudicantur et pereunt, opponitur illi ordini perfectorum, in quo sunt hi, qui non iudicantur et regnant. Tertius ordo eorum qui iudicantur et regnant, illi ordini contrarius est, de quo sunt qui iudicantur et pereunt. Quartus ordo eorum qui non iudicantur et regnant, opponitur illi contrario ordini, in quo illi sunt qui non iudicantur et pereunt. Gemina punitur sententia impius, dum aut hic pro suis meritis cæcitate percussus ne veritatem videat, aut dum in fine damnabitur ut debitas poenas exsolvat.

CAP. 117. — *Quod liber vitæ sit ipsa visio advenientis Iudicis, quia quidquid quis fecerit, ipso viso statim intelligit. Gregor. in Moral. lib. xxiv, c. 9 (August. l. xx De Civ. Dei, c. 14).*

Libri aperti sunt, et alius liber apertus est, qui est vitæ, et iudicati sunt mortui ex his quæ scripta erant in libris (Apoc. xx). Liber namque vitæ est ipsa visio advenientis Iudicis, in quo quasi scriptum est omne mandatum, quia quisque eum viderit, mox teste conscientia quidquid non fecit intelligit. *Libri aperti referuntur, quia justorum tunc vita conspicitur, in quibus mandata cœlestia opere impressa cernuntur. Et iudicati sunt mortui ex his quæ scripta erant in libris, quia in ostensa vita justorum, quasi in expansione librorum legunt bonum quod ipsi agere noluerunt, atque ex eorum qui fecerunt comparatione damnantur. Ne ergo unusquisque tunc videns eos, quod non fecit defleat, nunc in eis quod imitetur attendat; quod quidem facere electi non cessant.*

CAP. 118. — *De gloria sanctorum post mortem. Ex dictis Isidori (lib. i De summo bono, cap. 33).*

Non faciet in futurum cor miserum justorum ex compassione damnatorum condolendi affectio; ubi tantum erit sanctorum de Dei contemplatione gaudium ut tristitiæ nullum tribuat introitum. Sicut comparatus color candidus nigro colori fit pulchrior, ita sanctorum requies comparata damnationi malorum gloriosior erit; sic iustitia iniustitiæ, sic victus vitio. Crescit ergo sanctorum gloria, dum debita damnantur impii poena. Post resurrectionem sanctis in carne promissa est cœlorum ascensio, dicente ad Patrem Christo: *Voló ut ubi ego sum, et ipsi sint mecum (Joan. xvii)*. Si enim membra capitis sumus, et unus in se et in nobis est Christus, utique ubi ipse ascendit, et nos ascensuri sumus.

CAP. 119. — *Quod finito iudicio incipiet esse cœlum novum, et terra nova. Ex dictis ejusdem (Aug. l. xx De Civ. Dei, c. 14).*

Ut ait beatus Augustinus, peracto finitoque iudicio tunc esse desinet hoc cœlum et hæc terra, quando incipiet esse cœlum novum et terra nova (*Apoc. xxi*). Mutatione namque rerum, non omnimodo interitu transibit hic mundus. Unde et Apostolus dicit: *Præterit enim figura hujus mundi (I Cor. vii)*, figura ergo præterit, non natura.

CAP. 120. — *Contra eos qui dicunt si, post factum A* *judicium, erit conflagratio mundi, ubi tunc esse poterunt sancti, qui non contingantur flamma incendii. Ex dictis ejusdem (Aug. l. xx De Civ. Dei, c. 18).*

Hanc quæstionem beatus Augustinus dissolvit. Quærat, ait, forsitan aliquis, si post factum judicium mundus iste ardebit, antequam pro illo cælum novum et terra nova reponantur (*Apoc. XXI*), eo ipso tempore conflagrationis ejus, ubi erunt sancti, cum eos habentes corpora in aliquo corporali loco esse necesse sit? Possumus respondere futuros esse in superioribus partibus, quo ita non ascendet flamma illius incendii, quemadmodum nec unda diluvii. Talia quippe illis erunt corpora ut illic sint ubi esse voluerint, sed nec ignem conflagrationis illius pertimescent immortales atque incorruptibiles facti, sicut virorum trium corruptibilia corpora atque mortalia in camino ardenti ihæsa vivere potuerunt (*Dan. III*).

CAP. 121. — *Ut nullus se putet eleemosynis peccata sua posse redimere, nisi studeat vitam suam corrigere. Augustinus (Ench. c. 70).*

Sane cavendum est ne quisquam existimet infanda illa criminina, qualia qui agunt regnum Dei non possidebunt (*I Cor. VI*), quotidie perpetranda, et eleemosynis quotidie redimenda. In melius est quippe vita mutanda, et per eleemosynas de peccatis præteritis est propitiandus Deus, non ad hoc emendus quodammodo, ut ea semper liceat impune committere. Nemini enim dedit laxamentum peccandi (*Eccli. XV*), quamvis miserando deleat jam facta peccata, si non satisfactio congrua negligatur.

CAP. 122. — *Levia peccata Dominica nobis dimitti oratione, si tamen debitoribus nostris ita dimittimus, sicut et nobis dimitti volumus. Augustin. (ibid., c. 71).*

De quotidianis autem brevibus levibusque peccatis, sine quibus hæc vita non ducitur, quotidiana oratio fidelium satisfacit. Eorum est enim dicere: *Pater noster, qui es in cælis (Matth. VI)*, qui jam Patri tali regenerati sunt ex aqua et Spiritu sancto (*Joan. III*). Delet omnino hæc oratio minima et quotidiana peccata. Delet et illa a quibus vita fidelium etiam scelerate gesta, sed poenitendo in melius mutata discedit, si quemadmodum veraciter dicitur: *Dimitte nobis debita nostra (Matth. VI)*, quoniam non desunt quæ dimittantur, ita veraciter dicatur: *Sicut et nos dimittimus debitoribus nostris (Ibid.)*, id est, fiat quod dicitur. Quia et ipsa eleemosyna est veniam petenti homini ignoscere.

CAP. 123. — *Quod non solum tunc eleemosyna detur, quando solatium aliquod indigenti, sed etiam quando vel venia peccanti, vel disciplina datur erranti. Augustin. (ibid., c. 72).*

Ac per hoc ad omnia quæ utili misericordia sunt, valet quod Dominus ait: *Date eleemosynam, et ecce omnia munda sunt vobis (Luc. XI)*. Non solum autem omni dat esurienti cibum, sitiienti potum, nudo vestimentum, peregrinanti hospitium, fugienti latibulum, ægro vel incluso visitationem, captivo redemptionem, debili subjectionem, cæco deductionem, tristi

consolationem, non sano medelam, erranti viam, deliberanti [deliranti] consilium, et quod cuique necessarium est indigenti, verum etiam qui dat veniam peccanti, eleemosynam dat. Et qui emendat verbere in quem potestas datur, vel coercet aliqua disciplina, et tamen peccatum ejus quo ab illo læsus aut offensus est, dimittit ex corde, vel orat ut ei dimittatur, non solum in eo quod dimittit atque orat, verum etiam in eo quod corripit, et aliqua emendatoria pœna plectit, eleemosynam dat, quia misericordiam præstat. Multa enim bona præstantur invitis, quando eorum consulitur utilitati non voluntati, quia ipsi sibi inveniuntur esse inimici, amici vero eorum potius illi quos inimicos putant, et reddunt errando mala pro bonis, cum reddere mala Christianus non debeat, nec pro malis (*Rom. XII*; *I Thess. V*; *I Petr. III*). Multa itaque sunt genera eleemosynarum, quæ cum facimus, adjuvamur ut dimittantur nobis debita nostra (*Matth. VI*).

CAP. 124. — *Perfectorum esse filiorum Dei, retribuere bona pro malis. August. (ibid., c. 73).*

Sed ea nihil est majus, quæ ex corde dimittimus quod in nos quis peccavit. Minus enim magnum est erga eum esse benevolum, sive etiam benelicium, qui tibi nihil mali fecerit; illud multo grandius et magnificentissimæ bonitatis est, ut tuum quoque inimicum diligas, et ei qui tibi malum vult, et si potest facit, tu bonum semper velis, faciasque cum possis, audiens dicentem Jesum: *Diligite inimicos vestros; benefacite eis qui vos oderunt, et orate pro eis qui vos persequuntur (Matth. V)*. Sed dona perfectorum [sed quoniam perfectorum, sic August.] sunt ista filiorum Dei, quo quidem se debet omnis fidelis extendere, et humanum animum ad hunc affectum orando Deum, secumque agendo hætandoque perducere.

CAP. 125. — *Quomodo ab imperfectis impleantur verba Dominicæ orationis: Dimitte nobis debita nostra, sicut et nos dimittimus, etc. Aug. (Proxime post.).*

Tamen quia hoc tam magnum bonum tantæ multitudinis non est, quantam credimus exaudiri, eum in oratione Dominica dicitur: *Dimitte nobis debita nostra, sicut et nos dimittimus debitoribus nostris (Matth. VI)*, procul dubio verba sponsonis hujus implentur, si homo qui nondum ita profecit ut jam diligat inimicum, tamen quando rogatur ab homine qui peccavit in eum, ut ei dimittat, dimittit ei ex corde, quia etiam sibi roganti vult utique dimitti cum orat et dicit: *Sicut et nos dimittimus debitoribus nostris (Ibid.)*, id est, sic dimitte debita nostra rogantibus nobis, sicut nos dimittimus rogantibus debitoribus nostris.

CAP. 126. — *Quod nihil valeat eleemosyna quando non corrigitur vita. August. (ibid., c. 75).*

Sane qui sceleratissime vivunt, nec curant talem vitam moresque corrigere, et inter ipsa facinora et flagitia sua eleemosynas frequentare non cessant, frustra sibi ideo blandiuntur, quoniam Dominus ait: *Date eleemosynam, et ecce omnia munda sunt vobis (Luc. XI)*. Hoc enim quam late pateat non intelligunt,

sed ut intelligant, attendant quibus dixerit, nempe in Evangelio sic scriptum est: *Cum loqueretur, rogavit illum quidam Pharisæus ut pranderet apud se, et ingressus recubuit. Pharisæus autem cepit intra se reputans dicere quare non baptizatus esset ante prandium. Et ait Dominus ad illum: Nunc, vos Pharisæi, quod deforis est calicis et catini mundatis, quod autem intus est vestrum, plenum est rapina et iniquitate. Stulti, nonne qui fecit id quod foris est, etiam id quod intus est fecit? Verumtamen quod superest, date eleemosynam, et ecce omnia munda sunt vobis (Ibid.).* Ita ne hoc intellecturi sumus, ut Pharisæis non habentibus fidem Christi, etiam si non in eum crediderint, nec renati fuerint ex aqua et Spiritu sancto (Joan. iii), munda sint omnia, tantum si eleemosynas dederint, sicut isti eas dandas putant, cum sint immundi omnes quos non mundat fides Christi, de qua scriptum est: *Mundans fide corda eorum (Act. xv).* Et dicat Apostolus: *Immundis autem et infidelibus nihil est mundum, sed polluta sunt eorum mens et conscientia (Tit. i).* Quomodo ergo Pharisæis omnia munda essent, si eleemosynas darent, et fideles non essent? Aut quomodo fideles [infideles] essent, si in Christum credere, atque in ejus renasci gratia noluisse [voluisse]? Et tamen verum est quod audierant: *Date eleemosynam, et ecce omnia munda sunt vobis (Luc. xi).*

CAP. 127. — *Quod non sit vocandus inimicus qui veniam rogare disponit. Aug. (ibid., c. 74).*

Jam vero qui eum in quem peccavit hominem rogat, si peccato suo movetur ut roget, non est adhuc deputandus inimicus, ut eum diligere sit difficile, sicut difficile erat quando inimicitias exercebat.

CAP. 128. — *Non remitti peccata nisi remittenti ex corde in se peccanti. Aug. (Proxime post).*

Quisquis autem roganti et peccati sui prœnitenti non ex corde dimittit, nullo modo existi met a Domino sua peccata dimitti, quoniam mentiri veritas non potest. Quem vero Evangelii lateat auditorem, sive electorem quis dixerit: Ego sum veritas? (Joan. xiv.) Qui cum docuisset orationem, hanc in ea positam sententiam vehementer commendavit, dicens. *Si enim dimiseritis hominibus peccata eorum, dimittet et vobis Pater vester cœlestis delicta vestra. Si autem non dimiseritis hominibus, nec Pater vester dimittet vobis peccata vestra (Matth. vi).* Ad tam magnum tonitruum qui non expergiscitur, non dormit, sed mortuus est. Et tamen potens est ille etiam mortuos excitare.

CAP. 129. — *Item quomodo largienda sit eleemosyna. Aug. (ibid., c. 76).*

Qui autem vult ordinate dare eleemosynam a seipso debet incipere, et eam sibi primum dare. Est enim eleemosyna opus misericordiæ, verissimeque dictum est: *Miserere animæ tuæ placens Deo (Eccli. xxx).* Propter hoc renascimur, ut Deo placeamus cui merito displicet quod nascendo contraximus. Hæc est prima eleemosyna quam nobis dedi-

mus, quoniam nos ipsos miseros per miserantis Dei misericordiam requisivimus, justum judicium ejus constantes, quo miseri effecti sumus, de quo dicit Apostolus: *Judicium quidem ex uno in condemnationem (Rom. v).* Et magnæ charitati ejus gratias agentes, de qua idem ipse dicit gratiæ prædicator: *Commendat autem suam dilectionem Deus in nobis, quoniam cum adhuc peccatores essemus, Christus pro nobis mortuus est (Ibid.),* ut et nos veraciter de nostra miseria judicantes, et Dei charitatem quam donavit ipse, diligentes, pie recteque vivamus. Quod judicium et charitatem Dei cum Pharisæi præterirent (Luc. xi), decimabant tamen præter [propter] eleemosynas quas faciebant, etiam quæque minutissima fructuum suorum (Matth. xxiii). Et ideo non dabant eleemosynam a seipsis incipientes, scumque prius misericordiam facientes, sicut isti eas dandas putant. Propter quem dilectionis ordinem dictum est: *Dilige proximum tuum sicut teipsum (Matth. xxii).* Cum ergo increpasset eos quod forinsecus se lavarent, intus autem rapina et iniquitate pleni essent, admonens quamdam eleemosynam quam sibi homo debet primitus dare, et interiora mundare: *Verumtamen, inquit, quod superest, date eleemosynam, et ecce omnia munda sunt vobis (Luc. xi).* Deinde ut ostenderet quid admonuisset, et quid ipsi facere non curarent, ne illum putarent eleemosynas eorum ignorare, sed *væ vobis, inquit Pharisæis, tanquam diceret: Ego quidem commonui vos ad eleemosynam dandam, per quam vobis munda sint omnia, sed væ vobis qui decimatis mentham, et rutam, et omne olus (Ibid.),* has enim novi eleemosynas vestras, ne de illis me vos nunc admonuisse arbitremini, et præteritis judicium et charitatem Dei. Qua eleemosyna possetis ab omni inquinamento interiori mundari, ut vobis munda essent et corpora quæ lavatis, hoc est enim omnia, et interiora scilicet et exteriora. Sicut alibi legitur: *Mundate quæ intus sunt, et quæ foris sunt munda erunt (Matth. xxiii).* Sed ne istas eleemosynas quæ fiunt de fructibus terræ respuisse videretur: *Hæc, inquit, oportuit facere, id est, judicium et charitatem Dei, et illa non præterire (Luc. xi), id est, eleemosynas fructuum terrenorum.*

CAP. 150. — *Ne quis impunitatem sibi peccandi dari putet, eleemosynam dando. Aug. (ibid., c. 77).*

Non ergo se fallant, qui per eleemosynas quaslibet largissimâs fructuum suorum, vel cujusque pecuniæ impunitatem se emere existimant in facinorum suorum immanitate ac flagitiorum nequitia permanendo. Non solum enim hæc faciunt, sed ita diligunt ut in eis semper optent, tantum si possint, impune versari. *Qui autem diligit iniquitatem, odit animam suam (Psal. x),* et qui odit animam suam, non est misericors, sed crudelis; diligendo eam quippe secundum sæculum, odit eam secundum Deum. Si ergo vellet ei dare eleemosynam, per quam munda illi essent omnia, odisset eam secundum sæculum, et diligeret secundum Deum. Nemo autem

dat e.emosynam quamlibet, nisi unde det ab illo accipiat qui non eget. Et ideo dictum est: *Miseri-cordia ejus præveniet me* (Psal. LVIII).

CAP. 131. — *Pro inimicis similiter ut pro maximis peccatis orandum.* Aug. (ibid., c. 78).

Quæ sint autem levia, quæ gravia peccata, non humano, sed divino sunt pensanda iudicio. Videmus enim quædam ab ipsis quoque apostolis ignoscendo fuisse concessa, quale illud est quod venerabilis Paulus conjugibus ait: *Nolite fraudare invicem, nisi ex consensu ad tempus, ut vacetis orationi, et iterum in idipsum revertimini, ne vos tentet Satanas propter incontinentiam vestram* (I Cor. VII). Quod putari posset non esse peccatum, misceri scilicet conjugii, non filiorum procreandorum causa, quod bonum est nuptiale, sed carnalis etiam voluptatis, ut fornicationis, sive adulterii, sive cuiusquam alterius immunditiæ mortiferum malum, quod turpe est etiam dicere, quo potest tentante Satana libido pertrahere, Incontinentium devitet infirmitas. Posset ergo, ut dixi, hoc putari non esse peccatum, nisi addidisset: *Hoc autem dico secundum indulgentiam, non secundum imperium* (Ibid.). Quis autem jam esse peccatum neget, cum dari veniam facientibus apostolica auctoritas fateatur? Tale quiddam est ubi dicit: *Audet quisquam vestrum adversus alterum negotium habens, judicari apud iniquos, et non apud sanctos?* (I Cor. VI). Et paulo post: *Sæcularia igitur iudicia, si habueritis, inquit, eos qui contemptibiles sunt in Ecclesia, hos collocate ad iudicandum. Ad reverentiam vobis dico: Sic non est inter vos quisquam sapiens, qui possit inter fratrem suum iudicare [inter fratrem et fratrem iudicare]. Sed frater cum fratre iudicio contendit, et hoc apud infideles* (Ibid.). Nam et hic posset putari iudicium habere adversus alterum non esse peccatum, sed tantummodo id extra Ecclesiam velle iudicari, nisi secutus adjungeret: *Jam quidem omnino delictum est inter vos, quia iudicia habetis vobiscum* (Ibid.). Et ne quisquam ita hoc excusaret, ut diceret justum se habere negotium, sed iniquitatem se pati, quam velit a se iudicium sententia removeri, continuo talibus cogitationibus vel excusationibus occurrit atque ait: *Quare non magis iniquitatem patimini? quare non potius fraudamini?* (Ibid.) Ut ad illud redeatur quod Dominus ait: *Si quis voluerit tunicam tuam tollere, et iudicio tecum contendere, dimitte illi et pallium* (Matth. V). Et alio loco: *Qui abstulerit, inquit, tua, noli repetere* (Luc. VI). Prohibuit itaque suos de sæcularibus rebus cum aliis habere iudicium; ex qua doctrina Apostolus dicit esse delictum (I Cor. VI). Tamen cum sinit in Ecclesiæ talia iudicia finiri inter fratres, fratribus iudicantibus, extra Ecclesiam vero terribiliter vetat, manifestum est etiam hic quæ secundum veniam concedatur infirmis. Propter hæc atque hujusmodi peccata, et alia, licet iis minora, quæ sunt verborum et cogitationum offensionibus, apostolo Jacobo consentiente ac dicente: *In multis*

enim offendimus omnes (Jac. III), oportet ut quotidie crebroque oremus Deum, atque dicamus: *Dimitte nobis debita nostra* (Matth. VI), nec in eo quod sequitur mentiamur, sicut et nos dimittimus debitoribus nostris (ibid.).

CAP. 132. — *Quædam esse peccata gravia, quæ ab hominibus levia putantur.* Aug. (Ibid., c. 79).

Sunt autem quædam quæ levissima putarentur, nisi in Scripturis demonstrarentur opinione graviora. Quis enim dicentem fratri suo: *Fatue, reum gehennæ putare, nisi Veritas diceret?* (Matth. V.) Cui tamen vulnere subiecit continuo medicinam, præceptum fraternæ reconciliationis adjungens; mox quippe ait: *Si ergo offers munus tuum ad altare, et ibi recordatus fueris quia frater tuus habet aliquid adversum te* (Ibid.), etc. Aut quis æstimaret quam magnum peccatum sit dies observare et menses, et annos, et tempora (Gal. IV), sicut observant qui certis diebus, sive annis, sive mensibus, volunt vel nolunt aliquid inchoare, eo quod secundum vanas doctrinas hominum fausta vel infausta existiment tempora, nisi hujus mali magnitudinem ex timore Apostoli pensarem, qui talibus ait: *Timeo vos, ne forte sine causa laboraverim in vobis* (Ibid.).

CAP. 133. — *Quale peccatum clamor in Scriptura sancta appelletur.* Aug. (ibid. c. 50).

Ilinc accedit quod peccata quamvis magna et horrenda, cum in consuetudinem venerint, aut parva, aut nulla esse creduntur, usque adeo ut non solum non occultanda, verum etiam jam prædicanda ac diffamanda videantur. Quando sicut scriptum est: *Laudatur peccator in desideriis anime suæ, et qui iniqua gerit, benedicitur* (Psal. IX). Talis in divinis libris iniquitas clamor vocatur: sicut habes apud Isaiam prophetam de vinea mala: *Expectasti, inquit, ut faceret iudicium, fecit autem iniquitatem, et non justitiam, sed clamorem* (Isai. V). Unde est et illud in Genesi: *Clamor Sodomorum et Gomorrhæorum multiplicatus est* (Gen. XVIII). Quia non solum jam apud eos non puniebantur illa flagitia, verum etiam publice velut lege frequentabantur. Sic nostris temporibus ita multa mala, etsi non talia in aperta consuetudinem jam venerunt ut pro his non solum excommunicare aliquem laicum non audeamus, sed nec clericum degradare. Unde cum exponerem ante aliquot annos Epistolam ad Galatas, in eo ipso loco ubi ait Apostolus: *Timeo vos, ne forte sine causa laboraverim in vobis* (Gal. IV), exclamare compulsum sum: *Uæ peccatis hominum! quæ sola inasitata exhorrescimus, usitata vero pro quibus abluendis Filii Dei sanguis effusus est, quamvis tam magna sint, ut omnino claudi contra se faciant regnum Dei, sæpe vivendo omnia tolerare, sæpe tolerando nonnulla etiam facere cogimur; atque utinam, o Domine, non omnia quæ non potuerimus prohibere, faciamus. Sed vide [videro] utrum me immoderatus dolor incaute aliquid compuleris d-cere.*

CAP. 134. — *Quod duabus ex causis peccemus. August. (ibid., cap. 82).*

Hoc nunc dicam, quod quidem et in aliis opusculorum meorum locis sæpe jam dixi. Duabus ex causis peccamus, aut nondum videndo quid facere debeamus, aut non faciendo quod debere fieri jam videmus. Quorum duorum illud ignorantiae malum est, hoc infirmitatis. Contra quæ quidem pugnare nos convenit, sed profecto vincimur, nisi divinitus adjuvemur, ut non solum videamus quid faciendum sit, sed etiam accedente sanitate delectatio iustitia vincat in nobis earum rerum delectationes, quas vel habere cupiendo, vel amittere metuendo, scientes videntesque peccamus; jam non solum peccatores, quod eramus etiam cum per ignorantiam peccabamus, verum etiam legis prævariatores, cum id non facimus quod faciendum esse jam novimus, vel facimus quod non faciendum esse jam scimus. Quapropter non solum si peccavimus ut ignoscat, propter quod dicimus: *Dimitte nobis debita nostra, sicut et nos dimittimus debitoribus nostris (Matth. vi)*: verum etiam ne peccemus concedat [ut regat], propter quod dicimus: *Ne nos inferas in tentationem (Ibid.)*. Ille rogandus est, cui dicitur in psalmo: *Dominus illuminatio mea, et salus mea (Psal. xxvi)*: ut illuminatio detrahat ignorantiam, salus infirmitatem.

CAP. 135. — *Sine misericordia Dei hominem infructuosam agere penitentiam. August. (ibid. c. 82).*

Nam et ipsa pœnitentia quando digna causa est secundum morem Ecclesiae ut agatur, plerumque infirmitate non agitur. Quia et pudor timor est displicendi, dum plus delectat hominum æstimatio quam iustitia, qua se quisque humiliat pœnitendo. Unde non solum cum agitur pœnitentia, verum etiam ut agatur Dei misericordia necessaria est. Alioquin non diceret Apostolus de quibusdam: *Ne forte det illis Deus penitentiam (II Tim. ii)*. Et ut Petrus amare fieret, premisit evangelista et ait: *Respexit eum Dominus (Luc. xxii)*.

CAP. 136. — *Irremissibile fore peccatum illius, qui non credit in Ecclesia sancta posse omnia peccata dimitti. Augustinus (ibid. c. 85).*

Qui vero in Ecclesia remitti peccata non cre-

A dens, contempnit tantam divini muneris largitatem, et in hac obstinatione mentis diem claudit extremum, reus est illo irremissibili peccato in Spiritum sanctum, in quo Christus peccata dimittit. De qua quæstione difficili in quodam propter hoc solum conscripto libello, enucleatissime, quantum potui, disputavi.

CAP. 137. — *De rebus ad venerabilem locum pertinentibus, non alienandis (Novel. Const. 7, § Si vero, et seq.)*.

Omnes omnino sacerdotes a rerum ecclesiasticarum alienatione se abstineant, pœnas timentes quas Leoniana constitutio minatur, id est, ut is quidem qui comparaverit rem loco venerabili, reddat cujus et antea fuerat, scilicet cum fructibus aliisque emolumentis, quæ in medio tempore facta sunt. Œconomus autem Ecclesiae qui præstare omne lucrum ex huiusmodi prohibita alienatione senserit, vel qui Ecclesiae damnum effecerit, a ministerio submoveatur, ita ut in posterum œconomus non sit. Non solum autem ipse, sed etiam successores ejus hac lege teneantur, sive archiœconomus alienaverit, sive respiciens alienantem episcopum non prohibuerit, multo magis si consenserit. Tabellionem, qui talia interdicta instrumento conscripsit, perpetuo exilio tradi oportet. Magistratus autem qui eadem instrumenta admiserunt, et officiales qui operam dederunt, monumentis intimentur, et donationes vel certe alienationes actis intervenientibus infirmentur.

C Non solum magistratus, sed etiam dignitates aliae facultatibus suis cedant. Remittit autem constitutio ea quæ in præterito tempore acta sunt. Excipit autem quosdam contractus, quos in sequentibus exponit capitulis, per quos ecclesiarum immobiles res alienari possunt. Xenodochium, id est, locus venerabilis, in quo peregrini suscipiuntur; ptochotrophium, id est, locus venerabilis, in quo pauperes et infirmi homines pascuntur; nosocomium, id est, locus venerabilis, in quo ægroti homines curantur; orphanotrophium, id est, locus venerabilis, in quo parentibus orbi pueri pascuntur; gerontocomium, id est, locus venerabilis, in quo pauperes, et propter senectutem solam infirmi homines curantur; brephothrophium, id est, locus venerabilis in quo infantes aluntur.

NOTÆ IN DECRETUM IVONIS.

PRÆFATIO AD LECTOREM.

Decretum Ivonis, quod tandiu delituerat, et a theologis ac jurisperitis omnibus etiam, non visum, tantopere desiderabatur, superiori sæculo vir clarissimus Joannes Molinaus summo totius Ecclesiae honore typis primum excudi curaverat, ut ipsemet in sua præfatione docuit. Sed quia unicuique ei suppetebat manuscriptum exemplar, nec satis otii ad conferenda cum illo conciliorum et Patrum originalia, accuratum plane aut absolutum edere non potuerat. Quod erat peritorum omnium desiderium, qui tantum opus tot mendis scaterere dolabant: nullus tamen de eo investigando restaurandove cogitabat; cum alii aliis operibus occuparentur, alii quorum hoc sæculo maxima pars, novis auctoribus operibusque, neglectis penitus antiquis, quod maxime dolendum, toti incumbere. Nos, quia iamjam prelo subiiciendum opus audieramus; ne